


M I S S A L E
R O M A N U M,
EX DECRETO SACROSANCTI
CONCILII TRIDENTINI RESTITUTUM,
PII V. PONT. MAX. JUSSU EDITUM,
ET
CLEMENTIS VIII. PRIMUM,
NUNC DENUO
URBANI PAPÆ VIII.
AUCTORITATE RECOGNITUM.
ET NOVORUM FESTORUM MISSIS HUCUSQUE CONCESSIS AUCTUM.
HIS ACCEDUNT FESTA, QUÆ EX INDULTO APOSTOLICO
IN REGNO, HIBERNIÆ CELEBRANTUR.



D U B L I N I I.

TYPIS PATRITII WOGAN, No. 23, PROPE VETEREM PONTEM.
CUM SUPERIORUM PERMISSU ET APPROBATIONE.

MDCCCLXXVII.

22-25

URBANUS PAPA VIII.

AD FUTURAM REI MEMORIAM.

SI quid est in rebus humanis plane divinum, quod nobis superni cives (si in eos invidia caderet) invidere possent, id certe est sacrosanctum Missæ sacrificium cujus beneficio fit, ut homines quadam anticipatione possideant in terris cælum, dum ante oculos habent, & manibus contrectant ipsum cœli terræque Conditorum. Quo magis est mortalibus laborandum, ut hoc tantum privilegium cultu atque honore debito tueantur, caveantque Angelos negligentiae osores, qui sunt æmuli venerationis. Hinc factum est ut hujus sacri Mysterii celebrandi rationem, ac preces, quas summi Pontifices prædecessores nostri Pius V. & Clemens VIII. diligentissime recognosci atque instaurari curaverunt: Nos quoque eorum vestigiis inhærentes, iterum examinari, & si quid forte in iis assiduus (quod plerumque contingit) temporis cursus corruperit, restituere jusserimus. Quamobrem sicuti nuper ad divini Officii nitorem reformari Breviarium, ita demum hujus exemplo ad divini Sacrificii ornamentum corrigi Missale mandavimus. Et quoniam hæc quasi alas, quas Sacerdos instar Cherubim prisce mystici tabernaculi quotidie pandit ad verum mundi propitiatorium, decet esse plane geminas, atque uniformes, hujus rei curam commisimus viris eruditis, ac piis, quorum diligentia ita opus perfectum est, ut nihil desiderari amplius possit. Nam rubricæ, quæ sensim ab usu ritumque vetere degeneraverant, in pristinum restitutæ; quæ vero non ita captui legentium accommodatæ videbantur, clarius explicatæ: præterea collata omnia cum codice sacre Scripturæ vulgatæ editionis, quæque diversa irreperant, ad ejus unius exemplum normamque correctæ sunt. Verumtamen parum prodesse consuevit solertia Correctorum, nisi ad eam par Typographorum accedat industria; propterea dilecto filio Andrea Brogiotto Typographiæ nostræ Apostolicæ Præfecto mandavimus, ut Missale ita expurgatum in lucem emittat: sed quæ in posterum extra Urbem imprimi contigerit, ea non aliter quam ad exemplar in dicta Typographia nunc editum imprimi posse permittimus, requisita tamen prius, & in scriptis obtenta dilectorum filiorum Inquisitorum hæreticæ pravitatis in iis locis in quibus fuerint, ubi vero non fuerint, Ordinariorum locorum facultate; alioquin si absque ea dictum Missale ipsi posthac imprimere, aut Bibliopolæ vendere præsumpserint, Typographiæ & Bibliopolæ extra Statum nostrum Ecclesiasticum existentes excommunicationis latæ sententiæ à qua nisi à Romano Pontifice, præterquam in mortis articulo constituti, absolvi nequeant: in alma vero Urbe, & reliquo Statu Ecclesiastico commorantes, quingentorum ducatorum auri de Camera, ac amissionis librorum & typorum omnium Cameræ prædictæ applicandorum pœnas absque alia declaratione irremissibiliter incurrant eo ipso: & nihilominus eorundem Missalium per eos de cætero absque hujusmodi licentia imprimendorum aut vendendorum usum ubique locorum & gentium sub eisdem pœnis interdiciamus, & prohibemus. Ipsi autem Inquisitores seu Ordinarii locorum, antequam hujusmodi licentiam & facultatem concedant, Missalia ab ipsis Typographis imprimenda, & postquam impressa fuerint, cum hoc Missali auctoritate nostra recognito diligentissime conferant, nec in illis aliquid addi vel minui permittant. In ipsa vero licentia originalia obtinenda, de collatione facta, & quod omnino concordent, manu propria attestentur: cujus licentiæ copia initio vel in fine cujusque Missalis semper imprimatur. Quod si secus fecerint, Inquisitores privationis suorum officiorum, ac inhabilitatis ad illa, & alia in posterum obtinenda; Ordinarii autem locorum suspensionis à divinis, ac interdicti ab ingressu Ecclesiæ, eorum vero Vicarii privationis similiter officiorum & beneficiorum suorum, & inhabilitatis ad illa, & alia in posterum obtinenda, ac insuper excommunicationis absque alia declaratione pœnas incurrant eo ipso. Cæterum pauperum Ecclesiarum, Clericorum & personarum Ecclesiasticarum, ac Typographorum & Bibliopolarum quorumcumque indemnitate ex benignitate Apostolica rationem habentes, eisdem Missalia hæcenus impressa penes se habentibus, ut ea retinere & illis uti, eaque vendere respective possint, similiter permittimus & indulgemus. Non obstantibus licentiis, indultis & privilegiis quibuscumque Typographis per Nos seu Romanos Pontifices prædecessores nostros Missale imprimendi concessis, quæ per præsentem expresse revocamus & revocata esse volumus, necnon constitutionibus, & ordinationibus Apostolicis generalibus vel specialibus, in contrarium præmissorum quomodocumque concessis, approbatis & confirmatis. Quibus omnibus, etiam si de illis eorumque totis tenoribus specialis, specifica, expressa mentio habenda esset, tenores hujusmodi præsentibus pro expressis habentes, hac vice dumtaxat specialiter, & expresse derogamus. Volumus autem ut præsentium transumptis etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis, eadem prorsus fides adhibeatur, quæ ipsis præsentibus adhiberetur, si essent exhibitæ vel ostensæ. Datum Romæ apud S. Mariam Majorem sub Annulo Piscatoris die 2. Septembris 1634. Pontificatus nostri anno duodecimo.

M. A. MARALDUS.

J. SAVENIER.

C L E M E N S P A P A X I I I .

U R B I S E T O R B I S .

Sanctissimus Dominus noster Clemens Papa XIII. inter multiplices Apostolatus sui curas, Sacrorum Rituum amplitudinem præ oculis habere non prætermittens pia meditatione perpendit, quod quamvis compertum sit festis quibuscumque diebus Ecclesiam jugi cultu Sacrosanctæ & individuae Trinitatis solennia colere, cum Deum ipsum, qui est Pater, & Filius, & Spiritus Sanctus rerum omnium opifex, & ad quem omnia referenda sunt, in festis quoque Deiparæ, & aliorum Sanctorum venerari, & glorificare profiteatur; maxime tamen deceat Dominico die, quo Deus ipse lucem condidit, quo Jesus Christus à mortuis resurrexit, quo sedens ad dexteram Patris Paraclitum Spiritum Sanctum misit de Cælis, quo proinde ineffabile, & incomprehensibile Trinitatis Mysterium manifestum factum est nobis, quemadmodum in Divino Officio tum ad Primam recitando Sybolum *Quicumque*, tum plerumque in ultimo tertii Nocturni responsorio Augustissimæ Triadis fit commemoratio, idem, & in Missæ Sacrificio peragi, & in ea potissimum parte, qua contestamur dignum, & justum esse Deo gratias agere, eumque collaudare, benedicere, & prædicare; idcirco ad majorem, splendidioremque tanti Mysterii gloriam, ut Fideles quoque, qui die Dominico Missæ interesse debent, latius, atque apertius Sacrosancti ejusdem Mysterii præconia audientes, debitum & ipsi servitutis obsequium supremæ impendant Majestati, statuit, atque decernit, quod singulis Dominicis diebus totius anni, quibus Præfationes propriæ per rubricas non sunt assignatæ, incipiendo à Dominica Sanctissimæ Trinitatis currentis anni M.DCC.LIX. Sacerdotes omnes utriusque Cleri Sæcularis nempe, atque Regularis Præfationem de Sanctissima Trinitate, quæ jam inde à vetustissimis temporibus in usu fuisse dignoscitur, in Missa recitare teneantur, & ita inviolabiliter observari mandavit. Hac die tertia Januarii 1759.

D. F. CARD. TAMBURINUS PRÆFECTUS.

Loco † Sigilli.

M. MAREFUSCUS, S. R. C. SECRETARIUS.



APPROBATIO ORDINARIÆ.

NOS, &c. Impressionem Missalis Rom. in officina Morrifiana elaboratam, et cum exemplaribus Romæ recens editis fideliter collatam, approbamus, et in lucem edi permittimus. Datum Dub. hac die 31. Aug. A. D. 1776.

JOANNES CARPENTER, A. D. H. P. & M.

DE ANNO ET EJUS PARTIBUS.

ANNUS menses habet duodecim, hebdomadas duas & quinquaginta, & diem unum : dies vero trecentos sexaginta quinque, & fere sex horas : tanto enim temporis intervallo Sol Zodiacum perlustrat. Quater autem sex horæ singulis quaternis annis diem constituunt : hinc annus ille intercalaris, Bissextus, vel Bissextilis dicitur.

De Anni correctione, ejusque necessitate, ac Calendario Gregoriano.

QUOD dictum est, Annum continere trecentos & sexaginta quinque dies, & fere sex horas ; intelligendum est, sex horas non esse integras, cum ad earum complementum aliqua minuta deficient.

Ex quorum minutorum neglectu progressum est, ac si annus ultra dies 365. contineret integras sex horas ; & factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem, qui causam dederunt, ut Æquinoctium vernum sedem suam mutaverit.

Cui malo occurrens Gregorius XIII. non solum Æquinoctium vernum restituit in pristinam sedem, a qua jam a Concilio Nicæno, decem circiter diebus in anno correctionis 1582. præcedendo recesserat, quod a Concilio ad xij. Kal. Aprilis fuerat constitutum, & xiv. Lunam Paschalem suo in loco reposuit : sed viam quoque tradidit, & rationem qua caveretur, ut in posterum & Æquinoctium vernum, & xiv. Lunæ Paschalis a propriis sedibus numquam removerentur.

Ut enim Æquinoctium vernum ad xij. Kal. Aprilis restitueretur, statuit, ut dicti decem dies in mense Octobris ipsius anni 1582. eximerentur, ut post quartam diem Octobr. S. Francisco sacram, sequens dies non esset quinta, sed decima quinta Octobr. Et ita error, qui in præteritum tot annorum circulis irrepsit, in momento temporis fuit correctus.

Ut autem in posterum idem error vitaretur, ne a xij. Kal. Apr. Æquinoctium vernum recederet, statuit idem Gregorius, Bissextum quarto quoque anno (uti mos est) continuari debere, præterquam in centesimis annis ; qui quamvis Bissextiles antea semper fuerint, qualem etiam esse voluit annum 1600. anno correctionis proximum, post eum tamen, qui deinceps consequentur, centesimi non omnes Bissextiles essent, sed in quadringentis quibusque annis primi quique tres centesimi sine Bissextis transigerentur ; quartus vero quisque centesimus esset Bissextilis, ita ut annus 1700, 1800, 1900. Bissextiles non sint, anno vero, 2000. more consueto dies Bissextus intercaletur, Februario dies 29. continente, idemque ordo intermittendi intercalandique Bissextum diem in quadringentis quibusque annis perpetuo conservaretur.

De Cyclo Decennovennali Aurei numeri.

CYclus decennovennalis Aurei numeri est revolutio numeri 19. annorum ab 1. usque ad 19. qua revolutione peracta, iterum ad unitatem reditur. Verbi gratia : Anno 1577. numerus cycli decennovennalis, qui dicitur Aureus, est 1. anno sequenti 1578. est 2. & ita deinceps in sequentibus annis, uno semper amplius, usque ad 19. qui Aureus numerus cadet in annum 1595. post quem iterum ad unitatem redeundum est, ita ut anno 1596. Aureus numerus sit rursus 1. & anno 1597. sit 2. &c.

Igitur ut Aureus numerus quolibet anno proposito inveniatur, composita est sequens tabella Aureorum numerorum, cujus usus incipit ab anno correctionis 1582. inclusive, duratque in perpetuum. Ex ea enim Aureus numerus cujuslibet anni post annum 1582. reperietur hoc modo.

6.	7.	8.	9.	10.	11.	12.	13.	14.
15.	16.	17.	18.	19.	1.	2.	3.	4.

Anno 1582. tribuatur primus numerus tabellæ, qui est 6. secundus autem qui est 7. sequenti anno 1583. & ita deinceps in infinitum, donec ad annum, cujus Aureum num. quæris, perveniatur, redeundo ad principium tabellæ, quotiescumque eam percurreris. Nam numerus, in quem annus propositus cadit, dabit Aureum numerum quæsitum.

De Epactis & Noviluniis.

EPACTA nihil aliud est quam numerus dierum, quibus annus Solaris communis dierum 365. annum communem Lunarem dierum 354. superat : ita ut Epacta primi anni sit 11. cum hoc numero annus Solaris communis Lunarem annum communem excedat : atque adeo sequenti anno Novilunia contingant 11. dieb. prius, quam anno primo. Ex quo fit, Epactam secundi anni esse 22. cum eo anno rursus annus Solaris Lunarem annum superet 11. dieb. qui additi ad 11. dies primi anni, efficiunt 22. ac proinde finito hoc anno Novilunia contingere 22. diebus prius, quam primo anno : Epactam autem tertii anni esse 3. quia si rursus 11. dies ad 22. adjiciantur, efficietur numerus 33. a quo si rejiciantur 30. dies, qui unam Lunationem Embolismalem constituunt, relinquentur 3. atque ita deinceps. Progrediuntur enim Epactæ omnes per continuum augmentum 11. dierum, abjectis tamen 30. quando rejici possunt. Solum quando perventum erit ad ultimam Epactam Aureo num. 19. respondentem, quæ est 29. adduntur 12. ut abjectis 30. ex composito num. 41. habeatur rursus Epacta 11. ut in principio. Quod ideo fit, ut ultima Lunatio Embolismica, currente Aureo numero 19. sit tantum 29. dierum. Si enim 30. dies contineret ut aliæ sex

[B]



Lunationes Embolificæ, non redirent Novilunia post 19. annos Solares ad eisdem dies, sed versus calcem mensium prolaberentur, contingerentque uno die tardius, quam ante 19. annos. De qua re plura invenies in libro novæ rationis restituendi Kalendarii Romani. Sunt autem novemdecim Epactæ, quot & Aurei numeri, respondebantque ipsis Aureis numeris ante Kalendarii correctionem eo modo, quo in hac tabella dispositæ sunt.

Tabella Epactarum respondentium Aureis numeris ante Kalendarii correctionem.

Aurei Numeri.	1.	2.	3.	4.	5.	6.	7.
Epactæ.	xj.	xxij.	ij.	xiv	xxv	vj.	xvij.
8	9.	10.	11.	12.	13.		
xxvij.	ix	xx	j.	xij	xxij.		
14.	15.	16.	17.	18.	19		
iv	xv.	xxvj	vij.	xvij.	xxix.		

Quia vero cyclus decemnoventialis Aurei numeri imperfectus est, cum Novilunia post 19. annos Solares non præcise ad eadem loca redeant, ut dictum est, imperfectus etiam erit hic cyclus 19. Epactarum. Quamobrem ita emendatus est, ut in posterum loco Aurei numeri, & dictarum 19 Epactarum, utamur 30. numeris Epactalibus ab 1. usque ad 30 ordine progredientibus, quamvis ultima Epacta, sive quæ ordine est trigesima, notata numero non sit, sed signo hoc *, propterea quod nulla Epacta esse possit 30. Variis autem temporibus ex his 30. Epactis respondent decem & novem Aureis numeris variæ decem & novem Epactæ, prout Solaris anni ac Lunaris æquatio exposcit: quæ quidem decem & novem Epactæ progrediuntur, ut olim, per eundem numerum 11. adduntque semper 12. illi Epactæ quæ respondet Aureo numero 19. ut habeatur sequens Epacta respondens Aureo numero 1. ob rationem paulo ante dictam. Id quod sequens tabella perspicuum faciet, quæ continet Aureos numeros, & Epactas inter se respondentes ab anno correctionis 1582. post detractiorem x. dierum, usque ad annum 1700. exclusivè. Quamvis autem vulgares Epactæ mutantur in Martio, re ipsa tamen in principio anni mutandæ sunt, una cum Aureo numero in cuius locum hæ nostræ Epactæ succedunt

Tabella Epactarum respondentium Aureis numeris ab Idibus Octobris anni correctionis 1582. detractis prius decem diebus, usque ad annum 1700. exclusivè.

Aurei Numeri.	6.	7.	8.	9.	10.	11.
Epactæ.	xxvj.	vij.	xvij.	xxix.	x.	xxj.
12.	13.	14.	15.	16.	17.	
ij.	xij.	xxiv.	v.	xvj.	xxvij.	
18.	19.	1.	2.	3.	4.	5.
vij.	xix.	j.	xij.	xxij.	iv.	xv.

Tabella Epactarum respondentium Aureis numeris ab Anno 1700. usque ad Annum 1900. exclusivè.

Aurei Num.	10.	11.	12.	13.	14.	15.	16.	17.	18.	19.
Epactæ.	ix.	xx.	j.	xij.	xxij.	iv.	xv.	xxvj.	vij.	xvij.
1.	2.	3.	4.	5.	6.	7.	8.	9.		
*	xj.	xxij.	ij.	xiv.	xxv.	vj.	xvij.	xxvij.		

Itaque si Epacta quocumque anno proposito invenienda sit, quærendus est Aureus numerus illius anni in superiori ordine illius tabellæ, quæ illi tempori, in quo propositus annus continetur, congruit. Mox enim sub Aureo numero in inferiori ordine tabellæ reperietur Epacta anni propositi, vel certe hoc signum *. Ubi ergo illa Epacta vel signum * in Kalendario inventum fuerit, eo die Novilunium fiet. Invenietur autem Aureus numerus, vel ex antecedente Canone, vel ex tabella Epactarum proposito tempori congruente,tribuendo primum Aureum numerum illius tabellæ illi anno, a quo usus tabellæ incipit, & secundum Aureum numerum sequenti anno, &c. Eodem modo reperietur Epacta sine Aureo numero, si prima Epacta tabellæ tribuatur illi anno, a quo ejus usus incipit, & secunda Epacta sequenti anno, &c.

Exemplum: Anno correctionis 1582. Aureus numerus est 6. nempe primus primæ tabellæ, cujus usus incipit ab Idibus Octobris dicti anni 1582. detractis prius x. diebus. Erit ergo tunc Epacta xxvj. quæ sub Aureo numero 6. collocatur: fietque Novilunium die 27. Octobris, & 26. Novembris, & 25. Decembris. Item anno 1583. jam correcto, Aureus numerus est 7. cui in eadem tabella supposita est Epacta vij. quæ toto eo anno in Kalendario Novilunia indicabit. Ut in Januario, die 24, in Febuario, die 22. in Martio, die 24, &c

Tabella litterarum Dominicalium ab Idibus Octobris anni correctionis 1582. (detractis prius x. diebus) usque ad annum 1700. exclusivè.

c b	A	f e d	c	A g f	e	c b A
	g		b		d	
g	e d c	b	g f e	d	b A g	f
f		A		c	e	d

Usus hujus Tabellæ hic est. Anno correctionis 1582. post Idus Octobris (detractis prius x. dieb.) tribuatur littera c, primæ cellulae, & sequenti anno 1583. littera b, secundæ, & anno 1584. dentur litteræ a, g, tertiæ cellulae, & sic deinceps aliis annis ordine aliæ cellulae tribuantur, donec ad annum propositum perventum sit, redeundo ad principium tabellæ, quotiescumque eam percurrens. Nam cellula, in quam annus propositus cadit, dummodo minor sit, quam annus 1700. dabit litteram Dominicalem propositi anni. Quæ si unica occurrerit, annus erit communis; si vero duplex, Bissextilis: & tunc superior littera Dominicam diem ostendet in Kalendario a principio anni usque ad festum S. Matthiæ Apostoli; inferior autem ab hoc festo usque ad finem anni. Exempli gratia. Sit invenienda littera Dominicalis anni 1587. numera ab anno 1582. quem tribue primæ litteræ c, usque ad annum 1587. tribuendo

lingulis cellulis singulos annos (computando geminas litteras quascunque, superiorem & inferiorem pro una cellula) cadetque annus 1587. in litteram d, quæ sextum locum in Tabella occupat. Est ergo toto eo anno littera Dominicalis d, annusque communis est, cum littera simplex occurrat. Rursus si sit investiganda littera Dominicalis anno 1616. numera ab anno 1582. ut dictum est, usque ad annum 1616. redeundo ad principium Tabellæ, postquam eam percurreris, perveniesque ad duas hasce litteras c, b, septimo loco positas. Est ergo annus ille Bissextilis, cum duplex littera occurrat; superiorque littera c Dominicam diem indicabit a principio anni illius usque ad festum sancti Matthiæ, inferior autem b, in reliqua parte anni.

Tabella Litterarum Dominicalium ab Anno 1700. inclusive, usque ad Annum 1800. exclusive.

d	b A g	f	d c b	A	f e d	c	A g f
c		e		g		b	
e	c b A	g	e d c	b	g f e		
d		f		A			

Ufus hujus tabellæ est idem, qui superioris tabellæ incipientis ab Anno Correctionis 1582. eo solo dempto, quod Anno 1700. cum non sit Bissextus, in prima cellula non debeat tribui bina littera d, c, sed tantum c. Nam in ista cellula ponitur hæc bina littera, propter futuros Bissextiles annos, scilicet 1708. 1756. 1784.

DE INDICTIOE.

Indictio est revolutio 5. annorum ab 1. usque ad 5. qua revolutione peracta, iterum reditur ad unitatem, initiumque sumit quilibet annus hujus cycli a Januario in Bullis Pontificiis. Et quoniam indictionum frequens usus est in Diplomatis & scripturis publicis, facile annum Indictionis currentem quolibet anno proposito inveniemus ex sequenti Tabella, cujus usus perpetuus est, initium tamen sumit ab anno correctionis 1582.

Tabella indictionis ab anno correctionis 1582.

10.	11.	12.	13.	14.	15.	1.
2.	3.	4.	5.	6.	7.	8.
						9.

Nam si anno 1582. tribuas primum numerum, qui est 10. & sequenti anno 1583. secundum numerum, qui est 1. & sic deinceps usque ad annum propositum, redeundo ad principium Tabellæ, quotiescunque eam percurreris, cadet annus propositus in Indictionem quæ queritur.

DE FESTIS MOBILIBUS.

Quoniam ex Decreto sacri Concilii Nicæni Pascha, ex quo reliqua Festa mobilia pendent, celebrari debet die Dominico, qui proxime succedit xiv. Lunæ primi mensis, (is vero apud Hebræos vocatur primus mensis, cujus xiv. Luna vel cadit in diem vèrni Equinoctii, quod die 21. mensis Martii contingit, vel propius ipsum sequitur;) efficitur, ut si Epacta cujusvis anni inveniat, & ab ea in Calendario notata inter diem octavum Martii inclusive, & quintum

Aprilis inclusive (hujus diem Epactæ xiv. Luna cadet in diem Equinoctii vèrni, id est, in diem 21. Martii, vel eum propius sequitur) numerentur inclusive deorsum versus dies quatuordecim, proximus dies Dominicus diem hunc xiv. sequens (ne cum Judæis conveniamus, si forte dies xiv. Lunæ caderet in diem Dominicum) sit dies Paschæ.

Exemplum: Anno 1605. Epacta est x. & littera Dominicalis b. Et quoniam invenimus Epactam x. inter diem 8. Martii, & 5. Aprilis inclusive positam esse e regione diei 21. Martii, a quo inclusive si deorsum versus numerentur 14. dies, inveniemus xiv. Lunam, die 3. Aprilis, quæ est Dominica, cum e regione illius sit littera Dominicalis b. Ne igitur cum Judæis conveniamus, qui Pascha celebrant die xiv. Lunæ, sumenda est littera Dominicalis b, quæ sequitur xiv. Lunam, nempe ea quæ e regione diei 10. Aprilis collocatur, atque eo anno Pascha celebrandum erit die 10. Aprilis. Item anno 1640. Epacta est xxix. & duplex littera Dominicalis d, c, cum annus ille sit Bissextilis. Si igitur ab Epacta xxix. quæ e regione diei 1. Aprilis ponitur inter diem 8. Martii, & 5. Aprilis inclusive, numerentur dies 14. cadet xiv. Luna in diem 14. Aprilis. Et quia tunc currit posterior littera Dominicalis, nempe c, quæ post diem 14. Aprilis, id est, post xiv. Lunam collocata est e regione diei 18. Aprilis, celebrabitur eo anno Pascha die 18. Aprilis.

Cæterum ut facilius omnia Festa mobilia inveniantur, composita sunt duæ sequentes tabulæ Paschales, una antiqua, & nova altera. Ex antiqua ita Festa mobilia reperientur. In latere sinistro tabulæ accipiat Epacta currens, & in linea litterarum Dominicalium sumatur littera Dominicalis currens, infra tamen Epactam currentem, na ut si littera Dominicalis currens reperiat e regione Epactæ currentis, assumenda sit eadem littera Dominicalis proxime inferior. Nam e regione hujus litteræ Dominicalis omnia Festa mobilia continentur.

Exemplum. Anno 1605. Epacta est xxj. & littera Dominicalis A. Si igitur in tabula antiqua numeratur littera Dominicalis A quæ primo infra Epactam xxj. occurrat, reperietur e regione hujus litteræ Dominica Septuagesimæ die 22. Januarii, dies Cinerum 8. Februarii, Pascha 26. Martii, Ascensio Domini 4. Maii, Pentecostes 14. Maii, & festum Corporis Christi 25. Maii. Dominica autem inter Pentecosten & Adventum eo anno erunt 28. & Adventus celebrabitur die 3. Decembris. Et sic de cæteris. Item anno 1605. Epacta est x. & littera Dominicalis b. quæ in tabula reperitur e regione Epactæ x. Quare sumenda est alia littera b, quæ proxime infra Epactam invenitur; e regione cujus invenies Septuagesimam die 6. Februarii, diem Cinerum 23. Februarii, Pascha 10. Aprilis, &c.

Notandum autem est, quod quemadmodum in anno communi, cadente littera Dominicali e regione Epactæ in tabula antiqua sumitur eadem littera proxima infra

Epactam, ut diximus ; ita quoque in anno Bissextili, si alterutra duarum litterarum Dominicalium tunc currentium e regione Epactæ reperiatur, assumenda sunt alia duæ similes litteræ proxime inferiores, ut Festa mobilia inveniantur.

Ex tabula vero Paschali nova, ita eadem Festa mobilia reperientur. In cellula litteræ Dominicalis currentis quærat Epacta currens. Nam e directo omnia Festa mobilia deprehenduntur. Ut anno 1609. in cellula litteræ Dominicalis D, tunc currentis e regione Epactæ xxiv. quæ eodem anno currit, habetur Septuagesima die 15. Februarii, dies Cinerum 4. Martii, Pascha 19. Aprilis, &c.

Sed si antiqua, si nova tabula Paschali utamur, inveniendæ sunt omnia Festa mobilia in annis Bissextilibus per litteram Dominicalem posteriorem, quæ nimirum currit post festum sancti Matthiæ Apostoli, ne scilicet ambigamus, utra duarum litterarum pro hoc aut illo festo indagando accipiendæ sit : ita tamen, ut Septuagesimæ, & diei Cinerum inventæ in Januario, aut Febuario, addatur unus dies. Quod ideo fit, quia ante diem sancti Matthiæ currit prior littera Dominicalis, quæ in Calendario posteriorem semper sequitur: post festum autem sancti Matthiæ in Febuario licet posterior littera currat, additur tamen tunc dies intercalaris, ita ut dies 24. Februarii dicatur 25. & dies 25. dicatur 26. &c. Quod si dies Cinerum cadat in Martium, nihil addendum est, quia tunc & littera posterior currit, & dies mensis propriis numeris respondens, cum dies intercalaris Febuario sit additus. Immo nisi per posteriorem litteram investigarentur, non inveniretur recte Septuagesima in anno Bissextili currente Epacta xxiv. vel xxv. & littera Dominicali d, c, ut in secundo ac tertio exemplo perspicuum fiet, pro annis 4088. & 3784. Exempli gratia. Anno 2096. Bissextili Epacta erit v. & litteræ Dominicales A, g. Si igitur per posteriorem litteram quæ est g, Festa mobilia investigentur, reperietur Septuagesima die 11. Februarii, & dies Cinerum, 28. Februarii. Si autem addatur unus dies, cadet Septuagesima in diem 12. Febr. quæ est Dominica, & dies Cinerum in diem 29. Februarii, quæ est FERIA quarta. Pascha autem & reliqua Festa in eos dies cadent, qui in tabula expressi sunt. Item anno 4088. Bissextili Epacta erit xxiv. & litteræ Dominicales d, c. Si igitur per litteram c, quæ posterior est, inquirentur Festa mobilia,

invenietur Septuagesima die 21. Februarii. & si addatur unus dies, cadet in diem 22. Februarii, quæ est Dominica. Dies autem Cinerum cadet in diem 10. Martii, quare nihil additur, &c. Rursus anno 3784. Bissextili Epacta erit xxv. & litteræ Dominicales d, c. Ergo iterum per posteriorem c, reperietur Septuagesima die 21. Februarii, hoc est, addita 1. die 22. Quod si per priorem litteram d, in utroque horum duorum annorum agendum esset, nihil efficeretur, cum infra Epactas xxiv. & xxv. littera d. indicet Septuagesimam die 15. Februarii, quod falsum esset, cum eo anno posterior littera c. Pascha offerat die 25. Aprilis, ac proinde Septuagesima die 22. Februarii celebranda sit; ut liquido constat, si a die Paschæ, Dominicæ retro numerentur usque ad Septuagesimam.

In priori porro tabula Paschali antiqua reformata, Epactis ad sinistram præposuimus Aureos numeros eodem ordine, quo ante emendationem Calendarii collocari solebant, ut ex iis Festa mobilia invenirentur. Hoc autem idcirco a nobis factum est, ut Pascha, cæteraque Festa mobilia a Concilio Nicæno usque ad annum 1582. quilibet indagare possit. Eodem autem prorsus artificio ex Aureis numeris ita distributis Festa mobilia eruuntur, quo ex Epactis. Sit enim explorandum, exempli causa, quando Festa hæc celebrata fuerint anno 1450. quoniam eo anno Aureus numerus fuit 7. & littera Dominicalis d. si Aureus numerus 7. in sinistro latere accipiat, & prima littera d. infra eum occurrens, reperietur e regione hujus litteræ d. Septuagesima die 1. Februarii, dies Cinerum 18. Februarii, Pascha die 5. Aprilis, &c.

Adventus Domini celebratur semper die Dominico, qui propinquior est festo S. Andreæ Apostoli, nempe a die 27. Novembris inclusive, usque ad diem 3. Decembris inclusive : ita ut littera Dominicalis currens, quæ reperitur in Calendario a die 27. Novembris, usque ad diem 3. Decembris, indicet Dominicam Adventus. Ut, verbi gratia, si littera Dominicalis est g, Dominica Adventus cadet in diem 2. Decembris, quia ibi est littera g, in Calendario, &c.

Ad finem tandem Tabularum Paschalium appositæ est Tabula temporaria multorum annorum, e regione quorum omnia Festa mobilia inveniuntur ; quæ quidem Tabula ex Tabulis Paschalibus excepta est, ex quibus infinitæ aliæ erui possunt pro quibuscumque annis.

QUATUOR TEMPORA.

Quatuor Tempora celebrantur, quarta, & sexta FERIA, ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, & post Festum Exaltationis sanctæ Crucis.

NUPTIÆ QUANDO CELEBRARI, non possint juxta Decretum Concilii Tridentini.

A Dominica prima Adventus usque in diem Epiphaniæ, & a FERIA quarta Cinerum usque in Octavam Paschatis inclusive, sancta Synodus solemnitates nuptiarum prohibet. In aliis vero temporibus nuptias solemniter celebrari permittit.

T A B U L A P A S C H A L I S

ANTIQUA REFORMATA.

Aur. Numer.	Cyclus Epactarum	Litteræ Domini- cales.	Septua- gesima.	Dies Cine- rum.	P A S- C H A.	Ascensio Domini.	Pente- costes.	Corpus Christi.	Dnicæ post Pent.	Prima Do- minica Adventus.
16 5 13 2	xxij xxij xxj xx xix	d e f g	Jan. 18 19 20 21	Febr. 4 5 6 7	Martij 22 23 24 25	Aprilis 30 1 Maij.	Maij 10 11 12 13	Maij 21 22 23 24	28 28 28 28	29. Nov. 30 1. Dec. 2
10 18 7	xvij xvij xvj xv xiv	A b c d e	22 23 24 25 26	8 9 10 11 12	26 27 28 29 30	4 5 6 7 8	14 15 16 17 18	25 26 27 28 29	28 27 27 27 27	3 27 Nov. 28 29 30
15 4 12	xij xij xj x ix	f g A b c	27 28 29 30 31	13 14 15 16 17	31 1. Apr. 2 3 4	9 10 11 12 13	19 20 21 22 23	30 31 1. Jun. 2 3	27 27 27 26 26	1. Dec. 2 3 27. Nov. 28
1 9 17	vij vij vj v iv	d e f g A	1. Febr. 2 3 4 5	18 19 20 21 22	5 6 7 8 9	14 15 16 17 18	24 25 26 27 28	4 5 6 7 8	26 26 26 26 26	29 30 1. Dec. 2 3
6 14 3	ij ij j * xxix	b c d e f	6 7 8 9 10	23 24 25 26 27	10 11 12 13 14	19 20 21 22 23	29 30 31 1. Jun. 2	9 10 11 12 13	25 25 25 25 25	27. Nov. 28 29 30 1. Dec.
11 19 8	xxvij xxvij xxvj xxiv	g A b c d	11 12 13 14 15	28 1. Mar. 2 3 4	15 16 17 18 19	24 25 26 27 28	3 4 5 6 7	14 15 16 17 18	25 25 24 24 24	2 3 27. Nov. 28 29
		e f g A b c	16 17 18 19 20 21	5 6 7 8 9 10	20 21 22 23 24 25	29 30 31 1. Junij 2 3	8 9 10 11 12 13	19 20 21 22 23 24	24 24 24 23 23	30 1. Dec. 2 3 27 Nov. 28

T A B U L A P A S C H A L I S

N O V A R E F O R M A T A.

Litteræ Domi- nicales.	Cyclus Epactarum.	Septuage- sima.	Dies Cine- rum.	PASCHA.	Ascensio Domini.	Pente- costes.	Corpus Christi.	Dnicæ inter Pent.& Adv.	Prima Domi- nica Advent.
D	23.	18 Janu.	4 Febr.	22 Mart.	30 Apr.	10 Maij	21 Maij	28	29 Nov.
	22. 21. 20. 19. 18. 17. 16.	25 Janu.	11 Febr.	29 Mart.	7 Maij	17 Maij	28 Maij	27	29
	15. 14. 13. 12. 11. 10. 9.	1 Febr.	18 Febr.	5 April.	14 Maij	24 Maij	4 Junij	26	29
	8. 7. 6. 5. 4. 3. 2.	8 Febr.	25 Febr.	12 April.	21 Maij	31 Maij	11 Junij	25	29
	1. * 29. 28. 27. 26. xxv. 25. 24.	15 Febr.	4 Mart.	19 April.	28 Maij	7 Junij	18 Junij	24	29
E	23. 22.	19 Janu.	5 Febr.	23 Mart.	1 Maij	11 Maij	22 Maij	28	30 Nov.
	21. 20. 19. 18. 17. 16. 15.	26 Janu.	12 Febr.	30 Mart.	8 Maij	18 Maij	29 Maij	27	30
	14. 13. 12. 11. 10. 9. 8.	2 Febr.	19 Febr.	6 April.	15 Maij	25 Maij	5 Junij	26	30
	7. 6. 5. 4. 3. 2. 1.	9 Febr.	26 Febr.	13 April.	22 Maij	1 Junij	12 Junij	25	30
	* 29. 28. 27. 26 xxv. 25. 24.	16 Febr.	5 Mart.	20 April.	29 Maij	8 Junij	19 Junij	24	30
F	23. 22. 21.	20 Janu.	6 Febr.	24 Mart.	2 Maij	12 Maij	23 Maij	28	1 Dec.
	20. 19. 18. 17. 16. 15. 14.	27 Janu.	13 Febr.	31 Mart.	9 Maij	19 Maij	30 Maij	27	1
	13. 12. 11. 10. 9. 8. 7.	3 Febr.	20 Febr.	7 April.	16 Maij	26 Maij	6 Junij	26	1
	6. 5. 4. 3. 2. 1. *	10 Febr.	27 Febr.	14 April.	23 Maij	2 Junij	13 Junij	25	1
	29. 28. 27. 26 xxv. 25. 24.	17 Febr.	6 Mart.	21 April.	30 Maij	9 Junij	20 Junij	24	1
G	23. 22. 21. 20.	21 Janu.	7 Febr.	25 Mart.	3 Maij	13 Maij	24 Maij	28	2 Dec.
	19. 18. 17. 16. 15. 14. 13.	28 Janu.	14 Febr.	1 April.	10 Maij	20 Maij	31 Maij	27	2
	12. 11. 10. 9. 8. 7. 6.	4 Febr.	21 Febr.	8 April.	17 Maij	27 Maij	7 Junij	26	2
	5. 4. 3. 2. 1. * 29.	11 Febr.	28 Febr.	15 April.	24 Maij	3 Junij	14 Junij	25	2
	28. 27. 26. xxv. 25. 24.	18 Febr.	7 Mart.	22 April.	31 Maij	10 Junij	21 Junij	24	2
A	23. 22. 21. 20. 19.	22 Janu.	8 Febr.	26 Mart.	4 Maij	14 Maij	25 Maij	28	3 Dec.
	18. 17. 16. 15. 14. 13. 12.	29 Janu.	15 Febr.	2 April.	11 Maij	21 Maij	1 Junij	27	3
	11. 10. 9. 8. 7. 6. 5.	5 Febr.	22 Febr.	9 April.	18 Maij	28 Maij	8 Junij	26	3
	4. 3. 2. 1. * 29. 28.	12 Febr.	1 Mart.	16 April.	25 Maij	4 Junij	15 Junij	25	3
	27. 26. xxv. 25. 24.	9 Febr.	8 Mart.	23 April.	1 Junij	11 Junij	22 Junij	24	3
B	23. 22. 21. 20. 19. 18.	23 Janu.	9 Febr.	27 Mart.	5 Maij	15 Maij	25 Maij	27	27 Nov.
	17. 16. 15. 14. 13. 12. 11.	30 Janu.	6 Febr.	3 April.	2 Maij	22 Maij	2 Junij	26	27
	10. 9. 8. 7. 6. 5. 4.	6 Febr.	23 Febr.	10 April.	19 Maij	29 Maij	9 Junij	25	27
	3. 2. 1. * 29. 28. 27.	13 Febr.	2 Mart.	17 April.	26 Maij	5 Junij	16 Junij	24	27
	26 xxv. 25. 24.	20 Febr.	9 Mart.	24 April.	2 Junij	12 Junij	23 Junij	23	27
C	23. 22. 21. 20. 19. 18. 17.	24 Janu.	10 Febr.	28 Mar.	6 Maij	16 Maij	27 Maij	27	28 Nov.
	16. 15. 14. 13. 12. 11. 10.	31 Janu.	17 Febr.	4 April.	13 Maij	23 Maij	3 Junij	26	28
	9. 8. 7. 6. 5. 4. 3.	7 Febr.	24 Febr.	11 April.	20 Maij	30 Maij	10 Junij	25	28
	2. 1. * 29. 28. 27. 26. xxv.	14 Febr.	3 Mart.	8 April.	27 Maij	6 Junij	17 Junij	24	28
	25. 24.	21 Febr.	10 Mart.	25 April.	3 Junij	13 Junij	24 Junij	23	28

TABELLA TEMPORARIA

FESTORUM MOBILIUM.

Anni Domini.	Litteræ Domini-cales.	Aur. Num.	Epaclæ.	Septua-geſima.	Dies Cinerum.	Pasch.	Aſcenſio.	Pente-coſtes.	Corpus Chriſti.	Indic-tio.	Domini-cæ poſt Pentecol.	Prima Dominica Adventus.
1776	g f	10	ix	4 Feb.	21 Feb.	7 Apr.	16 Maij	26 Maij	6 Junij	9	26	1 Dec
1777	e	11	xx	26 Jan.	12 Feb.	30 Mar.	8 Maij	18 Maij	29 Maij	10	27	30 Nov.
1778	d	12	j	15 Feb.	4 Mar.	19 Apr.	28 Maij	7 Junij	18 Junij	11	24	29 Nov
1779	c	13	xij	31 Jan.	17 Feb.	4 Apr.	13 Maij	23 Maij	3 Junij	12	26	28 Nov
1780	b A	14	xxij	23 Jan.	9 Feb.	26 Mar.	4 Maij	14 Maij	25 Maij	13	28	3 Dec.
1781	g f	15	iv	11 Feb.	28 Feb.	15 Apr.	24 Maij	3 Junij	14 Junij	14	25	2 Dec.
1782	f	16	xv	27 Jan.	13 Feb.	31 Mar.	9 Maij	19 Maij	30 Maij	15	27	1 Dec.
1783	e	17	xxvj	16 Feb.	5 Mar.	20 Apr.	29 Maij	8 Junij	19 Junij	1	24	30 Nov.
1784	d c	18	vij	8 Feb.	25 Feb.	11 Apr.	20 Maij	30 Maij	10 Junij	2	25	28 Nov.
1785	b	19	xviiij	23 Jan.	9 Feb.	27 Mar.	5 Maij	15 Maij	26 Maij	3	27	27 Nov.
1786	A	1	*	12 Feb.	1 Mar.	16 Apr.	25 Maij	4 Junij	15 Junij	4	25	3 Dec.
1787	g	2	xj	4 Feb.	21 Feb.	8 Apr.	17 Maij	27 Maij	7 Junij	5	26	2 Dec.
1788	f e	3	xxij	20 Jan.	6 Feb.	23 Mar.	1 Maij	11 Maij	22 Maij	6	28	30 Nov.
1789	d	4	ij	8 Feb.	25 Feb.	12 Apr.	21 Maij	31 Maij	11 Junij	7	25	29 Nov.
1790	c	5	xiv	31 Jan.	17 Feb.	4 Apr.	13 Maij	23 Maij	3 Junij	8	26	28 Nov.
1791	b	6	xxv	20 Feb.	9 Mar.	24 Apr.	2 Junij	12 Junij	23 Junij	9	23	27 Nov.
1792	A g	7	vj	5 Feb.	22 Feb.	8 Apr.	17 Maij	27 Maij	7 Junij	10	26	2 Dec.
1793	f	8	xvij	27 Jan.	13 Feb.	31 Mar.	9 Maij	19 Maij	30 Maij	11	27	1 Dec.
1794	e	9	xxviiij	16 Feb.	5 Mar.	20 Apr.	29 Maij	8 Junij	19 Junij	12	24	30 Nov.
1795	d	10	ix	1 Feb.	18 Feb.	5 Apr.	14 Maij	24 Maij	4 Junij	13	26	29 Nov.
1796	c b	11	xx	24 Jan.	10 Feb.	27 Mar.	5 Maij	15 Maij	26 Maij	14	27	27 Nov.
1797	A	12	j	12 Feb.	1 Mar.	16 Apr.	25 Maij	4 Junij	15 Junij	15	25	3 Dec.
1798	g	13	xij	4 Feb.	21 Feb.	8 Apr.	17 Maij	27 Maij	7 Junij	1	26	2 Dec
1799	f	14	xxij	20 Jan.	6 Feb.	24 Mar.	2 Maij	12 Maij	23 Maij	2	28	1 Dec
1800	e	15	iv	9 Feb.	26 Feb.	13 Apr.	22 Maij	1 Junij	12 Junij	3	25	30 Nov
1801	d	16	xv	1 Feb.	18 Feb.	5 Apr.	14 Maij	24 Maij	4 Junij	4	26	29 Nov
1802	c b	17	xxvj	14 Feb.	3 Mar.	18 Apr.	27 Maij	6 Junij	17 Junij	5	24	28 Nov
1803	b	18	vij	6 Feb.	23 Feb.	10 Apr.	19 Maij	29 Maij	9 Junij	6	25	27 Nov
1804	A g	19	xvij	29 Jan.	15 Feb.	1 Apr.	10 Maij	20 Maij	31 Maij	7	27	2 Dec
1805	f	1	*	10 Feb.	27 Feb.	14 Apr.	23 Maij	2 Junij	13 Junij	8	25	1 Dec
1806	e	2	xj	2 Feb.	19 Feb.	6 Apr.	15 Maij	25 Maij	5 Junij	9	26	30 Nov.
1807	d	3	xxij	25 Jan.	11 Feb.	29 Mar.	7 Maij	17 Maij	28 Maij	10	27	29 Nov.
1808	c b	4	ij	14 Feb.	2 Mar.	17 Apr.	26 Maij	5 Junij	16 Junij	11	24	27 Nov.
1809	A	5	xiv	29 Jan.	15 Feb.	2 Apr.	11 Maij	21 Maij	1 Junij	12	27	3 Dec.
1810	g	6	xxv	18 Feb.	7 Mar.	22 Apr.	31 Maij	10 Junij	21 Junij	13	24	2 Dec.

J A N U A R I U S.

Cyclus Epact.	Litt. Dom.	Dies mensis.	
*	A	Kalend.	1 CIRCUMCISIO DOMINI, <i>duplex</i> .
xxix	b	iv	2 Octava S. Stephani, <i>dupl.</i> cum com. Oct. S. Joannis, & SS. Innocentium.
xxviii	c	iii	3 Octava S. Joannis, <i>dupl.</i> cum commem. Octavæ SS. Innocentium.
xxvii	d	Prid.	4 Octava SS. Innocentium, <i>dupl.</i>
xxvi	e	Non.	5 Vigilia Epiphaniæ, <i>semidupl.</i> & commem. S. Telephori Papæ & Martyris.
25. xxv	f	viii	6 EPIPHANIA DOMINI, <i>dupl.</i>
xxiv	g	vii	7 De Octava Epiphaniæ.
xxiii	A	vi	8 De Octava.
xxii	b	v	9 De Octava.
xxi	c	iv	10 De Octava.
xx	d	iii	11 De Octava, & commem. S. Hygini Papæ & Martyris.
xix	e	Prid.	12 De Octava.
xviii	f	Idib.	13 Octava Epiphaniæ, <i>dupl.</i> ¶ Dominica II. post Epiphaniam, festum SS. Nominis Jesu, <i>dupl.</i> & commem. Dominicæ.
xvii	g	xix	14 Hilarii Episcopi & Confessoris, <i>semidupl.</i> cum commem. S. Felicis Presbyteri & Martyris.
xvi	A	xviii	15 Pauli primi Eremitæ Confessoris, <i>dupl.</i> cum commem. S. Mauri Abbatis.
xv	b	xvii	16 Marcelli Papæ & Martyris, <i>semidupl.</i>
xiv	c	xvi	17 Antonii Abbatis, <i>dupl.</i>
xiii	d	xv	18 Cathedra sancti Petri Romæ, <i>dupl.</i> & commem. S. Priscæ Virginis & Martyris.
xii	e	xiv	19 SS. Marii, Marthæ, Audifacis, & Abachum Martyrum: Vel S. Canuti, <i>semidupl.</i> ad libitum, cum commem. SS. Marii, &c.
xi	f	xiii	20 Fabiani & Sebastiani Martyrum, <i>duplex</i> .
x	g	xii	21 Agnetis Virginis & Martyris, <i>dupl.</i>
ix	A	xi	22 Vincentii & Anastasii Martyrum, <i>semidupl.</i>
viii	b	x	23 Raymundi de Pennafort Confess. <i>semidupl.</i> & commem. S. Emerentianæ Virginis & Martyris.
vii	c	ix	24 Timothei Episcopi & Martyris, <i>semidupl.</i>
vi	d	viii	25 Conversio sancti Pauli Apostoli, <i>dupl.</i>
v	e	vii	26 Polycarpi Episcopi & Martyris, <i>semidupl.</i>
iv	f	vi	27 Joannis Chrysostomi Episcopi & Confessoris, <i>dupl.</i>
iii	g	v	28 Agnetis secundò.
ii	A	iv	29 Francisci Salesii Episcopi & Confessoris, <i>dupl.</i>
i	b	iii	30 Martinæ Virginis & Martyris, <i>semidupl.</i>
*	c	Prid.	31 Petri Nolasci Confessoris, <i>duplex</i> .

F E B R U A R I U S.

Cyclus Epact.	Litt. Dom.	Dies mensis.	
xxix	d	Kalend.	1 Ignatij Episcopi & Martyris, <i>semiduplex</i> .
xxviii	e	iv.	2 PURIFICATIO BEATÆ Mariæ Virginis, <i>duplex</i> .
xxvii	f	iiij	3 Blasij Episcopi & Martyris.
25. xxvj	g	Prid.	4 Andreæ Corsini Episcopi & Confessoris, <i>dupl.</i>
xxv. xxiv	A	Non.	5 Agathæ Virginis & Martyris, <i>dupl.</i>
xxiii	b	viiij	6 Dorotheæ Virginis & Martyris.
xxii	c	vij	7 Romualdi Abbatis, <i>dupl.</i>
xxj	d	vj	8 Joannis de Matha Confessoris, <i>dupl.</i>
xx	e	v	9 Apolloniæ Virginis & Martyris.
xix	f	iv	10 Scholasticæ Virginis, <i>dupl.</i>
xviii	g	iiij	11
xvii	A	Prid.	12
xvj	b	Idib.	13
xv	c	xvj	14 Valentini Presbyteri & Martyris.
xiv	d	xv	15 Faustini & Jovitæ Martyrum.
xiii	e	xiv	16
xii	f	xiiij	17
xi	g	xij	18 Simeonis Episcopi & Martyris.
x	A	xj	19
ix	b	x	20
viii	c	ix	21
vij	d	viiij	22 Cathedra sancti Petri Antiochiæ, <i>dupl.</i>
vj	e	vij	23 Vigilia.
v	f	vj	24 MATTHIÆ Apostoli, <i>dupl.</i>
iv	g	v	25
iiij	A	iv	26
ij	b	iiij	27
j	c	Prid.	28

In Anno Bissextili Februarius est dierum 29. & festum S. Matthiæ celebratur 25. Februarii, & bis dicitur, Sexto Kalendas, id est die 24. & die 25. & Littera Domini-
calis, quæ assumpta fuit in mense Januario, mutatur in præcedentem: ut si in Januario
Littera Dominicalis fuit A, mutatur in præcedentem, quæ est g, &c. et littera f, bis
servit 24. 25.

C



M A R T I U S

Cyclus Epact.	Litt. Dom.	Dies mensis.	
*	d	Kalend.	1
xxix	e	vj	2
xxviij	f	v	3
xxvij	g	iv	4
			Casimiri Confessoris, <i>semiduplex</i> , & commem. S. Lucij Papæ & Martyris.
xxvj	A	iiij	5
25. xxv	b	Prid.	6
xxiv	c	Non.	7
			Thomæ de Aquino Confessoris, & Ecclesiæ Doctoris, <i>duplex</i> , & commem. SS. Perpetuæ & Felicitatis Martyrum.
xxiiij	d	viiij	8
xxij	e	vij	9
xxj	f	vj	10
xx	g	v	11
xix	A	iv	12
xviij	b	iiij	13
xvij	c	Prid.	14
xvj	d	Idib.	15
xv	e	xvij	16
xiv	f	xvj	17
xiiij	g	xv	18
xij	A	xiv	19
xj	b	xiiij	20
x	c	xij	21
ix	d	xj	22
viiij	e	x	23
vij	f	ix	24
vj	g	viiij	25
v	A	vij	26
iv	b	vj	27
iiij	c	v	28
iiij	d	iv	29
ij	e	iiij	30
j	f	Prid.	31
*			

¶ Feria sexta post Dominicam Passionis, Festum Septem Dolorum Beatæ Mariæ Virginis, *duplex*.

A P U R I I A L I S.

Cyclus. Epact.	Litt. Dom.	Dies mensis.	
xxix	g	Kalend.	1
xxviii	A	iv	2 Francisci de Paula Confessoris, <i>duplex.</i>
xxvii	b	iii	3
25. xxvi	c	Prid.	4 Isidori Episcopi & Confessoris, <i>dupl.</i>
xxv. xxiv	d	Non.	5 Vincentij Ferrerij Confessoris, <i>dupl.</i>
xxiii	e	viii	6
xxii	f	vii	7
xxj	g	vi	8
xx	A	v	9
xix	b	iv	10
xviii	c	iii	11 Leonis Papæ Confessoris, & Ecclesiæ Doctoris, <i>dupl.</i>
xvii	d	Prid.	12
xvj	e	Idib.	13 Hermenegildi Martyris, <i>semidupl.</i>
xv	f	xviii	14 Tiburtij, Valeriani, & Maximi Martyrum.
xiv	g	xvii	15
xiii	A	xvi	16
xii	b	xv	17 Aniceti Papæ & Martyris.
xi	c	xiv	18
x	d	xiii	19
ix	e	xii	20
viii	f	xi	21 Anselmi Episcopi & Confessoris, <i>dupl.</i>
vii	g	x	22 Soteris & Caij Pontificum & Martyrum, <i>semidupl.</i>
vi	A	ix	23 Georgij Martyris, <i>semidupl.</i>
v	b	viii	24 Felicis a Sigmaringa Martyris, <i>dupl.</i>
iv	c	vii	25 Marci Evangelistæ, <i>dupl.</i>
iii	d	vi	26 Cleti & Marcellini Pontificum & Martyrum, <i>semidupl.</i>
ii	e	v	27
i	f	iv	28 Vitalis Martyris.
*	g	iii	29 Petri Martyris, <i>dupl.</i>
xxix	A	Prid.	30 Catharinæ Senensis Virginis, <i>dupl.</i>

M A I U S.

Cyclus Epact.	Litt. Dom.	Dies mensis.	
xxviiij	b	Kalend.	1 PHILIPPI & JACOBI Apostolorum, <i>duplex</i> .
xxviij	c	vj	2 Athanasij Episcopi & Confessoris, <i>dupl.</i>
xxvj	d	v	3 INVENTIO S. CRUCIS, <i>duplex</i> , & commem. SS. Alexandri, Eventij, & Theoduli Martyrum, ac Juvenalis Episcopi & Confessoris, in Missis privatis tantum.
25. xxv	e	iv	4 Monicæ Viduæ, <i>dupl.</i>
xxiv	f	iiij	5 Pij V. Papæ & Confessoris, <i>semidupl.</i>
xxiiij	g	Prid.	6 Joannis ante Portam Latinam, <i>dupl.</i>
xxij	A	Non.	7 Stanislai Episcopi & Martyris, <i>dupl.</i>
xxj	b	viiij	8 Apparitio S. Michaelis Archangeli, <i>dupl.</i>
xx	c	vij	9 Gregorij Nazianzeni Episcopi & Confessoris, <i>dupl.</i>
xix	d	vj	10 Antonini Episcopi & Confessoris, <i>semidupl.</i> cum commem. SS. Gordiani & Epimachi Martyrum.
xviiij	e	v	11
xviij	f	iv	12 Nerei, Achillei, & Domitillæ Virginis, atque Pancratij Mar- tyrum, <i>semidupl.</i>
xvj	g	iiij	13
xv	A	Prid.	14 Bonifacij Martyris.
xiv	b	Idib.	15
xiiij	c	xviiij	16 Ubaldi Episcopi & Confessoris, <i>semidupl.</i>
xij	d	xvj	17
xj	e	xv	18 Venantij Martyris, <i>semidupl.</i>
x	f	xiv	19 Petri Cœlestini Papæ & Conf. <i>dupl.</i> & commem. S. Pudentianæ Virg.
ix	g	xiiij	20 Bernardini Senensis Confessoris, <i>semidupl.</i>
viiij	A	xij	21
vij	b	xj	22
vj	c	x	23
v	d	ix	24
iv	e	viiij	25 Gregorii Septimi Papæ & Confessoris, <i>dupl.</i> cum commem. S. Urbani Papæ & Martyris.
iiij	f	vij	26 Philippi Nerij Confessoris, <i>semidupl.</i> cum commem. S. Eleutherij Papæ & Martyris.
ij	g	vj	27 Mariæ Magdalenæ de Pazzis Virginis, <i>semidupl.</i> cum commem. S. Joannis Papæ & Martyris.
j	A	v	28
*	b	iv	29
xxix	c	iiij	30 Felicis Papæ & Martyris.
xxviiij	d	Prid.	31 Petronillæ Virginis.

J U N I U S.

Cyclus Epact.	Litt. Dom.	Dies mensis.	
xxvij	e	Kalend.	1
25. xxvj	f	iv	2 Marcellini, Petri, atque Erasmi Martyrum.
xxv. xxiv	g	iiij	3
xxiiij	A	Prid.	4
xxij	b	Non.	5
xxj	c	viiij	6 Norberti Episcopi & Confessoris, <i>duplex</i> .
xx	d	vij	7
xix	e	vj	8
xviiij	f	v	9 Primi & Feliciani Martyrum.
xvij	g	iv	10 Margaritæ Scotorum Reginae Viduæ, <i>semiduplex</i> .
xvj	A	iiij	11 Barnabæ Apostoli, <i>dupl.</i>
xv	b	Prid.	12 Joannis a Facundo Confessoris, <i>dupl.</i> & commem. SS. Basilidis, Cyrini, Naboris & Nazarij Martyrum.
xiv	c	Idib.	13 Antonij de Padua Confessoris, <i>dupl.</i>
xiiij	d	xviiij	14 Basilij Magni Episcopi & Confessoris, <i>dupl.</i>
xij	e	xvij	15 Viti, Modesti, atque Crescentiæ Martyrum.
xj	f	xvj	16
x	g	xv	17
ix	A	xiv	18 Marci & Marcelliani Martyrum.
viiij	b	xiiij	19 Julianæ de Falconeriis Virginis, <i>dupl.</i> cum commem. SS. Gervasij & Protasii Martyrum.
vij	c	xij	20 Silverij Papæ & Martyris.
vj	d	xj	21
v	e	x	22 Paulini Episcopi & Confessoris.
iv	f	ix	23 Vigilia.
iiij	g	viiij	24 NATIVITAS S. JOANNIS BAPTISTÆ, <i>dupl.</i>
ij	A	vij	25 De Octava Nativitatis S. Joannis, <i>semidupl.</i>
j	b	vj	26 Joannis & Pauli Martyrum, <i>dupl.</i> cum commem. Octavæ Nativitatis S. Joannis.
xxix	c	v	27 De Octava Nativitatis S. Joannis.
xxviii	d	iv	28 Leonis Papæ & Confessoris, <i>semidupl.</i> cum commem. Octavæ S. Joannis, & Vigiliæ.
xxviiij	e	iiij	29 PETRI & PAULI Apostolorum, <i>dupl.</i>
xxvij	f	Prid.	30 Commemoratio sancti Pauli Apostoli, <i>dupl.</i> cum commem. Octavæ Nativitatis sancti Joannis.

J E U L I U S

Cyclus Epaēt.	Litt. Dom.	Dies mensis.	
xxvj	g	Kalend.	1 Octava S. Joannis Baptistæ, <i>duplex</i> , & <i>commem.</i> Octavæ Aposto- lorum.
25. xxv	A	vi	2 Visitatio Beatæ Mariæ Virginis, <i>duplex</i> , cum commemoratione Octavæ Apostolorum, & sanctorum Processi & Martiniani Mar- tyrum.
xxiv	b	v	3 De Octava Apostolorum, <i>semidupl.</i>
xxiiij	c	iv	4 De Octava.
xxij	d	iiij	5 De Octava.
xxj	e	Prid.	6 Octava Apostolorum Petri & Pauli, <i>dupl.</i>
xx	f	Non.	7
xix	g	viiij	8 Elizabeth Reginæ Portugalliæ Viduæ, <i>semidupl.</i>
xviiij	A	vij	9
xvij	b	vj	10 Septem Fratrum, & SS. Rufinæ ac Secundæ Martyrum <i>semidupl.</i>
xvj	c	v	11 Pij Papæ & Martyris.
xv	d	iv	12 Joannis Gualberti Abbatis, <i>dupl.</i> & <i>commem.</i> SS. Naboris & Felicis Martyrum.
xiv	e	iiij	13 Anacleti Papæ & Martyris, <i>semidupl.</i>
xiiij	f	Prid.	14 Bonaventuræ Episcopi & Confessoris & Ecclesiæ Doctoris, <i>dupl.</i>
xij	g	Idib.	15 Henrici Imperatoris, Confessoris, <i>semidupl.</i>
xj	A	xvij	16 Beatæ Mariæ Virginis de Monte Carmelo, <i>dupl.</i>
x	b	xvj	17 Alexij Confessoris, <i>semidupl.</i>
ix	c	xv	18 Camilli de Lellis Confessoris, <i>dupl.</i> & <i>commem.</i> S. Symphorosæ cum septem filiis Martyribus.
viiij	d	xiv	19 Vincentii a Paulo Confessoris, <i>dupl.</i>
vij	e	xiiij	20 Hieronymi Æmiliani Confessoris, <i>dupl.</i> & <i>commem.</i> S. Margaritæ Virginis & Martyris.
vj	f	xij	21 Praxedis Virginis.
v	g	xj	22 Mariæ Magdalenæ, <i>dupl.</i>
iv	A	x	23 Apollinaris Episcopi & Martyris, <i>dupl.</i> & <i>commem.</i> S. Liborij Episcopi & Confessoris.
iiij	b	ix	24 Vigilia, & <i>commem.</i> S. Christinæ Virg. & Martyr.
ij	c	viiij	25 JACOBI Apostoli, <i>dupl.</i> & <i>commem.</i> S. Christophori Martyris, in Missis privatis.
j	d	vij	26 ANNÆ Matris Beatæ Mariæ Virginis, <i>dupl.</i>
*	e	vj	27 Pantaleonis Martyris.
xxix	f	v	28 Nazarij, Celsi, & Victoris Papæ & Mart. & Innocentij Papæ & Confessoris, <i>semidupl.</i>
xxviiij	g	iv	29 Marthæ Virginis, <i>semidupl.</i> & <i>commem.</i> SS. Felicis Papæ, Simplicij, Faustini & Beatricis Martyrum.
xxvij	A	iiij	30 Abdon & Sennen Martyrum.
25. xxvj	b	Prid.	31 Ignatij Confessoris, <i>dupl.</i>

AUGUSTUS.

Cyclus Epact.	Litt. Dom.	Dies mensis.	
xxv. xxiv	c	Kalend.	1 Petri ad Vincula, <i>dupl.</i> & <i>commem.</i> SS. Machabæorum-Martyrum.
xxiiij	d	iv	2 Stephani Papæ & Martyris.
xxij	e	iiij	3 Inventio S. Stephani Protomartyris, <i>semidupl.</i>
xxj	f	Prid.	4 Dominici Confessoris, <i>dupl.</i>
xx	g	Non.	5 Dedicatio S. Mariæ ad Nives, <i>dupl.</i>
xix	A	viiij	6 Transfiguratio Domini, <i>dupl.</i> & <i>commem.</i> SS. Xysti Papæ, Felicissimi & Agapiti Martyrum.
xviiij	b	vij	7 Cajetani Conf. <i>dupl.</i> & <i>comm.</i> S. Donati Episc. & Mart.
xvij	c	vj	8 Cyriaci, Largi, & Smaragdi Martyrum, <i>semidupl.</i>
xvj	d	v	9 Vigilia & <i>commem.</i> S. Romani Martyris.
xv	e	iv	10 LAURENTII Martyris, <i>dupl.</i>
xiv	f	iiij	11 De Octava S. Laurentij, <i>semidupl.</i> cum <i>commem.</i> SS. Tiburtij & Sufannæ Martyrum.
xiiij	g	Prid.	12 Claræ Virginis, <i>dupl.</i> & <i>commem.</i> Octavæ.
xij	A	Idib.	13 De Octava, cum commemoratione SS. Hippolyti & Cassiani Martyrum.
xj	b	xix	14 Vigiliæ, cum <i>commem.</i> Octavæ, & S. Eusebij Confessoris.
x	c	xviiij	15 ASSUMPTIO BEATÆ Mariæ Virginis, <i>dupl.</i> ¶ Dominica infra Octavam Assumptionis Beatæ Mariæ Virginis, Festum S. Joachim Confessoris, <i>dupl.</i> cum <i>commem.</i> Dominicæ & Octavarum.
ix	d	xvij	16 Hyacinthi Confessoris, <i>dupl.</i> cum <i>commem.</i> Octavar. Assumptionis, & S. Laurentij.
viiij	e	xvj	17 Octava S. Laurentij, <i>dupl.</i> & <i>commem.</i> Octav. Assumpt.
vij	f	xv	18 De Octava, & <i>commem.</i> S. Agapiti Martyris.
vj	g	xiv	19 De Octava.
v	A	xiiij	20 Bernardi Abbatis, <i>dupl.</i> cum <i>commem.</i> Octavæ Assumptionis.
iv	b	xij	21 Joannæ Franciscæ Fremiot a Chantal Viduæ, <i>dupl.</i> & <i>commem.</i> Octavæ.
iiij	c	xj	22 Octava Assumpt. B. Mariæ, <i>dupl.</i> cum <i>commem.</i> SS. Timothei, Hyppoliti & Symphoriani Martyrum.
iiij	d	x	23 Philippi Bentij Confessoris, <i>dupl.</i> cum <i>commem.</i> Vigiliæ.
j	e	ix	24 BARTHOLOMÆI Apostoli, <i>dupl.</i> Romæ celebr. die 25.
*	f	viiij	25 Ludovici Regis Franciæ Confessoris, <i>semidupl.</i> Romæ 26.
xxix	g	vij	26 Zephyrini Papæ & Martyris.
xxviiij	A	vj	27 Josephi Calasancii a Matre Dei Confessoris, <i>dupl.</i>
xxvij	b	v	28 Augustini Episcopi & Confess. & Ecclesiæ Doctor. <i>dupl.</i> & <i>commem.</i> S. Hermetis Martyris.
xxvj	c	iv	29 Decollatio S. Joannis Baptistæ, <i>dupl.</i> & <i>commem.</i> S. Sabinæ Martyris.
25. xxv	d	iiij	30 Rosæ a S. Maria Virginis Limanæ, <i>dupl.</i> & <i>commem.</i> SS. Felicis & Adaucti Martyrum.
xxiv	e	Prid.	31 Raymundi Nonnati Confessoris, <i>dupl.</i>

S E P T E M B E R.

Cyclus Epact.	Litt. Dom.	Dies mensis.	
xxiiij	f Kalend.	1	Ægidii Abbatis, cum commemoratione SS. duodecim Fratrum Martyrum.
xxij	g iv	2	Stephani Hungariæ Regis Confessoris, <i>semidupl.</i>
xxj	A iij	3	
xx	b Prid.	4	
xix	c Non.	5	Laurentij Justiniani Confessoris, <i>semidupl.</i>
xviii	d viij	6	
xvij	e vij	7	
xvj	f vj	8	NATIVITAS BEATÆ Mariæ Virginis, <i>dupl.</i> & <i>commem.</i> S. Adriani Martyris, in Missis privatis. ¶ Dominica infra Octavam, Festum Sanctissimi Nominis Beatæ Mariæ Virginis, <i>dupl.</i>
xv	g v	9	De Octava Nativitatis Beatæ Mariæ, <i>semidupl.</i> & <i>commem.</i> S. Gorgonij Martyris.
xiv	A iv	10	Nicolai de Tolentino Confessoris, <i>dupl.</i> cum <i>commem.</i> Octavæ Nati- vitatis Beatæ Mariæ.
xiii	b iij	11	De Octava, & <i>commem.</i> SS. Proti & Hyacinthi Martyrum.
xij	c Prid.	12	De Octava.
xj	d Idib.	13	De Octava.
x	e xvij	14	Exaltatio sanctæ Crucis, <i>dupl.</i> cum <i>commem.</i> Octavæ Nativitatis Beatæ Mariæ.
ix	f xvij	15	Octava Nativitatis B. Mariæ, <i>dupl.</i> cum <i>commem.</i> S. Nicomedis Martyris.
viii	g xvj	16	Cornelij & Cypriani Pontificum & Mart. <i>semidupl.</i> cum <i>commem.</i> SS. Euphemie, Lucie & Geminiani Martyrum.
vij	A xv	17	Impressio sacrorum Stigmatum S. Francisci Confessoris, <i>dupl.</i>
vj	b xiv	18	Josephi a Cupertino Confessoris, <i>dupl.</i>
v	c xij	19	Januarij Episcopi, & Sociorum Martyrum, <i>dupl.</i>
iv	d xij	20	Eustachij & Sociorum Martyrum, <i>dupl.</i> cum commemoratione Vigiliæ.
iii	e xj	21	MATTHÆI Apostoli & Evangelistæ, <i>dupl.</i>
ij	f x	22	Thomæ de Villanova Episcopi & Conf. cum <i>commem.</i> SS. Mauricij & Sociorum Martyrum.
j	g ix	23	Lini Papæ & Mart. <i>semidupl.</i> cum <i>commem.</i> S. Theclæ Virg. & Mart.
*	A viij	24	Beatæ Mariæ Virg. de Mercede, Redempt. Captivorum, <i>dupl.</i>
xxix	b vij	25	
xxviii	c vj	26	Cypriani & Justinæ Martyrum.
xxvij	d v	27	Cosmæ & Damiani Martyrum, <i>semidupl.</i>
25. xxvj	e iv	28	Wenceslai Ducis & Mart. <i>semidupl.</i>
xxv. xxiv	f iij	29	DEDICATIO S. MICHAELIS ARCHANGELI, <i>dupl.</i>
xxiiij	g Prid.	30	Hieronimi Presbyteri Confessoris, & Eccles. Doct. <i>dupl.</i>

O C T O B E R.

Cyclus Litt.
Epact. Dom.

Dies
mensis.

xxij	A	Kalend.	1	Dominica prima, solemnitas SS. Rosarii beatæ Mariæ Virginis, <i>duplex</i> .
xxj	b	vj	2	Remigii Episc. & Confess. <i>simpl.</i> de præcepto, vel <i>semidupl.</i> ad libitum.
xx	c	v	3	Angelorum Custodum, <i>dupl.</i>
xix	d	iv	4	Francisci Confessoris, <i>dupl.</i>
xviiij	e	iiij	5	Placidi & sociorum Martyrum.
xvij	f	Prid.	6	Brunonis Confessoris, <i>dupl.</i>
xvj	g	Non.	7	Marci Papæ & Confessoris, & commem. SS. Sergii, Bacchi, Marcelli, & Apulei Martyrum.
xv	A	viiij	8	Birgittæ Viduæ, <i>dupl.</i>
xiv	b	vij	9	Dionysii, Rustici & Eleutherii Martyrum, <i>semidupl.</i>
xiiij	c	vj	10	Francisci Borgiæ Confessoris, <i>semidupl.</i>
xij	d	v	11	
xj	e	iv	12	
x	f	iiij	13	Edvardi Regis Angliæ Confessoris, <i>semidupl.</i>
ix	g	Prid.	14	Callisti Papæ & Martyris, <i>semidupl.</i>
viiij	A	Idib.	15	Teresiæ Virginis, <i>dupl.</i>
vij	b	xvij	16	
vj	c	xvj	17	Hedvvigis Ducissæ Poloniæ, Viduæ, <i>semidupl.</i>
v	d	xv	18	Lucæ Evangelistæ, <i>dupl.</i>
iv	e	xiv	19	Petri de Alcantara Confessoris, <i>dupl.</i>
iiij	f	xiiij	20	Joannis Cantii Confessoris, <i>semidupl.</i>
ij	g	xij	21	Hilarionis Abbatis, & commem. SS. Urfulæ & Sociarum Virginum & Martyrum.
j	A	xj	22	
*	b	x	23	
xxix	c	ix	24	
xxviiij	d	viiij	25	Chrysanthi & Dariæ Martyrum.
xxvij	e	vij	26	Evaristi Papæ & Martyris.
xxvj	f	vj	27	Vigilia.
25. xxv	g	v	28	SIMONIS & JUDÆ Apostolorum, <i>dupl.</i>
xxiv	A	iv	29	
xxiiij	b	iiij	30	
xxij	c	Prid.	31	Vigilia.

N O V E M B E R.

Cyclus Epact.	Litt. Dom.	Dies mensis.	
xxj	d	Kalend.	1 FESTUM OMNIUM SANCTORUM, <i>duplex</i> .
xx	e	iv	2 Commemoratio Omnium Fidelium Defunctorum, <i>dupl.</i> & de Octava Omnium Sanctorum.
xix	f	iiij	3 De Octava.
xviiij	g	Prid.	4 Caroli Episcopi & Confessoris, <i>dupl.</i> cum commem. Octavæ, & SS. Vitalis & Agricolæ Martyrum.
xviij	A	Non.	5 De Octava.
xvj	b	viiij	6 De Octava.
xv	c	vij	7 De Octava.
xiv	d	vj	8 Octava Omnium Sanctorum, <i>dupl.</i> & commem. SS. Quatuor Coronatorum Martyrum.
xiiij	e	v	9 Dedicatio Basilicæ Salvatoris, <i>dupl.</i> & commem. S. Theodori Martyris.
xij	f	iv	10 Andreæ Avellini Confessoris, <i>semidupl.</i> cum commem. SS. Triphonis, Respicii, & Nymphæ Martyrum.
xj	g	iiij	11 Martini Episcopi & Confessoris, <i>dupl.</i> & commem. S. Mennæ Martyris.
x	A	Prid.	12 Martini Papæ & Martyris, <i>semidupl.</i>
ix	b	Idib.	13 Didaci Confessoris, <i>semidupl.</i>
viiij	c	xviiij	14
vij	d	xvij	15 Gertrudis Virginis, <i>dupl.</i>
vj	e	xvj	16
v	f	xv	17 Gregorii Thaumaturgi Episcopi & Confessoris, <i>semidupl.</i>
iv	g	xiv	18 Dedicatio Basilicarum Petri & Pauli, <i>dupl.</i>
iiij	A	xiiij	19 Elisabeth Viduæ, <i>dupl.</i> & commem. S. Pontiani Papæ & Martyris.
ij	b	xij	20 Felicis de Valois Confessoris, <i>dupl.</i>
j	c	xj	21 Præsentatio beatæ Mariæ Virginis, <i>dupl.</i>
*	d	x	22 Cæcilie Virginis & Martyris, <i>dupl.</i>
xxix	e	ix	23 Clementis Papæ & Martyris, <i>semidupl.</i> cum commem. S. Felicitatis Martyris.
xxviiij	f	viiij	24 Joannis à Cruce Confessoris, <i>dupl.</i> cum comm. S. Chrysogoni Martyris.
xxvij	g	vij	25 Catharinæ Virginis & Martyris, <i>dupl.</i>
25. xxvj	A	vj	26 Petri Alexandrini Episcopi & Martyris.
xxv. xxiv	b	v	27
xxiiij	c	iv	28
xxij	d	iiij	29 Vigilia, & commem. Saturnini Martyris.
xxj	e	Prid.	30 ANDRÆ Apostoli, <i>dupl.</i>

D E C E M B E R.

Cyclus Epact.	Litt. Dom.	Dies mensis.	
xx	f	Kalend.	1
xix	g	iv	2 Bibianæ Virginis & Martyris, <i>semiduplex</i> .
xviii	A	iii	3 Francisci Xaverii Confessoris, <i>dupl.</i>
xvii	b	Prid.	4 Petri Chrysologi Episcopi & Confess. <i>dupl.</i> cum commem. S. Barbaræ Virginis & Martyris.
xvi	c	Non.	5 Sabbæ Abbatis commemoratio.
xv	d	viii	6 Nicolai Episcopi & Confessoris, <i>dupl.</i>
xiv	e	vii	7 Ambrosii Episcopi & Confessoris & Ecclesiæ Doctoris, <i>dupl.</i>
xiii	f	vi	8 CONCEPTIO BEATÆ Mariæ Virginis, <i>dupl.</i>
xii	g	v	9 De Octava.
xi	A	iv	10 De Octava, & commem. S. Melchiadis Papæ & Martyris.
x	b	iii	11 Damasi Papæ & Confessoris, <i>semidupl.</i> & commem. Octavæ.
ix	c	Prid.	12 De Octava.
viii	d	Idib.	13 Lucie Virginis & Martyris, <i>dupl.</i> & commem. Octavæ.
vii	e	xix	14 De Octava.
vi	f	xviii	15 Octava Conceptionis Beatæ Mariæ Virginis, <i>dupl.</i>
v	g	xvii	16 Eusebii Episcopi & Martyris, <i>semidupl.</i>
iv	A	xvi	17
iii	b	xv	18
ii	c	xiv	19
i	d	xiii	20 Vigilia.
*	e	xii	21 Thomæ Apostoli, <i>dupl.</i>
xxix	f	xi	22
xxviii	g	x	23
xxvii	A	ix	24 Vigilia.
xxvi	b	viii	25 NATIVITAS DOMINI NOSTRI JESU CHRISTI, <i>dupl.</i> & commem. S. Anastasiæ Martyris, in secunda Missa.
25. xxv	c	vii	26 STEPHANI Protomartyris, <i>dupl.</i> cum commem. Octavæ Nativitatis.
xxiv	d	vi	27 JOANNIS Apostoli & Evangelistæ, <i>dupl.</i> cum commem. Octavarum.
xxiii	e	v	28 SS. INNOCENTIIUM Martyrum, <i>dupl.</i> cum commem. Octavarum.
xxii	f	iv	29 Thomæ Cantuariensis Episcopi & Martyris, <i>semidupl.</i> cum commem. Octavarum.
xxj	g	iii	30 De Dominica infra Octavam Nativitatis, vel de Octava Nativitatis, cum commem. aliarum Octavarum.
19. xx	A	Prid.	31 SILVESTRI Papæ & Confessoris, <i>dupl.</i> cum commem. Octavarum.

RUBRICÆ GENERALES

M I S S A L I S.

MISSA quotidie dicitur secundum ordinem Officii de Festo Duplici, vel Semiduplici, vel Simplici: De Dominica, vel Feria, vel Vigilia, vel Octava; & extra ordinem Officii, Votiva, vel pro Defunctis.

I. De Duplici.

Missa dicitur de Duplici illis diebus, quibus in Calendario ponitur hæc nota, *Duplex*, & in Festis Mobilibus, quandocumque Officium est Duplex. In Duplicibus dicitur una tantum Oratio, nisi aliqua commemoratio fieri debeat. Alia omnia dicuntur ut in propriis Missis assignatum est. Quando dici debet *Gloria in excelsis*, & *Credo*, inferius ponitur in propriis Rubricis.

II. De Semiduplici, & Simplici.

Missa de Semiduplici dicitur, quando in Calendario ponitur hæc vox, *Semiduplex*. Præterea in Dominicis, & diebus infra Octavas: in Semiduplicibus tam Festis, quam Dominicis, & infra Octavas, dicuntur plures Orationes, ut infra dicetur in Rubrica *de Orationibus*. Infra Octavam dicitur Missa sicut in die Festi, nisi propriam Missam habuerit: in Dominicis vero, sicut in propriis locis assignatur. De Simplici dicitur Missa sicut de Semiduplici, ut suis locis ponitur.

III. De Feria & Vigilia.

Missa de Feria dicitur, quando non occurrit Festum, vel Octava, vel Sabbatum in quo fiat Officium Beatæ Mariæ. In Feriis tamen Quadragesimæ, Quatuor Temporum, Rogationum, & Vigiliarum, etiam si Duplex; vel Semiduplex Festum, vel Octava occurrat, in Ecclesiis Cathedralibus & Collegiatis cantantur duæ Missæ, una de Festo post Tertiam, alia de Feria post Nonam.

2 In Vigiliis autem & Feriis Quatuor Temporum, vel Feria secunda Rogationum, quæ veniunt infra Octavam, Missa dicitur de Vigilia, vel Feriis supradictis, cum commemoratione Octavæ: præterquam infra Octavam Corporis Christi, in qua in Ecclesiis Cathedralibus & Collegiatis cantantur duæ Missæ, una de Octava post Tertiam, alia de Vigilia post Nonam: in Missis autem privatis dicitur Missa de Octava cum commemoratione Vigiliæ. Si autem in die Vigiliæ vel prædictis Feriis, fiat Officium de aliquo Festo, tunc dicitur Missa de Festo cum commemoratione Octavæ & Vigiliæ, vel Feriarum prædictarum. Quod si Vigilia occurrat in die alicujus Festi ex majoribus primæ classis, in Missa non fit commemoratio de ea, sicut nec in Officio.

3 Si Festum habens Vigiliam celebretur Feria

secunda, Missa Vigiliæ dicitur in Sabbato, sicut etiam de ea fit Officium: excepta Vigilia Nativitatis Domini, & Epiphaniæ.

4 Missa Vigiliæ in Adventu occurrentis dicitur cum commemorat. Feriæ Adventus, licet de ea non sit factum Officium: Vigilia Nativitatis excepta.

5 Si in Quadragesima & Quatuor Temporibus occurrat Vigilia, dicatur Missa de Feria cum commemoratione Vigiliæ.

6 Tempore Paschali non dicitur Missa de Vigilia, nisi in Vigilia Ascensionis; quæ tamen non jejunatur sicut nec Vigilia Epiphaniæ.

IV. De Missis Votivis S. Mariæ, & aliis.

1 **I**N Sabbatis non impeditis Festo Duplici, Semiduplici, Octava, Vigilia, Feriis Quadragesimæ vel Quatuor Temporum, vel Officio alicujus Dominicæ quæ supersit in præcedens Sabbatum translato, dicitur Missa de sancta Maria secundum varietatem temporum, ut in fine Missalis ponitur.

2 In Adventu autem, licet Officium non fiat de S. Maria in Sabbato, dicitur tamen Missa principalis de ea, cum commemoratione de Adventu, nisi fuerint Quatuor Tempora, vel Vigilia, ut supra.

3 Aliis diebus infra Hebdomadam, quando Officium fit de Feria, & non est resumenda Missa Dominicæ præcedentis, quæ fuerit impedita, (exceptis Feriis Adventus, Quadragesimæ, Quatuor Temporum, Rogationum, & Vigiliarum) dici potest aliqua ex Missis Votivis, etiam in principali Missa, quæ vocatur Conventualis, secundum ordinem dierum in fine Missalis assignatum, cum commemoratione Feriæ, de qua factum est Officium. Quæ tamen Missæ & omnes aliæ Votivæ, in Missis privatis dici possunt pro arbitrio Sacerdotum, quocumque die Officium non est Duplex, aut Dominica cum commemoratione ejus, de quo factum est Officium, & commemoratione item festi Simplicis, si de aliquo occurrat eo die fieri commemorationem in Officio. Id vero passim non fiat, nisi rationabili de causa. Et quoad fieri potest, Missa cum Officio conveniat.

V. De Missis Defunctorum.

1 **P**rima die cujusque mensis (extra Adventum, Quadragesimam, & tempus Paschale) non impedita Officio duplici vel Semiduplici, dicitur Missa principalis generaliter pro defunctis Sacerdotibus, Benefactoribus, & aliis. Si vero in ea fuerit Festum Simplex, vel Feria quæ propriam habeat Missam, aut resumenda sit Missa Dominicæ præcedentis, quæ fuit impedita: & infra Hebdomadam non occurrat alius dies, in quo resumari possit: in Ecclesiis Cathedralibus & Collegiatis

dicantur duæ Missæ, una pro Defunctis, alia de Festo Simplici, vel Feria prædicta. Sed in Ecclesiis non Cathedralibus nec Collegiatis dicatur Missa de die, cum commemoratione generaliter pro Defunctis.

2 Præterea Feria secunda cujusque Hebdomadæ, in qua Officium fit de Feria, Missa principalis dici potest pro Defunctis. Si autem fuerit propria Missa de Feria, vel de Festo Simplici, vel resumenda sit Missa Dominicæ præcedentis, ut supra, in Missa de die fiat commemoratio (ut dictum est) pro Defunctis. Excipitur tamen Quadragesima, totum tempus Paschale, & quando per annum Officium est Duplex, vel Semiduplex: quibus temporibus non dicitur Missa Conventualis pro Defunctis (nisi in die Depositionis Defuncti, & in Anniversario pro Defunctis) neque pro eis fit commemoratio. Missæ autem privatæ pro Defunctis, quocumque die dici possunt, præterquam in Festis Duplicibus, & Dominicis diebus.

3 In die Commemorationis omnium Defunctorum, & in die Depositionis, & in Anniversario Defuncti, dicitur una tantum Oratio: & similiter in die Tertia, Septima, Trigesima, & quodcumque pro Defunctis solemniter celebratur: in aliis Missis plures, ut de Feriis & Simplicibus dicetur infra in Rubrica *de Orationibus*.

4 Sequentia pro Defunctis dicitur in die Commemorationis omnium Fidelium Defunctorum, & Depositionis Defuncti, & quodcumque in Missa dicitur una tantum Oratio: in aliis autem Missis pro Defunctis dicatur ad arbitrium Sacerdotis.

VI. De Translatione Festorum.

IN dicendis Missis servetur Ordo Breviarii de Translatione festorum Duplicium, & Semiduplicium, quando majori aliquo festo seu Dominica impediuntur. In Ecclesiis autem, ubi Titulus est Ecclesiæ, vel concursus populi ad celebrandum festum quod transferri debet, possunt cantari duæ Missæ, una de die, alia de festo; excepta Dominica prima Adventus, Feria quarta Cinerum, Dominica prima Quadragesimæ, Dominica Palmarum cum tota Hebdomada majori, Dominica Resurrectionis, & Dominica Pentecostes cum duobus diebus sequentibus, die Nativitatis Domini, Epiphaniæ, Ascensionis, & festo Corporis Christi.

VII. De Commemorationibus.

Commemorationes in Missis fiunt sicut in Officio; de festo Simplici fit commemoratio in Missa, quando de eo in Officio facta est commemoratio in primis Vesperis. Quando autem de eo fit commemoratio tantum ad Laudes, in Missa solemniori non fit commemoratio de eo, sed in Missis tantum privatis. Excipitur Dominica Palmarum, & Vigilia Pentecostes, in quibus nulla fit commemoratio, etiam in Missis privatis de festo Simplici occurrente, licet facta sit in Officio. De Dominica fit commemoratio, quando in ea agitur de festo Duplici. De Octava fit commemoratio, quando infra Octavam celebratur aliquod festum; nisi illud festum fuerit de exceptuatis in Rubrica Bre-

viarii de Commemorationibus. Item quando infra Octavam fit de Dominica.

2 De Feria fit commemoratio in Adventu, Quadragesima, Quatuor Temporibus, Rogationibus, & Vigiliis, quando Missa dicenda est de festo illis temporibus occurrente. Sed in Ecclesiis Cathedralibus & Collegiatis, ubi plures Sacerdotes quotidie celebrant, in Feriis, Rogationibus, & Vigiliis prædictis, quæ habent Missas proprias, dicuntur duæ Missæ, una de Festo, alia de Feria, Rogationibus, & Vigilia, absque ulla utrorumque commemoratione: in Festis tamen majoribus primæ classis nihil fit de Vigilia occurrente, ut dictum est supra.

3 Quando infra Hebdomadam dicuntur Missæ Votivæ, post primam Orationem semper dicatur Oratio ejus de quo fit Officium, ut supra explicatum est in propria Rubrica.

4 Quando fit commemoratio de Feria Quatuor Temporum, pro Feriæ commemoratione dicitur prima Oratio, quæ concordat cum Officio.

5 In faciendis Commemorationibus fervetur ordo ut in Breviario. De Dominica ante diem infra Octavam: de die infra Octavam ante Ferias prædictas: de Feriis prædictis, ante festum Simplex: de festo Simplici, ante Orationes quæ secundo vel tertio loco dicendæ assignantur; & hæ dicantur ante Orationes Votivas: in quibus Votivis servetur deinde dignitas Orationum, ut de Sanctissima Trinitate, de Spiritu Sancto, de Sacramento, de S. Cruce ante Votivam de B. Maria & de Angelis, & S. Joanne Baptista ante Apostolos, & similiter in aliis.

6 Si facienda sit commemoratio pro Defunctis, semper ponitur penultimo loco. In Missis autem Defunctorum nulla fit commemoratio pro vivis, etiam si Oratio esset communis pro vivis & Defunctis.

7 Quando dicuntur plures Orationes, prima tantum & ultima cum sua conclusione terminantur: & ante primam & secundam Orationem, tantum dicitur *Oremus*, ante primam dicitur etiam, *Dominus vobiscum*.

8 Cum vero dicuntur plures Orationes, & una Oratio eadem sit cum alia ibidem dicenda, Oratio hujusmodi, illa scilicet quæ eadem est, non aliæ, commutetur cum alia de Comuni, vel Proprio, quæ sit diversa. Idem servetur in Secretis, & Orationibus post Communionem.

VIII. De Introitu, Kyrie eleison, & Gloria in excelsis.

Introitus semper eodem modo dicitur cum Gloria Patri, ut in Ordinario, præterquam tempore Passionis, & in Missis Defunctorum, ut etiam ibi annotatum est. Kyrie eleison dicitur novies post Introitum, alternatim cum Ministro; id est, ter Kyrie eleison, ter Christe eleison, ter Kyrie eleison. Gloria in excelsis dicitur, quodcumque in Matutino dictus est Hymnus, Te Deum: præterquam in Missa Feriæ quintæ in Cœna Domini, & Sabbati sancti, in quibus Gloria in excelsis dicitur, quamvis in Officio non sit dictum, Te Deum.

2 In Missis Votivis non dicitur, etiam tempore Paschali, vel infra Octavas, nisi in Missa B. Mariæ in Sabbato, & Angelorum: & nisi Missa Votiva solemniter dicenda sit pro re gravi, vel pro publica Ecclesiæ causa, dummodo non dicatur Missa cum paramentis violaceis. Neque dicitur in Missis Defunctorum.

IX. De Orationibus.

1 **I**N Festis Duplicibus dicitur una tantum Oratio, nisi facienda sit aliqua commemoratio, ut dictum est supra.

2 In Festis Semiduplicibus occurrentibus ab Octava Pentecostes usque ad Adventum, & a Purificatione usque ad Quadragesimam, dicitur secunda Oratio, *A cunctis*, tertia ad libitum.

3 In Festis Semiduplicibus occurrentibus ab Octava Epiphaniæ usque ad Purificationem, dicitur secunda Oratio, *Deus qui salutis*, tertia, *Ecclesiæ*, vel pro Papa, *Deus omnium fidelium*.

4 In Festis Semiduplicibus, a Feria iv. Cinerum, usque ad Dominicam Passionis, secunda Oratio de Feria, tertia, *A cunctis*.

5 In Semiduplicibus, a Dominica Passionis usque ad Dominicam Palmarum, secunda Oratio de Feria, tertia, *Ecclesiæ*, vel pro Papa.

6 In Festis Semiduplicibus, ab Octava Paschæ usque ad Ascensionem, secunda Oratio de S. Maria, *Concede nos*, tertia *Ecclesiæ*, vel pro Papa.

7 In Festis Semiduplicibus infra Octavas occurrentibus, secunda Oratio dicitur de Octava, tertia, quæ secundo loco infra Octavam ponitur.

8 Infra Octavas Paschæ & Pentecostes, in Missa de Octava dicuntur duæ tantum Orationes, una de die, alia *Ecclesiæ*, vel pro Papa.

9 Infra alias Octavas, & in Vigiliis quæ jejunantur (excepta Vigilia Nativitatis Domini & Pentecostes) dicuntur tres; una de die, secunda de sancta Maria, tertia *Ecclesiæ*, vel pro Papa. Sed infra Octavas S. Mariæ, & in Vigilia, & infra Octavam Omnium Sanctorum, secunda Oratio dicitur de Spiritu sancto, *Deus qui corda*, tertia *Ecclesiæ*, vel pro Papa.

10 In Dominicis infra Octavas occurrentibus dicuntur duæ Orationes, una de Dominica, secunda de Octava: & in die Octava dicitur una tantum Oratio, nisi facienda sit aliqua commemoratio.

11 In Dominicis dicuntur tres, ut in Ordinario assignantur, quibusdam exceptis, ut suis etiam locis notatur.

12 In Festis Simplicibus, & Feriis per annum, nisi aliter in propriis locis notetur, dicuntur tres, ut in Semiduplicibus, aut quinque: possunt etiam dici septem ad libitum.

13 In Feriis Quatuor Temporum, & ubi plures leguntur Lectiones, hujusmodi plures Orationes dicuntur post ultimam Orationem ante Epistolam, ut suis locis in Proprio Missarum de Tempore.

14 In Missis Votivis, quando solemniter dicuntur pro re gravi, vel pro publica Ecclesiæ causa, dicitur una tantum Oratio; sed in Missa pro gratiarum

actione additur alia Oratio, ut in proprio loco notatur. In aliis autem dicuntur plures, ut in Festis Simplicibus.

15 In Votivis Beatæ Mariæ secunda Oratio dicitur de Officio illius diei, & tertia de Spiritu sancto: sed in Sabbato, quando de ea factum est Officium, secunda Oratio erit de Spiritu sancto, tertia *Ecclesiæ tuæ*, vel pro Papa. In Votivis de Apostolis, quando ponitur Oratio, *A cunctis*, ejus loco dicitur Oratio de sancta Maria, *Concede nos famulos*.

16 Si, cum plures dicuntur Orationes, occurrat fieri commemorationem alicujus Sancti, ea ponitur secundo loco, & tertia Oratio dicitur, quæ alias secundo loco dicenda erat.

17 In conclusione Orationum hic modus servetur. Si Oratio dirigatur ad Patrem, concluditur, *Per Dominum nostrum*, &c. Si ad Filium, *Qui vivis & regnas cum Deo Patre*. Si in principio Orationis fiat mentio Filii, concluditur, *Per eundem Dominum nostrum*. Si in fine Orationis, ejus fiat mentio, *Qui tecum vivit*. Si facta sit mentio Spiritus sancti, in conclusione dicitur, *In unitate ejusdem Spiritus sancti*, &c. Alia quoque in dicendis Orationibus servantur, quæ superius in Rubrica de Commemorationibus dicta sunt.

X. De Epistola, Graduali, Alleluia, & Tractu, ac de Evangelio.

1 **P**ost ultimam Orationem dicitur *Epistola*; qua finita, a Ministris respondetur, *Deo gratias*. Et similiter quando leguntur plures Lectiones, post singulas dicitur, *Deo gratias*, præterquam in fine quintæ Lectionis Danielis in Sabbatis Quatuor Temporum, & in fine Lectionum Feriæ sextæ in Parasceve, & Sabbati sancti.

2 Post Epistolam dicitur *Graduale*, quod semper dicitur, præterquam tempore Paschali, cujus loco tunc dicuntur duo versus, ut habetur in Rubrica in Sabbato in Albis.

3 Post Graduale dicuntur duo *Alleluia*, deinde Versus, & post Versum, unum *Allel*. Tempore Paschali, quando non dicitur *Graduale*, dicitur aliud *Alleluia*, post secundum Versum: & quando dicitur *Sequentia*, non dicitur post ultimum Versum, sed post *Sequentiam*.

4 A Septuagesima usque ad Sabbatum sanctum non dicitur *Alleluia*, neque dicitur in Missis de Feria in Adventu, Quatuor Temporibus, & Vigiliis quæ jejunantur, exceptis Vigilia Nativitatis Domini, si venerit in Dominica, & Vigilia Paschæ & Pentecostes ac Quatuor Temporibus Pentecostes. Nec dicitur in festo Sanctorum Innocentium, nisi venerit in Dominica.

5 A Septuagesima usque ad Pascha, ejus loco dicitur *Tractus*: qui Tractus prædicto tempore in aliquibus Feriis non dicitur, ut suis locis ponitur: nec dicitur in Feriis a Septuagesima usque ad Quadragesimam, quando repetitur Missa Dominicæ.

6 Dicto *Graduali*, seu *Alleluia*, seu *Tractu*, dicitur *Evangelium*. Et in principio Evangelii, dicitur, *Dominus vobiscum*. R. *Et cum spiritu tuo*: deinde *Sequentia sancti Evangelii secundum N.* R. *Gloria tibi,*

Domine. In fine Evangelii a Ministro respondetur, *Laus tibi, Christe*, quod etiam dicitur in fine illius partis Passionis, quæ legitur in tono Evangelii, præterquam in Parasceve. Postea si dicendum est, dicitur *Credo*.

XI. *De Symbolo.*

Symbolum dicitur post Evangelium in omnibus Dominicis per annum, etiam si in illis fiat de festo, in quo alias non diceretur, vel Dominica vacet. In tribus Missis de Nativitate Domini, & deinceps usque ad Octavam S. Joannis Apostoli inclusive. In Epiphania, & per Octavam. Feria v. in Cœna Domini. In Paschate Resurrectionis, & per Octavam. In Ascensione Domini, & per Octavam. In Pentecoste, & per Octavam. In festo Corporis Christi, & per Octavam. In omnibus festis B. Mariæ, & per Octavas. In festis duodecim Apostolorum, & Evangelistarum, & per Octavas. In utraque Cathedra sancti Petri, & in festo S. Petri ad Vincula. In festis Conversionis & Commemorat. S. Pauli Apostoli. In festo Sancti Joannis ante portam Latinam. In festo sancti Barnabæ Apostoli. In Festis Inventionis & Exaltationis sanctæ Crucis. In Transfiguratione Domini. In festis Angelorum. In festo S. Mariæ Magdalenæ. In festis quatuor Doctorum, videlicet, Gregorii, Ambrosii, Augustini & Hieronymi, addito festo S. Thomæ de Aquino, & S. Bonaventuræ, S. Isidori, S. Leonis Papæ, & S. Anselmi. Item in festis Doctorum, Athanasii, Basilii, Gregorii Nazianzeni, & Joannis Chrysostomi. In die Octavarum S. Joannis Baptistæ, & S. Laurentii. In festo Omnium Sanctorum, & per Octavam. In Dedicationibus Sancti Salvatoris, & sanctorum Apostolorum Petri & Pauli. In Anniversario Dedicationis propriæ Ecclesiæ, & per Octavam. In die Consecrationis Ecclesiæ, vel Altaris. In festis Sanctorum quibus dedicata est Ecclesia, & ubi habetur corpus vel insignis reliquia Sancti, de quo agitur. In die Creationis & Coronationis summi Pontificis, & in Anniversario ejusdem diei. In die & in Anniversario electionis & consecrationis Episcopi. Item in omnibus Festis quæ in Dominicis, & infra Octavas celebrantur: in quibus ratione Dominicæ & Octavæ dici debet. Item in festo Patroni alicujus loci, vel tituli Ecclesiæ, (non autem alicujus Capellæ, vel Altaris,) & in Festis principalibus Ordinum, & per eorum Octavas, in Ecclesiis tantum illius Ordinis. Item dicitur *Credo* in Missis Votivis quæ solemniter pro re gravi, vel pro publica Ecclesiæ causa celebrantur, etiam si dicantur in paramentis violaceis in Dominica.

XII. *De Offertorio, Secretis, Præfationibus & Canone*

Post Symbolum, vel si non sit dicendum, post Evangelium, dicitur *Dominus vobiscum. Oremus.* deinde *Offertorium*. Postea fit oblatio cum Orationibus, ut in Ordine Missæ. Qua oblatione facta, dicuntur *Orationes secretæ* secundum numerum Orationum, quæ clara voce in principio dictæ sunt: sed ante primam Orationem non dicitur *Dominus vobiscum*, nec aliquid aliud, sed dicto, *Suscipiat Dominus sacrificium*,

absolute dicuntur: neque etiam ante secundam Orationem dicitur *Oremus*. Terminatur autem prima & ultima Oratio, ut dictum est supra in Rubrica de *Orationibus*, & secreto dicuntur usque ad illa verba in conclusione, *Per omnia sæcula sæculorum*, quæ clara voce proferuntur, & incipitur *Præfatio*.

2 Præfationes autem dicuntur ut in Ordine Missæ annotatum est: & quæ in Quadragesima, tempore Passionis, & Paschali, & infra Octavas propriæ assignantur, dicuntur etiam in Dominicis & Festis, quæ illis temporibus celebrantur: nisi illa Festa propriam Præfationem habeant.

3 Si infra Octavam alicujus Festi, quod habet Præfationem propriam, occurrat Festum ex majoribus non habens propriam Præfationem, dicitur Præfatio de Octava, quamvis de ea nulla fiat commemoratio in Missa.

4 In Missis Votivis dicitur etiam Præfatio propria, si propriam habeant: si vero non habuerint, dicitur Præfatio de Tempore vel Octava infra quam contigerit hujusmodi Missas celebrari: alioquin Præfatio communis. Et quando aliqua Missa Votiva pro causa publica solemniter celebratur, dicitur in cantu solenni, ut in *Duplicibus*. In Missis Defunctorum quocumque tempore semper dicitur Præfatio communis.

5 Post Præfationem incipitur *Canon Missæ* secreto: in quo servantur omnia ut in Ordine Missæ. Ubi vero infra actionem *Communicantes*, & *Hanc igitur*, vel alia variari contingit, suo loco in propriis Missis annotatur.

XIII. *De Communionibus, Orationibus post Communionem, Ite Missa est, vel Benedicamus Domino, de Benedictione, & Evangelio sancti Joannis.*

1. **E**xpleto Canone, & aliis omnibus usque ad Communionem, ea peracta dicitur *Communionem*, & *Orationes post Communionem*, eodem modo & ordine ut in principio Missæ; & repetito, *Dominus vobiscum*, dicitur, *Ite Missa est*, vel *Benedicamus Domino*, pro temporis ratione. *Ite Missa est* dicitur quodcumque dictum est *Gloria in excelsis*. Cum non dicitur, ejus loco dicitur, *Benedicamus Domino*. R. *Deo gratias*. In Missis Defunctorum dicitur, *Requiescant in pace*. R. *Amen*.

2 Dicto *Placeat*, datur *Benedictio*, quæ à Celebrante semper datur in Missa, præterquam in Missis Defunctorum. Deinde legitur Evangelium sancti Joannis, *In principio*, præmisso *Dominus vobiscum*, & *initium*, ut moris est: quod Evangelium numquam prætermittitur in Missa, nisi quando fit de festo in aliqua Dominica, vel Feria quæ habet Evangelium proprium, quod legitur ejus loco. Excipitur Dominica iv. Adventus, cujus Evangelium non legitur in fine Missæ, quando in ea occurrit Vigilia Nativitatis Domini, quia nec in Officio lectum est. In tertia Missa de die Nativitatis Domini, legitur in fine Evangelium de Epiphania, *Cum natus esset Jesus*. Et in Dominica Palmarum in Missis privatis legitur Evangelium quod ponitur in bene-

dictione Palmarum, quod etiam lectum est in Officio. In Vigiliis quæ occurrunt in Quadragesima, vel Quatuor Temporibus, non legitur Evangelium Vigiliæ in fine Missæ. Et similiter in Missis Votivis, numquam legitur in fine aliud Evangelium, nisi S. Joannis.

XIV. *De ordinanda Missa ex supradictis Rubricis.*

Supradictis Rubricis cognitis, si quis velit ordinare Missam diei, recurrat ad Ordinarium Missarum de Tempore, vel de Sanctis, secundum qualitatem Officii. Si Proprium non habeat, recurrat ad Commune Sanctorum. Si de Feria agendum sit, & propria Missa non fuerit de Feria, dicatur Missa præcedentis Dominicæ, omittis *Gloria in excelsis*, & *Symbolo*, præterquam tempore Paschali, in quo semper dicitur *Gloria in excelsis*, ut supra, excepta Missa Rogationum: & in Adventu præmittitur *Alleluia* post *Graduale*, cum suo Versu. Si dicenda sit Missa Votiva, requiratur post Commune Sanctorum suo loco. Si plures Orationes dicendæ sint, requirantur post Missas Votivas, suo loco de singulis rebus singulæ. Si pro Defunctis dicenda sit Missa, habetur post Missas Votivas, cum Collectis diversis circa finem Missalis. Ordo totius Missæ, cum Præfationibus, Canone, & aliis dicendis, habetur suo loco, cum Proprio Missarum de Tempore.

XV. *De Hora celebrandi Missam.*

Missa privata saltem post Matutinum & Laudes quacumque hora ab aurora usque ad meridiem dici potest.

2 Missa autem Conventualis & sollemnis sequenti ordine dici debet. In festis Duplicibus & Semiduplicibus, in Dominicis & infra Octavas, dicta in Choro hora Tertia. In festis simplicibus & in Feriis per annum dicta Sexta. In Adventu, Quadragesima, Quatuor Temporibus, etiam infra Octavam Pentecostes, & Vigiliis quæ jejuntur, quamvis sint dies sollemnes, Missa de Tempore debet cantari post Nonam.

3 Missa autem Defunctorum dici debet post Primam diei: ubi vero dicuntur eorum Vigiliæ manè post Matutinum diei, dictis hujuscemodi Vigiliis cum Laudibus, immediatè dici potest Missa pro Defunctis. Sed in die Commemorationis omnium fidelium Defunctorum, Missa Conventualis dicitur post Nonam, quia eo die est principalis. In die autem Depositionis Defuncti, vel Tertio, Septimo, Trigesimo, aut Anniversario sollemni, in quo fit concursus populi, poterit similiter dici ultimo loco post Nonam.

4 Excipiuntur ab hoc ordine dicendi Missam Conventualem, Missæ in Nativitate Domini, quarum prima dicitur post mediam noctem, finito *Te Deum laudamus*, in Matutino; secunda in aurora, dictis Laudibus & Prima; tertia vero in die post Tertiam, vel ubi aliter ex dispensatione Apostolica disponatur.

5 Missæ Votivæ quia non correspondent Officio, si solemniter celebrantur pro re gravi, vel publica Ecclesiæ causâ, cum populi frequentia dicantur post Nonam.

XVI. *De his quæ clara voce aut secreto dicenda sunt in Missa.*

IN Missa privata clara voce dicuntur *Antiphona* & *Psalmus* ad Introitum, *Confessio*, & quæ sequuntur,

excepta Oratione, *Aufer à nobis*. & *Oramus te, Domine*, per merita Sanctorum tuorum, &c. Item *Introitus*, *Kyrie eleison*, *Gloria in excelsis*, *Dominus vobiscum*, *Oremus*, *Flectamus genua*, *Levate*, *Oratio*, vel *Orationes*, *Prophetia*, *Epistola*, *Graduale*, *Versus*, *Tractus*, *Sequentia*, *Evangelium*, *Credo*, *Offertorium*, *Orate fratres*, solum hæc duo verba. *Præfatio*, *Nobis quoque peccatoribus*, solum hæc tria verba. Item *Per omnia sæcula sæculorum*, &c. cum *Pater noster*, *Per omnia sæcula sæculorum*, *Pax Domini*, *Agnus Dei*, *Domine, non sum dignus*, hæc quatuor verba tantum. *Communio*, *Oratio*, vel *Orationes post Communionem*, *Humiliate capita vestra Deo*, *Ite Missa est*, vel *Benedicamus Domino*, vel *Requiescant in pace*, *Benedictio*, & *Evangelium* *In principio*, vel aliud Evangelium. Alia omnia dicuntur secreto.

2 Sacerdos autem maxime curare debet, ut ea quæ clara voce dicenda sunt, distincte & apposite proferat; non admodum festinanter, ut advertere possit quæ legit, nec nimis morose, ne audientes tædio afficiat: neque etiam voce nimis elata, ne perturbet alios, qui fortasse in eadem Ecclesia tunc temporis celebrant, neque tam submissa, ut a circumstantibus audiri non possit; sed mediocri & gravi, quæ & devotionem moveat, & audientibus ita sit accommodata, ut quæ leguntur, intelligant. Quæ vero secreta dicenda sunt, ita pronuntiet, ut & ipsemet se audiat, & a circumstantibus non audiat.

3 In Missa sollemni quando dici debent a Celebrante, *Gloria in excelsis*, & *Credo*, intonantur & cantantur, *Dominus vobiscum*, & *Orationes* ante *Epistolam*, *Dominus vobiscum*, *Oremus*; ante *Orationes* & ante *Offertorium*, *Præfatio*, *Per omnia sæcula sæculorum*, cum *Pater noster*, *Per omnia sæcula sæculorum*, cum *Pax Domini*, & *Orationes* post *Communionem*. Alia quæ in Missa privata dicuntur clara voce, in Missa sollemni a Celebrante dicuntur submissa voce.

XVII. *De ordine genuflectendi, sedendi & standi in Missa privata, & sollemni.*

IN Missa privata Sacerdos genuflectit quando legit Evangelium S. Joannis, *In principio*; ad illa verba, *Et verbum caro factum est*, & in Evangelio Epiphaniæ, *Cum natus esset Jesus*, ad illa verba, *Et proidentes adoraverunt eum*. Item in Evangelio Feriæ iv. post Dominicam quartam Quadragesimæ, ad illa verba in fine, *Et prociens adoravit eum*. Item genuflectit in Dominica Palmarum, & in Missis de Cruce, ad illa verba in *Epistola*, *In nomine Jesu omne genu flectatur*, &c. & quando legitur Passio, ad illa verba, *expiravit* vel *emisit spiritum*, ut suis locis notatur. Item genuflectit cum dicit *Flectamus genua*. Item quando in Quadragesima dicit in Tractu *Adjova nos, Deus*, &c. & in omnibus Missis de Spiritu sancto, cum dicit *Veni, sancte Spiritus, reple tuorum*, &c. Item quando Sacramentum in Altari discoopertum apparet, genuflectit quoties ante illud transit in medio Altaris: & quodcumque in ordine Missæ, & in ritu servando in celebratione Missæ notatur quod debeat genuflectere.

2 Circumstantes autem in Missis privatis semper genuflectunt, etiam tempore Paschali, præterquam dum legitur Evangelium.

3 In Missa solemni Celebrans genuflectit ad omnia supradicta, præterquam ad *Flectamus genua*, et tunc ipse solus stat, Diaconus vero et Subdiaconus, et omnes alii genuflectunt. Ad versum vero *Adjuva nos, Deus*, &c. et ad versum, *Veni sancte Spiritus*, &c. genuflectit usque ad finem. Item genuflectit in die Annuntiationis Beatæ Mariæ, et in tribus Missis Nativitatis Domini, quando cantatur in Choro, *Et incarnatus est*; &c. Aliis diebus si sedeat cum cantantur ea verba, non genuflectit, sed caput tantum profunde inclinat apertum; si non sedet, genuflectit.

4 Ministri semper genuflectunt cum celebrante, præterquam Subdiaconus tenens librum ad Evangelium, et Acolythi tenentes candelabra, qui tunc non genuflectunt. Et cum Diaconus cantat illa verba ad quæ est genuflectendum, ipse versus librum, Celebrans et omnes alii versus Altare genuflectunt.

5 In Choro genuflectitur ab iis, qui non sunt Prælati, ad Confessionem cum suo Psalmo. In Missis autem Feriarum Adventus, Quadragesimæ, Quatuor Temporum, et Vigiliarum quæ jejunantur, ac in Missis Defunctorum, genuflectunt omnes etiam ad Orationes, et dicto per Celebrantem, *Sanctus*, usque ad *Pax Domini*, et ad *Orationes post Communionem*, et *super populum*, excepta Vigilia Paschæ et Pentecostes, ac Nativitatis Domini, et Quatuor Temporibus Pentecostes. Et similiter ab omnibus genuflectitur quando elevatur Sacramentum.

6 In Missa solemni Celebrans medius inter Diaconum, et Subdiaconum sedere potest a cornu Epistolæ juxta Altare cum cantatur *Kyrie eleison*, *Gloria in excelsis*, et *Credo*, alio tempore stat ad Altare, vel genuflectit, ut supra.

7 In Choro non sedent qui actu cantant; reliqui autem possunt sedere quando Celebrans sedet, et præterea dum cantantur *Epistola* et *Prophetia*, *Graduale*, *Tractus*, vel *Alleluia* cum *Versu*, ac *Sequentia*, et ab *Offertorio*, usque ad incensationem Chori, et si non incensatur, usque ad *Præfationem*, et ad *Antiphonam*, quæ dicitur *Communio*. Ad alia stant, vel genuflectunt, ut supra.

XVIII. De coloribus Paramentorum.

1 Paramenta Altaris, Celebrantis, et Ministrorum, debent esse coloris convenientis Officio, et Missæ diei, secundum usum Romanæ Ecclesiæ; quæ quinque coloribus uti consuevit, Albo, Rubro, Viridi, Violaceo et Nigro.

2 Albo colore utitur a Vesperis Vigiliæ Nativitatis Domini usque ad Octav. Epiphaniæ inclusive, exceptis Festis Martyrum, quæ infra eam veniunt, Feria v. in Cœna Domini, et Sabbato sancto in Officio Missæ; et ab illo die usque ad Sabbatum in Vi-

gilia Pentecostes ad Nonam, in Officio de Tempore, præterquam in Missa Litaniarum, et Rogationum. In festo SS. Trinitatis. In festo Corporis Christi. In festo Transfigurationis Domini. In festo Nominis Jesu. In festis B. M. V. præterquam in benedictione Candelarum, et Processione quæ fit in festo Purificationis ejusdem. In festis Angelorum. In Nativ. S. Joannis Baptistæ. In principali festo S. Joannis Evangel. quod celebratur infra Octavam Nativ. Domini. In utraque Cathedra S. Petri. In festo S. Petri ad Vincula. In Conversione S. Pauli. In festo sacrorum Stigmatum sancti Francisci. In festo Omnium Sanctorum. In festis Confessorum, Pontificum, et non Pontificum et Doctorum. In festis Sanctarum Virginum non Martyrum, et nec Virginum nec Martyrum. In Dedicatione et Consecratione Ecclesiæ vel Altaris, ac in Consecratione summi Pontificis, et in Anniversario Creationis et Coronationis ejusdem, et electionis et consecrationis Episcopi. Item per Octavas prædictorum Festorum quæ Octavas habent, quando dicitur Missa de Octava et in Dominicis infra eas occurrentibus; quando in eis fit Officium de Dominica, præterquam in illis Dominicis, quibus tributus est color violaceus. In Missis Votivis supradictorum Festorum quocumque tempore dicantur, et in Missa pro Sponso et Sponsa.

3 Rubro colore utitur a Vigilia Pentecostes in Missa usque ad Sabbatum sequens finita Nona et Missa. In festis sanctæ Crucis. In Decollatione S. Joannis Baptistæ. In natali Apostolorum Petri et Pauli, et in festis aliorum Apostolorum, (exceptis Festo principali S. Joannis Evangelistæ post Nativitatem, et Festis Conversionis S. Pauli, et Cathedræ S. Petri, et ejus Vinculorum.) In Festo S. Joannis ante portam Latinam. In Commemoratione S. Pauli Apostoli. In Festis Martyrum, excepto Festo SS. Innocentium, quando non venerit in Dominica; si autem in Dominica venerit, utitur Rubro; in ejus vero die Octava semper utitur Rubro, quocumque die occurrat. In festis Sanctarum Virginum Martyrum, et Martyrum non Virginum. Item per Octavas prædictorum festorum quæ Octavas habent, quando fit de Octava, et in Dominicis infra eas Octavas occurrentibus, eodem modo ut dictum est supra de colore albo. Item in Missis Votivis supradictorum Festorum, et in Missa pro eligendo summo Pontifice.

4 Viridi colore utitur ab Octava Epiphaniæ usque ad Septuagesimam, et ab Octava Pentecostes usque ad Adventum exclusive, in Officio de Tempore, excepta Dominica Trinitatis ut supra; ac exceptis Dominicis infra Octavas occurrentibus, in quibus color Octavarum servatur; exceptis etiam Vigiliis, et Quatuor Temporibus, ut infra.

5 Violaceo colore utitur a prima Dominica Adventus in primis Vesperis, usque ad Missam Vigiliæ Nativitatis Domini inclusive; et a Septuagesima usque ad Sabbatum sanctum ante Missam inclusive; in Of-

ficio de Tempore, excepta Feria v. in Cœna Domini, in qua utitur Albo : et Feria sexta in Parasceve, in qua utitur Nigro, ut infra : et benedictione Cerei in Sabbato sancto, in qua Diaconus, illius Præfationem dicens, solus utitur Albo : ea autem finita, Violaceo, ut prius. Item in Vigilia Pentecostes ante Missam, a prima Prophetia usque ad Benedictionem Fontis inclusive. In Quatuor Temporibus, et Vigiliis quæ jejuntur, exceptis Vigilia & Quatuor Temporibus Pentecostes. In Missa Litaniarum in die S. Marci Evangelistæ, & Rogationum, & in Processionibus quæ in his diebus fiunt. In festo SS. Innocentium quando non venerit in Dominica. In Benedictione Candelarum in die Purificationis B. M. & in benedictione Cinerum, ac Palmarum, & ipsa Dominica in Palmis & in eorundem, ac generaliter in omnibus Processionibus ; exceptis Processionibus sanctissimi Sacramenti, & quæ fiunt in diebus solemnibus, vel pro gratiarum actione. In Missis de Passione Domini ; Pro quacumque necessitate ; Pro peccatis ; Ad postulandam gratiam bene moriendi. Ad tollendum schisma ; contra Paganos ; Tempore belli ; Pro pace ; Pro vitanda mortalitate ; Pro iter agentibus, & pro Infirmis.

6 Nigro colore utitur Feria vj. in Parasceve, & in omnibus Officiis & Missis Defunctorum.

XIX. De qualitate Paramentorum.

1 **I**N Officio Missæ Celebrans semper utitur Planetâ super Albam. Si autem sit Episcopus, & solemniter celebret ; super Dalmaticam & Tunicellam.

2 Pluviali utitur in Processionibus, & Benedictionibus quæ fiunt in Altari. Item in Officio Laudum, & Vesperarum, quando solemniter dicuntur. Eodem utitur assistens Celebranti in Missa Pontificali.

3 Item quando Celebrans post Missam Defunctorum facit in fine Absolutionem.

4 Cum celebrans utitur Pluviali, semper depōnit Manipulum, & ubi Pluviale haberi non potest in Benedictionibus quæ fiunt in Altari, Celebrans stat sine Planeta cum alba & stola.

5 Dalmatica, & Tunicella utuntur Diaconus & Subdiaconus in Missa solemnī & processionibus, & benedictionibus quando Sacerdoti ministrant.

6 In diebus vero jejuniorum (præterquam in Vigiliis Sanctorum) & in Dominicis & Feriis Adventus,

& Quadragesimæ ac in Vigilia Pentecostes ante Missam (exceptis Dominica, *Gaudete*, etiamsi ejus Missa infra Hebdomadam repetatur, & Dominica, *Lætare*, Vigilia Nativitatis Domini, Sabbato sancto in benedictione Cerei, & in Missa, ac Quatuor Temporibus Pentecostes :) item in Benedictione Candelarum & Processione : in die Purificationis B. M. & in Benedictione Cinerum, ac Benedictione Palmarum, & Processione : in Cathedralibus & præcipuis Ecclesiis utuntur Planetis plicatis ante pectus : quam Planetam Diaconus dimittit cum lecturus est Evangelium, eaque tunc super sinistrum humerum super stolam complicatur, aut ponitur aliud genus stolæ latioris in modum Planetæ plicatæ ; et facta Communione resumit Planetam ut prius. Similiter Subdiaconus dimittit eam cum lecturus est Epistolam, quam legit in Alba ; & ea finita, osculataque Celebrantis manus, Planetam resumit ut prius.

7 In minoribus autem Ecclesiis, prædictis diebus jejuniorum Alba tantum amicti ministrant, Subdiaconus cum Manipulo, Diaconus etiam cum stola ab humero sinistro pendente sub dextrum.

XX. De præparatione Altaris & Ornamentorum ejus.

Altare, in quo sacro-sanctum Missæ sacrificium celebrandum est, debet esse lapideum, et ab Episcopo consecratum : vel saltem ara lapidea, similiter ab Episcopo consecrata, in eo inserta, quæ tam ampla sit, ut Hostiam, & majorem partem Calicis capiat. Hoc Altare operiatur tribus mappis seu tobaleis mundis, ab Episcopo vel alio habente potestatem benedictis, superiori saltem oblonga, quæ usque ad terram pertingat, duabus aliis brevioribus, vel una duplicata. Pallio quoque ornetur, coloris, quoad fieri potest, diei festo vel Officio convenientis. Super Altare collocetur Crux in medio, et candelabra saltem duo cum candelis accensis hinc et inde in utroque ejus latere. Ad Crucis pedem, ponatur tabella Secretarum appellata. In cornu Epistolæ cussinus supponendus Missali : & ab eadem parte Epistolæ paretur cereus, ad elevationem Sacramenti accendendus, parva campanula, ampullæ vitææ vini & aquæ, cum pelvicula & manutergio mundo, in fenestella seu in parva mensa ad hæc præparata. Super Altare nihil omnino ponatur, quod ad Missæ sacrificium, vel ipsius Altaris ornatum non pertineat.

RITUS SERVANDUS IN CELEBRATIONE MISSÆ.

I. De præparatione Sacerdotis celebraturi.

1 **S**ACERDOS celebraturus Missam, prævia Confessione Sacramentali, quando opus est, & saltem Matutino cum Laudibus absoluto, orationi aliquantulum vacet, & Orationes inferius positas pro temporis opportunitate, dicat. Deinde accedit ad locum in Sacristia vel alibi præparatum, ubi paramenta, aliaque ad celebrationem necessaria habentur : accipit Missale, perquirat Missam, perlegit, et

signacula ordinat ad ea quæ dicturus est. Postea lavat manus, dicens Orationem inferius positam. Deinde præparat Calicem (qui debet esse vel aureus, vel argenteus, aut saltem habere cuppam argenteam intus, inauratam & simul cum Patena itidem inaurata, ab Episcopo consecratus :) super ejus os ponit purificatorium mundum, & super illud Patenam cum Hostia integra, quam leviter extergit, si opus est, a fragmentis, & eam tegit parva palla linea, cum velo

serico; super velo ponit bursam coloris paramentorum, intus habentem Corporale plicatum, quod ex lino tantum esse debet, nec serico vel auro in medio intextum, sed totum album, & ab Episcopo, vel alio habente faculatam simul cum palla benedictum.

2 Quibus ita dispositis accedit ad paramenta, quæ non debent esse lacera aut scissa, sed integra, et decenter munda ac pulchra, et ab Episcopo item, vel alio facultatem habente benedicta: ubi calceatus pedibus, & indutus vestibus sibi convenientibus, quarum exterior saltem talum pedis attingat: induit se si sit Prælati secularis, supra rochetum, si sit Prælati regularis, vel alius Sacerdos secularis, supra superpelliceum, si commode haberi possit, alioquin sine eo supra vestes communes, dicens ad singula singulas Orationes inferius positas.

3 Ac primum accipiens Amictum circa extremitates, & chordulas, osculatur illud in medio, ubi est Crux, & ponit super caput, & mox declinat ad collum, et eo vestium collaria circumtegens, ducit chordulas sub brachiis, et circumducens per dorsum, ante pectus reducit et ligat. Tum Alba induitur, caput submittens; deinde manicam dextram brachio dextro, & sinistram sinistro imponens, Albam ipsam corpori adaptat, elevat ante, & a lateribus hinc inde, & Cingulo per ministrum a tergo sibi porrecto se cingit. Minister elevat Albam super Cingulum circumcirca, ut honeste dependeat, & tegat vestes; ac ejus fimbrias diligenter aptat, ut ad latitudinem digiti vel circiter super terram æqualiter fluat. Sacerdos accipit Manipulum, osculatur Crucem in medio, & imponit brachio sinistro. Deinde ambabus manibus accipiens Stolum, simili modo deosculatur: & imponit medium ejus collo, ac transverso eam ante pectus in modum crucis, ducit partem a sinistro humero pendentem ad dexteram, & partem a dextro humero pendentem ad sinistram. Sicque utramque partem Stolæ extremitatibus Cinguli hinc inde ipsi Cingulo conjungit.

4 Si Celebrans sit Episcopus, non ducit Stolum ante pectus in modum crucis, sed finit hinc inde utrasque extremitates pendere: & antequam accipiat stolum, accipit parvam Crucem pectoralem, quam osculatur, & collo impositam finit ante pectus cordulis pendere. Manipulum quoque non accipit ante stolum, nisi in Missis defunctorum, sed accipit ad Altare, cum in Confessione dicit, *Indulgentiam*, illumque prius osculatur.

Postremo Sacerdos accipit Planetam.

5 Si sit Episcopus et solemniter celebret, accipit paramenta, et alia ut in Cæremoniali.

II. De ingressu Sacerdotis ad Altare.

1 Sacerdos omnibus paramentis indutus, accipit manu sinistra Calicem ut supra præparatum, quem portat elevatum ante pectus, bursam manu dextra super Calice tenens, & facta reverentia Cruci, vel imagini illi quæ in Sacristia erit; capite cooperito accedit ad Altare, Ministro cum Missali, & aliis

ad celebrandum necessariis (nisi ante fuerint præparata) præcedente, superpelliceum induto. Procedit autem oculis demissis, incessu gravi, erecto corpore. Si vero contigerit eum transire ante Altare majus, capite cooperto, faciat ad illud reverentiam: si ante locum Sacramenti, genuflectat: si ante Altare ubi celebratur Missa in qua elevatur vel tunc ministratur Sacramentum, similiter genuflectat, & detecto capite illud adoret, nec ante surgat, quam celebrans deposuerit Calicem super Corporale.

2 Cum pervenerit ad Altare, stans ante illius infimum gradum, caput detegit biretum ministro porrigit: et Altari, seu imagini crucifixi desuper positæ profunde inclinat. Si autem in eo sit tabernaculum sanctissimi Sacramenti, genuflectens debitam facit reverentiam. Tum ascendit ad medium Altaris: ibi ad cornu Evangelii sistit Calicem, extrahit Corporale de bursa, quod extendit in medio Altaris, et super illud Calicem velo coopertum collocat, bursam autem ad cornu Evangelii. Si in Altari paramenta accepit, hoc idem facit antequam descendat ab Altari ut Missam inchoet.

3 Si est consecraturus plures Hostias pro communione facienda, quæ ob quantitatem super Patena manere non possint, locat eas super Corporale ante Calicem; aut in aliquo Calice consecrato, vel vase mundo benedicto, ponit eas retro post Calicem, et alia Patena, seu palla cooperit.

4 Collocato Calice in Altari, accedit ad cornu Epistolæ, Missale super cussino aperit, reperit Missam, & signacula suis locis accommodat. Deinde rediens ad medium Altaris, facta primum cruci reverentia, vertens se ad cornu Epistolæ, descendit post infimum gradum Altaris, ut ibi faciat Confessionem.

5 In Missa solemniori Missale apertum super Altare, Calix vero, & alia necessaria præparentur in Credentia cooperta linteis, antequam Sacerdos veniat ad Altare. Ipse autem procedit cum Diacono, & Subdiacono, qui capite cooperto simul cum eo tenet manus junctas ante pectus, Acolythi vero ante eos deferunt candelabra cum candelis accensis, quæ deinde collocantur super Credentia: & cum pervenerit ante infimum gradum Altaris, ibi medius inter Diaconum a dextris, & Subdiaconum a sinistris, antequam ascendat ad Altare, facit cum ipsis, (ut infra) Confessionem.

6 In Missa Pontificali omnia servantur, ut in Cæremoniali ordinatur: cujus ordinem Episcopus nunquam prætermittat, quodcumque cum Diacono & Subdiacono paratis celebrat.

III. De principio Missæ & Confessione facienda.

1 Sacerdos cum primum descenderit sub infimum gradum Altaris, convertit se ad ipsum Altare, ubi stans in medio, junctis manibus ante pectus, extensis & junctis pariter digitis, & pollice dextro super sinistram posito in modum crucis (quod semper servatur, quando junguntur manus præterquam post

consecrationem) detecto capite, facta prius Cruci vel Altari profunda reverentia, vel si in eo sit tabernaculum sanctissimi Sacramenti, facta genuflexione, erectus incipit Missam.

2 Si celebraturus sit coram Summo Pontifice, sistit se ante infimum gradum Altaris a cornu Evangelii ante ipsum Pontificem, ubi genuflexus expectat; accepta benedictione erigit se, & stans aliquantulum versus ad Altare, incipit Missam. Si autem sit coram Cardinale, Legato Sedis Apostolicæ, aut Patriarcha, Archiepiscopo & Episcopo in eorum residentibus, vel loco jurisdictionis, stans ante infimum gradum a cornu Evangelii ut supra expectat: dato signo facit profundam reverentiam Prælati, & versus ad Altare incipit Missam.

3 Si autem solemniter celebret coram Summo Pontifice, aut alio ex Prælati prædictis in Ecclesiis eorum jurisdictionis, stans a sinistris Prælati, facit cum eo Confessionem, & alia servat, ut in Cæremoniali ordinatur.

4 Stans igitur celebrans ante infimum gradum Altaris, ut supra, producens manu dextra a fronte ad pectus signum Crucis, dicit intelligibili voce: *In nomine Patris, & Filii, & Spiritus sancti. Amen.* Et postquam id dixerit, non debet advertere quemcumque in alio Altari celebrantem, etiamsi Sacramentum eleve, sed continue prosequi Missam suam usque ad finem. Quod etiam observatur in Missa solemnī, et simul etiam a Ministris.

5 Cum seipsum signat, semper sinistram ponit infra pectus: in aliis benedictionibus, cum est ad Altare, & benedicit oblata, vel aliquid aliud, ponit eam super Altare, nisi aliter notetur. Seipsum benedicens, vertit ad se palmam manus dextræ, & omnibus illius digitis junctis & extensis, a fronte ad pectus, & ab humero sinistro ad dextrum, signum crucis format. Si vero alios, vel rem aliquam benedicit, parvum digitum vertit ei cui benedicit; ac benedicens, totam manum dextram extendit, omnibus illius digitis pariter junctis, & extensis: quod in omni benedictione observatur.

6 Postquam dixerit, *In nomine Patris*, &c. ut supra, jungens iterum manus ante pectus, pronuntiat clara voce Ant. *Introibo ad altare Dei.* Minister retro post eum ad sinistram genuflexus, & in Missa solemnī Ministri hinc inde stantes prosequuntur; *Ad Deum qui lætificat juventutem meam.* Deinde Sacerdos eodem modo stans incipit, & prosequitur cum Ministro, vel ministris alternatim, Psalmum, *Judica me, Deus*, usque ad finem; cum *Gloria Patri.* Quo finito repetit Ant. *Introibo*, cum Ministris ut supra.

Qui Psalmus nunquam prætermittitur, nisi in Missis Defunctorum, & in Missis de Tempore a Dominica Passionis inclusive usque ad Sabbatum sanctum exclusive, in quibus semel tantum dicta Ant. *Introibo*, cum Ministris ut supra, Sacerdos statim subjungit. *Adjutorium nostrum*, &c. ut infra. Cum in fine Psalmi dicit, *Gloria Patri*, &c. Caput cruci inclinatur.

7 Repetita Ant. *Introibo*, dextra manu producens signum crucis a fronte ad pectus, dicit *Adjutorium nostrum in nomine Domini. R. Qui fecit cælum & terram.* Deinde Altari se profunde inclinans, junctis manibus dicit, *Confiteor Deo*, ut in Ordine Missæ: & prosequitur eodem modo stans inclinatus, donec a Ministro vel Ministris dictum sit, *Misereatur.* Cum incipitur a Ministris, *Confiteor*, se erigit. Cum dicit *mea culpa*, ter pectus dextera manu percutit, sinistra infra pectus posita.

8 Si est coram Pontifice, Cardinale, Legato sedis Apostolicæ, vel Patriarcha, Archiepiscopo, & Episcopo, in eorum Provincia, civitate, vel Diocesi constitutis, ubi dicit, *vobis, fratres*, dicat *tibi Pater*; similiter in fine, ubi dicit *vos, fratres*, dicat *te, Pater*, quod dicens, Summo Pontifici genuflectit, aliis Prælati profunde se inclinatur.

9 Cum Minister, & qui interfunt (etiamsi ibi fuerit summus Pontifex) respondent, *Confiteor*, dicunt, *tibi, Pater, & te, Pater*, aliquantulum conversi ad Celebrantem.

10 Facta a circumstantibus confessione, Celebrans stans respondet, *Misereatur vestri, &c.* Deinde producens manu dextra a fronte ad pectus signum crucis, dicit, *Indulgentiam, &c.* et si sit Episcopus, accipit manipulum, osculando illum in medio. Et stans inclinatus junctis manibus prosequitur, *Deus, tu conversus*, & quæ sequuntur in ordine Missæ, clara voce usque ad Orationem, *Aufer a nobis, &c.* et cum dicit: *Oremus*, extendit & jungit manus.

11 Et tunc si coram Summo Pontifice, aut aliis Prælati, ut supra celebret, facta Summo Pontifici genuflexione, aliis Prælati profunda reverentia accedit ad medium Altaris ante infimum gradum & ibi incipit secreto, *Aufer a nobis*, ut in ordine Missæ.

IV. De Introitu, Kyrie eleison, & Gloria in excelsis.

1 **D**Um dicit *Aufer a nobis, &c.* Celebrans junctis manibus ascendit ad medium Altaris, & ibi inclinatus, manibusque, item junctis super eo positus, ita ut digiti, parvi dumtaxat frontem seu medium anterioris partis tabulæ seu mensæ Altaris tangent, residuo manuum inter Altare, & se retento, pollice dextro super sinistram in modum crucis posito (quæ omnia semper observantur cum manus junctæ super Altare ponuntur) secreto dicit: *Oramus te, Domine, &c.* et cum dicit: *Quorum reliquæ hic sunt*, osculatur Altare in medio, manibus extensis æqualiter hinc inde super eo positus: quod semper servatur quando osculatur Altare: sed post Consecrationem pollices ab indicibus non disjunguntur. In omni etiam deosculatione sive Altaris, sive libri, sive alterius rei, non produetur signum Crucis pollice vel manu super id quod osculandum est.

2 Osculato Altari accedit ad cornu ejus sinistram, id est Epistolæ: ubi stans versus Altare, & producens a fronte ad pectus signum Crucis, incipit intelligibili voce, *Introitum* Missæ, & prosequitur junctis mani-

bus. Cum dicit, *Gloria Patri*, tenens junctas manus, caput inclinat versus Crucem. Cum repetit *Introitum*, non signat se ut prius, & eo repetito, junctis manibus ante pectus accedit ad medium Altaris, ubi stans versus illud, similiter manibus junctis, dicit eadem voce ter *Kyrie eleison*, ter *Christe eleison*, & iterum ter *Kyrie eleison*, alternatim cum ministro. Si minister, vel qui interfunt Celebranti non respondeant, ipse solus novies dicit.

3 Dīcto ultimo *Kyrie eleison*, Sacerdos stans in medio Altaris, & manus extendens, elevansque usque ad humeros (quod in omni manuum elevatione observatur) voce prædicta incipit, si dicendum sit, *Gloria in excelsis*. Cum dicit *Deo*, jungens manus caput Cruci inclinat: quo erecto, stans junctis manibus ante pectus, prosequitur usque ad finem. Cum dicit *Adoramus te, Gratias agimus tibi, & Jesu Christe: Suscipe deprecationem nostram*, & iterum *Jesu Christe*, caput Cruci inclinat; cum dicit in fine, *Cum sancto Spiritu*; seipsum a fronte ad pectus signat, interim absolvens, *In gloria Dei Patris, Amen.*

4. In Missa solemni Sacerdos facta Confessione ascendit, cum ministris ad medium Altaris: ubi dicto, *Oramus te, Domine*, & osculato Altari ponit incensum in Thuribulum, ministrante Diacono naviculam, & Thuriferario Thuribulum, Diaconus parum inclinatus versus Celebrantem, dicit, *Benedicite, Pater reverende*, & osculatur cochlear, & manum Celebrantis ante & post, Celebrans ter incensum ponit in Thuribulum, dicens interim: *Ab illo benedicaris*, & deposito cochleari, produciens manu dextra signum Crucis super thus in Thuribulo, illud benedicit. Postea Diaconus dimissa navicula, accipit Thuribulum, & dat Celebranti; osculata prius catenularum summitate, & manu illius dextra; quæ facta Cruci profunda reverentia, eam ter incensat, nihil dicens: & facta iterum Cruci reverentia, incensat Altare ter ducens Thuribulum, æquali distantia, prout distribuuntur candelabra, a medio ejus usque ad cornu Epistolæ: ubi demissa manu, thurificat illius postremam partem inferiorem, mox superiorem, bis ducto Thuribulo: & conversus ad Altare elevans manus incensat ejus planitiem, seu mensam in parte anteriori, ter ducens Thuribulum usque ad medium: ubi facta Cruci reverentia, procedendo thurificat aliud latus Altaris triplici ductu usque ad cornu Evangelii; & pariter incensata inferiori & superiori parte ipsius cornu Evangelii duplici ductu, adhuc stans ibidem elevat Thuribulum & ter incensat superiorem tabulæ partem versus medium Altaris, ut fecit in cornu Epistolæ: deinde manu aliquantum demissa, incensat anteriorem ejus partem seu frontem ter ducens Thuribulum dum procedit a cornu Evangelii usque ad medium Altaris, & facta Cruci reverentia incensat similiter triplici ductu reliquam partem anteriorem usque ad cornu Epistolæ: ubi reddito Thuribulo ipsi Diacono ab eo ipse solus incensatur.

5 Si vero in Altari fuerint Reliquiæ seu Imagines Sanctorum, incensata Cruce, & facta ei reverentia, antequam discedat a medio Altaris primum incensat eas quæ a dextris sunt, id est a parte Evangelii prope Crucem bis ducens Thuribulum, & iterum facta Cruci reverentia similiter incensat bis alias quæ sunt a sinistris, hoc est a parte Epistolæ; deinde prosequitur incensationem Altaris ut supra, ter ducens Thuribulum in unoquoque latere, etiam si in eo essent plures Reliquiæ vel Imagines, seu etiam plura, vel pauciora candelabra.

6 Si in Altari fuerit tabernaculum sanctissimi Sacramenti, accepto Thuribulo antequam incipiat incensationem, genuflectit: quod item facit quotiescumque transit ante medium Altaris.

7 Diaconus & Subdiaconus hinc inde assistunt Celebranti dum incensat, & cum transeunt ante Crucem, semper genuflectunt. Deinde Celebrans, Diacono a dextris ejus, Subdiacono a dextris Diaconi stantibus in cornu Epistolæ, legit *Introitum*, & *Kyrie eleison*. Cum vero intonat Hymnum, *Gloria in excelsis*, Diaconus & Subdiaconus unus post alium, stant a tergo Celebrantis. Postea ascendunt ad Altare, hinc & inde, Diaconus a dextris Subdiaconus a sinistris, cum Celebrante Hymnum submissa voce prosequuntur usque ad finem. Quod etiam servatur cum dicitur, *Credo*, & cum dicitur, *Dominus vobiscum*, *Oratio*, *Præfatio*, et *Pater noster*. Diaconus & Subdiaconus similiter stant unus post alterum a tergo Celebrantis.

V. De Oratione.

1 Dīcto Hymno, *Gloria in excelsis*, vel si non sit dicendus; eo omisso, Celebrans osculatur Altare in medio, manibus hinc inde super eo, ut supra, extensis: tum illis ante pectus junctis, & demissis ad terram oculis, vertit se a sinistro latere ad dextrum versus populum, hoc est, per eam partem quæ respicit cornu Epistolæ, & extendens ac jungens manus ante pectus ut prius, dicit voce prædicta, *Dominus vobiscum*, vel si sit Episcopus, *Pax vobis*, quod dicitur tantum hoc loco quando dictus est Hymnus, *Gloria in excelsis*. R. *Et cum spiritu tuo*, et junctis ut prius manibus revertitur per eandem viam ad librum, ubi eas extendens & jungens ante pectus, caputque Crucis inclinans, dicit, *Oremus*, tum extendit manus: ante pectus, ita ut palma unius manus respiciat alteram & digitis simul junctis, quorum summitas, humerorum altitudinem distantiamque non excedat: quod in omni extensione manuum ante pectus servatur. Stans autem, ut supra, extensis manibus, dicit *Orationem*. Cum dicit, *Per Dominum nostrum*, jungit manus, easque junctas tenet usque ad finem. Si aliter concluditur Oratio. *Qui tecum*, vel *Qui vivis*, cum dicit, *in unitate*, jungit manus.

2 Cum nominatur nomen *Jesus*, caput versus Crucem inclinat, quod etiam facit cum nominatur in Epistola. Et similiter ubicumque nominatur nomen *B. M.* vel Sanctorum, de quibus dicitur Missa,

vel sit commemoratio, item in Oratione pro Papa, quando nominatur semper caput inelinat, non tamen versus Crucem. Si plures Orationes sint dicendæ, idem in eis, in voce, extensione manuum, & capitis inclinatione, quod supra dictum est observatur.

3 Si Altare sit ad Orientem versus populum, Celebrans versa facie ad populum, non vertit humeros ad Altare, cum dicturus est, *Dominus vobiscum. Orate, fratres. Ite Missa est*, vel daturus benedictionem: sed osculato Altari in medio, ibi expansis & junctis manibus, ut supra, salutat populum, & dat benedictionem.

4 In Quatuor Temporibus, vel alias quando dicendæ sunt plures Orationes cum Prophetiis, dicto *Kyrie eleison*, in medio Altaris revertitur ad cornu Epistolæ, ubi stans ante librum extensis & junctis ante pectus manibus, & caput Cruci, inclinans, dicit: *Oremus, Flectamus genua*, & illico manibus super Altare extensis, ut seipsum ad Altare sustineat, genuflectit, et sine mora surgens, eadem voce ministro respondente, *Levate*, manibus extensis, dicit *Orationem*, ut supra, & in conclusione eas jungit. Dum autem legit Prophetias, tenet manus super librum vel Altare positas, ut mox dicetur de Epistola.

5 In Missa solemni cum dicitur *Dominus vobiscum*, et *Oratis*, Diaconus & Subdiaconus stant retro post Celebrantem; *Flectamus genua*, dicitur a Diacono, a Subdiacono vero, *Levate*, illo primum genuflectente, hoc primum surgente, Celebrans vero non genuflectit.

VI. De Epistola, Graduali, & aliis usque ad Offertorium.

1 **D**ictis Orationibus, Celebrans positus super librum vel super Altare manibus, ita ut palma librum tangant vel (ut placuerit) librum tenens, legit *Epistolam* intelligibili voce, & respondetur a ministro, *Deo gratias*, & similiter stans eodem modo, prosequitur *Graduale, Alleluia* et *Tractum* ac *Sequentiam*, si dicenda sint. Quibus dictis, Sacerdos si privatim celebret, ipsemet, seu minister portat librum Missalis ad alteram partem Altaris in cornu Evangelii: & dum transit ante medium Altaris, caput Cruci inclinat, & Missale sic locat, ut posterior pars libri respiciat ipsum cornu Altaris, & non ad parietem, five ad partem ejus contra se directam.

2 Locato Missali in Altari, Celebrans redit ad medium Altaris, ibique stans junctis manibus ante pectus, levatisque ad Deum oculis, & statim demissis, tum profunde inclinatus, dicit secreto; *Munda cor meum*, et *Jube domine benedicere. Dominus sit in corde meo* ut in Ordinario. Quibus dictis vadit ad librum Missalis, ubi stans versus illum junctis manibus ante pectus, dicit intelligibili voce, *Dominus vobiscum. R. Et cum spiritu tuo.* Deinde pollice dexteræ manus signo Crucis signat, primo librum super principio Evangelii quod est lecturus, postea seipsum in fronte ore, & pectore, dicens: *Sequentia vel Initium sancti Evangelii*, &c. *R. Gloria tibi, Domine.* Tunc junctis iterum manibus ante pectus, stans ut supra, pro-

sequitur Evangelium, usque ad finem. Quo finito, minister stans in cornu Epistolæ post infimum gradum Altaris, respondet, *Laus tibi, Christe*, & Sacerdos elevans parumper librum, osculatur principium Evangelii, dicens: *Per Evangelica dicta*, &c. Præterquam in Missis Defunctorum, & nisi celebret coram Summo Pontifice, Cardinale, & Legato Sedis Apostolicæ, vel Patriarcha, Archiepiscopo, & Episcopo, in eorum residentiis; quo casu deferitur cuilibet prædictorum osculandus liber, & Celebrans tunc non osculatur illum, nec dicit, *Per Evangelica dicta*. Cum autem nominatur Jesus, caput versus librum inclinat, & eodem modo versus librum genuflectit, cum in Evangelio est genuflectendum.

3 Dicto Evangelio stans in medio Altaris versus Crucem, elevans & extendens manus, incipit (si dicendum sit) *Credo*; cum dicit, *in unum Deum*, jungit manus & caput Cruci inclinat: quo erecto, stans ibidem junctis ante pectus manibus, ut prius, prosequitur usque ad finem. Cum dicit, *Jesum Christum*, caput Cruci inclinat. Cum dicit, *Et incarnatus est*, usque ad, *Et homo factus est*, inclusive, genuflectit. Cum dicit, *Simul adoratur*, caput Cruci inclinat. Cum dicit, *Et vitam venturi sæculi. Amen.* producit sibi manu dextra signum Crucis a fronte ad pectus.

4 In Missa solemni Subdiaconus circa finem ultimæ Orationis, accipit ambabus manibus librum Epistolarum, deferens illum supra pectus & facta Altari genuflectione in medio, vadit ad partem Epistolæ contra Altare & cantat Epistolam, quam etiam Celebrans interim submissa voce legit, assistente sibi Diacono a dextris, & item Graduale, Tractum, &c. usque ad *Munda cor meum*. Epistola cantata, Subdiaconus facit iterum genuflectionem Altari in medio, ac redit ad Celebrantem, & genuflectens osculatur ejus manum, & ab eo benedicitur, præterquam in Missis Defunctorum.

5 Postea idem Subdiaconus accipit Missale Celebrantis, deferat ad cornu Evangelii in Altari, & ibi ministrat Celebranti: qui in medio Altaris submissa voce dicto, *Munda cor meum*, &c. et deinde lecto Evangelio, quod in fine non osculatur, delato etiam per Diaconum libro Evangeliorum ad Altare, imponit incensum in Thuribulum. Postea Diaconus genuflexus ante Altare dicit, *Munda cor meum*, & accipiens librum Evangeliorum de Altare petit benedictionem a Celebrante similiter genuflexus in superiori gradu Altaris & osculata illius manu, præcedentibus Thuriferario, & duobus Acolythis cum candelabris accensis de credentia sumptis, vadit cum Subdiacono a sinistris ad locum Evangelii contra Altare versus populum, ubi Subdiacono librum tenente, medio inter duos Acolyths tenentes candelabra accensa dicit, *Dominus vobiscum*, junctis manibus. Cum dicit, *Sequentia*, &c. signat librum in principio Evangelii, frontem, os & pectus: Postea ter librum incensat, hoc est, in medio a dextris, & a sinistris, & prosequitur Evangelium junctis manibus. Interim Celebrans post datam Diacono benedictionem retra-

hens se ad cornu Epistolæ, ibi stat junctis manibus. Et cum Diaconus dicit: *Sequentia sancti Evangelii*, Sacerdos etiam signat se: & cum nominatur Jesus, caput inclinat versus Altare. Finito Evangelio Sacerdos osculatur librum a Subdiacono sibi delatum, dicens: *Per Evangelica dicta*, &c. et a Diacono ter incensatur. Si sit coram Prælato in sua residentia, liber deferitur ad Prælatus, ut supra, & ille incensatur, ut in Cæremoniali. Postea stans in medio Altaris versus ad Crucem, incipit, si dicendum sit, *Credo*, stantibus post eum Diacono & Subdiacono: deinde ad Altare accedentibus, & cum eo prosequantibus, ut dictum est ad *Gloria in excelsis*.

6 Si autem sit prædicandum, Concionator finito Evangelio prædicet, & sermone sive concione, expleto dicatur, *Credo*, vel si non sit dicendum, cantetur *Offertorium*.

7 Cum vero in Symbolo cantatum fuerit, *Et incarnatus est*, Diaconus accepta bursa de Credentia, ambabus manibus eam deferat elevatam cum solitis reverentiis ad medium Altaris, in quo explicat Corporale, & revertitur ad Celebrantem. Cum non dicitur, *Credo*, Subdiaconus deferat bursam simul cum Calice, ut infra dicitur.

8 Si quandoque Celebrans cantat Missam sine Diacono & Subdiacono, *Epistolam* cantat in loco consueto aliquis Lector superpelliceo indutus, qui in fine non osculatur manum Celebrantis. *Evangelium* autem cantat ipse Celebrans ad cornu Evangelii, qui & in fine Missæ cantat, *Ite Missa est*, vel *Benedicamus Domino*, aut *Requiescant in pace*, pro temporis diversitate.

VII. De Offertorio, & aliis usque ad Canonem:

Dicto Symbolo vel, si non sit dicendum, post Evangelium Celebrans osculatur Altare in medio, & junctis manibus ante pectus, ibidem a manu sinistra ad dexteram (ut dictum est supra) vertit se ad populum, & extendens ac jungens manus, dicit: *Dominus vobiscum*, & junctis manibus revertitur per eandem viam ad medium Altaris, ubi extendens & jungens manus, caputque Cruci inclinans, dicit, *Oremus*, tum junctis ut prius manibus dicit *Offertorium*, & omnia quæ usque ad finem Missæ in medio Altaris dicenda sunt, dicit ibidem stans versus ad Altare, nisi ubi aliter ordinatur.

2 Dicto *Offertorio* discooperit Calicem, & ad cornu Epistolæ sistit, & manu dextra amovet parvam pallam desuper Hostiam, accipit Patenam cum Hostia, & ambabus manibus usque ad pectus eam elevatam tenens, oculis ad Deum elevatis, & statim demissis, dicit; *suscipe, sancte Pater*, &c.

3 Si fuerint aliæ Hostiæ non super Patenam, sed super Corporale, vel in alio Calice seu vase pro Communionem populi consecrandæ; Calicem illum seu vas dextra discooperit, & intentionem suam etiam ad illas offerendas & consecrandas dirigens, dicit ut supra: *Suscipe*, &c. ut in ordine Missæ. Quo dicto, Patenam utraque manu tenens cum ea facit

signum Crucis super Corporale, & deponit Hostiam circa, medium anterioris partis Corporalis ante se, & Patenam ad manum dextram aliquantulum subtus Corporale; quam exterso Calice, ut dicetur, cooperit purificatorio. Si autem adsit vas seu Calix cum aliis Hostiis, ipsum cooperit alia Patena, vel Palla.

4 Deinde in cornu Epistolæ accipit Calicem, purificatorio extergit, & sinistra tenens illius nodum, accipit ampullam vini de manu Ministri (qui osculatur ipsam ampullam, non autem manum Celebrantis) & ponit vinum in Calicem. Deinde eodem modo tenens Calicem, producit signum Crucis super ampullam, aquæ, & dicit, *Deus qui humanæ substantiæ*, & infundens parum aquæ in Calicem prosequitur, *Da nobis per hujus aquæ & vini mysterium*, &c. Si vero celebrat pro Defunctis, non facit signum Crucis super aquam, sed imponit absque benedictione, & dicit Orationem, ut supra.

5 Imposita aqua in Calice, et finita Oratione prædicta, accipit manu dextra Calicem discoopertum, et stans ante medium Altaris, ipsum ambabus manibus elevatum tenens, videlicet cum sinistra pedem, cum dextra autem nodum infra cuppam, intentis ad Deum oculis offert, dicens: *Offerimus tibi, Domine*, &c. qua Oratione dicta facit signum Crucis cum Calice super Corporale, et ipsum in medio post Hostiam collocat, et Palla cooperit. Deinde junctis manibus super Altare positis, aliquantulum inclinatus dicit secreto, *In spiritu humilitatis*, &c. Postea erectus, elevans oculos, manusque expandens, et statim jungens ante pectus (quod semper facit quando aliquid est benedicturus) dicit: *Veni, sanctificator*, &c. cum dicit: *et benedic*, signat manu dextra communiter super Hostiam et Calicem, sinistra posita super Altare.

6 Tunc junctis ante pectus manibus; accedit ad cornu Epistolæ, ubi stans, Ministro aquam fundente lavat manus, id est, extremitates digitorum, pollicis et indicis, dicens Psalmum, *Lavabo inter innocentes*, cum *Gloria Patri*, &c. qui versus *Gloria Patri* præmittitur in Missis Defunctorum, et in Missis de Tempore, a Dominica de Passione usque ad Sabbatum sanctum exclusive.

7 Celebrans lotis manibus eas tergit, & illis ante pectus junctis revertitur ad medium Altaris, ubi stans, oculosque ad Deum elevans et statim demittens, manibus junctis super Altare, aliquantulum inclinatus dicit secreto Orationem, *Suscipe, sancta Trinitas*, &c. Qua dicta, manibus hinc inde extensis, et super Altare positis, osculatur illud in medio: tum junctis manibus ante pectus, demissisque oculis ad terram, a sinistra manu ad dexteram vertit se ad populum, et versus eum extendens et jungens manus, dicit voce aliquantulum elata, *Orate, fratres*, et secreto prosequens, *ut meum ac vestrum sacrificium*, &c. peragat circulum, revertens junctis manibus ante pectus a manu dextra ad medium Altaris. Et responso a ministro vel a circumstantibus, *Suscipiat Dominus sa-*

crificium de manibus tuis, &c. (alioquin per seipsum) dicens, *Sacrificium de manibus meis*, ipse Celebrans submissa voce dicit, *Amen*, et manibus ante pectus extensis, ut sit ad *Orationem*, stans in medio Altaris versus librum dicit absolute sine *Oremus* et sine alia interpositione, *Orationem* vel *Orationes Secretas*: Cum dicit *Per Dominum*, jungit manus: cum dicit, *Jesum Christum*, caput inclinat; quod facit in prima Oratione, et in ultima, si plures sint dicendæ.

8 Pervento autem in conclusione ultimæ Secretæ ad verba illa, *Per omnia sæcula sæculorum*, exclusive, Sacerdos stans in medio Altaris, depositis super eo manibus, hinc inde extensis, dicit convenienti & intelligibili voce *Præfationem*. Cum dicit, *Sursum corda*, elevat manus hinc inde extensas usque ad pectus, ita ut palma unius manus respiciat alteram. Cum dicit, *Gratias agamus Domino*, jungit manus: cum dicit, *Deo nostro*, oculos elevat, et statim Cruci caput inclinat. Responso, *Dignum et justum est*, elevatis, et extensis ut prius manibus, prosequitur *Præfationem* propriam, vel communem, ut tempus requirit. Cum dicit *sanctus*, junctis ante pectus manibus, et inclinatus, voce mediocri prosequitur; Ministro interim parvam campanulam pulsante. Cum dicit, *Benedictus qui venit in nomine Domini*, &c. erigit se, et signum Crucis sibi producit a fronte ad pectus.

9 In Missa solemni, dicto *Oremus*, Diaconus et Subdiaconus accedunt ad Altare in cornu Epistolæ, Diaconus amovet Calicem, si est in Altari, vel si est in credentia, ut magis decet, accipit eum de manu Subdiaconi, qui illum cum Patena et Hostia, cooperitum palla et velo a collo sibi pendente, manu sinistra tenens, et alteram manum superponens velo ne aliquid decidat, de Credentia detulit, comitatus ab Acolytha ampullas vini et aquæ portante: ipse Diaconus Calicem detegit, et dat Patenam cum Hostia Celebranti, osculando ejus manum; Subdiaconus extergit Calicem purificatorio; Diaconus accepta ampulla vini de manu Subdiaconi imponit vinum in Calice; Subdiaconus interim ampullam aquæ ostendens Celebranti, dicit, *Benedicite, Pater reverende*, qui facto versus eam signo Crucis, dicit *Orationem Deus, qui humanæ, &c.* interim Subdiaconus infundit paululum aquæ in Calicem; Diaconus illum Celebranti dat et pedem Calicis tangens seu brachium dextrum Celebrantis sustentans, cum eo dicit; *Offerimus tibi, Domine, &c.* quem postea positum in Altari ut supra, palla cooperit. Subdiacono deinde stanti in cornu Epistolæ ponit in dextera manu Patenam, quam cooperit extremitate veli ab ejus humero pendentis: qui vadit post Celebrantem ante medium Altaris: et facta genuflexione ibi stat, sustinens eam elevatam usque ad finem Orationis Dominicæ, ut dicetur. In Missis autem Defunctorum, et in Feria vj. Parasceves, Patena non tenetur a Subdiacono.

10 Dicto, *Veni, sanctificator*, ut supra, Celebrans, ministrante Diacono naviculam, et dicente, *Benedi-*

cite, Pater reverende, ponit incensum in Thuribulum, dicens, *Per intercessionem, &c.* ut in Ordine Missæ. Deinde accepto Thuribulo per manum Diaconi, nullam tunc faciens Cruci reverentiam, incensat oblata, ter ducens Thuribulum super Calicem et Hostiam simul in modum Crucis, et ter circum Calicem et Hostiam, scilicet bis a dextra ad sinistram, et semel a sinistra ad dextram (Diacono interim pedem Calicis tenente manu dextra) dispensans verba in qualibet incensatione, hoc modo. In prima incensatione, *Incensum istud*; in secunda, *a te benedictum*; in tertia, *ascendat ad te, Domine*; in quarta, *et descendat super nos*; in quinta et sexta, *miserericordia tua*. Deinde facta reverentia incensat Crucem et Altare, ut dictum est supra, assistente eodem Diacono, interim dicens: *Dirigatur, Domine, oratio mea, &c.* et cum incensatur Crux, Diaconus amovet Calicem ad Partem Epistolæ, et incensata Cruce reponit in loco suo. Cum reddit Thuribulum Diacono, dicit, *Ascendat in nobis, &c.* et incensatur ab eo: deinde Diaconus incensat Chorum, et postremo Subdiaconum tenentem Patenam; et ipse Diaconus incensatur a Thuriferario, et Thuriferarius postea incensat Acolythos et populum. Celebrans postquam incensatus fuerit, lavat manus, ministrantibus Acolythis ampullam aquæ cum pelvicula et manutergio.

11 Cum dicitur *Præfatio*, Diaconus et Subdiaconus stant retro post Celebrantem; et paulo antequam dicatur, *Sanctus*, accedunt ad Altare, ubi cum Celebrante hinc inde dicunt, *Sanctus*, et quæ sequuntur usque ad *Canonem*. Deinde Diaconus accedit ad sinistram Celebrantis, ei assistens dum dicitur *Canon*, nisi alius Sacerdos assistat; quia tunc ipse staret ad dextram aliquantum post Celebrantem. Subdiaconus vero tunc stat post Celebrantem.

VIII. De Canone Missæ usque ad Consecrationem.

1 **F**inita Præfatione, ut supra, Sacerdos stans ante medium Altaris versus ad illud, aliquantulum elevat manus: oculisque elevatis ad Deum, et sine mora devote demissis, ac manibus junctis, et supra Altare positis, profunde inclinatus incipit Canonem, secreto dicens, *Te igitur, &c.* ut in ordine Missæ. Cum dicit, *ut accepta habeas et benedicas*, prius osculatur Altare in medio, deinde erigit se, et stat junctis manibus ante pectus. Cum dicit: *Hæc dona, hæc munera, hæc sancta sacrificia*, dextra manu signat ter communiter super Hostiam & Calicem. Deinde extensis manibus ante pectus, prosequitur, *In primis quæ tibi offerimus, &c.*

2 Ubi dicit, *una cum famulo tuo Papa nostro N.* exprimit nomen Papæ: Sede autem vacante verba prædicta omittuntur. Ubi dicitur *et Antistite nostro N. et Rege nostro N.* specificantur nomina Patriarchæ et Regis, Archiepiscopi, vel Episcopi ordinarii in propria Diocesi, et non alterius Superioris, etiam si Celebrans sit omnino exemptus, vel sub alterius Episcopi jurisdictione. Si vero Episcopus ordinarius illius loci in quo Missa celebratur, sit vita functus,

prædicta verba omittuntur: quæ etiam omittuntur ab iis qui Romæ celebrant. Si celebrans est Episcopus, Archiepiscopus, vel Patriarcha, omiſſis prædictis verbis, eorum loco dicit: *Et me indigno seruo tuo.* Summus autem Pontifex cum celebrat, omiſſis verbis, *una cum famulo tuo Papa nostro N. & Antistite nostro N.* dicit, *una cum me indigno famulo tuo, quem gregi tuo præesse voluisti.* Et continuant omnes ut sequitur. *Et omnibus orthodoxis, &c.*

3 Cum dicit, *Memento, Domine,* elevans & jungens manus usque ad faciem vel pectus, sic junctis manibus stat paulisper in quiete, demisso aliquantulum capite, faciens commemorationem vivorum Christi fidelium ad suam voluntatem, quorum nomina, si vult, secreto commemoret: non tamen necesse est ea exprimere, sed mente tantum eorum memoriam habeat. Potest etiam Celebrans, si pro pluribus orare intendit, ne circumstantibus sit morosus, ante Missam in animo proponere sibi omnes illos tam vivos quam defunctos, pro quibus in ipsa Missa orare intendit, & hoc loco generaliter unico contextu ipsorum vivorum commemorationem agere, pro quibus ante Missam orare proposuit in Missa.

4 Commemoratione vivorum facta, demissis & extensis ut prius manibus continuat, *Et omnium circumstantium, &c.* Similiter stans prosequitur, *Communicantes.* Cum dicit *Jesu Christi,* caput Cruci inclinat: in conclusione quando dicit, *Per eundem,* jungit manus. Cum dicit, *Hanc igitur oblationem,* expandit manus simul super oblata, ita ut palmæ sint apertæ versus ac supra Calicem & Hostiam, quas sic tenet usque ad illa verba, *Per Christum Dominum nostrum,* tunc enim jungit manus, & sic prosequitur, *Quam oblationem, tu Deus, in omnibus, quæsumus, &* cum dicit, *Bene* ✠ *dixit, adscripsit, etiam, etiam,* communiter signat ter super Hostiam & Calicem simul: deinde cum dicit, *ut nobis Corpus,* separatim signat semel super Hostiam tantum: & cum dicit, *& sanguis,* semel super Calicem tantum: deinde elevans & jungens manus ante pectus prosequitur, *fiat dilectissimi Filii tui Domini nostri Jesu Christi,* & inclinans caput Cruci, extergit, si opus fuerit, pollices & indices super Corporale, & dicit secreto ut prius: *Qui pridie quam pateretur, &* accipiens pollice & indice dextræ manus Hostiam, & eam cum illis ac indice & pollice sinistræ manus tenens, stans erectus ante medium Altaris dicit, *accepit panem in sanctas ac venerabiles manus suas,* elevansque ad cælum oculos, & statim demittens, dicit, *& elevatis oculis in cælum ad te Deum Patrem suum omnipotentem,* caputque aliquantulum inclinans dicit, *tibi gratias agens, &* tenens Hostiam inter pollicem & indicem sinistræ manus, dextra producit signum Crucis super eam, dicens, *Bene* ✠ *dixit, fregit, deditque discipulis suis,* dicens: *Accipite & manducate ex hoc, omnes.*

5 Si adsit vas cum aliis Hostiis consecrandis, antequam accipiat Hostiam, discooperit manu dextra Calicem, seu vas aliarum Hostiarum. Cum autem

finierit supradicta verba, cubitis super altare positus, stans capite inclinato, distincte, reverenter & secreto profert verba consecrationis, super Hostiam & simul super omnes, si plures sint consecrandæ, & Hostiam suam pollicibus & indicibus tantum tenens dicit, *Hoc est enim corpus meum:* Quibus prolatis, Celebrans tenens Hostiam inter pollices, & indices prædictos super Altare, reliquis manuum digitis extensis & simul junctis (& Hostiis, si plures sint consecratæ, in loco in quo a principio Missæ posita sunt, super Corporali vel in alio vase aut Calice demissis) genuflexus eam adoratur. Tunc se erigens, quantum commode potest, elevat in altum Hostiam, & intentis in eam oculis (quod & in elevatione Calicis facit) populo reverenter ostendit adorandam, & mox sola manu dextra ipsam reverenter reponit super Corporale in eodem loco unde eam levavit, & deinceps pollices & indices non disjungit, nisi quando Hostiam consecratam tangere vel tractare debet, usque ad ablutionem digitorum post Communionem.

6 Reposita Hostia consecrata super Corporale, genuflexus ipsam veneratur: si adsit vas aliarum Hostiarum, Patena vel Palla coopertum ut supra. Interim dum Celebrans elevat Hostiam, accenso prius intortio (quod non extinguatur nisi postquam Sacerdos Sanguinem sumpserit, vel alios communicaverit, si qui erunt communicandi in Missa) minister manu sinistra elevat fimbrias posteriores Planetæ, ne ipsum Celebrantem impediatur in elevatione brachiorum; quod & facit in elevatione Calicis: & manu dextra pulsatur campanulam ter ad unamquamque elevationem, vel continue quousque Sacerdos deponat Hostiam super Corporale, & similiter postmodum ad elevationem Calicis.

7 Celebrans adorato Sacramento surgit & discooperit Calicem in quem, si opus sit, extergit digitos, quod semper faciat, si aliquod fragmentum digitis adhæreat, & stans erectus dicit: *Simili modo postquam cænatum est, &* ambabus manibus accipiens Calicem juxta nodum infra cuppam, & aliquantulum illum elevans ac statim deponens dicit: *Accipiens & hunc præclarum Calicem in sanctas ac venerabiles manus suas, item tibi gratias agens.* Cum dicit, *Item tibi gratias agens* caput inclinat: cum dicit, *benedixit,* sinistra Calicem infra cuppam tenens, dextra signat super eum, & prosequens, *deditque discipulis suis, &c.* et ambabus manibus tenens Calicem, videlicet sinistra pedem, dextra nodum infra cuppam, cubitis super Altare positus, & capite inclinato profert attente, continue, & secreto, ut supra, verba consecrationis Sanguinis, *Hic est enim calix, &c.* Quibus dictis reponit Calicem super Corporale, dicens secreto, *Hæc quotiescumque feceritis, &c.* genuflexus Sanguinem reverenter adoratur. Tum se erigit, & accipiens Calicem discoopertum cum Sanguine ambabus manibus; ut prius, elevat eum, & erectum quantum commode potest, ostendit populo adorandum, mox ipsum reverenter reponit super Corporale in locum

pristinum, & manu dextra palla cooperit, ac genuflexus Sacramentum veneratur.

8 In Missa solemni ad finem Præfationis accenduntur duo saltem intortitia ab Acolythis, quæ extinguuntur post elevationem Calicis, nisi aliqui sint communicandi, & tunc extinguuntur post Communionem. In diebus etiam jejuniorum, & in Missis pro Defunctis, tenentur accensa usque ad Communionem. Cum autem Celebrans dicit: *Quam oblationem*, &c. Diaconus accedit ad ejus dextram, & ibi in superiori gradu Altaris genuflexus cum Sacramentum elevatur, fimbrias Planetæ elevat, & quando opus est se erigens Calicem discooperit & cooperit, & cum Celebrante genuflectit; Subdiaconus genuflectit in loco suo. Thuriferarius genuflexus in cornu Epistolæ ter incensat Hostiam, cum elevatur, & similiter Calicem, posito incenso in Thuribulum absque benedictione. Reposito Calice, Diaconus redit ad librum, nisi alius assistat. Cæteri surgunt, & stant in locis uis.

IX. De Canone post Consecrationem usque ad Orationem Dominicam.

1 **R**eposito Calice, & adorato, Sacerdos stans ante Altare, extensis manibus ante pectus, dicit secreto, *Unde & memores*, &c. Cum dicit, *de tuis donis ac datis*, jungit manus ante pectus: & cum dicit, *Hostiam* ✠ *puram*, *Hostiam* ✠ *sanctam*, *Hostiam* ✠ *immaculatam*, manu sinistra posita super Altare intra Corporale, dextra signat ter communiter super Hostiam & Calicem, & semel super Hostiam tantum, & semel super Calicem tantum, dicens: *Panem* ✠ *sanctum vitæ æternæ*, & *Calicem* ✠ *salutis perpetuæ*, deinde stans ut prius, extensis manibus prosequitur, *Supra quæ propitio*, &c. Cum dicit, *Supplices te rogamus*, &c. inclinatur ante medium Altaris, manibus junctis super illo positis. Cum dicit, *ex hac Altaris participatione*, osculatur Altare, manibus hinc inde super Corporale positis. Cum dicit, *sacro-sanctum Filii tui*, jungit manus: & dextera signans semel super Hostiam tantum, & semel, super Calicem, sinistra super Corporale posita, dicit, *Cor* ✠ *pus*, & *San* ✠ *guinem sumpserimus*; & cum dicit, *omni benedictione* ✠ *cælesti*, seipsum signat a fronte ad pectus signo crucis sinistra posita infra pectus, & prosequitur, & *gratia repleamur*: cum dicit, *Per eundem*, jungit manus.

2 Cum dicit, *Memento, Domine, famulorum famularumque tuarum*, &c. extensis & junctis manibus ante pectus, & usque ad faciem elevatis, & intentis oculis ad Sacramentum super Altare, facit commemorationem fidelium Defunctorum, de quibus sibi videtur eodem modo, ut dictum est de commemoratione vivorum. Qua commem. facta, stans ut prius, extensis manibus, prosequitur, *Ipsis, Domine, & omnibus in Christo*, &c. et in fine ad *Per eundem*, jungit manus, & caput inclinatur.

3 Cum dicit, *Nobis quoque peccatoribus*, vocem aliquantulum elevat, & dextra manu pectus sibi percutit, sinistra posita super Corporale, & prosequitur

secreto, *famulis tuis*, &c. stans manibus extensis ut prius. Cum dicit, *Per Christum Dominum nostrum. Per quem hæc omnia, Domine, semper bona creas*, jungit manus ante pectus, deinde manu dextra ter signans communiter super Hostiam & Calicem, dicit, *sanc* ✠ *tificas*; *vivi* ✠ *tificas*; *bene* ✠ *dicis*, & *præstas nobis*. Postea discooperit manu dextra Calicem, & genuflexus Sacramentum adoratur, tum se erigit, & reverenter accipit Hostiam inter pollicem & indicem dextræ manus, & cum ea super Calicem, quem manu sinistra tenet circa nodum infra cuppam, signat ter a labio ad labium, dicens, *Per* ✠ *ipsum*, & *cum* ✠ *ipso*, & *in* ✠ *ipso*. Et similiter cum Hostia signat bis inter Calicem & pectus, incipiens a labio calicis; & dicit: *Est tibi Deo Pa* ✠ *tri omnipotenti in unitate Spiritus* ✠ *sancti*. Deinde tenens manu dextra Hostiam super Calicem, sinistra Calicem, elevat eum aliquantulum simul cum Hostia dicens: *omnis honor & gloria*, & statim utrumque deponens, Hostiam collocat super Corporale, & si opus sit, digitos extergit ut supra, ac pollices & indices ut prius jungens, Calicem palla cooperit, & genuflexus Sacramentum adoratur.

4 In Missa solemni cum Celebrans dicit, *Per quem hæc omnia*, &c. Diaconus facta Sacramento genuflexione, accedit ad dextram Celebrantis, & quando opus est, discooperit Calicem & cum Celebrante adoratur, similiter cooperit, & iterum genuflectit. Cum incipit, *Pater noster*, idem vadit retro post Celebrantem, facta prius Sacramento genuflexione, ubi statim dicitur Oratio Dominica.

X. De Oratione Dominica, & aliis usque ad factam Communionem.

1 **C**elebrans cooperto Calice, adoratoque Sacramento, erigit se, & manibus extensis hinc inde super Altare infra Corporale positis dicit intelligibili voce, *Per omnia sæcula sæculorum*: & cum dicit, *Oremus*, jungit manus, caput Sacramento inclinans. Cum incipit, *Pater noster*, extendit manus, & stans oculis ad Sacramentum intentis, prosequitur usque ad finem. Responso a ministro, *Sed libera nos a malo*, & a Celebrante submissa voce, *Amen*, manu dextra, pollice, & indice non disjunctis, Patenam aliquantulum purificatorio extergens, eam accipit inter indicem & medium digitos, quam tenens super Altare erectam, sinistra super Corporale posita, dicit secreto, *Libera nos, quæsumus*, &c.

2 Antequam Celebrans dicat, *Da propitius pacem*, elevat manu dextera Patenam de Altari, & seipsum cum ea signat signo crucis, dicens: *Da propitius pacem in diebus nostris*. Cum signat se, manum sinistram ponit infra pectus: deinde Patenam ipsam osculatur, & prosequens: *ut ope misericordie tuæ*, &c. submittit Patenam Hostiæ, quam indice sinistro accommodat super Patenam: discooperit Calicem, & genuflexus Sacramentum adoratur: tum se erigens, accipit Hostiam inter pollicem & indicem dextræ manus, & cum illis, ac pollice & indice sinistræ manus, eam super Calicem tenens, reverenter frangit per

medium dicens: *Per eundem Dominum nostrum Jesum Christum Filium tuum*, & mediam partem, quam inter pollicem & indicem dextræ manus tenet ponit super Patenam: de alia media, quam sinistra manu tenet, frangit cum pollice & indice dextræ manus particulam, prosequens, *Qui tecum vivit & regnat*, &c. et eam inter ipsos dextræ manus pollicem & indicem retinens, partem majorem, quam sinistra tenet adjungit mediæ super Patenam positæ, interim dicens: *in unitate Spiritus sancti Deus*, & particulam Hostiæ, quam in dextra manu retinuit, tenens super Calicem quem sinistra per nodum infra cuppam retinet, intelligibili voce dicit: *Per omnia sæcula sæculorum. R. Amen.* et cum ipsa particula signans ter a labio ad labium Calicis, dicit: *Pax Domini sit semper vobiscum.* Responso per ministrum, *Et cum spiritu tuo*, particulam, quam dextra manu tenet, immittit in Calicem, dicens secreto: *Hæc commixtio & consecratio Corporis*, &c. Deinde pollices & indices super Calicem aliquantulum tergit & jungit, Calicem palla cooperit, & genuflexus Sacramentum adorat, surgit, & stans junctis manibus ante pectus, capite inclinato versus Sacramentum, dicit intelligibili voce, *Agnus Dei qui tollis peccata mundi*, & dextra percutiens sibi pectus, sinistra super Corporale posita, dicit: *miserere nobis*: et deinde non jungit manus, sed iterum percutit sibi pectus, cum dicit secundo, *miserere nobis*, quod & tertio facit, cum dicit: *dona nobis pacem.*

3 Tunc manibus junctis super Altare positis, oculisque ad Sacramentum intentis, inclinatus dicit secreto, *Domine Jesu Christe.* Qua Oratione finita, si est daturus pacem, osculatur Altare in medio, & instrumentum pacis ei porrectum a ministro juxta ipsum ad dextram, hoc est, in cornu Epistolæ genuflexo, & dicit: *Pax tecum.* Minister respondet, *Et cum spiritu tuo.* Si non adsit qui hujusmodi instrumento pacem recipiat a Celebrante, pax non datur, etiamsi illius datio Missæ conveniat: nec osculatur Altare, sed dicta præmissa Oratione, statim subjungit alias Orationes, ut in ordine Missæ.

4 Si vero celebret pro Defunctis, non percutit pectus ad *Agnus Dei*, quia dicit: *dona eis requiem*; nec dicit primam Orationem, *Domine Jesu Christe, qui dixisti Apostolis tuis*, &c. non dat pacem, sed dicit alias duas sequentes Orationes, *Domine Jesu Christe, Fili Dei vivi*, et *Perceptio Corporis tui.* Quibus Orationibus dictis, genuflectens Sacramentum adorat, & se erigens dicit secreto: *Panem cælestem accipiam*, &c. Quo dicto dextra manu accipit de Patena reverenter ambas partes Hostiæ, & collocat inter pollicem & indicem sinistrae manus, quibus Patenam inter eundem indicem & medium digitos supponit & eadem manu sinistra tenens partes hujusmodi supra Patenam inter pectus & Calicem, parum inclinatus, dextra tribus vicibus percutit pectus suum; interim etiam tribus vicibus dicens, voce aliquantulum elevata, *Domine, non sum dignus*, & secreto prosequitur, *ut intres*, &c.

Quibus tertio dictis, ex sinistra accipit ambas partes prædictas Hostiæ inter pollicem & indicem dextræ manus, & cum illa supra Patenam signat seipsum signo crucis, ita tamen, ut Hostia non egrediat limites Patenæ dicens: *Corpus Domini nostri Jesu Christi custodiat animam meam in vitam æternam, Amen.* et se inclinans cubitis super Altare positis reverenter easdem ambas partes sumit: quibus sumptis, deponit Patenam super Corporale, & erigens se junctis indicibus & pollicibus, ambas quoque manus ante faciem jungit, & aliquantulum quiescit in meditatione sanctissimi Sacramenti. Deinde depositis manibus dicit secreto, *Quid retribuam Domino pro omnibus quæ retribuit mihi*, & interim discooperit Calicem, genuflectit, surgit, accipit Patenam, inspicit Corporale, colligit fragmenta cum Patena, si quæ sint in eo, Patenam quoque diligenter cum pollice & indice dextræ manus super Calicem extergit & ipsos digitos, ne quid fragmentorum in eis remaneat.

5 Si vero adsint Hostiæ consecratæ super Corporale positæ pro alio tempore conservandæ, facta prius genuflexione reponit eas in vas ad hoc ordinatum, & diligenter advertit, ne aliquod fragmentum, quantumcumque minimum, remaneat super Corporale: quod si fuerit, accurate reponit in Calicem. Post extensionem Patenæ, junctis pollicibus & indicibus Calicem dextera manu infra nodum cuppæ accipit, sinistra Patenam, dicens, *Calicem salutaris*, &c. et signans se signo crucis cum Calice, dicit, *Sanguis Domini nostri*, &c. et manu sinistra supponens Patenam Calici, stans reverenter sumit totum Sanguinem cum particula in Calice posita. Quibus sumptis dicit secreto: *Quod ore sumpsimus*, &c. et super Altare porrigit Calicem ministro in cornu Epistolæ, quo vinum infundente, se purificat: deinde vino & aqua abluit pollices & indices super Calicem, quos abstergit purificatorio, interim dicens: *Corpus tuum, Domine, quod sumpsi*, &c. Ablutionem sumit, & extergit os & Calicem purificatorio: quo facto purificatorium extendit super Calicem & desuper Patenam, ac super Patenam parvam pallam, & plicato Corporali, quod reponit in bursam, cooperit Calicem, velo, & bursam desuper ponit, & collocat in medio Altaris, ut in principio Missæ.

6 Si qui sint communicandi in Missa, Sacerdos post summptionem Sanguinis, antequam se purificet, facta genuflexione ponat particulas consecratas in pyxide, vel, si pauci sint communicandi, super Patenam, nisi a principio positæ fuerint in pyxide, seu alio Calice. Interim minister ante eos extendit linteum, seu velum album, & pro eis facit Confessionem, dicens, *Confiteor Deo*, &c. Tum Sacerdos iterum genuflectit, & manibus junctis vertens se ad populum in cornu Evangelii dicit, *Misereatur vestri et Indulgentiam, absolutionem & remissionem peccatorum vestrorum*, &c. & manu dextera facit signum Crucis super eos. Postea genuflectens, accipit manu sinistra pyxidem seu Patenam cum Sacramento, dextera vero sumit

nam particulam, quam inter pollicem & indicem tenet aliquantulum elevatam super pyxidem seu Patenam; & conversus ad communicandos in medio Altaris, dicit, *Ecce Agnus Dei, ecce qui tollit peccata mundi.* Deinde dicit, *Domine, non sum dignus, ut intres sub tectum meum, sed tantum dic verbo, & sanabitur anima mea.* Quibus verbis tertio repetitis, accedit ad eorum dexteram, hoc est, ad latus Epistolæ, & unicuique porrigit Sacramentum, faciens cum eo signum Crucis super pyxidem, vel Patenam, & simul dicens: *Corpus Domini nostri Jesu Christi custodiât animam tuam in vitam æternam. Amen.* Omnibus communicatis revertitur ad Altare, nihil dicens, & non dat eis benedictionem, quia illam daturus est in fine Missæ. Si particulæ positæ erant super Corporale, extergit illud cum Patena, & si qua in eo fuerint fragmenta, in Calicem immittit. Deinde dicit secreto, *Quod ore sumpsimus, Domine, &c.* et se purificat, dicens: *Corpus tuum, Domine, quod sumpsi,* & alia facit ut supra. Minister autem dextra manu tenens vas cum vino & aqua, sinistra vero mappulam, aliquanto post Sacerdotem eis porrigit purificationem; & mappulam ad os abstergendum.

7 Si in Altari remaneant particulæ in Calice, seu in alio vase usque ad finem Missæ, servantur ea quæ in Feria quinta Cœnæ Domini, præscribuntur circa finem Missæ.

8 In Missa solemni Diaconus stans retro post Celebrantem cum in Oratione Dominica dicitur, *Et mitte nobis debita nostra,* facta ibidem genuflexione vadit ad dextram Celebrantis, & Subdiaconus circa finem Orationis Dominicæ, facta ibidem genuflexione revertitur ad Altare, & stans in cornu Epistolæ porrigit Patenam Diacono, qui eam discooperit, & purificatorio abstergens dat Celebranti, illius manum osculando, & quando opus est, discooperit, & cooperit Calicem, & cum Celebrante adorat, Subdiaconus reddita Patena, & deposito velo quod ab humeris ejus pendebat, genuflectit, & descendit retro post Celebrantem: & cum dicitur, *Pax Domini,* iterum genuflectens accedit ad sinistram Celebrantis, & simul dicunt, *Agnus Dei.* Deinde facta ibidem Sacramento genuflexione, redit post Celebrantem, Diaconus vero a dextris genuflexus expectat pacem: & cum Celebrans osculatur Altare, ipse se erigens simul osculatur illud extra Corporale, & a Celebrante dicente, *Pax tecum,* complexus accipit pacem, sinistris genis sibi invicem appropinquantibus, & ei respondet, *Et cum spiritu tuo.* Postea iterum Sacramento in Altari adorato, vertit se ad Subdiaconum retro post Celebrantem, & similiter dat ei pacem. Subdiaconus accepta pace a Diacono, & facta Altari genuflexione, comitatus ab Acolyto vadit ad chorum, & dat pacem primo cujusque ordinis, dignioribus prius, deinde minus dignis; & reversus ad Altare facta genuflexione dat pacem Acolyto, qui ipsum comitaverat, qui & aliis Acolythis circa Altare dat pacem; deinde Subdiaconus vadit ad dex-

teram Celebrantis, & quando opus est, discooperit Calicem, accipit ampullam vini, & infundit quando Celebrans vult purificare. Diaconus post datam pacem Subdiacono vadit ad librum: & dum Celebrans se communicat, stant ipse & Subdiaconus profunde inclinati versus Altare.

9 In Missa Pontificali, Assistens accipit & defert pacem, ut in Cæremoniali habetur. Si in Missa solemni fiat Communio, omnia servantur ut supra, sed prius communicet Diaconum & Subdiaconum, deinde alios per ordinem, & Diaconus purificationem eis ministrat. Interim a Choro cantatur Antiphona, quæ dicitur, *Communio.*

XI. De Communione & Orationibus post Communionem dicendis.

1 Celebrante purificato, dum Calicem collocat in Altari, liber Missalis defertur per ministrum ad cornu Epistolæ, & collocatur ut in Introitu. Ipse autem minister genuflectit juxta cornu Evangelii, ut in principio Missæ. Deinde Celebrans stans junctis manibus legit *Antiphonam* quæ dicitur *Communio*, qua lecta junctis item manibus ante pectus, vadit ad medium Altaris, & eo osculato vertit se ad populum a manu sinistra ad dextram, & dicit, *Dominus vobiscum,* & per eandem viam redit ad librum, dicit *Orationes post Communionem* eisdem modo, numero & ordine, ut supra dictæ sunt Collectæ. Quibus finitis, claudit librum: & jungens manus ante pectus, revertitur ad medium Altaris, ubi eo osculato vertit se ad populum, & dicit ut supra, *Dominus vobiscum,* quo dicto, stans junctis manibus ante pectus versus ad populum, dicit, si dicendum est, *Ite Missa est,* & per eandem viam revertitur ad Altare. Si vero non sit dicendum, dicto *Dominus vobiscum,* revertitur eodem modo per eandem viam ad medium Altaris, stans versus ad illud junctis ante pectus manibus dicit, *Benedicamus Domino.* In Missis autem Defunctorum eodem modo stans versus Altare, dicit: *Requiescant in pace.*

2 In Quadragesima autem a Feria iv. Cinerum usque ad Feriam iv. majoris Hebdomadæ, in Feriali Officio postquam Celebrans dixit *Orationes post Communionem* cum suis solitis conclusionibus, antequam dicat, *Dominus vobiscum,* stans in eodem loco ante librum, dicit, *Oremus, Humiliate capita vestra Deo,* caput inclinans, & extensis manibus subjungit eadem voce *Orationem super populum,* ibidem positam: qua finita osculatur Altare, & vertens se ad populum dicit: *Dominus vobiscum,* & alia ut supra.

3 In Missa solemni Diaconus defert librum Missalis ad cornu Epistolæ, deinde vadit retro post Celebrantem: Subdiaconus vero vadit ad cornu Evangelii, ubi Calicem mundat, aptat cum purificatorio, Patena & palla cooperit, plicat Corporale, reponit in bursam, & illam ponit super Calicem coopertum velo, quem collocat in Altari, vel super credentia ut prius: postea redit ad locum suum retro post Diaconum: qui cum dicit: *Ite Missa est,* cum Ce-

lebrante vertit se ad populum: & in Quadragesima dicto per Celebrantem, *Oremus*, Diaconus in cornu Epistolæ vertens se ad populum, junctis manibus dicit ut supra: *Humiliate*, &c. quo dicto vertit se versus Altare a tergo Celebrantis, & Celebrans dicit Orationem super populum.

XII. De Benedictione, in fine Missæ, & Evangelio S. Joannis.

1 **D**ICTO *Ite Missa est*, vel *Benedicamus Domino*, ut supra, Celebrans ante medium Altaris stans junctis manibus super eo, & capite inclinato, dicit secreto: *Placeat tibi, Sancta Trinitas*, &c. quo dicto extensis manibus hinc inde super Altare positus, ipsum in medio osculatur: tum erigens se, adhuc stans versus illud, elevat ad cælum oculos & manus, quas extendit & jungit, caputque Cruci inclinans, dicit voce intelligibili, *Benedicat vos omnipotens Deus*, & junctis manibus, ac demissis ad terram oculis, vertens se ad populum a sinistro latere ad dextrum, extensa manu dextra, junctisque digitis, & manu sinistra infra pectus posita semel benedicit populo, dicens: *Pater & Filius & Spiritus sanctus. R. Amen.* Et circulum perficiens accedit ad cornu Evangelii, ubi dicto *Dominus vobiscum.* et *R. Et cum spiritu tuo*, pollice dextro signans primum signo Crucis Altare seu librum in principio Evangelii, deinde frontem, os, & pectus, dicit *Initium sancti Evangelii secundum Joannem*, vel *Sequentia sancti Evangelii* ut dictum est in Rubricis generalibus, & *R. Gloria tibi Domine*, junctis manibus legit Evangelium, *In principio*, vel aliud ut convenit. Cum dicit, *Et Verbum caro factum est*, genuflectit versus cornu Evangelii, & surgens profectitur ut prius: quo finito minister stans a parte Epistolæ respondet, *Deo gratias.*

2 Si Celebrans in Altari vertit faciem ad populum, non vertit se, sed stans ut erat, benedicit populo, ut supra, in medio Altaris, deinde accedit ad cornu Evangelii, & dicit Evangelium S. Joannis.

3 Si celebravit coram summo Pontifice, Cardinale & Legato Sedis Apostolicæ, vel Patriarcha, Archiepiscopo & Episcopo in Provincia, Civitate, vel Diocesi sua existente, Celebrans dicto, *Placeat tibi, sancta Trinitas*, &c. dicit, *Benedicat vos omnipotens Deus*, & convertens se ad summum Pontificem genuflexus, ad Cardinalem vero & Legatum, vel alium ex supradictis Prælatibus, capite inclinato quasi licentiam benedicendi petens, profectitur, *Pater & Filius & Spiritus sanctus*, benedicens astantes a parte ubi non adest Pontifex, Cardinalis, Legatus aut Prælati, prædicti. Si autem celebravit coram Patriarcha, Archiepiscopo, & Episcopo, extra eorum Provinciam, Civitatem, vel Diocesim constitutis, eis absque alio respectu, ut cæteris qui interfunt, more consueto benedicit.

4 Si autem celebravit pro Defunctis, dicto *Placeat tibi, sancta Trinitas*, ut supra, & osculato Altari, accedit ad cornu Evangelii, & dicit Evangelium sancti Joannis, prætermissa benedictione, quæ in Missis Defunctorum non datur.

5 Finito Evangelio in fine Missæ, si celebravit coram summo Pontifice, Cardinale, & Legato Sedis Apostolicæ, vel Patriarcha, Archiepiscopo, & Episcopo, convertit se ad illum, coram quo ex prædictis celebravit, & facit reverentiam convenientem. Si non celebravit coram aliquo prædictorum, hujusmodi reverentiam prætermittit.

6 Quibus omnibus absolutis, extinguuntur per ministrum candelæ: interim Sacerdos accipit sinistra Calicem, dextram ponens super bursam, ne aliquid cadat, descendit ante infimum gradum Altaris, & ibi in medio, vertens se ad illud, caput inclinat (vel, si in eo est tabernaculum sanctissimi Sacramenti, genuflectit) & facta reverentia, accipit biretum a ministro, caput cooperit, & præcedente eodem ministro, eo modo quo venerat, redit ad Sacriliam, interim dicens Ant. *Trium puerorum*, & Canticum, *Benedicite*. Si vero sit dimissurus paramenta apud Altare ubi celebravit, finito Evangelio prædicto, ibidem illis se exuit, & dicit Ant. *Trium puerorum*, cum Cantico, & aliis Orationibus, ut suo loco ponuntur.

7 In Missa solemni Celebrans eadem voce, & modo quo in Missis privatis semel tantum benedicit populo, nisi sit Episcopus; & dicto Evangelio secundum Joannem, vel alio ut supra, ministrante Subdiacono librum, si opus est, discedit cum ministris ordine & modo quo venerat.

8 Episcopus autem ter benedicit populo, etiam in Missis privatis ut in Cæremoniali habetur.

XIII. De his quæ omittuntur in Missa pro Defunctis.

1 **I**N Missa pro Defunctis, ante Confessionem non dicitur Psalmus *Judica me, Deus*, sed pronuntiata Ant. *Introibo ad Altare Dei*, & responso a ministro, *Ad Deum qui lætificat*, &c. dicitur *Adjutorium nostrum* et *Confessio*, cum reliquis ut supra. Cum Celebrans ad Altare incipit *Introitum*, non signat se, sed manu dextra extensa, facit signum crucis super librum, quasi aliquem benedicens, non dicitur *Gloria Patri*, sed post Psalmum repetitur, *Requiem æternam*, nec dicitur *Gloria in excelsis*, nec *Alleluia*, nec *Jube domine benedicere*, nec *Dominus sit in corde meo*: nec osculatur librum in fine. Non dicitur *Credo*, non benedicitur aqua in Calicem fundenda; dicitur tamen Oratio, *Deus, qui humanæ substantiæ*, &c. cum lavat manus in fine Psalmi, *Lavabo inter innocentes*, non dicitur *Gloria Patri*. Ad *Agnus Dei*, non dicitur *Miserere nobis*, cujus loco dicitur *dona eis requiem*, nec tertio, *donanobis pacem*, cujus loco dicitur *dona eis requiem sempiternam*, neque percutitur pectus. Non dicitur prima Oratio ante Communionem, scilicet, *Domine Jesu Christe qui dixisti Apostolis tuis*, &c. nec datur pax. In fine non dicitur, *Ite Missa est*; nec *Benedicamus Domino*, sed *Requiescant in pace*. Et non datur benedictio: sed dicto *Placeat*, & osculato Altari, dicitur ut supra, *In principio erat Verbum*, &c. alia omnia ut in aliis Missis.

2 In Missa solemni non incensatur Altare ad Introitum; & Subdiaconus finita Epistola non osculatur.

manum Celebrantis, nec benedicitur; Diaconus non petit benedictionem, nec osculatur Celebrantis manum: non tenentur luminaria ad Evangelium, nec portatur incensum, sed duo tantum Acolythi sine candelabris stant unus a dextris & alter a sinistris Subdiaconi tenentis librum Evangeliorum. Non incensatur liber, nec in fine Celebrans, nec deferitur liber Evangeliorum osculandus, Oblata & Altare incensantur ut supra: incensatur solus Celebrans, & non incensantur alii. Subdiaconus non tenet Patenam post Celebrantem: sed tempore elevationis Sacramenti genuflexus in cornu Epistolæ illud incensat. Ministri cum aliquid porrigunt Celebranti in hac Missa non osculantur ejus manum, neque rem quæ porrigitur.

3 Si distribuendæ sunt candelæ, distribuantur post Epistolam, & accendantur ad Evangelium, ad elevationem Sacramenti, & post Missam, dum fit absolutio. Si habendus est sermo, habeatur finita Missa ante Absolutionem.

4 Finita Missa si facienda est absolutio, Celebrans retrahit se ad cornu Epistolæ, ubi exiit Casula, & deposito Manipulo, accipit Pluviale nigrum. Subdiaconus medius inter duos Acolythos cum candelabris accensis, deferit Crucem sicut in Processionibus, præcedentibus duobus aliis Acolythis, uno cum Thuribulo & navicula incensi, alio cum vase aquæ benedictæ & aspersorio: sequitur Celebrans facta prius Altari reverentia, & Diaconus a sinistris ejus. Subdiaconus cum Cruce sistit se ad pedes tumuli, seu lecticæ mortuorum contra Altare, medius inter dictos Acolythos tenentes luminaria: Celebrans vero ex alia parte in capite loci inter Altare & tumulum, aliquantum versus cornu Epistolæ, ita ut Crucem Subdiaconi respiciat: a sinistris ejus Diaconus, & prope eum alii duo Acolythi deferentes Thuribulum, &

vas aquæ benedictæ. Interim cantatur *R. Libera me, Domine*, & circa illius finem Celebrans ponit incensum in Thuribulum, benedicens illud more solito, ministrante Diacono naviculam, & finito *Kyrie eleison*, incipit intelligibili voce, *Pater noster*, & secreto proseguendo reliqua, accipit aspersorium de manu Diaconi, & facta Altari reverentia, comitante eodem Diacono a dextris, & tenente sinbriam anteriorem Pluvialis, circuiens tumulum, aspergit illum aqua benedicta, ter a parte dextra, & ter a sinistra. Cum transit ante Crucem, profunde inclinat, Diaconus vero genuflectit: postea de manu ejusdem Diaconi accipit Thuribulum: & eodem modo quo asperferat, incensat. Et rediens ad pristinum locum, Diacono tenente librum, junctis manibus dicit:

℣. Et ne nos inducas in tentationem. R. Sed libera nos a malo. ℣. A porta inferi. R. Erue, Domine, animam ejus. ℣. Requiescat in pace. R. Amen. ℣. Domine, exaudi orationem meam. R. Et clamor meus ad te veniat. ℣. Dominus vobiscum. R. Et cum spiritu tuo.

Oremus.

Absolve, quæsumus, Domine, animam famuli tui N. ab omni vinculo delictorum, ut in resurrectionis gloria, inter sanctos & electos tuos resuscitatus respiret. Per Christum Dominum nostrum. *R. Amen.*

Deinde Celebrans faciens crucem manu dextra super tumulum, dicit, *℣. Requiem æternam dona ei, Domine. R. Et lux perpetua luceat ei.*

Et dicto per Cantores, *Requiescat in pace. ℣. R. Amen. præcedente Cruce redit cum aliis ad Sacristiam.*

Si Officium fit pro pluribus Defunctis, omnia dicantur in numero plurali.

D E D E F E C T I B U S I N C E L E B R A T I O N E M I S S A R U M O C C U R R E N T I B U S.

I. **S**acerdos celebraturus, omnem adhibeat diligentiam ne desit aliquid ex requisitis ad Sacramentum Eucharistiæ conficiendum. Potest autem defectus contingere ex parte materiæ consecrandæ, & ex parte formæ adhibendæ, & ex parte Ministri conficientis. Quidquid enim horum deficit, scilicet materia debita, forma cum intentione, & Ordo sacerdotalis in conficiente, non conficitur Sacramentum. Et his existentibus, quibuscumque aliis deficientibus, veritas adest Sacramenti. Alii vero sunt defectus, qui in Missæ celebratione occurrentes, etsi veritatem Sacramenti non impediunt, possunt tamen aut cum peccato, aut cum scandalo contingere.

II. De defectibus Materiæ.

Defectus ex parte materiæ possunt contingere, si aliquid desit ex iis quæ ad ipsam requiruntur. Requiritur enim ut sit panis triticeus, & vinum de vite, & ut hujusmodi materia consecranda in actu consecrationis sit coram Sacerdote.

III. De defectu Panis.

1 **S**i panis non sit triticeus, vel si triticeus, admixtus sit granis alterius generis in tanta quantitate, ut non maneat panis triticeus, vel sit alioqui corruptus, non conficitur Sacramentum.

2 Si sit confectus de aqua rosacea, vel alterius distillationis, dubium est an conficiatur.

3 Si cœperit corrumpi, sed non sit corruptus; similiter si non sit azymus, secundum morem Ecclesiæ Latinæ, conficitur, sed conficiens graviter peccat.

4 Si Celebrans ante consecrationem adverterit Hostiam esse corruptam, aut non esse triticeam, remota illa Hostia aliam ponat, & facta oblatione, saltem mentē concepta, prosequatur ab eo loco, ubi desivit.

5 Si id adverterit post consecrationem, etiam post illius Hostiæ sumptionem, posita alia, facit oblationem ut supra, & a consecratione incipiat, scilicet ab illis verbis: *Qui pridie quam pateretur*, & illam priorem si non sumpsit,umat post sumptionem Corporis & Sanguinis, vel alii sumendam tradat, vel alicubi reverenter conservet. Si autem sumpserit, nihilominusumat eam quam consecravit: quia præceptum de perfectione Sacramenti majoris est ponderis, quam quod a jejunis sumatur.

6 Quod si hoc contingat post sumptionem Sanguinis, apponi debet rursus novus panis, & vinum cum aqua, & facta prius oblatione ut supra, Sacerdos consecret, incipiendo ab illis verbis, *Qui pridie*, ac statimumat utrumque, & prosequatur Missam; ne Sacramentum remaneat imperfectum, & ut debitus servetur ordo.

7 Si Hostia consecrata dispareat, vel casu aliquo, aut vento, aut miraculo, vel ab aliquo animali accepta, & nequeat reperiri; tunc altera consecretur, ab eo loco incipiendo, *Qui pridie quam pateretur*, facta ejus prius oblatione ut supra.

IV. De defectu Vini.

1 **S**I vinum sit factum penitus acetum, vel penitus putridum, vel de uvis acerbis seu non maturis expressum, vel ei admixtum tantum aquæ ut vinum sit corruptum; non conficitur Sacramentum.

2 Si vinum cœperit acescere, vel corrumpi, vel fuerit aliquantulum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea, seu alterius distillationis, conficitur Sacramentum, sed conficiens graviter peccat.

3 Si Celebrans ante consecrationem Sanguinis, quamvis post consecrationem Corporis, advertat aut vinum, aut aquam, aut utrumque non esse in Calice, debet statim apponere vinum cum aqua, & facta oblatione ut supra, consecrare, incipiendo ab illis verbis: *Simili modo*, &c.

4 Si post verba consecrationis, advertat vinum non fuisse positum, sed aquam: deposita aqua in aliquod vas, iterum vinum cum aqua ponat in Calice, & consecret, resumendo a verbis prædictis: *Simili modo*.

5 Si hoc advertat post sumptionem Corporis, vel hujusmodi aquæ, apponat aliam Hostiam iterum consecrandam, & vinum cum aqua in Calice, offerat utrumque, & consecret, &umat, quamvis non sit

jejunus. Vel, si Missa celebretur in loco publico, ubi plures adsint, ad evitandum scandalum poterit apponere vinum cum aqua, & facta oblatione ut supra consecrare, ac statim sumere, & prosequi cætera.

6 Si quis percipiat ante consecrationem, vel post consecrationem, totum vinum esse acetum, vel alias corruptum, idem servetur quod supra, ac si deprehenderet non esse positum vinum, vel solam aquam fuisse appositam in Calice.

7 Si autem Celebrans ante consecrationem Calicis advertat non fuisse appositam aquam, statim ponat eam, & proferat verba consecrationis. Si id advertat post consecrationem Calicis, nullo modo apponat, quia non est de necessitate Sacramenti.

8 Si materia quæ esset apponenda, ratione defectus, vel panis, vel vini, non posset ullo modo haberi; si id sit ante consecrationem Corporis, ulterius procedi non debet: si post consecrationem Corporis, aut etiam vini, deprehendatur defectus alterius speciei, altera jam consecrata, tunc si nullo modo haberi possit, procedendum erit, & Missa absolvenda, ita tamen ut prætermittantur verba & signa quæ pertinent ad speciem deficientem. Quod si expectando aliquandiu haberi possit, expectandum erit, ne sacrificium remaneat imperfectum.

V. De defectibus Formæ.

1 **D**Efectus ex parte formæ possunt contingere, si aliquid desit ex iis quæ ad integritatem verborum in ipsa consecratione requiruntur. Verba autem consecrationis, quæ sunt forma hujus Sacramenti, sunt hæc: *Hoc est enim Corpus meum. Et, Hic est enim calix Sanguinis mei, novi & æterni Testamenti, mysterium fidei, qui pro vobis & pro multis effundetur in remissionem peccatorum.* Si quis autem aliquid diminuerit, vel immutaret de forma consecrationis Corporis & Sanguinis, & in ipsa verborum immutatione verba idem non significarent, non conficeret Sacramentum. Si vero aliquid adderet, quod significationem non mutaret, conficeret quidem, sed gravissime peccaret.

2 Si Celebrans non recordetur se dixisse ea quæ in consecratione communiter dicuntur, non debet propterea turbari. Si tamen certo ei constet se omisisse aliquid eorum quæ sunt de necessitate Sacramenti, id est, formam consecrationis, seu partem, resumat ipsam formam, & cætera prosequatur per ordinem. Si vero valde probabiliter dubitet se aliquid essentielle omisisse, iteret formam saltem sub tacita conditione. Si autem non sunt de necessitate Sacramenti, non resumat, sed procedat ulterius.

VI. De defectibus Ministri.

DEfectus ex parte Ministri possunt contingere, quoad ea quæ in ipso requiruntur. Hæc autem sunt, In primis intentio, deinde dispositio animæ, dispositio corporis, dispositio vestimentorum, dispositio in ministerio ipso, quoad ea quæ in ipso possunt occurrere.

VII. De defectu Intentionis.

SI quis non intendit conficere, sed delusorie aliquid agere. Item si aliqua Hostiæ ex oblivione remaneant in Altari, vel aliqua pars Vini, vel aliqua Hostia lateat, cum non intendit consecrare nisi quas videt. Item si quis habeat coram se undecim Hostias, & intendat consecrare solum decem, non determinans quas decem intendit, in his casibus non consecrat, quia requiritur intentio. Secus si putans quidem esse decem, tamen omnes voluit consecrare quas coram se habebat: nam tunc omnes erunt consecratae: atque ideo quilibet Sacerdos talem semper intentionem habere deberet, scilicet consecrandi eas omnes, quas ante se ad consecrandum positas habet.

2 Si Sacerdos putans se tenere unam Hostiam, post consecrationem invenerit fuisse duas simul junctas, in sumptione sumat simul utramque. Quod siprehendat post sumptionem Corporis & Sanguinis aut etiam post ablutionem, reliquias aliquas relictas consecratas, eas sumat, sive parvæ sint, sive magnæ, quia ad idem sacrificium spectant.

3 Si vero relictæ sit Hostia integra, consecrata, eam in tabernaculo cum aliis reponat: si hoc fieri nequit, sequenti Sacerdoti ibi celebraturo, in Altari supra Corporale decenter opertam, sumendam una cum altera quam est consecraturus, relinquat: vel si neutrum horum fieri possit, in ipso Calice seu Patena decenter conservet, quousque vel in tabernaculo reponatur, vel ab altero sumatur; quod si non habeat quomodo honeste conservetur, potest eam ipsemet sumere.

4 Si intentio non sit actualis in ipsa consecratione propter evagationem mentis, sed virtualis, cum accedens ad Altare intendat facere quod facit Ecclesia, conficitur Sacramentum, etsi curare debeat Sacerdos, ut etiam actualem intentionem adhibeat.

VIII. De defectibus dispositionis animæ.

SI quis suspensus, excommunicatus, degradatus, irregularis, vel alias canonice impeditus, celebret; conficit quidem Sacramentum, sed gravissime peccat, tam propter Communionem, quam indigne sumit, quam propter executionem Ordinum, quæ sibi erat interdicta.

2 Si quis habens copiam Confessoris, celebret in peccato mortali, graviter peccat.

3 Si quis autem in casu necessitatis non habens copiam Confessoris in peccato mortali absque contritione celebret, graviter peccat. Secus si conteratur: debet tamen cum primum poterit, confiteri.

4 Si in ipsa celebratione Missæ Sacerdos recorderetur se esse in peccato mortali, conteratur cum proposito confitendi, & satisfaciendi.

5 Si recorderetur se esse excommunicatum, vel suspensum, aut locum esse interdictum: similiter conteratur cum proposito petendi absolutionem. Ante consecrationem autem in supradictis casibus, si non timeatur scandalum, debet Missam inceptam deferere.

IX. De defectibus dispositionis corporis.

SI quis non est jejunus post mediam noctem, etiam post sumptionem solius aquæ vel alterius potus aut cibi, per modum etiam medicinæ & in quantumcumque parva quantitate, non potest communicare, nec celebrare.

2 Si autem ante mediam noctem cibum aut potum sumpserit, etiam si postmodum non dormierit; nec sit digestus, non peccat, sed ob perturbationem mentis, ex qua devotio tollitur, consultur aliquando abstinendum.

3 Si reliquiæ cibi remanentes in ore transglutiantur non impediunt Communionem, cum non transglutiantur per modum cibi; sed per modum salivæ. Idem dicendum, si lavando os, deglutiatur stilla aquæ præter intentionem.

4 Si plures Missas in una die celebret, ut in Nativitate Domini, in unaquaque Missa abluat digitos in aliquo vase mundo, & in ultima tantum percipiat purificationem.

5 Si præcesserit pollutio nocturna, quæ causata fuerit ex præcedenti cogitatione, quæ sit peccatum mortale, vel evenerit propter nimiam crapulam, abstinendum est a Communionem & celebratione, nisi aliud Confessario videatur. Si dubium est an in præcedenti cogitatione fuerit peccatum mortale, consultur abstinendum, extra tamen casum necessitatis. Si autem certum est non fuisse in illa cogitatione peccatum mortale, vel nullam fuisse cogitationem, sed evenisse ex naturali causa, aut ex diabolica illusionem, potest communicare & celebrare; nisi ex illa corporis commotione tanta evenerit perturbatio mentis, ut abstinendum videatur.

X. De defectibus in Ministerio ipso occurrentibus.

Possunt etiam defectus occurrere in ministerio ipso, si aliquid ex requisitis ad illud desit: ut si celebretur in loco non sacro, vel non deputato ab Episcopo, vel in Altari non consecrato, vel tribus mappis non cooperto: si non adsint luminaria cerea: si non sit tempus debitum celebrandi, quod est ab aurora usque ad meridiem, communiter: Si Celebrans saltem Matutinum cum Laudibus non dixerit: si omittat aliquid ex vestibus Sacerdotalibus, si vestes Sacerdotales & mappæ non sint ab Episcopo vel ab alio hanc habente potestatem benedictæ, si non adsit Clericus, vel alius deserviens in Missa, vel adsit qui deservire non debet, ut mulier: si non adsit Calix cum Patena conveniens, cujus cuppa debet esse aurea vel argentea, vel stannea; non ærea, vel vitrea: si Corporalia non sint munda, quæ debent esse ex lino, nec serico in medio ornata, & ab Episcopo vel ab alio hanc habente potestatem benedicta ut etiam superius dictum est: si celebret capite cooperto sine dispensatione: si non adsit Missale, licet memoriter sciret Missam, quam intendit dicere.

2 Si Sacerdote celebrante, violetur Ecclesia ante Canonem, dimittatur Missa: si post Canonem, non dimittatur. Si timeatur incursus hostium, vel allu-

vionis, vel ruina loci ubi celebratur, ante consecrationem dimittatur Missa, post consecrationem vero Sacerdos accelerare poterit sumptionem Sacramenti, emissis omnibus aliis.

3 Si Sacerdos ante consecrationem graviter infirmetur, vel in syncopen inciderit aut moriatur, præmittitur Missa: si post consecrationem Corporis tantum, ante consecrationem Sanguinis, vel utroque consecrato id accidit, Missa per alium Sacerdotem expleatur ab eo loco, ubi ille desit, & in casu necessitatis etiam per non jejunum. Si autem non pbi-erit, sed fuerit infirmus, adeo tamen ut possit communicare, & non adsit alia Hostia consecrata, Sacerdos qui Missam supplet, dividat Hostiam, & unam partem præbeat infirmo, aliam ipse sumat. Si autem semiprolata forma Corporis obiit Sacerdos, quia non est facta consecratio, non est necesse ut Missa per alium suppleatur. Si vero obierit semiprolata forma Sanguinis tunc alter prosequatur Missam, & super eundem Calicem repetat integram formam, ab eo loco: *Simili modo postquam cœnatum est*, vel posset super alium Calicem præparatum integram formam proferre, & Hostiam primi Sacerdotis, & Sanguinem a se consecratum sumere, ac deinde Calicem relictum semiconsecratum.

4 Si quis extra hujusmodi casus necessitatis integra Sacramenta non sumpserit, gravissime peccat.

5 Si musca, vel aranea, vel aliquid aliud ceciderit in Calicem ante consecrationem, projiciat vinum in locum decentem, & aliud ponat in Calice, misceat parum aquæ, offerat ut supra, & prosequatur Missam: Si post consecrationem ceciderit musca, aut aliquid ejusmodi, & fiat nausea Sacerdoti, extrahat eam, & lavet cum vino, finita Missa comburat, & combustio ac lotio hujusmodi in Sacrarium projiciatur. Si autem non fuerit ei nausea, nec ullum periculum timeat, sumat cum Sanguine.

6 Si aliquid venenosum ceciderit in Calicem, vel quod provocaret vomitum, vinum consecratum reponendum est in alio Calice, & aliud vinum cum aqua apponendum denuo consecrandum: & finita Missa Sanguis repositus, in panno lineo vel stuppa tamdiu servetur, donec species vini fuerint desiccatae, & tunc stuppa comburatur, & combustio in Sacrarium projiciatur.

7 Si aliquid venenatum contigerit Hostiam consecratam, tunc alteram consecret, & sumat modo quo dictum est, & illa servetur in tabernaculo, loco separato, donec species corrumpantur, & corruptæ, deinde mittantur in Sacrarium.

8 Si sumendo Sanguinem, particula remanserit in Calice, digito ad labium Calicis eam adducat, & sumat ante purificationem, vel infundat vinum & sumat.

9 Si Hostiam ante consecrationem inveniatur fracta, nisi populo evidenter appareat, talis Hostia consecretur: si autem scandalum populo esse possit, alia accipiat, & offeratur: quod si illius Hostiæ jam

erat facta oblatio, eam post ablutionem sumat. Quod si ante oblationem Hostia appareat confracta, accipiat altera integra, si citra scandalum aut longam moram fieri poterit.

10 Si propter frigus, vel negligentiam, Hostia consecrata dilabatur in Calicem, propterea nihil est reiterandum: sed Sacerdos Missam prosequatur, faciendo cæremonias & signa consueta cum residua parte Hostiæ, quæ non est madefacta Sanguine, si commode potest. Si vero tota fuerit madefacta, non extrahat eam, sed omnia dicat omittendo signa, & sumat pariter Corpus & Sanguinem, signans se cum Calice, & dicens: *Corpus & Sanguis Domini nostri*, &c.

11 Si in hyeme Sanguis congeletur in Calice, involvatur Calix pannis calefactis: si id non proficeret, ponatur in ferventi aqua prope Altare dummodo in Calicem non intret, donec liquefiat.

12 Si per negligentiam aliquid de Sanguine Christi ceciderit, si quidem super terram, seu super tabulam, lingua lambatur, & locus ipse radatur quantum satis est, & abrasio comburatur: cinis vero in Sacrarium recondatur. Si vero super lapidem Altaris ceciderit, sorbeat Sacerdos stillam, & locus bene abluatur, & ablutio in Sacrarium projiciatur. Si super linteam Altaris, & ad aliud linteam stilla pervenerit, si usque ad tertium, linteamina ter abluantur ubi stilla ceciderit, Calice supposito & aqua ablutionis in Sacrarium projiciatur. Quod si in ipso solum Corporali, aut si in vestibus, ipsis Sacerdotalibus ceciderit, debet similiter abui, & ablutio in Sacrarium projici. Si in substrato pedibus panno, vel tapeto, bene abluatur, ut supra.

13 At si contingat totum Sanguinem post consecrationem effundi, si quidem aliquid vel parum remansit, illud sumatur, & de effuso reliquo Sanguine fiat, ut dictum est. Si vero nihil omnino remanserit, ponat iterum vinum & aquam, & consecret ab eo loco: *Simili modo postquam cœnatum est*, facta prius tamen Calicis oblatione, ut supra.

14 Si Sacerdos evomat Eucharistiam, si species integre appareant, reverenter sumantur, nisi nausea fiat: tunc enim species consecratæ caute separentur, & in aliquo loco sacro reponantur, donec corrumpantur, & postea in Sacrarium projiciantur. Quod si species non appareant, comburatur vomitus, & cineres in Sacrarium mittantur.

15 Si Hostia consecrata, vel aliqua ejus particula dilabatur in terram, reverenter accipiat, & locus ubi cecidit, mundetur, & aliquantulum abradatur, & pulvis seu abrasio hujusmodi in Sacrarium immitatur. Si ceciderit extra Corporale in mappam, seu alio quovis modo in aliquod linteam, mappa vel linteam hujusmodi diligenter lavetur, & lotio ipsa in Sacrarium effundatur.

16 Possunt etiam defectus in Ministerio ipso occurrere, si Sacerdos ignoret Ritus & Cæremonias ipsas in eo servandas: de quibus omnibus in superioribus Rubricis copiose dictum est.



PRÆPARATIO AD MISSAM,

PRO OPPORTUNITATE SACERDOTIS FACIENDA.

A N T I P H O N A.

NE reminiscaris, Domine, delicta nostra vel parentum nostrorum: neque vindictam sumas de peccatis nostris.

Quæ Antiphona in Festis duplicibus tantum duplicatur, & Tempore Paschali additur in fine, Alleluia, deinde dicuntur sequentes Psalmi.

Psalmus 83.

QUAM dilecta tabernacula tua, Domine virtutum! concupiscit & deficit anima mea in atria Domini.

Cor meum & caro mea exultaverunt in Deum vivum.

Etenim passer invenit sibi domum; & turtur nidum sibi, ubi ponat pullos suos.

Altaria tua, Domine virtutum: Rex meus, & Deus meus.

Beati qui habitant in domo tua, Domine: in sæcula sæculorum laudabunt te.

Beatus vir, cujus est auxilium abs te: ascensiones in corde suo disposuit in valle lacrymarum, in loco quem posuit.

Etenim benedictionem dabit legislator, ibunt de virtute in virtutem, videbitur Deus deorum in Sion.

Domine Deus virtutum exaudi orationem meam: auribus percipe Deus Jacob.

Protektor noster aspice Deus: & respice in faciem Christi tui.

Quia melior est dies una in atriis tuis: super millia.

Elegi abjectus esse in domo Dei mei: magis quam habitare in tabernaculis peccatorum.

Quia misericordiam & veritatem diligit Deus: gratiam & gloriam dabit Dominus.

Non privabit bonis eos qui ambulant in innocentia: Domine virtutum, beatus homo qui sperat in te.

Gloria Patri.

Psalmus 84.

Benedixisti Domine terram tuam: avertisti civitatem Jacob.

Remisisti iniquitatem plebis tuæ: operuisti omnia peccata eorum.

Mitigasti omnem iram tuam: avertisti ab ira indignationes tuæ.

Converte nos Deus salutaris noster: & averte iram tuam a nobis.

Numquid in æternum irasceris nobis? aut extendes iram tuam a generatione in generationem?

Deus tu conversus vivificabis nos: & plebs tua lætabitur in te.

Ostende nobis Domine misericordiam tuam: & salutare tuum da nobis.

Audiam quid loquatur in me Dominus Deus: quoniam loquetur pacem in plebem suam.

Et super sanctos suos: & in eos qui convertuntur ad cor.

Verumtamen prope timentes eum salutare ipsius: ut inhabitet gloria in terra nostra.

Misericordia & veritas obviaverunt sibi: justitia & pax osculatæ sunt.

Veritas de terra orta est: & justitia de cælo propexit.

Etenim Dominus dabit benignitatem: & terra nostra dabit fructum suum.

Justitia ante eum ambulabit: & ponet in viam gressus suos.

Gloria Patri.

Psalmus 85.

Incлина, Domine, aurem tuam, & exaudi me: quoniam inops & pauper sum ego.

Custodi animam meam, quoniam sanctus sum: salvum fac servum tuum, Deus meus, sperantem in te.

Miserere mei, Domine, quoniam ad te clamavi tota die: lætifica animam servi tui, quoniam ad te, Domine, animam meam levavi.

Quoniam tu Domine suavis, & mitis: & multæ misericordiæ omnibus invocantibus te.

Auribus percipe, Domine, orationem meam: & intende voci deprecationis meæ.

In die tribulationis meæ clamavi ad te: quia exaudisti me.

Non est similis tui in diis, Domine: & non est secundum opera tua.

Omnes gentes quascumque fecisti, venient & adorabunt coram te, Domine: & glorificabunt nomen tuum.

Quoniam magnus es tu, & faciens mirabilia: tu es Deus solus.

Deduc me, Domine, in via tua, & ingrediar in veritate tua: lætetur cor meum ut timeat nomen tuum.

Confitebor tibi Domine Deus meus in toto corde meo: & glorificabo nomen tuum in æternum.

Quia misericordia tua magna est super me: & eruisti animam meam ex inferno inferiori.

Deus, iniqui insurrexerunt super me, & synagoga

Benedicite omnis imber & ros Domino : benedicite omnes spiritus Dei Domino.

Benedicite ignis & æstus Domino : benedicite frigus & æstus Domino.

Benedicite rores & pruina Domino : benedicite gelu & frigus Domino.

Benedicite glacies & nives Domino : benedicite noctes & dies Domino.

Benedicite lux & tenebræ Domino : benedicite fulgura & nubes Domino.

Benedicat terra Dominum : laudet & superexaltet eum in sæcula.

Benedicite montes & colles Domino : benedicite aniverſa germinantia in terra Domino.

Benedicite fontes Domino : benedicite maria & flumina Domino.

Benedicite cete, & omnia quæ moventur in aquis Domino : benedicite omnes volucres cœli Domino.

Benedicite omnes beſtiæ & pecora Domino : benedicite filii hominum Domino.

Benedicat Iſrael Dominum : laudet & superexaltet eum in sæcula.

Benedicite Sacerdotes Domini Domino : benedicite ſervi Domini Domino.

Benedicite ſpiritus & animæ juſtorum Domino : benedicite ſancti & humiles corde Domino.

Benedicite Anania, Azaria, Miſael Domino : laudate & superexaltate eum in sæcula.

Benedicamus Patrem & Filium cum ſancto Spiritu : laudemus & superexaltemus eum in sæcula.

Benedictus es, Domine, in firmamento cœli : & laudabilis, & glorioſus, & superexaltatus in sæcula.

Pſalmus 150.

Laudate Dominum in ſanctis ejus : laudate eum in firmamento virtutis ejus.

Laudate eum in virtutibus ejus : laudate eum ſecundum multitudinem magnitudinis ejus.

Laudate eum in ſono tubæ : laudate eum in pſalterio & cithara.

Laudate eum in tympano & choro : laudate eum in chordis, & organo.

Laudate eum in cymbalis benesonantibus, laudate eum in cymbalis jubilationis : omnis ſpiritus laudet Dominum. Gloria Patri.

Deinde repetitur Antiphona.

Trium puerorum cantemus hymnum, quem cantabant ſancti in camino ignis, benedicentes Dominum.

Deinde Sacerdos dicit.

Kyrie eleiſon.

Chriſte eleiſon.

Kyrie eleiſon.

Pater noſter.

ŷ. Et ne nos inducas in tentationem.

ŷ. Sed libera nos a malo.

ŷ. Conſiteantur tibi, Domine, omnia opera tua.

ŷ. Et ſancti tui benedicant tibi.

ŷ. Exultabunt ſancti in gloria.

ŷ. Lætabuntur in cubilibus ſuis.

ŷ. Non nobis, Domine, non nobis.

ŷ. Sed nomini tuo da gloriam.

ŷ. Domine, exaudi orationem meam.

ŷ. Et clamor meus ad te veniat.

ŷ. Dominus vobiſcum.

ŷ. Et cum ſpiritu tuo.

Oremus.

Deus, qui tribus pueris mitigasti flammæ ignium : concede propitius, ut nos ſervulos tuos non exurat flamma vitiorum.

Actiones noſtras, quæſumus, Domine, aſpirando præveni, & adjuvando proſequere : ut cuncta noſtra oratio & operatio a te ſemper incipiat, & per te cœpta finiatur.

Da nobis, quæſumus, Domine, vitiorum noſtrorum flammæ extingui, qui beato Laurentio tribuiſti tormentorum ſuorum incendia ſuperare. Per Chriſtum Dominum noſtrum.

ŷ. Amen.

ORATIONES

*Pro opportunitate Sacerdotis ante Celebrationem
& Communionem dicendæ.*

Oratio Sancti Ambrosii Episcopi.

DIE DOMINICA

Summe Sacerdos, & vere Pontifex Jeſu Chriſte, qui te obtuliſti Deo Patri hoſtiam puram & immaculatam in ara Crucis pro nobis miſeris & peccatoribus, & qui dediſti nobis carnem tuam ad manducandum, & Sanguinem tuum ad bibendum, & poſuiſti myſterium iſtud in virtute Spiritus ſancti tui, dicens : Hæc quotieſcumque feceritis, in mei memoriam facietis. Rogo per eundem Sanguinem tuum, magnum ſalutis noſtræ pretium : rogo per hanc miram & ineffabilem charitatem, qua nos miſeros & indignos ſic amare dignatus es, ut lavares nos a peccatis noſtris in Sanguine tuo. Doce me ſervum tuum indignum, quem inter cætera dona tua etiam ad officium ſacerdotale vocare dignatus es, nullis meis meritis, ſed ſola dignatione miſericordiæ tuæ : doce me, quæſo, per Spiritum ſanctum tuum tantum tractare myſterium ea reverentia & honore, ea devotione & timore, quibus oportet & decet. Fac me per gratiam tuam ſemper illud de tanto myſterio credere & intelligere, ſentire & firmiter tenere, dicere & cogitare, quod tibi placet, & expedit animæ meæ. Intret ſpiritus tuus bonus in cor meum, qui ſonet ibi ſine ſono, & ſine ſtrepitu verborum loquatur omnem veritatem. Profunda quippe ſunt nimis, & ſacro teſta velamine. Propter magnam clementiam tuam concede mihi Miſſarum ſolemnia mundo corde & purâ

mente celebrare. Libera cor meum ab immundis & nefandis, vanis & noxiis cogitationibus. Muni me beatorum Angelorum pia & fida custodia, ac tutela fortissima, ut hostes omnium bonorum confusi discedant. Per virtutem tanti mysterii, & per manum sancti Angeli tui repelle a me, & a cunctis servis tuis, durissimum spiritum superbiæ & cenodoxiæ, invidiæ & blasphemæ, fornicationis & immunditiæ, dubietatis & diffidentiae, confundantur qui nos persequuntur: pereant illi qui nos perdere festinant.

FERIA II. Rex Virginum, & amator castitatis & integritatis, cœlesti rore benedictionis tuæ extingue in corpore meo fomitem ardentis libidinis: ut maneat in me tenor castitatis corporis & animæ. Mortifica in membris meis carnis stimulos, omnesque libidinosas commotiones, & da mihi veram & perpetuam castitatem cum cæteris donis tuis, quæ tibi placent in veritate: ut sacrificium laudis casto corpore & mundo corde valeam tibi offerre. Quanta enim cordis contritione, & lacrymarum fonte, quanta reverentia & tremore, quanta corporis castitate, & animæ puritate istud divinum & cœleste Sacrificium est celebrandum, ubi caro tua in veritate sumitur, ubi sanguis tuus in veritate bibitur, ubi ima summis, terrena divinis junguntur, ubi adest Sanctorum Angelorum præsentia, ubi tu es Sacrificium & Sacerdos mirabiliter & ineffabiliter constitutus!

FERIA III. Quis digne hoc celebrare poterit, nisi tu Deus omnipotens offerentem feceris dignum? Scio Domine, & vere scio, & idipsum pietati tuæ confiteor, quia non sum dignus accedere ad tantum mysterium propter nimia peccata mea, & infinitas negligentias meas. Sed scio & veraciter ex toto corde meo credo, & ore confiteor, quia tu potes me facere dignum, qui solus potes facere mundum de immundo conceptum semine, & de peccatoribus justos & sanctos. Per hanc omnipotentiam tuam, te rogo, Deus meus, ut concedas mihi peccatori hoc Sacrificium celebrare cum timore & tremore: cum cordis puritate, & lacrymarum fonte, cum lætitia spiritali, & cœlesti gaudio. Sentiat mens mea dulcedinem beatissimæ præsentiae tuæ, & excubias sanctorum Angelorum tuorum in circuitu meo.

FERIA IV. Ego enim, Domine, memor venerandæ Passionis tuæ accedo ad Altare tuum licet peccator, ut offeram tibi Sacrificium, quod tu instituisti, & offerri præcepisti in commemorationem tui, pro salute nostra. Suscipe illud, quæso, summe Deus, pro Ecclesia sancta tua, & pro populo quem acquisisti Sanguine tuo. Et quoniam me peccatorem inter te & eundem populum tuum medium esse voluisti, licet in me aliquod boni operis testimonium non agnoscas, officium saltem dispensationis creditæ non recuses, nec per me indignum, eorum salutis pereat pretium, pro quibus victima salutaris dignatus es esse redemptio. Proferc etiam, Domine, (si digneris propitius intueri) tribulationes plebium, pericula populorum, captivorum gemitus, miseras orphanorum,

necessitates peregrinorum, inopiam debiliū, desperationes languentium, defectus senum, suspiria juvenum, vota virginum, lamenta viduarum.

FERIA V. Tu enim misereris omnium, Domine, & nihil odisti eorum quæ fecisti. Memorare quæ sit nostra substantia: quia tu Pater noster es, quia tu Deus noster es, ne irascaris satis, neque multitudinem viscerum tuorum super nos contineas. Non enim in justificationibus nostris, prosternimus preces ante faciem tuam, sed in miserationibus tuis multis. Aufer a nobis iniquitates nostras: & ignem sancti Spiritus in nobis clementer accende. Aufer cor lapideum de carne nostra: & da nobis cor carneum, quod te amet, te diligat, te delectetur, te sequatur, te perfruatur. Oramus, Domine, clementiam tuam, ut sereno vultu familiam tuam, sacri tui nominis officia præstolantem, aspicere digneris: & ut nullius sit irritum votum, nullius vacua postulatio, tu nobis preces suggere, quas ipse propitius audire, & exaudire delecteris.

FERIA VI. Rogamus etiam te, Domine sancte Pater, & pro spiritibus fidelium defunctorum; ut sit illis salus, sanitas, gaudium, & refrigerium, hoc magnum pietatis Sacramentum, Domine Deus meus, sit illis hodie magnum & plenum convivium de te pane vivo, qui de cœlo descendisti, & das vitam mundo, de tua carne sancta & benedicta. Agni videlicet immaculati, qui tollis peccata mundi, quæ de sancto & glorioso Beatæ Virginis Mariæ utero est assumpta, & de Spiritu sancto concepta; ac de illo pietatis fonte, qui per lanceam militis ex tuo sacratissimo latere emanavit: ut exinde refectioni & satiati, refrigerati & consolati exultent in laude & gloria tua. Peto clementiam tuam, Domine, ut descendat super panem tibi sacrificandum plenitudo tuæ benedictionis, & sanctificatio tuæ divinitatis. Descendat etiam, Domine, illa sancti Spiritus tui invisibilis incomprehensibilisque majestas, sicut quandam in patrum hostias descendebat, qui & oblationes nostras, Corpus & Sanguinem tuum efficiat, & me indignum sacerdotem doceat tantum tractare mysterium cum cordis puritate, & lacrymarum devotione, cum reverentia & tremore, ita ut placide ac benigne suscipias sacrificium de manibus meis ad salutem omnium tam vivorum quam defunctorum.

SABBATO. Rogo etiam te, Domine, per ipsum sacrosanctum Mysterium Corporis & Sanguinis tui, quo quotidie in Ecclesia tua pascimur & potamur, abluimur & sanctificamur, atque unius summæ divinitatis participes efficimur, da mihi virtutes tuas sanctas quibus repletus, bona conscientia ad Altare tuum accedam, ita ut hæc cœlestia sacramenta efficiantur mihi salus & vita. Tu enim dixisti ore tuo sancto & benedicto: Panis quem ego dabo, caro mea est pro mundi vita. Ego sum panis vivus, qui de cœlo descendi. Si quis manducaverit ex hoc pane, vivit in æternum. Panis dulcissime, sana palatum cordis mei, ut sentiam suavitatem amoris tui. Sana illud ab omni lan-

guore, ut nullam præter te sentiam dulcedinem. Panis candidissime habens omne delectamentum, & omnem saporem, qui nos semper reficis & numquam in te deficis: comedat te cor meum & dulcedine saporis tui repleantur viscera animæ meæ. Manducat te Angelus ore pleno: manducet te peregrinus homo pro modulo suo; ne deficere possit in via, tali recreatus viatico. Panis sancte, panis vive, panis munde, qui descendisti de cælo, & das vitam mundo, veni in cor meum, & munda me ab omni inquinamento carnis & spiritus. Intra in animam meam: sana & munda me interius & exterius. Esto tutamen, & continua salus animæ & corporis mei. Repelle a me insidiantes mihi hostes: recedant procul a præsentia potentia tuæ, ut foris & intus per te munitus, recto tramite ad tuum regnum perveniam: ubi non in mysteriis, sicut in hoc tempore agitur, sed facie ad faciem te videbimus, cum tradideris regnum Deo & Patri, & erit Deus omnia in omnibus. Tunc enim me de te satiabis satietate mirifica, ita ut nec esuriam, nec sitiam in æternum. Qui cum eodem Deo Patre, & Spiritu sancto vivis, & regnas per omnia sæcula sæculorum. Amen.

Alia Oratio ante Missam.

AD mensam dulcissimi convivii tui, pie Domine Jesu Christe, ego peccator de propriis meritis nihil præsumens, sed de tua confidens misericordia & bonitate, accedere vereor & contremisco. Nam cor & corpus habeo multis criminibus maculatum, mentem & linguam non caute custoditam. Ergo, ô pia Deitas, ô tremenda majestas, ego miser inter angustias deprehensus, ad te fontem misericordiæ recurro, ad te festino sanandus, sub tuam protectionem fugio: & quem judicem sustinere nequeo, salvatorem habere suspiro. Tibi, Domine, plagas meas ostendo: tibi verecundiam meam detego. Scio peccata mea multa & magna, pro quibus timeo. Spero in misericordias tuas, quarum non est numerus. Respice ergo in me oculis misericordiæ tuæ. Domine Jesu Christe, Rex æterne, Deus & homo, crucifixus propter hominem. Exaudi me sperantem in te. miserere mei pleni meritis & peccatis, tu qui fontem miserationis numquam manare cessabis. Salve salutaris victima, pro me & omni humano genere in patibulo Crucis oblata. Salve nobilis & pretiose Sanguis, de vulneribus crucifixi Domini mei Jesu Christi profluens, & peccata totius mundi abluens. Recordare, Domine, creaturæ tuæ, quam tuo Sanguine redemisti. Pœnitet me peccasse, cupio emendare quod feci. Aufer ergo a me, Clementissime Pater, omnes iniquitates & peccata mea: ut purificatus mente & corpore, digne degustare merear Sancta sanctorum: & concede, ut sancta prælibatio Corporis, & Sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationum effugatio, ac bonorum sensuum regeneratio, operumque tibi placentium salubris efficacia,

animæ quoque & corporis contra inimicorum meorum insidias firmissima tuitio. Amen.

Oratio S. Thomæ Aquinatis.

OMnipotens sempiterne Deus, ecce accedo ad sacramentum unigeniti Filii tui Domini nostri Jesu Christi: accedo tamquam infirmus ad medicum vitæ, immundus ad fontem misericordiæ, cæcus ad lumen claritatis æternæ, pauper & egenus ad Dominum cœli & terræ. Rogo ergo immensæ largitatis tuæ abundantiam, quatenus meam curare digneris infirmitatem, lavare sceditatem, illuminare cæcitatem, ditare paupertatem, vestire nuditatem, ut panem Angelorum, Regem regum, Dominum dominantium tanta suscipiam reverentia & humilitate, tanta contritione, & devotione, tanta puritate & fide, tali proposito & intentione, sicut expedit saluti animæ meæ. Da mihi, quæso, Dominici Corporis & Sanguinis non solum suscipere Sacramentum, sed etiam rem & virtutem sacramenti. O mitissime Deus, da mihi Corpus unigeniti Filii tui Domini nostri Jesu Christi, quod traxit de Virgine Maria, sic suscipere, ut corpori suo mystico merear incorporari, & inter ejus membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelata tandem facie perpetuo contemplari. Qui tecum vivit & regnat in unitate Spiritus sancti Deus, per omnia sæcula sæculorum. Amen.

Orationes post Celebrationem & Communionem dicendæ.

Oratio Sancti Thomæ de Aquino.

GRatias tibi ago, Domine sancte, Pater omnipotens, æterne Deus, qui me peccatorem, indignum famulum tuum, nullis meis meritis, sed sola dignatione misericordiæ tuæ satiare dignatus es pretioso Corpore & Sanguine Filii tui Domini nostri Jesu Christi. Et precor ut hæc sancta Communio non sit mihi reatus ad pœnam, sed intercessio salutaris ad veniam. Sit mihi armatura fidei, & scutum bonæ voluntatis. Sit vitiorum meorum evacuatio, concupiscentiæ & libidinis exterminatio, charitatis & patientiæ, humilitatis & obedientiæ, omniumque virtutum augmentatio, contra insidias inimicorum omnium, tam visibilium quam invisibilium, firma defensio: motuum meorum, tam carnalium, quam spiritualium, perfecta quietatio: in te uno ac vero Deo firma adhesio: atque finis mei felix consummatio. Et precor te, ut ad illud ineffabile convivium me peccatorem perducere digneris, ubi tu cum Filio tuo & Spiritu sancto, Sanctis tuis es lux veritas consummata, & felicitas perfecta. Per eundem Christum Dominum nostrum. Amen.

Alia Oratio S. Bonaventuræ.

Transfige, dulcissime Domine Jesu medullas & viscera animæ meæ suavissimo ac saluberrimo amoris tui vulnere, vera serenaque & Apostolica sanctissima charitate, ut langueat & liquefiat anima mea solo semper amore & desiderio tui, te concupiscat, & deficiat in atria tua, cupiat dissolvi, & esse tecum. Da, ut anima mea te esuriat, panem Angelorum, refectionem animarum sanctarum, panem nostrum quotidianum, supersubstantialem, habentem omnem dulcedinem & saporem, & omne delectamentum suavitatis: te in quem desiderant Angeli prospicere, semper esuriat & comedat cor meum, & dulcedine saporis tui repleantur viscera animæ meæ: te semper sitiatis fontem vitæ, fontem sapientiæ & scientiæ, fontem æterni luminis, torrentem voluptatis, ubertatem domus Dei: te semper ambiat, te quærat, te inveniat, ad te tendat, ad te perveniat, te meditetur, te loquatur, & omnia operetur in laudem & gloriam nominis tui, cum humilitate & discretionem, cum dilectione & delectatione, cum facilitate & affectu, cum perseverantia usque in finem, & tu sis solus semper spes mea, tota fiducia mea, divitiæ meæ, delectatio mea, jucunditas mea, gaudium meum, quies & tranquillitas mea, pax mea, suavisitas mea, odor meus, dulcedo mea, cibus meus, refectionis mea, refugium meum, auxilium meum, sapientia mea, portio mea, possessio mea, thesaurus meus, in quo fixa & firma & immobiliter semper sit radicata mens mea, & cor meum. Amen.

Rithmus Sancti Thomæ ad Sacram Eucharistiam.

Adoro te devote, latens Deitas,
Quæ sub his figuris vere latitas:
Tibi se cor meum totum subjicit,
Quia te contemplans, totum deficit.
Visus, tactus, gustus in te fallitur,
Sed auditu solo tuto creditur:
Credo quidquid dixit Dei Filius;
Nil hoc Verbo veritatis verius.
In Cruce latebat sola Deitas,
At hic latet simul & humanitas;
Ambo tamen credens, atque confitens,
Peto quod petivit Latro pœnitens.
Plagas, sicut Thomas, non intueor,
Deum tamen meum te confiteor.
Fac me tibi semper magis credere,
In te spem habere, te diligere.
O memoriale mortis Domini,
Panis vivus, vitam præstans homini!
Præsta meæ menti de te vivere,
Et te illi semper dulce sapere.
Pie pellicane, Jesu Domine,
Me immundum munda tuo Sanguine,
Cujus una stilla saluum facere
Totum mundum quit ab omni scelere.
Jesu, quem velatum nunc aspicio,
Oro, fiat illud, quod tam sitio,
Ut te revelata cernens facie,
Visu sim beatus tuæ gloriæ.
Amen.

EX REGISTRO DECRETORUM SACRÆ RITUUM CONGREGATIONIS.

SACRA Rituum Congregatio, inhærendo Decretis alias factis, prohibet omnino Missas a Sacra Rituum Congregatione non approbatas, & signanter Missas nuncupatas S. Gregorii pro vivis & defunctis, Missas quindæcim Auxiliatorum, Missam de Patre Æterno, & quascumque alias, ut supra, non approbatas; exceptis tamen Missis Rosarii, & de Monte-Carmelo, quæ sunt permixtæ Regularibus quibusdam, & iisdem dumtaxat, nec possunt ab aliis celebrari, etiam in ipsorum Regularium Ecclesiis.

Nemo audeat uti Pileolo in celebratione Missarum sine expressa licentia Sedis Apostolicæ, non obstante quacumque contraria consuetudine.

Item prohibetur usus Rochetti, exceptis tamen quibus de jure competit, & præter hos statuitur, & declaratur, nemini licere inseruire, aut assistere in celebratione Missarum aut Divinorum Officiorum cum Rochetto, neque cum Cotta habente manicas angustas ad instar Rochetti; & idem servandum est in Concionibus.

Paramenta non debent sumi de Altari pro celebratione Missarum, cum id competat tantum Episcopis, siue solemniter, siue privatim celebrent, inferioribus vero habentibus usum Pontificalium, non nisi quando in Pontificalibus celebrant.

Demum renovando Decreta alias facta, mandat Sacra Congregatio in omnibus & per omnia servari Rubricas Missalis Romani, non obstante quocumque prætextu, & contraria consuetudine, quam abusum esse declarat.

Et facta relatione horum Decretorum S. D. N. URBANO VIII. Sanctitas sua annuit, & ab omnibus ubique servari, & in Missali Romano noviter imprimendo apponi mandavit.

JULIUS ROSPIGLIOSIUS Secret.

UNIVERSITY LIBRARY
31 JAN
1920

✠

PROPRIUM MISSARUM DE TEMPORE.

DOMINICA I. ADVENTUS.

Statio ad S. Mariam Majorem.

Ad Missam. Introitus. Psal. 24.

Ad te levavi animam meam: Deus meus, in te confido, non erubescam: neque irideant me inimici mei: etenim universi qui te expectant, non confundentur. *Ps. ib.* Vias tuas, Domine, demonstra mihi: & semitas tuas edoce me. *V.* Glória Patri, &c.

Quo finito repetitur Ad te levavi, usque ad Psalmum.

¶ *Hic modus repetendi Introitum, servatur per totum annum.*

Non dicitur Glória in excelsis, ab hac Dominica, usq; ad Nat. Dni, nisi in Festis.

Orémus.

Oratio.

EXcita, quæsumus, Domine, potentiam tuam, & veni: ut ab imminentibus peccatorum nostrorum periculis, te mereamur protegente eripi, te liberante, salvári. Qui vivis & regnas cum Deo Patre in unitate Spiritus sancti Deus, per omnia sæcula sæculorum. *R.* Amen.

¶ *Ab hac die usque ad Vig. Nat. Dom. post Orationem diei dicitur Oratio, Deus, qui de B. M. & Ecclesiæ tuæ, vel Deus omnium fideliū, ut infra.*

¶ *Si autem facienda sit commemoratio alicujus Festi Simplicis occurrentis, post Orationem diei dicitur Oratio de Sancto, & tertia de sancta Maria.*

De sancta Maria.

Oratio.

Deus, qui de B. Mariæ Virginis útero, Verbum tuum, Angelo nuntiante, carnem fuscipere voluisti: præsta supplicibus tuis: ut qui verè eam genatricem Dei credimus, ejus apud te intercessionibus adjuvemur.

Contra persec. Ecclesiæ.

Oratio.

Ecclésiæ tuæ, quæsumus, Domine, preces placatus admitte: ut destructis adversitatibus & erroribus universis, securâ tibi serviat libertate. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia sæcula sæculorum. *R.* Amen.

Vel pro Papa.

Oratio.

Deus omnium fideliū pastor & rector, famulum tuum N. quem pastorem Ecclesiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, unâ cum grege sibi credito, perveniat sempiternam. Per Dominum, &c.

¶ *Infra Hebdomadas Adventus, quando dicitur Missa de Festo Semiduplici, secunda Oratio erit de Adventu, tertia de S. Maria, quæ terminatur sic, Per eundem Dominum nostrum, &c.*

¶ *Si autem dicatur Missa de Festo Duplici, post Orationem Festi dicitur Oratio tantum de Adventu.*

¶ *De Festis Simplic. in Adventu occurrentibus fit tantum commemoratio.*

Lectio Epistolæ beati Pauli Apostoli
ad Romanos. 13. d.

FRatres, Sciētes, quia hora est jam
nos de somno surgere. Nunc enim
propior est nostra salus, quam cum
credidimus. Nox præcessit, dies autem
appropinquavit. Abjiciamus ergo ope-
ra tenebrarum, & induamur arma lu-
cis. Sicut in die honestè ambulēmus:
non in comessationibus, & ebrietatibus,
non in cubilibus, & impudiciis, non
in contentione, & æmulatione: sed
induimini Dñm Jesum Christum.

Grad. Psal. 24. Univēsi, qui te ex-
pectant, non confundentur, Dñmine.

V. Vias tuas, Dñmine, notas fac
mihi: & sēmitas tuas edoce me. Alle-
lūia, allelūia. *V. Ps. 84.* Ostēde
nobis, Dñmine, misericordiam tuam:
& salutare tuum da nobis. Allelūia.

*¶ In Feriis Adventus, quando per
Hebdomadam resumitur Missa de Domin.
non dicitur, Allelūia, nec Versus sequens,
sed tantum Graduale.*

Sequētia sancti Evangelii secūndum
Lucam. 21.

IN illo tempore: Dixit Jesus disci-
pulis suis: Erunt signa in sole, &
luna, & stellis, & in terris pressura gen-
tium præ confusione sonitus maris, &
fluctuum, arescentibus hominibus præ
timore, & expectatione, quæ supervē-
nient univēso orbi: nam virtutes
coelorum movebuntur: & tunc vidē-
bunt Filium hominis venientem in
nube cum potestate magna, & majes-
tate. His autem fieri incipientibus,
respicite, & levate capita vestra: quō-
niam appropinquat redemptio vestra.
Et dixit illis similitudinem: Videte
ficulneam, & omnes arbores: cum

producent jam ex se fructum, scitis
quoniam propè est æstas. Ità & vos
cum vidēritis hæc fieri, scitote quōni-
am propè est regnum Dei. Amen dico
vobis, quia non præteribit generatio
hæc, donec omnia fiant. Cælum &
terra transibunt: verba autem mea
non transibunt. *Et dicitur, Credo.*

Offert. Ps. 24. Ad te levavi animam
meam: Deus meus, in te confido:
non erubescam: neque irideant me
inimici mei: etenim univēsi, qui te
expectant, non confundentur.

Secreta.

HÆc sacra nos, Dñmine, potēti
virtute mundatos, ad suum faci-
ant puriores venire principium. Per.

De sancta Maria. Secreta.

IN mētibz nostris, quæsumus, Dñ-
mine, veræ fidei sacramēta con-
firma: ut qui concēptum de vīrgine
Deum verum & hominem confitemur;
per ejus salutiferæ resurrectionis po-
tēntiam, ad æternam mereāmur per-
venire lætitiā.

*Si dicitur ultimo loco, terminatur sic,
Per eundem Dñm.*

Contra persec. Ecclesiæ. Secreta.

PRótege nos, Dñmine, tuis mystēriis
servientes: ut divinis rebus inhæ-
rentes, & corpore tibi famulēmur, &
mente. Per Dñm.

Vel pro Papa. Secreta.

OBlátis, quæsumus, Dñmine, placare
muneribus: & famulum tuum N.
quem pastorem Ecclesiæ tuæ præesse
voluisti, assiduā protectione guberna.
Per Dñm.

Communio. Ps. 84. Dñminus dabit
benignitatem: & terra nostra dabit
fructum suum.

Postcommunio.

SUscipiámus, Dómine, misericórdiam tuam in médio templi tui: ut reparatiónis nostræ ventúra solémnia, cóngruis honóribus præcedámus. Per Dñm.

De S. Maria. Postcommunio.

GRátiam tuam, quæsumus, Dómine, méntibus nostris infúnde: ut qui, Angelo nuntiánte, Christi Fílii tui incarnatiónem cognóvimus: per passióem ejus & crucem, ad resurrectiós glóriam perducámur. Per eúndem. *Si dicatur ultimo loco.*

Contra persec. Ecclesiæ. Postcommunio.

QUæsumus, Dómine, Deus noster; ut quos divína tríbuis participatióne gaudére, humánis non finas subiacére perículis. Per Dñm.

Vel pro Papa. Postcommunio.

HÆc nos, quæsumus, Dómine, divíni sacraménti percéptio próte-gat: & fámulum tuum N. quem pastórem Ecclesiæ tuæ præesse voluísti, unà cum commísso sibi grege salvet semper, & múniat. Per Dñm.

Dicitur, Benedicámus Dómino.

Et sic servatur, quoties non dicitur, Glória in excélsis.

¶ *Infra Hebdomadam si dicenda sit Missa de Feria, resumitur Missa de Dominica præcedenti, nisi propria Missa assignetur.*

¶ *Cum verò in Adventu, Quadragesima, Quatuor Temporibus, Vigiliis, & Rogationibus, dicitur Missa de Festo Duplici, vel Semid. occurrente, semper fit commem. de Feria. Et pro commem. Feriarum Adventus dicitur Oratio Domin. præcedentis: nisi sint Quatuor Tempora in quibus habetur Oratio propria.*

DOMINICA II. ADVĒNTUS

Statio ad S. Crucem in Jerusalem.

Introitus.

Isaïæ 30.

POpulus Sion, ecce, Dóminus véniet ad salvándas gentes: & audítam fáciat Dóminus glóriam vocis suæ in lætítia cordis vestri.

Pf. 79. Qui regis Israël inténde: qui dedúcis, velut ovem, Joseph.

V. Gloria Patri & Fílio, &c.

Non dicitur, Glória in excélsis.

Orémus.

Oratio.

EXcita, Dómine, corda nostra ad præparándas Unigéniti tui vias: ut per ejus advéntum purificáti tibi méntibus servíre mereámur. Qui tecum vivit & regnat.

De sancta Maria.

Oratio.

DEus, qui de beátæ Mariæ Vírginis útero, Verbum tuum Angelo nuntiánte, carnem fuscípere voluísti, præsta supplicibus tuis: ut qui verè eam genitrícem Dei crédimus, ejus apud te intercessiόνibus adjuvémur.

Pro Papa.

Oratio.

DEus ómnium fidélium pastor & rector, fámulum tuum N. quem pastórem Ecclesiæ tuæ præesse voluísti, propítius réspice: da ei, quæsumus, verbo & exémplo, quibus præest, profícere, ut ad vitam, unà cum grege sibi crédito, pervéniat sempitérnam. Per Dñm.

Vel contra persec. Ecclesiæ. Oratio.

ECclésiæ tuæ, quæsumus, Dómine, preces placátus admítte: ut destructis adversitatibus & erróribus univérsis, secúra tibi ferviat libertáte. Per Dñm.

Lectio Epistolæ beati Pauli Apostoli ad Romanos. 15.

FRatres, Quaecumque scripta sunt, ad nostram doctrinam scripta sunt: ut per patientiam, & consolationem Scripturarum, spem habeamus. Deus autem patientiæ & solatii, det vobis idipsum sapere in alterutrum secundum Jesum Christum: ut unanimes, uno ore honorificetis Deum, & Patrem Domini nostri Jesu Christi. Propter quod suscipite invicem, sicut & Christus suscepit vos in honorem Dei. Dico enim Christum Jesum ministrum fuisse circumcisionis propter veritatem Dei, ad confirmandas promissiones patrum: Gentes autem super misericordia honorare Deum, sicut scriptum est: propterea confitebor tibi in Gentibus, Domine, & nomini tuo cantabo. Et iterum dicit: Laetamini Gentes cum plebe ejus. Et iterum: Laudate, omnes Gentes, Dominum: & magnificate eum, omnes populi. Et rursus Isaias ait: Erit radix Jesse & qui exurget regere Gentes, in eum Gentes sperabunt. Deus autem spei repleat vos omni gaudio & pace in credendo: ut abundetis in spe, & virtute Spiritus sancti.

Graduale. Ps. 49. Ex Sion species decoris ejus: Deus manifestè veniet.

V. Congregate illi sanctos ejus, qui ordinaverunt testamentum ejus super sacrificia. Allelúia, allelúia.

V. Ps. 121. Laetatus sum in his, quæ dicta sunt mihi: in domum Domini ibimus. Allelúia.

Sequentia sancti Evangelii secundum Matthæum. 11.

IN illo tempore: Cum audisset Joannes in vinculis opera Christi mit-

tens duos de discipulis suis, ait illi: Tu es qui venturus es, an alium expectamus? Et respondens Jesus, ait illis: Eúntes renuntiáte Joánni quæ audistis, & vidistis. Cæci vident, claudi ambulant, leprosi mundantur, furdi audiunt, mortui resurgunt, pauperes evangelizantur: & beatus est qui non fuerit scandalizatus in me. Illis autem abeuntibus, cœpit Jesus dicere ad turbas de Joanne: Quid existis in desertum videre? arundinem vento agitatum? Sed quid existis videre? hominem mollibus vestitum? Ecce qui mollibus vestiuntur, in domibus Regum sunt. Sed quid existis videre? Propheta? Etiam dico vobis, & plus quam Propheta. Hic est enim, de quo scriptum est: Ecce ego mitto angelum meum ante faciem tuam, qui præparabit viam tuam ante te. Credo.

Offert. Ps. 84. Deus tu convertens vivificabis nos, & plebs tua lætabitur in te: ostende nobis, Domine, misericordiam tuam, & salutare tuum da nobis.

Secreta.

PLacare, quæsumus, Domine, humilitatis nostræ precibus, & hostiis: & ubi nulla suppetunt suffragia meritorum, tuis nobis succurre præsidiis. Per Dñm.

De sancta Maria.

Secreta.

IN mentibus nostris, quæsumus, Domine, veræ fidei sacramenta confirma: ut qui conceptum de virgine Deum verum & hominem confitemur: per ejus salutiferæ resurrectionis potentiam, ad æternam mereamur pervenire lætitiā.

Pro Papa.

Secreta.

O Blátis, quæsumus, Dómine, placáre munéribus, & fámulum tuum N. quem pastórem Ecclesiæ tuæ præesse voluísti, assíduâ protectiône gubérna. Per Dñm.

Vel contra persecutores Ecclesiæ.

Secreta.

PRótege nos, Dómine, tuis mystériis serviéntes : ut divínis rebus inhæréntes, & corpore tibi famulémur, & mente. Per Dñm.

Communio. Bar. 4 & 5. Jerúsalem surge, & sta in excélso; & vide jucunditatem, quæ véniet tibi à Deo tuo.

Postcommunio.

REpléti cibo spirituális alimóniæ, súpplices te, Dómine, deprecámur: ut hujus participatiône mystérii, doceas nos terréna despícere, & amáre coeléstia. Per Dñm.

De S. Maria.

Postcommunio.

GRátiam tuam, quæsumus, Dómine, méntibus nostris infúnde: ut qui, Angelo nuntiánte, Christi Fílii tui incarnationem cognóvimus, per passió-nem ejus & crucem, ad resurrectiόνis glóriam perducámur.

Pro Papa.

Postcommunio.

HÆc nos, quæsumus, Dómine, divíni sacraménti percéptio proté-gat: & fámulum tuum N. quem pas-tórem Ecclesiæ tuæ præesse voluísti, unà cum commisso sibi grege salvet semper, & múniat. Per Dñm.

Vel contra persecutores Ecclesiæ.

Postcommunio.

QUæsumus, Dómine, Deus noster, ut quos divína tribuis participa-tiône gaudere, humánis non finas sub-jacére perículis. Per Dñm.

DOMINICA III. ADVENTUS.

Statio ad sanctum Petrum.

Introitus. Phil. 4.

GAudéte in Dómino semper, íte-rum dico, gaudéte: modéstia vestra nota sit ómnibus homínibus: Dóminus enim propè est: nihil solíciti fitis: sed in omni oratiône petitiónes vestræ innotéscant apud Deum.

Pf. 84. Benedixísti, Dómine, terram tuam: avertísti captivitátem Jacob.

V. Glória Patri, &c.

Non dicitur Glória in excélsis.

Orémus.

Oratio.

AUrem tuam, quæsumus, Dómine, précibus nostris accómmoda: & mentis nostræ ténebras, grátiâ tuæ vi-sitatiónis illústra. Qui vivis & regnas, cum Deo Patre.... &c.

De sancta Maria.

Oratio.

Deus, qui de B. Mariæ Vírginis útero, &c. *ut infrà, fol. 7.*

Contra persecutores Ecclesiæ. Oratio:

ECClesiæ tuæ, quæsumus, Dómine, preces placátus admítte: ut destrúctis adversitatibus & erróribus univér-sis, secúrâ tibi sérviat libertáte. Per.

Vel pro Papa. Oratio. Deus ómnium fidélium Pastor. *ut suprà fol. 3.*

Lectio Epístolæ beáti Pauli Apóstoli ad Philippén-ses. 4.

FRatres, Gaudéte in Dómino semper: íterum dico gaudéte. Modéstia vestra nota sit ómnibus homínibus: Dóminus propè est. Nihil solíciti fitis: sed in omni oratiône, & obsecra-tiône, cum gratiárum actiône, petiti-ónes vestræ innotéscant apud Deum. Et pax Dei, quæ exúperat omnem sensum, custódiat corda vestra, & in-

telligentias vestras, in Christo Jesu Dómino nostro.

Grad. Ps. 79. Qui sedes, Dómine, super Chérubim, excita poténtiam tuam, & veni. *V.* Qui regis Israël, inténde: qui dedúcis velut ovem, Joseph. Allelúia, allel. *V. Ps. ib.* Excita, Dómine, poténtiam tuam, & veni: ut salvos fácias nos. Allelúia.

Sequéntia sancti Evangélii secúndum Joánnem. I. c.

IN illo témpore: Misérunt Judæi ab Jerosólymis sacerdotes & Levítas ad Joánnem, ut interrogárent eum: Tu quis es? Et conféssus est, & non negávit: & conféssus est: Quia non sum ego Christus. Et interrogavérunt eum: Quid ergo? Elías es tu? Et dixit: Non sum. Prophéta es tu? Et respóndit: Non. Dixérunt ergo ei: Quis es, ut respónsum demus his, qui misérunt nos? quid dicis de te ipso? Ait: Ego vox clamántis in desérto: Dirígite viam Domini, sicut dixit Isaías Prophéta. Et qui missi fúerant, erant ex Pharisæis. Et interrogavérunt eum, & dixérunt ei: Quid ergo baptizas, si tu non es Christus, neque Elías, neque Prophéta? Respóndit eis Joánnes, dicens: Ego baptizo in aqua: médius autem vestrúm stetit, quem vos nescítis. Ipse est, qui post me ventúrus est qui ante me factus est: cujus ego non sum dignus ut solvam ejus corrigiam calceaménti. Hæc in Bethánia facta sunt trans Jordánem, ubi erat Joánnes baptizans. Credo.

Offert. Ps. 84. Benedixisti, Dómine, terram tuam: avertísti captivitátem Jacob: remisísti iniquitátem plebis tuæ.

Secreta.

DEvotiónis nostræ tibi, quæsumus, Dómine, hóstia júgiter immolétur: quæ sacri péragat institúta mystérii, & salutáre tuum in nobis mirábiliter operétur. Per Dñm.

De sancta Maria. Secreta.

IN méntibus nostris, quæsumus, Dómine, veræ fídei sacraménta confirma: ut qui concéptum de vírgine Deum verum & hóminem confitémur; per ejus salutíferæ resurrectiónis poténtiam, ad ætérrnam mereámur pervenire lætítiam.

Contra persec. Ecclesiæ. Secreta.

PRótege nos, Dómine, tuis mystériis serviéntes: ut divínis rebus inhæréntes, & corpore tibi famulémur, & mente. Per Dñm.

Vel pro Papa. Secreta. Oblátis, quæsumus, Dómine, placáre, *ut suprà fol. 5.*

Commun. Is. 35. Dícite, pusillánimes confortámini, & nolíte timére: ecce Deus noster véniet, & salvábit nos.

Postcommunio.

IMplorámus, Dómine, cleméntiam tuam: ut hæc divína subsidia, à vítiis expiátos, ad festa ventúra nos præparent. Per Dñm.

De S. Maria. Postcommunio.

GRátiam tuam, quæsumus, Dómine, méntibus nostris infúnde: ut qui, Angelo nuntiánte, Christi Fílii tui incarnationem cognóvimus; per passió-nem ejus & crucem, ad resurrectiónis glóriam perducámur.

Contra persec. Eccles. Postcommunio.

QUæsumus, Dómine, Deus noster: ut quos divínâ tribuis participatióne gaudére, humánis non finas subjacére perículis. Per Dñm.

Vel pro Papa. Postcommunio.
Hæc nos, quæsumus, Dñe; *ut suprà fol. 5.*

F E R I A I V.

QUATUOR TEMPORUM ADVENTUS.

Statio ad S. Mariam Majorem.

Introitus. Isaia 45.

Rorâte coeli desuper & nubes pluant justum: aperiatur terra, & germinet salvatorem.

Ps. 18. Coeli enarrant gloriam Dei, & opera manuum ejus annuntiat firmiter. *V.* Gloria Patri. *Post Kyrie eleison, immediatè dicitur Orémus.* Flectamus genua. *R.* Levate.

Oratio.

Præsta, quæsumus, omnipotens Deus, ut redemptionis nostræ ventura sollemnitas, & præsentis nobis vitæ subsidia conferat, & æternæ beatitudinis præmia largiatur. Per Dñm.

Lectio Isaiaæ Prophætæ. 2.

IN diebus illis: Dixit Isaías Prophéta: Erit in novissimis diebus preparatus mons domus Domini in vertice montium, & elevabitur super colles, & fluent ad eum omnes gentes. Et ibunt populi multi, & dicent: Venite & ascendamus ad montem Domini, & ad domum Dei Jacob, & docebit nos vias suas, & ambulabimus in semitis ejus: quia de Sion exiit lex, & verbum Domini de Jerúsalem. Et judicabit Gentes, & arguet populos multos: & conflabunt gladios suos in vomeres, & lanceas suas in falces: non levabit gens contra gentem gladium: nec exercebuntur ultra ad prælium. Domus Jacob venite, & ambulemus in lumine Domini Dei nostri.

Grad. Ps. 23. Tollite portas principes vestras, & elevamini portæ æternales: & introibit Rex gloriæ. *V.* Quis ascendet in montem Domini, aut quis stabit in loco sancto ejus? Innocens manibus, & mundo corde.

Hic dicitur V. Dominus vobiscum, sine Flectamus genua.

Orémus.

Oratio.

Festina, quæsumus, Domine, ne tardaveris: & auxilium nobis supernæ virtutis impende, ut adventus tui consolationibus sublevantur, qui in tua pietate confidunt. Qui vivis & regnas.

De sancta Maria.

Oratio.

Deus, qui de beatæ Mariæ Virginis útero, Verbum tuum, Angelo nuntiante, carnem suscipere voluisti: præsta supplicibus tuis ut qui verè eam genitricem Dei credimus, ejus apud te intercessionibus adjuvemur.

Pro Papa.

Oratio.

Deus omnium fidelium pastor & rector, famulum tuum N. quem pastorem Ecclesiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, unà cum grege sibi credito, perveniat sempiternam. Per Dñm.

Vel contra persec. Eccles. Oratio.

Ecclesiæ tuæ, &c. *ut suprà fol. 5.*

Lectio Isaiaæ Prophætæ. 7. b.

IN diebus illis: Locutus est Dominus ad Achaz, dicens: Pete tibi signum à Domino Deo tuo in profundum inferni, sive in excelsum suprà. Et dixit Achaz: Non petam, & non tentabo Dominum. Et dixit: Audite ergo domus David: Numquid parum vobis est molestos esse hominibus, quia molesti

estis & Deo meo? Propter hoc dabit Dominus ipse vobis signum. Ecce virgo concipiet, & pariet filium, & vocabitur nomen ejus Emmánuël. Butyrum & mel comedet, ut sciat reprobare malum, & eligere bonum.

Grad. Ps. 144. Propè est Dominus omnibus invocantibus eum, omnibus qui invocant eum in veritate.

V. Laudem Domini loquétur os meum: & benedícat omnis caro nomen sanctum ejus.

Sequéntia sancti Evangélíi secúndum Lucam. i. c.

IN illo témpore: Missus est Angelus Gábriël à Deo in civitátem Galilææ, cui nomen Názareth, ad Vírginem desponsátam viro, cui nomen erat Joseph, de domo David, & nomen vírginis María. Et ingrèssus Angelus ad eam dixit, Ave grátia plena: Dominus tecum: Benedícta tu in muliéribus. Quæ cùm audisset, turbáta est in sermóne ejus: & cogitábat qualis esset ista salutátio. Et ait Angelus ei: Ne timeas María; invenísti enim grátiam apud Deum: Ecce concípies in útero, & páries filium, & vocabis nomen ejus Jesum. Hic erit magnus, & Fílius Altíssimi vocabitur, & dabit illi Dominus Deus sedem David patris ejus: & regnabit in domo Jacob in ætérnum, & regni ejus non erit finis. Dixit autem María ad Angelum: Quómodo fiet istud, quóniam virum non cognósko? Et respóndens Angelus, dixit ei: Spíritus sanctus supervéniet in te, & virtus Altíssimi obumbrábit tibi. Ideóque & quod nascétur ex te Sanctum vocabitur Fílius Dei. Et ecce Elísabeth cognáta tua, & ipsa concépit filium in

senectúte sua: & hic mensis sextus est illi, quæ vocátur stérilis: quia non erit impossibile apud Deum omne verbum. Dixit autem María: Ecce ancílla Domini, fiat mihi secúndum verbum tuum.

Offert. Isaia 35. Confortámini, & jam nolíte timére: ecce enim Deus noster retríbuet judícium: ipse véniet, & salvos nos faciet.

Secreta.

ACcépta tibi sint, quæsumus, Domine, nostra jejúnia: quæ & expiándo nos tuâ gratiâ dignos efficiant, & ad sempitérna promíssa perdúcant. Per Dñm.

De sancta Maria. Secreta.

IN méntibus nostris, quæsumus, Domine, veræ fídei sacraménta confirma: ut qui concéptum de vírgine Deum verum & hóminem confitémur; per ejus salutíferæ resurrectionis poténtiam, ad ætérnam mereámur pervenire lætítiam.

Pro Papa. Secreta.

Oblátis, quæsumus, Domine, placare munéribus: & famulum tuum N. quem pastórem Ecclesiæ tuæ præesse voluísti, assíduâ protectióne gubérna. Per Dñm.

Vel contra persec. Eccles. Secreta. Prótege nos, Domine, &c. *ut supra fol. 5.*

Commun. Isaia 7. Ecce virgo concipiet, & pariet filium, & vocabitur nomen ejus Emmánuël.

Postcommunio.

Salutáris tui, Domine, múnere fatiáti, súpplices deprecámur: ut cujus lætámur gustu, renovémur effectú. Per Dñm.

De S. Maria. Postcommunio.

GRatiam tuam, quæsumus, Dómine, mentibus nostris infunde: ut qui, Angelo nuntiante, Christi Fílii tui incarnationem cognóvimus; per passionem ejus & crucem, ad resurrectionis glóriam perducámur.

Pro Papa. Postcommunio.

HÆc nos, quæsumus, Dómine, divini sacraménti percéptio protégat: & famulum tuum N. quem pastorem Ecclesiæ tuæ præesse voluísti, unà cum commisso sibi grege salvet semper, & múniat. Per Dñm.

Vel contra persec. Eccles. Postcomm.
Quæsumus, Dñe, Deus noster, ut *suprà* fol. 6.

F E R I A VI.

QUATUOR TEMPORUM ADVENTUS.

Statio ad SS. duodecim Apostolos.

Introitus. Psal. 118.

Propè es tu, Dómine, & omnes viæ tuæ vèritas: iníitio cognóvi de testimoniis tuis, quia in ætérnum tu es.

Psal. ib. Beáti immaculáti in via: qui ámbulant in lege Dómini.

V. Gloria Patri & Fílio, &c.

Orémus. Oratio.

EXcita, quæsumus, Dómine, poténtiam tuam, & veni: ut hi, qui in tua pietáte confídunt, ab omni cítiùs adversitáte liberéntur. Qui vivis.

De sancta Maria.

Oratio.

DEus, qui de beátæ Mariæ Vírginis útero, Verbum tuum Angelo nuntiante, carnem fuscípere voluísti, præsta supplicibus tuis: ut qui verè eam genitricem Dei crédimus, ejus apud te intercessiónibus adjuvémur.

Contra persec. Ecclesiæ. Oratio.

ECclésiæ tuæ, quæsumus, Dómine, preces placátus admítte: ut destrúctis adversitatibus & erróribus univèrsis, secúra tibi sérviat libertaté. Per Dñm.

Vel Pro Papa.

Oratio

Deus ómnium, ut in Feria iv. fol. 7.

Lectio Isaíæ Prophætæ. 11.

HÆc dicit Dóminus Deus: Egrediétur virga de radíce Jesse, & flos de radíce ejus ascéndet. Et requiescet super eum spíritus Dómini: spíritus sapiéntiæ & intelléctûs, spíritus consílii, & fortitúdinis, spíritus sciéntiæ, & pietátis, & replébit eum spíritus timóris Dómini. Non secúndum visiónem oculórum judicábit, neque secúndum audítum áurium árguet: sed judicábit in justítia páuperes, & árguet in æquitáte pro mansuétis terræ: & percútiet terram virgâ oris sui, & spíritu labiórum suórum interfíciét ímpium. Et erit justítia cingulum lumbórum ejus: & fides cinctórium renum ejus.

Grad. Psal. 84. Osténde nobis, Dómine, misericórdiam tuam: & salutare tuum da nobis. *V. Ps. ib.* Benedixísti, Dómine, terram tuam: avertísti captivitátem Jacob.

Sequéntia sancti Evangélíi secúndum Lucam. 1. d.

IN illo témpore: Exúrgens María, ábiit in montána cum festinátione, in civitátem Juda: Et intrávit in domum Zachariæ, & salutávit Elísabeth. Et factum est, ut audívit salutatióem Mariæ Elísabeth, exultávit infans in útero ejus: & repléta est Spíritu sancto Elísabeth: & exclamávit voce magnâ, & dixit: Benedícta tu inter mulieres,

& benedictus fructus ventris tui. Et unde hoc mihi ut veniat mater Domini mei ad me? Ecce enim ut facta est vox salutationis tuæ in auribus meis, exultavit in gaudio infans in utero meo. Et beata, quæ credidisti, quoniam perficiuntur ea, quæ dicta sunt tibi à Domino. Et ait Maria: Magnificat anima mea Dominum: & exultavit spiritus meus in Deo salutari meo.

Offert. Ps. 84. Deus, tu convertens vivificabis nos, & plebs tua lætabitur in te: ostende nobis, Domine, misericordiam tuam, & salutare tuum da nobis.

Secreta.

Muneribus nostris, quæsumus, Domine, precibusque susceptis; & coelestibus nos munda mysteriis, & clementer exaudi. Per Dñm.

De sancta Maria. Secreta.

In mentibus nostris, quæsumus, Domine, veræ fidei sacramenta confirma: ut qui conceptum de virgine Deum verum & hominem confitemur; per ejus salutiferæ resurrectionis potentiam, ad æternam mereamur pervenire lætitiā.

Contra persec. Ecclesie. Secreta.
Protege nos, Domine, tuis mysteriis serviētes: ut divinis rebus inhærentes, & corpore tibi famulemur, & mente. Per Dñm.

Vel pro Papa. Secreta. Oblatis, quæsumus, Dñe, ut in Feria iv. fol. 8.

Commun. Zac. 14. Ecce Dominus veniet, & omnes sancti ejus cum eo: & erit in die illa lux magna.

Postcommunio.

Tui, nos, Domine, sacramenti libatio sancta restauret: & à vetustate purgatos, in mysterii salutaris faciat transire consortium. Per Dñm.

De S. Maria. Postcommunio.

Gratiam tuam, quæsumus, Domine, mentibus nostris infunde: ut qui, Angelo nuntiante, Christi Filii tui incarnationem cognovimus; per passionem ejus & crucem, ad resurrectionis gloriā perducāmur.

Contra persec. Ecclesie. Postcommunio.

Quæsumus, Domine, Deus noster; ut quos divina tribuis participatione gaudere, humanis non finas subiacere periculis. Per Dñm.

Vel pro Papa. Postcomm. Hæc nos, quæsumus, Dñe, ut in Feria vi. fol. 9.

S A B B A T O

QUATUOR TEMPORUM ADVENTUS.

Statio ad sanctum Petrum.

Introitus. Ps. 79.

Veni, & ostende nobis faciem tuam, Domine, qui sedes super Chérubim: & salvi erimus. *Ps. ib.* Qui regis Israël, intende: qui deducis, velut ovem, Joseph. *V.* Gloria Patri. *Post Kyrie eléison, dicitur Orémus.* Flectāmus gēna. *R.* Levāte.

Oratio.

Deus, qui conspicias, quia ex nostra pravitate affligimur: concède propitius; ut ex tua visitatione consolēmur. Qui vivis, &c.

Lectio Isaie Prophete. 19. d.

In diebus illis: Clamabunt ad Dominum à facie tribulantis, & mittet eis salvatorem & propugnatorem qui liberet eos. Et cognoscetur Dominus ab Ægypto, & cognoscent Ægyptii Dominum in die illa: & colent eum in hostiis & in muneribus: & vota vovēbunt Domino, & solvent. Et percūtiēt Dominus Ægyptum plagā, & sanābit eam: & revertentur ad Domi-

num, & placábitur eis, & sanábit eos
Dóminus Deus noster.

Grad. Ps. 18. A summo cœlo egré-
sio ejus : & occûrsus ejus usque ad
summum ejus. *V.* Cœli enarrant
glóriam Dei : & ópera mánuum ejus
annúntiat firmaméntum.

Orémus. Flectámus gēnua. *R.* Leváte.

Oratio.

Concède, quæsumus, omnípotens
Deus : ut qui sub peccáti jugo,
ex vetústa servitúte deprímimur ; ex-
pectátâ unigéniti Fílii tui novâ nati-
vitáte liberémur. Qui tecum vivit, &c.

Lectio Isaíæ Prophétæ. 35.

Hæc dicit Dóminus : Lætábitur de-
sérta & ínvia, & exultábit soli-
túdo, & florébit quasi lílium. Gérmi-
nans germinábit, & exultábit lætabún-
da & laudans : glória Líbani data est ei :
decor Carméli, & Saron, ipsi vidébunt
glóriam Dómini, & decórem Dei nostri.
Confortáte manus dissolútas, & gēnua
debília roboráte. Dícite pusillánimis :
Confortámini, & nolíte timére : ecce
Deus vester ultiónem addúcet retribu-
tiónis : Deus ipse véniet, & salvábit
nos. Tunc aperiéntur óculi cæcórū,
& aures surdórum patébunt. Tunc
sáliet sicut cervus claudus, & apérta
erit lingua mutórum : quia scissæ sunt
in deserto aquæ, & torrentes in solitú-
dine. Et quæ erat árida, erit in stag-
num, & sitiens in fontes aquárum.
Ait Dóminus omnípotens.

Grad. Ps. 18. In sole pósuit taberná-
culum suum : & ipse tanquam sponsus
procedens de thálamo suo.

V. A summo cœlo egréssio ejus : &
occûrsus ejus usque ad summum ejus.
Orémus. Flectámus gēnua. *R.* Leváte.

Oratio.

Indignos nos, quæsumus, Dómine,
famulos tuos, quos actiónis propriæ
culpa contristat, unigéniti Fílii tui ad-
véntu lætífica. Qui tecum vivit, &c.

Lectio Isaíæ Prophétæ. 40.

Hæc dicit Dóminus : Super montem
excélsū ascēde tu, qui evange-
lizas Sion : exálta in fortitúdine vo-
cem tuam, qui evangelizas Jerúsa-
lem : exálta, noli timére. Dic ci-
vitátibus Juda : Ecce Deus vester : ecce
Dóminus Deus in fortitúdine véniet,
& bráchium ejus dominábitur : ecce
merces ejus cum eo, & opus illius co-
ram illo. Sicut pastor gregem suū
pascet : in bráchio suo congregábit ag-
nos, & in sinu suo levábit, Dóminus
Deus noster.

Grad. Ps. 79. Dómine Deus virtú-
tum convérte nos : & ostēde faciē
tuam, & salvi érimus. *V.* Excíta,
Dómine, poténtiam tuam, & veni : ut
salvos fácias nos. Orémus. Flectámus
gēnua. *R.* Leváte.

Oratio.

Præsta, quæsumus, omnípotens Deus,
ut Fílii tui ventúra solémnitās, &
præsentis nobis vitæ remédia cōferat,
& præmia ætérna concédāt. Per
eúndem Dóminum nostrum, &c.

Lectio Isaíæ Prophétæ. 45.

Hæc dicit Dóminus Christo meo
Cyro, cujus apprehéndi dexteram,
ut subjíciam ante faciē ejus Gentes,
& dorsā regum vertam, & apériam co-
ram eo jánuas, & portæ non claudén-
tur. Ego ante te ibo : & gloriósa terræ
humiliábo : portas æréas cōteram, &
vætes ferreos confringam. Et dabo
tibi thesauros absconditos, & arcána

secretorum : ut scias quia ego Dominus, qui voco nomen tuum, Deus Israël. Propter servum meum Jacob, & Israël electum meum, & vocavi te nomine tuo : assimilavi te, & non cognovisti me. Ego Dominus, & non est amplius : extra me non est Deus : accinxi te, & non cognovisti me : Ut sciant hi, qui ab ortu solis, & qui ab occidente, quoniam absque me non est. Ego Dominus, & non est alter, formans lucem, & creans tenebras, faciens pacem, & creans malum : ego Dominus faciens omnia hæc. Rorate celi desuper, & nubes pluant justum : aperiatur terra, & germinet Salvatorem : & justitia oriatur simul : ego Dominus creavi eum.

Grad. Ps. 79. Excita, Domine, potentiam tuam, & veni, ut salvos facias nos. *V.* Qui regis Israël, intende : qui deducis, velut ovem, Joseph : qui sedes super Chérubim, appare coram Ephraïm, Bénéjamin, & Manasse.

Crémus. Flectamus genua. *R.* Levate.

Oratio.

PReces populi tui, quæsumus, Domine, clementer exaudi : ut qui justè pro peccatis nostris affligimur, pietatis tuæ visitatione consolémur. Qui vivis & regnas cum Deo Patre.

Lectio Daniélis Prophætæ. 3. c.

IN diébus illis : Angelus Domini descendit cum Azaría, & sociis ejus, in fornacem : & excussit flammam ignis de fornace, & fecit médium fornacis quasi ventum roris flantem. Flamma autem effundebatur super fornacem cubitis quadraginta novem : & erupit, & incendit quos reperit juxta fornacem de Chaldæis ministros regis,

qui eam incendebant. Et non tetigit eos omninò ignis, neque contristavit, nec quidquam molestiæ intulit. Tunc hi tres quasi ex uno ore laudabant, & glorificabant, & benedicabant Deum in fornace, dicentes :

Hic non respondetur Deo grátias.

Hymnus. Dan. ib.

Benedictus es, Domine Deus patrum nostrorum. Et laudabilis & gloriosus in sæcula.

Et benedictum nomen gloriæ tuæ quod est sanctum. Et laudabile & gloriosum in sæcula.

Benedictus es in templo sancto gloriæ tuæ. Et laudabilis & gloriosus in sæcula.

Benedictus es super thronum sanctum regni tui. Et laudabilis & gloriosus in sæcula.

Benedictus es super sceptrum divinitatis tuæ. Et laudabilis & gloriosus in sæcula.

Benedictus es qui sedes super Chérubim, intuens abyssos. Et laudabilis & gloriosus in sæcula.

Benedictus es qui ambulas super pennas ventorum, & super undas maris. Et laudabilis & gloriosus in sæcula.

Benedicant te omnes Angeli, & Sancti tui. Et laudent te & glorificent in sæcula.

Benedicant te coeli, terra, mare, & omnia quæ in eis sunt. Et laudent te & glorificent in sæcula.

Glória Patri, & Filio, & Spíritui sancto. Et laudabili & glorioso in sæcula.

Sicut erat in principio, & nunc, & semper, & in sæcula sæculorum. Amen. Et laudabili & glorioso in sæcula.

Benedictus es, Dómine Deus patrum nostrórum. Et laudábilis & gloriósus in sæcula. *Hic dicitur Dóminus vobíscum, sine Flectámus gènuá.*

Orémus.

Oratio.

DEus, qui tribus púeris mitigásti flammás ignium: concéde propítius; ut nos fámulos tuos non exúrat flamma vitiórum. Per Dñm.

De sancta Maria.

Oratio.

DEus, qui de B. Mariæ Vírginis útero, Verbum tuum, Angelo nuntiánte, carnem fuscípere voluísti: præsta supplicibus tuis: ut qui verè eam genetrícem Dei crédimus, ejus apud te intercessiónibus adjuvémur.

Pro Papa.

Oratio.

DEus ómnium fidélium pastor & rector, fámulum tuum N. quem pastórem Ecclésiæ tuæ præesse voluísti, propítius réspice: da ei, quæsumus, verbo & exémplo, quibus præest, profícere; ut ad vitam, unà cum grege sibi crédito, pervéniat sempitérnam. Per Dñm.

Vel contra persec. Eccles. Oratio.

Ecclésiæ tuæ, &c. *ut in Feria vi. fol. 9.*

Léctio Epístolæ beáti Pauli Apóstoli ad Thessalonicénses. 2 *Thes. 2.*

FRatres, Rogámus vos per advéntum Dómini nostri Jesu Christi, & nostræ congregatiónis in ipsum: ut non citò moveámini à vestro sensu, neque terreámini, neque per spíritum, neque per fermónem, neque per epístolam tanquam per nos missam, quasi instet dies Dómini. Ne quis vos seducat ullo modo: quóniam nisi vénerit discéssio primùm, & revelátus fúerit homo peccáti, fílius perditionis, qui adversátur, & extóllitur suprà omne quod dí-

citur Deus, aut quod cólitur, ità ut in templo Dei sédeat osténdens se tanquam sit Deus. Non retinétis, quod cùm adhuc essem apud vos, hæc dicebam vobis? Et nunc quid detíneat scitis, ut revelétur in suo témpore. Nam mystérium jam operátur iniquitátis: tantùm ut qui tenet nunc, teneat, donec de médio fiat. Et tunc revelábitur ille iníquus, quem Dóminus Jesus interfíciet spíritu oris sui, & destruet illustratióne advéntus sui.

Tract. Ps. 79. Qui regis Israél, inténde: qui dedúcis, velut ovem, Joseph.

Y. Qui sedes super Chérubim, appare coram Ephraím, Bénjamin, & Manásse. *Y.* Excita, Dómine, poténtiam tuam, & veni, ut salvos fácias nos.

Sequéntia sancti Evangelii secúndum Lucam. 3.

ANno quintodécimo impérii Tibérii Cæsaris, procuránte Póntio Piláto Judæam, tetrárchâ autem Galilææ Heróde, Philíppo autem fratre ejus tetrárchâ Iturææ, & Trachonítidis regiónis, & Lyfániâ Abilínæ tetrárchâ, sub princípibus sacerdotum Annâ & Caiphâ: factum est verbum Dómini super Joánnem, Zachariæ fílium, in deserto. Et venit in omnem regiónem Jordánis, prædicans baptísmum poenitentiæ in remissionem peccatórum, sicut scriptum est in libro fermónum Isaíæ Prophétæ: Vox clamántis in deserto: paráte viam Dómini: rectas fácite sémitas ejus: omnis vallis implebitur: & omnis mons, & collis humiliabitur: & erunt prava in directa, & áspera in vias planas: & vidébit omnis caro salutare Dei.

Offert. Zac. 9. Exulta fatis, fília Si-
on, prædica fília Jerúsalem: ecce Rex
tuus venit tibi sanctus, & salvátor.

Secreta.

Sacrificiis præsentibus, quæsumus,
Dómine, placátus intende: ut &
devotióni nostræ proficiant, & salutí.
Per Dñm.

De sancta Maria. Secreta.

IN méntibus nostris, quæsumus, Dó-
mine, veræ fídei sacraménta con-
firma: ut qui concéptum de vírgine
Deum verum & hóminem confitémur;
per ejus salutíferæ resurrectionis po-
téntiam, ad ætérnam mereámur per-
veníre lætítiam.

Pro Papa. Secreta.

Oblátis, quæsumus, Dómine, placáre
munéribus: & famulum tuum N.
quem pastórem Ecclesiæ tuæ præesse
voluísti, assíduâ protectióne gubérna.
Per Dñm.

Vel contra persec. Eccles. Secreta.
Prótege nos, Dñe, ut in FERIA VI. fol. 10.

Commun. Ps. 18. Exultávit ut gigas
ad curréndam viam: à summo cœlo
egressio ejus, & occúrsum ejus usque
ad summum ejus.

Postcommunio.

Quæsumus, Dómine Deus noster:
ut sacrosáncta mystéria, quæ pro
reparatiónis nostræ munimine contu-
lísti; & præsens nobis remédium esse
fácias, & futurum. Per Dñm.

De S. Maria. Postcommunio.

Grátiam tuam, quæsumus, Dómine,
méntibus nostris infunde: ut qui,
Angelo nuntiánte, Christi Fílii tui in-
carnatiónem cognóvimus; per passio-
nem ejus & crucem, ad resurrectionis
glóriam perducámur.

Vel pro Papa. Postcommunio.

Hæc nos, quæsumus, Dómine, di-
víni sacraménti percéptio próte-
gat: & famulum tuum N. quem pas-
tórem Ecclesiæ tuæ præesse voluísti,
unà cum commisso sibi grege salvet
semper, & múniat. Per Dñm.

Vel contra persecutores Ecclesiæ.

*Postcom. Quæsumus, Dñe, Deus noster,
ut in FERIA VI. præcedenti, fol. 10.*

DOMINICA IV. ADVENTUS.

Statio ad SS. duodecim Apostolos.

Introitus. Isaia 45.

Roráte cœli desuper & nubes plu-
ant justum: aperiátur terra, &
germinet salvátorem.

Ps. 18. Cœli enarrant glóriam Dei:
& ópera mánuum ejus annúntiat fir-
maméntum. *V.* Glória Patri.

Orémus.

Oratio.

EXcita, quæsumus, Dómine, potén-
tiam tuam, & veni; & magná
nobis virtúte succurre: ut per auxiliúm
gratiæ tuæ, quod nostra peccáta præ-
pédiunt, indulgéntia tuæ propitiatiónis
accéleret. Qui vivis . . .

De sancta Maria. Oratio.

Deus, qui de beatæ Mariæ Virginis
útero, Verbum tuum, Angelo
nuntiánte, carnem suscipere voluísti:
præsta supplicibus tuis; ut qui verè
eam genitricem Dei crédimus, ejus a-
pud te intercessiónibus adjuvémur.

Contra persec. Ecclesiæ. Oratio.

Ecclésiæ tuæ, quæsumus, Dómine,
præces placátus admítte: ut, de-
structis adversitatibus & erróribus uni-
vêrsis, securâ tibi sêrviat libertáte. Per.

*Vel pro Papa. Oratio. Deus omnium
fidélium, ut in Sabbato præced. fol. 13.*

Lectio Epistolæ beati Pauli Apostoli ad
Corinthios. 1 Cor. 4.

FRatres, Sic nos existimet homo ut
ministros Christi, & dispensatores
mysteriorum Dei. Hic jam quaeritur
inter dispensatores, ut fidelis quis in-
veniatur. Mihi autem pro minimo est
ut à vobis iudicer, aut ab humano die:
sed neque meipsum iudico. Nihil enim
mihi conscius sum: sed non in hoc
iustificatus sum: qui autem iudicat
me, Dominus est. Itaque nolite ante
tempus iudicare, quoadusque veniat
Dominus: qui & illuminabit abscon-
dita tenebrarum, & manifestabit con-
silia cordium: & tunc laus erit uni-
cuique à Deo.

Grad. Ps. 144. Propè est Dominus
omnibus invocantibus eum, omnibus
qui invocant eum in veritate.

V. Laudem Domini loquetur os
meum: & benedicat omnis caro no-
men sanctum ejus. Allelúia. allel.

V. Veni, Domine, & noli tardare:
relaxa facinora plebis tuæ Israël. Allel.
Sequentia sancti Evangelii secundum
Lucam. 3.

ANno quintodécimo imperii Tiberii
Cæsaris; procurante Póntio Pi-
láto Judæam, tetrarchâ autem Gali-
lææ Heróde, Philíppo autem fratre
ejus tetrarchâ Iturææ, & Trachoníti-
dis regiónis, & Lysaniâ Abilînæ te-
trarchâ, sub principibus sacerdotum
Annâ & Caiphâ: factum est Verbum
Domini super Joannem, Zachariæ fili-
um, in deserto. Et venit in omnem
regiónem Jordánis, prædicans baptis-
mum poenitentiae in remissionem pec-
catorum, sicut scriptum est in libro
sermónum Isaïæ Prophætæ: Vox cla-

mantis in deserto: Parate viam Dó-
mini: rectas facite semitas ejus: om-
nis vallis implebitur: & omnis mons,
& collis humiliabitur: & erunt prava
in directa, & áspera in vias planas: &
videbit omnis caro salutare Dei. Credo.

Offert. Luc. 1. Ave, María, gratiâ
plena, Dominus tecum: Benedicta tu
in mulieribus & benedictus fructus
ventris tui.

Secreta.

SAcrificiis præsentibus, quaesumus,
Domine, placatus intende: ut &
devotioni nostræ proficiant, & salutem.
Per Dñm.

De sancta Maria.

Secreta.

IN mentibus nostris, quaesumus, Dó-
mine, veræ fidei sacramenta confir-
ma: ut qui conceptum de vírgine
Deum verum & hominem confitemur:
per ejus salutiferæ resurrectionis po-
téntiam, ad æternam mereámur per-
venire lætítiam.

Contra persec. Ecclesiæ.

Secreta.

PROtege nos, Domine, tuis mysteriis
servientes: ut divinis rebus inhæ-
rentes, & corpore tibi famulemur, &
mente. Per Dñm.

Vel pro Papa.

Secreta.

quaesumus, Domine, ut in Sabbato, fol. 14.

Commun. Isaïæ 7.

Ecce virgo con-
cipiet, & pariet filium: & vocabitur
nomen ejus Emmánuël.

Postcommunio.

SUMPTIS munèribus, quaesumus, Dó-
mine, ut cum frequentatione mys-
terii crescat nostræ salutis effectus.
Per Dñm.

De sancta Maria.

Postcommunio.

GRatiam tuam, quaesumus, Domine,
mentibus nostris infunde: ut qui,

Angelo nuntiante, Christi Filii tui incarnationem cognovimus; per passionem ejus & crucem, ad resurrectionis gloriam perducamur.

Contra persecutores Ecclesiae. Postcom.

Quæsumus, Domine Deus noster: ut quos divinâ tribuis participatione gaudere, humanis non finas subiacere periculis. Per Dñm.

Vel pro Papa. Postcommunio.

Hæc nos, quæsumus, Dñe, ut in Sab-
bato præcedenti, fol. 14.

¶ Si Vigilia Nativ. Dom. venerit in Dominica, totum officium Missæ fit de Vigil. cum commem. Dominicæ; sed non legitur ejus Evang. in fine.

IN VIGIL. NATIV. DOMINI.

Statio ad S. Mariam Majorem.

Introitus. Exod. 16. d.

Hodie sciētis, quia veniet Dóminus, & salvábit nos: & manè vidébitis glóriam ejus.

Psal. 23. Dómini est terra, & plenitúdo ejus; orbis terrárum, & univérſi qui hábitant in eo. *V.* Glória Patri.

Orémus.

Oratio.

Deus, qui nos redemptionis nostræ annuâ expectatione lætíficas: præsta, ut Unigénitum tuum, quem Redemptórem læti fuscípimus, veniéntem quoque júdicem secúri videámus, Dóminum nostrum Jesum Christum....

Et dicitur hæc Oratio tantum, nisi Vigilia venerit in Dominica.

Lectio Epístolæ beati Pauli Apóstoli ad Romános. 1.

Paulus, servus Jesu Christi, vocátus Apóstolus, segregátus in Evangélium Dei, quod antè promiserat per Prophétas suos in Scriptúris sanctis de

Fílio suo, qui factus est ei ex semine David secúndum carnem, qui prædestinátus est Fílius Dei in virtúte secúndum spíritum sanctificationis ex resurrectione mortuórum Jesu Christi Dómini nostri; per quem accépimus grátiam, & Apostolátum ad obediéndum fídei in ómnibus Géntibus pro nómine ejus, in quibus estis & vos vocáti Jesu Christi Dómini nostri.

Grad. Exod. 16. Hódiè sciētis, quia veniet Dóminus, & salvábit nos: & manè vidébitis glóriam ejus.

V. Ps. 79. Qui regis Israél, inténde: qui dedúcis, velut ovem, Joseph: qui sedes super Chérubim, appáre coram Ephraím, Bénjamin, & Manáſſe.

Non dicitur Allelúia, cum sequenti versu, nisi hæc vigil. venerit in Dominica. Allelúia, allel. *V.* Crástinâ die delébitur iniquitas terræ: & regnábit super nos Salvátor mundi. Allelúia.

Sequéntia sancti Evangélii secúndum Matthæum. 1. c.

Cum esset desponsáta máter Jesu María Joseph, ántequam convenirent, invénta est in útero habens de Spíritu sancto. Joseph autem vir ejus, cum esset justus, & nollet eam tradúcere, vóluit occúltè dimittere eam. Hæc autem eo cogitánte, ecce Angelus Dómini appáruit in somnis ei, dicens: Joseph fili David, noli timére accípere Mariám cónjugem tuam: quod enim in ea natum est, de Spíritu sancto est. Páriet autem fílium: & vocábis nomen ejus Jesum: Ipse enim salvum fáciat pópulum suum à peccátis eórum.

Offert. Ps. 23. Tóllite portas, príncipes vestras, & elevámini portæ æternáles, & introíbit Rex glóriæ.

Secreta.

DA nobis, quæsumus, omnipotens Deus: ut sicut adoranda Fílii tui natalítia prævenimus; sic ejus múnera capiámus sempitérna gaudéntes. Qui tecum vivit. . . .


Communio. Isaie 40. Revelábitur glória Dómini: & vidébit omnis caro salutáre Dei nostri.

Postcommunio.

DA nobis, quæsumus, Dómine, Unigéniti Fílii tui recensítá nativité respiráre, cujus coelésti

mystério páscimur, & potámur. Per eúndem Dóminum nostrum Jesum Christum. . . .

¶ Sacerdos, quoniam in die Natalis Domini celebrat tres Missas, in prima & secunda Missa non sumat purificationem, sed in tertia Missa tantum; dicat tamen solitas preces. Quod ore sumpsimus, & Corpus tuum, Dómine; & in prima & secunda abluat digitos in aliquo vase mundo.





IN NATIVITATE DOMINI.

AD I. MISSAM IN NOCTE.

Statio ad S. Mariam Majorem ad Præsepe.

Introitus. Psal. 2.

Dominus dixit ad me: Fílius meus es tu, ego hódie génui te.

Psal. ib. Quare fremuérunt Gentes, & pópuli meditáti sunt inánia?

℣. Glória Patri.

Orémus.

Oratio.

Deus, qui hanc sacratíssimam noctem veri lúminis fecísti illustratione claréscere: da, quæsumus; ut cujus lucis mystéria in terra cognóvimus, ejus quoque gáudiis in cœlo perfruámur. Qui tecum vivit.

Lectio Epístolæ beáti Pauli Apóstoli ad Titum. 2. c.

Charíssime, Appáruit grátia Dei Salvatóris nostri ómnibus homínibus, erúdiens nos, ut abnegántes impietatem, & sæculária desidéria, sóbriè, & justè, & piè vivámus in hoc sæculo, expectántes beátam spem, & advéntum glóriæ magni Dei, & Salvatóris nostri Jesu Christi: qui dedit semetípsum pro nobis; ut nos redímeret ab omni iniquitáte, & mundáret sibi pópulum acceptábilem, sectatórem bonórum óperum. Hæc lóquere, & exhortáre: in Christo Jesu Dño nostro.

Grad. Ps. 109. Tecum princípium in die virtútis tuæ: in splendóribus sanctórum, ex útero ante lucíferum génui te. *℣. Dixit Dóminus Dómino meo: Sede à dextris meis: donec ponam inimícos tuos, scabéllum pedum tuórum. Allelúia, allelúia.*

℣. Ps. 2. Dóminus dixit ad me:

Fílius meus es tu, ego hódie génui te. Allelúia.

Sequéntia sancti Evangélíi secúndum Lucam. 2. c.

In illo témpore: Exiit edíctum à Cæsare Augústo, ut describerétur univérsus orbis. Hæc descriptio prima, facta est à præside Syriæ Cyríno: & ibant omnes ut profiteréntur sínguli in suam civitátem. Ascéndit autem & Joseph à Galilæa de civitáte Názareth, in Judæam in civitátem David, quæ vocátur Bétlehem: eò quòd esset de domo & família David, ut profiterétur cum María desponsáta sibi uxóre prægnánte. Factum est autem, cùm essent ibi, impléti sunt dies ut páreret. Et péperit Fílium suum primogénitum, & pannis eum invólvit, & reclinávit eum in præsépio: quia non erat eis locus in diversório. Et pastóres erant in regiône eádém vigilántes, & custodiéntes vigílias noctis super gregem suum. Et ecce Angelus Dómini stetit juxta illos, & cláritas Dei circumfúlsit illos, & timuérunt timóre magno. Et dixit illis Angelus: Nolíte timére: ecce enim evangelízo vobis gáudium magnum, quod erit omni pópulo: quia natus est vobis hódie Salvátor, qui est Christus Dóminus, in civitáte David. Et hoc vobis signum: Inveniétis infántem pannis involútum, & pósito in præsépio. Et súbitò facta est cum Angelo multitúdo milítiae cœléstis, laudántium Deum, &

dicéntium : Glória in altíssimis Deo,
& in terra pax homínibus bonæ vo-
luntátis. Credo.

Offert. Ps. 95. Læténtur coeli, &
exúltet terra ante fáciem Dómini,
quóniam venit.

Secreta.

Accépta tibi sit, Dómine, quæsu-
mus, hodiérnæ festivitátis oblátio:
ut tuâ grátiâ largiénte, per hæc sacro-
fáncta commércia, in illíus inveniámur
forma, in quo tecum est nostra sub-
stántia. Qui tecum vivit.

Præfatio. Quia per incarnáti...

*Et dicitur quotidie usque ad Epipha-
niam, præterquam in die Oct. S. Joannis.*

¶ *Infra acciónem.* Communicántes,
& noctem sacratíssimam celebrántes.

*Et dicitur quotidie usque ad Octavam
Nativ. inclusive; sed in hac Missa tan-
tum dicitur noctem, deinceps vero
diem.*

Commun. Ps. 109. In spendóribus
sanctórum, ex útero ante lucíferum
génui te.

Postcommunio.

DA nobis, quæsumus, Dómine Deus
noster: ut qui Nativitátem Dó-
mini nostri Jesu Christi mystériis nos
frequentáre gaudémus; dignis con-
versatiónibus ad ejus mereámur per-
veníre consórtium. Qui tecum vivit.

¶ *Debet Sacerdos etiam ante sequen-
tes Missas confessionem dicere, & in fine
cujuslibet, populo benedicere, & Evang.
S. Joannis, In principio erat Verbum,
legere.*

*Post tertiam vero Missam, loco præ-
dicti Evangelii dicitur Evangelium, Cùm
natus esset Jesus, quod habetur in die
Epiphaniæ.*

AD SECUNDAM MISSAM

IN AURORA.

Statio ad sanctam Anastasiam.

Introitus. Isaia 9.

Lux fulgébit hódie super nos: quia
natus est nobis Dóminus: &
vocábitur Admirábilis, Deus, Princeps
pacis, Pater futúri sæculi: cujus regni
non erit finis. *Ps. 92.* Dóminus reg-
návít decórem indútus est: indútus est
Dóminus fortitúdinem, & præcínxit se.
V. Gloria Patri.

Orémus.

Oratio.

DA nobis, quæsumus, omnipotens
Deus: ut qui nová incarnáti
Verbi tui luce perfúndimur; hoc in
nostro resp!éndeat ópere, quod per
fidem fulget in mente. Per eúndem.

Pro commemoratione S. Anastasiæ. Oratio.

DA, quæsumus, omnipotens Deus:
ut qui beátæ Anastásiæ Mártiris
tuæ solémnia cólimus; ejus, apud te
patrocínia sentiámus. Per Dñm.

*Lectio Epístolæ beáti Pauli Apóstoli ad
Titum. 3. b.*

Charíssime, Appáruit benignitas &
humánitas Salvatóris nostri Dei:
non ex opéribus justítiæ, quæ fecimus
nos, sed secúndum suam misericórdiam
salvos nos fecit, per lavácrum regene-
ratiónis & renovatiónis Spíritus sancti,
quem effúdit in nos abúndè per Jesum
Christum Salvátorem nostrum: ut jus-
tificáti grátiâ ipsíus, hæredes simus se-
cúndum spem vitæ æternæ. In Christo
Jesu. Dómino nostro.

Grad. Psal. 117. Benedíctus qui
venit in nómine Dómini: Deus Dó-
minus, & illúxit nobis. V. A Dó-
mino factum est istud: & est mirábile
in óculis nostris. Allelúia, allelúia.

V. Ps. 92. Dóminus regnávít, decórem índuit: índuit Dóminus fortitúdinem, & præcínxit se virtúte. Allelúia.

Sequéntia sancti Evangélíi secúndum Lucam. 2. *b.*

IN illo témpore: Pastóres loquebántur ad invicem: Transeámus usque Béthlehem, & videámus hoc verbum, quod factum est, quod Dóminus osténdit nobis. Et venérunt festinántes: & invenérunt Mariám, & Joseph, & infántem pósitum in præsépio. Vidéntes autem cognovérunt de verbo, quod dictum erat illis de púero hoc. Et omnes, qui audiérunt, miráti sunt: & de his, quæ dicta erant à pastóribus ad ipsos. María autem conservábat ómnia verba hæc, cónferens in corde suo. Et revérsi sunt pastóres gloriñcántes & laudántes Deum, in ómnibus quæ audierant & víderant, sicut dictum est ad illos. Credo.

Offert. Ps. 92. Deus firmávit orbem terræ, qui non commovébitur: paráta sedes tua, Deus, ex tunc, à sæculo tu es.

Secreta.

MUnera nostra, quæsumus, Dómine, nativitátis hodiernæ mystériis apta provéniant, & pacem nobis semper infúndant: ut sicut homo génitus idem refúlsit & Deus, sic nobis hæc terréna substantia cónferat quod divinum est. Per eúndem Dñm.

Pro sancta Anastasia. Secreta.

ACcipe, quæsumus, Dómine, múnera dignánter obláta: & beátæ Anastásiæ Mártiris tuæ suffragántibus méritis, ad nostræ salutis auxílium proveníre concéde. Per Dñm.

Præfatio & Communicántes, ut supra, in prima Missa.

Commun. Zac. 9. Exúlta, fília Sion, lauda, fília Jerúsalem: ecce Rex tuus venit sanctus, & Salvátor mundi.

Postcommunio.

HUjus nos, Dómine, sacraménti semper nóvitas natális instáuret: cujus natívitatis singuláris humánam repulit vetustátem. Per eúndem.

Pro S. Anastasia. Postcommunio.

SAtiásti, Dómine, famíliam tuam múnibus sacris: ejus, quæsumus, semper interventióne nos réfove, cujus solémnia celebrámus. Per Dñm.

AD TERTIAM MISSAM
IN DIE NATIVITATIS DOMINI.

Statio ad sanctam Mariam Majorem.

Introitus. Isaïæ 9. b.

PUer natus est nobis, & fílius datus est nobis: cujus impérium super húmerum ejus: & vocábitur nomen ejus magni consílii Angelus.

Ps. 97. Cantáte Dómino cánticum novum: quia mirábília fecit.

V. Glória Patri.

Orémus.

Oratio.

Concéde, quæsumus, omnípotens Deus: ut nos Unigéniti tui nova per carnem natívitatis líberet, quos sub peccáti jugo vetústa férvitus tenet. Per eúndem Dñm.

Léctio Epístolæ beáti Pauli Apóstoli ad Hebræos. 1. c.

MUltifáriam, multísque modis olim Deus loquens pátribus in Prophétis: novíssimè, diébus istis locútus est nobis in Fílio, quem constituit hæredem uníversórum, per quem fecit & sæcula: qui cùm sit splendor glóriæ,

& figura substantiæ ejus, portansque omnia verbo virtutis suæ, purgationem peccatorum faciens, sedet ad dexteram majestatis in excelsis: tantò melior Angelis effectus quantò differentius præ illis nomen hereditavit. Cui enim dixit aliquando Angelorum: Filius meus es tu, ego hodie genui te? Et rursum: Ego ero illi in patrem, & ipse erit mihi in filium? Et cum iterum introducit primogenitum in orbem terræ, dicit: Et adorent eum omnes Angeli Dei. Et ad Angelos quidem dicit: Qui facit Angelos suos spiritus, & ministros suos flammam ignis. Ad Filium autem: Thronus tuus Deus in sæculum sæculi: virga æquitatis, virga regni tui. Dilexisti justitiam, & odisti iniquitatem: propterea unxit te Deus, Deus tuus, oleo exultationis præ participibus tuis. Et: Tu in principio, Domine, terram fundasti: & opera manuum tuarum sunt cœli. Ipsi peribunt, tu autem permanebis, & omnes ut vestimentum veterascent: & velut amictum mutabis eos, & mutabuntur: tu autem idem ipse es, & anni tui non deficient.

Grad. Ps. 97. Vidérunt omnes fines terræ salutare Dei nostri: jubiláte Deo omnis terra. *V.* Notum fecit Dominus salutare suum: ante conspectum Gentium revelavit justitiam suam. Allelúia, allel. *V.* Dies sanctificatus illuxit nobis: veníte, Gentes, & adoráte Dominum: quia hodie descendit lux magna super terram. Allel. *Inítium sancti Evangelii secundum Joannem. i. a.*

IN principio erat Verbum, & Verbum erat apud Deum, & Deus erat Ver-

bum. Hoc erat in principio apud Deum. Omnia per ipsum facta sunt: & sine ipso factum est nihil, quod factum est. In ipso vita erat & vita erat lux hominum: & lux in tenebris lucet, & tenebræ eam non comprehenderunt. Fuit homo missus à Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognovit. In propria venit, & sui eum non receperunt. Quotquot autem receperunt eum, dedit eis potestatem filios Dei fieri, his, qui credunt in nomine ejus: qui non ex sanguinibus, neque ex voluntate carnis, neque ex voluntate viri, sed ex Deo nati sunt. [*Hic genuflectitur*] Et Verbum caro factum est, & habitavit in nobis: & vidimus glóriam ejus, glóriam quasi Unigeniti à Patre, plenum gratiæ & veritatis. Credo.

Offert. Ps. 88. Tui sunt cœli, & tua est terra: orbem terrarum, & plenitudinem ejus tu fundasti: justitia & iudicium præparatio sedis tuæ.

Secreta.

Obláta, Domine, múnera, nová Unigeniti tui nativitate sanctifica: nosque à peccatorum nostrorum maculis emúnda. Per eúndem Dñm.

Præfatio, & Communicantes, ut supra in prima Missa.

Communio. Psal. 97. Vidérunt omnes fines terræ salutare Dei nostri.

Postcommunio.

PRæsta, quæsumus, omnipotens Deus: ut natus hodie Salvator mundi, sicut divinæ nobis generationis est auctor; ita & immortalitatis sit ipse largitor. - Qui tecum vivit.

I N F E S T O

S. STEPHANI PROTOMARTYRIS.

Statio ad S. Stephanum in Caelio monte.

Introitus. Ps. 118.

Sedérunt principes, & adversum me loquebantur: & iniqui persecuti sunt me: adjuva me, Domine Deus meus, quia servus tuus exercebatur in tuis justificationibus.

Ps. ib. Beati immaculati in via: qui ambulant in lege Domini.

V. Gloria Patri.

Orémus.

Oratio.

DA nobis, quæsumus, Domine, imitari quod colimus, ut discamus & inimicos diligere: quia ejus natalitia celebramus, qui novit etiam pro persecutoribus exorare Dominum nostrum Jesum Christum Filium tuum.

Et fit commemoratio de Nativitate.

Oratio.

Concède, quæsumus, omnipotens Deus: ut nos Unigeniti tui nova per carnem nativitas liberet; quos sub peccati jugo vetusta servitus tenet. Per eundem Dñm.

Lectio Actuum Apostolorum. 6 & 7. b.

IN diebus illis: Stephanus plenus gratia & fortitudine, faciebat prodigia & signa magna in populo. Surrexerunt autem quidam de Synagoga, quæ appellatur Libertinorum, & Cyrenensium, & Alexandrinorum, & eorum, qui erant à Cilicia, & Asia, dis-

putantes cum Stéphano: & non poterant resistere sapientiæ, & Spiritui, qui loquebatur. Audiētes autem hæc dissecabantur cordibus suis, & stridebant dentibus in eum. Cū autem esset Stéphanus plenus Spiritu sancto, intendens in cœlum, vidit glóriam Dei, & Jesum stantem à dextris Dei. Et ait: Ecce video cœlos apertos, & Filium hominis stantem à dextris Dei. Exclamantes autem voce magnâ continuērunt aures suas, & impetum fecerunt unanimiter in eum. Et ejicientes eum extra civitatem, lapidabant: & testes deposuerunt vestimenta sua secus pedes adolescentis, qui vocabatur Saulus. Et lapidabant Stéphānum invocātem, & dicentem: Domine Jesu suscipe spiritum meum. Positis autem genibus, clamavit voce magnâ, dicens: Domine ne statuas illis hoc peccatum. Et cū hoc dixisset obdormivit in Domino.

Grad. Ps. 118. Sedérunt principes, & adversum me loquebantur: & iniqui persecuti sunt me. *V.* Adjuva me, Domine Deus meus: salvum me fac propter misericórdiam tuam. Allelúia. *V.* Act. 7. Video cœlos apertos, & Jesum stantem à dextris virtutis Dei. Allelúia.

Sequētia sancti Evangelii secundum Matthæum. 13. b.

IN illo tempore: Dicebat Jesus Scribis & Phariseis: Ecce ego mitto ad vos Prophetas, & sapientes, & Scribas, & ex illis occidētis, & crucifigētis, & ex eis flagellābitis in Synagógis vestris, & persequēmini de civitate in civitatem: ut veniat super vos omnis sanguis justus, qui effusus est super

terram, à sanguine Abel iusti usque ad sanguinem Zachariæ, filii Barachîæ, quem occidistis inter templum & altare. Amen dico vobis, venient hæc omnia super generationem istam. Jerúsalem, Jerúsalem, quæ occidis Prophétas, & lapidas eos qui ad te missi sunt, quóties vólui congregare filios tuos quemádmódum gallína cóngregat pullos suos sub alas & nolúisti? Ecce, relinquétur vobis domus vestra desérta. Dico enim vobis, non me vidébitis ámodò, donec dicatis: Benedíctus, qui venit in nómine Dómini. Credo.

Offert. Act. 6 & 7. Elegérunt Apóstoli Stéphanum levítam, plenum fide & Spíritu sancto, quem lapidavérunt Judæi orántem, & dicéntem: Dómine Jesu, áccipe spíritum meum. Allelúia.

Secreta.

SUscípe, Dómine, múnera, pro tuórum commemoratióne Sanctórum: ut sicut illos pássio gloriósa effécit, ita nos devótió reddat innócuos. Per Dñm.

De Nativitate. Secreta.

OBláta, Dómine, múnera, novâ Unigéniti tui nativitate sanctífica: nosque à peccatórum nostrórum máculis emúnda. Per eúndem Dñm.

Commun. Act. 7. Vídeo coelos apértos, & Jesum stantem à dextris virtútis Dei: Dómine Jesu, áccipe spíritum meum, & ne státuas illis hoc peccátum.

Postcommunio.

AUxiliéntur nobis, Dómine, sumpta mystéria: & intercedénte beáto Stéphanó Mártire tuo, sempitérnâ protectiône confirment. Per Dñm.

De Nativitate. Postcommunio.

PRæsta, quæsumus, omnipotens Deus: ut natus hódie Salvátor mundi,

sicut divínæ nobis generatiónis est auctor; ita & immortalitátis sit ipse largítor. Qui tecum vivit.

I N F E S T O

S. JOANNIS AP. ET EVANG.

Statio ad S. Mariam Majorem.

Introitus. Eccl. 15.

IN médio Ecclésiæ apérui os ejus: & implévit eum Dóminus spíritu sapiéntiæ & intelléctûs: stolam glóriæ induit eum. *Pf. 91.* Bonum est confiteri Dómino: & psállere nómini tuo, Altíssime. *V. Glória Patri.*

Orémus.

Oratio.

ECclésiám tuam, Dómine, benígnus illústra: ut beáti Joánnis Apóstoli tui & Evangelistæ illumináta doctínis, ad dona pervéniant sempitérna. Per Dñm.

De Nativitate.

Oratio.

Concède, quæsumus, omnipotens Deus: ut nos Unigéniti tui nova per carnem natívitatis líberet; quos sub peccáti jugo vetústa sêrvitus tenet.

De S. Stephano.

Oratio.

DA nobis, quæsumus, Dómine, imitari quod cólimus, ut discámus & inimícos dilígere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum: qui tecum vivit.

Lectio libri Sapiéntiæ. Eccl. 15.

Qui timet Deum, faciet bona: & qui cóntinens est justítiæ, apprehéndet illam, & obviábit illi quasi mater honorificáta. Cibábit illum pane vitæ & intelléctûs, & aquâ sapiéntiæ salutáris potábit illum: & firmábitur in illo, & non flectétur: & continébit

illum, & non confundetur: & exaltabit illum apud próximos suos, & in medio Ecclesiæ aperiet os ejus, & adimplébit illum spiritu sapiéntiæ & intelléctûs, & stolâ glóriæ véstiet illum. Jucunditatem, & exultationem thesaurizábit super illum, & nómine ætérno hereditábit illum Dóminus Deus noster.

Grad. Joan. 21. Exiit sermo inter fratres, quòd discipulus ille non móritur: & non dixit Jesus: Non móritur. *V.* Sed sic eum volo manére, donec véniam: tu me séquere. Allel. allelúia.

V. ibid. Hic est discipulus ille, qui testimónium pérhibet de his: & scimus quia verum est testimónium ejus. Allelúia.

Sequéntia sancti Evangélii secúndum Joánnem. 21. d.

IN illo témpore: Dixit Jesus Petro: Séquere me. Convérsus Petrus vidit illum, discipulum, quem diligébat Jesus, sequéntem, qui & recúbuit in coena super pectus ejus, & dixit: Dómine, quis est qui tradet te? Hunc ergo cum vidisset Petrus, dixit Jesu: Dómine, hic autem quid? Dicit ei Jesus: Sic eum volo manére donec véniam, quid ad te? tu me séquere. Exiit ergo sermo iste inter fratres, quia discipulus ille non móritur. Et non dixit ei Jesus: Non móritur; sed: Sic eum volo manére donec véniam, quid ad te? Hic est discipulus ille, qui testimónium pérhibet de his, & scripsit hæc: & scimus, quia verum est testimónium ejus. Credo.

Offert. Ps. 91. Justus ut palma florébit: sicut cedrus, quæ in Líbano est, multiplicábitur.

Secreta.

SUscipe, Dómine, múnera, quæ in ejus tibi solemnitáte deférimus, cujus nos confídimus patrocínio librári. Per Dñm.

De Nativitate. Secreta.

OBlata, Dómine, múnera, novâ Unigéniti tui nativitate sanctífica: nosque à peccatórum nostrórum máculis emúnda.

De S. Stephano. Secreta.

SUscipe, Dómine, múnera pro tuórum commemoratióne Sanctórum: ut sicut illos pássio gloriófos effécit, ità nos devótio reddat innócuos. Per Dñm.

Præfatio & Communicantes, de Nativitate.

Commun. Joan. 21. Exiit sermo inter fratres, quòd discipulus ille non móritur: & non dixit Jesus: Non móritur, sed: Sic eum volo manére donec véniam.

Postcommunio.

Refécti cibo potúque coelésti, Deus noster, te súpplices deprecámur: ut in cujus hæc commemoratióne percépimus, ejus muniámur & précibus. Per Dñm.

De Nativitate. Postcommunio.

PRæsta, quæsumus, omnipotens Deus, ut natus hódie Salvátor mundi, sicut divínæ nobis generatiónis est auctor; ità & immortalitátis sit ipse largítor.

De S. Stephano. Postcommunio.

AUxiliéntur nobis, Dómine, sumpta mystéria: & intercedente beáto Stéphano Mártire tuo, sempiternâ protectiône confirment. Per Dóminum nostrum. . .

IN FESTO

SANCTORUM INNOCENTII.

Statio ad S. Paulum.

Introitus. Psal. 8.

EX ore infántium, Deus, & lacténtium perfecísti laudem propter inimícos tuos.

Pf. ibid. Dómine Dóminus noster, quàm admirábile est nomen tuum in univérſa terra! *V.* Glória Patri. *Non dicitur, Glória in excélsis, nec Allelúia, nec Ite Missa est, nisi hoc festum venerit in Dominica; sed in Octava semper dicuntur.*

Orémus.

Oratio.

DEus, cujus hodiérnâ die præcónium Innocéntes Mártyres non loquendo, sed moriendo conféssi sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam móribus vita fateátur. Per.

De Nativitate.

Oratio.

Concède, quæsumus, omnipotens Deus: ut nos Unigéniti tui nova per carnem natívitatis liberet; quos sub peccáti iugo vetústa sêrvitus tenet.

De S. Stephano.

Oratio.

DA nobis, quæsumus, Dómine, imitári quod cólimus, ut discamus & inimícos dilígere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum.

De S. Joanne.

Oratio.

ECclésiám tuam, Dómine, benígnus illústra: ut beáti Joánnis Apóstoli tui & Evangelístæ illumináta doctrínis, ad dona pervéniant sempitérna. Per Dñm.

Léctio libri Apocalypsis beáti Joánnis Apóstoli. *Apoc. 14.*

IN diébus illis: Vidi supra montem Sion Agnum stantem, & cum eo centum quadragínta quátuor mília habéntes nomen ejus, & nomen Patris ejus scriptum in fróntibus suis. Et audivi vocem de cœlo, tanquam vocem aquárum multárum, & tanquam vocem tonítrui magni: & vocem, quam audivi, sicut citharœdórum citharizántium in cítharis suis: Et cantábant quasi cánticum novum ante sedem, & ante quátuor animália, & senióres: & nemo póterat dícere cánticum, nisi illa centum quadragínta quátuor mília, qui empti sunt de terra. Hi sunt, qui cum muliéribus non sunt coinquináti: Vírgines enim sunt. Hi sequúntur Agnum, quocúmque íerit. Hi empti sunt ex homínibus primítiae Deo, & Agno, & in ore eórum non est invéntum mendácium: sine mácula enim sunt ante thronum Dei.

Grad. Ps. 123. Anima nostra, sicut passer, erépta est de láqueo venántium. *V.* Láqueus contrítus est, & nos liberáti sumus: adjutórium nostrum in nómine Dómini, qui fecit cœlum & terram. Allel. allel. *V. Ps. 112.* Laudáte púeri Dñm, laudáte nomen Dñi. Allel.

Tractus subscriptus semper dicitur, prætermisiss Allelúia, & V. sequenti, nisi hoc Festum venerit in Dominica. In Octava vero nunquam dicitur.

Tractus. Ps. 78. Effuderunt sânguinem sanctórum, velut aquam in circuitu Jerúsalem. *V.* Et non erat qui sepelíret. *V.* Víndica, Dómine, sânguinem sanctórum tuórum, qui effúsus est super terram.

Sequentia sancti Evangelii secundum
Matthæum. 2. b.

IN illo tempore: Angelus Domini apparuit in somnis Joseph, dicens: surge, & accipe puerum, & matrem ejus, & fuge in Ægyptum, & esto ibi usque dum dicam tibi. Futurum est enim ut Herodes quærat puerum ad perdendum eum. Qui consurgens accepit puerum, & matrem ejus nocte, & fecit in Ægyptum: & erat ibi usque ad obitum Herodis: ut adimpleretur quod dictum est à Domino per Prophetam dicentem: Ex Ægypto vocavi Filium meum. Tunc Herodes videns quoniam illusus esset à Magis, iratus est valde, & mittens occidit omnes pueros, qui erant in Bethlehém, & in omnibus finibus ejus, à bimatu & infra, secundum tempus quod exquisierat à Magis. Tunc adimplendum est quod dictum est per Jeremiam Prophetam dicentem: Vox in Rama audita est, ploratus & ululatus multus: Rachel plorans filios suos, & noluit consolari, quia non sunt. Credo.

Offert. Ps. 123. Anima nostra, sicut passer, erepta est de laqueo venantium: laqueus contritus est, & nos liberati sumus.

Secreta.

Sanctorum tuorum, Domine, nobis pia non desit oratio: quæ & munera nostra conciliet, & tuam nobis indulgentiam semper obtineat. Per. Dñm.

De Nativitate. Secreta.

Oblata, Domine, munera, novâ Unigeniti tui nativitate sanctifica: nosque à peccatorum nostrorum maculis emunda.

De S. Stephano. Secreta

Suscipe, Domine, munera, pro tuorum commemoratione Sanctorum: ut sicut illos passio gloriosos effecit, ita nos devotio reddat innocuos.

De S. Joanne. Secreta.

Suscipe, Domine, munera, quæ in ejus tibi solemnitate deferimus, cujus nos confidimus patrocinio liberari. Per Dñm.

Communio. Mat. 2. d. Vox in Rama audita est, ploratus, & ululatus; Rachel plorans filios suos, & noluit consolari, quia non sunt.

Postcommunio.

Votiva, Domine, dona percipimus: quæ sanctorum nobis precibus, & præsentis, quæsumus, vitæ, pariter & æternæ tribue conferre subsidium. Per Dñm.

De Nativitate. Postcommunio.

Præsta, quæsumus, omnipotens Deus: ut natus hodie Salvator mundi, sicut divinæ nobis generationis est auctor; ita & immortalitatis sit ipse largitor.

De S. Stephano. Postcommunio.

Auxiliéntur nobis, Domine, sumpta mysteria: & intercedente beato Stéphano Mártire tuo, sempiternâ protectione confirmet.

De S. Joanne. Postcommunio.

Refecti cibo potuque cœlesti, Deus noster, te supplices deprecámur: ut in cujus hæc commemoratione percipimus, ejus muniámur & precibus. Per Dñm.

¶ *Si festum S. Thomæ venerit in Dominica, transfertur in sequentem diem.*

IN FESTO
S. THOMÆ EPISC. ET MART.

Introitus.

GAudeamus omnes in Dómino,
diem festum celebrantes sub
honóre beáti Thomæ Mártiris: de
cujus passióne gaudent Angeli, & col-
láudant Fílium Dei.

Psal. 32. Exultáte justi in Dómino:
rectos decet collaudátio.

V. Glória Patri.

Orémus.

Oratio.

DEus, pro cujus Ecclesiá gloriósus
Póntifex Thomas gládiis impió-
rum occúbuit: præsta, quæsumus; ut
omnes, qui ejus implórant auxílium,
petitiónis suæ salutárem consequántur
efféctum. Per Dñm.

De Nativitate.

Oratio.

Concède, quæsumus, omnipotens
Deus: ut nos Unigéniti tui nova
per carnem natívitás líberet; quos sub
peccáti jugo vetústá sêrvitus tenet.

De S. Stephano.

Oratio.

DA nobis, quæsumus, Dómine, imi-
tári quod cólimus, ut discámus
& inimicos díligere: quia ejus natalí-
tia celebrámus, qui novit étiam pro
persecutóribus exoráre Dóminum nos-
trum Jesum Christum Fílium tuum.

De S. Joanne.

Oratio.

ECclesíam tuam, Dómine, benígnus
illústra: ut beáti Joánnis Apóstoli
tui & Evangelístæ illumináta doctrínis,
ad dona pervéniat sempitérna.

De SS. Innocentibus.

Oratio.

DEus, cujus hodiernâ die præcó-
nium Innocéntes Mártires non
loquendo, sed moriendo conféssi sunt:
omnia in nobis vitiórum mala mortí-

fica; ut fidem tuam, quam lingua
nostra lóquitur, étiam móribus vita
fateátur. Per Dñm.

Léctio Epístolæ beáti Pauli Apóstoli
ad Hebræos. 5.

FRatres, Omnis póntifex ex homíni-
bus assúptus, pro homínibus
constitúitur in iis, quæ sunt ad Deum,
ut ófferat dona, & sacrificia pro pec-
cátis: qui condolére possit iis, qui ig-
nórant, & errant: quóniam & ipse
circúmdatus est infirmitáte: & prop-
térea debet, quemádmódum pro pó-
pulo, ita étiam & pro semetípso offerre
pro peccátis. Nec quisquam sumit sibi
honórem, sed qui vocátur à Deo, tam-
quam Aaron. Sic & Christus non se-
metípsum clarificávit ut Póntifex fie-
ret: sed qui locútus est ad eum: Fí-
lius meus es tu, ego hódie génui te.
Quemádmódum & in álio loco dicit:
Tu es facérdos in ætérnum secúndum
órdinem Melchisedech.

Grad. Eccl. 44. Ecce facérdos mag-
nus, qui in diébus suis plácuit Deo.

V. Non est invéntus símilis illi, qui
conserváret legem Excélsi. Allelúia,
allelúia. *V. Joan. 10.* Ego sum Pastor
bonus: & cognósko oves meas, & cog-
nóscunt me meæ. Allelúia.

Sequéntia sancti Evángelii secúndum
Joánnem. 10. b.

IN illo témpore: Dixit Jesus Phari-
sæis: Ego sum Pastor bonus. Bonus
pastor ánimam suam dat pro óvibus
suis. Mercenárius autem, & qui non
est pastor, cujus non sunt oves pró-
priæ, videt lupum veniéntem, & di-
míttit oves, & fugit: & lupus rapit,
& dispérgit oves: mercenárius autem
fugit, quia mercenárius est, & non

pertinet ad eum de ovibus. Ego sum Pastor bonus: & cognosco meas, & cognoscunt me meæ. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus pastor. Credo.

Offert. Ps. 20. Posuisti, Domine, in capite ejus coronam de lapide pretioso: vitam petiit à te, & tribuisti ei. Allelúia.

Secreta.

Munera tibi, Domine, dicata sanctifica: & intercedente beato Thoma Martyre tuo atque Pontifice, per eadem nos placatus intende. Per.

De Nativitate. Secreta.

Obleta, Domine, munera, novæ Unigeniti tui natiuitate sanctifica: nosque à peccatorum nostrorum maculis emunda.

De S. Stephano. Secreta.

Suscipe, Domine, munera pro tuorum commemoratione Sanctorum: ut sicut illos passio gloriosos effecit, ita nos devotio reddat innocuos.

De S. Joanne. Secreta.

Suscipe, Domine, munera, quæ in ejus tibi solemnitate deferimus, cujus nos confidimus patrocinio liberari.

De SS. Innocentibus. Secreta.

Sanctorum tuorum, Domine, nobis pia non desit oratio: quæ & munera nostra conciliet, & tuam nobis indulgentiam semper obtineat. Per.

Commun. Joan. 10. Ego sum Pastor bonus: & cognosco oves meas, & cognoscunt me meæ.

Postcommunio.

Hæc nos communitio, Domine, purget à crimine: & intercedente beato Thoma Martyre tuo atque Pontifice; cœlestis remédii faciat esse confortes. Per Dñm.

De Nativitate. Postcommunio.

Præsta, quæsumus, omnipotens Deus, ut natus hodie Salvator mundi, sicut divinæ nobis generationis est auctor; ita & immortalitatis sit ipse largitor.

De S. Stephano. Postcommunio.

Auxiliéntur nobis, Domine, sumpta mysteria: & intercedente beato Stéphano Martyre tuo, sempiternâ protectione confirmet.

De S. Joanne. Postcommunio.

Refecti cibo, potuque cœlesti, Deus noster, te supplices deprecámur: ut in cujus hæc commemoratione percépimus, ejus muniamur & precibus.

De SS. Innocentibus. Postcommunio.

Votiva, Domine, dona percépimus: quæ Sanctorum nobis precibus, & præsentis, quæsumus vitæ, pariter & æternæ tribue conferre subsidium. Per.

¶ *Si festum Nativitatis Domini, S. Stephani, S. Joannis Evangelistæ, & SS. Innocentium venerit in Dominica, ipsa die nihil fit de Dominica: sed die proximo post festum S. Thomæ Martyris dicitur Missa de Dominica. Si autem festum S. Thomæ venerit in Dominica, dicitur Missa de Dominica, cum commemoratione aliarum Octavarum: & festum S. Thomæ transfertur in Feriam secundam.*

Si vero post festum S. Thomæ fuerit Sabbatum, ipsa die Sabbati dicitur Missa de Octava Nativitatis, cum commemoratione aliarum Octavarum: & in die S. Silvestri fit Officium de eo cum commemoratione Dominicæ, & Octavarum.

DOMIN. INFRA OCT. NAT. DOM.

Introitus. Sap. 18.

DUm médium filéntium tenérent
ómnia, & nox in suo cursu mé-
dium iter habéret, omnípotens sermo
tuus, Dómine, de coelis à regálibus
sédibus venit.

Pf. 92. Dóminus regnávít, decórem
indútus est: indútus est Dóminus for-
títudinem, & præcínxit se.

V. Gloria Patri.

Orémus. Oratio.

OMnípotens sempitérne Deus, dirige
actus nostros in beneplácito tuo:
ut in nómine dilécti Fílii tui, mereámur
bonis opéribus abundáre. Qui tecum
vivít.

*Commemorationes quatuor Octavarum,
ut supra in Missa sancti Thomæ, fol.
27.*

Léctio Epístolæ beáti Pauli Apóstoli
ad Gálatas. 4.

FRatres, Quanto témpore hæres pár-
vulus est, nihil differt à servo, cum
sit dóminus ómnium: sed sub tutóribus
& actóribus est, usque ad præfinitum
tempus à patre: ita & nos cum effé-
mus párvuli, sub eleméntis mundi
erámus serviétes. At ubi venit ple-
nitúdo témporis, misit Deus Fílium
suum, factum ex muliere, factum sub
lege, ut eos, qui sub lege erant, redi-
meret, ut adoptionem filiórum recipe-
rémus. Quóniam autem estis filii, misit
Deus Spíritum Fílii sui in corda vestra,
clamántem: Abba, Pater. Itaque jam
non est servus, sed filius: quòd si fili-
us, & hæres per Deum.

Grad. Psal. 44. Speciosus formá præ-

filiis hóminum: diffusa est grátia in
lábiiis tuis. *V.* Eructávit cor meum
verbum bonum, dico ego ópera mea
regi: lingua mea cálamus scribæ ve-
lóciter scribéntis. Allelúia, allelúia.

V. Ps. 52. Dóminus regnávít, de-
córem induit: induit Dóminus forti-
túdinem & præcínxit se virtuté. Al-
lelúia.

Sequéntia sancti Evangélii secúndum
Lucam. 2. c.

IN illo tempore: Erat Joseph, &
María matér Jesu, mirántes super
his, quæ dicebántur de illo. Et bene-
dixit illis Símeon, & dixit ad Mariám
matrem ejus: Ecce positus est hic in
ruinam, & in resurrectionem multó-
rum in Israël: & in signum, cui con-
tradicétur: & tuam ipsius ánimam
pertransíbit gládus, ut reveléntur ex
multis córdibus cogitationes. Et erat
Anna Prophetíssa, filia Phánuél, de
tribu Aser: hæc procésserat in diébus
multis, & víxerat cum viro suo annis
septem à virginitáte sua. Et hæc ví-
dua usque ad annos octoginta quátuor:
quæ non discedébat de templo, jejú-
niis & obsecrationibus serviéns nocte
ac die. Et hæc, ipsá horá supervéniens
confitebátur Dómino, & loquebátur
de illo ómnibus, qui expectábant re-
demptionem Israël. Et ut perfecérunt
ómnia secúndum legem Dómini, re-
vérsi sunt in Galilæam in civitátem
suam Názaeth. Puer autem crescébat,
& confortabátur, plenus sapiéntiá, &
grátia Dei erat in illo. Credo.

Offert. Ps. 92. Deus firmávit orbem
terræ, qui non commovébitur: paráta
sedes tua, Deus, ex tunc, à sæculo tu-

es.

Secreta.

Concède, quæsumus, omnipotens Deus: ut oculis tuæ majestatis munus oblatum, & gratiam nobis piæ devotionis obtineat, & effectum beatæ perennitatis acquirat. Per Dñm.

Secretæ quatuor Octavarum, ut supra in Missa S. Thomæ, fol. 28.

Commun. Mat. 2. Tolle puerum & matrem ejus, & vade in terram Israël: defuncti sunt enim, qui quærebant animam pueri.

Postcommunio.

Per hujus, Domine, operationem mystèrii, & vitia nostra purgentur, & justa desideria complèantur. Per.

Postcommuniones quatuor Octavarum, ut supra in Missa S. Thomæ, fol. 28.

MISSA DE OCT. NAT. DOMINI.

Introitus. Isaia 9.

Puer natus est nobis, & filius datus est nobis: cujus imperium super humerum ejus: & vocabitur nomen ejus magni consilii Angelus.

Pf. 97. Cantate Domino canticum novum: quia mirabilia fecit.

V. Glória Patri.

Orémus.

Oratio.

Concède, quæsumus, omnipotens Deus: ut nos Unigéniti tui nova per carnem nativitas liberet, quos sub peccati jugo vetusta servitus tenet. Per eundem Dñm.

Commemorationes SS. Stephani, Joannis, & Innocentium, ut supra in Missa S. Thomæ, fol. 27.

Lectio Epistolæ beati Pauli Apóstoli ad Titum. 3. b.

Charissime, Appáruit benignitas & humanitas Salvatoris nostri Dei:

non ex opéribus justitiæ, quæ fecimus nos, sed secúndum suam misericórdiam salvos nos fecit, per lavácrum regenerationis & renovationis Spíritus sancti, quem effúdit in nos abúndè per Jesum Christum Salvátorem nostrum: ut justificáti gratiâ ipsius, hærédes simus secúndum spem vitæ æternæ: in Christo Jesu Dómino nostro.

Grad. Ps. 97. Vidérunt omnes fines terræ salutare Dei nostri: jubiláte Deo omnis terra. *V.* Notum fecit Dóminus salutare suum: ante conspéctum Géntium revelávit justitiam suam. Allelúia, allel. *V.* Dies sanctificátus illúxit nobis: veníte, Gentes, & adoráte Dóminum: quia hódie descéndit lux magna super terram. Allel.

Sequéntia sancti Evangelii secúndum Lucam. 2. b.

In illo témpore: Pastóres loquebantur ad invicem: Transeámus usque Bétlehem, & videámus hoc verbum, quod factum est, quod Dóminus osténdit nobis. Et venerunt festinantes: & invenérunt Mariám, & Joseph, & infántem pósitum in præsépio. Vidéntes autem cognovérunt de verbo, quod dictum erat illis de púero hoc. Et omnes, qui audiérunt, miráti sunt: & de his, quæ dicta erant à pastóribus ad ipsos. María autem conservábat ómnia verba hæc, cónferens in corde suo. Et revérsi sunt pastóres glorificántes & laudántes Deum, in ómnibus quæ audierant & viderant, sicut dictum est ad illos. Credo.

Offert. Ps. 88. Tui sunt cœli, & tua est terra: orbem terrárum, & plenitudinem ejus tu fundásti: justitia & júdiciu præparátio sedis tuæ.

Secreta.

Oblata, Dómine; múnera, novâ Unigéniti tui nativité sanctifica: nosque à peccatorum nostrorum máculis emúnda. Per eúndem Dñm.

Secretæ SS. Stephani, Joannis, & Innocentium, ut in Missa S. Thomæ, fol. 28.

Communio. Ps. 97. Vidērunt omnes fines terræ salutáre Dei nostri.

Postcommunio.

Præsta, quæsumus, omnipotens Deus: ut natus hódie Salvátor mundi, sicut divínæ nobis generatiónis est auctor; ita & immortalitátis sit ipse largitor. Qui tecum vivit.

Postcommuniones SS. Stephani, Joannis, & Innocentium, ut supra in Missa S. Thomæ, fol. 28.

¶ *Si festum S. Silvestri venerit in Dominica, dicitur Missa de eo, cum commemoratione Dominicæ & Octavarum.*

I N F E S T O

S. SILVESTRI, PAPÆ & CONFES.

Introitus. Psal. 131.

Sacerdotes tui, Dómine, induant justítiam, & sancti tui exúltent: propter David servum tuum non avértas faciém Christi tui. *Ps. ib.* Meménto, Dómine, David, & omnis mansuetúdinis ejus. *V. Glória Patri.*

Orémus.

Oratio.

DA, quæsumus, omnipotens Deus: ut beáti Silvestri Confessoris tui atque Pontíficis veneránda solémnitas & devotióne nobis áugeat, & salutem. Per Dñm.

De Nativitate.

Oratio.

Concède, quæsumus, omnipotens Deus: ut nos Unigéniti tui nova per carnem nativitas liberet, quos sub peccáti jugo vetústa sérvitus tenet.

De S. Stephano.

Oratio.

DA nobis, quæsumus, Dómine, imitari: quod cólimus, ut discámus & inimicos diligere: quia ejus natalitia celebrámus, qui novit étiam pro persecutoribus exoráre Dóminum nostrum Jesum Christum Fílium tuum.

De S. Joanne.

Oratio.

Ecclésiám tuam, Dómine, benígnus illústra: ut beáti Joannis Apóstoli tui & Evangelístæ illumináta doctrínis, ad dona pervéniant sempitérna.

De SS. Innocentibus.

Oratio.

Deus, cujus hodiérnâ die præcónium Innocéntes Mártyres non loquendo, sed moriendo conféssi sunt: ómnia in nobis vitiórum mala mortífica: ut fidem tuam, quam lingua nostra lóquitur, étiam moribus vita fateátur. Per Dñm.

Lectio Epístolæ beáti Pauli Apóstoli ad Timótheum. II. 4.

Charíssime, Testíficor coram Deo, & Jesu Christo, qui judicatúrus est vivos, & mórtuos, per advéntum ipsius, & regnum ejus: prædica verbum, instá opportúnè, importúnè: árgue, óbsecra, increpa in omni paciéntia, & doctrína. Erit enim tempus, cum fanam doctrínam non sustinébunt, sed ad sua desidéria coacervábunt sibi magístros, pruriéntes áuribus: & à veritate quidem audítum avértent, ad fábulas autem converténtur. Tu verò vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim jam delíbor, & tempus resolutiósni meæ instat. Bonum certámen certávi, cursum consummávi, fidem servávi, in réliquo repósita est mihi coróna justítiæ, quam

reddet mihi Dóminus in illa die juſtus iudex: non ſolùm autem mihi, ſed & iis qui dígunt advéntum ejus.

Grad. Eccl. 44. Ecce ſacérdos magnus, qui in diébus ſuis plácuit Deo. *V.* Non eſt invéntus ſímilis illi, qui conſerváret legem excéſſi. Allel. allel.

V. Pſ. 88. Invéni David ſervum meum, óleo ſancto meo unxi eum. Allelúia.

Sequéntia ſancti Evangélíi ſecúndum Lucam. 12. c.

IN illo témpore: Dixit Jeſus diſcípulis ſuis: Sint lumbi veſtri præcíncti, & lucérnæ ardéntes in mánibus veſtris, & vos ſímiles homínibus expectántibus dóminum ſuum quandò revertátur à núptiis: ut, cùm vénerit, & pulſáverit, conféſtim apériant ei. Beáti ſervi illi, quos, cùm vénerit dóminus, invénerit vigilántes: amen dico vobis, quòd præcínget ſe, & fáciat illos diſcúmbere, & tráſiens miníſtrabit illis. Et ſi vénerit in ſecúnda vigília, & ſi in tértia vigília vénerit, & ità invénerit, beáti ſunt ſervi illi. Hoc autem ſcitóte, quóniam ſi ſciret pater-famílias, quâ horâ fur veníret, vigiláret útique, & non ſíneret pérſodi domum ſuam. Et vos eſtote paráti; quia quâ horâ non putátis, Fílius homínis véniet. Credo.

Offert. Pſ. 88. Invéni David ſervum meum: óleo ſancto meo unxi eum: manus enim mea auxiliábitur ei, & bráchiū meum confortábit eum.

Secreta.

Sancti tui nos, Dómine, quæſumus, ubique lætíficent: ut dum eórum mérita recólimus, patrocínia ſentiámus. Per Dñm.

De Nativitate. Secreta.

Obláta, Dómine, múnera, novâ Unigéniti tui nativité ſanctífica: noſque à peccatórum noſtrórum máculis emúnda.

De S. Stephano. Secreta.

Suſcipe, Dómine, múnera pro tuórum cōmmemoratíone Sanctórum: ut ſicut illos páſſio glorióſos effécit, ità nos devótio reddat innócuos.

De S. Joanne. Secreta.

Suſcipe, Dómine, múnera, quæ in ejus tibi ſolemnitáte deférimus, cujus nos confidimus patrocínio liberári.

De SS. Innocentibus. Secreta.

Sanctórum tuórum, Dómine, nobis pia non deſit orátio: quæ & múnera noſtra concíliet, & tuam nobis indulgéntiam ſemper obtíneat. Per.

Commun. Matt. 24. Beátus ſervus, quem cùm vénerit Dóminus, invénerit vigilántem: amen dico vobis, ſuper ómnia bona ſua conſtituet eum.

Postcommunio.

Præſta, quæſumus, omnípotens Deus: ut de percéptis munéribus grátias exhibéntes, intercedénte beáto Silveſtro Confefſóre tuo atque Pontífice, beneficia potióra ſumámus. Per Dñm.

De Nativitate. Postcommunio.

Præſta, quæſumus, omnípotens Deus: ut natus hódie Salvátor mundi, ſicut divínæ nobis generatiónis eſt auctor; ità & immortalitátis ſit ipſe largítor.

De S. Stephano. Postcommunio.

Auxiliéntur nobis, Dómine, ſumpta myſtéria: & intercedénte beáto Stéphanó Mártýre tuo, ſempitérnâ protectíone confirment.

De S. Joanne. Postcommunio.

Refecti cibo potuque coelesti, Deus noster, te supplices deprecamur: ut in cujus hac commemoratione percipimus, ejus muniamur & precibus.

De SS. Innocentibus. Postcomm.

Votiva, Domine, dona percipimus: quæ sanctorum nobis precibus, & præsentis, quaesumus, vitæ, pariter & æternæ tribue conferre subsidium. Per Dñm.

IN CIRCUMCISIONE DOMINI,

ET OCTAVA NATIVITATIS.

Statio ad S. Mariam trans Tiberim.

Introitus. Isaie 9.

Puer natus est nobis, & filius datus est nobis: cujus imperium super humerum ejus: & vocabitur nomen ejus magni consilii Angelus.

Pf. 97. Cantate Domino canticum novum: quia mirabilia fecit.

V. Gloria Patri.

Orémus.

Oratio.

Deus, qui salutis æternæ, beatæ Mariæ virginitate foecundâ, humano generi præmia præstitisti: tribue, quaesumus; ut ipsam pro nobis intercedere sentiamus, per quam meruimus auctorem vitæ suscipere, Dominum nostrum Jesum Christum Filium tuum: Qui tecum vivit.

Lectio Epistolæ beati Pauli Apostoli ad Titum. 2. c.

Charissime, Apparuit gratia Dei Salvatoris nostri omnibus hominibus, erudiens nos, ut abnegantes impietatem, & sæcularia desideria, sobrie, & justè, & piè vivamus in hoc sæculo, expectantes beatam spem, & adventum

gloriæ magni Dei, & Salvatoris nostri Jesu Christi: qui dedit semetipsum pro nobis; ut nos redimeret ab omni iniquitate, & mundaret sibi populum acceptabilem, sectatorem bonorum operum. Hæc loquere, & exhortare: in Christo Jesu Domino nostro.

Grad. Pf. 97. Viderunt omnes fines terræ salutare Dei nostri: jubilante Deo omnis terra. *V.* Notum fecit Dominus salutare suum: ante conspectum Gentium revelavit justitiam suam. Allelúia, allel. *V.* Heb. 1. Multifarie olim Deus loquens patribus in Prophetis, novissime diebus istis locutus est nobis in Filio. Allelúia.

Sequentia sancti Evangelii secundum Lucam. 2. c.

In illo tempore: Postquam consummati sunt dies octo, ut circumcideretur puer: vocatum est nomen ejus Jesus, quod vocatum est ab Angelo priusquam in útero conciperetur. Credo.

Offert. Pf. 88. Tui sunt coeli, & tua est terra: orbem terrarum, & plenitudinem ejus tu fundasti: justitia & judicium præparatio sedis tuæ.

Secreta.

Muneribus nostris, quaesumus, Domine, precibusque susceptis: & coelestibus nos munda mysteriis, & clementer exaudi. Per Dñm.

Communio. Pf. 97. Viderunt omnes fines terræ salutare Dei nostri.

Postcommunio.

Hæc nos communitio, Domine, purget à crimine: & intercedente beatâ Virgine Dei genitrice Mariâ, coelestis remédii faciat esse consortes. Per eundem Dñm.

E

Si aliqua ex sequentibus Octavis in Dominica venerit, dicitur Missa de Octava: de Dominica vero nihil fit.

¶ *In Octava S. Stephani totum Officium Missæ dicitur sicut in die, præter Orationem quæ sequitur.*

Oratio.

OMnipotens sempiternæ Deus, qui primitias Mártyrum in beati Levitæ Stéphani sanguine dedicasti: tribue, quæsumus; ut pro nobis intercessor existat, qui pro suis etiam persecutoribus exoravit, Dominum nostrum Jesum Christum Filium tuum: Qui tecum vivit.

Et fit commemoratio de Octava S. Joannis, & SS. Innocentium: Dicitur Credo, & Præfatio de Nativitate Domini.

¶ *In Octava S. Joannis Missa dicitur sicut in ejus Festo, cum commemoratione de SS. Innocentibus tantum. Et dicitur Credo, & Præfatio de Apostolis.*

¶ *In Octava SS. Innocentium Officium Missæ fit sicut in die, excepto quod Gloria in excelsis, & Alleluia, & Ite Missa est, dicuntur: & non dicitur Credo, nisi venerit in Dominica.*

IN VIGILIA EPIPHANIÆ.

Introitus. Sap. 18.

DUm médium filéntium tenérent ómnia, & nox in suo cursu médium iter habéret, omnipotens sermo tuus, Dómine, de coelis à regálibus sédibus venit.

Pf. 92. Dóminus regnavit, decórem indútus est: indútus est Dóminus fortitúdinem, & præcínxit se.

V. Gloria Patri.

Orémus.

Oratio.

OMnipotens sempiternæ Deus, dirige actus nostros in beneplácito tuo: ut in nómine dilécti Filii tui, mereámur bonis opéribus abundáre. Qui tecum vivit.

Pro commemoratione sancti Telesphori Papæ & Martyris. Oratio.

DEus, qui nos beati Telésphori Mártyris tui atque Pontíficis annuâ solemnitáte lætíficas: concéde propítius; ut cujus natalítia cólimus, de ejúsdem etiam protectióne gaudeámus.

De sancta Maria.

Oratio.

DEus, qui salútis æternæ, beatæ Mariæ virginitáte fœcúndâ, humano géneri præmia præstitísti: tribue, quæsumus; ut ipsam pro nobis intercédere sentiámus, per quam merúimus auctórem vitæ fuscípere, Dóminum nostrum Jesum Christum Filium tuum: Qui tecum vivit.

Léctio Epístolæ beati Pauli Apóstoli ad Gálatas. 4.

FRatres, Quanto témpore hæres párvulus est, nihil differt à servo, cùm sit dóminus ómnium: sed sub tutóribus & actóribus est, usque ad præfinitum tempus à patre: ità & nos cùm effémus párvuli, sub eleméntis mundi erámus serviétes. At ubi venit plenitúdo témporis, misit Deus Filium suum, factum ex muliere, factum sub lege, ut eos, qui sub lege erant, redímeret, ut adoptiónem filiórum recipe-rémus. Quóniam autem estis filii, misit Deus Spíritum Filii sui in corda vestra, clamántem: Abba, Pater. Itaque jam non est servus, sed filius: quòd si filius, & hæres per Deum.

Grad. Psal. 44. Speciósus formâ præ filiis hóminum: diffúsa est grátia in lábiis tuis. *V.* Eructávit cor meum verbum bonum, dico ego ópera mea regi: lingua mea cálamus scribæ velóriter scribéntis. Allelúia, allelúia.

V. Ps. 92. Dóminus regnávít, decórem índuit: índuit Dóminus fortitúdinem & præcínxit se virtúte. Allelúia.

Sequéntia sancti Evangélíi secúndum Matthæum. 2. d.

IN illo témpore: Defúncto Heróde, ecce Angelus Dómini appáruit in somnis Ioseph in Ægypto, dicens: Surge, & áccipe púerum, & matrem ejus, & vade in terram Israél: defúncti sunt enim, qui quærébant ánimam púeri. Qui confúrgens, accépit púerum, & matrem ejus, & venit in terram Israél. Audiens autem quòd Archeláus regnáret in Juda pro Heróde patre suo, tímuit illò ire: & admónitus in somnis, secéssit in partes Galilææ. Et véniens habitávit in civitáte, quæ vocátur Názareth: ut adimplerétur quod dictum est per Prophétas: Quóniam Nazaræus vocábitur.

Offert. Ps. 92. Deus firmávit orbem terræ, qui non commovébitur: paráta sedes tua, Deus, ex tunc, à sæculo tu es.

Secreta.

Concède, quæsumus, omnípotens Deus: ut óculis tuæ majestátis munus oblátum, & grátiam nobis piæ

devotiónis obtíneat, & efféctum beátæ perennitátis acquírat. Per Dñm.

De S. Telesphoro. Secreta.

MUnera tibi, Dómine, dicáta sanctífica: & intercedénte beáto Telésphoro Mártire tuo atque Pontífice, per éadem nos placátus inténde.

De sancta Maria. Secreta.

MUnéribus nostris, quæsumus, Dómine, precibúsq; fuscéptis; & coeléstibus nos munda mystériis, & cleménter exáudi. Per Dñm.

Præfatio, de Nativitate Domini.

Commun. Mat. 2. Tolle púerum & matrem ejus, & vade in terram Israél: defúncti sunt enim, qui quærébant ánimam púeri.

Postcommunio.

PER hujus, Dómine, operatióem mystérii, & vítia nostra pūrgéntur, & jústa desidéria compleántur. Per.

De S. Telesphoro Papa & Mártire.

Postcommunio.

Refécti participatióne múnieris sacri, quæsumus, Dómine Deus noster: ut cujus exéquimur cultum, intercedénte beáto Telésphoro Mártire tuo atque Pontífice, sentiámus efféctum.

De S. Maria. Postcommunio.

HÆc nos commúnio, Dómine, purget à crimine: & intercedénte beátâ Vírgine Dei genitríce Mariâ, coeléstis remédii fáciat esse confortes. Per eúmdem Dóminum nostrum Jesum Christum Fílium tuum. Qui tecum vivit & regnat.

IN EPIPHANIA DOMINI.

Statio ad sanctum Petrum.

Introitus. Malach. 3.

Ecce advénit Dominátor Dóminus: & regnum in manu ejus, & potestas, & impérium. *Psal. 71.* Deus judícium tuum Regi da: & justítiam tuam Fílio Regis.

V. Gloria Patri.

Orémus.

Oratio.

Deus, qui hodiérnâ die Unigénitum tuum Géntibus stellâ duce revelásti: concéde propítius; ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúndem Dñm.

Lectio Isaíæ Prophétæ. 60.

Surge, illumináre Jerúsalem: quia venit lumen tuum, & glória Dómini super te orta est. Quia ecce ténebræ opérient terram, & caligo pópulos: super te autem oriétur Dóminus, & glória ejus in te vidébitur. Et ambulábunt Gentes in lúmine tuo, & reges in splendóre ortús tui. Leva in circúitu óculos tuos, & vide: omnes isti congregáti sunt, vénérunt tibi: filii tui de longè vénient, & filiæ tuæ de látere surgent. Tunc vidébis, & afflues, & mirábitur, & dilatábitur cor tuum, quando convérsa fúerit ad te multitúdo maris, fortitúdo Géntium vénierit tibi. Inundátio camelórum opériet te, dromedárii Mádian & Epha: omnes de Saba vénient, aurum & thus deferéntes, & laudem Dómino annuntiántes.

Graduale. Is. ib. Omnes de Saba vé-

nient, aurum & thus deferéntes, & laudem Dómino annuntiántes.

V. Surge, & illumináre, Jerúsalem: quia glória Dómini super te orta est. Allelúia, allelúia.

V. Matt. 2. Vídimus stellam ejus in Oriénte: & vénimus cum munéribus adoráre Dóminum. Allelúia.

Sequéntia sancti Evangélii secúndum Matthæum. 2. b.

Cum natus esset Jesus in Bétlehem Juda in diébus Heródis regis, ecce Magi ab Oriénte vénérunt Jerosólymam. dicéntes: Ubi est qui natus est Rex Judæórum? Vídimus enim stellam ejus in Oriénte, & vénimus adoráre eum. Audiens autem Heródes rex, turbátus est, & omnis Jerosólyma cum illo. Et cóngregans omnes príncipes sacerdotum, & Scribas pópuli, sciscitabátur ab eis ubi Christus nascerétur. At illi dixerunt ei: In Bétlehem Judæ. Sic enim scriptum est per Prophétam: Et tu Bétlehem terra Juda, nequáquam mínima es in princípibus Juda; ex te enim éxiet dux, qui regat pópulum meum Israél. Tunc Heródes, clam vocátis Magis, diligénter dídicit ab eis tempus stellæ, quæ apparuit eis: & mittens illos in Bétlehem, dixit: Ite, & interrogáte diligénter de púero: & cum invenéritis, renuntiáte mihi, ut & ego véniens adórem eum. Qui cum audíssent regem, abiérunt. Et ecce stella, quam viderant in Oriénte, antecedébat eos, usque dum véniens staret suprà ubi erat puer. Vidéntes autem

stellam gavisi sunt gaudio magno valde. Et intrantes domum, invenérunt puerum cum María matre ejus, [*Hic genuflectitur*] & procidentes, adoravérunt eum. Et apértis thesauris suis obtulérunt ei múnera, aurum, thus, & myrrham. Et respónso accépto in somnis ne redírent ad Heródem, per áliam viam revérsi sunt in regiónem suam. Credo.

Offert. Ps. 71. Reges Tharsis & insulæ múnera offerent: reges Arabum & Saba dona addúcent: & adorábunt eum omnes reges terræ, omnes Gentes sèrvient ei.

Secreta.

ECclésiæ tuæ, quæsumus, Dómine, dona propítius intuére: quibus non jam aurum, thus, & myrrha profértur; sed quod eisdem munéribus declarátur, immolátur & sùmitur, Jesus Christus Fílius tuus Dóminus noster: Qui tecum vivit & regnat.

Præfatio. Quia cùm Unigénitus tuus. Et infra actionem. Communicántes, & diem sacratíssimum, ut in *Præfationibus*. Et dicuntur per totam Octavam.

Communio. Mat. 2. Vídimus stellam ejus in Oriénte: & vénimus cum munéribus adoráre Dóminum.

Postcommunio.

PRæsta, quæsumus, omnípotens Deus: ut quæ solémni celebrámus officio, purificatæ mentis intelligentiâ consequámur. Per Dñm.

Infra Octavam Epiphaniæ fit idem Officium, quod in die: & post Orationem diei dicuntur Orationes, Deus, qui salutis æternæ, & Ecclesiæ tuæ, vel pro Papa, Deus omnium fidélium, ut infra in Dominica ii. post Epiph. fol. 40.

De Festis Duplicibus, & Semiduplicibus, quæ infra Octavam veniunt, nihil tunc agitur (nisi tunc agitur de Patrono vel Titulari Ecclesiæ, & de Dedicitione ejusdem, in propria Ecclesiâ, non tamen in die Octava) sed peracta Octava celebrantur: de Simplicibus vero fit tantum commemoratio.

In Dominica infra Octavam Missa dicitur ut infra. Quod si Epiphania venerit in Dominica, ipsa Missa Dominicæ dicitur in Sabbato infra Octavam, & in die Octava nihil fit de Dominica.

DOMINICA INFRA OCT. EPIPH.

Introitus.

IN excélsso throno vidi sedére virum, quem adórat multitúdo Angelórum psalléntes in unum: ecce cujus impérii nomen est in ætérnum.

Ps. 99. Jubiláte Deo omnis terra: servíte Dómino in lætítia.

V. Glória Patri.

Orémus.

Oratio.

VOta, quæsumus, Dómine, supplicántis pópuli, cœlésti pietáte proféquare: ut & quæ agénda sunt, vídeant; & ad implénda quæ viderint convaléscant. Per Dñm.

Et fit commemor. de Oct. Epiph. Oratio.

DEus, qui hodiérnâ die Unigénitum tuum Géntibus stellâ duce revelásti: concéde propítius; ut qui jam te ex fide cognóvimus, usque ad contemplándam spéciem tuæ celsitudinis perducámur. Per eúndem Dñm.

Lectio Epistolæ beáti Pauli Apóstoli ad Romános. 12. b.

FRatres, Obsecro vos per misericórdiam Dei: ut exhibeátis corpora vestra hóstiám vivéntem, sanctám, Deo

placéntem, rationábile obféquium vestrum. Et nolíte conformári huic sæculo, sed reformámini in novitáte sensûs vestri: ut probétis quæ sit voluntas Dei bona, & benéplacens, & perfectâ. Dico enim per grátiam quæ data est mihi, ómnibus qui sunt inter vos, non plus sápere, quàm opórtet sápere, sed sápere ad sobrietátem: & unicuique sicut Deus divísit mensúram fidèi. Sicut enim in uno córpore multa membra habémus, ómnia autem membra non eúndem actum habent: ita multi unum corpus sumus in Christo, singuli autem alter altérius membra: in Christo Jesu Dómino nostro.

Grad. Ps. 71. Benedictus Dóminus Deus Isráël, qui facit mirabília magna solus à sæculo. *V.* Suscípiant montes pacem pópulo tuo: & colles justítiam. Allelúia, allelúia.

V. Ps. 99. Jubiláte Deo omnis terra: servíte Dómino in lætítia. Allelúia. Sequéntia sancti Evangélíi secúndum Lucam. 2. f.

CUm factus esset Jesus annórum duódecim, ascendéntibus illis Jerúsólymam secúndum consuetúdinem diéi festi, consummatísque diébus, cum redírent, remánsit puer Jesus in Jerúsalem, & non cognovérunt paréntes ejus. Existimántes autem illum esse in comitátu, venérunt iter diéi, & requirébant eum inter cognátos, & notos. Et non inveniéntes, regréssi sunt in Jerúsalem, requiréntes eum. Et factum est, post tríduum invenérunt illum in templo sedéntem in médio doctórum, audiéntem illos, & interrogántem eos. Stupébant autem omnes, qui eum audiebant, super prudentia & respónsis

ejus. Et vidéntes admiráti sunt. Et dixit mater ejus ad illum: Fili, quid fecísti nobis sic? ecce pater tuus & ego doléntes, quærebatúmus te. Et ait ad illos: Quid est quòd me quærebatís? nesciebátis, quia in his, quæ Patris mei sunt, opórtet me esse? Et ipsi non intellexérunt verbum, quod locútus est ad eos. Et descéndit cum eis, & venit Názareth: & erat súbditus illis. Et mater ejus conservábat ómnia verba hæc in corde suo. Et Jesus proficiébat sapiéntiâ, & ætáte, & grátia apud Deum & hómines. Credo.

Offert. Ps. 99. Jubiláte Deo, omnis terra: servíte Dómino in lætítia: intráte in conspéctu ejus in exultatióne, quia Dóminus ipse est Deus.

Secreta.

OBlátum tibi, Dómine, sacrificium vivíficet nos semper, & múniat. Per Dñm.

De Epiphania.

Secreta.

ECclésiæ tuæ, quæsumus, Dómine, dona propítius intuére: quibus non jam aurum, thus, & myrrha profértur: sed quod eísdem munéribus declarátur, immolátur & súmitur, Jesus Christus Fílius tuus Dóminus noster: Qui tecum vivit.

Communio. Luc. 2. Fili, quid fecísti nobis sic? ego & pater tuus doléntes quærebatúmus te. Et quid est, quòd me quærebatís? nesciebátis, quia in his, quæ Patris mei sunt, opórtet me esse?

Postcommunio.

Supplices, te rogámus, omnípotens Deus: ut quos tuis réficis sacraméntis, tibi étiam plácitis móribus dignánter deservíre concédas. Per Dñm nostrum.

De Epiphania. Postcommunio.

PRæsta, quæsumus, omnipotens Deus: ut quæ solèmnì celebrâmus officio, purificatæ mentis intelligentiâ consequâmur. Per Dñm.

IN OCTAVA EPIPHANIÆ.

Introitus. Malach. 3.

ECce advénit Dominátor Dóminus: & regnum in manu ejus, & potestas, & impérium. Ps. 71. Deus iudicium tuum Regi da: & iustitiam tuam Fílio Regis. V. Glória Patri.

Orémus. Oratio.

DEus, cujus Unigénitus in substantia nostræ carnis apparuit: præsta, quæsumus, ut per eum quem similem nobis foris agnóvimus, intùs reformári mereâmur. Qui tecum vivit.

Lectio Isaïæ Prophætæ. 60.

Surge, illuminâre, Jerúsalem: quia venit lumen tuum, & glória Dómini super te orta est. Quia ecce tenebræ opérient terram, & caligo populos: super te autem oriétur Dóminus, & glória ejus in te vidébitur. Et ambulábunt Gentes in lúmine tuo, & reges in splendóre ortûs tui. Leva in circúitu óculos tuos, & vide: omnes isti congregáti sunt, venérunt tibi: filii tui de longè vénient, & filiæ tuæ de latere surgent. Tunc vidébis, & afflues, & mirábitur, & dilatábitur cor tuum, quando convérta fúerit ad te multitúdo maris, fortitúdo Géntium vénerit tibi. Inundátio camelórum opériet te, dromedárii Máidian & Ephra: omnes de Saba vénient, aurum & thus deferéntes, & laudem Dómino annuntiántes.

Grad. Is. ibid. Omnes de Saba vénient, aurum & thus deferéntes, & laudem Dómino annuntiántes.

V. Surge, & illuminâre, Jerúsalem: quia glória Dómini super te orta est. Allelúia, allelúia.

V. Matt. 2. Vidimus stellam ejus in Oriente: & vénimus cum munéribus adorâre Dóminum. Allelúia.

Sequéntia sancti Evangélii secúndum Joánnem. 1. d.

IN illo témpore: Vidit Joánnes Jesum veniéntem ad se, & ait: Ecce Agnus Dei, ecce qui tollit peccátum mundi. Hic est, de quo dixi: Post me venit vir, qui ante me factus est: quia prior me erat. Et ego nesciébam eum, sed ut manifestétur in Israël, propterea veni ego in aqua baptizans. Et testimónium perhibuit Joánnes, dicens: Quia vidi Spíritum descendéntem quasi colúmbam de cœlo, & mansit super eum. Et ego nesciébam eum, sed qui misit me baptizâre in aqua, ille mihi dixit: Super quem videris Spíritum descendéntem, & manéntem super eum, hic est, qui baptizat in Spíritu sancto. Et ego vidi: & testimónium perhibui, quia hic est Fílius Dei. Credo.

Offert. Ps. 71. Reges Tharsis & insulæ múnera offerent: reges Arabum & Saba dona addúcent: & adorábunt eum omnes reges terræ, omnes Gentes sèrvient ei.

Secreta.

Hostias tibi, Dómine, pro nati Fílii tui apparitióne deférimus: suppliciter exorántes; ut sicut ipse nostrórum auctor est múnierum: ita sit ipse miséricors & fuscéptor, Jesus Christus Dóminus noster: Qui tecum vivit.

Commun. Matt. 2. Vidimus stellam ejus in Oriente: & venimus cum muneribus adorare Dominum.

Postcommunio.

Coelēsti lūmine, quæsumus, Dōmine, semper & ubique nos præveni: ut mystērium, cujus nos partīpes esse voluisti, & puro cernāmus intūitu, & digno percipiāmus affēctu. Per Dōminum nostrum.

¶ *Ab Octava Epiphaniæ usque ad Purificationem, nisi fuerit duplex, post Orationem diei dicuntur istæ Orationes. Deus, qui salutis æternæ; & Ecclēsiæ tuæ, vel Deus omnium fideliū, ut infra in Dominica ii. post Epiphaniam.*

¶ *Si tempus breve fuerit ab Octava Epiphaniæ usque ad Septuagesimam, ita ut Officia sequentium Dominicarum non possint expleri suis diebus. Officia illarum quæ supersunt post Dominicam ii. post Epiphaniam, eo anno omittuntur, & resumuntur (quoad Orationem, Epistolam, & Evangelium dimtaxat) post Dominicam xxiii. post Pentecosten, ut ibi dicitur in Rubrica.*

¶ *Si Dominica Septuagesimæ venerit sequenti Dominica post Octavam Epiphaniæ, in præcedenti Sabbato, si non est impeditum Festo Semiduplici, dicitur Missa de Dominica ii. post Epiphaniam, cum commemoratione Festi Simplicis, si in eo occurrat. Si vero Sabbatum fuerit impeditum Festo Semiduplici, tunc prima die post Octavam Epiphaniæ, in qua non sit Festum Duplex, dicitur Missa de ii. Dominica, & Festum Semiduplex in ea occurrens, transfertur in primam diē similiter non impeditam.*

DOMINICA II. POST EPIPH.

Introitus. Psal. 65.

Omnis terra adoret te, Deus, & psallat tibi: psalmum dicat nōmini tuo, Altissime.

Pf. ibid. Jubilāte Deo, omnis terra: psalmum dicite nōmini ejus: date glōriam laudi ejus. V. Glōria Patri.

Dicitur Glōria in excēlsis, in Dominicis usque ad Septuagesimam exclusive: in Ferialibus vero diebus, quando resumitur Missa de Dominica præcedenti, non dicitur. Quod servatur & post Pentecosten.

Orémus.

Oratio.

Omnipotens sempiternē Deus, qui coelēstia simul & terrēna moderāris: supplicatiōes pōpuli tui clemēter exāudi, & pacem tuam nostris concēde temporibus. Per Dñm.

De sancta Maria.

Oratio.

Deus, qui salutis æternæ, beatæ Mariæ virginitate foecundā humano generi præmiā præstitisti: tribue, quæsumus; ut ipsam pro nobis intercedere sentiāmus: per quam meruimus auctōrem vitæ suscipere, Dōminum nostrum Jesum Christum Filium tuum.

Contra perfec. Ecclesiæ.

Oratio.

Ecclēsiæ tuæ, quæsumus, Dōmine, preces placātus admitte: ut destructis adversitatibus & erroribus universis, securā tibi sērviat libertāte. Per.

Vel Pro Papa.

Oratio.

Deus omnium fideliū pastor & rector, famulum tuum N. quem pastōrem Ecclēsiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, unā cum grege sibi credito, perveniat sempiternam. Per Dñm.

Lectio Epistolæ beati Pauli Apostoli
ad Romanos. 12. b.

FRatres, Habentes donationes secundum gratiam, quæ data est nobis; differentes: sive prophetiam secundum rationem fidei, sive ministerium in ministrando, sive qui docet in doctrina, qui exhortatur in exhortando, qui tribuit in simplicitate, qui præest in sollicitudine, qui miseretur in hilaritate. Dillectio sine simulatione. Odiētes malum, adhærentes bono: Charitate fraternitatis invicem diligentes: Honore invicem prævenientes: Sollicitudine non pigri: Spiritu ferventes: Domino serviētes: Spe gaudētes: In tribulatione patientes: Orationi instantes: Necessitatibus sanctorum communicantes: Hospitalitatem sectantes. Benedicite persecutibus vos: benedicite, & nolite maledicere. Gaudere cum gaudētibz, flere cum flēntibus: Idipsum invicem sentiētes: Non alta sapiētes, sed humilibz consentiētes.

Grad. Ps. 106. Misit Dominus verbum suum, & sanavit eos: & eripuit eos de interitu eorum.

V. Confiteantur Domino misericordiae ejus: & mirabilia ejus filiis hominum. Allelúia, allelúia.

V. Ps. 148. Laudate Dominum, omnes Angeli ejus, laudate eum, omnes virtutes ejus. Allelúia.

¶ Sic dicitur Allelúia. cum Versu post Graduale, ab Octava Epiphaniae usque ad Septuag. & ab Octava Pentecostes usque ad Adventum, etiam infra Hebdomadam quando resumitur Missa de Dominica.

Sequentia sancti Evangelii secundum Joannem. 2.

IN illo tempore: Nuptiae factae sunt in Cana Galilææ, & erat mater Jesu ibi. Vocatus est autem & Jesus, & discipuli ejus ad nuptias. Et deficiente vino, dicit mater Jesu ad eum: Vinum non habent. Et dicit ei Jesus: Quid mihi & tibi est mulier? nondum venit hora mea. Dicit mater ejus ministris: Quodcumque dixerit vobis, facite. Erant autem ibi lapideae hydriæ sex positæ secundum purificationem Judæorum, capiētes singulæ metretas binas vel ternas. Dicit eis Jesus: Implēte hydrias aqua. Et impleverunt eas usque ad summum. Et dicit eis Jesus: Haurite nunc, & ferte architriclino. Et tulerunt. Ut autem gustavit architriclinus aquam vinum factam, & non sciēbat unde esset, ministri autem sciēbant, qui hauerant aquam: vocat sponsum architriclinus, & dicit ei: Omnis homo primum bonum vinum ponit: & cum inebriati fuerint; tunc id, quod deterior est: Tu autem servasti bonum vinum usque adhuc. Hoc fecit initium signorum Jesus in Cana Galilææ: & manifestavit gloriam suam, & crediderunt in eum discipuli ejus. Credo.

Offert. Ps. 65. Jubilate Deo, universa terra: psalmum dicite nomini ejus: venite, & audite, & narrabo vobis, omnes qui timētis Deum, quanta fecit Dominus animæ meæ. Allelúia.

Secreta.

Oblata, Domine, múnera, sanctifica: nosque à peccatorum nostrorum maculis emunda. Per Dominum.

F

De sancta Maria. Secreta.

MUnéribus nostris, quæsumus, Dómine, precibúsq; susceptis : & coeléstibus nos munda mystériis, & cleménte exáudi.

Contra persec. Ecclesiae. Secreta.

PRótege nos, Dómine, tuis mystériis serviétes, ut divínis rebus inhæréntes, & corpore tibi famulémur, & mente. Per Dóminum.

Vel pro Papa. Secreta.

OBlátis, quæsumus, Dómine, placáre munéribus : & famulum tuum N. quem pastórem Ecclesiæ tuæ præesse voluísti, assíduâ protectióne gubérna. Per Dñm.

Communio. Dicit Dóminus : impléte hydrias aquâ, & ferte architriclino : cùm gustáffet architriclinus aquam vinum factam, dicit sponso : Servásti bonum vinum usque adhuc : hoc signum fecit Jesus primum coram discípulis suis.

Postcommunio.

AUgeátur in nobis, quæsumus, Dómine, tuæ virtútis operatio : ut divínis vegetáti sacraméntis, ad eórum promíssa capiéndâ, tuo múnere præparémur. Per Dñm.

De S. Maria. Postcommunio.

HÆc nos commúnio, Dómine, purget à crimine : & intercedénte beátâ Vírgine Dei genitríce Mariâ, coelestis remédii fáciat esse confórtes

Contra persec. Ecclesiae. Postcomm.

QUæsumus, Dómine Deus noster : ut quos divína tríbuis participatióne gaudére, humánis non finas subjacére perículis. Per Dóminum nostrum.

Vel pro Papa. Postcommunio.

HÆc nos, quæsumus, Dómine, divíni sacraménti percéptio protégat : & famulum tuum N. quem pastórem Ecclesiæ tuæ præesse voluísti, unâ cum commísso sibi grege salvet semper, & múniat. Per Dñm.

DOMINICA III. POST EPIPH.

Introitus. Psal. 96.

ADoráte Deum, omnes Angeli ejus : audívit, & lætáta est Sion : & exultavérunt filiae Judæ.

Pf. ibid. Dóminus regnávít, exúltet terra : læténtur ínsulæ multæ. *V.* Glória Patri.

*Orémus.**Oratio.*

OMnípotens sempitérne Deus, infirmitátem nostram propítius respice : atque ad protegéndum nos, dexteram tuæ majestátis exténde. Per Dóminum.

De sancta Maria. Oratio.

DEus, qui salutis æternæ, beátæ Mariæ virginitáte foecúndâ humano géneri præmia præstitísti : tribue quæsumus ; ut ipsam pro nobis intercédere sentiámus, per quam merúimus auctórem vitæ fuscípere, Dóminum nostrum Jesum Christum Fílium tuum.

Pro Papa. Oratio.

DEus ómnium fidélium pastor & rector, famulum tuum N. quem pastórem Ecclesiæ tuæ præesse voluísti, propítius respice : da ei, quæsumus, verbo & exémplo, quibus præest, proficere ; ut ad vitam, unâ cum grege sibi crédito, pervéniat sempitérnam. Per Dñm.

Vel contra persecutores Ecclesiæ.
Oratio. Ecclesiæ tuæ, ut in Dominica
præcedenti, fol. 40.

Lectio Epistolæ beati Pauli Apostoli ad
Romános. 12. d.

FRatres, Nolite esse prudentes apud
vosmetipsos: Nulli malum pro
malo reddentes: providentes bona non
tantum coram Deo, sed etiam coram
omnibus hominibus. Si fieri potest,
quod ex vobis est, cum omnibus ho-
minibus pacem habentes: Non vos-
metipsos defendentes, charissimi, sed
date locum iræ. Scriptum est enim:
Mihi vindicta; ego retribuam, dicit
Dominus. Sed si esurierit inimicus
tuus, ciba illum: si sitit potum da il-
li: hoc enim faciens, carbones ignis
congeres super caput ejus. Noli vinci
a malo, sed vince in bono malum.

Grad. Ps. 101. Timebunt Gentes
nomen tuum, Domine, & omnes re-
ges terræ glóriam tuam. *V.* Quoniam
ædificavit Dominus Sion, & videbitur
in maiestáte sua. Allelúia, allelúia.

V. Ps. 96. Dominus regnavit, exul-
tet terra: lætentur insulæ multæ.
Allelúia.

Sequentia sancti Evangelii secundum
Matthæum. 8.

IN illo tempore: Cum descendisset
Jesus de monte, secutæ sunt eum
turbae multæ: & ecce leprosus veni-
ens, adorabat eum, dicens: Domine,
si vis, potes me mundare. Et exten-
dens Jesus manum, tetigit eum, di-
cens: Volo. Mundare. Et confestim
mundata est lepra ejus. Et ait illi
Jesus: Vide nemini dixeris: sed vade,
ostende te sacerdoti, & offer munus,
quod præcepit Moyses, in testimoni-

um illis. Cum autem introisset Ca-
pharnaüm, accessit ad eum Centurio
rogans eum, & dicens: Domine, puer
meus jacet in domo paralyticus, &
malè torquetur. Et ait illi Jesus:
Ego veniam, & curabo eum. Et re-
spondens Centurio, ait: Domine, non
sum dignus ut intres sub tectum me-
um: sed tantum dic verbo, & sanabi-
tur puer meus. Nam & ego homo
sum sub potestate constitutus, habens
sub me milites, & dico huic: Vade, &
vadit: & alii: Veni, & venit: & ser-
vo meo: Fac hoc, & facit. Audiens
autem Jesus: miratus est, & sequenti-
bus se dixit: Amen dico vobis, non
inveni tantam fidem in Israël. Dico
autem vobis, quod multi ab Oriente
& Occidente venient, & recumbent
cum Abraham, & Isaac, & Jacob in
regno cælorum: filii autem regni eji-
cientur in tenebras exteriores: ibi erit
fletus, & stridor dentium. Et dixit
Jesus Centurioni: Vade, & sicut cre-
didisti, fiat tibi. Et sanatus est puer
in illa hora. *Crædo.*

Offert. Ps. 117. Dextera Domini
fecit virtutem, dextera Domini exal-
tavit me: non moriar, sed vivam, &
narrabo opera Domini.

Secreta.

HÆc hostia, Domine, quaesumus,
emundet nostra delicta: & ad sa-
crificium celebrandum, subditorum
tibi corpora, mentesque sanctificet.
Per Dominum.

Secreta.

MUnëribus nostris, quaesumus, Dó-
mine, precibusque susceptis: &
cælestibus nos munda mysteriis, &
clementer exaudi.

Pro Papa. Secreta.

Oblátis, quæsumus, Dómine, placare munéribus: & famulum tuum N. quem pastórem Ecclesiæ tuæ præesse voluísti, assiduâ protectione guberna. Per Dñm.

Vel contra persec. Ecclesiæ. Secreta.
Prótege nos, Dómine, *ut supra, fol. 42.*

Communio. Luc. 4. Mirabántur omnes de his, quæ procedébant de ore Dei.

Postcommunio.

Quos tantis, Dómine, largiris uti mystériis: quæsumus; ut effectibus nos eórum veráciter aptáre digneris. Per Dóminum.

Postcommunio.

Hæc nos commúnio, Dómine, purget à crimine: & intercedente beatâ Virgine Dei genitríce Mariâ, cœlestis remédii fáciat esse consórtes.

Pro Papa. Postcommunio.

Hæc nos, quæsumus, Dómine, divini sacraménti percéptio protégat, & famulum tuum N. quem pastórem Ecclesiæ tuæ præesse voluísti, unâ cum commisso sibi grege, salvet semper & múniat. Per Dóminum.

Vel contra persecutores Ecclesiæ. Postcommunio. Quæsumus, Dómine, *ut supra, fol. 42.*

DOMINICA IV. POST EPIPH.

Introitus. Psal. 96.

Adoráte Deum, omnes Angeli ejus: audívit, & lætáta est Sion: & exultavérunt filiæ Judæ.

Pf. ibid. Dóminus regnávít, exúltet terra: læténtur insulæ multæ.

V. Glória Patri.

Orémus.

Oratio.

Deus, qui nos in tantis perículis constitutos, pro humana scis fragilitaté non posse subsistere: da nobis salutem mentis & corporis: ut ea quæ pro peccátis nostris pátimur, te adjuvante vincámus. Per Dóminum.

De sancta Maria. Oratio.

Deus, qui salutis æternæ, beatæ Mariæ virginitáte foecúndâ humano géneri præmiâ præstitísti: tribue, quæsumus; ut ipsam pro nobis intercedere sentiámus. per quam merúimus auctórem vitæ suscipere, Dóminum nostrum Jesum Christum Fílium tuum.

Contra persec. Ecclesiæ. Oratio.

Ecclésiæ tuæ, quæsumus, Dómine, preces placátus admítte: ut destructis adversitatibus & erroribus universis, securâ tibi sérviat libertáte. Per.

Vel pro Papa. Deus ómnium. ut in Dominica præcedenti, fol. 42.

Si autem hæc Dominica venerit post festum Purificationis, dicitur secunda Oratio, A cunctis. ut infra in Dominica sequenti, fol. 46. & tertia ad libitum.

Lectio Epistolæ beati Pauli Apóstoli ad Romános. 13. b.

Fratres, Némini quidquam debeátis, nisi ut invicem diligátis: qui enim díligit próximum, legem implévit. Nam: Non adulterábis: Non occídes: Non furáberis: Non falsum testimónium dices: Non concupísces: & si quod est áliud mandátum, in hoc verbo instaurátur: Díliges próximum tuum sicut teípsum. Diléctio próximi malum non operátur. Plenitúdo ergo legis est diléctio.

Grad. Ps. 101. Timébunt Gentes nomen tuum, Dómine, & omnes re-

ges terræ glóriam tuam. *V.* Quóniam ædificávit Dóminus Sion, & vidébitur in majestáte sua. Allelúia. allel.

V. Ps. 96. Dóminus regnávít, exúltet terra: læténtur ínsulæ multæ. Allelúia.

Sequéntia sancti Evangélíi secúndum Matthæum. 8. c.

IN illo témpore: Ascendénte Jesu in navículam, secúti sunt eum discí-puli ejus: & ecce motus magnus factus est in mari, ità ut navícula operirétur flúctibus, ipse verò dormiébat. Et accessérunt ad eum discí-puli ejus, & fuscitavérunt eum, dicéntes: Dómine, salva nos, perímus. Et dicit eis Jesus: Quid tímidi estis, módicæ fidei? Tunc surgens, imperávit ventis & mari, & facta est tranquíllitas magna. Porro hómines miráti sunt, dicéntes: Qualis est hic, quia venti & mare obédiunt ei? Credo.

Offert. Ps. 117. Dextera Dómini fecit virtútem, dextera Dómini exaltávit me: non móriar, sed vivam, & narrábo ópera Dómini.

Secreta.

Concède, quæsumus, omnípotens Deus, ut hujus sacrificii munus oblátum, fragilitátem nostram ab omni malo purget semper, & múníat. Per Dóminum.

De sancta Maria. Secreta.

MUnéribus nostris, quæsumus, Dómine, precibúisque fuscéptis; & coeléstibus nos munda mystériis, & cleménter exáudi.

Contra persecutores Ecclesiæ.

Postcommunio.

PRótege nos, Dómine, tuis mystériis serviéntes: ut divínis rebus

inhæréntes, & corpore tibi famulémur, & mente. Per Dóminum.

Vel pro Papa. Secreta.

Oblátis, quæsumus, Dómine, ut in *Dominica præcedenti, fol. 44.*

Communio. Luc. 4. Mirabántur omnes de his, quæ procedébant de ore Dei.

Postcommunio.

MUnera tua nos, Deus, à delectati-
ónibus terrénis expédiant, & coe-
léstibus semper instáurent aliméntis.
Per Dóminum.

De S. Maria. Postcommunio.

HÆc nos commúnio, Dómine, pur-
get à crimine: & intercedénte
beátâ Vírgine Dei genitríce Mariâ,
coeléstis remédii fáciat esse consortes.

Contra persec. Ecclesiæ. Postcomm.

Quæsumus, Dómine, Deus noster:
ut quos divínâ tribuis participa-
tione gaudere, humánis non finas sub-
jacére perículis. Per Dñm.

Vel pro Papa. Postcommunio.

Hæc nos, quæsumus, Dómine, ut in
Dominica præced. fol. 44.

DOMINICA V. POST EPIPH.

Introitus. Psal. 96.

ADoráte Deum, omnes Angeli
ejus: audívit, & lætáta est Sion:
& exultavérunt filiæ Judæ.

Psal. ibid. Dóminus regnávít, ex-
últet terra: læténtur ínsulæ multæ.

V. Glória Patri.

Orémus.

Oratio.

FAmíliam tuam, quæsumus, Dómi-
ne, continuâ pietáte custódi: ut
quæ in sola spe grátiae coeléstis inníti-
tur, tuâ semper protectióne muniátur.
Per Dóminum.

*Ad poscenda suffragia Sanctorum:**Oratio.*

A Cunctis nos, quæsumus, Dómine, mentis & córporis defénde periculis: & intercedénte beátâ & gloriósâ semper Vírgine Dei genitríce Mariâ, cum beátis Apóstolis tuis Petro & Paulo, atque beáto N. & ómnibus Sanctis, salútem nobis tríbue benígnus, & pacem: ut destrúctis adversitatibus & erróribus univérfis, Ecclésia tua secúrá tibi sérviat libertáte. Per eúndem Dñm. *Si dicenda est ultimo loco.*

In hac Oratione nomina sanctorum Michaelis, Joannis Baptistæ, & Joseph, præponuntur Apostolis.

Tertia Oratio dicitur ad libitum.

Léctio Epístolæ beáti Pauli Apóstoli ad Colossénses. 3.

F Ratres, Indúite vos sicut elécti Dei, sancti, & dilécti, víscera misericórdiæ, benignitátem, humilitátem, modéstiam, patiéntiam: supportántes invicem, & donántes vobismetípsis, si quis advérsus áliquem habet querélam: sicut & Dóminus donávit vobis, ita & vos. Super ómnia autem hæc, charitátem habéte, quod est vínculum perfectiónis: & pax Christi exúltet in córdibus vestris, in qua & vocáti estis in uno córpore: & grati estóte. Verbum Christi hábitet in vobis abundánter, in omni sapiéntia docéntes, & commonéntes vosmetípsos, psalmis, hymnis, & cánticis spirituálibus, in grátia cantántes in córdibus vestris Deo. Omne quodcúmque fácitis in verbo aut in ópere, ómnia in nómine Dómini Jesu Christi, grátias ágéntes Deo & Patri per Jesum Christum Dóminum nostrum.

Graduale. Ps. 101. Timébunt Gentes nomen tuum, Dómine, & omnes reges terræ glóriam tuam. *V.* Quóniam ædificávit Dóminus Sion, & vidébitur in majestáte sua. Allel. allel.

Ps. 96. *V.* Dóminus regnávit, exúltet terra: læténtur ínsulæ multæ. Allelúia.

Sequéntia sancti Evangélii secúndum Matthæum. 13. e.

IN illo témpore: Dixit Jesus turbis parábolam hanc: Símile factum est regnum coelórum hómini, qui seminávit bonum semen in agro suo. Cúm autem dormírent hómines, venit inimícus ejus, & superfeminávit zizánia in médio trítici, & ábiit. Cúm autem crevíffet herba, & fructum fecíffet, tunc apparuérunt & zizánia. Accedéntes autem servi patrisfamílias, dixerunt ei: Dómine, nónne bonum semen seminásti in agro tuo? Unde ergo habet zizánia? Et ait illis: Inimícus homo hoc fecit. Servi autem dixerunt ei: Vis, imus, & collígimus ea? Et ait: Non, ne fortè colligéntes zizánia, eradícetis simul cum eis & tríticum. Sínite útraque créscere usque ad messem, & in témpore messis dicam messóribus: Collígite primùm zizánia, & alligáte ea in fascículos ad comburéndum, tríticum autem congregáte in hórreum meum. Credo.

Offertorium. Ps. 117. Déxtera Dómini fecit virtútem, déxtera Dómini exaltávit me: non móriar, sed vivam, & narrábo ópera Dómini.

Secreta.

H Ostias tibi, Dómine, placatiónis offérimus: ut & delícta nostra miserátus absólvas, & nutántia corda tu dírigas. Per Dñm.

Ad poscenda suffragia Sanctorum.

Secreta.

Exaudi nos, Deus salutaris noster: ut per hujus sacramenti virtutem, à cunctis nos mentis & corporis hostibus tuearis; gratiam tribuens in presenti, & gloriam in futuro.

Tertia ad libitum.

Communio. Luc. 4. Mirabantur omnes de his, quæ procedebant de ore Dei.

Postcommunio.

Quæsumus, omnipotens Deus: ut illius salutaris capiamus effectum, cujus per hæc mysteria pignus accepimus. Per Dominum.

Ad poscenda suffragia Sanctorum.

Postcommunio.

Mundet & muniat nos, quæsumus, Domine, divini sacramenti munus oblatum: & intercedente beatâ Virgine Dei genitrice Mariâ, cum beatis Apostolis tuis Petro & Paulo, atque beato N. & omnibus Sanctis; à cunctis nos reddat & perversitatibus expiâtos, & adversitatibus expeditos. Per eundem Dñm. *Si dicenda est ultimo loco.*

Tertia ad libitum.

DOMINICA VI. POST EPIPH.

Introitus. Psal. 96.

Adorate Deum, omnes Angeli ejus: audivit, & lætata est Sion: & exultaverunt filiae Judæ.

Pf. ibid. Dominus regnavit, exultet terra: lætentur insulæ multæ.

V. Gloria Patri.

Orémus.

Oratio.

Præsta, quæsumus, omnipotens Deus: ut semper rationabilia meditantés, quæ tibi sunt placita, & dictis exequamur, & factis. Per Dñm.

Ad poscenda suffragia Sanctorum.

Oratio.

Acunctis nos, quæsumus, Domine, mentis & corporis defende periculis: & intercedente beatâ & gloriósâ semper Virgine Dei genitrice Mariâ, cum beatis Apostolis tuis Petro & Paulo, atque beato N. & omnibus Sanctis, salutem nobis tribue benignus, & pacem: ut destructis adversitatibus & erroribus universis, Ecclesia tua securâ tibi serviat libertate.

Tertia ad libitum.

Lectio Epistolæ beati Pauli Apostoli ad Thessalonicenses. I. 1.

Fratres, Grátias ágimus Deo semper pro omnibus vobis, memóriam vestri facientes in orationibus nostris sine intermissione, memores operis fidei vestræ, & laboris & charitatis, & sustinentiæ spei Domini nostri Jesu Christi, ante Deum & Patrem nostrum: scientes fratres, dilecti à Deo, electionem vestram: quia Evangelium nostrum non fuit ad vos in sermone tantum, sed & in virtute, & in Spiritu sancto, & in plenitudine multa, sicut scitis quales fuérimus in vobis propter vos. Et vos imitatores nostri facti estis & Domini, excipientes verbum in tribulatione multa, cum gaudio Spiritus sancti: ita ut facti sitis forma omnibus credentibus in Macedónia, & in Acháia. A vobis enim diffamatus est sermo Domini, non solum in Macedónia & in Acháia, sed & in omni loco fides

vestra, quæ est ad Deum, profecta est, ita ut non sit nobis necesse quidquam loqui. Ipsi enim de nobis annuntiant qualem introitum habuerimus ad vos: & quomodo conversi estis ad Deum à simulacris, servire Deo vivo, & vero, & expectare Filium ejus de coelis (quem suscitavit ex mortuis) Jesum, qui eripuit nos ab ira ventura.

Grad. Ps. 101. Timebunt Gentes nomen tuum, Domine, & omnes reges terræ gloriā tuam. *V.* Quoniam ædificavit Dominus Sion, & videbitur in majestate sua. Allelúia, allelúia.

V. Ps. 96. Dominus regnavit, exultet terra: lætentur insulæ multæ. Allelúia.

Sequētia sancti Evangelii secundum Matthæum. 13. d.

IN illo tempore: Dixit Jesus turbis parabolam hanc: Simile est regnum coelorum grano sinapis, quod accipiens homo seminavit in agro suo, quod minimum quidem est omnibus seminibus: cum autem creverit majus est omnibus olivis, & fit arbor, ita ut volucres coeli veniant, & habitent in ramis ejus. Aliam parabolam locutus est eis. Simile est regnum coelorum fermento, quod acceptum mulier abscondit in farinæ satis tribus, donec fermentatum est totum. Hæc omnia locutus est Jesus in parabolis ad turbas: & sine parabolis non loquebatur eis: ut impleretur quod dictum erat per Prophetam dicentem: Aperiam in parabolis os meum, eructabo abscondita à constitutione mundi. Credo.

Offert. Ps. 117. Dextera Domini fecit virtutem, dextera Domini exaltavit me: non moriar, sed vivam, & narrabo opera Domini.

Secreta.

HÆc nos oblatio, Deus, mundet, quæsumus, & renovet, gubernet, & protegat. Per Dñm.

Alia Secreta.

EXaudi nos, Deus salutaris noster: ut per hujus sacramenti virtutem, à cunctis nos mentis, & corporis hostibus tuearis; gratiam tribuens in presenti, & gloriā in futuro.

Tertia ad libitum.

Communio. Luc. 4. Mirabantur omnes de his, quæ procedebant de ore Dei.

Postcommunio.

Cœlestibus, Domine, pasti deliciis: quæsumus, ut semper eadem, per quæ veraciter vivimus, appetamus. Per Dñm.

Alia Postcommunio.

Mundet & muniat nos, quæsumus, Domine, divini sacramenti munus oblatum: & intercedente beatâ Virgine Dei genitrice Mariâ, cum beatis Apostolis tuis Petro & Paulo, atque beato N. & omnibus Sanctis; à cunctis nos reddat & perversitatibus expiatus, & adversitatibus expeditos.

Tertia ad libitum.

DOMINICA IN SEPTUAGESIMA.

Statio ad S. Laurentium extra muros.

Introitus. Psal. 17.

Circumdederunt me gemitus mortis, dolores infèrni circumdederunt me: & in tribulatione mea invocavi Dominum, & exaudivit de templo sancto suo vocem meam.

Ps. ibid. Diligam te, Domine, fortitudo mea: Dominus firmamentum meum, & refugium meum, & liberator meus. *V.* Glória Patri.

Non dicitur Glória in excelsis, ab hac Dominica usque ad Pascha, exceptis Feria v. in Coena Domini, & Sabbato sancto, & quando dicitur Missa de Festo.

Orémus.

Oratio.

PReces pópuli tui, quæsumus, Dómine, cleménter exáudi: ut qui justè pro peccátis nostris affligimur, pro tui nóminis glória misericórditer liberémur. Per Dñm.

Ad poscenda suffragia Sanctorum.

Oratio.

ACunctis nos, quæsumus, Dómine, mentis & córporis defénde periculis: & intercedénte beátâ & gloriósâ semper Vírgine Dei genitríce Mariâ, cum beátis Apóstolis tuis Petro & Paulo, atque beáto N. & ómnibus Sanctis, salútem nobis tríbe benignus, & pacem: ut destrúctis adversitatibus & erróribus univérsis, Ecclesiá tua secúrá tibi sérviat libertáte.

Tertia ad libitum.

¶ *Sic dicitur secunda & tertia Oratio à festo Purificationis usque ad Feriam iv. Cinerum exclusive, quando non est Duplex: nisi Dominica Septuagesimæ venerit ante festum Purificationis: vel in ipsa die Purificationis: quia tunc dicuntur Orationes sicut in Dominica ii. post Epiph. de S. Maria, & contra persecut. Ecclesiæ, vel pro Papa, fol. 44. Simili modo fiat in Sexagesima, & Quinquagesima.*

Léctio Epístolæ beáti Pauli Apóstoli ad Corínthios. I. 9 & 10. d.

FRatres, Nescitis quòd ii qui in stádio currunt, omnes quidem currunt, sed unus áccipit bravíum? Sic cúrrite ut comprehendátis. Omnis autem, qui in agóne conténdit, ab

ómnibus se ábstinet: & illi quidem ut corruptíblem corónam accípiant; nos autem incorruptam. Ego igitur sic curro, non quasi in incértum: sic pugno, non quasi áerem vérberans: sed castígo corpus meum, & in servitútem rédigo: ne fortè cum áliis prædicáverim, ipse réprobus efficiar. Nolo enim vos ignoráre fratres, quóniam patres nostri omnes sub nube fuérunt, & omnes máre transiérunt; & omnes in Móyse baptizáti sunt, in nube, & in mari: & omnes eámdem escam spiritalém manducavérunt, & omnes eúmdem potum spiritalém bibérunt: (bibébant autem de spiritali, consequénte eos, petrâ: petra autem erat Christus) sed non in plúribus eórum benèplácitum est Deo.

Grad. Ps. 9. Adjútor in opportunitatibus, in tribulatione: sperent in te, qui novérunt te: quóniam non derelínquis quæréntes te, Dómine. *V.* Quóniam non in finem oblívio erit páuperis: patiéntia páuperum non peribit in ætérnum: exúrge, Dómine, non præváleat homo.

Traetus. Ps. 129. De profúndis clamávi ad te, Dómine, Dómine, exáudi vocem meam. *V.* Fiant aures tuæ intendéntes in orationem servi tui. *V.* Si iniquitátes observáveris, Dómine, Dómine, quis sustinébit? *V.* Quia apud te propitiatio est, & propter legem tuam sustínui te, Dómine.

¶ *A Septuagesima usque ad Feriam quartam Cinerum, Traetus dicitur tantum in Dominicis, & Festis: in Feriis autem, quando repetitur Missa de Dominica, non dicitur, sed tantum Graduale.*

Sequentia sancti Evangelii secundum
Matthæum. 20.

IN illo tempore: Dixit Jesus discipulis
suis parabolam hanc: Simile est
regnum cœlorum homini patrifamilias,
qui exiit primo mane conducere ope-
rarios in vineam suam. Conventione
autem facta cum operariis ex denario
diurno, misit eos in vineam suam. Et
egressus circa horam tertiam, vidit
alios stantes in foro otiosos, & dixit
illis: Ite & vos in vineam meam, &
quod justum fuerit dabo vobis. Illi
autem abiierunt. Iterum autem exiit
circa sextam, & nonam horam: & fecit
similiter. Circa undecimam verò exiit,
& invenit alios stantes, & dicit illis:
Quid hic statis tota die otiosi? Dicunt
ei: Quia nemo nos conduxit. Dicit
illis: Ite & vos in vineam meam.
Cum ferò autem factum esset, dicit
dominus vineæ procuratori suo: Voca
operarios, & redde illis mercedem, in-
cipiens à novissimis usque ad primos.
Cum venissent ergo qui circa undè-
cimam horam venerant, acceperunt
singulos denarios. Venientes autem &
primi, arbitrati sunt quod plus essent
accepturi: acceperunt autem & ipsi
singulos denarios. Et accipientes
murmurabant adversus patremfamilias,
dicentes: Hi novissimi unâ horâ fecè-
runt, & pares illos nobis fecisti, qui
portavimus pondus diei, & æstus. At
ille respondens uni eorum, dixit: A-
mice, non facio tibi injuriam: nonne
ex denario convenisti mecum? Tolle
quod tuum est, & vade: volo autem
& huic novissimo dare sicut & tibi.
Aut non licet mihi, quod volo, facere?
an oculus tuus nequam est, quia ego
bonus sum? Sic erunt novissimi primi,

& primi novissimi. Multi enim sunt
vocati, pauci verò electi. Credo.

Offert. Ps. 91. Bonum est confiteri
Dómino, & psallere nómini tuo, Altí-
sime.

Secreta.

MUnéribus nostris, quæsumus, Dó-
mine, precibusque susceptis;
& cœlestibus nos munda mysteriis, &
clementer exaudi. Per Dñm.

*Si Dominica Septuagesimæ venerit ante
festum Purificationis, vel ipsa die Puri-
ficationis, Secreta de sancta Maria erit
Tua, Dómine, ut in ejusdem Missa vo-
tiva.*

Alia Secreta.

EXaudi nos, Deus salutaris noster:
ut per hujus sacraménti virtú-
tem, à cunctis nos mentis, & corpo-
ris hóstibus tuearis; grátiam tribuens
in præsentí, & glóriam in futuro.

Tertia ad libitum.

Commun. Ps. 30. Illúmina faciém
tuam super servum tuum, & salvum
me fac in tua misericórdia: Dómine,
non confundar, quóniam invocávi te.

Postcommunio.

Fidèles tui, Deus, per tua dona fir-
mentur: ut eadem & percipiéndò
requirant, & quæréndò sine fine per-
cipiant. Per Dñm.

Alia Postcommunio.

Mundet & múniat nos, quæsumus,
Dómine, divíni sacraménti mu-
nus oblátum: & intercedente beátâ
VírGINE Dei genitríce Mariâ, cum beá-
tis Apóstolis tuis Petro & Paulo, atque
beáto N. & ómnibus Sanctis; à cunctis
nos reddat & perversitatibus expiátos,
& adversitatibus expeditos.

Tertia ad libitum.

Benedicámus Dño. R. Deo grátias.

DOMINICA IN SEXAGESIMA.

*Statio ad sanctum Paulum.**Introitus. Psal. 43.*

EXúrge, quare obdórmis, Dómine? exúrge, & ne repéllas in finem; quare fáciem tuam avértis, oblivísceris tribulatióem nostram? adhæsit in terra venter noster: exúrge, Dómine, ádjuva nos, & líbera nos. *Pf. ib.* Deus, áuribus nostris audívimus: patres nostri annuntiavérunt nobis.

V. Glória Patri.

Orémus.

Oratio.

DEus, qui cónspic's, quia ex nulla nostra actióne confidimus: concede propítius; ut contra advérfa ómnia Doctóris Géntium protectiône muniamur. Per Dñm.

Ad poscenda suffragia Sanctorum. Oratio.

ACunctis nos, quæsumus, Dómine, mentis & córporis defénde periculis: & intercedénte beátâ & gloriósa semper Vírgine Dei genitríce Mariâ, cum beátis Apóstolis tuis Petro & Paulo, atque beáto N. & ómnibus Sanctis, salútem nobis tríbe benignus, & pacem: ut destrúctis adversitatibus & erróribus univérfis, Ecclesiá tua securá tibi sérviat libertáte.

Tertia ad libitum.

Lectio Epístolæ beati Pauli Apóstoli ad Corínthios. II. 11 & 12. d.

FRatres, Libénter suffértis insipientes: cùm sitis ipsi sapiéntes: Sustinétis enim si quis vos in servitútem rédigat, si quis dévorat, si quis áccipit, si quis extóllitur, si quis in fáciem vos cædit. Secúndum ignobilitátem dico, quasi nos infirmi fuérimus in hac parte. In quo quis audet (in insipientia dico) áudeo & ego: Hebræi sunt, & ego:

Israélitæ sunt, & ego: Semen Abrahæ sunt, & ego: minístri Christi sunt (ut minús sapiéns dico) plus ego: in laboribus plúrimis, in carcéribus abundantiús, in plagis suprà modum, in mórtibus fréquenter. A Judæis quínquies quadragénas, unâ minus, accépi. Ter virgis cæsus sum, semel lapidátus sum, ter naufrágium feci, nocte & die in profúndo maris fui, in itinéribus sæpè, periculis flúminum, periculis latrónum, periculis ex génere, periculis ex Géntibus, periculis in civitáte, periculis in solitúdine, periculis in mari, periculis in falsis frátribus: in lábore & ærúmna, in vigiliis multis, in fame & siti, in jejúniis multis, in frígore & nuditáte: præter illa quæ extrínsecus sunt, instántia mea quotidiana, sollicitúdo ómnium Ecclesiárum. Quis infirmáture, & ego non infirmor? quis scandalizátur, & ego non uror? Si gloriári opórtet, quæ infirmitátis meæ sunt, gloriábor. Deus & Pater Dómini nostri Jesu Christi, qui est benedíctus in sæcula, scit quòd non méntior. Damásci præpósitus Gentis Àretæ regis, custodiébat civitátem Damascenórum, ut me comprehénderet: & per fenéstram in sporta dimíssus sum per murum, & sic effúgi manus ejus. Si gloriári opórtet (non expedit quidem) véniam autem ad visiões, & revelatiões Dómini. Scio hóminem in Christo ante annos quatuórdecim (sive in corpore, nescio, sive extra corpus nescio, Deus scit) raptum hujúsmodi usque ad tertium coelum. Et scio hujúsmodi hóminem (sive in corpore, sive extra corpus, nescio, Deus scit) quóniam raptus est in Paradísus.

& audivit arcana verba, quæ non licet homini loqui. Pro hujusmodi gloriabor: pro me autem nihil gloriabor nisi in infirmitatibus meis. Nam, & si voluero gloriari, non ero insipiens: veritatem enim dicam: parco autem, ne quis me existimet supra id quod videt in me, aut aliquid audit ex me. Et ne magnitudo revelationum extollat me, datus est mihi stimulus carnis meæ angelus satanæ, qui me colaphizet. Propter quod ter Dominum rogavi ut discederet à me: & dixit mihi: Sufficit tibi grátia mea: nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi.

Grad. Ps. 82. Sciant Gentes, quoniam nomen tibi Deus: tu solus Altissimus super omnem terram. *V.* Deus meus, pone illos ut rotam, & sicut stipulam ante faciem venti.

Tract. Ps. 59. Commovisti, Domine, terram, & conturbasti eam. *V.* Sana contritiones ejus, quia mota est. *V.* Ut fugiant à facie arcus: ut liberentur electi tui.

Sequéntia sancti Evangelii secundum Lucam. 8.

In illo tempore: Cum turba plurima convenirent, & de civitatibus properarent ad Jesum, dixit per similitudinem: Exiit, qui seminat, seminare semen suum: & dum seminat, aliud cecidit secus viam, & conculcatum est, & volucres cœli comedérunt illud. Et aliud cecidit supra petram: & natum aruit, quia non habebat humorem. Et aliud cecidit inter spinas, & simul exortæ spinæ suffocavérunt illud. Et aliud cecidit in terram bonam: & or-

tum fecit fructum centuplum. Hæc dicens, clamabat: Qui habet aures audiendi, audiat. Interrogabant autem eum discipuli ejus, quæ esset hæc parabola. Quibus ipse dixit: vobis datum est nosse mysterium regni Dei, cæteris autem in parabolis: ut videntes non videant, & audientes non intèlligant. Est autem hæc parabola: Semen est verbum Dei. Qui autem secus viam, hi sunt qui audiunt; deinde venit diabolus, & tollit verbum de corde eorum, ne credentes salvi fiant. Nam qui supra petram: qui cum audierint, cum gaudio suscipiunt verbum: & hi radices non habent: qui ad tempus credunt, & in tempore tentationis recedunt. Quod autem in spinas cecidit: hi sunt, qui audierunt, & à solitudinibus, & divitiis, & voluptatibus vitæ eûntes, suffocantur, & non referunt fructum. Quod autem in bonam terram: hi sunt, qui in corde bono & optimo audientes verbum retinent, & fructum afferunt in patientia. Credo.

Offert. Ps. 16. Perfice gressus meos in semitis tuis, ut non moveantur vestigia mea: inclina aurem tuam, & exaudi verba mea: mirifica misericordias tuas, qui salvos facis sperantes in te, Domine.

Secreta.

Oblatum tibi, Domine, sacrificium vivificet nos semper & muniat. Per Dñm.

Alia Secreta.

Exaudi nos, Deus salutaris noster: ut per hujus sacramenti virtutem, à cunctis nos mentis & corporis hostibus tuearis; grátiam tribuens in præsentem, & glóriam in futuro.

Tertia ad libitum.

Communio. Ps. 42. Introibo ad altare Dei, ad Deum qui lætificat juventutem meam.

Postcommunio.

Supplices te rogāmus, omnipotens Deus: ut quos tuis réficis sacraméntis, tibi étiam plácitis móribus dignāter deservire concédas. Per Dñm

Alia Postcommunio.

Mundet & múniat nos, quæsumus, Dómine, divíni sacraménti munus oblátum: & intercedente beátâ Virgine Dei genitríce Mariâ, cum beátis Apóstolis tuis Petro & Paulo, atque beáto N. & ómnibus Sanctis; á cunctis nos reddat & perversitatibus expiátos, & adversitatibus expeditos.

Tertia ad libitum.

Benedicāmus Dómino.

DOMINICA IN QUINQUAGES.

Statio ad sanctum Petrum.

Introitus. Psal. 30.

Esto mihi in Deum protectórem, & in locum refúgi, ut salvum me fácias: quóniam firmaméntum meum, & refúgium meum es tu: & propter nomen tuum dux mihi eris, & enútries me. *Ps. ib.* In te, Dómine, sperávi, non confundar in ætérnum: in iustítia tua libera me, & éripe me. *V. Glória Patri.*

Orémus.

Oratio.

Preces nostras, quæsumus, Dómine, cleménter exáudi: atque à peccatórum v́nculis absolútos, ab omni nos adversitatē custódi. Per Dñm.

Ad poscenda suffragia Sanctorum. Oratio.

Acunctis nos, quæsumus, Dómine, mentis & córporis defénde periculis: & intercedente beátâ & gloriósâ

semper Virgine Dei genitríce Mariâ, cum beátis Apóstolis tuis Petro & Paulo, atque beáto N. & ómnibus Sanctis, salutem nobis tribue benignus, & pacem: ut destrúctis adversitatibus & erroribus univérfis, Ecclesiá tua secúrá tibi sèrviat libertáte.

Tertia ad libitum.

Lectio Epístolæ beáti Pauli Apóstoli ad Corínthios. I. 13. d.

Fratres, Si linguis hóminum loquar, & Angelórum, charitátem autem non hábeam, factus sum velut æs sonans, aut cymbalum tinniens. Et si habúero prophetíam, & nóverim mystéria ómnia, & omnem sciéntiam: & si habúero omnem fidem, ita ut montes transférám, charitátem autem non habúero, nihil sum. Et si distribúero in cibos páuperum omnes facultátes meas, & si tradídero corpus meum ita ut árdeam, charitátem autem non habúero, nihil mihi prodest. Cháritas pátiens est, benígna est: Cháritas non æmulátur, non agit pérperám, non inflátur, non est ambitiósa, non quærit quæ sua sunt, non irritátur, non cógitat malum, non gaudet super iniquitatē, congáudet autem veritatí: ómnia suffert, ómnia credit, ómnia sperat, ómnia sústinet. Cháritas numquam excídit: si ve prophetiæ evacuébuntur, si ve linguæ cessábunt, si ve sciéntia destruetúr. Ex parte enim cognóscimus, & ex parte prophetámus. Cúm autem vénerit quod perfectum est, evacuábitur quod ex parte est. Cúm essem párvulus, loquébar ut párvulus, sapiébam ut párvulus, cogitábam ut párvulus. Quando autem factus sum vir, evacuávi quæ erant pár-

vuli. Videmus nunc per speculum in ænigmate: tunc autem facie ad faciem. Nunc cognosco ex parte: tunc autem cognoscam sicut & cognitus sum. Nunc autem manent, fides, spes, charitas, tria hæc: major autem horum est charitas.

Grad. Ps. 76. Tu es Deus, qui facis mirabilia solus: notam fecisti in Gentibus virtutem tuam. *V.* Liberasti in brachio tuo populum tuum, filios Israël & Joseph.

Tractus. Ps. 99. Jubilate Deo, omnis terra: servite Domino in lætitia.

V. Intrate in conspectu ejus in exultatione: scitote quod Dominus ipse est Deus. *V.* Ipse fecit nos, & non ipsi nos: nos autem populus ejus, & oves pascuæ ejus.

Sequentia sancti Evangelii secundum Lucam. 18. f.

IN illo tempore: Assumpsit Jesus duodecim, & ait illis: Ecce ascendimus Jerosolymam, & consummabuntur omnia, quæ scripta sunt per Prophetas de Filio hominis. Tradetur enim Gentibus, & illudetur, & flagellabitur, & conspuetur: & postquam flagellaverint, occident eum, & tertiâ die resurget. Et ipsi nihil horum intellexerunt, & erat verbum istud absconditum ab eis, & non intelligebant quæ dicebantur. Factum est autem, cum appropinquaret Jericho, cæcus quidam sedebat secus viam, mendicans. Et cum audiret turbam prætereuntem, interrogabat quid hoc esset. Dixérunt autem ei, quod Jesus Nazarenus transiret. Et clamavit, dicens: Jesu fili David, miserere mei. Et qui præibant, increpabant eum ut taceret. Ipse verò

multò magis clamabat: Fili David miserere mei. Stans autem Jesus, jussit illum adduci ad se. Et cum appropinquasset, interrogavit illum, dicens: Quid tibi vis faciam? At ille dixit: Domine, ut videam. Et Jesus dixit illi: Respice, fides tua te salvum fecit. Et confestim vidit, & sequebatur illum, magnificans Deum. Et omnis plebs ut vidit, dedit laudem Deo. Credo.

Offert. Ps. 118. Benedictus es, Domine, doce me justificationes tuas: in labiis meis pronuntiavi omnia judicia oris tui.

Secreta.

HÆc hostia, Domine, quaesumus, emundet nostra delicta: & ad sacrificium celebrandum, subditorum tibi corpora, mentesque sanctificet. Per Dominum.

Alia Secreta.

EXaudi nos, Deus salutaris noster: ut per hujus sacramenti virtutem, à cunctis nos mentis & corporis hostibus tuearis; gratiam tribuens in præsentia, & gloriam in futuro.

Tertia ad libitum.

Communio. Ps. 77. Manducaverunt, & saturati sunt nimis, & desiderium eorum attulit eis Dominus: non sunt fraudati à desiderio suo.

Postcommunio.

Quaesumus, omnipotens Deus: ut qui coelestia alimenta percépimus, per hæc contra omnia adversa muniamur. Per Dñm.

Alia Postcommunio.

Mundet & muniat nos, quaesumus, Domine, divini sacramenti munus oblatum: & intercedente beatâ Virgine Dei genitrice Mariâ, cum bea-

tis Apóstolis tuis Petro & Paulo, atque beáto N. & ómnibus Sanctis; à cunctis nos reddat & perversitatibus expiátos, & adversitatibus expeditos.

Tertia ad libitum.

Benedicámus Dómino.

FERIA IV. CINERUM.

Ante Missam benedicuntur Cineres facti de Ramis olivarum, sive aliarum arborum, præcedenti anno benedictis, hoc modo.

Finita Nona, Sacerdos indutus pluviáli violaceo, vel sine casula, cum Ministris similiter indutis, procedit ad benedicendum Cineres in vase aliquo super Altari positos. Et primo cantatur à Choro sequens Antiphona.

Psal. 68. **E**Xáudi nos, Dómine, quóniam benígna est misericórdia tua: secúndum multitudinem miserationum tuárum réspice nos, Dómine.

Pf. ib. Salvum me fac, Deus: quóniam intravérunt aquæ usque ad ánimam meam. *V.* Glória Patri.

Repetitur, Exáudi nos.

Deinde Sacerdos in cornu Epistolæ, non vertens se ad populum manibus junctis (quod servatur etiam in Orationibus omnium benedictionum quoad manus junctas) dicit Dóminus vobíscum.

R. Et cum spíritu tuo.

Orémus.

Oratio.

OMnípotens sempitérne Deus, parce poenitentibus, propitiare supplicántibus, & mittere dignéris sanctum Angelum tuum de coelis, qui benedícat, & sanctífícat hos cineres, ut sint remédium salúbre ómnibus nomen sanctum tuum humíliter implorántibus, ac semetipsos pro consciéntia delictórum suórum accusántibus, ante

conspéctum divínæ cleméntiæ tuæ facinora sua deplorántibus, vel sereníssimam pietátem tuam suppliciter obnixéque flagilántibus: & præsta per invocationem sanctíssimi nóminis tui: ut quicúmque per eos aspérsi fuerint, pro redemptione peccatórum suórum, córporis sanitatē, & ánimæ tutelam percípiant. Per Christum Dóminum nostrum. *R.* Amen.

Orémus.

DEus, qui non mortem, sed poenitentiam desíderas peccatórum: fragilitátem conditionis humanæ benigníssimè réspice; & hos cineres, quos causá proferendæ humilitátis, atque promerendæ véniæ, capítibus nostris imponi decémimus, bene & dicere pro tua pietáte dignáre: ut, qui nos cinerem esse, & ob pravitátis nostræ deméritum in púlverem reversúros cognóscimus; peccatórum ómnium véniam, & præmia poenitentibus re-promíssa, misericórditer cónsequi mereámur. Per Christum Dóminum nostrum. *R.* Amen.

Orémus.

DEus, qui humiliatione flécteris, & satisfactióne placáris: aurem tuæ pietátis inclína précibus nostris; & capítibus fervórum tuórum, horum cinerum aspersióne contáctis, effúnde propítius grátiam tuæ benedictiónis: ut eos & spíritu compunctiónis répleas, & quæ justè postuláverin., efficaciter tríbuas, & concéssa perpétuò stabilita, & intácta manére decernas. Per Christum Dóminum nostrum. *R.* Amen.

Orémus.

OMnípotens sempitérne Deus, qui Ninivítis in cinere, & cilicio

pœnitentibus, indulgentiæ tuæ remedia præstitisti: concède propitius, ut sic eos imitemur habitu, quatenus veniæ prosequamur obtentu. Per Dñm.

¶ *Postea Celebrans imposito incenso in thuribulo, ter aspergit Cineres aqua benedicta, dicendo Antiphonam, Asperges. sine cantu & sine Psalmo, & ter adolet incenso. Deinde dignior Sacerdos ex Clero accedens ad Altare, imponit Cinere Celebranti non genuflexo. Si vero non adsit alius Sacerdos, ipsemet Celebrans genibus flexis coram Altari, sibi ipsi Cineres imponit in capite, nihil dicens: & cantatur statim à Choro Antiphona.*

Joel **I**mmutemur habitu, in cinere & cilicio, jejunemus, & ploremus ante Dñm: quia multum misericors est dimittere peccata nostra Deus noster.

Alia Antiphona.

Joel ib. Inter vestibulum & Altare plorabunt Sacerdotes ministri Dñi, & dicent: Parce, Dñmine, parce populo tuo: & ne claudas ora canentium te, Dñmine.

Sequitur R. Esth. 13. Joel 2. Emen-
demus in melius quæ ignoranter peccavimus: ne subito præoccupati die mortis, quæramus spatium pœnitentiæ, & invenire non possimus. * Attende, Dñmine, & miserere: quia peccavimus tibi. *V. Ps. 78.* Adjuva nos, Deus salutaris noster: & propter honorem nominis tui, Dñmine, libera nos. Attende, Dñmine. *V. Gloria Patri, & Filio, & Spiritui sancto.* Attende.

¶ *Sacerdos vero, dum cantantur Antiphonæ, & Responsorium, detecto capite, primò imponit Cineres digniori Sacerdoti,*

à quo ipse accepit, deinde ministris paratis, genibus flexis coram Altari, dicens: Memento homo, quia pulvis es, & in pulverem revertéris.

Postea veniunt alii, primo Clerus per ordinem, deinde populus: & genibus flexis ante Altare singulatim recipiunt Cineres à Sacerdote, ut dictum est de ministris. Completa Cinerum impositione, Sacerdos dicit: Dñminus vobiscum.

Orémus.

Concède nobis, Dñmine, præsidia militiæ Christiænæ sanctis inchoare jejuniis: ut contra spiritales nequities pugnaturi, continentiae muniamur auxiliis. Per Christum Dñm nostrum. *R. Amen.*

¶ *Deinde dicitur Missa.*

Statio ad S. Sabinam.

Introitus. Sap. 11.

Misereris omnium, Dñmine, & nihil odisti eorum quæ fecisti, dissimulans peccata hominum propter pœnitentiam, & parcens illis: quia tu es Dñminus Deus noster.

Pf. 56. Miserere mei, Deus, miserere mei: quoniam in te confidit anima mea. *V. Gloria Patri.*

Orémus.

Oratio.

Præsta, Dñmine, fidelibus tuis: ut jejuniorum veneranda solèmnia, & congruâ pietate suscipiant, & securâ devotione percùrrant. Per Dñm.

¶ *Ab hac die, usque ad Dominicam de Passione, post Orationem diei dicuntur duæ sequentes Orationes.*

Ad poscenda suffragia Sanctorum. Oratio.

Acunctis nos, quæsumus, Dñmine, mentis & corporis defende periculis: & intercedente beata & gloriosa

semper Virgine Dei genitrice Mariâ, cum beâtis Apóstolis tuis Petro & Paulo, atque beâto N. & omnibus Sanctis, salutem nobis tribue benignus, & pacem: ut destrúctis adversitatibus & erroribus univérſis, Ecclésia tua securâ tibi fêrviat libertate.

Pro Vivis & Defunctis. Oratio.

OMnípotens sempitérne Deus, qui vivórum dominâris simul & mortuórum, omniumque miseréris, quos tuos fide & opere futúros esse prænoſcis: te súpplices exorâmus; ut, pro quibus effúndere preces decrevimus, quosque vel præſens sæculum adhuc in carne rétinet, vel futúrum jam exútos corpore fuscépit; intercedéntibus omnibus Sanctis tuis, pietâtis tuæ cleméntiâ, omnium delictórum fuórum véniam consequántur. Per Dñm.

Lectio Joëlis Prophætæ. 2. c.

HÆc dicit Dóminus: Convertimini ad me in toto corde vestro, in jejúnio, & in fletu, & in planctu. Et scíndite corda vestra, & non vestiménta vestra, & convertimini ad Dóminum Deum vestrum: quia benignus & misericors est, pátiens & multæ misericórdiæ, & præstábilis super malítia. Quis scit si convertátur, & ignóſcat, & relínquat post se benedictiónem, sacrificium & libámen Dómino Deo vestro? Cánite tubâ in Sion, sanctificáte jejúnium, vocáte coetum, congregáte pópulum, sanctificáte Ecclésiám, coadunáte fenes, congregáte párvulos, & fugéntes úbera: egrediátur sponsus de cubíli suo, & sponsa de thálamo suo. Inter vestibulum & altáre plorábunt sacerdótes minístri Dómini, & dicent: Parce, Dómine, parce pópulo tuo: &

ne des hereditátem tuam in oppróbrium, ut dominéntur eis nátiónes. Quare dicunt in pópulis: Ubi est Deus eórum? Zelátus est Dóminus terram suam, & pepércit pópulo suo. Et rêspondit Dóminus, & dixit pópulo suo. Ecce ego mittam vobis fruméntum, & vinum, & óleum, & replebímmini eis: & non dabo vos ultrâ oppróbrium in Géntibus, dicit Dóminus omnípotens.

Grad. Ps. 56. Miserere mei, Deus, miserere mei: quóniam in te confidit ánima mea. V. Misit de cœlo, & liberávit me: dedit in oppróbrium conculcántes me.

Tractus. Ps. 102. Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis. V. Ps. 78. Dómine, ne memínêris iniquitátum nostrárum antiquárum, citò anticipent nos misericórdiæ tuæ, quia páuperes facti sumus nimis. V. Ps. ib. [Ad hunc versum genuflectitur.] Adjuva nos, Deus, salutáris noster: & propter glóriam nóminis tui, Dómine, libera nos: & propítius esto peccátis nostris, propter nomen tuum.

¶ *Supradictus Tractus ab hac die dicitur Feria ii. iv. & vi. usque ad Feriam iv. majoris Hebdomadæ, nisi proprius assignetur.*

Sequéntia sancti Evangélíi secúndum Matthæum. 6. d.

IN illo témpore: Dixit Jesus discípulis suis: Cùm jejúnátis, nolíte fieri sicut hypócritæ tristes. Extérminant enim fácies suas, ut appáreant homínibus jejunántes. Amen dico vobis, quia recepérunt mercédem suam. Tu autem, cùm jejúnas, unge caput tuum,

& faciem tuam lava, ne videaris hominibus jejúnans, sed Patri tuo, qui est in abscondito: & Pater tuus, qui videt in abscondito, reddet tibi. Nolite thesaurizare vobis thesauros in terra: ubi ærugo, & tinea demolitur: & ubi fures effodiunt, & furantur. Thesaurizate autem vobis thesauros in coelo: ubi neque ærugo, neque tinea demolitur; & ubi fures, non effodiunt, nec furantur. Ubi enim est thesaurus tuus, ibi est & cor tuum.

Offert. Ps. 29. Exaltábo te, Dómine, quóniam suscepisti me, nec delectásti inimicos meos super me: Dómine, clamávi, ad te, & sanásti me.

Secreta.

FAc nos, quæsumus, Dómine, his munéribus offerendis conveniénter aptári: quibus ipsius venerábilis sacraménti celebrámus exórdium. Per Dñm.

Aliæ Secretæ usq; ad Dominicam Passionis.

EXáudi nos, Deus salutáris noster: ut per hujus sacraménti virtutem, à cunctis nos mentis & corporis hóstibus tueáris; grátiam tribuens in præsentí, & glóriam in futúro.

DEus, cui soli cógnitus est númerus electórum in supérna felicitáte locándus: tribue, quæsumus: ut intercedéntibus ómnibus Sanctis tuis, universórum, quos in oratióne commendátos suscepimus, & ómnium fidélium nómina, beatæ prædestinatiónis liber adscrípta retíneat. Per Dñm.

Præf. Qui corporáli jejúnio.

Et dicitur quotidie usque ad Dominicam Passionis, etiam in Festis, si in eis propria non habeatur.

Commun. Ps. 1. Qui meditábitur in

lege Dómini die ac nocte, dabit fructum suum in témpore suo.

Postcommunio.

Percépta nobis, Dómine, præbeant sacraménta subsidium: ut tibi grata sint nostra jejúnia, & nobis proficiant ad medélam. Per Dñm.

Aliæ Postcommuniones.

MUndet & múniat nos, quæsumus, Dómine, divíni sacraménti munus oblátum: & intercedénte beatá Virgine Dei genitríce Mariá, cum beátis Apóstolis tuis Petro & Paulo, atque beáto N. & ómnibus Sanctis; à cunctis nos reddat & perversitatibus expiátos, & adversitatibus expeditos.

Puríficent nos, quæsumus, omnípotens & misericors Deus, sacraménta quæ sumpsimus: & intercedéntibus ómnibus Sanctis tuis, præsta: ut hoc tuum sacraméntum non sit nobis reátus ad pœnam, sed intercésio salutáris ad véniam: sit ablútio scélerum, sit fortitúdo fragílium, sit contra ómnia mundi perícula firmaméntum: sit vivórum atque mortuórum fidélium, remíssio ómnium delictórum. Per Dñm.

Deinde Sacerdos absolute dicit: Orémus. Et Diaconus (si in Officio Diaconatus serviat) versus ad populum junctis manibus dicit: Humiliáte capita vestra Deo. Alioquin ipse Sacerdos stans in eodem loco ante librum, & non vertens se ad populum, caput inclinans.

Oratio.

Inclinántes se, Dómine, majestáti tuæ, propitiátus inténde: ut qui divíno múnere sunt refécti, coeléstibus semper nutriántur auxiliis. Per Dñm.

Et hic modus dicendi Orationem super

populum servatur tantummodo in Missis de Feria usque ad quartam Feriam maioris Hebdomadæ.

Deinde Benedicamus Dómino.

R. Deo grátias.

F E R I A Q U I N T A.

Statio ad sanctum Georgium.

Introitus. Psal. 54.

Dum clamárem ad Dóminum, exaudívit vocem meam ab his, qui appropínquant mihi: & humiliávit eos, qui est ante sæcula, & manet in ætérnum: iacta cogitátum tuum in Dómino, & ipse te enútriet.

Psal. ib. Exáudi, Deus, oratióem meam, & ne despéxeris deprecationem meam, inténde mihi, & exáudi me.

V. Glória Patri.

Orémus.

Oratio.

Deus, qui culpâ offénderis, pœnitentiâ placáris: preces pópuli tui supplicántis propítius réspice: & flagélla tuæ iracúndiæ, quæ pro peccátis nostris merémur, avérte. Per.

Alice Orationes, ut supra in Feria quarta Cinerum, fol. 56.

Léctio Isaíæ Prophétæ. 38.

In diébus illis: Ægrotávit Ezechías usque ad mortem: & introívit ad eum Isaías filius Amos Prophéta, & dixit ei: Hæc dicit Dóminus: Dispóne dómui tuæ, quia moriéris tu, & non viues. Et convértit Ezechías faciém suam ad parietem, & orávit ad Dóminum, & dixit: óbsecro, Dómine, mémento, quæso, quómodo ambuláverim coram te in veritáte, & in corde perfécito, & quod bonum est in óculis tuis fécerim. Et flevit Ezechías fletu magno. Et factum est verbum Dómini

ad Isaíam, dicens: Vade, & dic Ezechíæ: Hæc dicit Dóminus Deus David patris tui: Audívi oratióem tuam, & vidi láchrymas tuas: ecce ego adjiciam super dies tuos quíndecim annos: & de manu regis Assyriórum eruam te, & civitátem istam: & prótegam eam, ait Dóminus omnipotens.

Grad. Ps. 54. Iacta cogitátum tuum in Dómino, & ipse te enútriet.

V. Dum clamárem ad Dóminum, exaudívit vocem meam ab his, qui appropínquant mihi.

Sequéntia sancti Evangélíi secúndum Matthæum. 8.

In illo témpore: Cùm introísset Jesus Caphárnaüm, accéssit ad eum Centúrio, rogans eum, & dicens: Dómine, puer meus jacet in domo paralyticus, & malè torquétur. Et ait illi Jesus: Ego véniam, & curábo eum. Et respondens Centúrio, ait: Dómine, non sum dignus ut intres sub tectum meum: sed tantum dic verbo, & sanábitur puer meus. Nam & ego homo sum sub potestáte constitútus, habens sub me mílites, & dico huic: Vade, & vadit: & alii: Veni, & venit: & servo meo: Fac hoc, & facit. Aúdiens autem Jesus, mirátus est, & sequéntibus se dixit: Amen dico vobis, non invéni tantam fidem in Israél. Dico autem vobis, quod multi ab Oriénte & Occidente vénient, & recumbent cum Abraham, & Isaac, & Jacob in regno coelórum: filii autem regni ejiciéntur in ténebras exterióres: ibi erit fletus, & stridor déntium. Et dixit Jesus Centurióni: Vade, & sicut credidísti, fiat tibi. Et sanátus est puer in illa hora.

Offert. Ps. 24. Ad te, Dómine, levávi

ánimam meam : Deus meus, in te confido, non erubescam : neque irrideant me inimici mei : etenim universi, qui te expectant, non confundentur.

Sacrificiis presentibus, Domine, quaesumus, intende placatus : ut & devotioni nostrae proficiant, & salutis. Per Dñm.

Aliae Secretae, ut in Feria quarta Cinerum, fol. 58.

Communio. Ps. 50. Acceptabis sacrificium iustitiae, oblationes, & holocausta, super altare tuum, Domine.

Postcommunio.

Coelstis doni benedictione percepta, supplices te, Deus omnipotens, deprecamur : ut hoc idem nobis & sacramenti causa sit, & salutis. Per Dñm.

Aliae Postcommuniones, ut in Feria quarta Cinerum, fol. 58.

Super populum. Orémus.
Humiliate capita vestra Deo.

Oratio.

Parce, Domine, parce populo tuo : ut dignis flagellationibus castigatus, in tua miseratione respiret. Per.

F E R I A S E X T A.

Statio ad SS. Joannem & Paulum.

Introitus. Psal. 29.

Audivit Dominus, & misertus est mihi : Dominus factus est adiutor meus. *Ps. ib.* Exaltabo te, Domine, quoniam suscepisti me : nec delectasti inimicos meos super me. *V. Gloria.*

Orémus. Oratio.

Inchoata jejunia, quaesumus, Domine, benigno favore proficere : ut observantiam, quam corporaliter exhibemus, mentibus etiam sinceris exercere valeamus. Per Dñm.

Aliae Orationes, ut in Feria quarta Cinerum, fol. 56.

Lectio Isaiae Prophetae. 58.

Haec dicit Dominus Deus : Clama, ne cesses : quasi tuba exalta vocem tuam, & annuntia populo meo scelera eorum, & domui Jacob peccata eorum. Me etenim de die in diem quaerunt, & scire vias meas volunt : quasi gens, quae iustitiam fecerit, & iudicium Dei sui non dereliquerit : rogant me iudicia iustitiae : appropinquare Deo volunt. Quare jejunavimus, & non aspexisti : humiliavimus animas nostras, & nescisti ? Ecce in die jejunii vestri invenitur voluntas vestra, & omnes debitores vestros repetitis. Ecce ad lites & contentiones jejunatis, & percutitis pugno impiè. Nolite jejunare sicut usque ad hanc diem, ut audiatur in excelsis clamor vester. Numquid tale est jejunium, quod elegi, per diem affligere hominem animam suam ? numquid contorquere quasi circulum caput suum, & saccum & cinerem sternere ? numquid istud vocabitis jejunium, & diem acceptabilem Domino ? Nonne hoc est magis jejunium quod elegi ? dissolve colligationes impietatis, solve fasciculos deprimentes ; dimitte eos, qui confracti sunt, liberos, & omne onus dirumpe. Frange esurienti panem tuum, & egenos vagosque induc in domum tuam : cum videris nudum, operi eum ; & carnem tuam ne despexeris. Tunc erumpet quasi manè lumen tuum, & sanitas tua citius oriètur, & anteibit faciem tuam iustitia tua, & gloria Domini colliget te. Tunc invocabis, & Dominus exaudiet : clamabis, & dicet, Ecce adsum. Quia misericors sum, Dominus Deus tuus.

Grad. Ps. 26. Unam petii à Dómino, hanc requíram, ut inhábitem in domo Dómini. *V.* Ut vídeam voluptátem Dómini: & prótegar à templo sancto ejus.

Tracl. Ps. 102. Dómine, non secúndum peccáta nostra, quæ fécimus nos: neque secúndum iniquitátes nostras retríbuas nobis. *V.* Dómine, ne mémineris iniquitátum nostrárum antiqúarum, citò anticipent nos misericórdiæ tuæ, quia páuperes facti sumus nimis. *V.* [*Hic genuflectitur.*] Adjuva nos, Deus salutáris noster: & propter glóriam nóminis tui, Dómine, libera nos: & propítius esto peccátis nostris, propter nomen tuum.

Sequéntia sancti Evangélíi secúndum Matthæum. 5. c.

IN illo témpore: Dixit Jesus discípu-
lis suis: Audístis quia dictum est: Díliges próximum tuum, & ódio habé-
bis inimicum tuum. Ego autem dico
vobis: Dígite inimícos vestros, bene-
facite his qui odérunt vos: & oráte
pro persequéntibus, & calumniántibus
vos: ut sitis filii Patris vestri, qui in
cælis est: qui solem suum oríri facit
super bonos & malos, & pluit super
iustos & iniustos. Si enim dígitis eos
qui vos dígunt, quam mercédem ha-
bébitis? nonne & publicáni hoc faci-
unt? Et si salutavéritis fratres vestros
tantum; quid ámplius fácitis? nonne
& éthnici hoc faciunt? Estóte ergo
vos perfecti, sicut & Pater vester cœ-
lestis perfectus est. Atténdite ne iustí-
tiam vestram faciátis coram homíni-
bus, ut videámini ab eis: alióquin
mercédem non habébitis apud Patrem
vestrum, qui in cœlis est. Cùm ergo

facis eleëmósynam, noli tubâ canere
ante te, sicut hypócritæ faciunt in sy-
nagógis, & in vicis, ut honorificentur
ab homínibus. Amén dico vobis, rece-
pérunt mercédem suam. Te autem
faciente eleëmósynam, nésciat sinístra
tua quid faciat dextera tua: ut sit
eleëmósyna tua in abscondito; & Pater
tuus, qui videt in abscondito, reddet
tibi.

Offert. Ps. 118. Dómine, vivífica me:
secúndum elóquium tuum: ut sciam
testimónia tua.

Secreta.

SAcrificium, Dómine, observántiæ
quadagesimális, quod offérimus,
præsta, quæsumus, ut tibi & mentes
nostras reddat accéptas, & continéntiæ
promptiôris nobis tríbuat facultátem.
Per Dñm.

*Aliæ Secretæ, ut in Feria quarta Ci-
nerum, fol. 58.*

Communio. Ps. 2. Servíte Dómino in
timóre, & exultáte ei cum tremóre:
apprehéndite disciplínam, ne pereátis
de via iusta.

Postcommunio.

SPíritum nobis, Dómine, tuæ chari-
tátis infúnde: ut quos uno pane
cœlesti satiásti, tuâ facias pietáte con-
córdes. Per Dñm . . . in unitáte ejús-
dem Spíritus sancti.

*Aliæ Postcommuniones, ut in Feria
quarta Cinerum, fol. 58.*

Super populum. Orémus.
Humiliáte cápita vestra Deo.

Oratio.

TUére, Dómine, pópulum tuum,
& ab ómnibus peccátis cleménter
emúnda: quia nulla ei nocébit advér-
sitas, si nulla ei dominétur iníquitas.
Per Dñm.

S A B B A T O.

*Statio ad sanctum Tryphonem.**Introitus. Psal. 29.*

A Udívit, Dóminus, & misértus est mihi: Dóminus factus est adjutor meus. *Pf. ib.* Exaltábo te, Dómine, quóniam suscepísti me: nec delectásti inimícos meos super me. *V. Gloria.*

*Orémus.**Oratio.*

A Désto, Dómine, supplicatióibus nostris, & concéde: ut hoc solémne jejúnium, quod animábus corporibúsque curándis salúbriter institútum est, devóto servítio celebrémus. *Per Dñm.*

Aliæ Orationes, ut in Feria quarta Cinerum, fol. 56.

Lectio Isaíæ prophétæ. 58.

HÆc dicit, Dóminus Deus: Si abstúleris de médio tui caténam, & desíeris exténdere dígitum, & loqui quod non prodest. Cùm effúderis esuriénti ánimam tuam, & ánimam afflictam repléveris, oriétur in ténebris lux tua, & ténebræ tuæ erunt sicut merí-dies. Et réquiem tibi dabit Dóminus semper, & implébit splendóribus ánimam tuam, & ossa tua liberábit; & eris quasi hortus irríguus, & sicut fons aquárum, cujus non deficient aquæ. Et ædificabúntur in te desérta sæculórum: fundaménta generatiónis & generatiónis fuscitábis: & vocáberis ædificátor sèpium, avértens fémitas in quiétem. Si avérteris à sabbato pedem tuum, fácere voluntátem tuam in die sancto meo, & vocáveris sabbatum delicátum, & sanctum Dómini gloriósum, & gloriificáveris eum, dum non facis vias tuas, & non invenítur volúntas tua, ut loquáris sermónem: Tunc de-

lectáberis super Dómino, & sustollam te super altitú-dines terræ, & cibábo te hereditáte Jacob patris tui. Os enim Dómini locútum est.

Grad. Ps. 26. Unam pctii à Dómino, hanc requíram, ut inhábitem in domo Dómini. *V.* Ut vídeam voluptátem Dómini: & prótegar à templo sancto ejus.

Sequéntia sancti Evangélii secúndum Marcum. 6. f.

IN illo témpore: Cùm serò esset, erat navis in médio mari, & Jesus solus in terra. Et videns discípulos suos laborántes in remigádo (erat enim ventus contrárius eis) & circa quartam vigíliam noctis venit ad eos ámbulans supra mare: & volébat præteríre eos. At illi ut vidérunt eum ambulántem supra mare, putavérunt phantásma esse: & exclamavérunt. Omnes enim vidérunt eum, & conturbáti sunt. Et statim locútus est cum eis, & dixit eis: Confidite, ego sum, nolíte timére: Et ascéndit ad illos in navim, & cessávit véntus, & plus magis intrà se stupébant: non enim intellexérunt de pá-nibus: erat enim cor eórum obcæcátum. Et cùm transfretássent, venérunt in terram Genésareth, & applicuérunt. Cùmque egréssi essent de navi, continuò cognovérunt eum: & percurréntes univérsam regiónem illam, cœpérunt in grabátis eos, qui se malé habébant, circumfêrre ubi audiébant eum esse. Et quocúmque introíbat, in vicos, vel in villas, aut civitátes, in platéis ponébant infirmos, & deprecabúntur eum, ut vel fimbriam vestiménti ejus tângerent: & quotquot tangébant eum salvi fiébant.

Offert. Ps. 118. Dómine, vivífica me secúndum elóquium tuum: ut sciam testimoniá tua.

Secreta.

Suscipe, Dómine, sacrificium, cujus te voluísti dignánte immolatione placári: præsta, quæsumus; ut hujus operatione mundáti, beneplácitum tibi nostræ mentis offerámus afféctum. Per.

Aliæ Secretæ, ut in Feria quarta Cinerum. fol. 58.

Communio. Ps. 2. Servitē Dómino in timóre, & exultáte ei cum tremóre, apprehéndite disciplínam, ne pereátis de via justa.

Postcommunio.

Coeléstis vitæ múnere vegetáti, quæsumus, Dómine: ut quod est nobis in præsentí vita mystérium, fiat æternitátis auxiliú. Per Dñm.

Aliæ Postcommuniones, ut in Feria quarta Cinerum, fol. 58.

Super populum. Orémus.

Humiliáte cápita vestra Deo.

Oratio.

Fidèles tui, Deus, per tua dona firméntur: ut eadem & percipiéndorequírant, & quæréndo sine fine percípiant. Per Dñm.

DOMINICA I. IN QUADRAGES.

Statio ad S. Joannem in Laterano.

Introitus. Psal. 90.

Invocabit me, & ego exáudiam eum: erípíam eum, & glorificábo eum: longitúdine diérum adimplébo eum.

Ps. 126. Qui hábitat in adjutório Altíssimi: in protectióne Dei coeli comorábitur. *V.* Glória Patri.

Orémus.

Oratio.

Deus, qui Ecclesiám tuam annuá quadragesimáli observatióne pu-

ríficas: præsta familiæ tuæ, ut quod à te obtinére abstinéndo nítitur; hoc bonis opéribus exequátur. Per Dñm.

Ad poscenda suffragia Sanctorum. Oratio.

Acunctis nos, quæsumus, Dómine, mentis & corpóris defénde. periculis: & intercedénte beátâ & gloriósa semper Vírgine Dei genitríce Maríâ, cum beátis Apóstolis tuis Petro & Paulo, atque beáto N. & ómnibus Sanctis, salútem nobis tríbue benígnus, & pacem: ut destrúctis adversitatibus, & erróribus univérsis, Ecclesiá tua securá tibi sérviat libertáte.

Pro vivis & defunctis. Oratio.

OMnípotens sempitérne Deus, qui vivórum domináris simul & mortuórum, omniúmque miseréris, quos tuos fide & ópere futúros esse præ-nóscis: te súpplices exorámus; ut, pro quibus effúndere preces decrevímus, quosque vel præsens sæculum adhuc in carne rétinet, vel futúrum jam exútos corpore suscepit; intercedéntibus ómnibus Sanctis tuis, pietátis tuæ cleméntiâ, ómnium delictórum suórum véniam consequántur. Per.

Lectio Epístolæ beáti Pauli Apóstoli ad Corínthios. II. 6.

Fratres: Exhortámur vos, ne in vácuum grátiam Dei recipiátis. Ait enim: Tém-pore accépto exáudi-vi te, & in die salútis adjúvi te. Ecce nunc tempus acceptábile, ecce nunc dies salútis. Némini dantes ullam of-fensiónem, ut non vituperétur minis-terium nostrum: sed in ómnibus ex-hibeámus nosmetípsos sicut Dei minis-tros, in multa paciéntia, in tribulati-ónibus, in necessitatibus, in angústis, in plagis, in cárceribus, in seditioni-

bus, in laboribus, in vigiliis, in jejuniis, in castitate, in scientia, in longanimitate, in suavitate, in Spiritu sancto, in charitate non ficta, in verbo veritatis, in virtute Dei, per arma iustitiae a dextris, & a sinistris, per gloriam, & ignobilitatem; per infamiam, & bonam famam: ut seductores, & veraces; sicut qui ignoti, & cogniti: quasi morientes, & ecce vivimus: ut castigati, & non mortificati: quasi tristes, semper autem gaudentes: sicut egentes: multos autem locupletantes: tamquam nihil habentes, & omnia possidentes.

Grad. Ps. 90. Angelis suis Deus mandavit de te, ut custodiant te in omnibus viis tuis. *V.* In manibus portabunt te, ne unquam offendas ad lapidem pedem tuum.

Tract. ib. Qui habitat in adiutorio Altissimi, in protectione Dei coeli commorabitur. *V.* Dicet Domino: susceptor meus es tu, & refugium meum, Deus meus, sperabo in eum. *V.* Quoniam ipse liberavit me de laqueo venantium, & a verbo aspero. *V.* Scapulis suis obumbrabit tibi, & sub pennis ejus sperabis. *V.* Scuto circumdabit te veritas ejus: non timebis a timore nocturno. *V.* A sagitta volante per diem, a negotio perambulante in tenebris, a ruina & daemonio meridiano. *V.* Cadent a latere tuo mille, & decem millia a dextris tuis: tibi autem non appropinquabit. *V.* Quoniam Angelis suis mandavit de te, ut custodiant te in omnibus viis tuis. *V.* In manibus portabunt te, ne unquam offendas ad lapidem pedem tuum. *V.* Super aspidem & basiliscum ambulabis, & conculeabis leonem &

draconem. *V.* Quoniam in me speravit, liberabo eum, protegam eum, quoniam cognovit nomen meum. *V.* Invocabit me, & ego exaudiam eum: cum ipso sum in tribulatione. *V.* Eripiam eum, & glorificabo eum: longitudine dierum adimplebo eum, & ostendam illi salutare meum.

Sequentia sancti Evangelii secundum Matthaeum. 4.

IN illo tempore: Ductus est Jesus in desertum a Spiritu, ut tentaretur a diabolo. Et cum jejunasset quadraginta diebus, & quadraginta noctibus, postea esuriit. Et accedens tentator, dixit ei: Si Filius Dei es, dic ut lapides isti panes fiant. Qui respondens, dixit: Scriptum est: Non in solo pane vivit homo: sed in omni verbo, quod procedit de ore Dei. Tunc assumpsit eum diabolus in sanctam civitatem, & statuit eum super pinnaculum templi, & dixit ei: Si Filius Dei es, mitte te deorsum. Scriptum est enim: Quia Angelis suis mandavit de te, & in manibus tollent te, ne forte offendas ad lapidem pedem tuum. Ait illi Jesus: Rursum scriptum est: Non tentabis Dominum Deum tuum. Iterum assumpsit eum diabolus in montem excelsum valde: & ostendit ei omnia regna mundi, & gloriam eorum, & dixit ei: Haec omnia tibi dabo, si cadens adoraveris me. Tunc dicit ei Jesus: Vade Sathana: Scriptum est enim: Dominum Deum tuum adorabis, & illi soli servies. Tunc reliquit eum diabolus: & ecce Angeli accesserunt, & ministrabant ei. Credo.

Offert. Ps. 90. Scapulis suis obumbrabit tibi Dominus, & sub pennis ejus sperabis: scuto circumdabit te veritas ejus.

Secreta.

Sacrificium quadragesimalis iníitii solémniter immolámus, te, Dómine, deprecánte: ut cùm epulárum restrictióne carnálum, à nóxiis quoque voluptátibus temperémus. Per Dñm.

Alie Secretæ.

EXáudi nos, Deus salutáris noster: ut per hujus sacraménti virtútem, à cunctis nos mentis & córporis hósti-bus tueáris; grátiam tríbuens in præ-senti, & glóriam in futúro.

Deus, cui soli cógnitus est númerus electórum in supérna felicitáte locándus: tribue, quæsumus; ut inter-cedéntibus ómnibus Sanctis tuis, uni-versórum, quos in oratióne commen-dátos fuscépimus, & ómnium fidélium nómina, beatæ prædestinatiónis liber adscrípta retíneat. Per Dñm.

Communio. Ps. 90. Scápulis suis ob-umbrábit tibi Dóminus, & sub pennis ejus sperábis: scuto circúmdabit te veritas ejus.

Postcommunio.

Tui nos, Dómine, sacraménti libátio sancta restáuret: & à vetustáte purgátos, in mystérii salutáris faciat transíre consórtium. Per Dñm.

Alie Postcommuniones.

Mundet & múniat nos, quæsumus, Dómine, divíni sacraménti mu-nus oblátum: & intercedénte beatâ Virgine Dei genitríce Mariâ, cum beá-tis Apóstolis tuis Petro & Paulo, atque beáto N. & ómnibus Sanctis; à cunc-tis nos reddat & perversitátibus expi-átos, & adversitátibus expeditos.

Puríficent nos, quæsumus, omnípo-tens & misericors Deus, sacraménta quæ sumpsimus: & intercedéntibus

ómnibus Sanctis tuis, præsta: ut hoc tuum sacraméntum non sit nobis reátus ad poenam, sed intercessio salutáris ad véniam: sit ablútio scélerum, sit for-titúdo fragílium, sit contra ómnia mundi perícula firmaméntum: sit vi-vórum atque mortuórum fidélium, remissio ómnium delictórum. Per.

F E R I A S E C U N D A.

Statio ad S. Petrum ad Vincula.

Introitus. Psal. 122.

Sicut óculi servórum in mánibus dominórum suórum: ità óculi nostri ad Dóminum Deum nostrum, donec misereátur nobis: miserere no-bis, Dómine, miserere nobis.

Pf. ib. Ad te levávi óculos meos: qui hábitas in coelis. *V.* Glória Patri.

Orémus.

Oratio.

Converte nos, Deus, salutáris noster: & ut nobis jejúnium quadragesi-mále proficiat, mentes nostras coeléstibus ínstrue disciplínis. Per Dñm.

Alie Orationes, ut in Dominica præcedenti, fol. 63.

Lectio Ezechiélis Prophætæ. 34. c.

Hæc dicit Dóminus Deus, Ecce ego ipse requíram oves meas, & visi-tábo eas. Sicut vísitat pastor gregem suum, in die, quando fúerit in médio óvium suárum dissipatárum: sic visi-tábo oves meas, & liberábo eas de ómnibus locis, in quibus dispérsæ fúe-rant in die nubis & caliginis. Et edu-cam eas de pópulis, & congregábo eas de terris, & indúcam eas in terram suam: & pascam eas in montibus Is-raël, in rivis, & in cunctis sedibus ter-ræ. In páscuis ubérrimis pascam eas, & in montibus excélsis Isráel erunt

pascua earum: ibi requiescent in herbis virentibus, & in pascuis pinguibus pascuntur super montes Israël. Ego pascam oves meas: & ego eas accubare faciam, dicit Dominus Deus. Quod perierat, requiram, & quod abiectum erat, reducam, & quod confractum fuerat, alligabo: & quod infirmum fuerat, consolidabo, & quod pingue & forte, custodiam: & pascam illas in iudicio, dicit Dominus omnipotens.

Grad. Ps. 83. Protector noster aspice Deus, & respice super servos tuos.

V. Domine Deus virtutum, exaudi preces servorum tuorum.

Tract. Ps. 102. Domine, non secundum peccata nostra, quæ fecimus nos: neque secundum iniquitates nostras retribuas nobis. *V. Ps. 78.* Domine, ne memineris iniquitatum, nostrarum antiquarum, citò anticipent nos misericordiae tuæ, quia pauperes facti sumus nimis. *V. [Hic genuflectitur]* Adjuva nos Deus, salutaris noster: & propter gloriam nominis tui, Domine, libera nos: & propitius esto peccatis nostris, propter nomen tuum.

Sequentia sancti Evangelii secundum Matthæum. 25. c.

In illo tempore: Dixit Jesus discipulis suis: Cum venerit Filius hominis in maiestate sua: & omnes Angeli cum eo, tunc sedebit super sedem maiestatis suæ: & congregabuntur ante eum omnes gentes, & separabit eos ab invicem, sicut pastor segregat oves ab hoedis: & statuet oves quidem à dextris suis, hoedos autem à sinistris. Tunc dicet Rex, his qui à dextris ejus erunt: Venite, benedicti Patris mei,

possidete paratum vobis regnum à constitutione mundi. Esurivi enim, & dedistis mihi manducare: sitivi, & dedistis mihi bibere, hospes eram, & collegistis me: nudus, & cooperuistis me: infirmus, & visitastis me: in carcere eram, & venistis ad me: Tunc respondébunt ei iusti, dicentes: Domine, quando te vidimus esuriéntem, & pavimus te: sitiéntem, & dedimus tibi potum? quando autem te vidimus hóspitem, & collégimus te: aut nudum, & cooperuimus te? aut quando te vidimus infirmum, aut in carcere, & vénimus ad te? Et respondens Rex, dicet illis: Amen dico vobis, quámdu fecistis uni ex his fratribus meis minimis mihi fecistis. Tunc dicet & his, qui à sinistris erunt: Discédite à me, maledícti, in ignem ætérnum, qui paratus est diabolo, & angelis ejus. Esurivi enim, & non dedistis mihi manducare: sitivi, & non dedistis mihi potum: hospes eram, & non collegistis me: nudus, & non cooperuistis me: infirmus, & in carcere, & non visitastis me. Tunc respondébunt ei & ipsi, dicentes: Domine, quando te vidimus esuriéntem, aut sitiéntem, aut hóspitem, aut nudum, aut infirmum, aut in carcere, & non ministrávimus tibi? Tunc respondébit illis: dicens: Amen dico vobis: Quámdu non fecistis uni de minoribus his, nec mihi fecistis. Et ibunt hi in supplicium ætérnum; iusti autem in vitam ætérnam.

Offert. Ps. 118. Levábo oculos meos, & considerábo mirábilia tua, Domine, ut dóceas me justítias tuas, da mihi intelléctum, & discam mandáta tua.

Secreta.

MUnera tibi, Dómine, oblata sanctifica: nosque à peccatorum nostrorum maculis emunda. Per Dñm.

Aliæ Secretæ, ut in Dominica præcedenti, fol. 65.

Commun. Mat. 25. Amen dico vobis: quod uni ex minimis meis fecistis, mihi fecistis: venite, benedicti Patris mei, possidete paratum vobis regnum ab initio sæculi.

Postcommunio.

Salutáris tui, Dómine, múnere satiáti, supplices exorámus: ut cuius lætámur gustu, renovémur effectú. Per.

Aliæ Postcommuniones, ut in Dominica præcedenti, fol. 65.

Super populum. Orémus.
Humiliáte cápita vestra Deo.

Oratio.

Absólve, quæsumus, Dómine, nostrorum vinctula peccatorum: & quidquid pro eis merémur, propitiátus avérte. Per Dñm.

F E R I A T E R T I A.

Statio ad sanctam Anastasiam.

Introitus. Ps. 89.

Dómine, refúgium factus es nobis à generatione, & progénie: à sæculo & in sæculum tu es.

Ps. ib. Priúsqvam montes fierēt, aut formarétur terra & orbis: à sæculo & usque in sæculum tu es Deus.

V. Glória Patri.

Orémus.

Oratio.

Respice, Dómine, familiam tuam, & præsta: ut apud te mens nostra tuo desiderio fúlgeat, quæ se carnis maceratione castígat. Per Dñm.

Aliæ Orationes, ut in Dominica præcedenti, fol. 63.

Lectio. Isaíæ Prophætæ. 55.

In diébus illis: Locútus est Isaías Prophéta, dicens: Quærite Dóminum, dum inveniri potest: invocáte eum, dum propè est. Derelinquat impius viam suam, & vir iníquus cogitationes suas, & revertátur ad Dóminum, & miserébitur ejus; & ad Deum nostrum: quóniam multus est ad ignoscéndum. Non enim cogitationes meæ, cogitationes vestræ: neque viæ vestræ, viæ meæ, dicit Dóminus. Quia sicut exaltántur coeli à terra, sic exaltatæ sunt viæ meæ à viis vestris, & cogitationes meæ à cogitationibus vestris. Et quómodo descendit imber, & nix de coelo, & illuc ultrà non revertitur, sed inébriat terram, & infúndit eam, & germináre eam facit, & dat semen ferénti, & panem comedénti: Sic erit verbum meum, quod egrediétur de ore meo: non revertétur ad me vácuum, sed faciet quæcúmque vólui & prosperábitur in his, ad quæ misi illud: ait Dóminus omnipotens.

Grad. Ps. 140. Dirigátur orátio mea, sicut incénsfum in conspéctu tuo, Dómine. *V.* Elevátio mánuum meárum, sacrificium vespertínium.

Sequéntia sancti Evangélíi secúndum Matthæum. 21. b.

In illo témpore: Cúm intráffet Jesus Jerosólymam, commóta est univérscivitas, dicens: Quis est hic? Pópuli autem dicébant: Hic est Jesus Prophéta à Názareth Galilææ. Et intrávit Jesus in templum Dei, & ejiciébat omnes vendéntes, & eméntes in templo, & mensas numulariórum, & cathedras vendéntium columbas evértit, & dicit eis: Scriptum est: Domus mea

domus orationis vocabitur: vos autem fecistis illam speluncam latronum. Et accesserunt ad eum cæci, & claudi in templo: & sanavit eos. Videntes autem Principes sacerdotum, & Scribæ mirabilia quæ fecit, & pueros clamantes in templo, & dicentes: Hosanna filio David: indignati sunt, & dixerunt ei: Audis quid isti dicunt? Jesus autem dixit eis: Utique. Numquam legistis: Quia ex ore infantium & lactentium perfecisti laudem? Et relictis illis, abiit foras extra civitatem in Bethaniam: ibique mansit.

Offert. Ps. 30. In te speravi, Domine, dixi: Tu es Deus meus, in manibus tuis tempora mea.

Secreta.

Oblatis, quæsumus, Domine, placare munéribus: & à cunctis nos defende periculis. Per Dñm.

Aliæ Secretæ, ut in Dominica præcedenti, fol. 65.

Communio. Ps. 4. Cum invocarem te, exaudisti me, Deus iustitiæ meæ: in tribulatione dilatasti me: miserere mihi, Domine, & exaudi orationem meam.

Postcommunio.

Quæsumus, omnipotens Deus: ut illius salutâris capiâmus effectum, cujus per hæc mystéria pignus accepimus. Per Dñm.

Aliæ Postcommuniones, ut in Dominica præcedenti, fol. 65.

Super populum. Orémus.
Humiliâte capita vestra Deo.

Oratio.

Ascendant ad te, Domine, preces nostræ: & ab Ecclesia tua cunctam repelle nequitiam. Per Dñm.

F E R I A Q U A R T A Q U A T U O R T E M P O R U M Q U A D R A G E S .

Statio ad S. Mariam Majorem.

Introitus. Ps. 24.

Reminiscere miserationum tuarum, Domine, & misericordiæ tuæ quæ à sæculo sunt: ne umquam dominentur nobis inimici nostri: libera nos, Deus Israël, ex omnibus angustiis nostris. *Ps. ib.* Ad te, Domine, levavi animam meam: Deus meus in te confido, non erubescam. *V.* Glória Patri.

Post Kyrie eléison, dicitur, Orémus.
Flectâmus gēnua. *R.* Levâte.

Oratio.

Preces nostras, quæsumus, Domine, clementer exaudi: & contra cuncta nobis adversantia, dexteram tuæ majestatis extēde. Per Dñm.

Lectio libri Exodi. 24. e.

In diebus illis: Dixit Dominus ad Mōysen: Ascēde ad me in montem, & esto ibi: dabōque tibi tabulas lapideas, & legem ac mandata quæ scripsi: ut doceas filios Israël. Surrexerunt Mōyses & Jósue miníster ejus: ascendēnsque Mōyses in montem Dei, seníoribus ait: Expectáte híc donec revertámur ad vos. Habétis Aaron & Hur vobíscum: si quid natum fuerit questiónis, referétis ad eos. Cūque ascendisset Mōyses, opéruit nubes montem, & habitávit glória Dómini super Sinaï, tegens illum nube sex diebus: séptimo autem die vocávit eum de médio caliginis. Erat autem species glóriæ Dómini, quasi ignis ardens super vérticem montis, in conspéctu filíorum Israël. Ingressusque Mōyses médium nébulæ, ascēdit in montem:

& fuit ibi quadraginta diebus, & quadraginta noctibus.

Grad. Ps. 24. Tribulationes cordis mei dilatatae sunt: de necessitatibus meis: eripe me, Domine. *V.* Vide humilitatem meam, & laborem meum: & dimitte omnia peccata mea.

Hic non dicitur, Flectamus genua, sed V. Dominus vobiscum.

Orémus.

Oratio.

DEvotionem populi tui, quaesumus, Domine, benignus intende: ut, qui per abstinentiam macerantur in corpore, per fructum boni operis reficiantur in mente. Per Dñm.

Aliae Orationes, ut in Dominica praecedenti, fol. 63.

Lectio libri Regum. *III. 19.*

IN diebus illis: Venit Elias in Bersabee Juda, & dimisit ibi puerum suum, & perrexit in desertum, viam unius diei. Cumque venisset, & sederet subter unam juniperum, petivit animae suae ut moreretur, & ait: Sufficit mihi, Domine, tolle animam meam: neque enim melior sum, quam patres mei. Projecitque se, & obdormivit in umbra juniperi: & ecce Angelus Domini tetigit eum, & dixit illi: Surge, & comede. Respexit, & ecce ad caput suum subcinericius panis & vas aquae: comedit ergo & bibit, & rursum obdormivit. Reversusque est Angelus Domini secundo, & tetigit eum, dixitque illi: Surge, comede: grandis enim tibi restat via. Qui cum surrexisset, comedit & bibit, & ambulavit in fortitudine cibi illius quadraginta diebus, & quadraginta noctibus, usque ad montem Dei Horeb.

Tractus. Ps. 24. De necessitatibus

meis, eripe me, Domine: vide humilitatem meam, & laborem meum: & dimitte omnia peccata mea. *V.* Ad te, Domine, levavi animam meam, Deus meus, in te confido, non erubescam: neque irideant me inimici mei. *V.* Etenim universi, qui te expectant, non confundentur: confundantur omnes facientes vana.

Sequentia sancti Evangelii secundum Matthaeum. 12.

IN illo tempore: Respondérunt Jesu quidam de Scribis, & Phariseis, dicentes: Magister, volumus à te signum videre. Qui respondens ait illis: Generatio mala & adultera signum quaerit: & signum non dabitur ei, nisi signum Jonae Prophetae. Sicut enim fuit Jonas in ventre ceti tribus diebus, & tribus noctibus; sic erit Filius hominis in corde terrae tribus diebus, & tribus noctibus. Viri Ninivitae surgent in iudicio cum generatione ista, & condemnabunt eam: quia poenitentiam egerunt in praedicatione Jonae: Et ecce plus quam Jonas hic. Regina Austri surget in iudicio cum generatione ista, & condemnabit eam: quia venit à finibus terrae audire sapientiam Salomonis, & ecce plus quam Salomon hic. Cum autem immundus spiritus exierit ab homine, ambulat per loca arida, quaerens requiem, & non invenit. Tunc dicit: Revertar in domum meam, unde exivi: Et veniens, invenit eam vacantem, scopis mundatam, & ornatam. Tunc vadit, & assumit septem alios spiritus secum nequiores se, & intrantes habitant ibi: & fiunt novissima hominis illius pejora prioribus. Sic erit & generationi huic pessima.

mæ. Adhuc eo loquente ad turbas, ecce mater ejus & fratres stabant foris, quærentes loqui ei. Dixit autem ei quidam: Ecce Mater tua, & fratres tui foris stant, quærentes te. At ipse respondens dicenti sibi, ait: Quæ est mater mea, & qui sunt fratres mei? Et extendens manum in discipulos suos dixit: Ecce Mater mea, & fratres mei. Quicumque enim fecerit voluntatem Patris mei, qui in coelis est, ipse meus frater, & soror & mater est.

Offert. Ps. 118. Meditabor in mandatis tuis, quæ dilexi valde: & levabo manus meas ad mandata tua quæ dilexi.

Secreta.

Hostias tibi, Domine, placationis offerimus: ut & delicta nostra miseratus absolvas, & nutantia corda tu dirigas. Per Dñm.

Alicæ Secretæ, ut in Dominica præcedenti, fol. 65.

Communio. Ps. 5. Intellige clamorem meum: intende voci orationis meæ, Rex meus, & Deus meus: quoniam ad te orabo, Domine.

Postcommunio.

Tui, Domine, perceptione sacramenti, & à nostris mundemur occultis, & ab hostium liberemur insidiis. Per Dñm.

Alicæ Postcommuniones, ut in Dominica præcedenti, fol. 65.

Super populum. Orémus. Humiliate capita vestra Deo.

Oratio.

Mentes nostras, quæsumus, Domine, lumine tuæ claritatis illustra: ut videre possimus, quæ agenda sunt, & quæ recta sunt, agere valeamus. Per Dñm.

F E R I A Q U I N T A .

Statio ad S. Laurentium in Paneperna.

Introitus. Ps. 95.

Confessio & pulchritudo in conspectu ejus: sanctitas & magnificentia in sanctificatione ejus.

Ps. ib. Cantate, Domino canticum novum: cantate Domino, omnis terra. *V.* Gloria Patri.

Orémus.

Oratio.

Devotionem populi tui, quæsumus, Domine, benignus intende: ut, qui per abstinentiam macerantur in corpore, per fructum boni operis reficiantur in mente. Per Dñm.

Alicæ Orationes, ut in Dominica præcedenti, fol. 63.

Lectio Ezechiélis Prophætæ. 18.

In diebus illis: Factus est sermo Domini ad me, dicens: Quid est quod inter vos parabolam vertitis in proverbium istud in terra Israël, dicentes: Patres comedérunt uvam acerbam, & dentes filiorum obstupescunt? Vivo ego, dicit Dominus Deus, si erit ultra vobis parabola hæc in proverbium in Israël. Ecce omnes animæ meæ sunt: ut anima patris, ita & anima filii mea est: anima, quæ peccaverit, ipsa morietur. Et vir si fuerit justus, & fecerit judicium & justitiam, in montibus non comederit, & oculos suos non levaverit ad idola domus Israël: & uxorem proximi sui non violaverit, & ad mulierem menstruâtam non accerserit: & hominem non contristaverit: pignus debitori reddiderit, per vim nihil rapuerit: panem suum esurienti dederit, & nudum operuerit vestimento: ad usuram non commodave-

rit, & ampliùs non accèperit: ab iniquitate avèrterit manum suam, & iudicium verum fécerit inter virum & virum: in præcéptis meis ambuláverit, & iudicia mea custodíerit, ut fáciat veritatem: hic iustus est, vitâ vivet, ait Dóminus omnípotens.

Grad. Ps. 16. Custódi me, Dómine, ut pupíllam óculi: sub umbra alárum tuárum prótege me. *V.* De vultu tuo iudicium meum pródeat, óculi tui vídeant æquitatem.

Sequéntia sancti Evangélii secúndum Matthæum. 15. c.

IN illo témpore: Egréssus Jesus céssit in partes Tyri & Sidónis. Et ecce múlíer Cananæa à finibus illis egréssa clamávit, dicens ei: Misérere mei, Dómine, fili David: filia mea malè à dæmónio vexátur. Qui non respóndit ei verbum. Et accedéntes discípuli ejus rogábant eum, dicéntes: Dimitte eam, quia clamat post nos. Ipse autem respóndens, ait: Non sum missus nisi ad oves, quæ periérunt domûs Israël. At illa venit, & adorávit eum, dicens: Dómine, ádjuva me. Qui respóndens, ait: Non est bonum sùmere panem filiórum, & mittere cánibus. At illa dixit: Etiam, Dómine; nam & catélli edunt de micis, quæ cadunt de mensa dominórum suórum. Tunc respóndens Jesus, ait illi: O múlíer, magna est fides tua, fiat tibi sicut vis. Et sanáta est filia ejus ex illa hora.

Offert. Ps. 33. Immíttet Angelus Dómini in circúitu timéntium eum, & erípiet eos: gustáte, & vidéte, quóniam suávis est Dóminus.

Secreta.

SAcrificia, Dómine, quæsumus, propítius ista nos salvent, quæ medicinalibus sunt institúta jejúniis. Per.

Aliae Secretæ, ut in Dominica præcedenti, fol. 65.

Communio. Joann. 6. Panis quem ego dédero, caro mea est pro sæculi vita.

Postcommunio.

TUórum nos, Dómine, largitáte donórum, & temporálibus attólle præsídiis, & rénova sempitérnis. Per.

Aliae Postcommuniones, ut in Dominica præcedenti, fol. 65.

Super populum. Orémus.

Humiliáte cápita vestra Deo.

Oratio.

DA, quæsumus, Dómine, pópulis Christiánis, & quæ profiténtur agnóscere: & coeléste munus diligere, quod fréquentant. Per Dñm.

F E R I A S E X T A

QUATUOR TEMPORUM QUADRAGES.

Statio. ad SS. duodecim Apostolos.

Introitus. Ps. 24.

DE necessitatibus meis éripe me, Dómine, vide humilitatem meam, & labórem meum, & dimítte ómnia peccáta mea. *Ps. ib.* Ad te, Dómine, levávi ánimam meam, Deus meus, in te confido, non erubéscam.

V. Glória Patri.

Orémus.

Oratio.

ESto, Dómine, propítius plebi tuæ: & quam tibi facis esse devótam, benigno réfove miserátus auxílio. Per.

Aliae Orationes, ut in Dominica præcedenti, fol. 63.

Léctio Ezechiélis Prophétæ. 18. d.

HÆc dicit Dóminus Deus: Anima, quæ peccáverit, ipsa moriétur:

filius non portabit iniquitatem patris, & pater non portabit iniquitatem filii: iustitia iusti super eum erit, & impietas impii erit super eum. Si autem impius egerit poenitentiam ab omnibus peccatis suis, quæ operatus est, & custodierit omnia præcepta mea, & fecerit iudicium & iustitiam: vitam vivet, & non morietur. Omnium iniquitatum ejus, quas operatus est, non recordabor: in iustitia sua, quam operatus est, vivet. Numquid voluntatis meæ est mors impii, dicit Dominus Deus, & non ut convertatur à viis suis, & vivat? Si autem averterit se iustus à iustitia sua, & fecerit iniquitatem secundum omnes abominationes, quas operari solet impius, numquid vivet? Omnes iustitiæ ejus, quas fecerat, non recordabuntur: in prævaricatione, quâ prævaricatus est, & in peccato suo, quod peccavit, in ipsis morietur. Et dixistis: Non est æqua via Domini. Audite ergo domus Israël: Numquid via mea non est æqua, & non magis viæ vestræ pravæ sunt? Cum enim averterit se iustus à iustitia sua, & fecerit iniquitatem, morietur in eis: in iniustitia, quam operatus est, morietur. Et cum averterit se impius ab impietate sua, quam operatus est, & fecerit iudicium & iustitiam: ipse animam suam vivificabit. Considerans enim, & avertens se ab omnibus iniquitatibus suis, quas operatus est, vitam vivet, & non morietur, ait Dominus omnipotens.

Grad. Ps. 85. Salvum fac servum tuum, Deus meus, sperantem in te. *V.* Auribus percipe, Domine, orationem meam.

Tract. Ps. 102. Domine, non secundum peccata nostra, quæ fecimus nos: neque secundum iniquitates nostras retribuas nobis. *V. Ps. 78.* Domine, ne memineris iniquitatum nostrarum antiquarum: citò anticipent nos misericordiæ tuæ, quia pauperes facti sumus nimis. *V. [Hic genuflectitur]* Adjuva nos, Deus salutaris noster: & propter gloriam nominis tui, Domine, libera nos: & propitius esto peccatis nostris, propter nomen tuum.

Sequentia sancti Evangelii secundum Joannem. 5.

IN illo tempore: Erat dies festus Judæorum, & ascendit Jesus Jerosolymam. Est autem Jerosolymis Probatica piscina, quæ cognominatur Hebræicè Bethsáida, quinque porticus habens. In his jacebat multitudo magna languentium, cæcorum, claudorum, aridorum, expectantium aquæ motum. Angelus autem Domini descendebat secundum tempus in piscinam: & movebatur aqua. Et qui prior descendisset in piscinam post motionem aquæ, sanus fiebat à quacumque detinebatur infirmitate. Erat autem quidam homo, ibi triginta & octo annos habens in infirmitate sua. Hunc cum vidisset Jesus jacentem, & cognovisset quia jam multum tempus haberet, dicit ei: Vis sanus fieri? Respondit ei languidus. Domine, hominem non habeo, ut cum turbata fuerit aqua, mittat me in piscinam: dum venio enim ego, alius ante me descendit. Dicit ei Jesus: Surge, tolle grabatum tuum, & ambula. Et statim sanus factus est homo ille: & sustulit grabatum suum, & ambulabat. Erat

autem sabbatum in die illo. Dicebant ergo Judæi illi, qui sanatus fuerat: Sabbatum est, non licet tibi tollere grabatum tuum. Respondit eis: Qui me sanum fecit, ille mihi dixit: Tolle grabatum tuum, & ambula. Interrogaverunt ergo eum: Quis est ille homo, qui dixit tibi: Tolle grabatum tuum, & ambula? Is autem: qui sanus fuerat effectus, nesciebat quis esset. Jesus enim declinavit à turba constituta in loco. Postea invenit eum Jesus in templo, & dixit illi: Ecce sanus factus es: jam noli peccare, ne deterius tibi aliquid contingat. Abiit ille homo, & nuntiavit Judæis, quia Jesus esset, qui fecit eum sanum.

Offert. Ps. 102. Benedic, anima mea, Dómino, & noli oblivisci omnes retributiones ejus: & renovabitur, sicut aquilæ, juventus tua.

Secreta.

Suscipe, quæsumus, Dómine, muneris nostris oblata servitiis: & tua propitius dona sanctifica. Per Dñm.

Alicæ Secretæ, ut in Dominica præcedenti, fol. 65.

Communio. Ps. 6. Erubescant, & conturbentur omnes inimici mei: avertantur retrorsum, & erubescant valde velociter.

Postcommunio.

Per hujus, Dómine, operationem mysterii, & vitia nostra purgentur, & iusta desideria compleantur. Per.

Alicæ Postcommuniones, ut in Dominica præcedenti, fol. 65.

Super populum. Orémus. Humiliate capita vestra Deo. *Oratio.*

Exaudi nos, misericors Deus: & mentibus nostris gratiæ tuæ lumen ostende. Per Dñm.

S A B B A T O

QUATUOR TEMPORUM QUADRAGES.

Statio ad sanctum Petrum.

Introitus. Psal. 87.

Intret oratio mea in conspectu tuo: inclina aurem tuam in precem meam, Dómine. *Ps. ib.* Dómine Deus salutis meæ, in die clamavi, & nocte coram te. *V. Glória Patri.*

Post Kyrie eleison, dicitur, Orémus. Flectamus gēna. *R. Leváte.*

Oratio.

Populum tuum, quæsumus, Dómine, propitius respice: atque ab eo flagella tuæ iracundiæ clementer averte. Per Dñm.

Lectio libri Deuteronomii. 26. c.

In diebus illis: Locutus est Móyses ad populum, dicens: Quando compleveris decimam cunctarum frugum tuarum, loqueris in conspectu Dómini Dei tui: Abstuli quod sanctificatum est de domo mea, & dedi illud Levitæ & advenæ, & pupillo ac viduæ, sicut iussisti mihi: non præterivi mandata tua, nec sum oblitus imperii tui. Obedivi voci Dómini Dei mei, & feci omnia sicut præcepisti mihi. Respice de sanctuario tuo, & de excelsis celorum habitaculo, & benedic populo tuo Israël, & Terræ, quam dedisti nobis, sicut jurasti patribus nostris, terræ lacte & melle mananti. Hódie Dóminus Deus tuus præcepit tibi ut facias mandata hæc atque iudicia: & custodias & impleas ex toto corde tuo, & ex tota anima tua. Dóminum elegisti hódie, ut sit tibi Deus, & ambules in viis ejus, & custodias caeremonias illius & mandata atque iudicia, & obedias ejus imperio. Et Dóminus elegit te

K

hodie, ut sis ei populus peculiâris, sicut locutus est tibi, & custodias omnia præcepta illius, & faciat te excelso rem cunctis gentibus quas creavit in laudem, & nomen, & gloriam suam: ut sis populus sanctus Domini Dei tui, sicut locutus est.

Grad. Is. 78. Propitius esto, Domine, peccatis nostris: nequando dicant Gentes, ubi est Deus eorum?

V. Adjuva nos, Deus salutâris noster, & propter honorem nominis tui, Domine, libera nos.

Orémus. Flectâmus gēna. *R.* Levâte.

Oratio.

Protector noster, aspice, Deus, ut, qui malorum nostrorum pondere premimur, percēptâ misericordiâ, liberâ tibi mente famulēmur. Per Dñm.

Lectio libri Deuteronomii. *II. c.*

IN diēbus illis: Dixit Mōyses filiis Israël: Si custodiēritis mandata, quæ ego præcipio vobis, & feceritis ea, ut diligatis Dñm Deum vestrum, & ambulētis in omnibus viis ejus, adhærentes ei, disperdet Dñm omnes gentes istas ante faciē vestram, & possidebitis eas, quæ majores & fortiores vobis sunt. Omnis locus, quem calcaverit pes vester, vester erit. A deserto, & à Líbano, à flumine magno Euphrate usque ad mare Occidentale erunt termini vestri. Nullus stabit contra vos: terrorem vestrum & formidinem dabit Dñm Deus vester super omnem terram quam calcaturi estis, sicut locutus est vobis Dñm Deus vester.

Grad. Ps. 83. Protector noster, aspice, Deus, & respice super servos tuos.

V. Domine Deus virtutum, exaudi preces servorum tuorum.

Orémus. Flectâmus gēna. *R.* Levâte.

Oratio.

A Deslo, quæsumus, Domine, supplicationibus nostris: ut esse, te largiente, mereāmur & inter prospera humiles, & inter adversa securi. Per.

Lectio libri Machabæorum. *II. i. f.*

IN diēbus illis: Orationem faciēbant omnes sacerdotes, dum consummaretur sacrificium, Jónatha inchoante, cæteris autem respondētibz. Et Nehemiæ erat oratio hunc habens modum: Domine, Deus omnium creator, terribilis & fortis, justus & misericors, qui solus es bonus Rex, solus præstans, solus justus, & omnipotens, & æternus, qui liberas Israël de omni malo, qui fecisti patres electos, & sanctificasti eos: accipe sacrificium pro universo populo tuo Israël, & custodi partem tuam, & sanctifica: ut sciant Gentes, quia tu es Deus noster.

Grad. Ps. 89. Convertere, Domine, aliquantulum, & deprecare super servos tuos. *V.* Domine, refugium factus es nobis à generatione & progēie. Orémus. Flectâmus gēna. *R.* Levâte.

Oratio.

Preces populi tui, quæsumus, Domine, clementer exaudi: ut, qui justè pro peccatis nostris affligimur, pro tui nominis gloria misericorditer liberēmur. Per Dñm.

Lectio libri Sapiētiæ. *Eccli. 36.*

Miserere nostrī, Deus omnium, & respice nos, & ostēde nobis lucem miserationum tuarum: & immitte timorem tuum super Gentes, quæ non exquisierunt te, ut cognoscant quia non est Deus nisi tu, & enarrent magnalia tua. Alleva manum tuam super

Gentes aliénas, ut vídeant poténtiam tuam. Sicut enim in conspéctu eórum sanctificátus es in nobis, sic in conspéctu nostro magnificáberis in eis, ut cognóscant te, sicut & nos cognóvimus, quóniam non est Deus præter te, Dómine. Innova signa, & immúta mirabília. Glorífica manum & bráchi-um dextrum. Excita furórem, & ef-fúnde iram. Tolle adversárium, & afflíge inimicum. Festína tempus, & meménto finis, ut enárrent mirabília tua, Dómine Deus noster.

Grad. Ps. 140. Dirigátur orátio mea, sicut incénsum in conspéctu tuo, Dómine. *V.* Elevátio mánuum meárum sacrificium vespertinum.

Orémus. Flectámus génua. *R.* Leváte.

Oratio.

Actiões nostras, quæsumus, Dómine, aspirándo præveni & adjuvándó proféquare: ut cuncta nostra orátio & operátio à te semper incípiat, & per te coepta finiátur. Per Dñm.

Léctio Daniélis Prophétæ. 3. c.

In diébus illis: Angelus Dómini descendit cum Azaría, & sóciis ejus in fornácem: & excússit flammam ignis de fornáce, & fecit médium fornácis quasi ventum roris flantem. Flamma autem effundebátur super fornácem cúbitis quadragínta novem: & erúpit: & incéndit quos réperit juxta fornácem de Chaldæis minístros regis, qui eam incendébant. Et non tétigit eos omnínò ignis, neque contristávit, nec quidquam moléstiae intulit. Tunc hi tres quasi ex uno ore laudábant, & glorificábant, & benedicébant Deum in fornáce, dicéntes:

Hic non respondetur, Deo grátias.

Hymnus. Dan. ib.

Benedíctus es, Dómine, Deus patrum nostrórum. Et laudábilis & gloriósus in sæcula.

Et benedíctum nomen glóriæ tuæ, quod est sanctum. Et laudábile & gloriósum in sæcula.

Benedíctus es in templo sancto glóriæ tuæ. Et laudábilis & gloriósus in sæcula.

Benedíctus es super thronum sanctum regni tui. Et laudábilis & gloriósus in sæcula.

Benedíctus es super sceptrum divinitátis tuæ. Et laudábilis & gloriósus in sæcula.

Benedíctus es qui sedes super Chérubim, íntuens abyssos. Et laudábilis & gloriósus in sæcula.

Benedíctus es qui ámbulas super pennas ventórum, & super undas maris. Et laudábilis & gloriósus in sæcula.

Benedícant te omnes Angeli, & Sancti tui. Et laudent te & gloríficent in sæcula.

Benedícant te coeli, terra, mare, & ómnia quæ in eis sunt. Et laudent te & gloríficent in sæcula.

Glória Patri, & Fílio, & Spíritui sancto. Et laudábili & glorióso in sæcula.

Sicut erat in princípio, & nunc, & semper, & in sæcula sæculórum. Amen. Et laudábili & glorióso in sæcula.

Benedíctus es, Dómine, Deus patrum nostrórum. Et laudábilis & gloriósus in sæcula.

Hic non dicitur, Flectámus génua. sed V. Dóminus vobíscum.

Orémus.

Oratio.

DEus, qui tribus púeris mitigásti flammās ignium: concéde propítius; ut nos fámulos tuos non exúrat flamma vitiórum. Per Dñm.

Aliæ Orationes, ut in Dominica præcedenti, fol. 63.

Léctio Epístolæ beáti Pauli Apóstoli ad Theſſalonicénſes. I. 5. c.

FRatres, Rogámus vos, corrípíte inquietos, consolámini pusillánimes, fuscípíte infirmos, patiéntes estóte ad omnes. Vidéte ne quis malum pro malo alicui reddat: sed semper quod bonum est sectámini in invicem, & in omnes. Semper gaudéte. Sine intermissione oráte. In ómnibus grátias ágite: hæc est enim volúntas Dei in Christo Jesu in ómnibus vobis. Spíritum nolíte extingueré. Prophetías nolíte spérnere. Omnia autem probáte: quod bonum est tenéte. Ab omni spēcie mala abstinéte vos. Ipse autem Deus pacis sanctíficet vos per ómnia: ut integer spíritus vester, & ánima, & corpus sine queréla, in advéntu Dómini nostri Jesu Christi servétur.

Tract. Ps. 116. Laudáte Dóminum, omnes Gentes: & collaudáte eum omnes pópuli. *V.* Quóniam confirmáta est super nos misericórdia ejus: & véritas Dómini manet in ætérnum.

Evangelium. In illo témpore: Assúmpſit Jesus Petrum & Jacóbum, *ut in ſequenti Dominica, fol. 77.*

Offert. Ps. 87. Dómine, Deus salutis meæ, in die clamávi, & nocte, coram te: intret orátio mea in conspéctu tuo, Dómine.

Secreta.

PRæſentibus sacrificiis, quæſumus, Dómine, jejúnia nostra sanctífica:

ut, quod observántia nostra profitétur extrínsecus, intérius operétur. Per.

Aliæ Secretæ, ut in Dominica præcedenti, fol. 65.

Communio. Psal. 7. Dómine, Deus meus, in te sperávi, libera me ab ómnibus perſequéntibus me, & éripe me.

Postcommunio.

SANCTIFICATIONIBUS tuis, omnípotens Deus, & vítia nostra curéntur, & remédia nobis ætérna provéniant. Per.

Aliæ Postcommuniones, ut in Dominica præcedenti, fol. 65.

Super populum. Orémus. Humiliáte cápita vestra Deo.

Oratio.

FIDÉLES tuos, Deus, benedíctio desideráta confirmet: quæ eos & à tua voluntáte numquam fáciat discrepare, & tuis semper indúlgeat beneficiis gratulári. Per Dñm.

DOMINICA II. IN QUADRAGES.

Statio ad S. Mariam in Dominica.

Introitus. Psal. 24.

REMINISCERE miserationum tuárum, Dómine, & misericórdiæ tuæ quæ à sæculo sunt: ne umquam dominéntur nobis inimíci nostri: libera nos, Deus Israél, ex ómnibus angústiiis nostris. *Ps. ib.* Ad te, Dómine, levávi ánimam meam: Deus meus in te confido, non erubéscam.

V. Glória Patri.

Orémus.

Oratio.

DEUS, qui cónspicis omni nos virtúte destítui, intérius exteriùsque custódi: ut ab ómnibus adversitatibus muniámur in corpore, & à pravis cogitationibus mundémur in mente. Per Dñm.

Ad poscenda suffragia Sanctorum. Oratio.

A Cunctis, nos quaesumus, Domine, mentis & corporis defende periculis: & intercedente beata & gloriosa semper Virgine Dei genitrice Maria, cum beatis Apostolis tuis Petro & Paulo, atque beato N. & omnibus Sanctis, salutem nobis tribue benignus, & pacem: ut destructis adversitatibus & erroribus universis, Ecclesia tua securam tibi serviat libertate.

Pro Vivis & Defunctis. Oratio.

Omnipotens sempiternus Deus, qui vivorum dominaris simul & mortuorum, omniumque misereris, quos tuos fide & opere futuros esse praenoscis: te supplices exoramus; ut, pro quibus effundere preces decrevimus, quosque vel praesens saeculum adhuc in carne retinet, vel futurum jam exutos corpore suscepit; intercedentibus omnibus Sanctis tuis, pietatis tuae clementiam, omnium delictorum suorum veniam consequantur. Per Dñm.

Lectio: Epistolae beati Pauli Apostoli ad Thessalonicenses. I. 4.

Fratres, Rogamus vos & obsecramus in Domino Jesu: ut quemadmodum accepistis à nobis, quomodo oporteat vos ambulare, & placere Deo, sic & ambulatis, ut abundetis magis. Scitis enim quae praecepta dederim vobis per Dominum Jesum. Haec est enim voluntas Dei, sanctificatio vestra: ut abstineatis vos à fornicatione, ut sciat unusquisque vestrum vas suum possidere in sanctificatione, & honore; non in passione desiderii, sicut & Gentes, quae ignorant Deum: & ne quis supergrediatur, neque circumveniat in negotio fratrem suum: quoniam vindex

est Dominus de his omnibus, sicut praediximus vobis, & testificati sumus. Non enim vocavit nos Deus in immunditiam, sed in sanctificationem: in Christo Jesu Domino nostro.

Offert. Ps. 24. Tribulationes cordis mei dilatatae sunt: de necessitatibus meis eripe me, Domine. *V.* Vide humilitatem meam, & laborem meum: & dimitte omnia peccata mea.

Tract. Ps. 105. Confitemini Domino, quoniam bonus: quoniam in saeculum misericordia ejus. *V.* Quis loquetur potentias Domini: auditas faciet omnes laudes ejus? *V.* Beati qui custodiunt judicium, & faciunt justitiam in omni tempore. *V.* Memento nostri, Domine, in beneplacito populi tui: visita nos in salutari tuo.

Sequentia sancti Evangelii secundum Matthaeum. 7.

In illo tempore: Assumpsit Jesus Petrum, & Jacobum, & Joannem fratrem ejus, & duxit illos in montem excelsum seorsum: & transfiguratus est ante eos. Et resplenduit facies ejus sicut sol: vestimenta autem ejus facta sunt alba sicut nix. Et ecce apparuerunt illis Moyses & Elias cum eo loquentes. Respondens autem Petrus, dixit ad Jesum: Domine, bonum est nos hic esse: si vis, faciamus hic tria tabernacula, tibi unum, Moysi unum, & Eliae unum. Adhuc eo loquente, ecce nubes lucida obumbravit eos. Et ecce vox de nube, dicens: Hic est Filius meus dilectus, in quo mihi bene complacui: ipsam audite. Et audientes discipuli, ceciderunt in faciem suam, & timuerunt valde. Et accessit Jesus, & tetigit eos: dixitque eis: Sur-

gite, & nolite timere. Levantes autem oculos suos, neminem viderunt, nisi solum Jesum. Et descendéntibus illis de monte, præcepit eis Jesus, dicens: Némíni dixeritis visionem, donec Filius hominis à mórtuis resúrgat. Credo.

Offert. Ps. 118. Meditabor in mandátis tuis, quæ diléxi valdè: & levabo manus meas ad mandáta tua quæ diléxi.

Secreta.

Sacrificiis præsentibus, quæsumus, Dómine, inténde placátus: ut & devotióni nostræ proficiant, & salutí. Per Dñm.

Aliæ Secretæ.

Exáudi nos, Deus salutáris noster: ut per hujus sacraménti virtútem, à cunctis nos mentis & corporis hóstibus tueáris; grátiam tribuens in præsentí, & glóriam in futúro.

Deus, cui soli cógnitus est númerus electórum in supérna felicitáte locándus: tribue, quæsumus; ut intercedéntibus ómnibus Sanctis tuis, universórum, quos in oratióne commendátos suscepimus, & ómnium fidélium nómina, beatæ prædestinatiónis liber adscrípta retíneat. Per Dñm.

Communio. Ps. 5. Intéllige clamórem meum: inténde voci oratiónis meæ. Rex meus, & Deus meus: quóniam ad te orábo, Dómine.

Postcommunio.

Supplices te rogámus, omnipotens Deus: ut quos tuis réficis sacraméntis, tibi étiam plácitis móribus dignánte deservíre concédas. Per.

Aliæ Postcommuniones.

Mundet & múníat nos, quæsumus, Dómine, divíni sacraménti mu-

nus oblátum: & intercedénte beatá Virgine Dei genitríce Mariá, cum beátis Apóstolis tuis Pétro & Paulo, atque beáto N. & ómnibus Sanctis; à cunctis nos reddat & perversitatibus expiátos, & adversitatibus expeditos.

Puríficent nos, quæsumus, omnipotens & miséricors Deus, sacraménta quæ sumpsimus: & intercedéntibus ómnibus Sanctis tuis, præsta: ut hoc tuum sacraméntum non sit nobis reátus ad poenam, sed intercésio salutáris ad véniam: sit ablútio scélerum, sit fortitúdo fragílium, sit contra ómnia mundi perícula firmaméntum: sit vivórum atque mortuórum fidélium, remíssio ómnium delictórum. Per.

F E R I A S E C U N D A.

Statio ad sanctum Clementem.

Introitus. Psal. 25.

Redime me, Dómine, & miserere meí: pes enim meus stetit in via recta: in ecclésiis benedícam Dóminum. *Ps. ib.* Júdica me, Dómine, quóniam ego in innocentia mea ingressus sum: & in Dómino sperans non infirmábor. *V. Glória Patri.*

Orémus.

Oratio.

Præsta, quæsumus, omnipotens Deus: ut familia tua, quæ se, affligéndo carnem, ab aliméntis abstinet; secúndo justítiam, à culpa jejúnet. Per.

Aliæ Orationes, ut in Dominica præcedenti, fol. 77.

Lectio Daniélis Prophætæ. 9. b.

In diébus illis: Orávit Dániel Dóminum, dicens: Dómine, Deus noster, qui eduxísti pópulum tuum de terra Ægypti in manu forti, & fecísti tibi nomen secúndum diem hanc:

peccávimus, iniquitátem fécimus, Dómine, in omnem iustítiam tuam: aver-
tatur óbsecro ira tua, & furor tuus,
à civitáte tua Jerúsalem, & monte
sancto tuo. Propter peccáta enim nos-
tra, & iniquitátes patrum nostrórum,
Jerúsalem & pópulus tuus in oppró-
brium sunt ómnibus per circúitum
nostrum. Nunc ergo exáudi, Deus
noster, orationem servi tui, & preces
ejus: & osténde fáciem tuam super
sanctuárium tuum, quod desértum est
propter temetípsum. Inclína, Deus
meus, aurem tuam, & audi: áperi
óculos tuos, & vide desolationem nos-
tram, & civitátem, super quam invo-
cátum est nomen tuum: neque enim
in justificatióibus nostris prostérni-
mus preces ante fáciem tuam, sed in
miseratióibus tuis multis. Exáudi,
Dómine, placáre, Dómine, atténde &
fac: ne moréris propter temetípsum,
Deus meus: quia nomen tuum invo-
cátum est super civitátem, & super
pópulum tuum, Dómine, Deus noster.

Grad. Ps. 69. Adjutor meus, & libe-
rator meus esto: Dómine, ne tardá-
veris. *V.* Confundántur, & reveleántur
inimíci mei, qui quærunt ánimam
meam.

Tract. Ps. 102. Dómine, non secún-
dum peccáta nostra, quæ fécimur nos:
neque secúndum iniquitátes nostras
retribuas nobis. *V. Ps. 78.* Dómine, ne
memíneris iniquitátum nostrárum an-
tiquárum, citò anticipent nos miseri-
córdiæ tuæ, quia páuperes facti sumus
nimis. *V. [Hic genuflectitur.]* Adjuva
nos, Deus salutaris noster: & propter
glóriam nóminis tui, Dómine, libera
nos: & propítius esto peccátis nostris,
propter nomen tuum.

Sequéntia sancti Evangélii secúndum
Joánnem. 8. c.

IN illo témpore: Dixit Jesus turbis
Judæórum: Ego vado, & quærétis
me, & in peccáto vestro moriémmini.
Quò ego vado, vos non potéstis veníre.
Dicébant ergo Judæi: Numquid in-
terficiet semetípsum; quia dixit: Quò
ego vado, vos non potéstis veníre? Et
dicébat eis: Vos de deórsum estis, ego
de supérnis sum. Vos de mundo hoc
estis, ego non sum de hoc mundo.
Dixi ergo vobis, quia moriémmini in
peccátis vestris: si enim non credidé-
ritis quia ego sum, moriémmini in pec-
cáto vestro. Dicébant ergo ei: Tu
quis es? Dixit eis Jesus: Principium,
qui & loquor vobis. Multa hábeo de
vobis loqui, & judicáre. Sed qui me
misit, verax est: & ego quæ audívi
ab eo, hæc loquor in mundo. Et non
cognovérunt quia Patrem ejus dicébat
Deum. Dixit ergo eis Jesus: Cùm ex-
altavéritis Fílium hóminis, tunc cog-
noscétis quia ego sum, & à meípso
fácio nihil: sed sicut dócuit me Pater,
hæc loquor: & qui me misit, mecum
est, & non relíquit me solum: quia
ego, quæ plácita sunt ei, fácio sem-
per.

Offert. Ps. 15. Benedícam Dóminum
qui tríbuit mihi intelléctum: providé-
bam Dóminum in conspéctu meo sem-
per: quóniam à dextris est mihi, ne
commóvear.

Secreta.

HÆc hóstia, Dómine, placatiónis &
laudis, tuâ nos protectiône dig-
nos efficiat. Per Dñm.

*Aliæ Secretæ, ut in Dominica præce-
denti, fol. 78.*

Commun. Ps. 8. Dómine Dóminus noster, quàm admirábile est nomen tuum in univérſa terra!

Postcommunio.

HÆc nos commúnio, Dómine, purget à crimine: & coeléstis remédii faciát esse confórtes. Per Dñm.

Aliæ Postcommuniones, ut in Dominica præcedenti, fol. 78.

Super populum. Orémus.
Humiliáte cápita vestrá Deo.

Oratio.

ADesto supplicatióibus nostris, omnípotens Deus: & quibus fidúciā sperándæ pietátis indúlges: consuétæ misericórdiæ tríbue benígnus efféctum. Per Dñm.

F E R I A T E R T I A.

Statio ad sanctam Balbinam.

Introitus. Ps. 26.

Tibi dixit cor meum, quæſívi vultum tuum: vultum tuum, Dómine, requíram: ne avértas faciē tuam à me. *Ps. ib.* Dóminus illuminatio mea, & salus mea, quem timébo?

V. Glória Patri.

Orémus.

Oratio.

Perfice, quæsumus, Dómine, benígnus in nobis observántiæ sanctæ subſídium: ut, quæ te auctóre faciēda cognóvimus, te operánte impleámus. Per Dñm.

Aliæ Orationes, ut in Dominica præcedenti, fol. 77.

Lectio libri Regum. III. 17.

IN diébus illis: Factus est sermo Dómini ad Eliám Thesbíten, dicens: Surge, & vade in Saréphta Sidoniórum, & manébis ibi: præcépi enī ibi mulieri viduæ ut pascat te. Surrexit, &

abiit in Saréphta. Cúmque venisset ad portam civitátis, apparuit ei múlíer vídua colligens ligna, & vocávit eam, dixítque ei: Da mihi páululū aquæ in vase, ut bibam. Cúmque illa pèrgeret ut affèrret, clamávit post tergum ejus, dicens: Affer mihi, óbsecro, & buccéllam panis in manu tua. Quæ respóndit: Vivit Dóminus Deus tuus, quia non hábeo panem, nisi quantū pugíllus cápere potest farínæ in hydria, & páululū ólei in lécytho: en colligo duo ligna ut ingrédíar & faciám illud mihi, & filio meo, ut comedámus, & moriámur. Ad quam Eliás ait: Noli timére, sed vade & fac sicut dixísti: verúmtamen mihi primū fac de ipsa farínula subcinerícium panem pávulum, & affer ad me: tibi autem & filio tuo faciēs póstea. Hæc autem dicit Dóminus Deus Israél: Hydria farínæ non deficiet nec lécythus ólei minuetur, usque ad diem in qua Dóminus datúrus est plúviam super faciē terræ. Quæ abiit, & fecit juxta verbum Eliæ: & comédit ipse, & illa, & domus ejus: & ex illa die hydria farínæ non defécit, & lécythus ólei non est imminútus, juxta verbum Dómini, quod locútus fúerat in manu Eliæ.

Grad. Ps. 54. Jacta cogitatum tuum in Dómino, & ipse te enútriet.

V. Dum clamárem ad Dóminum, exaudivit vocem meam ab his, qui appropínquant mihi.

Sequéntia sancti Evangélii secúndum Matthæum. 23.

IN illo témpore: Locútus est Jesus ad turbas, & ad discípulos suos, dicens: super cáthedram Móyſis sedérunt Scribæ & Pharifæi. Omnia ergo

quæcúmque dixerint vobis, serváte & fácite: secúndum ópera verò eórum nolíte fácere: dicunt enim, & non fáciunt. Alligant enim ónera grávia & importabília & impónunt in húmeros hóminum: dígitó autem suo nolunt ea movére. Omnia verò ópera sua fáciunt ut videántur ab homínibus: dilátant enim phylactéria sua, & magníficant fimbrias. Amant autem primos recúbitus in coenis, & primas cáthedras in synagógis, & salutatiónes in foro, & vocári ab homínibus Rabbi. Vos autem nolíte vocári Rabbi. Unus est enim Magíster vester, omnes autem vos fratres estis. Et patrem nolíte vocáre vobis super terram: unus est enim Pater vester qui in cœlis est. Nec vocémini magístri: quia Magíster vester unus est Christus. Qui major est vestrúm, erit miníster vester. Qui autem se exaltáverit, humiliábitur: & qui se humiliáverit, exaltábitur.

Offert. Ps. 50. Miserére meí, Dómine, secúndum magnam misericórdiam tuam: dele, Dómine, iniquitátem meam.

Secreta.

SANCTIFICATIÓNEM tuam nobis, Dómine, his mystériis operáre placátus: quæ nos & à terrénis purget vítiis, & ad coeléstia dona perdúcat. Per.

Aliæ Secretæ, ut in Dominica præcedenti, fol. 78.

Communio. Ps. 9. Narrábo ómnia mirabília tua: lætabor & exultábo in te: psallam nómini tuo, Altíssime.

Postcommunio.

UT facris, Dómine, reddámur digni munéribus, fac nos tuis, quæsumus, semper obedíre mandátis. Per.

Aliæ Postcommuniones, ut in Dominica præcedenti, fol. 78.

Super populum. Orémus.
Humiliáte cápita vestra Deo.

Oratio.

PROPITIÁRE, Dómine, supplicatióibus nostris, & animárum nostrárum medére languóribus: ut remissióne percéptâ, in tua semper benedictiône lætemur. Per Dñm.

F E R I A Q U A R T A .

Statio ad sanctam Cæciliam.

Introitus. Psal. 37.

NE derelínquas me, Dómine Deus meus, ne discédas à me: inténde in adiutórium meum, Dómine virtus salútis meæ. *Ps. ib.* Dómine, ne in furóre tuo árguas me: neque in ira tua corrípias me. *V.* Glória Patri.
Orémus.

Oratio.

POPULUM tuum, quæsumus, Dómine, propítius réspice: & quos ab efcis carnálibus præcipis abstinére, à nóxiis quoque vítiis cessáre concéde. Per.

Aliæ Orationes, ut in Domin. fol. 77.

Léctio libri Esther. 13. c.

IN diébus illis: Orávit Mardocheus ad Dóminum, dicens: Dómine, Dómine Rex omnípotens, in ditióne enim tua cuncta sunt pósita: & non est qui possit tuæ resístere voluntáti, si decreveris salváre Israél. Tu fecísti cœlum & terram, & quidquid cœli ámbitu continétur, Dóminus ómnium es, nec est qui resístat majestáti tuæ. Et nunc, Dómine Rex Deus Abraham, miserére pópuli tui, quia volunt nos inimíci nostri pérdere, & hereditátem tuam delére. Ne despicias partem tuam, quam redemísti tibi de Ægypto.

L

Exaudi deprecationem meam, & propitius esto forti & funiculo tuo, & converte luctum nostrum in gaudium, ut viventes, laudemus nomen tuum Domine, & ne claudas ora te canentium, Domine Deus noster.

Grad. Ps. 27. Salvum fac populum tuum, Domine, & benedic hereditati tuæ. *V.* Ad te, Domine, clamavi, Deus meus, ne sileas à me, & ero similis descendentibus in lacum.

Tract. Ps. 102. Domine, non secundum peccata nostra, quæ fecimus nos: neque secundum iniquitates nostras retribuas nobis. *V. Ps. 78.* Domine, ne memineris iniquitatum, nostrarum antiquarum: citò anticipent nos misericordiae tuæ, quia pauperes facti sumus nimis. *V. [Hic genuflectitur]* Adjuva nos Deus salutaris noster: & propter gloriam nominis tui, Domine, libera nos: & propitius esto peccatis nostris, propter nomen tuum.

Sequentia sancti Evangelii secundum Matthæum. 20. b.

IN illo tempore: Ascendens Jesus Ierosolymam, assumpsit duodecim discipulos secretò, & ait illis: Ecce ascendimus Ierosolymam, & Filius hominis tradetur principibus sacerdotum, & Scribis, & condemnabunt eum morte, & tradent eum Gentibus ad illudendum, & flagellandum, & crucifigendum, & tertiâ die resurget. Tunc accessit ad eum mater filiorum Zebedæi cum filiis suis, adorans & petens aliquid ab eo. Qui dixit ei: Quid vis? Ait illi: Dic ut sedent hi duo filii mei unus ad dexteram tuam, & unus ad sinistram, in regno tuo. Respondens autem Jesus, dixit: Nescitis quid pe-

tatis. Potestis bibere calicem, quem ego bibiturus sum? Dicunt ei: Possumus. Ait illis: Calicem quidem meum bibetis; sedere autem ad dexteram meam vel sinistram, non est meum dare vobis, sed quibus paratum est à Patre meo. Et audientes decem, indignati sunt de duobus fratribus. Jesus autem vocavit eos ad se, & ait: Scitis quia principes gentium dominantur eorum: & qui majores sunt, potestatem exercent in eos. Non ita erit inter vos, sed quicumque voluerit inter vos major fieri, sit vester minister: & qui voluerit inter vos primus esse, erit vester servus. Sicut filius hominis non venit ministrari, sed ministrare, & dare animam suam, redemptionem pro multis.

Offert. Ps. 24. Ad te, Domine, levavi animam meam: Deus meus, in te confido, non erubescam: neque irideant me inimici mei: etenim universi, qui te expectant, non confundentur.

Secreta.

Hostias, Domine, quas tibi offerimus, propitius respice: & per hæc sancta commercia, vincula peccatorum nostrorum absolve. Per Dñm.

Aliae Secretæ, ut in Dominica præcedenti, fol. 78.

Communio. Ps. 10. Justus Dominus, & justitiam dilexit: æquitatem vidit vultus ejus.

Postcommunio.

Sumptis, Domine, sacramentis ad redemptionis æternæ, quæsumus, proficiamus augmentum. Per Dñm.

Aliae Postcommuniones, ut in Dominica præcedenti, fol. 78.

Super populum. Orémus.
Humiliáte cápita vestra Deo.

Oratio.

DEus, innocentíæ restitutor & amá-
tor, dirige ad te tuórum corda
servórum: ut spíritus tui fervóre con-
cépto, & in fide inveniántur stábiles,
& in ópere efficáces. Per Dñm nos-
trum . . . in unitáte ejúsdem Spíritus
sancti Deus.

F E R I A Q U I N T A .

Statio ad S. Mariam trans Tiberim.

Introitus. Ps. 69.

DEus, in adjutórium meum in-
ténde, Dómine, ad adjuvándum
me festína: confundántur & reve-
ántur inimíci mei, qui quæerunt áni-
mam meam. *Ps. ib.* Avertántur re-
trórsum & erubéscant, qui cógitant
mihi mala. *V. Glória Patri.*

Orémus.

Oratio.

PRæsta nobis, quæsumus, Dómine,
auxílium grátiae tuæ: ut jejúniis
& oratióibus conveniénter inténti,
liberémur ab hóstibus mentis & cór-
poris. Per Dñm.

*Aliæ Orationes, ut in Dominica præ-
cedenti, fol. 77.*

Léctio Jeremiæ Prophætæ. 17.

HÆc dicit Dóminus Deus: Male-
dictus homo, qui confidit in hó-
mine, & ponit carnem bráchium suum,
& à Dómino recédit cor ejus. Erit
enim quasi myricæ in desérto, & non
vidébit cùm vénerit bonum: sed ha-
bitábit in siccitáte in desérto, in terra
falsúginis, & inhabitábili. Benedíctus
vir, qui confidit in Dómino, & erit
Dóminus fidúcia ejus. Et erit quasi
lignum quod transplantátur super a-

quas, quod ad humórem mittit radices
suas: & non timébit cùm vénerit æs-
tus. Et erit fólium ejus víride, & in
témptore siccitátis non erit sollicitum,
nec aliquándo désinet fácere fructum.
Pravum est cor ómnium, & inscrutá-
bile: quis cognóscet illud? Ego Dó-
minus, scrutans cor, & probans renes:
qui do unicuique juxta viam suam, &
juxta fructum adinventiόνum suárum:
dicit Dóminus omnípotens.

Grad. Ps. 78. Propítius esto, Dómine,
peccátis nostris: nequándo dicant
Gentes, ubi est Deus eórum?

V. Adjuva nos, Deus salutáris nos-
ter, & propter honórem nóminis tui,
Dómine, libera nos.

*Sequéntia sancti Evangélii secúndum
Lucam. 16.*

IN illo témpore: Dixit Jesus Phari-
sæis: Homo quidam erat dives, qui
induebátur púrpurâ & bysso: & epu-
labátur quotidie spléndidè. Et erat
quidam mendícus, nómine Lázarus,
qui jacébat ad jánuam ejus, ulcéribus
plenus, cúpiens saturári de micis, quæ
cadébant de mensa dívitis, & nemo
illi dabat: sed & canes veniébant, &
lingébant úlcers ejus. Factum est au-
tem ut morerétur mendícus, & porta-
rétur ab Angelis in sinum Abrahæ.
Mórtuus est autem & dives, & sepúltus
est in inférno. Elevans autem óculos
suos, cùm esset in torméntis, vidit
Abraham à longè, & Lázarum in sinu
ejus: & ipse clamans, dixit: Pater
Abraham, miserére meí: & mitte Lá-
zarum, ut intíngat extrémum dígití
sui in aquam, ut refrígeret linguam
meam, quia crúciór in hac flamma.
Et dixit illi Abraham: Fili, recordáre

quia recepisti bona in vita tua, & Lázarus similiter mala: nunc autem hic consolatur, tu verò cruciáris. Et in his ómnibus, inter nos & vos chaos magnum firmátum est: ut hi, qui volunt hinc transire ad vos, non possint, neque inde huc transmeare. Et ait: Rogo ergo te, pater, ut mittas eum in domum patris mei. Hábeo enim quinque fratres, ut testétur illis, ne & ipsi véniant in hunc locum tormentórum. Et ait illi Abraham: Habent Móysen, & Prophétas: áudiant illos. At ille dixit: Non, Pater Abraham: sed si quis ex mórtuis íerit ad eos, pœniténtiam agent. Ait autem illi: Si Móysen & Prophétas non áudiunt; neque si quis ex mórtuis resurréxerit, credent.

Offert. Exod. 32. Precátus est Móyses in conspéctu Dómini Dei sui, & dixit: Quare, Dómine, irásceris in pópulo tuo? parce iræ ánimæ tuæ: memento Abraham, Isaac, & Jacob, quibus jurásti dare terram fluéntem lac & mel: & placátus est Dóminus de malignitáte, quam dixit fácere pópulo suo.

Secreta.

PRæsénti sacrificio, nómini tuo nos, Dómine, jejúnia dicáta sanctíficent: ut quod observántia nostra profitétur extérius, intérius operétur effectú. Per Dñm.

Aliæ Secretæ, ut in Domin. fol. 78.

Communio. Joan. 6. Qui mandúcat meam carnem, & bibit meum sánguinem, in me manet, & ego in eo, dicit Dóminus.

Postcommunio.

GRátia tua nos, quæsumus, Dómine, non derelínquat: quæ & sacræ

nos déditos fáciat servitúti, & tuam nobis opem semper acquírat. Per Dñm.

Aliæ Postcommuniones, ut in Dominica præcedenti, fol. 78.

Super populum. Orémus.

Humiliáte cápita vestra Deo.

Oratio.

ADesto, Dómine, fámulis tuis, & perpétuam benignitátem largíre poscéntibus: ut iis, qui te auctóre & gubernatóre gloriántur, & congregáta restáures, & restauráta consérves. Per.

F E R I A S E X T A.

Statio ad sanctum Vitalem.

Introitus. Ps. 16.

EGO autem cum iustítia apparébo in conspéctu tuo: satiábor dum manifestábitur glória tua. *Ps. 16.* Exáudi, Dómine, iustítiam meam: inténde deprecationi meæ.

V. Glória Patri.

Orémus.

Oratio.

DA, quæsumus, omnipotens Deus: ut sacro nos purificánte jejúnio, síncéris méntibus ad sancta ventúra faciás perveníre. Per Dñm.

Aliæ Orationes, ut in Domin. fol. 77.

Lectio libri Génesis. 37.

IN diébus illis: Dixit Joseph fratribus suis: Audíte sómniū meum, quod vidi: Putábam nos ligáre manípulos in agro, & quasi confúrgere manípulum meum, & stare, vestrosque manípulos circumstántes adoráre manípulum meum. Respondérunt fratres ejus: Numquid rex noster eris? aut subjiciémur ditióni tuæ? Hæc ergo causa sómniórum atque fermónum, invidiæ & ódii sómitem ministrávit. Aliud quoque vidit sómniū, quod

narrans fratribus, ait: Vidi per somnium quasi solem, & lunam, & stellas undecim adorare me. Quod cum patri suo & fratribus retulisset, increpavit eum pater suus, & dixit: Quid sibi vult hoc somnium, quod vidisti? num ego & mater tua & fratres tui adorabimus te super terram? Invidébant ei igitur fratres sui: pater verò rem tacitus considerabat. Cumque fratres illius in pascendis gregibus patris morarentur in Sichem, dixit ad eum Israël: fratres tui pascunt oves in Sichemis: veni, mittam te ad eos. Quo respondente, Præsto sum, ait ei: Vade & vide si cuncta prospera sint erga fratres tuos, & pecora, & renuntia mihi quid agatur. Missus de valle Hebron, venit in Sichem: invenitque eum vir errantem in agro, & interrogavit quid quæreret. At ille respondit: Fratres meos quæro: indica mihi ubi pascant greges. Dixitque ei vir: Recesserunt de loco isto: audivi autem eos dicentes: Eamus in Dóthian. Perrexit ergo Joseph post fratres suos, & invenit eos in Dóthain. Qui cum vidissent eum procul, antequam accederet ad eos, cogitaverunt illum occidere: & mutuò loquebantur: Ecce somniator venit: venite, occidamus eum, & mittamus in cisternam veterem: dicemusque, Fera pessima devoravit eum: & tunc apparébit quid illi profint somnia sua: Audiens autem hoc Ruben, nitebatur liberare eum de manibus eorum, & dicebat: Non interficiatis animam ejus, nec effundatis sanguinem: sed projicite eum in cisternam hanc, quæ est in solitudine, manusque vestras servate

innóxias: hoc autem dicebat, volens eripere eum de manibus eorum, & reddere patri suo.

Grad. Ps. 119. Ad Dóminum, cum tribulárer clamávi, & exaudivit me. *V.* Dómine, libera ánimam meam à lábiis iníquis, & à lingua dolósa.

Tract. Ps. 102. Dómine, non secúndum peccáta nostra, quæ fecimus nos: neque secúndum iniquitátes nostras retribuas nobis. *V. Ps. 78.* Dómine, ~~ne~~ memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. *V. [Hic genuflexitur]* Adjuva nos, Deus salutáris noster: & propter glóriam nóminis tui, Dómine, libera nos: & propítius esto peccátis nostris, propter nomen tuum.

Sequéntia sancti Evangélíi secúndum Matthæum. 21. é.

IN illo témpore: Dixit Jesus turbis Judæórum, & princípibus sacerdotum parábolam hanc: Homo erat paterfamílias, qui plantávit vineam, & sepem circúmdedit ei, & fodit in ea tórcular, & ædificávit turrim, & locávit eam agricolis, & péregrè profectus est. Cum autem tempus fructuum appropinquáffet, misit servos suos ad agricolas, ut acciperent fructus ejus. Et agricolæ, apprehénsis servis ejus álium ceciderunt, álium occiderunt, álium verò lapidaverunt. Iterum, misit álios servos plures prióribus, & fecerunt illis simíliter. Novissimè autem misit ad eos filium suum, dicens: Verébuntur filium meum. Agricolæ autem vidéntes filium, dixerunt intra se: Hic est hæres, venite occidamus eum, & habébimus hereditátem ejus. Et

apprehensum eum ejecerunt extra vineam, & occiderunt. Cum ergo venerit dominus vineæ, quid faciet agricolis illis? Aiunt illi: Malos malè perdet: & vineam suam locabit aliis agricolis, qui reddant ei fructum temporibus suis. Dicit illis Iesus: Numquam legistis in scripturis, Lapidem, quem reprobaverunt ædificantes, hic factus est in caput anguli? A Domino factum est istud, & est mirabile in oculis nostris. Ideò dico vobis, quia auferetur à vobis regnum Dei, & dabitur genti facienti fructus ejus. Et qui ceciderit super lapidem istum, confringetur: super quem verò ceciderit, conteret eum. Et cum audissent principes sacerdotum & Pharisei parabolas ejus, cognoverunt quòd de ipsis diceret. Et quærentes eum tenere, timuerunt turbas: quoniam sicut Prophetam eum habebant.

Offert. Ps. 39. Domine, in auxilium meum respice: confundantur & revereantur, qui quærent animam meam, ut auferant eam: Domine, in auxilium meum respice.

Secreta.

HÆc in nobis sacrificia, Deus, & actione permaneant, & operatione firmantur. Per Dñm.

Aliæ Secretæ, ut in Dominica præcedenti, fol. 78.

Communio. Ps. 111. Tu, Domine, servabis nos, & custodies nos à generatione hac in ætèrnum.

Postcommunio.

FAc nos, quæsumus, Domine, accepto pignore salutis æternæ sic tendere congruenter: ut ad eam pervenire possimus. Per Dñm.

Aliæ Postcommuniones, ut in Dominica præcedenti, fol. 78.

Super populum. Orémus.
Humiliate capita vestra Deo.

Oratio.

DA, quæsumus, Domine, populo tuo salutem mentis & corporis: ut bonis operibus inhærendo, tuæ semper virtutis mereatur protectione defendi. Per Dñm.

S A B B A T O.

Statio ad SS. Marcellianum & Petrum.

Introitus. Ps. 18.

LEx Domini irreprehensibilis, convertens animas: testimonium Domini fidele, sapientiam præstans parvulis. *Ps. ib.* Cœli enarrant gloriam Dei: & opera manuum ejus annuntiat firmamentum.

V. Glória Patri.

Orémus.

Oratio.

DA, quæsumus, Domine, nostris effectum jejuniis salutarem: ut castigatio carnis assumptâ, ad nostrarum vegetationem transeat animarum. Per Dñm.

Aliæ Orationes, ut in Dominica præcedenti, fol. 78.

Lectio libri Genes. 27.

IN diebus illis: Dixit Rebécca filio suo Jacob: Audivi patrem tuum loquentem cum Esaü fratre tuo, & dicentem ei: Affer mihi de venatione tua, & fac cibos ut comedam, & benedicam tibi coram Domino antequam moriar. Nunc ergo, fili mi, acquiesce consiliis meis: & pergens ad gregem, affer mihi duos hoedos optimos, ut faciam ex eis escas patri tuo, quibus libenter vescitur: quas cum intuleris,

& comederit, benedicat tibi priusquam moriatur. Cui ille respondit: Nosti quod Esaü frater meus homo pilosus sit, & ego lenis: si attrectaverit me pater meus, & senserit, timeo ne putet me sibi voluisse illudere, & inducam super me maledictionem pro benedictione. Ad quem mater: In me sit, ait, ista maledictio, fili mi: tantum audi vocem meam, & pergens, affer quæ dixi. Abiit, & attulit, deditque matri. Paravit illa cibos, sicut velle noverat patrem illius. Et vestibus Esaü valde bonis, quas apud se habebat domi, induit eum: pelliculasque hædorum circumdedit manibus, & colli nuda protexit. Deditque pulmentum, & panes, quos coxerat, tradidit. Quibus illatis, dixit: Pater mi? At ille respondit: Audio. Quis es tu, fili mi? Dixitque Jacob: Ego sum primogenitus tuus Esaü: feci sicut præcepisti mihi: surge, sede, & comede de venatione mea, ut benedicat mihi anima tua. Rursumque Isaac ad filium suum: Quomodo, inquit, tam cito invenire potuisti, fili mi? Qui respondit: Voluntas Dei fuit ut cito occurreret mihi quod volebam. Dixitque Isaac: Accede huc, ut tangam te, fili mi, & probem utrum tu sis filius meus Esaü, an non. Accessit ille ad patrem, & palpato eo, dixit Isaac: Vox quidem, vox Jacob est: sed manus, manus sunt Esaü. Et non cognovit eum, quia pilosæ manus similitudinem majoris expræfferant. Benedicens ergo illi, ait: Tu es filius meus Esaü? Respondit, Ego sum. At ille, Affer mihi, inquit, cibos de venatione tua, fili mi, ut benedicat tibi anima mea. Quos

cum oblatos comedisset, obtulit ei etiam vinum. Quo hausto, dixit ad eum: Accede ad me, & da mihi osculum, fili mi. Accessit, & osculatus est eum. Statimque ut sensit vestimentorum illius fragrantiam, benedicens illi, ait: Ecce odor filii mei, sicut odor agri pleni, cui benedixit Dominus. Det tibi Deus de rore cœli, & de pinguedine terræ, abundantiam frumenti & vini. Et serviant tibi populi, & adorent te tribus: esto dominus fratrum tuorum, & incurvantur ante te filii matris tuæ. Qui maledixerit tibi, sit ille maledictus: & qui benedixerit tibi, benedictionibus repleatur. Vix Isaac sermonem implèverat; & egresso Jacob foras, venit Esaü, coctosque de venatione cibos intulit patri, dicens: Surge pater mi, & comede de venatione filii tui, ut benedicat mihi anima tua. Dixitque illi Isaac: Quis enim es tu? Qui respondit: Ego sum filius tuus primogenitus Esaü. Expavit Isaac stupore vehementi, & ultra quam credi potest, admirans, ait: Quis igitur ille est, qui dudum captam venationem attulit mihi? & comedi ex omnibus priusquam tu venires, benedixique ei, & erit benedictus. Auditis Esaü sermonibus patris, irrúgiit clamore magno: & consternatus ait: Benedic etiam & mihi, pater mi. Qui ait: Venit germanus tuus fraudulenter, & accepit benedictionem tuam. At ille subjunxit: Justè vocatum est nomen ejus Jacob: supplantavit enim me in altera vice: primogenita mea antè tulit, & nunc secundo furrípuit benedictionem meam. Rursumque ad patrem: numquid non reservasti, ait,

& mihi benedictionem? Respondit Isaac: Dominum tuum illum constitui, & omnes fratres ejus servituti illius subjugavi: frumento & vino stabilivi eum, & tibi post hæc, fili mi, ultra quid faciam? Cui Esaü: Num unam, inquit, tantum benedictionem habes, pater? mihi quoque, obsecro ut benedicas. Cumque ejulatu magno fleret, motus Isaac, dixit ad eum: In pinguedine terræ, & in rore cœli desuper erit benedictio tua.

Grad. Ps. 91. Bonum est confiteri Domino, & psallere nomini tuo, Altissime. *V.* Ad annuntiandum manem misericordiam tuam, & veritatem tuam per noctem.

Sequentia sancti Evangelii secundum Lucam. 15. c.

IN illo tempore: Dixit Jesus Phariseis & Scribis parabolam istam: Homo quidam habuit duos filios: & dixit adolescentior ex illis patri: Pater, da mihi portionem substantiæ, quæ me contingit. Et divisit illi substantiam. Et non post multos dies, congregatis omnibus, adolescentior filius peregre profectus est in regionem longinquam, & ibi dissipavit substantiam suam vivendo luxuriose. Et postquam omnia consummasset, facta est fames valida in regione illa, & ipse cepit egere, & abiit, & adhæsit uni civium regionis illius. Et misit illum in villam suam, ut pasceret porcos. Et cupiebat implere ventrem suum de siliquis, quas porci manducabant: & nemo illi dabat. In se autem reversus, dixit: Quanti mercenarii in domo patris mei abundant panibus, ego autem hic fame pereor? Surgam, & ibo ad Patrem me-

um, & dicam ei: Pater, peccavi in cœlum, & coram te, jam non sum dignus vocari filius tuus: fac me sicut unum de mercenariis tuis. Et surgens, venit ad patrem suum. Cum autem adhuc longè esset, vidit illum pater ipsius, & misericordiâ motus est, & accurrens cecidit super collum ejus, & osculatus est eum. Dixitque ei filius: Pater, peccavi in cœlum, & coram te: jam non sum dignus vocari filius tuus. Dixit autem pater ad servos suos: Citò proferte stolam primam, & induite illum, & date annulum in manum ejus, & calceamenta in pedes ejus: & adducite vitulum faginatum, & occidite, & manducemus & epulemur: quia hic filius meus mortuus erat, & revixit: perierat, & inventus est. Et cœperunt epulari. Erat autem filius ejus senior in agro: & cum veniret, & appropinquaret domui, audit symphoniam, & chorum: & vocavit unum de servis, & interrogavit, quid hæc essent. Isque dixit illi: Frater tuus venit, & occidit pater tuus vitulum faginatum, quia salvum illum recepit. Indignatus est autem, & nolēbat introire. Pater ergo illius egressus, cepit rogare illum. At ille respondens, dixit patri suo: Ecce tot annis servio tibi, & numquam mandatum tuum præterivi, & numquam dedisti mihi hoedum, ut cum amicis meis epularer: sed postquam filius tuus hic, qui devoravit substantiam suam cum meretricibus, venit, occidisti illi vitulum faginatum. At ipse dixit illi: Fili, tu semper mecum es, & omnia mea tua sunt: epulari autem, & gaudere oportebat, quia frater

tuus hic mortuus erat & revixit; perierat, & inventus est.

Offert. Ps. 12. Illúmina óculos meos, ne umquam obdórmiam in morte: ne quando dicat inimicus meus, præválui advérsus eum.

Secreta.

His sacrificiis, Dómine, concéde placatus: ut, qui propriis orámus absólvi delictis, non gravémur extéris. Per Dñm.

Aliæ Secretæ, ut in Dominica præcedenti, fol. 78.

Communio. Luc. 15. Opórtet te, fili, gaudere, quia frater tuus mortuus fuerat, & revixit: perierat, & inventus est.

Postcommunio.

Sacraménti tui, Dómine, divína libatio, penetrália nostri cordis infúndat: & fui nos partícipes poténter efficiat. Per Dñm.

Aliæ Postcommuniones, ut in Dominica præcedenti, fol. 78.

Super populum. Orémus. Humiliáte cápita vestra Deo.

Oratio.

Famíliam tuam, quæsumus, Dómine, continuâ pietáte custódi: ut quæ in sola spe grátiae coeléstis innítitur, coeléstí étiam protectióne muniátur. Per Dñm.

DOMINICA III. IN QUADRAGES.

Statio ad S. Laurentium extra muros.

Introitus. Psal. 24.

Oculi mei semper ad Dóminum, quia ipse evéllit de láqueo pedes meos: respice in me, & miserere mei, quóniam unicus, & pauper sum ego. *Ps. ib.* Ad te, Dómine, levavi

ánimam meam: Deus meus, in te confido, non erubescam.

V. Glória Patri.

Orémus.

Oratio.

Quæsumus, omnipotens Deus, vota humílium respice: atque ad defensiónem nostram, dexteram tuæ majestátis exténde. Per Dñm.

Ad poscenda suffragia Sanctorum. Oratio.

Acunctis nos, quæsumus, Dómine, mentis & corpóris defénde periculis: & intercedente beátâ & gloriósâ semper Vírgine Dei genitríce Mariâ, cum beátis Apóstolis tuis Petro & Paulo, atque beáto N. & ómnibus Sanctis, salutem nobis tríbue benígnus, & pacem: ut destrúctis adversitatibus & erróribus univérsis, Ecclésia tua securâ tibi sérviat libertáte.

Pro Vivis & Defunctis. Oratio.

Omnípotens sempitérne Deus, qui vivórum domináris simul & mortuórum, omniúmque miseréris, quos tuos fide & ópere futúros esse prænóscis: te súpplices exorámus; ut, pro quibus effúndere preces decrevimus, quosque vel præsens sæculum adhuc in carne rétinet, vel futúrum jam exútos corpore fuscépit; intercedéntibus ómnibus Sanctis tuis, pietátis tuæ cleméntiâ, ómnium delictórum suórum véniam consequántur. Per.

Lectio Epístolæ beáti Pauli Apóstoli ad Ephésios. 5.

Fratres, Estóte imitatóres Dei, sicut filii charíssimi: & ambuláte in dilectióne, sicut & Christus diléxit nos, & tradidit semetípsum pro nobis oblationem & hóstiam Deo in odórem suavitátis. Fornicatio autem, & omnis immunditia, aut avarítia, nec nomi-

nētur in vobis, sicut decet sanctos : aut turpitudō, aut stultilōquium, aut scurrilitas, quæ ad rem non pērtinet : sed magis gratiārum actio. Hoc enim scitōte intelligētes : quōd omnis fornicātor, aut immūndus, aut avārus quod est idolōrum fērvitus, non habet hereditātem in regno Christi & Dei. Nemo vos seducat inānibus verbis : propter hæc enim venit ira Dei in filios diffidētiæ. Nolite ergo effici partīcipes eōrum. Erātis enim aliquādo tēnebræ : nunc autem lux in Dōmino. Ut filii lucis ambulāte : fructus enim lucis est in omni bonitāte, & iustitia, & veritate.

Offert. Ps. 9. Exūrgē, Dōmine, non prævāleat homo : judicēntur Gentes in conspēctu tuo. *V.* In convertēdo inimicum meum retrōrsūm, infirmabūntur, & perībunt à faciē tua.

Tract. Ps. 122. Ad te levāvi oculos meos, qui hābitas in coelis. *V.* Ecce sicut oculi servōrum in mānibus dominōrum suōrum. *V.* Et sicut oculi ancillæ in mānibus dōminæ suæ : ita oculi nostri ad Dōminum Deum nostrum, donec misereātur nostrī. *V.* Miserere nobis, Dōmine, miserere nobis. Sequēntia sancti Evangēlii secūndūm Lucam. 11. b.

IN illo tēpore : Erat Iesus ejiciens dæmōnium, & illud erat mutum. Et cūm eiecisset dæmōnium, locutus est mūtus, & admiratæ sunt turbæ. Quidam autem ex eis dixerunt : In Beélzebub principe dæmoniōrum ejicit dæmōnia. Et alii tentāntes, signum de coelo quærēbant ab eo. Ipse autem ut vidit cogitationes eōrum, dixit eis : Omne regnum in seipsum divīsum,

desolābitur, & domus supra domum cadet. Si autem & Sātanas in seipsum divīsus est, quōmodo stabit regnum ejus ? quia dicitis, in Beélzebub me ejicere dæmōnia. Si autem ego in Beélzebub ejicio dæmōnia : filii vestri in quo ejiciunt ? ideo ipsi iudices vestri erunt. Porro si in dīgito Dei ejicio dæmōnia : profectō pervēnit in vos regnum Dei. Cūm fortis armātus custōdit atrium suum, in pace sunt ea quæ possidet. Si autem fortior eo supervēniens vicerit eum, univērsa arma ejus auferet, in quibus confidēbat, & spolia ejus distribuet. Qui non est mecum, contra me est : & qui non colligit mecum, dispērgit. Cūm immūndus spīritus exierit de hōmine, āmbulat per loca inaquōsa, quærēns requiem : & non invēniens, dicit : Revērtar in domum meam unde exīvi. Et cūm vēnerit, invenit eam scopis mundātam, & ornātam. Tunc vadit, & assumit septem alios spīritus secum nequiores se, & ingressi hābitant ibi. Et fiunt novissima hōminis illius pejora priōribus. Factum est autem, cūm hæc diceret : extollens vocem quædam mulier de turba, dixit illi : Beātus venter, qui te portāvit : & ūbera, quæ fuxisti. At ille dixit : Quinimō beāti, qui audiunt verbum Dei, & custodiunt illud. Credo.

Offert. Ps. 18. Iustitiæ Dōmini rectæ, lætificāntes corda, & iudicia ejus dulciōra super mel, & favum : nam & servus tuus custōdit ea.

Secreta.

HÆc hōstia, Dōmine, quæsumus, emūndet nostra delicta : & ad sacrificium celebrāndum, subditōrum

tibi corpora mentesque sanctificet.
Per Dñm.

Alie Secretæ.

EXaudi nos, Deus salutaris noster: ut per hujus sacramenti virtutem, à cunctis nos mentis & corporis hostibus tuearis; gratiam tribuens in præfenti, & glóriam in futuro.

Deus, cui soli cognitus est numerus electorum in supérna felicitate locandus: tribue, quæsumus; ut intercedentibus omnibus Sanctis tuis, universorum, quos in oratione commendatos suscepimus, & omnium fidelium nomina, beatæ prædestinationis liber adscripta retineat. Per Dñm.

Communio. Ps. 83. Passer invenit sibi domum, & turtur nidum, ubi repónat pullos suos: altaria tua, Dómine virtutum, Rex meus, & Deus meus: beati qui habitant in domo tua, in sæculum sæculi laudábunt te.

Postcommunio.

Acunctis nos, quæsumus, Dómine, reatibus & periculis propitiatus absolve: quos tanti mystérii tribuis esse partícipes. Per Dñm.

Alie Postcommuniones.

Mundet & múniat nos, quæsumus, Dómine, divíni sacramenti munus oblátum: & intercedente beatâ Virgine Dei genitríce Mariâ, cum beatís Apóstolis tuis Petro & Paulo atque beáto N. & omnibus Sanctis; à cunctis nos reddat & perversitatibus expiátos, & adversitatibus expeditos.

Purificent nos, quæsumus, omnipotens & misericors Deus, sacramenta quæ sumpsimus: & intercedentibus omnibus Sanctis tuis, præsta: ut hoc tuum sacramentum non sit nobis reátus

ad poenam, sed intercèssio salutáris ad véniam: sit ablútio scelerum, sit fortitúdo fragílium, sit contra ómnia mundi perícula firmaméntum: sit vivorum atque mortuorum fidélium, remíssio ómnium delictórum. Per.

F E R I A S E C U N D A.

Statio ad sanctum Marcum.

Introitus. Psal. 55.

IN Deo laudábo verbum, in Dómino laudábo fermónem: in Deo sperábo, non timébo quid fáciat mihi homo. *Ps. ib.* Miserére meí, Deus, quóniam conculcávit me homo: totâ die bellans tribulávit me.

V. Glória Patri.

Orémus.

Oratio.

Cordibus nostris, quæsumus, Dómine, grátiam tuam benígnus infúnde: ut, sicut ab escis carnálibus abstinémus; ità sensus quoque nostros à nóxiis retrahámus excéssibus. Per.

Alie Orationes, ut in Dominica præcedenti, fol. 89.

Lectio libri Regum. IV. 5.

IN diébus illis: Náaman princeps militiæ regis Syriæ, erat vir magnus apud dóminum suum, & honorátus: per illum enim dedit Dóminus salutem Syriæ: erat autem vir fortis, & dives, sed leprósus. Porro de Syria egréssi fúerant latrúnculi, & captívam dúxerant de Terra Israél puéllam párvulam, quæ erat in obsequio uxóris Náaman, quæ ait ad dóminam suam: Utinam fuíffet dóminus meus ad Prophétam, qui est in Samaría, profectò curáffet eum à lepra, quam habet. Ingréssus est itaque Náaman ad dóminum suum, & nuntiávit ei, dicens:

Sic & sic locuta est puella de Terra Israël. Dixitque ei rex Syriæ: Vade, & mittam litteras ad regem Israël. Qui cum profectus esset, & tulisset secum decem talenta argenti, & sex milia aureos, & decem mutatoria vestimentorum, detulit litteras ad regem Israël, in hæc verba: Cum acceperis epistolam hanc, scito quod miserim ad te Náaman servum meum, ut cures eum à lepra sua. Cumque legisset rex Israël litteras, scidit vestimenta sua, & ait: Numquid Deus ego sum, ut occidere possim, & vivificare, quia iste misit ad me, ut cures hominem à lepra sua: animadvertite, & videte quod occasiones quærat adversum me. Quod cum audisset Eliseus vir Dei, scidisse videlicet regem Israël vestimenta sua, misit ad eum, dicens: Quare scidisti vestimenta tua? veniat ad me, & sciat esse Prophetam in Israël. Venit ergo Náaman cum equis & curribus, & stetit ad ostium domus Elisei: misitque ad eum Eliseus nuntium, dicens: vade & lavare septies in Jordane, & recipiet sanitatem caro tua, atque mundaberis. Iratus Náaman recedebat, dicens: Putabam quod egrederetur ad me, & stans invocaret nomen Domini Dei sui, & tangeret manu suâ locum lepræ: & curaret me. Numquid non meliores sunt Abana & Pharphar, fluvii Damasci, omnibus aquis Israël, ut laver in eis, & munder? Cum ergo vertisset se, & abiret indignans, accesserunt ad eum servi sui, & locuti sunt ei: Pater, & si rem grandem dixisset tibi Propheta, certè facere debueras: quanto magis quia nunc dixit tibi: Lavare, & mundaberis? Descendit, & lavit in

Jordane septies juxta sermonem viri Dei, & restituta est caro ejus, sicut caro pueri parvuli, & mundatus est. Reversusque ad virum Dei cum universo comitatu suo, venit, & stetit coram eo, & ait: Verè scio, quod non sit alius Deus in universa terra, nisi tantum in Israël.

Grad. Ps. 55. Deus, vitam meam annuntiavi tibi: posuisti lacrymas meas in conspectu tuo. *V.* Miserere mei, Domine, quoniam conculcavit me homo, totâ die bellans tribulavit me.

Tract. Ps. 102. Domine, non secundum peccata nostra, quæ fecimus nos: neque secundum iniquitates nostras retribuas nobis. *V.* *Ps. 78.* Domine, ne memineris iniquitatum nostrarum antiquarum, citò anticipent nos misericordiae tuæ, quia pauperes facti sumus nimis. *V.* [*Hic genuflectitur.*] Adjuva nos, Deus salutaris noster: & propter gloriam nominis tui, Domine, libera nos: & propitius esto peccatis nostris, propter nomen tuum.

Sequentia sancti Evangelii secundum Lucam. 4. d.

IN illo tempore: Dixit Jesus Phariseis: Utique dicetis mihi hanc similitudinem: Medice, cura te ipsum: quanta audivimus facta in Capharnaüm, fac & hinc in patria tua. Ait autem: Amen dico vobis, quia nemo propheta acceptus est in patria sua. In veritate dico vobis, multæ viduæ erant in diebus Eliæ in Israël, quando clausum est cælum annis tribus, & mensibus sex, cum facta esset fames magna in omni terra: & ad nullam illarum missus est Elias; nisi in Sarephta Sidon-

niæ, ad mulierem viduam. Et multi leprosi erant in Israël sub Eliséo Propheta, & nemo eorum mundatus est nisi Náaman Syrus. Et repléti sunt omnes in synagoga irâ, hæc audiéntes. Et surrexérunt, & ejecérunt illum extra civitatem: & duxérunt illum usque ad superciliū montis, super quem civitas illorum erat ædificata, ut præcipitarent eum. Ipse autem transiens per médium illorum, ibat.

Offert. Ps. 54. Exaudi, Deus, orationem meam, & ne despexeris deprecationem meam: inténde in me, & exaudi me.

Secreta.

MUnus, quod tibi, Dómine, nostræ servitutis offerimus, tu salutare nobis pèrfice sacraméntum. Per Dóminum.

Alice Secretæ, ut in Dominica præcedenti, fol. 91.

Communio. Ps. 13. Quis dabit ex Sion salutare Israël? cūm avérterit Dóminus captivitatem plebis suæ, exultábit, Jacob, & lætábitur Israël.

Postcommunio.

PRæsta, quæsumus, omnipotens & misericors Deus: ut quod ore contingimus, purâ mente capiamus. Per Dñm.

Alice Postcommuniones, ut in Dominica præcedenti, fol. 91.

Super populum. Orémus.
Humiliáte cápita vestra Deo.

Oratio.

Subvéniat nobis, Dómine, misericordia tua: ut ab imminéntibus peccatorum nostrorum periculis, te mereámur protegente eripi, te liberante salvári. Per Dñm.

F E R I A T E R T I A.

Statio ad sanctam Pudentianam.

Introitus. Ps. 16.

EGo clamávi, quóniam exaudísti me, Deus: inclína aurem tuam, & exaudi verba mea: custódi me, Dómine, ut pupíllam óculi: sub umbra alárum tuárum prótege me. *Ps. ib.* Exaudi, Dómine, justítiam meam: inténde deprecationem meam.

V. Glória Patri.

Orémus.

Oratio.

EXaudi nos, omnípotens & misericors Deus: & continéntiæ salutáris propítius nobis donâ concéde. Per.

Alice Orationes, ut in Dominica præcedenti, fol. 89.

Lectio libri Regum. IV. 4.

IN diébus illis: Múlier quædam clamábat ad Eliséum Prophétam, dicens: Servus tuus vir meus mórtuus est, & tu nōsti quia servus tuus fuit timens Dóminum: & ecce creditor venit ut tollat duos filios meos ad serviéndum sibi. Cui dixit Eliséus: Quid vis ut fáciam tibi? Dic mihi, quid habes in domo tua? At illa répondit: Non hábeo ancílla tua quidquam in domo mea, nisi parum ólei quo ungar. Cui ait: Vade, pete mutuò ab ómnibus vicinis tuis vasa vácuâ non páuca. Et ingrédere, & claude óstium tuum, cūm intrínsecus fúeris tu, & filii tui: & mitte inde in ómnia vasa hæc: & cūm plena fúerint, tolles. Ivit itaque múlier, & clausit óstium super se, & super filios suos: illi offerébant vasa, & illa infundébat. Cūmque plena fuissent vasa, dixit ad filium suum: Affer mihi adhuc vas. Et ille répondit: Non hábeo. Stetitque oleum.

Venit autem illa, & indicavit homini Dei. Et ille: Vade, inquit, vende oleum, & redde creditori tuo: tu autem, & filii tui vivite de reliquo.

Grad. Ps. 18. Ab occultis meis munda me, Domine: & ab aliénis parce servo tuo. *V.* Si mei non fuerint dominati, tunc immaculatus ero: & emundabor à delicto máximo.

Sequentia sancti Evangelii secundum Matthæum. 18. b.

IN illo tempore: Dixit Jesus discipulis suis: Si peccaverit in te frater tuus, vade, & corripe eum inter te & ipsum solum. Si te audierit, lucratus eris fratrem tuum. Si autem te non audierit, adhibe tecum adhuc unum, vel duos, ut in ore duorum vel trium testium stet omne verbum. Quod si non audierit eos: dic Ecclesiæ. Si autem Ecclesiam non audierit: sit tibi sicut ethnicus & publicanus. Amen dico vobis, quaecumque alligaveritis super terram, erunt ligata & in coelo: & quaecumque solveritis super terram, erunt soluta & in coelo. Iterum dico vobis, quia si duo ex vobis consenserint super terram, de omni re, quamcumque petierint, fiet illis à Patre meo, qui in coelis est. Ubi enim sunt duo vel tres congregati in nomine meo, ibi sum in medio eorum. Tunc accedens Petrus ad eum, dixit: Domine, quoties peccabit in me frater meus, & dimittam ei? usque septies? Dicit illi Jesus: Non dico tibi usque septies, sed usque septuagies septies.

Offert. Ps. 117. Dextera Domini fecit virtutem, dextera Domini exaltavit me: non moriar, sed vivam, & narrabo opera Domini.

Secreta.

PER hæc veniat, quæsumus, Domine, sacramenta nostræ redemptionis effectus: qui nos & ab humanis retrahat semper excessibus, & ad salutaria dona perducat. Per Dñm.

Aliæ Secretæ, ut in Dominica præcedenti, fol. 91.

Communio. Ps. 14. Domine, quis habitabit in tabernaculo tuo: aut quis requiescet in monte sancto tuo? Qui ingreditur sine macula, & operatur iustitiam.

Postcommunio.

SACRIS, Domine, mysteriis expiati, & veniam, quæsumus, consequamur, & gratiam. Per Dñm.

Aliæ Postcommuniones, ut in Dominica præcedenti, fol. 91.

Super populum. Orémus.

Humiliate capita vestra Deo.

Oratio.

TUâ nos, Domine, protectione defende: & ab omni semper iniquitate custodi. Per Dñm.

F E R I A Q U A R T A.

Statio ad sanctum Xistum.

Introitus. Psal. 30.

EGO autem in Domino sperabo, exultabo, & lætabor in tua misericordia: quia respexisti humilitatem meam. *Ps. ib.* In te, Domine, speravi, non confundar in æternum: in iustitia tua libera me, & eripe me.

V. Glória Patri.

Orémus.

Oratio.

PRÆSTA nobis, quæsumus, Domine: ut salutáribus jejúniis eruditi, à nóxiis quoque vítiis abstinentes, propitiatiónem tuam facilius impetremus. Per Dñm.

Alie Orationes, ut in Domin. fol. 89.

Lectio libri Exodi. 20. d.

Hæc dicit, Dóminus Deus: Honóra patrem tuum, & matrem tuam, ut sis longævus super terram, quam Dóminus Deus tuus dabit tibi. Non occides. Non mœcháberis. Non furtum fácies. Non loquéris contra próximum tuum falsum testimónium. Non concupísces domum próximi tui: nec desiderábis uxórem ejus, non servum, non ancíllam, non bovem, non ásinum, nec ómnia quæ illius sunt. Cunctus autem pópulus vidébat voces, & lámpades, & sónitum búccinæ, montémque fumántem: & pertérriti ac pavóre concússi, steterunt procul, dicétes Móysi: Lóquere tu nobis, & audiémus: non loquátur nobis Dóminus, ne fortè moriámur. Et ait Móyses ad pópulum: Nolíte timére: ut enim probáret vos, venit Deus, & ut terror illius esset in vobis, & non peccaréti. Stetítque pópulus de longè, Móyses autem accéssit ad caliginem in qua erat Deus. Dixit prætereà Dóminus ad Móysen, Hæc dices filiis Israél: Vos vidístis, quòd de cœlo locútus sim vobis. Non faciétis deos argénteos, nec deos áureos faciétis vobis. Altáre de terra faciétis mihi: & offeréti super eo holocáusta & pacífica vestra, oves vestras & boves in omni loco, in quo memória fúerit nóminis mei.

Grad. Ps. 6. Misérere meî, Dómine, quóniam infirmus sum: sana me, Dómine. V. Conturbáta sunt ómnia ossa mea: & ánima mea turbáta est valdè.

Tract. Ps. 102. Dómine, non secúndum peccáta nostra, quæ fécimus nos: neque secúndum iniquitates nostras

retríbuas nobis. *V. Ps. 78. Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. V. [Hic genuflectitur] Adjuva nos, Deus salutáris noster: & propter glóriam nóminis tui, Dómine, libera nos: & propítius esto peccáti nostris, propter nomen tuum.*

Sequéntia sancti Evangélíi secúndum Matthæum. 15.

In illo témpore: Accessérunt ad Jesum ab Jerosólymis Scribæ, & Pharisæi, dicétes: Quare discípuli tui transgrediúntur traditióem seniórum. Non enim lavant manus suas cùm panem mandúcant. Ipse autem respóndens, ait illis: Quare & vos transgredimini mandátum Dei propter traditióem vestram? Nam Deus dixit: Honóra patrem, & matrem. Et: Qui maledíxerit patri, vel matri, morte moriátur: Vos autem dicitis: Quicúmque díxerit patri, vel matri: munus, quodcúmque est ex me, tibi próderit: & non honorificábit patrem suum, aut matrem suam: & írritum fecístis mandátum Dei propter traditióem vestram. Hypócritæ, benè prophetávit de vobis Isáias, dicens: Pópulus hic lábiis me honórat: cor autem eórum longè est à me. Sine causa autem colunt me, docétes doctrínas & mandáta hóminum. Et convocáti ad se turbis, dixit eis: Audíte, & intelligite. Non quod intrat in os, coínquinat hóminem: sed quod procedit ex ore, hoc coínquinat hóminem. Tunc accedéntes discípuli ejus, dixerunt ei: Scis quia Pharisæi, audíto verbo hoc, scandalizáti sunt? At ille respóndens.

ait: Omnis plantatio, quam non plantavit Pater meus coelestis, eradicabitur. Sinite illos: cæci sunt, & duces cæcorum. Cæcus autem si cæco ducatum præstet, ambo in foveam cadunt. Respondens autem Petrus, dixit ei: Edificare nobis parabolam istam. At ille dixit: adhuc & vos sine intellectu estis? Non intelligitis, quia omne quod in os intrat, in ventrem vadit, & in feces emittitur? Quæ autem procedunt de ore, de corde exeunt, & ea coïnquinant hominem: de corde enim exeunt cogitationes malæ, homicidia, adultéria, fornicationes, furta, falsa testimonia, blasphemiae. Hæc sunt, quæ coïnquinant hominem. Non lotis autem manibus manducare, non coïnquinat hominem.

Offert. Ps. 108. Domine, fac mecum misericordiam tuam propter nomen tuum: quia suavis est misericordia tua.

Secreta.

Suscipe, quæsumus, Domine, preces populi tui cum oblationibus hostiarum: & tua mysteria celebrantes, ab omnibus nos defende periculis. Per.

Aliæ Secretæ, ut in Dominica præcedenti, fol. 91.

Communio. Ps. 15. Notas mihi fecisti vias vitæ: adimplēbis me lætitiā cum vultu tuo, Domine.

Postcommunio.

Sanctificet nos, Domine, quā poscimus, mensa coelestis: & à cunctis erroribus expiātos, supernis promissionibus reddat acceptos. Per Dñm.

Aliæ Postcommuniones, ut in Dominica præcedenti, fol. 91.

Super populum. Orémus.
Humiliāte capita vestra Deo.

Oratio.

Concède, quæsumus, omnipotens Deus: ut qui protectionis tuæ gratiam quærimus, liberāti à malis omnibus, securā tibi mente serviāmus. Per Dñm.

F E R I A Q U I N T A.

Statio ad SS. Cosmam & Damianum.

Introitus. Ps. 77.

Salus populi ego sum, dicit Dominus, de quacūque tribulatione clamaverint ad me, exaudiam eos, & ero illorum Dominus in perpetuum.

Ps. ib. Attendite, popule meus, legem meam: inclināte aurem vestram in verba oris mei. *V.* Glória Patri.

Orémus.

Oratio.

Magnificet te, Domine, sanctorum tuorum Cosmæ & Damiāni beāta sollemnitas: quā & illis glóriam sempiternam, & opem nobis ineffābili providentiā contulisti. Per Dñm.

Aliæ Orationes, ut in Dominica præcedenti, fol. 89.

Lectio Jeremiæ Prophætæ. 7.

In diēbus illis: Factum est verbum Domini ad me, dicens: Sta in porta domūs Domini: & prædica ibi verbum istud, & dic: Audite verbum Domini omnis Juda, qui ingredimini per portas has, ut adorētis Dominum. Hæc dicit Dominus exercituum, Deus Israël: Bonas facite vias vestras, & studia vestra: & habitābo vobiscum in loco isto. Nolite confidere in verbis mendacii, dicentes: Templum Domini, templum Domini, templum Domini est. Quoniam si benè direxeritis vias vestras, & studia vestra: si feceritis iudicium inter virum & proximum ejus, advenæ

& pupillo, & viduæ non feceritis calumniam, nec sanguinem innocentem effuderitis in loco hoc, & post deos alienos non ambulaveritis in malum vobismetipsis: habitabo vobiscum in loco isto; in terra, quam dedi patribus vestris à sæculo, & usque in sæculum: ait Dominus omnipotens.

Grad. Ps. 144. Oculi omnium in te sperant, Domine: & tu das illis escam in tempore opportuno. *V.* Aperis tu manum tuam, & imple omne animal benedictione.

Sequentia sancti Evangelii secundum Lucam. 4. f.

IN illo tempore: Surgens Jesus de Synagoga, introivit in domum Simonis. Socrus autem Simonis tenebatur magnis febribus; & rogaverunt illum pro ea. Et stans super illam, imperavit febrim: & dimisit illam. Et continuo surgens, ministrabat illis. Cum autem sol occidisset, omnes qui habebant infirmos variis languoribus, ducebant illos ad eum. At ille singulis manus imponens, curabat eos. Exibant autem demonia à multis, clamantia & dicentia: Quia tu es Filius Dei: & increpans non finiebat ea loqui, quia sciebant ipsum esse Christum. Facta autem die egressus ibat in desertum locum, & turbæ requirebant eum, & venerunt usque ad ipsum: & detinebant illum ne discederet ab eis. Quibus ille ait: Quia & aliis civitatibus oportet me evangelizare regnum Dei, quia ideo missus sum. Et erat prædicans in Synagogis Galilææ.

Offert. Ps. 137. Si ambulávero in medio tribulationis, vivificabis me, Domine: & super iram inimicorum

meorum extendes manum tuam, & salvum me faciet dextera tua.

Secreta.

IN tuorum, Domine, pretiosa morte justorum sacrificium illud offerimus, de quo martyrium sumpsit omne principium. Per Dñm.

Alie Secretæ, ut in Domin. fol. 91.

Communio. Ps. 118. Tu mandasti, mandata tua custodiri nimis: utinam dirigantur viæ meæ ad custodiendas justificationes tuas.

Postcommunio.

Sit nobis, Domine, sacramenti tui certa salvatio: quæ cum beatorum Martyrum tuorum Cosmæ & Damiáni meritis imploratur. Per Dñm.

Alie Postcommun. ut in Dom. fol. 91.

Super populum. Orémus.

Humiliate capita vestra Deo.

Oratio.

Subjectum tibi populum, quæsumus, Domine, propitiatio cœlestis amplificet: & tuis semper faciat servire mandatis. Per Dñm.

F E R I A S E X T A.

Statio ad S. Laurentium in Lucina.

Introitus. Psal. 85.

Fac mecum, Domine, signum in bonum: ut videant, qui me oderunt, & confundantur: quoniam tu, Domine, adjuvisti me, & consolatus es me. *Ps. ib.* Inclina, Domine, aurem tuam, & exaudi me: quoniam inops & pauper sum ego. *V.* Glória Patri.

Orémus.

Oratio.

Jejunia nostra, quæsumus, Domine, benigno favore proficere: ut sicut ab alimentis abstinemus in corpore; ita à vitiis jejunemus in mente. Per.

N

Aliæ Orationes, ut in Dominica præcedenti, fol. 89.

Lectio libri Númeri. 20. & Ex. 17.

IN diébus illis: Convenérunt filii Israël advérsùm Móysen & Aaron: & versi in seditiónem, dixerunt: Date nobis aquam, ut bibámus. Ingressúsque Móyses & Aaron, dimíssâ multitudine, tabernáculum fœderis, corruérunt proni in terram, clamaverúntque ad Dóminum, atque dixerunt: Dómine Deus, audi clamórem hujus pópuli, & áperi eis thesáurum tuum fontem aquæ vivæ, ut satiáti, cesset murmurátió eórum. Et apparuit glória Dómini super eos. Locutúsque est Dóminus ad Móysen, dicens: Tolle virgam, & cóngrega pópulum, tu & Aaron frater tuus, & loquímini ad petram coram eis, & illa dabit aquas. Cùmque edúxeris aquam de petra, bibet omnis multitúdo, & juménta ejus. Tulit igitur Móyses virgam, quæ erat in conspéctu Dómini, sicut præcéperat ei, congregátâ multitudine ante petram, dixitque eis: Audíte rebélles & incréduli: Num de petra hac vobis aquam poterimus ejícere? Cùmque eleváffet Móyses manum, percútiens virgâ bis sílicem, egréssæ sunt aquæ largíssimæ, ita ut pópulus bíberet & juménta. Dixitque, Dóminus, ad Móysen & Aaron: Quia non credidístis mihi, ut sanctificaréti me coram filiis Israël, non introducétis hos pópulos in terram, quam dabo eis. Hæc est aqua contraditiónis, ubi objurgáti sunt filii Israël contra Dóminum, & sanctificátus est in eis.

Grad. Ps. 27. In Deo sperávit cor meum, & adjútus sum: & reflóruit

caro mea, & ex voluntáte mea confitebor illi. *V.* Ad te, Dómine, clamávi: Deus meus, ne sí eas, ne discédas à me.

Tract. Ps. 102. Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis. V. Ps. 78. Dómine, ne memíneris iniquitátum, nostrárum antiquárum: citò anticipent nos misericórdiæ tuæ, quia páuperes facti sumus nimis. V. [Hic genuflectitur] Adjuva nos Deus salutáris noster: & propter glóriam nóminis tui, Dómine, libera nos: & propítius esto peccátis nostris, propter nomen tuum.

Sequéntia sancti Evangélii secúndum Joánnem. 4.

IN illo témpore: Venit Jesus in civitátem Samaríæ, quæ dicitur Sichar: juxta prædium, quod dedit Jacob Joseph filio suo. Erat autem ibi fons Jacob. Jesus ergo fatigátus ex itínere, sedébat sic supra fontem. Hora erat quasi sexta. Venit múlter de Samaría hauríre aquam. Dicit ei Jesus: Da mihi bíbere. (Discípuli enim ejus abierant in civitátem ut cibos émerent.) Dicit ergo ei múlter illa Samaritána: Quómodo tu Judæus cùm sis, bíbere à me poscis, quæ sum múlter Samaritána? non enim coütúntur Judæi Samaritánis. Respóndit Jesus, & dixit ei: Si scires donum Dei, & quis est, qui dicit tibi: Da mihi bíbere: tu fórfitan petísses ab eo, & dedíffet tibi aquam vivam. Dicit ei múlter: Dómine, neque in quo háurias habes, & púteus altus est: unde ergo habes aquam vivam? Numquid tu major es patre nostro Jacob, qui dedit nobis púteum,

& ipse ex eo bibit, & filii ejus, & pecora ejus? Respondit Jesus, & dixit ei: Omnis qui bibit ex aqua hac, sitiet iterum, qui autem biberit ex aqua, quam ego dabo ei, non sitiet in æternum: sed aqua, quam ego dabo ei, fiet in eo fons aquæ salientis in vitam æternam. Dicit ad eum mulier: Domine, da mihi hanc aquam, ut non sitiam, neque veniam huc haurire. Dicit ei Jesus: Vade, voca virum tuum, & veni huc. Respondit mulier: & dixit, Non habeo virum. Dicit ei Jesus: Benè dixisti, quia non habeo virum: quinque enim viros habuisti; & nunc, quem habes non est tuus vir: hoc verè dixisti. Dicit ei mulier: Domine, video quia Propheta es tu. Patres nostri in monte hoc adoraverunt, & vos dicitis, quia Jerosolymis est locus; ubi adorare oportet. Dicit ei Jesus: Mulier crede mihi, quia venit hora, quando neque in monte hoc, neque in Jerosolymis adorabitis Patrem. Vos adoratis quod nescitis: nos adoramus quod scimus, quia, salus ex Judæis est. Sed venit hora, & nunc est, quando veri adoratores adorabunt Patrem in spiritu & veritate. Nam & pater tales quærit, qui adorent eum. Spiritus est Deus: & eos, qui adorant eum, in spiritu & veritate oportet adorare. Dicit ei mulier: Scio, quia Messias venit (qui dicitur Christus.) Cum ergo venerit ille, nobis annuntiabit omnia. Dicit ei Jesus: Ego sum, qui loquor tecum. Et continuo venerunt discipuli ejus: & mirabantur quia cum muliere loquebatur. Nemo tamen dixit: Quid quæris, aut quid loqueris cum ea? Reliquit ergo hydriam suam mulier, & abiit in civitatem, & dicit illis hominibus: Venite, & videte hominem, qui dixit mihi omnia quæcumque feci: numquid ipse est Christus? Exierunt ergo de civitate, & veniebant ad eum. Interea rogabant eum discipuli, dicentes: Rabbi, manduca. Ille autem dicit eis: Ego cibum habeo manducare, quem vos nescitis. Dicebant ergo discipuli ad invicem: numquid aliquis attulit ei manducare? Dicit ei Jesus: Meus cibus est, ut faciam voluntatem ejus, qui misit me, ut perficiam opus ejus. Nonne vos dicitis, quod adhuc quatuor menses sunt, & messis venit? Ecce dico vobis: Levate oculos vestros, & videte regiones, quia albæ sunt jam ad messem. Et qui metit, mercedem accipit, & congregat fructum in vitam æternam: ut, & qui seminatur, simul gaudeat, & qui metit. In hoc enim est verbum verum: quia alius est qui seminatur, & alius est qui metit. Ego misi vos metere, quod vos non laborastis: alii laboraverunt, & vos in labores eorum introistis. Ex civitate autem illa multi crediderunt in eum Samaritanorum, propter verbum mulieris testimonium perhibentis: Quia dixit mihi omnia quæcumque feci. Cum venissent ergo ad illum Samaritani, rogaverunt eum ut ibi maneret. Et mansit ibi duos dies. Et multo plures crediderunt in eum propter sermonem ejus. Et mulieri dicebant: quia jam non propter tuam loquelam credimus: ipsi enim audivimus, & scimus, quia hic est verè Salvator mundi.

Offert. Ps. 5. Intende vocem orationis

meæ, Rex meus & Deus meus: quóniam ad te orábo, Dómine.

Secreta.

Respice, quæsumus, Dómine, propítius ad múnera, quæ sacrámus: ut tibi grata sint, & nobis salutária semper exístant. Per Dñm.

Aliæ Secretæ, ut in Dominica præcedenti, fol. 91.

Communio. Joan. 4. Qui bíberit aquam, quam ego dabo ei, dicit Dóminus, fiet in eo fons aquæ salientis in vitam æternam.

Postcommunio.

Hujus nos, Dómine, percéptio sacraménti mundet à crimine: & ad coeléstia regna perdúcat. Per Dñm.

Aliæ Postcommuniones, ut in Dominica præcedenti, fol. 91.

Super populum. Orémus.

Humiliáte cápita vestra Deo.

Oratio.

Præsta, quæsumus, omnipotens Deus: ut qui in tua protectióne confidimus, cuncta nobis adversántia, te adjuvánte, vincámus. Per Dñm.

S A B B A T O.

Statio ad sanctam Susannam.

Introitus. Psal. 5.

Verba mea áuribus pécipe, Dómine, intéllege clamórem meum: inténde voci oratiónis meæ, Rex meus, & Deus meus. *Pf. ib.* Quóniam ad te orábo, Dómine: manè exáudies vocem meam. *V.* Glória Patri.

Orémus.

Oratio.

Præsta, quæsumus, omnipotens Deus: ut qui se, affligéndo carnem ab alimentis abstinent, sectándo justítiam, à culpa jejúnent. Per Dñm.

Aliæ Orationes, ut in Domin. fol. 89.

Léctio Daniélis Prophætæ. 13.

N diébus illis: Erat vir hábitans in Babylóne, & nomen ejus Jóakim: & accépit uxórem nómine Sufánnam, filiam Helciæ, pulchram nimis, & timéntem Deum: paréntes enim illíus, cùm essent justí, erudiérunt filiam suam secúndum legem Móysi. Erat autem jóakim dives valdè, & erat ei pomárium vicínium dómui suæ: & ad ipsum confluébant Judæi, eò quòd esset honorabílior ómnium. Et constitúti sunt de pópulo duo senes júdices in illo anno: de quibus locútus est Dóminus: Quia egréssa est iníquitas de Babylóne à senióribus judícibus, qui videbántur régere pópulum. Isti frequentábant domum Jóakim, & veniébant ad eos omnes qui habébant judícia. Cùm autem pópulus revertíffet per merídiem, ingrediebátur Sufánna, & deambulábat in pomário viri sui. Et vidébant eam senes quotidie ingrediéntem, & deambulántem: & exarsérunt in concupiscéntiam ejus: & evertérunt sensum suum, & declinavérunt óculos suos ut non vidérent coelum, neque recordaréntur judiciórum justórum: Factum est autem, cùm observárent diem aptum, ingréssa est aliquándo sicut heri & nudiustertius, cum duábus folis puéllis, voluitque lavári in pomário: æstus quippe erat: & non erat ibi quisquam, præter duos senes absconditos, & contemplantes eam. Dixit ergo puéllis: Aférte mihi óleum, & smígmata, & óstia pomárii cláudite, ut laver. Cùm autem egréssæ essent puéllæ, surrexérunt duo senes, & accurrérunt ad eam, &

dixerunt: Ecce ostia pomarii clausa sunt, & nemo nos videt, & nos in concupiscencia tua sumus: quomobrem assentire nobis, & commiscere nobiscum. Quod si nolueris, dicemus contra te testimonium, quod fuerit tecum juvenis, & ob hanc causam miseris puellas a te. Ingemuit Susanna, & ait: Angustiae sunt mihi undique: si enim hoc egero, mors mihi est: si autem non egero, non effugiam manus vestras. Sed melius est mihi absque opere incidere in manus vestras, quam peccare in conspectu Domini. Et exclamavit voce magna Susanna; exclamarunt autem & senes adversus eam. Et cucurrit unus ad ostia pomarii, & aperuit. Cum ergo audissent clamorem famuli domus in pomario, irruerunt per posticum ut viderent quidnam esset. Postquam autem senes locuti sunt, erubuērunt servi vehementer: quia numquam dictus fuerat sermo hujusmodi de Susanna. Et facta est dies crastina. Cumque venisset populus ad Joakim virum ejus, venerunt & duo seniores pleni iniqua cogitatione adversus Susannam, ut interficerent eam. Et dixerunt coram populo: Mittite ad Susannam filiam Helciae uxorem Joakim. Et statim miserunt. Et venit cum parentibus, & filiis, & universis cognatis suis. Flebant igitur sui, & omnes qui noverant eam. Consurgentes autem duo seniores in medio populi, posuerunt manus suas super caput ejus. Quae flens suspexit ad coelum: erat enim cor ejus fiduciam habens in Domino. Et dixerunt seniores: Cum deambulemus in pomario soli, ingressa est haec cum duabus

puellis: & clausit ostia pomarii, & dimisit a se puellas. Venitque ad eam adolescens, qui erat absconditus, & concubuit cum ea. Porro nos, cum essemus in angulo pomarii, videntes iniquitatem, cucurrimus ad eos, & vidimus eos pariter commisceri. Et illud quidem non quivimus comprehendere, quia fortior nobis erat, & apertis ostiis exiit: hanc autem cum apprehendissemus, interrogavimus, quisnam esset adolescens, & noluit indicare nobis: hujus rei testes sumus. Credidit eis multitudo quasi senibus & iudicibus populi, & condemnaverunt eam ad mortem. Exclamavit autem voce magna Susanna, & dixit: Deus aeternae, qui absconditorum es cognitor, qui nosti omnia antequam fiant, tu scis quoniam falsum testimonium tulerunt contra me: & ecce morior, cum nihil horum fecerim, quae isti malitiose composuerunt adversum me. Exaudivit autem Dominus vocem ejus. Cumque duceretur ad mortem, suscitavit Dominus spiritum sanctum pueri junioris, cujus nomen Daniel. Et exclamavit voce magna: Mundus ego sum a sanguine hujus. Et conversus omnis populus ad eum, dixit: Quis est iste sermo, quem tu locutus es? Qui cum staret in medio eorum, ait: Sic fatui filii Israel, non judicantes, neque quod verum est cognoscentes, condemnastis filiam Israel? Revertimini ad iudicium, quia falsum testimonium locuti sunt adversus eam. Reversus est ergo populus cum festinatione. Et dixit ad eos Daniel: Separate illos ab invicem procul, & judicabo eos. Cum ergo divisi essent

alter ab altero vocavit unum de eis, & dixit ad eum: Inveterate dierum malorum, nunc venerunt peccata tua, quæ operaberis prius; iudicans iudicia iniusta, innocentes opprimens, & dimittens noxios, dicente Domino: Innocentem & iustum non interficies. Nunc ergo si vidisti eam, dic sub quâ arbore videris eos colloquentes sibi. Qui ait: Sub schino. Dixit autem Daniel: Recte mentitus es in caput tuum. Ecce enim Angelus Dei, accepta sententiâ ab eo, scindet te medium. Et amoto eo, iussit venire alium, & dixit ei: Semen Chanaan, & non Juda, species decipit te, & concupiscentia subvertit cor tuum: sic faciebatis filiabus Israël, & illæ timentes loquebantur vobis: sed filia Juda non sustinuit iniquitatem vestram: Nunc ergo dic mihi, sub quâ arbore comprehenderis eos loquentes sibi. Qui ait: Sub prino. Dixit autem ei Daniel: Recte mentitus es & tu in caput tuum: manet enim Angelus Domini, gladium habens ut fecet te medium, & interficiat vos. Exclamavit itaque omnis coetus voce magnâ, & benedixerunt Deum, qui salvat sperantes in se. Et confurrexerunt adversus duos seniores (convicerat enim eos Daniel ex ore suo falsum dixisse testimonium) feceruntque eis sicut malè egerant adversus proximum: & interfecerunt eos, & salvatus est sanguis innoxius in die illa.

Grad. Ps. 22. Si ambulem in medio umbræ mortis, non timebo mala: quoniam tu mecum es, Domine.

V. Ps. 17. Virga tua, & baculus tuus ipsa me consolata sunt.

Sequentia sancti Evangelii secundum Joannem. 8.

IN illo tempore: Perrexit Jesus in montem Oliveti, & diluculo iterum venit in templum, & omnis populus venit ad eum: & sedens docebat eos. Adducunt autem Scribæ & Pharisei mulierem in adultério deprehensam: & statuerunt eam in medio, & dixerunt ei: Magister, hæc mulier modo deprehensa est in adultério: In lege autem Moyses mandavit nobis huiusmodi lapidare. Tu ergo quid dicis? Hoc autem dicebant tentantes eum, ut possent accusare eum. Jesus autem inclinans se deorsum, digito scribebat in terra. Cum ergo perseverarent interrogantes eum, erexit se, & dixit eis: Qui sine peccato est vestrum, primus in illam lapidem mittat. Et iterum se inclinans, scribebat in terra. Audiētes autem, unus post unum exibant, incipientes à senioribus: & remansit solus Jesus, & mulier in medio stans. Erigens autem se Jesus, dixit ei: Mulier, ubi sunt, qui te accusabant? nemo te condemnavit? Quæ dixit: Nemo, Domine. Dixit autem Jesus: Nec ego te condemnabo: Vade, & jam amplius noli peccare.

Offert. Ps. 118. Gressus meos dirige secundum eloquium tuum: ut non dominetur mei omnis iniustitia, Domine.

Secreta.

Concède, quæsumus, omnipotens Deus: ut huius sacrificii munus oblatum, fragilitatem nostram ab omni malo purget semper, & muniat. Per.

Aliæ Secretæ, ut in Dominica præcedenti, fol. 91.

Communio. Joan. 8. Nemo te condemnávit, múlter? nemo, Dómine: nec ego te condemnábō: jam ámplius noli peccáre.

Postcommunio.

Quæsumus, omnípotens Deus: ut inter ejus membra numerémur, cujus córpori communicámus, & sánguini. Qui tecum vivit.

Aliæ Postcommuniones, ut in Dominica præcedenti, fol. 91.

Super populum. Orémus.
Humiliáte cápita vestra Deo.

Oratio.

Prætende, Dómine, fidélibus tuis dexteram coeléstis auxílii: ut te toto corde perquírant, & quæ dignè póstulant, cónsequi mereántur. Per.

DOMINICA IV. IN QUADRAGES.

Statio ad S. Crucem in Jerusalem.

Introitus. Isaia 66.

Lætare, Jerúsalem: & convéntum fácite, omnes qui dilígitis eam: gaudéte cum lætítia, qui in tristítia fuístis: ut exultétis, & satiémmini ab ubéribus consolatiónis vestræ.

Pf. 121. Lætátus sum in his, quæ dicta sunt mihi: In domum Dómini ibimus. *V. Glória Patri.*

Orémus.

Oratio.

Concède, quæsumus, omnípotens Deus: ut qui ex mérito nostræ actiόnis affligimur, tuæ grátiae consolatiόne respirémus. Per Dñm.

Ad poscenda suffragia Sanctorum. Oratio.

Acunctis nos, quæsumus, Dómine, mentis & córporis defénde perículis: & intercedénte beátâ & gloriósa semper Vírgine Dei genitríce Mariâ, cum beátis Apóstolis tuis Petro & Pau-

lo, atque beáto N. & omnibus Sanctis, salutem nobis tríbue. benígnus, & pacem: ut destrúctis adversitatibus & erróribus univérfis, Ecclésia tua secúrá tibi sérviat libertáte.

Pro Vivis & Defunctis. Oratio.

Omnípotens sempitérne Deus, qui vivórum domináris simul & mortuórum, omníumque miseréris, quos tuos fide & ópere futúros esse præ-nóscis: te súpplices exorámus; ut, pro quibus effúndere preces decreví-mus, quosque vel præfens sæculum adhuc in carne rétinet, vel futúrum jam exútos córpore fuscépit; interce-déntibus ómnibus Sanctis tuis, pietátis tuæ cleméntiâ, ómnium delictórum suórum véniam consequántur. Per.

Lectio Epístolæ beáti Pauli Apóstoli ad Gálatas. 4. c.

Fratres, Scriptum est: Quóniam Abraham duos filios hábuit: unum de ancílla, & unum de líbera. Sed qui de ancílla, secúndum carnem natus est: qui autem de líbera, per repromissiónem: quæ sunt per allego-ríam dicta. Hæc enim sunt duo testa-ménta. Unum quidem in monte Sina in servitútem génerans: quæ est Agar: Sina enim mons est in Arábia, qui conjúctus est ei, quæ nunc est Jerúsalem, & servit cum filiis suis. Illa autem, quæ sursum est Jerúsalem, líbera est: quæ est mater nostra. Scriptum est enim: Lætare stérilis, quæ non paris: erúmpe, & clama, quæ non párturis: quia multi filii defértæ, magis quam ejus quæ habet virum. Nos autem fratres secúndum Isaac, promissiónis filii sumus. Sed quómodo tunc is, qui secúndum carnem natus fúerat,

persequébatur eum, qui secúndum spíritum: ita & nunc. Sed quid dicit Scriptúra? Ejice ancíllam, & filium ejus: non enim hæres erit filius ancíllæ cum filio liberæ. Itaque, fratres, non sumus ancíllæ filii, sed liberæ: quâ libertâte Christus nos liberávit.

Grad. Ps. 121. Lætátus sum in his, quæ dicta sunt mihi: in domum Dómini íbimus. *V.* Fiat pax in virtúte tua: & abundántia in túrribus tuis.

Tract. Ps. 124. Qui confidunt in Dómino, sicut mons Sion: non commovébitur in ætérnum, qui hábitat in Jerúsalem. *V.* Montes in circúitu ejus: & Dóminus in circúitu pópuli sui, ex hoc nunc & usque in sæculum.

Sequéntia sancti Evangélíi secúndum Joánnem. 6.

IN illo témpore: Abiit Jesus trans mare Galilææ, quod est Tiberíadis: & sequebátur eum multitúdo magna, quia vidébant signa, quæ faciébat super his qui infirmabántur. Súbiit ergo in montem Jesus: & ibi sedébat cum discípulis suis. Erat autem próximum Pascha, dies festus Judæórum. Cùm subleváffet ergo óculos Jesus, & vidíffet quia multitúdo máxima venit ad eum, dixit ad Philíppum: Unde emémus panes, ut mandúcent hi? Hoc autem dicébat tentans eum: ipse enim sciébat quid esset factúrus. Respóndit ei Philíppus: Ducentórum denariórum panes non sufficiunt eis, ut unusquísque módicum quid accípiat. Dicit ei unus ex discípulis ejus Andréas frater Simónis Petri: Est puer unus híc, qui habet quinque panes hordeáceos, & duos pisces: sed hæc quid sunt inter tantos? Dixit ergo Jesus: Fácite hó-

mines discúmbere. Erat autem foenum multum in loco. Discubuérunt ergo viri, número quasi quinque mília. Accépit ergo Jesus panes: & cùm grátias egíffet, distríbuit discumbéntibus: simíliter & ex píscibus quantum volébant. Ut autem impléti sunt, dixit discípulis suis: Collígite quæ superavérunt fragmenta, ne péreant. Collegérunt ergo, & implevérunt duódecim cóphinos fragmentórum, ex quinque pánibus hordeáceis, quæ superfuérunt his, qui manducáverant. Illi ergo hómines cùm vidíffent quod Jesus fécerat signum, dicébant: Quia hic est verè Prophéta, qui ventúrus est in mundum. Jesus ergo cùm cognovíffet, quia ventúri essent ut ráperent eum, & fácerent eum regem, fugit íterùm in montem ipse solus. Credo.

Offert. Ps. 134. Laudáte Dóminum, quia benígnus est: psállite nómini ejus, quóniam suávis est: ómnia quæcúmque vóluit, fecit in cœlo & in terra.

Secreta.

Sacrificiis præsentibus, quæsumus, Dómine, inténde placátus: ut & devotióni nostræ proficiant, & salúti. Per Dñm.

Aliæ Secretæ.

EXáudi nos, Deus salutáris noster: ut per hujus sacraménti virtútem, à cunctis nos mentis & córporis hóstibus tueáris; grátiam tríbuens in præsentí, & glóriam in futúro.

DEus, cui soli cógnitus est número electórum in supérna felicitáte locándus: tribue, quæsumus; ut intercedéntibus ómnibus Sanctis tuis, universórum, quos in oratióne commen-

dátos fuscépinus, & ómnium fidélium
nómina, beátæ prædestinatiónis liber
adscrípta retíneat. Per Dñm.

Communio. Ps. 121. Jerúsalem, quæ
ædificátur ut cívitas, cujus participatio
ejus in idípsum: illuc enim ascendé-
runt tribus, tribus Dómini, ad confi-
téndum nómini tuo, Dómine.

Postcommunio.

DA nobis, quæsumus, miséricors
Deus: ut sancta tua, quibus in-
cessanter explémur, sinceris tractémus
obséquiiis, & fidéli semper mente fu-
mámus. Per Dñm.

Aliæ Postcommuniones.

MUndet & múniat nos, quæsumus,
Dómine, divíni sacraménti mu-
nus oblátum: & intercedente beátâ
VírGINE Dei genitríce Mariâ, cum beá-
tis Apóstolis tuis Petro & Paulo, at-
que beáto N. & ómnibus Sanctis; à
cunctis nos reddat & perversitatibus
expiátos, & adversitatibus expeditos.

Puríficent nos, quæsumus, omnípo-
tens & miséricors Deus, sacraménta
quæ sumpsimus: & intercedéntibus
ómnibus Sanctis tuis, præsta: ut hoc
tuum sacraméntum non sit nobis reátus
ad pœnam, sed intercésio salutáris ad
véniam: sit ablútio scélerum, sit for-
titúdo fragílium, sit contra ómnia
mundi perícula firmaméntum: sit vi-
vórum atque mortuórum fidélium,
remíssio ómnium delictórum. Per.

F E R I A S E C U N D A.

Statio ad SS. Quatuor Coronatos.

Introitus. Psal. 53.

DEus, in nómine tuo saluum me
fac, & in virtúte tua libera me:
Deus, exáudi oratióne meam: áuri-
bus pèrcipe verba oris mei.

Ps. ib. Quóniam aliéni insurrexérunt
in me: & fortes quæsiérunt ánimam
meam. V. Glória Patri.

Orémus.

Oratio.

PRæsta, quæsumus, omnípotens Deus:
ut observatiónes sacras ánnuâ de-
votióne recoléntes, & corpore tibi pla-
ceámus, & mente. Per Dñm.

*Aliæ Orationes, ut in Dominica præ-
cedenti, fol. 103.*

Léctio libri Regum. III. 3. c.

IN diébus illis: Venérunt duæ mu-
líeres meretríces ad regem Salomó-
nem, steterúntque coram eo; quarum
una ait: Obsecro, mi dómíne: ego &
múlier hæc habitabámus in domo una,
& péperi apud eam in cubículo. Tër-
tiâ autem die postquam ego péperi,
péperit & hæc: & erámus simul, nul-
lúsque álius nobíscum in domo, ex-
céptis nobis duábus. Mórtuus est au-
tem filius mulieris hujus nocte. Dór-
miens quippe oppréssit eum. Et con-
súrgens intempéstæ noctis filéntio, tu-
lit filium meum de látere meo ancillæ
tuæ dormiéntis, & collocávit in sinu
suo: suum autem filium, qui erat mór-
tuus, pósuit in sinu meo. Cúmque
surrexíssem manè ut darem lac filio
meo, apparuit mórtuus: quem dili-
géntiùs íntuens clarâ luce, deprehé-
ndi non esse meum quem genúeram. Re-
spondítque áltera múlier: Non est ita
ut dicis, sed filius tuus mórtuus est:
meus autem vivit. E contrário illa
dicébat: Mentíris: filius quippe meus
vivit, & filius tuus mórtuus est. Atque
in hunc modum contendébant coram
rege. Tunc rex ait: Hæc dicit Fílius
meus vivit, & filius tuus mórtuus est.
Et ista respóndit, Non, sed filius tuus

mortuus est, meus autem vivit. Dixit ergo rex: Afferte mihi gladium. Cumque attulissent gladium coram rege: Dividite, inquit, infāntem vivum in duas partes, & date dimīdiam partem uni, & dimīdiam partem ālteri. Dixit autem mūlier, cujus filius erat vivus, ad regem: (commōta sunt quippe vīscera ejus super filio suo:) Obsecro, Dōmine, date illi infāntem vivum, & nolite interficere eum. E contrārio illa dicēbat: Nec mihi nec tibi sit, sed dividātur. Respondit rex, & ait: Date huic infāntem vivum, & non occidātur: hæc est enim mater ejus. Audivit itaque omnis Israēl judīcium quod judicāssēt rex, & timuērunt regem, vidētes sapiēntiam Dei esse in eo ad faciēndum judīcium.

Grad. Ps. 30. Esto mihi in Deūm protectōrem, & in locum refūgii: ut salvum me faciās. *V. Ps. 70.* Deus, in te sperāvi: Dōmine, non confūdar in ætēnum.

Tract. Ps. 102. Dōmine, non secūndūm peccāta nostra, quæ fecimus nos: neque secūndūm iniquitātes nostras retribuas nobis. *V. Ps. 78.* Dōmine, ne memīneris iniquitātum nostrārum antiquārum: citō anticipent nos misericōrdiæ tuæ, quia pāuperes facti sumus nimis. *V. [Hic genuflectitur.]* Adjuva nos, Deus salutāris noster: & propter glōriam nōminis tui, Dōmine, libera nos: & propītiū esto peccātis nostris, propter nomen tuum.

Sequēntia sancti Evangēlii secūndūm Joānnem. 2. c.

IN illo tēpore: Propē erat Pascha Judæōrum, & ascēdit Jesus Jerosōlymam: & invēnit in templo ven-

dēntes boves, & oves, & colūmbas, & numulārios sedēntes. Et cūm fecisset quasi flagēllum de funīculis, omnes ejecit de templo, oves quoque, & boves, & numulariōrum effūdīt æs, & menfas subvērtit. Et his qui colūmbas vendēbant, dixit: Auferte ista hinc, & nolite facere domum Patris mei, domum negotiatiōnis. Recordāti sunt verò discīpuli ejus quia scriptum est: Zelus domūs tuæ comēdit me. Respondērunt ergo Judæi, & dixerunt ei. Quod signum ostēdis nobis quia hæc facis? Respondit Jesus, & dixit eis: Sōlvite templum hoc, & in tribus diēbus excitābo illud. Dixerunt ergo Judæi: Quadragīnta & sex annis ædificātum est templum hoc, & tu in tribus diēbus excitābis illud? Ille autem dicēbat de templo cōrporis sui. Cūm ergo resurrexisset à mōrtuis, recordāti sunt discīpuli ejus, quia hoc dicēbat, & credidērunt Scriptūræ, & fermōni quem dixit Jesus. Cūm autem esset Jerosōlymis in Pascha in die festo, mūlti credidērunt in nōmine ejus, vidētes signa ejus, quæ faciēbat. Ipse autem Jesus non credēbat semetīpsūm eis, eò quòd ipse nosset omnes, & quia opus ei non erat, ut quis testimōnium perhiberet de hōmine: ipse enim sciēbat, quid esset in hōmine.

Offert. Ps. 99. Jubilāte Deo, omnis terra, servīte Dōmino in lætītia: intrāte in conspēctu ejus in exultatiōne: quia Dōminus ipse est Deus.

Secreta.

OBlātum tibi, Dōmine, sacrificium vivīficet nos sēper, & mūniat. Per Dñm.

Aliæ Secretæ, ut in Domin. fol. 104.

Communio. Ps. 18. Ab occultis meis munda me, Dómine: & ab aliénis parce servo tuo.

Postcommunio.

Sumptis, Dómine, salutáribus sacraméntis: ad redemptionis æternæ, quæsumus, proficiámus augméntum. Per Dñm.

Aliæ Postcommuniones, ut in Dominica præcedenti, fol. 105.

Super populum. Orémus.
Humiliáte cápita vestra Deo.

Oratio.

Deprecationem nostram, quæsumus, Dómine, benígnus exáudi: & quibus supplicándi præstas affectum, tríbe defensiónis auxílium. Per Dñm.

F E R I A T E R T I A.

Statio ad S. Laurentium in Damaso.

Introitus. Ps. 54.

Exáudi, Deus, orationem meam, & ne despéxeris deprecationem meam: inténde in me, & exáudi me.

Ps. ib. Contristátus sum in exercitátione mea: & conturbátus sum à voce inimíci, & à tribulatione peccatóris.

V. Glória Patri.

Orémus.

Oratio.

Sacræ nobis, quæsumus, Dómine, observatiónis jejúnia, & piæ conservatiónis augméntum, & tuæ propitiatiónis contínuum præstent auxílium. Per Dñm.

Aliæ Orationes, ut in Dominica præcedenti, fol. 103.

Lectio libri Exodi. 32. b.

In diébus illis: Locútus est Dóminus ad Móysen, dicens: Descénde de monte: peccávit pópulus tuus, quem eduxísti de Terra Ægypti. Recessérunt

citò de via, quam ostendísti eis: fecerúntque sibi vitulum confiátilem, & adoravérunt, atque immolántes ei hóstias, dixerunt: Isti sunt di. tui, Israël, qui te eduxérunt de Terra Ægypti. Rursúmque ait Dóminus ad Móysen: Cerno quòd pópulus iste duræ cervícis sit: dimítte me, ut irascátur furor meus contra eos, & deleam eos, faciámque te in gentem magnam. Móyses autem orábat Dóminum Deum suum, dicens: Cur, Dómine, iráscitur furor tuus contra pópulum tuum, quem eduxísti de terra Ægypti in fortitúdine magna, & in manu robústa? Ne quæso dicant Ægyptii: Cállidè edúxit eos, ut interficeret in móntibus, & deléret è terra: quiéscat ira tua, & esto placábilis super nequítia pópuli tui. Recordáre Abraham, Isaac, & Israël, servórum tuórum, quibus jurásti per te-metípsum, dicens: Multiplicábo semen vestrum sicut stellas cœli: & univér-sam terram hanc, de qua locútus sum, dabo sémini vestro, & possidébitis eam semper. Placátusque est Dóminus ne fáceret malum, quod locútus fúerat advérsus pópulum suum.

Grad. Ps. 43. Exúrge, Dómine, fer opem nobis: & libera nos propter nomen tuum. *V.* Deus, áuribus nostris audívimus: & patres nostri annuntiavérunt nobis opus, quod operátus es in diébus eórum, in diébus antíquis.

Sequéntia sancti Evangélii secúndum Joánnem. 7. d.

In illo témpore: Jam die festo mediánte, ascéndit Jesus in templum, & docébat. Et mirabántur Judæi, dicétes: Quómodo hic líttas scit, cùm non didícerit? Respóndit eis Jesus,

& dixit: Mea doctrina non est mea, sed ejus, qui misit me. Si quis voluerit voluntatem ejus facere, cognoscet de doctrina, utrum ex Deo sit, an ego à meipso loquar. Qui à semetipso loquitur, gloriam propriam quaerit. Qui autem quaerit gloriam ejus, qui misit eum, hic verax est, & injustitia in illo non est. Nonne Moyses dedit vobis legem: & nemo ex vobis facit legem? quid me quaeritis interficere? Respondit turba, & dixit: Dæmonium habes: quis te quaerit interficere? Respondit Jesus, & dixit eis: Unum opus feci, & omnes miramini: Propterea Moyses dedit vobis circumcisionem: (non quia ex Moyse est, sed ex Patribus) & in Sabbato circumciditis hominem. Si circumcisionem accipit homo in Sabbato, ut non solvatur lex Moyfi; mihi indignamini quia totum hominem sanum feci in Sabbato? Nolite judicare secundum faciem, sed justum judicium judicate. Dicebant ergo quidam ex Jerosolymis: Nonne hic est, quem quaerunt interficere? Et ecce palam loquitur, & nihil ei dicunt. Numquid verè cognoverunt principes quia hic est Christus? Sed hunc scimus unde sit: Christus autem cum venerit, nemo scit unde sit. Clamabat ergo Jesus in templo docens, & dicens: Et me scitis, & unde sim scitis: & à meipso non veni, sed est verus, qui misit me, quem vos nescitis. Ego scio eum: quia ab ipso sum, & ipse me misit. Quaerebant ergo eum apprehendere: & nemo misit in illum manus, quia nondum venerat hora ejus. De turba autem multi crediderunt in eum.

Offert. Ps. 39. Expectans expectavi

Dominum, & respexit me: & exaudivit deprecationem meam: & immisit in os meum canticum novum & hymnum Deo nostro.

Secreta.

HÆc hostia, Domine, quaesumus, emundet nostra delicta: & ad sacrificium celebrandum, subditorum tibi corpora, mentesque sanctificet. Per.

Aliæ Secretæ, ut in Dominica præcedenti, fol. 104.

Communio. Ps. 19. Lætābimur in salutari tuo: & in nomine Domini Dei nostri magnificābimur.

Postcommunio.

Hujus nos, Domine, perceptio sacramenti mundet à crimine; & ad coelestia regna perducat. Per Dñm.

Aliæ Postcommuniones, ut in Dominica præcedenti, fol. 105.

Super populum. Orémus.

Humiliāte capita vestra Deo.

Oratio.

Miserere, Domine, populo tuo: & continuis tribulationibus laborantem, propitius respirare concede. Per Dñm.

F E R I A Q U A R T A .

Statio ad sanctum Paulum.

Introitus. Ezech. 36.

Cum sanctificatus fuero in vobis, congregabo vos de universis terris: & effundam super vos aquam mundam, & mundabimini ab omnibus inquinamentis vestris: & dabo vobis spiritum novum. *Ps. 33. Benedicam Dominum in omni tempore: semper laus ejus in ore meo. V. Gloria Patri.*

Post Kyrie eleison, dicitur, Orémus. Flectāmus gēnua. R. Levāte.

Oratio.

DEus, qui & iustis præmia meritórum, & peccatóribus per jejúnium véniam præbes : miserere supplicibus tuis ; ut reátus nostri conféssio, indulgéntiam váleat percípere delictórum. Per Dñm.

Léctio Ezechiélis Prophétæ. 36. e.

HÆc dicit Dóminus Deus : Sanctificábo nomen meum magnum, quod pollútum est inter Gentes, quod polluístis in médio eárum : ut sciant Gentes quia ego Dóminus, cùm sanctificátus fúero in vobis coram eis. Tol- lam quippe vos de Géntibus, & con- gregábo vos de univérſis terris, & ad- dúcam vos in terram vestram. Et ef- fúndam super vos aquam mundam, & mundabímmini ab ómnibus inquina- méntis vestris, & ab univérſis idólis vestris mundábo vos. Et dabo vobis cor novum, & spíritum novum ponam in médio vestrí : & áuferam cor lapí- deum de carne vestra, & dabo vobis cor cárneum. Et spíritum meum po- nam in médio vestrí : & fáciam ut in præcéptis meis ambulétis, & iudícia mea custodiátis & operémmini. Et ha- bitábitis in terra quam dedi pátribus vestris : & éritis mihi in pópulum, & ego ero vobis in Deum : dicit Dómi- nus omnípotens.

Grad. Ps. 33. Venite, filii, audíte me : timórem Dómini docébo vos. *V.* Accédite ad eum, & illuminámini : & fácies vestræ non confundéntur.

Hic dicitur, Dóminus vobíscum, sine Flectámus génua.

Orémus.

Oratio.

PRæſta, quæsumus, omnípotens Deus : ut quos jejúnia votíva castígant,

ipsa quoque devótio sancta lætíficet : ut terrénis afféctibus mitigátis, facílius coeléstia capiámus. Per Dñm.

Aliæ Orationes, ut in Dominica præ- cedenti, fol. 103.

Léctio Isaíæ Prophétæ. 1.

HÆc dicit Dóminus Deus : Lavá- mini, mundi estóte, auferte ma- lum cogitátionum vestrarum ab óculis meis : quiéſcite ágere pervérſe, díſcite benefácere : quærite iudícium, subve- níte oppréſſo, iudicáte pupílo, defén- dite víduam. Et veníte, & argúite me, dicit Dóminus : si fúerint peccáta ves- tra ut cóccinum, quasi nix dealbabún- tur : & si fúerint rubra quasi vermí- culus, velut lana alba erunt. Si volué- ritis, & audiéritis me, bona terræ co- medétis : dicit Dóminus omnípotens.

Grad. Ps. 32. Beáta gens, cujus est Dóminus Deus eórum : pópulus quem elégit Dóminus in hereditátem sibi. *V.* Verbo Dómini coeli firmáti sunt : & spíritu oris ejus omnis virtus eórum.

Tract. Ps. 102. Dómine, non secún- dùm peccáta nostra, quæ fécimus nos : neque secúndùm iniquitátes nostras retribuas nobis. *V. Ps. 78.* Dómine, ne memíneris iniquitátum nostrárum antiquárum : citò anticipent nos mi- sericórdiæ tuæ, quia páuperes facti sumus nimis. *V. [Hic genuflectitur]* Ad- juva nos, Deus salutáris noster : & propter glóriam nóminis tui, Dómine, libera nos : & propítius esto peccátis nostris, propter nomen tuum.

Sequéntia sancti Evangélii secúndum Joánnem. 9.

IN illo témpore : Prætériens Jesus, vidit hóminem cæcum à nativité : & interrogavérunt eum discípuli ejus :

Rabbi, quis peccavit, hic, aut parentes ejus, ut cæcus nasceretur? Respondit Jesus: Neque hic peccavit, neque parentes ejus: sed ut manifestentur opera Dei in illo. Me oportet operari opera ejus, qui misit me, donec dies est: venit nox, quando nemo potest operari. Quamdiu sum in mundo, lux sum mundi. Hæc cum dixisset, expuit in terram, & fecit lutum ex sputo, & linxit lutum super oculos ejus, & dixit ei: Vade, lava in natatoria Siloë (quod interpretatur Missus.) Abiit ergo, & lavit, & venit videns. Itaque vicini, & qui viderant eum prius quia mendicus erat, dicebant: Nonne hic est, qui sedebat, & mendicabat? Alii dicebant: Quia hic est. Alii autem: Nequâquam, sed similis est ei. Ille verò dicebat: Quia ego sum. Dicebant ergo ei: Quomodo aperti sunt tibi oculus? Respondit: Ille homo, qui dicitur Jesus, lutum fecit, & unxit oculos meos, & dixit mihi: Vade ad natatoria Siloë, & lava. Et abiit, lavi, & video. Et dixerunt ei: Ubi est ille? Ait: Nescio. Adducunt eum ad Phariseos, qui cæcus fuerat. Erat autem sabbatum quando lutum fecit Jesus, & aperuit oculos ejus. Iterum ergo interrogabant eum Pharisei quomodo vidisset. Ille autem dixit eis: Lutum mihi posuit super oculos, & lavi, & video. Dicebant ergo ex Phariseis quidam: Non est hic homo à Deo, qui sabbatum non custodit. Alii autem dicebant: Quomodo potest homo peccator hæc signa facere? Et schisma erat inter eos. Dicunt ergo cæco iterum: Tu quid dicis de illo, qui aperuit oculos tuos? Ille autem dixit: Quia Propheta est.

Non crediderunt ergo Judæi de illo, quia cæcus fuisset, & vidisset, donec vocaverunt parentes ejus, qui viderat: & interrogaverunt eos, dicentes: Hic est filius vester, quem vos dicitis quia cæcus natus est? Quomodo ergo nunc videt? Responderunt eis parentes ejus, & dixerunt: Scimus quia hic est filius noster, & quia cæcus natus est: quomodo autem nunc videat, nescimus: aut quis ejus aperuit oculos, nos nescimus: ipsum interrogate: ætatem habet, ipse de se loquatur. Hæc dixerunt parentes ejus, quoniam timebant Judæos: Jam enim conspiraverant Judæi; ut si quis eum confiteretur esse Christum, extra synagogam fieret. Propterea parentes ejus dixerunt: Quia ætatem habet, ipsum interrogate. Vocaverunt ergo rursum hominem, qui fuerat cæcus, & dixerunt ei: Da gloriâ Deo. Nos scimus quia hic homo, peccator est. Dixit ergo eis ille: Si peccator est, nescio: unum scio quia cæcus cum essem, modò video. Dixerunt ergo illi: Quid fecit tibi? quomodo aperuit tibi oculos? Respondit eis: Dixi vobis jam, & audistis: quid iterum vultis audire? numquid & vos vultis discipuli ejus fieri? Maledixerunt ergo ei, & dixerunt: Tu discipulus illius sis: nos autem Moysi discipuli sumus. Nos scimus quia Moysi locutus est Deus: hunc autem nescimus unde sit. Respondit ille homo, & dixit eis: In hoc enim mirabile est quia vos nescitis unde sit, & aperuit meos oculos: scimus autem quia peccatores Deus non audit: sed si quis Dei cultor est, & voluntatem ejus facit, hunc exaudit. A sæculo non est audi-

tum, quia quis aperuit oculos cæci nati. Nisi esset hic à Deo, non pòterat facere quidquam. Respondérunt, & dixerunt ei: In peccátis natus es totus, & tu doces nos? Et ejecérunt eum foras. Audívit Jesus quia ejecérunt eum foras, & cùm inveníffet eum, dixit ei: Tu credis in Fílium Dei? Respóndit ille, & dixit: Quis est, Dómine, ut credam in eum: Et dixit ei Jesus: Et vidísti eum: & qui lóquitur tecum, ipse est. At ille ait: Credo Dómine. [*Hic genuflectitur.*] Et prócidens adorávit eum.

Offert. Ps. 65. Benedícite, Gentes, Dóminum Deum nostrum, & obaudíte vocem laudis ejus: qui pòsuit ánimam meam ad vitam, & non dedit commo- véri pedes meos: benedíctus Dóminus, qui non amóvit deprecationem meam, & misericórdiam suam à me.

Secreta.

Supplices te rogámus, omnípotens Deus: ut his sacrificiis peccáta nostra mundéntur: quia tunc veram nobis tribuis & mentis & córporis san- titatem. Per Dñm.

Aliæ Secretæ, ut in Dominica præce- denti, fol. 104.

Communio. Joan. 9. Lutum fecit ex sputo Dóminus, & linívit oculos meos: & ábii, & lavi, & vidi, & credidi Deo.

Postcommunio.

Sacraménta, quæ sumpsimus, Dó- mine Deus noster: & spirituálibus nos répleant alimentis, & corporálibus tueántur auxiliis. Per Dñm.

Aliæ Postcommuniones, ut in Dominica præcedenti, fol. 105.

Super populum. Orémus.
Humiliáte cápita vestra Deo.

Oratio.

Pateant aures misericórdiæ tuæ, Dó- mine, précibus supplicántium: & ut peténtibus desíderata concédas, fac eos quæ tibi sunt plácita postuláre. Per Dñm:

F E R I A Q U I N T A.
Statio ad SS. Sylvestrum & Martinum.

Introitus. Psal. 104.

Lætétur cor quæréntium Dómi- nam: quærite Dóminum, & con- firmámini: quærite faciém ejus sem- per. *Ps. ib.* Confitémini Dómino, & invocáte nomen ejus, annuntiáte inter Gentes ópera ejus.

V. Glória Patri.

Orémus.

Oratio.

Præsta, quæsumus, omnípotens Deus: ut quos jejúnia votíva castigant, ipsa quoque devótio sancta lætíficet: ut terrénis afféctibus mitigátis, facílius coeléstia capíamus. Per Dñm.

Aliæ Orationes, ut in Dominica præ- cedenti, fol. 103.

Léctio libri Regum. IV. 4. d.

In diébus illis: Venit múlter Suna- mítis ad Eliséum in montem Car- méli: cùmque vidíffet eam vir Dei ecóntrà, ait ad Giézi púerum suum: Ecce Sunamítis illa. Vade ergo in oc- cúrsu ejus, & dic ei: Rectène ágitur circa te, & circa virum tuum, & circa filium tuum? Quæ respóndit: Rectè. Cùmque veníffet ad virum Dei in montem, apprehéndit pedes ejus: & accéffit Giézi ut amovéret eam. Et ait homo Dei: Dimítte illam: ánima enim ejus in amaritúdine est, & Dó- minus celávit à me, & non indicávit mihi. Quæ dixit illi: Numquid petívi

filium à dōmīno meo? numquid non dixi tibi: Ne illūdas me? Et ait ille ad Giézi: Accinge lumbos tuos, & tolle bāculum meum in manu tua, & vade. Si occurrerit tibi homo, non salutes eum: & si salutaverit te quispiam, non respondeas illi: & pones bāculum meum super faciē pūeri. Porro mater pūeri ait: Vivit Dōminus, & vivit ānima tua, non dimittam te. Surrexit ergo, & secutus est eam. Giézi autem præcēsserat ante eos, & posuerat bāculum super faciē pūeri, & non erat vox, neque sensus: reversusque est in occursum ejus, & nuntiavit ei, dicens: Non surrexit puer. Ingressus est ergo Eliséus domum, & ecce puer mortuus jacebat in lectulo ejus: ingressusque clausit ostium super se, & super pūerum: & oravit ad Dōminum. Et ascendit, & incubuit super pūerum: posuitque os suum super os ejus, & oculos suos super oculos ejus, & manus suas super manus ejus: & incurvavit se super eum: & calefacta est caro pūeri. At ille reversus, deambulavit in domo, semel huc atque illuc, & ascendit, & incubuit super eum: & oscitavit puer septiēs, aperuitque oculos. At ille vocavit Giézi, & dixit ei: Voca Sunamítidem hanc. Quæ vocata, ingressa est ad eum. Qui ait: Tolle filium tuum. Venit illa, & corruit ad pedes ejus, & adoravit super terram: tulitque filium suum, & egressa est, & Eliséus reversus est in Gálgala.

Grad. Ps. 73. Réspice, Dōmine, in testamētum tuum: & ānimas páuperum tuórum ne obliviscāris in finem. *V.* Exúrge, Dōmine, júdica causam tuam: memor esto oppróbrii servórum tuórum.

Sequētia sancti Evangélii secúndum
Lucam. 7. 6.

IN illo témpore: Ibat Jēsus in civitatem, quæ vocatur Naím: & ibant cum eo discípuli ejus, & turba copiósa. Cū autem appropinquáret portæ civitatis, ecce defūctus efferebátur filius únicus matris suæ: & hæc vídua erat: & turba civitatis multa cū illa. Quam cū vidisset Dōminus, misericórdiā motus super eam, dixit illi: Noli flere. Et accēssit, & tétigit lóculum. (Hi autem qui portábant, steterunt.) Et ait: Adolēscens, tibi dico, surge: Et resēdit qui erat mórtuus, & cœpit loqui. Et dedit illum matri suæ. Accepit autem omnes timor: & magnificábant Deum, dicētes: Quia Prophéta magnus surrexit in nobis: & quia Deus visitávit plebem suam.

Offert. Ps. 69. Dōmine, ad adjuvandum me festína: confundántur omnes, qui cógitant servis tuis mala.

Secreta.

PUrifica nos, misericors Deus: ut Ecclésiæ tuæ preces, quæ tibi gratæ sunt, pia múnera deferētes, fiant expiátis méntibus gratióres. Per Dñm.

Aliæ Secretæ, ut in Dominica præcedenti, fol. 104.

Communio. Ps. 70. Dōmine, memorabor justítiæ tuæ solus: Deus, docuisti me à juventúte mea: & usque in senectam & sēnium, Deus, ne derelinquas me.

Postcommunio.

Cœlestia dona capiētibz, quæsumus, Dōmine, non ad júdiciū proveníre patiáris, quæ fidélibz tuis ad remédiū providisti. Per Dñm.

Aliæ Postcommun. ut in Dom. fol. 105.

Super populum. Orémus.
Humiliáte cápita vestra Deo.

Oratio.

Populi tui, Deus, institutor & rector, peccata, quibus impugnatur, expelle ut semper tibi placitus, & tuo munimine sit securus. Per Dñm.

F E R I A S E X T A.

Statio ad sanctum Eusebium.

Introitus. Ps. 18.

Meditatio cordis mei in conspectu tuo semper: Domine adiutor meus, & redemptor meus. *Ps. ib. Coeli enarrant gloriam Dei: & opera manuum ejus annuntiat firmamentum.*

V. Gloria Patri.

Orémus.

Oratio.

Deus, qui ineffabilibus mundum renovas sacramentis: presta, quaesumus; ut Ecclesia tua & æternis proficiat institutis, & temporalibus non destituatur auxiliis. Per Dñm.

Alice Orationes, ut in Domin. fol. 103.

Lectio libri Regum. III. 17.

In diebus illis: Egrotavit filius mulieris matrisfamilias, & erat languor fortissimus, ita ut non remaneret in eo halitus. Dixit ergo ad Eliam: Quid mihi & tibi vir Dei? Ingressus es ad me, ut rememorarentur iniquitates meae, & interficeres filium meum? Et ait ad eam Elias: Da mihi filium tuum. Tulitque eum de sinu ejus, & portavit in coenaculum ubi ipse manebat, & posuit super lectulum suum, & clamavit ad Dominum, & dixit: Domine Deus meus, etiamne viduam, apud quam ego utcunque sustentor, affixisti, ut interficeres filium ejus? Et expandit se, atque mensus est su-

per puerum tribus vicibus, & clamavit ad Dominum, & ait: Domine Deus meus, revertatur, obsecro, anima pueri hujus in viscera ejus. Et exaudivit Dominus vocem Eliæ: & reversa est anima pueri intra eum, & revixit. Tulitque Elias puerum, & deposuit eum de coenaculo in inferiorem domum, & tradidit matri suae, & ait illi: En vivit filius tuus. Dixitque mulier ad Eliam: Nunc in isto cognovi, quoniam vir Dei es tu, & verbum Domini in ore tuo verum est.

Grad. Ps. 117. Bonum est confidere in Domino, quam confidere in homine. V. Bonum est sperare in Domino, quam sperare in principibus.

Tract. Ps. 102. Domine, non secundum peccata nostra, quæ fecimus nos: neque secundum iniquitates nostras retribuas nobis. V. Ps. 78. Domine, ne memineris iniquitatum nostrarum antiquarum: citò anticipent nos misericordiae tuæ, quia pauperes facti sumus nimis. V. [Hic genuflectitur] Adjuva nos, Deus salutaris noster: & propter gloriam nominis tui, Domine, libera nos: & propitius esto peccatis nostris, propter nomen tuum.

Sequentia sancti Evangelii secundum Joannem. 11.

In illo tempore: Erat quidam languens Lázarus à Bethánia, de castello Mariæ, & Marthæ sororis ejus. (María autem erat, quæ unxit Dominum unguento, & extersit pedes ejus capillis suis: cujus frater Lázarus infirmabatur.) Misérunt ergo sorores ejus ad eum, dicentes: Domine, ecce quem amas infirmatur. Audiens autem Jesus, dixit eis: Infirmitas hæc non est

ad mortem, sed pro glória Dei, ut glorificetur Filius Dei per eam. Diligebat autem Jesus Martham, & sororem ejus Mariam, & Lazarum. Ut ergo audivit, quia infirmabatur, tunc quidem mansit in eodem loco duobus diebus. Deinde post hæc dixit discipulis suis: Eamus in Judæam iterum. Dicunt ei discipuli: Rabbi, nunc quærebant te Judæi lapidare, & iterum vadis illuc? Respondit Jesus: Nonne duodecim sunt horæ diæi? Si quis ambulaverit in die, non offéndit, quia lucem hujus mundi videt: si autem ambulaverit in nocte, offéndit, quia lux non est in eo. Hæc ait, & post hæc dixit eis: Lazarus amicus noster dormit: sed vado ut à somno excitem eum. Dixérunt ergo discipuli ejus: Domine, si dormit, salvus erit. Dixerat autem Jesus de morte ejus: illi autem putavérunt quia de dormitióne somni diceret. Tunc ergo Jesus dixit eis manifestè: Lazarus mortuus est: & gaudeo propter vos, ut credátis, quóniam non eram ibi. Sed eamus ad eum. Dixit ergo Thomas, qui dicitur Didymus, ad condiscipulos: Eamus & nos, ut moriamur cum eo. Venit itaque Jesus, & invenit eum quatuor dies jam in monumento habentem. (Erat autem Bethánia juxta Jerosólymam quasi stádiis quíndecim.) Multi autem ex Judæis vénerant ad Martham & Mariam, ut consolarentur eas de fratre suo. Martha ergo ut audivit quia Jesus venit, occúrrit illi: María autem domi sedebat. Dixit ergo Martha ad Jesum: Domine, si fuísses híc, frater meus non fuisset mortuus: sed & nunc scio, quia quæcúmque popósceris à Deo, dabit

tibi Deus. Dicit illi Jesus: Resúrget frater tuus. Dicit ei Martha: Scio quia resúrget in resurrectione in novíssimo die. Dixit ei Jesus: Ego sum resurrectio, & vita: qui credit in me, étiam si mortuus fúerit, vivet: & omnis, qui vivit, & credit in me, non morietur in ætérnum. Credis hoc? Ait illi: Utique, Domine, ego credidi, quia tu es Christus Filius Dei vivi, qui in hunc mundum venísti. Et cum hæc dixisset, abiit, & vocávit Mariam sororem suam siléntio, dicens: Magíster adest, & vocat te. Illa ut audivit, surgit citò, & venit ad eum: nondum enim vénerat Jesus in castéllum: sed erat adhuc in illo loco, ubi occúrrerat ei Martha. Judæi ergo, qui erant cum ea in domo, & consolabántur eam, cum vidíssent Mariam, quia citò surrexit & exiit, secúti sunt eam, dicéntes: Quia vadit ad monuméntum, ut ploret ibi. María ergo, cum veníisset ubi erat Jesus, videns eum, cecidit ad pedes ejus, & dicit ei: Domine, si fuísses híc, non esset mortuus frater meus. Jesus ergo, ut vidit eam plorántem: & Judæos, qui vénerant cum ea, plorántes, infremuit spírítu, & turbávit seípsum, & dixit: Ubi posuístis eum? Dicunt ei: Domine, veni, & vide. Et lacrymátus est Jesus. Dixérunt ergo Judæi: Ecce quómodo amábat eum. Quidam autem ex ipsis dixérunt: Non póterat hic, qui aperuit óculos cæci nati, fácere ut hic non morerétur? Jesus ergo rursus fremens in semetípso, venit ad monuméntum. Erat autem spelúnca: & lapis superpósitus erat ei. Ait Jesus: Tóllite lápidem. Dicit ei Martha, soror ejus, qui mortuus fúerat: Domine,

jam foetet, quatríduānus est enim. Dicit ei Jesus: Nonne dixi tibi, quoniam si credideris, videbis gloriam Dei? Tulerunt ergo lapidem: Jesus autem, elevatis sursum oculis, dixit: Pater, gratias ago tibi, quoniam audisti me. Ego autem sciebam quia semper me audis, sed propter populum, qui circumstat, dixi: ut credant, quia tu me misisti. Hæc cum dixisset, voce magnâ clamavit: Lázare, veni foras. Et statim prodiit qui fuerat mortuus, ligatus pedes & manus institis, & facies illius sudario erat ligata. Dixit eis Jesus: Solvite eum, & sinite abire. Multi ergo ex Judæis, qui venerant ad Mariam & Martham, & viderant quæ fecit Jesus, crediderunt in eum.

Offert. Ps. 17. Populum humilem saluum facies, Domine, & oculos superborum humiliabis: quoniam quis Deus præter te, Domine?

Secreta.

MUnera nos, Domine, quæsumus, oblata purificent: & te nobis jûgiter faciant esse placatum. Per.

Aliæ Secretæ, ut in Dominica præcedenti, fol. 104.

Communio. Joan. 11. Videns Dominus flentes sorores Lázari ad monumentum, lacrymatus est coram Judæis, & exclamavit: Lázare, veni foras: & prodiit, ligatis manibus & pedibus, qui fuerat quatríduānus mortuus.

Postcommunio.

HÆc nos, quæsumus, Domine, participatio sacramenti, & à propriis reatibus indefinenter expediat, & ab omnibus tueatur adversis. Per Dñm.

Aliæ Postcommuniones, ut in Dominica præcedenti, fol. 105.

Super populum. Orémus. Humiliâte capita vestra Deo.

Oratio.

DA nobis, quæsumus, omnipotens Deus: ut qui infirmitatis nostræ conscii, de tua virtute confidimus, sub tua semper pietate gaudeamus. Per.

S A B B A T O.

Statio ad S. Nicolaum in carcere.

Introitus. Isaïæ 55.

Sitientes venite ad aquas, dicit Dominus: & qui non habetis pretium, venite, & bibite cum lætitia.

Ps. 77. Attendite, popule meus, legem meam: inclinæte aurem vestram in verba oris mei.

V. Glória Patri.

Orémus.

Oratio.

Fiat, Domine, quæsumus, per gratiam tuam fructuosus nostræ devotionis affectus: quia tunc nobis proderunt suscepta jejunia, si tuæ sint placita pietati. Per Dñm.

Aliæ Orationes, ut in Dominica præcedenti, fol. 103.

Lectio Isaïæ Prophætæ. 49. c.

HÆc dicit Dominus: In tempore placito exaudivi te, & in die salutis auxiliatus sum tibi: & servavi te, & dedi te in foedus populi, ut suscitares terram, & possideres hereditates dissipatas: ut diceres his, qui vincti sunt: Exite: & his, qui in tenebris: Revelâmini. Super vias pascuntur, & in omnibus planis pascua eorum. Non esurient, neque sitient, & non percutiet eos æstus & sol: quia miserator eorum reget eos, & ad fontes aquarum potabit eos. Et ponam omnes montes meos in viam, & semitæ meæ exaltabuntur.

Ecce isti de longè vénient, & ecce illi ab Aquilone & mari, & isti de terra Austráli. Laudáte coeli, & exúlta terra; jubiláte montes laudem: quia consolátus est Dóminus pópulum suum, & páuperum suórum miserébitur. Et dixit Sion: Derelíquit me Dóminus, & Dóminus oblítus est meí. Numquid oblivíscei potest múlter infántem suum, ut non misereátur filio úteri sui? Et si illa oblíta fúerit, ego tamen non oblivíscear tuí, dicit Dóminus omnípotens.

Grad. Ps. 9. Tibi, Dómine, derelíctus est pauper: pupíllo tu eris adjútor. *V.* Ut quid, Dómine, recessísti longè, déspicis in opportunitátibus, in tribulatione? dum superbit impius, incénditur pauper.

Sequéntia sancti Evangélíi secúndum Joánnem. 8. *b.*

IN illo témpore: Locútus est Jesus turbis Judæórum, dicens: Ego sum lux mundi: qui séquitur me, non ámbulat in ténebris, sed habébit lumen vitæ. Dixérunt ergo ei Pharisæi: Tu de te ipso testimónium pérhibes: testimónium tuum non est verum. Respóndit Jesus, & dixit eis: Et si ego testimónium perhíbeo de meípso, verum est testimónium meum: quia scio unde veni, & quò vado: vos autem nescítis unde vénio, aut quò vado. Vos secúndum carnem judicátis: ego non júdico quemquam: & si júdico ego, júdícium meum verum est, quia solus non sum: sed ego, & qui misit me, Pater. Et in lege vestra scriptum est, quia duórum hóminum testimónium verum est. Ego sum, qui testimónium perhíbeo de meípso: & testimónium pérhibet de me, qui misit

me, Pater. Dicébant ergo ei: Ubi est Pater tuus? Respóndit Jesus: Neque me scitis, neque Patrem meum: si me scirétis, fórfitan & Patrem meum scirétis. Hæc verba locútus est Jesus in gazophylácio, docens in templo, & nemo apprehéndit eum, quia necdum vénerat hora ejus.

Offert. Ps. 17. Factus est Dóminus firmaméntum meum, & refúgium meum, & liberátor meus: & sperábo in eum.

Secreta.

Oblatióibus nostris, quæsumus, Dómine, placáre fuscéptis: & ad te nostras étiam rebélles compélle propítius voluntátes. Per Dñm.

Aliæ Secretæ, ut in Domin. fol. 104.

Communio. Ps. 22. Dóminus regit me, & nihil mihi déerit: in loco páscuæ ibi me collocávit: super aquam refectiόνis educávit me.

Postcommunio.

Tua nos, quæsumus, Dómine, sancta puríficent: & óperatióne suâ tibi plácitos esse perficiant. Per Dñm.

Aliæ Postcommun. ut in Dom. fol. 105.

Super populum. Orémus.

Humiliáte cápita vestra Deo.

Oratio.

DEus, qui sperántibus in te miseréri pótius éligis, quàm irásci: da nobis dignè flere mala quæ fécimus: ut tuæ consolatiόνis grátiam inveníre mereámur. Per Dñm.

Ante Vesperas cooperiuntur Cruces & Imagines.

Ab hac die usque ad Sabbatum sanctum exclusive non dicitur Psal. Júdica me, ante Confessionem, neque Glória Patri. ad Lavábo.

DOMINICA DE PASSIONE.

*Statio ad sanctum Petrum.**Introitus. Ps. 42.*

Judica me, Deus, & discerne causam meam de gente non sancta: ab homine iniquo & doloso eripe me: quia tu es Deus meus, & fortitudo mea. *Ps. ib.* Emitte lucem tuam, & veritatem tuam: ipsa me deduxerunt, & adduxerunt in montem sanctum tuum, & in tabernacula tua. *Judica.*

Non dicitur, Glória Patri. ad introitum usque ad Pascha, nisi in Missa de Festo, si occurrerit: sed finito Psalmo, absolute repetitur Introitus usque ad Psalmum.

*Orémus.**Oratio.*

Quæsumus, omnipotens Deus, familiam tuam propitius respice: ut te largiente, regatur in corpore, & te servante, custodiatur in mente. *Per.*

Ab hac die usque ad Feriam quintam in Cæna Domini, post Orationem diei dicitur, vel contra persecutores Ecclesiæ.

Oratio.

Ecclésiæ tuæ, quæsumus, Domine, preces placatus admitte: ut destructis adversitatibus & erroribus universis, securâ tibi serviat libertate. *Per Dñm.*

*Vel pro Papa.**Oratio.*

Deus omnium fideliū pastor & rector, famulum tuum N. quem pastorem Ecclésiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, unâ cum grege sibi credito, perveniat sempiternam. *Per Dñm.*

Non dicitur tertia Oratio.

Lectio Epistolæ beati Pauli Apostoli ad Hebræos. 9. c.

Fratres, Christus assistens Pontifex futurorum bonorum, per amplius & perfectius tabernaculum non manufactum, id est, non hujus creationis; neque per sanguinem hircorum, aut vitulorum, sed per proprium sanguinem introivit semel in sancta, æternâ redemptione inventâ. Si enim sanguis hircorum, & taurorum, & cinis vitulæ aspersus, inquinatos sanctificat ad emundationem carnis: quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi? Et ideo novi testamenti mediator est: ut morte intercedente, in redemptionem earum prævaricationum, quæ erant sub priori testamento, repromissionem accipiant qui vocati sunt æternæ hereditatis: in Christo Jesu Domino nostro.

Grad. Ps. 142. Eripe me, Domine, de inimicis meis: doce me facere voluntatem tuam. V. Ps. 17. Liberátor meus, Domine, de gentibus iracundis: ab insurgentibus in me exaltabis me: à viro iniquo eripies me.

Tractus. Ps. 128. Sæpè expugnaverunt me à juventute mea. V. Dicat nunc Israël: sæpè expugnaverunt me à juventute mea. V. Etenim non potuerunt mihi: supra dorsum meum fabricaverunt peccatores: V. Prolongaverunt iniquitates suas: Dominus justus concidet cervices peccatorum.

Sequentia sancti Evangelii secundum
Joannem. 8. f.

IN illo tempore: Dicebat Jesus tur-
bis Judæorum: Quis ex vobis ar-
guet me de peccato? Si veritatem dico
vobis, quare non creditis mihi? Qui
ex Deo est, verba Dei audit. Propterea
vos non auditis, quia ex Deo non estis.
Respondérunt ergo Judæi, & dixerunt
ei: Nonne benè dicimus nos, quia Sa-
maritanus es tu, & dæmónium habes?
Respondit Jesus: Ego dæmónium non
habeo: sed honorifico Patrem meum,
& vos inhonorástis me. Ego autem
non quæro glóriam meam: est qui
quærat, & júdicet. Amen, amen dico
vobis: si quis sermónem meum servá-
verit, mortem non vidébit in ætérnum.
Dixerunt ergo Judæi: Nunc cognóvi-
mus quia dæmónium habes. Abraham
mórtuus est, & Prophætæ: & tu dicis:
Si quis sermónem meum serváverit,
non gustábit mortem in ætérnum.
Numquid tu major es patre nostro
Abraham, qui mórtuus est? & Prophé-
tæ mórtui sunt. Quem teípsum facis?
Respondit Jesus: Si ego glorífico me-
ípsum, glória mea nihil est: est Pater
meus, qui glorificat me, quem vos dí-
citis quia Deus vester est, & non cog-
novístis eum: ego autem novi eum:
Et si díxero quia non scio eum, ero
símilis vobis, mendax. Sed scio eum,
& sermónem ejus servo. Abraham
pater vester exultávit ut vidéret diem
meum: vidit, & gavísus est. Dixerunt
ergo Judæi ad eum: Quinquaginta
annos nondum habes, & Abraham vi-
disti? Dixit eis Jesus: Amen, amen
dico vobis, ántequam Abraham fieret,
ego sum. Tulérunt ergo lápidés, ut

jácerent in eum: Jesus autem abscon-
dit se, & exívit de templo. Credo.

Offert. Ps. 118. Confitébor tibi, Dó-
mine, in toto corde meo: retribue ser-
vo tuo: vivam, & custódiam sermónes
tuos: vivífica me secundum verbum
tuum, Dómine.

Secreta.

HÆc múnera, quæsumus, Dómine,
& víncula nostræ pravitátis ab-
sólvant, & tuæ nobis misericórdiæ
dona concílient. Per Dñm.

*Altera Secreta, vel contra persecutores
Ecclesiæ.*

PRótege nos, Dómine, tuis mystériis
serviéntes: ut divínis rebus inhæ-
réntes, & corpore tibi famulémur, &
mente. Per Dñm.

Vel pro Papa.

OBlátis, quæsumus, Dómine, placáre
munéribus: & famulum tuum
N. quem pastórem Ecclesiæ tuæ præ-
esse voluísti, assíduâ protectióne gu-
bérna. Per Dñm.

*Præfatio de Cruce, quæ dicitur quotidie
usque ad Feriam quintam in Cæna Do-
mini, etiam in Missa de Festo, nisi pro-
priam habuerit.*

Communio. 1. Cor. 11. Hoc corpus,
quod pro vobis tradétur: hic calix novi
testaménti est in meo sáanguine, dicit
Dóminus: hoc fácite, quotiescúmque
súmitis, in meam commemoratióem.

Postcommunio.

ADesto nobis, Dómine Deus noster:
& quos tuis mystériis recreásti,
perpétuis defénde subsidiis. Per Dñm.

*Altera Postcommunio, vel contra per-
secutores Ecclesiæ.*

QUæsumus, Dómine, Deus noster:
ut, quos divínâ tríbuís participa-

tione gaudere, humanis non finas sub-
jacere periculis. Per Dñm.

Vel pro Papa.

HÆc nos, quæsumus, Dómine, di-
vini sacramenti percéptio proté-
gat: & famulum tuum N. quem pas-
torem Ecclésiæ tuæ præesse voluisti,
unà cum commisso sibi grege, salvet
semper & muniat. Per Dñm.

F E R I A S E C U N D A.

Statio ad S. Chrysogonum.

Introitus. Psal. 55.

Miserere mei, Dómine: quóniam
conculcavit me homo: totà die
bellans tribulavit me. *Pf. ib.* Concul-
caverunt me inimici mei totà die:
quóniam multi bellantes advèrsùm
me. Miserere.

Orémus.

Oratio.

Sanctifica, quæsumus, Dómine, nos-
tra jejúnia: & cunctarum nobis
indulgentiam propitius largire culpá-
rum. Per Dñm.

*Altera Oratio. Ecclésiæ, vel Deus
omnium, ut supra in Dominica Passio-
nis, fol. 117.*

Lectio Jonæ Prophætæ. 3.

IN diébus illis: Factum est verbum
Dómini ad Jonam Prophétam se-
cúndò, dicens: Surge, & vade in Níni-
ven civitatem magnam: & prædica in
ea prædicationem, quam ego loquor
ad te. Et furrexit Jonas, & abiit in
Níniven juxta verbum Dómini. Et
Nínive erat civitas magna itinere tri-
um diérum. Et coepit Jonas introire
in civitatem itinere diéi unius, & cla-
mavit, & dixit: Adhuc quadraginta
dies, & Nínive subvertétur. Et credi-
derunt viri Ninivítæ in Deum: & præ-

dicaverunt jejúnium, & vestiti sunt
saccis à majore usque ad minorem.
Et pervenit verbum ad regem Nínive:
& furrexit de sòlio suo, & abjecit ves-
timéntum suum à se, & indutus est
sacco, & sedit in cinere. Et clamá-
vit, & dixit in Nínive ex ore Regis,
& principum ejus, dicens: Hómines,
& jumenta, & boves, & pécora non
gustent quidquam: nec pascántur, &
aquam non bibant. Et operiántur sac-
cis hómines, & jumenta, & clament
ad Dóminum in fortitúdine, & con-
vertátur vir à via sua mala, & ab ini-
quitáte, quæ est in manibus eórum.
Quis scit si convertátur & ignóscat
Deus: & revertátur à furóre iræ suæ,
& non peribimus? Et vidit Deus ópera
eórum, quia convèrsi sunt de via sua
mala: & misértus est pópulo suo Dó-
minus Deus noster.

Grad. Ps. 53. Deus, exáudi oratió-
nem meam: áuribus pèrcipe verba
oris mei. *V.* Deus, in nómine tuo sal-
vum me fac: & in virtúte tua libera me.

Tract. Ps. 102. Dómine, non secún-
dum peccáta nostra, quæ fecimus nos:
neque secúndum iniquitátes nostras
retribuas nobis. *V. Ps. 78.* Dómine,
ne memíneris iniquitátum nostrarum
antiquarum: citò anticipent nos mi-
sericórdiæ tuæ, quia páuperes facti
sumus nimis. *V. [Hic genuflectitur]* Ad-
juva nos, Deus salutaris noster: &
propter glóriam nóminis tui, Dómine,
libera nos: & propitius esto peccátis
nostris, propter nomen tuum.

*Sequéntia sancti Evangélii secúndum
Joánnem. 7. c.*

IN illo témpore: Misérunt Príncipes
& Pharisæi ministros, ut apprehen-

derent Jesum. Dixit ergo eis Jesus: Adhuc modicum tempus vobiscum sum: & vado ad eum; qui me misit. Quæretis me, & non inveniétis: & ubi ego sum, vos non potéstis venire. Dixérunt ergo Judæi ad semetipsos: Quò hic iturus est, quia non inveniémus eum? numquid in dispersiónem Géntium iturus est, & docturus Gentes? Quis est hic sermo, quem dixit: Quæretis me, & non inveniétis: & ubi sum ego, vos non potéstis venire? In novíssimo autem die magno festivitátis stabat Jesus, & clamábat, dicens: Si quis sitit, véniat ad me, & bibat. Qui credit in me, sicut dicit Scriptúra, flúmina de ventre ejus fluent aquæ vivæ. Hoc autem dixit de Spíritu, quem acceptúri erant credéntes in eum.

Offert. Ps. 6. Dómine, convértere, & éripe ánimam meam: salvum me fac propter misericórdiam tuam.

Secreta.

Concède nobis, Dómine Deus noster: ut hæc hóstia salutáris, & nostrórum fiat purgatio delictórum, & tuæ propitiatio majestátis. Per Dñm.

Altera Secreta, vel Prótege nos, vel Oblátis, fol. 118.

Communio. Ps. 23. Dóminus virtútum ipse est Rex glóriæ.

Postcommunio.

Sacraménti tui, quæsumus, Dómine, participatio salutáris, & purificationem nobis tríbuat, & medélam. Per Dñm.

Altera Postcommunio, vel Quæsumus, Dómine, vel Hæc nos, fol. 118.

Super populum. Orémus.
Humiliáte cápita vestra Deo.

Oratio.

DA, quæsumus, Dómine, pópulo tuo salutem mentis & córporis: ut bonis opéribus inhæréndo, tuâ semper mereátur protectióne deféndi. Per.

F E R I A T E R T I A.

Statio ad sanctum Cyriacum.

Introitus. Ps. 26.

Expecta Dóminum, viríliter age, & confortétur cor tuum, & sustine Dóminum. *Ps. ib.* Dóminus illuminatio mea, & salus mea: quem timebo? *Expecta.*

Orémus.

Oratio.

Nostra tibi, Dómine, quæsumus, sint accepta jejúnia: quæ nos & expiándo, grátiâ tuâ dignos efficiant; & ad remédia perdúcant ætérna. Per Dñm.

Altera Oratio, vel Ecclésiæ tuæ, vel Deus ómnium, fol. 117.

Lectio Daniélis Prophætæ. 14. c.

In diébus illis: Congregáti sunt Babylonii ad regem, & dixerunt ei: Trade nobis Daniélem, qui Bel destrúxit, & draconem interfécit, alióquin interficiémus te, & domum tuam. Vidit ergo rex quòd irrúerent in eum veheménter: & necessitate compúlsus tradidit eis Daniélem. Qui miserunt eum in lacum leónum, & erat ibi diébus sex. Porro in lacu erant leones septem, & dabántur eis duo córpora quotidie, & duæ oves: & tunc non data sunt eis, ut devorárent Daniélem. Erat autem Hábacuc Prophéta in Judæa, & ipse cóxerat pulméntum, & intríverat panes in alvéolo: & ibat in campum ut ferret messóribus. Dixitque Angelus Dómini ad Hábacuc: Fer prándium, quod habes, in Babyló-

nem Daniéli, qui est in lacu leónum. Et dixit Hábacuc: Dómine, Babylónem non vidi, & lacum nescio. Et apprehéndit eum Angelus Dómini in vértice ejus, & portávit eum capillo cápitis sui, posuítque eum in Babylóne supra lacum in ímpetu spíritus sui. Et clamávit Hábacuc, dicens: Dániel serve Dei, tolle prándium, quod misit tibi Deus. Et ait Dániel: Recordátus es meí, Deus, & non dereliquísti diligéntes te. Surgénsque Dániel comédit. Porro Angelus Dómini restítuit Hábacuc conféstim in loco suo. Venit ergo rex die séptimo, ut lugéret Daniélem: & venit ad lacum, & introspéxit, & ecce Dániel sedens in médio leónum. Et exclamávit voce magná rex, dicens: Magnus es, Dómine Deus Daniélis. Et extráxit eum de lacu leónum. Porro illos, qui perditionis ejus causa fúerant, intromísit in lacum, & devoráti sunt in moménto coram eo. Tunc rex ait: Páveant omnes habitántes in univérſa terra Deum Daniélis: quia ipse est Salvátor, fáciens signa & mirábilia in terra: qui liberávit Daniélem de lacu leónum.

Grad. Ps. 42. Discérne causam meam, Dómine: ab hómine iníquo & dolóso éripe me. *V.* Emítte lucem tuam, & veritátem tuam: ipsa me deduxérunt, & adduxérunt in montem sanctum tuum.

Sequéntia sancti Evangélii secúndum Joánnem. 7.

IN illo témpore: Ambulábat Jesus in Galilæam, non enim volébat in Judæam ambuláre, quia quærébant eum Judæi interficere. Erat autem in próximo dies festus Judæórum, Sceno-

pégia. Dixérunt autem ad eum fratres ejus: Transi hinc, & vade in Judæam, ut & discípuli tui vídeant ópera tua, quæ facis. Nemo quippe in occúlto quid facit, & quærít ipse in palàm esse: si hæc facis, manifestá teípsum mundo. Neque enim fratres ejus credebant in eum. Dicit ergo eis Jesus: Tempus meum nondum advénit: tempus autem vestrum semper est parátum. Non potest mundus odísse vos: me autem odit: quia ego testimónium perhíbeo de illo, quòd ópera ejus mala sunt. Vos ascéndite ad diem festum hunc, ego autem non ascéndo ad diem festum istum: quia meum tempus nondum implétum est. Hæc cùm dixísset, ipse mansit in Galilæa. Ut autem ascenderunt fratres ejus, tunc & ipse ascéndit ad diem festum non manifestè, sed quasi in occúlto. Judæi ergo quærébant eum in die festo, & dicébant: Ubi est ille? Et murmur multum erat in turba de eo. Quidam enim dicébant: quia bonus est. Alii autem dicébant: Non, sed sedúcit turbas: Nemo tamen palàm loquebátur de illo, propter metum Judæórum.

Offert. Ps. 9. Sperent in te omnes, qui novérunt nomen tuum, Dómine, quóniam non derelínquis quæréntes te: psállite Dómino, qui hábitat in Sion: quóniam non est oblítus oratiónes páuperum.

Secreta.

Hostias tibi, Dómine, deférimus immolándas, quæ temporálem consolatiónem significent: ut promíssa non desperémus æténa. Per Dñm.

Altera Secreta, vel Prótege nos, *vel* Oblátis, fol. 118.

Communio. Ps. 24. Rédime me, Deus Israël, ex ómnibus angústis meis.

Postcommunio.

DA, quæsumus, omnipotens Deus: ut, quæ divína sunt, júgiter exequéntes, dónis mereámur coeléstibus propinquáre. Per Dñm.

Altera Postcommunio, vel Quæsumus, Dómine, vel Hæc nos, fol. 118.

Super populum. Orémus.
Humiliáte cápita vestra Deo.

Oratio.

DA nobis, quæsumus, Dómine, perseverántem in tua voluntáte famulátum: ut in diébus nostris, & mérito & número, pópulus tibi sérvians augeátur. Per Dñm.

F E R I A Q U A R T A.

Statio ad sanctum Marcellum.

Introitus. Psal. 17.

Liberátor meus de géntibus iracúndis: ab insurgéntibus in me exaltábis me: à viro iníquo erípies me, Dómine. *Ps. ib.* Díligam te, Dómine, virtus mea: Dóminus firmaméntum meum, & refúgium meum, & liberátor meus. Liberátor.

Orémus.

Oratio.

Sanctificáto hoc jejúnio, Deus, tuórum corda fidélium miserátór illústra: & quibus devotiónis præstas afféctum, præbe supplicántibus pium benígnus audítum. Per Dñm.

Altera Oratio, vel Ecclesiæ tuæ, vel Deus ómnium, fol. 117.

Léctio libri Levítici. 19.

IN diébus illis: Locútus est Dóminus ad Móysen, dicens: Lóquere ad omnem coetum filiórum Israël, & dices ad eos: Ego Dóminus Deus ves-

ter. Non faciétis furtum. Non mentiémini, nec decípiet unusquísque próximum suum. Non perjurábis in nómine meo, nec póllues nomen Dei tui. Ego Dóminus. Non fácies calúmniam próximo tuo: nec vi ópprimes eum. Non morábitur opus mercenárii tui apud te usque manè. Non maledíces furdo, nec coram cæco pones offendículum: sed timébis Dóminum Deum tuum, quia ego sum Dóminus. Non fácies quod iníquum est, nec injústè judicábis. Non consíderes persónam páuperis, nec honóres vultum poténtis. Justè júdica próximo tuo. Non eris criminátor, nec fufúrro in pópulo. Non stabis contra sánguinem próximi tui. Ego Dóminus. Non óderis fratrem tuum in corde tuo, sed públicè árgue eum, ne hábeas super illo peccátum. Non quæras ultiónem, nec memor eris injúriæ cívium tuórum. Díliges amicum tuum sicut teípsum. Ego Dóminus. Leges meas custodíte. Ego enim sum Dóminus Deus vester.

Grad. Ps. 29. Exaltábo te, Dómine, quóniam suscepísti me: nec delectásti inimícos meos super me. *V.* Dómine Deus meus, clamávi ad te, & sanásti me: Dómine, abstraxísti ab ínferis ánimam meam, salvásti me à descendentibus in lacum.

Traet. Ps. 102. Dómine, non secúndum peccáta nostra, quæ fécimur nos: neque secúndum iniquitátes nostras retríbuas nobis. *V.* *Ps. 78.* Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. *V.* [*Hic genuflectitur.*] Adjuva

nos, Deus salutáris noster: & propter glóriam nóminis tui, Dómine, libera nos: & propítius esto peccátis nostris, propter nomen tuum.

Sequéntia sancti Evangélíi secúndum Joánnem. 10. d.

IN illo témpore: Facta sunt Encænía in Jerosólymis: & hyems erat. Et ambulábat Jesus in templo, in pórticu Salomónis. Circumdedérunt ergo eum Judæi, & dicébant ei: Quoúsque ánimam nostram tollis? si tu es Christus, dic nobis palàm. Respóndit eis Jesus: Loquor vobis, & non créditis. Opera, quæ ego fácio in nómine Patris mei, hæc testimónium pérhibent de me. Sed vos non créditis, quia non estis ex óvibus meis. Oves meæ vocem meam áudiunt: & ego cognósko eas, & sequúntur mē: & ego vitam ætérnam do eis: & non períbunt in ætérnum, & non rápiet eas quisquam de manu mea. Pater meus quod dedit mihi, majus ómnibus est: & nemo potest rápere de manu Patris mei. Ego & Pater unum sumus. Sustulérunt ergo lápides Judæi, ut lapidárent eum. Respóndit eis Jesus: Multa bona ópera osténdi vobis ex Patre meo, propter quod eórum opus me lapidátis? Respóndérunt ei Judæi: De bono ópere non lapidámus te, sed de blasphemía: & quia tu homo cùm sis, facis teípsum Deum. Respóndit eis Jesus: Nonne scriptum est in lege vestra: quia Ego dixi, dii estis? Si illos dixit deos, ad quos sermo Dei factus est, & non potest solvi Scriptúra: quem Pater sanctificávit, & misit in mundum, vos dicitis: Quia blasphemás: quia dixi, Fí-

lius Dei sum? Si non fácio ópera Patris mei, nolíte credere mihi. Si autem fácio: & si mihi non vultis credere, opéribus créдите, ut cognoscátis, & credátis quia Pater in me est, & ego in Patre.

Offert. Ps. 58. Eripe me de inimícis meis, Deus meus: & ab insurgéntibus in me libera me, Dómine.

Secreta.

ANnue miséricors Deus: ut hóstias placatiónis & laudis sincéro tibi deferámus obsequio. Per Dñm.

Altera Secreta, vel Prótege nos, *vel* Oblátis, fol. 118.

Communio. Ps. 25. Lavábo inter innocétes manus meas, & circuibo altáre tuum, Dómine: ut áudiam vocem laudis tuæ, & enárrem univérsa mirábília tua.

Postcommunio.

COeléstis doni benedictióne percéptâ, súpplices te, Deus omnípotens, deprecámur: ut hoc idem nobis & sacraménti causa sit, & salútis. Per Dñm.

Altera Postcommunio, vel Quæsumus, Dómine, *vel* Hæc nos, fol. 118.

Super populum. Orémus.
Humiliáte cápita vestra Deo.

Oratio.

ADesto supplicatióibus nostris, omnípotens Deus: & quibus fidúci- am sperándæ pietátis indúlges, consuétæ misericórdiæ tríbue benignus effectum. Per Dñm.

F E R I A Q U I N T A.

*Statio ad sanctum Apollinarem.**Introitus. Dan. 3.*

OMnia, quæ fecisti nobis, Dómine, in vero iudicio fecisti: quia peccavimus tibi, & mandatis tuis non obedivimus: sed da glóriam nómini tuo, & fac nobiscum secúndum multitudinem misericórdiæ tuæ.

Pf. 118. Beati immaculati in via: qui ambulant in lege Dómini. Omnia.

*Orémus.**Oratio.*

PRæsta, quæsumus, omnipotens Deus: ut dignitas conditionis humanæ per immoderantiam fauciata, medicinalis parcimoniæ studio reformetur. Per Dñm.

Altera Oratio, vel Ecclesiæ tuæ, vel Deus ómnium, fol. 117.

Lectio Daniélis Prophætæ. 3.

IN diébus illis: Oravit Azarias Dóminum, dicens: Dómine Deus noster: ne, quæsumus, tradas nos in perpetuum propter nomen tuum, & ne dissipes testaméntum tuum: neque auferas misericórdiam tuam à nobis, propter Abraham dilectum tuum, & Isaac servum tuum, & Israël sanctum tuum: quibus locutus es, póllicens quòd multiplicares semen eórum sicut stellas cœli, & sicut arénam quæ est in littore maris: quia, Dómine, imminutisumus plus quàm omnes gentes, sumusque húmiles in univérſa terra hódie propter peccata nostra. Et non est in témpore hoc princeps, & dux, & Prophéta, neque holocáustum, neque sacrificium, neque oblátio, neque incensum, neque locus primitiárum coram te, ut possimus invenire misericórdiam tuam, sed in ánimo contrito,

& spíritu humilitátis suscipiámur. Sicut in holocáusto arictum, & taurorum, & sicut in millibus agnorum pínguium: sic fiat sacrificium nostrum in conspéctu tuo hódie, ut pláceat tibi: quóniam non est confusio confidentibus in te. Et nunc séquimur te in toto corde, & timémus te, & quærimus faciém tuam. Ne confundas nos: sed fac nobiscum juxta mansuetúdinem tuam, & secúndum multitudinem misericórdiæ tuæ. Et érue nos in mirabilibus tuis: & da glóriam nómini tuo, Dómine: & confundántur omnes, qui osténdunt servis tuis mala, confundántur in omnipoténtia tua, & robur eórum conterátur: & sciant quia tu es Dóminus Deus solus, & gloriósus super orbem terrarum, Dómine Deus noster.

Grad. Pf. 95. Tóllite hóstias, & intróite in átria ejus: adoráte Dóminum in aula sancta ejus. V. Pf. 28. Revelábit Dóminus condénsa: & in templo ejus omnes dicent glóriam.

Sequéntia sancti Evangélii secúndum Lucam. 7. f.

IN illo témpore: Rogábat Jesum quidam de Pharisæis, ut manducáret cum illo. Et ingressus domum Pharisæi, discúbuit. Et ecce múluer, quæ erat in civitate peccátrix, ut cognóvit quòd accubuisset in domo Pharisæi, áttulit alabástrum unguénti, & stans retrò secus pedes ejus, lácrymis cœpit rigáre pedes ejus, & capillis cápitis sui tergébat, & osculabátur pedes ejus, & unguénto ungébat. Videns autem Pharisæus, qui vocáverat eum, ait intrà se, dicens: Hic si esset Prophéta, sciret útique, quæ & qualis est múluer,

quæ tangit eum : quia peccatrix est. Et respondens Jesus, dixit ad illum : Simon, habeo tibi aliquid dicere. At ille ait : Magister, dic. Duo debitores erant cuidam foeneratori : unus debebat denarios quingentos, & alius quinquaginta. Non habentibus illis unde redderent, donavit utrisque. Quis ergo eum plus diligit ? Respondens Simon, dixit : Æstimo quia is, cui plus donavit. At ille dixit ei : Rectè judicasti. Et conversus ad mulierem, dixit Simóni : Vides hanc mulierem ? intravi in domum tuam, aquam pedibus meis non dedisti : hæc autem lacrymis rigavit pedes meos, & capillis suis terfit. Osculum mihi non dedisti : hæc autem, ex quo intravit, non cessavit osculari pedes meos. Oleo caput meum non unxisti : hæc autem unguento unxit pedes meos. Propter quod dico tibi : Remittuntur ei peccata multa, quoniam dilexit multum. Cui autem minus dimittitur, minus diligit. Dixit autem ad illam : Remittuntur tibi peccata. Et coeperunt, qui simul accumbebant, dicere intra se : Quis est hic, qui etiam peccata dimittit ? Dixit autem ad mulierem : Fides tua te salvam fecit : vade in pace.

Offert. Ps. 136. Super flumina Babylonis illic sedimus, & flevimus, dum recordarémur tuî, Sion.

Secreta.

Domine Deus noster, qui in his potius creaturis, quas ad fragilitatis nostræ subsidium condidisti, tuo quoque nomini munera iussisti dicanda constitui : tribue, quæsumus ; ut & vitæ nobis præsentis auxilium, & æternitatis efficiant sacramentum. Per.

Altera Secreta, vel Protege nos, vel Oblatis, quæsumus, fol. 118.

Communio. Ps. 118. Meménto verbi tui servo tuo, Domine, in quo mihi spem dedisti : hæc me consolata est in humilitate mea.

Postcommunio.

Quod ore sumpsimus, Domine, puramente capiamus : & de munere temporali, fiat nobis remedium sempiternum. Per Dñm.

Altera Postcommunio, vel Quæsumus, Domine, vel Hæc nos, fol. 118.

Super populum. Orémus.

Humiliate capita vestra Deo.

Oratio.

Esto, quæsumus, Domine, propitius plebi tuæ : ut, quæ tibi non placent, respuentes : tuorum potius repleantur delectationibus mandatorum. Per Dñm.

F E R I A S E X T A.

Statio ad S. Stephanum in Caelio Monte.

Introitus. Psal. 30.

Miserere mihi, Domine, quoniam tribulor : libera me, & eripe me de manibus inimicorum meorum, & à persequentibus me : Domine, non confundar, quoniam invocavi te.

Pf. ib. In te, Domine, speravi, non confundar in æternum : in iustitia tua libera me. Miserere.

Orémus.

Oratio.

Cordibus nostris, quæsumus, Domine, gratiam tuam benignus infunde : ut peccata nostra castigatione voluntariâ cohibentes, temporaliter potius maceremur, quàm suppliciis deputemur æternis. Per Dñm.

Altera Oratio, vel Ecclesiæ tuæ, vel Deus omnium, fol. 117.

Lectio Jeremiæ Prophætæ. 17. b.

IN diébus illis: Dixit Jeremías: Dómine, omnes qui te derelinquunt, confundéntur: recedéntes à te, in terra scribéntur: quóniam dereliquerunt venam aquárum vivéntium Dóminum. Sana me, Dómine, & sanabor: saluum me fac, & saluus ero: quóniam laus mea tu es. Ecce ipsi dicunt ad me: Ubi est verbum Dómini? Véniat. Et ego non sum turbátus, te pastórem sequens: & diem hóminis non desiderávi, tu scis. Quod egréssum est de lábiis meis, rectum in conspéctu tuo fuit. Non sis tu mihi formídini, spes mea tu in die afflictiónis. Confundántur qui me persecuúntur, & non confundar ego: páveant illi, & non páveam ego: induc super eos diem afflictiónis, & dúplici contritióne cóntere eos, Dómine Deus noster.

Grad. Ps. 34. Pacíficè loquebántur mihi inimíci mei: & in ira molésti erant mihi. *V.* Vidísti, Dómine, ne síleas: ne discédas à me.

Tract. Ps. 102. Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis. *V. Ps. 78.* Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. *V. [Hic genuflectitur]* Adjuva nos, Deus salutáris noster: & propter glóriam nóminis tui, Dómine, libera nos: & propítius esto peccátis nostris, propter nomen tuum.

Sequéntia sancti Evangélii secúndum Joánnem. 11. f.

IN illo témpore: Collegérunt Pontífices & Pharisæi concílium advér-

sus Jesum, & dicébant: Quid fácimus, quia hic homo multa signa facit? Si dimíttimus eum sic, omnes credent in eum: & vénient Románi, & tollent nostrum locum, & gentem. Unus autem ex ipsis Cáiphas nómine, cùm esset Póntifex anni illíus, dixit eis: Vos nescítis quidquam, nec cogitátis quia éxpedit vobis ut unus moriátur homo pro pópulo, & non tota gens péreat. Hoc autem à semetípso non dixit: sed cùm esset Póntifex anni illíus, prophetávit, quòd Jesus moritúrus erat pro gente, & non tantum pro gente, sed ut filios Dei, qui erant dispérsi, congregáret in unum. Ab illo ergo die cogitavérunt, ut interficerent eum. Jesus ergo jam non in palàm ambulábat apud Judæos, sed ábiit in regiónem juxta defértum, in civitátem quæ dicitur Ephrem, & ibi morabátur cum discípulis suis.

Offert. Ps. 118. Benedíctus es, Dómine, doce me justificatiónes tuas: & non tradas calumniántibus me supérbis: & respondébo exprobrántibus mihi verbum.

Secreta.

PRæsta nobis, miséricors Deus: ut dignè tuis servíre semper altáribus mereámur; & eórum perpétuâ participatione salvári. Per Dñm.

Altera Secreta, vel Prótege nos, *vel* Oblátis, quæsumus, *fol. 118.*

Communio. Ps. 26. Ne tradíderis me, Dómine, in ánimas persecuéntium me: quóniam insurrexérunt in me testes iníqui, & mentíta est iníquitas sibi.

Postcommunio.

Sumpti sacrificii, Dómine, perpétua nos tuitio non derelinquat: &

nóxia semper à nobis cuncta depéllat.
Per Dñm.

Altera Postcommunio, vel Quæsumus,
Dómine, *vel* Hæc nos, *fol.* 118.

Super populum. Orémus.
Humiliáte cápita vestra Deo.

Oratio.

Concède, quæsumus, omnipotens
Deus : ut qui protectionis tuæ
grátiam quærimus, liberáti à malis
ómnibus, secúrá tibi mente serviámus.
Per Dñm.

S A B B A T O.

Statio ad S. Joannem ante Portam Latinam.

Introitus. Psal. 30.

Miserere mihi, Dómine, quóniam
tribulor : libera me, & éripe
me, de mánibus inimicórum meórum,
& à persequéntibus me : Dómine, non
confúndar, quóniam invocávi te.

Pf. ib. In te, Dómine, sperávi, non
confúndar in ætérnum : in justítia tua
libera me. Miserere.

Orémus.

Oratio.

Proficiat, quæsumus, Dómine, plebs
tibi dicáta piæ devotiónis afféctu :
ut sacris actiónibus erudíta, quantò
majestáti tuæ fit grátior, tantò donis
potióribus augeátur. Per Dñm.

Altera Oratio, vel Ecclésiæ tuæ, vel
Deus ómnium, *fol.* 117.

Léctio Jeremiæ Prophétæ. 18. c.

In diébus illis : Dixérunt impii Judæi
ad invicem : Veníte, & cogitémus
contra justum cogitationes : non enim
períbit lex à sacerdote, neque consíli-
um à sapiénte, nec sermo à Prophéta :
veníte, & percutiámus eum linguâ, &
non attendámus ad univérso sermónes
ejus. Atténde, Dómine, ad me, & audi

vocem adversáriórum meórum. Num-
quid rédditur pro bono malum, quia
foderunt foveam animæ meæ ? Recor-
dare quòd fléterim in conspéctu tuo,
ut loquerer pro eis bonum, & áverte-
rem indignationem tuam ab eis. Prop-
tèreà da filios eórum in famem, & de-
duc eos in manus gládii, fiant uxóres
eórum absque liberis, & víduæ, & viri
eárum interficiántur, morte : júvenes
eórum confodiántur gládio in prælio.
Audiátur clamor de dómibus eórum :
addúces enim super eos latrónum re-
péntè, quia foderunt foveam, ut cápe-
rent me, & láqueos abscondérunt pé-
dibus meis. Tu autem, Dómine, scis
omne consílium eórum advérsùm me
in mortem : ne propitiéris iniquitati
eórum, & peccátum eórum à fácie tua
non deleátur : fiant corruéntes in con-
spéctu tuo, in témpore furóris tui abú-
tere eis, Dómine Deus noster.

Grad. Ps. 34. Páccíficè loquebántur
mihi inimíci mei : & in ira molésti
erant mihi. *V.* Vidísti, Dómine, ne
síleas : ne discédas à me.

Sequéntia sancti Evangelii secúndum
Joánnem. 12. b.

In illo témpore : Cogitavérunt prin-
cipes sacerdotum, ut & Lázarus
interficerent : quia multi propter illum
abíbant ex Judæis, & credébant in Je-
sum. In crástinum autem turba multa,
quæ vénerat ad diem festum, cum au-
dissent quia venit Jesus Jerosólymam :
accepérunt ramos palmárum, & pro-
cessérunt óbviám ei, & clamábant :
Hosánna, benedíctus, qui venit in nó-
mine Dómini, Rex Israël. Et invénit
Jesus aséllum, & sedit super eum, sicut
scriptum est : Noli timére, filia Sion :

ecce Rex tuus venit sedens super pul-
lum asinae. Hæc non cognoverunt dis-
cipuli ejus primum: sed quando glo-
rificatus est Jesus, tunc recordati sunt,
quia hæc erant scripta de eo, & hæc
fecerunt ei. Testimonium ergo perhi-
bébat turba, quæ erat cum eo quando
Lazarum vocavit de monumento, &
suscitavit eum à mortuis. Propterea
& obviam venit ei turba: quia audi-
erunt eum fecisse hoc signum. Phari-
sæi ergo dixerunt ad semetipsos: Vi-
dētis quia nihil proficimus? Ecce
mundus totus post eum abiit. Erant
autem quidam Gentiles ex his, qui
ascenderant ut adorarent in die festo.
Hi ergo accesserunt ad Philippum, qui
erat à Bethsaida Galilææ, & rogabant
eum, dicentes: Domine, volumus Je-
sum videre. Venit Philippus, & dicit
Andrææ: Andræas rursus & Philip-
pus dixerunt Jesu. Jesus autem re-
spondit eis, dicens: Venit hora, ut
clarificetur Filius hominis. Amen,
amen dico vobis, nisi granum frumenti
cadens in terram, mortuum fuerit, ip-
sum solum manet: Si autem mortuum
fuerit, multum fructum affert. Qui
amat animam suam, perdet eam: &
qui odit animam suam in hoc mundo,
in vitam æternam custodit eam. Si
quis mihi ministrat, me sequatur: &
ubi sum ego, illic & minister meus erit.
Si quis mihi ministraverit, honorificá-
bit eum Pater meus. Nunc anima mea
turbata est. Et quid dicam? Pater,
salvifica me ex hac hora. Sed propterea
veni in horam hanc. Pater, clarí-
fica nomen tuum. Venit ergo vox de
coelo: & clarificavi, & iterum clarifi-

cabo. Turba ergo quæ stabat, & audí-
erat, dicebat tonitruum esse factum.
Alii dicebant: Angelus ei locutus est.
Respondit Jesus, & dixit: Non propter
me hæc vox venit, sed propter vos.
Nunc judicium est mundi: nunc prin-
ceps hujus mundi ejicietur foras. Et
ego si exaltatus fuero à terra, omnia
traham ad meipsum: (hoc autem di-
cebat, significans quâ morte esset mo-
riturus.) Respondit ei turba: Nos au-
divimus ex lege, quia Christus manet
in æternum: & quomodo tu dicis,
Opórtet exaltari Filium hominis? Quis
est iste Filius hominis? Dixit ergo eis
Jesus: Adhuc modicum lumen in vo-
bis est. Ambulate dum lucem habētis,
ut non vos tenebræ comprehendant:
& qui ambulat in tenebris, nescit quò
vadat. Dum lucem habētis, credite in
lucem, ut filii lucis sitis. Hæc locutus
est Jesus, & abiit, & abscondit se ab
eis.

Offert. Ps. 118. Benedictus es, Dó-
mine, doce me justificationes tuas: &
non tradas calumniántibus me super-
bis: & respondébo exprobrántibus mi-
hi verbum.

Secreta.

A Cunctis nos, quæsumus, Dómine,
reátibus & perículis propitiatus
absolve: quos tanti mystérii tribuis
esse cónsortes. Per Dñm.

Altera Secreta, vel Prótege nos, *vel*
Oblátis, quæsumus, *fol. 118.*

Communio. Ps. 26. Ne tradideris
me, Dómine, in ánimas persecuéntium
me: quóniam insurrexerunt in me
testes iníqui, & mentíta est iníquitas
sibi.

Postcommunio.

Divini muneris largitate satiati, quæsumus, Domine; Deus noster: ut hujus semper participatione vivamus. Per Dñm.

Altera Postcommunio, vel Quæsumus, Domine, vel Hæc nos, fol. 118.

Super populum. Orémus. Humiliâte capita vestra Deo.

Oratio.

Tueatur, quæsumus, Domine, dextera tua populum deprecantem, & purificatum dignanter erudiat: ut consolatione præsentis, ad futura bona proficiat. Per Dñm.

DOMINICA IN PALMIS.

Completa Tertia, & facta aspersione aquæ, more solito, Sacerdos indutus pluviali violaceo, vel sine casula, cum ministris similiter indutis, procedit ad benedicendum ramos Palmarum & Olivarum, sive aliarum arborum, in medio ante Altare, vel ad cornu Epistolæ positos. Et primo cantatur à Choro Antiphona.

Matt. 21.

Hosanna filio David: benedictus qui venit in nomine Domini. O Rex Israël: Hosanna in excelsis.

Deinde Sacerdos stans in cornu Epistolæ, non vertens se ad populum, dicit in tono Orationis Missæ ferialis: Dominus vobiscum. R. Et cum spiritu tuo.

Orémus.

Oratio.

Deus, quem diligere & amare, justitia est; ineffabilis gratiæ tuæ in nobis dona multiplica: & qui fecisti nos in morte Filii tui sperare quæ credimus: fac nos eodem resurgente pervenire quod tendimus. Qui tecum vivit & regnat.

Postea Subdiaconus in loco solito cantat sequentem Lectionem in tono Epistolæ, & in fine osculatur manum Sacerdotis.

Lectio libri Exodi. 15. & 16.

In diebus illis: Venérunt filii Israël in Elim, ubi erant duodecim fontes aquarum, & septuaginta palmæ: & castrametati sunt juxta aquas. Profectique sunt de Elim, & venit omnis multitudo filiorum Israël in desertum Sin, quod est inter Elim & Sinai: quintodécimo die mensis secúndi, postquam egressi sunt de Terra Ægypti. Et murmuravit omnis congregatio filiorum Israël contra Móysen & Aaron in solitudine. Dixeruntque filii Israël ad eos: Utinam mórtui essemus per manum Domini in Terra Ægypti, quando sedebamus super ollas carni-um, & comedebamus panem in saturitate: cur eduxistis nos in desertum istud, ut occideretis omnem multitudinem fame? Dixit autem Dominus ad Móysen: Ecce, ego pluam vobis panes de coelo: egrediatur populus, & colligat quæ sufficiunt per singulos dies: ut tentem eum utrùm ambulet in lege mea, an non. Die autem sexto parent quod inferant: & sit duplum quàm colligere solébant per singulos dies. Dixeruntque Móyses & Aaron ad omnes filios Israël: Vespere sciétis quòd Dominus eduxerit vos de Terra Ægypti: & manè vidébitis glóriam Domini.

Deinde cantatur pro Graduali:

*R. Joan. 11. Collegérunt Pontífices & Pharisei concílium, & dixerunt: Quid facimus, quia hic homo multa signa facit? Si dimittimus eum sic, omnes credent in eum: * Et vénient Romá-*

ni, & tollent nostrum locum, & gentem. *V.* Unus autem ex illis, Cáiphas nómine, cùm esset Póntifex anni illius, prophetávit, dicens: Expedit vobis, ut unus moriátur homo pro pópulo, & non tota gens péreat. Ab illo ergo die cogitavérunt interficere eum, dicétes. Et vénient.

Vel aliud.

R. *Mat. 26.* In monte Olivéti Orávit ad Patrem: Pater, si fieri potest, tránseat à me calix iste. * Spíritus quidem promptus est, caro autem infirma: fiat volúntas tua. *V.* Vigiláte, & oráte, ut non intrétis in tentatióem. Spíritus quidem.

Interim dum cantatur R. Diaconus ponit librum Evangeliorum super Altare: & Sacerdos ministrante Diacono naviculam, ponit incensum in thuribulo. Deinde Diaconus dicit, Munda cor meum. accipit librum de Altari, petit benedicti-
onem à Sacerdote, postea Subdiacono librum tenente, medius inter duos Acolythos tenentes candelabra accensa, signat librum, incensat, & cantat Evangelium ut infra, more consueto: quo finito, Subdiaconus defert librum osculandum Sacerdoti, qui & incensatur à Diacono.

Sequéntia sancti Evangelii secúndum Matthæum. 21.

IN illo témpore: Cùm appropinquáset Iesus Jerosólymis, & venisset Béthphage ad montem Olivéti: tunc misit duos discípulos suos, dicens eis: Ite in castéllum, quod contra vos est, & statim inveniétis ásinam alligátam, & pullum cum ea: sólvite, & addúcite mihi: & si quis vobis áliquíd dixerit, dícite, quia Dóminus his opus habet: & conféstim dimíttet eos. Hoc autem

totum factum est, ut adimplerétur quod dictum est per Prophétam, dicéntem: Dícite filiaë Sion: Ecce Rex tuus venit tibi mansuétus, sedens super ásinam & pullum, filium subjugális. Eúntes autem discípuli, fecérunt sicut præcépit illis Iesus. Et adduxérunt ásinam & pullum: & imposuérunt super eos vestiménta sua, & eum désuper sedére fecérunt. Plúrima autem turba stravérunt vestiménta sua in via: álíi autem cædebant ramos de arbóribus, & sternébant in via: turbæ autem quæ procedébant, & quæ sequebántur, clamábant, dicétes: Hosánna filio David: benedíctus qui venit in nómine Dómini.

Post hæc benedicuntur Rami. Sacerdos stans in eodem cornu Epistolæ, dicit in tono Orationis ferialis, V. Dóminus vobíscum. R. Et cum spíritu tuo.

Orémus.

Oratio.

AUge fidem in te sperántium Deus, & súpplicum preces cleménter exáudi: véniat super nos múltiplex misericórdia tua: benedícantur & hi pálmítes palmárum, seu olivárum: & sicut in figúra Ecclésiæ multiplicásti Noë egrediéntem de arca, & Móysen exeúntem de Ægypto cum filiis Israél: ita nos portántes palmas, & ramos olivárum, bonis áctibus occurrámus ób-
viam Christo: & per ipsum in gáudium introeámus ætérnum. Qui tecum vivit & regnat in unitáte Spíritûs sancti Deus.

PER ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dño Deo nostro.

R. Dignum & justum est.

Verè dignum & justum est, æquum & salutäre; nos tibi semper, & ubique grátias ágere, Dómine sancte, Pater omnipotens, ætérne Deus. Qui gloriáris in consílio sanctórum tuórum. Tibi enim fèrviunt creatúræ tuæ: quia te solum auctórem & Deum cognóscunt: & omnis factúra tua te coláudat, & benedícunt te sancti tui. Quia illud magnum Unigéniti tui nomen coram régibus & potestátibus hujus sæculi liberá voce confiténtur. Cui assístunt Angeli & Archángeli, Throni & Dominationes: Cúmque omni militiæ coeléstis exercitús hymnum glóriæ tuæ concinunt sine fine dicéntes.

Et cantatur, Sanctus, à Choro.

Sanctus, Sanctus, Sanctus, Dóminus Deus Sábaoth. Pleni sunt coeli & terra glóriâ tua, Hosánna in excélsis. Benedíctus qui venit in nómine Dómini, Hosánna in excélsis.

Sequitur Dóminus vobíscum.

R. Et cum Spíritu tuo.

Orémus.

Oratio.

PETIMUS, Dómine sancte, Pater omnipotens, ætérne Deus: ut hanc creatúrâ olivæ, quam ex ligni matéria prodíre jussísti, quamque colúmba rédiens ad arcam próprio pertulit ore, benedícere, & sanctificáre dignéris: ut quicumque ex eâ recéperint, accípiant sibi protectiónem animæ & corporis: fiatque, Dómine, nostræ salutis remédium, tuæ grátiae sacraméntum. Per Dñm.

R. Amen.

Orémus.

DEUS, qui dispérsa cóngregas, & congregáta consérvas: qui pópulis óbviâ Jesu ramos portántibus benedixísti: benedíc étiam hos ramos palmæ & olivæ, quos tui fámuli ad honórem nóminis tui fidéliter fuscípiunt: ut in quemcúmque locum introdúcti fúerint, tuam benedictiónem habitatóres loci illius consequántur: & omni adversitáte effugátâ, dextera tua prótegat quos redémit Jesus Christus Fílius tuus Dñus noster. Qui tecum.

Orémus.

DEUS, qui miro dispositiónis órđine, ex rebus étiam insensibílibus, dispensatióem nostræ salutis osténdere voluísti: da, quæsumus: ut devóta tuórum corda fidélium salúbriter intélligant, quid mysticè désignet in facto, quòd hódie coelésti lumine afflata, Redemptóri óbviâ procédens, palmárum atque olivárum ramos vestígiis ejus turba substrávit. Palmárum igitur rami de mortis príncipe triúmphos expéctant: fúrculi verò olivárum, spirituálem unctiónem advenísse quodámmodo clamant: Intelléxit enim jam tunc illa hóminum beáta multitúdo præfigurári: quia Redemptor noster humánis cóndolens misériis, pro totíus mundi vita cum mortis príncipe esset pugnatúrus, ac moriéndò triumphatúrus: Et ideo tália óbsequens administrávit, quæ in illo & triúmphos victóriæ, & misericórdiæ pinguédinem declarárent. Quod nos quoque plenâ fide; & factum & significátum retinéntes, te, Dómine sancte, Pater omnipotens, ætérne Deus, per eúndem Dóminum nostrum Jesum Christum

suppliciter exoramus: ut in ipso, atque per ipsum, cujus nos membra fieri voluisti, de mortis império victoriam reportantes, ipsius gloriosæ resurrectionis partícipes esse mereámur. Qui tecum.

Orémus.

DEus, qui per olivæ ramum, pacem terris columbam nuntiare jussisti: præsta, quæsumus: ut hos olivæ, cæterarumque arborum ramos, coelæsti benedictione sanctifices: ut cuncto populo tuo proficiant ad salutem. Per Christum Dñm nostrum. *R.* Amen.

Orémus.

Benedic, quæsumus, Domine, hos palmárum, seu olivárum ramos: & præsta; ut quod populus tuus in tui venerationem hodiernâ die corporaliter agit, hoc spiritualiter summâ devotione perficiat, de hoste victoriam reportando, & opus misericordiæ summopere diligendo. Per Dñm.

Hic Celebrans ponit incensum in thuribulum, deinde ter aspergit ramos aqua benedicta, dicendo Antiphonam, Asperges me, sine cantu, & sine Psalmo: & ter adolet incenso. Postea dicit: Dominus vobiscum. R. Et cum spiritu tuo.

Orémus.

DEus, qui Filium tuum Jesum Christum Dominum nostrum, pro salute nostra in hunc mundum misisti, ut se humiliaret ad nos, & nos revocaret ad te: cui etiam, dum Jerúsalem veniret, ut adimpleret Scripturas, credentium populorum turba, fidelissima devotione vestimenta sua cum ramis palmárum in via sternerant: præsta, quæsumus, ut illi fidei viam præparemus, de qua, remoto lapide offensionis, & petrá scándali, frondeant apud te

opera nostra justitiæ ramis: ut ejus vestigia sequi mereámur. Qui tecum.

Completa benedictione, dignior ex Clero accedit ad Altare, & dat ramum benedictum Celebranti, qui non genuflectit, nec osculatur manum dantis. Postea Celebrans stans ante Altare versus ad populum, distribuit ramos, primum digniori, à quo ipse accepit, deinde Diacono & Subdiacono paratis, & aliis Clericis singulatim per ordinem, ultimo laicis: omnibus genuflectentibus & ramum ac manum Celebrantis osculantibus, exceptis Prælatis, si adsint. Et cum incæperit distribuere, à Choro cantantur sequentes Antiphonæ.

Púeri Hebræorum portantes ramos olivárum obviaverunt Domino, clamantes, & dicentes, Hosanna in excelsis.

Alia Antiphona.

Púeri Hebræorum vestimenta prosternebant in via, & clamabant dicentes: Hosanna filio David: benedictus qui venit in nomine Domini.

Quæ si non sufficiant, repetantur quousque ramorum distributio finiatur. Deinde Sacerdos dicit:

V. Dominus vobiscum.

R. Et cum spiritu tuo.

Orémus.

OMnipotens sempitérne Deus, qui Dominum nostrum Jesum Christum super pullum asinæ federe fecisti, & turbas populorum vestimenta, vel ramos arborum in via sternere, & Hosanna decantare in laudem ipsius docuisti: da, quæsumus; ut illorum innocentiam imitari possimus, & eorum meritum consequi mereámur. Per eundem Christum Dominum nostrum. *R.* Amen.

Postea fit Processio. Et primo Celebrans imponit incensum in thuribulum: & Diaconus vertens se ad populum dicit: Procedamus in pace. Et Chorus respondet: In nomine Christi, Amen. Procedit thuriferarius cum thuribulo fumigante, deinde Subdiaconus paratus, deferens Crucem, medius inter duos Acolythos cum candelabris accensis: Sequitur Clerus per ordinem, ultimo Celebrans cum Diacono à sinistris: omnes cum ramis in manibus & cantantur sequentes Antiphonæ, vel omnes, vel aliquæ, quousque durat Processio.

Antiphona. Mat. 21. c.

Cùm appropinquâret Dóminus Jerosólymam, misit duos ex discipulis suis, dicens: Ite in castéllum, quod contra vos est: & inveniétis pullum ásinæ alligátum, super quem nullus hóminum sedit: sólvite, & addúcite mihi. Si quis vos interrogáverit, dícite: Opus Dómino est. Solvéntes adduxérunt ad Jesum: & imposuérunt illi vestiménta sua, & sedit super eum: álii expandébant vestiménta sua in via: álii ramos de arbóribus sternébant: & qui sequebántur, clamábant: Hosánna, benedíctus qui venit in nómine Dómini: benedíctum regnum patris nostri David: Hosánna in excélsis: miserére nobis, fili David.

Alia Antiphona. Joan. 12.

Cùm audíffet pópulus, quia Jesus venit Jerosólymam, accepérunt ramos palmárum: & exiérunt ei óbviâ, & clamábant púeri, dicéntes: Hic est, qui ventúrus est in salútem pópuli. Hic est salus nostra, & redemptio Israél. Quantus est iste, cui Throni & Dominationes occurrunt? Noli timére filia,

Sion: ecce Rex tuus venit tibi, sedens super pullum ásinæ; sicut scriptum est: Salve, Rex fabricátor mundi, qui venísti redímere nos.

Alia Antiphona.

Ante sex dies solémnis Paschæ, quando venit Dóminus in civitátem Jerúsalem, occurrérunt ei púeri, & in manibus portábant ramos palmárum, & clamábant voce magnâ, dicéntes: Hosánna in excélsis: benedíctus qui venísti in multitúdine misericórdiæ tuæ: Hosánna in excélsis.

Alia Antiphona.

Occurrérunt turbæ cum flóribus & palmis Redemptóri óbviâ: & victóri triumphánti digna dant obsequia: Fílium Dei ore gentes prædicant: & in laudem Christi voces tonant per núbila: Hosánna in excélsis.

Alia Antiphona.

Cum Angelis & púeris fidéles inveniámur, triumphatóri mortis clamántes: Hosánna in excélsis.

Alia Antiphona.

Turba multa, quæ convénierat ad diem festum, clamábat Dómino: Benedíctus qui venit in nómine Dómini, Hosánna in excélsis.

¶ *In reversione Processionis, duo vel quatuor cantores intrant in Ecclesiam, & clauso ostio stantes versa facie ad processionem, incipiunt. V. Gloria, laus. & decantant duos primos versus. Sacerdos verò cum aliis extra Ecclesiam, repetit eosdem. Deinde qui sunt intus, cantant alios versus sequentes: vel omnes, vel partem, prout videbitur: & qui sunt extra, ad quoslibet duos versus respondent: Glória, laus. sicut à principio V.*

Glória, laus & honor tibi sit,
 Rex Christe Redemptor:
 Cui puerile decus prompsit Hosanna
 pium. *R.* Glória, laus.
 Israël es tu Rex, Davidis & inclyta
 proles:
 Nómine qui in Dómini Rex benedícite
 venis. *R.* Glória, laus.
 Coetus in excélsis te laudat coelicus
 omnis,
 Et mortális homo, & cuncta creata
 simul. *R.* Glória, laus.
 Plebs Hebræa tibi cum palmis óbvia
 venit:
 Cum prece, voto, hymnis, ádfumus
 ecce tibi. *R.* Glória, laus.
 Hi tibi passúro solvébant múnia laudis.
 Hos tibi regnánti pángimus ecce me-
 los. *R.* Glória, laus.
 Hi placuere tibi, pláceat devótio nostra:
 Rex bone, Rex clemens, cui bona
 cuncta placent. *R.* Glória, laus.

*Postea Subdiaconus hastili Crucis per-
 cutit portam: qua statim aperta, Pro-
 cessio intrat Ecclesiam, cantando:*

R. Ingrediénte Dómino in sanctam
 civitatem, Hebræorum púeri resurrec-
 tionem vitæ pronuntiántes, * Cum
 ramis palmárum Hosanna clamábant
 in excélsis. *V.* Cùm audíffet pópu-
 lus, quòd Jesus veníret Jerosólymam,
 exiérunt óbviám ei. Cum ramis.

Et non dicitur, Glória Patri.

*Deinde celebratur Missa, & rami te-
 nentur in manibus, dum cantatur Passio
 & Evangelium tantum.*

Statio ad S. Joannem in Laterano.

Introitus. Ps. 21.

Domine, ne longè fácias auxílium
 tuum à me, ad defensiónem

meam áspice: líbera me de ore leónis,
 & à cónibus unicórnium humilitátem
 meam. *Pf. ib.* Deus, Deus meus, ré-
 spice in me, quare me dereliquísti?
 longè à salúte mea verba delictórum
 meórum. Dómine, ne longè.

Orémus.

Oratio.

OMnípotens sempitérne Deus, qui
 humano géneri ad imitándum
 humilitátis exéplum, Salvatórem nos-
 trum carnem súmère, & crucem sub-
 íre fecísti: concéde propítius; ut &
 paciéntiæ ipsíus habére documénta, &
 resurrectionis consórtia mereámur. Per
 eúmdem Dñm.

Et hæc Oratio tantum dicitur.

Léctio Epístolæ beáti Pauli Apóstoli
 ad Philippénfes. 2.

FRatres, Hoc enim sentíte in vobis,
 quod & in Christo Jesu: qui, cùm
 in forma Dei esset, non rapínam arbi-
 tráus est esse se æquálem Deo: sed
 semetípsum exinanívit, formam servi
 accípiens, in similitúdinem hóminum
 factus, & hábitu invéntus ut homo.
 Humiliávit semetípsum, factus obédi-
 ens usque ad mortem, mortem autem
 crucis. Propter quod & Deus exaltá-
 vit illum, & donávit illi nomen, quod
 est super omne nomen: [*Hic genuflec-
 titur.*] ut in nómine Jesu omne genu
 flectátur, coeléstim, terréstrium, & in-
 fernórum: & omnis lingua confiteátur,
 quia Dóminus Jesus Christus in glória
 est Dei Patris.

Grad. Ps. 72. Tenuísti manum dex-
 teram meam: & in voluntáte tua de-
 duxísti me: & cum glória assumpsísti
 me. *V. Ps. ib.* Quàm bonus Israël
 Deus rectis corde! mei autem pænè
 moti sunt pedes, pænè effúsi sunt

gressus mei: quia zelavi in peccatoribus, pacem peccatorum videns.

Tract. Ps. 21. Deus, Deus meus, respice in me: quare me dereliquisti? *V.* Longè à salute mea verba delictorum meorum. *V.* Deus meus, clamabo per diem, nec exaudies in nocte, & non ad insipientiam mihi. *V.* Tu autem in sancto habitas, Laus Israël. *V.* In te speraverunt patres nostri: speraverunt, & liberaisti eos. *V.* Ad te clamaverunt, & salvi facti sunt: in te speraverunt, & non sunt confusi. *V.* Ego autem sum vermis & non homo: opprobrium hominum, & abjectio plebis. *V.* Omnes qui videbant me, aspernabantur me: locuti sunt labiis, & moverunt caput. *V.* Speravit in Domino, eripiat eum: salvum faciat eum, quoniam vult eum. *V.* Ipsi verò consideraverunt, & conspexerunt me: divisérunt sibi vestimenta mea, & super vestem meam miserunt fortem. *V.* Libera me de ore leónis: & à cornibus unicornium humilitatem meam. *V.* Qui timétis Dominum, laudate eum: univérsum semen Jacob magnificate eum. *V.* Annuntiabitur Domino generatio ventúra: & annuntiábunt coeli justitiam ejus. *V.* Pópulo qui nascétur, quem fecit Dominus.

¶ Passio Domini incipitur absolute: non dicitur Munda cor meum. non petitur benedictio, non deferuntur luminaria, nec incensum: non dicitur, Dominus vobiscum. nec respondetur, Glória tibi, Domine. & Celebrans, seu Diaconus, dum pronuntiat, Passio Domini nostri. non signat librum, neque seipsum. Quod & in aliis diebus servatur, quando legitur Passio.

Passio Domini nostri Jesu Christi secundum Matthæum. 26. & 27.

*I*N illo tempore: Dixit Jesus discipulis suis: ✠ Scitis quia post bíduum Pascha fiet, & Filius hominis tradétur ut crucifigátur. *c* Tunc congregati sunt príncipes sacerdotum; & seniores pópli, in átrium príncipis sacerdotum, qui dicebátur Cáïphas: & consílium fecérunt ut Jesum dolotenérent, & occíderent. Dicebant autem: *s* Non in die festo, ne fortè tumultus fieret in póplo. *c* Cùm autem Jesus esset in Bethánia in domo Simónis leprosi, accéssit ad eum múlter habens alabástrum unguénti pretiósí, & effúdit super caput ipsíus recumbéntis. Vidéntes autem discípuli, indignáti sunt, dicéntes: *s* Ut quid perditio hæc? pótuít enim istud venúndari multo, & dari paupéribus. *c* Sciens autem Jesus, ait illis: ✠ quid mólesti estis huic mulieri? opus enim bonum operáta est in me. Nam semper páuperes habétis vobíscum, me autem non semper habétis. Mittens enim hæc unguéntum hoc in corpus meum, ad sepeliéndum me fecit. Amen dico vobis, ubicúmque prædicátum fúerit hoc Evangélium in toto mundo, dicétur & quod hæc fecit in memóriam ejus. *c* Tunc ábiit unus de duódecim, qui dicebátur Judas Iscariótes, ad príncipes Sacerdotum: & ait illis: *s* Quid vultis mihi dare, & ego vobis eum tradam? *c* At illi constituérunt ei triginta argénteos. Et exínde quærébat opportunitátem ut eum tráderet. Primá autem die Azymórum accessérunt discípuli ad Jesum, dicéntes: *s* Ubi vis parémus tibi comédere Pascha? *c* At

Jesus dixit : ✠ Ite in civitatem ad quemdam, & dicite ei : Magister dicit : Tempus meum propè est, apud te facio Pascha cum discipulis meis. c Et fecerunt discipuli sicut constituit illis Jesus, & paraverunt Pascha. Vespere autem facto, discumbèbat cum duodecim discipulis suis. Et edéntibus illis, dixit : ✠ Amen dico vobis, quia unus vestrùm me traditùrus est. c Et contristati valdè, cœperunt singuli dicere : s Numquid ego sum, Dómine ? c At ipse respóndens, ait : ✠ Qui intíngit mecum manum in parópside, hic me tradet. Fílius quidem hóminis vadit, sicut scriptum est de illo : vae autem hómini illi, per quem Fílius hóminis tradétur : bonum erat ei, si natus non fuisset homo ille. c Respóndens autem Judas, qui tradidit eum, dixit : s Numquid ego sum, Rabbi ? c Ait illi : ✠ Tu dixísti. c Coenántibus autem eis, accépit Jesus panem, & benedixit, ac fregit, deditque discipulis suis, & ait : ✠ accípите, & comédite : hoc est corpus meum. c Et accípiens cálicem, grátias egit : & dedit illis, dicens : ✠ Bíbite ex hoc omnes. Hic est enim sanguis meus novi testaménti, qui pro multis effundétur in remissionem peccatórum. Dico autem vobis : Non bibam ámodò de hoc genímíne vitis, usque in diem illum, cùm illud bibam vobíscum novum in regno Patris mei. c Et hymno dicto, exiérunt in montem Olivéti. Tunc dicit illis Jesus : ✠ omnes vos scándalum patiemini in me, in ista nocte. Scriptum est enim : Percútiam pastórem, & dispergéntur oves gregis. Postquam autem resurréxero, præcédam vos in Ga-

lilæam. c Respóndens autem Petrus, ait illi : s Et si omnes scandalizáti fuerint in te, ego numquam scandalizabor. c Ait illi Jesus : ✠ Amen dico tibi, quia in hac nocte, ántequam gallus cantet : ter me negábis. c Ait illi Petrus : s Etiam si oportúerit me mori tecum, non te negábo. c Similiter & omnes discipuli dixerunt. Tunc venit Jesus cum illis in villam, quæ dicitur Gethsémani, & dixit discipulis suis : ✠ Sedéte híc, donec vadam illuc, & orem. c Et affúmpo Petro, & duobus filiis Zebedæi, cœpit contristári & inestus esse. Tunc ait illis : ✠ Tristis est ánima mea usque ad mortem : sustinéte híc, & vigiláte mecum. c Et progressus pusillum, prócidit in faciém suam, orans, & dicens : ✠ Pater mi, si possíbile est, tránseat à me calix iste. Verúmtamen non sicut ego volo, sed sicut tu. c Et venit ad discipulos suos, & invénit eos dormiéntes, & dicit Petro : ✠ Sic non potuístis unâ horâ vigiláre mecum ? Vigiláte, & oráte ut non intrétis in tentationem. Spíritus quidem promptus est, caro autem infirma. c Iterùm secúndò ábiit & orávit, dicens : ✠ Pater mi, si non potest hic calix transíre, nisi bibam illum, fiat voluntas tua. c Et venit iterùm, & invénit eos dormiéntes : erant enim óculi eórum graváti. Et reléctis illis iterùm ábiit, & orávit tertió, eúndem sermónem dicens. Tunc venit ad discipulos suos, & dicit illis : ✠ Dormíte jam, & requiécite : ecce appropinquávit hora, & Fílius hóminis tradétur in manus peccatórum. Súrgite, eámus : ecce appropinquávit qui me tradet. c Adhuc eo loquente, ecce Judas unus

de duodecim venit, & cum eo turba multa cum gladiis & fustibus, missi à principibus sacerdotum, & senioribus populi. Qui autem tradidit eum, dedit illis signum, dicens: s Quemcumque osculatus fuero, ipse est, tenete eum. c Et confestim accedens ad Jesum, dixit: s Ave, Rabbi. c Et osculatus est eum. Dixitque illi Jesus: ✠ Amice, ad quid venisti? c Tunc accesserunt, & manus injecerunt in Jesum, & tenuerunt eum. Et ecce unus ex his qui erant cum Jesu, extendens manum, exemit gladium suum, & percutiens servum principis sacerdotum, amputavit auriculam ejus. Tunc ait illi Jesus: ✠ Converte gladium tuum in locum suum. Omnes enim, qui acceperint gladium, gladio peribunt. An putas, quia non possum rogare Patrem meum, & exhibebit mihi modò plusquam duodecim legiones Angelorum? Quomodo ergo implebuntur Scripturæ, quia sic oportet fieri? c In illa hora dixit Jesus turbis: ✠ Tamquam ad latronem existis cum gladiis & fustibus comprehendere me: quotidie apud vos sedebam docens in templo, & non me tenuistis. c Hoc autem totum factum est, ut adimplerentur Scripturæ Prophetarum. Tunc discipuli omnes, relicto eo, fugerunt. At illi tenentes Jesum, duxerunt ad Capham principem sacerdotum, ubi Scribæ & seniores convenerant. Petrus autem sequebatur eum à longè, usque in atrium principis sacerdotum. Et ingressus intrò sedebat cum ministris, ut videret finem. Principes autem sacerdotum, & omne concilium, quærebant falsum testimonium contra Jesum, ut eum morti traderent: & non inveniunt, cum multi falsi testes accessissent. Novissimè autem venerunt duo falsi testes, & dixerunt: s Hic dixit: Possum destruire templum Dei, & post triduum reedificare illud. c Et surgens princeps sacerdotum, ait illi: s Nihil respondes ad ea, quæ isti adversum te testificantur? c Jesus autem tacebat. Et princeps sacerdotum ait illi: s Adjuro te per Deum vivum, ut dicas nobis si tu es Christus Filius Dei. c Dicit illi Jesus. ✠ Tu dixisti. Verumtamen dico vobis, à modò videbitis Filium hominis sedentem à dextris virtutis Dei, & venientem in nubiis coeli. c Tunc princeps sacerdotum scidit vestimenta sua, dicens: s Blasphemavit: quid adhuc egemus testibus? ecce nunc audistis blasphemiam: quid vobis videtur? c At illi respondentes, dixerunt: s Reus est mortis. c Tunc expuerunt in faciem ejus, & colaphis eum ceciderunt, alii autem palmas in faciem ejus dederunt, dicentes: s Prophetiza nobis, Christe, quis est, qui te percussit? c Petrus verò sedebat foris in atrio: & accessit ad illum una ancilla, dicens: s Et tu cum Jesu Galilæo eras. c At ille negavit coram omnibus, dicens: s Nescio quid dicis. c Exeunte autem illo januam, vidit eum alia ancilla, & ait his, qui erant ibi: s Et hic erat cum Jesu Nazaréno. c Et iterum negavit cum juramento: Quia non novi hominem. Et post pusillum accesserunt qui stabant, & dixerunt Petro: s Verè & tu ex illis es: nam & loquela tua manifestum te facit. c Tunc coepit detestari & jurare quia non novisset hominem. Et continuo gallus

cantavit. Et recordatus est Petrus verbi Jesu, quod dixerat: Priusquam gallus cantet, ter me negabis. Et egressus foras, flevit amare. Mane autem facto, consilium inierunt omnes principes sacerdotum & seniores populi adversus Jesum, ut eum morti tradèrent. Et vinctum adduxerunt eum, & tradiderunt Póntio Pilátó præf. i. Tunc videns Judas, qui eum tradidit, quod damnatus esset, poenitentia ductus, retulit triginta argenteos principibus sacerdotum, & senioribus, dicens: s Peccavi, tradens sanguinem justum. c At illi dixerunt: s Quid ad nos? tu videris. c Et projecit argenteis in templo, recessit: & abiens, laqueo se suspendit. Principes autem sacerdotum, acceptis argenteis, dixerunt: s Non licet eos mittere in corbonam: quia pretium sanguinis est. c Consilio autem iníto, emerunt ex illis agrum figuli, in sepulturam peregrinorum. Propter hoc vocatus est ager ille, Haceldama, hoc est, ager sanguinis, usque in hodiernam diem. Tunc implétum est, quod dictum est per Jeremíam Prophétam, dicentem: Et acceperunt triginta argenteos pretium appretiati, quem appretiaverunt à filiis Israél: & dederunt eos in agrum figuli, sicut constituit mihi Dóminus. Jesus autem stetit ante Præsidem, & interrogavit eum Præses, dicens: s Tu es Rex Judæorum? c Dicit illi Jesus: ✠ Tu dicis. c Et cum accusaretur à principibus sacerdotum, & senioribus, nihil respondit. Tunc dicit illi Pilátus: s Non audis quanta adversum te dicunt testimonia? c Et non respondit ei ad ullum verbum, ita ut miraretur Præses vehementer. Per diem autem

solèmnem consuèverat Præses pópulo dimittere unum vinctum, quem voluissent. Habebat autem tunc vinctum insignem, qui dicebatur Barábbas. Congregatis ergo illis, dixit Pilátus: s Quem vultis dimittam vobis: Barábbam, an Jesum, qui dicitur Christus? c Sciébat enim quod per invidiam tradidissent eum. Sedente autem illo pro tribunáli, misit ad eum uxor ejus, dicens: s Nihil tibi, & justo illi: multa enim passa sum hodie per visum propter eum: c Principes autem sacerdotum & seniores persuaserunt pópulis ut peterent Barábbam, Jesum verò perderent. Respondens autem Præses, ait illis: s Quem vultis vobis de duobus dimitti? c At illi dixerunt: s Barábbam. c Dicit illis Pilátus: s Quid igitur faciam de Jesu, qui dicitur Christus? c Dicunt omnes: s Crucifigatur. c Ait illis Præses: s Quid enim mali fecit? c At illi magis clamabant, dicentes: s Crucifigatur. c Videns autem Pilátus quia nihil proficeret, sed magis tumultus fieret: accepta aqua, lavit manus coram pópulo, dicens: s Innocens ego sum à sanguine justii hujus: vos vidéritis. c Et respondens univérsum pópulus, dixit: s Sanguis ejus super nos, & super filios nostros. c Tunc dimisit illis Barábbam: Jesum autem flagellatum tradidit eis ut crucifigeretur. Tunc milites Præsidis suscipientes Jesum in prætóríum, congregaverunt ad eum univérsum cohórtem, & exuentes eum, chlámydem coccineam circumdederunt ei, & plectentes corónam de spinis, posuerunt super caput ejus, & arúndinem in dextera ejus. Et genu flexo ante eum, illudébant ei, dicentes: s Ave, Rex Judæo-

rum. c Et expuētes in eum, accepē-
runt arūdinem, & percutiēbant caput
ejus. Et postquam illuērunt ei, exu-
ērunt eum chlāmyde, & induērunt
eum vestimētis ejus, & duxērunt eum
ut crucifigerent. Exeūtes autem, in-
venērunt hōminem Cyrenæum, nō-
mine Simōnem : hunc angariavērunt
ut tōlleret crucem ejus. Et venērunt
in locum, qui dīcitur Gólgotha, quod
est, Calvāriæ locus. Et dedērunt ei
vinum bībere cum felle mistum. Et
cū gustāset, nōluit bībere. Postquam
autem crucifixerunt eum, divisērunt
vestimēta ejus, sortem mittētes : ut
implerētur quod dictum est per Pro-
phētā dicētem : Divisērunt sibi ves-
timēta mea, & super vestem meam
misērunt sortem. Et sedētes, servā-
bant eum. Et imposuērunt super ca-
put ejus causā ipsius scriptā : Hic
est Jesus Rex Judæōrum. Tunc cruci-
fixi sunt cum eo duo latrōnes ; unus
à dextris, & unus à sinīstris. Præter-
eūtes autem blasphemābant eum,
movētes cāpita sua, & dicētes :
s Vah qui destruis templum Dei, & in
trīduo illud reædīficas : salva temet-
īpsū. Si filius Dei es, descēde de
cruce. c Simīliter & principes sacerdotū
illudētes cum Scribis & seniōri-
bus, dicēbant : s Alios salvos fecit, se-
īpsū non potest salvum facere : si Rex
Israēl est, descēdat nunc de cruce, &
credimus ei : confidit in Deo : liberet
nunc, si vult eum : dixit enim : Quia
Filius Dei sum. c Idīpsū autem &
latrōnes, qui crucifixi erant cum eo,
improperābant ei. A sexta autem hora
tēnebræ factæ sunt super univērsam
terram usque ad horam nonā : &

circa horam nonā clamāvit Jesus
voce magnā, dicens : ✠ Eli, Eli, lamma
sabaōthāni ? c Hoc est : ✠ Deus meus,
Deus meus, ut quid dereliquīsti me ?
c Quidam autem illic stantes, & audi-
ētes, dicēbant : s Eliām vocat iste.
c Et continuō currens unus ex eis,
accēptam spōngiam implēvit acēto, &
impōsuit arūdini, & dabat ei bībere.
Cæteri verō dicēbant : s Sine, vide-
āmus an vēniat Eliās liberans eum.
Jesus autem iterū clamans voce
magnā, emīsit spīritum. [*Hic genuflec-
titur, & pausat aliquantulum.*] Et ecce
velum templi scissum est in duas partes
à summo usque deorsum : & terra
mota est, & petrae scissæ sunt, & mo-
numēta apēta sunt : & multa cōr-
pora sanctōrum, qui dormierant, sur-
rexerunt. Et exeūtes de monumētis
post resurrectionem ejus, venērunt in
sanctam civitatem, & apparuērunt
multis. Centurio autem, & qui cum
eo erant, custodiētes Jesum, viso
terrae motu & his, quæ fiēbant, timu-
ērunt valdē, dicētes : s Verē Fīlius
Dei erat iste. c Erant autem ibi mu-
lieres multæ à longē, quæ secūtæ erant
Jesum à Galilæa, ministrātes ei : in-
ter quas erat Mariā Magdalēne, &
Mariā Jacóbi, & Joseph mater, & ma-
ter filiōrum Zebedæi. Cū autem
ferō factum esset, venit quidam homo
dives ab Arimathæa, nōmine Joseph,
qui & ipse discipulus erat Jesu. Hic
accēssit ad Pilātum, & pētiit corpus
Jesu. Et tunc Pilātus jussit reddi corpus.
Et accēpto corpore, Joseph invōlvit
illud in sīndone munda. Et pōsuit il-
lud in monumēto suo novo, quod
exciderat in petra. Et advōlvit saxum

magnum ad ostium monumenti, & abiit. Erat autem ibi Maria Magdalene, & altera Maria, sedentes contra sepulchrum.

Hic dicitur, Munda cor meum. petitur benedictio, defertur incensum sine luminaribus, & incensatur liber; non dicitur, Dominus vobiscum, & Celebrans, aut Diaconus non signat librum, neque seipsum: & quod sequitur, cantatur in tono Evangelii: in cuius fine Celebrans osculatur librum, & incensatur. Quæ omnia & in aliis Passionibus servantur, præterquam Feria sexta in Parasceve.

Alterâ autem die, quæ est post Parasceven, convenérunt principes sacerdotum & Pharisei ad Pilatum, dicentes: Domine, recordati sumus, quia seductor ille dixit adhuc vivens: Post tres dies resurgam. Jube ergo custodiri sepulchrum usque in diem tertium: ne fortè veniant discipuli ejus, & furentur eum, & dicant plebi: Surrexit à mortuis. Et erit novissimus error peior priore. Ait illis Pilatus: Habétis custodiam, ite, custodite sicut scitis. Illi autem abeúntes, muniérunt sepulchrum, signantes lapidem, cum custodibus. *Credo.*

Offert. Ps. 68. Improperium expectavit cor meum, & miseriam: & sustinui qui simul mecum contristarétur, & non fuit: consolantem me quæsivi, & non invéni: & dedérunt in escam meam fel, & in siti mea potavérunt me aceto.

Secreta.

Concède, quæsumus, Domine, ut oculis tuæ majestatis munus oblatum, & grátiam nobis devotiõnis obtineat, & effectum beatæ perennitatis acquirat. Per Dñm.

Communio. Mat. 26. Pater, si non potest hic calix transire, nisi bibam illum: fiat voluntas tua.

Postcommunio.

Per hujus, Domine, operationem mysterii, & vitia nostra purgentur, & iusta desideria compleantur. Per. *In Missis privatis legitur in fine Evangel. Cum appropinquasset. ut supra in benedictione Palmarum, fol. 130.*

FERIA II. MAJ. HEBDOMADÆ.

Statio ad sanctam Praxedem.

Introitus. Ps. 34.

Judica, Domine, nocentes me, expugna impugnantes me: apprehende arma & scutum, & exurge in adiutorium meum, Domine virtus salutis meæ. *Ps. ib. Effunde frameam, & concludere adversus eos, qui persequuntur me: dic animæ meæ, Salus tua ego sum. Júdica, Domine.*

Orémus.

Oratio.

DA, quæsumus, omnipotens Deus, ut, qui in tot adversis ex nostra infirmitate deficimus; intercedente unigeniti Filii tui passione respirémus. Qui tecum vivit & regnat.

Altera Oratio, vel Ecclesiæ tuæ, vel Deus omnium, fol. 117.

Lectio Isaïæ Prophætæ. 50. b.

In diébus illis: Dixit Isaías: Dominus Deus aperuit mihi aurem, ego autem non contradico: retrorsum non abii. Corpus meum dedi percutientibus, & genas meas velléntibus: faciem meam non averti ab increpantibus, & conspuentibus in me. Dominus Deus auxiliátor meus, ideò non sum confusus: ideò posui faciem meam, ut petram durissimam, & scio quoniam non confundar. Juxta est

qui iustificat me, quis contradicet mihi? Stemus simul, quis est adversarius meus? accedat ad me. Ecce Dominus Deus auxiliator meus: quis est qui condemnet me? Ecce omnes quasi vestimentum conterentur, tinea comedet eos. Quis ex vobis timens Dominum, audiens vocem servi sui? qui ambulavit in tenebris, & non est lumen ei, speret in nomine Domini, & innitatur super Deum suum.

Grad. Ps. 34. Exurge, Domine, & intende iudicio meo, Deus meus & Dominus meus in causam meam. *V.* Effunde frameam, & conlude adversus eos, qui me persequuntur.

Tract. Ps. 102. Domine, non secundum peccata nostra, quae fecimus nos: neque secundum iniquitates nostras retribuas nobis. *V. Ps. 78.* Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis. *V. [Hic genuflectitur]* Adjuva nos, Deus salutaris noster: & propter gloriam nominis tui, Domine, libera nos: & propitius esto peccatis nostris, propter nomen tuum.

Sequentia sancti Evangelii secundum Joannem. 12.

ANte sex dies Paschae venit Jesus Bethaniam, ubi Lazarus fuerat mortuus, quem suscitavit Jesus. Fecerunt autem ei coenam ibi: & Martha ministrabat, Lazarus vero unus erat ex discumbentibus cum eo. Maria ergo accepit libram unguenti nardi pistici pretiosi, & unxit pedes Jesu, & extersit pedes ejus capillis suis: & domus impleta est ex odore unguenti. Dixit ergo unus ex discipulis ejus, Ju-

das Iscariotes, qui erat eum traditurus: Quare hoc unguentum non venit trecentis denariis, & datum est egenis? Dixit autem hoc, non quia de egenis pertinebat ad eum, sed quia fur erat, & loculos habens, ea quae mittebantur, portabat. Dixit ergo Jesus: Sinite illam, ut in diem sepulturae meae servet illud. Pauperes enim semper habetis vobiscum, me autem non semper habetis. Cognovit ergo turba multa ex Judaeis quia illic est: & venerunt, non propter Jesum tantum, sed ut Lazarum viderent, quem suscitavit a mortuis.

Offert. Ps. 142. Eripe me de inimicis meis, Domine: ad te confugi, doce me facere voluntatem tuam, quia Deus meus es tu.

Secreta.

HAEC sacrificia nos, omnipotens Deus, potenti virtute mandatos, ad suum faciant puriores venire principium. Per Dñm.

Altera Secreta, vel Protege nos, *vel* Oblatis, fol. 118.

Communio. Ps. 34. Erubescant, & revealeantur simul, qui gratulantur malis meis: induantur pudore & reverentia, qui maligna loquuntur adversus me.

Postcommunio.

PRaebeant nobis, Domine, divinum tua sancta fervorem: quo eorum pariter & actu delectemur, & fructu. Per Dñm.

Altera Postcommunio, vel Quaesumus, Domine, *vel* Haec nos, fol. 118.

Super populum. Oremus. Humiliate capita vestra Deo. *Oratio.*

ADjuva nos, Deus salutaris noster: & ad beneficia recolenda, quibus

nos instaurare dignatus es, tribue venire gaudentes. Per Dñm.

FERIA TERTIA.

Statio ad sanctam Priscam.

Introitus. Gal. 6.

NOs autem gloriari oportet in cruce Domini nostri Jesu Christi: in quo est salus, vita, & resurrectio nostra: per quem salvati, & liberati sumus. *Pf. 66.* Deus, misereatur nostri, & benedicat nobis: illuminet vultum suum super nos, & misereatur nostri. Nos autem.

Orémus.

Oratio.

OMnipotens sempiternus Deus, da nobis ita Domini passionis sacramenta peragere: ut indulgentiam percipere mereamur. Per eundem Dominum nostrum.

Altera Oratio, vel Ecclesiæ tuæ, vel Deus omnium, fol. 117.

Lectio Jeremiæ Prophætæ. 11.

IN diebus illis: Dixit Jeremias: Domine, demonstrasti mihi, & cognovi, tunc ostendisti mihi studia eorum. Et ego quasi agnus mansuetus, qui portatur ad victimam: & non cognovi, quia cogitaverunt super me consilia, dicentes: Mittamus lignum in panem ejus, & eradamus eum de terra viventium, & nomen ejus non memoretur amplius. Tu autem Domine Sabaoth, qui judicas justè, & probas renes & corda, videam ultionem tuam ex eis: tibi enim revelavi causam meam, Domine Deus meus.

Grad. Pf. 34. Ego autem, dum mihi molesti essent, induëbam me cilicio, & humiliabam in jejuniò animam meam: & oratio mea in sinu meo convertetur.

V. Júdica, Domine, nocentes me, expugna impugnantes me: apprehende arma & scutum, & exurge in adjutorium mihi.

Passio Domini nostri Jesu Christi secundum Marcum. 14. & 15.

IN illo tempore: Erat Pascha & Azyma post bídium: & quærebant summi sacerdotes, & Scribæ, quomodo Jesum dolo tenerent, & occiderent: Dicebant autem: Non in die festo, ne fortè tumultus fieret in populo. Et cum esset Jesus Bethaniæ in domo Simónis leprosi, & recumberet: venit mulier habens alabastrum unguenti nardi spicati pretiosi, & fracto alabastro, effudit super caput ejus. Erant autem quidam indignè ferentes intra semetipsos, & dicentes: Ut quid perditio ista unguenti facta est? Póterat enim unguentum istud vendari plusquam trecéntis denariis, & dari pauperibus. Et fremebant in eam. Jesus autem dixit: Sinite eam: quid illi molesti estis? bonum opus operata est in me. Semper enim pauperes habetis vobiscum: & cum volueritis, potestis illis benefacere: me autem non semper habetis. Quod habuit hæc, fecit: prævenit ungere corpus meum in sepulturam. Amen dico vobis: Ubiúmque prædicatum fuerit Evangelium istud in universo mundo, & quod fecit hæc, narrabitur in memoriam ejus. Et Judas Iscariotes unus de duodecim abiit ad summos sacerdotes, ut pröderet eum illis. Qui audientes, gavisi sunt: & promiserunt ei pecuniam se daturos. Et quærebat quomodo illum opportunè tráderet. Et primo die Azymorum

quando Pascha immolabant, dicunt ei discipuli: s Quò vis eamus, & paré-
mus tibi, ut mandúces Pascha? c Et
mittit duos ex discipulis suis, & dicit
eis: ✠ Ite in civitatem: & occurret
vobis homo lagénam aquæ bájulans,
sequimini eum: & quocúmque introí-
erit, dícite dómíno domûs, quia ma-
gíster dicit: Ubi est refectio mea, ubi
Pascha cum discipulis meis mandú-
cem? Et ipse vobis demonstrábit cœ-
náculo grande stratum: & illic pa-
râte nobis. c Et abiérunt discipuli
ejus, & venérunt in civitatem: & in-
venérunt sicut dixerat illis, & paravé-
runt Pascha. Vespere autem factó, ve-
nit cum duódecim. Et discumbénti-
bus eis, & manducántibus, ait Jesus:
✠ Amen dico vobis, quia unus ex
vobis tradet me, qui manducat mecum.
c At illi cœpérunt contristári, & dícere
ei singulátim: s Numquid ego? c Qui
ait illis: ✠ Unus ex duódecim, qui
intíngit mecum manum in catíno. Et
Fílius quidem hóminis vadit sicut
scriptum est de eo: væ autem hómini
illi, per quem Fílius hóminis tradétur.
Bonum erat ei, si non esset natus ho-
mo ille. c Et manducántibus illis, ac-
cépit Jesus panem: & benedícens fre-
git, & dedit eis, & ait: ✠ Súmite, hoc
est corpus meum. c Et accépto cálice,
grátias agens dedit eis: & bibérunt
ex illo omnes. Et ait illis: ✠ Hic est
sanguis meus novi testaménti, qui pro
multis effundétur. Amen dico vobis,
quia jam non bibam de hoc genímíne
vitis, usque in diem illum, cùm illud
bibam novum in regno Dei. c Et
hymno dictó, exiérunt in montem Oli-
várurum. Et ait eis Jesus: ✠ Omnes
scandalizabímíni in me in nocte ista:
quia scriptum est: Percútiam pastó-
rem, & dispergéntur oves. Sed post-
quam resurréxero, præcédam vos in
Galilæam. c Petrus autem ait illi:
s Et si omnes scandalizáti fúerint in te,
sed non ego. c Et ait illi Jesus: ✠ A-
men dico tibi, quia tu hódie in nocte
hac, priúsq(uam) gallus vocem bis dé-
derit, ter me es negatúrus. c At ille
ámplíus loquebátur: s Et si oportúerit
me simul cómmori tibi, non te negábo.
c Simíliter autem & omnes dicébant.
Et véniunt in prædium, cui nomen
Gethsémani. Et ait discipulis suis:
✠ Sedéte híc donec orem. c Et affúmit
Petrum, & Jacóbum, & Joánnem se-
cum: & cœpit pavére, & tædére. Et
ait illis: ✠ Tristis est ánima mea usque
ad mortem: sustinéte híc, & vigiláte.
c Et cùm processísset páululúm, pró-
cidit super terram, & orábat, ut si
fieri posset, transíret ab eo hora: &
dixit: ✠ Abba Pater, ómnia tibi pos-
sibília sunt, transfer cálicem hunc à
me, sed non quod ego volo, sed quod
tu. c Et venit, & invénit eos dormi-
éntes. Et ait Petro: ✠ Simon, dormis?
non potuísti unâ horâ vigiláre? Vigi-
láte, & oráte ut non intrétis in tenta-
tiónem. Spíritus quidem promptus est,
caro verò infirma. c Et íterùm ábiens
orávit, eúmdem fermónem dicens. Et
revérsum, dénuò invénit eos dormiéntes
(erant enim óculi eórum graváti) &
ignorábant quid responderént ei. Et
venit tértiò, & ait illis: ✠ Dormíte
jam, & requiéscite. Súfficit: venit ho-
ra: ecce Fílius hóminis tradétur in
manus peccatórum. Súrgite, eamus.
Ecce qui me tradet, propè est. c Et,

adhuc eo loquente, venit Judas Iscariotes unus de duodecim, & cum eo turba multa cum gladiis, & lignis, à summis sacerdotibus, & Scribis, & senioribus. Dederat autem traditor ejus signum eis, dicens: s Quemcumque osculatus fuero, ipse est, tenete eum, & ducite cautè. c Et cum venisset, statim accedens ad eum, ait: s Ave, Rabbi. c Et osculatus est eum. At illi manus injecerunt in eum, & tenuerunt eum. Unus autem quidam de circumstantibus educens gladium, percussit servum summi sacerdotis: & amputavit illi auriculam. Et respondens Jesus, ait illis: ✠ Tamquam ad latronem existis cum gladiis, & lignis comprehendere me? Quotidie eram apud vos in templo docens, & non me tenuistis. Sed ut impleantur Scripturæ. c Tunc discipuli ejus relinquentes eum, omnes fugerunt. Adolescens autem quidam sequebatur eum amictus sindone super nudo: & tenuerunt eum. At ille rejecta sindone, nudus profugit ab eis. Et adduxerunt Jesum ad summum sacerdotem: & convenerunt omnes sacerdotes, & Scribæ, & seniores. Petrus autem à longè secutus est eum, usque intrò in atrium summi sacerdotis: & sedebat cum ministris ad ignem, & calefaciebat se. Summi verò sacerdotes, & omne concilium, quærebant adversus Jesum testimonium, ut eum morti traderent, nec inveniébant. Multi enim testimonium falsum dicebant adversus eum: & convenientia testimonia non erant. Et quidam surgentes, falsum testimonium ferebant adversus eum, dicentes: s Quoniam nos audivimus eum dicentem: Ego

dissolvam templum hoc manufactum, & per triduum aliud non manufactum ædificabo. c Et non erat conveniens testimonium illorum: Et exurgens summus sacerdos in medium, interrogavit Jesum, dicens: s Non respondes quidquam ad ea, quæ tibi objiciuntur ab his? c Ille autem tacebat, & nihil respondit. Rursum summus sacerdos interrogabat eum, & dixit ei: s Tu es Christus Filius Dei benedicti? c Jesus autem dixit illi: ✠ Ego sum: Et videbitis Filium hominis sedentem à dextris virtutis Dei, & venientem cum nubibus coeli. c Summus autem sacerdos scindens vestimenta sua, ait: s Quid adhuc desideramus testes? Audistis blasphemiam: quid vobis videtur? c Qui omnes condemnaverunt eum esse reum mortis. Et coeperunt quidam conspuere eum, & velare faciem ejus, & colaphis eum cedere, & dicere ei: s Prophetiza. c Et ministri alapis eum cedebant. Et cum esset Petrus in atrio deorsum, venit una ex ancillis summi sacerdotis: & cum vidisset Petrum calefacientem se, aspiciens illum, ait: s Et tu cum Jesu Nazarèno eras. c At ille negavit, dicens: s Neque scio, neque novi quid dicas. c Et exiit foras ante atrium, & gallus cantavit. Rursum autem cum vidisset illum ancilla, coepit dicere circumstantibus: Quia hic ex illis est. At ille iterum negavit. Et post pusillum rursus qui astabant, dicebant Petro: s Verè ex illis es: nam & Galilæus es. c Ille autem coepit anathematizare, & jurare: Quia nescio hominem istum, quem dicitis. Et statim gallus iterum cantavit. Et recordatus est Petrus verbi, quod

dixerat ei Jesus: Priusquam gallus cantet bis, ter me negabis. Et coepit flere. Et confestim, manè consilium facientes summi sacerdotes, cum senioribus, & Scribis, & universo concilio, vincientes Jesum, duxerunt, & tradiderunt Pilato. Et interrogavit eum Pilatus: s Tu es Rex Judæorum? c Et illè respondens, ait illi: ✠ Tu dicis. c Et accusabant eum summi Sacerdotes in multis. Pilatus autem rursùm interrogavit eum, dicens: s Non respondes quidquam? vide in quantis te accusant. c Jesus autem amplius nihil respondit, ita ut miraretur Pilatus. Per diem autem festum solèbat dimittere illis unum ex vincis, quemcùmque petissent. Erat autem qui dicebatur Barábbas, qui cum seditiosis erat vincus, qui in seditione fecerat homicidium. Et cùm ascendisset turba, coepit rogare, sicut semper faciebat illis. Pilatus autem respondit eis, & dixit: s Vultis dimittam vobis Regem Judæorum? c Scièbat enim quòd per invidiam tradidissent eum summi Sacerdotes. Pontifices autem concitaverunt turbam, ut magis Barábbam dimitteret eis. Pilatus autem iterùm respondens, ait illis: s Quid ergo vultis faciam Regi Judæorum? c At illi iterùm clamaverunt: s Crucifige eum. c Pilatus verò dicebat illis: s Quid enim mali fecit? c At illi magis clamabant: s Crucifige eum. c Pilatus autem volens pòpulo satisfacere, dimisit illis Barábbam, & tradidit Jesum flagellis cæsum, ut crucifigeretur. Milites autem duxerunt eum in atrium prætorii, & convocant totam cohortem, & induunt eum pùrpurâ, & im-

pònunt ei plectentes spincam coronam. Et coeperunt salutare eum: Ave, Rex Judæorum. Et percutiebant caput ejus arundine, & conspuiebant eum, & ponentes gènuâ, adorabant eum. Et postquam illuserunt ei, exuerunt illum pùrpurâ, & induerunt eum vestimentis suis, & educunt illum ut crucifigerent eum. Et angariaverunt prætereuntem quempiam, Simònem Cyrenæum, venientem de villa, patrem Alexándri & Rufi, ut tólleret crucem ejus. Et perducunt illum in Gólgotha locum: quod est interpretatum, Calváriae locus. Et dabant ei bibere myrrhátum vinum: & non accepit: Et crucifigentes eum, divisèrunt vestimenta ejus mittentes sortem super eis, quis quid tólleret. Erat autem hora tértia & crucifixerunt eum. Et erat título causæ ejus inscriptus: Rex Judæorum. Et cum eo crucifigunt duos latrones, unum à dextris, & alium à sinistris ejus. Et impléta est Scriptúra, quæ dicit: Et cum iniquis reputatus est. Et prætereuntes blasphemabant eum, moventes capita sua, & dicentes: s Vah qui destruis templum Dei, & in tribus diebus reedificas: salvum fac te metipsùm descendens de cruce. c Similiter & summi Sacerdotes illudentes, ad alterutrum cum Scribis dicebant: s Alios salvos fecit, seipsum non potest salvum facere: Christus Rex Israèl descendat nunc de cruce, ut videamus, & credamus: c Et qui cum eo crucifixi erant, convitiabantur ei. Et factâ horâ sextâ, tenebræ factæ sunt per totam terram, usque in horam nonam. Et horâ nonâ exclamavit Jesus voce magnâ, dicens: ✠ Eloi,

Eloi, lamina sabaſtháni? c Quod est interpretátum: ✠ Deus meus, Deus meus, ut quid dereliquíſti me? c Et quidam de circumſtántibus audiétes, dicébant: s Ecce, Elíam vocat. c Curréns autem unus, & implens ſpóngiam acéto, circumponénſque cálamo, potum dabat ei, dicens: s Sínite, videámus ſi véniat Elías ad deponéndum eum. c Jeſus autem emíſſâ voce magnâ expirávit: [*Hic genufleſcitur, & pauſatur aliquantulum.*] Et velum templi ſciſſum eſt in duo, à ſummo uſque deórſum. Videns autem Centúrio, qui ex advérſo ſtabat, quia ſic clamans expiráſſet, ait: s Verè hic homo Fílius Dei erat. c Erant autem & mulíeres de longè aſpiciétes: inter quas erat María Magdaléne, & María Jacóbi minóris & Joſeph mater, & Salóme: & cùm eſſet in Galilæa, ſequebántur eum, & miniſtrábant ei, & áliæ multæ, quæ ſimul cum eo aſcéndérant Jerofólymam.

Quod ſequitur, cantatur in tono Evangelii, & alia ſiunt ut ſupra.

ET cùm jam ſerò eſſet factum (quia erat Paraſcéve, quod eſt ante Sábbatum) venit Joſeph ab Ari-mathæa nóbilis decúrio, qui & ipſe erat expéctans regnum Dei, & audácter introívit ad Pilátum, & pétíit corpus Jeſu. Pilátus autem mirabátur, ſi jam obíiſſet. Et accerſíto Centurióne, interrogávit eum, ſi jam mórtuus eſſet. Et cùm cognoviſſet à Centurióne, donávit corpus Joſeph. Joſeph autem mercátus ſíndonem, & depónens eum, invólvit ſíndone, & póſuit eum in monuménto, quod erat excíſum de petra, & advólvit lápidem ad óſtium monuménti.

Offert. Pſ. 139. Cuſtódi me, Dómine, de manu peccatóris: & ab homínibus iníquis éripe me.

Secreta.

Sacrificia nos, quæſumus, Dómine, propénſius iſta reſtaurent: quæ medicínalibus ſunt inſtitúta jejúniis. Per Dñm.

Altera Secreta, vel Prótege nos, vel Oblátis, quæſumus, fol. 118.

Communio. Pſ. 68. Advérſum me exercebántur, qui ſedébant in porta: & in me pſallébant, qui bibébant vinum: ego verò orationem meam ad te, Dómine: tempus benepláciti, Deus, in multítudine miſericórdiæ tuæ.

Postcommunio.

Sanctificaciónibus tuis, omnípotens Deus, & vítia noſtra curéntur: & remédia nobis ſempitérna provéniant. Per Dñm.

Altera Postcommunio, vel Quæſumus, Dómine, vel Hæc nos, fol. 118.

Super populum. Orémus.

Humiliáte cápita veſtra Deo. Oratio.
Tua nos miſericórdia, Deus, & ab omni ſubreptione vetuſtátis expúrget: & capáces ſanctæ novitátis efficiat. Per Dñm.

F E R I A Q U A R T A.

Statio ad S. Mariam majorem.

Introitus. Phil. 2.

IN nómine Jeſu omne genu fleſcátur, coeléstium, terréſtrium, & infernórum, quia Dóminus factus eſt obédiens uſque ad mortem, mortem autem crucis, ideo Dóminus Jeſus Chriſtus in glória eſt Dei Patris.

Pſ. 101. Dómine, exáudi orationem meam: & clamor meus ad te véniat.
In nómine.

Post Kyrie eléïson, dicitur, Orémus.
Flectámus gēnua. R. Leváte.

Oratio.

PRæsta, quæsumus, omnipotens Deus:
ut, qui nostris excēssibus inces-
sānter affligimur, per unigēniti Fīlii
tui passiōem liberémur. Qui tecum.

Lectio Isaïæ Prophætæ. 62. & 63.

HÆc dicit Dóminus Deus: Dícite
filiae Sion: Ecce Salvátor tuus
venit: ecce merces ejus cum eo. Quis
est iste, qui venit de Edom, tinctis
véstibus de Bosra? iste formósus in
stola sua, grádiens in multitudīne for-
titudinis suæ. Ego, qui loquor justí-
tiam, & propugnátor sum ad salván-
dum. Quare ergo rubrum est indu-
mētum tuum, & vestimēta tua sicut
calcántium in torculári? Tórcular
calcávi solus: & de Géntibus non est
vir mecum: calcávi eos in furóre meo,
& conculcávi eos in ira mea: & aspér-
sus est sanguis eórum super vestimēta
mea, & ómnia indumēta mea inqui-
návi. Dies enim ultiónis in corde
meo, annus redemptionis meæ venit.
Circumspéxi, & non erat auxiliátor:
quæsívi, & non fuit qui adjuvāret: &
salvavit mihi bráchium meum, & in-
dignatio mea, ipsa auxiliáta est mihi.
Et conculcávi pópulos in furóre meo,
& inebriávi eos in indignatiōe mea,
& detráxi in terram virtútem eórum.
Miserationum Dómini recordábor, lau-
dem Dómini super ómnibus quæ réd-
didit nobis Dóminus Deus noster.

Grad. Ps. 68. Ne avértas faciē
tuam a púero tuo, quóniam tríbulo:
velóciter exáudi me. V. Salvum me
fac Deus, quóniam intravérunt aquæ
usque ad ánimam meam: infixus sum

in limo profúndi, & non est substantia.

Hic dicitur, Dóminus vobíscum, *sine*
Flectámus gēnua.

Orémus.

Oratio.

DEus, qui pro nobis Fīlium tuum
crucis patíbulum subíre voluísti,
ut inimíci à nobis expélleres potestá-
tem: concéde nobis fámulis tuis; ut
resurrectiōis grátiam consequámur.
Per eúndem Dñm nostrum.

Altera Oratio, vel Ecclésiæ tuæ, vel
Deus ómnium, fol. 117.

Lectio Isaïæ Prophætæ. 53.

IN diébus illis: Dixit Isaías: Dómi-
ne, quis credidit auditui nostro?
& bráchium Dómini cui revelátum
est? Et ascéndet sicut virgúltum co-
ram eo, & sicut radix de terra sitiēti:
non est spécies ei, neque decor: & ví-
dimus eum, & non erat aspéctus, &
desiderávimus eum: Despéctum, &
novíssimum virórum, virum dolórum,
& sciētem infirmitátem: & quasi ab-
scónditus vultus ejus, & despéctus,
unde nec reputávimus eum. Verè
languóres nostros ipse tulit, & dolóres
nostros ipse portávit: & nos putávi-
mus eum quasi leprósum, & percússum
à Deo & humiliátum. Ipse autem vul-
nerátus est propter iniquitátes nostras,
attrítus est propter scélera nostra: dis-
ciplína pacis nostræ super eum, & li-
vóre ejus sanáti sumus. Omnes nos
quasi oves errávimus, unusquisque in
viam suam declinávit: & pósuit Dó-
minus in eo iniquitátem ómnium nos-
trúm. Oblátus est, quia ipse voluit, &
non apérui os suum: sicut ovis ad
occisiōem ducétur, & quasi agnus
coram tondēte se obmutéscet, & non
apériet os suum. De angústia, & de

judicio sublatus est: generationem ejus quis enarrabit? Quia abscissus est de terra viventium: propter scelus populi mei percussus eum. Et dabit impios pro sepultura, & divitem pro morte sua: eo quod iniquitatem non fecerit, neque dolus fuerit in ore ejus. Et Dominus voluit conterere eum in infirmitate: si posuerit pro peccato animam suam, videbit semen longævum, & voluntas Domini in manu ejus dirigetur. Pro eo quod laboravit anima ejus, videbit & saturabitur: in scientia sua justificabit ipse justus servus meus multos, & iniquitates eorum ipse portabit. Ideo disperitiam ei plurimos, & fortium dividet spolia, pro eo quod tradidit in mortem animam suam, & cum sceleratis reputatus est: & ipse peccata multorum tulit, & pro transgressoribus rogavit.

Tract. Ps. 101. Domine, exaudi orationem meam, & clamor meus ad te veniat. *V.* Ne avertas faciem tuam a me: in quacunque die tribulor, inclina ad me aurem tuam. *V.* In quacunque die invocavero te, velociter exaudi me. *V.* Quia defecerunt sicut fumus dies mei: & ossa mea sicut in frixorio confricta sunt. *V.* Percussus sum sicut foenum, & aruit cor meum: quia oblitus sum manducare panem meum. *V.* Tu exurgens, Domine, miserereberis Sion: quia venit tempus miserendi ejus.

Passio Domini nostri Jesu Christi secundum Lucam. 22. & 23.

IN illo tempore: Appropinquabat dies festus Azymorum, qui dicitur Pascha: & quaerebant principes sacerdotum & Scribae, quomodo Jesum in-

terficerent: timebant verò plebem. Intravit autem satanas in Judam, qui cognominabatur Iscariotes, unum de duodecim. Et abiit, & locutus est cum principibus sacerdotum, & magistratibus, quemadmodum illum traderet eis. Et gavisi sunt, & pacti sunt pecuniam illi dare. Et spopondit. Et quaerebat opportunitatem ut traderet illum sine turpis. Venit autem dies Azymorum, in qua necesse erat occidi Pascha. Et misit Petrum & Joannem, dicens: ✠ Eúntes parate nobis Pascha, ut manducemus. *c* At illi dixerunt: *s* Ubi vis parémus? *c* Et dixit ad eos: ✠ Ecce introeúntibus vobis in civitatem, occurret vobis homo quidam amphoram aquae portans: sequimini eum in domum, in quam intrat, & dicétis patrifamílias domús: dicit tibi Magíster: Ubi est diversórium, ubi Pascha cum discípulis meis mandúcem? Et ipse osténdet vobis coenáculum magnum stratum, & ibi parate. *c* Eúntes autem invenérunt sicut dixit illis, & paravérunt Pascha. Et cum facta esset hora, discúbuit, & duodecim Apóstoli cum eo. Et ait illis: ✠ Desiderio desiderávi hoc Pascha manducare vobíscum, antequam pátiar. Dico enim vobis, quia ex hoc non manducábo illud, donec impleátur in regno Dei. *c* Et accépto cálice grátias egit, & dixit: ✠ Accípite, & dividite inter vos. Dico enim vobis quod non bibam de generatióne vitis, donec regnum Dei véniat. *c* Et accépto pane grátias egit, & fregit, & dedit eis, dicens: ✠ Hoc est corpus meum, quod pro vobis datur: hoc fácite in meam commemoratiónem. *c* Simíliter & cálicem,

postquam coenavi, dicens: ✠ Hic est calix, novum testamentum in sanguine meo, qui pro vobis fundetur. Verumtamen ecce manus tradentis me, mecum est in mensa. Et quidem Filius hominis, secundum quod definitum est, vadit: verumtamen vae homini illi, per quem tradetur. c Et ipsi coeperunt quaerere inter se, quis esset ex eis, qui hoc facturum esset. Facta est autem & contentio inter eos, quis eorum videretur esse major. Dixit autem eis: ✠ Reges Gentium dominantur eorum: & qui potestatem habent super eos, benefici vocantur. Vos autem non sic: sed qui major est in vobis, fiat sicut minor; & qui praecessor est, sicut ministrator. Nam quis major est, qui recumbit, an qui ministrat? nonne qui recumbit? Ego autem in medio vestrum sum, sicut qui ministrat: vos autem estis, qui permansistis mecum in tentationibus meis. Et ego dispono vobis sicut disposuit mihi Pater meus regnum, ut edatis & bibatis super mensam meam in regno meo: & sedeatis super thronos, judicantes duodecim tribus Israel. c Ait autem Dominus: ✠ Simon, Simon, ecce satanas expetivit vos, ut cribraret sicut triticum: ego autem rogavi pro te ut non deficiat fides tua: & tu aliquando conversus, confirma fratres tuos. c Qui dixit ei: s Domine, tecum paratus sum & in carcerem & in mortem ire. c At ille dixit: ✠ Dico tibi, Petre, non cantabit hodie galilus, donec ter abneges nosse me. c Et dixit eis: ✠ Quando misi vos sine sacculo, & pera, & calceamentis, numquid aliquid defuit vobis? c At illi dixerunt: s Nihil. c Dixit ergo eis: ✠ Sed nunc, qui habet sacculum, tollat similiter & peram: & qui non habet, vendat tunicam suam, & emat gladium. Dico enim vobis, quoniam adhuc hoc, quod scriptum est, oportet impleri in me: Et cum iniquis deputatus est. Etenim ea, quae sunt de me, finem habent. c At illi dixerunt: s Domine, ecce duo gladii hic. c At ille dixit eis: ✠ Satis est. c Et egressus ibat secundum consuetudinem in montem Olivarum. Secuti sunt autem illum & discipuli. Et cum pervenisset ad locum, dixit illis: ✠ Orate, ne intratis in tentationem. c Et ipse avulsus est ab eis quantum jactus est lapidis: & positus genibus orabat, dicens: ✠ Pater, si vis transfer calicem istum a me: verumtamen non mea voluntas, sed tua fiat. c Apparuit autem illi Angelus de coelo, confortans eum. Et factus in agonia, prolixius orabat. Et factus est sudor ejus, sicut guttae sanguinis decurrentis in terram. Et cum surrexisset ab oratione, & venisset ad discipulos suos, invenit eos dormientes praeter tristitia. Et ait illis: ✠ Quid dormitis: surgite, orate ne intratis in tentationem. c Adhuc eo loquente, ecce turba, & qui vocabatur Judas, unus de duodecim antecederat eos, & appropinquavit Jesu ut oscularetur eum. Jesus autem dixit illi: ✠ Juda, osculo Filium hominis tradis? c Videntes autem hi, qui circa ipsum erant, quod futurum erat, dixerunt ei: s Domine, si percutimus in gladio? c Et percussit unus ex illis servum principis sacerdotum, & amputavit auriculam ejus dexteram. Respondens autem Jesus, ait:

✠ Sinite usque huc. *c* Et cum tetigisset auriculam ejus, sanavit eum. Dixit autem Jesus ad eos, qui venerant ad se, principes sacerdotum, & ministratus templi, & seniores: ✠ Quasi ad latronem existis cum gladiis & fustibus? Cum quotidie vobiscum fuerim in templo, non extendistis manus in me: sed hæc est hora vestra, & potestas tenebrarum. *c* Comprehendentes autem eum, duxerunt ad domum principis sacerdotum: Petrus verò sequebatur à longè. Accenso autem igne in medio atrii, & circumsedentibus illis, erat Petrus in medio eorum. Quem cum vidisset ancilla quædam sedentem ad lumen, & eum fuisset intuita, dixit: *s* Et hic cum illo erat. *c* At ille negavit eum, dicens: *s* Mulier, non novi illum. *c* Et post pusillum alius videns eum, dixit: *s* Et tu de illis es. *c* Petrus verò ait: *s* O homo, non sum. *c* Et intervállo facto quasi horæ unius, alius quidam affirmabat, dicens: *s* Verè & hic cum illo erat: nam & Galilæus est. *c* Et ait Petrus: *s* Homo, nescio quid dicis. *c* Et continuo adhuc illo loquente cantavit gallus. Et conversus Dominus respexit Petrum. Et recordatus est Petrus verbi Domini, sicut dixerat: quia priusquam gallus cantet, ter me negabis. Et egressus foras Petrus flevit amarè. Et viri qui tenebant illum, illudèbant ei, cædentes. Et velaverunt eum, & percutiebant faciem ejus: & interrogabant eum, dicentes: *s* Prophetiza, quis est, qui te percussit? *c* Et alia multa blasphemantes, dicebant in eum. Et ut factus est dies, convenèrunt seniores plebis, & principes sacerdotum, & Scribæ, &

duxerunt illum in concilium suum, dicentes: *s* Si tu es Christus, dic nobis. *c* Et ait illis: ✠ Si vobis dixerò, non credetis mihi: si autem & interrogávero, non respondébitis mihi, nequè dimittetis. Ex hoc autem erit Filius hominis sedens à dextris virtutis Dei. *c* Dixèrunt autem omnes: *s* Tu ergo es Filius Dei? *c* Qui ait: ✠ Vos dicitis, quia ego sum. *c* At illi dixèrunt: *s* Quid adhuc desiderámus testimónium? Ipsi enim audivimus de ore ejus. *c* Et surgens omnis multitudo eorum, duxerunt illum ad Pilátum. Coeperunt autem illum accusare, dicentes: *s* Hunc invenimus subvertentem gentem nostram, & prohibentem tributa dare Cæsari, & dicentem se Christum Regem esse. *c* Pilátus autem interrogavit eum, dicens: *s* Tu es Rex Judæorum? *c* At ille respondens, ait: ✠ Tu dicis. *c* Ait autem Pilátus ad principes sacerdotum, & turbas: *s* Nihil invenio causæ in hoc homine. *c* At illi invalescebant, dicentes: *s* Commovet populum, docens per universam Judæam, incipiens à Galilæa usque huc. *c* Pilátus autem audiens Galilæam, interrogavit si homo Galilæus esset. Et ut cognovit quod de Heródis potestate esset, remisit eum ad Heródem, qui & ipse Jerosólymis erat illis diebus. Heródes autem viso Jesu, gavisus est valdè. Erat enim cupiens ex multo tempore videre eum, eò quod audierat multa de eo, & sperabat signum aliquod videre ab eo fieri. Interrogabat autem eum multis sermonibus. At ipse nihil illi respondébat. Stabant autem principes sacerdotum & Scribæ constanter accusantes eum. Sprevit

autem illum Heródes cum exercitu suo: & illúsit indútum veste albá, & remísit ad Pilátum. Et facti sunt amici Heródes & Pilátus in ipsa die: nam ántea inimíci erant ad invicem. Pilátus autem convocáti principibus sacerdotum, & magistrátibus, & plebe, dixit ad illos: s Obtulistis mihi hunc hóminem, quasi averténtem pópulum, & ecce ego coram vobis intérogans, nullam causam invéni in hómine istc ex his, in quibus eum accusátis. Sed neque Heródes: nam remísi vos ad illum, & ecce nihil dignum morte actum est ei. c Emendátum ergo illum dimít- tam. c Necesse autem habébat dimít- tere eis, per diem festum, unum. Ex- clamávit autem simul univérſa turba, dicens: s Tolle hunc, & dimítte nobis Barábbam: c Qui erat, propter sediti- ónem quamdam factam in civitaté & homicídium, missus in cárcerem. Ite- rúm autem Pilátus locútus est ad eos, volens dimíttere Jesum. At illi suc- clamábant, dicéntes: s Crucifige, cru- cifige eum. c Ille autem tertiò dixit ad illos: s Quid enim mali fecit iste? Nul- lam causam mortis invénio in eo: cor- rípiam ergo illum, & dimíttam. c At illi instábant vóciſus magnis postulán- tes, ut crucifigerétur. Et invaleſcébant voces eórum. Et Pilátus adjudicávit fieri petitionem eórum. Dimísit au- tem illis eum, qui propter homicídium & sediti-ónem missus fúerat in cárce- rem, quem petébant: Jesum verò trá- didit voluntáti eórum. Et cum dúce- rent eum, apprehendérunt Simónem quemdam Cyrenénssem, veniéntem de villa: & imposuérunt illi crucem por- táre post Jesum. Sequebátur autem illum multa turba pópuli, & mulie- rum, quæ plangébant, & lamentabán- tur eum. Convérſus autem ad illas Jesus, dixit: ✠ Fíliæ Jerúsalem, no- líte flere super me, sed super vos ipsas flete, & super filios vestros. Quóni- am ecce vénient dies, in quibus di- cent: Beátæ stériles, & ventres qui non genuérunt, & úbera quæ non lactavérunt. Tunc incipient dicere montibus: Cádite super nos. Et col- libus: Operíte nos. Quia si in víridi ligno hæc faciunt, in árido quid fiet? c Ducebántur autem & álíi duo ne- quam cum eo, ut interficeréntur. Et postquam venérunt in locum, qui vocátur Calváriæ, ibi crucifixerunt eum; & latrónes, unum à dextris, & álterum à sinístris. Jesus autem di- cébat: ✠ Pater, dimítte illis, non enim ſciunt quid faciunt. c Dividéntes ve- rò vestiménta ejus, misérunt sortes. Et stabat pópulus spectans, & deridé- bant eum príncipes cum eis, dicéntes: s Alios salvos fecit: se salvum faciat, si hic est Christus Dei eléctus. c Illudé- bant autem ei & mílites accedéntes, & acétum offeréntes ei, & dicéntes: s Si tu es Rex Judæórum, salvum te fac. c Erat autem & superscriptio scripta super eum lítteris Græcis, & Latínis, & Hebráicis: Hic est Rex Judæórum. Unus autem de his, qui pendébant, latrónibus, blasphemábat eum, dicens: s Si tu es Christus, salvum fac te metíp- sum, & nos. c Respóndens autem al- ter increpábat eum dicens: s Neque tu times Deum, quòd in eadém dam- natione es. Et nos quidem justè, nam digna factis recípiamus: hic verò nihil mali gessit. c Et dicébat ad Je-

sum: s Dómine, meménto meî, cùm véneris in regnum tuum. c Et dixit illi Jesus: ✠ Amen dico tibi: Hódie mecum eris in paradíso. c Erat autem ferè hora sexta, & ténebræ factæ sunt in univérsum terram usque in horam nonam. Et obscurátus est sol: & velum templi scissum est médium. Et clamans voce magnâ Jesus ait: ✠ Pater, in manus tuas comméndo spíritum meum. c Et hæc dicens, expirávit.

[*Hic gemiflectitur, & pausat aliquantulum.*] Videns autem Centúrio quod factum fúerat, glorificávit Deum, dicens: s Verè hic homo justus erat. c Et omnis turba eórum, qui simul áderant ad spectáculum istud, & vidébant quæ fiébant, percutiéntes péctora sua revertébántur. Stabant autem omnes noti ejus à longè, & mulieres, quæ secutæ eum erant à Galilæa, hæc vidéntes.

Quod sequitur, legitur in tono Evangelii, & alia fiunt ut suprà in Dominica.

ET ecce vir nómine Joseph, qui erat decúrio, vir bonus & justus: hic non confénserat concilio & actibus eórum: ab Arimathæa civitatè Judææ, qui expectábat & ipse regnum Dei. Hic accéssit ad Pilátum, & pétiiit corpus Jesu: & depósitum invólvit síndone & pósuit eum in monuménto excíso, in quo nondum quisquam pósitus fúerat.

Offert. Ps. 101. Dómine, exáudi orationém meam, & clamor meus ad te pervéniat: ne avértas fáciem tuam á me.

Secreta.

Suscipe, quæsumus, Dómine, munus oblátum, & dignánter operáre: ut, quod passíonis Fílii tui Dómini nostri

mystério gérimus, piis afféctibus consequámur. Per eúndem Dóminum.

Altera Secreta, vel Prótege nos, vel Oblátis, fol. 118.

Commun. Ps. 101. Potum meum cum fletu temperábam: quia élevans alíssi me: & ego sicut fœnum áruí: tu autem, Dómine, in ætérnum pèrmanes: tu exúrgens miseréberis Sion, quia venit tempus miseréndi ejus.

Postcommunio.

L Argíre fénfibus nostris, omnípotens Deus: ut, per temporálem Fílii tui mortem, quam mystéria veneránda testántur, vitam te nobis dedísse perpétuam confidámus. Per eúndem Dóminum nostrum Jesum Christum.

Altera Postcommunio, vel Quæsumus, Dómine, vel Hæc nos, fol. 118.

Super populum. Orémus. Humiliáte cápita vestra Deo.

Oratio.

R Espice, quæsumus, Dómine, super hanc famíliam tuam, pro qua Dóminus noster Jesus Christus non dubitávit mánibus tradi nocéntium, & crucis subíre torméntum. Qui tecum vivit.

F E R I A Q U I N T A.

I N C O E N A D O M I N I.

Statio ad S. Joannem in Laterano.

Introitus. Gal. 6.

NOs autem gloriári ópórtet in cruce Dómini nostri Jesu Christi, in quo est salus, vita, & resurréctio nostra, per quem salváti & liberáti sumus.

Ps. 66. Deus misereátur nostrí & benedícat nobis: illúminet vultum suum super nos, & misereátur nostrí. Nos autem.

Dicitur Glória in excelsis, & tunc pulsantur campanæ, & deinceps non amplius usque ad Sabbatum sanctum.

Orémus.

Oratio.

DEus, à quo & Judas reátûs sui poenam, & confessiónis suæ latro præmium sumpsit: concède nobis tuæ propitiatiónis effectum; ut sicut in passióne sua Jesus Christus Dóminus noster diversa utrísque intulit stipéndia meritórum, ità nobis, ablato vetustatis errore, resurrectiósni suæ grátiam largiátur. Qui tecum vivit & regnat.

Et hæc Oratio tantum dicitur.

Lectio Epístolæ beati Pauli Apóstoli ad Corínthios. I. 11. d.

FRatres, Conveniéntibus vobis in unum, jam non est Domínicam cœnam manducáre. Unusquisque enim suam cœnam præsumit ad manducándum. Et álius quidem éfurit, álius autem ébrius est. Numquid domos non habétis ad manducándum & bibéndum: aut Ecclesiám Dei contemnitis, & confúnditis eos qui non habent? Quid dicam vobis? Laudo vos: in hoc non laudo. Ego enim accépi à Dómino quod & tradidi vobis, quóniam Dóminus Jesus in qua nocte tradebátur, accépit panem, & grátias agens fregit, & dixit: Accípite, & manducáte: Hoc est corpus meum, quod pro vobis tradétur: hoc fácite in meam commemoratiómem. Simíliter & cálicem, postquam cœnávít, dicens: Hic calix novum Testaméntum est in meo ságuine. Hoc fácite quotiescúmque bibétis in meam commemoratiómem. Quotiescúmque enim manducábitis panem hunc, & cálicem bibétis: mortem Dómini annuntiábitis, donec vé-

niat. Itaque quicúmque manducáverit panem hunc, vel bíberit cálicem Dómini indignè: reus erit córporis, & ságuinis Dómini. Probet autem se-ípsum homo: & sic de pane illo edat, & de cálice bibat. Qui enim manducat, & bibit indignè, judícium sibi manducat & bibit, non dijudicans corpus Dómini. Ideò inter vos multi infirmi & imbecílles, & dórmunt multi. Quòd si nosmetípsos dijudicáremus, non útique judicáremur: Dum judicámur autem, à Dómino corrípimur, ut non cum hoc mundo damnémur.

Grad. Phil. 2. Christus factus est pro nobis obédiens usque ad mortem, mortem autem crucis. *V.* Propter quod & Deus exaltávit illum, & dedit illi nomen, quod est super omne nomen.

Sequéntia sancti Evangélii secúndum Joánnem. 13.

ANte diem festum Paschæ, sciens Jesus quia venit hora ejus ut tránseat ex hoc mundo ad Patrem: cùm dilexíffet suos, qui erant in mundo, in finem diléxit eos. Et cœnâ factâ, cùm diábolus jam misíffet in cor, ut tráderet eum Judas Simónis Iscariótæ: sciens quia ómnia dedit ei Pater in manus, & quia à Deo exívit, & ad Deum vadit; surgit à cœna, & ponit vestiménta sua: & cùm accepíffet línteam, præcínxit se. Deíndè mittit aquam in pelvim, & cœpit laváre pedes discipulórum, & extérgere línteo, quo erat præcínctus. Venit ergo ad Simónem Pétrum. Et dicit ei Petrus: Dómine, tu mihi lavas pedes? Respóndit Jesus, & dixit ei: Quod ego fácio, tu nescis modò, scies autem póstea.

Dicit ei Petrus: Non lavabis mihi pedes in ætèrnum. Respondit ei Jèsus: Si non lávero te, non habébis partem mecum. Dicit ei Simon Petrus: Dómine, non tantùm pedes meos, sed & manus, & caput. Dicit ei Jèsus: Qui lotus est, non indiget nisi ut pedes lavet, sed est mundus totus. Et vos mundi estis: sed non omnes. Sciébat enim quisnam esset qui tráderet eum: proptèrea dixit: Non estis mundi omnes. Postquam ergo lavit pedes eórum, & accépit vestiménta sua; cùm recubuisset iterùm, dixit eis: Scitis quid fécerim vobis? Vos vocátis me, Magíster, & Dómine: & benè dicitis: sum étenim. Si ergo ego lavi pedes vestros, Dóminus, & Magíster: & vos debétis alter altérius laváre pedes. Exémplum enim dedi vobis, ut quemádmodum ego feci vobis, ità & vos faciátis. Credo.

Offert. Ps. 117. Dèxtera Dòmini fecit virtútem, dèxtera Dòmini exaltávit me: non móriar, sed vivam, & narrábo ópera Dòmini.

Secreta.

IPse tibi, quæsumus, Dómine sancte, Pater omnipotens, ætérne Deus, sacrificium nostrum reddat accéptum, qui discipulis suis in sui commemoratióne monstrávit, Jèsus Christus Fílius tuus Dóminus noster: Qui tecum vivit.

Præfatio de Cruce, Qui salútem humani géneris.

Infra actionem.

Communicántes, & diem sacratíssimum celebrántes, quo Dóminus noster Jèsus Christus pro nobis est tráditus: sed & memóriam ve-

nerántes, in primis gloriósæ semper Vírginis Mariæ, genitrícis ejúsdem Dei & Dòmini nostri Jesu Christi: sed & beatórum Apostolorum ac Mátyrum tuórum, Petri & Pauli, Andreæ, Jacóbi, Joánnis, Thomæ, Jacóbi, Philípi, Bartholomæi, Matthæi, Simónis & Thadæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis & Pauli, Cosmæ & Damiáni, & ómnium Sanctórum tuórum; quorum méritis precibúsq; concédas, ut in ómnibus protectiόνis tuæ muniámur auxílio. Per eúndem Christum Dóminum nostrum. Amen.

Sequitur.

HAnc igitur oblatiόνem servitútis nostræ, sed & cunctæ familiæ tuæ, quam tibi offérimus ob diem, in qua Dóminus noster Jèsus Christus trádidit discipulis suis Córporis & Sáanguinis sui mystéria celebránda; quæsumus, Dómine, ut placátus accípias: diésque nostros in tua pace dispónas, atque ab ætérna damnatióne nos éripi, & in electórum tuórum júbeas gregé numerári. Per eúndem Christum Dóminum nostrum. Amen.

QUam oblatiόνem tu Deus in ómnibus: quæsumus, benedíctam, adscríptam, ratam, rationábilem, acceptabilémque fácere dignéris: ut nobis Corþus, & Sanþguis fiat dilectíssimi Fílii tui Dñi nostri Jesu Christi.

Qui pridie, quàm pro nostra omniúmque salúte patèrétur, hoc est, hódie, accépit panem, & reliqua ut in *Canone infra.*

Agnus Dei, dicitur de more, sed panem non datur. Dicuntur tamen tres consuetæ Orationes ante Communionem.

¶ Hodiè Sacerdos consecrat duas Hostias, quarum unam sumit, alteram reservat pro die sequenti, in quo non conficitur Sacramentum: reservat etiam aliquas particulas consecratas, si opus fuerit pro infirmis, sanguinem verò totum sumit: & ante ablutionem digitorum ponit Hostiam reservatam in alio Calice, quem Diaconus palla & patena cooperit, & desuper velum expandit, & in medio Altaris collocat. Deindè fit Communio, & completur Missa, Sacerdos autem genuflectit quandoque accedit, vel recedit à medio Altaris, vel transít ante Sacramentum in Calice reservatum: & cum dicere debet, Dóminus vobíscum, non vertit se ad populum in medio Altaris, ne terga vertat Sacramento, sed à latere Evangelii: & in fine ibidem dat benedictionem & non perficit circulum.

Commun. Joan. 13. Dóminus Jesus, postquam coenávit cum discipulis suis, lavit pedes eórum, & ait illis: Scitis quid fécerim vobis ego Dóminus, & Magíster? exémplum dedi vobis ut & vos ita faciátis.

Postcommunio.

Refécú vitálibus aliméntis, quæsumus, Dómine Deus noster: ut, quod témpore nostræ mortalitátis exéquimur, immortalitátis tuæ múnere consequámur. Per Dóminum.

Dicitur, Ite Missa est, & datur benedictio, & legitur Evangelium sancti Joannis; in cujus initio Sacerdos non signat Altare, sed seipsum tantum.

¶ Hodiè paretur locus aptus in aliqua Capella Ecclesiæ, vel Altari, & decenter, quoad fieri potest ornetur cum velis & luminibus, ubi Calix cum Hostia ut suprà reservata reponatur. Finita autem Missa,

accenduntur intorticia, & fit Processio more solito, alio tamen Subdiacono parato Crucem ferente. Celebrans indutus pluviali albo, stans ante Altare, imponit incensum in duobus thuribulis absque benedictione, deinde in medio genuflexus, cum altero incensat ter Sacramentum: & accepto Calice cum Sacramento de manu Diaconi stantis, & cooperto extremitatibus veli, quo ejus humeri teguntur, procedit medius inter eundem Diaconum à dextris, & Subdiaconum à sinistris sub baldachino, duobus Acolythis Sacramentum continuè incensantibus usque ad locum præparatum, ubi pro crastino servandum est. Intereà dum fit Processio, cantatur Hymnus, Pange, lingua, gloriósi Córporis mystérium. Cum autem ventum fuerit ad locum paratum, Diaconus genuflexus à Sacerdote stante accipit Calicem cum Sacramento, & ponit illum primò super Altare, ubi à Sacerdote genuflexo incensatur ut suprà: deindè reponit in capsula. Postea in Choro dicuntur Vesperæ sine cantu. Et Sacerdos cum ministris denudet Altaria, legendo Antiphonam, Ps. 21. Diviserunt sibi vestiménta mea: & super vestem meam miserunt sortem, cum toto Psalmo Deus, Deus meus, respice in me.

¶ Post denudationem Altarium, hora competenti facto signo cum tabula, conveniunt Clerici ad faciendum mandatum. Prelatus, seu Superior, super amictu & alba induitur stola & pluviali violaceis, & in loco ad id deputato, ministrante Diacono (qui paratus cum Subdiacono, ut in Missa, paramentis albis, ei assistit) imponit incensum in thuribulo: deindè Diaconus librum Evangeliorum ante pectus tenens, genuflexus ante Superiorem, petit bene-

ditionem: quia accepta, astantibus duobus. Acolythis cum candelabris accensis, & Subdiacono librum tenente, signat librum, & incensat, & cantat, ut moris est Evangelium, Ante diem festum Paschæ. ut in Missa. Quo finito, Subdiaconus portat librum apertum osculandum Superiori, & Diaconus eum de more incensat. Postea Superior exiit pluviali, & per Diaconum & Subdiaconum, præcingitur linteo, & sic præcinctus, assistentibus sibi iisdem Diacono & Subdiacono accedit ad lotionem pedum, & per ordinem dispositis iis, qui lavandi sunt, Clericis pelvim & aquam ministrantibus, Subdiacono singulorum pedum dextrum tenente, genuflectens singulis, illorum pedem lavat, extergit, & osculatur, Diacono præbente linteum ad abstergendum. Et interim hæc subscripta cantantur.

Antiph. Joan. 13. Mandatum novum do vobis: ut diligatis invicem, sicut dilexi vos, dicit Dominus. *Pf. 118.* Beati immaculati in via: qui ambulant in lege Domini. *Et repetitur immediate Ant.* Mandatum novum, *Et sic aliæ Antiphonæ, quæ habent Psalmos, vel Versus, repetuntur. Et de quolibet Psalmo dicitur tantum primus Versus. Ant. Joan. 13.* Postquam surrexit Dominus à cœna, misit aquam in pelvim, & coepit lavare pedes discipulorum suorum: hoc exemplum reliquit eis. *Pf. 47.* Magnus Dominus, & laudabilis nimis: in civitate Dei nostri, in monte sancto ejus. *Ant. Joan. 13.* Dominus Jesus, postquam coenavit cum discipulis suis, lavit pedes eorum, & ait illis, Scitis quid fecerim vobis ego Dominus & Magister? Exemplum dedi vobis: ut & vos ita faciatis. *Pf. 84.* Benedixisti, Domine,

terram tuam: avertisti captivitatem Jacob. *Ant. Joan. 13.* Domine, tu mihi lavas pedes? respondit Jesus, & dixit ei: Si non laverò tibi pedes, non habebis partem mecum. *V.* Venit ergo ad Simonem Petrum, & dixit ei Petrus. *Et repetitur Ant.* Domine, tu mihi lavas pedes? respondit Jesus, & dixit ei: Si non laverò tibi pedes, non habebis partem mecum. *V.* Quod ego facio, tu nescis modò: scies autem postea. *Tertiò repetitur Ant.* Domine, tu mihi lavas pedes? Respondit Jesus & dixit ei: Si non laverò tibi pedes, non habebis partem mecum. *V.* Si ego, Dominus, & Magister vester lavi vobis pedes: quāto magis debetis alter alterius lavare pedes?

Pf. 48. Audite hæc, omnes Gentes: auribus percipite qui habitatis orbem. *Ant. Joan. 13.* In hoc cognoscant omnes, quia discipuli mei estis, si dilectionem habueritis ad invicem.

V. Dixit Jesus discipulis suis. *Antiph. 1 Cor. 13.* Mâneant in vobis fides, spes, charitas, tria hæc: major autem horum est charitas. *V.* Nunc autem manent fides, spes, charitas, tria hæc: major horum est charitas. *Ant.* Benedicta sit sancta Trinitas, atque indivisa unitas: confitebimur ei, quia fecit nobiscum misericordiam suam. *V.* Benedicamus Patrem, & Filium, cum sancto Spiritu.

Pf. 83. Quam dilecta tabernacula tua, Domine virtutum: concupiscit & deficit anima mea in atria Domini. *Ant. 1 Joan. 2. 3. & 4.* Ubi charitas & amor, Deus ibi est. *V.* Congregavit nos in unum Christi amor. *V.* Exultemus & in ipso jucundemur. *V.* Timeamus & amemus Deum vivum,

V. Et ex corde diligámus nos sincéro.

Et repetitur Ant. Ubi cháritas & amor, Deus ibi est. *V.* Simul ergo cum in unum congregámur. *V.* Ne nos mente dividámur, caveámus. *V.* Cessent júrgia maligna, cessent lites. *V.* Et in médio nostrí sit Christus Deus.

Et repetitur Antiphona. Ubi cháritas & amor, Deus ibi est. *V.* Simul quoque cum beátis videámus. *V.* Glórianter vultum tuum, Christe Deus. *V.* Gáudium, quod est imménsum, atque probum. *V.* Sæcula per infinita sæculórum. Amen.

Post lotionem, Superior, vel qui aliis abluit pedes, lavat manus, & abstergit alio linteo: deinde rediens ad locum, ubi prius fuerat, accipit pluviale, & stans capite deteñto dicit: Pater noster, *secreto.* *V.* Et ne nos indúcas in tentatió-nem. *R.* Sed libera nos à malo. *V.* Tu mandásti mandáta tua, Dómine. *R.* Custódiri nimis. *V.* Tu lavásti pedes discipulórum tuórum. *R.* Opera mánuum tuárum ne despícias. *V.* Dómine, exáudi oratió-nem meam. *R.* Et clamor meus ad te véniat. *V.* Dóminus vobíscum. *R.* Et cum spíritu tuo.

Orémus.

Oratio.

A Désto, Dómine, quæsumus, officio servitútis nostræ: & quia tu discipulis tuis pedes laváre dignátus es, ne despícias ópera mánuum tuárum, quæ nobis retinénda mandásti: ut sicut híc nobis, & à nobis exterióra abluúntur inquinaménta: sic à te ómnium nostrúm interióra lavéntur peccáta. Quod ipse præstáre dignéris, qui vivis & regnas Deus, per ómnia sæcula sæculórum. *R.* Amen.

FERIA VI. IN PARASCEVE.

Statio ad S. Crucem in Jerusalem.

Finita Nona, Sacerdos & ministri induti paramentis nigri coloris, sine luminaribus et incenso, procedunt ad Altare: et ante illud prostrati aliquandiu orant. Interim Acolythi unam tantum tobaleam extendunt super Altare. Sacerdos cum ministris facta Oratione ascendit ad Altare, et osculatur illud in medio: Deinde Lector accedit ad legendum Prophetiam in loco ubi legitur Epistola, et incipit eam sine titulo: quam etiam Sacerdos legit submissa voce apud Altare in cornu Epistolæ.

Osee 6.

HÆc dicit Dóminus: In tribulatione sua manè consúrgent ad me: Veníte, revertámur ad Dóminum: quia ipse coepit, & sanábit nos: percú-tiet, & curábit nos. Vivificábit nos post duos dies: in die tértia suscitábit nos, & vivémus in conspéctu ejus. Sciémus, sequemúrque, ut cognoscá-mus Dóminum: quasi dilúculum præparátus est egréssus ejus, & véniet quasi imber nobis temporáneus, & ferótinus terræ. Quid fáciam tibi Ephraím? quid fáciam tibi Juda? Misericórdia vestra quasi nubes matutína: & quasi ros manè pertránsiens. Propter hoc dolávi in prophétis, occídi eos in verbis oris mei: & judícia tua quasi lux egrediéntur. Quia misericórdiam vólui, & non sacrificium; & sciéntiam Dei, plus quàm holocáusta.

Tractus. Habac. 3. Dómine, audívi audítum tuum, & tímui: considerávi ópera tua, & expávi. *V.* In médio duórum animálium innotescéris: dum appropinquáverint anni, cognoscéris: dum advénerit tempus, ostendéris.

℣. In eo, dum conturbata fuerit anima mea: in ira, misericordiae memor eris. *℣.* Deus à Líbano véniet, & Sanctus de monte umbrófo & condénso. *℣.* Opéruiť coelos majestas ejus: & laudis ejus plena est terra.

Finito Tractu Sacerdos in cornu Epistolae dicit, Orémus. Diaconus, Flectámus gēnua. & Subdiaconus, Leváte.

Oratio.

DEus, á quo & Judas reátus fui poenam, & confessiónis suae latro praemium sumpsit: concède nobis tuae propitiatiónis effectum; ut sicut in passióne sua Jesus Christus Dóminus noster diversa utrísque intulit stipéndia meritórum; ita nobis, ablato vetustatis errore, resurrectiōnis suae grátiam largiatur. Qui tecum.

Subdiaconus in tono Epistolae similiter sine titulo cantat sequentem Lectiōnem.

Exod. 12.

IN diēbus illis: Dixit Dóminus ad Móysen & Aaron in Terra Aegypti: Mensis iste vobis, princípium mēsium, primus erit in mēsibus anni. Loquimini ad univérsum coetum filiórū Israēl, & dícite eis: Décimā die mensis hujus tollat unusquísque agnum per famílias & domos suas. Sin autem minor est númerus ut sufficere possit ad vescéndum agnum, assúmet vicínus suum, qui junctus est domui suae, juxta numerum animárum quae sufficere possunt ad esum agni. Erit autem agnus absque mácula, másculus, annículus: juxta quem ritum tollétis & hoedum. Et servábitis eum usque ad quartamdecimam diem mensis hujus: immolabítque eum univér-
sa multitúdo filiórū Israēl ad véspe-

ram. Et fument de sánguine ejus, ac ponent super utrúmque postem, & in superlimináribus domórum, in quibus cómedent illum. Et edent carnes nocte illā affas igni, & ázynos panes cum lactúcis agréstibus. Non comedétis ex eo crudum quid, nec coctum aquá, sed tantum assum igni: caput cum pédibus ejus & intestínis vorábitis. Nec remanébit quidquam ex eo usque manè. Si quid resíduum fuerit, igne comburétis. Sic autem comedétis illum: Renes vestros accingétis, & calceaménta habébitis in pédibus, tenéntes báculos in mánibus, & comedétis festinánter: est enim Phase (id est tránfitus) Dómini.

Tract. Ps. 139. Eripe me, Dómine, ab hómine malo: à viro iníquo libera me. *℣.* Qui cogitavérunt malítias in corde: totā die constituébant praelia. *℣.* Acuérunt linguas suas sicut serpéntis: venénus aspídum sub lábiis eórum. *℣.* Custódi me, Dómine, de manu peccatóris: & ab homínibus iníquis libera me. *℣.* Qui cogitavérunt supplantáre gressus meos: abscondérunt supérbi láqueum mihi. *℣.* Et funes extendérunt in láqueum pédibus meis: juxta iter scándalum posuérunt mihi. *℣.* Dixi Dómino, Deus meus es tu: exáudi Dómine, vocem oratiónis meae. *℣.* Dómine, Dómine, virtus salútis meae, obúmbra caput meum in die belli. *℣.* Ne tradas me à desiderio meo peccatóri: cogitavérunt advérsus me: ne derelínquas me, ne umquam exalténtur. *℣.* Caput circúitus eórum: labor labiórū ipsórum opériet eos. *℣.* Verúmtamen justí confitebúntur nómini tuo: & habitábunt recti cum vultu tuo.

Finito Tractu dicitur Passio super nudum pulpitem, quam Celebrans submissa voce legit in cornu Epistolæ.

Passio Dómini nostri Jesu Christi secundum Joánnem. 18. et 19.

IN illo témpore : Egréssus est Jesus cum discipulis suis trans torrentem Cedron, ubi erat hortus, in quem introivit ipse, & discipuli ejus. Sciébat autem & Judas, qui tradébat eum, locum : quia frequenter Jesus convenerat illuc cum discipulis suis. Judas ergo cum accepisset cohórtē, & à Pontificibus, & Pharisæis ministros, venit illuc cum latérnis, & faciibus & armis. Jesus itaque sciens ómnia, quæ ventúra erant super eum, processit, & dixit eis : ✠ Quem quæritis ?
 c Respondérunt ei. s Jesum Nazarénum. c Dicit eis Jesus : ✠ Ego sum. c Stábat autem, & Judas, qui tradébat eum, cum ipsis. Ut ergo dixit eis : Ego sum : abiérunt retrórsū, & ceciderunt in terram. Iterum ergo interrogávit eos : ✠ Quem quæritis ? c Illi autem dixerunt : s Jesum Nazarénum. c Respondit Jesus : ✠ Dixi vobis, quia ego sum : Si ergo me quæritis, sínite hos abire. c Ut implerétur sermo, quem dixit : Quia quos dedísti mihi, non pérdidi ex eis quemquam. Simon ergo Petrus habens gládium, edúxit eum : & percússit Pontíficis servum : & abscídit aurículam ejus dexteram. Erat autem nomen servo, Malchus. Dixit ergo Jesus Petro : ✠ Mitte gládium tuum in vaginam. Cálicem, quem dedit mihi Pater, non bibam illum ? c Cohors ergo, & tribúnus, & ministri Judæórum comprehendérunt Jesum, & ligavérunt eum : & adduxérunt

eum ad Annam primū, erat enim focer Cáiphæ, qui erat Póntifex anni illius. Erat autem Cáiphas, qui consilium déderat Judæis : Quia expedit unum hóminem mori pro pópulo. Sequebátur autem Jesum Simon Petrus, & álius discipulus. Discipulus autem ille erat notus Pontífici, & introivit cum Jesu in átrium Pontíficis. Petrus autem stabat ad óstium foris. Exívit ergo discipulus álius qui erat notus Pontífici, & dixit ostiáriæ : & introduxit Petrum. Dicit ergo Petro ancílla ostiária : s Numquid & tu ex discipulis es hóminis istius ? c Dicit illi : s Non sum. c Stabant autem servi & ministri ad prunas, quia frigus erat, & calefaciébant se : erat autem cum eis & Petrus stans, & calefaciens se. Póntifex ergo interrogávit Jesum de discipulis suis, & de doctrína ejus. Respondit ei Jesus : ✠ Ego palàm locútus sum mundo : ego semper dócui in Synagóga, & in templo, quò omnes Judæi convéniunt : & in occúlto locútus sum nihil : Quid me intérogas ? interroga eos, qui audierunt quid locútus sum ipsis : ecce hi sciunt, quæ dixerim ego. c Hæc autem cum dixisset, unus asístens ministrórum dedit álapam Jesu, dicens : s Sic respóndes Pontífici ? c Respondit ei Jesus : ✠ Si malè locútus sum, testimónium pérhibe de malo : si autem benè, quid me cædis ? c Et misit eum Annas ligátum ad Cáipham Pontíficem. Erat autem Simon Petrus stans, & calefaciens se. Dixerunt ergo ei : s Numquid & tu ex discipulis ejus es ? c Negávit ille, & dixit : s Non sum. c Dicit ei unus ex servis Pontíficis, cognátus ejus,

cujus abscidit Petrus auriculam: s Nonne ego te vidi in horto cum illo? c Iterum ergo negavit Petrus: & statim gallus cantavit. Adducunt ergo Jesum a Caïpha in prætórium. Erat autem manè: & ipsi non introierunt in prætórium, ut non contaminarentur, sed ut manducarent Pascha. Exiit ergo Pilátus ad eos foras, & dixit: s Quam accusationem affertis adversus hominem hunc: c Responderunt, & dixerunt ei: s Si non esset hic malefactor, non tibi tradidissimus eum. c Dixit ergo eis Pilátus: Accipite eum vos, & secundum legem vestram iudicate eum. c Dixerunt ergo ei Judæi: s Nobis non licet interficere quemquam. c Ut sermo Jesu impleretur, quem dixit, significans quâ morte esset moriturus. Introivit ergo iterum in prætórium Pilátus, & vocavit Jesum, & dixit ei: s Tu es Rex Judæorum? c Respondit Jesus: ✠ A temetipso hoc dicis, an alii dixerunt tibi de me? c Respondit Pilátus: s Numquid ego Judæus sum? Gens tua, & Pontifices tradiderunt te mihi: quid fecisti? c Respondit Jesus: ✠ Regnum meum non est de hoc mundo. Si ex hoc mundo esset regnum meum, ministri mei utique decertarent ut non traderer Judæis: nunc autem regnum meum non est hinc. c Dixit itaque ei Pilátus: s Ergo Rex es tu? c Respondit Jesus: ✠ Tu dicis: quia Rex sum ego. Ego in hoc natus sum, & ad hoc veni in mundum, ut testimonium perhibeam veritati: omnis, qui est ex veritate, audit vocem meam. c Dicit ei Pilátus: s Quid est veritas? c Et cum hoc dixisset, iterum exiit ad Judæos,

& dicit eis: s Ego nullam invenio in eo causam. Est autem consuetudo vobis, ut unum dimittam vobis in Pascha: vultis ergo dimittam vobis Regem Judæorum? c Clamaverunt ergo rursum omnes, dicentes: s Non hunc, sed Barabbam. c Erat autem Barabbas latro. Tunc ergo apprehendit Pilátus Jesum, & flagellavit. Et milites placentes coronam de spinis, imposuerunt capiti ejus: & veste purpureâ circumdederunt eum. Et veniebant ad eum, & dicebant: s Ave, Rex Judæorum. c Et dabant ei alapas. Exiit ergo iterum Pilátus foras, & dicit eis: s Ecce adduco vobis eum foras, ut cognoscatis quia nullam invenio in eo causam. c (Exiit ergo Jesus portans coronam spineam, & purpureum vestimentum.) Et dicit eis: s Ecce homo. c Cum ergo vidissent eum Pontifices, & ministri, clamabant, dicentes: s Crucifige, crucifige eum. c Dicit eis Pilátus: s Accipite eum vos, & crucifigite: ego enim non invenio in eo causam. c Responderunt ei Judæi: s Nos legem habemus, & secundum legem debet mori, quia Filium Dei se fecit. c Cum ergo audisset Pilátus hunc sermonem, magis timuit. Et ingressus est prætórium iterum: & dixit ad Jesum: s Unde es tu? c Jesus autem responsum non dedit ei. Dicit ergo ei Pilátus: s Mihi non loqueris? nescis quia potestatem habeo crucifigere te, & potestatem habeo dimittere te? c Respondit Jesus: ✠ Non haberes potestatem adversum me ullam, nisi tibi datum esset desuper. Propterea qui me tradidit tibi, majus peccatum habet. c Et exinde

quærébat Pilátus dimittere eum. Judæi autem clamabant, dicentes: *s* Si hunc dimittis, non es amicus Cæsaris. Omnis enim qui se regem facit, contradicit Cæsari. *c* Pilátus autem cum audisset hos sermões, adduxit foras Jesum, & sedit pro tribunali, in loco, qui dicitur Lithostrótos, Hebraicè autem Gábbatha. Erat autem Parasceve Paschæ, horâ quasi sextâ, & dicit Judæis: *s* Ecce Rex vester. *c* Illi autem clamabant: *s* Tolle, tolle, crucifige eum. *c* Dicit eis Pilátus: *s* Regem vestrum crucifigam? *c* Respondérunt Pontífices: *s* Non habémus regem, nisi Cæsarem. *c* Tunc ergo tradidit eis illum, ut crucifigeretur. Susceperunt autem Jesum, & eduxerunt. Et bájlans sibi crucem, exívit in eum, qui dicitur Calváriæ, locum, Hebraicè autem Gólgotha: ubi crucifixerunt eum, & cum eo álios duos, hinc & hinc, médium autem Jesum. Scripsit autem & titulum Pilátus, & posuit super crucem. Erat autem scriptum: Jesus Nazarénus, Rex Judæórum. Hunc ergo titulum multi Judæórum legérunt: quia prope civitatem erat locus, ubi crucifixus est Jesus. Et erat scriptum Hebraicè, Græcè, & Latínè. Dicebant ergo Piláto Pontífices Judæórum: *s* Noli scribere, Rex Judæórum: sed quia ipse dixit: Rex sum Judæórum. *c* Respondit Pilátus: *s* Quod scripsi, scripsi. *c* Míletes ergo cum crucifixissent eum, acceperunt vestimenta ejus (& fecerunt quatuor partes, unicuique militi partem) & túnica. Erat autem túnica inconsútilis, desuper contéxta per totum. Dixérunt ergo ad ínvicem: *s* Non scindá-

mus eam, sed fortiámur de illa cujus sit. *c* Ut scriptúra impleretur, dicens: partíti sunt vestiménta méa sibi: & in vestem meam misérunt sortem. Et míletes quidem hæc fecerunt. Stabant autem juxtâ Crucem Jesu mater ejus, & soror matris ejus María Cléophæ, & María Magdaléne. Cum vidisset ergo Jesus matrem, & discipulum stantem, quem diligébat, dicit matri suæ: *✠* Múlier, ecce filius tuus. *c* Deínde dicit discipulo: *✠* Ecce mater tua. *c* Et ex illâ horâ accépit eam discipulus in sua. Póstea sciens Jesus, quia ómnia consummata sunt, ut consummarétur Scriptúra, dixit: *✠* Sítio. *c* Vas ergo erat posítum acéto plenum. Illi autem spóngiam plenam acéto, hyssópo circumponéntes, obtulérunt ori ejus. Cum ergo accepisset Jesus acétum, dixit: *✠* Consummátum est. *c* Et inclináto cápite tradidit spíritum. [*Hic genuflectitur, et pausat aliquantulum.*] Judæi ergo, (quóniam Parasceve erat) ut non remánerent in cruce córpora sábbato, (erat enim magnus dies ille sábbati) rogavérunt Pilátum, ut frangeréntur eórum crura, & tolleréntur. Venérunt ergo míletes: & primi quidem fregérunt crura, & altérius, qui crucifixus est cum eo. Ad Jesum autem cum venissent, ut viderent eum jam mórtuum, non fregérunt ejus crura, sed unus mílitum lanceâ latus ejus apérui, & continuò exívit sanguis & aqua. Et qui vidit, testimónium perhibuit: & verum est testimónium ejus. Et ille scit, quia vera dicit: ut & vos credátis. Facta sunt enim hæc, ut Scriptúra impleretur: Os non comminuétis ex eo. Et

iterum alia Scriptura dicit: Vidébunt in quem transfixerunt.

Quod sequitur, legitur in tono Evangelii, & dicitur, Munda cor meum. sed non petitur benedictio, & non deferuntur luminaria, neque incensum, & Celebrans in fine non osculatur librum.

Post hæc autem rogavit Pilátum Joseph ab Arimathæa (eò quòd esset discipulus Jesu, occultus autem propter metum Judæorum) ut tólleret corpus Jesu. Et permísit Pilátus. Venit ergo, & tulit corpus Jesu. Venit autem & Nicodémus, qui vénerat ad Jesum nocte primùm, ferens mixturam myrrhæ & aloës, quasi libras centum. Accepérunt ergo corpus Jesu, & ligavérunt illud linteis cum aromátibus, sicut mos est Judæis sepelire. Erat autem in loco, ubi crucifixus est, hortus: & in horto monuméntum novum, in quo nondum quisquam pòsitus erat. Ibi ergo propter Parasceven Judæorum, quia juxta erat monuméntum, posuérunt Jesum.

Deinde Sacerdos stans in cornu Epistolæ, incipit absolute junctis manibus.

Orémus, dilectíssimi nobis, pro Ecclesia sancta Dei: ut eam Deus & Dóminus noster, pacificáre, adunáre, & custodíre dignétur toto orbe terrárum: subjiciens ei principátus, & potestates: detque nobis quiétam & tranquillam vitam degéntibus, glorificáre Deum Patrem omnipoténtem.

Orémus.

Diac. Flectámus gènu.

Subdiac. R. Leváte.

Oratio cantatur in tono feriali Orationis Missæ, extensis manibus. Et hic modus servatur in subsequentibus.

Omnipotens sempitérne Deus, qui glóriam tuam ómnibus in Christo géntibus revelásti: custódi ópera misericórdiæ tuæ, ut Ecclesia tua toto orbe diffúsa, stábili fide in confessióne tui nóminis perseveret. Per eúndem Dóminum. R. Amen.

Orémus & pro beatíssimo Papa nostro N. ut Deus & Dóminus noster, qui elégit eum in órdine Episcopátus, salvum atque incólumem custódiat Ecclesiæ suæ sanctæ, ad regéndum pópulum sanctum Dei.

Orémus. Flectámus gènu.

R. Leváte.

Omnipotens sempitérne Deus, cujus judício univérsa fundántur: respice propítius ad preces nostras, & eléctum nobis Antístitem tuá pietáte conférva; ut Christiána plebs, quæ te gubernáture auctóre, sub tanto Pontífice, credulitátis suæ méritis augeátur. Per Dóminum. R. Amen.

Orémus & pro ómnibus Episcopis, Presbyteris, Diaconibus, Subdiaconibus, Acólýthis, Exorcístis, Lectóribus, Ostiáriis, Confessóribus, Virgínibus, Víduis: & pro omni pópulo sancto Dei.

Orémus. Flectámus gènu.

R. Leváte.

Omnipotens sempitérne Deus, cujus spíritu totum corpus Ecclesiæ sanctificátur & régitur: exáudi nos pro univérsis ordínibus supplicántes; ut grátiae tuæ múnere, ab ómnibus tibi grádibus fidéliter serviátur. Per Dóminum. R. Amen.

Si non est coronatus, dicatur: elécto Imperátore.

Orémus & pro Christianíssimo Imperátore nostro N. ut Deus &

Dóminus noster súbditas illi fáciat omnes bárbaras nátiónes, ad nostram perpétuam pacem.

Orémus. Flectámus gēnua.

R. Leváte.

○ Omnipotens sempitérne Deus, in cuius manu sunt ómnium potestates, & ómnium jura regnórum: respice ad Románum benignus Impérium: ut gentes, quæ in sua feritate confidunt, poténtiæ tuæ dexterâ comprimántur. Per Dóminum. R. Amen.

○ Rémus & pro catechúmenis nostris: ut Deus & Dóminus noster adapériat aures præcordiórū ipsórum, januámque misericórdiæ; ut per lavácrum regeneratiónis, accéptâ remissiōne ómnium peccatórum, & ipsi inveniántur in Christo Jesu Dómino nostro.

Orémus. Flectámus gēnua.

R. Leváte.

○ Omnipotens sempitérne Deus, qui Ecclesiám tuam novâ semper prole fecúndas: auge fidem & intelléctum catechúmenis nostris: ut renáti fonte baptísmatis, adoptiōnis tuæ filiis aggregéntur. Per Dóminum. R. Amen.

○ Rémus, dilectíssimi nobis, Deum Patrem omnipoténtem, ut cunctis mundum purget erróribus: morbos áuferat, famem depéllat, apériat cárceres, víncula dissólvat, peregrinántibus réditum, infirmántibus sanitátem, navigántibus portum salutis indulgeat.

Orémus. Flectámus gēnua.

R. Leváte.

○ Omnipotens sempitérne Deus, mœstórum consolátiō, laborántium fortitúdo: perveniant ad te preces de

quacúmque tribulatiōne clamántium: ut omnes sibi in necessitatibus suis misericórdiam tuam gáudeant adfuísse. Per Dóminum. R. Amen.

○ Rémus & pro hæreticis, & schismaticis; ut Deus & Dóminus noster éruat eos ab erróribus univérfis: & ad sanctam matrem Ecclesiám Cathólicam atque Apostólicam revocáre dignétur.

Orémus. Flectámus gēnua.

R. Leváte.

○ Omnipotens sempitérne Deus, qui salvas omnes, & néminem vis perire: respice ad ánimas diabólicâ fraude decéptas: ut omni hæreticâ pravitate depósitâ, errántium corda resipíscant, & ad veritátis tuæ rédeant unitátem. Per Dóminum. R. Amen.

○ Rémus & pro pérfidis Judæis: ut Deus & Dóminus noster áuferat velámen de córdibus eórum: ut & ipsi agnóscant Jesum Christum Dóminum nostrum.

Non respondetur Amen. sed statim dicitur.

○ Omnipotens sempitérne Deus, qui étiam Judáicam perfidiam à tua misericórdia non repéllis: exáudi preces nostras, quas pro illius pópuli obcæcatiōne deférimus: ut, ágnitâ veritátis tuæ luce, quæ Christus est, à suis tenebris eruántur. Per eúndem Dóminum. R. Amen.

○ Rémus & pro pagánis: ut Deus omnipotens áuferat iniquitátem à córdibus eórum: ut relíctis idólis suis, convertántur ad Deum vivum & verum, & únicum Fílium ejus Jesum Christum Deum & Dóminum nostrum.

Orémus. Flectámus gēnua.

R̃. Leváte.

OMnípotens sempitérne Deus, qui non mortem peccatórum, sed vitam semper inquíris: sūscipe propítius oratióem nostram, & libera eos ab idolórum cultúra, & ággrega Ecclésiæ tuæ sanctæ, ad laudem & glóriam nóminis tui. Per Dóminum nostrum. R̃. Amen.

¶ *Completis Orationibus, Sacerdos deposita casula accedit ad cornu Epistolæ, et ibi in posteriori parte anguli Altaris accipit à Diacono Crucem jam in Altari præparatam: quam, versa facie ad populum, à summitate parum discooperit, incipiens solus Antiph. Ecce lignum Crucis. ac deinceps in reliquis juvatur in cantu à ministris usque ad Veníte, adorémus. Choro autem cantante, Veníte, adorémus. omnes se prosternunt, excepto Celebrante. Deinde procedit ad anteriorem partem anguli ejusdem cornu Epistolæ: & discooperiens brachium dextrum Crucis, elevansque eam paulisper, altius, quam primo, incipit, Ecce lignum Crucis. aliis cantantibus, & adorantibus, ut supra. Deinde Sacerdos procedit ad medium Altaris: & discooperiens Crucem totaliter, ac elevans eam, tertio altius incipit, Ecce lignum Crucis. aliis cantantibus, & adorantibus, ut supra.*

ECce lignum Crucis, in quo salus mundi pepéndit.

Chorus. R̃. Veníte, adorémus.

Postea Sacerdos solus portat Crucem ad locum ante Altare præparatum, & genuflexus ibidem eam locat; mox depositis calceamentis, accedit ad adorandum Crucem, ter genua flectens antequam eam deosculetur. Hoc facto, revertitur, et accipit calceamenta et casulam. Post-

modum ministri Altaris, deinde alii Clerici et laici, bini et bini, ter genibus flexis, ut dictum est, Crucem adorant. Interim, dum fit adoratio Crucis, cantantur impropéria, et alia quæ sequuntur, vel omnia, vel pars eorum, prout multitudo adorantium vel paucitas requirit, hoc modo.

Duo cantores in medio Chori cantant
V. Pópule meus, usque ad Agios ò Theós.

V. Pópule meus, quid feci tibi? aut in quo contristávi te? respónde mihi.

V. Quia edúxi te de terra Ægypti: parásti crucem Salvatóri tuo.

Unus chorus cantat, Agios ò theós.

Alius Chorus respondet, Sanctus Deus.

Primus Chorus. Agios, íschyros.

Secundus Chorus. Sanctus fortis.

Primus Chorus. Agios athánatos eléison imás.

Secundus Chorus. Sanctus immortalis miserére nobis.

Posteà duo de secundo Choro cantant
V. Quia edúxi te per desértum quadragínta annis: & mannâ cibávi te, & introdúxi te in terram satis bonam, parásti crucem Salvatóri tuo.

Chori respondent alternatim. Agios ò theós, &c. Sanctus Deus, &c. ita tamen, ut primus Chorus semper repetat, Agios.

Deinde duo de primo Choro cantant

V. Quid ultrà débui fácere tibi, & non feci? Ego quidem plantávi te vineam meam speciosíssimam, & tu facta es mihi nimis amára: acéto namque sitim meam potásti: & lánceâ perforásti latus Salvatóri tuo.

Item Chori alternatim respondent, Agios ò theós, Sanctus Deus, &c.

¶ *Versus sequentis impropertii à duobus cantoribus alternatim cantantur, utroque Choro simul repetente post quemlibet versum.*

Pópule meus, usque ad Quia eduxi te de terra Ægypti.

Duo de secundo Choro cantant.

℣. Ego propter te flagellavi Ægyptum cum primogénitis suis; & tu me flagellatum tradidisti.

Chorus repetitur, Pópule meus.

Duo de primo Choro. ℣. Ego eduxi te de Ægypto, demerso Pharaóne in Mare rubrum: & tu me tradidisti princípibus Sacerdotum.

Chorus. Pópule meus.

Duo de secundo Choro. ℣. Ego ante te aperui mare: & tu aperuisti lanceatus meum.

Chorus. Pópule meus.

Duo de primo Choro. ℣. Ego ante te præivi in columna nubis: & tu me duxisti ad prætorium Pilati.

Chorus. Pópule meus.

Duo de secundo Choro. ℣. Ego te pavi mannâ per desertum: & tu me cecidisti âlapis & flagellis.

Chorus. Pópule meus.

Duo de primo Choro. ℣. Ego te potavi aquâ salutis de petra: & tu me potasti felle & aceto.

Chorus. Pópule meus.

Duo de secundo Choro. ℣. Ego propter te Chananæorum reges percussi: & tu percussisti arundine caput meum.

Chorus. Pópule meus.

Duo de primo Choro. ℣. Ego dedi tibi sceptrum regale: & tu dedisti capiti meo spineam coronam.

Chorus. Pópule meus.

Duo de secundo Choro. ℣. Ego te exaltavi magnâ virtute: & tu me suspendisti in patibulo crucis.

Chorus. Pópule meus.

Deinde cantatur communiter.

Ant. Crucem tuam adoramus, Domine: & sanctam resurrectionem tuam laudamus & glorificamus: ecce enim propter lignum venit gaudium in universo mundo. *Pf. 66.* Deus misereatur nostrî, & benedicat nobis: illuminet vultum suum super nos, & misereatur nostrî. *Et repetitur immediate Ant.* Crucem tuam.

Postea cantatur. ℣. Crux fidelis, cum Hymno, Pange lingua gloriósi. & post quemlibet ejus versum repetitur, Crux fidelis, vel Dulce lignum. eo modo quo inferius notatur.

Crux fidelis, inter omnes arbor una nobilis: nulla silva talem profert, fronde, flore, germine.

Dulce lignum, dulces clavos, dulce pondus sustinet.

Hymnus. Pange lingua gloriósi lauream certáminis, & super crucis trophæo dic triúmphum nobilem: quáliter Redemptor orbis immolatus vicerit.

Repetitur, Crux fidelis, usque ad Dulce lignum. Et sic fit quoties repetitur, Crux fidelis. ℣. De parentis protoplasti fraude Factor condolens, quando pomi noxiâlis in necem morsu ruit: ipse lignum tunc notavit, damna ligni ut solveret.

Repetitur, Dulce lignum.

℣. Hoc opus nostræ salutis ordo depoposcera, multifórmis proditoris ars ut artem falleret; & medelam ferret inde, hostis unde læserat.

Repetitur, Crux fidelis.

V. Quando venit ergo sacri plenitudo temporis, missus est ab arce Patris Natus, orbis Conditor; atque ventre virgináli carne amíctus pródiit.

Repetitur, Dulce lignum.

V. Vagit infans inter arcta cónditus præsepia: membra pannis involúta Virgo mater áligat: & Dei manus, pedésque stricá cingit fásciâ.

Repetitur, Crux fidélis.

V. Lustra sex qui jam perégit, tempus implens córporis, sponte liberâ Redemptor passióni déditus, Agnus in Crucis levátur immolándus stípitem.

Repetitur, Dulce lignum.

V. Felle potus ecce lánguet, spinâ, clavi, lanceâ mite corpus perforárunt, unda manat, & cruor: terra, pontus, astra, mundus, quo lavántur flúmine.

Repetitur, Crux fidélis.

V. Flecte ramos arbor alta, tensa laxa víscera, & rigor lentéscat ille, quem dedit natívitas: & supérni membra Régis tende miti stípitem.

Repetitur, Dulce lignum.

V. Sola digna tu fuísti ferre mundi víctimam: atque portum præparáre arca mundo náufrago, quam facer cruor perúnxit, fusus Agni córpore.

Repetitur, Crux fidélis.

V. Sempitérna sit beátæ Trinitáti glória, æqua Patri, Filióque: par decus Paráclito: Uníus, Triníque nomen laudet univérfitas. Amen.

Repetitur, Dulce lignum.

¶ Circa finem adorationis Crucis accenduntur candelæ super Altare: & Diaconus accipiens bursam corporálium, extendit corporále more solito, & juxta illud ponit purificatorium: & finita adoratione, Crucem reverenter accipit, &

reportat ad Altare. Postea ordinatur Processio ad locum, ubi pridie Sacramentum repositum fuerat. Præcedit Subdiaconus cum Cruce inter duos Acolythos deferentes candelabra cum cereis accensis, & Clerus per ordinem, ultimus Sacerdos cum ministris. Cum perventum fuerit ad locum Sacramenti, accenduntur intorticia, quæ non extinguuntur nisi post sumpcionem Sacramenti: & Sacerdos genuflectit ante Sacramentum, orat aliquantulum: Diaconus interim aperit capsulam, in qua reconditum est Corpus Domini; postea Sacerdos surgens, absque benedictione imponit incensum in duobus thuribulis, Diacono naviculam ministrante, & genuflexus incensat Sacramentum: tum Diaconus extrahens Calicem cum Sacramento de capsula, dat ad manus Sacerdotis, & tegit extremitatibus veli, quod humeros illius circumdat, & procedunt ordine quo venerunt: defertur baldachinum super Sacramentum: & duo Acolythi cum thuribulis continue Sacramentum incensant; interim cantatur Hymnus, Vexilla Regis pródeunt.

Cum venerit Sacerdos ad Altare, posito super illud Calice, genuflexus rursus incensat, & accedens deponit Hostiam ex Calice super patenam, quam Diaconus tenet, & accipiens patenam de manu Diaconi, Hostiam sacram ponit super corporale, nihil dicens: Si tetigerit Sacramentum, digitos abluat in aliquo vase. Interim Diaconus imponit vinum in Calicem, & Subdiaconus aquam, quam Sacerdos non benedicit, nec dicit super eam Orationem consuetam, sed accipiens Calicem à Diacono, ponit super Altare, nihil dicens: & Diaconus illum cooperit palla: deinde imponit incensum in thuribulo absque

benedictione, & incensat oblata, & altare more solito, genuflectens ante & post, & quodcumque transit ante Sacramentum.

Cum incensat oblata, dicit:

Incensum istud à te benedictum, ascendat ad te, Dómine, & descendat super nos misericórdia tua.

Cum incensat Altare, dicit:

Dirigatur, Dómine, oratio mea, sicut incensum in conspectu tuo: elevatio mánuum meárum sacrificium vestitum. Pone, Dómine, custódiam ori meo, & óstium circumstantiæ labiis meis: ut non declinet cor meum in verba malitiæ ad excusandas excusationes in peccátis.

Quando reddit thuribulum Diacono, dicit:

Accendat in nobis Dóminus ignem sui amoris, & flammam æternæ charitátis. Amen.

Et ipse non incensatur.

Postea aliquantulum extra Altare in cornu Epistolæ lavat manus, nihil dicens: deinde in medio Altaris inclinatus, junctis manibus dicit:

In spíritu humilitátis, & in ánimo contrito suscipiámur à te, Dómine: & sic fiat sacrificium nostrum in conspectu tuo hódie, ut placeat tibi, Dómine Deus.

Deinde versus ad populum in cornu Evangelii, dicit more solito:

Orate, fratres: ut meum ac vestrum sacrificium acceptabile fiat apud Deum Patrem omnipotentem.

Et per eandem viam revertitur, non perficiens circulum: & consequenter, omissis aliis, dicit:

Oremus. Præceptis salutáribus muniti, & divína institutione formati, au-

demus dicere. Pater noster, qui es in cœlis: sanctificetur nomen tuum: advéniat regnum tuum: fiat volúntas tua, sicut in cœlo, & in terra. Panem nostrum quotidianum da nobis hódie: Et dimitte nobis debita nostra, sicut & nos dimittimus debitoribus nostris. Et ne nos inducas in tentationem. *R.* Sed libera nos à malo.

Sacerdos, sub silentio dicto Amen, eadem voce, qua dixit Pater noster, absolute sine Oremus, in tono Orationis Missæ ferialis dicit:

Libera nos, quæsumus, Dómine, ab ómnibus malis, præteritis, præsentibus, & futuris: & intercedente beatâ & gloriósâ semper Vírgine Dei genitríce Mariâ, cum beátis Apóstolis tuis Petro & Paulo, atque Andréâ, & ómnibus Sanctis, [*Non signat se Patena.*] da propítius pacem in diébus nostris: ut ope misericórdiæ tuæ adjúti, & à peccáto simus semper líberi, & ab omni perturbatióne secúri. Per eúndem Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti Deus, per ómnia sæcula sæculorum.

R. Amen.

¶ Tunc Celebrans, facta reverentia usque ad terram, supponit patenam Sacramento, quod in dextera accipiens, elevat ut videri possit à populo: & statim supra Calicem dividit in tres partes, quarum ultimam mittit in Calicem more solito, nihil dicens: Pax Dómini, non dicitur, nec Agnus Dei, neque pacis osculum datur. Postmodum prætermisiss duabus primis Orationibus, dicit tantum sequentem.

Percéptio Córporis tui, Dómine Jesu Christe, quod ego indignus sumere præsumo, non mihi provéniat in judi-

cium & condemnatióem: sed pro tua pietáte profit mihi ad tutamentum mentis, & córporis, & ad medélam percipiéndam. Qui vivis & regnas cum Deo Patre in unitáte Spíritus sancti Deus, per ómnia sæcula sæculorum. Amen.

Tum genuflectit, & accipit patenam cum Corpore Christi, & maxima humilitate ac reverentia dicit: Panem coelestem accipiam, & nomen Dómini invocábo.

Percutit pectus suum ter, dicens: Dómine, non sum dignus, ut intres sub tectum meum: sed tantum dic verbo, & sanábitur ánima mea.

Postea signat se Sacramento, dicens: Corpus Dómini nostri Jesu Christi custódiat ánimam meam in vitam ætérnam. Amen.

Et sumit Corpus reverenter.

Deinde, omissis omnibus, quæ dici solent ante sumptionem Sanguinis, immediate particulam Hostiæ cum vino reverenter sumit de Calice. Et more solito facta ablutione digitorum, & sumpta purificatione, in medio Altaris inclinatus, manibus junctis dicit: Quod ore sumpsimus, Dómine, purâ mente capiámus: & de múnere temporáli fiat nobis remédium sempitérnum.

Non dicitur, Corpus tuum, Dómine. nec Postcommunio, nec Pláceat tibi. nec datur benedictio: sed facta reverentia Altari, Sacerdos cum ministris discedit: & dicuntur Vesperæ sine cantu: & denudatur Altare.

S A B B A T O S A N C T O.

Statio ad S. Joannem in Laterano.

H*Ora competentí cooperiuntur Altaria, & dicuntur Horæ, candelis*

Altaris extinctis usque ad principium Missæ. Interim excutitur ignis de lapide foris Ecclesiâ, & ex eo accenduntur carbones. Dicta Nona, Sacerdos indutus amictu, alba, cingulo, stola & pluviâ violaceo, vel sine casula, astantibus sibi ministris cum Cruce, aqua benedicta, et incenso, ante portam Ecclesiæ, si commode potest, vel in ipso aditu Ecclesiæ, benedicit novum ignem, dicens: V. Dóminus vobiscum. R. Et cum spíritu tuo.

Orémus.

Oratio.

DEus, qui per Filium tuum, angularem scilicet lapidem, claritátis tuæ ignem fidélibus contulisti: productum è sílice, nostris profutúrum úsibus, novum hunc ignem sanctifica: & concéde nobis, ita per hæc festa Paschália coeléstibus desidériis inflammári: ut ad perpétuæ claritátis, puris mentibus, valeámus festa pertinere. Per eúndem Christum Dóminum nostrum. R. Amen.

Orémus.

Domine Deus, Pater omnípotens, lumen indeficiens, qui es conditor ómnium lúminum: benedic hoc lumen, quod à te sanctificátum atque benedíctum est, qui illuminásti omnem mundum; ut ab eo lúmine accendámur, atque illuminémur igne claritátis tuæ: & sicut illuminásti Móysen exeúntem de Ægypto, ita illúmines corda & sensus nostros: ut ad vitam & lucem ætérnam pervenire mereámur. Per Christum Dñm nostrum.

R. Amen.

Orémus.

Domine sancte, Pater omnípotens, ætérne Deus, benedicéntibus nobis hunc ignem in nómine tuo, & unigéniti Fílii tui Dei ac Dómini nostri

Jesu Christi, & Spiritus sancti, cooperari digneris: & adjuva nos contra ignita tela inimici, & illustra gratiam coelesti. Qui vivis & regnas cum eodem unigenito tuo, & Spiritu sancto, Deus, per omnia secula seculorum.

R. Amen.

Deinde benedicit quinque grana incensi ponenda in Cereo, dicens absolute hanc Orationem.

Veniat, quæsumus, omnipotens Deus, super hoc incensum larga tuæ benedictionis infusio: & hunc nocturnum splendorem invisibilis regenerátor accende: ut non solum sacrificium, quod hac nocte litatum est, arcana luminis tui admixtione refulgeat; sed in quocúmque loco ex huius sanctificationis mysterio aliquid fuerit deportatum, expulsa diabolicæ fraudis nequitia, virtus tuæ majestatis assistat. Per Christum Dóminum nostrum. R. Amen.

¶ Dum benedicit grana incensi, Acolythus assumens de carbonibus benedictis ponit in thuribulo, & finita Oratione supradicta, Sacerdos de navicula ponit incensum in thuribulo, benedicens illud more solito: deinde prædicta grana incensi & ignem ter aspergit aqua benedicta, dicens: Aspérge me, Dómine. sine cantu, & sine Psalmo, & ter adolet incenso.

Interim omnia luminaria Ecclesiæ extinguuntur, ut de igne benedicto postmodum accendantur. Tum Diaconus indutus Dalmatica albi coloris, accipit arundinem cum tribus candelis in summitate illius triangulo distinctis. Præcedit thuriferarius cum Acolytho deferente in vase quinque grana incensi: sequitur Subdiaconus cum Cruce, & Clerus

per ordinem: deinde Diaconus cum arundine, post eum Celebrans. Cum Diaconus ingressus est Ecclesiam, inclinat arundinem, & Acolythus deferens candelam accensam de novo igne, accendit unam ex illis tribus candelis desuper positis: & Diaconus elevans arundinem, genuflectit, similiter & omnes alii cum eo, præter Subdiaconum Crucem ferentem: & cantat solus, Lumen Christi.

R. Deo grátias.

Et procedens ad medium Ecclesiæ, ibi accenditur alia candela: & iterum genuflexus, ut supra, altius cantat, Lumen Christi.

R. Deo grátias.

Tertio procedit ante altare, ubi accenditur tertia candela: & rursus genuflexus ut prius, adhuc altius dicit: Lumen Christi.

R. Deo grátias.

Deinde Celebrans ascendit ad Altare in cornu Epistolæ, & Diaconus dat arundinem uni Acolytho: & accipiens librum, petit à Celebrante benedictionem, ut fit ad Evangelium, Sacerdote dicente: Dóminus sit in corde tuo, & in lábiis tuis: ut dignè & competenter annúnties suum Paschále præcónium: in nómine Patris, & Filii, & Spiritus sancti. Amen.

Postea vadit ad pulpitem, & ponit super eo librum, & incensat. A dextris Diaconi stent Subdiaconus cum Cruce, & thuriferarius: à sinistris, duo Acolythi, ille qui tenet arundinem, & alius tenens in vase quinque grana incensi benedicti figenda in Cereo. Tunc, surgentibus omnibus, & stantibus, ut fit ad Evangelium, Diaconus cantat:

Exúltet jam Angélica turba coelorum: exúltent divína mystéria: & pro tanti Regis victória, tuba insonet

salutāris. Gāudeat & tellus tantis irradiāta fulgōribus: & ætérni Regis splendóre illustrāta, totius orbis se sentiat emisisse caliginem. Lætétur & mater Ecclēsia, tantí lúminis adornāta fulgōribus: & magnis populórum vó-cibus hæc aula resúltet. Quapropter adstāntes vos, fratres charíssimi, ad tam miram hujus sancti lúminis claritátem, unà mecum, quæso, Dei omnipoténtis misericórdiam invocáte. Ut qui me non meis méritis intra Levitárum númerum dignátus est aggregáre: lúminis sui claritátem infúndens, Cérei hujus laudem implére perficiat. Per Dóminum nostrum Jesum Christum Fílium suum: qui cum eo vivit & regnat in unitáte Spíritus sancti Deus.

Per ómnia sæcula sæculórum.

R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum & justum est.

Verè dignum & justum est, invisibilem Deum Patrem omnipoténtem, Fíliúmque ejus unigénitum, Dóminum nostrum Jesum Christum, toto cordis ac mentis afféctu, & vocis ministério personáre. Qui pro nobis ætérno Patri, Adæ débitum solvit: & vétēris piáculi cautióem pio cruóre detérfit. Hæc sunt enim festa Paschália, in quibus verus ille Agnus occíditur, cujus sáanguine postes fidélium consecrántur. Hæc nox est, in qua primùm patres nostros filios Israel edúctos de Ægypto, mare Rubrum sicco vestígio transíre fecísti. Hæc igitur nox est, quæ pec-

catórum ténebras, colúmnæ illuminatióne purgávit. Hæc nox est, quæ hodiè per univérsum mundum, in Christo credéntes, á víitiis sæculi & caligine peccatórum segregátos, reddit grátiae, sóciat sanctitáti. Hæc nox est, in qua destrúctis vínculis mortis, Christus ab ínferis victor ascéndit. Nihil enim nobis nasci prófuit, nisi rédimi profuisset. O mira circa nos tuæ pietátis dignátio! O inæstimábilis diléctio charitátis: ut servum redímeres, Fílium tradidísti. O certè necessárium Adæ peccátum, quod Christi morte delétum est. O felix culpa, quæ talem ac tantum mérui habére redemptórem. O verè beáta nox, quæ sola mérui scire tempus & horam, in qua Christus ab ínferis resurrexit. Hæc nox est, de qua scriptum est: Et nox sicut dies illuminábitur: & nox illuminatio mea in delíciis meis. Hujus igitur sanctificatio noctis, fugat scélera, culpas lavat: & reddit innocentiam lapsis, & moestis lætítiam. Fugat ódia, concórdiam parat, & curvat impéria.

Hic Diaconus infigit quinque grana incensi benedicti in Cereo in modum Crucis.

In hujus igitur noctis grátia, fúscipe, sancte Pater, incénsi hujus sacrificium vespertínium: quod tibi in hac Cérei oblatiόne solémni, per ministrórum manus de opéribus apum, sacrosáncta reddit Ecclēsia. Sed jam colúmnæ hujus præcónia nóvimus, quam in honórem Dei rútilans ignis accéndit.

Hic Diaconus accendit Ceréum cum una ex tribus candelis in arundine positis.

Qui licèt sit divísus in partes, mutuáti tamen lúminis detriménta non no-

vit. Alitur enim liquéntibus ceris, quas in substantiam pretiosæ hujus lampadis, apis mater eduxit.

Hic accenduntur lampades.

O verè beata nox, quæ expoliavit Egyptios, ditavit Hebræos! Nox, in qua terrénis coeléstia, humánis divína junguntur. Orámus ergo te, Dómine: ut Cereus iste in honórem tui nóminis consecrátus, ad noctis hujus caliginem destruéndam, indeficiens perseveret. Et in odórem suavitátis accéptus, supernis lumináribus misceátur. Flammæ ejus lúcifer, matutínus invéniat. Ille, inquam, lúcifer qui nescit occásus. Ille, qui regréssus ab ínferis, humano géneri ferénus illúxit. Precámur ergo te, Dómine: ut nos fámulos tuos, omnémque Clerum, & devotíssimum pópulum, unà cum beatíssimo Papa nostro N. & Antístite nostro N. quiéte témporum concéssâ, in his Paschálibus gáudiis, assíduâ protectiône régere, gubernáre, & conserváre dignéris. Réspice étiam ad devotíssimum [Si non est coronatus, dicatur: electum Imperátorem.] Imperátorem nostrum N. cujus tu, Deus, desidérii vota prænoúscens, ineffábili pietátis & misericórdiæ tuæ múnere, tranquillum perpétuæ pacis accómmoda: & coeléstem victóriam cum omni pópulo suo. Per eúndem Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti Deus, per ómnia sæcula sæculórum. *R. Amen.*

¶ *Completa benedictione Cerei, Diaconus, depositis albis, sumit violacea paramenta, & vadit ad Celebrantem: qui exiit pluviâli, & sumit manipulum & casulam violacei coloris.*

Postea leguntur Prophetiæ sine titulo: et Celebrans legit eas submissa voce ad Altare in cornu Epistolæ. In fine Prophetiarum dicuntur Orationes modo subscripto. Ante, vel interim dum Prophetiæ leguntur, Presbyteri catechizent catechuménos baptizandos, et præparent ad Baptismum.

Prophetia Prima. Gen. 1. et 2.

IN principio creávit Deus coelum, & terram. Terra autem erat inánis & vácuâ, & ténebræ erant super fáciem abyssi: & Spíritus Dei ferebátur super aquas. Dixítque Deus: Fiat lux. Et facta est lux. Et vidit Deus lucem, quòd esset bona: & divísit lucem à ténebris. Appellávitque lucem Diem, & ténebras Noctem: factúmque est vésperè & mané, dies unus. Dixit quoque Deus: Fiat firmaméntum in médio aquárum: & dívidat aquas ab aquis. Et fecit Deus firmaméntum, divisítque aquas, quæ erant sub firmaménto, ab his quæ erant super firmaméntum. Et factum est ita. Vocávitque Deus firmaméntum, Coelum: Et factum est vésperè & mané, dies secúndus. Dixit verò Deus: Congrégentur aquæ, quæ sub coelo sunt, in locum unum: & appáreat arida. Et factum est ita. Et vocávit Deus áridam, Terram, Congregationésque aquárum appellávit Mária. Et vidit Deus, quòd esset bonum. Et ait: Géminet terra herbam viréntem, & faciéntem semen, & lignum pomíferum faciens fructum juxta genus suum, cujus semen in semetípso sit super terram. Et factum est ita. Et proutulit terra herbam viréntem, & faciéntem semen juxta genus suum, lignúmque

faciens fructum, & habens unumquodque seminem secundum speciem suam. Et vidit Deus, quod esset bonum. Et factum est vespere & mane, dies tertius. Dixit autem Deus: Fiant luminaria in firmamento coeli, & dividant diem ac noctem, & sint in signa, & tempora, & dies, & annos: ut luceant in firmamento coeli, & illuminent terram. Et factum est ita. Fecitque Deus duo luminaria magna: luminare majus, ut praesset diei: & luminare minus, ut praesset nocti: & stellas. Et posuit eas in firmamento coeli, ut lucerent super terram, & praessent diei ac nocti, & dividerent lucem ac tenebras. Et vidit Deus, quod esset bonum. Et factum est vespere & mane, dies quartus. Dixit etiam Deus: Producant aquae reptile animae viventis, & volatile super terram sub firmamento coeli. Creavitque Deus Cete grandia, & omnem animam viventem atque motabilem, quam produxerant aquae in species suas, & omne volatile secundum genus suum. Et vidit Deus, quod esset bonum. Benedixitque eis, dicens: Crescite, & multiplicamini, & replete aquas maris: avesque multiplicentur super terram. Et factum est vespere & mane, dies quintus. Dixit quoque Deus: Producat terra animam viventem in genere suo: jumenta, & reptilia, & bestias terrae secundum species suas. Factumque est ita. Et fecit Deus bestias terrae juxta species suas, & jumenta, & omne reptile terrae in genere suo. Et vidit Deus, quod esset bonum, & ait: Faciamus Hominem ad imaginem, & similitudinem nos-

tram: & praesit piscibus maris, & volatilibus coeli, & bestiis, universaeque terrae, omnique reptili, quod movetur in terra. Et creavit Deus hominem ad imaginem suam: ad imaginem Dei creavit illum, masculum & feminam creavit eos. Benedixitque illis Deus, & ait: Crescite, & multiplicamini, & replete terram, & subjicite eam, & dominamini piscibus maris, & volatilibus coeli, & universis animantibus, quae moventur super terram. Dixitque Deus: Ecce dedi vobis omnem herbam afferentem semen super terram, & universa ligna, quae habent in semetipsis seminem generis sui, ut sint vobis in escam: & cunctis animantibus terrae, omnique volucris coeli, & universis quae moventur in terra, & in quibus est anima vivens, ut habeant ad vescendum. Et factum est ita. Viditque Deus cuncta quae fecerat: & erant valde bona. Et factum est vespere & mane, dies sextus. Igitur perfecti sunt coeli & terra, & omnis ornatus eorum. Complevitque Deus die septimo opus suum, quod fecerat: & requievit die septimo ab universo opere, quod patrarat.

Qua completa, Sacerdos dicit: Oremus. Diaconus, Flectamus genua; et Subdiaconus, Levate.

Oratio.

DEus, qui mirabiliter creasti hominem, & mirabilius redemisti: da nobis, quaesumus, contra oblectamenta peccati, mentis ratione persistere; ut mereamur ad aeterna gaudia pervenire. Per Dominum nostrum Jesum Christum Filium tuum: Qui tecum vivit & regnat.

Prophetia secunda. Gen. 5. 6. et 7.

NOë verò, cùm quingentòrum esset annòrum, genuit Sem, Cham, & Japhet. Cùmque cœpissent homines multiplicari super terram, & filias procreassent, videntes filii Dei filias hominum, quòd essent pulchræ, acceperunt sibi uxòres ex omnibus, quas elegerant. Dixitque Deus: Non permanebit spìritus meus in homine in ætèrnum, quia caro est: eruntque dies illius centum viginti annòrum. Gigantes autem erant super terram in dièbus illis. Postquam enim ingressi sunt filii Dei ad filias hominum, illæque genuerunt, isti sunt potèntes à sæculo viri famòsi. Videns autem Deus, quòd multa malitia hominum esset in terra, & cuncta cogitatio cordis intènta esset ad malum omni tèm-pore, poenituit eum, quòd hominem fecisset in terra. Et tactus dolore cordis intrínsecus: Delébo, inquit, hominem, quem creavi, à fácie terræ, ab homine usque ad animántia, à reptili usque ad vólucres cœli. Poenitet enim me fecisse eos. Noë verò invénit grátiam coram Dómino. Hæ sunt generationes Noë: Noë vir justus, atque perfectus fuit in generationibus suis, cum Deo ambulávit. Et genuit tres filios, Sem, Cham, & Japhet. Corrupta est autem terra coram Deo, & repléta est iniquitáte. Cùmque vidisset Deus terram esse corruptam, (omnis quippe caro corrúperat viam suam super terram) dixit ad Noë: Finitis univèrsæ carnis venit coram me: repléta est terra iniquitáte à fácie eòrum, & ego dispèrdam eos cum terra.

Fac tibi arcam de lignis levigátis: mansúnculas in arca fácies, & bitúmíne línies intrínsecus & extrínsecus. Et sic fácies eam: Trecentòrum cubitórum erit longitúdo arcæ, quinquaginta cubitórum latitúdo, & triginta cubitórum altitúdo illius. Fenéstram in arca fácies, & in cúbito consummábis summitátem ejus: óstium autem arcæ pones ex latere: deórsum, coenácula, & trístega fácies in ea. Ecce ego addúcam aquas dilúvii super terram, ut interficiam omnem carnem, in qua spìritus vitæ est subter cœlum: Univèrsa, quæ in terra sunt, consuméntur. Ponámque fœdus meum tecum: & ingrediéris arcam tu, & filii tui, uxor tua, & uxòres filiòrum tuòrum tecum. Et ex cunctis animántibus univèrsæ carnis bina indúces in arcam, ut vivant tecum: masculíni sexus & femínini. De volúcribus juxta genus suum, & de juméntis in génere suo, & ex omni réptili terræ secúndum genus tuum: bina de omnibus ingrediéntur tecum, ut possint vívere. Tolles ígitur tecum ex omnibus escis, quæ mandi possunt, & comportábis apud te: & erunt tam tibi, quàm illis in cibum. Fecit ígitur Noë omnia, quæ præcéperat illi Deus. Erátque sexcentòrum annòrum quando dilúvii aquæ inundavérunt super terram. Rupti sunt omnes fontes abyssi magnæ, & cataráctæ cœli apértæ sunt: & facta est plúvia super terram quadraginta dièbus & quadraginta nóctibus. In artículo diéi illius ingressus est Noë, & Sem, & Cham, & Japheth, filii ejus, uxor illius, & tres uxòres filiòrum ejus cum eis in arcam:

ipsi, & omne animal secundum genus suum, universaque jumenta in genere suo, & omne quod movetur super terram in genere suo, cunctumque volatile secundum genus suum. Porro arca ferebatur super aquas. Et aquae praevaluerunt nimis super terram: operisque sunt omnes montes excelsi sub universo coelo. Quindecim cubitis altior fuit aqua super montes, quos operuerat. Consumptaque est omnis caro, quae movebatur super terram, volucrum, animantium, bestiarum, omniumque reptilium, quae reptant super terram. Remansit autem solus Noë, & qui cum eo erant in arca. Obtinueruntque aquae terram centum quinquaginta diebus. Recordatus autem Deus Noë, cunctorumque animantium, & omnium jumentorum, quae erant cum eo in arca, adduxit spiritum super terram, & imminutae sunt aquae. Et clausi sunt fontes abyssi, & cataractae coeli: & prohibita sunt pluviae de coelo. Reversaeque sunt aquae de terra euntes, & redeuntes: & coeperunt minui post centum quinquaginta dies. Cumque transissent quadraginta dies, aperiens Noë fenestram arcae, quam fecerat, dimisit corvum: qui egrediebatur, & non revertebatur, donec siccarerentur aquae super terram. Emisit quoque columbam post eum, ut videret si jam cessassent aquae super faciem terrae. Quae cum non invenisset ubi requiesceret pes ejus, reversa est ad eum in arcam: aquae enim erant super universam terram: extenditque manum, & apprehensam intulit in arcam. Expectatis autem ultra septem diebus aliis, rur-

sum dimisit columbam ex arca. At illa venit ad eum ad vesperam, portans ramum olivae virentibus foliis in ore suo. Intellexit ergo Noë, quod cessassent aquae super terram. Expectavitque nihilominus septem alios dies: & emisit columbam, quae non est reversa ultra ad eum. Locutus est autem Deus ad Noë, dicens: Egrédere de arca tu, & uxor tua, filii tui, & uxores filiorum tuorum tecum. Cuncta animantia, quae sunt apud te, ex omni carne, tam in volatilibus, quam in bestiis & universis reptilibus, quae reptant super terram, educ tecum, & ingredimini super terram: crescite, & multiplicamini super eam. Egressus est ergo Noë, & filii ejus, uxor illius, & uxores filiorum ejus cum eo. Sed & omnia animantia, jumenta, & reptilia, quae reptant super terram secundum genus suum, egressa sunt de arca. Aedificavit autem Noë altare Domino: & tollens de cunctis pecoribus, & volucribus mundis, obtulit holocausta super altare. Odoratusque est Dominus odorem suavitatis.

Orémus. Flectamus genua.

R. Levate.

Oratio.

DEus incommutabilis virtus, & lumen aeternum, respice propitius ad totius Ecclesiae tuae mirabile Sacramentum, & opus salutis humanae, perpetuae dispositionis effectu tranquillius operare: totusque mundus experiatur & videat, dejecta erigi, inveterata renovari, & per ipsum redire omnia in integrum, à quo sumpsere principium, Dominum nostrum Jesum Christum Filium tuum: Qui tecum vivit.

Prophetia tertia. Gen. 22.

IN diébus illis: Tentávit Deus Abraham, & dixit ad eum: Abraham, Abraham. At ille respóndit: Adsum. Ait illi: Tolle filium tuum unigénitum, quem dígigis, Isaac, & vade in terram visiónis: atque ibi offeres eum in holocáustum super unum móntium, quem monstrávero tibi. Igitur Abraham de nocte confúrgens, stravit ásinum suum: ducens secum duos júvenes, & Isaac filium suum. Cúmque concidisset ligna in holocáustum ábiit ad locum, quem præcéperat ei Deus. Die autem tértio, elevátis óculis, vidit locum procul: dixitque ad púeros suos: Expectáte híc cum ásino: ego & puer illuc usque properántes, postquam adoravérimus, revertémur ad vos. Tulit quoque ligna holocáusti, & impósuit super Isaac filium suum: ipse verò portábat in mánibus ignem & gládium. Cúmque duo pérgerent simul, dixit Isaac patri suo: Pater mi. At ille respóndit: Quid vis, fili? Ecce, inquit, ignis, & ligna: ubi est víctima holocáusti? Dixit autem Abraham: Deus providébit sibi víctimam holocáusti, fili mi. Pergébant ergo páriter: & venérunt ad locum, quem osténderat ei Deus, in quo ædificávit altáre, & desuper ligna compósuit: cúmque alligáisset Isaac filium suum, pósuit eum in altáre super struem lignórum. Extendítque manum, & arrípuit gládium, ut immoláret filium suum. Et ecce Angelus Dómini de cælo clamávit, dicens: Abraham, Abraham. Qui respóndit: Adsum. Dixitque ei: Non exténdas manum tuam super púerum,

neque fácias illi quidquam: nunc cognóvi, quòd times Deum, & non pepercísti unigénito filio tuo própter me. Levávit Abraham éculos suos, vidítque post tergum arietem inter vepres hæréntem córnibus, quem assúmens obtulit holocáustum pro filio. Appel-lávitque nomen loci illius, Dóminus videt. Unde usque hódie dicitur: In monte Dóminus vidébit. Vocávit autem Angelus Dómini Abraham secúndò de cælo, dicens: Per memetípsum jurávi, dicit Dóminus: quia fecísti hanc rem, & non pepercísti filio tuo unigénito própter me: benedícam tibi, & multiplicábo semen tuum sicut stellas cœli, & velut arénam, quæ est in littóre maris: possidébit semen tuum portas inimicórum suórum, & benedicientur in sémine tuo omnes gentes terræ, quia obedísti voci meæ. Re-vérsum est Abraham ad púeros suos, abierúntque Bersabée simul, & habitávit ibi.

Orémus. Flectámus gènuâ.
R. Leváte.

Oratio.

DEus, fidélium Pater summe, qui in tote orbe terrárum, promissionis tuæ filios diffúsâ adoptionis grátia multiplicas: & per Paschále sacraméntum, Abraham púerum tuum universárum, sicut jurásti, gentium éfficis patrem: da pópulis tuis dignè ad grátiam tuæ vocationis introíre. Per Dóminum.

Prophetia quarta. Exod. 14. & 15.

IN diébus illis: Factum est in vigília matutína, & ecce respiciens Dóminus super castra Egyptiórum per columnam ignis & nubis, interfecit ex-

exercitum eorum: & subvertit rotas currum, ferebanturque in profundum. Dixerunt ergo Aegyptii: Fugiamus Israël: Dominus enim pugnat pro eis contra nos. Et ait Dominus ad Moysen: Extende manum tuam super mare, ut revertantur aquae ad Aegyptios super currus & equites eorum. Cumque extendisset Moyses manum contra mare, reversum est primo diluvio ad priorem locum: fugientibusque Aegyptiis occurrerunt aquae, & operuerunt currus & equites cuncti exercitus Pharaonis, qui sequentes ingressi fuerant mare: nec unus quidem superstit ex eis. Filii autem Israël perrexerunt per medium ficci maris, & aquae eis erant quasi pro muro à dextris & à sinistris: liberavitque Dominus in die illa Israël de manu Aegyptiorum. Et viderunt Aegyptios mortuos super littus maris, & manum magnam, quam exercuerat Dominus contra eos: timuitque populus Dominum, crediderunt Domino, & Moysi servo eius. Tunc cecinit Moyses, & filii Israël carmen hoc Domino, & dixerunt:

Tract. Exod. 15. Cantemus Domino: gloriosè enim honorificatus est: equum & ascensorem projecit in mare: adiutor & protector factus est mihi in salutem. *V.* Hic Deus meus, & honorificabo eum: Deus patris mei & exaltabo eum. *V.* Dominus conterens bella: Dominus nomen est illi.

Orémus. Flectamus genua.

R. Levate.

Oratio.

DEus, cujus antiqua miracula etiam nostris saeculis coruscare sen-

tinus: dum quod uni populo à persecutione Aegyptiaca liberando, dexteræ tuæ potentiâ contulisti, id in salutem Gentium per aquam regenerationis operaris: præsta, ut in Abrahamæ filios, & in Israëliticam dignitatem, totius mundi transeat plenitudo. Per Dominum.

Prophetia quinta. Isaia 54. & 55.

HÆc est hereditas servorum Domini, & iustitia eorum apud me, dicit Dominus. Omnes sitiētes venite ad aquas: & qui non habētis argentum, properate, emite, & comedite: venite, emite absque argento, & absque ulla commutatione, vinum & lac. Quare appenditis argentum non in panibus, & laborem vestrum non in saturitate? Audite audientes me, & comedite bonum, & delectabitur in crassitudine anima vestra. Inclinate aurem vestram, & venite ad me: audite, & vivet anima vestra, & feriam vobiscum pactum sempiternum, misericordias David fideles. Ecce testem populis dedi eum, ducem ac præceptorem Gentibus. Ecce gentem, quam nesciebas, vocabis: & Gentes, quæ te non cognoverunt, ad te current propter Dominum Deum tuum, & sanctum Israël, quia glorificavit te. Quærite Dominum, dum inveniri potest: invocate eum, dum prope est. Derelinquat impius viam suam, & vir iniquus cogitationes suas, & revertatur ad Dominum, & miseretur eius, & ad Deum nostrum: quoniam multus est ad ignoscendum. Non enim cogitationes meæ, cogitationes vestrae: neque viæ vestrae, viæ meæ, dicit Dominus. Quia sicut exaltantur

coeli à terra, sic exaltatæ sunt viæ meæ à viis vestris, & cogitationes meæ à cogitationibus vestris. Et quomodo descendit imber, & nix de cœlo, & illuc ultra non revértitur, sed inebriat terram, & infundit eam, & germinare eam facit, & dat semen ferenti, & panem comedenti: Sic erit verbum meum, quod egrediétur de ore meo: non revertetur ad me vacuum, sed faciet quæcunque volui, & prosperabitur in his, ad quæ misi illud: dicit Dóminus omnipotens.

Orémus. Flectámus gēnua.

R. Leváte.

Oratio.

OMnípotens sempitérne Deus, multiplica in honórem nóminis tui, quod patrum fidei spopondísti: & promissionis filios sacrâ adoptione dilata; ut quod prióres sancti non dubitaverunt futurum, Ecclesia tua magna jam ex parte cognóscat implétum. Per Dóminum.

Prophetia sexta. Barruc. 3. c.

AUdi, Israel, mandata vitæ: áuribus pécipe, ut scias prudentiam. Quid est, Israel, quòd in terra inimicórum es? inveterásti in terra aliéna, coinquinátus es cum mortuis: deputátus es cum descendéntibus in inférnum. Dereliquísti fontem sapiéntiæ. Nam si in via Dei ambulásses, habitásses útique in pace sempitérna. Disce, ubi sit prudentia, ubi sit virtus, ubi sit intelléctus, ut scias simul: ubi sit longitúrnitas vitæ & victus, ubi sit lumen oculórum, & pax. Quis invénit locum ejus? & quis intrávit in thesauros ejus? Ubi sunt príncipes Géntium, & qui dominántur super béstias, quæ

sunt super terram? qui in ávibus coeli ludunt, qui argéntum thesaurízant, & aurum, in quo confidunt hómines, & non est finis acquisitionis eórum? Qui argéntum fábricant, & solíciti sunt, nec est invéntio óperum illórum? Extermináti sunt, ad inferos descendérunt, & álii loco eórum surrexérunt. Júvenes vidérunt lumen, & habitavérunt super terram: viam autem disciplínæ ignoravérunt, neque intellexérunt sémítás ejus, neque filii eórum suscepérunt eam, à fácie ipsórum longè facta est: non est audíta in terra Chánaan, neque vísa est in Theman. Fílii quoque Agar, qui exquisiunt prudentiam, quæ de terra est, negotiatóres Merrhæ, & Theman, & fabulatóres, & exquisitóres prudentiæ & intelligéntiæ: viam autem sapiéntiæ nesciérunt, neque commemoráti sunt sémítás ejus. O Israël, quàm magna est domus Dei, & ingens locus possessionis ejus! Magnus est, & non habet finem: excélsus, & imménsus. Ibi fuerunt gigántes nomináti illi, qui ab inítio fuérunt, statúrâ magnâ, sciéntes bellum. Non hos elégit Dóminus, neque viam disciplínæ invenérunt: propterea perierunt. Et quóniam non habuerunt sapiéntiam, interiérunt propter suam insipientiam. Quis ascendit in cœlum, & accépit eam, & edúxit eam de núbibus? Quis transfretávit mare, & invénit illam, & áttulit illam super aurum eléctum? Non est qui possit scire vias ejus, neque qui exquisat sémítás ejus: sed qui scit univérsa, novit eam, & adinvénit eam prudentia sua: qui præparávit terram in ætérno témpore, & replévit eam pecúdibus & quadru-

pédibus : qui emittit lumen, & vadit : & vocavit illud, & obedit illi in tremore. Stellæ autem dederunt lumen in custodiis suis, & lætatae sunt : vocatae sunt, & dixerunt : Adsumus : & luxerunt ei cum jucunditate, qui fecit illas. Hic est Deus noster, & non aestimabitur alius adversus eum. Hic adinvenit omnem viam disciplinæ, & tradidit illam Jacob puerō suo, & Israel dilectio suo. Post hæc in terris visus est, & cum hominibus conversatus est.

Orémus. Flectamus gēnua.

R. Levate.

Oratio.

DEus, qui Ecclesiam tuam semper Gēntium vocatiōne multiplicas : concède propitius : ut quos aqua baptismatis abluis, continuā protectione tuearis. Per Dōminum nostrum Jesum Christum.

Prophetia septima. Ezech. 37.

IN diēbus illis : Facta est super me manus Dōmini, & eduxit me in spīritu Dōmini : & dimisit me in medio campi, qui erat plenus ossibus : & circumduxit me per ea in gyro : erant autem multa valdē super faciem campi, siccaque vehementer. Et dixit ad me : Fili hominis putasne vivent ossa ista ? Et dixi : Dōmine Deus, tu nosti. Et dixit ad me : Vaticinare de ossibus istis : & dices eis : Ossa arida audite verbum Dōmini. Hæc dicit Dōminus Deus ossibus his : Ecce ego intromittam in vos spīritum, & vivētis. Et dabo super vos nervos, & succrescere faciam super vos carnes, & superextendam in vobis cutem : & dabo vobis spīritum, & vivētis, & sciētis quia ego Dōminus. Et prophetavi, sicut præceperat mihi : factus est autem fōnitus, prophetante

me, & ecce commotio : & accesserunt ossa ad ossa, unumquodque ad juncturam suam. Et vidi, & ecce super ea nervi & carnes ascenderunt : & extenta est eis cutis desuper, & spīritum non habebant. Et dixit ad me : Vaticinare ad spīritum, vaticinare fili hominis, & dices ad spīritum : Hæc dicit Dōminus Deus : A quatuor ventis veni spīritus, & insuffla super interfectos istos, & reviviscant. Et prophetavi sicut præceperat mihi : & ingressus est in ea spīritus, & vixerunt : steteruntque super pedes suos exercitus grandis nimis valdē. Et dixit ad me : Fili hominis, ossa hæc universa, domus Israel est : ipsi dicunt : Aruerunt ossa nostra, & perit spes nostra, & abscissi sumus. Propterea vaticinare, & dices ad eos : Hæc dicit Dōminus Deus : Ecce ego aperiam tūmulos vestros, & educam vos de sepulchris vestris, pōpulus meus : & inducam vos in terram Israel. Et sciētis quia ego Dōminus, cum aperuero sepulchra vestra : & eduero vos de tūmulis vestris, pōpule meus : & dero spīritum meum in vobis, & vixeritis, & requiescere vos faciam super humum vestram : dicit Dōminus omnipotens.

Orémus. Flectamus gēnua.

R. Levate.

Oratio.

DEus, qui nos ad celebrandum Paschale sacramentum, utriusque testamenti paginis instruis : da nobis intelligere misericordiam tuam, ut ex perceptione præsentium munerum, firma sit expectatio futurorum. Per Dōminum nostrum Jesum Christum.

Prophetia Octava. Isaia 4.

Apprehendent septem mulieres virum unum in die illa, dicentes: Panem nostrum comedemus, & vestimentis nostris operiemur: tantummodò invocetur nomen tuum super nos, aufer opprobrium nostrum. In die illa erit germen Domini in magnificentia, & gloria, & fructus terræ sublimis, & exultatio his, qui salvati fuerint de Israel. Et erit: Omnis qui relictus fuerit in Sion, & residuus in Jerúsalem, sanctus vocabitur, omnis qui scriptus est in vita in Jerúsalem. Si abluerit Dominus fordes filiarum Sion, & sanguinem Jerúsalem laverit de medio ejus, in spiritu judicii, & spiritu ardoris. Et creabit Dominus super omnem locum montis Sion, & ubi invocatus est, nubem per diem, & fumum, & splendorem ignis flammantis in nocte: super omnem enim gloriam protectio. Et tabernaculum erit in umbraculum dièi ab æstu, & in securitatem, & absconsionem à turbine, & à pluvia.

Tract. Isaia 5. Vinea facta est dilectio in cornu, in loco uberi. *V.* Et maceriam circumdedit, & circumfodit: & plantavit vineam Sorec, & ædificavit turrem in medio ejus.

V. Et torcular fodit in ea: vinea enim Domini Sabaoth, domus Israel est.

Orémus. Flectamus gēna.

R. Levate.

Oratio.

Deus, qui in omnibus Ecclesiæ tuæ filiis, sanctorum Prophetarum voce manifestasti, in omni loco dominationis tuæ, factorem te bonorum seminum, & electorum palmitum esse cultorem: tribue populis tuis, qui

& vinearum apud te nomine censentur, & segetum; ut, spinarum & tribulorum squalore refecato, digna efficiantur fruge foecundi. Per Dominum.

Prophetia nona. Exod. 12.

In diebus illis: Dixit Dominus ad Moysen & Aaron in Terra Ægypti: Mensis iste, vobis principium mensium: primus erit in mensibus anni. Loquimini ad universum coetum filiorum Israel, & dicite eis: Decima die mensis hujus tollat unusquisque agnum per familias & domos suas. Sin autem minor est numerus, ut sufficere possit ad vescendum agnum, assumet vicinum suum, qui junctus est domui suæ, juxta numerum animarum, quæ sufficere possunt ad esum agni. Erit autem agnus absque macula, masculus, anniculus: juxta quem ritum tollētis & hœdum. Et servabitis eum usque ad quartam decimam diem mensis hujus: immolabitque eum universa multitudo filiorum Israel ad vesperam. Et sument de sanguine ejus, ac ponent super utrumque postem, & in superliminariis domorum, in quibus comedent illum. Et edent carnes nocte illa assas igni, & azymos panes cum lactucis agrastibus. Non comedētis ex eo crudum quid, nec coctum aqua, sed tantum assum igni: caput cum pedibus ejus & intestinis vorabitis. Nec remanebit quidquam ex eo usque manē. Si quid residuum fuerit, igne comburetis. Sic autem comedētis illum: Renes vestros accingētis, & calceamenta habebitis in pedibus, tenentes baculos in manibus, & comedētis festinanter: est enim Phase (id est transitus) Domini.

Orémus. Flectámus gēnua.

R̃. Leváte.

Oratio.

OMnípotens sempitérne Deus, qui in ómnium óperum tuórum dispensatióne mirábilis es: intélligant redempti tui, non fuísse excellentius, quod inítio factus est mundus, quam quòd in fine sæculórum Pascha nostrum immolátus est Christus. Qui tecum vivit.

Prophetia decima. Jonæ 3.

IN diébus illis: Factum est verbum Dómini ad Jonam Prophétam secúndò, dicens: Surge, & vade in Níniven civitátem magnam: & prædica in ea prædicationem, quam ego loquar ad te. Et surréxit Jonas, & ábiit in Níniven juxta verbum Dómini. Et Nínive erat civitas magna itinere diérum trium. Et cœpit Jonas introíre in civitátem itinere diéi unius: & clamávit, & dixit: Adhuc quadragínta dies, & Nínive subvertétur. Et credidérunt viri Ninivítæ in Deum: & prædicavérunt jejúnium, & vestíti sunt faccis à majóre usque ad minórem. Et pervénit verbum ad Regem Nínive: & surréxit de sólio suo, & abjécit vestiméntum suum à se, & indútus est sacco, & sedit in cínere. Et clamávit, & dixit in Nínive ex ore regis, & princípum ejus, dicens: Hómines, & juménta, & boves, & pécora non gustent quidquam: nec pascantur, & aquam non bibant. Et operiántur faccis hómines, & juménta, & clament ad Dóminum in fortitudine, & convertátur vir à via sua mala, & ab iniquitáte, quæ est in mánibus eórum. Quis scit, si con-

vertátur, & ignóscat Deus, & revertátur à furóre iræ suæ, & non peribimus? Et vidit Deus ópera eórum; quia convérsti sunt de via sua mala: & misértus est pópulo suo Dóminus Deus noster.

Orémus. Flectámus gēnua.

R̃. Leváte.

Oratio.

DEus, qui diversitátem Géntium in confessiône tui nóminis adunásti: da nobis & velle, & posse quæ præcipis: ut pópulo ad æternitátem vocáto, una sit fides méntium, & pietas actiόνum. Per Dóminum nostrum.

Prophetia undecima. Deut. 31. f.

IN diébus illis: Scripsit Móyses canticum, & dócuit filios Israel. Præcepítque Dóminus Jósue filio Nun, & ait: Confortáre, & esto robústus: tu enim introduces filios Israel in terram, quam pollicitus sum, & ego ero tecum. Postquam ergo scripsit Móyses verba legis hujus in volúmine, atque complévit: præcepit Levítis, qui portábant arcam fœderis Dómini, dicens: Tóllite librum istum, & pónite eum in látere arcæ fœderis Dómini Dei vestri: ut sit ibi contra te in testimonium. Ego enim scio contentiónem tuam, & cervicem tuam duríssimam. Adhuc vivente me, & ingrediénte vobíscum, semper contentióse egístis contra Dóminum: quantò magis cum mórtuus fúero? Congregáte ad me omnes majóres natu per Tribus vestras, atque doctóres, loquar audientibus eis sermónes istos, & invocábo contra eos coelum & terram. Novi enim quòd post mortem meam iniqué agétis, & declinábitis citò de viá, quam præcépi

vobis: & occurrerent vobis mala in extremo tempore, quando feceritis malum in conspectu Domini; ut irritetis eum per opera manuum vestrarum. Locutus est ergo Moyses, audiente universo coetu Israel; verba carminis hujus, & ad finem usque complévit.

Tract. Deut. 32. Attende cœlum, & loquar, & audiat terra verba ex ore meo. *V.* Expectetur sicut pluvia eloquium meum: & descendant sicut ros verba mea.

V. Sicut imber super gramen, & sicut nix super fœnum: quia nomen Domini invocabo.

V. Date magnitudinem Deo nostro: Deus, vera opera ejus, & omnes viæ ejus iudicia.

V. Deus fidelis, in quo non est iniquitas, justus & sanctus Dominus.

Orémus. Flectamus gēnua.

R. Levate.

Oratio.

DEus, celsitudo humilium, & fortitudo rectorum, qui per sanctum Moysen puerum tuum, ita erudire populum tuum sacri carminis tui decantatione voluisti, ut illa legis iteratio, fieret etiam nostra directio: excita in omnem justificatarum Gentium plenitudinem potentiam tuam, & da lætiam, mitigando terrorem: ut omnium peccatis tuâ remissione delētis, quod denunciatum est in ultionem, transeat in salutem. Per Dominum nostrum Jesum Christum.

Prophetia duodecima. Dan. 3.

IN diebus illis: Nabuchodonosor Rex fecit statuam auream, altitudine cubitorum sexaginta, latitudine cubitorum sex, & statuit eam in cam-

po Dura provinciæ Babylōnis. Itaque Nabuchodonosor Rex misit ad congregandos sátrapas, magistrátus, & júdices, duces, & tyránnos, præfectos, omnesque príncipes regiónum, ut convenirent ad dedicationem statuae, quam erexerat Nabuchodonosor rex. Tunc congregati sunt sátrapæ, magistrátus, & júdices, duces, & tyránni, & optimátes, qui erant in potestatibus constituti, & universi príncipes regiónum, ut convenirent ad dedicationem statuae, quam erexerat Nabuchodonosor rex. Stabant autem in conspectu statuae, quam posuerat Nabuchodonosor rex: & Præco clamabat valenter: Vobis dicitur pópulis, tribubus, & linguis: In hora, quâ audieritis sónitum tubæ, & fistulæ, & cítharæ, sambúcæ, & psalterii, & symphoníæ, & universi generis musicorum, cadentes adoráte statuam auream, quam constituit Nabuchodonosor rex. Si quis autem non prostratus adoráverit, eadem horâ mittetur in fornacem ignis ardētis. Post hæc igitur statim, ut audierunt omnes pópuli sónitum tubæ, fistulæ, & cítharæ, sambúcæ, & psalterii, & symphoníæ, & omnis generis musicorum: cadentes omnes pópuli, tribus, & linguæ, adoravérunt statuam auream, quam constitúerat Nabuchodonosor rex. Statimque in ipso tempore accedentes viri Chaldæi accusavérunt Judæos: dixeruntque Nabuchodonosor regi: Rex in ætérnum vive: tu rex posuisti decretum, ut omnis homo, qui audierit sónitum tubæ, fistulæ, & cítharæ, sambúcæ, & psalterii, & symphoníæ, & universi generis musicorum, prof-

térnat se, & adóret státuam áuream: si quis autem non prócidens adoráverit, mittátur in fornácem ignis ardéntis. Sunt ergo viri Judæi, quos constituísti super ópera regiónis Babylónis, Sidrach, Misach, & Abdénago: viri isti contempserunt, rex, decretum tuum: deos tuos non colunt, & státuam áuream, quam erexísti, non adorant. Tunc Nabuchodónosor in furóre & in ira præcepit, ut adduceréntur Sidrach, Misach, & Abdénago: qui confestim addúcti sunt in conspéctu regis. Pronuntiánsque Nabuchodónosor rex, ait eis: Verène Sidrach, Misach, & Abdénago deos meos non cólitis, & státuam áream, quam constitui, non adorátis? Nunc ergo si estis paráti, quácúmque horá audiéritis sónitum tubæ, fistulæ, cítharæ, sambúcæ, & psaltérii, & symphoníæ, omnisque géneris musicórum prostérnite vos, & adoráte státuam, quam feci: quòd si non adoráveritis, eádém horá mittémini in fornácem ignis ardéntis: & quis est Deus, qui erípiet vos de manu mea? Respondéntes Sidrach, Misach, & Abdénago, dixerunt regi Nabuchodónosor: Non opórtet nos de hac re respóndere tibi. Ecce enim Deus noster, quem cólimus, potest erípere nos de camíno ignis ardéntis, & de mánibus tuis, ô rex, liberáre. Quòd si nolúerit, notum sit tibi, rex, quia deos tuos non cólimus, & státuam áuream, quam erexísti, non adorámus. Tunc Nabuchodónosor replétus est furóre: & aspéctus faciéis illius immutátus est super Sidrach, Misach, & Abdénago, & præcepit, ut succenderétur fornax septuplum, quàm succéendi consuève-

rat. Et viris fortíssimis de exercitu suo jussit, ut ligátis pédibus Sidrach, Misach, & Abdénago, mitterent eos in fornácem ignis ardéntis. Et confestim viri illi vincti, cum braccis suis, & tiáris, & calceaméntis, & véstibus, missi sunt in médium fornácis ignis ardéntis: nam jússio regis urgébat: fornax autem succénfa erat nimis. Porro viros illos, qui míserent Sidrach, Misach, & Abdénago, interfécit flamma ignis. Viri autem hi tres, id est, Sidrach, Misach, & Abdénago, ceciderunt in médio camíno ignis ardéntis, colligáti. Et ambulábant in médio flammæ laudántes Deum, & benedicétes Dómino. *Hic non dicitur:*

Flectámus génua, sed tantum Orémus.

Oratio.

OMnípotens sempitérne Deus, spes única mundi, qui Prophetárum tuórum præcónio, præsentium témporum declarásti mystéria: auge pópuli tui vota placátus: quia in nullo fidélium, nisi ex tua inspiratióne, proveniunt quarúmlibet incrementa virtutum. Per Dóminum nostrum.

His expletis, si Ecclesia habuerit fontem Baptismalem, Sacerdos benedicturus Fontem, accipit pluviale violaceum, & præcedente Cruce, cum Candelabris, & Cereo benedicto accenso, descendit cum Clero & Ministris paratis ad Fontem: & interim cantatur sequens

Tract. Ps. 41. Sicut cervus desíderat ad fontes aquárum: ita desíderat ánima mea ad te, Deus.

V. Sitívit ánima mea ad Deum vivum: quando véniam, & apparebo ante faciém Dei?

V. Fuérunt mihi lácrymæ meæ:
panes die ac nocte, dum dicitur mihi
per singulos dies: Ubi est Deus tuus?

*Deinde Sacerdos antequam intret ad
benedictionem Fontis, dicit hanc Orati-
onem juxta Fontem.*

V. Dóminus vobíscum.

R. Et cum spírítu tuo.

Orémus.

Oratio.

OMnípotens sempitérne Deus, ré-
spice propítius ad devotíonem pó-
puli renascéntis, qui sicut cervus,
aquárum tuárum expetit fontem: &
concéde propítius; ut fidei ipsíus fitis,
baptísmatis mystério ánimam corpús-
que sanctíficet. Per Dóminum nos-
trum.

*Postea procedit ad benedictionem Fon-
tis, dicens:*

V. Dóminus vobíscum.

R. Et cum spírítu tuo.

Orémus.

Oratio.

OMnípotens sempitérne Deus, adé-
sto magnæ pietátis tuæ mystériis,
adésto sacraméntis: & ad recreándos
novos pópulos, quos tibi fons baptís-
matis párturit, Spírítum adoptiónis
emítte: ut quod nostræ humilitátis
geréndum est ministério, virtútis tuæ
impleátur efféctu. Per Dóminum
nostrum. . . . in unitáte ejúsdem Spí-
ritús sancti Deus.

*Elevans vocem in modum Præfationis
prosequitur:*

Per ómnia sæcula sæculórum.

R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo
nostro.

R. Dignum & justum est.

Verè dignum & justum est, æquum
& salutáre, nos tibi semper, & ubique
grátias ágere: Dómine sancte, Pater
omnípotens ætérne Deus. Qui invi-
síbili poténtiâ, sacramentórum tuórum
mirábiliter operáris efféctum. Et licet
nos tantis mystériis exequéndis simus
indígni: tu tamen grátiae tuæ dóna
non déferens, étiam ad nostras preces,
aures tuæ pietátis inclínas. Deus,
cujus Spírítus, super aquas, inter ipsa
mundi primórdia ferebátur; ut jam
tunc virtútem sanctificátionis, aquá-
rum natúra concíperet. Deus, qui
nocéntis mundi crímina per aquas
ábluens, regeneratiónis spéciem in
ipsa dilúvii effusíone signásti: ut uníus
ejúsdémque eleménti mystério, & finis
esset vítiis, & orígo virtútibus. Ré-
spice, Dómine, in fáciem Ecclesiæ tuæ,
& multíplica in ea regeneratiónes tuas,
qui grátiae tuæ affluéntis impetu lætí-
ficas civitátem tuam: fontémque
baptísmatis áperis toto orbe terrárum.
Géntibus innovándis: ut tuæ majestá-
tis império, sumat Unigéniti tui grá-
tiam de Spírítu sancto.

*Hic Sacerdos manu extensa dividit
aquam in modum Crucis, & eam statim
lintheo extergit, dicens:*

Qui hanc aquam regenerándis ho-
mínibus præparátam, arcánâ sui nú-
minis admixtíone facúndet: ut sancti-
ficatíone concéptâ, ab immaculáto
divíni fontis útero, in novam renáta
creatúram, progénies coeléstis emér-
gat: Et quos aut sexus in corpore, aut ætas
discérnit in témpore: omnes in unam

páriat grátia mater infántiam. Procul ergo hinc, jubénte te, Dómine, omnis spíritus immúndus abscédât: procul tota nequítia, diabólicæ fraudis absístat. Nihil híc loci hábeat contráriæ virtútis admíxtio: non infidiádo circúmvolet: non laténdo subrépat: non inficiéndo corrúmpat.

Aquam manu tangit.

Sit hæc sancta & innocens creatúra, líbera ab omni impugnatóris incúrso, & totíus nequítiae purgáta discéssu. Sit fons vivus, aqua regénerans, unda puríficans: ut omnes hoc lavácro, salutífero diluéndi, operánte in eis Spíritu sancto, perfectæ purgatiónis indulgéntiam consequántur.

Facit tres Cruces supra Fontem, dicens:

Unde benedíco te, creatúra aquæ, per Deum ✠ vivum, per Deum ✠ verum, per Deum ✠ sanctum: per Deum, qui te in princípío, verbo separávit ab árida: cujus spíritus super te ferebátur.

Hic manu aquam dividit, & effundit eam versus quatuor mundi partes, dicens:

Qui te de paradísi fonte manáre fecit, & in quátuor flumínibus totam terram rigáre præcépit. Qui te in deserto amáram, suavitate índitâ fecit esse potábilem, & sitiénti pópulo de petra prodúxit.

Benedíco te & per Jesum Christum Fílium ejus únicum, Dóminum nostrum: qui te in Cana Galilææ signo admirábili, suâ poténtiâ convértit in vinum. Qui pédibus super te ambulávit: & à Joánnē in Jordáne in te baptizátus est.

Qui te unà cum ságuine de látere suo prodúxit: & discíplis suis jussit,

ut credéntes baptizaréntur in te, dicens: Ite, docéte omnes Gentes, baptizántes eos in nómine Patris, & Fílii, & Spíritûs sancti.

Mutat vocem, & prosequitur in tono Lectionis.

HÆc nobis præcépta servántibus, tu Deus omnípotens, clemens adésto: tu benígnus adspíra.

Halat ter in aquam in modum Crucis, dicens: Tu has símplex aquas tuo ore benedícito: ut præter naturálem emundatiónem, quam lavándis posunt adhibére corpóribus, sint étiam purificándis méntibus effícaces.

Hic Sacerdos paululum demittit Cereum in aquam: & resumens tonum Præfationis, dicit:

Descéndat in hanc plenitúdinem fontis, virtus Spíritûs sancti.

Deinde extractum Cereum de aqua, iterum profundius mergit, aliquanto altius repetens, Descéndat in hanc. Postea Cereum rursum de aqua extractum, tertio immergens usque ad fundum, altiori adhuc voce repetit, Descéndat. ut supra. Et deinde, sufflans ter in aquam secundum hanc figuram Ψ, prosequitur:

Totámque hujus aquæ substantiam, regenerándi fæcúndet efféctu.

Hic tollitur Cereus de aqua, & prosequitur:

Híc ómnium peccatórum máculæ deleántur: híc natúra imáginem tuam cóndita, & ad honórem sui reformáta princípíi, cunctis vetustátis squalóribus emundétur: ut omnis homo Sacraméntum hoc regeneratiónis ingrêssus, in veræ innocentiae novam infántiam renascátur.

Sequentia dicitur legendo:

Per Dóminum nostrum Jesum Christum Fílium tuum : qui ventúrus est judicáre vivos & mórtuos, & sæculum per ignem.

R/. Amen.

Deinde per assistentes Sacerdotes spargitur de ipsa aqua benedicta super populum. Et interim unus ex ministris Ecclesiæ accipit in vase aliquo de eadem aqua, ad aspergendum in domibus, & aliis locis. His peraetis, Sacerdos qui benedicit Fontem, infundit de oleo Catechumenorum in aquam in modum Crucis, intelligibili voce, dicens :

Sanctificetur, & foecundetur fons iste oleo salutis renascentibus ex eo, in vitam æternam. R/. Amen.

Deinde infundit de Chrismate, modo quo supra, dicens :

Infusio Chrismatis Dómini nostri Jesu Christi, & Spíritus sancti Parácliti, fiat in nómine sanctæ Trinitátis. R/. Amen.

Postea accipit ambas ampullas dicti Olei sancti & Chrismatis, et de utroque simul in modum Crucis infundendo, dicit :

Commixtio Chrismatis sanctificationis, & olei unctionis, & aquæ baptismatis, páriter fiat, in nómine Patris, & Fílii, & Spíritus sancti. R/. Amen.

Tunc miscet ipsum oleum cum aqua, et spargit manu sua per omnem fontem. Si aderunt baptizandi, eos baptizat more consueto. Deinde revertentibus, Sacerdote & ministris ad Altare, cantantur Litanie à duobus Clericis, & Chorus idem simul repetit, ut dicitur infra.

¶ Ubi vero non est fons Baptismalis, finita ultima Prophetia cum sua Oratione,

Celebrans casulam deponit, et cum ministris ante Altare procumbit : et aliis omnibus genuflexis, cantantur Litanie in medio Chori, à duobus cantoribus, utroque Choro idem simul respondente. Cum autem perventum fuerit ad V. Peccatores, te rogámus. Sacerdos et ministri surgunt, et accedentes ad Sacristiam, induuntur paramentis albi coloris pro Missa solemniter celebranda : et interim accendantur luminaria in Altari. In fine Litaniarum cantantur solemniter, Kyrie eléïson, et repetuntur, ut in Missa moris est.

Kyrie eléïson.

Christe eléïson.

Kyrie eléïson.

Christe, audi nos.

Christe, exáudi nos.

Pater de cœlis Deus, Misere nobis.

Fili Redemptor mundi Deus, misere nobis.

Spíritus sancte Deus, misere nobis.

Sancta Trinitas unus Deus, misere nobis.

Sancta María, Ora pro nobis.

Sancta Dei Génitrix,

Sancta Virgo Vírginum,

Sancte Michaël,

Sancte Gábriël,

Sancte Ráphaël,

Omnes sancti Angeli & Archángeli,

Oráte pro nobis.

Omnes sancti Beatorum Spírituum

órdines,

Sancte Joánnes Baptísta,

Sancte Joseph

Omnes sancti Patriarchæ & Prophætæ,

Sancte Petre,

Oráte pro nobis.

Sancte Paule,	ora.	Per Nativitatem tuam,	libera.
Sancte Andree,	ora.	Per Baptismum & sanctum Jejunium	
Sancte Joannes,	ora.	tuum,	libera nos, Domine.
Omnes sancti Apostoli & Evangelistae,		Per Crucem & Passionem tuam;	libera
Orate pro nobis.		nos, Domine.	
Omnes sancti Discipuli Domini,	orate.	Per Mortem & Sepulturam tuam,	
Sancte Stephane,	ora.	libera nos, Domine.	
Sancte Laurenti,	ora.	Per sanctam Resurrectionem tuam,	
Sancte Vincenti,	ora.	libera nos, Domine.	
Omnes sancti Martyres,	orate.	Per admirabilem Ascensionem tuam,	
Sancte Silvester,	ora.	libera nos, Domine.	
Sancte Gregori,	ora.	Per Adventum Spiritus sancti Paracliti,	
Sancte Augustine,	ora.	libera nos, Domine.	
Omnes sancti Pontifices & Confessores,	Orate pro nobis.	In die Judicii, libera nos, Domine.	
Omnes sancti Doctores,	orate.	Peccatores, Te rogamus, audi nos.	
Sancte Antoni,	ora.	Ut nobis parcas,	te rog.
Sancte Benedicte,	ora.	Ut Ecclesiam tuam sanctam regere &	
Sancte Domínice,	ora.	conservare digneris,	te rog.
Sancte Francísc,	ora.	Ut domnum Apostolicum, & omnes	
Omnes sancti Sacerdotes & Levitae,	Orate pro nobis.	Ecclesiasticos ordines in sancta Re-	
Omnes sancti Monachi & Eremitae,	Orate pro nobis.	ligione conservare digneris, te rog.	
Sancta Maria Magdalene,	ora.	Ut inimicos sanctae Ecclesiae humiliare	
Sancta Agnes,	ora.	digneris,	te rog.
Sancta Caecilia,	ora.	Ut regibus & principibus Christianis	
Sancta Agatha,	ora.	pacem & veram concordiam donare	
Sancta Anastasia,	ora.	digneris,	te rog.
Omnes sanctae Virgines & Viduae,	orate.	Ut nosmetipsos in tuo sancto servitio	
Omnes Sancti & Sanctae Dei, Inter-		confortare & conservare digneris,	te rog.
cedite pro nobis.		Ut omnibus benefactoribus nostris	
Propitius esto, Parce nobis, Domine.		sempiterna bona retribuas,	te rog.
Propitius esto, Exaudi nos, Dñe.		Ut fructus terrae dare & conservare	
Ab omni malo, Libera nos, Dñe.		digneris,	te rog.
Ab omni peccato,	libera.	Ut omnibus fidelibus defunctis re-	
A morte perpetua,	libera.	quiem aeternam donare digneris,	
Per mysterium sanctae Incarnationis		te rogamus, audi nos.	
tuae,	libera.	Ut nos exaudire digneris, te rogamus,	
Per Adventum tuum,	libera.	audi nos.	
		Agnus Dei, qui tollis peccata mundi,	
		Parce nobis, Domine.	

Agnus Dei, qui tollis peccata mundi,
Exaudi nos, Dómine.

Agnus Dei, qui tollis peccata mundi,
Miserere nobis.

Christe, audi nos.

Christe, exaudi nos.

Hic cantores solemner incipiunt Kyrie eléison, Christe eléison, Kyrie eléison, et ter singula repetuntur. Interim Sacerdos cum ministris in paramentis albis accedit ad Altare, et dicto Psalmo, Júdi- ca me Deus. cum Glória Patri. facit Confessionem, ut moris est, in loco con- sueto: deinde ascendens, osculatur Altare, incensat more solito, et finitis à Choro Kyrie eléison, incipit solemner, Glória in excélsis. et pulsantur campanæ.

Postea Sacerdos dicit, Dóminus vo- bís cum. R. Et cum spíritu tuo.

Orémus.

Oratio.

DEus, qui hanc sacratíssimam noc- tem glóriâ Domínicæ resurrecti- ónis illústras: conférva in nova famí- liæ tuæ progénie adoptiónis spíritum, quem dedísti: ut corpore & mente re- nováti, puram tibi exhibeant servitú- tem. Per eúndem Dóminum nostrum . . . in unitate ejúsdem Spíritus sancti Deus. Per ómnia.

Lectio Epístolæ beáti Pauli Apóstoli ad Colossénse. 3.

FRatres, si consurrexístis cum Christo, quæ sursum sunt quærite, ubi Christus est in dextera Dei sedens: quæ sursum sunt sápite, non quæ su- per terram. Mórtui enim estis, & vita vestra est abscondita cum Christo in Deo. Cúm Christus apparúerit, vita vestra: tunc & vos apparébitis cum ipso in glória.

Finis Epístolæ Celebrans incipit: Allelúia.

Et totum decantat ter, elevando vocem gradatim: et Chorus post quamlibet vicem, in eodem tono repetit illud idem. Postea Chorus prosequitur V. Ps. 117. Confité- mini Dómino, quóniam bonus: quón- iam in sæculum misericórdia ejus.

Deinde dicitur Tractus. Ps. 116.

Laudáte Dóminum, omnes Gentes: & collaudáte eum, omnes pópuli.

V. Quóniam confirmáta est super nos misericórdia ejus: & véritas Dó- mini manet in ætérnum.

Ad Evangelium non portantur lumi- naria, sed tantum incensum: petitur be- nedictio, & alia fiunt de more.

Sequéntia sancti Evangélii secúndum Matthæum. 28.

Vespere autem sabbati, quæ lucés- cit in prima sabbati, venit María Magdaléne, & áltera María, vidére sepúlchrum. Et ecce terræ mótus factus est magnus. Angelus enim Dómini descéndit de cœlo: & accé- dens revólvit lápidem, & sedébat super eum: erat autem aspéctus ejus sicut fulgur: & vestiméntum ejus sicut nix. Præ timóre autem ejus extérriti sunt custódes, & facti sunt velut mórtui. Respóndens autem Angelus, dixit muliéribus: Nolíte timére vos: scio enim, quòd Jesum, qui crucifixus est, quæritis: non est híc: surrexit enim, sicut dixit. Veníte, & vidéte locum, ubi pósitus erat Dóminus. Et citò eúntes, dicite discíplis ejus, quia sur- réxit: & ecce præcédit vos in Galilæ- am: ibi eum vidébitis. Ecce prædixi vobis.

Non dicitur, Credo. sed finito Evan- gelio, Sacerdos dicit: Dóminus vobís- cum. Postea Orémus. Non dicitur

*Offertorium. Ad Lavabo. dicitur Gló-
ria Patri.*

Secreta.

SUscipe, quæsumus, Dómine, pre-
ces pópuli tui, cum oblationibus
hostiarum : ut Paschálibus initiáta mys-
tériis, ad æternitátis nobis medélam,
te operánte, proficiant. Per Dómi-
num nostrum Jesum Christum Fílium
tuum : Qui.

Præfatio. Te quidem, Dómine, omni
témpace, sed in hac potíssimùm nocte.
ut infra.

Infra actionem.

Communicántes, & noctem sacra-
tíssimam celebrántes Resurrectió-
nis Dómini nostri Jesu Christi secún-
dum carnem, sed & memóriam vene-
rántes, in primis gloriósæ semper Vír-
ginis Mariæ, genitrícis ejúsdem Dei &
Dómini nostri Jesu Christi. &c.

Hanc igitur oblationem servitútis
nostræ: sed & cunctæ familiæ
tuæ, quam tibi offérimus pro his quo-
que, quos regeneráre dignátus es ex
aqua & Spíritu sancto, tribuens eis re-
missiónem ómnium peccatórum, quæ-
sumus, Dómine, ut, placátus accípias,
&c.

*Dicitur, Pax Dómini sit semper vo-
biscum. sed pacis osculum non datur.
Agnus Dei non dicitur, nec Postcommu-
nio: dicuntur tamen tres consuetæ Ora-
tiones ante Communionem.*

*Post sumptionem Sacramenti, pro Ves-
peris in Choro cantatur Antiph. Allelúia,
allelúia, allelúia. & Ps. Laudáte Dó-
minum, omnes Gentes. cum Glória
Patri. in fine: & post repetitur eadem
Antiphona. Capitulum, Hymnus, & Ver-
sus non dicuntur, sed statim Celebrans in
cantu incipit Antiphonam ad Magníficat.*

Véspere autem sabbati.

*Et prosequitur Chorus, quæ lucéscit
in prima sabbati, venit María Magda-
léne, & áltera María, vidére sepúl-
chrum, allelúia.*

*Deinde cantatur Magníficat. cum
Glória Patri. in fine; & fit incensatio,
ut alias in Vesperis.*

Repetita Antiphona, Celebrans dicit:
V. Dóminus vobiscum.

R. Et cum spíritu tuo.

Orémus.

Spíritum nobis, Dómine, tuæ cha-
ritátis infúnde: ut quos sacramén-
tis Paschálibus satiásti, tuâ fácias pie-
táte concórdes. Per Dóminum....
in unitáte ejúsdem Spíritus sancti
Déus.

Deinde dicit: Dóminus vobiscum.

*Et Diaconus vertens se ad populum,
cantat:*

Ite Missa est, allelúia, allelúia.

R. Deo grátias, allelúia, allelúia.

*Et Sacerdos dicto, Pláceat tibi sancta
Tríinitas. dat benedictionem more solito.*

✠

O R D O M I S S A E.

Sacerdos paratus cum ingreditur ad Altare, facta illi debita reverentia, signat se signo Crucis à fronte ad pectus, & clara voce dicit:

IN nómine Patris, & Fílii, & Spíritus sancti. Amen.

Deinde iunctis manibus ante pectus, incipit Antiphonam. Introibo ad altare Dei.

Ministri R. Ad Deum, qui lætíficat juventútem meam.

Postea alternatim cum Ministris dicit sequentem Psalmum.

Judica me, Deus, & discérne causam meam de gente non sancta, ab hómine iníquo & dolóso érue me.

M. Quia tu es Deus fortitúdo mea: quare me repulísti? & quare tristis incédo, dum affligit me inimicus?

S. Emítte lucem tuam, & veritátem tuam: ipsa me deduxérunt, & adduxérunt in montem sanctum tuum, & in tabernácula tua.

M. Et introibo ad altare Dei: ad Deum, qui lætíficat juventútem meam.

S. Confitébor tibi in cíthara, Deus, Deus meus: quare tristis es, ánima mea? & quare contúrbas me?

M. Spera in Deo, quóniam adhuc confitébor illi: salutáre vultus mei, & Deus meus.

S. Glória Patri, & Fílio, & Spíritui sancto.

M. Sicut erat in princípío, & nunc, & semper, & in sæcula sæculórum. Amen.

S. Repetit Antiphonam. Introito ad altare Dei.

R. Ad Deum, qui lætíficat juventútem meam.

Signat se dicens: V. Adjutórium nostrum in nómine Dómini.

R. Qui fecit cœlum & terram.

Deinde iunctis manibus, profunde inclinatus facit Confessionem.

¶ *In Missis Defunctorum, & in Missis de Tempore à Dominica Passionis usque ad Sabbatum sanctum exclusive, omittitur Psalmus. Júdica me, Deus. cum Glória Patri. & repetitione Antiphonæ: sed dicto In nómine Patris. Introibo. & Adjutórium. fit Confessio, ut sequitur:*

Confiteor Deo omnipoténti, beátæ Mariæ semper Vírgini, beáto Michaéli Archángelo, beáto Joánni Baptístæ, sanctis Apóstolis Petro & Paulo, ómnibus Sanctis, & vobis, fratres: quia peccávi nimis cogitatione, verbo, & ópere: [*Percutit sibi pectus ter, dicens*] meâ culpâ, meâ culpâ, meâ máximâ culpâ. Ideò precor beátam Mariam semper Vírginem, beátum Michaélem Archángelum, beátum Joánnem Baptístam, sanctos Apóstolos Petrum & Paulum, omnes Sanctos, & vos, fratres, oráre pro me ad Dóminum Deum nostrum.

Ministri R.

Misereatur tuī omnipotens Deus, & dimissis peccatis tuis, perducat te ad vitam æternam.

Sacerdos dicit, Amen. Et erigit se.

Deinde Ministri repetunt Confessionem:

Et ubi à Sacerdote dicebatur vobis fratres, & vos fratres, à ministris dicitur tibi pater, & te pater.

Postea Sacerdos, junctis manibus, facit absolutionem, dicens:

Misereatur vestrī omnipotens Deus, & dimissis peccatis vestris, perducat vos ad vitam æternam.

R. Amen.

Signat se signo Crucis, dicens:

Indulgentiam, absolutionem, & remissionem peccatorum nostrorum, tribuat nobis omnipotens & misericors Dominus. *R. Amen.*

Et inclinatus prosequitur V. Deus, tu conversus vivificabis nos. R. Et plebs tua lætabitur in te. V. Ostende nobis, Domine, misericordiam tuam. R. Et salutare tuum da nobis. V. Domine, exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.

Et extendens ac jungens manus, clara voce dicit, Orémus, & ascendens ad Altare, dicit secreto:

Aufer à nobis, quæsumus, Domine, iniquitates nostras: ut ad sancta sanctorum, puris mereamur mentibus introire. Per Christum Dominum nostrum. Amen.

Deinde manibus junctis super Altare, inclinatus dicit:

ORamus te, Domine, per mérita Sanctorum tuorum, [*Osculatur Altare in medio,*] quorum reliquæ hîc sunt,


& omnium Sanctorum: ut indulgere digneris omnia peccata mea. Amen.

In Missa solemni, Celebrans antequam legat Introitum, benedicit incensum, dicens: Ab illo benedicaris, in cujus honore cremaberis. Amen. Et accepto thuribulo à Diacono, incensat Altare, nihil dicens. Postea Diaconus, recepto thuribulo à Celebrante, incensat illum tantum. Deinde Celebrans signans se signo Crucis incipit Introitum: quo finito, junctis manibus, alternatim cum ministris dicit:

KYrie, eléison. Kyrie, eléison. Kyrie, eléison. Christe, eléison. Christe, eléison. Kyrie, eléison. Kyrie, eléison. Kyrie, eléison.


Postea in medio Altaris extendens, elevans & jungens manus, caputque aliquantulum inclinans, dicit, si dicendum est, Glória in excelsis Deo. Et prosequitur, junctis manibus. Cum dicit, Adoramus te, Grátias ágimus tibi, & Jesu Christe, & Súscipe deprecationem, inclinatur caput: & in fine dicens, Cum sancto Spíritu, signat se à fronte ad pectus.

In Duplicibus & solemnibus diebus.




Gló-ri-a in excelsis De-o.

In Missis Beatæ Mariæ.




Gló-ri-a in ex-cel-sis




De-o.

*In Dominicis, Festis Semiduplicibus,
& infra Octavas, quæ non sunt Beatæ
Mariæ.*



Gló- ri-a in ex-cél-sis



De- o.

Et in terra pax homínibus bonæ voluntátis. Laudámus te, Benedí-
mus te, Adorámus te, Glorificámus
te. Grátias ágimus tibi, propter mag-
nam glóriam tuam, Dómine Deus
Rex coeléstis, Deus Pater omnípotens.
Dómine Fili unigénite Jesu Christe.
Dómine Deus, Agnus Dei, Fílius Pa-
tris. Qui tollis peccáta mundi, mise-
rere nobis. Qui tollis peccáta mundi,
súscipe deprecationem nostram. Qui
sedes ad dexteram Patris, miserere no-
bis. Quóniam tu solus sanctus, Tu
solus Dóminus, Tu solus Altíssimus,
Jesu Christe, Cum sancto Spíritu, in
glória Dei Patris. Amen.

*Sic dicitur, Glória in excelsis. etiam
in Missis beatæ Mariæ, quando dicenda
est. Deinde osculatur Altare in medio,
& versus ad populum dicit V. Dómi-
nus vobíscum. R. Et cum spíritu tuo.
Postea dicit, Orémus, & Orationes, unam
aut plures, ut Ordo Officii postulat: se-
quitur Epístola, Graduále, Tractus,
vel Allelúia, cum Versu, aut Sequén-
tia, ut tempus postulat. His finitis, si
est Missa solemnis, Diaconus deponit
librum Evangeliorum super medium Al-
taris, & Celebrans benedicit incensum, ut
supra: Deinde Diaconus genuflexus ante
Altare, manibus junctis, dicit:*

Munda cor meum, ac lábia mea,
omnípotens Deus, qui lábia Isaíæ
Prophétæ cálculo mundásti ignito: ita
me tuâ gratâ miseratione dignáre mun-
dáre, ut sanctum Evangélium tuum
dignè váleam nuntiáre. Per Christum
Dóminum nostrum. Amen.

*Postea accipit librum de Altari, & rur-
sus genuflexus petit benedictionem à Sa-
cerdote, dicens: Jube domne benedí-
cere.*


Sacerdos respondet:

Dominus sit in corde tuo, & in
lábiis tuis: ut dignè & compe-
tenter annúnties Evangélium suum:
In nómine Patris, & Fílii, & Spí-
ritûs sancti. Amen.

*Et accepta benedictione, osculatur ma-
num Celebrantis: & cum aliis Ministris,
incenso & luminaribus, accedens ad lo-
cum Evangelii, stans junctis manibus,
dicit V. Dóminus vobíscum. R. Et
cum spíritu tuo. Et pronuntians Se-
quéntia sancti Evangelii secundum
N. sive Inítium. pollice dextræ manus
signat librum in principio Evangelii, quod
est lecturus, deinde seipsum in fronte,
ore, & pectore: & dum Ministri re-
spondent Glória tibi, Dómine. incensat
ter librum, in medio à dextris et à si-
nistris libri, postea prosequitur Evange-
lium, junctis manibus. Quo finito, Sub-
diaconus defert librum Sacerdoti, qui os-
culatur Evangelium, dicens: Per Evan-
gélia dicta deleántur nostra delícta.
Deinde Sacerdos incensatur à Diacono. Si
vero Sacerdos sine Diacono, & Subdiacono
celebrat, delato libro ad aliud cornu Al-
taris, inclinatus in medio, junctis mani-
bus dicit: Munda cor meum. ut supra.
& Jube domne benedícere. Dómi-*

nus sit in corde meo, & in lábiis meis: ut dignè & competèter annúntiem Evangélium suum. Amen.

Deinde conversus ad librum, júnctis manibus, dicit *V. Dóminus vobíscum. R. Et cum spíritu tuo. Et pronuntians, Inítium, sive Sequéntia sancti Evangélii, &c. signat librum, & se in fronte, ore, & pectore, & legit Evangelium, ut dictum est. Quo finito, respondet minister, Laus tibi, Chríste, et Sacerdos osculatur Evangelium, dicens: Per Evangélica dicta. ut supra. In Missis Defunctorum dicitur, Munda cor meum. sed non petitur benedictio, non deferuntur luminaria, nec Celebrans osculatur librum. Deinde ad medium Altaris extendens, elevans, et jungens manus, dicit, si dicendum est, Credo in unum Deum. et prosequitur júnctis manibus. Cum dicit Deum, caput Crucis inclinat: quod similiter facit cum dicit, Jesum Christum, et simul adorátur. Ad illa autem verba, Et incarnátus est, genuflectit usque dum dicatur, Et homo factus est. In fine ad Et vitam ventúri sæculi, signat se signo Crucis à fronte ad pectus.*



Cre-do in unum De-um,

Patrem omnipoténtem, factórem cœli & terræ, visibílium ómnium, & invisibílium. Et in unum Dóminum Jesum Christum, Fílium Dei unigénitum. Et ex Patre natum ante ómnia sæcula. Deum de Deo, lumen de lumine, Deum verum de Deo vero. Génitum, non factum, consubstantiálem Patri:

per quem ómnia facta sunt. Qui propter nos hómines, & propter nostram salutem descendit de cœlis. [*Hic genuflectitur.*] Et incarnátus est de Spíritu sancto ex María vírgine: Et homo factus est. Crucifixus étiam pro nobis, sub Póntio Piláto, passus, & sepúltus est. Et resurrexit tértiâ die, secúndum Scriptúras. Et ascendit in cœlum: sedet ad dexteram Patris. Et iterum ventúrus est cum glória judicáre vivos, & mórtuos: cujus regni non erit finis. Et in Spíritum sanctum, Dóminum & vivificántem: qui ex Patre Filióque procedit. Qui cum Patre & Fílio simul adorátur, & conglorificátur: qui locútus est per Prophétas. Et unam sanctam Cathólicam & Apostólicam Ecclésiám. Confiteor unum baptísma in remissionem peccatórum. Et expecto resurrectionem mortuórum. Et vitam ventúri sæculi. Amen.

Deinde osculatur Altare, et versus ad populum, dicit *V. Dóminus vobíscum. R. Et cum spíritu tuo. Postea dicit, Orémus, et Offertorium. Quo dicto, si est Missa solemnis, Diaconus porrigit Celebranti Patenam cum Hostia: si privata, Sacerdos ipse accipit Patenam cum Hostia, quam offerens, dicit:*

SUscipe, sancte Pater, omnipotens ætérne Deus, hanc immaculátam Hóstiam, quam ego indignus famulus tuus offero tibi Deo meo, vivo & vero, pro innumerabílibus peccátis & offensionibus, & negligétiis meis, & pro ómnibus circumstántibus, sed & pro ómnibus fídelibus Christiánis vivis atque defúntis: ut mihi & illis proficiat ad salutem in vitam ætérnam. Amen.

Deinde faciens crucem cum eadem Patena, deponit Hostiam super Corporale. Diaconus ministrat vinum, Subdiaconus aquam in Calice: vel si privata est missa, utrumque infundit Sacerdos, & aquam miscendam in Calice benedicit, dicens:

DEus, qui humanæ & substantiæ dignitatem mirabiliter condidisti, & mirabilius reformasti: da nobis per hujus aquæ & vini mysterium, ejus divinitatis esse consortes, qui humanitatis nostræ fieri dignatus est particeps, Jesus Christus Filius tuus Dominus noster: Qui tecum vivit & regnat in unitate Spiritus sancti Deus, per omnia sæcula sæculorum. Amen.

In Missis pro Defunctis dicitur prædicta Oratio: sed aqua non benedicitur. Postea accipit Calicem, & offert, dicens:

Offerimus tibi, Domine, Calicem salutaris, tuam deprecantes clementiam: ut in conspectu divinæ majestatis tuæ, pro nostra & totius mundi salutē cum odore suavitatis ascendat. Amen.

Deinde facit signum Crucis cum Calice, & illum ponit super Corporale, & palla cooperit: tum junctis manibus super Altare, aliquantulum inclinatus dicit:

In spiritu humilitatis, & in animo contrito suscipiamur à te, Domine: & sic fiat sacrificium nostrum in conspectu tuo hodie, ut placeat tibi, Domine Deus.

Erectus expandit manus, easque in altum porrectas, jungens, elevatis ad cælum oculis, & statim demissis, dicit:

Veni, sanctificator omnipotens æternæ Deus, [Benedicit oblata, prosequendo,] & benedic hoc sacrifici-

cium tuo sancto nomini præparatum.

Postea, si solemner celebrat, benedicit incensum, dicens:

Per intercessionem beati Michaelis Archangeli stantis à dextris altaris incensi, & omnium electorum suorum, incensum istud dignetur Dominus benedicere, & in odorem suavitatis accipere. Per Christum Dñm nostrum. Amen.

Et accepto thuribulo a Diacono, incensat oblata, modo in Rubricis generalibus præscripto, dicens:

Incensum istud à te benedictum, ascendat ad te, Domine, & descendat super nos misericordia tua.

Deinde incensat Altare, dicens:

Dirigatur, Domine, oratio mea, sicut incensum in conspectu tuo: elevatio manuum mearum sacrificium vespertinum. Pone, Domine, custodiam ori meo, & ostium circumstantiæ labiis meis; ut non declinet cor meum in verba malitiæ, ad excusandas excusationes in peccatis.

Dum reddit thuribulum Diacono, dicit:

Accendat in nobis Dominus igitur nem sui amoris, & flammam æternæ charitatis. Amen.

Postea incensatur Sacerdos a Diacono, deinde alii per ordinem. Interim Sacerdos lavat manus, dicens:

Lavabo inter innocentes manus meas: & circumdabo altare tuum, Domine.

Ut audiam vocem laudis: & enarrem universa mirabilia tua.

Domine, dilexi decorem domus tuæ, & locum habitationis gloriæ tuæ.

Ne perdas cum impiis animam meam: & cum viris sanguinum vitam meam.

In quorum manibus iniquitates sunt: dextera eorum repleta est muneribus.

Ego autem in innocentia mea ingressus sum: redime me, & miserere mei.

Pes meus stetit in directo: in ecclesiis benedicam te, Domine.

Glória Patri & Filio, & Spiritui sancto.

Sicut erat in principio, & nunc, & semper, & in sæcula sæculorum. Amen.

In Missis pro Defunctis, & tempore Passionis in Missis de Tempore omittitur Glória Patri. Deinde aliquantulum inclinatus in medio Altaris, junctis manibus super eo, dicit:

Suscipe, sancta Trinitas, hanc oblationem, quam tibi offerimus ob memoriam passionis, resurrectionis, & ascensionis Jesu Christi Domini nostri: & in honorem beatæ Mariæ semper Virginis, & beati Joannis Baptistæ, & sanctorum Apostolorum Petri & Pauli, & istorum & omnium Sanctorum: ut illis proficiat ad honorem, nobis autem ad salutem, & illi pro nobis intercedere dignentur in cœlis, quorum memoriam agimus in terris. Per eundem Christum Dominum nostrum. Amen.

Postea osculatur Altare, & versus ad populum, extendens & jungens manus, voce paululum elevata, dicit.

Orate fratres: ut meum ac vestrum sacrificium acceptabile fiat apud Deum Patrem omnipotentem.

Minister, seu circumstantes respondent: alioquin ipsemet Sacerdos.

Suscipiat Dominus sacrificium de manibus tuis (vel meis) ad laudem & gloriam nominis sui, ad utilitatem quoque nostram, totiusque Ecclesiæ suæ sanctæ.

Sacerdos submissa voce dicit. Amen.

Deinde manibus extensis absolute sine Orémus, subjungit Orationes secretas. Quibus finitis, cum pervenerit ad conclusionem, clara voce dicit: Per omnia sæcula sæculorum. cum Præfatione, ut in sequentibus. Præfatio incipitur ambabus manibus positis hinc inde super Altare: quas aliquantulum elevat, cum dicit, Sursum corda. Jungit eas ante pectus, & caput inclinat, cum dicit, Grátias agamus Domino Deo nostro. Deinde disjungit manus, & disjunctas tenet usque ad finem Præfationis: qua finita, iterum jungit eas, & inclinatus dicit: Sanctus. Et cum dicit Benedictus qui venit, signum Crucis sibi producit a fronte ad pectus.

PRÆFATIONES.

¶ Sequens Præfatio cum suo cantu dicitur a Nativitate Domini usque ad Epiphaniam (præterquam in die Octava sancti Joannis Apostoli) & in Purificatione beatæ Mariæ: & in festo Corporis Christi, & per Octavam, nisi in ea occurrat Festum, quod propriam Præfationem habeat: & in Transfiguratione Domini, ac in festo S. S. Nominis Jesu, necnon in Missis votivis de S. S. Sacramento.

P Er omnia sæcula sæcu-
lo-rum. *R.* Amen. *V.* Domi-
nus vo-bis-cum. *R.* Et cum spiri-
tu tu-o. *V.* Sur-sum cor-da.
R. Habemus ad Dominum.
V. Grati-as a-ga-mus Domino
De-o nostro. *R.* Dignum &
justum est. Verè dignum &
justum est, æquum & salu-
ta-re, nos tibi semper & ubi-
que grati-as a-gere: Domi-
ne sancte, Pater omni-po-
tens, æterne De-us.
Quia per incarnati Verbi

my-ste-rium, nova mentis
nostræ oculis lux tuæ clari-
ta-tis infulsit: ut dum
visi-bi-liter Deum cogno-
scimus, per hunc in invisibi-
lium amorem ra-pi-amur.
Et i-de-ò cum Angelis &
Archangelis, cum Thronis &
Domi-na-ti-o-nibus, cum-
que omni mi-li-ti-a cœlestis
ex-er-citûs, hymnum glo-
ri-æ tu-æ ca-nimus, fi-ne
fi-ne dicentes.

Infra Actionem.

Communicantes. *Sub eadem Præ-
fatione sine notis, fol. 208.*

¶ Sequens Præfatio cum suo cantu dicitur in Epiphania Domini & per Octavam.

Per omnia sæcula sæ-
cu-lo-rum. R. Amen. V. Do-
minus vo-bis-cum. R. Et cum
spiritu tu-o. V. Sur-sum cor-da.
R. Habe-mus ad Dominum.
V. Grati-as a-ga-mus Domino
De-o nostro. R. Dignum &
justum est. Verè dignum &
justum est, æquum & salu-
ta-re, nos tibi semper, & ubi-
que grati-as a-gere: Domi-
ne sancte, Pater omni-potens,
æterne De-us. Quia cum

Unigenitus tuus in substan-
ti-a nostræ mortali-tatis ap-
pa-ruit, nova nos immortali-
tatis fu-æ lu-ce re-para-vit.
Et i-de-ò cum Angelis &
Archangelis, cum Thronis &
Domina-ti-o-ni-bus, cumque
omni mi-li-ti-a coelestis
ex-er-citûs, hymnum glori-æ
tu-æ ca-nimus, si-ne si-ne
dicentes.

Infra Actionem.

Communicantes. *Sub eadem Præfatione sine notis, fol. 209.*

¶ Sequens Præfatio cum suo cantu dicitur in Dominicis Quadragesimæ, & in Festis Duplicibus & Semiduplicibus in ea occurrentibus, usque ad Dominicam Passionis, nisi in Festis propria assignetur.

P Er omnia sæcula sæcu-
lo-rum. R. Amen. V. Dominus
vo-bis-cum. R. Et cum spiritu
tu-o. V. Sur-sum cor-da.
R. Habe-mus ad Dominum.
V. Grati-as a-ga-mus Domino
De-o nostro. R. Dignum
& justum est. Verè dig-
num & justum est, æquum
& sa-lu-ta-re, nos tibi sem-
per, & ubique grati-as
a-gere: Domine sancte, Pater
omni-potens, æterne De-us.
Qui corporali jejuni-o vi-

ti-a comprimis, mentem
e-levas, virtutem largiris &
præmi-a: Per Chri-stum
Dominum nostrum.
Per quem majestatem
tuam laudant Angeli,
adorant Domina-ti-o-nes,
tremunt po-tes-ta-tes. Cœli,
cœlorumque virtutes, ac
be-a-ta Se-raphim, so-ci-a
exultati-o-ne conce-lebrant.
Cum quibus & nostras voces,
ut admitti ju-beas depre-ca-
mur, sup-plici confessi-o-ne
C c

dicentes.

¶ *Sequens Præfatio cum suo cantu dicitur in Dominica Passionis, in Dominica Palmarum, in Feria quinta in Cæna Domini, & in Festis Duplicibus, & Semiduplicibus eo tempore occurrentibus (nisi in Festis propria assignetur) & in sollemnitatibus sanctæ Crucis.*

Per omnia sæcula sæ-
cu-lo-rum. R. Amen. V. Do-
minus vo-bis-cum. R. Et cum
spiritu tu-o. V. Sur-sum cor-da.
R. Habe-mus ad Dominum.
V. Grati-as a-ga-mus Domino.
De-o. nostro. R. Dignum &
justum est. Verè dignum &
justum est, æquum & fa-lu-
ta-re, nos tibi semper, & ubi-

que grati-as a-gere: Domi-
ne sancte, Pater omni-potens,
æterne De-us. Qui fa-
lutem humani generis
in. ligno. Crucis consti-
tu-i-sti: ut unde mors
ori-e-ba-tur, inde vi-ta
resurgeret: & qui in ligno
vin-ce-bat, in ligno quo-
que vince-re-tur: per Chri-stum
Dominum nostrum. Per quem
majestatem tuam laudant Angeli,
adorant Domina-ti-o-nes, tre-
munt po-testa-tes. Cœli cœlo-



rumque virtutes, ac be-a-ta
Se-raphim, so-ci-a exultati-o-ne
conce-lebrant. Cum quibus &
nostras voces, ut admitti ju-
beas depre-ca-mur, sup-plici
confessi-o-ne dicentes.

¶ Sequens Præfatio cum suo cantu di-
citur a Vigilia Paschæ usque ad Ocla-
vam, & in Dominicis usque ad Ascen-
sionem: & in Festis Duplicibus & Se-
miduplicibus eo tempore occurrentibus,
nisi in eis propria assignetur. In Missis
Sabbati Sancti dicitur, In hac potissi-
mum nocte. In die Paschæ, usque ad
Sabbatum in Albis inclusive, in hac po-
tissimum die; & deinceps in hoc po-
tissimum gloriosius.

Per omnia sæcula sæcu-
lo-rum. R. Amen. V. Domi-
nus vo-bis-cum. R. Et cum spiri-
tu tu-o. V. Sur-sum cor-da.

R. Habe-mus ad Dominum.
V. Grati-as a-ga-mus Domino
De-o nostro. R. Dignum &
justum est. Verè dignum &
justum est, æquum & sa-lu-
ta-re, Te quidem Domine,
omni tempore, sed in hac po-
tis-simùm die glori-o-fi-ùs præ-
di-ca-re, cum Pascha nostrum
immola-tus est Christus.
Ipse enim verus est Ag-
nus, qui ab-stulit pec-ca-ta
mundi. Qui mortem nos-
tram moriendo destrux-it,


 & vi-tam refurgendo re-pa-

 ra-vit. Et i-de-ò cum

 Angelis & Archangelis, cum

 Thronis & Domina-ti-o-nibus,

 cumque omni mi-li-ti-a cœlestis

 ex-er-citûs, hymnum gloriæ




 tu-æ ca-nimus, fi-ne fi-ne

 dicentes.

Infra Actionem.

Communicantes. *Sub eadem Præfatione sine notis, fol. 209.*

¶ Sequens Præfatio cum suo cantu dicitur in die Ascensionis usque ad Vigiliam Pentecostes exclusive, & in Festis tunc occurrentibus, nisi propriam habuerint.


Per omnia sæcula sæ-

 cu-lo-rum. R. Amen. V. Do-

 minus vo-bis-cum. R. Et cum spi-


 ritu tu-o. V. Sur-sum cor-da.

 R. Habe-mus ad Dominum.

 V. Grati-as a-ga-mus Domino

 De-o nostro. R. Dignum &

 justum est. Verè dignum &

 justum est, æquum & fa-lu-

 ta-re, nos tibi semper & ubi-

 que grati-as a-gere: Domine

 sancte, Pater omni-potens, æter-

 ne De-us: per Chri-stum Do-

 minum nostrum. Qui post re-

 surrecti-o-nem suam omnibus dis-

 cipulis su-is manifestus ap-pa-

 ru-it, & ipsis cernentibus est

e-levatus in coelum, ut
nos divini-ta-tis su-æ tri-
bueret ef-se parti-cipes.
Et i-de-ò cum Angelis &
Archangelis, cum Thronis &
Domina-ti-o-ni-bus, cumque
omni mi-li-ti-a coelestis ex-er-
citus, hymnum glori-æ tu-æ
ca-nimus, si-ne si-ne
dicentes.

Infra Actionem.

Communicantes. *Sub eadem Præ-
fatione sine notis, fol. 210.*

*¶ Sequens Præfatio cum suo cantu
dicitur a Vigilia Pentecostes, usque ad
sequens Sabbatum inclusive.*

P Er omnia sæcula sæ-

cu-lo-rum. *R.* Amen. *V.* Do-
minus vo-bis-cum. *R.* Et cum spi-
ritu tu-o. *V.* Sur-sum cor-da.
R. Habe-mus ad Dominum.
V. Grati-as a-ga-mus Domino
De-o nostro. *R.* Dignum &
justum est. Verè dignum &
justum est, æquum & fa-lu-
ta-re, nos tibi semper & ubi-
que grati-as a-gere: Domine
sancte, Pater omni-potens, æter-
ne De-us: per Chri-stum Do-
minum nostrum. Qui as-cen-dens
super omnes coelos, sedens

que ad dexteram tu-am,

promissum Spiritum sanctum

ho-di-erna di-e in fi-li-os

adopti-o-nis ef-fu-dit.

Quapropter profusis gaudi-is,

totus in orbe terrarum mun-

dus exultat. Sed & super-

næ virtutes, atque Angelicæ

pote-sta-tes, hymnum glori-æ

tu-æ concinunt, si-ne si-ne

dicen-tes.

Infra Actionem.

Communicantes. *Sub eadem Præ-
fatione sine notis, fol. 211.*

¶ *Sequens Præfatio cum suo cantu di-
citur in Festo SS. Trinitatis & in omnibus
Dominicis per Annum, ex Decr. SS.
Papæ CLEMENT. XIII die tertia Ja-
nuarii, anno M.DCC.LIX.*

P Er omnia sæcula sæcu-

lo-rum. R. Amen. V. Dominus

vo-bis-cum. R. Et cum spiritu

tu-o. V. Sur-sum cor-da.

R. Habe-mus ad Dominum.

V. Grati-as a-ga-mus Domino

De-o nostro. R. Dignum

& justum est. Verè dig-

num & justum est, æquum

& fa-lu-ta-re, nos tibi sem-

per, & ubique grati-as

a-gere: Domine sancte, Pater

omni-potens, æterne De-us.

Qui cum unigenito Fili-o

tuo, & Spiri-tu sancto, u-
nus es De-us, u-nus es
Dominus: non in uni-us
sin-gu-la-ri-ta-te Per-so-næ,
sed in uni-us Trini-ta-te
substanti-æ. Quod enim
de tu-a glori-a, revelante
te, cre-dimus, hoc de Fi-
li-o tu-o, hoc de Spiri-
tu sancto, sine differenti-a
discreti-o-nis sen-ti-mus.
Ut in confessione veræ, sem-
piternæque Dei-ta-tis, & in
personis pro-pri-e-tas, & in

essenti-a u-ni-tas, & in
majesta-te adore-tur æqua-li-
tas. Quam laudant Angeli,
atque Archangeli, Cherubim
quoque ac Se-raphim: qui
non cessant clamare quotidi-e,
una vo-ce dicentes.

¶ Sequens Præfatio cum suo cantu di-
citur in Festis Beatæ Mariæ [excepto
Festo Purificationis, in quo dicitur de
Nativitate Domini] & per eorum Octa-
vas etiam in Festis infra eas occurrenti-
bus, si propriam non habuerint. Dicitur
autem vel, Et te in Annuntiatiône
vel Visitatiône, vel Assumptiône, vel
Nativitate, vel Præsentatiône, vel
Conceptione, secundum denominationem
Festi: & in Dedicatione sanctæ Mariæ
ad Nives dicitur, Et te in Festivitate.

Per omnia sæcula sæ-
cu-lo-rum. R. Amen. V. Do-
minus vo-bis-cum. R. Et cum


 spiritu tu-o. *V.* Sur-sum cor-da.

R. Habe-mus ad Dominum.

V. Grati-as a-ga-mus Domino

 De-o nostro. *R.* Dignum &

 justum est. Verè dignum &

 justum est, æquum & sa-lu-

 ta-re, nos tibi semper, & ubi-

 que grati-as a-gere: Domi-

 ne sancte, Pater omni-potens,















 æterne De-us. Et te in * * *

 * * be-a-tæ Mariæ semper

 Virginis collau-da-re, benedi-

 cere, & præ-di-ca-re. Quæ

 & Unigenitum tuum sancti


 Spiritûs obumbratione conce-

 pit: & virginitatis glori-â per-

 manente, lumen æternum mun-

 do ef-fu-dit, Jesum Christum

 Dominum nostrum,

 Per quem majestatem

 tuam laudant Angeli,

 adorant Domina-ti-o-nes,

 tremunt po-tes-ta-tes. Cœli,

 cœlorumque virtutes, ac

 be-a-ta Se-raphim, so-ci-a

 exultati-o-ne conce-lebrant.

 Cum quibus & nostras voces,

 ut admitti ju-beas depre-ca-

mur, sup-plici confessi-o-ne
dicen-tes.

¶ Sequens Præfatio cum suo cantu di-
citur in Festis Apostolorum, & Evange-
listarum (præterquam in die S. Joannis
Apost.) & per Octavas eorum, & in
Festis infra eas occurrentibus, nisi in eis
propria assignetur.

Per omnia sæcula sæcu-
lo-rum. R. Amen. V. Domi-
nus vo-bis-cum. R. Et cum spiri-
tu tu-o. V. Sur-sum cor-da.
R. Habe-mus ad Dominum.
V. Grati-as a-ga-mus Domino
De-o nostro. R. Dignum &
justum est. Verè dignum &
justum est, æquum & fa-lu-
ta-re. Te, Domine,

suppliciter ex-o-ra-re, ut
gregem tuum, Pastor æterne,
non de-feras: sed per beatos
Apostolos tuos continuâ pro-
tecti-o-ne custo-di-as. Ut
i-isdem rectoribus guberne-
tur, quos o-peris tu-i vi-ca-
rios e-i-dem con-tu-lis-
ti præ-es-fe Pasto-res.
Et i-de-ò cum Angelis &
Archangelis, cum Thronis &
Domina-ti-o-ni-bus, cumque
omni mi-li-ti-a coelestis ex-er-
citus, hymnum glori-æ tu-æ
E e

ca-nimus, si-ne si-ne
dicen-tes.

¶ *Sequens Præfatio cum suo cantu dicitur in omnibus Festis Duplicibus, & per Octavas eorum; & in omnibus Semiduplicibus, ubi propria non habetur.*

Per omnia sæcula sæ-
cu-lo-rum. R. Amen. V. Do-
minus vo-bis-cum. R. Et cum spi-
ritu tu-o. V. Sur-sum cor-da.

R. Habe-mus ad Dominum.

V. Grati-as a-ga-mus Domino

De-o nostro. R. Dignum &

justum est. Verè dignum, &

justum est, æquum & sa-lu-

ta-re, nos tibi semper &

ubique grati-as a-gere: Do-

mine sancte, Pater omni-po-
tens, æter-ne De-us: per Chri-
stum Dominum nostrum.

Per quem majestatem

tuam laudant Angeli,

adorant Domina-ti-o-nes,

tremunt po-tes-ta-tes. Cœli,

cœlorumque virtutes, ac

be-a-ta Se-raphim, so-ci-a

exultati-o-ne conce-lebrant.

Cum quibus & nostras voces,

ut admitti ju-beas depre-ca-

mur, sup-plici confessi-o-ne

dicen-tes.

¶ *Sequens Præfatio cum suo cantu dicitur in Festis Simplicibus, & diebus Ferialibus, ubi propria non habetur, & in omnibus Missis Defunctorum.*

Per omnia sæcula sæ-

cu-lorum. *R.* Amen. *V.* Do-

minus vo-bis-cum. *R.* Et cum

spiritu tu-o. *V.* Sursum cor-da.

R. Habemus ad Dominum,

V. Grati-as a-ga-mus Domino.

De-o nostro. *R.* Dignum &

justum est. Verè dignum &

justum est; æquum & fa-lu-

ta-re, nos tibi semper, & ubi-

que gratias a-gere: Domine sanc-

te, Pater omni-potens, æterne

Deus: per Christum Dominum

nostrum: Per quem majestatem

tuam laudant Angeli, adorant

Domina-ti-ones, tremunt pōesta-

tes. Cœli, cœlorumque virtutes,

ac be-a-ta Seraphim, so-ci-â

exulta-ti-one concelebrant.

Cum quibus & nostras voces,

ut admitti jubeas depreca-

mur, supplici confessio-ne

dicentes.

Sanctus, Sanctus, Sanctus, Dómi-nus Deus Sábaoth.

Pleni sunt cœli & terra glóriâ tuâ, Hosâanna in excélsis.

Benedíctus qui venit in nómine Dó-mini,

Hosâanna in excélsis.

PRÆFATIONES SINE NOTIS.

¶ *Sequens Præfatio dicitur a Nativitate Domini usque ad Epiphaniam (præterquam in die Octava sancti Joannis Apostoli) & in Purificatione beatæ Mariæ: & in Festo Corporis Christi, & per Octavam: nisi in ea occurrat Festum quod propriam Præfationem habeat: & in Transfiguratione Domini, ac in Festo SS. Nominis Jesu, necnon in Missis votivis de SS. Sacramento.*

In prima vero Missa dicitur, & noctem sacratissimam celebrantes, Quâ deinde semper dicitur diem sacratissimum, quo usque ad Octavam Nativitatis Domini inclusive, & non ultra.

¶ *Sequens Præfatio dicitur in Epiphania Domini, & per Octavam.*

PER omnia sæcula sæculorum.
R. Amen. V. Dominus vobiscum. R. Et cum spiritu tuo. V. Sursum corda. R. Habemus ad Dominum. V. Grátias agamus Domino Deo nostro. R. Dignum & justum est.

Verè dignum & justum est, æquum & salutäre, nos tibi semper & ubique grátias ágere: Dómine sancte, Pater omnipotens, ætérne Deus. Quia cum Unigénitus tuus in substantia nostræ mortalitátis apparuit, novâ nos immortalitátis suæ luce reparávit. Et ideò cum Angelis & Archángelis, cum Thronis & Dominationibus, cumque omni milítia coeléstis exercitûs, hymnum glóriæ tuæ cānimus, sine fine dicentes.

Infra actionem.

Communicantes, & diem sacratissimum celebrantes, quo Unigénitus tuus in tua tecum glória coæternus, in veritate carnis nostræ visibíliter corporális apparuit: sed & memóriam venerantes, in primis gloriósæ semper Vírginis Mariæ, genitrícis ejúsdem Dei & Domini nostri Jesu Christi: sed & beatórum Apostolórum ac Mártýrum tuórum, Petri & Pauli, &c. ut in Canone.

Et dicitur per totam Octavam.

PER omnia sæcula sæculorum.
R. Amen. V. Dominus vobiscum. R. Et cum spiritu tuo. V. Sursum corda. R. Habemus ad Dominum. V. Grátias agamus Domino Deo nostro. R. Dignum & justum est.

Verè dignum & justum est, æquum & salutäre, nos tibi semper & ubique grátias ágere: Dómine sancte, Pater omnipotens, ætérne Deus. Quia per incarnáti Verbi mystérium, nova mentis nostræ óculis lux tuæ claritátis infúlsit: ut dum visibíliter Deum cognóscimus, per hunc in invisibílium amórem rapiámur. Et ideò cum Angelis & Archángelis, cum Thronis & Dominationibus, cumque omni milítia coeléstis exercitûs, hymnum glóriæ tuæ cānimus, sine fine dicentes.

Infra actionem.

Communicantes, & diem sacratissimum celebrantes, quo beatæ Mariæ intemeráta virginitas, huic mundo édidiť Salvatórem: Sed & memóriam venerantes, in primis ejúsdem gloriósæ semper Vírginis Mariæ, genitrícis ejúsdem Dei & Domini nostri Jesu Christi: sed & beatórum Apostolórum ac Mártýrum tuórum, Petri & Pauli, &c. ut in Canone.

¶ Sequens Præfatio dicitur a Feria quarta Cinerum usque ad Sabbatum ante Dominicam Passionis inclusive, nisi in Festis propria assignetur.

PER omnia sæcula sæculorum.
R. Amen. *V.* Dominus vobiscum. *R.* Et cum spiritu tuo. *V.* Sursum corda. *R.* Habemus ad Dominum. *V.* Grátias agamus Domino Deo nostro. *R.* Dignum & justum est.

Verè dignum & justum est, æquum & salutäre, nos tibi semper, & ubique grátias ágere : Dómine sancte, Pater omnipotens, ætérne Deus. Qui corporáli jejúnio vítia cómprimis, mentem élevas, virtútem largiris & præmia : per Christum Dóminum nostrum. Per quem majestátem tuam laudant Angeli, adórant Dominatiónes, tremunt potestátes. Coeli, cœlorúmque virtútes, ac beáta Séraphim, sóciâ exultatióne concélebrant. Cum quibus & nostras voces, ut admitti júbeas deprecámur, súpplici confesióné dicéntes.

¶ Sequens Præfatio dicitur a Dominica Passionis usque ad Feriam quintam in Cæna Domini inclusive (nisi in festis tunc occurrentibus propria assignetur) & in Missis de Cruce, & de Passione.

PER omnia sæcula sæculorum.
R. Amen. *V.* Dominus vobiscum. *R.* Et cum spiritu tuo. *V.* Sursum corda. *R.* Habemus ad Dominum. *V.* Grátias agamus Domino Deo nostro. *R.* Dignum & justum est.

Verè dignum & justum est, æquum & salutäre, nos tibi semper, & ubique grátias ágere : Dómine sancte, Pater omnipotens, ætérne Deus. Qui salutem humáni géneris in ligno Crucis constituísti : ut unde mors oriebátur, inde vita resúrgeret : & qui in ligno

vincébat, in ligno quoque vinceretur : per Christum Dóminum nostrum. Per quem majestátem tuam laudant Angeli, adórant Dominatiónes, tremunt Potestátes. Coeli, cœlorúmque virtútes, ac beáta Séraphim, sóciâ exultatióne concélebrant. Cum quibus & nostras voces, ut admitti júbeas deprecámur, súpplici confesióné dicéntes.

¶ Sequens Præfatio dicitur a Vigilia Paschæ usque ad Ascensionem : etiam in Festis eo tempore occurrentibus, nisi in eis propria assignetur. In Missa Sabbati sancti dicitur, in hac potíssimùm nocte, in die Paschæ usque ad Sabbatum in Albis inclusive, in hac potíssimùm die, & deinceps, in hoc potíssimùm gloriósius.

PER omnia sæcula sæculorum.
R. Amen. *V.* Dominus vobiscum. *R.* Et cum spiritu tuo. *V.* Sursum corda. *R.* Habemus ad Dominum. *V.* Grátias agamus Domino Deo nostro. *R.* Dignum & justum est.

Verè dignum & justum est, æquum & salutäre, Te quidem, Dómine, omni témpore, sed in hoc potíssimùm gloriósius prædicáre : cum Pascha nostrum immolátus est Christus. Ipse enim verus est Agnus, qui abstulit peccáta mundi. Qui mortem nostram moriéndò destrúxit, & vitam resurgéndo reparávit. Et ideò cum Angelis & Archángelis, cum Thronis & Dominatió nibus, cumque omni milítia cœléstis exercitús, hymnum glóriæ tuæ cánimus, sine fine dicéntes.

Infra acciónem.

Communicántes, & diem sacratíssimum celebrántes, Resurrecti-
 ónis Dómini nostri Jesu Christi secúndum carnem : sed & memóriam venerántes, in primis gloriósæ semper

Virginis Mariæ, genitricis ejusdem Dei & Domini nostri Jesu Christi: sed & beatorum Apostolorum ac Martyrum tuorum, Petri & Pauli, Andréæ, Jacobi, Joannis, Thomæ, Jacobi, Philippi, Bartholomæi, Matthæi, Simonis & Thaddæi: Lini, Cleti, Cleméntis, Xysti, Cornélii, Cypriani, Lauréntii, Chrysógoni, Joannis & Pauli, Cosmæ & Damiáni: & omnium Sanctorum tuorum: quorum méritis precibusque concédas, ut in omnibus protectionis tuæ muniámur auxilio. [*Jungit manus.*] Per eundem Christum Dominum nostrum, Amen.

Tenens manus expansas super oblata dicit:
Hanc igitur oblationem servitutis nostræ, sed & cunctæ familiæ tuæ, quam tibi offerimus pro his quoque, quos regenerare dignatus es ex aqua & Spiritu sancto, tribuens eis remissionem omnium peccatorum, quæsumus, Domine, ut placatus accipias, diésque nostros in tua pace dispónas, atque ab æterna damnatione nos eripi, & in electorum tuorum jubeas grege numerári. [*Jungit manus.*] Per Christum Dominum nostrum, Amen.

Quam oblationem, tu Deus, &c.

Sic dicitur a Vigilia Paschæ usque ad Sabbatum in Albis inclusive. Sed in Missa Sabbati sancti dicitur, & noctem sacratissimam celebrantes.

¶ Sequens Præfatio dicitur a die Ascensionis usque ad Vigiliam Pentecostes exclusive, & in Festis tunc occurrentibus, nisi propriam habuerint.

PER omnia sæcula sæculorum.
R. Amen. V. Dominus vobiscum. R. Et cum spiritu tuo. V. Sursum corda. R. Habemus ad Dominum. V. Grátias agamus Domino Deo nostro. R. Dignum & justum est.

Verè dignum & justum est, æquum & salutäre, nos tibi semper, & ubique grátias ágere: Domine sancte, Pater omnipotens, æterne Deus: per Christum Dominum nostrum. Qui post resurrectionem suam omnibus discipulis suis manifestus apparuit, & ipsis cernéntibus est elevátus in cœlum, ut nos divinitátis suæ tribúeret esse partícipes. Et ideò cum Angelis & Archángelis, cum Thronis & Dominationibus, cumque omni milítia cœlestis exercitûs, hymnum glóriæ tuæ cānimus, sine fine dicéntes.

Infra actionem.

Communicantes, & diem sacratissimum celebrantes, quo Dominus noster, unigénitus Fílius tuus unitam sibi fragilitátis nostræ substantiam, in glóriæ tuæ dextera collocávit: sed & memóriam venerantes, in primis gloriósæ semper Virginis Mariæ, genitricis ejusdem Dei & Domini nostri Jesu Christi: sed & beatorum Apostolorum ac Martyrum tuorum Petri & Pauli, &c. *ut in Canone.*
- *Et dicitur per totam Octavam.*

¶ Sequens Præfatio dicitur a Vigilia Pentecostes usque ad sequens Sabbatum inclusive; & in Missis votivis de Spiritu sancto, sed omissa hodiernâ die.

PER omnia sæcula sæculorum.
R. Amen. V. Dominus vobiscum. R. Et cum spiritu tuo. V. Sursum corda. R. Habemus ad Dominum. V. Grátias agamus Domino Deo nostro. R. Dignum & justum est.

Verè dignum & justum est, æquum & salutäre, nos tibi semper, & ubique grátias ágere: Domine sancte, Pater omnipotens, æterne Deus: per Christum Dominum nostrum. Qui ascéndens super omnes cœlos, sedénsque

ad dexteram tuam, promissum Spiritum sanctum [hodiernâ die] in filios adoptionis effudit. Quapropter profusis gaudiis, totus in orbe terrarum mundus exultat. Sed & supernæ virtutes, atque Angelicæ potestates, hymnum gloriæ tuæ concinunt, sine fine dicentes.

Infra actionem.

Communicantes, & diem sacratissimum Pentecostes celebrantes, quo Spiritus sanctus Apostolis, innúmeris linguis apparuit: sed & memoriam venerantes, in primis gloriosæ semper Virginis Mariæ genitricis Dei & Domini nostri Jesu Christi: sed & beatorum Apostolorum ac Martyrum tuorum, Petri & Pauli, Andréæ, Jacobi, Joannis, Thomæ, Jacobi, Philippi, Bartholomæi, Matthæi, Simónis & Thaddæi: Lini, Cleti, Clementis, Xysti, Cornélii, Cypriani, Laurentii, Chrysogoni, Joannis & Pauli, Cosmæ & Damiáni: & omnium Sanctorum tuorum: quorum méritis precibusque concedas, ut in omnibus protectionis tuæ muniamur auxilio. [*Jungit manus.*] Per eundem Christum Dominum nostrum, Amen.

Tenens manus expansas super oblata dicit:

Hanc igitur oblationem servitutis nostræ, sed & cunctæ familiæ tuæ, quam tibi offerimus pro his quoque, quos regenerare dignatus es ex aqua & Spiritu sancto, tribuens eis remissionem omnium peccatorum, quæsumus, Domine, ut placatus accipias, diesque nostros in tua pace disponas, atque ab æterna damnatione nos eripi, & in electorum tuorum jubeas grege numerari. [*Jungit manus.*] Per Christum Dominum nostrum, Amen.

Quam oblationem, tu Deus, &c.
Et dicitur usque ad sequens Sabbatum inclusive.

¶ *Sequens Præfatio dicitur in Festo SS. Trinitatis, & in Missis votivis de SS. Trinitate: necnon & in omnibus Dominicis per Annum, quæ propriam Præfationem non habuerint.*

Per omnia sæcula sæculorum.
R. Amen. V. Dominus vobiscum. R. Et cum spiritu tuo. V. Sursum corda. R. Habemus ad Dominum. V. Grátias agamus Domino Deo nostro. R. Dignum & justum est.

Verè dignum & justum est, æquum & salutare, nos tibi semper, & ubique grátias ágere: Domine sancte, Pater omnipotens, æterne Deus. Qui cum unigénito Fílio tuo, & Spiritu sancto, unus es Deus, unus es Dominus: non in unius singularitate personæ, sed in unius Trinitate substantiæ. Quod enim de tua glória, revelante te, credimus, hoc de Fílio tuo, hoc de Spiritu sancto, sine differentia discretionis sentimus. Ut in confessione veræ, sempiternæque Deitatis, & in personis proprietas, & in essentia unitas, & in maiestáte adorétur æqualitas. Quam laudant Angeli, atque Archángeli, Chérubim quoque ac Séraphim: qui non cessant clamare quotidie, unâ voce dicentes.

¶ *Sequens Præfatio dicitur in Festis beatæ Mariæ (excepto Festo Purificationis, in quo dicitur de Nativitate Domini) & per eorum Octavas, etiam in Festis infra eas occurrentibus, si propriam non habuerint, & in Missis votivis de beatâ Maria. Dicitur autem vel, Et te in Annuntiatione, vel Visitatione, vel Assumptione, vel Nativitate, vel Præsentatione, vel Conceptione, secun-*

dum denominationem Festi. In Festo Septem Dolorum, dicitur, Et te in Transfixione. In Festo beatæ Mariæ Virginis de Monte Carmelo, dicitur, Et te in Commemoratione. In Dedicatione S. Mariæ ad Nives, ac in Festo Mercedis, dicitur, Et te in Festivitate. In Festo SS. Rosarii, dicatur, Et te in Solemnitate. In Missis vero votivis; & in Sabbato, Et te in Veneratione.

PER omnia sæcula sæculorum.

R. Amen. *V.* Dominus vobiscum. *R.* Et cum spiritu tuo. *V.* Sursum corda. *R.* Habemus ad Dominum. *V.* Grátias agamus Domino Deo nostro. *R.* Dignum & justum est.

Verè dignum & justum est, æquum & salutäre, nos tibi semper, & ubique grátias ágere: Dómine sancte, Pater omnipotens, ætérne Deus. Et te in * * * * beátæ Mariæ semper Virgínis collaudäre, benedícere, & prædicäre. Quæ & Unigénitum tuum sancti Spíritûs obumbratióne concépit: & virginitátis glóriâ permanén-te, lumen ætérnum mundo effúdit, Jesum Christum Dóminum nostrum. Per quem majestátem tuam laudant Angeli, adórant Dominationes, tremunt Potestátes. Cœli, cœlorúmque virtútes, ac beáta Séraphim, fociâ exultatióne concélebrant. Cum quibus & nostras voces, ut admitti júbeas deprecámur, súpplici confessiône dicétes.

¶ Sequens Præfatio dicitur in Festis Apostolorum, & Evangelistarum (præterquam in die S. Joannis Apostoli) & per Octavas eorum, & in Festis infra eas occurrentibus, nisi in eis propria assignetur, & in Missis votivis de Apostolis.

PER omnia sæcula sæculorum.

R. Amen. *V.* Dominus vobiscum. *R.* Et cum spiritu tuo. *V.* Sur-

sum corda. *R.* Habemus ad Dóminum. *V.* Grátias agamus Domino Deo nostro. *R.* Dignum & justum est.

Verè dignum & justum est, æquum & salutäre, Te, Dómine, súppliciter exoräre, ut gregem tuum, pastor ætérne, non déseras: sed per beátos Apóstolos tuos continuâ protectione custódias. Ut iisdem rectóribus gubernétur, quos óperis tui vicários eidem contulísti præesse pastóres. Et ideò cum Angelis & Archángelis, cum Thronis & Dominationibus, cumque omni milítia cœléstis exercitûs, hymnum glóriæ tuæ cánimus, sine fine dicétes.

¶ Sequens Præfatio dicitur in omnibus Feriis, & in Festis ubi propria non habetur, & in omnibus Missis Defunctorum.

PER omnia sæcula sæculorum.

R. Amen. *V.* Dominus vobiscum. *R.* Et cum spiritu tuo. *V.* Sursum corda. *R.* Habemus ad Dóminum. *V.* Grátias agamus Domino Deo nostro. *R.* Dignum & justum est.

Verè dignum & justum est, æquum & salutäre, nos tibi semper, & ubique grátias ágere: Dómine sancte, Pater omnipotens, ætérne Deus: per Christum Dóminum nostrum. Per quem majestátem tuam laudant Angeli, adórant Dominationes, tremunt Potestátes. Cœli, cœlorúmque virtútes, ac beáta Séraphim, fociâ exultatióne concélebrant. Cum quibus & nostras voces, ut admitti júbeas deprecámur, súpplici confessiône dicétes.

SANCTUS, SANCTUS, SANCTUS, Dóminus Deus Sábaoth.

Pleni sunt cœli & terra glóriâ tuâ. Hosánna in excélsis.

Benedíctus qui venit in nómine Dñi.

Hosánna in excélsis.

& Thaddæi : Lini, Cleti, Cleméntis, Xyſti, Cornélii, Cypriáni, Lauréntii, Chryſógoni, Joánnis & Pauli, Coſmæ & Damiáni : & ómnium Sanctórum tuórum : quorum méritis precibúſque concédas, ut in ómnibus protectiónis tuæ muniamur auxílio. [*Fungit manus.*] Per eúmdem Christum Dóminum noſtrum, Amen.

Tenens manus expansas super oblata, dicit :

HAnc ígitur oblatiónem fervitútis noſtræ, ſed & cunctæ famíliæ tuæ, quæſumus, Dômine, ut placátus accípias : diésque noſtros in tua pace diſpónas, atque ab ætérna damnatióne nos éripi, & in electórum tuórum júbeas grege numerári. [*Fungit manus.*] Per Christum Dóminum noſtrum, Amen.

QUam oblatiónem tu Deus in ómnibus, quæſumus, [*Signat ter super oblata,*] bene ✠ dictam, adſcrip ✠ tam, ra ✠ tam, rationábilem, acceptabilémque fácere dignéris :

[*Signat ſemel ſuper Hoſtiam, & ſemel ſuper Calicem :*] ut nobis Cor ✠ pus, & San ✠ guis fiat dilectíſſimi Fílii tui Dómini noſtri Jeſu Chriſti.

QUí prídie quàm paterétur, [*Accipit Hoſtiam,*] accépit panem in ſanctas ac venerábiles manus ſuas : [*Elevat oculos ad cælum :*] & elevátis óculis in cælum ad te Deum Patrem ſuum omnipoténtem, tibi grátias agens, [*Signat ſuper Hoſtiam,*] bene ✠ díxit, fregit, dedítque diſcípulis ſuis, dicens : Accípite, & manducáte ex hoc omnes.

Tenens ambabus manibus Hoſtiam inter indices & pollices, profert verba conſecrationis ſecretè diſtinctè, & attentè.

Hoc eſt enim Corpus meum.

Prolatis verbis conſecrationis, ſtatim Hoſtiam conſecratam genuflexus adorat : ſurgit, oſtendit populo, reponit ſuper Corporale, iterum adorat : & non diſjungit pollices & indices, niſi quando Hoſ-

*tia tractanda est, usque ad ablu-
tionem digitorum. Tunc detecto
Calice dicit:*

Simili modo postquam cœ-
natum est, [*Ambabus mani-
bus accipit Calicem,*] accipiens &
hunc præclârum Cálicem in
sanctas ac venerábiles manus
suas: item tibi grátias agens,
[*Sinistra tenens Calicem, dextera
signat super eum,*] bene ✠ dicit,
deditque discipulis suis, dicens:
Accípite & bíbite ex eo om-
nes.

*Profert verba consecrationis
secretè super Calicem, tenens il-
lum parùm elevatum.*

Hic est enim Ca-
lix Sanguinis mei,
novi & æterni tes-
tamenti: mysteri-
um fidei: qui pro
vobis & pro mul-
tis effundetur in re-
missionem peccato-
rum.

*Prolatis verbis consecrationis,
deponit Calicem super Corporale,
& dicens secretè: Hæc quoties-
cúmque feceritis, in mei me-
móriam faciétis.*

*Genuflexus adorât: surgit, of-
tendit populo, deponit, cooperit,
& iterùm adorât. Deinde dis-
junctis manibus dicit:*

UNde & mémores, Dó-
mine, nos servi tui, sed
& plebs tua sancta, ejúsdem
Christi Fílii tui Dómini nostri
tam beátæ Passiónis, necnon &
ab ínferis Resurrectiónis, sed &
in cœlos gloriósæ Ascensiónis:
offérimus præcláræ majestáti
tuæ de tuis donis ac datis,
[*Jungit manus, & signat ter
super Hostiam & Calicem si-
mul,*] Hóstiam ✠ puram, hós-
tiam ✠ sanctam, hóstiam ✠ im-
maculátam, [*Signat semel super
Hostiam, & semel super Calicem,*]
Panem ✠ sanctum vitæ ætér-
næ, & Cálicem ✠ salútis per-
pétuæ.

Extensis manibus prosequitur :

SUPRA quæ propitio ac sereno vultu respicere digneris : & accepta habere, sicuti accepta habere dignatus es munera pueri tui iusti Abel, & sacrificium Patriarchæ nostri Abrahæ : & quod tibi obtulit summus sacerdos tuus Melchisedech, sanctum sacrificium, immaculatam hostiam.

Profundè inclinat us junctis manibus, & super Altare positis, dicit :

SUPPLICES te rogamus, omnipotens Deus : jube hæc perfèrri per manus sancti Angeli tui in sublimè altare tuum, in conspectu divinæ majestatis tuæ : ut quotquot, [*Osculatur Altare,*] ex hac altaris participatione, sacrosanctum Filii tui, [*Jungit manus, & signat semel super Hostiam, & semel super Calicem,*] Corpus, & sanguinem sumpserimus, [*seipsum signat,*] omni benedictione cœlesti & grátia repleamur. Per eundem Christum Dóminum nostrum, Amen.

Commemoratio pro Defunctis.

MEMENTO étiam, Dómine, famulorum famularumque tuarum N. & N. qui nos præcesserunt cum signo fidei, & dormiunt in somno pacis.

Jungit manus, orat aliquantulum pro iis defunctis, pro quibus orare intendit, deinde extensis manibus prosequitur : Ipsis, Dómine, & ómnibus in Christo quiescentibus, locum refrigerii, lucis & pacis, ut indulgeas, deprecámur. [*Jungit manus, & caput inclinat.*] Per eundem Christum Dóminum nostrum, Amen.

Manu dextera percutit sibi pectus, elata parùm voce dicens :

NOBIS quoque peccatoribus famulis tuis, de multitudine miserationum tuarum sperantibus, partem aliquam & societatem donare digneris, cum tuis sanctis Apóstolis, & Martyribus : cum Joanne, Stéphano, Matthiá, Bárnaba, Ignátio, Alexándro, Marcellíno, Petro, Felicitáte,


Perpétua, Agatha, Lúcia, Ag-
néte, Cæcília, Anastásia, &
ómnibus Sanctis tuis : intra
quorum nos consórtium, non
æstimátor mériti, sed véniaæ,
quæsumus, largítor admítte.
[*Jungit manus,*] Per Christum
Dóminum nostrum.

PER quem hæc ómnia, Dó-
mine, semper bona creas,
[*Signat ter super Hostiam & Ca-
licem simul, dicens :*] sanctí ✠ fi-
cas, viví ✠ ficas, bene ✠ dicis,
& præstas nobis. [*Discooperit
Calicem, genuflectit, accipit Sa-
cramentum dextera, tenens sinis-
tra Calicem : signat cum Hostia
ter a labio ad labium Calicis,
dicens :*] Per ip ✠ sum, & cum
ip ✠ so, & in ip ✠ so, [*bis
signat inter Calicem & pectus,*]
est tibi Deo Patri ✠ omnipo-
ténti, in unitáte Spíritus ✠
sancti, [*Elevans parùm Calicem
cum Hostia, dicit :*] omnis honor
& glória. [*Reponit Hostiam,
cooperit Calicem, genuflectit, sur-
git, & dicit :*]


PER ómnia sæcula sæculó-
rum. R. Amen. *Jungit
manus.*

O-rémus. Præcéptis salutá-
ribus móniti, & divína
insti-tu-ti-óne formáti, au-
démus dí-cere. *Extendit
manus.*


PATER noster, qui es in
coelis : Sanctificé-tur no-
men tu-um : Advéniat reg-
num tuum : Fiat volúntas
tu-a, sicut in .coe-lo, &
in terra. Panem nostrum
quotidi-ánum da nobis
hódi-e : Et dimítte nobis
débita nostra, sicut &
nos dimíttimus debitóribus



nostris. Et ne nos indúcas




in tentati-ó-nem.




R. Sed líbera nos à ma-lo.

Sacerdos secretè dicit, Amen.

¶ *Sequens cantus dicitur in Festis
Simplicibus, & diebus Ferialibus, & in
Missis Defunctorum.*



Er ómnia sæcula sæcu-




ló-rum. R. Amen.




O-rémus. Præcéptis salutá-




ribus móniti, & divína




instituti-óne formáti au-



démus dícere.




Ater noster, qui es in




coelis: Sanctificétur nomen




tuum: Advéniat regnum




tuum: Fiat volúntas tu-a, si-




cut in coelo, & in terra. Pa-




nem nostrum quoti-di-á-num




da nobis hódie: Et dimít-




te nobis débita nostra, sicut



& nos dimíttimus debi-tó-



ribus nostris. Et ne nos in-



dúcas in tentati-ó-nem.



R. Sed líbera nos à ma-lo.

*Sacerdos submissa voce dicit,
Amen.*

*Deinde accipit Patenam inter
indicem & medium digitos, &
dicit:*

Libera nos, quæsumus, Dó-
mine, ab ómnibus malis,
præteritis, præsentibus, & fu-

túris: & intercedente beáta & gloriósa semper Vírgine Dei genitríce María, cum beátis Apóstolis tuis Petro & Paulo, atque Andréa, & ómnibus Sanctis, [*Signat se cum Patena a fronte ad pectus, & eam osculatur:*] da propítius pacem in diébus nostris: ut ope misericórdiæ tuæ adjúti, & à peccáto simus semper líberi, & ab ómni perturbatióne secúri.

Submittit Patenam Hostiæ, discooperit Calicem, genuflectit, surgit, accipit Hostiam, frangit eam super Calicem per medium, dicens:

Per eúndem Dóminum nostrum Jesum Christum Fílium tuum.

Partem, quæ in dextera est, ponit super Patenam. Deinde ex parte quæ in sinistra remansit, frangit particulam, dicens:

Qui tecum vivit & regnat in unitáte Spíritus sancti Deus.

Aliam mediam partem cum ipsa sinistra ponit super Patenam, & dextera tenens particulam super Calice, sinistra Calicem, dicit:

Per ómnia sæcula sæcu-

ló-rum. R. Amen.

Cum ipsa particula signat ter super Calicem, dicens:

Pax ✠ Dómini sit ✠ semper vo-

bis ✠ cum. R. Et cum spíritu tuo.

Particulam ipsam immittit in Calicem, dicens secretè:

HÆc commíxtio & consecrátio Córporis & Sanguinis Dómini nostri Jesu Christi, fiat accipiéntibus nobis in vitam ætérnam, Amen.

Cooperit Calicem, genuflectit, surgit, & inclinatus Sacramento, junctis manibus, & ter pectus percutiens, dicit:

Agnus Dei, qui tollis peccáta mundi, miserére nobis.

Agnus Dei, qui tollis peccáta mundi, miserére nobis.

Agnus Dei, qui tollis peccáta mundi, dona nobis pacem.

In Missis pro Defunctis non dicitur, miserere nobis. sed ejus loco, dona eis requiem, & in tertio additur, sempiternam. Deinde junctis manibus super Altare, inclinatus dicit sequentes Orationes.

Domine Jesu Christe, qui dixisti Apóstolis tuis: Pacem relinquo vobis, pacem meam do vobis: ne respicias peccata mea, sed fidem Ecclesiæ tuæ: eamque secundum voluntatem tuam pacificare & coadunare digneris. Qui vivis & regnas Deus, per omnia sæcula sæculorum, Amen.

Si danda est pax, osculatur Altare, & dans pacem, dicit: Pax tecum. R. Et cum spiritu tuo. In Missis Defunctorum non datur pax, neque dicitur præcedens Oratio.

Domine Jesu Christe, Fili Dei vivi, qui ex voluntate Patris, cooperante Spiritu sancto, per mortem tuam mundum vivificasti: libera me per hoc sacrosanctum Corpus, & Sanguinem tuum, ab omnibus iniquitatibus meis, & universis

malis: & fac me tuis semper inhærere mandatis, & à te numquam separari permittas. Qui cum eodem Deo Patre & Spiritu sancto, vivis & regnas Deus in sæcula sæculorum, Amen.

Percéptio Corporis tui, Domine Jesu Christe, quod ego indignus sumere præsumo, non mihi provéniat in judicium & condemnationem: sed pro tua pietate profit mihi ad tutamentum mentis & corporis, & ad medelam percipiendam. Qui vivis & regnas cum Deo Patre in unitate Spiritus sancti Deus, per omnia sæcula sæculorum, Amen.

Genusflectit, surgit, & dicit:

Panem cœlestem accipiam, & nomen Domini invocabo.

Deinde parum inclinatus, accipit ambas partes Hostiæ inter pollicem & indicem sinistrae manus, & Patenam inter eundem indicem, & medium, & dextera percutiens pectus, elevata aliquantulum voce dicit ter devotè & humiliter.

Domine, non sum dignus, ut intres sub tectum meum : sed tantum dic verbo, & sanabitur anima mea.

Postea dextera se signans cum Hostia super Patena, dicit :

Corpus Domini nostri Jesu Christi custodiat animam meam in vitam æternam, Amen.

Sumit reverenter ambas partes Hostiæ jungit manus, & quiescit aliquantulum in meditatione sanctissimi Sacramenti. Deinde discooperit Calicem, genuflectit, colligit fragmenta, si quæ sint, extergit Patenam super Calicem, interim dicens :

Quid retribuam Domino pro omnibus, quæ retribuit mihi? Calicem salutæ accipiam, & nomen Domini invocabo. Laudans invocabo Dominum, & ab inimicis meis salvus ero.

Accipit Calicem manu dextera, & eo se signans, dicit :

Sanguis Domini nostri Jesu Christi custodiat animam

meam in vitam æternam, Amen.

Sumit totum Sanguinem cum particula. Quo sumpto, si qui sunt communicandi, eos communicet, antequam se purificet. Postea dicit :

Quod ore sumpsimus, Domine, pura mente capiamus : & de munere temporali fiat nobis remedium sempiternum.

Interim porrigit Calicem ministro, qui infundit in eo parum vini, quo se purificat : deinde prosequitur :

Corpus tuum, Domine, quod sumpsi, & Sanguis, quem potavi, adhæreat visceribus meis : & præsta, ut in me non remaneat scelerum macula, quem pura & sancta refecerunt sacramenta. Qui vivis & regnas in sæcula sæculorum, Amen.

Abluit digitos, extergit, & sumit ablationem : extergit os, & Calicem, quem operit, & plicato Corporali, collocat in Altari prius : deinde prosequitur Missam.

Dicto, post ultimam Orationem,
Dóminus vobíscum. R. Et
cum spíritu tuo, *dicit pro Mis-*
sæ qualitate vel Ite Missa est,
vel Benedicámus Dómino.

R. Deo grátias.

In Missis Defunctorum dicit:
Requiescant in pace.

R. Amen.

Tempore Paschali, hoc est, a
Missa Sabbati sancti usque ad
Sabbatum in Albis inclusivè.




In Festis solemnibus.




In Festis Duplicibus.




In Missis beatæ Mariæ.




In Dominicis infra Annum, in Festis
Semiduplicibus, & infra Octavas, quæ
non sunt beatæ Mariæ.




In Festis Simplicibus.




In Dominicis Adventus &
Quadragesimæ.



In Feriis.


Benedicámus Dó- mino.

*In Missa Vigilæ Nativitatis Domini,
& in Festo SS. Innocentium.*

Benedicá-mus Dó-



a- mino.

In Missis Defunctorum.

Requi-és-cant in pace.

Dicto, Ite Missa est, vel Benedicamus Domino, Sacerdos inclinat se ante medium Altaris, & manibus junctis super illud, dicit:

PLáceat tibi, sancta Trínitas, obsequium servitutis meæ, & præsta: ut sacrificium, quod oculis tuæ majestátis indignus obtuli, tibi sit acceptábile, mihi que, & ómnibus, pro quibus

illud obtuli, sit, te miseránte, propitiábile. Per Christum Dóminum nostrum, Amen.

Deinde osculatur Altare: & elevatis oculis, extendens, elevans, & jungens manus, caput-que Cruci inclinans, dicit: Benedícat vos omnipotens Deus, & vèrsus ad populum, semel tantum benedicens, etiam in Missis solemnibus, prosequitur: Pater, & Fílius, ✠ & Spíritus sanctus. R. Amen.

In Missa Pontificali ter benedicitur, ut in Pontificali habetur.

Deinde in cornu Evangelii, dicto, Dóminus vobíscum, & Inítium, vel Sequéntia sancti Evangelii, signans Altare, vel librum, & se, ut supra in Evangelio Missæ, legit Evangelium secundum Joannem, In principio erat Verbum, vel aliud Evangelium, ut dictum est in Rubricis generalibus. Cùm dicit, Et Verbum caro factum est, genuflectit. In fine R. Deo grátias.

¶ *In Missis Defunctorum non datur benedictio; sed dicto, Requiescant in pace, dicit: Placeat tibi, sancta Trinitas: deinde osculato Altari legit Evangelium*

S. Joannis: Quo finito, discedens ab Altari, pro gratiarum actione dicit Antiphonam, Trium puerorum. cum reliquis, ut habetur in principio Missalis.



INITIUM SANCTI EVANGELII SECUNDUM JOANNEM. I. a.

IN principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt: & sine ipso factum est nihil, quod factum est. In ipso vita erat & vita erat lux hominum: & lux in tenebris lucet, & tenebræ eam non comprehendunt. Fuit homo missus á Deo, cui nomen erat Joánnes. Hic venit in testimónium, ut testimónium perhiberet de lúmine, ut omnes créderent per illum. Non erat ille lux, sed ut testimónium perhiberet de lúmine. Erat lux vera, quæ illúminat omnem hóminem veniéntem in

hunc mundum. In mundo erat, & mundus per ipsum factus est, & mundus eum non cognóvit. In própria venit, & sui eum non recepérunt. Quotquot autem recepérunt eum, dedit eis potestátem fílios Dei fieri, his, qui credunt in nómine ejus: qui non ex sanguínibus, neque ex voluntáte carnis, neque ex voluntáte viri, sed ex Deo nati sunt. [*Hic genuflectitur*] Et Verbum caro factum est, & habitávit in nobis: & Vídimus glóriam ejus, glóriam quasi Unigéniti á Patre, plenum grátiae & veritátis.

R/. Deo grátias.

DOMINICA RESURRECTIONIS.

Statio ad sanctam Mariam Majorem.

Introitus. Ps. 138.

Resurrexi, & adhuc tecum sum, allelúia: posuisti super me manum tuam, allelúia: mirabilis facta est sciéntia tua, allelúia, allelúia.

Ps. ib. Dómine, probasti me, & cognovisti me: tu cognovisti fessiónem meam, & resurrectionem meam.

V. Glória Patri.

Orémus.

Oratio.

Deus, qui hodiérna die per Unigénitum tuum, æternitátis nobis áditum devícta morte referásti: vota nostra, quæ præveniéndò aspíras, étiam adjuvándò proféquare. Per eúndem Dñm nostrum.

Lectio Epístolæ beáti Pauli Apóstoli ad Corínthios. *I. 5. c.*

Fratres, Expurgáte vetus fermentum, ut sitis nova conspérso, sicut estis ázyimi. Etenim Pascha nostrum immolátus est Christus. Itaque epulémur: non in fermento vétéri, neque in fermento malítiæ & nequítiæ: sed in ázymis sinceritátis, & veritátis.

Grad. Ps. 117. Hæc dies, quam fecit Dóminus: exultémus, & lætémur in ea.

V. Confitémini Dómino, quóniam bonus: quóniam in sæculum misericórdia ejus. Allelúia, allelúia.

V. 1 Cor. 5. Pascha nostrum immolátus est Christus.

Sequentia.

Victimæ Pascháli laudes immolent Christiáni.

Agnus redémit oves: Christus innocens Patri reconciliávit peccato-

res.

Mors & vita, duéllo conflixére mirándò: dux vitæ, mórtuus regnat vivus.

Dic nobis, María, quid vidísti in via?

Sepúlchrum Christi vivéntis: & glóriam vidi resurgéntis.

Angélicos testes, sudárium & vestes.

Surrexit Christus spes mea: præcedet vos in Galilæam.

Scimus Christum surrexísse à mórtuis verè: tu nobis victor Rex miserere. Amen. Allelúia.

Sequentia dicitur usque ad Sabbatum in Albis inclusive.

Sequentia sancti Evangelii secúndum Marcum. 16.

In illo témpore: María Magdaléne, & María Jacóbi, & Salóme emerunt arómata, ut veniéntes úngerent Jesum. Et valde manè una sabbatórum, veniunt ad monuméntum, orto jam sole. Et dicébant ad ínvicem: Quis revólvet nobis lápidem ab óstio monuménti? Et respiciéntes vidérunt revolútum lápidem. Erat quippe magnus valde. Et introeúntes in monuméntum vidérunt júvenem sedéntem in dextris, coopértum stolâ cándidâ, & obstupué-runt. Qui dicit illis: Nolíte expavés-cere: Jesum quæritis Nazarénum, crucifixum: surrexit, non est híc, ecce locus ubi posuerunt eum. Sed ite, dicite discíplis ejus, & Petro, quia præcédit vos in Galilæam: ibi eum videbitis, sicut dixit vobis. Credo.

Offert. Ps. 75. Terra trémuit, & quíevit, dum resúrgeret in iudicio Deus, allelúia.

Secreta.

Suscipe, quæsumus, Dómine, preces
pópuli tui cum oblationibus hosti-
arum: ut Paschálibus initiata mysté-
riis, ad æternitátis nobis medélam, te
operánte, proficiant. Per Dñm.

Præfatio. Te quidem, Dómine, omni
témpace, sed in hac potíssimùm die.
fol. 209.

Infra actionem. Communicántes. &
Hanc igitur. *ut supra, fol. 210.*

*Et sic dicitur usque ad Sabbatum in
Albis inclusive.*

Commun. 1 Cor. 5. Pascha nostrum
immolátus est Christus, allelúia: itaque
epulémur in ázymis sinceritátis & ve-
ritátis, allelúia, allelúia, allelúia.

Postcommunio.

Spíritum nobis, Dómine, tuæ chari-
tátis infúnde: ut quos sacraméntis
Paschálibus satiásti, tuâ fácias pietáte
concórdes. Per Dñm. . . . in unitáte
ejúsdem Spíritus sancti Deus.

*Post Dóminus vobíscum, dicitur, Ite
Missa est, allelúia, allelúia. R. Deo
grátias, allelúia, allelúia.*

*Et sic dicitur usque ad Sabbatum in
Albis inclusive.*

¶ *Infra Octavam Paschæ non fit de
aliquo Festo Duplici vel Semiduplici, sed
post Octavam celebrantur. De Simplici-
bus autem occurrentibus post hoc triduum
fit tantum commemoratio.*

FERIA SECUNDA.

Statio ad sanctum Petrum.

Introitus. Exod. 13.

Introdúxit vos Dóminus in terram
fluéntum lac & mel, allelúia: &
ut lex Dómini semper sit in ore vestro,
allelúia, allelúia.

Pf. 104. Confitémini Dómino, &
invocáte nomen ejus: annuntiáte in-
ter gentes ópera ejus. *V. Glória.*

Orémus.

Oratio.

Deus, qui solemnitate Pascháli,
mundo remédia contulísti: pó-
pulum tuum, quæsumus, coelésti dono
proféquare: ut & perféctam libertá-
tem cónsequi mereátur, & ad vitam
proficiat sempitérnam. Per Dñm.

Lectio Actuum Apostolorum. 10. f.

In diébus illis: Stans Petrus in médio
plebis, dixit: Viri fratres, vos scitis
quod factum est verbum per universam
Judæam: incípiens enim à Galilæa,
post baptísmum, quod prædicávit Jo-
ánnes, Jesum à Názareth: quómodo
unxit eum Deus Spíritu sancto, & virtú-
te: qui pertránsiit benefaciendo, & sa-
nando omnes opprèssos à diábolo, quó-
niam Deus erat cum illo. Et nos testes
sumus ómnium quæ fecit in regione
Judæórum, & Jerúsalem, quem occi-
derunt suspendéntes in ligno. Hunc
Deus suscitávit tértiâ die, & dedit eum
manifestum fieri, non omni pópulo,
sed téstibus præordinátis à Deo: nobis,
qui manducávimus & bíbimus cum
illo, postquam resurrexit à mórtuis. Et
præcépít nobis prædicáre pópulo, &
testificári, quia ipse est, qui constitú-
tus est à Deo judex vivórum & mortuórum.
Huic omnes Prophétæ testimónium
pérhibent, remissionem peccatórum
accípere per nomen ejus omnes, qui
credunt in eum.

Grad. Pf. 117. Hæc dies, quam fecit
Dóminus: exultémus, & lætémur in ea.
V. Dicat nunc Israél, quóniam bonus:
quóniam in sæculum misericórdia ejus.
Allelúia, allel. *V. Matt. 28.* Angelus

Dómini descendit de coelo : & accedens revolvit lapidem, & sedebat super eum.

Sequentia. Víctimæ Paschali. cum Allelúia, in fine, ut supra in Dominica Paschæ, fol. 225.

Sequentia sancti Evangelii secundum Lucam. 24.

IN illo tempore: Duo ex discipulis Jesu ibant ipsa die in castellum, quod erat in spatio stadiorum sexaginta ab Jerúsalem, nomine Emmaus. Et ipsi loquebantur ad invicem de his omnibus quæ acciderant. Et factum est, dum fabularéntur, & secum quærerent: & ipse Jesus appropinquans ibat cum illis: oculi autem illorum tenebantur ne eum agnóscerent. Et ait ad illos: Qui sunt hi sermónes, quos confertis ad invicem ambulantes, & estis tristes? Et respondens unus, cui nomen Cleóphas, dixit ei: Tu solus peregrínus es in Jerúsalem, & non cognovisti quæ facta sunt in illa his diébus? Quibus ille dixit: Quæ? Et dixerunt: de Jesu Nazaréno, qui fuit vir prophéta, potens in opere & sermóne coram Deo & omni populo: Et quómodo eum tradiderunt summi sacerdotes & principes nostri in damnationem mortis, & crucifixerunt eum. Nos autem sperabamus quia ipse esset redempturus Israël: & nunc super hæc omnia, tertia dies est hódie quòd hæc facta sunt. Sed & mulieres quædam ex nostris terruerunt nos, quæ ante lucem fuerunt ad monuméntum, & non invénto corpore ejus, venerunt, dicentes se étiam visionem Angelórum vidisse, qui dicunt eum vivere. Et abierunt quidam ex nostris ad monuméntum: & ita invenérunt sicut mulieres

dixerunt, ipsum verò non invenérunt. Et ipse dixit ad eos: O stulti, & tardi corde ad credéndum, in omnibus quæ locúti sunt Prophétæ! Nonne hæc oportuit pati Christum, & ita intrare in glóriam suam? Et incípiens à Móyse, & omnibus Prophétis, interpretabatur illis in omnibus Scriptúris, quæ de ipso erant. Et appropinquavérunt castéllo, quò ibant: & ipse se finxit longius ire. Et coëgérunt illum, dicentes: Mane nobiscum, quóniam advesperáscit; & inclináta est jam dies. Et intrávit cum illis. Et factum est, dum recumberet cum eis, accépit panem, & benedíxit, ac fregit, & porrigébat illis. Et apérti sunt oculi eórum, & cognovérunt eum: & ipse evánuit ex oculis eórum. Et dixerunt ad invicem: Nonne cor nostrum ardens erat in nobis, dum loqueretur in via, & aperíret nobis Scriptúras? Et surgéntes eádem hora regréssi sunt in Jerúsalem: & invenérunt congregátos undecim, & eos qui cum illis erant, dicentes: Quòd surrexit Dóminus verè, & apparuit Simóni. Et ipsi narrábant quæ gesta erant in via: & quómodo cognovérunt eum in fractione panis. Credo.

Offert. Matt. 28. Angelus Dómini descendit de coelo, & dixit mulieribus: Quem quæritis, surrexit sicut dixit, allelúia.

Secreta.

Suscipe, quæsumus, Dómine, preces populi tui cum oblationibus hostiarum: ut Paschálibus initiata mystériis, ad æternitátis nobis redélam, te operante, proficiant. Per Dñm.

Communio. Luc. 24. Surrexit Dóminus, & apparuit Petro, allelúia.

Postcommunio.

Spiritum nobis, Domine, tuæ charitatis infunde: ut quos sacramentis Paschâlibus satiasti, tuâ facias pietate concordes. Per Dñm. . . . in unitate ejusdem Spiritus sancti Deus.

F E R T I A T E R T I A.

*Statio ad sanctum Paulum.**Introitus. Eccl. 15. d.*

Aqua sapientiæ potavit eos, allelúia: firmabitur in illis, & non flectetur, allelúia: & exaltabit eos in ætérnum, allelúia, allelúia.

Pf. 104. Confitemini Dómino, & invocáte nomen ejus: annuntiáte inter Gentes ópera ejus. *V. Glória.*

*Orémus.**Oratio.*

Deus, qui Ecclesiám tuám novo semper foetu multiplicas: concède famulis tuis; ut sacramentum vivendo teneant, quod fide percepérunt. Per.

Lectio Actuum Apostolorum. 13. c.

In diébus illis: Surgens Paulus, & manu siléntium indicéns, ait: Viri fratres, filii generis Abraham, & qui in vobis timent Deum, vobis verbum salutis hujus missum est. Qui enim habitábant Jerúsalem, & príncipes ejus, ignorantes Jesum, & voces Prophetarum, quæ per omne sabbatúm legúntur, judicantes impleverunt: & nullam causam mortis inventientes in eo, petierunt à Piláto, ut interficerent eum. Cúmque consummássent ómnia, quæ de eo scripta erant, deponéntes eum de ligno, posuerunt eum in monuménto. Deus verò suscitávit eum à mortuis tertiâ die: qui visus est per dies multos his, qui simul ascenderant cum eo de Galilæa in Jerúsalem: qui usque

nunc sunt testes ejus ad plebem. Et nos vobis annuntiámus eam, quæ ad Patres nostros repromissio facta est: quoniam hanc Deus adimplevit filiis nostris, resuscitans Jesum Christum Dóminum nostrum.

Grad. Ps. 117. Hæc dies, quam fecit Dóminus: exultémus, & lætémur in ea. *V. Ps. 106.* Dicant nunc, qui redempti sunt à Dómino: quos redemit de manu inimici, & de regiónibus congregávit eos. Allelúia, allelúia. *V.* Surrexit Dóminus de sepúlchro, qui pro nobis pependit in ligno.

Sequentia. Victimæ Paschali. ut supra in Dominica Paschæ, fol. 225.

Sequentia sancti Evangelii secundum Lucam. 24. c.

In illo tempore: Stetit Jesus in medio discipulorum suorum, & dicit eis: Pax vobis: Ego sum, nolite timere. Conturbáti verò, & contérriti, existimábant se spiritum videre. Et dixit eis: Quid turbáti estis, & cogitationes ascéndunt in corda vestra? Vidéte manus meas, & pedes, quia ego ipse sum: palpáte, & vidéte: quia spiritus carnem & ossa non habet, sicut me vidétis habere. Et cum hoc dixisset, osténdit eis manus, & pedes. Adhuc autem illis non credéntibus, & mirántibus præ gáudio, dixit: Habétis híc aliquid, quod manducétur? At illi obtulérunt ei partem piscis assi, & favum mellis. Et cum manducáisset coram eis, sumens reliquias, dedit eis. Et dixit ad eos: Hæc sunt verba, quæ locútus sum ad vos, cum adhuc essem vobiscum, quoniam necesse est impléri ómnia, quæ scripta sunt in lege Móysi, & Prophétis, & Psalmis de me. Tunc aperuit

illis sensum ut intelligerent Scripturas. Et dixit eis: Quoniam sic scriptum est, & sic oportebat Christum pati, & resurgere a mortuis tertia die: & predicari in nomine ejus poenitentiam & remissionem peccatorum in omnes gentes. Credo.

Offert. Ps. 17. Intonuit de coelo Dominus, & Altissimus dedit vocem suam: & apparuerunt fontes aquarum, alleluia.

Secreta.

Suscipe, Domine, fidelium preces cum oblationibus hostiarum: ut per haec pie devotionis officia, ad caelestem gloriam transeamus. Per Dñm.

Commun. Coloss. 3. Si consurrexistis cum Christo, quae sursum sunt quaerite, ubi Christus est in dextera Dei sedens, alleluia: quae sursum sunt sapite, allel.

Postcommunio.

Concede, quaesumus, omnipotens Deus: ut Paschalis perceptio sacramenti, continua in nostris mentibus perseveret. Per Dñm.

F E R I A Q U A R T A.

Statio ad S. Laurentium extra muros.

Introitus. Matt. 25.

Venite benedicti Patris mei, percipite regnum, alleluia: quod vobis paratum est ab origine mundi, alleluia, allel. allel. *Ps. 95.* Cantate Domino canticum novum: cantate Domino, omnis terra.

V. Gloria Patri.

Orémus.

Oratio.

Deus, qui nos Resurrectionis Domini annua solemnitate laetificas: concede propitius, ut per temporalia festa quae agimus, pervenire ad gaudia aeterna mereamur. Per eundem Dñm.

Ab hac die usque ad Sabbatum in Albis inclusive, post Orationem diei dicitur una ex sequentibus Orationibus tantum, nisi facienda sit commemoratio alicujus Festi simplicis occurrentis.

Contra persecutores Ecclesiae.

Oratio.

Ecclēsiae tuae, quaesumus, Domine, preces placatus admitte: ut destructis adversitatibus & erroribus universis, securam tibi serviat libertate. Per.

Vel pro Papa. Oratio.

Deus omnium fidelium pastor & rector, famulum tuum N. quem pastorem Ecclesiae tuae praesse voluisti, propitius respice: da ei, quaesumus, verbo & exemplo quibus praest, proficere: ut ad vitam, una cum grege sibi credito, perveniat sempiternam. Per.

Lectio Actuum Apostolorum. 3. b.

In diebus illis: Aperiens Petrus os suum, dixit: Viri Israëlitae, & qui timetis Deum, audite. Deus Abraham, & Deus Isaac, & Deus Jacob, Deus patrum nostrorum glorificavit Filium suum Jesum, quem vos quidem tradidistis, & negastis ante faciem Pilati, judicante illo dimitti. Vos autem sanctum & justum negastis, & petistis virum homicidam donari vobis: auctorem vero vitae interfecistis, quem Deus suscitavit a mortuis, cujus nos testes sumus. Et nunc, fratres, scio: quia per ignorantiam fecistis, sicut & principes vestri. Deus autem, quae praenuntiavit per os omnium Prophetarum, pati Christum suum, sic implevit. Poenitemini igitur, & convertimini, ut deleantur peccata vestra.

Grad. Ps. 117. Haec dies, quam fecit Dominus: exultemus, & laetemur in ea. *V. Dextera Domini fecit virtutem,*

déxtera Dómini exaltávit me. Allelúia, allelúia. *V. Luc. 24.* Surrexit Dóminus verè : & apparuit Petro.

Sequentia. Víctimæ Pascháli. ut supra in die Paschæ, fol. 225.

Sequéntia sancti Evangélíi secúndum Joánnem. 21.

IN illo témpore : Manifestávit se íterum Jesus discípulis ad mare Tiberíadis. Manifestávit autem sic. Erant simul Simon Petrus, & Thomas, qui dicitur Dídymus, & Nathánaël, qui erat à Cana Galilææ, & filii Zebedæi, & álii ex discípulis ejus duo. Dicit eis Simon Petrus : Vado piscári. Dicunt ei : Venímus & nos tecum. Et exierunt, & ascendérunt in navim : & illâ nocte nihil prenidérunt. Mane autem factó stetit Jesus in líttore : non tamen cognovérunt discípuli quia Jesus est. Dixit ergo eis Jesus : Púerumquid pulmentárium habétis ? Respondérunt ei : Non. Dicit eis : Míttite in déxteram navígii rete, & inveníetis. Misérunt ergo : & jam non valébant illud tráhere præ multitúdine piscium. Dixit ergo discípulus ille, quem diligébat Jesus, Petro : Dóminus est. Simon Petrus cùm audíffet quia Dóminus est, túnica succínxit se (erat enim nudus) & misit se in mare. Alii autem discípuli navígio venérunt (non enim longè erant à terra, sed quasi cúbitis ducéntis) trahéntes rete piscium. Ut ergo descendérunt in terram, vidérunt prunas pósitas, & piscem superpósitum, & panem. Dicit eis Jesus : Afférte de piscibus, quos prenidístis nunc. Ascéndit Simon Petrus, & traxit rete in terram, plenum magnis piscibus centum quinquaginta tribus. Et cùm tanti essent, non est scissum rete. Dicit eis Jesus :

Veníte, prandéte. Et nemo audébat discumbéntium interrogáre eum, Tu quis es ? sciéntes, quia Dóminus est. Et venit Jesus, & áccipit panem & dat eis, & piscem simíliter. Hoc jam tértiò manifestátus est Jesus discípulis suis, cùm resurrexíffet à mórtuis.

Credo.

Offert. Ps. 77. Portas coeli apéruiť Dóminus : & pluit illis manna, ut éderent : Panem coeli dedit eis : panem Angelórum manducávit homo, allel.

Secreta.

SAcrificia, Dómine, Paschálibus gaudiis immolámus : quibus Ecclésia tua mirabíliter & páscitur & nutritur. Per Dñm.

Contra persecutores Ecclesiæ. Secreta.
PRótege nos, Dómine, tuis mystériis serviéntes : ut divínis rebus inhæréntes, & corpore tibi famulémur, & mente. Per Dñm.

Vel pro Papa. Secreta.

OBlátis, quæsumus, Dómine, placáre munéríbus : & famulum tuum N. quem pastórem Ecclésiæ tuæ præesse voluísti assíduâ protectióne gubérna. Per Dñm.

Communio. Rom. 6. Christus resurgens ex mórtuis, jam non móritur, allelúia : mors illi ultrà non dominábitur, allelúia, allelúia.

Postcommunio.

AB omni nos, quæsumus, Dómine, vetustáte purgátos, sacraménti tui veneránda percéptio in novam transférát creatúram. Qui vivis & regnas cum Deo Patre.

Contra persecut. Ecclesiæ. Postcomm.

QUæsumus, Dómine Deus noster : ut quos divínâ tríbuis participatióne gaudére, humánis non finas subjacére perículis. Per Dñm.

*Vel pro Papa.**Postcommunio.*

Hæc nos, quæsumus, Dómine, divini sacraménti percéptio protégat: & famulum tuum N. quem pastórem Ecclésiæ tuæ præesse voluisti, una cum commisso sibi grege, salvet semper, & múniat. Per Dñm.

F E R I A Q U I N T A.

*Statio ad SS. duodecim Apostolos.**Introitus. Sap. 10.*

V Irtricem manum tuam, Dómine, laudavérunt páriter, allelúia: quia sapiéntia apérui os mutum, & linguas infántium fecit disertas, allelúia, allelúia. *Pf. 97.* Cantáte Dómino cánticum novum: quia mirabilia fecit. *V. Glória Patri.*

*Orémus.**Oratio.*

Deus, qui diversitátem Géntium in confessióne tui nóminis adunásti: da, ut renátis fonte baptísmatis, una sit fides méntium, & píetas actiónum. Per Dñm.

Secunda Oratio, vel Ecclésiæ tuæ, vel Deus ómnium, ut in Feria præcedenti, fol. 229.

Lectio Actuum Apostolorum. 8. c.

In diébus illis: Angelus Dómini locútus est ad Philíppum, dicens: Surge, & vade contra meridiánum, ad viam quæ descéndit ab Jerúsalem in Gazam: hæc est desérta. Et surgens abiit. Et ecce vir Æthiops Eunúchus, potens Candácis reginæ Æthiopum, qui erat super omnes gazas ejus, venerat adoráre in Jerúsalem: & revertébatur sedens super currum suum, legénsque Isaíam Prophétam. Dixit autem Spíritus Philíppo: Accéde, & adjúnge te ad currum istum. Accúrrens

autem Philíppus, audívit eum legéntem Isaíam Prophétam, & dixit: putásne intélligis quæ legis? Qui ait: Et quómodo possum, si non áliquis ostenderit mihi? Rogavítque Philíppum ut ascénderet, & sedéret secum. Locus autem Scriptúre, quam legébat, erat hic: Tamquam ovis ad occisiónem ductus est: & sicut agnus coram ton-dénte se, sine voce, sic non apérui os suum. In humilitáte judícium ejus sublátum est. Generatióem ejus quis enarrábit; quóniam tollétur de terra vita ejus? Respóndens autem Eunúchus Philíppo, dixit: Obsecro te, de quo Prophéta dicit hoc? de se, an de álio áliquo? Apériens autem Philíppus os suum, & incípiens à Scriptúra ista, evangelizávit illi Jesum. Et dum irent per viam, venérunt ad quamdam aquam: & ait Eunúchus: Ecce aqua, quid próhibet me baptizári? Dixit autem Philíppus: Si credis ex toto corde, licet. Et respóndens, ait: Credo Fílium Dei esse Jesum Christum. Et jussit stare currum: & descendérunt utérque in aquam, Philíppus & Eunúchus, & baptizávit eum. Cùm autem ascendissent de aqua, Spíritus Dómini rápuit Philíppum, & ampliùs non vidit eum Eunúchus. Ibat autem per viam suam gaudens. Philíppus autem invéntus est in Azóto. Et pertránsiens evangelizábat civitatibus cunctis (donec veníret Cæsaréam) nomen Dómini Jesu Christi.

Grad. Ps. 117. Hæc dies, quam fecit Dóminus: exultémus, & lætémur in ea. *V. Lápide,* quem reprobavérunt ædificántes, hic factus est in caput ánguli: à Dómino factum est istud, & est mirábile in óculis nostris. Allel. allel.

V. Surrexit Christus, qui creávit ómnia, & misértus est humano géneri.

Sequentia. Víctimæ Pascháli. ut in Dominica Paschæ, fol. 225.

Sequentia sancti Evangelii secúndum Joánnem. 20. c.

IN illo témpore: María stabat ad monuméntum foris, plorans. Dum ergo fleret, inclinávit se, & prospéxit in monuméntum: & vidit duos Angelos in albis, sedéntes, unum ad caput, & unum ad pedes, ubi pósito fúerat corpus Jesu. Dicunt ei illi: Múlier, quid ploras? Dicit eis: Quia tulérunt Dóminum meum, & nescio ubi posuerunt eum. Hæc cùm dixisset, convérta est retrórsim, & vidit Jesum stantem: & non sciébat quia Jesus est. Dicit ei Jesus: Múlier, quid ploras? quem quæris? illa exístimans quia hortulá-nus esset, dicit ei: Dómine, si tu sustulísti eum, dicito mihi ubi posuísti eum: & ego eum tollam. Dicit ei Jesus: María. Convérta illa, dicit ei: Rabbóni (quod dicitur Magíster.) Dicit ei Jesus: Noli me tángere: nondum enim ascénderi ad Patrem meum: vade autem ad fratres meos, & dic eis: Ascéndo ad Patrem meum, & Patrem vestrum: Deum meum, & Deum vestrum. Venit María Magdaléne annúntians discipulis: Quia vidi Dóminum, & hæc dixit mihi. Credo.

Offert. Exod. 13. In die solemnitátis vestræ, dicit Dóminus, indúcam vos in terram fluéntem lac & mel, allelúia.

Secreta.

Suscipe, quæsumus, Dómine, múnera populórum tuórum propítius; ut confessióne tui nóminis & baptísmate renováti, sempitérnam beatitúdinem consequántur. Per Dñm.

Altera Secreta, vel Prótege nos, vel Oblátis, quæsumus, fol. 230.

Commun. 1 Pet. 2. Pópulus adquisiti-ónis annuntiáte virtútes ejus, allelúia: qui vos de ténebris vocávit in admirá-bile lumen suum, allelúia.

Postcommunio.

EXáudi, Dómine, preces nostras: ut redemptionis nostræ sacrosáncta commércia, & vitæ nobis cónferant præsentis auxílium, & gáudia sempitérna concílient. Per Dñm.

Altera Postcommunio, vel Quæsumus, Dómine, vel Hæc nos, ut in Feria quarta præcedenti, fol. 230.

F E R I A S E X T A.

Statio ad S. Mariam ad Martyres.

Introitus. Psal. 77.

EDúxit eos Dóminus in spe, allelúia: & inimícos eórum opérut mare, allelúia, allelúia, allelúia.

Pf. ib. Atténdite, pópule meus, legem meam: inclináte aurem vestram in verba oris mei. V. Glória Patri.

Orémus.

Oratio.

OMnípotens sempitérne Deus, qui Paschále sacraméntum in reconciliatiónis humanæ foedere contulísti: da méntibus nostris; ut quod professióne celebrámus, imitémur efféctu. Per Dñm.

Altera Oratio, vel Ecclesiæ tuæ, vel Deus ómnium, ut in Feria quarta præcedenti, fol. 229.

Léctio Epístolæ beáti Petri Apóstoli. I. 3. d.

Charíssimi: Christus semel pro peccátis nostris mórtuus est, justus pro injústis, ut nos offerret Deo, mortificátus quidem carne, vivificátus autem spíritu. In quo & his, qui in cár-

cere erant, spirítibus véniens prædicávit: qui incredúli fúerant aliquándo, quando expectábant Dei patiéntiam in diébus Noë, cùm fabricarétur arca: in qua pauci, id est octo ánimæ salvæ factæ sunt per aquam. Quod & vos nunc similis formæ salvos facit baptísma: non carnis depositio fórdium, sed consciéntiæ bonæ interrogátio in Deum per resurrectionem Jesu Christi Dómini nostri, qui est in dextera Dei.

Grad. Ps. 117. Hæc dies, quam fecit Dóminus: exultémus, & lætémur in ea. *V.* Benedíctus qui venit in nómine Dómini: Deus Dóminus, & illúxit nobis. Allelúia, allelúia. *V. Ps. 95.* Dícite in Géntibus: quia Dóminus regnávít à ligno.

Sequentia. Víctimæ Pascháli. ut in Dominica Paschæ, fol. 225.
Sequéntia sancti Evangélíi secúndum Matthæum. 28. d.

IN illo témpore: Undecim discípuli abiérunt in Galilæam, in montem, ubi constitúerat illis Jesus. Et vidéntes eum adoravérunt: quidam autem dubitavérunt. Et accédens Jesus locútus est eis, dicens: Data est mihi omnis potéstas in cœlo, & in terra. Eúntes ergo docéte omnes gentes: baptizántes eos in nómine Patris, & Fílii, & Spíritûs sancti: docéntes eos serváre ómnia quæcúmque mandávi vobis: & ecce ego vobíscum sum ómnibus diébus, usque ad consummationem sæculi.

Credo.

Offert. Exod. 12. Erit vobis hæc dies memoriális, allelúia: & diem festum celebrábitis solémnem Dómino in progenies vestras: legítimum sempitérnum diem, allelúia, allel. allel.

Secreta.

Hostias, quæsumus, Dómine, placátus assúme: quas & pro renatórum expiatióne peccáti deférimus, & pro acceleratióne cœléstis auxílii. Per.

Altera Secreta, vel Prótege nos, vel Oblátis, ut in Feria quarta præcedenti, fol. 230.

Communio. Matt. 28. Data est mihi omnis potéstas in cœlo & in terra, allelúia: eúntes docéte omnes gentes, baptizántes eos in nómine Patris, & Fílii, & Spíritûs sancti, allelúia, allel.

Postcommunio.

Respice, quæsumus, Dómine, pópulum tuum: & quem ætérnis dignátus es renováre mystériis, á temporálibus culpis dignánter absólve. Per Dñm.

Altera Postcommunio, vel Quæsumus, Dómine, vel Hæc nos, ut in Feria quarta præcedenti, fol. 230.

SABBATO IN ALBIS.

Statio ad S. Joannem in Laterano.

Introitus. Psal. 104.

EDúxit Dóminus pópulum suum in exultatióne, allelúia: & eléctos suos in lætítia, allelúia, allelúia.

Ps. ib. Confitémini Dómino, & invocáte nomen ejus: annuntiáte inter Gentes ópera ejus.

V. Glória Patri.

Orémus.

Oratio.

Concède, quæsumus, omnípotens Deus: ut qui festa Paschália venerádo égimus; per hæc contingere ad gáudia ætérna mereámur. Per Dñm.

Altera Oratio, vel Ecclesiæ tuæ, vel Deus ómnium, ut in Feria quarta præcedenti, fol. 229.

Lectio Epistolæ beati Petri Apostoli.

I. 2.

Charissimi: Deponentes omnem malitiam, & omnem dolum, & simulationes, & invidias, & omnes detractiones, sicut modo geniti infantes, rationabile, sine dolo lac concupiscite: ut in eo crescatis in salutem: si tamen gustastis quoniam dulcis est Dominus. Ad quem accedentes lapidem vivum, ab hominibus quidem reprobatum, à Deo autem electum, & honorificatum: & ipsi tamquam lapides vivi superædificamini, domus spiritalis, sacerdotium sanctum, offerre spirituales hostias, acceptabiles Deo per Jesum Christum. Propter quod continet Scriptura: Ecce pono in Sion lapidem summum angularem, electum, pretiosum: & qui crediderit in eum, non confundetur. Vobis igitur honor credentibus: non credentibus autem, lapis quem reprobaverunt ædificantes, hic factus est in caput anguli, & lapis offensionis, & petra scandali, his qui offendent verbo, nec credunt in quo & positi sunt. Vos autem genus electum, regale sacerdotium, gens sancta, populus acquisitionis: ut virtutes annuntiëtis ejus, qui de tenebris vos vocavit in admirabile lumen suum. Qui aliquando non populus, nunc autem populus Dei: qui non consecuti misericordiam, nunc autem misericordiam consecuti.

Ab hac die usque ad Octavam Pentecostes, tam in Officio de Tempore, quam de Sanctis, non dicitur Graduale: sed ejus loco dicuntur duo Versus cum quatuor Allelúia, ordine infra scripto: præterquam in Missis Rogationum, & Vigiliæ Pentecostes, in quibus dicitur unum Alle-

lúia, cum uno Versu; similiter & post quamlibet Lectionem in Sabbato Quatuor Temporum post Pentecosten. Alio tempore usque ad Septuagesimam, quando dicitur Graduale, dicuntur tria Allelúia, post Graduale, bis ante Versum, & semel post Versum; cum autem dicitur Sequentia, Allelúia, quod dicendum esset post Versum, dicitur post Sequentiam.

Allelúia, allelúia. V. Ps. 117. Hæc dies, quam fecit Dominus: exultemus, & lætemur in ea. Allelúia.

V. Ps. 112. Laudate, pueri, Dominum, laudate nomen Domini.

Sequentia. Victimæ Paschali. ut supra in die Paschæ, fol. 225.

Sequentia sancti Evangelii secundum Joannem. 20.

IN illo tempore: Una sabbati Maria Magdalene venit manè cum adhuc tenebræ essent, ad monumentum: & vidit lapidem sublatum à monumento. Cucurrit ergo, & venit ad Simonem Petrum, & ad alium discipulum, quem amabat Jesus, & dicit illis: Tulérunt Dominum de monumento, & nescimus ubi posuerunt eum. Exiit ergo Petrus, & ille alius discipulus, & venerunt ad monumentum. Currébant autem duo simul, & ille alius discipulus præcucurrit citius Petro, & venit primus ad monumentum. Et cum se inclinasset, vidit posita linteamina, non tamen introivit. Venit, ergo Simon Petrus sequens eum, & introivit in monumentum, & vidit linteamina posita, & sudarium, quod fuerat super caput ejus, non cum linteaminibus positum, sed separatim involutum in unum locum. Tunc ergo introivit & ille discipulus, qui venerat primus ad monumentum:

& vidit, & credidit: nondum enim sciēbant Scripturam, quia oportebat eum à mortuis resurgere. Credo.

Offert. Ps. 117. Benedictus qui venit in nōmine Dōmini: benediximus vobis de domo Dōmini: Deus Dōminus, & illūxit nobis, allelūia, allelūia.

Secreta.

Concēde, quæsumus, Dōmine, semper nos per hæc mystēria Paschalia gratulāri: ut continua nostræ reparationis operatio, perpētuae nobis fiat causa lætitiæ. Per Dñm.

Altera Secreta, vel Prōtege nos, *vel* Oblātis, *ut in Feria quarta præcedenti, fol. 230.*

Commun. Gal. 3. Omnes qui in Christo baptizāti estis, Christum induistis, allel.

Postcommunio.

Redemptionis nostræ mūnere vegetāti, quæsumus, Dōmine: ut hoc perpētuae salutis auxilio, fides semper vera proficiat. Per Dñm.

Altera Postcommunio, vel Quæsumus, Dōmine, *vel* Hæc nos, *ut in Feria quarta præcedenti, fol. 230.*

DOMINICA IN ALBIS

IN OCTAVA PASCHÆ.

Statio ad sanctum Pancratium.

Introitus. 1. Pet. 2.

Quasi modò geniti infāntes, allelūia: rationābile, sine dolo lac concupiscite, allelūia, allel. allel.

Rf. 80. Exultāte Deo adiutori nostro: jubilāte Deo Jacob.

V. Glória Patri.

Orémus.

Oratio.

Præsta, quæsumus, omnipotens Deus: ut qui Paschalia festa perēgimus; hæc, te largiēte, mōribus & vitā teneāmus. Per Dñm.

Lectio Epistolæ beati Joānnis Apōstoli.

I. 5.

Charissimi: Omne quod natum est ex Deo, vincit mundum: & hæc est victōria, quæ vincit mundum, fides nostra. Quis est, qui vincit mundum, nisi qui credit quoniam Jesus est Filius Dei? hic est, qui venit per aquam & sanguinem, Jesus Christus, non in aqua solum, sed in aqua & sanguine. Et spiritus est, qui testificatur quoniam Christus est veritas. Quoniam tres sunt, qui testimonium dant in coelo: Pater, Verbum, & Spiritus sanctus: & hi tres unum sunt. Et tres sunt, qui testimonium dant in terra: Spiritus, & aqua, & sanguis: & hi tres unum sunt. Si testimonium hominum accipimus, testimonium Dei majus est: quoniam hoc est testimonium Dei, quod majus est, quoniam testificatus est de Filio suo. Qui credit in Filium Dei, habet testimonium Dei in se.

Allelūia, allel. *V. Mat. 28.* In die resurrectionis meæ, dicit Dōminus, præcedam vos in Galilæam, Allelūia. *V. Joan. 20.* Post dies octo, januis clausis, stetit Jesus in medio discipulorum suorum, & dixit: Pax vobis. Allelūia. Sequētia sancti Evangelii secundum Joānnem. 20. c.

In illo tempore: Cū serò esset die illo, una sabbatorum, & fores essent clausæ, ubi erant discipuli congregati propter metum Judæorum: venit Jesus, & stetit in medio, & dixit eis: Pax vobis. Et cū hoc dixisset, ostendit eis manus, & latus. Gavisi sunt ergo discipuli, viso Dōmino. Dixit ergo eis iterum: Pax vobis. Sicut misit me Pater, & ego mitto vos. Hæc cū dixisset,

insufflavit: & dixit eis: Accipite Spiritum sanctum: quorum remisistis peccata, remittuntur eis: & quorum retinueritis, retenta sunt. Thomas autem unus ex duodecim, qui dicitur Dydimus, non erat cum eis, quando venit Jesus. Dixérunt ergo ei alii discipuli: Vidimus Dominum. Ille autem dixit eis: Nisi videro in manibus ejus fixuram clavórum, & mittam digitum meum in locum clavórum, & mittam manum meam in latus ejus, non credam. Et post dies octo, iterum erant discipuli ejus intus: & Thomas cum eis. Venit Jesus, januis clausis, & stetit in medio, & dixit: Pax vobis. Deinde dicit Thomæ: Infer digitum tuum huc, & vide manus meas, & affer manum tuam, & mitte in latus meum: & noli esse incredulus, sed fidelis. Respondit Thomas, & dixit ei: Dominus meus, & Deus meus. Dixit ei Jesus: Quia vidisti me, Thoma, credidisti: beati qui non viderunt, & crediderunt. Multa quidem & alia signa fecit Jesus in conspectu discipulorum suorum, quæ non sunt scripta in libro hoc. Hæc autem scripta sunt, ut credatis quia Jesus est Christus Filius Dei: & ut credentes, vitam habeatis in nomine ejus. Credo.

Offert. Mat. 28. Angelus Dñi descendit de cœlo, & dixit mulieribus: Quem quaeritis? surrexit sicut dixit, allelúia.

Secreta.

Suscipe múnera, Dómine, quæsumus, exultantis Ecclésiæ: & cui causam tanti gaudii præstitisti, perpétuæ fructum concède lætitiæ. Per Dñm.

Communio. Joan. 20. Mitte manum tuam, & cognosce loca clavórum, allelúia: & noli esse incredulus, sed fidelis, allelúia, allelúia.

Postcommunio.

Quæsumus, Dómine Deus noster: ut sacrosancta mystéria, quæ pro reparationis nostræ munimine contulisti, & præsens nobis remedium esse facias, & futurum. Per Dñm.

¶ A Feria secunda post Octavam Paschæ usque ad Ascensionem, post Orationem diei dicuntur Orationes sequentes, nisi sit Festum Duplex.

De beata Maria. Oratio.

Concède nos famulos tuos, quæsumus, Dómine Deus, perpétuam mentis & corporis sanitatem gaudere: & gloriosam beatæ Mariæ semper Virginis intercessione, à præsentī liberari tristitia, & æternam perfrui lætitiā.

Contra persecutores Ecclesiæ. Oratio.

Ecclésiæ tuæ, quæsumus, Dómine, preces placatus admitte: ut destructis adversitatibus & erroribus universis, securam tibi serviat libertatem. Per.

Vel pro Papa. Oratio.

Deus omnium fidelium pastor & rector, famulum tuum N. quem pastorem Ecclésiæ tuæ præesse voluisti, propitius respice: da ei, quæsumus, verbo & exemplo quibus præest, proficere: ut ad vitam, una cum grege sibi credito, perveniat sempiternam. Per.

De beata Maria. Secreta.

Tuam, Dómine, propitiationem, & beatæ Mariæ semper Virginis intercessione ad perpetuam, atque præsentem hæc oblatio nobis proficiat prosperitatem & pacem.

Contra persecutores Ecclesiæ. Secreta.

Protege nos, Dómine, tuis mysteriis serviētes: ut divinis rebus inhærentes, & corpore tibi famulémur, & mente. Per Dñm.

Vel pro Papa. Secreta.

Oblátis, quæsumus, Dómine, placáre munéribus: & fámulum tuum N. quem pastórem Ecclésiæ tuæ præesse voluísti assíduâ protectióne gubérna. Per Dñm.

De beata Maria. Postcommunio.

Sumptis, Dómine, salutis nostræ subsidíis: da quæsumus, beatæ Mariæ semper Vírginis patrocíniis nos ubique prótegi: in cujus veneratióne, hæc tuæ obtúlimus majestáti.

Contra persecut. Ecclesiæ. Postcommunio.

Quæsumus, Dómine Deus noster: ut quos divínâ tríbuis participatióne gaudére, humánis non finas subjacére periculis. Per Dñm.

Vel pro Papa. Postcommunio.

Hæc nos, quæsumus, Dómine, divíni sacraménti percéptio próte- gat: & fámulum tuum N. quem pas- tórem Ecclésiæ tuæ præesse voluísti, una cum commísso sibi grege, salvet semper, & múníat. Per Dñm.

DOMINICA II. POST PASCHA.

Introitus. Psal. 32.

Misericórdiâ Dómini plena est ter- ra, allelúia: verbo Dómini coeli firmáti sunt, allelúia, allelúia.

Pf. ib. Exultáte, justí, in Dómino: rectos decet collaudátio.

V. Glória Patri.

Orémus.

Oratio.

Deus, qui in Fílii tui humilitáte, jacéntem mundum erexísti: fidé- libus tuis perpétuam concéde lætítiam; ut quos perpétuæ mortis eripuísti cá- sibus, gáudiis fácias pérfrui sempitér- nis. Per eúndem Dñm.

Aliae Orationes. Concéde nos fámu- los tuos. & Ecclésiæ tuæ. *vel* Deus ómnium fidélium. *ut supra, fol. 236.*

Lectio Epístolæ beáti Petri Apóstoli. I. 2. d.

Charíssimi: Christus passus est pro nobis, vobis relínquens exémplum ut sequámini vestígia ejus. Qui peccá- tum non fecit, nec invéntus est dolus in ore ejus: qui cùm maledicerétur, non maledicébat: cùm paterétur, non comminabátur: tradébat autem judi- cánti se injústè: qui peccáta nostra ipse pertulit in córpore suo super lignum: ut peccátis mórtui, justítiæ vivámus: cujus livóre sanáti estis. Erátis enim sicut oves errántes, sed convérsti estis nunc ad pastórem & episcopum ani- márum vestrarum.

Allelúia, allel. *V. Luc. 24.* Cogno- vérunt discípuli Dóminum Jesum in fractiône panis. Allelúia.

V. Joan. 10. Ego sum pastor bonus, & cognósko oves meas, & cognóscunt me meæ. Allelúia.

Sequéntia sancti Evangélii secúndum Joánnem. 10. b.

In illo témpore: Dixit Jesus Phari- sæis: Ego sum pastor bonus. Bonus pastor ánimam suam dat pro óvibus suis. Mercenárius autem, & qui non est pastor, cujus non sunt oves propriæ, videt lupum veniéntem, & dimíttit oves, & fugit: & lupus rapit, & dis- pèrgit oves: mercenárius autem fugit, quia mercenárius est, & non pertinet ad eum de óvibus. Ego sum pastor bonus: & cognósko meas, & cog- nóscunt me meæ. Sicut novit me Pater, & ego agnósko Patrem: & ánimam meam pono pro óvibus

meis. Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus pastor.

Credo.

Offert. Ps. 62. Deus Deus meus, ad te de luce vigilo: & in nomine tuo levabo manus meas, allelúia.

Secreta.

Benedictionem nobis, Domine, conferat salutarem sacra semper oblatio: ut, quod agit mysterio, virtute perficiat. Per Dñm.

Alia Secreta. Tuâ, Domine. & Protege nos. *vel* Oblatis. *ut supra*, fol. 236.

Communio. Joan. 10. Ego sum pastor bonus, allelúia: & cognosco oves meas, & cognoscunt me meæ, allel. allel.

Postcommunio.

Præsta nobis, quæsumus, omnipotens Deus: ut vivificationis tuæ gratiam consequentes, in tuo semper munere gloriemur. Per Dñm.

Alia Postcommuniones. Sumptis, Dñe. & Quæsumus. *vel* Hæc nos. *ut supra*, fol. 237.

DOMINICA III. POST PASCHA.

Introitus. Psal. 65.

Jubiláte Deo, omnis terra, allelúia: psalmum dicite nomini ejus, allel. date glóriam laudi ejus, allel. allel. allel.

Ps. ib. Dicite Deo, quam terribília sunt ópera tua, Domine! in multitudine virtutis tuæ mentiéntur tibi inimici tui. *V.* Glória Patri.

Orémus.

Oratio.

Deus, qui errantibus, ut in viam possint redire justitiæ, veritatis tuæ lumen ostendis: da cunctis, qui Christiánâ professione censéntur, & illa

respúere quæ huic inimica sunt nomini, & ea quæ sunt apta, sectári. Per.

Alia Orationes. Concède nos. & Ecclesiæ tuæ. *vel* Deus omnium. fol. 236.

Lectio Epistolæ beati Petri Apostoli,

I. 2. b.

Charíssimi: Obsecro vos tamquam advenas & peregrinos, abstinere vos à carnalibus desideriis, quæ militant adversus animam, conversationem vestram inter Gentes habentes bonam: ut in eo, quod detractant de vobis tamquam de malefactoribus, ex bonis operibus vos considerantes, glorificent Deum in die visitationis. Subjécti igitur estote omni humanæ creaturæ propter Deum: sive regi, quasi præcellenti; sive ducibus, tamquam ab eo missis ad vindictam malefactorum, laudem verò bonorum: quia sic est voluntas Dei, ut benefaciétes obmutescere faciátis imprudentium hominum ignorantiam: quasi liberi, & non quasi velamen habentes malitiæ libertatem, sed sicut servi Dei. Omnes honorate: fraternitatem diligite: Deum timete: regem honorificate. Servi subditi estote in omni timore dominis, non tantum bonis & modestis, sed etiam dyscolis. Hæc est enim grátia: in Christo Jesu Domino nostro.

Allelúia, allelúia. *V.* *Ps. 110.* Redemptionem misit Dominus populo suo, allelúia. *V.* *Luc. 24.* Oportebat pati Christum, & resurgere à mortuis: & ita intrare in glóriam suam. Allel. Sequéntia sancti Evangelii secundum Joannem. 16. b.

In illo tempore: Dixit Jesus discipulis suis: Modicum, & jam non videbitis me: & iterum modicum, &

vidébitis me: quia vado ad Patrem. Dixérunt ergo ex discipulis ejus ad invicem: Quid est hoc, quod dicit nobis: Módicum, & non vidébitis me: & iterum módicum, & vidébitis me: & quia vado ad Patrem? Dicébant ergo: Quid est hoc, quod dicit, Módicum? nescimus quid loquitur. Cognóvit autem Jesus, quia volébant eum interrogáre, & dixit eis: De hoc quæritis inter vos, quia dixi, Módicum, & non vidébitis me: & iterum módicum & vidébitis me. Amen, amen dico vobis: quia plorábitis, & flébitis vos, mundus autem gaudébit: vos verò contristabimini, sed tristitia vestra vertetur in gáudium. Múlier cum parit, tristitiam habet, quia venit hora ejus: cum autem pepererit púerum, jam non méminit pressúræ propter gáudium: quia natus est homo in mundum. Et vos ígitur nunc quidem tristitiam habétis, iterum autem vidébo vos, & gaudébit cor vestrum: & gáudium vestrum nemo tollet à vobis. Credo.

Offert. Ps. 145. Lauda, ánima mea, Dóminum: laudábo Dóminum in vita mea: psallam Deo meo, quámduo ero, allelúia.

Secreta.

His nobis, Dómine, mystériis conferratur, quò terréna desidéria mitigántes, discámus amáre coeléstia. Per Dñm.

Aliæ Secretæ. Tua, Dómine. & Prótege nos. *vel* Oblátis. *ut supra*, fol. 236.

Commun. Joan. 16. Módicum & non vidébitis me, allelúia: iterum módicum, & vidébitis me, quia vado ad Patrem, allelúia, allelúia.

Postcommunio.

Sacraménta quæ sumpsimus, quæsumus, Dómine, & spirituálibus nos instaurent alimentis, & corporálibus tueántur auxiliis. Per Dñm.

Aliæ Postcommuniones. Sumptis, Dñe. & Quæsumus. *vel* Hæc nos. fol. 237.

DOMINICA IV. POST PASCHA.

Introitus. Ps. 97.

Cantáte Dómino canticum novum, allelúia: quia mirabília fecit Dóminus, allelúia: ante conspéctum Géntium revelávit justítiam suam, allelúia, allel. allel. *V. Ps. ib.* Salvávit sibi dextera ejus, & bráchium sanctum ejus. *V. Glória Patri.*

Orémus.

Oratio.

Deus, qui fidélium mentes unius éfficis voluntátis: da pópulis tuis id amáre quod præcipis, id desideráre quod promíttis: ut inter mundánas varietátes ibi nostra fixa sint corda, ubi vera sunt gáudia. Per Dñm.

Aliæ Orationes. Concéde nos. & Ecclésiæ tuæ. *vel* Deus ómnium. *ut supra*, fol. 236.

Léctio Epístolæ beáti Jacóbi Apóstoli. i.

Charíssimi: Omne datum óptimum, & omne donum perféctum defúrsum est, descéndens à Patre lúminum, apud quem non est transmutátio, nec vicissitúdinis obumbrátio. Voluntáriè enim genuit nos verbo veritátis, ut símus inítium áliquod creatúræ ejus. Scitis, fratres mei dilectíssimi. Sit autem omnis homo velox ad audiéndum: tardus autem ad loquéndum, & tardus ad iram. Ira enim viri justítiam Dei non operátar. Propter quod abjici-

entes omnem immunditiam, & abundantiam malitiæ, in mansuetudine suscipite insitum verbum, quod potest salvare animas vestras.

Allelúia, allel. *Ps.* 117. Dextera Domini fecit virtutem: dextera Domini exaltavit me. Allelúia.

Ps. Rom. 6. Christus resurgens ex mortuis, jam non moritur: mors illi ultra non dominabitur. Allelúia.

Sequentia sancti Evangelii secundum Joannem. 16. c.

IN illo tempore: Dixit Jesus discipulis suis: Vado ad eum, qui misit me: & nemo ex vobis interrogat me, Quò vadis? Sed quia hæc locutus sum vobis, tristitia implevit cor vestrum. Sed ego veritatem dico vobis: expedit vobis ut ego vadam: si enim non abiero, Paráclitus non veniet ad vos: si autem abiero, mittam eum ad vos. Et cum venerit ille, arguet mundum de peccato, & de justitia, & de judicio. De peccato quidem, quia non crediderunt in me: de justitia verò, quia ad Patrem vado, & jam non videbitis me: de judicio autem, quia princeps hujus mundi jam judicatus est. Adhuc multa habeo vobis dicere: sed non potestis portare modò. Cum autem venerit ille Spiritus veritatis, docebit vos omnem veritatem. Non enim loquetur à semetipso: sed quæcúmque audiet loquetur, & quæ ventura sunt, annuntiabit vobis. Ille me clarificabit: quia de meo accipiet, & annuntiabit vobis. Credo.

Offert. *Ps.* 65. Jubiláte Deo, universa terra, psalmum dicite nomini ejus: Veníte, & audíte & narrábo vobis, omnes qui timétis Deum, quanta fecit Dominus animæ meæ, allelúia.

Secreta.

DEus, qui nos per hujus sacrificii veneranda commercia, unius summe divinitatis participes effecisti: præsta, quæsumus; ut sicut tuam cognoscimus veritatem, sic eam dignis moribus assequámur. Per Dñm.

Aliæ Secretæ. Tuâ, Dñe. & Prótege nos. *vel* Oblátis. *ut supra. fol.* 236.

Communio. *Joan.* 16. Cum venerit Paráclitus Spiritus veritatis, ille arguet mundum de peccato, & de justitia, & de judicio, allelúia, allelúia.

Postcommunio.

ADesto nobis, Domine Deus noster: ut per hæc, quæ fideliter sumpsimus, & purgémur à vitiis, & à periculis omnibus eruámur. Per Dñm.

Aliæ Postcommuniones. Sumptis, Domine. & Quæsumus, Domine. *vel* Hæc nos. *ut supra, fol.* 237.

DOMINICA V. POST PASCHA.

Introitus. *Isaia* 48.

VOcem jucunditatis annuntiáte, & audiátur, allelúia: annuntiáte usque ad extrémum terræ: liberávit Dominus pópulum suum, allelúia, allelúia. *Ps.* 65. Jubiláte Deo, omnis terra: psalmum dicite nomini ejus, date glóriam laudi ejus.

Ps. Glória Patri.

Orémus.

Oratio.

DEus, à quo bona cuncta procedunt, largire supplicibus tuis: ut cogitémus, te inspirante, quæ recta sunt; & te gubernante, eadem faciámus. Per Dñm.

Aliæ Orationes. Concède nos. & Ecclesiæ tuæ. *vel* Deus omnium. *ut supra, fol.* 236.

Lectio Epistolæ beati Jacobi Apostoli.

I. d.

Charissimi: Estote factores verbi, & non auditores tantum: fallentes vosmetipsos. Quia si quis auditor est verbi, & non factor: hic comparabitur viro consideranti vultum nativitatis suæ in speculo: consideravit enim se, & abiit, & statim oblitus est qualis fuerit. Qui autem perspexerit in legem perfectam libertatis, & permanserit in ea, non auditor oblivisus factus, sed factor operis: hic beatus in facto suo erit. Si quis autem putat se religiosum esse, non refrænans linguam suam, sed seducens cor suum, hujus vana est religio. Religio munda & immaculata apud Deum & Patrem, hæc est: Visitare pupillos & viduas in tribulatione eorum, & immaculatum se custodire ab hoc sæculo.

Allelúia, allel. *V.* Surrexit Christus, & illuxit nobis, quos redemit sanguine suo. Allelúia. *V.* Joan. 16. Exivi à Patre, & veni in mundum: iterum relinquo mundum, & vado ad Patrem. Allelúia.

Sequentia sancti Evangelii secundum Joannem. 16. c.

In illo tempore: Dixit Jesus discipulis suis: Amen, amen dico vobis: si quid petieritis Patrem in nomine meo, dabit vobis. Usque modò non petistis quidquam in nomine meo: Petite & accipietis, ut gaudium vestrum sit plenum. Hæc in proverbiis locutus sum vobis. Venit hora, cum jam non in proverbiis loquar vobis, sed palàm de Patre annuntiabo vobis. In illo die in nomine meo petetis: & non dico vobis quia ego rogabo Patrem

de vobis: ipse enim Pater amat vos, quia vos me amastis, & credidistis, quia ego à Deo exivi. Exivi à Patre, & veni in mundum: iterum relinquo mundum, & vado ad Patrem. Dicunt ei discipuli ejus: Ecce nunc palàm loqueris, & proverbium nullum dicis. Nunc scimus quia scis omnia, & non opus est tibi ut quis te interroget: in hoc credimus quia à Deo existi.

Credo.

Offert. Ps. 65. Benedicite, Gentes, Dóminum Deum nostrum, & obaudite vocem laudis ejus: qui posuit animam meam ad vitam, & non dedit commoveri pedes meos: benedictus Dóminus, qui non amovit deprecationem meam, & misericórdiam suam à me, allelúia.

Secreta.

Suscipe, Dómine, fidélium preces cum oblationibus hostiarum: ut per hæc piæ devotionis officia, ad coelèstem glóriam transeamus. Per Dñm.

Aliæ Secretæ. Tua, Dómine. & Protege nos. *vel* Oblatis. *ut supra, fol. 236.*

Commun. Ps. 95. Cantate Dómino, allelúia: cantate Dómino, & benedicite nomen ejus: benè nuntiáte de die in diem salutáre ejus, allelúia, allelúia.

Postcommunio.

Tribue nobis, Dómine, coeléstis mensæ virtute satiátis, & desiderare quæ recta sunt, & desiderata percipere. Per Dñm.

Aliæ Postcommuniones. Sumptis, Dómine. & Quæsumus, Dómine. *vel* Hæc nos. *ut supra, fol. 237.*

M in

IN LITANIIS MAJORIBUS.

In festo sancti Marci Evangelistæ, Statio ad S. Petrum. Et in minoribus ante Ascensionem, Feria secunda Rogationum, Statio ad S. Mariam majorem. Feria tertia, Statio ad S. Joannem in Laterano. Feria quarta, Statio ad S. Petrum.

¶ Sequens Missa dicitur in Litanis majoribus & minoribus ad Processionem, sine commemoratione Festi occurrentis. In Feriis autem Rogationum, in Missis privatis si dicitur de Sancto, fit commemoratio Rogationum: si dicitur de Rogationibus, fit commemoratio Festi occurrentis. Feria vero tertia si Festum non occurrat, dicatur Missa de Rogationibus, sine Glória in excelsis. licet in Officio dictum sit, Te Deum. & Oratio Dominicæ.

Introitus. Psal. 17.

EXaudivit de templo sancto suo vocem meam, allelúia: & clamor meus in conspectu ejus introivit in aures ejus, allelúia, allelúia.

Pf. ib. Diligam te, Dómine, virtus mea: Dóminus firmamentum meum, & refúgium meum, & liberátor meus.

V. Glória Patri.

In hac Missa non dicitur Glória in excelsis. neque Credo.

Orémus.

Oratio.

PRæsta, quæsumus, omnipotens Deus, ut qui in afflictione nostra de tua pietate confidimus, contra adversa omnia, tuâ semper protectione muniamur. Per Dñm.

Aliæ Orationes. Concède nos. & Ecclesiæ tuæ. vel Deus omnium. fol. 236.

Lectio Epistolæ beati Jacobi Apóstoli. 5.

Charissimi: Confitémini alterutrum peccata vestra, & oráte pro invicem ut salvemini: multum enim valet

deprecatio justis assidue. Elías homo erat similis nobis passibilis: & oratione oravit ut non plueret super terram, & non pluit annos tres, & menses sex. Et rursum oravit: & coelum dedit pluviam, & terra dedit fructum suum. Fratres mei, si quis ex vobis erraverit à veritate, & converterit quis eum: scire debet, quoniam qui converti fecerit peccatorem ab errore viæ suæ, salvabit animam ejus à morte, & operiet multitudinem peccatorum.

Allelúia. *V. Ps. 117.* Confitémini Dómino, quoniam bonus: quoniam in sæculum misericordia ejus.

Sequéntia sancti Evangelii secundum Lucam. 11.

IN illo tempore: Dixit Jesus discipulis suis: Quis vestrum habebit amicum, & ibit ad illum mediâ nocte, & dicet illi: Amice, commoda mihi tres panes, quoniam amicus meus venit de via ad me, & non habeo quod ponam ante illum: ille deintus respondens, dicat: Noli mihi molestus esse, jam ostium clausum est, & pueri mei mecum sunt in cubili, non possum surgere, & dare tibi. Et si ille perseveraverit pulsans: dico vobis, & si non dabit illi surgens eò quod amicus ejus sit, propter improbitatem tamen ejus surget, & dabit illi quotquot habet necesarios. Et ego dico vobis: Pétite, & dabitur vobis: quærite, & inveniétis: pulsate, & aperiétur vobis. Omnis enim qui petit, accipit: & qui quærit, invenit: & pulsanti aperiétur. Quis autem ex vobis patrem petit panem, numquid lapidem dabit illi? Aut piscem: numquid pro pisce serpentem dabit illi? Aut si petierit ovum: numquid porri-

get illi scorpíonem? Si ergo vos cùm sitis mali, nostis bona dare filiis vestris: quantò magis Pater vester de cœlo dabit spíritum bonum peténtibus se?

Offert. Ps. 108. Confitébor Dómino nimis in ore meo: & in médio multórum laudábo eum, qui ástitit à dextris páuperis: ut salvam fáceret à persequéntibus ánimam meam, allelúia.

Secreta.

HÆc múnera, quæsumus, Dómine, & víncula nostræ pravitatís ab-sólvant, & tuæ nobis misericórdiæ dona concílient. Per Dñm.

Aliæ Secretæ. Tua, Dñe. & Prótege nos. *vel* Oblátis. *fol.* 236.

Et dicitur Præfatio Paschæ.

Communio. Luc. 11. Pétite, & accipietis: quærite, & inveniétis: pulsáte, & aperiétur vobis: omnis enim qui petit, áccipit: & qui quærit invenit: & pulsánti aperiétur, allelúia.

Postcommunio.

VOta nostra, quæsumus, Dómine, pio favóre proféquare: ut dum dona tua in tribulatióne percípimus, de consolatióne nostra in tuo amóre crescámus. Per Dñm.

Aliæ Postcommuniones. Sumptis, Dñe. & Quæsumus, Dñe. *vel* Hæc nos. *fol.* 237.

IN VIGILIA ASCENSIONIS.

Si hodie occurrat Festum Simplex, fit de ipso tantum commemoratio. Si occurrat Festum Duplex vel Semiduplex, Missa dicitur de Festo cum commemoratione Vigiliæ, & Rogationum. Sed in Ecclesiis Collegiatis præter Missam de Rogationibus dicuntur duæ Missæ, una de Festo, & alia de Vigilia.

Introitus. Isaia 48.

VOcem jucunditátis annuntiáte, & audiátur, allelúia: annuntiáte usque ad extrémum terræ: liberávit Dóminus pópulum suum, allelúia, allelúia. *Ps. 65.* Jubiláte Deo, omnis terra: psalmum dícite nómini ejus, date glóriam laudi ejus.

V. Glória Patri. Et dicitur Glória in excélsis.

Orémus.

Oratio.

DEus, à quo bona cuncta procedunt, largíre supplicibus tuis: ut cogitémus, te inspiránte, quæ recta sunt; & te gubernánte, éadem faciámus. Per.

Secunda Oratio de Rogationibus. Præsta, quæsumus. *fol.* 242. *Tertia de sancta Maria,* Concède nos fámulos tuos. *fol.* 236.

In Ecclesiis autem Collegiatis, ubi dicitur alia quoque Missa de Rogationibus, secunda Oratio erit de beata Maria: Tertia, Ecclesiæ tuæ. vel Deus ómnium. fol. 236.

Lectio Epístolæ beati Pauli Apóstoli ad Ephésios. 4. b.

FRatres, Unicuíque nostrúm data est grátia secúndum mensúram donatiónis Christi. Propter quod dicit: Ascéndens in altum, captívam duxit captivitátem: dedit dona homínibus. Quod autem ascéndit, quid est, nisi quia & descéndit primùm in inferiôres partes terræ? Quí descéndit, ipse est & qui ascéndit super omnes cœlos, ut impléret ómnia. Et ipse dedit quosdam quidem Apóstolos, quosdam autem Prophétas, álios verò Evangelístas, álios autem pastôres, & doctôres, ad cónsummatiônem sanctórum in opus ministrerii, in ædificatiônem corpóris

Christi : donec occurrámus omnes in unitátem fidei, & agnitiónis Fílii Dei, in virum perfectum, in mensúram aetá-tis plenitúdinis Christi.

Allelúia, allel. *V.* Surrexit Christus, & illúxit nobis, quos redémit sán-guine suo. Allel. *V.* *Joan.* 16. Exívi à Patre, & veni in mundum : íterùm relínquo mundum, & vado ad Patrem. Allelúia.

Sequéntia sancti Evangélíi secúndum Joánnem. 17.

IN illo témpore : Sublevátis Jesus óculis in cœlum, dixit : Pater, venit hora, clarífica Fílium tuum, ut Fílius tuus claríficet te : Sicut dedísti ei po-testátem omnis carnis, ut omne, quod dedísti ei, det eis vitam ætérnam. Hæc est autem vita ætérna : Ut cognóscant te, solum Deum verum, & quem mi-sísti Jesum Christum. Ego te clarificávi super terram : opus consummávi, quod dedísti mihi ut fáciam : & nunc clarí-fica me tu Pater apud temetípsum, claritáte, quam hábui priúsqúam mun-dus esset, apud te. Manifestávi nomen tuum homínibus, quos dedísti mihi de mundo. Tui erant, & mihi eos de-dísti : & sermónem tuum servavérunt. Nunc cognovérunt, quia ómnia quæ dedísti mihi, abs te sunt : quia verba, quæ dedísti mihi, dedi eis : & ipsi ac-cepérunt, & cognovérunt verè quia à te exívi, & credidérunt quia tu me misísti. Ego pro eis rogo : non pro mundo rogo, sed pro his, quos dedísti mihi : quia tui sunt : & mea ómnia tua sunt, & tua mea sunt : & clarificá-tus sum in eis. Et jam non sum in mundo, & hi in mundo sunt, & ego ad te vénio.

Offert. Ps. 65. Benedícite, Gentes, Dóminum Deum nostrum, & obaudíte vocem laudis ejus : qui posuit ánimam meam ad vitam, & non dedit com-movéri pedes meos : benedíctus Dó-minus, qui non amóvit deprecationem meam, & misericórdiam suam à me, allelúia.

Secreta.

SUscipe, Dómine, fidélium preces cum oblatiónibus hostiárum : ut per hæc piæ devotiónis officia, ad coeléstem glóriam transeámus. Per Dñm.

Secunda Secreta de Rogationibus, Hæc múnera. fol. 243. Tertia de beata Ma-ria, Tua, Dómine. fol. 236.

Vel secunda de beata Maria ; tertia Prótege nos. *vel* Oblátis, quæsumus, Dñe. *fol. 236.*

Communio. Ps. 95. Cantáte Dómino, allelúia : cantáte Dómino, & benedícite nomen ejus : benè nuntiáte de die in diem salutáre ejus : allelúia, al-lelúia.

Postcommunio.

TRíbuie nobis, Dómine, coeléstis mensæ virtúte satiátis, & desi-deráre quæ recta sunt, & deside-ráta percípere. Per Dóminum nostrum Jesum Christum Fílium tuum : Qui tecum vivit & regnat in unitáte Spíri-tus sancti Deus, per ómnia sæcula sæ-culórum. *R.* Amen.

Secunda Postcommunio de Rogationi-bus, Vota nostra. fol. 243. tertia de beata Maria, Sumptis, Dómine. fol. 237.

Vel secunda de beata Maria : tertia, Quæsumus, Dómine. *vel* Hæc nos. *fol. 237.*



IN DIE ASCENSIONIS DOMINI.

Statio ad sanctum Petrum.

Introitus. Act. i.

Viri Galilæi, quid admirâmini aspicientes in coelum? allelûia: quemâdmodum vidistis eum ascendentem in coelum, ita veniet, allelûia, allelûia, allel. *Pf. 46.* Omnes Gentes, plaudite manibus: jubilate Deo in voce exultationis.

V. Glória Patri.

Orémus.

Oratio.

Concède, quæsumus, omnipotens Deus: ut qui hodiernâ die Unigenitum tuum Redemptorem nostrum ad coelos ascendisse credimus: ipsi quoque mente in coelestibus habitemus. Per eundem Dñm.

Lectio Actuum Apostolorum. i.

Primùm quidem fermónem feci de ómnibus, ô Theóphile, quæ coepit Jesus facere, & docere, usque in diem, quâ, præcipiens Apóstolis per Spíritum sanctum, quos elegit, assumptus est: quibus & præbuit seípsum vivum post passionem suam in multis arguméntis, per dies quadraginta appárens eis, & loquens de regno Dei. Et convéscens, præcepit eis ab Jerosólymis ne discéderent, sed expectárent promissionem Patris, quam audistis (inquit) per os meum: quia Joánnes quidem baptizávit aquâ, vos autem baptizabimini Spíritu sancto non post multos hos dies. Igitur qui convenerant interrogábant eum, dicentes: Dómine, si in témpore hoc restitues regnum Israël? Dixit autem eis: Non est vestrùm nosse témpora vel mómenta, quæ Pater posuit in sua potestáte: sed accipietis virtutem su-

pervenientis Spíritus sancti in vos, & eritis mihi testes in Jerúsalem, & in omni Judæa, & Samaría, & usque ad ultimum terræ. Et cum hæc dixisset, videntibus illis, elevatus est: & nubes suscepit eum ab oculis eorum. Cumque intuerentur in coelum euntem illum, ecce duo viri astiterunt juxta illos in vestibus albis, qui & dixerunt: Viri Galilæi, quid statis aspicientes in coelum? Hic Jesus, qui assumptus est a vobis in coelum, sic veniet, quemâdmodum vidistis eum euntem in coelum.

Allelûia, allel. *V. Pf. 46.* Ascendit Deus in jubilatione, & Dóminus in voce tubæ. Allelûia. *V. Pf. 67.* Dóminus in Sina in sancto, ascendens in altum, captivam duxit captivitatem. Allelûia.

Sequentia sancti Evangelii secundum

Marcum. 16.

In illo témpore: Recumbéntibus undecim discipulis, apparuit illis Jesus: & exprobrávit incredulitatem eorum, & duritiam cordis: quia iis, qui viderant eum resurrexisse, non crediderunt. Et dixit eis: Euntes in mundum universum, prædicáte Evangelium omni creaturæ. Qui crediderit, & baptizátus fuerit, salvus erit: qui verò non crediderit, condemnabitur. Signa autem eos, qui crediderint, hæc sequéntur: in nómine meo dæmónia ejicient: linguis loquéntur novis: serpentes tolerant: & si mortíferum quid biberint, non eis nocébit: super ægros manus impónent, & benè habébunt. Et Dóminus quidem Jesus, postquam locútus est eis, assumptus est in coelum, & sedet à dextris Dei. Illi autem profecti;

prædicaverunt ubique, Dómino cooperante & fermónem confirmante, sequéntibus signis.

Dicto Evangelio extinguatur Cereus Paschalis, nec ulterius accenditur nisi in Sabbato Pentecostes ad benedictionem Fontis. Credo.

Offert. Ps. 46. Ascéndit Deus in jubilatione, & Dóminus in voce tubæ, allelúia.

Secreta.

Suscipe, Dómine, múnera, quæ pro Fílii tui gloriósâ Ascensione deferimus: & concède, propítius; ut à præsentibus periculis liberémur, & ad vitam perveniámus ætérnam. Per eúndem Dñm.

Præfatio. Qui post resurrectionem suam. fol. 210. Et dicitur usque ad Vigiliam Pentecostes exclusive.

Infra actionem. Communicantes, & diem sacratíssimum. Et dicitur per Octavam tantum.

Communio. Ps. 67. Psállite Dómino, qui ascéndit super coelos coelórum ad Oriéntem, allelúia.

Postcommunio.

Præsta nobis, quæsumus, omnipotens & misericors Deus, ut quæ visibilibus mystériis suménda percépi-mus, invisibili consequámur efféctu. Per Dñm.

¶ Infra Octavam Ascensionis dicitur Missa de Ascensione, nisi occurrat Festum Duplex, vel Semiduplex, de quo tunc fit cum commemoratione Octavæ: de Sim-plici autem fit tantum commemoratio. Post Orationem diei dicitur secunda Oratio de S. Maria, Concède nos fámulos tuos. & tertia, Ecclesiæ tuæ. vel Deus óm-nium. ut supra, fol. 236.

D O M I N I C A

INFRA OCTAVAM ASCENSIONIS.

Introitus. Ps. 26.

EXáudi, Dómine, vocem meam, quâ clamávi ad te, allelúia: tibi dixit cor meum, quæsívi vultum tuum, vultum tuum, Dómine, requíram: ne avértas fáciem tuam à me, allel. allel.

Ps. ib. Dóminus illuminatio mea, & salus mea: quem timébo?

℣. Glória Patri.

Orémus.

Oratio.

OMnípotens sempitérne Deus, fac nos tibi semper & devótam gérere voluntátem, & majestáti tuæ sincéro corde servíre. Per Dñm.

Et fit commemoratio de Ascensione tantum, Concède, quæsumus, fol. 245.

Léctio Epístolæ beáti Petri Apóstoli.

I. 4. b.

Charíssimi: Estóte prudentes, & vigiláte in orationibus. Ante ómnia autem, mútuam in vobismetípsis charitátem contínuam habéntes: quia cháritas óperit multitudinem peccatórum. Hospitáles invicem sine mur-muratione. Unusquísque, sicut accépit grátiam, in altérutrum illam adminis-trántes, sicut boni dispensatóres multi-fórmis grátiae Dei. Si quis lóquitur, quasi fermónes Dei: si quis minístrat, tamquam ex virtúte, quam adminístrat Deus: ut in ómnibus honorificétur Deus per Jesum Christum Dóminum nostrum.

Allelúia, allel. *℣. Ps. 46. Regnávít Dóminus super omnes gentes: Deus sedet super sedem sanctam suam. Allel.*

℣. Joan. 14. Non vos relínquam ór-phanos: vado, & vénio ad vos, & gau-débit cor vestrum. Allelúia.

Sequéntia sancti Evangélii secúndum Joánnem. 15. d. & 16.

IN illo témpore: Dixit Jesus discipulis suis: Cúm vénerit Paráclitus, quem ego mittam vobis à Patre, Spíritum veritátis, qui à Patre procedit, ille testimónium perhibébit de me: & vos testimónium perhibébitis, quia ab inítio mecum estis. Hæc locútus sum vobis, ut non scandalizémini. Absque Synagógis fácient vos: sed venit hora, ut omnis qui intérficit vos, arbitrétur obsequium se præstáre Deo. Et hæc fácient vobis, quia non novérunt Patrem, neque me. Sed hæc locútus sum vobis: ut cúm vénerit hora eórum reminiscámini, quia ego dixi vobis.

Credo.

Offert. Psal. 46. Ascéndit Deus in jubilatione: & Dóminus in voce tubæ, allelúia.

Secreta.

SAcrificia nos, Dómine, immaculáta puríficent: & méntibus nostris supernæ grátiae dent vigórem. Per Dñm.

Pro Ascensione. Súscipe, Dñe, múnera. ut supra, 246.

Commun. Joan. 17. Pater, cúm essem cum eis, ego servábam eos, quos dedísti mihi, allelúia: nunc autem ad te vénio: non rogo ut tollas eos de mundo, sed ut serves eos à malo, allelúia, allelúia.

Postcommunio.

REpléti, Dómine, munéribus sacris: da, quæsumus, ut in gratiárum semper actióne maneámus. Per Dñm.

Pro Ascensione. Præsta nobis. ut supra, fol. 246.

In Oclava Ascensionis dicitur Missa sicut in die, cum una tantum Oratione.

¶ Feria sexta post Octavam Ascensionis, si non fuerit Festum Duplex, vel Semiduplex, Missa dicitur de Dominica præterita, cum commemoratione de S. Maria, Concède nos. & Ecclesiæ tuæ. vel Deus ómnium fidélium. fol. 236. de Simplici fit tantum commemoratio. Et non dicitur Credo.

S A B B A T O

IN VIGILIA PENTECOSTES.

Statio ad S. Joannem in Laterano.

Dicta Nona, Sacerdos & Ministri induti paramentis violacei coloris, accedunt ad Altare, & facta reverentia, Sacerdos illud osculatur in medio. Deinde leguntur Prophetiæ sine titulo, candelis Altaris extinctis usque ad principium Missæ, sicut in Sabbato sancto. Sacerdos legit eas submissa voce ad Altare in cornu Epistolæ. In fine Prophetiarum dicuntur Orationes sine Flectámus gènu.

Prophetia prima. GEN. 22.

IN diébus illis: Tentávit Deus Abraham, & dixit ad eum: Abraham, Abraham. At ille respóndit: Adsum. Ait illi: Tolle filium tuum unigénitum, quem díligis, Isaac, & vade in terram visiónis: atque ibi offeres eum in holocáustum super unum móntium quem monstrávero tibi. Igitur Abraham de nocte confúrgens; stravit ásinum suum: ducens secum duos júvenes, & Isaac filium suum. Cúmque concidisset ligna in holocáustum, ábiit ad locum quem præcéperat ei Deus. Die autem tértio, elevátis óculis, vidit locum procul: dixitque ad púeros suos: Expectáte híc cum ásino: ego & puer illuc usque properánte postquam ado-

raverimus, revertémur ad vos. Tulit quoque ligna holocausti, & impósuit super Isaac filium suum: ipse verò portábat in mánibus ignem & gládium. Cùmque duo pérgerent simul, dixit Isaac patri suo: Pater mi. At ille respóndit: Quid vis fili? Ecce, inquit, ignis & ligna: ubi est víctima holocausti? Dixit autem Abraham: Deus providébit sibi víctimam holocausti, fili mi. Pergébant ergo páriter: & venerunt ad locum quem osténderat ei Deus, in quo aedificávit altáre, & desuper ligna compósuit: cùmque alligáset Isaac filium suum, pósuit eum in altáre super struem lignórum. Extendítque manum, & arrípuit gládium, ut immoláret filium suum. Et ecce Angelus Dómini de coelo clamávit, dicens: Abraham, Abraham. Qui respóndit: Adsum. Dixítque ei: Non exténdas manum tuam super púerum, neque fácias illi quidquam: nunc cognóvi quòd times Deum, & non pepercísti unigénito filio tuo propter me. Levávit Abraham óculos suos, vidítque post tergum arietem inter vepres hæréntem córnis, quem assúmens obtulit holocaustum pro filio. Appellávitque nomen loci illíus, Dóminus videt. Unde usque hódie dicitur: In monte Dóminus vidébit. Vocávit autem Angelus Dómini Abraham secundo de coelo, dicens: Per memetípsum jurávi, dicit Dóminus: quia fecísti hanc rem, & non pepercísti filio tuo unigénito propter me: benedícam tibi, & multiplicábo semen tuum sicut stellas coeli, & velut arénam quæ est in líttore maris: possidébit semen tuum portas inimicórum suórum, & benedicéntur

in sémine tuo omnes gentes terræ, quia obedísti voci meæ. Revérsus est Abraham ad púeros suos, abierúntque Bersabée simul, & habitávit ibi.

Qua finita, Sacerdos dicit:

Orémus.

Oratio.

DEus, qui in Abrahæ fámuli tui ópere humano géneri obediéntiæ exempla præbuísti: concéde nobis, & nostræ voluntátis pravitatem frángere, & tuórum præceptórum rectitúdinem in ómnibus adimplére. Per Dñm.

Prophetia secunda. Exod. 14. & 15.

IN diébus illis: Factum est in vigília matutína, & ecce respiciens Dóminus super castra Ægyptiórum per columnam ignis & nubis, interfecit exercitum eórum: & subvértit rotas currum, ferebantúrque in profúndum. Dixérunt ergo Ægyptii: Fugiámus Israëlem: Dóminus enim pugnat pro eis contra nos. Et ait Dóminus ad Móysen: Exténde manum tuam super mare, ut revertántur aquæ ad Ægyptios super currus & équites eórum. Cùmque extendíffet Móyses manum contra mare, revérsus est primo dilúculo ad priórem locum: fugientibúisque Ægyptiis occurrérunt aquæ, & invólvit eos Dóminus in médiis flúctibus. Reversæque sunt aquæ, & operuérunt currus & équites cuncti exercitûs Pharaónis, qui sequéntes ingrési fúerant mare: nec unus quidem superfuit ex eis. Fílii autem Israël perrexérunt per médium sicci maris, & aquæ eis erant quasi promuro à dextris & à sinístris: liberávitque Dóminus in die illa Israël de manu Ægyptiórum. Et vidérunt Ægyptios mórtuos super littus maris, & manum magnam quam exercúerat Dóminus

contra eos : timuitque populus Dominum, & crediderunt Domino & Moyse servo ejus. Tunc cecinit Moyses & filii Israël carmen hoc Domino, & dixerunt :

Tract. Exod. 15. Cantemus Domino : gloriosè enim honorificatus est : equum & ascensorem projecit in mare : adjutor & protector factus est mihi in salutem. *V.* Hic Deus meus, & honorificabo eum : Deus patris mei, & exaltabo eum. *V.* Dominus conterens bella : Dominus nomen est illi.

Orémus.

Oratio.

DEus, qui primis temporibus impléta miracula, novi testamenti luce refferasti, ut & mare Rubrum forma sacri fontis existeret, & liberata plebs ab Ægyptiaca servitute, Christiani populi sacramenta praeferret : da, ut omnes Gentes Israël privilegium merito fidei consecutæ, Spiritus tui participatione regenerentur. Per Dñm. . . . in unitate ejusdem Spiritus sancti.

Prophetia tertia. Deut. 31.

IN diebus illis : Scripsit Moyses canticum, & docuit filios Israël. Præcepitque Dominus Josue filio Nun, & ait : Confortare, & esto robustus : tu enim introduces filios Israël in Terram, quam pollicitus sum, & ego ero tecum. Postquam ergo scripsit Moyses verba legis hujus in volumine, atque complévit : præcepit Levitis, qui portabant arcam foederis Domini, dicens : Tolle librum istum, & pónite eum in latere arcæ foederis Domini Dei vestri : ut sit ibi contra te in testimonium. Ego enim scio contentionem tuam, & cervicem tuam durissimam. Adhuc vivente me, & ingrediénte vobiscum,

semper contentiosè egistis contra Dominum, quantò magis cum mortuus fuero ? Congregate ad me, omnes maiores natu per tribus vestras, atque doctores, & loquar audientibus eis sermones istos, & invocabo contra eos coelum & terram. Novi enim quòd post mortem meam iniquè agétis, & declinabitis citò de via, quam præcepi vobis : & occurrant vobis mala in extremo tempore, quando feceritis malum in conspectu Domini, ut irritetis eum per ópera manuum vestrarum. Locutus est ergo Moyses, audiente universo coetu Israël, verba carminis hujus, & ad finem usque complévit.

Tract. Deut. 32. Attende coelum & loquar : & audiat terra verba ex ore meo. *V.* Expectetur sicut pluvia eloquium meum : & descendant sicut ros verba mea. *V.* Sicut imber super gramen, & sicut nix super fœnum : quia nomen Domini invocabo. *V.* Date magnitudinem Deo nostro : Deus, vera ópera ejus, & omnes viæ ejus iudicia. *V.* Deus fidelis, in quo non est iniquitas : justus & sanctus Dominus.

Orémus.

Oratio.

DEus, glorificatio fidélium, & vita justórum, qui per Moysen famulum tuum, nos quoque modulatione sacri carminis erudisti : universis Gentibus misericordiæ tuæ munus operare, tribuendo beatitudinem, auferendo terrórem : ut quod pronuntiátum est ad supplicium, in remédium transferatur ætérnum. Per Dñm.

Prophetia quarta. Isaia 4.

Apprehendent septem mulieres virum unum in die illa, dicentes : Panem nostrum comedemus, & vesti-

mentis nostris operiemur; tantummodo invocetur nomen tuum super nos, aufer opprobrium nostrum. In die illa erit germen Domini in magnificentia, & gloria, & fructus terrae sublimis, & exultatio his, qui salvati fuerint de Israël. Et erit: Omnis qui relictus fuerit in Sion, & residuus in Ierusalem, sanctus vocabitur, omnis qui scriptus est in vita in Ierusalem. Si abluerit Dominus fordes filiarum Sion, & sanguinem Ierusalem laverit de medio ejus, in spiritu iudicii, & spiritu ardoris. Et creabit Dominus super omnem locum montis Sion, & ubi invocatus est, nubem per diem, & fumum & splendorem ignis flammantis in nocte: super omnem enim gloriam protectio. Et tabernaculum erit in umbraculum diei ab aestu, & in securitatem, & absconsonem à turbine, & à pluvia.

Tractus. Isaia 5. Vineam facta est dilecto in cornu, in loco uberi. *V.* Et maceriam circumdedit, & circumfodit: & plantavit vineam Sorec, & aedificavit turrem in medio ejus. *V.* Et torcular fodit in ea: vinea enim Domini Sabaoth, domus Israël est.

Orémus.

Oratio.

OMnipotens sempiternae Deus, qui per unicum Filium tuum, Ecclesiae tuae demonstrasti te esse cultorem: omnem palmitem, fructum in eodem Christo tuo, qui vera vitis est, afferentem, clementer excolens, ut fructus afferat ampliores: fidelibus tuis, quos velut vineam ex Aegypto per fontem baptismi transtulisti, nullae peccatorum spinæ praevaleant: ut Spiritus tui sanctificatione muniti, perpetuam fruge ditentur. Per eundem Dñm. . . . in unitate ejusdem Spiritus sancti Deus.

Prophetia quinta. Baruch 3. b.

Audi, Israël, mandata vitae: auribus percipe, ut scias prudentiam. Quid est, Israël, quod in terra inimicorum es? inveterasti in terra aliena, coinquinatus es cum mortuis: deputatus es cum descendentibus in infernum. Dereliquisti fontem sapientiae. Nam si in via Dei ambulasses habitasses utique in pace sempiterna. Disce ubi sit prudentia, ubi sit virtus, ubi sit intellectus: ut scias simul, ubi sit longiturnitas vitae & victus, ubi sit lumen oculorum, & pax. Quis invenit locum ejus? & quis intravit in thesauros ejus? Ubi sunt principes Gentium, & qui dominantur super bestias, quæ sunt super terram? Qui in avibus coeli ludunt, qui argentum thesaurizant, & aurum in quo confidunt homines, & non est finis acquisitionis eorum? qui argentum fabricant, & solliciti sunt, nec est inventio operum illorum? Exterminati sunt, & ad inferos descendérunt, & alii loco eorum surrexérunt. Juvenes viderunt lumen, & habitaverunt super terram: viam autem disciplinæ ignoraverunt, neque intellexerunt semitas ejus, neque filii eorum suscepérunt eam, à facie ipsorum longè facta est: non est audita in Terra Chanaan, neque visa est in Theman. Filii quoque Agar, qui exquirunt prudentiam, quæ de terra est, negotiatores Merhæ, & Theman, & fabulatores, & exquisitores prudentiae, & intelligentiae: viam autem sapientiae nesciérunt, neque commemorati sunt semitas ejus. O Israël, quam magna est domus Dei, & ingens locus possessionis ejus! Magnus est, & non habet finem: excelsus & immensus. Ibi fuerunt gigantes nominati illi,

qui ab initio fuerunt statura magna, scientes bellum. Non hos elegit Dominus, neque viam disciplinae invenerunt: propterea perierunt. Et quoniam non habuerunt sapientiam, interierunt propter suam insipientiam. Quis ascendit in coelum, & accepit eam, & eduxit eam de nubibus? Quis transfretavit mare, & invenit illam, & attulit illam super aurum electum? Non est qui possit scire vias ejus, neque qui exquirat semitas ejus: sed qui scit universa, novit eam, & adinvenit eam prudentia sua: qui preparavit terram in aeterno tempore, & replavit eam pecudibus & quadrupedibus: qui emittit lumen, & vadit: & vocavit illud, & obedit illi in tremore. Stellae autem dederunt lumen in custodiis suis, & laetatae sunt: vocatae sunt, & dixerunt: Adsumus: & luxerunt ei cum jucunditate, qui fecit illas. Hic est Deus noster, & non aestimabitur alius adversus eum. Hic adinvenit omnem viam disciplinae, & tradidit illam Jacob puero suo, & Israel dilecto suo. Post haec in terris visus est, & cum hominibus conversatus est.

Orémus.

Oratio.

DEus, qui nobis per Prophetarum ora praecepisti temporalia relinquere, atque ad aeterna festinare: da famulis tuis; ut, quae a te iussa cognovimus, implere coelesti inspiratione valeamus. Per Dñm.

Prophetia sexta. Ezech. 37.

IN diebus illis: Facta est super me manus Domini, & eduxit me in spiritu Domini: & dimisit me in medio campi, qui erat plenus ossibus: & circumduxit me per ea in gyro: erant autem multa valde super faciem campi,

siccaque vehementer. Et dixit ad me: Fili hominis putasne vivent ossa ista? Et dixi: Domine Deus, tu nosti. Et dixit ad me: Vaticinare de ossibus istis: & dices eis: Ossa arida audite verbum Domini. Haec dicit Dominus Deus ossibus his: Ecce ego intromittam in vos spiritum, & vivetis. Et dabo super vos nervos, & succrescere faciam super vos carnes, & superextendam in vobis cutem: & dabo vobis spiritum, & vivetis, & sciatis quia ego Dominus. Et prophetavi sicut praeceperat mihi: factus est autem sonitus, prophetante me, & ecce commotio: & accesserunt ossa ad ossa, unumquodque ad juncturam suam. Et vidi, & ecce super ea nervi & carnes ascenderunt: & extenta est in eis cutis desuper, & spiritum non habebant. Et dixit ad me: Vaticinare ad spiritum, vaticinare, fili hominis, & dices ad spiritum: Haec dicit Dominus Deus: A quatuor ventis veni, spiritus, & insuffla super interfectos istos, & reviviscant. Et prophetavi sicut praeceperat mihi: & ingressus est in ea spiritus, & vixerunt: steterantque super pedes suos exercitus grandis nimis valde. Et dixit ad me: Fili hominis, ossa haec universa, domus Israel est: ipsi dicunt: Aruerunt ossa nostra, & periiit spes nostra, & abscissi sumus. Propterea vaticinare, & dices ad eos. Haec dicit Dominus Deus: Ecce ego aperiam tumulos vestros, & educam vos de sepulchris vestris, populus meus: & inducam vos in terram Israel. Et sciatis quia ego Dominus, cum aperuero sepulchra vestra: & eduxero vos de tumulis vestris, popule meus: & dederam spiritum meum in vobis, & vixeritis, & requi-

éscere vos fáciam super humum vestram : dicit Dóminus omnipotens.

Orémus. Oratio.

Domine Deus virtútum, qui colápfa réparas, & reparáta conférvas : auge pópulos in tui nóminis sanctificatióne renovándos : ut omnes, qui sacro baptísmate diluúntur, tuâ semper inspiratióne dirigántur. Per Dñm.

His expletis, Celebrans accipit pluviale violaceum, & descendendo ad Fontem cantatur :

Tract. Ps. 41. Sicut cervus desiderat ad fontes aquárum : ita desiderat ánima mea ad te, Deus. V. Sitívit ánima mea ad Deum vivum : quando véniam, & apparébo ante fáciam Dei? V. Fúerunt mihi lácrymæ meæ panes die ac nocte, dum dicitur mihi per singulos dies : Ubi est Deus tuus ?

Deinde Sacerdos, antequam intret ad benedictionem fontis, dicit : V. Dóminus vobíscum. R. Et cum spíritu tuo.

Orémus. Oratio.

Concède, quæsumus, omnipotens Deus : ut qui solemnitatem doni sancti Spíritus cólimus, coeléstibus desidériis accénsi, fontem vitæ sitiámus. Per Dñm... in unitate ejúsdem Spíritus.

Deinde proceditur ad benedictionem Fontis, ut supra in Sabbato sancto, fol. 183.

¶ Ubi vero non fuerint fontes, finita sexta Prophetia cum sua Oratione, Celebrans deponit casulam, & cum ministris ante Altare procumbit : & aliis omnibus genuflexis cantantur Litanie à duobus cantoribus in medio chori, utroque Choro idem simul respondente. Cum autem perventum fuerit ad V. Peccatores, Te rogámus, Sacerdos & ministri surgunt, & accedentes ad Sacristiam, induuntur para-

mentis rubeis, & accenduntur luminaria circa Altare. In fine Litaniarum cantatur solemniter Kyrie eleison, pro Missa, & repetuntur, ut moris est. Quo incepto, Sacerdos cum ministris procedit ad Altare, & facit Confessionem : deinde ascendens, illud osculatur, & incensat more solito. Finitis Kyrie eleison, incipit solemniter, Glória in excélsis Deo : Et campanæ pulsantur.

Oratio.

Præsta, quæsumus, omnipotens Deus, ut claritatis tuæ super nos splendor effúlgeat : & lux tuæ lucis, corda eorum qui per grátiam tuam renáti sunt, sancti Spíritus illustratióne confirmet. Per Dñm.... in unitate ejúsdem Spíritus sancti Deus.

Lectio Actuum Apostolorum. 19.

In diébus illis : Factum est, cum Apóllo esset Corínthi, ut Paulus peragrátis superióribus pártibus veníret Ephesum, & inveníret quosdam discipulos : dixítque ad eos : Si Spíritum sanctum accepístis credéntes ? At illi dixérunt ad eum : Sed neque si Spíritus sanctus est, audívimus. Ille verò ait : In quo ergo baptizáti estis ? Qui dixérunt : In Joánnis baptísmate. Dixit autem Paulus : Joánnes baptizávit baptísimo pœniténtiæ pópulum, dicens : In eum, qui ventúrus esset post ipsum, ut créderent, hoc est, in Jesum. His audítis, baptizáti sunt in nómine Dómini Jesu. Et cum imposuísset illis manus Paulus, venit Spíritus sanctus super eos, & loquebántur linguis, & prophetábant. Erant autem omnes viri ferè duódecim. Introgréssus autem Synagógam, cum fidúcia loquebátur per tres menses, disputans, & suádens de regno Dei.

Allelúia. *V. Ps. 106.* Confitemini Dómino, quóniam bonus: quóniam in sæculum misericórdia ejus.

Non repetitur Allelúia, sed immediate sequitur

Tract. Ps. 116. Laudáte Dóminum, omnes Gentes, & collaudáte eum, omnes pópuli. *V.* Quóniam confirmáta est super nos misericórdia ejus: & véritas Dómini manet in ætérnum.

Ad Evangelium non portantur luminaria, sed incensum tantum.

Sequéntia sancti Evangelii secúndum Joánnem. 14. d.

IN illo témpore: Dixit Jesus discipulis suis: Si diligitis me, mandáta mea serváte. Et ego rogábo Patrem, & álium Paráclitum dabit vobis, ut maneat vobíscum in ætérnum, Spíritum veritátis, quem mundus non potest accíperé, quia non videt eum, nec scit eum. Vos autem cognoscétis eum: quia apud vos manébit, & in vobis erit. Non relínquam vos órphanos: véniam ad vos. Adhuc módicum: & mundus me jam non videt. Vos autem vidétis me: quia ego vivo, & vos vivétis. In illo die vos cognoscétis, quia ego sum in Patre meo, & vos in me, & ego in vobis. Qui habet mandáta mea, & servat ea, ille est qui diligit me. Qui autem diligit me, diligétur à Patre meo: & ego diligam eum, & manifestábo ei meípsum.

Non dicitur Credo.

Offert. Ps. 103. Emítte spíritum tuum, & creabúntur, & renovábis fáciem terræ: sit glória Dómini in sæcula, allelúia.

Secreta.

MUnera, quæsumus, Dómine, oblata sanctífica: & corda nostra sancti Spíritus illustratióne emúnda. Per Dñm. . . in unitáte ejúsdem Spíritus sancti Deus.

Præfatio. Qui ascéndens super omnes coelos. *fol. 210.*

Infra actionem. Communicántes, & diem sacratíssimum Pentecóstes celebrántes. & Hanc igitur oblatiónem. *ut supra, fol. 211. Et dicuntur usque ad sequens Sabbatum inclusive.*

Communio. Joan. 7. Ultimo festivitátis die dicébat Jesus: Qui in me credit, flúmina de ventre ejus fluent aquæ vivæ: hoc autem dixit de Spíritu, quem acceptúri erant credéntes in eum, allelúia, allelúia.

Postcommunio.

Sancti Spíritus, Dómine, corda nostra mundet infúsió: & sui roris íntimâ aspersiône foecúndet. Per Dñm. . . in unitáte ejúsdem Spíritus sancti Deus.

In Missis privatis hujus Vigiliæ, omissis Prophetiis, Orationibus & Litanis, Missa absolute incipitur ab Introitu, ut infra.

Introitus. Ezech. 36.

CUm sanctificátus fúero in vobis, congregábo vos de univérsis terris: & effúndam super vos aquam mundam: & mundabímini ab ómnibus inquinaméntis vestris, & dabo vobis spíritum novum, allelúia, allelúia.

Psal. 31. Benedícam Dóminum in omni témpore: semper laus ejus in ore meo.

V. Glória Patri.

Deinde dicitur Kyrie eleíson. Glória in excélsis. & alia, ut supra.

IN DOMINICA PENTECOSTES.

Statio ad sanctum Petrum.

Introitus. Sap. 1.

Spiritus Domini replévit orbem terrarum, allelúia: & hoc quod continet omnia, scientiam habet vocis, allelúia, allelúia, allelúia.

Pf. 67. Exúrgat Deus, & dissipéntur inimíci ejus: & fúgiant qui odérunt eum, à fácie ejus.

V. Glória Patri.

Orémus.

Oratio.

Deus, qui hodiernâ die corda fidélium sancti Spíritus illustratióne docuísti: da nobis in eódem Spíritu recta sápere: & de ejus semper consolatiónē gaudere. Per Dñm. . . . in unitate ejúsdem Spíritus sancti Deus.

Lectio Actuum Apostolorum. 2.

Cum compleréntur dies Pentecóstes, erant omnes discípuli páriter in eódem loco: & factus est repéntē de cœlo sonus, tamquam adveniéntis spíritus veheméntis, & replévit totam domum ubi erant sedéntes. Et apparuerunt illis dispertítæ linguæ tamquam ignis, sedítque supra singulos eórum: & repléti sunt omnes Spíritu sancto, & coepérunt loqui váriis linguis, prout Spíritus sanctus dabat éloqui illis. Erant autem in Jerúsalem habitántes Judæi, viri religiósi ex omni natióne quæ sub cœlo est. Factâ autem hac voce, convenit multitúdo, & mente confúsa est, quóniam audiébat unusquisque linguâ suâ illos loquéntes. Stupébant autem omnes, & mirabántur, dicéntes: Nonne ecce omnes isti, qui loquúntur, Galilæi sunt, & quómodo nos audívimus unusquisque linguam nostram, in qua nati

sumus? Parthi, & Medi, & Elamítæ, & qui hábitant Mesopotámiam, Judæam, & Cappadóciam, Pontum, & Asiam, Phrygiam, & Pamphylia, Ægyptum, & partes Líbyæ, quæ est circa Cyrénen, & ádvenæ Románi, Judæi quoque & profélyti, Cretes, & Arabes: audívimus eos loquéntes nostris linguis magnália Dei.

Allelúia, allel. *V. Pf. 103.* Emítte spíritum tuum, & creabúntur, & renovábis fáciem terræ. Allelúia.

V. Hic genuflektitur. Veni, sancte Spíritus, reple tuórum corda fidélium: & tui amóris in eis ignem accénde.

Sequentia.

Veni, sancte Spíritus, & emítte cœlitus lucis tuæ rádiū.

Veni, pater páuperum, veni, dator múnierum, veni, lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo númerine, nihil est in hómine, nihil est innóxium.

Lava quod est sórdidum, riga quod est áridum, sana quod est fáucium.

Flecte quod est rígidum, fove quod est frígidum, rege quod est dévium.

Da tuis fidélibus, in te confidéntibus, sacrum septenáriū.

Da virtútis méritū, da salútis éxitum, da perénne gáudium. Amen. Allelúia.

Et dicitur quotidie usque ad sequens Sabbatum inclusive.

Sequentia sancti Evangelii secundum
Joannem. 14. c.

IN illo tempore: Dixit Jesus discipulis suis: Si quis diligit me, sermonem meum servabit, & Pater meus diliget eum, & ad eum veniemus, & mansionem apud eum faciemus: qui non diligit me, sermones meos non servat. Et sermonem quem audistis, non est meus, sed ejus, qui misit me, Patris. Hæc locutus sum vobis, apud vos manens. Paráclitus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia quaecumque dixerō vobis. Pacem relinquo vobis, pacem meam do vobis: non quomodo mundus dat, ego do vobis. Non turbetur cor vestrum, neque formidet. Audistis quia ego dixi vobis: Vado, & venio ad vos. Si diligeretis me, gauderetis utique, quia vado ad Patrem: quia Pater major me est. Et nunc dixi vobis priusquam fiat: ut cum factum fuerit credatis. Jam non multa loquar vobiscum. Venit enim princeps mundi huius, & in me non habet quidquam. Sed ut cognoscat mundus, quia diligo Patrem, & sicut mandatum dedit mihi Pater, sic facio. Credo.

Offert. Ps. 67. Confirma hoc, Deus quod operatus es in nobis: a templo tuo, quod est in Jerúsalem, tibi offerent reges múnera, allelúia.

Secreta.

MUnera, quæsumus, Dómine, oblata sanctifica: & corda nostra sancti Spiritus illustratione emunda. Per Dñm. . . in unitate ejusdem Spiritus.

Præfatio. Qui ascendens. Communicantes. & Hanc igitur. fol. 210.

Commun. Act. 2. Factus est repente de cælo sonus tamquam advenientis spiritus vehementis, ubi erant sedentes, allelúia: & replēti sunt omnes Spiritu sancto, loquētes magnalia Dei, allelúia, allelúia.

Postcommunio.

Sancti Spiritus, Dómine, corda nostra mundet infusio: & sui roris intimā asperzione fecundet. Per Dñm. . . in unitate ejusdem Spiritus sancti Deus.

Infra Octavam Pentecostes non fit de aliquo Festo Duplici, vel Semiduplici, sed post Octavam celebrantur: de Simpliciter occurrenti post triduum fit commemoratio tantum.

FERIA II. POST PENTECOSTEN.

Statio ad S. Petrum ad Vincula.

Introitus. Psal. 80.

Cibavit eos ex adipē frumenti, allelúia: & de petra, melle saturavit eos, allelúia, allelúia.

Pf. ib. Exultate Deo adiutori nostro: jubilato Deo Jacob. *V.* Glória Patri.

Orémus.

Oratio.

Deus, qui Apóstolis tuis sanctum dedisti Spiritum: concede plebi tuæ, piæ petitionis effectum: ut quibus dedisti fidem, largiaris & pacem. Per Dñm. . . in unitate ejusdem Spiritus sancti Deus.

Lectio Actuum Apostolorum. 10. f.

In diebus illis: Apériens Petrus os suum, dixit: Viri fratres, nobis præcepit Dóminus prædicare populo, & testificari, quia ipse est, qui constitutus est à Deo iudex vivorum & mortuorum. Huic omnes Prophætæ testimónium perhibent, remissionem peccatorum accipere per nomen ejus omnes,

qui credunt in eum. Adhuc loquente Petro verba hæc, cecidit Spiritus sanctus super omnes, qui audiebant verbum. Et obstupuérunt ex circumcissione fideles, qui vénéranat cum Petro: quia & in nationes grátia Spíritus sancti effúsa est. Audiébant enim illos loquéntes linguis, & magnificántes Deum. Tunc respóndit Petrus: Numquid aquam quis prohibére potest, ut non baptizéntur hi, qui Spíritum sanctum acceperunt sicut & nos? & iussit eos baptizári in nómine Dñi Jesu Christi.

Allelúia, allel. *V. Act. 2.* Loquebántur váriis linguis Apóstoli magnália Dei. Allel. *V. Hic genuflectitur.* Veni, sancte Spíritus, reple tuórum corda fidelium: & tui amoris in eis ignem accende.

Sequentia. Veni, sancte Spíritus. & in fine, Allelúia, ut supra in Dominica Pentecostes, fol. 254.

Sequentia sancti Evangelii secundum Joánnem. 3. b.

IN illo témpore: Dixit Jesus Nicodémo: Sic Deus dilexit mundum, ut Fílium suum unigénitum daret: ut omnis, qui credit in eum, non péreat, sed hábeat vitam ætérnam. Non enim misit Deus Fílium suum in mundum, ut júdicet mundum, sed ut salvétur mundus per ipsum: Qui credit in eum non judicátur: Qui autem non credit jam judicátus est: quia non credit in nómine unigéniti Fílii Dei. Hoc est autem júdicium: quia lux venit in mundum, & dilexérunt hómines magis ténebras, quàm lucem: erant enim eórum mala ópera. Omnis enim qui malè agit, odit lucem, & non venit ad lucem, ut non arguántur ópera ejus:

qui autem facit veritátem, venit ad lucem, ut manifesténtur ópera ejus, quia in Deo sunt facta. Credo.

Offert. Ps. 17. Intónuit de cœlo Dóminus, & Altíssimus dedit vocem suam: & apparuerunt fontes aquárum, allel.

Secreta.

PROPÍTIUS, Dómine, quæsumus, hæc dona sanctífica: & hóstiæ spiritalis oblatiône fuscéptâ, nosmetipsos tibi pérfice munus ætérnum. Per Dñm.

Communio. Joan. 14. Spíritus sanctus docébit vos, allelúia: quæcúmque dixeró vobis, allelúia, allelúia.

Postcommunio.

ADÉSTO, quæsumus, Dómine, pópulo tuo & quem mystériis cœlestibus imbuísti, ab hóstium furóre defénde. Per Dñm.

FERIA III. POST PENTECOSTEN.

Statio ad sanctam Anastasiam.

Introitus. 4 Esdr. 2.

ACCÍPITE jucunditátem glóriæ vestræ, allelúia: grátias agentes Deo, allelúia: qui vos ad cœlestia regna vocávit, allelúia, allelúia, allelúia.

Ps. 77. Atténdite, pópule meus, legem meam: inclínate aurem vestram in verba oris mei. *V. Glória Patri.*

Orémus.

Oratio.

ADSIT nobis, quæsumus, Dómine, virtus Spíritus sancti: quæ & corda nostra cleménter expúrget, & ab ómnibus tueátur advérsis. Per Dñm. . . . in unitáte ejúsdem Spíritus sancti.

Lectio Actuum Apostolorum. 8. c.

IN diébus illis: Cùm audíssent Apóstoli, qui erant Jerosólymis, quòd recepíssent Samaría verbum Dei, miserunt ad eos Petrum & Joánnem. Qui cùm

venissent, oraverunt pro ipsis ut acciperent Spiritum sanctum: nondum enim in quemquam illorum venerat, sed baptizati tantum erant in nomine Domini Jesu. Tunc imponebant manus super illos, & accipiebant Spiritum sanctum.

Allelúia, allel. *V. Joan. 14.* Spiritus sanctus docebit vos quaecumque dixeró vobis. Allel. *V. Hic genuflectitur.* Veni, sancte Spiritus, reple tuorum corda fidelium: & tui amoris in eis ignem accende.

Sequentia. Veni, sancte Spiritus, ut supra in Dominica Pentecostes, fol. 254. *Sequentia sancti Evangelii secundum Joannem. 10.*

IN illo tempore: Dixit Jesus Phariseis: Amen, amen dico vobis: qui non intrat per ostium in ovile ovium, sed ascendit aliunde, ille fur est & latro. Qui autem intrat per ostium, pastor est ovium. Huic ostiarius aperit, & oves vocem ejus audiunt, & proprias oves vocat nominatim, & educit eas. Et cum proprias oves emisit, ante eas vadit: & oves illum sequuntur, quia sciunt vocem ejus. Alienum autem non sequuntur, sed fugiunt ab eo: quia non novérunt vocem alienorum. Hoc proverbium dixit eis Jesus. Illi autem non cognovérunt quid loqueretur eis. Dixit ergo eis iterum Jesus: Amen, amen dico vobis, quia ego sum ostium ovium. Omnes quotquot venerunt, fures sunt, & latrones, & non audierunt eos oves. Ego sum ostium. Per me si quis introierit, salvabitur: & ingrediétur, & egrediétur, & pascua inveniet. Fur non venit nisi ut furétur, & mactet, & perdat. Ego veni ut vitam habeant, & abundantius habeant. Credo.

Offert. Ps. 77. Portas coeli aperuit Dominus, & pluit illis manna, ut ederent: panem coeli dedit eis, panem Angelorum manducavit homo, allel.

Secreta.

Purificet nos, quæsumus, Domine, muneris præsentis oblatio: & dignos sacra participatione efficiat. Per Dñm.

Communio. Joan. 15. 16. 17. Spiritus qui à Patre procedit, allelúia: ille me clarificabit, allelúia, allelúia.

Postcommunio.

Mentes nostras, quæsumus, Domine, Spiritus sanctus divinis reparet sacramentis: quia ipse est remissio omnium peccatorum. Per Dñm. . . in unitate ejusdem Spiritus sancti Deus.

F E R I A Q U A R T A
Q U A T U O R T E M P O R U M P E N T E C O S T E S.
Statio ad sanctam Mariam Majorem.

Introitus. Psal. 67.

Deus, dum egredereris coram populo tuo, iter faciens eis, habitans in illis, allelúia: terra mota est, coeli distillaverunt, allelúia, allelúia.

Ps. ib. Exurgat Deus, & dissipentur inimici ejus: & fugiant, qui oderunt eum, à facie ejus.

V. Glória Patri.

Post Kyrie eleison, dicitur Orémus, & non dicitur Flectamus genua.

Oratio.

Mentes nostras, quæsumus, Domine, Paráclitus, qui à te procedit, illuminet: & inducat in omnem, sicut tuus promisit Filius, veritatem: Qui tecum vivit & regnat in unitate ejusdem Spiritus sancti Deus.

O o

Lectio Actuum Apostolorum. 2. b.

IN diébus illis: Stans Petrus cum undecim, levávit vocem suam, & locútus est eis: Viri Judæi, & qui habitátis Jerúsalem univérſi, hoc vobis notum sit, & áuribus percípíte verba mea. Non enim, sicut vos æſtimátis, hi ébrii sunt, cùm sit hora diéi tértia: sed hoc est, quod dictum est per Prophétam Joël: Et erit in novíſſimis diébus (dicit Dóminus) effúndam de Spíritu meo super omnem carnem: & prophetábunt filii vestri, & filiae vestrae, & júvenes vestri víſiones vidébunt, & senióres vestri sómnia somniábunt. Et quidem super fervos meos, & super ancíllas meas, in diébus illis effúndam de Spíritu meo, & prophetábunt: & dabo prodígia in coelo fursum, & signa in terra deórsum, sánguinem, & ignem, & vapórem fumi. Sol convertétur in ténebras, & luna in sánguinem, ántequam véniat dies Dómini magnus & manifestus. Et erit, omnis quicúmque invocáverit nomen Dómini, salvus erit.

Allelúia. *V. Ps. 32.* Verbo Dómini coeli firmáti sunt: & spíritu oris ejus omnis virtus eórum.

Hic dicitur Glória in excélsis. & postea, Dóminus vobíscum.

Oratio.

PRæſta, quæſumus, omnípotens & miſericors Deus: ut Spíritus sanctus advéniens, templum nos glóriæ suæ dignánte inhabitándo perficiat. Per Dñm. . . . in unitáte ejúſdem Spíritûs sancti Deus.

¶ Ab hac die usque ad Sabbatum sequens inclusive, post Orationem diei dicitur:

Contra persecutores Ecclesiæ.

Oratio.

ECclésiæ tuæ, quæſumus, Dómine, preces placátus admítte: ut destructis adversitatibus & erroribus univérſis, secúrá tibi sérviat libertáte. Per Dñm.

Vel pro Papa. Oratio.

DEus ómnium fidélium pastor & rector, sámulum tuum N. quem pastórem Ecclesiæ tuæ præesse voluísti, propítius réspice: da ei, quæſumus, verbo & exémplo quibus præest, proficere: ut ad vitam, una cum grege sibi crédito, pervéniat sempitérnam. Per Dñm.

Lectio Actuum Apostolorum. 5. b.

IN diébus illis: Per manus autem Apostolorum fiébant signa & prodígia multa in plebe. Et erant unanimiter omnes in pórticu Salomónis. Cæterórum autem nemo audébat se conjungere illis: sed magnificábat eos pópulus. Magis autem augebátur credéntium in Dómino multitúdo virórum, ac mulierum, ita ut in pláteas ejícerent infirmos, & pónerent in lectulis ac grabátis, ut, veniente Petro, saltem umbra illíus obumbráret quemquam illórum, & liberaréntur ab infirmitatibus suis. Concurrébat autem & multitúdo vicinárum civitátum Jerúsalem, afferéntes ægros, & vexátos à spirítibus immúndis: qui curabántur omnes.

Allelúia, allel. *V. Hic genuflectitur.* Veni, sancte Spíritus, reple tuórum corda fidélium; & tui amoris in eis ignem accénde.

Sequentia. Veni, sancte Spíritus, ut in Dominica Pentecostes, fol. 254.

Sequéntia sancti Evangélii secúndum
Joánnem. 6.

IN illo témpore: Dixit Jesus turbis
Judæórum: Nemo potest veníre ad
me, nisi Pater, qui misit me, tráxerit
eum: & ego refuscitábo eum in no-
víssimo die. Est scriptum in Prophé-
tis: Et erunt omnes docíbiles Dei.
Omnis, qui audívit à Patre, & dídicit,
venit ad me. Non quia Patrem vidit
quisquam, nisi is, qui est à Deo, hic
vidit Patrem. Amen, amen dico vobis:
Qui credit in me, habet vitam ætér-
nam. Ego sum panis vitæ. Patres ves-
tri manducavérunt manna in desérto,
& mórtui sunt. Hic est panis de cœlo
descéndens: ut si quis ex ipso mandu-
cáverit, non moriátur. Ego sum panis
vivus, qui de cœlo descénderé. Si quis
manducáverit ex hoc pane, vivet in
ætérnum: & panis, quem ego dabo,
caro mea est pro mundi vita. Credo.

Offert. Ps. 118. Meditábor in man-
dátis tuis, quæ diléxi valdè: & levábo
manus meas ad mandáta tua quæ di-
léxi, allelúia.

Secreta.

ACcipe, quæsumus, Dómine, munus
oblátum, & dignánte operáre, ut
quod mystériis ágimus piis efféctibus
celebrémus. Per Dñm.

Alia Secreta.

PRótege nos, Dómine, tuis mystériis
serviéntes: ut divínis rebus inhæ-
réntes, & corpore tibi famulémur, &
mente. Per Dñm.

Vel pro Papa.

Secreta.

Oblátis, quæsumus, Dómine, placáre
muneribus: & famulum tuum N.
quem pastórem Ecclésiæ tuæ præesse
voluísti, assíduâ protectióne gubérna.
Per Dñm.

Commun. Joan. 14. Pacem relínquo
vobis, allelúia: pacem meam do vobis,
allelúia, allelúia.

Postcommunio.

SUméntes, Dómine, cœléstia sacra-
ménta, quæsumus, cleméntiam
tuam: ut quod temporáliter gérimus,
ætérnis gáudiis consequámur. Per.

Alia Postcommunio.

QUæsumus, Dómine Deus noster: ut
quos divínâ tríbuis participatióne
gaudére, humánis non finas subjacére
perículis. Per Dñm.

Vel pro Papa.

Postcommunio.

HÆc nos, quæsumus, Dómine, di-
víní sacraménti percéptio próte-
gat: & famulum tuum N. quem pas-
tórem Ecclésiæ tuæ præesse voluísti,
una cum commísso sibi grege, salvet
semper, & múniat. Per Dñm.

FERIA V. POST PENTECOSTEN.

Statio ad S. Laurentium extra muros.

Introitus. Sap. 1.

SPíritus Dómini replévit orbem ter-
rarum, allelúia: & hoc quod cón-
tinet ómnia, sciéntiam habet vocis, al-
lelúia, allelúia, allelúia.

Ps. 67. Exúrgat Deus, & dissipéntur
inimíci ejus: & fúgiant, qui odérunt
eum, à fácie ejus.

V. Glória Patri.

Orémus.

Oratio.

DEus, qui hodiérnâ die corda fidé-
lium sancti Spíritûs illustratióne
docuísti: da nobis in eódem Spíritu
recta sápere, & de ejus semper conso-
lacióne gaudére. Per Dñm. . . . in uni-
tate ejúsdem Spíritûs sancti Deus.

*Alia Oratio. Ecclésiæ tuæ. vel Deus
ómnium. ut supra, fol. 258.*

Lectio Actuum Apostolorum. 8.

IN diēbus illis: Philippus descēdens in civitatem Samariæ, prædicābat illis Christum. Intendēbant autem turbæ his quæ à Philippo dicebantur, unanimitè audiētes, & vidētes signa quæ faciēbat. Multi enim eorum, qui habēbant spīritus immūdos, clamāntes voce magnā, exībant. Multi autem paralytici & claudi curāti sunt. Factum est ergo gāudium magnum in illa civitate.

Allelúia, allel. *Y. Ps. 103.* Emitte spīritum tuum, & creabūntur: & renovābis faciē terræ. Allelúia.

Y. Hic genuflectitur. Veni, sancte Spīritus, reple tuorum corda fideliū: & tui amoris in eis ignem accēde.

Sequentia. Veni, sancte Spīritus. *ut supra in Dominica Pentecostes, fol. 254.* Sequētia sancti Evangelii secūndum Lucam. 9.

IN illo tēpore: Convocātis Jesus duodecim Apóstolis, dedit illis virtutem & potestatem super omnia dæmónia, & ut languóres curārent. Et misit illos prædicāre regnum Dei, & sanāre infirmos. Et ait ad illos: Nihil tuléritis in via, neque virgam, neque peram, neque panem, neque pecuniā, neque duas tūnicas habeātis. Et in quamcūque domum intravéritis, ibi manéte, & inde ne exeātis. Et quicūque non recēperint vos: exeūntes de civitate illa, étiam pūverem pedum vestrōrum excútite in testimōnium supra illos. Egréssi autem circuībant per castélla, evangelizāntes, & curāntes ubique. Credo.

Offert. Ps. 67. Confirma hoc, Deus, quod operātus es in nobis: à templo

tuo, quod est in Jerúsalem, tibi offerent reges múnera, allelúia.

Secreta.

MUnera, quæsumus, Dómine, oblata sanctífica: & corda nostra sancti Spīritūs illustratiōe emūnda. Per Dñm... in unitate ejúsdem Spīritūs.

Alia Secreta. Prótege nos. *vel* Oblatis. *ut supra, fol. 259.*

Communio. Act. 2. Factus est repēntē de cœlo sonus tamquam adveniēntis spīritūs vehemētis, ubi erant sedētes, allelúia: & replēti sunt omnes Spīritu sancto, loquētes magnália Dei, allelúia, allelúia.

Postcommunio.

Sancti Spīritūs, Dómine, corda nostra mundet infúsiō: & sui roris intimā aspersiōe fœcúndet. Per Dñm... in unitate ejúsdem Spīritūs sancti.

Alia Postcommunio. Quæsumus, Dñe. *vel* Hæc nos. *ut supra, fol. 259.*

F E R I A S E X T A

QUATUOR TEMPORUM PENTECOSTES.

Statio ad SS. duodecim Apostolos.

Introitus. Ps. 70.

REpleatur os meum laude tuā, allelúia: ut possim cantāre, allelúia: gaudébunt lábia mea, dum cantāvero tibi: allelúia, allel. *Ps. ib.* In te, Dómine, sperāvi, non confúndar in ætérnum: in justitia tua libera me, & eripe me. *Y. Glória Patri.*

Orémus.

Oratio.

DA, quæsumus, Ecclésiæ tuæ, misericors Deus: ut sancto Spīritu congregata, hostili nullatenus incursiōe turbétur. Per Dñm... in unitate ejúsdem Spīritūs sancti Deus.

Altera Oratio. Ecclésiæ tuæ. *vel* Deus omnium. *ut supra, fol. 258.*

Lectio Joëlis Prophætæ. 2. c.

Hæc dicit Dominus Deus: Exultate, filii Sion, & lætâmini in Domino Deo vestro: quia dedit vobis doctorem justitiæ, & descendere faciet ad vos imbrem matutinum & serotinum, sicut in principio. Et implebuntur aræ frumento & redundabunt torcularia vino & oleo. Et comedetis vescentes, & saturabimini: & laudabitis nomen Domini Dei vestri, qui fecit mirabilia vobiscum: & non confundetur populus meus in sempiternum. Et sciētis quia in medio Israël ego sum: & ego Dominus Deus vester, & non est amplius; & non confundetur populus meus in æternum, ait Dominus omnipotens.

Allelúia, allel. *Y. Sap. 12.* O quam bonus & suavis est, Domine, spiritus tuus in nobis. Allelúia.

Y. Hic genuflectitur. Veni, sancte Spiritus, reple tuorum corda fidelium: & tui amoris in eis ignem accende.

Sequentia. Veni, sancte Spiritus. *ut supra in Dominica Pentecostes, folio 254.*

Sequentia sancti Evangelii secundum Lucam. 5. c.

In illo tempore: Factum est in una dierum, & Jesus sedebat docens. Et erant Pharisei sedentes, & legis doctores, qui venerant ex omni castello Galilææ, & Judææ, & Jerúsalem: & virtus Domini erat ad sanandum eos. Et ecce viri portantes in lecto hominem, qui erat paralyticus: & quærebant eum inferre, & pōnere ante eum. Et non inveniētes quā parte illum inferrent præ turba, ascendērunt supra tectum, & per tegulas summisērunt

eum cum lecto in medium ante Jesum. Quorum fidem ut vidit, dixit: Homo, remittuntur tibi peccata tua. Et cœperunt cogitare Scribæ, & Pharisei, dicentes: Quis est hic, qui loquitur blasphemias? Quis potest dimittere peccata, nisi solus Deus? Ut cognovit autem Jesus cogitationes eorum, respondens, dixit ad illos: Quid cogitatis in cordibus vestris? Quid est facilis dicere: Dimittuntur tibi peccata; an dicere: Surge, & ambula? Ut autem sciatis, quia Filius hominis habet potestatem in terra dimittendi peccata, (ait paralytico:) Tibi dico, surge, tolle lectum tuum, & vade in domum tuam. Et confestim confurgens coram illis, tulit lectum, in quo jacebat: & abiit in domum suam, magnificans Deum. Et stupor apprehendit omnes, & magnificabant Deum. Et replēti sunt timore, dicentes: Quia vidimus mirabilia hodie. Credo.

Offert. Ps. 145. Lauda, anima mea, Dominum: laudabo Dominum in vita mea: psallam Deo meo quāmdiu ero, allelúia.

Secreta.

Sacrificia, Domine, tuis oblata conspēctibus, ignis ille divinus absumat, qui discipulorum Christi Filii tui per Spiritum sanctum corda succendit. Per eundem Dñm. . . in unitate ejusdem Spiritus sancti Deus.

Altera Secreta. Prōtege nos. *vel* Oblatis, quæsumus, Domine. *ut supra, fol. 259.*

Communio. Joan. 14. Non vos relinquam orphanos: vñiam ad vos iterum, allelúia: & gaudēbit cor vestrum. allelúia.

Postcommunio.

Sumpſimus, Dómine, ſacri dona myſtéríi, humíliter deprecántes : ut quæ in tui commemoratióem nos fácere præcepíſti; in noſtræ proficiant infirmitátis auxílium. Qui vivis & regnas cum Deo Patre in unitáte Spíritûs.

Altera Postcommunio. Quæſumus, Dñe. *vel* Hæc nos. *ut ſupra*, fol. 259.

S A B B A T O

QUATUOR TEMPORUM PENTECOSTES.

*Statio ad Sanctum Petrum.**Introitus. Rom. 5.*

Cháritas Dei diffúſa eſt in córdibus noſtris, allelúia : per inhabitántem Spíritum ejus in nobis, allel. allel.

Pſ. 102. Bénedic, ánima mea, Dómino : & ómnia quæ intra me ſunt : nómini ſancto ejus.

V. Glória Patri.

Post Kyrie eleison, dicitur Orémus tantum, ſine Flectámus gènuâ, & ſimiliter, ad Orationes ſequèntes.

Oratio.

Mentibus noſtris, quæſumus, Dómine, Spíritum ſanctum beníg-nus infúnde : cujus & ſapièntiâ cón-diti ſumus, & providèntiâ gubernámur. Per Dñm. . . . in unitáte ejúſdem Spíritus ſancti Deus.

Lectio Joëlis Prophætæ. 2. f.

Hæc dicit Dóminus Deus : Effúndam ſpíritum meum ſuper omnem carnem : & prophetábunt filii veſtri, & filiæ veſtræ : ſenes veſtri ſómnia ſomniábunt, & júvenes veſtri víſiões vidébunt. Sed & ſuper ſervos meos, & ancíllas, in diébus illis effúndam ſpíritum meum. Et dabo prodígia in cœlo & in terra, ſánguinem, & ignem, &

vapórem fumi. Sol convertétur in ténebras, & luna in ſánguinem : ántequam véniat dies Dómini magnus & horribilis. Et erit : omnis qui invocáverit nomen Dómini, ſalvus erit.

Allelúia. *V. Joan. 6.* Spíritus eſt qui vivíſicat, caro autem non prodeſt quidquam.

*Orémus.**Oratio.*

Illo nos igne, quæſumus, Dómine, Spíritus ſanctus inflámmet : quem Dóminus noſter Jeſus Chriſtus miſit in terram : & vóluit vehemènter accèndi. Qui tecum vivit & regnat in unitáte ejúſdem Spíritûs ſancti Deus.

Lectio libri Levítici. 23. b.

In diébus illis : Locútus eſt Dóminus ad Móyſen, dicens : Lóquere filiis Iſraël, & dices ad eos : Cùm ingrèſſi fuéritis terram, quam ego dabo vobis, & meſſuérítis ſégetem, ferétis manípulos ſpicárum primítias meſſis veſtræ, ad ſacerdótem : qui elevábit fascículum coram Dómino, ut acceptábile ſit pro vobis, áltero die Sábbati, & ſanctificábit illum. Numerábitis ergo ab áltero die Sábbati, in quo obtulíſtis manípulum primitiárum, ſeptem hebdomadas plenas, uſque ad álteram diem expletiónis hebdomadæ ſéptimæ, id eſt, quinquaginta dies : & ſic offerétis ſacrificium novum Dómino ex ómnibus habitáculis veſtris, panes primitiárum duos de duábus décimis ſímilæ fermentátæ, quos coquétis in primítias Dómini. Et vocábitis hunc diem celebèrrimum, atque ſanctíſſimum : omne opus ſervíle non faciétis in eo. Légítimum ſempitérnum erit in cunctis habitáculis, & generatióibus veſtris : dicit Dóminus omnipotens.

Allelúia. *V. Job 26.* Spíritus ejus ornávit coelos.

Orémus.

Oratio.

DEus, qui ad animárum medélam, jejúnii devotíone castigári corpora praecepísti: concéde nobis propítius; & mente & corpore tibi semper esse devótos. Per Dñm.

Léctio libri Deuteronomíi. 26.

IN diébus illis: Dixit Móyses filiis Israél: Audi, Israél, quæ ego præcípí tibi hódie. Cùm intráveris Terram, quam Dóminus Deus tuus tibi datúrus est possidéndam, & obtinúeris eam, atque habitáveris in ea: tolles de cunctis frúgibus tuis primítias, & pones in cartállo, pergésque ad locum, quem Dóminus Deus tuus elégerit, ut ibi invocétur nomen ejus: accedésque ad sacerdotem, qui fúerit in diébus illis, & dices ad eum: Profiteor hódie coram Dómino Deo tuo, qui exaudívit nos, & respéxit humilitátem nostram, & labórem, atque angústiam: & edúxit nos de Ægypto in manu forti, & bráchio exténto, in ingénti pavóre, in signis atque porténtis: & introduxit ad locum istum & tradidit nobis Terram lacte & melle manántem. Et idcírcò nunc offero primítias frugum Terræ, quam Dóminus dedit mihi. Et dimíttas eas in conspéctu Dómini Dei tui, & adoráto Dómino Deo tuo. Et epuláberis in ómnibus bonis, quæ Dóminus Deus tuus déderit tibi.

Allelúia. *V. Act. 2.* Cùm compleréntur dies Pentecóstes, erant omnes páriter sedéntes.

Orémus.

Oratio.

PRæsta, quæsumus, omnipotens Deus: ut salutáribus jejúniis erudíti, ab ómnibus étiam vítiis abstinentes,

propitiatióem tuam facílius impetremus. Per Dñm.

Léctio libri Levítici. 26.

IN diébus illis: Dixit Dóminus ad Móysen: Lóquere filiis Israél, & dices ad eos: Si in præcéptis meis ambulavéritis, & mandáta mea custodiéritis, & fecéritis ea: dabo vobis plúvias tempóribus suis, & terra gignet germen suum, & pomis árbores replebúntur. Apprehéndet méssium tritúra vindémiam, & vindémia occupábit seméntem: & comedétis panem vestrum in saturitáte, & absque pavóre habitábitis in terra vestra. Dabo pacem in finibus vestris: dormiétis, & non erit qui exérreat. Auferam malas béstias: & gládus non transíbit téminos vestros. Persequémini inimícos vestros, & corruent coram vobis. Persequéntur quinque de vestris centum aliénos, & centum de vobis decem míllia: cadent inimíci vestri gládio in conspéctu vestro. Respiciam vos, & créscere faciam: multiplicabímmini, & firmábo pactum meum vobíscum. Comedétis vetustíssima vétèrum, & vétèra novis superveniéntibus projiciétis. Ponam tabernáculum meum in médio vestri, & non abjiciet vos ánima mea. Ambulábo inter vos, & ero Deus vester, vosque éritis pópulus meus: dicit Dóminus omnipotens.

Allelúia. *V. Hic genuflectitur.* Veni, sancte Spíritus, reple tuórum corda fidélium: & tui amoris in eis ignem accénde.

Orémus.

Oratio.

PRæsta, quæsumus, omnipotens Deus: sic nos ab épulis carnálibus abstinére: ut à vítiis irruéntibus páriter jejunémus. Per Dñm.

Lectio Daniëlis Prophætæ. 3. b.

IN diëbus illis: Angelus Dómini descendit cum Azaría, & sóciis ejus, in fornácem: & excússit flammam ignis de fornáce, & fecit médium fornácis quasi ventum roris flantem. Flamma autem effundebátur super fornácem cúbitis quadragínta novem: & erúpit, & incéndit quos réperit juxta fornácem de Chaldæis minístros regis, qui eam incendébant. Et non tétigit eos omníno ignis, neque contristávit, nec quidquam moléstiae íntulit. Tunc hi tres quasi ex uno ore laudábant, & glorificábant, & benedicébant Deum in fornáce dicétes.

Hic non respondetur, Deo grátias.

Allelúia. *V.* Benedíctus es, Dómine Deus, patrum nostrórum, & laudábilis in sæcula.

Finito versu dicitur Glória in excélsis. deinde Dóminus vobíscum. R. Et cum spíritu tuo.

Orémus.

Oratio.

DEus, qui tribus púeris mitigásti flammam ignium: concéde propítius; ut nos fámulos tuos non exúrat flamma vitiórum. Per Dñm.

Altera Oratio. Ecclesiæ tuæ. *vel* Deus ómnium fidélium. *ut supra, fol.* 258.

Lectio Epístolæ beáti Pauli Apóstoli ad Romános. 5.

FRatres, Justificáti ex fide, pacem habeamus ad Deum per Dóminum nostrum Jesum Christum: per quem & habémus accéssum per fidem in grátiam istam, in qua stamus, & gloriámur in spe gloriæ filiórum Dei. Non solúm autem, sed & gloriámur in tribulationibus: sciétes quòd tribulatio

patiéntiam operátur: patiéntia autem probatióem, probatio verò spem, spes autem non confúndit: quia cháritas Dei diffúsa est in córdibus nostris per Spíritum sanctum, qui datus est nobis.

Tract. Ps. 116. Laudáte Dóminum, omnes Gentes, & collaudáte eum, omnes pópuli. *V.* Quóniam confirmáta est super nos misericórdia ejus: & véritas Dómini manet in ætérnum.

Sequentia. Veni, sancte Spíritus. *ut supra in Dominica Pentecostes, fol. 254. sed in fine non dicitur Allelúia.*

Sequentia sancti Evangélii secúndum Lucam. 4. f.

IN illo témpore: Surgens Jesus de synagóga, introívit in domum Simónis. Socrus autem Simónis tenebátur magnis fébribus: & rogavérunt illum pro ea. Et stans super illam, imperávit feбри: & dimísit illam. Et contínuò surgens ministrábat illis. Cúm autem sol occidíisset, omnes qui habébant infirmos váriis languóribus, ducébant illos ad eum. At ille síngulis manus impónens, curábat eos. Exíbant autem dæmónia à multis, clamántia & dicéntia: Quia tu es Fílius Dei: & increpans, non sinébat ea loqui: quia sciébant ipsum esse Christum. Factâ autem die, egréssus ibat in désertum locum, & turbæ requirébant eum, & venérunt usque ad ipsum: & detinébant illum ne discéderet ab eis. Quibus ille ait: Quia & áliis civitatibus opórtet me evangelizáre regnum Dei: quia ideò missus sum. Et erat prædicans in synagógis Galilææ. **Credo.**

Offert. Ps. 87. Dómine Deus salútis meæ, in die clamávi, & nocte coram te: intret orátio mea in conspéctu tuo, Dómine, allelúia.

Secreta.

UT accépta tibi sint, Dómine, nostra jejúnia: præsta nobis, quæsumus, hujus múnere sacraménti purificátum tibi pectus offérre. Per Dóminum nostrum.

Altera Secreta. Prótege nos. *vel* Oblátis. *ut supra, fol. 259.*

Communio. Joan. 3. Spíritus ubi vult spirat: & vocem ejus audis: allelúia, allelúia: sed nescis unde véniat, aut quò vadat, allelúia, allelúia, allelúia.

Postcommunio.

PRæbeant nobis, Dómine, dívinum tua sancta fervórem: quo eórum páriter & actu delectémur, & fructu. Per Dñm.

Altera Postcommunio. Quæsumus, Dómine. *vel* Hæc nos. *ut supra, fol. 259.*

P p



IN FESTO SS. TRINITATIS.

Introitus. Tob. 12.

Benedicta sit sancta Trinitas, atque indivisa unitas: confitebimur ei, quia fecit nobiscum misericordiam suam. *Pf. 8.* Domine, Dominus noster, quam admirabile est nomen tuum in universa terra! *V. Gloria.*

Orémus. Oratio.

Omnipotens sempiternae Deus, qui dedisti famulis tuis in confessione verae fidei, aeternae Trinitatis gloriam agnoscere, & in potentia maiestatis adorare unitatem: quaesumus, ut ejusdem fidei firmitate, ab omnibus semper muniamur adversis. Per Dñm.

Deinde fit commemoratio de Dominica prima post Pentecosten.

Oratio.

Deus, in te sperantium fortitudo, adesto propitius invocationibus nostris: & quia sine te nihil potest mortalis infirmitas, praesta auxilium gratiae tuae: ut in exequendis mandatis tuis, & voluntate tibi & actione placeamus. Per Dñm.

Lectio Epistolae beati Pauli Apostoli ad Romanos. 11. d.

O Altitudo divitiarum sapientiae, & scientiae Dei: quam incomprehensibilia sunt iudicia ejus & investigabiles viae ejus! Quis enim cognovit sensum Domini? aut quis consiliarius ejus fuit? aut quis prior dedit illi, & retribuetur ei? Quoniam ex ipso, & per ipsum, & in ipso sunt omnia: ipsi honor & gloria, in saecula. Amen.

Grad. Dan. 3. Benedictus es, Domine, qui intuëris abyssos, & sedes super Cherubim. *V.* Benedictus es, Domine, in firmamento caeli, & laudabilis in

saecula. Allelúia, allel. *V.* Benedictus es, Domine, Deus patrum nostrorum, & laudabilis in saecula. Allelúia.

Sequentia sancti Evangelii secundum Matthaeum. 8. d.

In illo tempore: Dixit Jesus discipulis suis: Data est mihi omnis potestas in caelo, & in terra. Eúntes ergo docete omnes Gentes: baptizantes eos in nomine Patris, & Filii, & Spiritus sancti: docentes eos servare omnia quaecúmque mandavi vobis. Et ecce ego vobiscum sum omnibus diebus, usque ad consummationem saeculi.

Credo.

Offert. Tob. 12. Benedictus sit Deus Pater, unigenitusque Dei Filius, sanctus quoque Spiritus: quia fecit nobiscum misericordiam suam.

Secreta.

Sanctifica, quaesumus, Domine Deus noster, per tui sancti nominis invocationem, hujus oblationis hostiam: & per eam nosmetipsos tibi perfice munus aeternum. Per Dñm.

Pro Dominica. Secreta.

Hostias nostras, quaesumus, Domine, tibi dicatas placatus assúme: & ad perpetuum nobis tribue provenire subsidium. Per Dñm.

Praefatio. Qui cum unigenito Filio tuo. *ut supra, fol. 211.*

Commun. Tob. 12. Benedicimus Deum caeli, & coram omnibus viventibus confitebimur ei: quia fecit nobiscum misericordiam suam.

Postcommunio.

Proficiat nobis ad salutem corporis & animae, Domine Deus noster, hujus sacramenti susceptio: & sempi-

térnæ sanctæ Trinitátis, ejusdémque individuæ unitátis conféssio. Per Dñm.

Pro Dominica. Postcommunio.

TAntis, Dómine, repléti munéribus, præsta, quæsumus: ut & salutária dona capiámus, & à tua numquam laude cessémus. Per Dñm.

In fine Missæ legitur Evangelium Dominicæ sequentis, ut infra, fol. 268.

DOMINICA I. POST PENTECOST.

Introitus. Psal. 12.

Domine, in tua misericórdia sperávi: exultávit cor meum in salutári tuo: cantábo Dómino, qui bona tríbuit mihi. *Ps. ib.* Usquequò, Dómine, obliviscéris me in finem? úsquequò avértis fáciem tuam à me?

V. Glória Patri,

Orémus.

Oratio.

Deus, in te sperántium fortitúdo, adésto propítius invocatióibus nostris: & quia sine te nihil potest mortális infirmitas, præsta auxílium grátiae tuæ: ut in exequéndis mandátis tuis, & voluntáte tibi & actióne placeámus. Per Dñm.

Ad poscenda suffragia Sanctorum.

Oratio.

Acunctis nos, quæsumus, Dómine, mentis & córporis defénde perículis: & intercedénte beátâ & gloriósâ semper Vírgine Dei genitríce Mariâ, cum beátis Apóstolis tuis Petro & Paulo, atque beáto N. & ómnibus Sanctis, salútem nobis tríbue benígnus & pacem; ut, destrúctis adversitatibus & erróribus univérfis, Ecclesiá tua securâ tibi ferveat libertáte.

Et dicitur in Missis tam de Tempore, quam de Sanctis usque ad Adventum, nisi

sit Duplex, vel infra Octavam. Tertia vero Oratio dicatur ad libitum Sacerdotis.

Lectio Epístolæ beáti Joánnis Apóstoli. I. 4. b.

Charíssimi, Deus cháritas est. In hoc appáruit cháritas Dei in nobis, quóniam Fílium suum unigénitum misit Deus in mundum, ut vivámus per eum. In hoc est cháritas: non quasi nos dilexérimus Deum, sed quóniam ipse prior diléxit nos, & misit Fílium suum propitiatióem pro peccátis nostris. Charíssimi, si sic Deus diléxit nos: & nos debémus altérutrum diligere. Deum nemo vidit umquam. Si diligámus invicem, Deus in nobis manet, & cháritas ejus in nobis perfécta est. In hoc cognóscimus quóniam in eo manémus, & ipse in nobis: quóniam de Spíritu suo dedit nobis. Et nos vídimus, & testificámur, quóniam Pater misit Fílium suum Salvatórem mundi. Quisquis conféssus fúerit quóniam Jesus est Fílius Dei, Deus in eo manet, & ipse in Deo. Et nos cognóvimus, & credídimus charitati, quam habet Deus in nobis. Deus cháritas est: & qui manet in charitáte, in Deo manet, & Deus in eo. In hoc perfécta est cháritas Dei nobíscum, ut fidúciám habeámus in die judícii: quia sicut ille est, & nos sumus in hoc mundo. Timor non est in charitáte: sed perfécta cháritas foras mittit timórem, quóniam timor poenam habet. Qui autem timet, non est perféctus in charitáte. Nos ergo diligámus Deum, quóniam Deus prior diléxit nos. Si quis díxerit, quóniam diligo Deum, & fratrem suum óderit, mendax est. Qui enim non diligit fratrem suum quem videt, Deum, quem

non videt, quómodo potest diligere? Et hoc mandátum habémus à Deo: ut qui díligit Deum, díligat & fratrem suum.

Grad. Ps. 40. Ego dixi: Dómine, miserére meí: sana ánimam meam quia peccávi tibi. *V.* Beátus qui intélligit super egénium & páuperem: in die mala liberábit eum Dóminus. Allelúia, allelúia. *V. Ps. 5.* Verba mea áuribus pércipe, Dómine, intéllige clamórem meum. Allelúia.

Sequéntia sancti Evangélíi secúndum
Lucam. 6. c.

IN illo témpore: Dixit Jesus discíplis suis: Estóte misericórdes, sicut & Pater vester misericors est. Nolíte judicáre, & non judicabímíni: nolíte condemnáre, & non condemnabímíni. Dimíttite & dimittémíni. Date, & dábitur vobis: mensúram bonam, & confértam, & coagitátam, & super-effluéntem dabunt in sinum vestrum. Eádém quippe mensúrá, quâ mensi fuéritis, remetiétur vobis. Dicébat autem illis & similitúdinem: Numquid potest cæcus cæcum dúcere? nonne ambo in fóveam cadunt? Non est discípus super magístrum: perfectus autem omnis erit, si sit sicut magíster ejus. Quid autem vides festúcam in óculo fratris tui, trabem autem, quæ in óculo tuo est, non consíderas? Aut quómodo potes dícere fratri tuo: Frater, sine ejíciam festúcam de óculo tuo: ipse in óculo tuo trabem non videns? Hypócrita, éjice primùm trabem de óculo tuo: & tunc perspícies ut edúcas festúcam de óculo fratris tui.

Offert. Ps. 5. Inténde voci oratiónis meæ, Rex meus, & Deus meus: quóniam ad te orábo, Dómine.

Secreta.

Hostias nostras, quæsumus, Dómine, tibi dicátas placátus assúme: & ad perpétuum nobis tríbue proveníre subsidium. Per Dñm.

Ad poscenda suffragia Sanctórum.

Secreta.

EXáudi nos, Deus salutáris noster: ut per hujus sacraménti virtútem, à cunctis nos mentis & córporis hóstibus tueáris, grátiam tríbuens in præfénti, & glóriam in futúro.

Tertia ad libitum.

Communio. Ps. 19. Narrábo ómnia mirabília tua: lætabor, & exultábo in te: psallam nómini tuo, Altíssime.

Postcommunio.

Tantis, Dómine, repléti munéribus, præsta, quæsumus: ut & salutária dona capiámus, & à tua numquam laude cessémus. Per Dóminum nostrum Jesum Christum Fílium tuum: Qui tecum vivit & regnat in unitáte Spíritûs sancti Deus, per ómnia sæcula sæculórum. *R.* Amen.

Ad poscenda suffragia Sanctórum.

Postcommunio.

Mundet & múniat nos, quæsumus, Dómine, divíni sacraménti munus oblátum: & intercedénte beátâ Vírgine Dei genitríce Mariâ, cum beátis Apóstolis tuis Petro & Paulo, atque beáto N. & ómnibus Sanctis: à cunctis nos reddat & perversitatibus expiátos, & adversitatibus expeditos.

Tertia ad libitum.



IN SOLEMNITATE CORPORIS CHRISTI.

Introitus. Psal. 80.

Cibavit eos ex adipē frumēti, allelúia: & de petra, melle saturavit eos, allelúia, allelúia, allelúia.

Pf. ib. Exultate Deo adiutori nostro: jubilare Deo Jacob. *V.* Glória Patri.

Orémus.

Oratio.

Deus, qui nobis sub Sacramēto mirabili, passionis tuæ memóriam reliquisti: tribue, quæsumus, ita nos Corporis & Sanguinis tui sacra mystéria venerari, ut redemptionis tuæ fructum in nobis júgiter sentiámus. Qui vivis & regnas cum Deo Patre.

Lectio Epístolæ beati Pauli Apóstoli ad Corínthios. *I. II. d.*

Fratres, Ego enim accépi à Dómino quod & tradidi vobis, quóniam Dóminus Jesus in qua nocte tradebatur, accépit panem, & grátias agens fregit, & dixit: Accípite, & manducate: hoc est corpus meum, quod pro vobis tradétur: hoc facite in meam commemoratióem. Simíliter & cálicem, postquam coenavit, dicens: Hic calix novum testamētum est in meo sanguine. Hoc facite, quotiescúmque bibétis, in meam commemoratióem. Quotiescúmque enim manducábitis panem hunc, & cálicem bibétis: mortem Dómini annuntiábitis, donec véniat. Itaque quicúmque manducáverit panem hunc, vel bíberit cálicem Dómini indignè: reus erit Corporis & Sanguinis Dómini. Probet autem se-ípsum homo: & sic de pane illo edat,

& de cálicē bibat. Qui enim manducat & bibit indignè, iudícium sibi manducat & bibit: non dijudicans corpus Dómini.

Grad. Ps. 144. Oculi ómnium in te sperant, Dómine: & tu das illis escam in tēpore opportúno. *V.* Aperis tu manum tuam: & imples omne animal benedictióe. Allelúia, allelúia.

V. Joan. 6. Caro mea verè est cibus, & sanguis meus verè est potus: qui manducat meam carnem, & bibit meum sanguinem, in me manet, & ego in eo.

Sequentia.

Lauda, Sion, Salvatórem, lauda ducem & pastórem in hymnis & cánticis.

Quantum potes, tantum aude: quia major omni laude, nec laudare súfficis.

Laudis thema speciális, panis vivus & vitális hódie propónitur.

Quem in sacræ mensa coenæ, turbæ fratrum duodénæ datum non ambígitur.

Sit laus plena, sit sonóra, sit jucúnda, sit decóra mentis jubilatio.

Dies enim solémnis ágitur, in qua mensæ prima recólitur hujus institútio.

In hac mensa novi Regis, novum Pascha novæ legis, phase vetus terminat.

Vetustátem nóvitas, umbram fugat veritas, noctem lux eliminat.

Quod in coena Christus gessit, faciéndum hoc expréssit in sui memóriam.

Docti sacris institutis, panem, vinum in salutis consecramus hostiam.

Dogma datur Christianis, quod in carnem transit panis, & vinum in sanguinem.

Quod non capis, quod non vides, animosa firmat fides, praeter rerum ordinem.

Sub diversis speciebus, signis tantum, & non rebus, latent res eximiae.

Caro cibus, sanguis potus: manet tamen Christus totus sub utraque specie.

A sumente non concisus, non confractus: non divisus, integer accipitur.

Sumit unus, sumunt mille: quantum isti, tantum ille: nec sumptus consumitur.

Sumunt boni, sumunt mali: forte tamen inaequali, vitae vel interitus.

Mors est malis, vita bonis: vide parvis sumptionis, quam sit dispar exitus.

Fracto demum Sacramento, ne vacilles, sed memento, tantum esse sub fragmento, quantum toto tegitur.

Nulla rei fit scissura: signi tantum fit fractura: quam nec status, nec statuta signati minuitur.

Ecce panis Angelorum, factus cibus viatorum: verè panis filiorum, non mittendus canibus.

In figuris praesignatur, cum Isaac immolatur: Agnus Paschae deputatur: datur manna patribus.

Bone pastor, panis vere, Jesu, nostri miserere: tu nos pascere, nos tuere: tu nos bona fac videre in terra viventium.

Tu, qui cuncta scis & vales: qui nos pascis hic mortales: tuos ibi commensales, cohaeredes & sodales fac sanctorum civium. Amen. Alleluia.

Sequentia sancti Evangelii secundum Joannem. 6. f.

IN illo tempore: Dixit Jesus turbis Judaeorum: Caro mea, verè est cibus: & sanguis meus, verè est potus. Qui manducat meam carnem, & bibit meum sanguinem in me manet, & ego in illo. Sicut misit me vivens Pater, & ego vivo propter Patrem: & qui manducat me, & ipse vivet propter me. Hic est panis, qui de coelo descendit. Non sicut manducaverunt patres vestri manna, & mortui sunt. Qui manducat hunc panem, vivet in aeternum.

Credo.

Offert. Lev. 21. Sacerdotes Domini incensum & panes offerunt Deo, & ideo sancti erunt Deo suo, & non polluent nomen ejus, alleluia.

Secreta.

ECclesiae tuae, quaesumus, Domine, unitatis, & pacis propitius dona concede: quae sub oblatis muneribus mystice designantur. Per Dñm.

Praefatio de Nativitate. Quia per incarnati verbi. fol. 208.

Et dicitur per totam Octavam.

Commun. 1. Cor. 11. Quotiescumque manducabitis panem hunc, & calicem bibetis, mortem Domini annuntiabitis, donec veniat: itaque quicumque manducaverit panem, vel biberit calicem Domini indignè, reus erit corporis & sanguinis Domini, alleluia.

Postcommunio.

FAc nos, quaesumus, Domine, divinitatis tuae sempiternam fruitione repleri: quam pretiosi Corporis & Sanguinis tui temporalis perceptio praefigurat. Qui vivis & regnas cum Deo Patre in unitate Spiritus sancti Deus.

¶ Infra Octavam dicitur hæc eadem Missa, & non fit de aliquo Sancto, nisi fuerit Duplex occurrens, non autem translatum: in die Octavæ non fit nisi de festo S. Joannis Baptistæ, & SS. Apostolorum Petri & Pauli, si occurrant, cum commemoratione Octavæ. Infra Octavam secunda Oratio de sancta Maria, Concède nos. tertia Ecclesiæ tuæ. vel Deus omnium. ut supra, fol. 236.

Et si in ea venerit Vigilia, fit de Octava cum commemoratione Vigiliæ.

D O M I N I C A
INFRA OCTAVAM CORPORIS CHRISTI,
SECUNDA POST PENTECOSTEN.

Introitus. Psal. 17.

Factus est Dominus protector meus, & eduxit me in latitudinem: saluum me fecit, quoniam voluit me.

Psal. ib. Diligam te, Domine, virtus mea: Dominus firmamentum meum, & refugium meum, & liberator meus.

V. Gloria Patri.

Orémus.

Oratio.

Sancti nominis tui, Domine, timorem pariter & amorem fac nos habere perpetuum: quia numquam tuâ gubernatione destituis, quos in soliditate tuâ dilectionis instituis. Per Dñm.

Deinde fit commemoratio de Octava Corporis Christi tantum, Deus, qui nobis. ut supra, fol. 269.

Lectio Epistolæ beati Joannis Apostoli. I. 3. b.

Charissimi, Nolite mirari, si odit vos mundus. Nos scimus quoniam translati sumus de morte ad vitam, quoniam diligimus fratres. Qui non diligit, manet in morte: omnis qui odit fratrem suum, homicida est. Et

scitis quoniam omnis homicida non habet vitam æternam in semetipso manentem. In hoc cognovimus charitatem Dei, quoniam ille animam suam pro nobis posuit, & nos debemus pro fratribus animas ponere. Qui habuerit substantiam hujus mundi, & viderit fratrem suum necessitatem habere, & clauserit viscera sua ab eo: quomodo charitas Dei manet in eo? Filiioli mei, non diligamus verbo, neque lingua, sed opere & veritate.

Grad. Psal. 119. Ad Dominum, cum tribulärer, clamavi, & exaudivit me. *V.* Domine, libera animam meam à labiis iniquis, & à lingua dolosa. Allelúia, allelúia. *V. Psal. 7.* Domine Deus meus in te speravi: saluum me fac ex omnibus persequentibus me, & libera me. Allelúia.

Sequentia sancti Evangelii secundum Lucam. 14. d.

In illo tempore: Dixit Jesus Phariseis parabolam hanc: Homo quidam fecit coenam magnam, & vocavit multos. Et misit servum suum horâ coenæ dicere invitatis ut venirent, quia jam parata sunt omnia. Et coeperunt simul omnes excusare. Primus dixit ei: Villam emi, & necesse habeo exire, & videre illam: rogo te habe me excusatum. Et alter dixit: Juga boum emi quinque, & eo probare illa: rogo te habe me excusatum. Et alius dixit: Uxorem duxi, & ideo non possum venire. Et reversus servus nuntiavit hæc domino suo. Tunc iratus paterfamilias, dixit servo suo: Exi citò in plateas & vicos civitatis: & pauperes, ac debiles, & cæcos, & claudos introduce huc. Et ait servus: Domine, factum est ut

imperasti, & adhuc locus est. Et ait dominus sermo: Exi in vias, & sepes: & compelle intrare, ut impleatur domus mea. Dico autem vobis, quod nemo virorum illorum qui vocati sunt, gustabit coenam meam. Credo.

Offert. Ps. 6. Domine, convertere, & eripe animam meam: saluum me fac propter misericordiam tuam.

Secreta.

Oblatio nos, Domine, tuo nomini dicanda purificet: & de die in diem ad coelestis vitae transferat actionem. Per Dñm.

De Octava Corporis Christi. Secreta.
Ecclesiae tuae. fol. 270.

Communio. Ps. 2. Cantabo Domino, qui bona tribuit mihi: & psallam nomini Domini altissimi.

Postcommunio.

Sumptis muneribus sacris, quaesumus, Domine, ut cum frequentatione mysteriorum, crescat nostrae salutis effectus. Per Dñm.

De Octava Corporis Christi. Postcommun.
Fac nos, quaesumus, Dñe. fol. 270.

DOMINICA III. POST PENTECOS.

Introitus. Ps. 24.

Respice in me, & miserere mei, Domine: quoniam unicus, & pauper sum ego: vide humilitatem meam: & laborem meum: & dimitte omnia peccata mea, Deus meus.

Psal. ib. Ad te, Domine, levavi animam meam: Deus meus, in te confido, non erubescam. V. Gloria.

Orémus.

Oratio.

Protector in te sperantium, Deus, sine quo nihil est validum, nihil sanctum: multiplica super nos miseri-

cordiam tuam: ut te rectore, te duce, sic transeamus per bona temporalia, ut non amittamus aeterna. Per Dñm.

Altera Oratio. A cunctis nos. ut in Dominica prima post Pentecosten, fol. 267.
Tertia ad libitum.

Lectio Epistolae beati Petri Apostoli.

I. 5. b.

Charissimi, Humiliamini sub potenti manu Dei, ut vos exaltet in tempore visitationis, omnem sollicitudinem vestram projicientes in eum, quoniam ipsi cura est de vobis. Sobrii estote, & vigilate: quia adversarius vester diabolus tamquam leo rugiens circuit, quaerens quem devoret: cui resistite fortes in fide: scientes eandem passionem ei, quae in mundo est, vestrae fraternitati fieri. Deus autem omnis gratiae, qui vocavit nos in aeternam suam gloriam in Christo Jesu, modicum passos ipse perficiet, confirmabit, solidabitque. Ipsi gloria & imperium in saecula saeculorum. Amen.

Grad. Ps. 54. Jacta cogitatum tuum in Domino: & ipse te enutriet.

V. Dum clamarem ad Dominum, exaudivit vocem meam ab his, qui appropinquant mihi. Allelúia, allelúia.

V. *Ps. 7.* Deus iudex justus, fortis & patiens, numquid irascitur per singulos dies? Allelúia.

Sequentia sancti Evangelii secundum Lucam. 15.

In illo tempore: Erant appropinquantes ad Jesum publicani & peccatores ut audirent illum. Et murmurabant Pharisei, & Scribae, dicentes: Quia hic peccatores recipit, & manducat cum illis. Et ait ad illos parabolam istam, dicens: Quis ex vobis homo,

qui habet centum oves : & si perdiderit unam ex illis, nonne dimittit nonagintanovem in deserto, & vadit ad illam, quæ perierat, donec inveniat eam? Et cum invenerit eam, imponit in humeros suos gaudens : & veniens domum, convocat amicos & vicinos, dicens illis: Congratulamini mihi, quia inveni ovem meam, quæ perierat? Dico vobis, quod ita gaudium erit in coelo super uno peccatore poenitentiam agente, quam super nonagintanovem justis, qui non indigent poenitentia. Aut quæ mulier habens drachmas decem, si perdiderit drachmam unam, nonne accendit lucernam, & everrit domum, & quærit diligenter, donec inveniat? Et cum invenerit, convocat amicas & vicinas, dicens: Congratulamini mihi, quia inveni drachmam, quam perdideram? ita dico vobis: gaudium erit coram Angelis Dei super uno peccatore poenitentiam agente.

Credo.

Offert. Ps. 9. Sperent in te omnes, qui novèrunt nomen tuum, Dómine: quóniam non derelinquis quærentes te: psállite Dómino, qui hábitat in Sion: quóniam non est oblítus orationem páuperum.

Secreta.

Respice, Dómine, múnera supplicantis Ecclésiæ: & salutis credentium perpétuâ sanctificatione sumenda concède. Per Dñm.

Alia Secreta. Exáudi nos, Deus. *ut supra, fol. 268.*

Tertia ad libitum.

Commun. Luc. 15. Dico vobis, gaudium est Angelis Dei super uno peccatore poenitentiam agente.

Postcommunio.

Sancta tua nos, Dómine, sumpta vivificent: & misericordiæ sempiternæ præparent expiátos. Per Dñm.

Altera Postcommunio. Mundet & muniat. *ut supra, fol. 268.*

Tertia ad libitum.

DOMINICA IV. POST PENTECOS.

Introitus. Ps. 26.

Dominus illuminatio mea, & salus mea, quem timébo? Dóminus defensor vitæ meæ, à quo trepidábo? qui tribulant me inimici mei, ipsi infirmati sunt, & ceciderunt.

Ps. ib. Si consistant adversum me castra: non timébit cor meum.

V. Glória Patri.

Orémus.

Oratio.

DA nobis, quæsumus, Dómine: ut & mundi cursus pacíficè nobis tuo ordine dirigatur, & Ecclésia tua tranquillâ devotione lætetur. Per Dñm.

Secunda Oratio. A cunctis nos. *ut supra, fol. 267. Tertia ad libitum.*

Lectio Epistolæ beati Pauli Apóstoli ad Romános. 8. d.

Fratres, Existimo, quod non sunt condignæ passiones hujus temporis ad futuram glóriam, quæ revelabitur in nobis. Nam expectatio creaturæ, revelationem filiorum Dei expectat. Vanitati enim creatúra subiecta est, non volens, sed propter eum, qui subjecit eam in spe: quia & ipsa creatúra liberabitur à servitute corruptionis, in libertatem glóriæ filiorum Dei. Scimus enim quod omnis creatúra ingemiscit, & párturit usque adhuc. Non solum autem illa, sed & nos ipsi primítias spíritus habentes, & ipsi intra nos

gémimus, adoptionem filiorum Dei expectantes, redemptionem corporis nostri: in Christo Jesu Domino nostro.

Grad. Ps. 78. Propitius esto, Domine, peccatis nostris: nequando dicant Gentes, Ubi est Deus eorum? *V.* Adjuva nos, Deus salutaris noster, & propter honorem nominis tui, Domine, libera nos. Allelúia, allelúia. *V. Ps. 9.* Deus, qui sedes super thronum, & iudicas æquitatem, esto refugium pauperum in tribulatione. Allelúia.

Sequentia sancti Evangelii secundum Lucam. 5.

IN illo tempore: Cum turbæ irruerent in Jesum, ut audirent verbum Dei, & ipse stabat secus stagnum Genesareth. Et vidit duas naves stantes secus stagnum: piscatores autem descenderant, & lavabant retia. Ascendens autem in unam navim, quæ erat Simónis, rogavit eum à terra reducere pusillum. Et sedens, docebat de navicula turbas. Ut cessavit autem loqui, dixit ad Simónem: Duc in altum, & laxate retia vestra in capturam. Et respondens Simon, dixit illi: Præceptor, per totam noctem laborantes, nihil cepimus: in verbo autem tuo laxabor ete. Et cum hoc fecissent, conclusērunt piscium multitudinem copiosam: rumpebatur autem rete eorum. Et annuerunt sociis, qui erant in alia navi, ut venirent, & adjuvarent eos. Et venerunt, & impleverunt ambas naviculas, ita ut penè mergerentur. Quod cum videt Simon Petrus, procidit ad gēna Jesu, dicens: Exi à me, quia homo peccator sum, Domine. Stupor enim circumdederat eum, & omnes qui cum illo erant, in captura piscium,

quam ceperant: similiter autem Jacobum & Joannem, filios Zebedæi, qui erant socii Simónis. Et ait ad Simónem Jesus: Noli timere: ex hoc jam homines eris capiens. Et subdúctis ad terram navibus, relictis omnibus, secuti sunt eum. Credo.

Offert. Ps. 12. Illumina oculos meos, ne umquam obdormiam in morte: nequando dicat inimicus meus: Prævalui adversus eum.

Secreta.

Oblationibus nostris, quæsumus, Domine, placare susceptis: & ad te nostras etiam rebelles compelle propitius voluntates. Per Dñm.

Alia Secreta. Exaudi nos, Deus. *ut supra, fol. 268. Tertia ad libitum.*

Commun. Ps. 17. Dominus firmamentum meum, & refugium meum, & liberator meus: Deus meus, adiutor meus.

Postcommunio.

Mysteria nos, Domine, quæsumus, sumpta purificent, & suo munere tueantur. Per Dñm.

Altera Postcommunio. Mundet & muniat. *ut supra, fol. 268. Tertia ad libitum.*

DOMINICA V. POST PENTECOS.

Introitus. Psal. 26.

EXaudi, Domine, vocem meam, quâ clamavi ad te: adiutor meus esto, ne derelinquas me, neque despicias me, Deus salutaris meus.

Ps. ib. Dominus illuminatio mea, & salus mea: quem timebo?

V. Glória Patri.

Orémus.

Oratio.

Deus, qui diligentibus te bona invisibilia præparasti: infunde cordibus nostris, tui amoris affectum; ut

te in ómnibus & super ómnia diligén-
tes, promissiones tuas, quæ omne de-
sidérium súperant, consequámur. Per.

*Secunda Oratio. A cunctis nos. ut su-
pra, fol. 267. Tertia ad libitum.*

Lectio Epístolæ beáti Petri Apóstoli.

I. 3. b.

Charíssimi, Omnes unánimes in ora-
tione estóte, compatiéntes, frater-
nitátis amatóres, misericórdes, modésti,
húmiles: non reddéntes malum pro
malo, nec maledíctum pro maledícto,
sed é contrário benedicéntes: quia in
hoc vocáti estis, ut benedictiónem he-
reditáte possideátis. Qui enim vult vi-
tam dilígere, & dies vidére bonos, co-
érceat linguam suam à malo, & lábia
ejus ne loquántur dolum. Declínet à
malo, & fáciat bonum: inquírat pacem,
& sequátur eam. Quia óculi Dómini
super justos, & aures ejus in preces
eórum: vultus autem Dómini super
faciéntes mala. Et quis est qui vobis
nóceat, si boni æmulatóres fuéritis?
Sed & si quid patímini propter justíti-
am, beáti. Timórem autem eórum ne
timuéritis, & non conturbémini. Dó-
minum autem Christum sanctificáte in
córdibus vestris.

*Grad. Ps. 83. Protéctor noster áspice
Deus: & réspice super servos tuos.
V. Dómine, Deus virtútum, exáudi
preces fervórum tuórum. Allel. allel.*

*V. Ps. 20. Dómine, in virtúte tua
lætábitur Rex: & super salutáre tuum
exultábit vehementer. Allelúia.*

Sequéntia sancti Evangélíi secúndum
Matthæum. 5. c.

In illo témpore: Dixit Jesus discíplis
suis: Nisi abundáverit justítia vestra
plus quàm Scribárum & Pharisæórum,

non intrábitis in regnum coelórum.
Audístis, quia dictum est antíquis:
Non occídes: qui autem occíderit, reus
erit judício. Ego autem dico vobis:
quia omnis, qui iráscitur fratri suo, reus
erit judício. Qui autem díxerit fratri
suo raca: reus erit concílio. Qui au-
tem díxerit, fá tue: reus erit gehénnæ
ignis. Si ergo offers munus tuum ad
altáre, & ibi recordátus fuéris quia
frater tuus habet áliquíd advérsùm te:
relínque ibi munus tuum ante altáre,
& vade prius reconciliári fratri tuo:
& tunc véniens ófferes munus tuum.

Credo.

*Offert. Ps. 15. Benedícam Dóminum,
qui tríbuit mihi intelléctum: provi-
debam Deum in conspéctu meo sem-
per: quóniam à dextris est mihi, ne
commóvear.*

Secreta.

Propitiáre, Dómine, supplicatióni-
bus nostris: & has oblatiónes fa-
mulórum famularúmque tuárum be-
nígus assúme: ut quod sínguli obtu-
lérunt ad honórem nóminis tui, cunc-
tis proficiat ad salútem. Per Dñm.

*Alia Secreta. Exáudi nos, Deus.
ut supra, fol. 268. Tertia ad libitum.*

*Commun. Ps. 26. Unam pétii à Dó-
mino, hanc requíram: ut inhábitem
in domo Dómini ómnibus diébus vitæ
meæ.*

Postcommunio.

Quos coelésti, Dómine, dono satiásti:
præsta, quæsumus; ut à nostris
mundémur occúltis, & ab hóstium li-
berémur insídiis. Per Dñm.

*Altera Postcommunio. Mundet & mú-
niat. ut supra, fol. 268.*

Tertia ad libitum.

DOMINICA VI. POST PENTECOS.

Introitus. Ps. 27.

Dominus fortitudo plebis suae, & protector salutarium Christi sui est: saluum fac populum tuum, Domine, & benedic hereditati tuae, & rege eos usque in saeculum. *Ps. ib.* Ad te, Domine, clamabo, Deus meus, ne sileas à me: nequando taceas à me, & assimilabor descendentibus in lacum.

*V. Gloria Patri.**Orémus.**Oratio.*

Deus virtutum, cuius est totum quod est optimum: insere pectoribus nostris amorem tui nominis, & praesta in nobis religionis augmentum; ut quae sunt bona, nutrias, ac pietatis studio, quae sunt nutrita custodias. Per Dñm.

Secunda Oratio. A cunctis nos. ut supra, fol. 267. Tertia ad libitum.

Lectio Epistolae beati Pauli Apostoli ad Romanos. 6.

Fratres, Quicumque baptizati sumus in Christo Jesu, in morte ipsius baptizati sumus. Consepulti enim sumus cum illo per baptismum in mortem: ut quomodo Christus surrexit à mortuis per gloriam Patris, ita & nos in novitate vitae ambulemus. Si enim complantati facti sumus similitudini mortis ejus: simul & resurrectionis erimus. Hoc scientes, quia vetus homo noster simul crucifixus est, ut destruatur corpus peccati, & ultra non serviamus peccato. Qui enim mortuus est, justificatus est à peccato. Si autem mortui sumus cum Christo: credimus quia simul etiam vivemus cum Christo: scientes quod Christus resurgens ex mortuis jam non moritur, mors illi

ultra non dominabitur. Quod enim mortuus est peccato, mortuus est semel: quod autem vivit, vivit Deo. Ita & vos existimate, vos mortuos quidem esse peccato, viventes autem Deo, in Christo Jesu Domino nostro.

Grad. Ps. 89. Convertere, Domine, aliquantulum: & deprecare super servos tuos. *V.* Domine, refugium factus es nobis, à generatione & progénie. Allelúia, allel. *V. Ps. 30.* In te, Domine, speravi, non confundar in aeternum: in justitia tua libera me, & eripe me: inclina ad me aurem tuam, accelera, ut eripias me. Allelúia.

Sequentia sancti Evangelii secundum Marcum. 8.

In illo tempore: Cum turba multa esset cum Jesu, nec haberent quod manducarent: convocatis discipulis, ait illis: Misereor super turbam: quia ecce jam triduo sustinent me, nec habent quod manducant: & si dimisero eos jejunos in domum suam, deficient in via: quidam enim ex eis de longe venerunt. Et responderunt ei discipuli sui: Unde illos quis poterit hinc saturare panibus in solitudine? Et interrogavit eos: Quot panes habetis? Qui dixerunt: Septem. Et praecipit turbae discumbere super terram. Et accipiens septem panes, gratias agens fregit, & dabat discipulis suis ut apponerent, & apposuerunt turbae. Et habebant pisciculos paucos: & ipsos benedixit, & jussit apponi. Et manducaverunt, & saturati sunt, & sustulerunt quod superaverat de fragmentis, septem sportas. Erant autem qui manducaverant, quasi quatuor millia: & dimisit eos.

Credo.

Offert. Ps. 16. Pérfice gressus meos in sémitis tuis, ut non moveántur vestígia mea: inclína aurem tuam & exáudi verba mea: mirífica misericórdias tuas, qui salvos facis sperántes in te, Dómine.

Secreta.

Propitiáre, Dómine, supplicatióibus nostris, & has pópuli tui oblatiões benígnus affúme: & ut nullíus sit írritum votum, nullíus vácuá postulatío, præsta; ut quod fidéliter pétimus, effícaciter consequámur. Per Dñm.

Alia Secreta. Exáudi nos, Deus. *ut supra, fol. 268. Tertia ad libitum.*

Commun. Ps. 26. Circuíbo, & immolábo in tabernáculo ejus hóstiam jubilatiónis: cantábo, & psalmum dicam Dómino.

Postcommunio.

Repléti sumus, Dómine, munéribus tuis: tríbue, quæsumus; ut eórum & mundémur efféctu, & muniámur auxílio. Per Dñm.

Altera Postcommunio. Mundet & muniat, *fol. 268. Tertia ad libitum.*

DOMINICA VII. POST PENTECOS.

Introitus. Ps. 46.

OMnes Gentes, pláudite mánibus: jubiláte Deo in voce exultatiónis. *Ps. ib.* Quóniam Dóminus excélsus, terríbilis: Rex magnus super omnem terram.

V. Glória Patri.

Orémus.

Oratio.

Deus, cujus providéntia in sui dispositiõe non fállitur: te súpplices exorámus; ut nóxia cuncta submóveas, & ómnia nobis profutúra concedas. Per Dñm.

Secunda Oratio. A cunctis nos. *ut supra, fol. 267. Tertia ad libitum.*

Léctio Epístolæ beáti Pauli Apóstoli ad Rómanos. 6. d.

FRatres, Humánum dico, propter infirmitátem carnis vestræ: sicut enim exhibuístis membra vestra servíre immundítiae, & iniquitáti ad iniquitátem; ita nunc exhibéte membra vestra servíre justítiae in sanctificatióem. Cúm enim servi effétis peccáti, líberi fuístis justítiae. Quem ergo fructum habuístis tunc in illis, in quibus nunc erubéscitis? Nam finis illórum mors est. Nunc verò liberáti à peccáto, servi autem facti Deo, habétis fructum vestrum in sanctificatióem, finem verò vitam ætérnam. Stipéndia enim peccáti, mors. Grátia autem Dei, vita ætérna: in Christo Jesu Dño nostro.

Grad. Ps. 33. Veníte filii, audíte me: timórem Dómini docébo vos. *V.* Accédite ad eum, & illuminámini: & fácies vestræ non confundéntur. Allelúia, allel. *V. Ps. 46.* Omnes Gentes pláudite mánibus: jubiláte Deo in voce exultatiónis. Allelúia.

Sequéntia sancti Evangélii secúndum Matthæum. 7. c.

In illo témpore: Dixit Jesus discípulis suis: Atténdite à fálsis prophétis, qui véniunt ad vos in vestiméntis óvi-um, intrínsecùs autem sunt lupi rapáces. A frúctibus eórum cognoscétis eos. Numquid colligunt de spinis uvas, aut de tríbulis ficus? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus fácere: neque arbor mala bonos fructus fácere. Omnis arbor, quæ non facit fructum bonum,

excidetur, & in ignem mittetur. Igitur ex fructibus eorum cognoscetis eos. Non omnis, qui dicit mihi, Domine, Domine, intrabit in regnum coelorum: sed qui facit voluntatem Patris mei, qui in coelis est, ipse intrabit in regnum coelorum. Credo.

Offert. Dan. 3. Sicut in holocaustis arietum & taurorum, & sicut in millibus agnorum pinguium: sic fiat sacrificium nostrum in conspectu tuo hodie, ut placeat tibi: quia non est confusio confidentibus in te, Domine.

Secreta.

DEus, qui legalium differentiam hostiarum, unius sacrificii perfectione sanxisti: accipe sacrificium a devotis tibi famulis, & pari benedictione, sicut munera Abel, sanctifica: ut quod singuli obtulerunt ad maiestatis tuae honorem, cunctis proficiat ad salutem. Per Dñm.

Alia Secreta. Exaudi nos, Deus. ut supra, fol. 268. Tertia ad libitum.

Communio. Ps. 30. Inclina aurem tuam, accelera, ut eripias me.

Postcommunio.

Tua nos, Domine, medicinalis operatio, & a nostris perversitatibus clementer expediat, & ad ea, quae sunt recta, perducat. Per Dñm.

Altera Postcommunio. Mundet & muniat. ut supra, fol. 268. Tertia ad libitum.

DOMINICA VIII. POST PENTECOS.

Introitus. Ps. 47.

Suscipimus, Deus, misericordiam tuam in medio templi tui: secundum nomen tuum Deus, ita & laus tua in fines terrae: iustitia plena est dexterâ tuâ. *Ps. ib.* Magnus Dominus

& laudabilis nimis: in civitate Dei nostri, in monte sancto ejus.

V. Gloria Patri.

Orémus.

Oratio.

Largire nobis, quaesumus, Domine, semper spiritum cogitandi quae recta sunt, propitius & agendi: ut qui sine te esse non possumus, secundum te vivere valeamus. Per Dñm.

Secunda Oratio. A cunctis nos. ut supra, fol. 267. Tertia ad libitum.

Lectio Epistolae beati Pauli Apostoli ad Romanos. 8. c.

Fratres, Debitores sumus non carni, ut secundum carnem vivamus. Si enim secundum carnem vixeritis, moriemini: si autem Spiritu facta carnis mortificaveritis, vivetis. Quicumque enim Spiritu Dei aguntur, ii sunt filii Dei. Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus, Abba (Pater.) Ipse enim Spiritus testimonium reddit spiritui nostro: quod sumus filii Dei. Si autem filii, & heredes: heredes quidem Dei, coheredes autem Christi.

Grad. Ps. 30. Esto mihi in Deum protectorem, & in locum refugii, ut salvum me facias. *V. Deus, in te speravi: Domine, non confundar in aeternum. Allelúia, allel. V. Ps. 47.* Magnus Dominus, & laudabilis valde, in civitate Dei nostri, in monte sancto ejus. Allelúia.

Sequentia sancti Evangelii secundum Lucam. 16.

In illo tempore: Dixit Jesus discipulis suis parabolam hanc: Homo quidam erat dives, qui habebat villicum: & hic diffamatus est apud illum quasi

dissipáffet bona ipsius. Et vocávit illum, & ait illi: Quid hoc áudio de te? Redde ratió nem villicatió nis tuæ: jam enim non póteris villicáre. Ait autem villicus intra se: Quid fáciám, quia dóminus meus aufert à me villicatió nem? fódere non váleo, mendicáre erubéscó. Scio quid fáciám, ut, cùm amó tus fúero à villicatió ne, recípiant me in domos suas. Convocátis itaque singulis debitóribus dómini fui, dicébat primo: Quantum debes dómino meo? At ille dixit: Centum cados ólei. Dixitque illi: Accipe cautió nem tuam: & fede citò: scribe quinquaginta. Deínde álii dixit: Tu verò quantum debes? Qui ait: Centum coros trítici. Ait illi: Accipe lítteras tuas, & scribe octoginta. Et laudávit dóminus villicum iniquitátis, quia prudén ter fecíffet: quia filii hujus sæculi pruden tióres filiis lucis in generatió ne sua sunt. Et ego vobis dico: fácite vobis amícos de mam mó na iniquitátis: ut, cùm defecéritis, recípiant vos in ætérna tabernácula. Credo.

Offert. Ps. 17. Pópulum húmílem sal vum fácies, Dómine, & óculos super bórum humiliábis: quóniam quis Deus præter te, Dómine?

Secreta.

Suscipe, quæsumus, Dómine, múnera, quæ tibi de tua largitáte deférimus: ut hæc sacrosáncta mystéria, grátiae tuæ operánte virtúte, & præ sentis vitæ nos conversatió ne sanctífi cent, & ad gáudia sempitérna perdú cant. Per Dñm.

Alia Secreta. Exáudi nos, Deus. *ut supra, fol. 268. Tertia ad libitum.*

Communio. Ps. 33. Gustáte, & vidéte,

quóniam suávis est Dóminus: beátus vir, qui sperat in eo.

Postcommunio.

Sit nobis, Dómine, reparatió mentis & córporis coeléste mystérium: ut cujus exéquimur cultum, sentiámus efféctum. Per Dñm.

Altera Postcommunio. Mundet & múniat. *ut supra, fol. 268. Tertia ad libitum.*

DOMINICA IX. POST PENTECOS.

Introitus. Ps. 53.

Ecce Deus áduvat me, & Dóminus fuscéptor est ánimæ meæ: avérte mala inimícis meis, & in veri tate tua dispérde illos, protéctor meus, Dómine. *Ps. ib.* Deus, in nómine tuo sal vum me fac: & in virtúte tua líbera me.

V. Glória Patri.

Orémus.

Oratio.

Pateant aures misericórdiæ tuæ, Dómine, précibus supplicántium: & ut peténtibus desideráta concédas, fac eos, quæ tibi sunt plácita, postuláre. Per Dñm.

Secunda Oratio. A cunctis nos. *ut supra, fol. 267. Tertia ad libitum.*

Léctio Epístolæ beáti Pauli Apóstoli ad Corínthios. *I. 10. b.*

FRatres, Non simus concupiscétes malórum, sicut & illi concupiérunt. Neque idololátræ efficiámini, sicut quidam ex ipsis: quemádmó dum scrip tum est: Sedit pópulus manducáre & bíbere, & surrexérunt lúdere. Neque fornicémur, sicut quidam ex ipsis fornicáti sunt, & cecidérunt uná die viginti tria míllia. Neque tentémus Christum: sicut quidam eórum tenta vérunt, & à serpéntibus perierunt.

Neque murmuraveritis, sicut quidam eorum murmuraverunt, & perierunt ab exterminatore. Hæc autem omnia in figura contingebant illis: scripta sunt autem ad correptionem nostram, in quos fines sæculorum devenerunt. Itaque qui se existimat stare, videat ne cadat. Tentatio vos non apprehendat, nisi humana: fidelis autem Deus est, qui non patietur vos tentari supra id, quod potestis, sed faciet etiam cum tentatione proventum, ut possitis sustinere.

Grad. Ps. 8. Domine Dominus noster, quam admirabile est nomen tuum in universa terra! *V.* Quoniam elevata est magnificentia tua super coelos. Alleluia, allel. *V. Ps. 58.* Eripe me de inimicis meis, Deus meus: & ab insurgentibus in me libera me. Allel. Sequentia sancti Evangelii secundum Lucam. 19. f.

IN illo tempore: Cum appropinquaret Jesus Jerusalem, videns civitatem, flevit super illam, dicens: Quia si cognovisses & tu, & quidem in hac die tua, quæ ad pacem tibi: nunc autem abscondita sunt ab oculis tuis. Quia venient dies in te: & circumdabunt te inimici tui vallo, & circumdabunt te: & coangustabunt te undique: & ad terram prosternent te, & filios tuos, qui in te sunt, & non relinquent in te lapidem super lapidem: eò quod non cognoveris tempus visitationis tuæ. Et ingressus in templum, coepit ejicere vendentes in illo, & ementes, dicens illis: Scriptum est: Quia domus mea domus orationis est. Vos autem fecistis illam speluncam latronum. Et erat docens quotidie in templo. Credo.

Offert. Ps. 18. Justitiæ Domini rectæ, lætificantes corda, & judicia ejus dulciora super mel & favum: nam & servus tuus custodit ea.

Secreta.

Concède nobis, quæsumus, Domine, hæc dignè frequentare mysteria: quia quoties hujus hostiæ commemoratio celebratur, opus nostræ redemptionis exercetur. Per Dñm.

Alia Secreta. Exaudi nos, Deus. *ut supra, fol. 268. Tertia ad libitum.*

Communio. Joan. 6. Qui manducat meam carnem, & bibit meum sanguinem, in me manet, & ego in eo, dicit Dominus.

Postcommunio.

Tui nobis, quæsumus, Domine, communio sacramenti, & purificationem conferat, & tribuat unitatem. Per.

Altera Postcommunio. Mundet & muniat. *ut supra, fol. 268. Tertia ad libitum.*

DOMINICA X. POST PENTECOS.

Introitus. Psal. 54.

Cum clamarem ad Dominum, exaudivit vocem meam, ab his qui appropinquant mihi: & humiliavit eos, qui est ante sæcula, & manet in æternum: jacta cogitatum tuum in Domino, & ipse te enutriet.

Psal. ib. Exaudi, Deus, orationem meam, & ne despexeris deprecationem meam: intende mihi, & exaudi me.

V. Glória Patri.

Orémus.

Oratio.

Deus, qui omnipotentiam tuam parcendo maxime & miserando manifestas: multiplica super nos misericordiam tuam, ut ad tua promissa currentes, cœlestium bonorum facias esse consortes. Per Dñm.

Secunda Oratio. A cunctis nos. ut supra, fol. 267. Tertia ad libitum.

Lectio Epistolæ beati Pauli Apostoli ad Corinthios. I. 12. d.

FRatres, Scitis quoniam cum Gentes essetis, ad simulacra muta prout ducebamini euntes. Ideo notum vobis facio, quod nemo in Spiritu Dei loquens, dicit anathema Jesu. Et nemo potest dicere, Dominus Jesus, nisi in Spiritu sancto. Divisiones vero gratiarum sunt, idem autem Spiritus. Et divisiones ministracionum sunt, idem autem Dominus. Et divisiones operationum sunt, idem vero Deus, qui operatur omnia in omnibus. Unicuique autem datur manifestatio Spiritus ad utilitatem. Alii quidem per Spiritum datur sermo sapientiae: alii autem sermo scientiae secundum eundem Spiritum: aliter fides in eodem Spiritu: alii gratia sanitatum in uno Spiritu: alii operatio virtutum, alii prophetia, alii discretio spirituum, alii genera linguarum, alii interpretatio sermonum. Haec autem omnia operatur unus atque idem Spiritus, dividens singulis prout vult.

Grad. Ps. 16. Custodi me, Domine, ut pupillam oculi: sub umbra alarum tuarum protege me. V. De vultu tuo iudicium meum prodeat: oculi tui videant aequitatem. Alleluia, allel. V. Ps. 64. Te decet hymnus, Deus, in Sion: & tibi reddetur votum in Ierusalem. Alleluia.

Sequentia sancti Evangelii secundum Lucam. 18. c.

In illo tempore: Dixit Jesus ad quosdam, qui in se confidebant tamquam iusti, & aspernabantur ceteros,

parabolam istam: Duo homines ascenderunt in templum ut orarent: unus Phariseus, & alter publicanus. Phariseus stans, haec apud se orabat: Deus, gratias ago tibi, quia non sum sicut ceteri hominum: raptores, iniusti, adulteri: velut etiam hic publicanus. Jeiuno bis in sabbato: decimas domini quae possideo. Et publicanus a longe stans, nolabat nec oculos ad coelum levare: sed percutiebat pectus suum, dicens: Deus propitius esto mihi peccatori. Dico vobis: descendit hic iustificatus in domum suam ab illo: quia omnis qui se exaltat, humiliabitur: & qui se humiliat, exaltabitur.

Credo.

Offert. Ps. 24. Ad te, Domine, levavi animam meam: Deus meus, in te confido, non erubescam: neque irideant me inimici mei: etenim universi qui te expectant, non confundentur.

Secreta.

Tibi, Domine, sacrificia dicata reddantur: quae sic ad honorem nominis tui deferenda tribuisti, ut eadem remedia fieri nostra praestares. Per Dñm nostrum.

Alia Secreta. Exaudi nos, Deus. ut supra, fol. 268. Tertia ad libitum.

Communio. Ps. 50. Acceptabis sacrificium iustitiae, oblationes, & holocausta, super altare tuum, Domine.

Postcommunio.

Quaesumus, Domine, Deus noster: ut quos divinis reparare non desinis sacramentis, tuis non destituas benignis auxiliis. Per Dñm.

Altera Postcommunio. Mundet & muniat. ut supra, fol. 268. Tertia ad libitum.

DOMINICA XI. POST PENTECOS.

Introitus. Ps. 67.

DEus in loco sancto suo: Deus, qui inhabitare facit unánimes in domo: ipse dabit virtutem & fortitudinem plebi suæ. *Ps. ib.* Exúrgat Deus, & dissipéntur inimíci ejus, & fúgiant, qui odérunt eum, à fácie ejus. *V. Glória Patri.*

*Orémus.**Oratio.*

OMnípotens sempitérne Deus, qui abundantia pietátis tuæ & mérita súpplicum excédis & vota: effúnde super nos misericórdiam tuam; ut dimíttas quæ consciéntia méruit, & adjicias quod orátio non præfúmit. *Per.*

Secunda Oratio. A cunctis nos. ut supra, fol. 267. Tertia ad libitum.

Léctio Epístolæ beáti Pauli Apóstoli ad Corínthios. *I. 15.*

FRatres, Notum vobis fácio Evangelium, quod prædicávi vobis, quod & accepístis, in quo & státis, per quod & salvámini: quâ ratióne prædicáverim vobis, si tenétis, nisi frustra credidístis. Trádidí enim vobis in primis, quod & accépi: quóniam Christus mórtuus est pro peccátis nostris secúndum Scriptúras: & quia sepúltus est, & quia resurrexít tértiâ die secúndum Scriptúras: & quia visus est Cephæ, & post hoc úndecim. Deínde visus est plus quàm quingéntis frátribus simul: ex quibus multi manent usque adhuc, quidam autem dormiérunt. Deínde visus est Jacóbo, deínde Apóstolis ómnibus: novíssimè autem ómnium tamquam abortívo, visus est & mihi. Ego enim sum mínimus Apostolorum, qui non sum dignus vocári Apóstolus, quóniam persecútus sum Ecclesiám Dei.

Gratiâ autem Dei sum id quod sum, & grátia ejus in me vácuá non fuit.

Grad. Ps. 27. In Deo sperávit cor meum, & adjútus sum: & reflóruit caro mea: & ex voluntáte mea confitébor illi. *V.* Ad te, Dómine, clamávi: Deus meus, ne síleas: ne discédas à me. Allelúia, allel. *V. Ps. 80.* Exultáte Deo adjutóri nostro, jubiláte Deo Jacob: súmíte psalmum jucúndum cum cithara. Allelúia.

Sequéntia sancti Evangelii secúndum Marcum. *7. d.*

IN illo témpore: Exiens Jesus de finibus Tyri, venit per Sidónem ad Mare Galilææ, inter médios fines Decapóleos. Et addúcunt ei furdum & mutum, & deprecabántur eum, ut impónat illi manum. Et apprehéndens eum de turba seórsum, misit dígitos suos in aurículas ejus: & expuens, tégit linguam ejus: & suspiciens in cœlum, ingémuit, & ait illi: Ephpheta, quod est adaperíre. Et statim apértæ sunt aures ejus, & solútum est vínculum línguæ ejus, & loquebátur rectè. Et præcépit illis, ne cui dicerent. Quantò autem eis præcipiébat, tantò magis plus prædicábant: & eò ámplius admirabántur, dicéntes: Benè ómnia fecit: & furdos fecit audíre, & mutos loqui. *Credo.*

Offert. Ps. 29. Exaltábo te, Dómine, quóniam suscepísti me, nec delectásti inimícos meos super me: Dómine, clamávi ad te, & sanásti me.

Secreta.

REspice, Dómine, quæsumus, nostram propítius servitútem: ut quod offérimus, sit tibi munus accéptum: & sit nostræ fragilitátis subsidium. *Per Dñm.*

Alia Secreta. Exáudi nos, Deus. *ut supra, fol. 268. Tertia ad libitum.*

Commun. Prov. 3. Honóra Dóminum de tua substántia, & de primítiis frugum tuárum: & implebúntur hórrea tua saturitáte, & vino torculária redundábunt.

Postcommunio.

Sentiámus, quæsumus, Dómine, tui perceptióne sacraménti, subsidium mentis & córporis: ut in utróque salváti, coeléstis remédii plenitúdine gloriémur. Per Dñm.

Altera Postcommunio. Mundet & muniat. *ut supra, fol. 268. Tertia ad libitum.*

DOMINICA XII. POST PENTECOS.

Introitus. Psal. 69.

Deus, in adjutórium meum inténde: Dómine, ad adjuvándum me festína. Confundántur & reveeántur inimíci mei qui quæerunt ánimam meam. *Psal. ib.* Avertántur retrórsim, & erubéscant: qui volunt mihi mala.

V. Glória Patri.

Orémus.

Oratio.

OMnípotens & misericors Deus, de cujus múnere venit, ut tibi à fidelibus tuis dignè & laudabíliter serviátur: tríbue, quæsumus, nobis; ut ad promissiónes tuas sine offensióne currámus. Per Dñm.

Secunda Oratio. A cunctis nos. *ut supra, fol. 267. Tertia ad libitum.*

Léctio Epístolæ beáti Pauli Apóstoli ad Corínthios. *II. 3. b.*

FRatres, Fidúciam talem habémus per Christum ad Deum: non quòd sufficiéntes simus cogitare áliquid à nobis, quasi ex nobis: sed sufficiéntia nostra ex Deo est: qui & idóneos nos

fecit minístros novi testaménti; non lítterâ, sed Spíritu: lítterâ enim occídit, Spíritus autem vivícat. Quòd si ministrátio mortis, lítteris deformáta in lapídibus, fuit in glória; ita ut non possent inténdere filii Israél in faciém Móysi, propter glóriam vultûs ejus, quæ evacuátur: quómodo non magis ministrátio Spíritûs erit in glória? Nam si ministrátio damnatiónis glória est: multò magis abundat minístérium justítiæ in glória.

Grad. Ps. 33. Benedícam Dóminum in omni témpore: semper laus ejus in ore meo. *V.* In Dómino laudábitur ánima mea: áudiant mansuéti & læténtur. Allelúia, allel. *V. Ps. 87.* Dómine Deus salutis meæ, in die clamávi, & nocte coram te. Allelúia.

Sequéntia sancti Evangélíi secúndum Lucam. *10. d.*

IN illo témpore: Dixit Jesus discípulis suis: Beáti óculi, qui vident quæ vos vidétis. Dico enim vobis, quòd multi Prophétæ & reges voluerunt videre quæ vos vidétis, & non viderunt: & audire quæ audís, & non audierunt. Et ecce, quidam Legisperítus furréxit, tentans illum, & dicens: Magíster, quid faciéndò vitam ætérnam possidebo? At ille dixit ad eum: In lege quid scriptum est? quómodo legis? Ille respondens, dixit: Díliges Dóminum Deum tuum ex toto corde tuo, & ex tota ánima tua, & ex ómnibus víribus tuis, & ex omni mente tua: & próximum tuum sicut teípsum. Dixítque illi: Rectè respondísti: hoc fac, & vives. Ille autem volens justificáre seípsum, dixit ad Jesum: Et quis est meus próximus? Suscípiens autem Jesus,

dixit: Homo quidam descendebat ab Jerúsalem in Jéricho, & incidit in latrones, qui etiam despoliaverunt eum: & plagis impositis abiierunt, semivivo relicto. Accidit autem ut sacerdos quidam descenderet eadem via: & viso illo, præterivit. Similiter & Levita, cum esset secus locum, & videret eum, pertransiit. Samaritanus autem quidam iter faciens, venit secus eum: & videns eum, misericordiâ motus est. Et appropians, alligavit vulnera ejus, infundens oleum, & vinum: & imponens illum in jumentum suum, duxit in stabulum, & curam ejus egit. Et alterâ die protulit duos denarios, & dedit stabulario, & ait: Curam illius habe: & quodcunque supererogaveris, ego cum rediero, reddam tibi. Quis horum trium videtur tibi proximus fuisse illi, qui incidit in latrones? At ille dixit: Qui fecit misericordiam in illum. Et ait illi Jesus: Vade, & tu fac similiter.

Credo.

Offert. Exod. 32. Precatus est Moyses in conspectu Domini Dei sui, & dixit: Quare, Domine, irascaris in populo tuo? Parce iræ animæ tuæ: memento Abraham, Isaac, & Jacob, quibus jurasti dare terram fluentem lac & mel: & placatus factus est Dominus de malignitate, quam dixit facere populo suo.

Secreta.

Hostias, quæsumus, Domine, propitius intende, quas sacris altaribus exhibemus: ut nobis indulgentiam largiendo, tuo nomini dent honorem. Per Dñm.

Alia Secreta. Exaudi nos, Deus. *ut supra, fol. 268. Tertia ad libitum.*

Commun. Ps. 103. De fructu operum tuorum, Domine, satiabitur terra: ut educas panem de terra, & vinum lætificet cor hominis, ut exilaret faciem in oleo, & panis cor hominis confirmet.

Postcommunio.

Vivificet nos, quæsumus, Domine, hujus participatio sancta mysteriorum: & pariter nobis expiationem tribuat, & munimen. Per Dñm.

Altera Postcommunio. Mundet & muniat. *ut supra, fol. 268. Tertia ad libitum.*

DOMINICA XIII. POST PENTECOS.

Introitus. Ps. 73.

Respice, Domine, in testamentum tuum, & animas pauperum tuorum ne derelinquas in finem: exurge, Domine, & iudica causam tuam, & ne obliviscaris voces quærentium te.

Ps. ib. Ut quid, Deus, repulisti in finem: iratus est furor tuus super oves pascuæ tuæ?

V. Gloria Patri.

Orémus.

Oratio.

OMnipotens sempiternus Deus, da nobis fidei, spei, & charitatis, augmentum: & ut mereamur assequi quod promittis, fac nos amare quod præcipis. Per Dñm.

Secunda Oratio. A cunctis nos. *ut supra, fol. 267. Tertia ad libitum.*

Lectio Epistolæ beati Pauli Apostoli ad Galatas. 3. c.

Fratres, Abraham dictæ sunt promissiones, & semini ejus. Non dicit: Et seminibus, quasi in multis: sed quasi in uno: Et semini tuo, qui est Christus. Hoc autem dico, testamentum confirmatum à Deo: quæ post quadringentos & triginta annos facta

est Lex, non irritum facit ad evacuándam promissionem. Nam si ex lege hereditas, jam non ex promissione. Abrahæ autem per repromissionem donavit Deus. Quid igitur lex? propter transgressionem posita est, donec veniret semen, cui promiserat, ordinata per Angelos in manu mediatoris. Mediator autem unus non est: Deus autem unus est. Lex ergo adversus promissa Dei? Absit. Si enim data esset lex, quæ posset vivificare, verè ex lege esset justitia. Sed conclusit Scriptura omnia sub peccato, ut promissio ex fide Jesu Christi daretur credentibus.

Grad. Ps. 73. Respice, Domine, in testamentum tuum: & animas pauperum tuorum ne obliviscaris in finem. *V.* Exurge, Domine, & iudica causam tuam: memor esto opprobrii servorum tuorum. *Allel. allel. V. Ps. 89.* Domine refugium factus es nobis à generatione & progénie. *Allelúia.*

Sequentia sancti Evangelii secundum Lucam. 17. c.

IN illo tempore: Dum iret Jesus in Jerúsalem, transibat per mediam Samariam & Galilæam. Et cum ingrederetur quoddam castellum, occurrerunt ei decem viri leprosi, qui steterunt à longè: & levaverunt vocem, dicentes: Jesu præceptor, miserere nostri. Quos ut vidit, dixit: Ite, ostendite vos sacerdotibus. Et factum est, dum irent, mundati sunt. Unus autem ex illis, ut vidit quia mundatus est, regressus est, cum magna voce magnificans Deum, & cecidit in faciem ante pedes ejus, gratias agens: & hic erat Samaritanus. Respondens autem Jesus, dixit: Nonne decem mundati sunt?

& novem ubi sunt? Non est inventus qui rediret, & daret gloriam Deo, nisi hic alienigena. Et ait illi: Surge, vade: quia fides tua te salvum fecit. *Credo.*

Offert. Ps. 30. In te speravi, Domine: dixi, Tu es Deus meus, in manibus tuis tempora mea.

Secreta.

Propitiare, Domine, populo tuo, propitiare muneribus: ut hac oblatione placatus, & indulgentiam nobis tribuas, & postulata concedas. *Per.*

Alia Secreta. Exaudi nos, Deus. *ut supra, fol. 268. Tertia ad libitum.*

Commun. Sap. 16. Panem de coelo dedisti nobis, Domine, habentem omne delectamentum, & omnem saporem suavitatis.

Postcommunio.

Sumptis, Domine, celestibus Sacramentis, ad redemptionis æternæ, quæsumus, proficiamus augmentum. *Per Dñm.*

Altera Postcommunio. Mundet & muniat. *ut supra, fol. 268. Tertia ad libitum.*

DOMINICA XIV. POST PENTECOS.

Introitus. Ps. 83.

Protector noster aspice, Deus: & respice in faciem Christi tui: quia melior est dies una in atriis tuis super millia. *Ps. ib.* Quam dilecta tabernacula tua, Domine virtutum! concupiscit, & deficit anima mea in atria Domini. *V. Gloria Patri.*

Orémus.

Oratio.

Custodi, Domine, quæsumus, Ecclesiam tuam propitiatione perpetua: & quia sine te labitur humana mortalitas, tuis semper auxiliis, & abstractus à noxiis, & ad salutaria dirigatur. *Per Dñm.*

Secunda Oratio. A cunctis nos. ut supra, fol. 267. Tertia ad libitum.

Lectio Epistolæ beati Pauli Apostoli ad Galatas. 5. c.

FRatres, Spiritu ambulâte, & desideria carnis non perficietis. Caro enim concupiscit adversus spiritum: spiritus autem adversus carnem: hæc enim sibi invicem adversantur: ut non quæcumque vultis, illa faciatis. Quod si spiritu ducimini, non estis sub lege. Manifesta sunt autem opera carnis: quæ sunt fornicatio, immunditia, impudicitia, luxuria, idolorum servitus, veneficia, inimicitiae, contentiones, æmulationes, iræ, rixæ, dissensiones, sectæ, invidia, homicidia, ebrietates, comessationes, & his similia: quæ prædico vobis, sicut prædixi; quoniam qui talia agunt, regnum Dei non consequentur. Fructus autem Spiritus est: charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Adversus hujusmodi non est lex. Qui autem sunt Christi, carnem suam crucifixerunt cum vitiis & concupiscentiis.

Grad. Ps. 117. Bonum est confidere in Domino, quàm confidere in homine. V. Bonum est sperare in Domino, quàm sperare in principibus. Allelûia, allel. V. Ps. 94. Venite, exultemus Domino: jubilemus Deo salutari nostro. Allelûia.

Sequentia sancti Evangelii secundum Matthæum. 6. c.

IN illo tempore: Dixit Jesus discipulis suis: Nemo potest duobus domini servire: aut enim unum odio habebit, & alterum diliget: aut unum sustinebit, & alterum contemnet. Non

potestis Deo servire, & mammonæ. Ideò dico vobis, ne solliciti sitis animæ vestræ quid manducetis, neque corpori vestro quid induamini. Nonne anima plus est quàm esca: & corpus plus quàm vestimentum? Respiciite volatilia coeli, quoniam non ferunt, neque metunt, neque congregant in horrea: & Pater vester coelestis pascit illa. Nonne vos magis pluris estis illis? Quis autem vestrum cogitans, potest adjicere ad staturam suam cubitum unum? Et de vestimento quid solliciti estis? Considerate lilia agri quomodo crescunt: non laborant neque nent. Dico autem vobis, quoniam nec Salomon in omni gloria sua coopertus est sicut unum ex istis. Si autem fœnum agri, quod hodie est, & cras in clibanum mittitur, Deus sic vestit: quantò magis vos modicæ fidei? Nolite ergo solliciti esse, dicentes: Quid manducabimus, aut quid bibemus, aut quo operiemur? hæc enim omnia Gentes inquirunt. Scit enim Pater vester, quia his omnibus indigetis. Quærite ergo primum regnum Dei, & justitiam ejus: & hæc omnia adjicientur vobis. Credo.

Offert. Ps. 33. Immittet Angelus Domini in circuitu timéntium eum, & eripiet eos: gustate & videte, quoniam suavis est Dominus.

Secreta.

Concède nobis, Domine, quæsumus, ut hæc hostia salutaris & nostrorum fiat purgatio delictorum, & tuæ propitiatio potestatis. Per Dñm.

Alia Secreta. Exaudi nos, Deus. ut supra, fol. 268. Tertia ad libitum.

Commun. Matt. 6. Primum quærite regnum Dei, & omnia adjicientur vobis, dicit Dominus.

Postcommunio.

Purificent semper & múniant tua sacramenta nos, Deus: & ad perpétuæ ducant saluationis effectum. Per Dñm.

Altera Postcommunio. Mundet & múniat. *ut supra, fol. 268. Tertia ad libitum.*

DOMINICA XV. POST PENTECOS.

Introitus. Psal. 85.

Inclína, Dómine, aurem tuam ad me, & exáudi me: saluum fac servum tuum, Deus meus, sperántem in te: miserére mihi, Dómine, quóniam ad te clamávi totâ die. *Ps. ib.* Lætífica ánimam servi tui: quia ad te, Dómine, ánimam meam levávi.

V. Glória Patri.

Orémus. Oratio.

Ecclésiám tuam, Dómine, miserátio continuáta mundet & múniat: & quia sine te non potest salva consistere, tuo semper múnere gubernétur. Per.

Secunda Oratio. A cunctis nos. *ut supra, fol. 267. Tertia ad libitum.*

Léctio Epístolæ beáti Pauli Apóstoli ad Gálatas. 5. & 6.

Fratres, Si spíritu vivimus, spíritu & ambulémus. Non efficiámur inánis glóriæ cúpidi, invicem provocántes, invicem invidéntes. Fratres, & si præoccupátus fúerit homo in aliquo delícto, vos, qui spirituáles estis, hujúsmodi instrúite in spíritu lenitátis, considerans teípsum, ne & tu tentéris. Alter altérius ónera portáte, & sic adimplébitis legem Christi. Nam si quis existimat se áliquid esse, cùm nihil sit, ipse se sedúcit. Opus autem suum probet unusquisque, & sic in semetípso tantùm glóriam habébit, & non in áltero. Unusquisque enim onus suum

portábit. Commúnicet autem is, qui catechizátur verbo, ei, qui se catechizat, in ómnibus bonis. Nolíte erráre: Deus non irridétur. Quæ enim semináverit homo, hæc & metet. Quóniam qui féminat in carne sua, de carne & metet corruptiónem: qui autem féminat in spíritu, de spíritu metet vitam ætérnam. Bonum autem faciéntes, non deficiámus: témpore enim suo metémus, non deficiéntes. Ergo dum tempus habémus, operémur bonum ad omnes, máximè autem ad domésticos fidei.

Grad. Ps. 91. Bonum est confitéri Dómino: & psállere nómini tuo, Altíssime. *V.* Ad annuntiándum manè misericórdiam tuam, & veritátem tuam per noctem. Allelúia, allelúia.

V. Ps. 94. Quóniam Deus magnus Dóminus, & Rex magnus super omnem terram. Allelúia.

Sequéntia sancti Evangélii secúndum Lucam. 7. b.

In illo témpore: Ibat Jesus in civitátem, quæ vocátur Naím: & ibant cum eo discípuli ejus, & turba copiósa. Cùm autem appropinquáret portæ civitátis, ecce defúnctus efferebátur filius únicus matris suæ: & hæc vídua erat: & turba civitátis multa cum illa. Quam cùm vidíffet Dóminus, misericórdiá motus super eam, dixit illi: Noli flere. Et accéssit, & tétigit lóculum. (Hi autem, qui portábant, steterunt.) Et ait: Adoléscens, tibi dico, surge. Et resédit qui erat mórtuus, & coepit loqui. Et dedit illum matri suæ. Accépit autem omnes timor: & magnificábant Deum, dicéntes: Quia Prophéta magnus surrexit in nobis: & quia Deus visitávit plebem suam. Credo.

Offert. Ps. 39. Expēctans expēctāvi Dōminum, & respēxit me : & exaudi- vit deprecationem meam, & immisit in os meum cānticum novum, hymnum Deo nostro.

Secreta.

Tua nos, Dōmine, sacramēta cus- tōdiant : & contra diabólicos sem- per tūeāntur incūrsus. Per Dñm.

Alia Secreta. Exaudi nos, Deus. *ut supra, fol. 268. Tertia ad libitum.*

Communio. Joan. 6. Panis, quem ego dēdero, caro mea est pro sæculi vita.

Postcommunio.

Mentes nostras & cōrpora possideat, quæsumus, Dōmine, doni coelēs- tis operatio : ut non noster sensus in nobis, sed jūgiter ejus prævēniat ef- fectus. Per Dñm.

Altera Postcommunio. Mundet & mū- niat. *ut supra, fol. 268.*

Tertia ad libitum.

DOMINICA XVI. POST PENTECOS.

Introitus. Ps. 85.

Miserere mihi, Dōmine, quoniam ad te clamāvi totā die : quia tu, Dōmine, suāvis ac mitis es, & co- piofus in misericordia omnibus invo- cāntibus te. *Ps. ib.* Inclina, Dōmine, aurem tuam mihi, & exaudi me : quoniam inops & pauper sum ego.

V. Gloria Patri.

Orémus.

Oratio.

Tua nos, quæsumus, Dōmine, grātia semper & prævēniat & sequatur : ac bonis opēribus jūgiter præstet esse intētos. Per Dñm.

Secunda Oratio. A cunctis nos. *ut su- pra, fol. 267. Tertia ad libitum.*

Lectio Epistolæ beāti Pauli Apōstoli ad Ephēsius. 3. c.

FRatres, Obsecro vos, ne deficiātis in tribulationibus meis pro vobis : quæ est glória vestra. Hujus rei grātia flecto gēnuā mea ad Patrem Dōmini nostri Jesu Christi, ex quo omnis patēr- nitas in coelis & in terra nominatur, ut det vobis secūndūm divitias glóriæ suæ, virtūte corroborari per spīritum ejus in interiorem hōminem : Christum habitare per fidem in cōrdibus vestris : in charitate radicāti, & fundāti, ut possitis comprehendere cum omnibus sanctis, quæ sit latitudo, & longitudo, & sublimitas, & profundum : scire eti- am supereminentem sciētiæ charitā- tem Christi, ut impleāmini in omnem plenitudinem Dei. Ei autem, qui po- tens est omnia facere superabundanter quam pētimus, aut intelligimus, secū- dūm virtutem, quæ operatur in nobis : Ipsi glória in Ecclēsia, & in Christo Jesu, in omnes generationes sæculi sæ- culōrum. Amen.

Grad. Ps. 101. Timēbunt Gentes nomen tuum, Dōmine, & omnes reges terræ glóriam tuam. *V.* Quoniam ædificāvit Dōminus Sion : & vidēbitur in majestāte sua. Allelūia, allelūia. *V. Ps. 97.* Cantate Dōmino cānticum novum : quia mirabilia fecit Dōminus. Allelūia.

Sequētia sancti Evangēlii secūndūm Lucam. 14.

IN illo tēpore : Cū intrāret Jesus in domū cujūsdam principis Pha- risæorum sabbato manducare panem, & ipsi observābant eum. Et ecce homo quidam hydrōpicus erat ante illum. Et respōndens Jesus dixit ad Legisperitos,

& Phariseos, dicens: Si licet sabbato curare? At illi tacuerunt. Ipse vero apprehensum sanavit eum, ac dimisit. Et respondens ad illos, dixit: Cujus vestrum asinus aut bos in puteum cadet, & non continuo extrahet illum die sabbati? Et non poterant ad haec respondere illi. Dicebat autem & ad invitatos parabolam, intendens quomodo primos accubitus eligerent, dicens ad illos: Cum invitatus fueris ad nuptias, non discumbas in primo loco, ne forte honoratior te sit invitatus ab illo; & veniens is, qui te & illum vocavit, dicat tibi: Da huic locum: & tunc incipias cum rubore novissimum locum tenere. Sed cum vocatus fueris, vade, recumbe in novissimo loco: ut, cum venerit qui te invitavit, dicat tibi: Amice, ascende superius. Tunc erit tibi gloria coram simul discumbentibus: quia omnis qui se exaltat, humiliabitur: & qui se humiliat, exaltabitur. Credo.

Offert. Ps. 39. Domine, in auxilium meum respice: confundantur & reveantur, qui quaerunt animam meam, ut auferant eam: Domine, in auxilium meum respice.

Secreta.

Munda nos, quaesumus, Domine, sacrificii praesentis effectu: & perfice miseratus in nobis, ut ejus mereamur esse participes. Per Dñm.

Alia Secreta. Exaudi nos, Deus. *ut supra, fol. 268. Tertia ad libitum.*

Communio. Ps. 70. Domine, memorabor justitiae tuae solius: Deus, docuisti me a juventute mea: & usque in senectam & senium, Deus, ne derelinquas me.

Postcommunio.

Purifica, quaesumus, Domine, mentes nostras benignus, & renova coelestibus sacramentis: ut consequenter & corporum praesens pariter & futurum capiamus auxilium. Per Dñm.

Altera Postcommunio. Mundet & muniat, *fol. 268. Tertia ad libitum.*

DOMINICA XVII. POST PENTECOS.

Introitus. Ps. 118.

Justus es, Domine, & rectum judicium tuum: fac cum sermo tuo secundum misericordiam tuam.

Ps. ib. Beati immaculati in via: qui ambulant in lege Domini.

V. Gloria Patri.

Orémus.

Oratio.

DA, quaesumus, Domine, populo tuo, diabólica vitare contagia: & te solum Deum puram mente sectari. Per Dñm.

Secunda Oratio. A cunctis nos. *ut supra, fol. 267. Tertia ad libitum.*

Lectio Epistolae beati Pauli Apostoli ad Ephesios. 4.

Fratres, Obsecro vos ego vinculus in Domino, ut dignè ambulètis vocatione, quam vocati estis, cum omni humilitate, & mansuetudine, cum patientia, supportantes invicem in charitate, solliciti servare unitatem Spiritus in vinculo pacis. Unum corpus, & unus Spiritus, sicut vocati estis in una spe vocationis vestrae. Unus Dominus, una fides, unum baptisma. Unus Deus & Pater omnium, qui est super omnes, & per omnia, & in omnibus nobis. Qui est benedictus in saecula saeculorum. Amen.

Grad. Ps. 32. Beáta gens, cujus est Dóminus Deus eórum: pópulus quem elégit Dóminus in hereditátem sibi. *V.* Verbo Dómini cœli firmáti sunt: & spírítu oris ejus omnis virtus eórum. Allelúia, allelúia. *V. Ps. 101.* Dómine, exáudi oratióem meam: & clamor meus ad te pervéniat. Allelúia.

Sequéntia sancti Evangélíi secúndum Matthæum. 22.

IN illo témpore: Accessérunt ad Jesum Pharisæi: & interrogávit eum unus ex eis legis Doctór, tentans eum: Magíster, quod est mandátum magnum in lege? Ait illi Jesus: Díliges Dóminum Deum tuum ex toto corde tuo, & in tota ánima tua, & in tota mente tua. Hoc est máximum, & primum mandátum. Secúndum autem símile est huic: Díliges próximum tuum, sicut teípsum. In his duóbus mandátis univérfa lex pendet, & Prophétæ. Congregátis autem Pharisæis, interrogávit eos Jesus, dicens: Quid vobis vidétur de Christo? cujus filius est? Dicunt ei: David. Ait illis: Quómodo ergo David in spírítu vocat eum Dóminum, dicens: Dixit Dóminus Dómino meo: Sede à dextris meis, donec ponam inimícos tuos scabéllum pedum tuórum? Si ergo David vocat eum Dóminum, quómodo filius ejus est? & nemo póterat ei respondére verbum: neque ausus fuit quisquam ex illa die eum ampliùs interrogáre. Credo.

Offert. Dan. 9. Orávi Deum meum ego Dániel, dicens: Exáudi, Dómine, preces servi tui: illúmina fáciem tuam super sanctuárium tuum: & propítius inténde pópulum istum, super quem invocátum est nomen tuum, Deus.

Secreta.

MAjestátem tuam, Dómine, suppliciter deprecámur: ut hæc sancta quæ gérimus, & à præteritis nos delíctis éxuant, & futúris. Per Dñm.

Alia Secreta. Exáudi nos, Deus, ut supra, fol. 268. *Tertia ad libitum.*

Commun. Ps. 75. Vovéte, & réddite Dómino Deo vestro omnes, qui in circuitu ejus affértis múnera: terríbili, & ei, qui aufert spírítum princípum: terríbili apud omnes reges terræ.

Postcommunio.

SANCTIFICATIONIBUS tuis, omnípotens Deus, & vítia nostra curéntur, & remédia nobis ætérna provéniant. Per.

Altera Postcommunio. Mundet & múniat. ut supra, fol. 268. *Tertia ad libitum.*

F E R I A Q U A R T A

QUATUOR TEMPORUM SEPTEMBRIS.

Statio ad sanctam Mariam Majorem.

Introitus. Psal. 80.

EXULTÁTE Deo adjutóri nostro: jubilate Deo Jacob: súmíte psálmm jucúndum cum cíthara: cánite in inítio mensis tubâ, quia præcéptum in Israél est, & judícium Deo Jacob.

Ps. ib. Testimónium in Joseph pofuit illud, cùm exíret de terra Ægypti: linguam, quam non nóverat, audívit.

V. Glória Patri.

Post Kyrie eleíson, dicitur Orémus. Flectámus génua. *R.* Leváte.

Oratio.

MISERICORDIÆ tuæ remédiis, quæsumus, Dómine, fragílitas nostra subsístat: ut quæ suâ conditióne attérritur, tuâ cleméntiâ reparétur. Per Dñm.

Lectio Amos Prophætæ. 9. d.

HÆc dicit Dóminus Deus: Ecce dies veniunt, & comprehendet arátor messórem, & calcátor uvæ mittentem semen: & stillábunt montes dulcedinem, & omnes colles culti erunt. Et convértam captivitátem pópuli mei Israël, & ædificábunt civitátes desértas, & inhabitábunt: & plantábunt vínas, & bibent vinum eárum: & fácient hortos, & cómedent fructus eórum. Et plantábo eos super humum suam: & non evéllam eos ultrà de terra sua, quam dedi eis: dicit Dóminus Deus tuus.

Grad. Ps. 112. Quis sicut Dóminus Deus noster, qui in altis hábitat: & humília réspicit in cœlo & in terra? *V.* Súscitans à terra ínopem, & de stercore érigens páuperem.

Hic dicitur Dóminus vobíscum, sine Flectámus génua.

Orémus.

Oratio.

PRæsta, quæsumus, Dómine, famíliæ tuæ supplicánti: ut dum à cibis corporálibus se ábstinet, à vítiis quoque mente jejúnet. Per Dñm.

Secunda Oratio. A cunctis nos. *ut supra, fol. 267. Tertia ad libitum.*

Lectio libri Esdræ. *Neb. vel II. Esdr. 8.*

IN diébus illis: Congregátus est omnis pópulus quasi vir unus ad plateám quæ est ante portam aquárum: & dixerunt Esdræ scribæ, ut afférret librum legis Móysi, quam præcéperat Dóminus Israël. Attulit ergo Esdras facérdos legem coram multitúdine virórum & mulierum, cunctisque qui póterant intelligere, in die prima mensis séptimi. Et legit in eo apértè in platea, quæ erat ante portam aquárum,

de manè usque ad médiám diem, in conspéctu virórum & mulierum & sapiéntium: & aures omnis pópuli erant eréctæ ad Librum. Stetit autem Esdras scriba super gradum ligneum, quem fécerat ad loquéndum. Et apéruiť Librum coram omni pópulo: super univérsum quippe pópulum eminébat: & cùm aperuísset eum, stetit omnis pópulus. Et benedíxit Esdras Dómino Deo magno: & respóndit omnis pópulus: Amen, Amen: élevans manus suas. Et incurváti sunt, & adoravérunt Deum proni in terram. Porro Levítæ filéntium faciébant in pópulo ad audiéndam legem: pópulus autem stabat in gradu suo. Et legérunt in Libro legis Dei distínctè, & apértè ad intelligéndum: & intelléxerunt cùm legerétur. Dixit autem Nehemías, & Esdras facérdos & scriba, & Levítæ interpretántes univérso pópulo: Dies sanctificátus est Dómino Deo nostro, nolíte lugére, & nolíte flere. Et dixit eis: Ite, comédite pínquia, & bíbite mulsum, & míttite partes his, qui non præparavérunt sibi: quia sanctus dies Dómini est, & nolíte contristári: gáudium etenim Dómini est fortitúdo nostra.

Grad. Ps. 32. Beáta gens, cujus est Dóminus Deus eórum: pópulus quem elégit Dóminus in hereditátem sibi. *V.* Verbo Dómini cœli firmáti sunt: & spírítu oris ejus omnis virtus eórum.

Sequéntia sancti Evangélii secúndum Marcum. 9. c.

IN illo témpore: Respóndens unus de turba, dixit ad Jesum: Magíster, áttuli filium meum ad te. habéntem spírítum mutum: qui ubicúmque eum apprehénderit, allídit illum, & spumat,

& stridet dentibus, & aréscit: & dixi discipulis tuis ut ejicerent illum, & non potuerunt. Qui respondens eis, dixit: O generatio incredula, quamdiu apud vos ero? Quamdiu vos pátiar? afférte illum ad me. Et attulerunt eum. Et cum vidisset eum, statim spíritus conturbávit illum: & elísus in terram, volutabátur spumans. Et interrogávit patrem ejus: Quantum temporis est ex quo ei hoc accídit? At ille ait: Ab infántia: & frequénter eum in ignem, & in aquas misit, ut eum pérderet. Sed si quid potes, ádjuva nos, misértus nostrí. Jesus autem ait illi: Si potes crédere, ómnia possibília sunt credénti. Et continuò exclámans pater púeri, cum lácrymis aiébat: Credo, Dómine: ádjuva incredulitátem meam. Et cum vidéret Jesus concurréntem turbam, comminátus est spíritui immúndo, dicens illi: Surde & mute spíritus, ego præcípio tibi, exi ab eo: & ámpliùs ne intróeas in eum. Et exclámans, & multum discérpens eum, éxiit ab eo, & factus est sicut mórtuus, ita ut multi dicerent: Quia mórtuus est. Jesus autem tenens manum ejus, elevávit eum, & furréxit. Et cum introíisset in domum, discipuli ejus secrétò interrogábant eum: Quare nos non potúimus ejícere eum? Et dixit illis: Hoc genus in nullo potest exíre, nisi in oratióne, & jejúnio.

Offert. Ps. 118. Meditábor in mandátis tuis, quæ diléxi valdè: & levábo manus meas ad mandáta tua, quæ diléxi.

Secreta.

HÆc hóstia, Dómine, quæsumus, emúndet nostra delícta: & ad

sacrificium celebrándum, subditórum tibi córpora mentésque sanctíficet. Per Dñm.

Alia Secreta. Exáudi nos, Deus. *ut supra, fol. 268. Tertia ad libitum.*

Commun. II. Esdr. 8. Comédite pín-guia, & bíbite mulsum, & míttite partes his, qui non præparavérunt sibi: sanctus enim dies Dómini est, nolíte contristári: gáudium étenim Dómini est fortitúdo nostra.

Postcommunio.

SUméntes, Dómine, dona coeléstia, suppliciter deprecámur: ut quæ sèdulâ servitúte, donánte te, gérimus, dignis sènsibus tuo múnere capiámus. Per Dñm.

Altera Postcommunio. Mundet & mú-niat. *ut supra, fol. 268.*

Tertia ad libitum.

F E R I A S E X T A

Q U A T U O R T E M P O R U M S E P T E M B R I S .

Statio ad SS. duodecim Apostolos.

Introitus. Psal. 104.

Lætétur cor quæréntium Dóminum: quærite Dóminum, & confirmámini: quærite fáciem ejus semper.

Pf. ib. Confitémini Dómino, & invocáte nomen ejus: annuntiáte inter Gentes ópera ejus.

V. Glória Patri.

Orémus.

Oratio.

PRæsta, quæsumus, omnípotens Deus: ut observatiónes sacras annuâ devotióne recoléntes, & córpore tibi placeámus, & mente. Per Dñm nostrum.

Secunda Oratio. A cunctis nos. *ut supra, fol. 267. Tertia ad libitum.*

Lectio Osée Prophetae. 14.

HÆc dicit Dominus Deus: Convertere Israël ad Dominum Deum tuum: quoniam corruisti in iniquitate tua. Tollite vobiscum verba, & convertimini ad Dominum: & dicite ei: Omnem aufer iniquitatem, accipe bonum: & reddemus vitulos labiorum nostrorum. Assur non salvabit nos, super equum non ascendemus, nec dicemus ultra: Dii nostri opera manuum nostrarum: quia ejus, qui in te est, miseraberis pupilli. Sanabo contritiones eorum, diligam eos spontaneè: quia aversus est furor meus ab eis. Ero quasi ros, Israël germinabit sicut lilium, & erumpet radix ejus ut Libani. Ibunt rami ejus, & erit quasi oliva gloria ejus, & odor ejus ut Libani. Convertentur sedentes in umbra ejus: vivent tritico, & germinabunt quasi vinea: memoriale ejus sicut vinum Libani. Ephraim quid mihi ultra idola? ego exaudiam, & dirigam eum ego ut abietem virentem: ex me fructus tuus inventus est. Quis sapiens, & intelliget ista? intelligens, & sciet hæc? quia rectæ viæ Domini, & justī ambulabunt in eis: prævaricatores verò corruent in eis.

Grad. Ps. 89. Convertere, Domine, aliquantulum, & deprecare super servos tuos. *V.* Domine, refugium factus es nobis, à generatione & progenie.

Sequentia sancti Evangelii secundum Lucam. 7. f.

In illo tempore: Rogabat Jesum quidam de Phariseis, ut manducaret cum illo. Et ingressus domum Pharisei,

discubuit. Et ecce mulier, quæ erat in civitate peccatrix, ut cognovit quod accubuisset in domo Pharisei, attulit alabastrum unguenti: & stans retrorsecus pedes ejus, lacrymis coepit rigare pedes ejus, & capillis capitis sui tergebat, & osculabatur pedes ejus, & unguento ungebat. Videns autem Phariseus, qui vocaverat eum, ait intra se, dicens: Hic si esset Propheta, sciret utique, quæ, & qualis est mulier, quæ tangit eum: quia peccatrix est. Et respondens Jesus, dixit ad illum: Simon, habeo tibi aliquid dicere. At ille ait: Magister, dic. Duo debitores erant cuidam faeneratori: unus debebat denarios quingentos, & alius quinquaginta. Non habentibus illis unde redderent, donavit utrisque. Quis ergo eum plus diligit? Respondens Simon, dixit: Æstimo quia is, cui plus donavit. At ille dixit ei: Rectè judicasti. Et conversus ad mulierem, dixit. Simoni: Vides hanc mulierem? Intravi in domum tuam, aquam pedibus meis non dedisti: hæc autem lacrymis rigavit pedes meos, & capillis suis terfit. Osculum mihi non dedisti: hæc autem, ex quo intravit: non cessavit osculari pedes meos. Oleo caput meum non unxisti: hæc autem unguento unxit pedes meos. Propter quod dico tibi: Remittuntur ei peccata multa, quoniam dilexit multum. Cui autem minus dimittitur, minus diligit. Dixit autem ad illam: Remittuntur tibi peccata. Et coeperunt, qui simul accubebant, dicere intra se: Quis est hic, qui etiam peccata dimittit? Dixit autem ad mulierem: Fides tua te salvam fecit: vade in pace.

Offertorium. Ps. 102. Bénedic ánima mea Dómino, & noli oblivísci omnes retributiónes ejus: & renovábitur sicut áquilæ juvéntus tua.

Secreta.

A Ccépta tibi sint, Dómine, quæsumus, nostri dona jejúnii: quæ & expiándo nos tuâ grátiâ dignos efficiant, & ad sempitérna promíssa perdúcant. Per Dñm.

Alia Secreta. Exáudi nos, Deus. *ut supra, fol. 268. Tertia ad libitum.*

Communio. Ps. 118. Aufer à me opprobrium & contéptum, quia mandata tua exquisívi, Dómine: nam & testimónia tua, meditatio mea est.

Postcommunio.

QUæsumus, omnipotens Deus, ut de percéptis munéribus grátias exhibéntes, benefícia potióra sumámus. Per Dñm.

Altera Postcommunio. Mundet & múniat. *ut supra, fol. 268. Tertia ad libitum.*

S A B B A T O

QUATUOR TEMPORUM SEPTEMBRIS.

Statio ad sanctum Petrum.

Introitus. Ps. 94.

V Eníte, adorémus Deum, & procidámus ante Dóminum, plorémus ante eum qui fecit nos: quia ipse est Dóminus Deus noster.

Ps. ib. Veníte, exultémus Dómino: jubilémus Deo salutári nostro.

V. Glória Patri.

Post Kyrie eleison, dicitur Orémus. Flectámus génua. *R.* Leváte.

Oratio.

OMnípotens sempitérne Deus, qui per continéntiam salutárem, corpóribus medéris & méntibus: majestá-

tem tuam súpplices exorámus; ut piá jejunántium deprecatione placátus, & præféntia nobis subsidia tríbuas, & futura. Per Dñm.

Lectio libri Levítici. 23. d.

IN diébus illis: Locútus est Dóminus ad Móysen, dicens: Décimo die mensis hujus séptimi, dies expiatiónum erit celebérrimus, & vocábitur sanctus: affligetísque ánimas vestras in eo, & offerétis holocáuustum Dómino. Omne opus servíle non faciétis in témpore diéi hujus: quia dies propitiatiónis est, ut propitiétur vobis Dóminus Deus vester. Omnis ánima, quæ afflícta non fúerit die hac, períbit de pópulis suis: & quæ óperis quídpíam fécerit, delébo eam de pópulo suo. Nihil ergo óperis faciétis in eo: legítimum sempitérnus erit vobis in cunctis generatióibus, & habitatióibus vestris. Sábbatum requietiúnis est, & affligétis ánimas vestras die nono mensis: A véspera usque ad vésperam celebrábitis sábbata vestra: dicit Dóminus omnipotens.

Graduale. Ps. 78. Propítius esto, Dómine, peccátis nostris: nequándo dicant Gentes: Ubi est Deus eórum? *V.* Adjuva nos, Deus salutáris noster: & propter honórem nóminis tui, Dómine, líbera nos.

Orémus. Flectámus génua.

R. Leváte.

Oratio.

DA nobis, quæsumus, omnipotens Deus: ut jejunándo, tuâ grátiâ satiémur; & abstínéndo, cunctis efficiámur hóstibus fortióres. Per Dñm.

Lectio libri Levítici. 23.

IN diébus illis: Locútus est Dóminus ad Móysen, dicens: A quintodé-

cimo die mensis séptimi, quando congregaveritis omnes fructus terræ vestræ, celebrabitis férias Dómini septem diebus. Die primo, & die octávo erit sabbatum, id est réquies. Sumetisque vobis die primo fructus árboris pulcherrimæ, spatuláque palmárum, & ramos ligni densárum fróndium, & fálices de torrénite, & lætabimini coram Dómino Deo vestro. Celebrabitisque solemnitátem ejus septem diebus per annum. Legítimum sempitérnum erit in generatióibus vestris. Mense séptimo festa celebrabitis, & habitabitis in umbráculis septem diebus. Omnis qui de género est Israél, manébit in tabernáculis : ut discant pósteri vestri, quòd in tabernáculis habitáre fécerim filios Israél, cùm edúcerem eos de terra Egypti. Ego Dóminus Deus vester.

Grad. Ps. 83. Protéctor noster áspice Deus : & réspice super servos tuos. *V.* Dómine Deus virtútum, exáudi preces servórum tuórum.

Orémus. Flectámus génua.
R. Leváte.

Oratio.

TUére, quæsumus, Dómine, famíliam tuam : ut salútis æternæ remédia, quæ te inspiránte requírimus, te largiénte consequámur. Per Dñm.

Léctio Michææ Prophétæ. 7. c.

Domine Deus noster, pásce pópulum tuum in virga tua, gregem hereditátis tuæ, habitántes solos in saltu, juxta dies antiquos. Vidébunt Gentes, & confundéntur super omni fortitúdine sua. Quis Deus similis tui, qui aufers iniquitátem, & transis peccátum reliquiárum hereditátis tuæ ? non immíttet ultrà furórem suum,

quóniam volens misericórdiam est. Revertétur, & miserébitur nostrí : depónet iniquitátes nostras, & projiciet in profúndum maris ómnia peccáta nostra. Dabis veritátem Jacob, misericórdiam Abraham : quæ jurásti pátribus nostris à diébus antíquis : Dómine Deus noster.

Grad. Ps. 89. Convértere, Dómine, aliquántulum : & deprecáre super servos tuos. *V.* Dómine, refúgium factus es nobis, à generatióne & progénie.

Orémus. Flectámus génua.

R. Leváte.

Oratio.

Præsta, quæsumus, Dómine, sic nos ab épulis abstínere carnálibus : ut à vítiis irruéntibus pariter jejunémus. Per Dñm.

Léctio Zachariæ Prophétæ. 8. c.

IN diébus illis : Factum est verbum Dómini ad me, dicens : Hæc dicit Dóminus exercítuum : Sicut cogitávi ut afflígerem vos, cùm ad iracúndiam provocássent patres vestri me, dicit Dóminus, & non sum misértus : sic convérsus cogitávi in diébus istis, ut benefáciam dómui Juda, & Jerúsalem : nolíte timére. Hæc sunt ergo verba, quæ faciétis : Loquimini veritátem unusquisque cum próximo suo : veritátem, & judícium pacis judicáte in portis vestris. Et unusquisque malum contra amicum suum ne cogitétis in córdibus vestris : & juraméntum mendax ne diligátis : ómnia enim hæc sunt, quæ odi, dicit Dóminus. Et factum est verbum Dómini exercítuum ad me, dicens : Hæc Dicit Dóminus exercítuum : Jejúnium quarti, & jejúnium quinti, & jejúnium séptimi, &

jejúnium décimi erit dómui Juda in gáudium & lætítiam, & in solemnitates præcláras: veritátem tantum, & pacem dilígite: dicit Dóminus exercítuum.

Grad. Ps. 140. Dirigátur orátio mea, sicut incénsum, in conspéctu tuo, Dómine. *V.* Elevátio mánuum meárum sacrificium vespertínium.

Orémus. Flectámus génua.

R. Leváte.

Oratio.

UT nobis, Dómine, tríbuis solémne tibi deferre jejúnium: sic nobis, quæsumus, indulgéntiæ præsta subsidium. Per Dñm.

Léctio Daniélis Prophétæ. 3. c.

IN diébus illis: Angelus Dómini descendit cum Azaría, & sóciis ejus in fornácem: & excússit flammam ignis de fornáce, & fecit médium fornácis quasi ventum roris flantem. Flamma autem effundebátur super fornácem cúbitis quadragínta novem: & erúpit, & incéndit quos réperit juxta fornácem de Chaldæis minístros regis, qui eam incendébant. Et non tétigit eos omnínò ignis, neque contristávit, nec quidquam moléstiae íntulit. Tunc hi tres quasi ex uno ore laudábant, & glorificábant, & benedicébant Deum in fornáce, dicétes.

Hic non respondetur, Deo grátias.

H Y M N U S. Dan. 3.

Benedíctus es, Dómine Deus patrum nostrórum. Et laudábilis & gloriósus in sæcula.

Et benedíctum nomen glóriæ tuæ, quod est sanctum. Et laudábile & gloriósum in sæcula.

Benedíctus es in templo sancto glóriæ tuæ. Et laudábilis & gloriósus in sæcula.

Benedíctus es super thronum sanctum regni tui. Et laudábilis & gloriósus in sæcula.

Benedíctus es super sceptrum divinitátis tuæ. Et laudábilis & gloriósus in sæcula.

Benedíctus es, qui sedes super Chérubim, íntuens abyssos. Et laudábilis & gloriósus in sæcula.

Benedíctus es, qui ámbulas super pennas ventórum, & super undas maris. Et laudábilis & gloriósus in sæcula.

Benedícant te omnes Angeli, & Sancti tui. Et laudent te & glorificent in sæcula.

Benedícant te coeli, terra, mare, & ómnia quæ in eis sunt. Et laudent te & glorificent in sæcula.

Glória Patri, & Fílio, & Spirítui sancto. Et laudábili & glorióso in sæcula.

Sicut erat in princípio, & nunc, & semper, & in sæcula sæculórum. Amen. Et laudábili & glorióso in sæcula.

Benedíctus es Dómine Deus patrum nostrórum. Et laudábilis & gloriósus in sæcula.

Hic dicitur V. Dóminus vobíscum, sine Flectámus génua.

Orémus. *Oratio.*

DEus, qui tribus púeris mitigásti flammam ignium: concéde, propítius; ut nos fámulos tuos non exúrat flamma vitiórum. Per Dñm.

Secunda Oratio. A cunctis nos. ut supra, fol. 267. Tertia ad libitum.

Léctio Epístolæ beáti Pauli Apóstoli ad Hebræos. 9.

FRatres, Tabernáculum factum est primum, in quo erant candelábra, & mensa, & propositio panum, quæ

dicitur Sancta. Post velamentum autem secundum, tabernaculum, quod dicitur Sancta sanctorum: aureum habens thuribulum, & arcam testamenti circumtectam ex omni parte auro, in qua urna aurea habens manna, & virga Aaron, quæ fronduerat, & tabulæ testamenti, superque eam erant Cherubim gloriæ obumbrantia propitiatorium: de quibus non est modò dicendum per singula. His verò ita compositis; in priori quidem tabernaculo semper introibant sacerdotes, sacrificiorum officia consummantes: in secundo autem semel in anno solus Pontifex, non sine sanguine, quem offert pro sua & populi ignorantia: hoc significante Spiritu sancto, nondum propalatum esse sanctorum viam, adhuc priore tabernaculo habente statum. Quæ parabola est temporis instantis: juxta quam munera, & hostiæ offeruntur, quæ non possunt juxta conscientiam perfectum facere servientem, solummodo in cibis, & in potibus, & variis baptismatibus, & justitiis carnis usque ad tempus correctionis impositis. Christus autem assistens Pontifex futurorum bonorum, per amplius & perfectius tabernaculum non manufactum, id est, non hujus creationis; neque per sanguinem hircorum aut vitulorum, sed per proprium sanguinem, introivit semel in Sancta, æternâ redemptione inventâ.

Tract. Ps. 116. Laudate Dominum, omnes Gentes: & collaudate eum omnes populi. *V.* Quoniam confirmata est super nos misericordia ejus: & veritas Domini manet in æternum.

Sequentia sancti Evangelii secundum Lucam. 13.

IN illo tempore: Dicebat Jesus turbis hanc similitudinem: Arborem fici habebat quidam plantatam in vinea sua, & venit quærens fructum in illa, & non invenit. Dixit autem ad cultorem vineæ: Ecce anni tres sunt ex quo venio quærens fructum in ficulnea hac, & non invenio: succide ergo illam: ut quid etiam terram occupat? At ille respondens, dicit illi: Domine, dimitte illam & hoc anno, usque dum fodiam circa illam, & mittam stercore: & si quidem fecerit fructum: sin autem, in futurum succides eam. Erat autem docens in synagoga eorum sabbatis. Et ecce, mulier, quæ habebat spiritum infirmitatis annis decem & octo: & erat inclinata, nec omnino poterat sursum respicere. Quam cum videt Jesus, vocavit eam ad se, & ait illi: Mulier, dimissa es ab infirmitate tua. Et imposuit illi manus, & confestim erecta est, & glorificabat Deum. Respondens autem archisynagogus, indignans quia sabbato curasset Jesus, dicebat turbæ: Sex dies sunt, in quibus oportet operari: in his ergo venite, & curamini, & non in die sabbati. Respondens autem ad illum Dominus, dixit: Hypocritæ, unusquisque vestrum sabbato non solvit bovem suum aut asinum a præsepio, & ducit ad aquam? Hanc autem filiam Abraham, quam alligavit satanas, ecce decem & octo annis, non oportuit solvi a vinculo isto die sabbati? Et cum hæc diceret, erubescabant omnes adversarii ejus; & omnis populus gaudibat in universis, quæ gloriósè fiebant ab eo.

Offert. Ps. 87. Dómine Deus salutis meæ, in die clamavi, & nocte coram te: intret oratio mea in conspectu tuo, Dómine.

Secreta.

Concède, quæsumus, omnipotens Deus: ut oculis tuæ majestatis munus oblátum, & grátiam nobis devotionis obtineat, & effectum beatæ perennitatis acquirat. Per Dñm.

Alia Secreta. Exáudi nos, Deus. *ut supra, fol. 268. Tertia ad libitum.*

Communio. Lev. 23. Mense sétimo festa celebrábitis, cum in tabernaculis habitare fécerim filios Israél, cum edúcerem eos de Terra Ægypti, ego Dóminus Deus vester.

Postcommunio.

Perficient in nobis, Dómine, quæsumus, tua sacramenta quod continent: ut quæ nunc specie gerimus, rerum veritate capiamus. Per Dñm.

Altera Postcommunio. Mundet & múniat. *ut supra, fol. 268. Tertia ad libitum.*

DOMINICA XVIII. POSTPENTECOS.

Introitus. Eccli. 36.

Da pacem, Dómine, sustinentibus te, ut prophætæ tui fidèles inveniantur: exáudi preces servi tui, & plebis tuæ Israél. Ps. 121. Lætátus sum in his, quæ dicta sunt mihi: in domum Dómini íbimus.

V. Glória Patri.

Orémus.

Oratio.

Dirigat corda nostra, quæsumus, Dómine, tuæ miserationis operatio: quia tibi sine te placere non possumus. Per Dñm.

Secunda Oratio. A cunctis nos. *ut supra, fol. 267. Tertia ad libitum.*

Lectio Epistolæ beati Pauli Apóstoli ad Corínthios. I. 1.

ERatres, Grátias ago Deo meo semper pro vobis in grátia Dei, quæ data est vobis in Christo Jesu: quòd in ómnibus dívites facti estis in illo, in omni verbo, & in omni sciéntia: sicut testimónium Christi confirmátum est in vobis: ita ut nihil vobis desit in ulla grátia, expectántibus revelatióem Dómini nostri Jesu Christi, qui & confirmábit vos usque in finem sine crimine, in die advéntus Dómini nostri Jesu Christi.

Grad. Ps. 121. Lætátus sum in his, quæ dicta sunt mihi: in domum Dómini íbimus. *V.* Fiat pax in virtute tua, & abundantia in túrribus tuis. Allelúia, allel. *V.* Ps. 101. Timébunt Gentes nomen tuum, Dómine: & omnes reges terræ glóriam tuam. Allelúia. Sequéntia sancti Evangélíi secúndum Matthæum. 9.

IN illo témpore: Ascéndens Jesus in navículam, transfretávit & venit in civitatem suam. Et ecce offerébant ei paralyticum jacéntem in lecto. Et videns Jesus fidem illórum, dixit paralytico: Confide, fili, remittúntur tibi peccáta tua. Et ecce quidam de Scribis dixerunt intra se: Hic blasphemát. Et cum vidíffet Jesus cogitatióes eórum, dixit: Ut quid cogitátis mala in córdibus vestris? Quid est fácilis dicere: Dimittúntur tibi peccáta tua: an dicere: Surge, & ámbula? Ut autem sciátis, quia Fílius hóminis habet potestátem in terra dimitténdi peccáta, tunc ait paralytico: Surge, tolle lectum tuum, & vade in domum tuam. Et surrexit, & ábiit in domum suam.

Videntes autem turbæ timuerunt, & glorificaverunt Deum, qui dedit potestatem talem hominibus. Credo.

Offert. Exod. 24. Sanctificavit Moyses altare Domino, offerens super illud holocausta, & immolans victimas: fecit sacrificium vespertinum in odorem suavitatis Domino Deo, in conspectu filiorum Israël.

Secreta.

DEus, qui nos per hujus sacrificii veneranda commercia, unius summae divinitatis participes efficis, praesta, quaesumus; ut, sicut tuam cognoscimus veritatem, sic eam dignis moribus assequamur. Per Dñm.

Alia Secreta. Exaudi nos, Deus. *ut supra, fol. 268. Tertia ad libitum.*

Communio. Ps. 95. Tollite hostias, & introite in atria ejus: adoráte Dominum in aula sancta ejus.

Postcommunio.

GRatias tibi referimus, Domine, facro munere vegetati, tuam misericordiam deprecantes: ut dignos nos ejus participatione perficias. Per Dñm.

Altera Postcommunio. Mundet & muniat. *ut supra, fol. 268.*

Tertia ad libitum.

DOMINICA XIX. POST PENTECOS.

Introitus.

Salus populi ego sum, dicit Dominus: de quacumque tribulatione clamaverint ad me, exaudiam eos: & ero illorum Dominus in perpetuum.

Ps. 77. Attendite, popule meus, legem meam: inclináte aurem vestram in verba oris mei.

V. Gloria Patri.

Orémus.

Oratio.

OMnipotens & misericors Deus, universa nobis adversantia propitiatus excludere: ut mente & corpore pariter expediti, quæ tua sunt, liberis mentibus exequamur. Per Dñm.

Secunda Oratio. A cunctis nos. *ut supra, fol. 267. Tertia ad libitum.*

Lectio Epistolæ beati Pauli Apostoli ad Ephésios. 4. c.

FRatres, Renovamini spiritu mentis vestrae, & induite novum hominem, qui secundum Deum creatus est in justitia, & sanctitate veritatis. Propter quod deponentes mendacium, loquimini veritatem unusquisque cum proximo suo: quoniam sumus invicem membra. Irascimini, & nolite peccare: sol non occidat super iracundiam vestram. Nolite locum dare diabolo: qui furabatur, jam non furetur: magis autem laboret, operando manibus suis quod bonum est, ut habeat unde tribuat necessitatem patienti.

Grad. Ps. 140. Dirigatur oratio mea sicut incensum in conspectu tuo, Domine. *V.* Elevatio manuum mearum, sacrificium vespertinum. Allelúia, allel. *V. Ps. 104.* Confitemini Domino, & invocáte nomen ejus: annuntiáte inter Gentes ópera ejus. Allelúia.

Sequentia sancti Evangelii secundum Matthæum. 22.

IN illo tempore: Loquebatur Jesus principibus sacerdotum & Phariseis in parabolis, dicens: Simile factum est regnum coelorum homini regi, qui fecit nuptias filio suo. Et misit servos suos vocare invitatos ad nuptias, & nolébant venire. Iterum misit alios servos, dicens: Dicite invitatis: Ecce

prándium meum parávi, tauri mei, & altília occísa sunt, & ómnia paráta: veníte ad núptias. Illi autem neglexérunt: & abiérunt, álius in villam suam, álius verò ad negotiatióem suam: reliqui verò tenuérunt servos ejus, & contuméliis afféctos occidérunt. Rex autem cùm audíffet, irátus est: & missis exercítibus suis, pèrdidit homicidas illos, & civitátem illórum succéndit. Tunc ait servis suis: Núptiæ quidem parátæ sunt, sed qui invitáti erant, non fúerunt digni. Ite ergo ad éxitus viárum, & quoscúmque invenéritis, vocáte ad núptias. Et egréssi servi ejus in vias, congregavérunt omnes, quos invenérunt, malos & bonos: & implétæ sunt núptiæ discumbéntium. Intrávit autem rex ut vidéret discumbéntes, & vidit ibi hóminem non vestítum veste nuptiáli. Et ait illi: Amíce, quómodo húc intrásti, non habens vestem nuptiálem? At ille obmútuit. Tunc dixit rex minístris: Ligátis mánibus & pedibus ejus, míttite eum in ténebras exteriores: ibi erit fletus, & stridor dentium. Multi enim sunt vocáti, pauci verò elécti. Credo.

Offert. Ps. 137. Si ambulávero in médio tribulatióis, vivificábis me, Dómine: & super iram inimicórum meórum exténdes manum tuam, & salvum me faciet dextera tua.

Secreta.

HÆc múnera, quæsumus, Dómine, quæ óculis tuæ majestátis offérimus, salutária nobis esse concéde. Per.

Alia Secreta. Exáudi nos, Deus. ut supra, fol. 268. Tertia ad libitum.

Communio. Ps. 118. Tu mandásti, mandáta tua custodíri nimis: útinam

dirigántur viæ meæ, ad custodiéndas justificatióes tuas.

Postcommunio.

Tua nos, Dómine, medicínalis operátio, & à nostris perversitatibus cleménter expédíat, & tuis semper faciat inhærére mandátis. Per Dñm.

Altera Postcommunio. Mundet & múníat. ut supra, fol. 268. Tertia ad libitum.

DOMINICA XX. POST PENTECOS.

Introitus. Dan. 3.

OMnia, quæ fecísti nobis, Dómine, in vero judício fecísti: quia peccávimus tibi, & mandátis tuis non obedívimus: sed da glóriam nómini tuo, & fac nobíscum secúndum multitudinem misericórdiæ tuæ.

Ps. 118. Beáti immaculáti in via: qui ambulant in lege Dómini.

V. Glória Patri.

Orémus.

Oratio.

LArgíre, quæsumus, Dómine, fídelibus tuis indulgéntiam placátus & pacem: ut páriter ab ómnibus mundaéntur offénsis, & secúrá tibi mente deserviant. Per Dñm.

Secunda Oratio. A cunctis nos. ut supra, fol. 267. Tertia ad libitum.

Léctio Epístolæ beáti Pauli Apóstoli ad Ephésios. 5. d.

FRatres, Vidéte quómodo cautè ambulétis: non quasi insipientes, sed ut sapiéntes: rediméntes tempus, quóniam dies mali sunt. Proptérea nolíte fieri imprudéntes: sed intelligéntes, quæ sit volúntas Dei. Et nolíte inebriári vino, in quo est luxúria: sed implémini Spíritu sancto, loquéntes vobismetípsis, in psalmis & hymnis, & cánticis spirituálibus, cantántes & psal-

lentes in cõrdibus vestris Dõmino, grã-
tias agentes semper pro õmnibus, in
nõmine Dõmini nostri Jesu Christi,
Deo & Patri. Subjẽcti invicem in
timõre Christi.

Grad. Ps. 144. Oculi õmnium in te
sperant, Dõmine: & tu das illis escam
in tẽpore opportũno. *V.* Aperis tu
manum tuam, & imples omne animal
benedictiõne. Allelúia, allelúia.

V. Ps. 107. Paratum cor meum,
Deus, paratum cor meum: cantábo,
& psallam tibi, glória mea. Allelúia.

Sequẽntia sancti Evangeliĩ secundũ
Joannem. 4. f.

IN illo tẽpore: Erat quidam régu-
lus, cujus filius infirmabatur Ca-
pharnaum. Hic cũ audisset quia Je-
sus adveniret à Judæa in Galilæam,
abiit ad eum, & rogabat eum ut de-
scenderet, & sanaret filium ejus: in-
cipiebat enim mori. Dixit ergo Jesus
ad eum: Nisi signa & prodigia vidéri-
tis, non creditis. Dicit ad eum regulus:
Dõmine, descende priusquam moriatur
filius meus. Dicit ei Jesus: Vade, filius
tuus vivit. Credidit homo fermõni,
quem dixit ei Jesus, & ibat. Jam autẽm
eo descendente, servi occurrerunt ei,
& nuntiaverunt dicentes, quia filius
ejus viveret. Interrogabat ergo horam
ab eis, in qua melius habuerit. Et
dixerunt ei: Quia heri horã septimã
reliquit eum febris. Cognovit ergo
pater, quia illa hora erat, in qua dixit
ei Jesus: Filius tuus vivit: & credidit
ipse, & domus ejus tota. Credo.

Offert. Ps. 136. Super flumina Ba-
bylõnis illuc sedimus & flevimus, dum
recordarẽmur tuĩ, Sion.

Secreta.

Coelẽstem nobis praebeant hæc my-
stéria, quæsumus, Dõmine, medi-
cinam: & vitia nostri cordis expurg-
ent. Per Dñm.

Alia Secreta. Exaudi nos, Deus. *ut
supra, fol. 268. Tertia ad libitum.*

Communio. Ps. 118. Memẽto verbi
tui servo tuo, Dõmine, in quo mihi
spem dedisti: hæc me consolata est in
humilitate mea.

Postcommunio.

UT sacris, Dõmine, reddamur digni
muneribus: fac nos, quæsumus,
tuis semper obedire mandatis. Per.

Altera Postcommunio. Mundet & mú-
niat, *fol. 268. Tertia ad libitum.*

DOMINICA XXI. POST PENTECOS.

Introitus. Esth. 13.

IN voluntate tua, Dõmine, univẽrsa
sunt posita: & non est qui possit
resistere voluntati tuæ: tu enim fecisti
omnia, coelum & terram, & univẽrsa
quæ coeli ambitu continentur: Dõmi-
nus universorum tu es. *Ps. 118.* Beati
immaculati in via: qui ambulant in
lege Dõmini. *V. Glória Patri.*

Orẽmus.

Oratio.

Familiam tuam, quæsumus, Dõ-
mine, continuã pietate custodi:
ut à cunctis adversitatibus, te prote-
gente, sit libera, & in bonis actibus
tuo nõmini sit devota. Per Dñm.

Secunda Oratio. A cunctis nos. *ut su-
pra, fol. 267. Tertia ad libitum.*

Lectio Epistolæ beati Pauli Apóstoli
ad Ephesios. 6. d.

FRatres, Confortamini in Dõmino,
& in potẽtia virtutis ejus. Induite
vos armaturam Dei, ut possitis stare

adversus insidias diaboli. Quoniam non est nobis colluctatio adversus carnem & sanguinem: sed adversus principes, & potestates, adversus mundi rectores tenebrarum harum, contra spiritualia nequitiæ in coelestibus. Propterea accipite armaturam Dei, ut possitis resistere in die malo, & in omnibus perfecti stare. State ergo succincti lumbos vestros in veritate, & induti lorica iustitiæ, & calceati pedes in preparatione Evangelii pacis: in omnibus sumentes scutum fidei, in quo possitis omnia tela nequissimi ignea extinguere: & galeam salutis assumite: & gladium spiritus, quod est verbum Dei.

Grad. Ps. 89. Domine, refugium factus es nobis à generatione & progénie. *V.* Priusquam montes fierent, aut formarétur terra & orbis: à sæculo & usque in sæculum tu es Deus. Allelúia, allelúia. *V. Ps. 113.* In exitu Israël de Ægypto, domus Jacob de populo bárbaro. Allelúia.

Sequéntia sancti Evangelii secundum Matthæum. 18. c.

IN illo tempore: Dixit Jesus discipulis suis parabolam hanc: Assimilatum est regnum coelorum homini regi, qui voluit rationem ponere cum servis suis. Et cum cepisset rationem ponere, oblatus est ei unus, qui debebat ei decem millia talenta. Cum autem non haberet unde redderet, iussit eum dominus ejus venditari, & uxorem ejus & filios, & omnia quæ habebat, & reddi. Procidens autem servus ille, orabat eum, dicens: Patientiam habe in me, & omnia reddam tibi. Misertus autem dominus servi illius, dimisit eum, & debitum dimisit ei. Egressus

autem servus ille invenit unum de servis suis, qui debebat ei centum denarios: & tenens suffocabat eum, dicens: Redde quod debes. Et proci-dens servus ejus, rogabat eum, dicens: Patientiam habe in me, & omnia reddam tibi. Ille autem noluit: sed abiit, & misit eum in carcerem, donec redderet debitum. Videntes autem servi ejus quæ fiebant, contristati sunt valde: & venerunt, & narraverunt domino suo omnia, quæ facta fuerant. Tunc vocavit illum dominus suus: & ait illi: Serve nequam, omne debitum dimisi tibi, quoniam rogasti me: nonne ergo oportuit & te miseri servi tui, sicut & ego tui misertus sum? Et iratus Dominus ejus, tradidit eum tortoribus, quoadusque redderet universum debitum. Sic & Pater meus celestis faciet vobis, si non remisistis unusquisque fratri suo de cordibus vestris.

Credo.

Offert. Job 1. Vir erat in terra Hus nomine Job, simplex & rectus, ac timens Deum: quem Satan petiit, ut tentaret: & data est ei potestas à Domino in facultates & in carnem ejus: perdiditque omnem substantiam ipsius, & filios: carnem quoque ejus gravi ulcere vulneravit.

Secreta.

Suscipe, Domine, propitius hostias, quibus & te placari voluisti: & nobis salutem potenti pietate restitu. Per Dñm.

Alia Secreta. Exaudi nos, Deus. ut supra, fol. 268. *Tertia ad libitum.*

Communio. Ps. 118. In salutari tuo anima mea, & in verbum tuum speravi: quando facies de persequentibus

me iudicium? iniqui persecuti sunt me, adjuva me, Domine Deus meus.

Postcommunio.

Immortalitatis alimoniam consecuti, quaesumus, Domine, ut quod ore percipimus, pura mente sectemur. Per Dñm.

Altera Postcommunio. Mundet & muniat. *ut supra, fol. 268. Tertia ad libitum.*

DOMINICA XXII. POST PENTECOS.

Introitus. Ps. 129.

Si iniquitates observaveris, Domine: Domine, quis sustinebit? quia apud te propitiatio est, Deus Israël.

Ps. ib. De profundis clamavi ad te, Domine: Domine, exaudi vocem meam.

V. Gloria Patri.

Orémus.

Oratio.

Deus, refugium nostrum, & virtus: adesto piis Ecclesiae tuae precibus; auctor ipse pietatis, & praesta; ut quod fideliter petimus, efficaciter consequamur. Per Dñm.

Secunda Oratio. A cunctis nos. *ut supra, fol. 267. Tertia ad libitum.*

Lectio Epistolae beati Pauli Apostoli ad Philippenses. 1.

Fratres, Confidimus in Domino Jesu, quia qui coepit in vobis opus bonum, perficiet usque in diem Christi Jesu. Sicut est mihi justum hoc sentire pro omnibus vobis: eo quod habeam vos in corde, & in vinculis meis, & in defensione, & confirmatione Evangelii, socios gaudii mei omnes vos esse. Testis enim mihi est Deus, quomodo cupiam omnes vos in visceribus Jesu Christi. Et hoc oro ut charitas vestra magis ac magis abundet in scientia, & in omni sensu: ut probetis potiora, ut sitis fin-

ceri, & sine offensa in diem Christi, repleti fructu iustitiae per Jesum Christum, in gloriam & laudem Dei.

Grad. Ps. 132. Ecce quam bonum & quam jucundum, habitare, fratres, in unum. *V.* Sicut unguentum in capite: quod descendit in barbam, barbam Aaron. Allelúia, allelúia.

V. Ps. 113. Qui timent Dominum, sperent in eo: adiutor & protector eorum est. Allelúia.

Sequentia sancti Evangelii secundum Matthaeum. 22.

In illo tempore: Abeuntes Pharisei consilium inierunt ut caperent Jesum in sermone. Et mittunt ei discipulos suos cum Herodianis, dicentes: Magister, scimus, quia verax es, & viam Dei in veritate doces, & non est tibi cura de aliquo: non enim respicis personam hominum: dic ergo nobis quid tibi videtur; licet censum dare Caesari, an non? Cognita autem Jesus nequitia eorum, ait: Quid me tentatis hypocritae? ostendite mihi numisma census. At illi obtulerunt ei denarium. Et ait illis Jesus: Cujus est imago haec, & superscriptio? Dicunt ei: Caesaris. Tunc ait illis: Reddite ergo quae sunt Caesaris, Caesari: & quae sunt Dei, Deo. Credo.

Offert. Esth. 14. Recordare mei, Domine, omni potentatui dominans: & da sermonem rectum in os meum, ut placeant verba mea in conspectu principis.

Secreta.

DA, misericors Deus: ut haec salutaris oblatio & a propriis nos reatibus indefinenter expediat, & ab omnibus tueatur adversis. Per Dñm.

Alia Secreta. Exáudi nos, Deus. *ut supra, fol. 268. Tertia ad libitum.*

Commun. Ps. 16. Ego clamávi, quóniam exaudísti me, Deus: inclína aurem tuam, & exáudi verba mea.

Postcommunio.

Sumpſimus, Dómine, sacri dona mystérii, humíliter deprecántes: ut, quæ in tui commemoratióem nos facere præcepísti, in nostræ proficiant infirmitátis auxílium. Qui vivis & regnas cum Deo Patre in unitáte Spíritus sancti Deus.

Altera Postcommunio. Mundet & muniat. *ut supra, fol. 268.*

Tertia ad libitum.

DOMINICA XXIII. POSTPENTECOS.

Quando non fuerit ultima post Pentecosten, quia si erit ultima, tunc loco vigesimæ tertiæ ponetur quæ inferius est xxiv. & Missa xxij. dicetur in Sabbato præcedenti non impedito festo duplici, vel semiduplici, alioquin in alia præcedenti Feria similiter non impedita.

Introitus. Jer. 29.

Dicit Dóminus, Ego cógito cogitationes pacis, & non afflictiónis: invocábitis me, & ego exáudiam vos: & redúcam captivitátem vestram de cunctis locis. Ps. 84. Benedixísti, Dómine, terram tuam: avertísti captivitátem Jacob.

V. Glória Patri.

Orémus.

Oratio.

Absólve, quæsumus, Dómine, tuorum delícta populórum: ut à peccatórum nostrórum nexibus, quæ pro nostra fragilitáte contráximus, tuá benignitáte liberémur. Per Dñm.

Secunda Oratio. A cunctis nos. *ut supra, fol. 267. Tertia ad libitum.*

Léctio Epístolæ beáti Pauli Apóstoli ad Philippénſes. 3. & 4.

Fratres, Imitatóres mei estóte, & observáte eos, qui ita ámbulant, sicut habétis formam nostram. Multi enim ámbulant, quos sæpè dicébam vobis (nunc autem & flens dico) inimícos crucis Christi: quorum finis intéritus: quorum Deus venter est: & glória in confusióne ipsórum, qui terréna sapiunt. Nostra autem conversátió in cœlis est: unde étiam Salvatórem expectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ, secúndum operatióem, quâ étiam possit subjícere sibi ómnia. Itaque, fratres mei charíssimi, & desideratíssimi, gáudium meum, & coróna mea: sic státe in Dómino, charíssimi. Evódiam rogo, & Syntychen déprecor, idípsum sápere in Dómino. Etiam rogo, & te germáne compar, ádjuva illas, quæ mecum laboravérunt in Evángélio cum Cleménte, & cæteris adiutóribus meis, quorum nómina sunt in libro vitæ.

Grad. Ps. 43. Liberásti nos, Dómine, ex affligéntibus nos: & eos qui nos odérunt, confudísti. *V.* In Deo laudábitur totâ die, & in nómine tuo confitébimur in sæcula. Allelúia, allelúia. *V.* Ps. 129. De profúndis clamávi ad te, Dómine: Dómine, exáudi oratióem meam. Allelúia.

Sequéntia sancti Evángelii secúndum Matthæum. 9. c.

In illo témpore: Loquente Jesu ad turbas, ecce princeps unus accéssit, & adorábat eum, dicens: Dómine, filia

mea modò defuncta est: sed veni, impone manum tuam super eam, & vivet. Et surgens Jesus sequebatur eum, & discipuli ejus. Et ecce mulier, quæ sanguinis fluxum patiebatur duodecim annis, accessit retrò, & tetigit fimbriam vestimenti ejus. Dicebat enim intra se: Si tetigero tantum vestimentum ejus, salva ero. At Jesus conversus, & videns eam, dixit: Confide filia, fides tua te salvam fecit. Et salva facta est mulier ex illa hora. Et cum venisset Jesus in domum principis, & vidisset tibicines, & turbam tumultuantem, dicebat: Recedite; non est enim mortua puella, sed dormit. Et deridebant eum. Et cum ejecta esset turba, intravit: & tenuit manum ejus. Et furrexit puella. Et exiit fama hæc in universam terram illam. Credo.

Offert. Ps. 129. De profundis clamavi ad te, Domine: Domine, exaudi orationem meam: de profundis clamavi ad te, Domine.

Secreta.

PRO nostræ servitutis augmento, sacrificium tibi, Domine, laudis offerimus: ut quod imméritis contulisti, propitius exequaris. Per Dñm.

Alia Secreta. Exaudi nos, Deus. ut supra, fol. 268. Tertia ad libitum.

Commun. Marc. 11. Amen dico vobis, quidquid orantes pétitis, créдите quia accipiétis, & fiet vobis.

Postcommunio.

QUÆsumus, omnipotens Deus: ut quos divínâ tribuis participatióne gaudere, humanis non finas subiacere periculis. Per Dñm.

Altera Postcommunio. Mundet & muniat. ut supra, fol. 268. Tertia ad libitum.

¶ Si Dominicæ post Pentecosten fuerint plures vigintiquatuor, tunc post xxij. resumantur (quoad Orationes, Epistolas, & Evangelia) Missæ Dominicarum, quæ superfuerunt post Epiphaniam (ut infra post Dominicam xxiv.) hoc ordine:

Si Dominicæ fuerint xxv. in Dominica xxiv. dicitur Missa Dominicæ vj. post Epiphaniam.

Si fuerint xxvj. in Dominica xxiv. dicitur Missa Dominicæ quintæ post Epiphaniam: & in vigesima quinta Missa Dominicæ sextæ.

Si fuerint xxvij. in Dominica xxiv. dicitur Missa Dominicæ iv. post Epiphaniam: in vigesima quinta, Dominicæ quintæ, & in vigesima sexta, Dominicæ sextæ.

Si fuerint xxviii. in Dominica xxiv. dicitur Missa Dominicæ iij. post Epiphaniam: in vigesima quinta, Dominicæ iv. in vigesima sexta, Dominicæ quintæ: in Dominica vigesima septima, Dominicæ sextæ.

Et ultimo loco semper ponitur Missa Dominicæ xxiv. post Pentecosten.

¶ Introitus autem, Graduale, Offertorium, & Communio in prædictis Dominicis semper dicuntur, ut in Dominica vigesima tertia.

D O M I N I C A XXIV.
ET ULTIMA POST PENTECOSTEN.

Introitus. Jer. 29.

Dicit Dominus, Ego cògito cogitationes pacis, & non afflictionis: invocábitis me, & ego exaudiam vos: & reducam captivitatem vestram de cunctis locis. Ps. 84. Benedixisti, Domine, terram tuam: avertisti captivitatem Jacob. V. Glória Patri.

Orémus.

Oratio.

EXcita, quæsumus, Dómine, tuórum fidélium voluntates: ut divíni óperis fructum propénsius exequéntes, pietátis tuæ remédia majóra percípiant. Per Dñm.

Secunda Oratio. A cunctis nos. *ut supra, fol. 267. Tertia ad libitum.*

Lectio Epístolæ beáti Pauli Apóstoli ad Colossenses. i. b.

FRatres, Non cessamus pro vobis orántes, & postulántes, ut impleámini agnitíone voluntátis Dei, in omni sapiéntia & intelléctu spiritali: ut ambulétis dignè, Deo per ómnia placéntes: in omni ópere bono fructificántes, & crescéntes in sciéntia Dei: in omni virtúte confortáti secúndum poténtiam claritátis ejus, in omni paciéntia & longanimitáte cum gáudio, grátias ágéntes Deo Patri, qui dignos nos fecit in partem fortis sanctórum in lúmine: qui erípuit nos de potestáte tenebrárum, & tránstulit in regnum Fílii dilectiónis suæ; in quo habémus redemptionem per sánguinem ejus, remissionem peccatórum.

Grad. Ps. 43. Liberásti nos, Dómine, ex affligéntibus nos: & eos qui nos odérunt, confudísti. *V.* In Deo laudá-bimur totâ die, & in nómine tuo confitébimur in sæcula. Allelúia, allelúia. *V. Ps. 129.* De profúndis clamávi ad te, Dómine: Dómine, exáudi orationem meam. Allelúia.

Sequéntia sancti Evangélii secúndum Matthæum. 24. b.

IN illo témpore: Dixit Jesus discípu-lis suis: Cùm vidéritis abominatió-nem desolationis, quæ dicta est à Da-niéle Prophéta, stantem in loco sancto:

qui legit, intélligat: tunc qui in Ju-dæa sunt, fúgiant ad montes: & qui in tecto, non descéndat tóllere áliquid de domo sua: & qui in agro, non re-vertátur tóllere túnica[m] suam. Vae autem prægnántibus & nutriéntibus in illis diébus. Oráte autem ut non fiat fuga vestra in hyeme, vel sábbato. Erit enim tunc tribulatio magna, qualis non fuit ab inítio mundi usque modò, neque fiet. Et nisi breviáti fuissent dies illi, non fieret salva omnis caro: sed propter electos breviabúntur dies illi. Tunc si quis vobis dixerit: Ecce híc est Christus, aut illíc: nolíte cré-dere. Surgent enim pseudochrísti, & pseudoprophétæ, & dabunt signa mag-na, & prodígia, ita ut in errórem in-ducántur (si fieri potest) étiam electi. Ecce prædíxi vobis. Si ergo dixerint vobis, Ecce in deserto est, nolíte ex-íre: ecce in penetrálibus, nolíte cré-dere. Sicut enim fulgur exit ab Ori-énte, & paret usque in Occidéntem: ita erit & advéntus Fílii hóminis. Ubi-cúmque fúerit corpus, illíc congrega-búntur & áquilæ. Statim autem post tribulationem diérum illórum sol ob-scurábitur, & luna non dabit lumen suum, & stellæ cadent de cœlo, & vir-tútes cœlórum commovebúntur: & tunc parébit signum Fílii hóminis in cœlo: & tunc plangent omnes tribus terræ: & vidébunt Fílium hóminis ve-niéntem in núbibus cœli cum virtúte multa, & majestáte. Et mittet Angelos suos cum tuba, & voce magnâ: & con-gregábunt electos ejus à quátuor ven-tis, à summis cœlórum usque ad tér-minos eórum. Ab árbore autem fici díscite parábolam: cùm jam ramus

ejus tener fuerit, & folia nata, scitis quia propè est æstas: ita & vos, cum videritis hæc omnia, scitote quia propè est in januis. Amen dico vobis: quia non præteribit generatio hæc, donec omnia hæc fiant. Coelum & terra transibunt, verba autem mea non præteribunt. Credo.

Offert. Ps. 29. De profundis clamavi ad te, Domine: Domine, exaudi orationem meam: de profundis clamavi ad te, Domine.

Secreta.

PROPITIUS esto, Domine, supplicationibus nostris: & populi tui oblationibus, precibusque susceptis, omnium nostrum ad te corda converte: ut à terrenis cupiditatibus liberati, ad coelestia desideria transeamus. Per.

Alia Secreta. Exaudi nos, Deus. *ut supra, fol. 268. Tertia ad libitum.*

Communio. Marc. 11. Amen dico vobis, quidquid orantes petitis, credite quia accipietis, & fiet vobis.

Postcommunio.

CONCÈDE nobis, quæsumus, Domine: ut per hæc sacramenta quæ sumpsimus, quidquid in nostra mente vitiosum est, ipsorum medicationis dono curetur. Per Dñm.

Altera Postcommunio. Mundet & muniat, *fol. 268. Tertia ad libitum.*

D O M I N I C A III.

QUAE SUPERFUIT POST EPIPHANIAM,
ponenda secundum superiorem Rubricam.

Introitus. Jer. 29.

Dicit Dominus, Ego cogito cogitationes pacis, & non afflictionis: invocabitis me, & ego exaudiam vos:

& reducam captivitatem vestram de cunctis locis. *Ps. 84.* Benedixisti, Domine, terram tuam: avertisti captivitatem Jacob.

V. Gloria Patri.

Orémus.

Oratio.

OMNIPOTENS sempiternè Deus, infirmitatem nostram propitius respice: atque ad protegendum nos, dexteram tuæ majestatis extende. Per Dñm nostrum.

Secunda Oratio. A cunctis nos. *ut supra, fol. 267.*

Tertia ad libitum.

LECTIO Epistolæ beati Pauli Apostoli ad Romanos. 12.

FRATRES, Nolite esse prudentes apud vosmetipsos: Nulli malum pro malo reddentes: providentes bona non tantum coram Deo, sed etiam coram omnibus hominibus. Si fieri potest, quod ex vobis est, cum omnibus hominibus pacem habentes: Non vosmetipsos defendentes, charissimi, sed date locum iræ. Scriptum est enim: Mihi vindicta; ego retribuam, dicit Dominus. Sed si esurierit inimicus tuus, ciba illum: si sitit, potum da illi: hoc enim faciens, carbones ignis congeres super caput ejus. Noli vinci à malo, sed vince in bono malum.

Grad. Ps. 43. Liberasti nos, Domine, ex affligentibus nos: & eos qui nos oderunt, confudisti. *V.* In Deo laudabimur tota die, & in nomine tuo confitebimur in sæcula. Allelúia, allelúia. *V. Ps. 129.* De profundis clamavi ad te, Domine: Domine, exaudi orationem meam. Allelúia.

Sequéntia sancti Evangélii secúndum
Matthæum. 8.

IN illo témpore: Cùm descendisset
Jesús de monte, secútæ sunt eum
turbæ multæ: & ecce leprósus vé-
niens, adorábat eum, dicens: Dómi-
ne, si vis, potes me mundáre. Et
exténdens Jesús manum tétigit eum,
dicens: Volo. Mundáre. Et conféstim
mundáta est lepra ejus. Et ait illi Je-
sus: Vide, némini díxeris: sed vade,
osténde te sacerdoti, & offer munus,
quod præcépit Móyses, in testimóni-
um illis. Cùm autem introísset Caphár-
naum, accéssit ad eum Centúrio, rogans
eum, & dicens: Dómine, puer meus
jacet in domo paralyticus, & malè tor-
quétur. Et ait illi Jesús: Ego véniam,
& curábo eum. Et respóndens Centú-
rio, ait: Dómine, non sum dignus ut
intres sub tectum meum: sed tantum
dic verbo, & sanábitur puer meus.
Nam & ego homo sum sub potestáte
constitútus, habens sub me mílites, &
dico huic: Vade, & vadit: & álii, Ve-
ni, & venit: & servo meo, Fac hoc,
& facit. Audiens autem Jesús mirátus
est, & sequéntibus se dixit: Amen
dico vobis, non invéni tantam fidem
in Israél. Dico autem vobis, quòd multi
ab Oriénte, & Occidénte vénient, &
recumbent cum Abraham, & Isaac, &
Jacob in regno coelórum: filii autem
regni ejiciéntur in ténebras exterióres:
ibi erit fletus, & stridor déntium. Et
dixit Jesús Centurióni: Vade, & sicut
credidísti, fiat tibi. Et sanátus est puer
in illa hora. Credo.

Offert. Ps. 129. De profúndis clamávi
ad te, Dómine: Dñe, exáudi oratióem
meam: de profúndis clamávi ad te, Dñe.

Secreta.

HÆc hóstia, Dómine, quæsumus,
emúndet nostra delícta: & ad
sacrificium celebrándum, subditórum
tibi córpora, mentésque sanctíficet.
Per Dñm.

Alia Secreta. Exáudi nos, Deus. *ut
supra, fol. 268. Tertia ad libitum.*

Communio. Marc. 11. Amen dico vo-
bis, quidquid orántes pétitis, créde-
re quia accipiétis, & fiet vobis.

Postcommunio.

QUos tantis, Dómine, largíris uti
mystériis: quæsumus, ut effécti-
bus nos eórum veráciter aptáre digné-
ris. Per Dñm.

Altera Postcommunio. Mundet & mú-
niat. *ut supra, fol. 268.*

Tertia ad libitum.

DOMINICA IV.

QUAE SUPERFUIT POST EPIPHANIAM.

Introitus. Jer. 29.

Dicit Dóminus, Ego cógito cogita-
tiones pacis, & non afflictiónis:
invocabitis me, & ego exáudiam vos:
& redúcam captivitátem vestram de
cunctis locis. *Ps. 84.* Benedixísti, Dó-
mine, terram tuam: avertísti captivi-
tátem Jacob.

V. Glória Patri.

Orémus.

Oratio.

DEus, qui nos in tantis perículis
constitutos, pro humana scis fra-
gilitáte non posse subsistere: da nobis
salútem mentis & córporis; ut ea, quæ
pro peccátis nostris pátimur, te adju-
vante vincámus. Per Dñm.

Secunda Oratio. A cunctis nos. *ut
supra, fol. 267. Tertia ad libitum.*

Lectio Epistolæ beati Pauli Apostoli
ad Romanos. 13. b.

FRatres, Nēmini quidquam debeātis,
nisi ut invicem diligātis: qui enim
dīligit prōximum, legem implēvit.
Nam: Non adulterābis: Non occīdes:
Non furāberis: Non falsum testimōni-
um dices: Non concupīscēs: & si quod
est aliud mandātum, in hoc verbo in-
staurātur: Dīliges prōximum tuum
sicut teīpsū. Dilēctio prōximi, ma-
lum non operātur. Plenitūdo ergo le-
gis, est dilēctio.

Graduale. Ps. 43. Liberāsti nos, Dó-
mine, ex affligētibz nos: & eos qui
nos odērunt, confudīsti. *℣.* In Deo
laudābimur totā die, & in nómīne tuo
confitēbimur in sæcula. Allelúia, allel.
℣. Ps. 129. De profūdis clamāvi ad
te, Dómine: Dómine, exāudi oratió-
nem meam. Allelúia.

Sequētia sancti Evangelii secūndū
Matthæum. 8. c.

IN illo témpore: Ascendēte Jesu in
navículam, secūti sunt eum discí-
puli ejus: & ecce motus magnus fac-
tus est in mari, ita ut navícula operi-
rétur flúctibus, ipse verò dormiēbat.
Et accessērunt ad eum discípli ejus,
& suscitavērunt eum, dicētes: Dó-
mine, salva nos, perimus. Et dicit eis
Jesús: Quid tímidi estis, módicæ fidei?
Tunc surgens, imperāvit ventis & mari,
& facta est tranquillitas magna. Porro
hómines mirāti sunt, dicētes: Qualis
est hic, quia venti & mare obédiunt
ei? Credo.

Offertorium. Ps. 129. De profūdis
clamāvi ad te, Dómine: Dómine, ex-
āudi oratiónem meam: de profūdis
clamāvi ad te, Dómine.

Secreta.

Concède, quæsumus, omnípotēns
Deus: ut hujus sacrificii munus
oblátum, fragilitátem nostram ab omni
malo purget semper & múniat. Per
Dñm nostrum.

Alia Secreta. Exāudi nos, Deus.
ut supra, fol. 268.

Tertia ad libitum.

Communio. Marc. 11. Amen dico vo-
bis, quidquid orāntes pétitis, créde-
re quia accipiētis, & fiet vobis.

Postcommunio.

MUnera tua nos, Deus, à delecta-
tiónibus terrēis expédiant: &
coeléstibus semper instāurent alimētis.
Per Dñm.

Altera Postcommunio. Mundet & mú-
niat. *ut supra, fol. 268.*

Tertia ad libitum.

D O M I N I C A V.

QUAE SUPERFUIT POST EPIPHANIAM.

Introitus. Jer. 29.

Dicit Dóminus, Ego cógito cogita-
tiónes pacis, & non afflictiónis:
invocabitis me, & ego exāudiam vos:
& redúcam captivitátem vestram de
cunctis locis. *Ps. 84.* Benedixisti, Dó-
mine, terram tuam: avertisti captivi-
tátem Jacob.

℣. Glória Patri.

Orémus.

Oratio.

Famíliam tuam, quæsumus, Dó-
mine, continuâ pietáte custódi:
ut quæ in sola spe grátiae coeléstis in-
nítitur, tuâ semper protectióne muni-
átur. Per Dñm.

Secunda Oratio. A cunctis nos. *ut su-
pra, fol. 267. Tertia ad libitum.*

Lectio Epistolæ beati Pauli Apostoli
ad Colossenses. 3. b.

FRatres, Induite vos sicut electi Dei, sancti, & dilecti, viscera misericordiæ, benignitatem, humilitatem, modestiam, patientiam: supportantes invicem, & donantes vobismetipsis, si quis adversus aliquem habet querelam: sicut & Dominus donavit vobis, ita & vos. Super omnia autem hæc, charitatem habete, quod est vinculum perfectionis: & pax Christi exultet in cordibus vestris, in qua & vocati estis in uno corpore: & grati estote. Verbum Christi habitat in vobis abundanter, in omni sapientia, docentes & commonentes vosmetipsos, psalmis, hymnis, & canticis spiritalibus, in gratia cantantes in cordibus vestris Deo. Omne quodcumque facitis, in verbo aut in opere, omnia in nomine Domini Jesu Christi, gratias agentes Deo & Patri, per Jesum Christum Dominum nostrum.

Grad. Ps. 43. Liberasti nos, Domine, ex affligentibus nos: & eos qui nos oderunt, confudisti. *V.* In Deo laudabimur tota die, & in nomine tuo confitebimur in sæcula. Allelúia, allel. *V. Ps. 129.* De profundis clamavi ad te, Domine: Domine, exaudi orationem meam. Allelúia.

Sequentia sancti Evangelii secundum Matthæum. 13.

IN illo tempore: Dixit Jesus turbis parabolam hanc: Simile factum est regnum cælorum homini, qui seminavit bonum semen in agro suo. Cum autem dormirent homines, venit inimicus ejus, & superseminavit zizania in medio tritici, & abiit. Cum autem

crevisset herba, & fructum fecisset, tunc apparuerunt & zizania. Accedentes autem servi patrisfamilias, dixerunt ei: Domine, nonne bonum semen seminasti in agro tuo? Unde ergo habet zizania? Et ait illis: Inimicus homo hoc fecit. Servi autem dixerunt ei: Vis, imus, & colligimus ea? Et ait: Non: ne forte colligentes zizania, eradicetis simul cum eis & triticum. Sinite utraque crescere usque ad messem, & in tempore messis dicam mesforibus: Colligite primum zizania, & alligate ea in fasciculos ad comburendum, triticum autem congregate in horreum meum. Credo.

Offert. Ps. 129. De profundis clamavi ad te, Domine: Domine, exaudi orationem meam: de profundis clamavi ad te, Domine.

Secreta.

Hostias tibi, Domine, placationis offerimus: ut & delicta nostra miseratus absolvas, & nutantia corda tu dirigas. Per Dñm.

Alia Secreta. Exaudi nos, Deus. *ut supra, fol. 268.*

Tertia ad libitum.

Commun. Marc. 11. Amen dico vobis, quidquid orantes petitis, credite quia accipietis, & fiet vobis.

Postcommunio.

Quæsumus, omnipotens Deus: ut illius salutaris capiamus effectum, cujus per hæc mysteria pignus accepimus. Per Dñm nostrum Jesum Christum Filium tuum: Qui tecum vivit & regnat.

Altera Postcommunio. Mundet & muniat. *ut supra, fol. 268.*

Tertia ad libitum.

DOMINICA VI.

QUAE SUPERFUIT POST EPIPHANIAM.

Introitus. Jer. 29.

Dicit Dominus, Ego cōgito cogitationes pacis, & non afflictionis: invocābitis me, & ego exāudiam vos: & redūcam captivitatem vestram de cunctis locis. *Pf. 84.* Benedixisti, Domine, terram tuam: avertisti captivitatem Jacob.

V. Glória Patri.

Orémus. Oratio.

Praesta, quæsumus, omnipotens Deus: ut semper rationabilia meditantes, quæ tibi sunt placita, & dictis exequāmur, & factis. Per Dñm.

Secunda Oratio. A cunctis nos. ut supra, fol. 267. Tertia ad libitum.

Lectio Epistolæ beāti Pauli Apóstoli ad Theſſalonicénſes. I. I.

Fratres, Grátias ágimus Deo semper pro ómnibus vobis, memóriam vestri faciéntes in oratióibus nostris sine intermissiōe, mémores óperis fidei vestræ, & labóris, & charitátis, & sustinéntiæ spei Dómini nostri Jesu Christi, ante Deum & Patrem nostrum: sciéntes, fratres dilécti à Deo, electiōnem vestram: quia Evangélium nostrum non fuit ad vos in sermóne tantum, sed & in virtúte, & in Spíritu sancto, & in plenitúdine multa: sicut scitis quales fuérimus in vobis propter vos. Et vos imitatóres nostri facti estis, & Dómini, excipiéntes verbum in tribulatiōe multa, cum gáudio Spíritus sancti: ita ut facti sitis forma ómnibus credéntibus in Macedónia, & in Acháia. A vobis enim diffamátus est sermo Dómini, non solùm in Macedónia &

in Acháia, sed & in omni loco, fides vestra quæ est ad Deum, profecta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos: & quómodo convérſi estis ad Deum à simulácris, servíre Deo vivo, & vero, & expectáre Fílium ejus de coelis (quem suscitávit ex mórtuis) Jesum, qui erípuit nos ab ira ventúra.

Grad. Pf. 43. Liberásti nos, Domine, ex affligéntibus nos: & eos qui nos odérunt, confudísti. *V. In Deo laudábimur totâ die, & in nómine tuo confitébimur in sæcula. Allelúia, allel. V. Pf. 129.* De profúndis clamávi ad te, Domine: Domine, exāudi oratiōnem meam. Allelúia.

Sequéntia sancti Evangélii secúndum Matthæum. 13.

IN illo témpore: Dixit Jesús turbis parábolam hanc: Símile est regnum coelórum grano sinápis, quod accípiens homo seminávit in agro suo: quod mínimum quidem est ómnibus semínibus: cū autem créverit, majus est ómnibus oléribus, & fit arbor, ita ut volúcres coeli véniant, & hábitent in ramis ejus. Aliam parábolam locútus est eis: Símile est regnum coelórum fermento, quod accéptum múlíer abscondit in farínæ satis tribus, donec fermentátum est totum. Hæc ómnia locútus est Jesús in parábolis ad turbas: & sine parábolis non loquebátur eis: ut implerétur quod dictum erat per Prophétam dicéntem: Apériam in parábolis os meum, eructábo abscondita à constitutiōe mundi.

Credo.

Offert. Ps. 129. De profúndis clamávi ad te, Dómine: Dómine, exáudi oratióem meam: de profúndis clamávi ad te, Dómine.

Secreta.

HÆc nos oblátio, Deus, mundet, quæsumus, & rénovet, gubérnet, & próteget. Per Dñm.

Alia Secreta. Exáudi nos, Deus. *ut supra, fol. 268.*

Tertia ad libitum.

Communio. Marc. 11. Amen dico vobis, quidquid orántes pétitis, créдите quia accipiétis, & fiet vobis.

Postcommunio.

COeléstibus, Dómine, pasti delíciis: quæsumus, ut semper éadem, per quæ veráciter vívimus, appetámus. Per Dñm nostrum Jesum Christum Fílium tuum: Qui tecum vivit & regnat in unitáte Spíritûs sancti Deus.

Altera Postcommunio. Mundet & múniat. *ut supra, fol. 268.*

Tertia ad libitum.

¶ *Dominica xxviij. & ultima post Pentecosten, quæ superius posita est in ordine xxiv. fol. 305.*



PROPRIUM MISSARUM DE SANCTIS.

DIE XXIX. NOVEMBRIS.
IN VIGILIA S. ANDREÆ, Apostoli.
Introitus. Matt. 4.

Dominus secus mare Galilææ vidit duos fratres, Petrum & Andréam, & vocavit eos: Venite post me: faciam vos fieri piscatores hominum. *Pf. 18.* Coeli enarrant gloriam Dei: & opera manuum ejus annuntiat firmiter.

V. Gloria Patri.

Orémus.

Oratio.

Quæsumus, omnipotens Deus: ut beatus Andréas Apostolus, cujus prævenimus festivitatem, tuum pro nobis impleret auxilium: ut à nostris reatibus absoluti, à cunctis etiam periculis eruamur. *Per Dñm.*

¶ Pro commemoratione sancti Saturnini Martyris.

Oratio.

Deus, qui nos beati Saturnini Martyris tui concedis natalitio perfrui: ejus nos tribue meritis adjuvari. *Per Dñm.*

¶ Si Vigilia S. Andreæ venerit in Adventu, Missa dicitur de Vigilia, & secunda Oratio erit de Adventu, tertia de sancto Saturnino.

¶ Si festum S. Andreæ venerit Feria secunda post Dominicam primam Adventus, Missa de Vigilia dicitur in Sabbato ante Dominicam primam Adventus, & secunda Oratio erit de S. Maria, Concède nos. tertia, Ecclesiæ tuæ. vel

pro Papa, Deus omnium fidelium. fol. 236. & commemoratio S. Saturnini fiet in Dominica. Quod & in aliis Vigiliis (excepta Vigilia Nativitatis Domini) servatur.

¶ Si autem festum S. Andreæ venerit in Dominica prima Adventus, transfertur in secundam Feriam, & Missa de Vigilia dicitur in Sabbato cum commem. S. Saturnini, ut supra; & tertia Oratio erit de S. Maria, Concède nos. fol. 236.

Lectio libri Sapientiae. Eccl. 44.

Benedictio Domini super caput justi. Ideò dedit illi Dominus hereditatem, & divisit illi partem in tribubus duodecim: & invenit gratiam in conspectu omnis carnis. Et magnificavit eum in timore inimicorum, & in verbis suis monstra placavit. Glorificavit illum in conspectu regum, & jussit illi coram populo suo, & ostendit illi gloriam suam. In fide & lenitate ipsius sanctum fecit illum, & elegit eum ex omni carne. Et dedit illi coram præcepta, & legem vitæ & disciplinæ, & excelsum fecit illum. Statuit ei testamentum æternum: & circumcinxit eum zonâ justitiæ: & induit eum Dominus coronam gloriæ.

Grad. Pf. 138. Nimis honorati sunt amici tui, Deus: nimis confortatus est principatus eorum. *V. Dinumerabo eos: & super arénam multiplicabuntur.*

Sequētia sancti Evangēlii secūndum
Joānnem. 1.

IN illo tēpore: Stabat Joānnes, & ex discipulis ejus duo. Et respiciens Jesum ambulāntem, dicit: Ecce Agnus Dei. Et audiērunt eum duo discipuli loquētem, & secūti sunt Jesum. Convērsus autem Jesus, & videns eos sequētes se, dicit eis: Quid quæritis? Qui dixerunt ei: Rabbi, (quod dicitur interpretātum Magister) ubi hābitas? Dicit eis: Venīte, & vidēte. Venērunt, & vidērunt ubi manēret, & apud eum mansērunt die illo: hora autem erat quasi decima. Erat autem Andrēas frater Simōnis Petri unus ex duobus, qui audierant à Joānne, & secūti fuerant eum. Invenit hic primū frātre suum Simōnem, & dicit ei: Invenimus Messiam (quod est interpretātum Christus.) Et addūxit eum ad Jesum. Intūitus autem eum Jesus, dicit: Tu es Simon filius Jona: tu vocāberis Cephas, quod interpretatur Petrus. In crāstinum voluit exire in Galilæam, & invenit Philippum. Et dicit ei Jesus: Séquere me. Erat autem Philippus à Bethsáida, civitate Andrēæ & Petri. Invenit Philippus Nathánaël, & dicit ei: Quem scripsit Mōyses in lege, & Prophētæ, invenimus Jesum filium Joseph à Názareth. Et dicit ei Nathánaël: A Názareth potest aliquid boni esse? Dicit ei Philippus: Veni, & vide. Vidit Jesus Nathánaël veniētem ad se, & dicit de eo: Ecce verè Israelita, in quo dolus non est. Dicit ei Nathánaël: Unde me nosti? Respondit Jesus, & dicit ei: Priusquam te Philippus vocāret, cū esses sub ficu, vidi te. Respondit ei Nathánaël, & ait: Rabbi,

tu es Filius Dei, tu es Rex Israël. Respondit Jesus, & dicit ei: Quia dixi tibi: Vidi te sub ficu, credis: majus his vidēbis. Et dicit ei: Amen, amen dico vobis, vidēbitis cœlum apertum, & Angelos Dei ascendētes & descendētes supra Filium hōminis.

Offert. Ps. 8. Glória & honóre coronāsti eum: & constituīsti eum super ōpera manuum tuarum, Dōmine.

Secreta.

SAcrāndum tibi, Dōmine, munus offerimus: quo beāti Andrēæ Apóstoli solēnnia recolētes, purificationem quoque nostris mētibz implorāmus. Per Dñm.

Pro S. Saturnino. Secreta.

MUnera, Dōmine, tibi dicāta sanctifica: & intercédente beāto Saturnino Mártire tuo, per hæc eādem nos placātus intēnde. Per Dñm.

Communio. Joan. 1. Dicit Andrēas Simōni fratri suo: Invenimus Messiam, qui dicitur Christus: & addūxit eum ad Jesum.

Postcommunio.

Percéptis, Dōmine, sacramētis, suppliciter exorāmus: ut intercédente beāto Andrēa Apóstolo tuo, quæ pro illius venerāda gērimus passiōe, nobis proficiant ad medelam. Per Dñm.

Pro S. Saturnino. Postcommunio.

SANCTIFICET nos, quæsumus, Dōmine, tui percéptio sacramēti: & intercessiōne sanctorum tuorum tibi reddat acceptos. Per Dñm.

¶ Si festum S. Andræe venerit in Dominica prima Adventus, transfertur in sequentem diem, Festo Duplici vel Semiduplici non impeditam: quod & de aliis Festis Duplicibus in Dominicis Adventus

occurrentibus servatur; & in illis semper fit commemoratio de Adventu. De Simplicibus autem toto Adventu fit tantum commemoratio.

DIE XXX. NOVEMBRIS.

IN FESTO S. ANDREÆ, Apostoli.

Introitus. Ps. 138.

Mihi autem nimis honorati sunt amici tui, Deus: nimis confortatus est principatus eorum.

Ps. ib. Domine, probasti me, & cognovisti me: tu cognovisti sessionem meam, & resurrectionem meam.

V. Glória Patri.

Orémus.

Oratio.

MAjestatem tuam, Domine, suppliciter exoramus: ut sicut Ecclesiæ tuæ beatus Andréas Apostolus extitit prædicator & rector; ita apud te sit pro nobis perpetuus intercessor. Per Dñm.

Lectio Epistolæ beati Pauli Apostoli ad Romanos. 10. b.

FRatres, Corde enim creditur ad justitiam: ore autem confessio fit ad salutem. Dicit enim Scriptura: Omnis, qui credit in illum, non confundetur. Non enim est distinctio Judæi, & Græci: nam idem Dominus omnium, dives in omnes qui invocant illum. Omnis enim quicumque invocaverit nomen Domini, salvus erit. Quomodo ergo invocabunt, in quem non crediderunt? Aut quomodo credent ei, quem non audierunt? Quomodo autem audient sine prædicante? Quomodo verò prædicabunt nisi mittantur? sicut scriptum est: Quam speciosi pedes evangelizantium pacem,

evangelizantium bona! Sed non omnes obediunt Evangelio. Isaías enim dicit: Domine, quis credidit auditui nostro? Ergo fides ex auditu, auditus autem per verbum Christi. Sed dico: Numquid non audierunt? Et quidem in omnem terram exivit sonus eorum, & in fines orbis terræ verba eorum.

Grad. Ps. 44. Constitues eos principes super omnem terram: memores erunt nominis tui, Domine. *V.* Pro patribus tuis nati sunt tibi filii: propterea populi confitebuntur tibi. Allelúia, allelúia. *V.* Diléxit Andréam Dominus in odorem suavitatis. Allel. Sequéntia sancti Evangelii secundum Matthæum. 4. c.

IN illo tempore: Ambulans Jesus juxta mare Galilææ, vidit duos fratres, Simónem, qui vocatur Petrus, & Andréam fratrem ejus, mittentes rete in mare (erant enim piscatores) & ait illis: Veníte post me: & faciam vos fieri piscatores hominum. At illi continuo, relictis retibus, secuti sunt eum. Et procedens inde, vidit alios duos fratres, Jacobum Zebedæi, & Joánnem fratrem ejus, in navi cum Zebedæo patre eorum, reficientes retia sua: & vocavit eos. Illi autem statim relictis retibus, & patre, secuti sunt eum.

Credo.

Offert. Ps. 138. Mihi autem nimis honorati sunt amici tui, Deus: nimis confortatus est principatus eorum.

Secreta.

SAcrificium nostrum tibi, Domine, quæsumus, beati Andréæ Apostoli precatio sancta conciliet: ut in cujus honore, sollemniter exhibetur, ejus meritis efficiatur acceptum. Per Dñm,

Præfatio de Apostolis, fol. 212.

Communio. Matt. 4. Veníte post me, faciam vos fieri piscatores hóminum: at illi continuò, relictis rétibus, secúti sunt Dóminum.

Postcommunio.

Sumpsimus, Dómine, divína mystéria, beáti Andréæ festivitáte lætantes: quæ sicut tuis Sanctis ad glóriam, ita nobis, quæsumus, ad véniam prodéssé perficias. Per Dñm nostrum Jesum Christum Fílium tuum: Qui tecum vivit & regnat in unitáte Spíritus sancti Deus.

FESTA DECEMBRIS.

DIE II. DECEMBRIS.

IN FESTO S. BIBIANÆ, Virginis & Martyris.

Missæ, Me expectavérunt. de Comuni Virginis & Martyris, fol. xxviiij. præter primam Orationem quæ dicitur ut infra.

Oratio.

Deus, ómnium largítor bonórum, qui in fámula tua Bibiána cum virginitátis flore martyrii palmam conjunxísti: mentes nostras ejus intercessióne tibi charitáte conjúnge; ut amótiis perículis, præmia consequámur ætérna. Per Dñm.

Si celebretur in Adventu, secunda Oratio erit de Adventu: tertia de S. Maria, Deus, qui de beátæ Mariæ Vírginis útero. fol. 1. quæ terminatur sic Per eúmdem Dñm.

Si extra Adventum, secunda Oratio. A cunctis. Tertia ad libitum.

DIE III. DECEMBRIS.

IN FESTO S. FRANCISCI XAVERII, Confessoris.

Introitus. Ps. 118.

Loquebar de testimoniis tuis in conspéctu regum, & non confundébar: & meditábar in mandátis tuis, quæ diléxi nimis.

Ps. 116. Laudáte Dóminum, omnes Gentes: laudáte eum, omnes pópuli. Quóniam confirmáta est super nos misericórdia ejus: & véritas Dómini manet in ætérnum.

V. Glória Patri.

Orémus.

Oratio.

Deus, qui Indiárum Gentes, beáti Francísci prædicatióne & miraculis, Ecclesiæ tuæ aggregáre voluísti: concéde propítius, ut cujus gloriósa mérita venerámür, virtútum quoque imitémur exémpa. Per Dñm.

Et fit commemoratio Feriæ.

Léctio Epístolæ beáti Pauli Apóstoli ad Romános. 10.

FRatres, Corde enim créditur ad justítiam: ore autem conféssio fit ad salútem. Dicit enim Scriptúra: Omnis, qui credit in illum, non confundétur. Non enim est distíctio Judæi, & Græci: nam idem Dóminus ómnium, dives in omnes, qui invocant illum. Omnis enim quicumque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo autem áudient sine prædicánte? Quómodo verò prædicábunt nisi mitántur? sicut scriptum est: Quàm speciósi pedes evangelizántium pacem, evangelizántium bona! Sed non om-

nes obédiunt Evangélio. Isaias enim dicit: Dómine, quis credidit auditui nostro? Ergo fides ex auditu, auditus autem per verbum Christi. Sed dico: Numquid non audiérunt? Et quidem in omnem terram exívit sonus eórum, & in fines orbis terræ verba eórum.

Grad. Ps. 91. Justus ut palma florébit: sicut cedrus Líbani multiplicábitur in domo Dómini. *V.* Ad annuntiándum manè misericórdiam tuam, & veritátem tuam per noctem. Allelúia, allelúia. *V. Jac. 1.* Beátus vir, qui suffert tentatióem: quóniam cum probátus fúerit, accípiet corónam vitæ. Allelúia.

Sequéntia sancti Evangélii secúndum Marcum. 16.

IN illo témpore: Dixit Jesus discipulis suis: Eúntes in mundum universum, prædicáte Evangélium omni creatúræ. Qui crediderit, & baptizátus fúerit, salvus erit: qui verò non crediderit, condemnábitur. Signa autem eos, qui crediderint, hæc sequéntur. In nómine meo dæmónia ejicient: linguis loquéntur novis: serpéntes tollent: & si mortíferum quid bíberint, non eis nocébit: super ægros manus impónent & benè habébunt.

Offert. Ps. 88. Véritas mea, & misericórdia mea cum ipso: & in nómine meo exaltábitur cornu ejus.

Secreta.

PRæsta nobis, quæsumus, omnipotens Deus: ut nostræ humilitátis oblátio, & pro tuórum tibi grata sit honóre Sanctórum, & nos corpore páriter & mente puríficet. Per Dñm.

Commun. Matt. 24. Beátus servus, quem cum vénerit Dóminus, invenerit

vigilántem: amen dico vobis, super ómnia bona sua constituet eum.

Postcommunio.

Quæsumus, omnipotens Deus, ut qui coeléstia aliménta percépimus, intercedente beáto Francíscó Confessóre tuo, per hæc contra ómnia advérsa muniámur. Per Dñm.

DIE IV. DECEMBRIS.

IN FESTO S. PETRI CHRYSOLOGI,
Episcopi & Confessoris.

Missa, In médio Ecclésiæ. de Comuni Doctórum, fol. xxj. Prima Oratio sequens.

Oratio.

DEus, qui beátum Petrum Chrysologum Doctórem egrégium, divinitus præmonstrátum ad regéndam & instruéndam Ecclésiám tuam éligi voluísti: præsta, quæsumus, ut quem Doctórem vitæ habúimus in terris, intercessórem habére mereámur in coelis. Per Dñm.

Et fit commemoratio Feriæ & S. Barbæræ Virg. & Mart. Oratio. Deus, qui inter cætera. *ex Missa, Loquébar. ut in Comuni Virginis & Martyris, fol. xxvij. & dicitur Credo.*

DIE V. DECEMBRIS.

PRO COMMÉM. S. SABBÆ,
Abbatis.

Oratio.

Intercéssio nos, quæsumus, Dómine, beáti Sabbæ Abbátis comméndet: ut quod nostris méritis non valémus, ejus patrocínio assequámur. Per Dñm.

Secreta.

Sacris altáribus, Dómine, hóstias superpósitas sanctus Sabbas, quæsumus, in salutem nobis provenire depóscat. Per Dñm.

Postcommunio.

Próteget nos, Dómine, cum tui perceptione sacraménti, beátus Sabbas pro nobis intercedéndo: ut & conversatiónis ejus experiámur insígnia, & intercessiόνis percipiámus suffrágia. Per.

DIE VI. DECEMBRIS.

IN FESTO S. NICOLAI, Episcopi
& Confessoris.

Introitus. Eccli. 45.

Státuit ei Dóminus testaméntum pacis, & príncipem fecit eum: ut sit illi sacerdotii dignitas in ætérnum. *Pf. 131.* Meménto, Dómine, David, & omnis mansuetúdinis ejus.
V. Glória Patri.

Orémus.

Oratio.

Deus, qui beátum Nicoláum Pontíficem innúmeris decorásti miraculis: tríbue, quæsumus; ut ejus méritis & précibus, à gehénnæ incendiis liberémur. Per Dñm.

Deinde commemoratio Feriæ.

Léctio Epístolæ beáti Pauli Apóstoli
ad Hebræos. 13. b.

FRatres, Mementóte præpositórum vestrórum, qui vobis locúti sunt verbum Dei: quorum intuéntes exitum conversatiónis, imitámini fidem. Jesus Christus heri, & hódie: ipse & in sæcula. Doctrínis váriis & peregrínis nolíte abdúci. Optimum est enim grátia stabilíre cor, non escis: quæ non profuérunt ambulántibus in eis. Habémus altáre, de quo édere non

habent potestátem, qui tabernáculo deferviunt. Quorum enim animálium infértur sanguis pro peccáto in Sancta per Pontíficem, horum córpora cremántur extra castra. Propter quod & Jesus, ut sanctificáret per suum sanguinem pópulum, extra portam passus est. Exeámus ígitur ad eum extra castra, improperium ejus portántes. Non enim habémus híc manéntem civitátem, sed futúram inquírimus. Per ipsum ergo offerámus hóstiam laudis semper Deo, id est, fructum labiórum confiténtium nómini ejus. Beneficentiæ autem, & communionis nolíte oblivísci: talibus enim hóstiis promeretur Deus. Obedíte præpósitis vestris, & subjacéte eis. Ipsi enim pervigilant, quasi ratióne pro animábus vestris redditúri.

Grad. Pf. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. V. Nihil proficiet inimícus in eo: & filius iniquitátis non nocébit ei. Allelúia, allel. V. *Pf. 91.* Justus ut palma florébit, sicut cedrus Líbani multiplicábitur. Allelúia.

Sequéntia sancti Evangélii secúndum
Matthæum. 25.

IN illo témpore: Dixit Jesus discipulis suis parábolam hanc: Homo peregrè proficiscens, vocávit servos suos, & trádedit illis bona sua. Et uni dedit quinque talénta, álíi autem duo, álíi verò unum, unicuique secúndum própriam virtútem, & profectus est statim. Abiit autem qui quinque talénta accéperat, & operátus est in eis, & lucrátus est álía quinque. Simi-

liter & qui duo accéperat, lucrátus est ália duo. Qui autem unum accéperat, ábiens fodit in terram, & abscondit pecúniám dómini sui. Post multum verò témporis venit dóminus servórum illórum, & pósuit ratiónem cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidísti mihi, ecce ália quinque superlucrátus sum. Ait illi dóminus ejus: Euge serve bone, & fidélis, quia super pauca fuísti fidélis, super multa te constitúam, intra in gáudium dómini tui. Accéssit autem & qui duo talénta accéperat, & ait: Dómine, duo talénta tradidísti mihi, ecce ália duo lucrátus sum. Ait illi dóminus ejus: Euge serve bone, & fidélis, quia super pauca fuísti fidélis, super multa te constitúam, intra in gáudium dómini tui.

Offert. Ps. 88. Véritas mea, & misericórdia mea cum ipso: & in nómine meo exaltábitur cornu ejus.

Secreta.

Sanctífica, quæsumus, Dómine Deus, hæc múnera, quæ in solemnitáte sancti Antístitis tui Nicolái offerimus: ut per ea, vita nostra inter advérsa & próspéra ubique dirigátur. Per Dñm nostrum.

Communio. Ps. 88. Semel jurávi in sancto meo: semen ejus in ætérnum manébit: & sedes ejus sicut sol in conspéctu meo, & sicut luna perfécta in ætérnum: & testis in cœlo fidélis.

Postcommunio.

Sacrificia, quæ sumpsimus, Dómine, pro solemnitáte sancti Pontíficis tui Nicolái, sempiternâ nos protectiône cōservent. Per Dñm.

DIE VII. DECEMBRIS.
IN FESTO S. AMBROSII, Episcopi,
Confessoris, & Ecclesiæ Doctoris.

Introitus. Eccl. 15.

IN médio Ecclesiæ apérui os ejus: & implévit eum Dóminus spíritu sapiéntiæ & intelléctûs: stolam glóriæ induit eum. *Rf. 91.* Bonum est confitéri Dómino: & psállere nómini tuo, Altíssime.

V. Glória Patri.

Orémus.

Oratio.

Deus, qui pópulo tuo æternæ salutis beátum Ambrósium minístrum tribuísti: præsta, quæsumus; ut, quem Doctórem vitæ habuimus in terris, intercessórem habére mereámur in cœlis. Per Dñm.

Et fit commemoratio Ferie.

Léctio Epístolæ beati Pauli Apóstoli ad Timótheum. *II. 4.*

Charíssime, Testíficor coram Deo & Jesu Christo, qui judicatúrus est vivos & mórtuos, per advéntum ipsius, & regnum ejus: prædica verbum, instā oportúnè, importúnè: árgue, óbsecra, increpa in omni paciéntia, & doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros pruriéntes áuribus: & à veritate quidem audítum avértent, ad fábulas autem converténtur. Tu verò vígila, in ómnibus labóra, opus fac Evangelístæ, minísterium tuum imple. Sóbrius esto. Ego enim jam delíbor, & tempus resolutiōis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam

reddet mihi Dóminus in illa die, iustus iudex : non solum autem mihi, sed & iis qui diligunt adventum ejus.

Grad. Eccli. 44. Ecce facérdos magnus, qui in diébus suis plácuít Deo. *V.* Non est invéntus similis illi, qui conserváret legem Excélsi. *Allel. allel. V. Ps. 109.* Jurávit Dóminus, & non pœnitébit eum : Tu es Sacérdos in ætérnum, secúndum órđinem Melchisedech. *Allelúia.*

Sequéntia sancti Evangélii secúndum Matthæum. 5. 6.

IN illo témpore : Dixit Jesus discipulis suis : vos estis sal terræ. Quòd si sal evanúerit, in quo salietur? ad níhilum valet ultrà, nisi ut mittátur foras, & conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, & ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, & gloríficent Patrem vestrum, qui in cœlis est. Nolíte putáre quóniam veni sôlvere legem, aut prophétas : non veni sôlvere, sed adimplére. Amen quippe dico vobis, donec tránseat cœlum & terra, ióta unum, aut unus apex non præteríbit à lege, donec ómnia fiant. Qui ergo sôlverit unum de mandátis istis mínimis, & docúerit sic hómines, mínimus vocábitur in regno cœlórum : qui autem fécerit & docúerit, hic magnus vocábitur in regno cœlórum.

Credo.

Offert. Ps. 88. Véritas mea, & misericórdia mea cum ipso : & in nómine meo exaltábitur cornu ejus.

Secreta.

OMnípotens sempitérne Deus, múnera tuæ majestáti obláta, per intercessiónem beáti Ambrósii Confessoris tui atque Pontíficis, ad perpétuam nobis fac proveníre salútem. *Per.*

Communio. Ps. 88. Semel jurávi in sancto meo : semen ejus in ætérnum manébit : & sedes ejus sicut sol in conspéctu meo, & sicut luna perfécta in ætérnum : & testis in cœlo fidélis.

Postcommunio.

SAcraménta salútis nostræ suscipiéntes, concéde, quæsumus, omnipotens Deus : ut beáti Ambrósii Confessoris tui atque Pontíficis nos ubique orátio ádjuvet : in cujus veneratióne hæc tuæ obtúlimus majestáti. *Per.*

DIE VIII. DECEMBRIS.
IN CONCEPTIONE B. MARIE
VIRGINIS.

Introitus. Sedulius.

SAlve, sancta parens, eníxa puérpera Regem : qui cœlum terrámque regit in sæcula sæculórum.

Ps. 44. Éructávit cor meum verbum bonum : dico ego ópera mea Regi. *V. Glória Patri.*

Orémus.

Oratio.

FAmulis tuis, quæsumus, Dómine, cœléstis grátiae munus impertíre : ut quibus beátæ Vírginis partus éxitit salútis exórdium, Conceptionis ejus votíva solémnitas, pacis tríbuat incrementum. *Per Dñm.*

Et fit commemoratio Ferie.

Lectio libri Sapiéntiæ. Prov. 8. c.

Dominus possédit me in inítio víarum suárum, ántequam quidquam fáceret à princípío. Ab ætérno

ordinata sum, & ex antiquis, antequam terra fieret. Nondum erant abyssi, & ego jam concepta eram: necdum fontes aquarum eruperant: necdum montes gravi mole constiterant: ante colles ego parturiebar: adhuc terram non fecerat, & flumina, & cardines orbis terrae. Quando praeparabat coelos, aedificabat abyssos: quando aethera firmabat sursum, & librabat fontes aquarum: quando circumdabat mari terminum suum, & legem ponebat aquis, ne transirent fines suos: quando appendebat fundamenta terrae. Cum eo eram, cuncta componens: & delectabar per singulos dies, ludens coram eo omni tempore: ludens in orbe terrarum: & deliciae meae, esse cum filiis hominum. Nunc ergo filii audite me: Beati qui custodiunt vias meas. Audite disciplinam, & estote sapientes, & nolite abjicere eam. Beatus homo qui audit me, & qui vigilat ad fores meas quotidie, & observat ad postes ostii mei. Qui me invenerit, inveniet vitam, & hauriet salutem a Domino.

Graduale. Benedicta & venerabilis es, virgo Maria: quae sine tactu pudoris, inventa es mater Salvatoris. *V.* Virgo Dei genitrix, quem totus non capit orbis, in tua se claudit viscera, factus homo. Alleluia, alleluia. *V.* Felix es, sacra virgo Maria, & omni laude dignissima: quia ex te ortus est sol iustitiae, Christus Deus noster. Alleluia. Initium sancti Evangelii secundum Matthaeum. i. c.

Liber generationis Jesu Christi, filii David, filii Abraham. Abraham genuit Isaac. Isaac autem genuit Ja-

cob. Jacob autem genuit Judam, & fratres ejus. Judas autem genuit Phares, & Zaram de Thamar. Phares autem genuit Efron. Efron autem genuit Aram. Aram autem genuit Aminadab. Aminadab autem genuit Naasson. Naasson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomonem ex ea, quae fuit Uriae. Salomon autem genuit Roboam. Roboam autem genuit Abiam. Abias autem genuit Aza. Aza autem genuit Josaphat. Josaphat autem genuit Joram. Joram autem genuit Ozias. Ozias autem genuit Joatham. Joatham autem genuit Achaz. Achaz autem genuit Ezechias. Ezechias autem genuit Manassen. Manasses autem genuit Amon. Amon autem genuit Josias. Josias autem genuit Jechoniam, & fratres ejus in transmigratione Babylonis. Et post transmigrationem Babylonis: Jechonias genuit Salathiel. Salathiel autem genuit Zorobabel. Zorobabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Jacob. Jacob autem genuit Joseph virum Mariae, de qua natus est Jesus, qui vocatur Christus. Credo.

Offertorium. Beata es, virgo Maria, quae omnium portasti Creatorem: genuisti qui te fecit, & in aeternum permanes virgo.

Secreta.

UNigéniti tui, Dómine, nobis succurrat humanitas : ut, qui natus de Vírgine, Matris integritatem non minuit, sed sacravit ; in Conceptionis ejus solémniis, nostris nos piáculis exuens, oblationem nostram tibi faciat acceptam Jesus Christus Dóminus noster. Qui tecum vivit & regnat.

Præfatio de beata Virgine, Et te, in Conceptione. fol. 212.

Communio. Beáta víscera Mariæ vírginis, quæ portavérunt ætérni Patris Fílium.

Postcommunio.

Sumpsimus, Dómine, celebritátis annuæ votíva sacraménta : præsta, quæsumus ; ut & temporális vitæ nobis remédia præbeant, & ætérnæ. Per.

¶ *Infra Octavam Conceptionis beatæ Mariæ, & in die Octavæ, dicitur Missa sicut in die Festi : sed infra Octavam, dicitur secunda Oratio Feriæ, & quando non fit commemoratio festi Simplicis, dicitur tertia Oratio de Spiritu sancto.*

Oratio.

DEus, qui corda fidélium sancti Spíritus illustratióne docuísti : da nobis in eódem Spíritu recta scápere, & de ejus semper consolatióne gaudere. Per Dñm . . . in unitáte ejúsdem Spíritus sancti Deus.

De Spiritu sancto. Secreta.

MUnera, quæsumus, Dómine, oblata sanctífica : & corda nostra sancti Spíritus illustratióne emúnda. Per Dñm . . . in unitáte ejúsdem Spíritus sancti Deus.

De Spiritu sancto. Postcommunio.

Sancti Spíritus, Dómine, corda nostra mundet infusio : & sui roris

intimâ aspersiône fecúndet. Per Dñm . . . in unitáte ejúsdem Spíritus sancti.

DIE X. DECEMBRIS.

PRO COMMEM. S. MELCHIADIS, Papæ & Martyris.

Oratio.

Infirmitatem nostram respice, omnipotens Deus, & quia pondus propriæ actiônis gravat, beáti Melchiadis Mártiris tui atque Pontíficis intercessio gloriósa nos protégat. Per Dñm.

Secreta.

Hostias tibi, Dómine, beáti Melchiadis Mártiris tui atque Pontíficis dicatas méritis benignus assúme : & ad perpétuum nobis tríbue proveníre subsidium. Per Dñm.

Postcommunio.

Refecti participatióne múnery sacri, quæsumus, Dómine Deus noster : ut, cujus exéquimur cultum, intercedente beáto Melchiade Mártire tuo atque Pontífice, sentiamus effectum. Per Dñm.

DIE XI. DECEMBRIS.

IN FESTO S. DAMASI, Papæ & Conf.

Introitus. Ps. 131.

Sacerdotes tui, Dómine, induant justítiam, & sancti tui exúltent : propter David servum tuum non avértas faciém Christi tui. *Ps. ib.* Meménto, Dómine, David, & omnis mansuetúdinis ejus. V. Glória Patri.

Orémus.

Oratio.

Exáudi, Dómine, preces nostras : & interveniénte beáto Dámaso Confessóre tuo atque Pontífice, indulgéntiam nobis tríbue placátus, & pacem. Per Dñm.

Et fit commemoratio de Octava Conceptionis beatæ Mariæ.

Oratio.

FAmulis tuis, quæsumus, Dómine, coeléstis grátiae munus impertire: ut quibus beatæ Vírginis partus éxtitit salutis exórdium, Conceptionis ejus votíva solémnitas, pacis tríbuat incrementum.

Tertia de Adventu.

Léctio Epístolæ beáti Pauli Apóstoli ad Hebræos. 7.

FRatres, Plures facti sunt sacerdotes, idcirco quod morte prohiberentur permanere: Jesús autem eo quod maneat in ætérnum, sempitérnum habet sacerdotium. Unde & salvare in perpétuum potest accedentes per semetipsum ad Deum: semper vivens, ad interpellándum pro nobis. Talis enim decébat, ut nobis esset póntifex, sanctus, innocens, impollútus, segregátus, à peccatóribus, & excélsior coelis factus: qui nōn habet necessitatem quotidie, quemádmódum sacerdotes, prius pro suis delictis hóstias offerre, deinde pro pópuli: hoc enim fecit semel, seipsum offerendo, Jesús Christus Dóminus noster.

Grad. Eccl. 44. Ecce facérdos magnus, qui in diébus suis plácuit Deo. *V.* Non est invéntus similis illi, qui conserváret legem Excélsi. *Allel. allel. V. Ps. 109.* Tu es facérdos in ætérnum, secúndum órduem Melchisédech. *Allelúia.*

Sequéntia sancti Evangélii secúndum Matthæum. 24. d.

IN illo témpore: Dixit Jesús discípu-
lis suis: Vigiláte, quia nescítis quâ
horâ Dóminus vester ventúrus sit. Illud

autem scitôte, quóniam si sciret pater-
famílias quâ horâ fur ventúrus esset,
vigiláret útique, & non sîneret pérfodi
domum suam. Ideò & vos estôte pa-
ráti: quia quâ nescítis horâ Fílius hó-
minis ventúrus est. Quis, putas, est
fidélis servus, & prudens, quem con-
stituit dóminus suus super familiám
suam, ut det illis cibum in témpore?
Beátus ille servus, quem, cūm vénerit:
dóminus ejus, invénerit sic faciéntem.
Amen dico vobis, quóniam super óm-
nia bona sua constituet eum.

Credo.

Offert. Ps. 88. Inveni David servum
meum, óleo sancto meo unxi eum:
manus enim mea auxiliábitur ei, &
bráchium meum confortábit eum.

Secreta.

ACcépta tibi sit, Dómine, sacrátæ
plebis oblátio, pro tuórum honóre
Sanctorum: quorum se méritis de tri-
bulatióne percépisse cognóscit auxili-
um. Per Dñm.

Pro Octava Conceptionis beatæ Mariæ.

Secreta.

UNigéniti tui, Dómine, nobis suc-
cúrrat humanitas: ut, qui natus
de Vírgine, matris integritátem non
mínuit, sed sacrávit; in Conceptionis
ejus solémniis, nostris nos piáculis ex-
uens, oblationem nostram tibi faciat
accéptam Jesús Christus Dñs noster.

*Præfatio de beata Virgine, Et te, in
Conceptione. fol. 212.*

Commun. Matt. 25. Dómine, quinque
talénta tradidísti mihi, ecce ália quin-
que superlucrátus sum: euge serve boné
& fidélis: quia in pauca fuísti fidélis,
supra multa te constitúam: intra in
gáudium dómini tui.

Postcommunio.

DA, quæsumus, Dómine, fidélibus pópulis, Sanctórum tuórum semper veneratióne lætári: & eórum perpétuâ supplicatióne muníri. Per Dñm.

Pro Octava Conceptionis beatæ Mariæ.

Postcommunio.

Sumpsimus, Dómine, celebritátis annuæ votíva sacraménta: præsta, quæsumus; ut & temporális vitæ nobis remédia præbeant, & æternæ.

DIE XIII. DECEMBRIS.

IN FESTO S. LUCIÆ, Virg. & Mart.

Introitus. Ps. 44.

Dilexisti justítiam, & odisti iniquitátem: propterea unxit te Deus, Deus tuus, óleo lætítiæ, præ consórtibus tuis. *Ps. ib.* Eructávit cor meum verbum bonum: dico ego ópera mea Regi. *V.* Glória Patri.

Orémus.

Oratio.

EXáudi nos, Deus salutáris noster: ut, sicut de beatæ Luciæ Vírginis & Mátyris tuæ festivitate gaudemus; ita piæ devotiónis erudiámur afféctu. Per Dñm.

Pro commemoratione Octavæ Conceptionis beatæ Mariæ.

Oratio.

FAmulis tuis, quæsumus, Dómine, coeléstis grátiae munus impertíre: ut quibus beatæ Vírginis partus éxstitit salutis exórdium, Conceptionis ejus votíva solémnitas, pacis tríbuat incrementum.

Tertia de Adventu.

Léctio Epístolæ beáti Pauli Apóstoli ad Corínthios. II. 10. & 11.

FRatres, Qui gloriátur, in Dómino gloriétur. Non enim qui seípsum

comméndat, ille probátus est: sed quem Deus comméndat. Utinam sustinerétis módicum quid insipientiæ meæ, sed & supportáte me. Æmulor enim vos Dei æmulatióne. Despónði enim vos uni viro vírginem castam exhibére Christo.

Grad. Ps. 44. Dilexisti justítiam, & odisti iniquitátem. *V.* Propterea unxit te Deus, Deus tuus, óleo lætítiæ. Allelúia, allelúia. *V.* Diffúsa est grátia in lábiis tuis, propterea benedixit te Deus in ætérnum. Allelúia.

Sequéntia sancti Evangélii secúndum Matthæum. 13. f.

IN illo témpore: Dixit Jesus discípu-
lis suis parábolam hanc: Simile est regnum coelórum thesauro abscondito in agro: quem qui invenit homo, abscondit, & præ gáudio illius vadit, & vendit univérfa quæ habet, & emit agrum illum. Iterum simile est regnum coelórum hómini negotiátóri, quærénti bonas margarítas. Invenit autem unâ pretiósâ margarítâ, abiit, & vendidit ómnia quæ hábuit, & emit eam. Iterum simile est regnum coelórum sagénæ missæ in mare, & ex omni génere píscium congregánti. Quam, cum impléta esset, educéntes, & secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exibunt Angeli, & separábunt malos de médio justórum, & mittent eos in camínium ignis: ibi erit fletus, & stridor déntium. Intellexístis hæc ómnia? Dicunt ei: Etiam. Ait illis: Ideò omnis scribe doctus in regno coelórum, similis est hómini patrifamílias, qui profert de thesauro suo nova & vétera.

Credo.

Offert. Ps. 44. Afferéntur Regi vírgines post eam: próximæ ejus afferéntur tibi in lætítia & exultatióne: adducéntur in templum Regi Dómino.

Secreta.

A Ccépta tibi sit, Dómine, sacrátæ plebis oblátio, pro tuórum honóre Sanctórum: quorum se méritis de tribulatióne percepisse cognóscit auxili-um. Per Dñm.

Pro commemoratione Octavæ Conceptionis beatæ Mariæ.

Secreta.

U Nigéniti tui, Dómine, nobis succúrrat humánitas: ut, qui natus de Vírgine, matris integritátem non mínuit, sed sacrávit; in Conceptionis ejus solémniis, nostris nos piáculis exuens, oblationem nostram tibi fáciat accéptam Jesus Christus Dóminus noster.

Præfatio de beata Virgine, Et te Conceptione, fol. 212.

Communio. Ps. 118. Príncipes persecúti sunt me gratis: & à verbis tuis formidávit cor meum: lætabor ego super elóquia tua, quasi qui invénit spólia multa.

Postcommunio.

S Atiásti, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dñm nostrum.

Pro commemoratione Octavæ Conceptionis beatæ Mariæ.

Postcommunio.

S Umpsimus, Dómine, celebritátis annuæ votíva sacraménta: præsta, quæsumus; ut & temporális vitæ nobis remédia præbeant, & æternæ.

DIE XV. DECEMBRIS.

In Octava Conceptionis beatæ Mariæ, Missa ut in die, fol. 320. cum cōmem. Feriæ.

DIE XVI. DECEMBRIS.

IN FESTO S. EUSEBII, Episc. & Mart.

Missa, Sacerdótes Dei. ut in Comuni unius Martyris Pontificis, fol. iij. cum cōmem. Feriæ.

DIE XX. DECEMBRIS.

IN VIGILIA S. THOMÆ, dicitur

Missa, Ego autem sicut olíva. de Comuni in Vigilia unius Apostoli, fol. j. cum commemoratione Feriæ Adventus: & in ea servetur Rubrica posita in Vigilia S. Andreae, fol. 313.

¶ Si autem hæc Vigilia venerit in Quatuor Temporibus, de ea fit tantum commemoratio.

DIE XXI. DECEMBRIS.

IN FESTO S. THOMÆ, Apostoli.

Introitus. Ps. 138.

M Ihi autem nimis honoráti sunt amíci tui, Deus: nimis confortátus est principátus eórum:

Ps. ib. Dómine, probásti me, & cognovísti me: tu cognovísti sessiōnem meam, & resurrectionem meam.

V. Glória Patri.

Orémus.

Oratio.

D A nobis, quæsumus, Dómine, be-
átí Apóstoli tui Thomæ solem-
nitátibus gloriári: ut ejus semper &
patrocíniis sublevémur, & fidem cón-
gruâ devotiōne sectémur. Per Dñm.

Lectio Epístolæ beáti Pauli Apóstoli ad Ephésios. 2. d.

F Ratres, Jam non estis hóspites, & ádvenæ: sed estis cives sanc-
tórum, & doméstici Dei: superædificáti

super fundaméntum Apostolorum, & Prophetarum, ipso summo angulári lapide Christo Jesu: in quo omnis ædificatio constructa crescit in templum sanctum in Dómino: in quo & vos coædificámini in habitáculum Dei, in Spíritu.

Graduale. Ps. 138. Nimis honoráti sunt amici tui, Deus: nimis confortátus est principátus eorum. *V.* Dinumerábo eos: & super arénam multiplicabúntur. Allelúia, allelúia.

V. Ps. 32. Gaudéte, iusti, in Dómino: rectos decet collaudátio. Allel. Sequéntia sancti Evangélíi secúndum Joánnem. 20. f.

IN illo témpore: Thomas, unus ex duódecim, qui dicitur Dídymus, non erat cum eis, quando venit Jesus. Dixérunt ergo ei álíi discípuli: Vídimus Dóminum. Ille autem dixit eis: Nisi vídero in mánibus ejus fixúram clavórum, & mittam dígitum meum in locum clavórum, & mittam manum meam in latus ejus, non credam. Et post dies octo, íterum erant discípuli ejus intùs: & Thomas cum eis. Venit Jesus januis clausis, & stetit in médio, & dixit: Pax vobis. Deínde dicit Thomæ: Infer dígitum tuum húc, & vide manus meas, & áffer manum tuam, & & mitte in latus meum: & noli esse incrédulus, sed fidélis. Respóndit Thomas, & dixit ei: Dóminus meus, & Deus meus. Dixit ei Jesus: Quia vídisti me, Thoma, credidísti: beáti qui non víderunt, & credidérunt.

Credo.

Offert. Ps. 18. In omnem terram exívit sonus eorum: & in fines orbis terræ verba eorum.

Secreta.

DEbitum tibi, Dómine, nostræ redimimus servitútis suppliciter exorántes: ut suffrágiis beáti Thomæ Apóstoli, in nobis tua múnera tueáris, cujus honorándâ confessióne, laudis tibi hóstias immolámus. Per Dñm.

Præfatio de Apostolis, fol. 212.

Communio. Joan. 20. Mitte manum tuam, & cognósce loca clavórum: & noli esse incrédulus, sed fidélis.

Postcommunio.

ADesto nobis, miséricors Deus: & intercedente pro nobis beáto Thoma Apóstolo, tua circa nos propitiátus dona custódi. Per Dñm.

FESTA JANUARIJ.

DIE XL JANUARIJ.

PRO COMMÉM. S. HYGINI,
Papæ & Martyris.

Oratio.

Infirmitátem nostram réspice omnipotens Deus: & quia pondus propriæ actiónis gravat, beáti Hygini Mártiris tui atque Pontíficis intercessio gloriósa nos próteget.

Tertia Oratio dicitur de S. Maria, (nisi venerit in Dominica.) Deus, qui salutis. ut infra, fol. 328.

Secreta.

Hostias tibi, Dómine, beáti Hygini Mártiris tui atque Pontíficis dicatas méritis, benígnus affúme: & ad perpétuum nobis tríbue proveníre subsidium.

Pro S. Maria. Secreta. Muneribus nostris. ut in infra, fol. 328.

Postcommunio.

Refecti participatione muneris sacri, quæsumus, Dómine Deus noster: ut cujus exequimur cultum, intercedente beáto Hygíno Mártire tuo atque Pontífice, sentiámus effectum.

Pro S. Maria. Postcommunio. Hæc nos commúnio. *ut infra, fol. 328.*

DOMINICA II. POST EPIPHANIAM.

IN FESTO SS. NOMINIS JESU.

Introitus. Phil. 2.

IN nómine Jesu omne genu flectátur coeléstium, terréstrium, & infernórum: & omnis lingua confiteátur, quia Dóminus Jesus Christus in glória est Dei Patris. *Pf. 8.* Dómine Dóminus noster, quàm admirábile est nomen tuum in univérſa terra!

V. Glória Patri.

Orémus. Oratio.

DEus, qui unigénitum Fílium tuum constituísti humáni géneris Salvátorem, & Jesum vocári jussísti: concede propítius; ut cujus sanctum nomen venerámur in terris, ejus quoque aspéctu perfruámur in coelis. Per eúndem Dñm.

Et fit commemoratio Dominicæ.

Lectio Actuum Apostolorum. 4.

IN diébus illis: Petrus Spíritu sancto replétus, dixit: Príncipes pópuli, & Seniores, audíte: Si nos hódie dijudicámur in benefácto hóminis infirmi, in quo iste salvus factus est: notum sit ómnibus vobis, & omni plebi Israél, quia in nómine Dómini nostri Jesu Christi Nazaréni, quem vos crucifixístis, quem Deus suscitávit à mórtuis, in hoc iste astat coram vobis sanus. Hic est lapis, qui reprobátus est à vobis ædificánti-

bus, qui factus est in caput ánguli: & non est in álio áliquo salus. Nec enim áliud nomen est sub cœlo datum homínibus, in quo opórteat nos salvos fieri.

Grad. Pf. 105. Salvos nos fac Dómine Deus noster: & cóngrega nos de nationibus: ut confiteámur nómini sancto tuo, & gloriémur in glória tua. *V. Tu, Dómine, pater noster, & redemptor noster, à sæculo nomen tuum. Allelúia, allelúia. V. Pf. 144.* Laudem Dómini loquétur os meum, & benedícat omnis caro nomen sanctum ejus. Allelúia.

Si hoc Festum celebretur post Septuages. omissis Allelúia, & V. sequenti, dicitur:

Tractus. Pf. 79. & Cant. 2. Dómine Deus virtútum convérte nos: & ostén-de faciém tuam, & salvi érimus: sonet vox tua in áuribus meis. *V. Vox enim tua dulcis, & faciés tua decóra nimis. V. Cant. 1.* Oleum effúsum nomen tuum Jesu: ideo adolescéntulæ dilexérunt te.

Sequéntia sancti Evangélíi secúndum Lucam. 2. c.

IN illo témpore: Postquam consummáti sunt dies octo, ut circumciderétur puer: vocátum est nomen ejus Jesus, quod vocátum est ab Angelo, priúsqvam in útero conciperétur.

Credo.

Offert. Pf. 85. Confitébor tibi, Dómine Deus meus, in toto corde meo: & glorificábo nomen tuum in ætérnum. Quóniam tu Dómine suávis, & mitis: & multæ misericórdiæ ómnibus invocántibus te, allelúia.

Secreta.

Benedíctio tua, clementíssime Deus, qua omnis viget creatúra, sanctíficet, quæsumus, hoc sacrificium nostrum, quod ad glóriam nóminis Fílii

tui Dómini nostri Jesu Christi offerimus tibi: ut majestati tuæ placere possit ad laudem, & nobis proficere ad salutem. Per eundem Dóminum.

Præfatio de Nativitate. Quia per incarnati. fol. 208.

Commun. Ps. 85. Omnes gentes quascumque fecisti, venient, & adorabunt coram te, Dómine: & glorificabunt nomen tuum: quoniam magnus es tu, & faciens mirabilia: tu es Deus solus, allelúia.

Postcommunio.

OMnipotens æternæ Deus, qui creasti & redemisti nos: respice propitius vota nostra; & sacrificium salutaris hostiæ, quod in honorem nominis Filii tui Dómini nostri Jesu Christi, majestati tuæ obtulimus, placido & benigno vultu suscipere digneris: ut gratiâ tuâ nobis infusâ, sub gloriôso nomine Jesu, æternæ prædestinationis titulo gaudeamus nomina nostra scripta esse in coelis. Per eundem Dñm nostrum Jesum Christum.

¶ *In fine Missæ legitur Evangelium Dominicæ.*

DIE XIV. JANUARI.

INFESTO S. HILARII Episc. & Conf.

Missæ, In medio Ecclesiæ. de Comuni Doctorem, fol. xxj.

Pro commem. S. Felicis Presbyteri & Martyris. *Oratio.*

Concède, quæsumus, omnipotens Deus: ut ad meliorem vitam, sanctorum tuorum exempla nos provocent; quatenus quorum solennia agimus, etiam actus imitemur.

Tertia Oratio. De S. Maria.

Deus, qui salutis æternæ, beatæ Mariæ virginitate fecundâ, hu-

mâno generi præmia præstitisti: tribue, quæsumus; ut ipsam pro nobis intercedere sentiamus, per quam meruimus auctorem vitæ suscipere, Dóminum nostrum Jesum Christum Filium tuum. Qui tecum.

Pro S. Felice.

Secreta.

Hostias tibi, Dómine, beati Felicis Martyris tui dicatas meritis, benignus assume: & ad perpetuum nobis tribue provenire subsidium.

De S. Maria.

Secreta.

Muneribus nostris, quæsumus, Dómine, precibusque susceptis: & coelestibus nos munda mysteriis, & clementer exaudi. Per Dñm.

Pro S. Felice.

Postcommunio.

Quæsumus, Dómine, salutariis repleti mysteriis: ut beati Felicis Martyris tui, cujus solennia celebramus, orationibus adjuvemur.

De S. Maria.

Postcommunio.

Hæc nos communio, Dómine, purget à crimine: & intercedente beatâ Virgine Dei genitrice Mariâ, coelestis remédii faciat esse consortes. Per eundem Dñm.

¶ *Si contingat festum S. Hilarii transferri in alium diem, non tamen prædicta commemoratio S. Felicis transfertur, sed de ea fit suo die: quod & in sequenti Festo, & in similibus semper servatur.*

DIE XV. JANUARI.

INFESTO S. PAULI primi Eremitæ.

Introitus.

Ps. 91.

Justus ut palma florébit: sicut cedrus Libani multiplicabitur: plantatus in domo Dómini, in atriis domus Dei nostri. *Ps. ibid.* Bonum est confiteri Dómino: & psallere nomini tuo, Altissime. *V. Glória Patri.*

Orémus.

Oratio.

DEus, qui nos beáti Pauli Confessoris tui ánnua solemnitate lætificas: concède propítius, ut cujus natalitia cólimus, étiam actiónes imitemur. Per Dñm.

Pro commemoratione S. Mauri Abbatis.

Oratio.

INtercessio nos, quæsumus, Dómine, beáti Mauri Abbátis comméndet: ut quod nostris méritis non valémus, ejus patrocínio assequámur. Per Dñm
Lectio Epístolæ beáti Pauli Apóstoli ad Philippénfes. 3. b.

FRatres, Quæ mihi fuérunt lucra, hæc arbitrátus sum propter Christum detriménta. Verúntamen exístimo ómnia detriméntum esse propter eminentem sciéntiam Jesu Christi Dómini mei: propter quem ómnia detriméntum feci, & árbitor ut stercora, ut Christum lucrifáciam, & invéniam in illo non habens meam justítiam, quæ ex lege est, sed illam, quæ ex fide est Christi Jesu: quæ ex Deo est justítia in fide ad cognoscéndum illum, & virtútem resurrectionis ejus, & societatem passiónum illius: configurátus morti ejus: si quo modo occúrram ad resurrectionem, quæ est ex mórtuis: non quòd jam accéperim, aut jam perféctus sim: sequor autem, si quo modo comprehéndam in quo & comprehénsus sum à Christo Jesu.

Grad. Ps. 91. Justus ut palma florébit: sicut cedrus Líbani multiplicabitur in domo Dómini. *V.* Ad annuntiándum manè misericórdiam tuam, & veritátem tuam per noctem. Allelúia, allelúia. *V. Osee 14.* Justus germinábit sicut lílium: & florébit in ætérnum ante Dóminum. Allelúia.

Sequéntia sancti Evangelii secúndum Matthæum. 11. d.

IN illo témpore respóndens Jesus, dixit: Confíteor tibi Pater, Dómine cœli & terræ, quia abscondísti hæc à sapientibus, & prudentibus, & revelásti ea párvulis. Ita Pater: quóniam sic fuit plácitum ante te. Omnia mihi tráda sunt à Patre meo. Et nemo novit Fílium, nisi Pater: neque Patrem quis novit, nisi Fílius, & cui volúerit Fílius reveláre. Veníte ad me omnes, qui laborátis, & oneráti estis, & ego reficiam vos. Tóllite jugum meum super vos, & discite à me, quia mitis sum, & húmilis corde: & inveniétis réquiem animábus vestris. Jugum enim meum suáve est, & onus meum leve.

Offert. Ps. 20. In virtúte tua, Dómine, lætábitur justus: & super salutare tuum exultábit veheménter: desiderium animæ ejus tribuísti ei.

Secreta.

LAudis tibi, Dómine, hóstias immolámus, in tuórum commemoratióne sanctórum: quibus nos & præsentibus éxui malis confidimus, & futuris. Per Dñm.

Pro S. Mauro.

Secreta.

PRæsta nobis, quæsumus, omnípotens Deus: ut nostræ humilitátis oblátio, & pro tuórum tibi-grata sit honóre sanctórum, & nos corpore páriter & mente puríficet. Per Dñm.

Communio. Ps. 63. Lætábitur justus in Dómino, & sperábit in eo: & laudábuntur omnes recti corde.

Postcommunio.

REfécit cibo potúque cœlésti, Deus noster, te súpplices exorámus: ut in cujus hæc commemoratióne percépi-mus, ejus muniámur & précibus. Per.

Pro S. Mauro.

Postcommunio.

PRótegat nos, Dómine, cum tui perceptione sacraménti, beátus Maurus Abbas pro nobis intercedéndo: ut & conversatiónis ejus experiámur insignia, & intercessiόνis percipiámus suffrágia. Per Dñm.

DIE XVI. JANUARI.

IN FESTO S. MARCELLI Papæ & Martyris.

Introitus.

Eccl. 45.

STátuit ei Dóminus testaméntum pacis, & príncipem fecit eum: ut sit illi sacerdotii dignitas in ætérnum.

Pf. 131. Meménto, Dómine, David: & omnis mansuetúdinis ejus.

V. Glória Patri.

Orémus.

Oratio.

PReces pópuli tui, quæsumus, Dómine, cleménter exáudi: ut beáti Marcelli Mártiris tui atque Pontíficis méritis adjuvémur, cujus passióne lætámur. Per Dñm.

Léctio Epístolæ beáti Pauli Apóstoli ad Corínthios. II. 1.

FRatres, Benedíctus Deus & Pater Dómini nostri Jesu Christi, Pater misericordiárum, & Deus totíus consolatiónis, qui consolátur nos in omni tribulatióne nostra: ut possimus & ipsi consolári eos, qui in omni presúra sunt, per exhortatióem, qua exhortámur & ipsi à Deo. Quóniam sicut abúndant passióes Christi in nobis: ita & per Christum abúndat consolatio nostra. Sive autem tribulámur pro vestra exhortatióne & salúte, sive consolámur pro vestra consolatiónis, sive exhortámur pro vestra exhortatióne & salúte, quæ operátur tolerántiam earúndem passiónum, quas &

nos pátimur: ut spes nostra firma sit pro vobis: sciéntes, quòd sicut socii passiónum estis, sic éritis & consolatiónis: in Christo Jesu Dómino nostro.

Grad. Pf. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. V. Nihil proficiet inimícus in eo, & filius iniquitátis non nocébit ei. Allelúia, allelúia. V. *Pf.* 109. Tu es sacerdos in ætérnum secúndum órđinem Melchisedech. Allelúia.

Si hoc Festum contigerit transferri post Septuagesimam, omissis Allelúia, & V. sequenti, dicitur:

Tractus. Pf. 20. Desidérium animæ ejus tribuísti ei, & voluntáte labiów ejus non fraudásti eum. V. Quóniam prævenísti eum in benedictiónibus dulcedinis. V. Posuísti in cápite ejus coronam de lápide pretióso.

Sequéntia sancti Evangélii secúndum Matthæum. 16. c.

IN illo témpore: Dixit Jesus discípu-
lis suis: Si quis vult post me venire, abneget semetípsum, & tollat crucem suam, & sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim pródest hómini, si mundum univérsum lucrétur, ánimæ verò suæ detriméntum patiátur? Aut quam dabit homo commutatió-
nem pro ánima sua? Fílius enim hóminis ventúrus est in glória Patris sui cum Angelis suis: & tunc reddet unicuique secúndum ópera ejus.

Offert. Pf. 88. Véritas mea, & misericórdia mea cum ipso: & in nómine meo exaltábitur cornu ejus.

Secreta.

Suscipe, quæsumus, Dómine, mún-
nera dignánte obláta: & beáti
Marcélli Mártiris tui atque Pontíficis
suffragántibus méritis, ad nostræ sa-
lútis auxiliúm proveníre concéde. Per
Dñm.

Communio. Matt. 25. Dómine, quin-
que talénta tradidísti mihi, ecce ália
quinque superlucrátus sum: euge,
serve bone & fidélis: quia in pauca
fuísti fidélis, supra multa te constitu-
am: intra in gáudium dómni tui.

Postcommunio.

Satiásti, Dómine, famíliam tuam
munéribus sacris: ejus quæsumus
semper interventióne nos réfove, cu-
jus solémnia celebrámus. Per Dñm.

DIE XVII. JANUARI.

IN FESTO S. ANTONII, Abbátis.

Introitus. Ps. 36.

Os justí meditábitur sapiéntiam, &
lingua ejus loquétur judícium:
lex Dei ejus in corde ipsíus.

Pf. ib. Noli æmulári in malignánti-
bus: neque zeláveris faciéntes iniqui-
tátem. *V.* Glória Patri.

Orémus.

Oratio.

Intercéssio nos, quæsumus Dómine,
beáti Antónii Abbátis commén-
det: ut quod nostris méritis non
valémus, ejus patrocínio assequámur.
Per Dñm.

Lectio libri Sapiéntiæ. *Eccl. 45.*

Dilectus Deo & homínibus, cujus
memória in benedictióne est. Sí-
mlem illum fecit in glória sanctórum,
& magnificávit eum in timóre inimi-
córum, & in verbis suis monstra pla-

cávit. Glorificávit illum in conspéctu
regum, & jussit illi coram pópulo suo,
& osténdit illi glóriam suam. In fide
& lenitáte ipsíus sanctum fecit illum,
& elégit eum ex omni carne. Audívit
enim eum, & vocem ipsíus, & in-
dúxit illum in nubem. Et dedit illi
coram præcépta, & legem vitæ & dis-
ciplínæ.

Grad. Ps. 20. Dómine, prævenísti
eum in benedictiónibus dulcédinis:
posuísti in cápite ejus corónam de lápi-
de pretiósó. *V.* Vitam pétiit à te, &
tribuísti ei longitúdinem diérum in
sæculum sæculi. Allelúia, allelúia.
V. Ps. 91. Justus ut palma florébit:
sicut cedrus Líbani multiplicábitur.
Allelúia.

Sequéntia sancti Evangélii secúndum
Lucam. 12.

In illo témpore: Dixit Jesus discipu-
lis suis: Sint lumbi vestri præcíncti,
& lucernæ ardéntes in mánibus ves-
tris, & vos símiles homínibus expec-
tántibus dómnum suum, quando re-
vertátur à nuptiis: ut, cùm vénerit, &
pulsáverit, confestim apériant ei.
Beáti servi illi, quos, cùm vénerit dó-
minus, invénerit vigilántes: amen di-
co vobis, quòd præcínget se, & fá-
ciet illos discumbere, & tránsiens mi-
nistrábit illis. Et si vénerit in secún-
da vigília, & si in tértia vigília vénerit,
& ita invénerit, beáti sunt servi illi.
Hoc autém scitóte, quóniam si sciret
paterfamílias, quâ horâ fur veníret,
vigiláret útique, & non síncret pérfo-
di domum suam. Et vos estóte pará-
ti: quia quâ horâ non putátis, Filius
hómniis veniet.

Offert. Ps. 20. Desiderium animæ ejus tribuisti ei, Domine, & voluntate labiorum ejus non fraudasti eum: posuisti in capite ejus coronam de lapide pretioso.

Secreta.

Sacris altaribus, Domine, hostias superpositas, sanctus Antonius Abbas, quaesumus, in salutem nobis provenire deprecetur. Per Dñm.

Commun. Luc. 12. Fidelis servus & prudens, quem constituit dominus super familiam suam: ut det illis in tempore tritici mensuram.

Postcommunio.

Protegat nos, Domine, cum tui perceptione sacramenti beatus Antonius Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dñm.

DIE XVIII. JANUarii.
IN FESTO CATHEDRÆ S. PETRI,
qua Romæ primùm fedit.

Introitus. Eccl. 45.

Statuisti ei Dominus testamentum pacis, & principem fecisti eum: ut sit illi sacerdotii dignitas in æternum. *Ps. 131.* Meménto, Domine, David: & omnis mansuetudinis ejus. **V. Glória Patri.**

Orémus.

Oratio.

Deus, qui beato Petro Apóstolo tuo, collatis clavibus regni cælestis, ligandi atque solvendi Pontificium tradidisti: concede, ut intercessionis ejus auxilio, à peccatorum nostrorum nexibus liberemur. Qui vivis.

Et fit commemoratio de sancto Paulo ante quasque commemorationes, etiam

Dominicæ: quod & servatur in commemoratione S. Petri, quæ fit in festis S. Pauli.

Oratio.

Deus, qui multitudinem Géntium beati Pauli Apóstoli prædicatione docuisti: da nobis, quaesumus, ut cujus commemorationem colimus, ejus apud te patrocinia sentiamus.

Deinde fit commemoratio sanctæ Priscæ virginis & martyris.

Oratio.

DA, quaesumus, omnipotens Deus: ut qui beatæ Priscæ Virginis & Martyris tuæ natalitia colimus & annuâ solemnitatē lætemur, & tantæ fidei proficiamus exemplo. Per Dñm. *Lectio Epistolæ beati Petri Apóstoli.*

I. 1.

Petrus Apóstolus Jesu Christi, electis advenis dispersionis Ponti, Galatiæ, Cappadociæ, Asiæ, & Bithyniæ, secundum præscientiam Dei Patris, in sanctificationem Spiritûs, in obedientiam, & asperionem sanguinis Jesu Christi: Gratiâ vobis, & pax multiplicetur. Benedictus Deus & Pater Domini nostri Jesu Christi, qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in hereditatem incorruptibilem, & incontaminatam, & immarcescibilem, conservatam in cælis in vobis, qui in virtute Dei custodimini per fidem in salutem, paratam revelari in tempore novissimo. In quo exultabitis, modicum nunc si oportet contristari in variis tentationibus: ut probatio vestræ fidei multo pretiosior auro (quod per ignem probatur) inveniatur in lau-

dem, & glóriam, & honórem, in revelatióne Jesu Christi Dómini nostri.

Grad. Ps. 106. Exáltent eum in Ecclésia plebis: & in cáthedra seniórum laudent eum. *V.* Confiteántur Dómino misericórdiæ ejus: & mirabilia ejus filiis hóminum.

Si festum Cathedræ venerit ante Septuagesimam, post Graduale statim dicitur, Allelúia, allelúia.

V. Matt. 16. Tu es Petrus, & super hanc petram ædificábo Ecclésiám meam. Allelúia.

Si autem venerit post Septuagesimam, omíssis Allelúia, & Versu sequenti, dicitur Tractus. Matt. 16. Tu es Petrus, & super hanc petram ædificábo Ecclésiám meam. *V.* Et portæ inferi non prævalébunt advérsus eam: & tibi dabo claves regni coelórum. *V.* Quodcúmque ligáveris super terram, erit ligátum & in coelis. *V.* Et quodcúmque sólveris super terram, erit solútum & in coelis.

Sequéntia sancti Evangélii secúndum Matthæum. 16. b.

IN illo témpore: Venit Jesus in partes Cæsaréæ Philíppi: & interrogábat discípulos suos, dicens: Quem dicunt hómines esse Fílium hóminis? At illi dixerunt: Alii Joánnem Baptistam, álii autem Eliám, álii verò Jeremíam, aut unum ex Prophétis. Dixit illis Jesus: Vos autem quem me esse dicitis? Respóndens Simon Petrus, dixit: Tu es Christus, Fílius Dei vivi. Respóndens autem Jesus, dixit ei: Beátus es Simon Bar-Jona: quia caro & sanguis non revelávit tibi, sed Pater meus, qui in coelis est. Et ego dico tibi, quia tu es Petrus, &

super hanc petram ædificábo Ecclésiám meam, & portæ inferi non prævalébunt advérsus eam. Et tibi dabo claves regni coelórum. Et quodcúmque ligáveris super terram, erit ligátum & in coelis: & quodcúmque sólveris super terram, erit solútum & in coelis. *Credo.*

Offert. Matt. 16. Tu es Petrus, & super hanc petram ædificábo Ecclésiám meam: & portæ inferi non prævalébunt advérsus eam: & tibi dabo claves regni coelórum.

Secreta.

ECclésiæ tuæ, quæsumus, Dómine, preces & hóstias beáti Petri Apóstoli comméndet oratio: ut quod pro illius glória celebrámus, nobis profit ad véniam. *Per Dñm.*

Pro sancto Paulo.

Secreta.

APóstoli tui Pauli précibus, Dómine, plebis tuæ dona sanctífica: ut quæ tibi tuo grata sunt institúto, gratióra fiant patrocínio supplicántis.

Pro sancta Prisca.

Secreta.

HÆc hóstia, quæsumus, Dómine, quam Sanctórum tuórum natalitia recenséntes offerimus, & víncula nostræ pravitátis absólvat, & tuæ nobis misericórdiæ dona concíliet. *Per Dñm.*

Præfatio de Apostolis, fol. 212.

Commun. Matt. 16. Tu es Petrus, & super hanc petram ædificábo Ecclésiám meam.

Postcommunio.

Lætíficet nos, Dómine, murus oblátum: ut sicut in Apóstolo tuo Petro te mirábilem prædicámus; sic per illum tuæ sumámus indulgéntiæ largitatem. *Per Dñm.*

*Pro S. Paulo.**Postcommunio.*

Sanctificati, Dómine, salutári mystério: quæsumus, ut nobis ejus non defit oratio, cujus nos donasti patrocínio gubernári.

*Pro S. Prisca.**Postcommunio.*

Quæsumus, Dómine, salutáribus repléti mystériis: ut cujus solémnia celebrámus, ejus orationibus adjuvémur. Per Dñm.

DIE XIX. JANUARIJ.

IN FESTO SS. MARIJ, MARTHÆ,
AUDIFACIS & ABACHUM, Mart.

Introitus. Ps. 67.

Justi epuléntur, & exúltent in conspéctu Dei, & delecténtur in lætítia. *Ps. ib.* Exúrgat Deus, & dissipéntur inimíci ejus: & fúgiant, qui odérunt eum, à fácie ejus.

*V. Glória Patri.**Orémus.**Oratio.*

Exáudi, Dómine, pópulum tuum, cum Sanctórum tuórum patrocínio supplicántem: ut & temporális vitæ, nos tríbuas pace gaudére, & æternæ reperíre subsidium. Per Dñm.

Léctio Epístolæ beáti Pauli Apóstoli
ad Hæbreos. 10.

Fratres, Rememorámini prístinos dies, in quibus illumináti, magnum certámen sustinuístis passiónum: & in áltero quidem oppróbriis & tribulationibus spectáculum facti: in áltero autem sócii taliter conversántium effécti. Nam & vinctis compássi estis, & rapínam bonórum vestrórum cum gáudio suscepístis cognoscéntes vos habére meliorem & manéntem substantiam. Nolíte itaque amittere confi-

déntiam vestram, quæ magnam habet remunerationem. Patiéntia enim vobis necessária est; ut voluntátem Dei faciéntes, reportétis promissiónem. Adhuc enim módicum aliquántulum, qui ventúrus est, véniet, & non tardábit. Justus autem meus ex fide vivit.

Grad. Sap. 3. Justórum ánimæ in manu Dei sunt: & non tanget illos tormentum malítiæ. *V.* Visi sunt oculis insipientium mori: illi autem sunt in pace. Allelúia, allelúia. *V. Ps. 67.* Mirábilis Deus noster in sanctis suis. Allelúia.

Si hoc festum venerit post Septuagesimam omissis Allelúia, & Versu sequenti, dicitur Tract. Ps. 125. Qui sémant in lácrymis, in gáudio metent. *V. Ps. 131.* Eúntes ibant & flebant, mitténtes sémína sua. *V.* Veniéntes autem vénient cum exultatióne, portántes manípulos suos.

Sequéntia sancti Evangélii secúndum
Matthæum. 24.

In illo témpore: Sedénte Jesu super montem Olivéti, accessérunt ad eum Discípuli secrétò, dicéntes: Dic nobis, quando hæc erunt? & quod signum advéntûs tui, & consummati-ónis sæculi? Et respóndens Jesus, dixit eis: Vidéte ne quis vos seducat. Multi enim vénient in nómine meo, dicéntes: Ego sum Christus, & multos sedúcent. Auditúri enim estis prælia, & opiniónes præliórum. Vidéte ne turbémini. Opórtet enim hæc fieri, sed nondum est finis. Con-súrget enim gens in gentem, & regnum in regnum, & erunt pestiléntiæ, & fames, & terræmótus per loca. Hæc autem ómnia, inítia sunt doló-

rum. Tunc tradent vos in tribulationem, & occident vos, & eritis odio omnibus gentibus propter nomen meum. Et tunc scandalizabuntur multi, & invicem tradent, & odio habebunt invicem. Et multi pseudo-prophetae surgent, & seducunt multos. Et quoniam abundavit iniquitas, refrigeret charitas multorum. Qui autem perseveraverit usque in finem, hic salvus erit.

Offert. Ps. 123. Anima nostra, sicut passer, erepta est de laqueo venantium: laqueus contritus est, & nos liberati sumus.

Secreta.

PReces, Domine, tuorum respice, oblationesque fidelium: ut & tibi grata sint pro tuorum festivitate Sanctorum, & nobis conferant tuae propitiationis auxilium. Per Dñm.

Commun. Luc. 12. Dico autem vobis amicis meis: ne terreamini ab his, qui vos persequuntur.

Postcommunio.

Sanctorum tuorum, Domine, intercessione placatus, praesta, quaesumus: ut quae temporali celebramus actione, perpetua salvatione capiamus. Per Dñm.

Vel fit de S. Canuto ad libitum.

EADEM DIE XIX. JANUARI.

IN FESTO S. CANUTI Regis
Daniae, Martyris.

Introitus. Ps. 20.

IN virtute tua, Domine, laetabitur justus: & super salutare tuum exultabit vehementer: desiderium animae ejus tribuisti ei. *Ps. ib.* Quoniam praevenisti eum in benedictionibus

dulcedinis: posuisti in capite ejus coronam de lapide pretioso.

V. Gloria Patri.

Orémus.

Oratio.

DEus, qui ad illustrandam Ecclesiam tuam, beatum Canutum regem Martyrii palmam, & gloriosis miraculis decorare dignatus es: concede propitius, ut sicut ipse Dominicae passionis imitator fuit, ita nos per ejus vestigia gradientes, ad gaudia sempiterna pervenire mereamur. Per eundem Dñm.

Et fit commemoratio SS. Marii, Martae, Audifacis & Abachum Mart.

Oratio. Exaudi, Domine, populum. *ut supra, fol. 334.*

Lectio libri Sapientiae. 10. b.

Justum deduxit Dominus per vias rectas, & ostendit illi regnum Dei, & dedit illi scientiam sanctorum: honestavit illum in laboribus, & complévit labores illius. In fraude circumvenientium illum, adfuit illi, & honestum fecit illum. Custodivit illum ab inimicis, & a seductoribus tutavit illum, & certamen forte dedit illi, ut vinceret, & sciret quoniam omnium potentior est sapientia. Haec venditum justum non dereliquit: sed a peccatoribus liberavit eum: descenditque cum illo in foveam, & in vinculis non dereliquit illum, donec afferret illi sceptrum regni, & potentiam adversus eos qui eum deprimebant: & mendaces ostendit, qui maculaverunt illum, & dedit illi claritatem aeternam, Dominus Deus noster.

Grad. Ps. 111. Beatus vir, qui timet Dominum: in mandatis ejus cupit nimis. *V.* Potens in terra erit semen ejus: generatio rectorum benedicetur.

Allelúia, allél. *℣. Ps. 20.* Posuísti, Dómine, super caput ejus coronam de lapide pretioso. Allelúia.

Post Septuagesimam, omissis Allelúia & Versu sequenti, dicitur :

Tract. Ps. 20. Desiderium animæ ejus tribuísti ei: & voluntate labiorum ejus non fraudásti eum. *℣.* Quoniam prævenísti eum in benedictionibus dulcedinis. *℣.* Posuísti, Dómine, in capite ejus coronam de lapide pretioso.

Sequéntia sancti Evangelii secúndum Matthæum. 16.

IN illo tempore: Dixit Jesus discipulis suis. Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucrétur, animæ verò suæ detrimentum patiátur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secúndum opera ejus.

Offert. Ps. 8. Glóriâ & honóre coronásti eum: & constituísti eum super opera manuum tuarum, Dómine.

Secreta.

MUnéribus nostris, quæsumus, Dómine, precibusque susceptis: & cœlestibus nos munda mysteriis, & clementer exaudi. Per Dñm.

Pro SS. Mario, &c. Secreta Preces, Dómine. ut supra.

Communio. Matt. 16. Qui vult venire post me, abneget semetipsum: &

tollat crucem suam, & sequatur me.

Postcommunio.

DA, quæsumus, Dómine Deus noster: ut sicut tuorum commemoratione Sanctorum, temporali gratulamur officio; ita perpétuo lætemur aspectu. Per Dñm.

Pro SS. Mario, &c. Postcommunio. Sanctorum tuorum. ut supra.

DIE XX. JANUARI.

IN FESTO SS. FABIANI & SEBASTIANI Martyrum.

Introitus. Ps. 78.

INtret in conspectu tuo, Dómine, gemitus compeditorum: redde vicinis nostris septuplum in sinu eorum: vindica sanguinem sanctorum tuorum, qui effusus est. *Ps. ib.* Deus, venerunt Gentes in hereditatem tuam, polluerunt templum sanctum tuum: posuerunt Jerúsalem in pomorum custodiam. *℣.* Glória Patri.

Orémus.

Oratio.

Infirmitatem nostram respice, omnipotens Deus: & quia pondus propriæ actionis gravat, beatorum Martyrum tuorum Fabiani & Sebastiani intercessio gloriósa nos protégat. Per.

Lectio Epistolæ beati Pauli Apostoli ad Hebræos. 11. f.

FRatres, Sancti per fidem vicerunt regna, operati sunt justitiam, adepti sunt repromissiones, obturaverunt ora leonum, extinxerunt impetum ignis, effugerunt aciem gladii, convaluerunt de infirmitate, fortes facti sunt in bello, castra vertérunt exterorum: acceperunt mulieres de resurrectione mortuos suos: alii autem disténti sunt, non suscipientes redemptionem, ut meliorem invenirent

resurrectiōnem. Alii verò ludíbria & vérbera expérti : ínsuper & víncula & cárceres : lapidáti sunt, secti sunt, tentáti sunt, in occisiōne gládii mórtui sunt : circuíerunt in melótis, in péllibus caprínis, egéntes, angustíati, afflicti : quibus dignus non erat mundus : in solitudínibus errántes, in móntibus, & spelúncis, & in cavérnis terræ. Et hi omnes testimónio fidei probáti invénti sunt : in Christo Jesu Dómino nostro.

Grad. Exod. 15. Gloriósus Deus in sanctis suis : mirábilis in majestáte faciēns prodígia. *V.* Déxtera tua, Dómine, gloriificáta est in virtúte : déxtera manus tua confrégit inimícos. Allelúia, allelúia. *V. Ps. 144.* Sancti tui, Dómine, benedícunt te : glóriam regni tui dicent. Allelúia.

Si hoc Festum venerit post Septuagesimam, omíssis Allelúia, & versu sequenti, dicitur Tractus, Ps. 125. Qui séminant in lácrymis : in gáudio metent. *V.* Eúntes ibant & flebant mitténtes sémīna sua. *V.* Veniéntes autem venient cum exultatiōe, portántes mánipulos suos.

Sequéntia sancti Evangélii secúndum Lucam. 6. c.

IN illo témpore : Descéndens Jesus de monte, stetit in loco campéstri, & turba discipulórum ejus, & multitúdo copiósā plebis ab omni Judæa & Jerúsalem, & marítima, & Tyri, & Sidónis, qui vénerant ut audírent eum, & sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tángere : quia virtus de illo exíbat, & sanábat omnes. Et ipse elevátis óculis in discípulos suos, dicé-

bat : Beáti paúperes : quia vestrum est regnum Dei. Beáti, qui nunc esurítis : quia saturabímīni. Beáti, qui nunc fletis : quia ridébitis. Beáti éritis cūm vos óderint hómines, & cūm separáverint vos, & exprobráverint, & ejécerint nomen vestrum tamquam malum, propter Fílium hóminis. Gaudéte in illa die, & exultáte : ecce enim merces vestra multa est in cœlo.

Offert. Ps. 31. Lætámini in Dómino, & exultáte justī, & gloriámini omnes rectī corde.

Secreta.

Hostias tibi, Dómine, beatórum Mártyrum tuórum Fabiáni & Sebastíani dicátas méritis, benígnus asúme : & ad perpétuum nobis tríbue proveníre subsídium. Per Dñm.

Communio. Luc. 6. Multitúdo languéntium, & qui vexabántur à spirítibus immúndis, veniébant ad eum : quia virtus de illo exíbat, & sanábat omnes.

Postcommunio.

Refécti participatiōe múnēris sacri, quæsumus, Dómine Deus noster : ut cujus exéquimur cultum, intercedéntibus sanctis Mártyribus tuis Fabiáno & Sebastíano, sentiámus efféctum. Per Dñm.

DIE XXI. JANUARI.
IN FESTO S. AGNETIS, Virginis & Martyris.

Introitus. Ps. 118.

ME expectavérunt peccatóres, ut pérderent me : testimónia tua, Dómine, intelléxi : omnis consummationis vidi finem : latum mandátum.

A a a

tuum nimis. *Pf. ib.* Beāti immaculāti in via: qui āmbulant in lege Dómini. *V. Glória Patri.*

Orémus.

Oratio.

OMnípotens sempitérne Deus, qui infirma mundi éligis, ut fórtia quæque confúndas: concéde propítius; ut qui b. átæ Agnétis Vírginis & Mártiris tuæ solémnia cólimus, ejus apud te patrocínia sentiámus. Per Dñm.

Lectio libri Sapiéntiæ. *Eccli. 51.*

Confitebor tibi, Dómine, rex, & collaudábo te Deum salvatórem meum. Confitebor nómini tuo: quóniam adjutor & protéctor factus es mihi, & liberásti corpus meum à perditione, à láqueo linguæ iníquæ, & à lábiis operántium mendácium, & in conspéctu astántium factus es mihi adjutor. Et liberásti me secúndum multitudinem misericórdiæ nóminis tui à rugiéntibus, præparátis ad escam, de mánibus quæréntium ánimam meam, & de portis tribulatiónum quæ circumdedérunt me: à pressúra flammæ quæ cicúmdedit me, & in médio ignis non sum æstuáta: de altitúdine ventris inferi, & à lingua coinquináta, & à verbo mendácii, á rege iníquo, & à lingua injústa: laudábit usque ad mortem ánima mea Dóminum, quóniam éruis sustinéntes te, & líberas eos de mánibus géntium: Dómine Deus noster.

Grad. Pf. 44. Diffúsa est grátia in lábiis tuis: propterea benedíxit te Deus in ætérnum. *V. Propter veritatem, & mansuetúdinem, & justítiam, & dedúcet te mirabíliter dextera tua. Allel. allel. V. Matt. 25. Quin-*

que prudentes vírgines accepérunt óleum in vasis suis cum lampádibus: médiâ autem nocte clamor factus est: Ecce sponsus venit, exíte óbviā Christo Dómino. Allelúia.

Si venerit post Septuagesimam, omíssis Allelúia, & versu sequenti, dicitur:

Tract. Veni, sponsa Christi, áccipe corónam, quam tibi Dóminus præparávit in ætérnum: pro cujus amore sánguinem tuum sudísti. *V. Pf. 44.* Dilexísti justítiam, & odísti iniquitatem: propterea unxit te Deus, Deus tuus, óleo lætítiæ præ consórtibus tuis. *V. Spécie tuâ, & pulchritúdine tuâ: inténde, próspere procéde, & regna.*

Sequéntia sancti Evangélii secúndum Matthæum. 25.

In illo témpore: Dixit Jesus discípulis suis parábolam hanc: Símile erit regnum coelórum decem virgínibus, quæ accipiéntes lámpades suas, exierunt óbviā sponso & sponsæ. Quinque autem ex eis erant fátuæ, & quinque prudentes: sed quinque fátuæ, acceptis lampádibus, non sumpserunt óleum secum: prudentes verò accepérunt óleum in vasis suis cum lampádibus. Moram autem faciente sponso, dormitavérunt omnes & dormiérunt. Médiâ autem nocte clamor factus est: Ecce sponsus venit, exíte óbviā ei. Tunc surrexérunt omnes vírgines illæ, & ornavérunt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ extinguúntur. Respondérunt prudentes, dicéntes: Ne fortè non sufficiat nobis & vobis, ite potiùs ad vendéntes, & émite vobis.

Dum autem irent émere, venit spon-
sus: & quæ paratæ erant, intra-
verunt cum eo ad nuptias, & clausa est
jánua. Novíssimè verò veniunt &
réliquæ vírgines, dicentes: Dómine,
Dómine, áperi nobis. At ille respón-
dens, ait: Amen dico vobis, nescio
vos. Vigilate itaque, quia nescitis
diem, neque horam.

Offert. Ps. 44. Afferéntur Regi vírgi-
nes post eam: próximæ ejus afferéntur
tibi in lætítia & exultatióne, adducén-
tur in templum Regi Dómino.

Secreta.

Hostias, Dómine, quas tibi offéri-
mus, propítius súscipe: & inter-
cedente beátâ Agnéte Vírgine & Már-
tyre tuâ, víncula peccatórum nostrórum
absólve. Per Dñm.

Commun. Matt. 25. Quinque prudén-
tes vírgines accepérunt óleum in vasis
suis cum lampádibus: médiâ autem
nocte clamor factus est: Ecce sponsus
venit, exíte óbviâ Christo Dómino.

Postcommunio.

Refécti cibo potúque coelésti, Deus
noster, te súpplices exorámus: ut
in cujus hæc commemoratióne percé-
pimus, ejus muniámur & précibus.
Per Dñm.

DIE XXII. JANUARI.

IN FESTO SS. VINCENTII &
ANASTASII Martyrum.

*Missa, Intret in conspéctu tuo. de
Communi plurimorum Martyrum, fol. xi.
exceptis Orationibus quæ dicuntur ut
infra.*

Oratio.

Adesto, Dómine, supplicatióibus
nostris: ut qui ex iniquitáte nos-

tra reos nos esse cognóscimus, beató-
rum Mártyrum tuórum Vincéntii &
Anastásii intercessióne liberémur. Per
Dñm.

Secreta.

Munera tibi, Dómine, nostræ de-
votiónis offérimus: quæ & pro
tuórum tibi grata sint honóre justó-
rum, & nobis salutária, te miseránte,
reddántur. Per Dñm.

Postcommunio.

Quæsumus, omnipotens Deus, ut
qui coeléstia aliménta percépi-
mus, intercedéntibus beátis Martyri-
bus tuis Vincéntio & Anastásio, per
hæc contra ómnia advérsa muniámur.
Per Dñm.

DIE XXIII. JANUARI.

IN FESTO S. RAYMUNDI de Pen-
nafort Confessoris.

*Missa, Os just. de Communi Confesso-
ris non Pontificis, fol. xxij. excepta pri-
ma Oratione quæ dicitur ut infra.*

Oratio.

Deus, qui beátum Raymúndum
poeniténtiæ Sacraménti insígnem
minístrum elegísti, & per maris un-
das mirábiliter traduxísti: concéde, ut
ejus intercessióne dignos poeniténtiæ
fructus fácere, & ad æternæ salútis
portum pervenire valeámus. Per Dñm.

*Et fit commemoratio S. Emerentianæ,
virginis & martyris.*

Oratio.

Indulgéntiam nobis, quæsumus, Dó-
mine, beáta Emerentiána Virgo &
Martyr implóret: quæ tibi grata sem-
per éxstitit & mérito castitátis, & tuæ
professione virtútis. Per Dñm.

Pro S. Emerentiana. Secreta.

Hostias tibi, Dómine, beátæ Emerentiánæ Vírginis & Mátyris tuæ dicátas méritis, benígnus affúme: & ad perpétuum nobis tríbue proveníre subsidium. Per Dñm.

Pro S. Emerentiana. Postcommunio.

Divini múnerys largitáte satiáti, quæsumus, Dómine Deus noster: ut intercedente beátâ Emerentiánâ Vírgine & Mátyre tuâ, in ejus semper participatióne vivámus. Per.

DIE XXIV. JANUARI.

IN FESTO S. TIMOTHEI, Episcopi & Martyris.

Introitus. Eccl. 45.

Státuit ei Dóminus testaméntum pacis, & príncipem fecit eum: ut sit illi sacerdotii dígnitas in ætérnum. *Pf. 131.* Meménto, Dómine, David: & omnis mansuetúdinis ejus. *V. Glória Patri.*

Orémus.

Oratio.

Infirmítatem nostram réspice, omnípotens Deus: & quia pondus próprie actiúnis gravat, beáti Timóthei Mátyris tui atque Pontíficis intercésio gloriósa nos próteget. Per.

Lectio Epístolæ beáti Pauli Apóstoli ad Timótheum. *I. 6. c.*

Charíssime, Sectáre justítiam, pietátem, fidem, charitátem, patientiam, mansuetúdinem. Certa bonum certámen fidei, apprehénde vitam ætérnam, in qua vocátus es, & conféssus bonam confessiönem coram multis téstibus. Præcípio tibi coram Deo, qui vivíficat ómnia, & Christo Jesu, qui testimónium réddidit sub Póntio Piláto, bonam confessiönem:

ut serves mandátum sine mácula, irreprehensíbile, usque in advéntum Dómini nostri Jesu Christi: quem suis tempóribus osténdet beátus & solus potens, Rex regum, & Dóminus dominántium: qui solus habet immortalitátem, & lucem inhábitat inaccesíbilem: quem nullus hóminum vidit, sed nec vidére potest: cui honor, & impérium sempitérnum. Amen.

Grad. Ps. 88. Invéni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. *V. Nihil proficiet inimicus in eo: & filius iniquitátis non nocébit ei. Allel. allel. V. Ps. 109.* Tu es facérdos in ætérnum, secúndum órđinem Melchisedech. Allelúia.

Si venerit post Septuagesimam ommissis Allelúia, & versu sequenti, dicitur:

Tract. Ps. 20. Desidérium animæ ejus tribuísti ei, & voluntáte labiórum ejus non fraudásti eum. *V. Quóniam prævenísti eum in benedictiönibus dulcédinis. V. Posuísti in cápite ejus corónam de lápide pretiósó. Sequéntia sancti Evangélii secúndum Lucam. 14. f.*

In illo témpore: Dixit Jesus turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & animam suam, non potest meus esse discípulus. Et qui non bájulat crucem suam, & venit post me, non potest meus esse discípulus. Quis enim ex vobis volens turrim ædificáre, non prius sedens cómputat sumptus, qui necessárii sunt, si hábeat ad perficiéndum; ne posteaquam posúerit fundaméntum, & non potúerit perficere, omnes qui vi-

dent, incipient illudere ei, dicentes : Quia hic homo coepit ædificare, & non potuit consummare ? Aut quis rex iturus committere bellum adversus alium regem, non sedens prius cogitat, si possit cum decem millibus, occurrere ei, qui cum viginti millibus venit ad se ? alioquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renuntiat omnibus quæ possidet, non potest meus esse discipulus.

Offert. Ps. 88. Veritas mea, & misericordia mea cum ipso : & in nomine meo exaltabitur cornu ejus.

Secreta.

Hostias tibi, Domine, beati Timothei Martyris tui atque Pontificis dicatas meritis benignus assume ; & ad perpetuum nobis tribue provenire subsidium. Per Dñm.

Communio. Ps. 88. Semel juravi in sancto meo : semen ejus in æternum manebit : & sedes ejus sicut sol in conspectu meo, & sicut luna perfecta in æternum : & testis in cælo fidelis.

Postcommunio.

Refecti participatione muneris sacri, quæsumus, Domine Deus noster : ut, cujus exequimur cultum, intercedente beato Timotheo Martyre tuo atque Pontifice, sentiamus effectum. Per Dñm.

DIE XXV. JANUARIJ.
IN CONVERSIONE S. PAULI
Apostoli.

Introitus. II. Tim. I.

Scio cui credidi, & certus sum, quia potens est depositum meum servare in illum diem, justus iudex.

Ps. 138. Domine, probasti me, & cognovisti me : tu cognovisti sessionem meam, & resurrectionem meam.
V. Gloria Patri.

Orémus. Oratio.

Deus, qui universum mundum beati Pauli Apostoli prædicatione docuisti : da nobis, quæsumus : ut qui ejus hodie Conversionem cõlimus, per ejus ad te exempla gradiamur. Per Dñm.

Et fit commemoratio de sancto Petro.

Oratio.

Deus, qui beato Petro Apostolo tuo, collatis clavibus regni cælestis, ligandi atque solvendi pontificium tradidisti : concede, ut intercessionis ejus auxilio, à peccatorum nostrorum nexibus liberemur. Qui vivis & regnas cum Deo Patre.

Lectio Actuum Apostolorum. 9. c.

In diebus illis : Saulus adhuc spirans minarum, & cædis in discipulos Domini, accessit ad principem sacerdotum, & petiit ab eo epistolas in Damascum ad synagogas : ut si quos invenisset hujus viæ viros, ac mulieres, victos perduceret in Jerusalem. Et cum iter faceret contigit ut appropinquaret Damasco : & subito circumfulsit eum lux de cælo. Et cadens in terram, audivit vocem dicentem sibi : Saule, Saule, quid me persequeris ? Qui dixit : Quis es, Domine ? Et ille : Ego sum Jesus, quem tu persequeris. Durum est tibi contra stimulum calcitrare. Et tremens, ac stupens, dixit : Domine, quid me vis facere ? Et Dominus ad eum : Surge, & ingredere civitatem, & ibi dicetur tibi quid te oporteat facere. Viri autem illi, qui

comitabantur cum eo, stabant stupefacti, audientes quidem vocem, neminem autem videntes. Surrexit autem Saulus de terra, apertisque oculis nihil videbat. Ad manus autem illum trahentes, introduxerunt Damascum. Et erat ibi tribus diebus non videns, & non manducavit, neque bibit. Erat autem quidam discipulus Damasci nomine Ananias : & dixit ad illum in visu Dominus : Anania. At ille ait : Ecce ego, Domine. Et Dominus ad eum : Surge, & vade in vicum, qui vocatur Rectus : & quære in domo Judæ Saulum nomine Tarsensem : ecce enim orat. (Et vidit virum Ananiam nomine, introeuntem, & imponentem sibi manus ut visum recipiat.) Respondit autem Ananias : Domine, audivi à multis de viro hoc, quanta mala fecerit sanctis tuis in Jerúsalem : & hic habet potestatem à principibus sacerdotum alligandi omnes, qui invocant nomen tuum. Dixit autem ad eum Dominus : Vade, quoniam vas electionis est mihi iste, ut portet nomen meum coram Gentibus, & regibus, & filiis Israël. Ego enim ostendam illi, quanta oporteat eum pro nomine meo pati. Et abiit Ananias, & introivit in domum : & imponens ei manus, dixit : Saule frater, Dominus misit me Jesus, qui apparuit tibi in via quâ veniebas, ut videas & implearis Spiritu sancto. Et confestim ceciderunt ab oculis ejus tamquam squamæ, & visum recepit : & surgens baptizatus est. Et cum accepisset cibum, confortatus est. Fuit autem cum discipulis, qui erant Damasci, per dies aliquot. Et continuo in syn-

agogis predicabat Jesum : quoniam hic est Filius Dei. Stupébant autem omnes, qui audiebant, & dicebant : Nonne hic est, qui expugnabat in Jerúsalem eos, qui invocabant nomen istud : & huc ad hoc venit, ut vinceret illos duceret ad principes sacerdotum ? Saulus autem multo magis convalescebat, & confundebat Judæos, qui habitabant Damasci, affirmans quoniam hic est Christus.

Grad. Galat. 2. Qui operatus est Petro in Apostolatū, operatus est & mihi inter Gentes : & cognoverunt gratiam Dei, quæ data est mihi. *V.* Grátia Dei in me vácua non fuit : sed grátia ejus semper in me manet. Allelúia, allelúia. *V.* Magnus sanctus Paulus, vas electiónis, verè dignè est glorificándus, qui & méruit thronum duodécimum possidere. Allelúia. *Si venerit post Septuages. dicitur Tract.* Tu es vas electiónis sancte Paule Apóstole : verè dignè es glorificándus. *V.* Prædicátor veritátis, & Doctor Géntium in fide & veritate. *V.* Per te omnes Gentes cognoverunt grátiam Dei. *V.* Intercède pro nobis ad Deum, qui te elégit.

Sequéntia sancti Evangélii secúndum Matthæum. 19. d.

In illo témpore : Dixit Petrus ad Jesum : Ecce nos reliquimus omnia, & secúti sumus te : quid ergo erit nobis ? Jesus autem dixit illis : Amen dico vobis, quòd vos, qui secúti estis me, in regeneratióne cum sederit Filius hóminis in sede majestátis suæ, sedébitis & vos super sedes duódecim, judicántes duódecim tribus Israël. Et omnis qui reliquerit domum, vel fra-

tres, aut soróres, aut patrem, aut matrem, aut uxórem, aut filios, aut agros, propter nomen meum, cén-
tuplum accípiet, & vitam ætérnam pos-
sidébit. *Credo.*

Offert. Ps. 138. Mihi autem nimis honoráti sunt amíci tui, Deus: nimis confortátus est principátus eórum.

Secreta.

A Póstoli tui Pauli précibus, Dó-
mine, plebis tuæ dona sanctífi-
ca: ut quæ tibi tuo grata sunt insti-
túto, gratióra fiant patrocínio sup-
plicántis. Per Dóminum nostrum
Jesum Christum.

Pro sancto Petro.

Secreta.

E Cclésiæ tuæ, quæsumus, Dómine,
preces & hóstias beáti Petri Após-
toli comméndet orátio: ut quod pro il-
lius glória celebrámus, nobis profit ad-
véniam. Per Dóminum nostrum Je-
sum Christum.

Præfatio de Apostolis, fol. 212.

Commun. Matt. 19. Amen dico vo-
bis: quòd vos qui reliquistis ómnia,
& secúti estis me, cénuplum accipié-
tis, & vitam ætérnam possidébitis.

Postcommunio.

S Anctificáti, Dómine, salutári mys-
tério: quæsumus, ut nobis ejus
non desit orátio, cujus nos donásti
patrocínio gubernári. Per Dóminum
nostrum.

Pro S. Petro.

Postcommunio.

L Etíficet nos, Dómine, munus ob-
látum: ut sicut in Apóstolo tuo
Petro te mirábilem prædicámus; sic
per illum tuæ sumámus indulgéntiæ
largitatem. Per Dóminum nostrum
Jesum Christum.

DIE XXVI. JANUARI.

IN FESTO S. POLYCARPI Episcopi
& Martyris.

Introitus. Dan. 3.

S Acedótes Dñi, benedicite Dómi-
num: sancti & húmiles corde
laudáte Deum. *Dan. ib.* Benedicite,
ómnia ópera Dómini, Dómino: lau-
dáte, & superexaltáte eum in sæcula.

V. Glória Patri.

Orémus.

Oratio.

D Eus, qui nos beáti Polycárpi Már-
tyris tui atque Pontíficis annuâ
solemnitate lætíficas: concéde propi-
tius; ut cujus natalítia cólimus, de
ejúsdem étiam protectióne gaudeámus.
Per Dñm.

Léctio Epístolæ beáti Joánnis Após-
toli. *I. 3. b.*

C Haríssimi, Omnis qui non est ius-
tus, non est ex Deo, & qui non
diligít fratrem suum: quóniam hæc
est annuntiátio, quam audístis ab iní-
tio, ut diligátis altérutrum. Non si-
cut Cain, qui ex maligno erat, & oc-
cidit fratrem suum. Et propter quid
occidit eum? Quóniam ópera ejus
maligna erant: fratris autem ejus ius-
ta. Nolíte mirári, fratres, si odit vos
mundus. Nos scimus quóniam trans-
láti sumus de morte ad vitam, quó-
niam diligimus fratres. Qui non dí-
ligit, manet in morte: omnis qui odit
fratrem suum, homicída est. Et sci-
tis quóniam omnis homicída non ha-
bet vitam ætérnam in semetípso ma-
néntem. In hoc cognóvimus charitá-
tem Dei, quóniam ille ánimam suam
pro nobis pósuit: & nos debémus pro
frátribus ánimas pónere.

Grad. Ps. 8. Glória & honóre coronásti eum. *V.* Et constituísti eum super ópera mánuum tuárum, Dómine. Allelúia, allelúia. *V.* Hic est sacerdos, quem coronávit Dóminus. Allelúia.

Si venerit post Septuagesimam, omissis Allelúia, & versu sequenti, dicitur:

Tract. Ps. 111. Beátus vir, qui timet Dóminum: in mandátis ejus cupit nimis. *V.* Potens in terra erit semen ejus: generatio rectórum benedicétur. *V.* Glória & divítiæ in domo ejus: & justítia ejus manet in sæculum sæculi.

Sequéntia sancti Evangélii secúndum Matthæum. 10. c.

IN illo témpore: Dixit Jesus discipulis suis: Nihil est opértum quod non revelábitur: & occúltum, quod non sciétur. Quod dico vobis in ténebris, dícite in lúmine: & quod in aure audítis, prædicáte super tecta. Et nólite timére eos, qui occídunt corpus, ánimam autem non possunt occídere: sed pótius timéte eum, qui potest & ánimam & corpus pérdere in gehénam. Nonne duo pásseres asse væneunt: & unus ex illis non cadet super terram sine Patre vestro? Vestri autem capílli cápitis omnes numeráti sunt. Nolíte ergo timére: multis pásseribus melióres estis vos. Omnis ergo, qui confitébitur me coram homínibus, confitébor & ego eum coram Patre meo, qui in coelis est.

Offert. Ps. 88. Invéni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

MUnera tibi, Dómine, dicáta sanctífica: & intercedénte beáto Polycárpo Mártire tuo atque Pontífice, per éadem nos placátus inténde. Per Dñm.

Commun. Ps. 20. Posuísti, Dómine, in cápite ejus coronam de lápide pretióso.

Postcommunio.

Refécti participatióne múnneris sacri, quæsumus, Dómine Deus noster: ut cujus exéquimur cultum, intercedénte beáto Polycárpo Mártire tuo atque Pontífice, sentiámus effectum. Per Dñm.

DIE XXVII. JANUARI.

IN FESTO S. JOANNIS CHRYSOSTOMI, Episcopi & Confessoris.

Introitus. Eccl. 15.

IN médio Ecclésiæ apérui os ejus: & implévit eum Dóminus spíritu sapiéntiæ & intelléctûs: stolam glóriæ induit eum. *Ps. 91.* Bonum est confitéri Dómino: & psállere nómini tuo, Altíssime. *V.* Glória Patri.

Orémus.

Oratio.

ECclésiám tuam, quæsumus, Dómine, grátia coeléstis amplífcet: quam beáti Joánnis Chrysóstomi Confessoris tui atque Pontíficis illustráre voluísti gloriósis méritis, & doctrínis. Per Dñm.

Léctio Epístolæ beáti Pauli Apóstoli ad Timótheum. II. 4.

CHaríssime, Testíficor coram Deo & Jesu Christo, qui judicatúrus est vivos & mórtuos, per advéntum ipsíus, & regnum ejus: prædica. verbum, insta opportunè, importunè: argue, óbsecra, increpa in omni pa-

tiéntia, & doctrína. Erit enim tempus, cum sanam doctrinam non sustinebunt, sed ad sua desideria coaceruabunt sibi magistros pruriéntes áuribus, & à veritate quidem auditum avértent, ad fábulas autem converténtur. Tu verò vígila, in ómnibus lábóra, opus fac Evangelístæ, ministérium tuum imple. Sóbrius esto. Ego enim jam delíbor, & tempus resoluti-ónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die, justus iudex: non solúm autem mihi, sed & iis qui diligunt advéntum ejus.

Grad. Eccli. 44. Ecce sacerdos magnus, qui in diébus suis plácuit Deo. *V.* Non est inventus similis illi, qui conserváret legem Excélsi. Allelúia, allelúia. *V. Jac. 1.* Beátus vir qui suffert tentatióem: quóniam cum probátus fúerit, accípiet corónam vitæ. Allelúia.

Post Septuagesimam, omissis Allelúia, & Versu sequenti, dicitur:

Tract. Ps. 111. Beátus vir, qui timet Dóminum: in mandátis ejus cupit nimis. *V.* Potens in terra erit semen ejus: generatio rectórum benedicétur. *V.* Glória & divítiæ in domo ejus: & justítia ejus manet in sæculum sæculi.

Sequéntia sancti Evangélíi secúndum Matthæum. 5. b.

IN illo témpore: Dixit Jesus discipulis suis: Vos estis sal terræ. Quòd si sal evanúerit, in quo salietur? ad níhilum valet ultrà, nisi ut mittátur foras, & conculcétur ab homínibus.

Vos estis lux mundi. Non potest civitas abscondi supra montem pósita. Neque accéndunt lucérnam, & ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, & gloríficent Patrem vestrum, qui in cœlis est. Nolíte putáre quóniam veni sòlvere legem, aut prophétas: non veni sòlvere, sed adimplére. Amen quippe dico vobis, donec tránseat cœlum & terra, ióta unum, aut unus apex non præteríbit à lege, donec ómnia fiant. Qui ergo sòlverit unum de mandátis istis mínimis, & docúerit sic hómines, mínimus vocábitur in regno cœlórum: qui autem fécerit & docúerit, hic magnus vocábitur in regno cœlórum. Credo.

Offert. Ps. 91. Justus ut palma florébit: sicut cedrus quæ in Líbano est, multiplicábitur.

Secreta.

SANCTI Pontíficis tui Joánnis Chrysóstomi nobis, Dómine, pia non desit orátio: quæ & múnera nostra concíliet, & tuam nobis indulgéntiam semper obtíneat. Per Dóminum nostrum.

Commun. Luc. 12. Fidélis servus & prudens, quem constituit dóminus super familiam suam: ut det illis in témpore trítici mensúram.

Postcommunio.

UT nobis, Dómine, tua sacrificia dent salútem; beátus Joánnes Chrysóstomus Póntifex tuus, & Doctor egrégíus, quæsumus, precátor accédát. Per Dñm.

B b b

DIE XXVIII. JANUARI.

S. AGNETIS Secundò.

Introitus. Ps. 44.

Vultum tuum deprecabuntur omnes divites plebis: adducuntur Regi virgines post eam: proximæ ejus adducuntur tibi in lætitia & exultatione. *Ps. ib.* Eructavit cor meum verbum bonum: dico ego opera mea Regi. *V.* Glória Patri.

*Orémus.**Oratio.*

Deus, qui nos annuâ beætæ Agnætis Virginitis & Mártiris tuæ solemnitate lætificas: da, quæsumus; ut quam venerámur officio, étiam piæ conversatiónis sequámur exémplo. Per Dñm.

Lectio Epístolæ beáti Pauli Apóstoli ad Corínthios. *II. 10. & 11.*

Fratres, Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat. Utinam sustinerétis módicum quid insipientiæ meæ, sed & suppórtate me. Æmulor enim vos Dei æmulatióne. Despóndi enim vos uni viro virginem castam exhibére Christo.

Grad. Ps. 44. Spécie tuâ, & pulchritúdine tuâ, inténde, prospere procéde, & regna. *V.* Propter veritatem, & mansuetúdinem, & justítiam: & dedúcet te mirabíliter dextera tua. Allelúia, allelúia. *V.* Adducuntur Regi virgines post eam: proximæ ejus afferentur tibi in lætitia. Allelúia.

Post Septuagesimam, Tract. Ps. 44. Audi filia, & vide, & inclína aurem tuam, quia concupívit Rex spéciem tuam. *V.* Vultum tuum deprecabun-

tur omnes divites plebis: filiæ regum in honóre tuo. *V.* Adducuntur Regi virgines post eam: proximæ ejus afferentur tibi. *V.* Afferentur in lætitia & exultatione: adducuntur in templum Regis.

Sequéntia sancti Evangélíi secúndum Matthæum. 13.

In illo témpore: Dixit Jesus discipulis suis parábolam hanc: Símile est regnum coelórum thesauro abscondito in agro: quem qui invenit homo, abscondit, & præ gáudio illius vadit, & vendit univérsa quæ habet, & emit agrum illum. Iterum símile est regnum coelórum hómini negotiátóri, quærénti bonas margarítas. Inventa autem unâ pretiósa margarítâ, abiit, & vendidit ómnia quæ hábuit, & emit eam. Iterum símile est regnum coelórum sagénæ missæ in mare, & ex omni génere píscium congregánti. Quam, cum impléta esset, educéntes, & secus littus sedéntes, elegérunt bonos in vasa, malos autem foras miserunt. Sic erit in consummatione sæculi: exhibunt Angeli, & separábunt malos de médio justórum, & mittent eos in camínúm ignis: ibi erit fletus, & stridor dentium. Intellexístis hæc ómnia? Dicunt ei: Etiam. Ait illis: Ideò omnis scriba doctus in regno coelórum, símilis est hómini patrifamílias, qui profert de thesauro suo nova & vétera.

Offert. Ps. 44. Diffúsa est grátia in lábiis tuis: propterea benedíxit te Deus in æternum, & in sæculum sæculi.

Secreta.

Super has, quæsumus, Dómine, hóstias benedíctio copiósa descéndat: quæ & sanctificatióem nobis cleménter operétur, & de Mártyrum nos solemnitáte lætíficet. Per Dñm.

Commun. Matt. 13. Símile est regnum coelórum hómini negotiátóri, quærénti bonas margarítas: invéntâ autem unâ pretiosâ margaritâ, dedit ómnia sua, & comparávit eam.

Postcommunio.

Sumpsimus, Dómine, celebritátis ánnuæ votíva sacraménta: præsta, quæsumus; ut & temporális vitæ nobis remédia præbeant, & æternæ. Per Dñm.

DIE XXIX. JANUARI.

IN FESTO S. FRANCISCI Salesii Episcopi & Confessoris.

Missa, Státuit ei Dóminus. de Comuni Confessoris Pontificis, fol. xvij. excepta prima Oratione propria.

Oratio.

Deus, qui ad animárum salútem, beátum Francíscum Confessórem tuum atque Pontíficem ómnibus ómnia factum esse voluísti: concéde propítius; ut charitátis tuæ dulcédine perfúsi, ejus dirigéntibus mónitis, ac suffragántibus méritis æterna gáudia consequámur. Per Dñm.

DIE XXX. JANUARI.

IN FESTO S. MARTINÆ Virginis & Martyris.

Missa, Loquébar. de Comuni Virgini & Martyris, fol. xxvij.

DIE XXXI. JANUARI.

IN FESTO S. PETRI Nolasci Confessoris.

Missa, Justus ut palma. de Comuni Confessoris non Pontificis fol. xxiv. excepta prima Oratione, quæ hic habetur.

Oratio.

Deus, qui in tuæ charitátis exemplum ad Fidélium Redemptiónem, sanctum Petrum, Ecclesiám tuam novâ prole fœcundáre divinitùs docuísti: ipsíus nobis intercessióne concéde, à peccáti servitúte solútis, in coeléstipátria perpétuâ libertáte gaudére. Qui vivis & regnas.

FESTA FEBRUARI.

DIE I. FEBRUARI.

IN FESTO S. IGNATII Episcopi & Martyris.

Introitus. Gal. 6.

Mihi autem absit gloriári, nisi in cruce Dómini nostri Jesu Christi: per quem mihi mundus crucifixus est, & ego mundo. Ps. 131. Memento, Dómine, David: & omnis mansuetúdinis ejus.

V. Glória Patri.

Orémus.

Oratio.

Infirmítatem nostram respice omnipotens Deus: & quia pondus propriæ actiõnis gravat, beáti Ignátii Mártyris tui atque Pontificis intercessio gloriósa nos próteget. Per Dñm.

Léctio Epístolæ beáti Pauli Apóstoli ad Románeos 8. f.

Fratres, Quis nos separábit à charitáte Christi? Tribulátio, an angústia, an fames, an nuditás, an per-

culum, an persecutio, an gladius? (sicut scriptum est: Quia propter te mortificamur tota die: aestimati sumus sicut oves occisionis.) Sed in his omnibus superamus propter eum, qui dilexit nos. Certus sum enim, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare a charitate Dei, quae est in Christo Jesu Domino nostro.

Grad. Eccl. 44. Ecce sacerdos magnus, qui in diebus suis placuit Deo. *V.* Non est inventus similis illi, qui conservaret legem Excelsi. Alleluia, alleluia. *V. Galat. 2.* Christo confixus sum cruci, vivo ego, jam non ego, vivit verò in me Christus. Alleluia.

Post Septuagesimam, Tractus. Ps. 20. Desiderium animae ejus tribuisti ei, & voluntate labiorum ejus non fraudasti eum. *V.* Quoniam praevenisti eum in benedictionibus dulcedinis. *V.* Posuisti in capite ejus coronam de lapide pretioso.

Sequentia sancti Evangelii secundum Joannem. 12.

IN illo tempore: Dixit Jesus discipulis suis: Amen, amen dico vobis: nisi granum frumenti cadens in terram, mortuum fuerit, ipsum solum manet. Si autem mortuum fuerit, multum fructum affert. Qui amat animam suam, perdet eam: & qui odit animam suam in hoc mundo, in vitam aeternam custodit eam. Si quis mihi ministrat, me sequatur: & ubi

sum ego, illic & minister meus erit. Si quis mihi ministraverit, honorificabit eum Pater meus.

Offert. Ps. 8. Gloria & honore coronasti eum: & constituisti eum super opera manuum tuarum, Domine.

Secreta.

Hostias tibi, Domine, beati Ignatii Martyris tui atque Pontificis dicatas meritis benignus assume: & ad perpetuum nobis tribue provenire subsidium. Per Dñm.

Communio. Frumentum Christi sum, dentibus bestiarum molar, ut panis mundus inveniar.

Postcommunio.

Refecti participatione muneris sacri, quaesumus, Domine Deus noster: ut, cujus exequimur cultum, intercedente beato Ignatio Martyre tuo atque Pontifice, sentiamus effectum. Per Dñm.

DIE II. FEBRUARIE.

IN FESTO PURIFICATIONIS
BEATAE MARIAE Virginis.

Si hoc Festum venerit in Dominica Septuagesimae, Sexagesimae, vel Quinquagesimae, fit tantum benedictio & distributio Candelarum, & Processio: & Missa dicitur de Dominica: Missa vero Festi transfertur in sequentem diem.

¶ Finita Tertia, Sacerdos indutus pluviali violaceo, vel sine casula, cum ministris similiter indutis, procedit ad benedicens Candelas, in medio ante Altare, vel ad cornu Epistolae positas: & ipse ibidem stans versus ad Altare, dicit in tono Orationis Missae Ferialis.

V. Dominus vobiscum. *R.* Et cum spiritu tuo.

Orémus.

Oratio.

Domine sancte, Pater omnipotens, ætérne Deus, qui ómnia ex nihilo creásti, & jussu tuo per ópera apum, hunc liquórem ad perfectiónem céri veníre fecísti: & qui hodiérnâ die petitióem justí Simeónis implevísti: te humíliter deprecámur, ut has Candélas ad usus hóminum, & sanitátem córporum & animárum, sive in terra, sive in aquis, per invocatióem tui sanctíssimi nóminis, & per intercessiόem beatæ Mariæ semper vírginis, cujus hódie festa devótè celebrántur, & per preces ómnium Sanctórum tuórum, bene†dicere, & sancti†ficáre dignéris: & hujus plebis tuæ, quæ illas honoríficè in mánibus desíderat portáre, teque cantádo laudáre, exáudias voces de cœlo sancto tuo, & de sede majestátis tuæ: & propítius sis ómnibus clamántibus ad te, quos redemísti pretiósó sáanguine Fílii tui. Qui tecum vivit & regnat in unitáte Spíritus sancti Deus, per ómnia sæcula sæculórum. *R.* Amen.

Orémus.

Omnípotens sempitérne Deus, qui hodiérnâ die Unigénitum tuum ulnis sancti Simeónis in templo sancto tuo suscipiéndum præsentásti: tuam súpplices deprecámur cleméntiam: ut has Candélas, quas nos sámulí tui, in tui nóminis magnificéntiam suscipiéntes, gestáre cúpimus luce accénsas, bene†dicere, & sancti†ficáre, atque lúmine supérnæ benedictiόnis accéndere dignéris: quátenùs eas tibi Dómino Deo nostro offeréndo, digni & sancto igne dulcíssimæ charitátis tuæ succénsi, in templo sancto glóriæ tuæ

repræsentári mereámur. Per eúndem Dñm.

R. Amen.

Orémus.

Domine Jesu Christe, lux vera, qui illúminas omnem hóminem veniéntem in hunc mundum: effúnde bene†dictiόnem tuam super hos Céreos, & sancti†fica eos lúmine grátiae tuæ, & concéde propítius: ut sicut hæc luminária igne visíbili accénsa, noctúrnas depéllunt ténebras, ita corda nostra invisíbili igne, id est, sancti Spíritus splendóre illustráta, ómnium vitiórum cæcitate cáreant: ut purgáto mentis óculo ea cernere possimus, quæ tibi sunt plácita, & nostræ salúti útilia: quátenùs post hujus sæculi caliginósa discrímína, ad lucem indeficéntem perveníre mereámur: Per te, Christe Jesu Salvátor mundi, qui in Trinitáte perfectá vivis & regnas, Deus, per ómnia sæcula sæculórum. *R.* Amen.

Orémus.

Omnípotens sempitérne Deus, qui per Móysen sámulum tuum, puríssimum ólei liquórem ad luminária ante conspéctum tuum júgiter concinnánda præparári jussísti: bene†dictiόnis tuæ grátiam super hos Céreos benignus infúnde: quátenùs sic adminístrent lumen extériùs, ut te donánte, lumen Spíritus tui, nostris non defit méntibus intériùs. Per Dóminum... in unitáte ejúsdem Spíritus. *R.* Amen.

Orémus.

Domine Jesu Christe, qui hodiérnâ die in nostræ carnis substántia inter hómines appárens, à paréntibus in templo es præsentátus: quem Simeon venerábilis senex, lúmine

Spiritus tui irradiatus, agnovit, suscepit, & benedixit: præsta propitius; ut ejusdem Spiritus sancti gratia illuminati atque edocti, te veraciter agnoscamus, & fideliter diligamus. Qui cum Deo Patre in unitate ejusdem Spiritus sancti, vivis & regnas Deus, per omnia sæcula sæculorum.

R. Amen.

¶ *Finitis Orationibus, Celebrans ponit incensum in thuribulum, deinde ter aspergit candelas aqua benedicta, dicendo Antiphonam: Asperges me, sine cantu & sine Psalmo: & ter adolet incenso. Tum dignior ex Clero accedit ad Altare, & ab eo Celebrans accipit candelam non genuflectens nec osculans manum illius. Postea Celebrans stans in medio ante Altare, versus ad populum distribuit candelas, primum digniori, à quo ipse acceperat: deinde Diacono & Subdiacono paratis, & aliis Clericis singulatim per ordinem, ultimo laicis: omnibus genuflectentibus, Candelam & manum Celebrantis osculantibus, exceptis Prælati, si adsint: Et cum inceperit distribuere Candelas, à Choro cantatur Antiphona, Luc. 2. Lumen ad revelationem Gentium: & gloriam plebis tuæ Israël.*

Canticum. Nunc dimittis servum tuum, Domine, secundum verbum tuum in pace.

Deinde repetitur tota Antiphona, Lumen ad revelationem Gentium, quæ similiter repetitur post quemlibet Versum.

Quia viderunt oculi mei salutare tuum. Antiphona. Lumen.

Quod parasti ante faciem omnium populorum. Antiphona. Lumen.

Glória Patri, & Filio, & Spiritui sancto. Antiphona. Lumen.

Sicut erat in principio, & nunc, & semper, & in sæcula sæculorum. Amen. *Antiphona. Lumen.*

His expletis cantatur Antiphona. Ps. 43. Exurge, Domine, adjuva nos, & libera nos propter nomen tuum. Ps. ib. Deus, auribus nostris audivimus: patres nostri annuntiaverunt nobis. V. Glória Patri.

Et repetitur, Exurge, Domine.

Deinde Sacerdos dicit Orémus. Et si fuerit post Septuagesimam, & non in die Dominica, Diaconus dicit, Flectamus gēna. R. Levate.

Oratio.

EXaudi, quæsumus, Domine, plebem tuam: & quæ extrinsecus annuâ tribuis devotione venerari, interiorius assequi gratiæ tuæ luce concede. Per Christum Dñm nostrum. R. Amen.

Deinde fit Processio. Et primo Celebrans imponit incensum in thuribulum, postea Diaconus vertens se ad populum, dicit: Procedamus in pace. Et Chorus respondet: In nomine Christi. Amen.

Præcedit thuriferarius cum thuribulo fumigante: deinde Subdiaconus paratus, deferens Crucem, medius inter duos Acolythos cum candelabris accensis: sequitur Clerus per ordinem, ultimo Celebrans cum Diacono à sinistris, omnes cum candelis accensis in manibus, & cantantur Antiphonæ sequentes.

Antiphona. - Adorna thalamum tuum, Sion, & suscipe Regem Christum: amplectere Mariam, quæ est coelstis porta: ipsa enim portat Regem gloriæ novi luminis: subsistit virgo, adducens manibus filium ante luciferum genitum: quem accipiens Simeon in ulnas suas, prædicavit populis Domini.

num eum esse vitæ & mortis, & Salvatorem mundi.

Alia Antiphona. Luc. 2. Respónsum accépit Símeon à Spíritu sancto, non visúrum se mortem, nisi vidéret Christum Dómini: & cum indúcerent púerum in templum, accépit eum in ulnas suas, & benedíxit Deum, & dixit: Nunc dimíttis servum tuum, Dómine, in pace. *V.* Cùm indúcerent púerum Jesum paréntes ejus, ut fácerent secúndum consuetúdinem legis pro eo: ipse accépit eum in ulnas suas.

Et ingrediendo Ecclesiam, cantatur.

R. Obtulérunt pro eo Dómino par túrturum, aut duos pullos columbárum, " Sicut scriptum est in lege Dómini. *V.* Postquam impléti sunt dies purgatiónis Mariæ secúndum legem Móysi, tulérunt Jesum in Jerúsalem, ut sístèrent eum Dómino. Sicut.

V. Glória Patri, & Fílio, & Spíritui sancto. Sicut scriptum.

¶ Finita Processione, Celebrans & ministri, depositis violaceis, accipiunt paramenta alba pro Missa. Et candelæ tenentur in manibus accensæ dum legitur Evangelium, & iterum ad elevationem Sacramenti usque ad Communionem.

A D M I S S A M.

Introitus. Ps. 47.

Suscépinus, Deus, misericórdiam tuam in médio templi tui: secúndum nomen tuum Deus, ita & laus tua in fines terræ: justitiâ plena est dextera tua. *Ps. ib.* Magnus Dóminus & laudábilis nimis, in civitate Dei nostri, in monte sancto ejus.

V. Glória Patri.

Orémus.

Oratio.

OMnípotens sempitérne Deus, majestatem tuam súpplices exoramus: ut, sicut unigénitus Fílius tuus hodiérnâ die cum nostræ carnis substantia in templo est præsentátus, ita nos fácias purificátis tibi méntibus præsentári. Per eúndem Dñm.

Lectio Malachiae Prophetae. 3.

Hæc dicit Dóminus Deus: Ecce ego mitto Angelum meum, & præparábit viam ante faciém meam. Et statim véniet ad templum suum Dominátor, quem vos quæritis, & Angelus testaménti, quem vos vultis. Ecce venit, dicit Dóminus exercítuum: & quis póterit cogitare diem advéntûs ejus, & quis stabit ad vidéndum eum? Ipse enim quasi ignis conflans, & quasi herba fullónum: & sedébit conflans, & emándans argéntum, & purgábit filios Levi, & colábit eos quasi aurum, & quasi argéntum, & erunt Dómino offeréntes sacrificia in justitia. Et placébit Dómino sacrificium Juda & Jerúsalem, sicut dies sæculi, & sicut anni antiqui: dicit Dóminus omnípotens.

Grad. Ps. 47. Suscépinus, Deus, misericórdiam tuam in médio templi tui: secúndum nomen tuum, Deus, ita & laus tua in fines terræ. *V.* Sicut audívimus, ita & vídimus in civitate Dei nostri, in monte sancto ejus. Allelúia, allelúia. *V.* Senex púerum portábat: puer autem senem regébat. Allelúia.

Si hoc festum venerit post Septuagesimam, omíssis Allelúia, & versu sequenti, dicitur: Tractus. Luc. 2. Nunc di-

míttis servum tuum, Dómine, secúndum verbum tuum in pace. *V.* Quia vidérunt óculi mei salutáre tuum. *V.* Quod parásti ante fáciem ómnium populórum. *V.* Lumen ad revelatió-nem Géntium, & glóriam plebis tuæ Israél.

Sequéntia sancti Evangélii secúndum
Lucam. 2. c.

IN illo témpore: Postquam impléti sunt dies purgatiónis Mariæ secúndum legem Móysi, tulérunt Jesum in Jerúsalem, ut sístèrent eum Dómino, sicut scriptum est in lege Dómini: Quia omne masculínium adapériens vulvam, sanctum Dómino vocábitur. Et ut darent hóstiam secúndum quod dictum est in lege Dómini, par túrturum, aut duos pullos columbárum. Et ecce homo erat in Jerúsalem, cui nomen Símeon, & homo iste justus, & timorátus, expéctans consolatió-nem Israél, & Spíritus sanctus erat in eo. Et respónsum accéperat à Spíritu sancto, non visúrum se mortem, nisi prius vidéret Christum Dómini. Et venit in spíritu in templum. Et cum indúcerent púerum Jesum paréntes ejus, ut fácerent secúndum consuetú-dinem legis pro eo: & ipse accépit eum in ulnas suas, & benedíxit Deum, & dixit: Nunc dimíttis servum tuum, Dómine, secúndum verbum tuum in pace: Quia vidérunt óculi mei salu-táre tuum: Quod parásti ante fáciem ómnium populórum: Lumen ad reve-latió-nem Géntium, & glóriam plebis tuæ Israél. Credo.

Offert. Ps. 44. Diffúsa est grátia in lábiis tuis: proptéreà benedíxit te Deus, in ætérnum, & in sæculum sæculi.

Secreta.

EXáudi, Dómine, preces nostras: & ut digna sint múnera, quæ óculis tuæ majestátis offérimus, sub-sídium nobis tuæ pietátis impénde. Per Dñm.

Præfatio de Nativitate Domini, Quia per incarnáti Verbi. fol. 208.

Commun. Luc. 2. Respónsum accépit Símeon à Spíritu sancto, non visúrum se mortem, nisi vidéret Christum Dómini.

Postcommunio.

QUæsumus, Dómine Deus noster: ut sacrosáncta mystéria, quæ pro reparatiónis nostræ munímine contu-lísti, intercedente beátâ Mariâ semper Vírgine, & præsens nobis remédium esse fácias & futúrum. Per Dóminum nostrum.

DIE III. FEBRUARII.

S. BLASII Episcopi & Martyris.

Missæ, Sacerdotes Dei. de Communi unius Mart. Pontif. fol. iij.

DIE IV. FEBRUARII.

IN FESTO S. ANDREÆ CORSINI
Episcopi & Confessoris.

Missæ, Státuit. de Communi Conf. Pontif. fol. xvij. præter orationem sequentem.

Oratio.

DEus, qui in Ecclésia tua nova semper instáuras exémpla virtú-tum: da pópulo tuo beáti Andréæ Confessoris tui atque Pontíficis, ita sequi vestígia, ut assequá-tur & præ-mia. Per Dñm.

DIE V. FEBRUARIJ.

INFESTO S. AGATHÆ Virginis & Martyris.

Introitus.

GAudeamus omnes in Dómino, diem festum celebrantes sub honore beátæ Agathæ Virginitis & Mátyris: de cujus passióne gaudent Angeli, & collaudant Fílium Dei.

Pf. 44. Eructávit cor meum verbum bonum: dico ego ópera mea Regi.

V. Glória Patri.

Orémus.

Oratio.

DEus, qui inter cætera poténtiæ tuæ mirácula, étiam in sexu frá-gili victóriam Mátyrii contulísti: concéde propítius; ut qui beátæ Agathæ Virginitis & Mátyris tuæ natalítia cólimus, per ejus ad te exémp-la gradiámur. Per Dñm.

Lectio Epístolæ beáti Pauli Apóstoli ad Corínthios. I. i. d.

FRatres, Vidéte vocatióem vestram, quia non multi sapiéntes secúndum carnem, non multi poténtes, non multi nóbiles: sed quæ stulta sunt mundi elégit Deus, ut confúndat sapiéntes: & infirma mundi elégit Deus, ut confúndat fórtia: & ignóbilia mundi, & contemptibília elégit Deus, & ea quæ non sunt, ut ea quæ sunt destrúeret: ut non gloriétur omnis caro in conspéctu ejus. Ex ipso autem vos estis in Christo Jesu, qui factus est nobis sapiéntia à Deo, & iustítia, & sanctificátio, & redemptio: ut quemádmodum scriptum est: Qui glóriatur, in Dómino gloriétur.

Grad. Pf. 45. Adjuvábít eam Deus vultu suo: Deus in médio ejus, non

commovébitur. *V.* Flúminis impetus lætíficat civitátem Dei: sanctificávit tabernáculum suum Altíssimus. Allelúia, allel. *V. Pf.* 118. Loquébar de testimóniis tuis in conspéctu regum, & non confundébar. Allelúia.

Si venerit post Septuagesimam, omissis Allelúia, & Versu sequenti, dicitur:

Tract. Pf. 125. Qui séminant in lacrymis, in gáudio metent. *V.* Eúntes ibant & flebant, mitténtes sémina sua. *V.* Veniéntes autem vénient cum exultatióne, portántes manípulos suos.

Sequéntia sancti Evangélii secúndum Matthæum. 19.

IN illo témpore: Accessérunt ad Jesum Pharisæi tentántes eum, & dicéntes: Si licet hómini dimíttere uxórem suam, quacúmque ex causa? Qui respóndens, ait eis: Non legístis, quia qui fecit hóminem ab inítio, másculum & fœminam fecit eos? & dixit: Propter hoc dimíttet homo patrem & matrem, & adhærébit uxóri suæ, & erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet. Dicunt illi: Quid ergo Móyses mandávit dare libéllum repú-dii, & dimíttere? Ait illis: Quóniam Móyses ad durítiam cordis vestri permísit vobis dimíttere uxóres vestras: ab inítio autem non fuit sic. Dico autem vobis, quia quicúmque dimiserit uxórem suam, nisi ob fornicatióem, & áliam dúxerit, mœchátur: & qui dimíssam dúxerit, mœchátur. Dicunt ei discípuli ejus: Si ita est causa hóminis cum uxóre, non expedit núbere. Qui dixit illis: Non

omnes capiunt verbum istud, sed quibus datum est. Sunt enim eunuchi, qui de matris útero sic nati sunt: & sunt eunuchi, qui facti sunt ab hominibus: & sunt eunuchi, qui seipsos castraverunt propter regnum coelorum. Qui potest capere, capiat.

Offert. Ps. 44. Afferéntur Regi Virgines post eam: proximæ ejus afferéntur tibi.

Secreta.

Suscipe, Dómine, múnera, quæ in beátæ Agathæ Virgini, & Mátyris tuæ solemnitáte deferimus: cujus nos confidimus patrocínio liberári. Per Dñm.

Communio. Qui me dignátus est ab omni plaga curáre, & mamíllam meam meo pèctori restitúere: ipsum invoco Deum vivum.

Postcommunio.

Auxiliéntur nobis, Dómine, sumpta mystéria: & intercedénte beátâ Agathâ Virgine & Mátyre tuâ, sempitérnâ. protectióne confirment. Per Dóminum nostrum Jesum Christum Fílium tuum: Qui tecum.

DIE VI. FEBRUARI.

SANCTÆ DOROTHEÆ Virginis & Martyris.

Missæ, Me expectavérunt. de Comuni Virg. & Mart. fol. xxviiij.

DIE VII. FEBRUARI.

IN FESTO S. ROMUALDI Abbatis.

Missæ, Os justí. de Comuni Abbatum, fol. xxvj.

DIE VIII. FEBRUARI.

IN FESTO S. JOANNIS de Matha Confessoris.

Missæ, Os justí. de Comuni Confessoris non Pontificis, fol. xxiiij.

Oratio.

DEus, qui per sanctum Joánnem, ordinem sanctíssimæ Trinitátis, ad rediméndum de potestáte Saracenórum captivos coelitus institúere dignátus es: præsta, quæsumus; ut, ejus suffragántibus méritis, à captivitate cóporis & ánimæ, te adjuvante, liberémur. Per Dñm.

DIE IX. FEBRUARI.

SANCTÆ APOLLONIÆ Virginis & Martyris.

Missæ, Loquébar de testimóniis tuis. de Comuni Virg. & Mart. fol. xxvij.

DIE X. FEBRUARI.

IN FESTO S. SCHOLASTICÆ Virginis.

Missæ, Dilexísti justítiam. de Comuni Virginum, fol. xxx.

Oratio.

DEus, qui ánimam beátæ Virgini tuæ Scholásticæ, ad ostendéndam innocentíæ viam, in colúmbæ spécie coelum penetráre fecísti: da nobis, ejus méritis & précibus, ita innocén-ter vívere, ut ad æténa mereámur gáudia pervenire. Per Dñm.

DIE XIV. FEBRUARI.

SANCTI VALENTINI Presbyteri & Martyris.

Missæ, In virtúte tua. de Comuni unius Martyris, fol. iv. præter Orationes sequentes.

Oratio.

PRæsta, quæsumus, omnipotens Deus: ut qui beāti Valentīni Mártyris tui natalítia cólimus, à cunctis malis imminéntibus, ejus intercessióne liberémur. Per Dñm.

Secreta.

Oblátis, quæsumus, Dómine, placare munéribus: & intercedente beáto Valentīno Mártyre tuo, à cunctis nos defénde perículis. Per Dñm.

Postcommunio.

Sit nobis, Dómine, reparátio mentis & córporis coeléste mystérium: ut cujus exéquimur actiónem, intercedente beáto Valentīno Mártyre tuo, sentiámus efféctum. Per Dñm.

DIE XV. FEBRUARII.

SS. FAUSTINI ET JOVITÆ
Martyrum.

Missa, Salus autem justórum. ut in Communi plur. Mart. fol. xiv.

DIE XVIII. FEBRUARII.

S. SIMEONIS Episcopi & Martyris.

Missa, Státuit ei Dóminus. de Communi unius Mart. Pont. fol. ij.

DIE XXII. FEBRUARII.

IN FESTO CATHEDRÆ ANTI-
OCHENÆ S. PETRI,

Omnia dicuntur sicut in festo Cathedræ Romance, supra 332. omissa commem. S. Priscæ, & cum commem. feriæ, si venerit in Quadragesima.

DIE XXIII. vel XXIV. FEBRUARII.

IN VIGILIA S. MATTHIÆ.

Missa, Ego autem. de Communi in Vigilia unius Apostoli, fol. j.

Si venerit in Quadrag. fit de ea tantum commem. in Missa.

DIE XXIV. vel XXV. FEBRUARII.
IN FESTO S. MATTHIÆ
Apostoli.

Introitus. Ps. 138.

Mihi autem nimis honorátī sunt amíci tui, Deus: nimis confortátus est principátus eórum.

Ps. ib. Dómine, probásti me, & cognovísti me: tu cognovísti sessiōnem meam, & resurrectionem meam.
V. Glória Patri.

Orémus.

Oratio.

DEus, qui beátum Matthíam Apostolorum tuórum collégio sociásti: tríbue, quæsumus, ut ejus interventióne, tuæ circa nos pietátis semper víscera sentiámus. Per Dñm.

Lectio Actuum Apostolorum. i. c.

IN diébus illis: Exúrgens Petrus in médio fratrum, dixit: (erat autem turba hóminum simul, ferè centum vigínti.) Viri fratres, opórtet impléri Scriptúram, quam prædixit Spíritus sanctus per os David de Juda, qui fuit dux eórum, qui comprehendérunt Jesum: qui connumerátus erat in nobis, & fortítus est sortem ministérii hujus. Et hic quidem possédit agrum de mercéde iniquitátis, & suspénsus crepuit médius: & diffúsa sunt ómnia víscera ejus. Et notum factum est ómnibus habitántibus Jerúsalem, ita ut appellarétur ager ille, linguá eórum Hacéldama, hoc est, ager fánguinis. Scriptum est enim in libro Psalmórum: Fiat commorátio eórum desérta, & non sit qui inhábitet in ea: & episcopátum ejus accípiat alter. Opórtet ergo ex his viris, qui nobíscum sunt congregátī in omni

témpore, quo intrávit & exívit inter nos Dóminus Jesus, incípiens à baptísimate Joánnis, usque in diem quâ assúptus est à nobis, testem resurrectionis ejus nobíscum fieri unum ex istis. Et statuerunt duos, Joseph, qui vocabátur Bárfabas, qui cognominátus est Justus, & Matthíam. Et orántes dixerunt: Tu Dómine, qui corda nosti ómnium, osténde, quem elégeris ex his duóbus unum, accípere locum ministérii hujus, & Apostolátûs, de quo prævaricátus est Judas, ut abíret in locum suum. Et dedérunt sortes eis, & cécidit fors super Matthíam, & annumerátus est cum úndecim Apóstolis.

Grad. Ps. 138. Nimis honoráti sunt amíci tui, Deus: nimis confortátus est principátus eórum. *V.* Dinumerábo eos: & super arénam multiplicabúntur.

Tract. Ps. 20. Desidérium animæ ejus tribuísti ei, & voluntáte labiów ejus non fraudásti eum. *V.* Quóniam prævenísti eum in benedictionibus dulcédinis. *V.* Posuísti in cápite ejus corónam de lápide pretiósó.

Sequéntia sancti Evangélii secúndum Matthæum. 11.

IN illo témpore respóndens Jesus, dixit: Confíteor tibi, Pater, Dómine coeli & terræ, quia abscondísti hæc à sapiéntibus, & prudentibus, & revelásti ea párvulis. Ita Pater: quóniam sic fuit plácitum ante te. Omnia mihi trádicta sunt à Patre meo. Et nemo novit Fílium, nisi Pater: neque Patrem quis novit, nisi Fílius, & cui volúerit Fílius reveláre: Veníte ad me omnes, qui laborátis, & oneráti estis,

& ego reficiam vos. Tóllite jugum meum super vos, & discite à me, quia mitis sum, & húmilis corde: & invenietis réquiem animábus vestris. Jugum enim meum suáve est, & onus meum leve. Credo.

Offert. Ps. 44. Constitues eos príncipes super omnem terram: mémores erunt nóminis tui, Dómine, in omni progénie & generatióne.

Secreta.

Hostias tibi, Dómine, quas nómini tuo sacrándas offerimus, sancti Matthíæ Apóstoli tui prosequátur orátio: per quam nos expiári fácias, & deféndi. Per Dñm.

Præfatio de Apostolis, fol. 212.

Commun. Matt. 19. Vos qui secúti estis me, sedébitis super sedes: judicátes duódecim tribus Israél.

Postcommunio.

PRæsta, quæsumus, omnípotens Deus: ut per hæc sancta quæ sumpsimus, interveniénte beáto Matthía Apóstolo tuo, véniam consequámur & pacem. Per Dñm.

F E S T A M A R T I I

DIE IV. MARTII.

IN FESTO S. CASIMIRI Confessoris.

Missæ, Os justi. de Comuni Confessoris non Pontificis, fol. xxiiij.

Oratio.

DEus, qui inter regáles delicias, & mundi illécebras, sanctum Casimírum virtúte constántiæ roborásti: quæsumus, ut ejus intercessióne fídes tui terréna despícient, & ad cœléstia semper aspírent. Per Dñm.

Si venerit in Quadragesima, fit commemoratio Feriæ.

Pro commemoratione S. Lucii Papæ & Martyris.

Oratio.

DEus, qui nos beāti Lúcii Mártyris tui atque Pontíficis annuâ solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dñm.

Secreta.

MUnera tibi, Dómine, dicáta sanctífica: & intercedénte beáto Lúcio Mártyre tuo atque Pontífice, per éadem nos placátus inténde. Per.

Postcommunio.

HÆc nos commúnio, Dómine, purget à crimine: & intercedénte beáto Lúcio Mártyre tuo atque Pontífice, coeléstis remédii fáciat esse confortes. Per Dñm.

DIE VII. MARTII.

IN FESTO S. THOMÆ de Aquino Confessoris, & Ecclesiæ Doctoris.

Introitus. Eccli. 15.

IN médio Ecclesiæ apérui os ejus: & implévit eum Dóminus spíritu sapiéntiæ & intelléctus: stolam glóriæ induit eum. Ps. 91. Bonum est confitéri Dómino: & psállere nómini tuo, Altíssime.

V. Glória Patri.

Orémus.

Oratio.

DEus, qui Ecclesiám tuam beāti Thomæ Confessoris tui mirâ eruditióné claríficas, & sanctâ operatióne foecúndas: da nobis, quæsumus, & quæ dócuit, intelléctu conspícere; & quæ egit, imitatióne complére. Per Dñm.

Et fit commem. Feriæ, & postea SS. Perpetuæ & Felicitatis Martyrum.

Oratio.

DA nobis, quæsumus, Dómine Deus noster, sanctárum Mártyrum tuárum Perpetuæ & Felicitátis palmas incessábili devotióne venerári: ut quas dignâ mente non póssumus celebráre, humílibus saltem frequentémus obsequiis. Per Dñm.

Lectio libri Sapiéntiæ. 7.

Optávi, & datus est mihi sensus: & invocávi, & venit in me spíritus sapiéntiæ: & præpósui illam regnis & sedibus, & divítias nihil esse duxi in comparatióne illius: nec comparávi illi lápidem pretiósus: quóniam omne aurum in comparatióne illius, aréna est exígua, & tamquam lutum æstimábitur argéntum in conspéctu illius. Super salútem & spéciem diléxi illam, & propósui pro luce habére illam: quóniam inextinguíbile est lumen illius. Venérunt autem mihi ómnia bona páriter cum illa, & innumerábilis honéstas per manus illius, & lætátus sum in ómnibus: quóniam antecedébat me ista sapiéntia, & ignorábam quóniam horum ómnium mater est. Quam sine fictiône didici, & sine invidia commúnico, & honestátem illius non abscondo. Infinitus enim thesáurus est homínibus: quo qui usi sunt, partícipes facti sunt amicítiæ Dei, propter disciplínæ dona commendáti.

Grad. Ps. 36. Os justí meditábitur sapiéntiam: & lingua ejus loquétur judícium. V. Lex Dei ejus in corde ipsíus: & non supplantabúntur gressus ejus.

Tract. Ps. 111. Beátus vir, qui timet Dóminum : in mandátis ejus cupit nimis. *V.* Potens in terra erit semen ejus : generatio rectórum benedicétur. *V.* Glória & divítiae in domo ejus : & justítia ejus manet in sæculum sæculi.

Sequéntia sancti Evangélii secúndum Matthæum. 5.

IN illo témpore : Dixit Jesus discipulis suis : Vos estis sal terræ. Quòd si sal evanúerit, in quo saliétur ? ad níhilum valet ultrà, nisi ut mittátur foras, & conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, & ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, & gloríficent Patrem vestrum, qui in coelis est. Nolíte putáre quóniam veni sòlvere legem, aut prophétas : non veni sòlvere, sed adimplére. Amen quippe dico vobis, donec tránseat coelum & terra, ióta unum, aut unus apex non præteríbit à lege, donec ómnia fiant. Qui ergo sòlverit unum de mandátis istis mínimis, & docúerit sic hómines, mínimus vocábitur in regno coelórum : qui autem fécerit & docúerit, hic magnus vocábitur in regno coelórum. Credo.

Offert. Ps. 91. Justus ut palma florébit : sicut cedrus, quæ in Líbano est, multiplicábitur.

Secreta.

Sancti Thomæ Confessoris tui atque Doctóris nobis, Dómine, pia non desit orátio : quæ & múnera nostra

concíliet, & tuam nobis indulgéntiam semper obtíneat. Per Dñm.

Pro SS. Martyribus Perpetua & Felicitate.

Secreta.

INtende, quæsumus, Dómine, múnera altáribus tuis pro sanctárum Mártyrum Perpétuæ & Felicitátis festivitáte propósita : ut sicut per hæc beáta mystéria illis glóriam contulísti, ita nobis indulgéntiam largiáris. Per.

Commun. Luc. 12. Fidélis servus & prudens, quem constituit dóminus super familiam suam : ut det illis in témpore trítici mensúram.

Postcommunio.

UT nobis, Dómine, tua sacrificia dent salútem : beátus Thomas Confessor tuus, & Doctor egregius, quæsumus, precátor accédât. Per.

Pro SS. Martyribus Perpetua & Felicitate.

Postcommunio.

PRæsta nobis, quæsumus, Dómine, intercedéntibus sanctis Martyribus tuis Perpétuâ & Felicitáte : ut quod ore contíngimus, purâ mente capiámus. Per Dñm.

DIE VIII. MARTII.

IN FESTO S. JOANNIS DE DEO Confessoris.

Introitus. Ps. 36.

OS justi meditábitur sapientiam, & lingua ejus loquétur judícium : lex Dei ejus in corde ipsius. *Ps. 36.* Noli æmulári in malignántibus : neque zeláveris faciéntes iniquitatem. *V.* Glória Patri.

Orémus.

Oratio.

DEus, qui beátum Joánnem tuo amore succénsus, inter flammæ innóxium incéderé fecísti, & per eum Ecclésiám tuam novâ prole focu-

dásti : præsta ipsius suffragantibus méritis, ut igne charitatis tuæ vicia nostra curentur, & remédia nobis æterna provéniant. Per Dñm.

Lectio libri Sapiëntiæ. *Eccl.* 31.

BEátus vir, qui inventus est sine mácula, & qui post aurum non abiit, nec sperávit in pecúnia & thesauris. Quis est hic, & laudábimus eum? fecit enim mirabilia in vita sua. Qui probátus est in illo, & perfectus est, erit illi glória æterna: qui pótuit tráfsgredi, & non est tráfsgressus: fácere mala, & non fecit: ideò stabilita sunt bona illius in Dómino, & eleëmósynas illius enarrábit omnis Ecclésia sanctorum.

Grad. Ps. 91. Justus ut palma florebit: sicut cedrus Líbani multiplicabitur in domo Dómini. *V.* Ad annuntiándum manè misericórdiam tuam, & veritatem tuam per noctem.

Tract. Ps. 111. Beátus vir, qui timet Dóminum: in mandátis ejus cupit nimis. *V.* Potens in terra erit semen ejus: generatio rectórum benedicétur. *V.* Glória & divítiæ in domo ejus: & justitia ejus manet in sæculum sæculi. Sequéntia sancti Evangélii secúndum Matthæum. 22.

In illo témpore: Accessérunt ad Jesum Pharisei, & interrogávit eum unus ex eis legis doctor, tentans eum: Magíster, quod est mandátum magnum in lege? Ait illi Jesus: Díliges Dóminum Deum tuum ex toto corde tuo, & in tota ánima tua, & in tota mente tua. Hoc est máximum, & primum mandátum. Secúndum autem símile est huic: Díliges próximum tuum sicut teípsum. In his

duóbus mandátis, univérfa lex pendet, & Prophætæ. Congregátis autem Phariseis, interrogávit eos Jesus, dicens: Quid vobis vidétur de Christo? cujus filius est? Dicunt ei: David. Ait illis: Quómodo ergo David in spíritu vocat eum Dóminum, dicens: Dixit Dóminus Dómino meo: Sede à dextris meis, donec ponam inimicos tuos, scabéllum pedum tuorum? Si ergo David vocat eum Dóminum, quómodo filius ejus est? & nemo póterat ei respondére verbum: neque ausus fuit quisquam ex illa die eum ampliùs interrogáre.

Offert. Ps. 88. Véritas mea, & misericórdia mea cum ipso: & in nómine meo exaltábitur cornu ejus.

Secreta.

LAudis tibi, Dómine, hóstias immolámus, in tuórum commémoratione Sanctorum: quibus nos & præsentibus exui malis confidimus, & futúris. Per Dñm.

Commun. Matt. 24. Beátus servus, quem, cum vénerit dóminus, invenerit vigilátem: amen dico vobis, super ómnia bona sua constituet eum.

Postcommunio.

Refecti cibo potúque cœlesti, Deus noster, te supplices exorámus: ut in cujus hæc commémoratione percépimus, ejus muniámur & précibus. Per Dñm.

DIE IX. MARTII.

IN FESTO S. FRANCISCÆ Viduæ Romanæ.

Missæ, Cognóvi. de Communi nec Virg. nec Martyr. fol. xxxv. excepta prima Oratione sequenti.

Oratio.

DEus, qui beatam Franciscam famulam tuam, inter cætera gratiæ tuæ dona, familiari Angeli consuetudine decorasti: concede, quæsumus; ut intercessionis ejus auxilio Angelorum consortium consequi mereamur. Per Dñm.

Et fit commemoratio Feriæ.

DIE X. MARTII.

IN FESTO SS. QUADRAGINTA MARTYRUM.

Introitus. Ps. 33.

Clamaverunt justī, & Dominus exaudivit eos: & ex omnibus tribulationibus eorum liberavit eos.

Ps. ib. Benedicam Dominum in omni tempore: semper laus ejus in ore meo.

V. Gloria Patri.

Orémus.

Oratio.

Præsta, quæsumus, omnipotens Deus: ut qui gloriosos Martyres fortes in sua confessione cognovimus, pios apud te in nostra intercessionem sentiamus. Per Dñm.

Et fit commemoratio Feriæ.

Lectio Epistolæ beati Pauli Apostoli ad Hebræos. II. f.

Fratres, Sancti per fidem vicērunt regna, operati sunt justitiam, adepti sunt repromissiones, obturaverunt ora leonum, extinxerunt impetum ignis, effugerunt aciem gladii, convaluerunt de infirmitate, fortes facti sunt in bello, castra vertērunt exterorum: acceperunt mulieres de resurrectione mortuos suos. Alii autem distēti sunt, non suscipientes redemptionem, ut meliorem invenirent resurrectionem. Alii verò ludī-

bria & verbera experti, insuper & vincula & carceres: lapidati sunt, secti sunt, tentati sunt, in occisione gladii mortui sunt: circueērunt in melotis, in pellibus caprinis, egentes, angustiatī, afflicti: quibus dignus non erat mundus: in solitudinibus errantes, in montibus, & speluncis, & in cavernis terræ. Et hi omnes testimonio fidei probati inventi sunt: in Christo Jesu Domino nostro.

Grad. Ps. 132. Ecce quàm bonum, & quàm jucundum, habitare fratres in unum. *V.* Sicut unguentum in capite: quod descendit in barbam, barbam Aaron.

Tract. Ps. 125. Qui seminant in lacrymis, in gaudio metent. *V.* Euntes ibant & flebant, mittentes semina sua. *V.* Venientes autem venient cum exultatione, portantes manipulos suos.

Sequentia sancti Evangelii secundum Lucam. 6. c.

In illo tempore: Descendens Jesus de monte, stetit in loco campēstri, & turba discipulorum ejus, & multitudo copiosa plebis ab omni Judæa, & Jerúsalem, & maritima, & Tyri, & Sidonis, qui venerant ut audirent eum, & sanarentur à languoribus suis. Et qui vexabantur à spiritibus immundis, curabantur. Et omnis turba quærebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini. Beati, qui nunc fletis: quia

ridébítis. Beáti éritis cùm vos óderint hómines, & cùm separáverint vos, & exprobráverint, & ejécerint nomen vestrum tamquam malum, propter Fílium hóminis. Gaudéte in illa die, & exultáte : ecce enim merces vestra multa est in coelo.

Offert. Ps. 31. Lætámini in Dómino, & exultáte, iusti : & gloriámini, omnes recti corde.

Secreta.

Sacrificiis præsentibus, quæsumus, Dómine, inténde placátus : ut intercedéntibus sanctis Martyribus tuis, & devotióni nostræ proficiant, & salúti. Per Dñm.

¶ *Si hoc Festum venerit in Feriam quintam post Cineres, tunc Secreta pro commem. Feriæ debet mutari, quia est eadem cum Secreta SS. Martyrum supra, & debet sumi Secreta ex Missa Feriæ sextæ sequentis, nempe, Sacrificium, Dómine. fol. 61.*

Commun. Matth. 12. Quicumque fecerit voluntatem Patris mei, qui in coelis est : ipse meus frater, & soror, & mater est, dicit Dóminus.

Postcommunio.

Quæsumus, omnipotens Deus : ut illius salutáris capiámus effectum, cujus per hæc mystéria pignus accepimus. Per Dñm.

DIE XII. MARTII.

IN FESTO S. GREGORII Papæ Confessoris & Ecclesiæ Doctoris.

Intritus. Dan. 3.

Sacerdotes Dei, benedicite Dómino : sancti & humiles corde, laudate Deum. *Dan. ib.* Benedicite, omnia

ópera Dómini, Dómino : laudáte, & superexaltáte eum in sæcula.

V. Glória Patri.

Orémus.

Oratio.

Deus, qui animæ famuli tui Gregórii, æternæ beatitudinis præmia contulisti : concède, propítius ; ut qui peccatórum nostrórum póndere premimur, ejus apud te precibus sublevémur. Per Dñm.

Et fit commemoratio Feriæ.

Lectio Epístolæ beáti Pauli Apóstoli ad Timótheum. II. 4.

Charíssime, Testíficor coram Deo & Jesu Christo, qui judicatúrus est vivos & mórtuos, per adventum ipsius, & regnum ejus : prædica verbum, instá opportunè, importúnè : árgue, óbsecra, increpa in omni patientia & doctrína. Erit enim tempus, cùm sanam doctrínam non sustinébunt, sed ad sua desidéria coacerbábunt sibi magístros, pruriéntes áuribus, & à veritate quidem auditum avértent, ad fábulas autem converténtur. Tu verò vígila, in ómnibus labóra, opus fac Evangelistæ, ministerium tuum imple. Sóbrius esto. Ego enim jam delíbor, & tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex : non solum autem mihi, sed & iis qui díligunt adventum ejus.

Grad. Ps. 109. Jurávit Dóminus, & non pœnitébit eum : Tu es sacerdos in ætérnum secúndum ordinem Melchisedech. *V. Dixit Dóminus Dómino meo : Sede à dextris meis.*

D d d

Tractus. Ps. 111. Beátus vir, qui timet Dóminum: in mandátis ejus cupit nimis. *V.* Potens in terra erit semen ejus: generátio rectórum benedicétur. *V.* Glória & divítiae in domo ejus: & justítia ejus manet in sæculum sæculi.

Sequéntia sancti Evangélii secúndum Matthæum. 5. b.

IN illo témpore: Dixit Jesus discipulis suis: Vos estis sal terræ. Quòd si sal evanúerit, in quo saliétur? ad níhilum valet ultrà, nisi ut mittátur foras, & conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, & ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, & gloríficent Patrem vestrum, qui in cœlis est. Nolíte putáre quóniam veni sòlvere legem, aut prophétas: non veni sòlvere, sed adimplére. Amen quippe dico vobis, donec tránseat cœlum & terra, ióta unum, aut unus apex non præteríbit à lege donec ómnia fiant. Qui ergo sòlverit unum de mandátis istis mínimis, & docúerit sic hómines, mínimus vocábitur in regno cœlórum: qui autem fécerit & docúerit, hic magnus vocábitur in regno cœlórum. Credo.

Offert. Ps. 88. Véritas mea, & misericórdia mea cum ipso: & in nómine meo exaltábitur cornu ejus.

Secreta.

ANnue nobis, quæsumus, Dómine, ut intercessióne beáti Gregórii hæc nobis profit oblátio: quam im-

molándo, totíus mundi tribuísti relaxári delícta. Per Dñm.

Commun. Luc. 12. Fidélis servus & prudens, quem constituit dóminus super familiam suam: ut det illis in témpore trítici mensúram.

Postcommunio.

DEus, qui beátum Gregórium Pontíficem Sanctórum tuórum méritis coæquásti: concéde propítius; ut qui commemoratiónis ejus festa percólimus, vitæ quoque imitémur exéempla. Per Dñm.

DIE XVII. MARTII.

IN FESTO S. PATRII Episcopi & Confessoris.

Introitus. Ps. 45.

STátuit ei Dóminus testaméntum pacis, & príncipem fecit eum: ut sit illi sacerdótii dignitas in ætérnum. *Ps. 131.* Meménto, Dómine, David: & omnis mansuetúdinis ejus. *V.* Glória Patri.

Orémus.

Oratio.

DEus, qui ad prædicándam Géntibus glóriam tuam, beátum Patrium Confessórem atque Pontíficem mittere dignátus es; ejus méritis, & intercessióne concéde: ut quæ nobis agénda præcipis, te miseránte adimplére possimus. Per Dñm.

Léctio libri Sapiéntiæ. 44. & 45.

ECce Sacerdos magnus, qui in diebus suis placuit Deo, & invéntus est justus: & in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideò jurejurádo fecit illum Dóminus créscere in plebem suam. Benedictiónem ómnium gén-

tium dedit illi, & testaméntum suum confirmávit super caput ejus. Agnóvit eum in benedictiónibus suis : conservávit illi misericórdiam suam : & invénit grátiam coram óculis Dómini. Magnificávit eum in conspéctu regum : & dedit illi corónam glóriæ. Státuit illi testaméntum ætérnum : & dedit illi sacerdotium magnum : & beatificávit illum in glória. Fungi sacerdotio, & habére laudem in nómine ipsíus : & offérre illi incénsus dignum, in odórem suavitátis.

Grad. Eccl. 44. Ecce facérdos magnus, qui in diébus suis plácuit Deo. *V.* Non est invéntus símilis illi, qui conserváret legem Excélsi.

Tract. Ps. 111. Beátus vir, qui timet Dóminum : in mandátis ejus cupit nimis. *V.* Potens in terra erit semen ejus : generátio rectórum benedicétur. *V.* Glória & divítiæ in domo ejus, & justítia ejus manet in sæculum sæculi.

Tempore Pasch. omissis Graduali, & Tractu, dicitur, Allelúia, allelúia.

V. Ps. 109. Tu es facérdos in ætérnum secúndum órduem Melchisedech. Allelúia. *V.* Hic est facérdos, quem coronávit Dóminus. Allelúia.

Sequéntia sancti Evangélii secúndum Matthæum. 25. b.

IN illo témpore : Dixit Jesus discípu-
lis suis parábolam hanc : Homo pé-
regre proficíscens vocávit servos suos,
& trádidit illis bona sua. Et uni de-
dit quinque talénta, álíi autem duo,
álíi verò unum, unicuíque secúndum
 própíam virtútem & proféctus est
 statim. Abiit autem qui quinque
 talénta accéperat, & operátus est in
 eis, & lucrátus est ália quinque. Si-

míliter & qui duo accéperat, lucrá-
tus est ália duo. Qui autem unum
 accéperat, ábiens fodit in terram, &
 abscondit pecúniám dómini sui. Post
 multum verò témporis, venit dómi-
 nus servórum illórum, & pósuit ra-
 tiónem cum eis. Et accédens qui
 quinque talénta accéperat, obtulit
 ália quinque talénta, dicens: Dómine,
 quinque talénta tradidísti mihi : ecce
 ália quinque superlucrátus sum: Ait
 illi dóminus ejus: Euge, serve bone, &
 fidélis, quia super pauca fuísti fidélis,
 super multa te constitúam, intra in gáu-
 dium dómini tui. Accéssit autem &
 qui duo talénta accéperat, & ait: Dó-
 mine, duo talénta tradidísti mihi, ec-
 ce ália duo lucrátus sum. Ait illi dó-
 minus ejus. Euge, serve bone, &
 fidélis, quia super pauca fuísti fidélis,
 super multa te constitúam, intra in
 gáudium dómini tui.

Offert. Ps. 88. Invéni David servum
 meum, óleo sancto meo unxi eum :
 manus enim mea auxiliábitur ei, &
 bráchium meum confortábit eum.

Secreta.

Sancti tui, quæsumus, Dómine, nos
 ubique lætíficent : ut dum eórum
 mérita recólimus, patrocínia sentiá-
 mus. Per Dñm.

Commun. Luc. 12. Fidélis servus &
 prudens, quem constituit dóminus su-
 per famíliam suam, ut det illis in tém-
 pore trítici mensúram.

Postcommunio.

PRæsta, quæsumus, ómnípotens
 Deus : ut de percéptis munéribus
 grátias exhibéntes, intercedénte beáto
 Patrítio Confessóre tuo atque Pontí-
 fice, benefícia potióra sumámus. Per.

DIE XIX. MARTII.

IN FESTO S. JOSEPH Confessoris.

Introitus. Ps. 91.

Justus ut palma florebit: sicut cedrus Líbani multiplicabitur: plantatus in domo Dómini, in átriis domus Dei nostri. *Ps. ib.* Bonum est confiteri Dómino: & psállere nómini tuo, Altíssime. *V. Glória Patri.*

Orémus. Oratio.

Sanctíssimæ genitrícis tuæ sponfi, quæsumus, Dómine, méritis adjuvémur: ut quod possibílitas nostra non óbtinet, ejus nobis intercessióne donétur. Qui vivis & regnas.

Lectio libri Sapiéntiæ. Eccl. 45.

Dilectus Deo & homínibus, cujus memória in benedictióne est. Similem illum fecit in glória sanctórum, & magnificávit eum in timóre inimicórum, & in verbis suis monstra placávit. Glorificávit illum in conspéctu regum, & jussit illi coram pópulo suo, & osténdit illi glóriam suam. In fide & lenitáte ipsíus sanctum fecit illum, & elégit eum ex omni carne. Audívit enim eum, & vocem ipsíus, & indúxit illum in nubem. Et dedit illi coràm præcépta, & legem vitæ & disciplínæ.

Grad. Ps. 20. Dómine, prævenísti eum in benedictiónibus dulcédinis: posuísti in cápite ejus corónam de lapide pretióso. *V. Vitam pétiit à te, & tribuísti ei longitudínem diérum in sæculum sæculi.*

Tract. Ps. 111. Beátus vir, qui timet Dóminum: in mandátis ejus cupit nimis. *V. Potens in terra erit semen ejus: generatio rectórum benedicé-*

tur. V. Glória & divítiae in domo ejus: & justítia ejus manet in sæculum sæculi.

Post Pascha. Allelúia, allelúia.

V. Eccl. 45. Amávit eum Dóminus, & ornávit eum: stolam glóriæ induit eum. *Allelúia. V. Osee. 14.* Justus germinábit sicut lílium, & florebit in ætérnum ante Dóminum. *Allelúia.*

Sequéntia sancti Evangélii secúndum Matthæum. i. c.

Cum esset desponsáta mater Jesu María Joseph, ántequam convenirent, invénta est in útero habens de Spíritu sancto. Joseph autem vir ejus, cùm esset justus, & nollet eam tradúcere, vóluit occúltè dimíttere eam. Hæc autem eo cogitánte, ecce Angelus Dómini apparuit in somnis ei, dicens: Joseph fili David, noli timére accípere Mariám cónjugem tuam: quod enim in ea natum est, de Spíritu sancto est. Páriet autem filium: & vocábis nomen ejus Jesum: ipse enim salvum faciet pópulum suum à peccá-tis eórum.

Offertor. Ps. 88. Véritas mea, & misericórdia mea cum ipso: & in nómine meo exaltábitur cornu ejus.

Secreta.

Debitum tibi, Dómine, nostræ réddimus servitútis, suppliciter exoránte: ut suffrágiis beáti Joseph sponfi genitrícis Fílii tui Jesu Christi Dómini nostri, in nobis tua múnere tueáris: ob cujus venerándam festivitátem, laudis tibi hóstias immolámus. Per eúndem Dñm.

Commun. Matt. i. Joseph fili David, noli timére accípere Mariám cónju-

gem tuam: quod enim in ea natum est, de Spíritu sancto est.

Postcommunio.

Adesto nobis, quæsumus, misericors Deus: & intercedente pro nobis beato Joseph Confessore, tua circa nos propitiatus dona custodi. Per Dñm.

DIE XXI. MARTII.

IN FESTO S. BENEDICTI Abbatis.

Missæ, Os justi. ut in Comuni Abbatum, fol. xxvj.

¶ De Festis Duplicibus & Semiduplicibus, quæ veniunt à Dominica Palmarum usque ad Octavam Paschæ, nihil fit: sed post Octavam celebrantur: & tunc in fine Introitus ante Psalmum dicuntur duo Allelúia, & in fine Offertorii & Communionis unum Allelúia.

Vide Rubr. in Sabbat. in Albis. fol. 234.

DIE XXV. MARTII.

IN FESTO ANNUNTIATIONIS BEATÆ Mariæ Virginis.

Introitus. Ps. 44.

Vultum tuum deprecabuntur omnes divites plebis: adducuntur Regi Virgines post eam: proximæ ejus adducuntur tibi in lætitia & exultatione. *Ps. ib.* Eructavit cor meum verbum bonum: dico ego opera mea Regi. *V. Glória Patri.*

Orémus.

Oratio.

Deus, qui de beatæ Mariæ Virginis útero, Verbum tuum, Angelo nuntiante, carnem suscipere voluisti: præsta supplicibus tuis; ut qui verè eam genitricem Dei credimus, ejus apud te intercessionibus adjuvemur. Per eundem Dñm.

Lectio Isaïæ Prophætæ. 7. b.

In diebus illis: Locutus est Dominus ad Achaz, dicens: Pete tibi signum à Domino Deo tuo in profundum inferni, sive in excelsum supra. Et dixit Achaz: Non petam, & non tentabo Dominum. Et dixit: Audite ergo domus David: Numquid parum vobis est, molestos esse hominibus, quia molesti estis & Deo meo? Propter hoc dabit Dominus ipse vobis signum. Ecce virgo concipiet, & pariet filium, & vocabitur nomen ejus Emmanuël. Butyrum & mel comedet, ut sciat reprobare malum, & eligere bonum.

Grad. Ps. 44. Diffusa est grátia in labiis tuis: propterea benedixit te, Deus, in ætérnum. *V.* Propter veritatem, & mansuetudinem, & justitiam, & deducet te mirabiliter dextera tua.

Tract. Ps. 44. Audi filia, & vide, & inclina aurem tuam: quia concupivit Rex spéciem tuam. *V.* Vultum tuum deprecabuntur omnes divites plebis: filiæ regum in honóre tuo. *V.* Adducuntur Regi virgines post eam: proximæ ejus afferuntur tibi. *V.* Adducuntur in lætitia & exultatione: adducuntur in templum Regis.

Post Pascha, omissis Graduali, & Tractu, dicitur Allelúia, allelúia.

V. Luc. 1. Ave María grátia plena: Dominus tecum: Benedicta tu in mulieribus. Allelúia. *V.* Virga Jesse floruit: Virgo Deum & hominem genuit: pacem Deus reddidit, in se reconcilians ima summis. Allelúia.

Sequentia sancti Evangelii secundum Lucam. 1. c.

In illo tempore: Missus est Angelus Gabríel à Deo in civitatem Galilee.

lææ cui nomen Názareth, ad vírginem desponsátam viro, cui nomen erat Joseph, de domo David, & nomen vírginis María. Et ingrèssus Angelus ad eam, dixit: Ave, grátia plena: Dóminus tecum: Benedícta, tu in muliéribus. Quæ cùm audíffet turbáta est in sermóne ejus, & cogitábat qualis esset ista salutátio. Et ait Angelus ei: Ne tíneas María, invenísti enim grátiam apud Deum: ecce concípies in útero, & páries filium, & vocábis nomen ejus Jesum. Hic erit magnus, & Fílius Altíssimi vocábitur, & dabit illi Dóminus Deus sedem David patris ejus: & regnábit in domo Jacob in ætérnum, & regni ejus non erit finis. Dixit autem María ad Angelum: Quómodo fiet istud, quóniam virum non cognósko? Et respóndens Angelus, dixit ei: Spíritus sanctus supervéniet in te, & virtus Altíssimi obumbrábit tibi. Ideóque, & quod nascétur ex te Sanctum, vocábitur Fílius Dei. Et ecce Elísabeth cognáta tua, & ipsa concépit filium in senectúte sua: & hic mensis sextus est illi, quæ vocátur stérilis: quia non erit impossibile apud Deum omne verbum. Dixit autem María: Ecce ancílla Dómini, fiat mihi secúndum verbum tuum. Credo.

Offert. Luc. i. Ave María, grátia plena: Dóminus tecum: Benedícta tu in muliéribus, & benedíctus fructus ventris tui.

Secreta.

IN méntibus nostris, quæsumus, Dómine, veræ fidei sacraménta confirma: ut, qui concéptum de Vírgine Deum verum & hóminem confitémur,

per ejus salutíferæ resurrectionis poténtiam, ad ætérnam mereámur pervenire lætítiam. Per eúndem Dñm.

Præfatio de beata Maria. Et te in Annuntiatióne, fol. 212.

Commun. Isaia 7. Ecce virgo concípiet, & páriet filium: & vocábitur nomen ejus Emmánuël.

Postcommunio.

GRátiam tuam, quæsumus, Dómine, méntibus nostris infúnde: ut qui, Angelo nuntiánte, Christi Fílii tui, incarnationem cognóvimus; per passióne ejus & crucem ad resurrectionis glóriam perducámur. Per eúndem Dñm.

M I S S A

DE SEPTEM DOLORIBUS BEATÆ MARIÆ Virginis.

Celebranda Feria Sexta post Dominicam Passionis.

Si hoc Festum occurrat cum alio duplici primæ vel secundæ Classis transfertur in Sabbatum sequens, non obstante quod dicto Sabbato occurrat aliud Festum dummodo non sit altioris ritus: & tunc Festum Sancti occurrentis juxta Rubr. generales transfertur: sed non transferatur hoc Festum ad tempus Paschale.

Introitus. Joan. 19.

STabant juxta crucem Jesu mater ejus, & soror matris ejus María Cléophæ, & Salóme, & María Magdaléne. *V. Joan. ib.* Múlier, ecce filius tuus, dixit Jesus; ad discipulum autem, ecce mater tua.

V. Glória Patri.

Orémus.

Oratio.

DEus, in cujus passióne, secúndum Simeónis prophetíam, dul-

císsimam ánimam gloriósæ Vírginis, & matris Mariæ dolóris gládus pertransívit: concéde propítius, ut qui transfixiónem ejus, & passióem venerádo recólimus, gloriósis méritis, & préci-bus ómnium Sanctórum cruci fidéli-ter astántium intercedéntibus, passióis tuæ efféctum felícem consequámur. Qui vivis & regnas cum Deo Patre.

Léctio libri Judith. 13.

Benedíxit te Dóminus in virtúte sua, quia per te ad níhilum redégit ini-mícos nostros. Benedícta es tu filia à Dómino Deo excélso præ ómnibus muliéribus super terram. Benedíctus Dóminus, qui creávit cœlum & terram: quia hódie nomen tuum ita magnifi-cávit, ut non recédat laus tua de ore hóminum, qui mémores fúerint vir-tútis Dómini in ætérnum: pro qui-bus non pepercísti ánimæ tuæ propter angústias, & tribulatióem géneris tui, sed subvenísti ruínæ ante conspéctum Dei nostri.

Grad. Dolorósa, & lacrymábilis es, Virgo María, stans juxta crucem Dómini Jesu Fílii tui Redemptóris. *V.* Vir-go Dei génitrix quem totus non capit orbis, hoc crucis fert supplicium vitæ factus homo.

Tract. Stabat sancta María, cœli re-gína, & mundi dómina juxta crucem Dómini nostri Jesu Christi dolorósa. *V. Thr.* 1. O vos omnes, qui transítis per viam, atténdite & vidéte, si est dolor, sicut dolor meus.

Sequentia.

Stabat mater dolorósa,
Juxta crucem lacrymósa,
Dum pendébat filius.

Cujus ánimam geméntem,
Contristátam, & doléntem,
Pertransíbat gládus.
O quàm tristis & afflícta
Fuit illa benedícta
Mater Unigéniti!
Quæ moerébat, & dolébat,
Et tremébat, cùm vidébat
Nati pœnas íncltyti.
Quis est homo qui non fleret,
Christi matrêm si vidéret
In tanto supplicio?
Quis posset non contristári,
Piam matrem contemplári,
Doléntem cum Fílio?
Pro peccátis suæ gentis,
Vidit Jesum in torméntis,
Et flagéllis súbditum.
Vidit suum dulcem natum
Moriéntem desolátum,
Dum emísit spíritum.
Eja mater, fons amóris,
Me sentíre vim dolóris,
Fac ut tecum lúgeam.
Fac ut árdeat cor meum
In amándo Christum Deum,
Ut sibi compláceam.
Sancta mater istud agas,
Crucifixi fige plagas
Cordi meo válidè.
Tui nati vulneráti,
Tam dignáti pro me pati,
Pœnas mecum dívide.
Fac me verè tecum flere,
Crucifixo condolére,
Donec ego víxero.
Juxta crucem tecum stare,
Te libénter sociáre
In planctu desídero.
Virgo vírginum præclára,
Mihi jam non sis amára,
Fac me tecum plángere.

Fac ut portem Christi mortem,
Passionis fac consortem,
Et plagas recólere.

Fac me plagis vulnerári,
Cruce hac inebriári,
Ob amórem Fílii.

Inflammátus, & accénsus,
Per te, Virgo, sim defénsus
In die iudícii.

Fac me cruce custodíri,
Morte Christi, præmuníri,
Confovéri grátia.

Quando corpus moriétur,
Fac ut animæ donétur
Paradísi glória. Amen.

Sequéntia sancti Evangélíi secúndum
Joánnem. 19. c.

IN illo témpore : Stabant juxta cruce-
cem Jesu mater ejus, & soror matris
ejus María Cléophæ, & María Mag-
daléne. Cùm vidíffet ergo Jesus ma-
trem, & discípulum stantem, quem
diligébat, dicit matri suæ : Múlier,
ecce fílius tuus. Deíndè dicit discí-
pulo : Ecce mater tua. Et ex illa
hora accépit eam discípulus in sua.
Credo.

Offert. Recordáre, Virgo mater Dei,
dum stéteris in conspéctu Dómini, ut
loquáris pro nobis bona, & ut avértas
indignatióem suam à nobis.

Secreta.

Offerimus tibi preces, & hóstias,
Dómine Jesu Christe, humíliter
supplicántes : ut qui transfixiónem
dulcíssimi spíritus beatæ Mariæ matris
tuæ précibus recensémus : suæ, suo-
rúmque sub cruce Sanctórum consór-
tium multiplicáto piíssimo intervéntu ;
méritis mortis tuæ, méritum cum Beá-
tis habeámus. Qui vivis.

Præfatio. Et te in Transfixióne. fol.
212.

Commun. Felices sensus beatæ Mariæ
Vírginis, qui sine morte meruerunt
Martyrii palmam sub cruce Dómini.

Postcommunio.

Sacrificia, quæ sumpsimus, Dómine
Jesu Christe, transfixiónem ma-
tris tuæ & vírginis, devótè celebrán-
tes, nobis ímpetrent apud cleméntiam
tuam omnis boni salutáris efféctum.
Qui vivis.

F E S T A A P R I L I S.

DIE II. APRILIS.

**IN FESTO S. FRANCISCI de Paula
Confessoris.**

Introitus. Ps. 91.

Justus ut palma florébit : sicut ce-
drus Líbani multiplicábitur : plan-
tátus in domo Dómini, in átriis domûs
Dei nostri. Ps. ib. Bonum est confité-
ri Dómino : & psállere nómini tuo,
Altíssime. V. Glória Patri.

Orémus. *Oratio.*

DEus, humílium celsitúdo, qui
beátum Francíscum Confessórem,
Sanctórum tuórum glóriâ sublimásti :
tribue, quæsumus, ut ejus méritis &
imitatióne, promíssa humílibus præ-
mia feliciter consequámur. Per Dñm.

*Si venerit in Quadragesima, fit com-
memoratio feriæ.*

Lectio Epístolæ beáti Pauli Apóstoli
ad Philippénfes. 3. b.

FRatres, Quæ mihi fuérunt lucra,
hæc arbitrátus sum propter Chris-
tum detriménta. Verúmtamen exís-
timo ómnia detriméntum esse propter

eminentem scientiam Jesu Christi Domini mei: propter quem omnia detrimentum feci, & arbitror ut stercora, ut Christum lucrificiam: & inveniar in illo, non habens meam justitiam, quæ ex lege est, sed illam, quæ ex fide est, Christi Jesu: quæ ex Deo est justitia in fide, ad cognoscendum illum, & virtutem resurrectionis ejus, & societatem passionum illius: configuratus morti ejus: si quo modo occurrerem ad resurrectionem, quæ est ex mortuis: non quod jam acciperim, aut jam perfectus sim: sequor autem, si quomodo comprehendam in quo & comprehensus sum à Christo Jesu.

Grad. Ps. 36. Os justi meditabitur sapientiam, & lingua ejus loquetur judicium. *V.* Lex Dei ejus in corde ipsius: & non supplantabuntur gressus ejus.

Tract. Ps. 111. Beatus vir, qui timet Dominum: in mandatis ejus cupit nimis. *V.* Potens in terra erit semen ejus: generatio rectorum benedicetur. *V.* Gloria & divitiæ in domo ejus, & justitia ejus manet in sæculum sæculi.

Tempore Pasch. omittis Graduali & Tractu, dicitur, Allelúia, allelúia.

V. Ps. 111. Beatus vir, qui timet Dominum: in mandatis ejus cupit nimis. *Allel. V. Osee 14.* Justus germinabit sicut lílium: & florébit in æternum ante Dominum. *Allelúia.*

Sequentia sancti Evangelii secundum Lucam. 12. b.

In illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Vendite quæ possidétis, &

date eleëmósynam. Facite vobis sacculos qui non veteráscunt, thesaurum non deficientem in coelis: quo fur non appropriat, neque tinea corrumpit. Ubi enim thesaurus vester est, ibi & cor vestrum erit.

Offert. Ps. 20. In virtute tua, Domine, lætábitur justus, & super salutare tuum exultábit vehementer: desiderium animæ ejus tribuísti ei.

Secreta.

Hæc dona devotæ plebis, Domine, quibus tua cumulámus altária, beati Francisci méritis, tibi grata, nobisque salutária, te miserante, redántur. *Per Dñm.*

Commun. Matt. 19. Amen dico vobis: quod vos qui reliquistis omnia, & secuti estis me, centuplum accipiétis, & vitam æternam possidebitis.

Postcommunio.

Sumpta, Domine, sacramenta cœlestia, beato Francisco Confessore tuo intercedente, precámur: ut & temporális vitæ subsidia nobis cónferant, & æternæ. *Per Dñm.*

DIE IV. APRILIS.

IN FESTO S. ISIDORI Episcopi, Confessoris & Ecclesiæ Doctoris.

Missa, In medio Ecclesiæ. de Comuni Doctorum, folio xxj. & dicitur Credo.

DIE V. APRILIS.

IN FESTO S. VINCENTII Ferrerii Confessoris.

Missa, Os justi meditabitur. de Comuni Confessoris non Pontificis, fol. xxiiij. præter Orationem sequentem.

E e e

Oratio.

DEus, qui Ecclesiā tuam beāti Vincēntii Confessoris tui mēritis, & prādicatiōne illustrāre dignātus es : concēde nobis sāmulis tuis, ut & ipsius instruāmur exēmplis, & ab omnibus, ejus patrocīnio, liberēmur advērſis. Per Dñm.

DIE XI. APRILIS.

IN FESTO S. LEONIS Papæ, Confessoris & Ecclesiæ Doctoris.

Introitus. Eccl. 15.

IN medio Ecclesiæ aperuit os ejus : & implevit eum Dñus spīritu sapiētiæ, & intellēctus : stolam glōriæ induit eum. Ps. 91. Bonum est confitēri Dñmo : & psāllere nōmini tuo, Altīssime. V. Glōria Patri.

Orémus.

Oratio.

EXaudi, quæsumus, Dñmine, preces nostras, quas in beāti Leonis Confessoris tui atque Pontificis solemnitāte defērimus, & qui tibi dignē mēruit famulāri, ejus intercedētibz mēritis, ab omnibus nos absolve peccātis. Per Dñm.

Lectio libri Sapiētiæ. Eccl. 39.

Justus cor suum tradet ad vigilāndum dilūculo ad Dñm, qui fecit illum, & in conspēctu Altīssimi deprecābitur. Apēriet os suum in oratiōe, & pro delictis suis deprecābitur. Si enim Dñus magnus volūerit, spīritu intelligētiæ replēbit illum : & ipse tamquam imbres mittet elōquia sapiētiæ suæ, & in oratiōe confitēbitur Dñmo : & ipse dīriget consiliū ejus, & disciplīnam, & in absconditis suis consiliābitur. Ipse palām faciē disciplīnam doctrīnæ suæ, & in

lege testamēti Dñmini gloriābitur. Collaudābunt multi sapiētiā ejus, & usque in sæculum non delēbitur. Non recēdet memōria ejus, & nomen ejus requirētur à generatiōe in generatiōem. Sapiētiā ejus enarrābunt gentes, & laudem ejus enuntiābit Ecclesiā.

Grad. Ps. 36. Os justī meditābitur sapiētiā, & lingua ejus loquētur judicium. V. Lex Dei ejus in corde ipsius : & non supplantabūntur gressus ejus. Allelūia, allel. V. Eccl. 45. Amāvit eum Dñmus, & ornāvit eum : stolam glōriæ induit eum. Allelūia.

Post Septuagesimam, omīssis Allelūia, & Versu sequenti, dicitur :

Tract. Ps. 111. Beātus vir, qui timet Dñm : in mandātis ejus cupit nimis. V. Potens in terra erit semen ejus : generatiō rectōrum benedicētur. V. Glōria & divitiæ in domo ejus : & justitia ejus manet in sæculum sæculi.

Tempore Paschali omittitur Graduale, & ejus loco dicitur, Allelūia, allelūia.

V. Eccl. 45. Amāvit eum Dñmus, & ornāvit eum : stolam glōriæ induit eum. Allelūia. V. Osee. 14. Justus germinābit sicut lilium : & florēbit in ætērnū ante Dñm. Allelūia.

Sequētia sancti Evangelii secūndū Matthæum. 16. b.

IN illo tēpore : Venit Jesus in partes Cæsarēæ Philippi, & interrogābat discipulos suos, dicens : Quem dicunt hōmines esse Fīlium hōminis ? At illi dixerunt : Alii Joānnem Baptīstam, alii autem Eliām, alii verō Jeremīam, aut unum ex Prophētis. Dicit illis Jesus : Vos autem quem me esse

dicitis? Respondens Simon Petrus, dixit: Tu es Christus Filius Dei vivi. Respondens autem Jesus, dixit ei: Beatus es Simon Bar-Jona: quia caro & sanguis non revelavit tibi, sed Pater meus, qui in coelis est. Et ego dico tibi, quia tu es Petrus, & super hanc petram aedificabo Ecclesiam meam, & portae inferi non praevalébunt adversus eam. Et tibi dabo claves regni coelorum. Et quodcúmque ligáveris super terram, erit ligátum & in coelis: & quodcúmque sólveris super terram, erit solútum & in coelis. Credo.

Offert. Ps. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

Sancti Leónis Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos, ut per hæc piæ placatiónis officia, & illum beáta retribútió comitétur, & nobis grátiae tuæ dona concíliet. Per Dñm.

Comm. Mat. 24. Beátus servus, quem cum vénerit dóminus, invénerit vigílantem: Amen dico vobis, super ómnia bona sua constituet eum.

Postcommunio.

Deus, fidélium remunerátor animárum: præsta, ut beáti Leónis Confessóris tui atque Pontíficis, cujus venerándam celebrámus festivitátem, precibus indulgéntiam consequámur. Per Dñm.

DIE XIII. APRILIS.

IN FESTO S. HERMENEGILDI
Martyris.

Introitus. Ps. 63.

Protexisti me, Deus, à convéntu malignántium, allelúia: à multitudíne operántium iniquitátem, allelúia, allelúia. *Ps. ib.* Exáudi Deus oratióem meam cum deprecor: à timóre inimíci éripe ánimam meam. *V. Glória Patri.*

Orémus.

Oratio.

Deus, qui beátum Hermenegildum Mártyrem tuum coeléstí regno terrénium postpónere docuísti: da, quæsumus, nobis ejus exémplo cadúca despícere, atque æténa sectári. Per Dñm.

Léctio libri Sapiéntiæ. 5.

Stabant justi in magna constantia, adversus eos qui se angustiaverunt, & qui abstulerunt labores eorum. Videntes turbabuntur timóre horribili, & mirabuntur in subitatióne insperatæ salutis, dicentes intra se, poenitentiam agentes, & præ angustia spíritus gementes: Hi sunt, quos habuimus aliquándo in derisum, & in similitudinem improperii. Nos insensati vitam illórum æstimabamus infániam, & finem illórum sine honóre: ecce quómodo computati sunt inter filios Dei, & inter sanctos fors illórum est.

V. Ps. 88. Allelúia, allelúia. Confitebuntur coeli mirabilia tua, Dómine: etenim veritátem tuam in Ecclesia sanctorum. Allelúia. *V. Ps. 20.* Posuisti, Dómine, super caput ejus coronam de lapide pretioso. Allelúia.

Sequéntia sancti Evangélíi secúndum

Lucam. 14. f.

IN illo témpore: Dixit Jesus turbis:

Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & ánimam suam, non potest meus esse discípulus. Et qui non bájulat crucem suam, & venit post me, non potest meus esse discípulus. Quis enim ex vobis volens turrim ædificáre, non prius sedens cómputat sumptus, qui necessárii sunt, si hábeat ad perficiéndum, ne posteaquam posúerit fundaméntum, & non potúerit perficere, omnes qui vident, incípiant illúdere ei, dicétes: Quia hic homo coepit ædificáre, & non pótuit consummare? Aut quis rex itúrus committere bellum advérsus álium regem, non sedens prius cógitat, si possit cum decem míllibus occurrere ei, qui cum viginti míllibus venit ad se? alióquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ pössidet, non potest meus esse discípulus.

Offert. Ps. 88. Confitebúntur cœli mirabília tua, Dómine, & veritátem tuam in Ecclésia sanctórum, allelúia, allelúia.

Secreta.

MUnéribus nostris, quæsumus, Dómine, precibúisque fuscéptis: & cœléstibus nos munda mystériis, & cleménter exáudi. Per Dñm.

Commun. Ps. 63. Lætábitur justus in Dómino, & sperábit in eo: & laudabúntur omnes recti corde, allelúia, allelúia.

Postcommunio.

DA, quæsumus, Dómine Deus noster: ut sicut tuórum commemoratióne Sanctórum, temporáli gratulámur officio; ita perpétuo lætémur aspéctu. Per. Dñm.

Si autem celebretur tempore Quadrag. Missa, In virtute. ut in Comuni unius Mart. non Pontificis, fol. iv. cum Orationibus & Evangelio supradictis: & fit commemor. Feriæ occurr. & in fine Missæ legitur Evangelium Feriæ.

DIE XIV. APRILIS.

SS. MARTYRUM TIBURTII, VALERIANI & MAXIMI Martyrum.

Si venerit in Quadragesima, fit de eis commem. tantum. Si autem post Pascha, dicitur sequens Missa. Quod & in similibus servatur.

Introitus. Ps. 144.

SAncti tui, Dómine, benedícant te: glóriam regni tui dicent, allelúia, allelúia. *Ps. ib.* Exaltábo te, Deus meus Rex: & benedícam nómini tuo in sæculum & in sæculum sæculi.

V. Glória Patri.

Orémus.

Oratio.

PRæsta, quæsumus, omnipotens Deus: ut qui sanctórum Mártyrum tuórum Tibúrtii, Valeriáni, & Máximi solémnia cólimus, eórum étiam virtútes imitémur. Per Dñm.

Léctio libri Sapiéntiæ. 5.

STabunt justi in magna constántia advérsus eos qui se angustiavérunt, & qui abstulérunt labóres eórum. Vidéntes turbabúntur timóre horribili, & mirabúntur in subitatióne insperatæ salútis, dicétes intra se, poeniténtiam

agētes, & prae angustia spiritus gementes: Hi sunt, quos habuimus aliquādo in derisum, & in similitudinem improperii. Nos insensati victim illorum aestimabamus insaniam, & finem illorum sine honore: ecce quomodo computati sunt inter filios Dei, & inter sanctos fors illorum est.

Allelúia, allelúia. *V.* Sancti tui, Domine, florébunt sicut lílium: & sicut odor bálсами erunt ante te. Allelúia. *V. Ps.* 115. Pretiósá in conspéctu Domini, mors sanctorum ejus. Allel. Sequéntia sancti Evangelii secúndum Joánnem. 15. a.

In illo tēpore: Dixit Jesus discipulis suis: Ego sum vitis vera: & Pater meus agricola est. Omnem pálmitem in me non ferentem fructum, tollet eum: & omnem qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me, & ego in vobis. Sicut palmes non potest ferre fructum à semetípso, nisi mánserit in vite: sic nec vos nisi in me mánseritis. Ego sum vitis, vos pálmities: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, & aréscet, & colligent eum, & in ignem mittent, & ardet. Si mánseritis in me, & verba mea in vobis mánserint: quodcúmque voluéritis, petétis, & fiet vobis.

Offert. Ps. 31. Lætámini in Dómino, & exultáte, iusti, & gloriámini, omnes recti corde, allelúia, allelúia.

Secreta.

Hæc hóstia, quæsumus, Domine, quam sanctorum Mártyrum

tuorum natalitia recensentes offerimus, & vincula nostræ pravitatis absolvat, & tuæ nobis misericordiæ dona concíliet. Per Dñm.

Commun. Ps. 32. Gaudéte, iusti, in Dómino, allelúia: rectos decet colaudatio, allelúia.

Postcommunio.

Sacro múnere satiati, supplices te, Domine, deprecámur: ut quod debitæ servitutis celebrámus officio, salvatiónis tuæ sentiámus augmentum. Per Dñm.

DIE XVII. APRILIS.

S. ANICETI Papæ & Martyris.

Introitus. Ps. 63.

Protexisti me, Deus, à convéntu malignántium, allelúia: à multitudíne operántium iniquitátem, allelúia, allelúia. *Ps. ib.* Exáudi, Deus, oratióneri meam cùm deprecor: à timóre inimíci éripe ánimam meam.

V. Glória Patri.

Orémus.

Oratio.

Deus, qui nos beáti Anicéti Mártyris tui atque Pontíficis ánnuâ solemnitáte lætíficas: concéde propítius, ut cujus natalitia cólimus, de ejúsdem étiam protectiône gaudeámus. Per Dñm.

Léctio libri Sapiéntiæ. 5.

Stabunt iusti in magna constántia advérsus eos qui se angustiavé-
runt, & qui abstulérunt labóres eó-
rum. Vidéntes turbabúntur timóre
horribili, & mirabúntur in subitatióne
insperátæ salútis, dicéntes intra se,
poeniténtiam agéntes, & prae angús-
tia spíritus gementes: Hi sunt, quos
habuimus aliquādo in derisum, &
in similitudinem improperii. Nos in-

fenſati vitam illórum æſtimabámus inſániam, & finem illórum fine honóre: ecce quómodo computáti ſunt inter filios Dei, & inter ſanctos ſors illórum eſt.

Allelúia, allelúia. *Ŷ. Pf. 88.* Conſitebúntur coeli mirabilia tua, Dómine: étenim veritátem tuam in Eccléſia ſanctorum. Allelúia. *Ŷ. Pf. 20.* Poſuíſti, Dómine, ſuper caput ejus corónam de lápide pretioſo. Allelúia. Sequéntia ſancti Evangélíi ſecúndum Joánnem. 16. c.

In illo témpore: Dixit Jeſus diſcípulis ſuis: Amen, amen dico vobis: quia plorábitis, & flébitis vos, mundus autem gaudébit: vos verò contriſtabímini, ſed triſtítia veſtra vertétur in gáudium. Múlier cùm parit, triſtítiam habet, quia venit hora ejus: cùm autem pepérerit púerum, jam non méminit preſſúræ propter gáudium, quia natus eſt homo in mundum. Et vos ígitur nunc quidem triſtítiam habétis; íterùm autem vidébo vos, & gaudébit cor veſtrum: & gáudium veſtrum nemo tollet à vobis.

Offert. Pf. 88. Conſitebúntur coeli mirabilia tua, Dómine: & veritátem tuam in Eccléſia ſanctorum, allelúia, allelúia.

Secreta.

MUnera tibi, Dómine, dicáta ſanctifica: & intercedénte beáto Anicéto Mártire tuo atque Pontífice, per éadem nos placátus inténde. Per.

Commun. Pf. 63. Lætábitur juſtus in Dómino, & ſperábit in eo: & laudabúntur omnes recti corde, allelúia, allelúia.

Postcommunio.

HÆc nos commúnio, Dómine, purget à crimine: & intercedénte beáto Anicéto Mártire tuo atque Pontífice, coeléstis remédii fáciat eſſe conſórtes. Per Dñm.

DIE XXI. APRILIS.

IN FESTO S. ANSELMI Episcopi,
Confessoris & Doctoris.

Missa, In médio Ecclésiæ. ut in Comuni Doctorum. fol. xxi.

Et dicitur Credo.

DIE XXII. APRILIS.

IN FESTO SS. SOTERIS & CAII
Pontificum & Martyrum.

Introitus. Pf. 144.

SAncti tui, Dómine, benedícent te: glóriam regni tui dicent, allelúia allelúia. *Pf. ib.* Exaltábo te, Deus meus Rex: & benedícam nómini tuo in ſæculum, & in ſæculum ſæculi. *Ŷ. Glória Patri.*

Orémus.

Oratio.

BEatorum Mátyrum, paritérque Pontíficum Sotéris & Caii nos, quæſumus, Dómine, feſta tueántur: & eórum comméndet orátio veneránda. Per Dñm.

Léctio libri Apocalypſis beáti Joánnis Apóstoli. 19.

IN diébus illis: Poſt hæc ego Joánes audívi quaſi vocem turbárum multárum in coelo dicéntium: Allelúia: Salus, & glória, & virtus Deo noſtro eſt: quia vera & juſta judícia ſunt ejus, qui judicávit de meretríce magna, quæ corrúpit terram in proſtitutióne ſua, & vindicávit ſan-

guinem fervórum suórum de mánibus ejus. Et iterum dixerunt: Allelúia. Et fumus ejus ascéndit in sæcula sæculórum. Et ceciderunt senióres viginti quatuor, & quatuor animália, & adoraverunt Deum sedentem super thronum, dicentes: Amen: Allelúia. Et vox de throno exívit, dicens: Laudem dicite Deo nostro omnes servi ejus: & qui timétis eum, pusilli & magni. Et audívi quasi vocem turbæ magnæ, & sicut vocem aquárum multárum, & sicut vocem tonitruórum magnórum, dicéntium: Allelúia: quóniam regnávit Dóminus Deus noster omnipotens. Gaudeámus, & exultémus, & demus glóriam ei: quia venerunt núptiæ Agni, & uxor ejus præparávit se. Et datum est illi, ut coopé-riat se byssino splendénti & cándido. Byssinum enim justificationes sunt sanctórum. Et dixit mihi: Scribe: Beáti, qui ad coenam nuptiárum Agni vocáti sunt.

Allelúia, allelúia. *V.* Sancti tui, Dómine, florébunt sicut lílium; & sicut odor bálsami erunt ante te, Allel. *V. Ps. 115.* Pretiósá in conspéctu Dómini, mors sanctórum ejus. Allelúia.

Sequéntia sancti Evangélii secúndum Joánnem. 15.

IN illo témpore: Dixit Jesus discípu-
lis suis: Ego sum vitis, vos pálmis: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, & aréscet, & colligent eum, & in ignem mittent, & ardet. Si

manféri-
tis in me, & verba mea in vo-
bis mánserint: quodcúmque voluéri-
tis, petétis, & fiet vobis. In hoc cla-
rificátus est Pater meus, ut fructum
plúrimum afferátis, & efficiámini mei
discípuli. Sicut diléxit me Pater, &
ego diléxi vos. Manéte in dilectióne
mea. Si præcépta mea servavéritis,
manébitis in dilectióne mea, sicut &
ego Patris mei præcépta servávi, & má-
neo in ejus dilectióne. Hæc locútus
sum vobis, ut gáudium meum in vo-
bis sit, & gáudium vestrum impleátur.

Offert. Ps. 31. Lætámini in Dómino,
& exultáte, justí: & gloriámini, om-
nes recti corde, allelúia, allelúia.

Secreta.

ADesto, Dómine, supplicatióibus
nostris, quas in Sanctórum tuó-
rum commemoratióne deférimus: ut
qui nostræ justítiæ fidúciám non habé-
mus, eórum qui tibi placuérunt, mé-
ritis adjuvémur. Per Dñm.

Commun. Ps. 32. Gaudéte, justí, in
Dómino, allelúia: rectos decet col-
laudátio, allelúia.

Postcommunio.

QUæsumus, Dómine, salutáribus
repléti mystériis: ut quórum so-
lémnia celebrámus, eórum oratióibus
adjuvémur. Per Dóminum nos-
trum Jesum Christum Fílium tuum:
Qui tecum vivit & regnat in unitáte
Spíritûs sancti Deus, per ómnia sæcula
sæculórum.

¶ Si hoc Festum transferatur post
Pentecosten, tunc Missa erit, Intret in
conspéctu tuo. *Oratio.* Beatórum
Mártýrum. *de Comuni plur. Mart.*
extra tempus Paschale, fol. xj.

DIE XXIII. APRILIS.

IN FESTO S. GEORGII Martyris.

Introitus. Ps. 63.

Protexisti me, Deus, à convéntu malignántium, allelúia : à multitudíne operántium iniquitátem, allel. *Ps. ib.* Exáudi, Deus, oratió-nem meam cùm déprecor : à timóre inimíci éripe ánimam meam.

*V. Glória Patri.**Orémus.**Oratio.*

Deus, qui nos beáti Geórgii Mártyris tui méritis & intercessióne lætíficas : concéde propítius ; ut, qui tua per eum beneficia póscimus : dono tuæ grátiae consequámur. Per Dñm. Léc-tio Epístolæ beáti Pauli Apóstoli ad Timótheum. *II. 2. & 3. c.*

Charíssime, Memor esto Dóminum Jesum Christum resurrexísse à mórtuis ex sémíne David, secúndum Evángélium meum, in quo labóro usque ad víncula, quasi malè óperans : sed verbum Dei non est alligátum. Ideò ómnia sustíneo propter eléctos, ut & ipsi salútem consequántur, quæ est in Christo Jesu, cum glória coelésti. Tu autem affecútus es meam doctrínam, institutióem, propósitum, fidem, longanimitátem, dilectiόem, paciéntiam, persecutiόes, passiόes : quália mihi facta sunt Antiochiæ, Iconii, & Lystris, quales persecutiόes sustínui, & ex ómnibus erípuit me Dóminus. Et omnes, qui piè volunt vívere in Christo Jesu, persecutiόem paciéntur.

Allelúia, allelúia. *V. Ps. 88.* Confitebúntur coeli mirabilia tua, Dómine : etenim veritátem tuam in Ecclésia sanctórum. Allelúia. *V. Ps. 20.* Po-

fuísti, Dómine, super caput ejus corónam de lapide pretiósó. Allelúia.

Sequéntia sancti Evángelii secúndum Joánnem. 15.

In illo témpore : Dixit Jesus discipulis suis : Ego sum vitis vera : & Pater meus agricola est. Omnem pálmitem in me non feréntem fructum, tollet eum : & omnem qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me : & ego in vobis. Sicut palmes non potest ferre fructum à semetípso, nisi mánserit in vite : sic nec vos nisi in me manséritis. Ego sum vitis, vos pálmities, qui manet in me, & ego in eo, hic fert fructum multum. quia sine me nihil potéstis fácere. Si quis in me non mánserit, mittétur foras sicut palmes, & aréscet, & cól-ligent eum, & in ignem mittent, & ardet. Si manséritis in me, & verba mea in vobis mánserint : quodcúmque volúeritis, petétis, & fiet vobis.

Offert. Ps. 88. Confitebúntur coeli mirabilia tua, Dómine : & veritátem tuam in Ecclésia sanctórum, allelúia, allelúia.

Secreta.

Munera, Dómine, obláta sanctífica : & intercedénte beáto Geórgio Mártire tuo, nos per hæc à peccatórum nostrórum máculis emúnda. Per.

Commun. Ps. 63. Lætábitur justus in Dómino, & sperábit in eo : & laudabúntur omnes recti corde, allelúia, allelúia.

Postcommunio.

Supplices te rogámus omnipotens Deus : ut, quos tuis réficis sacra-

méntis, intercedente beáto Geórgio Mártire tuo, tibi étiam plácitis móribus dignánte tríbuas deservíre. Per.

¶ *Si hoc Festum transferatur post Dominicam Trinitatis, Missa erit, In Virtute. de Communi unius Mart. non Pontif. fol. iv. cum Orationibus ex Missa, Protexisti. ut supra. Evangelium Si quis venit. fol. ij.*

DIE XXIV. APRILIS.

IN FESTO S. FIDELIS a Sigmaringa Martyris.

Missa, Protexisti. de Communi Martyrum tempore Paschali, fol. vij.

Oratio.

DEus, qui beátum Fidélem Seráphico spíritûs ardóre succénsum, in veræ fidei propagatione Martyrii palma, & gloriósus miraculis, decoráre dignátus es: ejus quæsumus méritis & intercessióne; ita nos per grátiam tuam, in fide & charitáte confirma, ut in servítio tuo fidéles usque ad mortem inveníri mereámur. Per Dñm.

DIE XXV. APRILIS.

IN FESTO S. MARCI Evangelistæ.

Litaniæ majores.

Statio ad Sanctum Petrum.

Ad Processionem dicitur Missa de Rogationibus, fol. 242. sine commem. S. Marci: & si contingat transferri festum sancti Marci, non tamen transfertur Processio: nisi quando prædictum festum occurreret in die Paschatis, tunc enim in Feriam tertiam sequentem transferatur.

Introitus. Ps. 63.

Protexisti me, Deus, a convéntu malignántium, allelúia: a mul-

titúdine operántium iniquitátem, allelúia, allelúia. *Ps. ib. Exáudi, Deus, orationem meam cum deprecor: a timóre inimici éripe ánimam meam.*

V. Glória Patri.

Orémus.

Oratio.

DEus, qui beátum Marcum Evangelístam tuum, Evangélicæ prædicationis grátia sublimásti: tríbe, quæsumus, ejus nos semper & eruditióne proficere, & oratióne deféndi. Per Dñm.

Lectio Ezechiélis Prophætæ. i. c.

Similitúdo vultûs quátuor animálium, fácies hóminis, & fácies leónis, à dextris ipsórum quátuor: fácies autem bovis à sinístris ipsórum quátuor, & fácies áquilæ désuper ipsórum quátuor. Fácies eórum, & pennæ eórum exténtæ désuper, duæ pennæ singulórum jungebántur, & duæ tegébant córpora eórum: & unumquódque eórum coram fácie sua ambulábat: ubi erat ímpetus spíritûs, illuc gradiebántur, nec revertebántur cùm ambulárent. Et similitúdo animálium, aspéctus eórum quasi carbónum ignis ardéntium, & quasi aspéctus lampádarum. Hæc erat visio discúrrens in médio animálium, splendor ignis, & de igne fulgur egrédiens. Et animália ibant & revertebántur, in similitúdinem fúlgoris coruscántis.

Allelúia, allelúia. *V. Ps. 88. Confitebúntur coeli mirabília tua, Dómine: etenim veritátem tuam in Ecclesia sanctorum. Allelúia. V. Ps. 20. Pónuisti, Dómine, super caput ejus coronam de lapide pretiósio. Allelúia.*

P f f

Sequéntia sancti Evangélíi secúndum
Lucam. 10.

IN illo témpore: Designávit Dóminus
& álios septuagínta duos: & misit
illos binos ante fáciem suam in omnem
civitátem & locum quò erat ipse ven-
túrus. Et dicébat illis: Messis qui-
dem multa, operárii autem pauci.
Rogáte ergo dómimum messis, ut mit-
tat operários in messém suam. Ite:
ecce ego mitto vos sicut agnos inter
lupos. Nolíte portáre fácculum, ne-
que peram, neque calceaménta: &
néminem per viam salutavéritis. In
quamcúmque domum intravéritis, pri-
mum dícite: Pax huic dómui: & si
ibi fúerit filius pacis, requiéscet super
illum pax vestra: sin autem, ad vos
revertétur. In eádem autem domo
manéte, edéntes & bibéntes quæ apud
illos sunt: dignus est enim operárius
mercéde sua. Nolíte transíre de do-
mo in domum. Et in quamcúmque
civitátem intravéritis, & suscéperint
vos, manducáte quæ apponúntur vo-
bis: & curáte infirmos, qui in illa
sunt, & dícite illis: Appropinquávit
in vos regnum Dei. Credo.

Offert. Ps. 88. Confitebúntur coeli
mirabília tua, Dómine: & veritátem
tuam in Ecclésia Sanctórum, allelúia,
allelúia.

Secreta.

BEáti Marci Evangélístæ tui solem-
nitáte, tibi múnera deferéntes,
quæsumus, Dómine: ut, sicut illum
prædicatio evangélica fecit gloriósum;
ita nos ejus intercessio, & verbo &
ópere tibi reddat accéptos. Per Dñm.

Præfatio de Apostolis. fol. 212.

Commun. Ps. 63. Lætábitur justus in
Dómino, & sperábit in eo: & lauda-
búntur omnes recti corde, allelúia,
allelúia.

Postcommunio.

TRíbuant nobis, quæsumus, Dómi-
ne, contínuum tua sancta præsi-
dium: quo beáti Marci Evangélístæ
tui précibus, nos ab ómnibus semper
tueántur advérsis. Per Dñm.

DIE XXVI. APRILIS.

IN FESTO SS. CLETI ET MAR-
CELLINI Pontificum & Martyrum.

*Missa, Sancti tui, Dómine. de Com-
muni plurimorum Martyr. tempore Pas-
chali, fol. ix. cum Oratione sequenti.*

Oratio.

BEatórum Mártyrum, paritérque
Pontíficum Cleti, & Marcellíni,
nos, Dómine, foveat pretiósá con-
fessio: & pia júgiter intercessio tueá-
tur. Per Dñm.

¶ *Extra tempus Paschale, Missa erit,
Intret in conspectu. de Communi plu-
rimor. Martyr. extra tempus Paschale,
fol. xj. cum prima Oratione ut supra.*

DIE XXVIII. APRILIS.

S. VITALIS Martyris.

*Missa, Protexísti. de Communi unius
Mart. tempore Pasch. fol. vij. sed
Orationes dicuntur ut infra.*

Oratio.

PRæsta, quæsumus, omnípotens
Deus: ut qui beáti Vitális Már-
tyris tui natalítia cólimus, intercessi-
óne ejus in tui nóminis amóre roboré-
mur. Per Dñm.

Secreta.

MUnéribus nostris, quæsumus, Dómine, precibúsque fuscéptis, & coeléstibus nos munda mystériis, & cleménter exáudi. Per Dñm.

Postcommunio.

DA, quæsumus, Dómine Deus noster: ut sicut tuórum commemoratióne Sanctórum, temporáli gratulamur officio; ita perpétuo lætémur aspéctu. Per Dñm.

DIE XXIX. APRILIS.

IN FESTO S. PETRI Martyris.

Introitus. Ps. 63.

PRotexisti me, Deus, à convéntu malignántium, allelúia: à multitudíne operántium iniquitátem, allelúia, allelúia. Ps. ib. Exáudi, Deus, oratióne meam cùm deprecor: à timóre inimíci éripe ánimam meam.

V. Glória Patri.

Orémus.

Oratio.

PRæsta, quæsumus, omnípotens Deus, ut beáti Petri Mártyris tui fidem cóngruâ devotióne sectémur: qui pro ejúsdem fidei dilatatióne, Martyrii palmam méruit obtinére. Per Dñm.

Léctio Epístolæ beáti Pauli Apóstoli ad Timótheum. II. 2. & 3.

CHaríssime, Memor esto Dóminum Jesum Christum resurrexisse à mórtuis ex sémíne David, secúndum Evangélium meum, in quo labóro usque ad víncula, quasi malè óperans: sed verbum Dei non est alligátum. Ideò ómnia sustíneo propter eléctos, ut & ipsi salútem consequántur, quæ est in Christo Jesu, cum glória coelésti. Tu autem affecútus es meam doctrínam, institutióne, propósitum, fidem,

longanimitátem, dilectiódinem, paciéntiam, persecutiónes, passiónes: quália mihi facta sunt Antiochiæ, Iconii, & Lystris: quales persecutiónes sustínui, & ex ómnibus erípuit me Dóminus. Et omnes, qui piè volunt vívere in Christo Jesu, persecutióne patiéntur.

Allelúia, allelúia. V. Ps. 88. Confitebúntur coeli mirabília tua, Dómine: étenim veritátem tuam in Ecclesiá sanctórum. Allel. V. Ps. 20. Posuísti, Dómine, super caput ejus corónam de lápide pretiósó. Allelúia. Sequéntia sancti Evangélii secúndum Joánnem. 15.

IN illo témpore: Dixit Jesus discipulis suis: Ego sum vitis vera: & Pater meus agrícóla est. Omnem pálmitem in me non feréntem fructum, tollet eum: & omnem qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me, & ego in vobis. Sicut palmes non potest ferre fructum à semetípso, nisi mánserit in vite: sic nec vos nisi in me mánseritis. Ego sum vitis, & vos pálmities: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, & aréscet, & cólligent eum, & in ignem mittent, & ardet. Si mánseritis in me, & verba mea in vobis mánserint: quodcúmque voluéritis, petétis, & fiet vobis.

Offert. Ps. 88. Confitebúntur coeli mirabília tua, Dómine: & veritátem tuam in Ecclesiá sanctórum, allelúia, allelúia.

Secreta.

PReces, quas tibi, Dómine, offerimus, intercedente beáto Petro Mártire tuo clementer inténde: & propugnatores fidei sub tua protectiōe custodi. Per Dñm.

Commun. Ps. 88. Lætábitur iustus in Dómino, & sperábit in eo: & laudabúntur omnes recti corde, allel. allel.

Postcommunio.

Fidèles tuos, Dómine, custódiant sacraménta quæ sumpsimus: & intercedente beáto Petro Mártire tuo, contra omnes adversos tueántur incúrsum. Per Dñm.

¶ *Quando hoc Festum transferendum sit post Pentecosten, tunc dicitur Missa, Lætábitur iustus. de Communi unius Mart. non Pontificis, fol. v. præter Orationes proprias ut supra, & Evangelium, Si quis vult post me venire. fol. iv.*

DIE XXX. APRILIS.

INFESTO S. CATHARINÆ Senensis Virginis.

Missa, Dilexisti iustitiam. de Comuni Virginis, fol. xxx. præter Orationes, quæ dicuntur ut infra.

Oratio.

DA, quæsumus, omnipotens Deus, ut qui beátæ Catharinæ Virginis tuæ natalitia cólimus, & ánnuâ solemnitáte lætémur, & tantæ virtútis proficiámus exémplo. Per Dñm.

Secreta.

Ascéndant ad te, Dómine, quas in beátæ Catharinæ solemnitáte offerimus preces, & hóstia salutáris virgineo fragrans odóre. Per Dñm.

Postcommunio.

ÆTernitátē nobis, Dómine, cónferat, quâ pasti sumus, mensa coeléstis, quæ beátæ Catharinæ Virgini vitam étiam áluit temporálem. Per.

F E S T A M A I I.

DIE I. MAII.

IN FESTO SS. APOSTOLORUM PHILIPPI & JACOBI.

Introitus. II. Esdr. 9.

Clamavérunt ad te, Dómine, in tēpore afflictiónis suæ: & tu de coelo exaudísti eos, allelúia, allelúia.

Ps. 32. Exultáte iusti in Dómino: rectos decet collaudátio.

V. Glória Patri.

Orémus.

Oratio.

DEus, qui nos ánnuâ Apostolorum tuorum Philippi & Jacóbi solemnitáte lætíficas: præsta, quæsumus, ut quorum gaudémus méritis, instruámur exémpis. Per Dñm.

Léctio libri Sapiéntiæ. 5.

Stabunt iusti in magna constántia advérsus eos, qui se angustiavérunt, & qui abstulérunt labóres eórum. Vidéntes turbabúntur timóre horribili, & mirabúntur in subitatiōe insperátæ salútis, dicéntes intra se, poeniténtiam ágéntes, & præ angústia spíritus geméntes: Hi sunt, quos habúimus aliquándo in derisum, & in similitúdinem improperij. Nos insensáti vitam illórum æstimabámus insániam, & finem illórum sine honóre: ecce quómodo computáti sunt inter filios Dei, & inter sanctos fors illórum est.

Allelúia, allelúia. *V. Ps. 88.* Confitebúntur coeli mirabilia tua, Dómine: étenim veritatem tuam in Ecclesia sanctorum. Allelúia. *V. Joan. 14.* Tanto tempore vobiscum sum: & non cognovistis me? Philippe, qui videt me, videt & Patrem meum. Allelúia. Sequéntia sancti Evangelii secundum Joannem. 14.

In illo tempore: Dixit Jesus discipulis suis: Non turbetur cor vestrum. Creditis in Deum, & in me credite. In domo Patris mei mansiones multae sunt. Si quò minùs, dixissem vobis: Quia vado praeparare vobis locum. Et si abiero & praeparavero vobis locum: iterum venio, & accipiam vos ad meipsum, ut ubi sum ego & vos sitis. Et quò ego vado scitis, & viam scitis. Dicit ei Thomas: Dómine, nescimus quò vadis: & quòmodo possumus viam scire? Dicit ei Jesus: Ego sum via, & veritas, & vita. Nemo venit ad Patrem, nisi per me. Si cognovissetis me, & Patrem meum utique cognovissetis: & amodò cognoscetis eum, & vidistis eum. Dicit ei Philippus: Dómine, ostende nobis Patrem, & sufficit nobis. Dicit ei Jesus: Tanto tempore vobiscum sum, & non cognovistis me? Philippe, qui videt me, videt & Patrem. Quòmodo tu dicis: Ostende nobis Patrem? Non creditis quia ego in Patre, & Pater in me est? Verba, quae ego loquor vobis, à me ipso non loquor. Pater autem in me manens, ipse facit opera. Non creditis, quia ego in Patre, & Pater in me est? Aliòquin propter opera ipsa credite. Amen, amen dico vobis: qui credit in me, opera quae ego facio, & ipse faciet, & maiora horum faciet: quia ego ad Pa-

trem vado. Et quodcúmque petieritis Patrem in nómine meo, hoc faciam. Credo.

Offert. Ps. 88. Confitebúntur coeli mirabilia tua, Dómine: & veritatem tuam in Ecclesia sanctorum, allelúia, allelúia.

Secreta.

Munera, Dómine, quae pro Apostolorum tuorum Philippi & Jacobi solemnitate deferimus, propitius suscipe: & mala omnia quae meremur, averte. Per Dñm.

Præfatio de Apostolis, fol. 212.

Commun. Joan. 14. Tanto tempore vobiscum sum, & non cognovistis me? Philippe, qui videt me, videt & Patrem meum, allelúia: non credis quia ego in Patre, & Pater in me est? allelúia, allelúia.

Postcommunio.

Quæsumus, Dómine, salutáribus repleti mystériis, ut quorum solémnia celebrámus, eórum orationibus adjuvémur. Per Dñm.

¶ Si hoc Festum transferendum sit post Pentecosten, dicitur Missa ut supra, præter Epistolam, Graduale & Offertorium; quæ sumuntur ex Missa votiva SS. Apostolorum Petri & Pauli, fol. xliij.

DIE II. MAII.

INFESTO S. ATHANASII Episcopi & Confessoris.

Introitus. Eccl. 15.

In médio Ecclesiæ aperuit os ejus: & implevit eum Dóminus spiritu sapientiæ, & intellectus: stolam gloriæ induit eum. *Ps. 91.* Bonum est confiteri Dómino: & psállere nómini tuo, Altíssime.

V. Glória Patri.

Orémus.

Oratio.

EXáudi, quæsumus, Dómine, preces nostras, quas in beáti Athanási Confessóris tui atque Pontíficis solemnitáte deférimus, & qui tibi dignè méruit famulári, ejus intercedéntibus méritis, ab ómnibus nos absólve peccátis. Per Dñm.

Léctio Epístolæ beáti Pauli Apóstoli ad Corínthios. II. 4. b.

FRatres, Non nosmetípsos prædicá-
mus, sed Jesum Christum Dómi-
num nostrum; nos autem servos ves-
tros per Jesum: quóniam Deus, qui
dixit de ténebris lucem splendescere,
ipse illúxit in córdibus nostris, ad illu-
minatióem sciéntiæ claritátis Dei, in
fácie Christi Jesu. Habémus autem
thesáurum istum in vasis fictílibus: ut
sublímitas sit virtútis Dei, & non ex
nobis. In ómnibus tribulatióem
pátimur, sed non angustíamur: apo-
riámur, sed non destitúimur: perse-
cutiόem pátimur: sed non derelin-
quimur: deícimur, sed non perímus:
semper mortificatiόem Jesu in corpore
nostro circumferéntes, ut & vita
Jesu manifestétur in corpóribus nostris.
Semper enim nos, qui vívimus, in
mortem trádimur propter Jesum: ut
& vita Jesu manifestétur in carne
nostra mortáli. Ergo mors in no-
bis operátur, vitam autem in vobis.
Habéntes autem eúmdem spíritum
fidei, sicut scriptum est: Crédidi,
propter quod locútus sum: & nos cré-
dimus, propter quod & lóquimur:
sciéntes, quóniam qui suscitávit Jesum,
& nos cum Jesu suscitábit, & consti-
tuet vobíscum.

Allelúia, allelúia. *Ps.* 109. Tu
es sacérdos in ætérnum, secúndum

órdinem Melchisedech. Allelúia.

V. Jac. 1. Beátus vir, qui suffert
tentatiόem: quóniam cūm probátus
fúerit, accípiet corónam vitæ. Allelúia.

*Si celebratur post tempus Paschale
loco Allelúia, & Versu, dicitur:*

Grad. Eccl. 44. Ecce sacérdos mag-
nus, qui in diébus suis plácuit Deo.
V. Non est invéntus símilis illi, qui
conserváret legem Excélsi. Allelúia,
allelúia. *V. Ps. 109.* Tu es sacérdos
in ætérnum secúndum órđinem Mel-
chisedech. Allelúia.

Sequéntia sancti Evangélii secúndum
Matthæum. 10. c.

In illo témpore: Dixit Jesus discípu-
lis suis: Cūm persequéntur vos in
civitáte ista, fúgite in áliam. Amen
dico vobis, non consummábitis civi-
tates Israél: donec véniat Fílius hó-
minis. Non est discípulus super
magístrum, nec servus super dó-
minum suum. Súfficit discípulo, ut
sit sicut magíster ejus: & servo, sicut
dóminus ejus. Si patremfámílias
Beélzebub vocavérunt: quantò ma-
gis domésticos ejus? Ne ergo timuéri-
tis eos: Nihil enim est opértum, quod
non revelábitur: & occúltum, quod
non sciétur. Quod dico vobis in té-
nebris, dícite in lúmine, & quod in
in aure audítis, prædicáte super tecta.
Et nolíte timére eos, qui occídunt cor-
pus, ánimam autem non possunt oc-
cidere: sed pótius timéte eum, qui
potest & ánimam & corpus pérdere in
gehénnam. Credo.

Offert. Ps. 88. Invéni David servum
meum, óleo sancto meo unxi eum:
manus enim mea auxiliábitur ei, &
bráchium meum confortábit eum,
allelúia.

Secreta.

Sancti Athanasii Confessoris tui atque Pontificis, quæsumus, Domine, annua sollemnitas pietati tuæ nos reddat acceptos : ut per hæc piæ plationis officia, & illum beata retributio comitetur, & nobis gratiæ tuæ dona conciliet. Per Dñm.

Commun. Matt. 10. Quod dico vobis in tenebris, dicite in lumine, dicit Dominus : & quod in aure auditis, prædicæte super tecta, allelúia.

Postcommunio.

Deus, fidélium remunerátor animarum : præsta, ut beati Athanasii Confessoris tui atque Pontificis, cujus venerándam celebrámus festivitatem, precibus indulgéntiam consequámur. Per Dñm.

DIE III. MAII.

IN FESTO INVENTIONIS SANCTÆ CRUCIS.

Introitus. Gal. 6.

Nos autem gloriári oportet in cruce Domini nostri Jesu Christi, in quo est salus, vita & resurrectio nostra : per quem salvati & liberati sumus, allelúia, allelúia. *Pf. 66.* Deus, misereatur nostrí, & benedícat nobis : illúminet vultum suum super nos, & misereatur nostrí. *V. Glória Patri.*

Orémus.

Oratio.

Deus, qui in præclára salutíferæ Crucis inventioné, passionis tuæ miracula suscitásti : concéde, ut vitális ligni pretio, æternæ vitæ suffrágia consequámur. Qui vivis & regnas.

In Missis privatis pro commemorat. SS. Alexandri, Eventii & Theoduli, Martyrum, ac Juvenalis Episcopi & Confessoris.

Oratio.

Præsta, quæsumus, omnipotens Deus : ut qui sanctorum tuorum Alexandri, Eventii, Theoduli, atque Juvenalis natalitia colimus ; à cunctis malis imminéntibus, eorum intercessionibus liberémur. Per Dñm.

Lectio Epistolæ beati Pauli Apostoli ad Philippenses. 2.

Fratres, Hoc enim sentíte in vobis, quod & in Christo Jesu, qui cum in forma Dei esset, non rapinam arbitrátus est esse se æquálem Deo : sed semetípsum exinanívit, formam servi accípiens, in similitúdinem hóminum factus, & hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod & Deus exaltávit illum : & donávit illi nomen, quod est super omne nomen : ut in nómine Jesu [*Hic genuflectitur*] omne genu flectátur cœléstium, terréstrium, & infernórum : & omnis lingua confiteátur, quia Dominus Jesus Christus in glória est Dei Patris.

Allelúia, allelúia. *V. Ps. 95.* Dicite in Géntibus : quia Dominus regnávit à ligno. Allelúia. *V.* Dulce lignum, dulces clavos, dúlcia ferens póndera : quæ sola fuísti digna sustinére Regem cœlórum, & Dóminum. Allelúia.

Sequéntia sancti Evangelii secúndum Joánnem. 3.

In illo témpore : Erat homo ex Phariseis, Nicodémus nómine, princeps Judæórum. Hic venit ad Jesum nocte, & dixit ei : Rabbi, scimus quia à Deo venísti magíster : nemo enim potest hæc signa fácere, quæ tu facis, nisi fúerit Deus cum eo. Respóndit

Jesus, & dixit ei: Amen, amen dico tibi: nisi quis renatus fuerit denuò, non potest vidére regnum Dei. Dicit ad eum Nicodémus: Quómodo potest homo nasci, cùm sit senex? numquid potest in ventrem matris suæ iteratò introire, & renásci? Respóndit Jesus: Amen, amen dico tibi: nisi quis renatus fuerit ex aqua & Spíritu sancto, non potest introire in regnum Dei. Quod natum est ex carne, caro est, & quod natum est ex spíritu, spíritus est. Non miréris quia dixi tibi: opórtet vos nasci denuò. Spíritus ubi vult spirat: & vocem ejus audis, sed nescis unde véniat, aut quò vadat: sic est omnis, qui natus est ex spíritu. Respóndit Nicodémus, & dixit ei: Quómodo possunt hæc fieri? Respóndit Jesus, & dixit ei: Tu es Magíster in Israél, & hæc ignóras? Amen, amen dico tibi: quia quod scimus loquimur, & quod vídimus testámur, & testimónium nostrum non accípitis. Si terréna dixi vobis, & non créditois: quómodo si díxero vobis coeléstia, créditois? Et nemo ascéndit in cælum, nisi qui descéndit de cælo, Fílius hóminis, qui est in cælo. Et sicut Móyses exaltávit serpéntem in déserto, ita exaltári opórtet Fílium hóminis: ut omnis, qui credit in ipsum, non péreat: sed hábeat vitam ætérrnam.

Credo.

Offert. Ps. 117. Dextera Dómini fecit virtútem, dextera Dómini exaltávit me: non móriar, sed vivam, & narrábo ópera Dómini, allelúia.

Secreta.

Sacrificium, Dómine, quod tibi immolámus, placátus inténde: ut ab

omni nos éruat bellórum nequítia; & per vexillum sanctæ Crucis Fílii tui, ad conteréndas potestátis advérsæ insídias, nos in tuæ protectiónis securitáte constituat. Per eúndem Dñm.

Pro SS. Alexandro, Eventio, &c.

Secreta.

Super has hóstias, quæsumus, Dómine, benedíctio copiósa descéndat: quæ & sanctificatióem nobis cleménter operétur, & de Sanctórum nos solemnitáte lætíficet. Per Dñm.

Præfatio de Cruce. Qui salútem humani géneris, fol. 209.

Communio. Per signum Crucis, de inimícis nostris libera nos Deus noster, allelúia.

Postcommunio.

Repléti alimóniâ coelésti, & spiritali poculo recreáti, quæsumus, omnipotens Deus: ut ab hoste maligno deféndas, quos per lignum sanctæ Crucis Fílii tui, arma justítiæ pro salúte mundi, triumpháre jussisti. Per eúndem Dñm.

Pro SS. Alexandro, Eventio, & Theodulo, Martyribus, ac Juvenale Episcopo & Confessore.

Postcommunio.

Refécti participatióne múnieris sacri, quæsumus, Dómine Deus noster: ut cujus exéquimur cultum, intercedéntibus sanctis tuis Alexándro, Evéntio, Theódulo, & Juvenále, sentiámus efféctum. Per Dñm.

¶ Si hoc Festum Inventionis S. Crucis contigerit transferri post Pentecosten, tunc omnia sumenda erunt ex Festo Exaltationis xiv. Septembris: Orationes verò, Evangelium, & Offertorium erunt ex Missa Inventionis, supra.

DIE IV. MAII.

IN FESTO S. MONICÆ Viduæ.

Introitus. Ps. 118.

COgnóvi, Dómine, quia æquitas
judícia tua, & in veritáte tua
humiliásti me: confige timóre tuo
carnes meas: à mandátis tuis tímui,
allelúia, allelúia.

Ps. ib. Beáti immaculáti in via: qui
ámbulant in lege Dómini.

V. Glória Patri.

Orémus.

Oratio.

DEus, mœréntium consolátor, & in
te sperántium salus, qui beátæ
Mónicæ pias lácrymas in conversióne
filii sui Augustíni misericórditer sus-
cepísti: da nobis utriúsq; intervén-
tu peccáta nostra deploráre, & grátiae
tuæ indulgéntiam inveníre. Per Dñm.

Léctio Epístolæ beáti Pauli Apóstoli
ad Timótheum. I. 5.

CHaríssime, Víduas honóra quæ ve-
rè víduæ sunt. Si qua autem
vídua filios, aut nepótes habet, discat
primùm domum suam régere, & mú-
tuam vicem réddere paréntibus: hoc
enim accéptum est coram Deo. Quæ
autem verè vídua est, & desoláta, spe-
ret in Deum, & instet obsecrationibus
& orationibus nocte ac die. Nam
quæ in delíciis est, vivens mórtua est.
Et hoc præcipe, ut irreprehensíbles
sint. Si quis autem suórum, & máxi-
mè domesticórum curam non habet,
fidem negávit, & est infidéli detérior.
Vídua eligátur non minùs sexagínta
annórum, quæ fúerit uníus viri uxor,
in operíbus bonis testimónium habens,
si filios educávit, si hospítio recépit,

si sanctórum pedes lavit, si tribulatió-
nem patiéntibus subministrávit, si om-
ne opus bonum subsecúta est.

Allelúia, allelúia. *V.* *Ps. 44.* Spécie
tuâ, & pulchritúdine tuâ inténde,
prósperè procéde, & regna. Allelúia.
V. Propter veritátem, & mansuetúdi-
nem, & justítiam: & dedúcet te mi-
rabíliter dextera tua. Allelúia.

Si celebretur post tempus Paschale, loco
Allelúia, & versu, dicitur:

Grad. 44. Diffúsa est grátia in lábiis
tuis, propterea benedíxit te Deus in
æternum. *V.* Propter veritátem, &
mansuetúdinem, & justítiam: & de-
dúcet te mirabíliter dextera tua. Allel.
V. Spécie tua, & pulchritúdine
tua inténde, Prósperè procéde, & regna.
Allelúia.

Sequéntia sancti Evangélíi secúndum
Lucam. 7. b.

IN illo témpore: Ibat Jesus in civitá-
tem, quæ vocátur Naím: & ibant
cum eo discípuli ejus, & turba copiósá.
Cùm autem appropinquáret portæ ci-
vitátis, ecce defúctus efferebátur filius
únicus matris suæ: & hæc vídua erat:
& turba civitátis multa cum illa.
Quam cùm vidíffet Dóminus, mise-
ricórdiâ motus super eam, dixit illi:
Noli flere. Et accéssit, & tétigit ló-
culum (Hi autem qui portábant, ste-
térunt.) Et ait: Adoléscens, tibi dico,
surge. Et resédit qui erat mórtuus,
& cœpit loqui. Et dedit illum matri
suæ. Accépit autem omnes timor: &
magnificábant Deum, dicéntes: Quia
Prophéta magnus furréxit in nobis:
& quia Deus visitávit plebem suam.

Offert. Ps. 44. Diffúsa est grátia in lábiis tuis : propterea benedíxit te Deus in ætérnum, & in sæculum sæculi, allelúia.

Secreta.

ACcépta tibi sit, Dómine, sacrátæ plebis oblátio, pro tuórum honóre Sanctórum : quorum se méritis percepisse de tribulatióne cognóscit auxili-um. Per Dñm.

Commun. Ps. 44. Dilexísti justítiam, & odísti iniquitátem : propterea unxit te Deus, Deus tuus, óleo lætítiæ præ consórtibus tuis, allelúia.

Postcommunio.

Satiásti, Dómine, famíliam tuam munéribus sacris : ejus, quæsumus, semper interventióne nos réfove, cujus solémnia celebrámus. Per Dñm.

D I E V. M A I I.

IN FESTO S. PII V. Papæ & Conf.

Missa, Státuit ei Dóminus. de Comuni Confessoris Pontificis, fol. xvij.

Oratio.

DEus, qui ad conteréndos Ecclésiæ tuæ hostes, & ad divinum cultum reparándum, beátum Pium Pontíficem máximum elígere dignátus es : fac nos ipsíus deféndi præsídiis, & ita tuis inhærére obsequiis, ut ómnium hóstium superátis insídiis, perpétuâ pace lætémur. Per Dñm.

D I E V I. M A I I.

IN FESTO S. JOANNIS ante Portam Latinam.

Introitus. Ps. 63.

PRotexísti me, Deus, à convéntu malignántium, allelúia : à multitudíne operántium iniquitátem, alle-

lúia, allelúia. *Ps. ib.* Exáudi, Deus, oratióem meam cum déprecor : à timóre inimíci éripe ánimam meam.

V. Glória Patri.

Orémus.

Oratio.

DEus, qui cónspicis, quia nos undique mala nostra pertúrbant : præsta, quæsumus, ut beáti Joánnis Apóstoli tui & Evangelístæ intercéssio gloriósa nos prótegat. Per Dñm.

Lectio libri Sapiéntiæ. 5.

STabunt justí in magna constántia, advérsus eos qui se angustíaverunt, & qui abstulérunt labóres eórum. Vidéntes turbabúntur timóre horribili, & mirabúntur in subitatióne insperátæ salútis, dicéntes intra se, poeniténtiam ágéntes, & præ angústia spíritus gementes : Hi sunt, quos habúimus aliquándo in derísu, & in similitúdinem improperii. Nos insensáti vitam illórum æstimabámus infániam, & finem illórum sine honóre : ecce quómodo computáti sunt inter filios Dei, & inter sanctos fors illórum est.

Allelúia, allelúia. *V. Ps. 91.* Justus ut palma florébit, sicut cedrus Líbani multiplicábitur. Allelúia. *V. Osee 14.* Justus germinábit sicut lílium : & florébit in ætérnum ante Dóminum. Allelúia.

Sequéntia sancti Evangélíi secúndum Matthæum. 20. c.

IN illo témpore : Accéssit ad Jesum mater filiórum Zebedæi cum filiis suis, adórans & petens áliquid ab eo. Qui dixit ei : Quid vis ? Ait illi : Dic ut sédeant hi duo filii mei, unus ad dexteram tuam, & unus ad sinístram, in regno tuo. Respóndens autem Jesus, dixit : Nescítis quid petátis. Po-

tēstis bībere cálicem, quem ego bibi-
tūrus sum? Dicunt ei: Póssumus.
Ait illis: Cálicem quidem meum bi-
bētis: sedére autem ad dēxteram
meam vel sinístram, non est meum
dare vobis, sed quibus parátum est à
Patre meo. Credo.

Offert. Ps. 88. Confitebúntur coeli
mirábilia tua, Dómine: & veritátem
tuam in Ecclēsia Sanctórum, allel. allel.

Secreta.

MUnéribus nostris, quæsumus, Dó-
mine, precibúisque fuscéptis, &
coeléstibus nos munda mystériis, &
cleménter exáudi. Per Dñm.

Præfatio de Apostolis, fol. 212.

Commun. Ps. 63. Lætábitur iustus in
Dómino, & sperábit in eo: & lauda-
búntur omnes recti corde, allel. allel.

Postcommunio.

Refécti, Dómine, pane coelésti: ad
vitam, quæsumus, nutriámur
æternam. Per Dñm.

¶ *Si contigerit Festum S. Joannis
transferri post Pentecosten, tunc Missa
sumatur ex alio Festo ejusdem Sancti die
xxvij. Decembris, fol. 23. Orationes vero
& Evangelium ut supra in hoc Festo.*

DIE VII. MAII.

IN FESTO S. STANISLAI Episcopi
& Martyris.

*Missa, Protexísti me, Deus. de Com.
unius Martyris tempore Pasch. fol. vij.
præter Orationes, quæ dicuntur ut infra.*
Oratio.

DEus, pro cuius honóre gloriósus
Póntifex Stanisláus gládiis impi-
órum occúbuit: præsta, quæsumus,
ut omnes qui ejus implórant auxílium,
petitiónis suæ salutárem consequán-
tur efféctum. Per Dñm.

Secreta.

MUnera tibi, Dómine, dicáta sanc-
tífica, & intercedénte beáto
Stanisláo Mártire tuo atque Pontífice,
per éadem nos placátus inténde. Per.
Postcommunio.

HÆc nos commúnio, Dómine, pur-
get à crimine: & intercedénte
beáto Stanisláo Mártire tuo atque
Pontífice, coeléstis remédii fáciat esse
consórtes. Per Dñm.

¶ *Si hoc Festum celebrari contigerit
post Pentecosten, tunc dicitur Missa, Sa-
cerdótes Dei. de Comuni unius Mar-
tyris Pontificis, fol. iij. Orationes verò
suprà positæ.*

¶ *Notandum, quod si Festum Appari-
tionis S. Michaelis, vel aliquod ex Festis
Sequentibus, sive Duplex sive Semiduplex,
inciderit in Feriam Sextam post Octa-
vam Ascensionis, tunc in Missa de Festo
fit Commemoratio de Feria Sexta prædic-
ta, cum Orationibus ex Missa Dominicæ
infra Octavam Ascensionis: idem agatur
etiam si contigerit fieri de aliquo Festo
translato, dummodo non sit primæ vel
secundæ Classis, quia tunc nulla com-
memoratio facienda erit.*

DIE VIII. MAII.

IN APPARITIONE S. MICHAELIS
Archangeli.

Introitus. Ps. 102.

Benedícite Dóminum, omnes An-
geli ejus: poténtes virtúte, qui
fácitis verbum ejus, ad audiéndam vo-
cem sermónum ejus, allelúia, allelúia.

Ps. ib. Benedic, ánima mea, Dómi-
no: & ómnia quæ intra me sunt, nó-
mini sancto ejus. V. Glória Patri.

G g g 2

Orémus.

Oratio.

DEus, qui miro ordine Angelorum ministéria hominúmque dispensas : concède propítius, ut à quibus tibi ministrántibus in coelo semper affistitur, ab his in terra vita nostra muniátur. Per Dñm.

Léctio libri Apocalypsis beáti Joánnis Apóstoli. 1.

IN diébus illis : Significávit Deus quæ opórtet fieri citò, mittens per Angelum suum servo suo Joánni, qui testimónium perhibuit verbo Dei, & testimónium Jesu Christi, quæcúmque vidit. Beátus, qui legit & audit verba prophetiæ hujus : & servat ea, quæ in ea scripta sunt : tempus enim propè est. Joánnes septem Ecclesiis, quæ sunt in Asia. Grátia vobis & pax ab eo, qui est, & qui erat, & qui ventúrus est : & à septem spirítibus, qui in conspéctu throni ejus sunt, & à Jesu Christo, qui est testis fidélis, primogénitus mortuórum, & princeps regum terræ : qui diléxit nos, & lavit nos à peccátis nostris in ságuine suo.

Allelúia, allelúia. *V.* Sancte Míchaël Archángele, defénde nos in prælio : ut non pereámus in treméndo júdicio. Allelúia. *V.* Concússum est mare, & contrémuit terra, ubi Archángelus Míchaël descéndit de coelo. Allelúia.

Sequéntia sancti Evangélii secúndum Matthæum. 18.

IN illo témpore : Accessérunt discipuli ad Jesum, dicéntes : Quis putas, major est in regno coelórum ? Et advocans Jesus párvulum, státuit eum in médio eórum, & dixit : Amen dico vobis, nisi convérsi fuéritis, & effici-

ámini sicut párvuli, non intrábitis in regnum coelórum. Quicúmque ergo humiliáverit se sicut párvulus iste, hic est major in regno coelórum. Et qui fuscéperit unum párvulum talem in nómine meo, me fúscipit. Qui autem scandalizáverit unum de pusíllis istis, qui in me credunt, expedit ei ut suspendátur mola asinária in collo ejus, & demergátur in profúndum maris. Væ mundo à scándalis. Necesse est enim ut véniant scándala : verútmamen væ hómini illi, per quem scándalum venit. Si autem manus tua, vel pes tuus scandalízat te, abscíde eum, & prójice abs te : bonum tibi est ad vitam ingredi débilem, vel claudum, quàm duas manus vel duos pedes habéntem mitti in ignem ætérnum. Et si óculus tuus scandalízat te, érue eum, & prójice abs te : bonum tibi est cum uno óculo in vitam intráre, quàm duos óculos habéntem mitti in gehénnam ignis. Vidéte ne contemnátis unum ex his pusíllis : dico enim vobis, quia Angeli eórum in coelis semper vident faciém Patris mei, qui in coelis est.

Credo.

Offert. Ap. 8. Stetit Angelus juxta aram templi, habens thuríbulum áureum in manu sua, & data sunt ei incénsa multa : & ascéndit fumus arómatum in conspéctu Dei, allelúia.

Secreta.

Hostias tibi, Dómine, laudis offerimus, suppliciter deprecántes : ut easdem Angélico pro nobis interveniénté suffrágio, & placátus accípias, & ad salútem nostram proveníre concédas. Per Dñm.

Commun. Dan. 3. Benedícite, omnes Angeli Dómini, Dóminum : hymnum dícite, & superexaltáte eum in sæcula, allelúia.

Postcommunio.

BEáti Archángeli tui Michaëlis intercessióne suffúlti, súpplíces te, Dómine, deprecámur : ut quod ore proféquimur, contingámus & mente. Per Dñm.

¶ *Quando Festum prædictum transferri contigerit post Pentecosten, tunc Missa sumatur ex Festo Dedicationis ejusdem die xxix. Septembris, infra.*

DIE IX. MAII.

IN FESTO S. GREGORII Nazianzeni, Episcopi & Confessoris.

Introitus. Eccl. 15.

IN médio Ecclésiæ apérui os ejus : & implévit eum Dóminus spíritu sapiéntiæ, & intelléctus : stolam glóriæ induit eum, allelúia, allelúia.

Pf. 91. Bonum est confitéri Dómino : & psállere nómini tuo, Altíssime.

V. Glória Patri.

Orémus.

Oratio.

DEus, qui pópulo tuo æternæ salútis beátum Gregórium místrum tribuísti : præsta, quæsumus, ut, quem doctórem vitæ habúimus in terris, intercessórem habére mereámur in coelis. Per Dñm.

Lectio libri Sapiéntiæ. Eccl. 39.

Justus cor suum tradet ad vigilándum dilúculo ad Dóminum, qui fecit illum, & in conspéctu Altíssimi deprecábitur. Apériet os suum in oratione, & pro delíctis suis deprecábitur. Si enim Dóminus magnus volúerit, spíritu intelligéntiæ replébit illum : &

ipse tamquam imbres mittet elóquia sapiéntiæ suæ, & in oratione confitébitur Dómino : & ipse díriget consílium ejus, & disciplínam, & in absconditis suis consiliábitur. Ipse palàm faciet disciplínam doctrínæ suæ, & in lege testaménti Dómini gloriábitur. Collaudábunt multi sapiéntiam ejus, & usque in sæculum non delébitur. Non recédet memória ejus, & nomen ejus requirétur à generatióne in generatióne. Sapiéntiam ejus enarrábunt gentes, & laudem ejus enuntiábit Ecclésia.

Allelúia, allelúia.

V. Eccl. 45. Amávit eum Dóminus, & ornávit eum : stolam glóriæ induit eum. Allelúia. *V. Osee 14.* Justus germinábit sicut lílium : & florébit in ætérnum ante Dóminum. Allelúia.

Si celebretur post tempus Paschale, loco Allelúia, & V. dicitur :

Grad. Pf. 36. Os justí meditábitur sapiéntiam, & lingua ejus loquétur júdiciu. *V. Lex Dei ejus in corde ipsius : & non supplantabúntur gressus ejus.* Allelúia, allel. *V. Eccl. 45.* Amávit eum Dóminus, & ornávit eum : stolam glóriæ induit eum. Allelúia.

Sequéntia sancti Evangélii secúndum Matthæum. 5. b.

IN illo témpore : Dixit Jesús discípu-
lis suis : Vos estis sal terræ. Quòd si sal evanúerit, in quo salietur ? ad níhilum valet ultrà, nisi ut mittátur foras, & conculcétur ab hóminibus. Vos estis lux mundi. Non potest civitas abscondi supra montem pósita. Neque accéndunt lucérnam, & ponunt eam sub módio, sed super candelá-

brum, ut luceat omnibus qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in coelis est. Nolite putare quoniam veni solvere legem, aut prophetas: non veni solvere, sed adimplere. Amen quippe dico vobis, donec transeat coelum & terra, iota unum, aut unus apex non praeteribit a lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno coelorum: qui autem fecerit & docuerit, hic magnus vocabitur in regno coelorum. Credo.

Offert. Ps. 91. Justus ut palma florebit: sicut cedrus, quae in Libano est, multiplicabitur, alleluia.

Secreta.

Sancti tui Gregorii nobis, Domine, pia non desit oratio: quae & munera nostra conciliet, & tuam nobis indulgentiam semper obtineat. Per Dñm.

Communio. Luc. 12. Fidelis servus, & prudens, quem constituit dominus super familiam suam: ut det illis in tempore tritici mensuram, alleluia.

Postcommunio.

UT nobis, Domine, tua sacrificia dent salutem: beatus Gregorius Confessor tuus, & Doctor egregius, precator accedat. Per Dñm.

DIE X. MAII.

IN FESTO S. ANTONINI Episcopi & Confessoris.

Missae, Statuit. de Communi Confess. Pontificis, fol. xvij. cum prima Oratione propria, & fit commemoratio SS. Martyrum Gordiani & Epimachi, ut infra.

Oratio.

Sancti Antonini, Domine, Confessoris tui atque Pontificis, meritis adjuvemur: ut sicut te in illo mirabilem praedicamus, ita in nos misericordem fuisse gloriemur. Per Dñm.

Pro commem. SS. Gordiani & Epimachi Martyrum.

Oratio.

DA, quaesumus, omnipotens Deus: ut qui beatorum Martyrum tuorum Gordiani & Epimachi solennia colimus; eorum apud te intercessionibus adjuvemur. Per Dñm.

Pro SS. Gordiano & Epimacho.

Secreta.

Hostias tibi, Domine, beatorum Martyrum tuorum Gordiani & Epimachi dicatas meritis, benignus assume: & ad perpetuum nobis tribue provenire subsidium. Per Dñm.

Pro SS. Gordiano & Epimacho.

Postcommunio.

Quaesumus, omnipotens Deus, ut qui coelestia alimenta percipimus, intercedentibus sanctis Martyribus tuis Gordiano & Epimacho, per haec contra omnia adversa muniamur. Per Dñm.

DIE XII. MAII.

IN FESTO SS. NEREI, ACHILLEI, & DOMITILLÆ Virginis, atque PANCRATII, Martyrum.

Introitus. Ps. 32.

ECce oculi Domini super timentes eum, sperantes in misericordia ejus, alleluia: ut eripiat a morte animas eorum: quoniam adiutor & protector noster est, alleluia, alleluia. *Ps. ib.* Exultate iusti in Domino: rectos decet collaudatio. *V.* Gloria Patri.

Orémus.

Oratio.

Semper nos, Dómine, Mártyrum tuórum Nérei, Achílle, Domitíllæ, atque Pancrátii fóveat, quæsumus, beáta solémnitas : & tuo dignos reddat obsequio. Per Dñm.

Lectio libri Sapiéntiæ. 5.

Stabunt iusti in magna constantia adversus eos qui se angustiaverunt, & qui abstulerunt labores eorum. Videntes turbabuntur timore horribili, & mirabuntur in subitatione insperatæ salutis, dicentes intra se, poenitentiam agentes, & præ angustia spiritus gementes : Hi sunt, quos habuimus aliquando in derisum, & in similitudinem improperii. Nos insensati vitam illorum aestimabamus insaniam, & finem illorum sine honore : ecce quomodo computati sunt inter filios Dei, & inter sanctos fors illorum est.

Allelúia, allelúia. *V.* Hæc est vera fraternitas, quæ vicit mundi crimina : Christum secuta est, inclyta tenens regna coeléstia. Allelúia. *V.* Te Mártyrum candidatus laudat exercitus, Dómine. Allelúia.

Sequentia sancti Evangelii secundum Joannem. 4. f.

In illo tempore : Erat quidam regulus, cujus filius infirmabatur Capharnaum. Hic cum audisset quia Jesus adveniret à Judæa in Galilæam, abiit ad eum, & rogabat eum ut descenderet, & sanaret filium ejus ; incipiebat enim mori. Dixit ergo Jesus ad eum : Nisi signa & prodigia videritis, non creditis. Dicit ad eum regulus : Dómine, descende priusquam moriatur filius meus. Dicit ei Jesus : Vade, filius tuus vivit. Credidit homo sermóni, quem dixit ei Jesus, &

ibat. Jam autem eo descendente, servi occurrerunt ei, & nuntiaverunt dicentes, quia filius ejus viveret. Interrogabat ergo horam ab eis, in qua melius habuerit. Et dixerunt ei : Quia heri horâ septimâ reliquit eum febris. Cognovit ergo Pater, quia illa hora erat, in qua dixit ei Jesus : Filius tuus vivit : & credidit ipse, & domus ejus tota.

Offert. Ps. 88. Confitebuntur cœli mirabilia tua, Dómine : & veritatem tuam in Ecclesia sanctorum, allelúia, allelúia.

Secreta.

Sanctorum Mártyrum tuorum, quæsumus, Dómine, Nérei, Achílle, Domitíllæ, atque Pancrátii sit tibi grata confessio : quæ & mûnera nostra commendet, & tuam nobis indulgentiam semper imploret. Per Dñm.

Commun. Ps. 32. Gaudete iusti in Dómino, allelúia : rectos decet collaudatio, allelúia.

Postcommunio.

Quæsumus, Dómine, ut beatorum Mártyrum tuorum Nérei, Achílle, Domitíllæ, atque Pancrátii deprecationibus, sacramenta sancta quæ sumpsimus, ad tuæ nobis proficiant placationis augmentum. Per Dñm.

¶ Si vero hoc Festum celebrètur post Pentecosten, dicitur Missa, Sapiéntiam. ut in Comm. plurim. Martyrum, fol. xij. exceptis Orationibus & Evangelio propriis, ut supra.

DIE XIV. MAII.

S. BONIFACII Martyris.

Missa, Protexisti me Deus. de Comuni unius Mart. temp. Pasch. fol. vij. præter Orationes, quæ dicuntur ut infra.

Oratio.

DA, quæsumus, omnipotens Deus : ut qui beāti Bonifācii Mártyris tui solémnia cólimus, ejus apud te intercessiónibus adjuvémur. Per Dñm.

Secreta.

MUnéribus nostris, quæsumus, Dómine, precibúsq; fuscéptis : & coeléstibus nos munda mystériis, & cleménter exáudi. Per Dñm.

Postcommunio.

Refécti participatióne múnérís sacri, quæsumus, Dómine Deus noster : ut cujus exéquimur cultum, intercedénte beáto Bonifácio Mártyre tuo, sentiámus efféctum. Per Dñm.

DIE XVI. MAII.

IN FESTO S. UBALDI Episcopi & Confessoris.

Missa, Státuit ei Dóminus. de Comuni Conf. Pont. fol. xviiij.

Oratio.

Auxílium tuum nobis, Dómine, quæsumus, placátus impénde, & intercessióne beāti Ubáldi Confessóris tui, atque Pontíficis, contra omnes diabóli nequítias dexteram super nos tuæ propitiatiónis exténde. Per Dñm.

DIE XVIII. MAII.

IN FESTO S. VENANTII Martyris.

Missa, Protexisti. de Comuni Martyrum tempore Paschali, fol. vij. exceptis Orationibus quæ hic habentur.

Oratio.

DEus, qui hanc diem beāti Venántii Mártyris tui triúmpho consecrásti : exáudi preces pópuli tui, & præsta, ut qui ejus mérita venerámur, fidei constántiam imitémur. Per Dñm.

Secreta.

Hanc oblatiónem omnipotens Deus, beāti Venántii mérita tibi redant accéptam ; ut ipsius subsidiis adjúti, glóriæ ejus confórtes efficiámur. Per Dñm.

Postcommunio.

Sumpsimus, Dómine, æternæ vitæ sacraménta, te humíliter deprecántes : ut beáto Venántio Mártyre tuo pro nobis deprecánte, véniam nobis concílient, & grátiam. Per Dñm.

Si autem celebretur extra tempus Paschale, dicitur Missa, In virtúte tua, Dómine. de Comuni unius Mart. non Pontif. fol. iv. Orationes ut supra, & Evangel. Si quis venit ad me. de Comuni unius Mart. Pont. fol. ij.

¶ Si aliquod Festum ex sequentibus venerit tempore Paschali, Missa dicitur ut in Comuni tempore Paschali. Si autem venerit post Octavam Pentecostes, dicitur ut infra assignatur.

DIE XIX. MAII.

IN FESTO S. PETRI COELESTINI Papæ & Confessoris.

Introitus. Eccl. 45.

STátuit ei Dóminus testaméntum pacis, & princípem fecit eum : ut sit illi sacerdotii dignitas in ætérnum.

Pf. 131. Meménto, Dómine, David : & omnis mansuetúdinis ejus.

V. Glória Patri.

Orémus.

Oratio.

DEus, qui beátum Petrum Coelestínium ad summi Pontificátûs ápicem sublimásti, quique illum humili-táti postpónere docuísti : concéde propítius, ut ejus exémplo cuncta mundi despícere, & ad promíssa humílibus

præmia pervenire feliciter mereámur.
Per Dñm.

Pro S. Pudentiana. Oratio.

EXáudi nos, Deus salutáris noster: Ut ficut de beátæ Pudentiánæ Vírginis tuæ festivitáte gaudémus, ita piæ devotiõnis erudiámur afféctu. Per.

Lectio libri Sapiéntiæ. Eccl. 44.

ECce facérdos magnus, qui in diébus suis plácuit Deo, & invéntus est iustus: & in témpore iracúndiæ factus est reconciliátio. Non est invéntus similis illi, qui conservávit legem Excélsi. Ideò jurejurádo fecit illum Dóminus créscere in plebem suam. Benedictiõnem ómnium géntium dedit illi, & testaméntum suum confirmávit super caput ejus. Agnóvit eum in benedictiõnibus suis: conservávit illi misericórdiam suam: & invénit grátiam coram óculis Dómini. Magnificávit eum in conspéctu rēgum: & dedit illi corónam glóriæ. Státuit illi testaméntum ætérnum: & dedit illi sacerdotium magnum: & beatificávit illum in glória. Fungi sacerdotio, & habére laudem in nómine ipsius: & offerre illi incénsfum dignum, in odórem suavitátis.

Grad. Eccl. 44. Ecce facérdos magnus, qui in diébus suis plácuit Deo. *V.* Non est invéntus similis illi, qui conserváret legem Excélsi. Allelúia, allelúia. *V.* *Pf. 109.* Tu es facérdos in ætérnum, secúndum órđinem Melchisedech. Allelúia.

Si celebretur tempore Paschali, omissis Graduali & Versu, dicitur:

Allelúia, allelúia. *V.* Tu es facérdos in ætérnum secúndum órđinem Melchisedech. Allelúia. *V.* Hic est facérdos, quem coronávit Dóminus. Allelúia.

Sequéntia sancti Evangélii secúndum Matthæum. 19.

IN illo témpore: Dixit Petrus ad Jesum: Ecce nos reliquimus ómnia, & secúti sumus te: quid ergo erit nobis? Jesus autem dixit illis: Amen dico vobis, quòd vos, qui secúti estis me, in regeneratiõe cùm séderit Fílius hóminis in sede majestátis suæ, sedébitis & vos, super sedes duódecim, judicántes duódecim tribus Israél. Et omnis qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accipiet, & vitam ætérnam possidébit.

Offert. Ps. 88. Invéni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

Sancti tui, quæsumus, Dómine, nos ubique lætíficent: ut dum eórum mérita recólimus, patrocínia sentiámus. Per Dñm.

Pro S. Pudentiana. Secreta.

ACcépta tibi sit, Dómine, sacrátæ plebis oblátio, pro tuórum hónore Sanctórum: quorum se méritis de tribulatiõe percepisse cognóscit auxiliũ. Per Dñm.

Commun. Luc. 12. Fidélis servus & prudens, quem constituit Dóminus super familiam suam: ut det illis in témpore trítici mensúram.

Postcommunio.

PRæsta, quæsumus, omnipotens Deus: ut de percéptis munéribus grátias exhibéntes, intercedénte beáto Petro Cœlestíno Confessóre tuo atque Pontífice, beneficia potióra sumámus. Per Dñm.

H h h

Pro S. Pudentiana. Postcommunio.

Satiasti, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dñm.

DIE XX. MAII.

IN FESTO S. BERNARDINI Senensis Confessoris.

Introitus. Ps. 36.

OS justi meditabitur sapiéntiam, & lingua ejus loquétur judícium: lex Dei ejus in corde ipsíus.

Ps. ib. Noli æmulári in malignántibus: neque zeláveris faciéntes iniquitatem. *V.* Glória Patri.

Orémus. Oratio.

Domine Jesu, qui beáto Bernardíno Confessóri tuo, exímium sancti nóminis tui amórem tribuísti: ejus, quæsumus, méritis & intercessióne spíritum nobis tuæ dilectiónis benígnus infúnde. Qui vivis in unitáte ejúsdem Spíritus sancti.

Lectio libri Sapiéntiæ. Eccl. 31.

Beátus vir, qui invéntus est sine mácula, & qui post aurum non ábiit, nec sperávit in pecúnia & thesáuris. Quis est hic, & laudábimus eum? fecit enim mirabília in vita sua. Qui probátus est in illo, & perféctus est, erit illi glória æténa: qui pótuit transgredi, & non est transgréssus: facere mala & non fecit: ideo stabilita sunt bona illíus in Dómino, & elëemósynas illíus enarrábit omnis Ecclésia sanctórum.

Grad. Ps. 91. Justus ut palma florébit, sicut cedrus Líbani multiplicábitur in domo Dómini. *V.* Ad annuntiándum manè misericórdiam tuam & veritatem tuam per noctem. Allelúia,

allelúia. *V.* *Jac. 1.* Beátus vir qui suffert tentatióne: quóniam cùm probátus fúerit, accípiet corónam vitæ. Allelúia.

Tempore Paschali omittitur Graduale, & ejus loco dicitur:

Allelúia, allelúia. *V.* *Jac. 1.* Beátus vir qui suffert tentatióne: quóniam cùm probátus fúerit, accípiet corónam vitæ. Allelúia. *V.* *Ecc. 45.* Amávit eum Dóminus, & ornávit eum: stolam glóriæ induit eum. Allelúia.

Sequéntia sancti Evangélíi secúndum Matthæum. 19. d.

In illo témpore: Dixit Petrus ad Jesum: Ecce nos reliquimus ómnia, & secúti sumus te: quid ergo erit nobis? Jesus autem dixit illis: Amen dico vobis, quòd vos qui secúti estis me, in regeneratióne, cùm sèderit Fílius hóminis in sede majestátis suæ, sedébitis & vos super sedes duódecim, judicántes duódecim tribus Israël. Et omnis qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, & vitam æténam possidébit.

Offert. Ps. 88. Véritas mea, & misericórdia mea cum ipso: & in nómine meo exaltábitur cornu ejus.

Secreta.

LAudis tibi, Dómine, hóstias immolámus, in tuórum commemoratióne Sanctórum: quibus nos præsentibus éxui malis confidimus, & futúris. Per Dñm.

Commun. Mat. 24. Beátus servus, quem, cùm vénerit dóminus, invenerit vigilánte: amen dico vobis, super ómnia bona sua constituet eum.

Postcommunio.

Refecti cibo potuque coelesti, Deus noster, te supplices exoramus: ut in cuius hanc commemoratione percipimus, ejus muniamur & precibus. Per

DIE XXV. MAII.

IN FESTO S. GREGORII Septimi
Papae & Confessoris.

Introitus. Eccl. 45.

Statu it ei Dominus testamentum pacis, & principem fecit eum: ut sit illi sacerdotii dignitas in aeternum.

Ps. 131. Meménto, Dómine, David: & omnis mansuetudinis ejus.

V. Glória Patri.

Orémus.

Oratio.

Deus in te sperantium fortitudo, qui beatum Gregorium Confessorem tuum atque Pontificem, pro tuenda Ecclesiae libertate, virtute constantiae roborasti: da nobis ejus exemplo & intercessione, omnia adversantia fortiter superare. Per Dñm.

Pro Commemoratione S. Urbani. Oratio.

DA, quaesumus, omnipotens Deus: ut qui beati Urbani Martyris tui atque Pontificis solémnia colimus; ejus apud te intercessionibus adjuvemur. Per Dñm.

Lectio libri Sapientiae. Eccl. 44. & 45.

Ecce sacerdos magnus, qui in diebus suis placuit Deo, & inventus est justus: & in tempore iracundiae factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium gentium dedit illi, & testamentum suum confirmavit super caput ejus. Agnovit eum

in benedictionibus suis, conservavit illi misericordiam suam: & invenit gratiam coram oculis Domini. Magnificavit eum in conspectu regum: & dedit illi coronam gloriae. Statuit illi testamentum aeternum, & dedit illi sacerdotium magnum: & beatificavit illum in gloria. Fungi sacerdotio, & habere laudem in nomine ipsius: & offerre illi incensum dignum, in odorem suavitatis.

Grad. Eccl. 44. Ecce sacerdos magnus qui in diebus suis placuit Deo. *V.* Non est inventus similis illi, qui conservaret legem Excelsi. Allelúia, allelúia. *V. Ps. 109.* Tu es sacerdos in aeternum secundum ordinem Melchisedech. Allelúia.

Tempore Paschali omittitur Graduale, & ejus loco dicitur:

Allelúia, allelúia. *V. Ps. 109.* Tu es sacerdos in aeternum secundum ordinem Melchisedech. Allel. *V.* Hic est sacerdos, quem coronavit Dominus. Allelúia.

Sequentia sancti Evangelii secundum Matthaeum. 24.

In illo tempore: Dixit Jesus discipulis suis: Vigilate, quia nescitis quâ horâ Dominus vester venturus sit. Illud autem scitote, quoniam si sciret paterfamilias quâ horâ fur venturus esset, vigilaret utique, & non sineret perfodi domum suam. Ideo & vos estote parati: quia quâ nescitis horâ Filius hominis venturus est. Quis, putas, est fidelis servus, & prudens, quem constituit dominus suus super familiam suam, ut det illis cibum in tempore? Beatus ille servus, quem, cum venerit dominus ejus, invenerit

sic faciētem. Amen dico vobis, quoniam super omnia bona sua constituet eum.

Offert. Ps. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Sancti tui, quæsumus, Domine, nos ubique lætificent: ut dum eorum merita recolimus, patrocinia sentiāmus. Per Dñm.

Pro S. Urbano. Secreta.

Hæc hostia, Domine, quæsumus, hemundet nostra delicta: & ad sacrificium celebrandum, subditorum tibi corpora, mentesque sanctificet. Per Dñm.

Commun. Luc. 12. Fidelis servus, & prudens, quem constituit dominus super familiam suam: ut det illis in tempore tritici mensuram.

Postcommunio.

Præsta, quæsumus, omnipotens Deus: ut de perceptis muneribus gratias exhibentes, intercedente beato Gregorio Confessore tuo atque Pontifice, beneficia potiōra sumāmus. Per Dñm.

Pro S. Urbano. Postcommunio.

Refecti participatione muneris sacri, quæsumus, Domine Deus noster: ut cujus exequimur cultum, intercedente beato Urbano Martyre tuo atque Pontifice, sentiāmus effectum. Per Dñm.

DIE XXVI. MAII.

IN FESTO S. PHILIPPI Nerii
Confessoris.

Introitus. Rom. 5.

Charitas Dei diffusa est in cordibus nostris per inhabitantem spiritum ejus in nobis. *Ps. 102.* Benedic, anima mea, Domino, & omnia, quæ intra me sunt nomini sancto ejus.

V. Gloria Patri.

Orémus.

Oratio.

Deus, qui beatum Philippum Confessorem tuum, Sanctorum tuorum gloriā sublimasti: concede propitius, ut cujus solemnitate lætāmur, ejus virtutum proficiāmus exemplo. Per.

Pro Commemor. S. Eleutherii, Papæ & Martyris.

Oratio.

Infirmiātem nostram respice, omnipotens Deus: & quia pondus propriæ actionis gravat, beati Eleutherii Martyris tui atque Pontificis intercessio gloriōsa nos protegat. Per Dñm.

Lectio libri Sapientiae. 7. b.

Optavi, & datus est mihi sensus: & invocavi, & venit in me spiritus sapientiæ: & præposui illam regnis, & sedibus, & divitias nihil esse duxi in comparatione illius: nec comparavi illi lapidem pretiosum: quoniam omne aurum in comparatione illius; arena est exigua, & tamquam lutum aestimabitur argentum in conspectu illius. Super salutem & speciem dilexi illam, & proposui pro luce habere illam: quoniam inextinguibile est lumen illius. Venerunt autem mihi omnia bona pariter cum illa, & innumerabilis honestas per manus illius, & lætatus sum in omnibus: quoniam

antecedebat me ista sapientia, & ignorabam, quoniam horum omnium mater est. Quam sine fictione didici, & sine invidia communico, & honestatem illius non abscondo. Infinitus enim thesaurus est hominibus: quo qui usi sunt, participes facti sunt amicitiae Dei, propter disciplinae dona commendati.

Grad. Ps. 33. Venite, filii, audite me: timorem Domini docebo vos. *V.* Accedite ad eum, & illuminamini, & facies vestrae non confundentur. Alleluia, alleluia. *V. Jer. 31.* De excelsis misit ignem in ossibus meis, & erudit me. Alleluia.

Tempore Paschali, omissis Graduali, & Versu, dicitur:

Alleluia, alleluia. *V. Jer. 31.* De excelsis misit ignem in ossibus meis, & erudit me. Alleluia. *V. Ps. 38.* Concáluit cor meum intra me: & in meditatione mea exardescet ignis. Allel. Séquentia sancti Evangelii secundum Lucam. 12.

In illo tempore: Dixit Jesus discipulis suis: Sint lumbi vestri praecincti, & lucernae ardentes in manibus vestris: & vos similes hominibus expectantibus dominum suum, quando revertatur a nuptiis: ut cum venerit, & pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod praecinet se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, quâ horâ fur veniret, vigilaret utique,

& non sineret perfodi domum suam. Et vos estote parati: quia quâ horâ non putatis, Filius hominis veniet.

Offert. Ps. 118. Viam mandatorum tuorum cucurri cum dilatasti cor meum.

Secreta.

Sacrificiis, praesentibus, quaesumus, Domine, intende placatus: & praesta; ut illo nos igne Spiritus sanctus inflamment, quo beati Philippi cor mirabiliter penetravit. Per Dñm... in unitate ejusdem.

Pro S. Eleutherio.

Secreta.

Hostias tibi, Domine, beati Eleutherii Martyris tui atque Pontificis dicatas meritis, benignus assume: & ad perpetuum nobis tribue provenire subsidium. Per Dñm.

Commun. Ps. 83. Cor meum, & caro mea exultaverunt in Deum vivum.

Postcommunio.

Coeléstibus, Domine, pasti deliciis, quaesumus: ut beati Philippi Confessoris tui meritis, & imitatione semper eadem, per quae veraciter vivimus, appetamus. Per Dñm.

Pro S. Eleutherio.

Postcommunio.

Refecti participatione muneris sacri, quaesumus, Domine Deus noster: ut cujus exequimur cultum, intercedente beato Eleuthério Martyre tuo atque Pontifice, sentiamus effectum. Per Dñm.

DIE XXVII. MAII.

IN FESTO S. MARIE MAGDALENAE de Pazzis Virginis.

Missa, Dilexisti iustitiam. de Comuni Virginum, fol. xxx. praeter primam Orationem sequentem.

Oratio.

DEus virginitatis amátor, qui beátam Mariám Magdalénam Virginem tuo amore succénsam. coeléstibus donis decorásti: da, ut quam festíva celebritáte venerámur, puritáte & charitáte imitémur. Per Dñm.

Et fit commemoratio S. Joannis Papæ & Martyris.

Oratio.

DEus, qui nos beáti Joánnis Mártiris tui atque Pontíficis ánnuâ solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dñm.

Pro S. Joanne. Secreta.

MUnera tibi, Dómine, dicáta sanctífica: & intercedénte beáto Joánnē Mártire tuo atque Pontífice, per éadem nos placátus inténde. Per Dñm.

Pro S. Joanne. Postcommunio.

HÆc nos commúnio, Dómine, purget à crimine: & intercedénte beáto Joánnē Mártire tuo atque Pontífice, coeléstis remédii fáciat esse confortes. Per Dñm.

DIE XXX. MAII.

S. FELICIS Papæ & Martyris.

Missa, Státuit ei Dóminus. ut in Communi unius Martyris Pontificis, fol. ij.

DIE XXXI. MAII.

S. PETRONILLÆ Virginis.

Missa, Vultum tuum. de Communi Virginis non Martyris, fol. xxxj.

F E S T A J U N I I.

DIE II. JUNII.

SS. MARTYRUM MARCELLINI, PETRI atque ERASMI.

Introitus. Ps. 33.

CLamavérunt justí, & Dóminus exaudivit eos; & ex ómnibus tribulatióibus eórum liberávit eos.

Ps. ib. Benedícam Dóminum in omni témpore: semper laus ejus in ore meo.

V. Glória Patri.

Orémus.

Oratio.

DEus, qui nos ánnuâ beatórum Mártirum tuórum Marcellíni, Petri, atque Erásmi solemnitáte lætíficas: præsta, quæsumus, ut quorum gaudémus méritis, accendámur exémplic. Per Dñm.

Léctio Epístolæ beáti Pauli Apóstoli ad Romános. 8. d.

FRatres, Non sunt condígnæ passiónes hujus témporis ad futúram glóriam, quæ revelábitur in nobis. Nam expectátio creatúre, revelatió-nem filiórum Dei expéctat. Vanitati enim creatúra subjécta est non volens, sed propter eum, qui subjécit eam in spe: quia & ipsa creatúra liberábitur à servitúte corruptiόνis, in libertátem glóriæ filiórum Dei. Scimus enim quòd omnis creatúra ingemíscit, & párturit usque adhuc. Non solum autem illa, sed & nos ipsi primitias spíritûs habéntes: & ipsi intra nos

gémimus, adoptionem filiorum Dei expectantes redemptionem corporis nostri.

Grad. Ps. 33. Clamaverunt iusti, & Dominus exaudivit eos: & ex omnibus tribulationibus eorum liberavit eos. *V.* Juxta est Dominus his, qui tribulato sunt corde: & humiles spiritu salvabit. Allelúia, allel. *V. Joan. 15.* Ego vos elegi de mundo: ut eatis, & fructum afferatis, & fructus vester maneat. Allelúia.

Sequéntia sancti Evangelii secundum Lucam. 21. c.

IN illo tempore: Dixit Jesus discipulis suis: Cum audieritis praelia & seditiones, nolite terreri: oportet primum haec fieri, sed nondum statim finis. Tunc dicebat illis: Surget gens contra gentem, & regnum adversus regnum. Et terramotus magni erunt per loca, & pestilentiae, & fames, terroresque de caelo, & signa magna erunt. Sed ante haec omnia injicient vobis manus suas, & persequentur, tradentes in synagogas & custodias, trahentes ad reges & praesides propter nomen meum; continget autem vobis in testimonium. Ponite ergo in cordibus vestris, non praemeditari quemadmodum respondeatis. Ego enim dabo vobis os & sapientiam, cui non poterunt resistere, & contradicere omnes adversarii vestri. Tradimini autem a parentibus, & fratribus, & cognatis, & amicis, & morte afficient ex vobis: & eritis odio omnibus propter nomen meum: & capillus de capite vestro non peribit. In patientia vestra possidebitis animas vestras.

Offert. Ps. 31. Laetamini in Domino, & exultate iusti: & gloriamini omnes recti corde.

Secreta.

HAEC hostia, quaesumus, Domine, quam sanctorum Martyrum tuorum natalitia recensentes offerimus, & vincula nostrae pravitatis absolvat, & tuae nobis misericordiae dona conciliet. Per Dñm.

Communio. Sap. 3. Justorum animae in manu Dei sunt, & non tanget illos tormentum malitiae: visi sunt oculis insipientium mori: illi autem sunt in pace.

Postcommunio.

Sacro munere satiati, supplices te, Domine, deprecamur: ut quod debitae fervitutis celebramus officio, salvationis tuae sentiamus augmentum. Per Dominum nostrum Jesum Christum Filium tuum.

DIE VI. JUNII.

IN FESTO S. NORBERTI Episcopi & Confessoris.

Missae, Statuit ei Dominus. de Comuni Confessoris Pontificis, fol. xviii.

Oratio.

DEUS, qui beatum Norbertum Confessorem tuum, atque Pontificem, verbi tui praedicationem eximium effecisti, & per eum Ecclesiam tuam novâ prole fecundasti: praesta, quaesumus, ut ejusdem suffragantibus meritis, quod ore simul & opere docuit, te adjuvante exercere valeamus. Per Dñm.

DIE IX. JUNII.

SS. PRIMI & FELICIANI Martyrum.

Introitus. Eccl. 44.

Sapientiam sanctorum narrent populi, & laudes eorum nuntiet Ecclesia: nomina autem eorum vivent in seculum seculi. *Ps. 32.* Exultate iusti in Domino: rectos decet collaudatio.

*V. Gloria Patri.**Orémus.**Oratio.*

Fac nos, quaesumus, Domine, sanctorum Martyrum tuorum, Primi & Feliciani semper festa sectari: quorum suffragiis, protectionis tuae dona sentiamus. Per Dñm.

Lectio libri Sapientiae. 5. c.

Iusti autem in perpetuum vivent, & apud Dominum est merces eorum, & cogitatio illorum apud Altissimum. Ideo accipient regnum decoris, & diadema speciei de manu Domini: quoniam dextera sua teget eos, & brachio sancto suo defendet illos. Accipiet armaturam zelus illius, & armabit creaturam ad ultionem inimicorum. Induet pro thorace iustitiam, & accipiet pro galea iudicium certum. Sumet scutum inexpugnabile aequitatem.

Grad. Ps. 88. Confitebuntur coeli mirabilia tua, Domine: etenim veritatem tuam in Ecclesia sanctorum.

V. Misericordias tuas, Domine, in aeternum cantabo, in generatione, & progénie. Allelúia, allelúia. V. Hæc est vera fraternitas, quæ vicit mundi crimina: Christum secuta est, inclyta tenens regna coelestia. Allelúia.

Sequentia sancti Evangelii secundum Matthæum. 11. d.

In illo tempore respondens Jesus, dixit: Confiteor tibi, Pater, Domine coeli & terræ, quia abscondisti hæc a sapientibus, & prudentibus, & revelasti ea parvulis. Ita Pater: quoniam sic fuit placitum ante te. Omnia mihi tradita sunt à Patre meo. Et nemo novit Filium, nisi Pater: neque Patrem quis novit, nisi Filius, & cui voluerit Filius revelare. Venite ad me omnes, qui laboratis, & onerati estis, & ego reficiam vos. Tollite iugum meum super vos, & discite à me, quia mitis sum, & humilis corde: & invenietis requiem animabus vestris. Iugum enim meum suave est, & onus meum leve.

Offert. Ps. 67. Mirabilis Deus in sanctis suis: Deus Israël ipse dabit virtutem & fortitudinem plebi suæ: benedictus Deus, allelúia.

Secreta.

Flat tibi, quaesumus, Domine, hostia sacranda placabilis, pretiosi celebritate Martyrii: quæ & peccata nostra purificet, & tuorum tibi vota conciliet famulorum. Per Dñm.

Commun. Joan. 15. Ego vos elegi de mundo, ut eatis & fructum afferatis, & fructus vester maneat.

Postcommunio.

Quaesumus, omnipotens Deus: ut sanctorum Martyrum tuorum Primi & Feliciani coelestibus mysteriis celebrata sollemnitas, indulgentiam nobis tuæ propitiationis acquirat. Per Dñm.

DIE X. JUNII.

IN FESTO S. MARGARITÆ
Reginæ Scotiæ.*Missa, Cognóvi. de Comm. nec Vir-
ginis nec Martyris, fol. xxxv.**Oratio.*

DEus, qui beatam Margaritam
Reginam eximiâ in pauperes
charitate mirabilem effecisti: da, ut
ejus intercessione, & exemplo, tua in
cordibus nostris charitas jûgiter auge-
atur. Per Dñm.

DIE XI. JUNII.

IN FESTO S. BARNABÆ Apostoli.

*Si celebretur tempore Paschali dici-
tur Missa, Protexisti. fol. vii. Crati-
ones verò Epistola, & Evangelium, ut
in Missa sequenti, quæ dicitur extra
tempus Paschale.**Introitus. Ps. 138.*

Mihi autem nimis honorati sunt
amici tui, Deus: nimis con-
fortatus est principatus eorum.

Pf. ib. Dómine, probasti me, & cog-
novisti me: tu cognovisti sessionem
meam, & resurrectionem meam.*V. Glória Patri.**Orémus.**Oratio.*

DEus, qui nos beati Barnabæ A-
póstoli tui méritis & intercessió-
ne lætíficas, concède propítius: ut,
qui tua per eum beneficia póscimus,
dono tuæ grátiae consequámur. Per
Dñm.

Lectio Actuum Apostolorum. 11. c.

IN diébus illis: Multus nûmerus
credéntium, Antiochiæ convérsum
est ad Dóminum. Pervénit autem
sermo ad aures Ecclesiæ, quæ erat
Jerosólymis, super istis: & miserunt
Barnabam usque ad Antiochiám.

Qui cûm pervenisset, & vidisset grá-
tiam Dei, gavísus est: & hortabátur
omnes in propósito cordis permanére
in Dómino: quia erat vir bonus,
plenus Spíritu sancto, & fide. Et ap-
pósita est multa turba Dómino. Pro-
fectus est autem Barnabas Tarsum,
ut quæreretur Saulum: quem cûm in-
venisset, perdúxit Antiochiám. Et
annum totum conversati sunt ibi in
Ecclesiá: & docuerunt turbam mul-
tam, ita ut cognominarentur pri-
mum Antiochiæ discipuli, Christiáni.
Erant autem in Ecclesiá, quæ erat
Antiochiæ, Prophætæ & Doctóres in
quibus Barnabas, & Simon qui voca-
bátur Niger, & Lúcius Cyrenénsis,
& Mánahen, qui erat Heródis Te-
trárchæ collacliáneus, & Saulus. Mi-
nistrántibus autem illis Dómino, &
jejunántibus, dixit illis Spíritus sanc-
tus: segregáte mihi Saulum & Bár-
nabam in opus, ad quod assúmpsi
eos. Tunc jejunántes, & orántes,
imponentesque eis manus, dimise-
runt illos.

Grad. Ps. 18. In omnem terram
exiit sonus eorum, & in fines orbis
terræ verba eorum. *V.* Coeli enár-
rant glóriam Dei: & ópera mánuum
ejus annúntiat firmamentum. Alle-
lúia, allelúia. *V. Joan. 15.* Ego vos
elegi de mundo, ut eátis, & fructum
afferátis: & fructus vester máneat.
Allelúia.

*Sequéntia sancti Evangelii secúndum
Matthæum. 10. b.*

IN illo témpore: Dixit Jesus disci-
pulis suis: Ecce ego mitto vos si-
cut oves in médio lupórum. Estóte
ergo prudentes sicut serpéntes, &
simplices sicut colúmbæ. Cavéte au-

tem ab hominibus. Tradent enim vos in conciliis, & in synagogis suis flagellabunt vos: & ad præsides & ad reges ducemini propter me, in testimonium illis, & gentibus. Cum autem tradent vos, nolite cogitare quomodo aut quid loquamini: dabitur enim vobis in illa hora, quid loquamini. Non enim vos estis qui loquimini, sed Spiritus Patris vestri, qui loquitur in vobis. Tradet autem frater fratrem in mortem, & pater filium: & insurgent filii in parentes, & morte eos afficient: & eritis odio omnibus propter nomen meum: qui autem perseveraverit usque in finem, hic salvus erit. Credo.

Offert. Ps. 44. Constitues eos principes super omnem terram: memores erunt nominis tui, Domine, in omni progénie, & generatione.

Secreta.

MUnera, Domine, oblata sanctifica: & intercedente beato Barnaba Apostolo tuo, nos per hæc à peccatorum nostrorum maculis emunda. Per Dñm.

Præfatio de Apostolis, fol. 212.

Commun. Matt. 19. Vos qui secuti estis me, sedebitis super sedes, iudicantes duodecim tribus Israël.

Postcommunio.

Supplices te rogamus, omnipotens Deus, ut, quos tuis réficis sacramentis, intercedente beato Barnaba Apostolo tuo, tibi étiam placitis moribus dignanter tribuas deservire. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia sæcula sæculorum.

DIE XII. JUNII.
IN FESTO S. JOANNIS à S. Facundo, Confessoris.

Missa, Os justi. de Communi Confessoris non Pontificis, fol. xxij. præter Orationem sequentem

Oratio.

DEus, auctor pacis & amator charitatis, qui beatum Joannem Confessorem tuum mirificâ discedentes componendi gratiâ decorasti: ejus méritis, & intercessiône concede; ut in tua charitate firmati, nullis à te tentationibus separémur. Per Dñm.

Et fit commemoratio SS. Basilidis, Cyrini, Naboris & Nazarii Mart.

Oratio.

Sanctorum Martyrum tuorum Basilidis, Cyrini, Naboris, atque Nazarii, quæsumus, Domine, natalitia nobis votiva resplédeant: & quod illis contulit excellentia sempiterna, fructibus nostræ devotiônis accréscat. Per Dñm.

Pro SS. Basilide, &c. Secreta.

Pro sanctorum tuorum Basilidis, Cyrini, Naboris, atque Nazarii sanguine venerando, hostias tibi, Domine, solémniter immolamus, tua mirabilia pertractantes: per quem talis est perfecta victória. Per Dñm.

Pro SS. Basilide, Cyrino, &c.

Postcommunio.

Semper, Domine, sanctorum Martyrum tuorum Basilidis, Cyrini, Naboris, atque Nazarii solémnia celebrantes: præsta, quæsumus, ut eorum patrocínia júgiter sentiámus. Per Dñm.

DIE XIII. JUNII.
IN FESTO S. ANTONII de Pa-
dua, Confessoris.

Introitus. Ps. 36.

OS justī meditābitur sapiētiā,
& lingua ejus loquētur judi-
cium: lex Dei ejus in corde ipsius.
Ps. ib. Noli æmulāri in malignāti-
bus: neque zelāveris faciētes ini-
quitātem.

V. Glória Patri.

Orémus.

Oratio.

ECclēsiā tuā, Deus, beāti An-
tōnii Confessoris tui solēmnitas
votīva lætīficet; ut spiritūālibus sem-
per muniātur auxiliis, & gaudiis per-
frui mereātur ætērnis. Per Dñm.

Lectio Epistolæ beāti Pauli Apóstoli
ad Corīnthios. I. 4.

FRatres, Spectāculum facti sumus
mundo, & Angelis, & homīni-
bus. Nos stulti propter Christum,
vos autem prudētes in Christo: nos
infirmi, vos autem fortes: vos nōbi-
les, nos autem ignōbiles. Usque in
hanc horā & esurimus, & sitimus,
& nudi sumus, & colaphis cædimur,
& instābiles sumus, & laborāmus o-
perāntes mānibus nostris: maledici-
mur, & benedicimus: persecutiōnem
pātimur, & sustinēmus: blasphemā-
mur, & obsecrāmus: tamquam pur-
gamēta hujus mundi facti sumus,
ōmnium peripsēma usque adhuc.
Non ut confūdam vos, hæc scribo,
sed ut filios meos charīssimos mōneo:
in Christo Jesu Dōmino nostro.

Grad. Ps. 91. Justus ut palma flo-
rebit: sicut cedrus Libani multipli-
cabitur in domo Dōmini. *V. Ad*
annuntiāndum manē misericōrdiam
tuā, & veritātem tuā per noctem.

Allelúia, allelúia. *V. Eccl. 45.* A-
māvit eum Dōminus, & ornāvit eum:
stolam glóriæ induit eum. Allelúia.
Sequētia sancti Evangelii secūndum
Lucam. 12. c.

IN illo tēpore: Dixit Jesus disci-
pulis suis: Sint lumbi vestri præ-
cīncti, & lucernæ ardētes in māni-
bus vestris, & vos similes homīnibus
expectāntibus dōminum suum quando
revertātur à nūptiis: ut cūm venerit,
& pulsāverit, confestim apēriant ei.
Beāti servi illi, quos, cūm venerit dō-
minus, invēnerit vigilāntes: amen
dico vobis, quod præcīget se, & fá-
ciet illos discumbere, & trānsiens
ministrābit illis. Et si venerit in se-
cūda vigília, & si in tertia vigília vé-
nerit, & ita invēnerit, beāti sunt
servi illi. Hoc autem scitōte, quō-
niam si sciret paterfamīlias, quā ho-
rā fur venīret, vigilāret utique, &
non sīneret pērfodi domum suā.
Et vos estōte parāti: quia quā horā
non putātis, Fīlius hōminis veniet.

Offert. Ps. 88. Veritas mea, & mi-
sericōrdia mea cum ipso: & in nō-
mine meo exaltābitur cornu ejus.

Secreta.

PRæfens oblātio fiat, Dōmine, pō-
pulo tuo salutāris: pro quo dig-
nātus es Patri tuo te-vivētem hōsti-
am immolāre. Qui cum eodem Deo
Patre & Spīritu sancto vivis & regnas
Deus. Per.

Commun. Matt. 24. Beātus servus,
quem cūm venerit dōminus, invēne-
rit vigilāntem: amen dico vobis, su-
per omnia bona sua constituet eum.

Postcommunio.

DIvīnis, Dōmine, munēribus satiā-
ti, quæsumus, ut beāti Antōnii

Confessoris tui méritis & intercessi-
onē, salutáris sacrificii sentiámus ef-
fectum. Per Dñm.

D I E X I V . J U N I I .

IN FESTO S. BASILII Magni
Episcopi & Confessoris.

Introitus. Eccl. 15.

IN médio Ecclésiæ aperuit os ejus:
& implévit eum Dóminus spíritu
sapientiæ & intelléctus: stolam gló-
riæ induit eum. *Pf. 19.* Bonum
est confitéri Dómino. & psállere
nómini tuo, Altíssime.

Y. Glória Patri.

Orémus

Oratio.

EXáudi, quæsumus, Dómine, pre-
ces nostras, quas in beáti Basilii
Confessoris tui atque Pontíficis so-
lemnitate deférimus: & qui tibi dig-
nè méruit famulári, ejus intercedén-
tibus méritis, ab ómnibus nos absól-
ve peccátis. Per Dñm.

Léctio Epístolæ beáti Pauli Apóstoli
ad Timótheum. II. 4.

Charíssime, Testíficor coram Deo
& Jesu Christo, qui judicatúrus
est vivos & mórtuos, per advéntum
ipsíus, & regnum ejus: prædica ver-
bum, instā oportúnè, importúnè:
árgue, óbsecra, increpa in omni pa-
tientiā, & doctrína. Erit enim tem-
pus, cū sanā doctrínā non sus-
tinébunt, sed ad sua desidéria coacer-
vábunt sibi magístros pruriéntes áu-
ribus: & à veritatē quidem auditum
avértent, ad fábulas autem conver-
téntur. Tu verò vígila; in ómni-
bus labóra, opus fac Evangelístæ,
ministériū tuum imple. Sóbrius
esto. Ego enim jam delíbor, & tem-
pus resolutionis meæ instat. Bonum

certámen certávi, cursum consum-
mávi, fidem servávi. In réliquo re-
pósita est mihi coróna justitiæ, quam
reddet mihi Dóminus in illa die, jus-
tus judex: non solúm autem mihi,
sed & iis, quidílígunt advéntum ejus.

Grad. Ps. 36. Os justí meditá-
bitur sapiéntiam, & lingua ejus lo-
quétur judícium. *Y. Lex Dei ejus*
in corde ipsíus: & non supplanta-
búntur gressus ejus. Allelúia, alle-
lúia. *Y. Ps. 88.* Inveni David servum
meum, óleo sancto meo unxi eum.
Allelúia.

Sequéntia sancti Evangélii secúndum
Lucam. 14.

IN illo témpore: Dixit Jesus tur-
bis: Si quis venit ad me, & non
odit patrem suum, & matrem, &
uxórem, & filios, & fratres, & foró-
res, adhuc autem & ánimam suam,
non potest meus esse discípulus. Et
qui non bájulat crucem suam, &
venit post me, non potest meus esse
discípulus. Quis enim ex vobis vo-
lens turrim ædificáre, non prius se-
dens cóputat sumptus, qui neces-
sárii sunt, si hábeat ad perficiéndum,
ne posteaquam posúerit fundamén-
tum, & non potúerit perficere, om-
nes qui vident, incípiant illúdere ei,
dicéntes: Quia hic homo coepit ædi-
ficáre, & non pótuit consummáre?
Aut quis rex itúrus committere bel-
lum advérsus álium regem, non se-
dens prius cógitat, si possit cum decem
míllibus occúrrere ei, qui cum vi-
gánti míllibus venit ad se? alióquin
adhuc illo longè agente, legatióem
mittens, rogat ea quæ pacis sunt.
Sic ergo omnis ex vobis, qui non re-
núnciat ómnibus quæ pössidet, non

potest meus esse discipulus. Bonum est sal. Si autem sal evanuerit, in quo condietur? neque in terram, neque in sterquilinum utile est: sed foras mittetur. Qui habet aures audiendi, audiat. Credo.

Offert. Ps. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Sancti Basilii Confessoris tui atque Pontificis, quaesumus, Domine, annua sollemnitas pietati tuae nos reddat acceptos: ut per haec pie placationis officia, & illum beata retributio comitetur, & nobis gratiae tuae dona conciliet. Per Dñm.

Commun. Luc. 12. Fidelis servus & prudens, quem constituit dominus super familiam suam: ut det illis in tempore tritici mensuram.

Postcommunio.

Deus, fidelium remunerator animarum, praesta: ut beati Basilii Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dñm.

DIE XV. JUNII.

SS. VITI, MODESTI, atque CRESCENTIAE Martyrum.

Introitus. Ps. 33.

Multae tribulationes justorum, & de his omnibus liberavit eos Dominus: Dominus custodit omnia ossa eorum: unum ex his non conteretur. *Ps. ib.* Benedicam Dominum in omni tempore: semper laus ejus in ore meo. V. Gloria Patri.

Orémus.

Oratio.

DA, Ecclesiae tuae, quaesumus, Domine, sanctis Martyribus tuis

Vito, Modesto, atque Crescentia intercedentibus, superbe non sapere, sed tibi placita humilitate proficere: ut prava despiciens, quaecumque recta sunt, libera exerceat charitate. Per Dñm.

Lectio libri Sapientiae. 3.

Justorum animae in manu Dei sunt, & non tanget illos tormentum mortis. Visi sunt oculis insipientium mori: & aestimata est afflictio exitus illorum: & quod a nobis est iter, exterminium: illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis bene disponentur: quoniam Deus tentavit eos, & invenit illos dignos se. Tamquam aurum in fornace probavit illos, & quasi holocausti hostiam accepit illos, & in tempore erit respectus illorum. Fulgebunt iusti, & tamquam scintillae in arundinato discurrent: Judicabunt nationes, & dominabuntur populis, & regnabit Dominus illorum in perpetuum.

Graduale. Ps. 149. Exultabunt sancti in gloria: laetabuntur in cubilibus suis. V. Cantate Domino canticum novum: laus ejus in Ecclesia sanctorum. Allelúia, allelúia. V. *Ps. 144.* Sancti tui, Domine, benedicent te: gloriam regni tui dicent. Allelúia.

Sequentia sancti Evangelii secundum Lucam. 10. c.

In illo tempore: Dixit Jesus discipulis suis: Qui vos audit, me audit: & qui vos spernit, me spernit. Qui autem me spernit, spernit eum qui misit me. Reversi sunt au-

tem septuaginta duo cum gaudio, dicentes: Domine, etiam daemonia subiciuntur nobis in nomine tuo. Et ait illis: Videbam satanam sicut fulgur de coelo cadentem. Ecce dedi vobis potestatem calcandi supra serpentes, & scorpiones, & super omnem virtutem inimici: & nihil vobis nocabit. Verumtamen in hoc nolite gaudere, quia spiritus vobis subiciuntur: gaudete autem, quod nomina vestra scripta sunt in coelis.

Offert. Ps. 67. Mirabilis Deus in sanctis suis: Deus Israel ipse dabit virtutem & fortitudinem plebi suae: benedictus Deus.

Secreta.

Sicut gloriam divinae potentiae, munera pro Sanctis oblata testantur: sic nobis effectum, Domine, tuae salvationis impendant. Per Dñm.

Comm. Sap. 3. Justorum animae in manu Dei sunt, & non tanget illos tormentum malitiae: visi sunt oculis insipientium mori: illi autem sunt in pace.

Postcommunio.

Repleti, Domine, benedictione solemni, quaesumus: ut per intercessionem sanctorum Martyrum tuorum Viti, Modesti, & Crescentiae, medicina sacramenti, & corporibus nostris profit, & mentibus. Per Dñm.

DIE XVIII. JUNII.

SS. MARCI & MARCELLIANI
Martyrum.

Introitus. Ps. 36.

Salus autem justorum a Domino: & protector eorum est in tempore tribulationis. *Ps. ibid.* Noli aemulari in malignantibus: neque zelaveris facientes iniquitatem.

℣. Gloria Patri.

Orémus.

Oratio.

Præsta, quaesumus, omnipotens Deus: ut qui sanctorum Martyrum tuorum Marci & Marcelliani natalitia colimus; a cunctis malis imminentibus eorum intercessionibus liberemur. Per Dñm.

Lectio Epistolæ beati Pauli Apostoli ad Romanos. 5.

Fratres, Justificati ex fide, pacem habeamus ad Deum per Dominum nostrum Jesum Christum: per quem & habemus accessum per fidem in gratiam istam, in qua stamus, & gloriamur in spe gloriæ filiorum Dei. Non solum autem, sed & gloriamur in tribulationibus: scientes quod tribulatio patientiam operatur: patientia autem probationem: probatio verò spem: spes autem non confundit: quia charitas Dei diffusa est in cordibus nostris per Spiritum sanctum, qui datus est nobis.

Grad. Sap. 3. Justorum animae in manu Dei sunt: & non tanget illos tormentum malitiae. ℣. Visi sunt oculis insipientium mori: illi autem sunt in pace. Allelúia, allelúia. ℣. Hæc est vera fraternitas, quæ numquam potuit violari certamine: qui effuso sanguine secuti sunt Dominum. Allelúia.

Sequentia sancti Evangelii secundum Lucam. II. c.

In illo tempore: Dicebat Jesus Scribis & Phariseis: Vae vobis qui aedificatis monimenta Prophetarum: Patres autem vestri occiderunt illos. Profecto testificamini quod consentitis operibus patrum vestrorum: quoniam ipsi quidem eos occiderunt, vos autem aedificatis

eórum sepúlchra. Propterea & sapientia Dei dixit: Mittam ad illos Prophetas & Apóstolos, & ex illis occident, & persequéntur. Ut inquiratur sanguis ómnium Prophetarum, qui effusus est à constitutióne mundi, à generatióne ista, à sanguine Abel, usque ad sanguinem Zachariæ, qui periit inter altare & ædem. Ita dico vobis, requirétur ab hac generatióne.

Offert. Ps. 123. Anima nostra, sicut passer, erepta est de láqueo venantium: láqueus contritus est, & nos liberati sumus.

Secreta.

MUnera tibi, Dómine, dicata sanctifica: & intercedéntibus sanctis Martyribus tuis Marco & Marcelliano, per eadem nos placatus inténde. Per Dñm.

Commun. Matt. 25. Amen dico vobis: quod uni ex minimis meis fecistis, mihi fecistis: veníte, benedicti Patris mei, possidete paratum vobis regnum ab initio sæculi.

Postcommunio.

Salutáris tui, Dómine, múnere satiati, súpplices exorámus: ut, cujus lætámur gustu, intercedéntibus sanctis Martyribus tuis Marco & Marcelliano, renovémur efféctu. Per Dñm.

DIE XIX. JUNII.

IN FESTO S. JULIANÆ de Falconeriis Virginis.

Missa, Dilexisti justitiam. de Comuni Virginum, fol. xxx. excepta Oratione propria sequenti.

Oratio.

DEus, qui beatam Juliánam Virginem tuam extremo morbo

laborantem pretioso Filii tui corpore mirabiliter recreare dignatus es: concede quæsumus, ut ejus intercedéntibus méritis, nos quoque eodem in mortis agone refecti ac roborati, ad coeléstem pátriam perducámur. Per eundem Dñm.

Et fit commemoratio SS. Gervasii & Protasii Martyrum.

Oratio.

DEus, qui nos annuá sanctórum Mátyrum tuórum Gervásii & Protásii solemnitáte lætíficas: concede propítius; ut quorum gaudémus méritis, accendámur exémpulis. Per Dñm.

Secreta.

Oblátis, quæsumus, Dómine, placare munéribus, & intercedéntibus sanctis Martyribus tuis, à cunctis nos defénde periculis. Per Dñm.

Postcommunio.

Hæc nos commúnio, Dómine, purget à crimine: & intercedéntibus sanctis Martyribus tuis Gervasio & Protasio, coeléstis remédii fáciat esse consórtes. Per Dñm.

DIE XX. JUNII:

S. SILVERII Papæ & Martyris.

Introitus. Eccl. 45.

Státuit ei Dóminus testaméntum pacis, & principem fecit eum: ut sit illi sacerdotii dignitas in ætérnum. *Ps. 131.* Meménto, Dómine, David: & omnis mansuetúdinis ejus.

V. Glória Patri.

Orémus.

Oratio.

Infirmitátem nostram, respice omnipotens Deus: & quia pondus propriæ actiόνis gravat, beáti Silverii Mátyris tui atque Pontíficis intercessio gloriósa nos próteget. Per Dñm.

Lectio Epistolæ beati Judæ Apostoli.

Charissimi, Memores estote verborum, quæ prædicta sunt ab Apostolis Domini nostri Jesu Christi, qui dicebant vobis, quoniam in novissimo tempore venient illusores, secundum desideria sua ambulantes in impietatibus. Hi sunt qui segregant semetipsos, animales, spiritum non habentes. Vos autem charissimi, superædificantes vosmetipsos sanctissimæ vestræ fidei, in Spiritu sancto orantes, vosmetipsos in dilectione Dei servate, expectantes misericordiam Domini nostri Jesu Christi in vitam æternam.

Grad. Ps. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum. *V.* Nihil proficiet inimicus in eo: & filius iniquitatis non nocēbit ei. Allelúia, allelúia. *V. Ps. 109.* Tu es sacerdos in æternum secundum ordinem Melchisedech. Allelúia.

Séquētia sancti Evangelii secundum Lucam. 14. f.

In illo tempore: Dixit Jesus turbis: Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Et qui non bajulat crucem suam, & venit post me, non potest meus esse discipulus. Quis enim ex vobis volens turrim ædificare, non prius sedens computat sumptus, qui necessarii sunt, si habeat ad perficiendum; ne posteaquam posuerit fundamentum, & non potuerit perficere, omnes qui vident, incipiant illudere ei, dicentes: Quia hic homo

coepit ædificare, & non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se? alioquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renuntiat omnibus quæ possidet, non potest meus esse discipulus.

Offert. Ps. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Hostias tibi, Domine, beati Silverii Martyris tui atque Pontificis dicatas meritis, benignus assume: & ad perpetuum nobis tribue provenire subsidium. Per Dñm.

Commun. Ps. 88. Semel juravi in sancto meo: semen ejus in æternum manebit: & sedes ejus sicut sol in conspectu meo, & sicut luna perfecta in æternum, & testis in cælo fidelis.

Postcommunio.

Refecti participatione muneris sacri, quæsumus, Domine Deus noster: ut cujus exequimur cultum, intercedente beato Silverio Martyre tuo atque Pontifice, sentiamus effectum. Per Dñm.

DIE XXII. JUNII.

SANCTI PAULINI Episcopi & Confessoris.

Introitus. Ps. 131.

Sacerdotes tui, Domine, induant justitiam, & sancti tui exultent: propter David servum tuum non avertas faciem Christi tui. *Ps. ib.* Me-

ménto, Dómine, David: & omnis man-
fuetúdinis ejus.

V. Glória Patri.

Orémus.

Oratio.

DA, quæsumus, omnípotens Deus: ut beáti Paulíni Confessóris tui atque Pontíficis veneránda solémnitas & devotíonem nobis áugeat, & salútem. Per Dóminum nostrum Jesum Christum Fílium tuum: Qui tecum vivit & regnat.

Léctio Epístolæ beáti Pauli Apóstoli ad Corínthios. *II. 8. b.*

FRatres, Scitis grátiam Dómini nostri Jesu Christi, quóniam propter vos egénus factus est, cùm esset dives, ut illíus inópia vos dívites efíctis. Et consílium in hoc do: hoc enim vobis útile est, qui non solúm facere, sed & velle coepístis ab anno prióre: nunc verò & facto perficite: ut quemádmódum promptus est ánimus voluntátis, ita sit & perficiéndi ex eo quod habétis. Si enim voluntas prompta est: secúndum id quod habet, accépta est, non secúndum id quod non habet. Non enim ut áliis sit remíssio, vobis autem tribulátio, sed ex æqualitáte. In præsentí tēpore vestra abundántia illórum inópiam súppleat: ut & illórum abundántia vestræ inópiæ sit supplemētum, ut fiat æquálitas, sicut scriptum est. Qui multum, non abundávit: & qui módicum, non minorávit.

Grad. Eccl. 44. Ecce facérdos magnus, qui in diébus suis plácuit Deo. *V.* Non est invéntus símilis illi, qui conserváret legem Excélsi.

Allelúia, allelúia. *V. Ps. 109.* Tu es facérdos in ætérnum, secúndum órđinem Melchísedech. Allelúia.

Sequéntia sancti Evangélíi secúndum Lucam. 12.

IN illo tēpore: Dixit Jesus discípulis suis: Nolíte timére pusíllus grex: quia complácuit Patri vestro dare vobis regnum. Véndite quæ possidétis, & date eleēmósynam. Fácite vobis fácculos, qui non veteráscunt, thesáurum non deficiéntem in coelis: quo fur non apprópiat, neque tinea corrúmpit. Ubi enim thesáurus vester est, ibi & cor vestrum erit.

Offert. Ps. 88. Invéni David fervum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

Sancti tui, quæsumus, Dómine, nos ubíque lætíficent: ut dum eórum mérita recólimus, patrocínia sentiámus. Per Dñm.

Commun. Luc. 12. Fidélis servus & prudens, quem constituit dóminus super famíliam suam: ut det illis in tēpore trítici mensúram.

Postcommunio.

PRæsta, quæsumus, omnípotens Deus: ut de percéptis munéribus grátias exhibéntes, intercedénte beáto Paulíno Confessóre tuo atque Pontífice, beneficia potióra sumámus. Per Dñm.

DIE XXIII. JUNII.
IN VIGILIA SANCTI JOANNIS
Baptistæ.

Introitus. Luc. 1.

NE tímeas, Zacharía, exaudíta est orátio tua, & Elísabeth uxor tua páriet tibi filium, & vocábis nomen ejus Joánnem: & erit magnus coram Dómino: & Spíritu sancto

replébitur adhuc ex útero matris suæ: & multi in nativité ejus gaudébunt.

Pf. 20. Dómine, in virtúte tua lætábitur rex: & super salutáre tuum exultábit veheménter.

V. Glória Patri.

Orémus.

Oratio.

PRæsta, quæsumus, omnipotens Deus: ut familia tua per viam salutis incédât: & beáti Joánnis præcursóris hortaménta sectándo, ad eum quem prædixit, secúra pervéniat, Dóminum nostrum Jesum Christum Fílium tuum.

Secunda Oratio de sancta Maria,
Concéde nos. *Tertia, Ecclésiæ, vel pro Papa,* Deus ómnium. *fol.* 236.

Léctio Jeremiæ Prophætæ. 1.

IN diébus illis: Factum est verbum Dómini ad me, dicens: Priúsqvam te formárem in útero, novi te: & antequam exíres de vulva, sanctificávi te, & Prophétam in géntibus dedi te. Et dixi, A, a, a, Dómine Deus: ecce nescio loqui, quia puer ego sum. Et dixit Dóminus ad me: Noli dicere: Puer sum: quóniam ad ómnia, quæ mittam te, ibis: & univérfa, quæcúmque mandávero tibi, loqueris. Ne tímeas à fácie eórum: quia tecum ego sum ut éruam te, dicit Dóminus. Et misit Dóminus manum suam, & tétigit os meum: & dixit Dóminus ad me: Ecce dedi verba mea in ore tuo: ecce constitui te hódie super Gentes, & super regna, ut evéllas, & déstruas, & dispérdas, & díssipes, & ædífices, & plantes, dicit Dóminus omnipotens.

Grad. Joan. 1. Fuit homo missus à Deo, cui nomen erat Joánnes.

V. Hic venit ut testimónium perhibéret de lúmine, paráre Dómino plebem perféctam.

Inítium sancti Evangélii secúndum Lucam. 1.

FUIT in diébus Heródis regis Judææ sacerdos quidam nómine Zacharías, de vice Abía, & uxor illíus de filiábus Aaron, & nomen ejus Elísabeth. Erant autem justí ambo ante Deum, incedéntes in ómnibus mandátis & justificatióibus Dómini sine queréla, & non erat illis filius, eò quòd esset Elísabeth stérilis, & ambo processsissent in diébus suis. Factum est autem, cùm sacerdotio fungerétur in órdine vicis suæ ante Deum, secúndum consuetúdinem sacerdotii, forte éxiit, ut incénsfum póneret, ingressus in templum Dómini: & omnis multitúdo pópuli erat orans foris horâ incénsi. Appáruit autem illi Angelus Dómini, stans à dextris altáris incénsi. Et Zacharías turbátus est, videns, & timor irruiť super eum. Ait autem ad illum Angelus: ne tímeas Zacharía, quóniam exaudíta est deprecátio tua: & uxor tua Elísabeth páriet tibi fílium, & vocábis nomen ejus Joánnem: & erit gáudium tibi & exultátio, & multi in nativité ejus gaudébunt: erit enim magnus coram Dómino: & vinum & síceram non bibet, & Spíritu sancto replébitur adhuc ex útero matris suæ: & multos filiórum Israél convértet ad Dóminum Deum ipsórum: & ipse præcédet ante illum in spíritu & virtúte Eliæ, ut convértat corda patrum in filios, & incrédulos ad prudéntiam justórum, paráre Dómino plebem perféctam.

Offert. Ps. 8. Glóriâ & honóre coronásti eum, & constituísti eum super ópera mánuum tuárum, Dómine.

Secreta.

MUnera, Dómine, obláta sanctífica: & intercedénte beáto Joánnē Baptísta, nos per hæc à peccatórum nostrórum máculis emúnda. Per Dñm.

Secunda de S. Maria, Tua, Domine. Tertia, Prôtege. vel Oblátis. fol. 236.

Commun. Ps. 20. Magna est glória ejus in salutári tuo: glóriam & magnum decórem impónes super eum, Dómine.

Postcommunio.

BEáti Joánnis Baptístæ nos, Dómine, præclára comitétur orátio: & quem ventúrum esse prædixit, poscat nobis fore placátum, Dóminum nostrum Jesum Christum Fílium tuum: Qui tecum vivit.

Secunda de S. Maria, Sumptis Dómine. Tertia, Quæsumus, Dómine, vel Hæc nos. fol. 237.

D I E X X I V . J U N I I .
I N N A T I V I T A T E S . J O A N N I S
B a p t i s t æ .

Introitus. Isaïæ 49.

DE ventre matris meæ vocávit me Dóminus nómine meo: & pósuit os meum ut gládium acútum: sub teguménto manûs suæ protéxit me, & pósuit me quasi sagíttam eléctam. *Ps. 91.* Bonum est confitéri Dómino: & psállere nómini tuo, Altíssime. *V. Glória Patri.*

Orémus.

Oratio.

DEus, qui præsentem diem honorábilem nobis in beáti Joánnis nativitate fecísti: da pópulis tuis spi-

rituálium grátiam gaudiórum: & ómnium fidélium mentes dírige in viam salutis æternæ. Per Dñm.

Léctio Isaïæ Prophætæ. 49.

AUdíte ínsulæ, atténdite pópuli de longè: Dóminus ab útero vocávit me, de ventre matris meæ recordátus est nóminis mei. Et pósuit os meum quasi gládium acútum: in umbra manûs suæ protéxit me, & pósuit me sicut sagíttam eléctam: in pharetra sua abscondit me. Et dixit mihi: Servus meus es tu Israël, quia in te gloriabor. Et nunc dicit Dóminus, formans me ex útero servum sibi: Ecce dedi te in lucem Géntium, ut sis salus mea usque ad extrémum terræ. Reges vidébunt, & confúrgent príncipes, & adorábunt propter Dóminum & sanctum Israël, qui elégit te.

Grad. Jer. 1. Priúsqvam te formárem in útero, novi te: & ántequam exíres de ventre, sanctificávi te.

V. Misit Dóminus manum suam, & tétigit os meum: & dixit mihi. Allelúia, allelúia. V. Luc. 1. Tu puer, Prophéta Altíssimi vocáberis: præíbis ánte Dóminum paráre vias ejus. Allelúia.

Sequéntia sancti Evangélii secúndum Lucam. 1.

ELísabeth implétum est tempus pariéndi, & péperit filium. Et audiérunt vicíni & cognáti ejus, quia magnificávit Dóminus misericórdiam suam cum illa, & congratulabántur ei. Et factum est in die octávo, vénérunt circumcídere púerum, & vocábant eum nómine patris sui Zachariám. Et respóndens mater ejus, dixit: Nequáquam, sed vocábitur Jo-

annes. Et dixerunt ad illam: Quia nemo est in cognatione tua, qui vocetur hoc nomine: Innuébant autem patri ejus, quem vellet vocari eum. Et postulans pugillarem, scripsit, dicens: Joannes est nomen ejus. Et mirati sunt universi. Apertum est autem illico os ejus, & lingua ejus, & loquebatur, benedicens Deum. Et factus est timor super omnes vicinos eorum: & super omnia montana Judææ divulgabantur omnia verba hæc: & posuerunt omnes qui audierant in corde suo, dicentes: Quis, putas, puer iste erit? Etenim manus Domini erat cum illo. Et Zacharias pater ejus repletus est Spiritu sancto: & prophetavit, dicens: Benedictus Dominus Deus Israël, quia visitavit, & fecit redemptionem plebis suæ.

Non dicitur Credo, nisi in Ecclesia propria: vel nisi venerit in Dominica, aut infra Octavam Corporis Christi: sed in die Octava dicitur, propter Octavam Apostolorum.

Offert. Ps. 91. Justus ut palma florebit: sicut cedrus quæ in Libano est multiplicabitur.

Secreta.

Tua, Domine, muneribus altaria cumulamus: illius nativitatem honore debito celebrantes, qui Salvatorem mundi & cecinit adfuturum, & adesse monstravit, Dominum nostrum Jesum Christum Filium tuum.

Commun. Luc. 1. Tu puer, Propheta Altissimi vocaberis: præbis enim ante faciem Domini parare vias ejus.

Postcommunio.

Sumat Ecclesia tua, Deus, beati Joannis Baptistæ generatione lætiam: per quem suæ regenerationis

cognovit auctorem, Dominum nostrum Jesum Christum Filium tuum: Qui tecum vivit.

¶ Infra Octavam sancti Joannis & in ipsa die Octavæ fit idem Officium quod in die. Sed infra Octavam post Orationem diei dicitur secunda Oratio de S. Maria, Concède nos. tertia, contra persecutores Ecclesiæ, vel pro Papa, fol. 236.

DIE XXVI. JUNII.

IN FESTO SS. JOANNIS & PAULI
Martyrum.

Introitus. Ps. 33.

Multæ tribulationes justorum, & de his omnibus liberavit eos Dominus: Dominus custodit omnia ossa eorum: unum ex his non conteretur. *Ps. ib.* Benedicam Dominum in omni tempore: semper laus ejus in ore meo.

V. Glória Patri.

Orémus.

Oratio.

Quæsumus, omnipotens Deus; ut nos geminata lætitia hodiernæ festivitatis excipiat, quæ de beatorum Joannis & Pauli glorificatione procedit: quos eadem fides & passio verè fecit esse germanos. Per Dñm.

Et fit commemoratio Octavæ S. Joannis. Deus, qui præsentem. *ut supra, fol. 411.*

Lectio libri Sapiëntiæ. Eccl. 44. b.

Hi viri misericordiæ sunt, quorum pietates non defuerunt: cum femine eorum permanent bona, hereditas sancta, nepotes eorum, & in testamentis stetit semen eorum: & filii eorum propter illos usque in ætérnum manent: semen eorum, & glória eorum non derelinquétur. Corpora ip-

rum in pace sepulta sunt, & nomen eorum vivit in generationem & generationem. Sapientiam ipsorum narrent populi, & laudem eorum nuntiet Ecclesia.

Grad. Ps. 132. Ecce quam bonum & quam jucundum habitare fratres in unum. *V.* Sicut unguentum in capite, quod descendit in barbam, barbam Aaron. Allelúia, allelúia. *V.* Hæc est vera fraternitas, quæ vincit mundi crimina: Christum secuta est inclyta tenens regna cœlestia. Allelúia.

Sequētia sancti Evangelii secundum Lucam. 12.

In illo tempore: Dixit Jesus discipulis suis: Attēdite à fermento Phariseorum, quod est hypocrisis. Nihil autem opertum est, quod non reveletur: neque absconditum, quod non sciatur. Quoniam quæ in tenebris dixistis, in lumine dicentur: & quod in aures locuti estis in cubiculis, predicabitur in tectis. Dico autem vobis amicis meis: Ne timeamini ab his qui occidunt corpus, & post hæc non habent amplius quid faciant. Ostendam autem vobis quem timeatis: timeate eum, qui postquam occiderit, habet potestatem mittere in gehennam. Ita dico vobis, hunc timeate. Nonne quinque pæsseres véneunt dipondio, & unus ex illis non est in oblivione coram Deo? Sed & capilli capitis vestri omnes numerati sunt. Nolite ergo timere, multis pæsseribus plaris estis vos. Dico autem vobis: Omnis quicumque confessus fuerit me coram hominibus, & Filius hominis confitebitur illum coram Angelis Dei.

Offert. Ps. 5. Gloriabuntur in te omnes qui diligunt nomen tuum, quoniam tu, Domine, benedices iusto: Domine, ut scuto bonæ voluntatis tuæ, coronasti nos.

Secreta.

Hostias tibi, Domine, sanctorum Martyrum tuorum Joannis & Pauli dicatas meritis benignus assume: & ad perpetuum nobis tribue provenire subsidium. Per Dñm.

De Octava S. Joannis. Secreta. Tua, Domine, muneribus *fol. 412.*

Commun. Sap. 3. Et si coram hominibus tormenta passi sunt, Deus, tentavit eos: tamquam aurum in fornace probavit eos, & quasi holocausta accepit eos.

Postcommunio.

Sumpsimus, Domine, sanctorum Martyrum tuorum Joannis & Pauli solennia celebrantes, sacramenta cœlestia: præsta, quæsumus, ut quod temporaliter gerimus, æternis gaudiis consequamur. Per Dñm.

De Octava S. Joannis. Postcommunio. Sumat Ecclesia. *fol. 412.*

¶ Si sequens festum sancti Leonis venerit in Dominica, transfertur post Octavam Apostolorum: & Missa dicitur de Dominica, cum commemoratione sancti Joannis, & in Sabbato præcedenti dicitur Missa de Vigilia Apostolorum: secunda Oratio de sancto Joanne, tertia de beata Maria, Concède nos. *fol. 236.*

Quocumque verò alio die venerit festum S. Leonis, fit de eo, cum commemoratione Octavæ S. Joannis, & Vigiliæ. In Ecclesiis autem Collegi-

atis dicuntur duæ Missæ, una de festo, cum commemoratione S. Joannis, & beatæ Mariæ: alia de Vigilia, cum commemoratione beatæ Mariæ, Concede nos. & Ecclesiæ. vel pro Papa, Deus omnium. fol. 236.

DIE XXVIII. JUNII.

IN FESTO S. LEONIS Papæ & Confessoris.

Introitus. Ps. 131.

Sacerdotes tui, Domine, induant justitiam, & sancti tui exultent: propter David servum tuum, non avertas faciem Christi tui.

Ps. ib. Meménto, Domine, David: & omnis mansuetudinis ejus.

V. Glória Patri.

Orémus.

Oratio.

Deus, qui beatum Leonem Pontificem, sanctorum tuorum meritis coæquasti: concede propitius; ut, qui commemorationis ejus festa percolumus, vitæ quoque imitemur exempla. Per Dñm.

Pro commem. Octavæ S. Joannis.
Oratio.

Deus, qui præsentem diem honorabilem nobis in beati Joannis nativitate fecisti: da populis tuis spiritualium gratiam gaudiorum: & omnium fidelium mentes dirige in viam salutis æternæ.

Pro commemoratione Vigiliæ.

Oratio.

Præsta, quæsumus, omnipotens Deus: ut nullis nos permittas perturbationibus concuti, quos in Apostolicæ confessionis petrâ solidasti. Per Dñm.

Lectio Epistolæ beati Pauli Apostoli ad Hebræos. 7. b.

Fratres, Plures facti sunt sacerdotes, idcirco quod morte prohiberentur permanere: Jesus autem eo quod maneat in æternum, sempiternum habet sacerdotium. Unde & salvare in perpetuum potest accedentes per semetipsum ad Deum: semper vivens ad interpellandum pro nobis. Talis enim decēbat, ut nobis esset pontifex, sanctus, innocens, impollutus, segregatus à peccatoribus, & excelsior coelis factus: qui non habet necessitatem quotidie, quemadmodum sacerdotes, prius pro suis delictis hostias offerre, deinde pro populo: hoc enim fecit semel, seipsum offerendo, Jesus Christus Dominus noster.

Grad. Ps. 131. Sacerdotes ejus induam salutari: & sancti ejus exultatione exultabunt. *V.* Illuc producam cornu David: paravi lucernam Christo meo. Allelúia, allelúia. *V. Ps. 109.* Juravit Dominus, & non poenitebit eum: Tu es sacerdos in æternum, secundum ordinem Melchisedech. Allelúia.

Sequētia sancti Evangelii secundum Matthæum. 25.

In illo tempore: Dixit Jesus discipulis suis parabolam hanc: Homo peregrè proficiscens vocavit servos suos, & tradidit illis bona sua. Et uni dedit quinque talenta, alii autem duo, alii verò unum, unicuique secundum propriam virtutem & profectus est statim. Abiit autem qui quinque talenta acceperat, & operatus est in eis, & lucratus est alia quinque. Similiter & qui duo

accéperat, lucrátus est ália duo. Qui autem unum accéperat, ábiens fodit in terram, & abscondit pecúniám dómini sui. Post multum verò temporis, venit dóminus servórum illórum, & pósuit ratiónem cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidísti mihi: ecce ália quinque superlucrátus sum: Ait illi dóminus ejus: Euge, serve bone, & fidélis, quia super pauca fuísti fidélis, super multa te constitúam, intra in gáudium dómini tui. Accéssit autem & qui duo talénta accéperat, & ait: Dómine, duo talénta tradidísti mihi, ecce ália duo lucrátus sum. Ait illi dóminus ejus: Euge, serve bone, & fidélis, quia super pauca fuísti fidélis, super multa te constitúam, intra in gáudium dómini tui.

Offert. Ps. 88. Véritas mea, & misericórdia mea cum ipso: & in nómine meo exaltábitur cornu ejus

Secreta.

ANnue nobis, quæsumus, Dómine, ut intercessióne beáti Leónis hæc nobis profit oblátio: quam immolándo, totíus mundi tribuísti relaxári delícta. Per Dóminum nostrum Jesum Christum Fílium tuum.

Pro S. Joanne. Secreta.

Tua, Dómine, munéribus altária cumulámus: illíus nativitatém honóre débito celebrántes, qui Salvatórem mundi & cécinit adfutúrum, & adesse monstrávit, Dóminum nostrum Jesum Christum Fílium tuum.

Pro Vigília. Secreta.

MUnus pópuli tui, quæsumus, Dómine, Apostólicâ intercessióne sanctífica: nosque à peccatórum nostrórum máculis emúnda. Per Dñm.

Commun. Matt. 24. Beátus servus, quem, cùm vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

DEus, qui animæ famuli tui Leónis, æternæ beatitúdinis præmia contulísti: concéde propítius; ut, qui peccatórum nostrórum pónere prémimur, ejus apud te precibus sublevémur. Per Dñm.

Pro S. Joanne. Postcommunio.

Sumat, Ecclésia tua, Deus, beáti Joánnis Baptístæ generatióne lætítiam: per quem suæ regeneratiónis cognóvit auctórem, Dóminum nostrum Jesum Christum Fílium tuum.

Pro Vigília. Postcommunio.

QUos cœlésti, Dómine, alimento satiásti: Apostólicis intercessiónibus ab omni adversitaté custódi. Per Dñm.

D I E XXVIII. J U N I I.
IN VIGILIA SS. APOSTOLORUM
PETRI & PAULI.

Introitus. Joan. 21.

Dicit Dóminus Petro: Cùm effes júnior, cingébas te, & ambulábas ubi volébas: cùm autem senúeris, exténdes manus tuas, & álius te cinget, & ducet quò tu non vis: hoc autem dixit, significans quàm morte clarificatúrus esset Deum.

Pf. 18. Coeli enarrant glóriam Dei: & ópera inánuum ejus annúntiat firmaméntum. *V.* Glória Patri.

Non dicitur Glória in excélsis.

Orémus.

Oratio.

PRæsta, quæsumus, omnípotens Deus, ut nullis nos permittas perturbatióibus cóncuti, quos in Apostólicæ confessiόνis petrâ solidásti. Per Dñm.

Secunda Oratio, & tertia, ut in superiori Rubrica notatur. 413.

Léctio Actuum Apostolorum. 3.

IN diébus illis: Petrus & Joánnēs ascendébant in templum, ad horam oratiónis nonam. Et quidam vir qui erat claudus ex útero matris suæ, bajulabátur: quem ponébant quotidie ad portam templi quæ dicitur Speciósā, ut péteret eleëmósynam ab introeúntibus in templum. Is cū vidisset Petrum & Joánnem incipientes introire in templum, rogábat ut eleëmósynam accíperet. Intuens autem in eum Petrus cum Joánnē, dixit: Réspice in nos. At ille intendébat in eos, sperans se áliquíd acceptúrum ab eis. Petrus autem dixit: Argéntum & aurum non est mihi: quod autem hábeo, hoc tibi do: In nómine Jesu Christi Nazaréni surge, & ambula. Et apprehénsā manu ejus dexterā, allevávit eum, & prótinus consolidátæ sunt bases ejus & plantæ. Et exíliens stetit, & ambulábat: & intrávit cum illis in templum, ambulans & exíliens, & laudans Deum. Et vidit omnis pópulus eum ambulántem, & laudántem Deum. Cognoscébant autem illum, quòd ipse erat, qui ad eleëmósynam sedébat

ad Speciósam portam templi: & impléti sunt stupóre & éxtasi, in eo quod contígerat illi.

Grad. Pf. 18. In omnem terram exívit sonus eórum & in fines orbis terræ verba eórum. *V.* Coeli enarrant glóriam Dei: & ópera mánuum ejus annúntiat firmaméntum.

Sequéntia sancti Evangelii secúndum Joánnem. 21. c.

IN illo témpore: Dixit Jesus Simóni Petro: Simon Joánnis díligis me plus his? Dicit ei: Etiam, Dómine, tu scis quia amo te. Dicit ei: Pasce agnos meos. Dicit ei iterúm: Simon Joánnis, díligis me? Ait illi: Etiam, Dómine, tu scis quia amo te. Dicit ei: Pasce agnos meos. Dicit ei tertió: Simon Joánnis, amas me? Contristátus est Petrus, quia dixit ei tertió, Amas me? & dixit ei: Dómine, tu ómnia nosti: tu scis quia amo te. Dixit ei: Pasce oves meas. Amen, amen dico tibi: cū esses júnior cingébas te, & ambulábas ubi volébas: cū autem senúeris, extédes manus tuas, & álius te cinget, & ducet quò tu non vis. Hoc autem dixit, significans quā morte clarificáturus esset Deum.

Offert. Pf. 138. Mihi autem nimis honoráti sunt amíci tui, Deus: nimis confortátus est principátus eórum.

Secreta.

MUnus pópuli tui, quæsumus, Dómine, Apostólicā intercessiône sanctífica: nosque à peccatórum nostrórum máculis emúnda. Per Dñm.

Commun. Joan. 21. Simon Joánnis, díligis me plus his? Dómine, tu ómnia nosti: tu scis, Dómine, quia amo te.

Postcommunio.

Quos coelesti, Dómine, alimento satiasti: Apostólicis intercessiónibus ab omni adversitate custódi. Per Dñm.

DIE XXIX. JUNII.
IN FESTO SS. APOSTOLORUM
PETRI & PAULI.

Introitus. Act. 12.

Nunc scio verè, quia misit Dóminus Angelum suum: & eripuit me de manu Heródis, & de omni expectatióne plebis Judæórum.

Pf. 138. Dómine, probasti me, & cognovisti me: tu cognovisti sessiōnem meam, & resurrectionem meam.

V. Glória Patri.

Orémus.

Oratio.

Deus, qui hodiernam diem Apostolorum tuorum Petri & Pauli Martyrio consecrasti: da Ecclesiæ tuæ, eorum in omnibus sequi præceptum, per quos religionis sumpsit exórdium. Per Dñm.

Et non fit commemoratio de sancto Paulo, quia Oratio est communis: nec de Octava S. Joannis.

Lectio Actuum Apostolorum. 12.

In diébus illis: Misit Heródes rex manus, ut affligeret quosdam de Ecclesiá. Occidit autem Jacóbum fratrem Joánnis gládio. Videns autem quia placéret Judæis, appósuit ut apprehenderet & Petrum. Erant autem dies Azymórum. Quem cum apprehendisset, misit in cárcerem, tradens quátuor quaterniónibus militum custodiéndum, volens post Pascha producere eum pópulo. Et Petrus quidem servábat in cárcere. Oratio autem fiebat sine intermissiōne ab

Ecclesiá ad Deum pro eo. Cum autem producturus eum esset Heródes, in ipsa nocte erat Petrus dormiens inter duos milites, vinctus caténis duabus: & custódes ante óstium custodiébant cárcerem. Et ecce Angelus Dómini ástitit: & lumen refúlit in habitáculo: percussioque látere Petri, excitávit eum, dicens: Surge velociter. Et ceciderunt caténæ de manibus ejus. Dixit autem Angelus ad eum: Præcingere, & calcea te caligas tuas. Et fecit sic. Et dixit illi: Circúmda tibi vestiméntum tuum, & séquere me. Et éxiens sequebátur eum, & nesciébát quia verum est, quod fiebat per Angelum: existimábat autem se visum vidére. Transeúntes autem primam & secúndam custódiam, venerunt ad portam férream, quæ ducit ad civitátem: quæ ultrò apérta est eis. Et exeúntes processérunt vicum unum: Et continuò discessit Angelus ab eo. Et Petrus ad se revérsus, dixit: Nunc scio verè, quia misit Dóminus Angelum suum, & eripuit me de manu Heródis, & de omni expectatióne plebis Judæórum.

Grad. Pf. 44. Constitues eos principes super omnem terram: memores erunt nóminis tui, Dómine. *V.* Pro pátribus tuis nati sunt tibi filii: propterea pópuli confitebúntur tibi. Allelúia, allelúia. *V.* Tu es Petrus, & super hanc petram ædificábo Ecclesiám meam. Allelúia.

Sequéntia sancti Evangélii secúndum Matthæum. 16. b.

In illo témpore: Venit Jesus in partes Cæsaréæ Philíppi: & interrogábat discípulos suos, dicens: Quem dicunt hómines esse Fílium hóminis?

At illi dixerunt: Alii Joannem Baptistam, alii autem Eliam, alii vero Jeremiam, aut unum ex Prophetis. Dicit illis Jesus: Vos autem quem me esse dicitis? Respondens Simon Petrus, dixit: Tu es Christus, Filius Dei vivi. Respondens autem Jesus, dixit ei: Beatus es Simon Bar-Jona: quia caro & sanguis non revelavit tibi, sed Pater meus, qui in coelis est. Et ego dico tibi, quia tu es Petrus, & super hanc petram ædificabo ecclesiam meam, & portæ inferi non prævalébunt adversus eam. Et tibi dabo claves regni cœlorum. Et quodcúmque ligáveris super terram, erit ligátum & in cœlis: & quodcúmque sólveris super terram, erit solútum & in cœlis. Credo.

Offert. Ps. 44. Constitues eos principes super omnem terram: mémores erunt nóminis tui, Dómine, in omni progénie & generatióne.

Secreta.

Hostias, Dómine, quas nómini tuo sacrándas offerimus, Apostólica prosequátur oratio: per quam nos expiári tríbuas, & deféndi. Per Dñm.

Præfatio de Apostolis, fol. 212.

Commun. Matt. 16. Tu es Petrus, & super hanc petram ædificábo Ecclesiam meam.

Postcommunio.

Quos cœlésti, Dómine, alimento satiásti: Apostólicis intercessiónibus ab omni adversitate custódi. Per Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti Deus, per ómnia sæcula sæculórum.

DIE XXX. JUNII.

IN COMMEMORATIONE S.
PAULI Apostoli.

Introitus. II. Tim. 1.

SCio cui credidi, & certus sum, quia potens est depósitum meum serváre in illum diem, iustus iudex. *Ps. 138.* Dómine, probásti me, & cognovísti me: tu cognovísti sessiónem meam, & resurrectionem meam.

V. Glória Patri.

Orémus.

Oratio.

DEus, qui multitudinem Géntium beáti Pauli Apóstoli prædicatióne docuísti: da nobis, quæsumus; ut cujus natalítia cólimus, ejus apud te patrocínia sentiámus. Per Dñm.

Et fit commem. S. Petro Apostolo.

Oratio.

DEus, qui beáto Petro Apóstolo tuo, collátis clávibus regni cœléstis, ligándi atque solvéndi pontificium tradidísti: concéde, ut intercessiónis ejus auxílio, à peccatórum nostrórum nexibus liberémur.

Deinde fit commemoratio sancti Joannis, præterquam in Ecclesia propria S. Pauli.

Oratio.

DEus, qui præsentem diem honorábilem nobis in beáti Joannis nativité fecísti: da pópulis tuis spirituálium grátiam gaudiórum; & ómnium fidélium mentes dirige in viam salútis æternæ. Per Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti Deus, per ómnia sæcula sæculórum.

Lectio Epistolæ beati Pauli Apostoli
ad Galatas. 1. b.

IRatres, Notum vobis facio Evangelium, quod evangelizatum est à me, quia non est secundum hominem: neque enim ego ab homine accēpi illud, neque didici, sed per revelationem Jesu Christi. Audisti enim conversationem meam aliquando in Judaismo: quoniam supra modum persequēbar Ecclesiam Dei, & expugnābam illam, & proficiebam in Judaismo supra multos coetaneos meos in genere meo, abundantius æmulator existens paternarum mearum traditionum. Cum autem placuit ei, qui me segregavit ex utero matris meæ, & vocavit per gratiam suam, ut revelaret Filium suum in me, ut evangelizarem illum in Gentibus: continuo non acquievi carni & sanguini, neque veni Jerosolymam ad antecessores meos Apostolos: sed abii in Arabiam: & iterum reversus sum Damascum: deinde post annos tres veni Jerosolymam videre Petrum, & mansi apud eum diebus quindecim: alium autem Apostolorum vidi neminem, nisi Jacobum fratrem Domini. Quæ autem scribo vobis, ecce coram Deo, quia non mentior.

Grad. Gal. 2. Qui operatus est Petro in Apostolatū, operatus est & mihi inter Gentes: & cognoverunt gratiam Dei, quæ data est mihi. *V. 1. Cor. 15.* Gratia Dei in me vacua non fuit: sed gratia ejus semper in me manet. Allelúia, allelúia.

V. Sancte Paule Apostole prædicator veritatis, & Doctor Gentium, intercede pro nobis. Allelúia.

Sequentia sancti Evangelii secundum
Matthæum. 10. b.

IN illo tempore: Dixit Jesus discipulis suis: Ecce ego mitto vos sicut oves in medio luporum. Estote ergo prudentes sicut serpentes, & simplices sicut columbæ. Cavete autem ab hominibus. Tradent enim vos in conciliis, & in synagogis suis flagellabunt vos: & ad præfides & ad reges ducemini propter me, in testimonium illis, & gentibus. Cum autem tradent vos, nolite cogitare quomodo aut quid loquamini: dabitur enim vobis in illa hora, quid loquamini. Non enim vos estis qui loquimini, sed Spiritus Patris vestri, qui loquitur in vobis. Tradet autem frater fratrem in mortem, & pater filium: & insurgent filii in parentes, & morte eos afficient: & eritis odio omnibus propter nomen meum: qui autem perseveraverit usque in finem, hic salvus erit. Credo.

Offert. Ps. 138. Mihi autem nimis honorati sunt amici tui, Deus: nimis confortatus est principatus eorum.

Secreta.

APostoli tui Pauli precibus, Domine, plebis tuæ dona sanctifica: ut quæ tibi tuo grata sunt instituto, gratiora fiant patrocinio supplicantis. Per Dñm.

Pro S. Petro.

Secreta.

ECclesiæ tuæ, quæsumus, Domine, preces & hostias beati Petri Apostoli commendet oratio: ut, quod pro illius glória celebramus, nobis profit ad veniam.

Pro S. Joanne.

Secreta.

Tua, Domine, muneribus altaria cumulamus: illius nativitatem

honóre débito celebrátes, qui Salva-
torem mundi & cécinit adfutúrum,
& adéffe monstrávit, Dóminum nos-
trum Jesum Christum Fílium tuum.

Præfatio de Apostolis, fol. 212.

Commun. Matt. 19. Amen dico vo-
bis : quòd vos, qui reliquístis ómnia,
& secúti estis me, céntuplum accipi-
étis, & vitam ætérnam possidébitis.

Postcommunio.

Percéptis, Dómine, sacraméntis, be-
áto Paulo Apóstolo tuo interve-
niénte, deprecámur : ut, quæ pro
illius celebráta sunt glória, nobis pro-
ficient ad medélam. Per Dñm.

Pro S. Petro. Postcommunio.

Lætíficet nos, Dómine, munus ob-
latum : ut sicut in Apóstolo tuo
Petro, te mirábilem prædicámus, sic
per illum tuæ sumámus indulgéntiæ
largitátem.

Pro S. Joanne. Postcommunio.

Sumat Ecclésia tua, Deus, beáti
Joánnis Baptístæ generatióne læ-
títiam : per quem suæ regeneratiónis
cognóvit auctórem, Dóminum nos-
trum Jesum Christum Fílium tuum :
Qui tecum vivit.

F E S T A J U L I I.

DIE I. JULII.

IN OCTAVA S. JOANNIS
Baptistæ,

*Dicitur Missa ut in ejus die Festo, fol.
411. cum commemoratione Apostolorum,
ut suprà in eorum Festo, fol. 417. &
in ea dicitur Credo, & Præfatio de
Apostolis, fol. 212.*

DIE II. JULII.

IN FESTO VISITATIONIS BEA-
TÆ MARIÆ Virginis.

Introitus. Sedulius.

Salve, sancta parens, enixa puér-
pera Regem : qui cælum terrám-
que regit in sæcula sæculórum.

Pf. 44 Eructávit cor meum verbum
bonum : dico ego ópera mea Regi.

V. Glória Patri.

Orémus.

Oratio.

Famulis tuis, quæsumus, Dómine,
coeléstis grátiae munus impertíre :
ut quibus beátæ Vírginis partus éx-
titit salutis exórdium, visitatiónis ejus
votíva solémnitas pacis tríbuat incre-
méntum. Per Dñm.

*Pro commemoratione SS. Apostolorum
Petri & Pauli.*

Oratio.

Deus, qui hodiérnam diem Apo-
stolorum tuórum Petri & Pauli
Martyrio consecrásti : da Ecclésiæ tuæ,
eórum in ómnibus sequi præcéptum,
per quos religiónis sumpsit exórdium.

*Pro SS. Martyribus Processo &
Martiniano.*

Oratio.

Deus, qui nos sanctórum Márty-
rum tuórum Procéssi & Marti-
niáni gloriósis confessiõibus circúm-
das & prótegis : da nobis & eórum
imitatióne proficere, & intercessiõe
gaudére. Per Dñm.

Lectio libri Sapiéntiæ. Cant. 2. b.

Ecce iste venit sáliens in móntibus,
transíliens colles : símilis est di-
léctus meus cáprea, hinnulóque cer-
vórum. En ipse stat post parietem
nostrum, respiciens per fenéstas, pro-
spiciens per cancellos. En diléctus
meus lóquitur mihi : Surge, própera

amíca mea, colúmba mea, formósa mea, & veni. Jam enim hiems tránsiit, imber ábiit, & recéssit. Flores apparuérunt in terra nostra, tempus putatiónis advénit: vox túrturis audíta est in terra nostra: ficus prótulit grossos suos: víneæ floréntes dedérunt odórem suum. Surge, amíca mea, speciósa mea, & veni: colúmba mea in foraminibus petræ, in cavérna macériæ, osténde mihi fáciem tuam, sonet vox tua in áuribus meis: vox enim tua dulcis, & fácies tua decóra.

Grad. Benedícta & venerábilis es, Virgo María: quæ sine tactu pudóris invénta es mater Salvatóris. *V.* Virgo Dei génitrix, quem totus non capit orbis, in tua se clausit víscera factus homo. Allelúia, allelúia. *V.* Felix es, sacra Virgo María, & omni laude digníssima: quia ex te ortus est sol justítiæ Christus Deus noster. Allel. Sequéntia sancti Evangélii secúndum Lucam. i. d.

IN illo témpore: Exúrgens María, ábiit in montána cum festinatóne in civitátem Juda: & intrávit in domum Zachariæ, & salutávit Elísabeth. Et factum est, ut audívit salutatióem Mariæ Elísabeth, exultávit infans in útero ejus: & repléta est Spíritu sancto Elísabeth: & exclamávit vocé magnâ, & dixit: Benedícta tu inter mulieres, & benedíctus fructus ventris tui. Et unde hoc mihi, ut véniat mater Dómini mei ad me? Ecce enim ut facta est vox salutatióis tuæ in áuribus meis, exultávit in gáudio infans in útero meo. Et beáta, quæ credidísti, quóniam perficiéntur ea, quæ dicta sunt tibi à Dómino. Et ait María: Magnificat ánima mea Dóminum: & ex-

ultávit spíritus meus in Deo salutári meo. Credo.

Offert. Beáta es, virgo María, quæ ómnium portásti Creatórem: genuísti qui te fecit, & in ætérnum pérmanes virgo.

Secreta.

UNigéniti tui, Dómine, nobis succúrrat humanitas: ut qui natus de vírgine, matris integritátem non mínuit, sed sacrávit; in visitatiónis ejus solémniis, nostris nos piáculis exuens, oblatiόnem nostram tibi fáciat accéptam Jesus Christus Dóminus noster: Qui tecum vivit.

Pro SS. Apostolis Petro & Paulo.

Secreta.

HOstias, Dómine, quas nómini tuo sacrándas offérinus, Apostólica prosequátur oratio: per quam nos expiári tríbuas, & deféndi.

Pro SS. Martyribus Processo & Martiniano.

Secreta.

SUscipe, Dómine, preces & múnera: quæ, ut tuo sint digna conspéctu, Sanctórum tuórum précibus adjuvémur. Per Dñm.

Præfatio de beata Maria, Et te in Visitatióne, fol. 212.

Commun. Beáta víscera Mariæ Vírginis: quæ portavérunt ætérni Patris Fílium.

Postcommunio.

SUmpsimus, Dómine, celebritátis ánnuæ votíva sacraménta: præsta, quæsumus, ut temporális vitæ nobis remédia præbeant, & ætérnæ. Per Dóminum nostrum Jesum Christum Fílium tuum: Qui tecum vivit & regnat in unitáte Spíritûs sancti Deus, per ómnia sæcula sæculórum.

Pro SS. Apostolis Petro & Paulo.

Postcommunio.

Quos cœlesti, Dómine, aliménto satiásti, Apostólicis intercessiónibus ab omni adversitatē custódi.

Pro SS. Martyribus Processo & Martiniano. Postcommunio.

Corporis sacri, & pretiósí sânguinis repléti libámine, quæsumus, Dómine Deus noster: ut quod piâ devotiône gérimus, certâ redemptione capiámus. Per eúndem Dñm.

DIE III. IV. & V. JULII.

INFRA OCTAVAM SS. APOSTOLORUM PETRI & PAULI.

Introitus. Ps. 138.

Mihi autem nimis honoráti sunt amici tui, Deus: nimis confortátus est principátus eórum.

Ps. ib. Dómine, probásti me, & cognovísti me: tu cognovísti sessiõem meam, & resurrectionem meam.

V. Glória Patri.

Orémus.

Oratio.

Deus, qui hodiérnam diem Apostolorum tuórum Petri & Pauli Martyrio consecrásti: da Ecclésiæ tuæ, eórum in ómnibus sequi præceptum, per quos religionis sumpsit exórdium. Per Dñm.

Secunda Oratio de sancta Maria, Concède nos. Tertia, Ecclésiæ tuæ, vel pro Papa, fol. 236.

Lectio Actuum Apostolorum. 5. b.

In diébus illis: Per manus Apostolorum fiébant signa & prodígia multa in plebe. Et erant unánimiter omnes in pórticu Salomónis. Cæterórum autem nemo audébat se conjungere illis: sed magnificábat eos pópu-

lus. Magis autem augebátur credéntium in Dómino multitúdo virórum, ac mulierum, ita ut in plateas ejicerent infirmos, & pónerent in lectulis ac grabátis, ut, veniente Petro, saltem umbra illius obumbráret quemquam illórum, & liberárentur ab infirmitatibus suis. Concurrébat autem & multitúdo vicinárum civitátum Jerúsalem, afferéntes ægros, & vexátos à spirítibus immúndis: qui curabántur omnes.

Grad. Ps. 44. Constítues eos príncipes super omnem terram: mémores erunt nóminis tui, Dómine. *V.* Pro pátribus tuis nati sunt tibi filii: propterea pópuli confitebúntur tibi. Allelúia, allelúia. *V. Luc. 22.* Rogávi pro te, Petre, ut non deficiat fides tua, & tu aliquándo convérsus, confirma fratres tuos. Allelúia.

Sequéntia sancti Evangélii secúndum Matthæum. 19.

In illo témpore: Dixit Petrus ad Jesum: Ecce nos relíquimus ómnia, & secúti sumus te: quid ergo erit nobis? Jesus autem dixit illis: Amen dico vobis, quòd vos, qui secúti estis me, in regeneratione cum sèderit Filius hóminis in sede majestátis suæ, sedébitis & vos super sedes duódecim, judicántes duódecim tribus Israël. Et omnis qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, & vitam ætérnam possidébit. Credo.

Offert. Ps. 18. In omnem terram exívit sonus eórum: & in fines orbis terræ verba eórum.

Secreta.

Hostias, Dómine, quas nómini tuo sacrándas offérimus, Apostólica prosequátur oratio: per quam nos expiári tríbuas, & deféndi. Per Dñm.

Secunda Secreta, Tua, Dómine.

Tertia. Prótege, vel Oblátis. fol. 236.

Præfatio de Apostolis, fol. 212.

Commun. Matt. 19. Vos qui secúti estis me, sedébitis super sedes, judicántes duódecim tribus Israél.

Postcommunio.

Quos coelésti, Dómine, aliménto satiásti: Apostólicis intercessióibus ab omni adversitáte custódi. Per Dñm.

Secunda Postcommunio. Sumptis, Dómine. Tertia, Quæsumus, Dómine, vel Hæc nos, quæsumus, fol. 237.

DIE VI. JULII.

IN OCTAVA APOSTOLORUM
PETRI & PAULI.

Introitus. Eccl. 44.

Sapiéntiam sanctorum narrent populi, & laudes eorum nuntiet Ecclesia: nomina autem eorum vivent in sæculum sæculi. *Pf. 32. Exultate iusti in Domino: rectos decet collaudatio. V. Glória Patri.*

Orémus.

Oratio.

Deus, cujus dextera beatum Petrum ambulátem in fluctibus ne mergeretur, erexit: & coapóstolum ejus Paulum tertio naufragátem, de profundo pélagi liberávit: exáudi nos propítius, & concéde, ut amborum méritis, æternitátis glóriam consequámur. Qui vivis & regnas cum Deo Patre in unitate Spíritus sancti.

Lectio libri Sapiéntiæ. *E. cl. 44. b.*

Hi viri misericórdiæ sunt, quorum pietates non defuerunt: cum femine eorum permanent bona, hereditas sancta, nepotes eorum, & in testamentis stetit semen eorum: & filii eorum propter illos usque in æternum manent: semen eorum, & gloria eorum non derelinquétur. Corpora ipsorum in pace sepulta sunt, & nomen eorum vivit in generationem & generationem. Sapiéntiam ipsorum narrent populi, & laudem eorum nuntiet Ecclesia.

Grad. Sap. 3. Justorum animæ in manu Dei sunt: & non tanget illos tormentum malitiæ. V. Visi sunt oculis insipientium mori: illi autem sunt in pace. Allelúia, allelúia.

V. Luc. 22. Vos estis, qui permansistis mecum in tentationibus meis: & ego dispóno vobis regnum, ut sedéatis super thronos, judicántes duódecim tribus Israél. Allelúia.

Sequéntia sancti Evangélii secundum Matthæum. 14. c.

In illo témpore: Compulit Jesus discipulos ascéndere in navículam, & præcedere eum trans fretum, donec dimitteret turbas. Et dimissa turbâ, ascéndit in montem solus orare. Vespere autem facto, solus erat ibi. Navícula autem in médio mari jactabátur fluctibus: erat enim contrarius ventus. Quartâ autem vigiliâ noctis, venit ad eos ambulans super mare. Et vidéntes eum super mare ambulátem, turbati sunt, dimicantes: Quia phantásma est. Et prætimóre clamaverunt. Statimque Jesus locútus est eis, dicens: Habéte fidúciám: ego sum, nolíte timére.

Respondens autem Petrus, dixit: Domine, si tu es, jube me ad te venire super aquas. At ipse ait: Veni. Et descendens Petrus de navicula, ambulabat super aquam ut veniret ad Jesum. Videns verò ventum validum, timuit: & cum coepisset mergi, clamavit, dicens: Domine, salvum me fac. Et continuo Jesus extendens manum, apprehendit eum: & ait illi: Modicæ fidei, quare dubitasti? Et cum ascendissent in naviculam ce sávit ventus. Qui autem in navicula erant, venerunt, & adoraverunt eum, dicentes: Verè Filius Dei es. Credo.

Offert. Ps. 149. Exultabunt sancti in glória, lætabuntur in cubilibus suis: exultationes Dei in faucibus eorum.

Secreta.

Offerimus tibi, Domine, preces & múnera: quæ, ut tuo sint digna conspectu, Apostolorum tuorum Petri & Pauli precibus adjuvemur. Per Dñm.

Fræfatio de Apostolis, fol. 212.

Commun. Sap. 3. Justorum animæ in manu Dei sunt, & non tanget illos tormentum malitiæ: visi sunt oculis insipientium mori: illi autem sunt in pace.

Postcommunio.

Protege, Domine, pópulum tuum, & Apostolorum tuorum Petri & Pauli patrocinio confidentem, perpetuâ defensione conserva. Per Dñm.

DIE VIII. JULII.

IN FESTO S. ELISABETH,

Reginæ Portugalliæ, & Viduæ.

Missæ, Cognóvi Domine. de Comuni nec Virginis nec Martyris, fol. xxxv. præter Orationem sequentem.

Oratio.

Clementissime Deus, qui beatam Elisabeth Reginam, inter cæteras egregias dotes, bellici furoris sedandi prærogativâ decorasti: da nobis ejus intercessione post mortális vitæ, quam suppliciter petimus, pacem, ad æterna gaudia pervenire. Per Dñm.

DIE X. JULII.

IN FESTO SANCTORUM SEPTEM FRATRUM Mart. ac RUFINÆ & SECUNDÆ Virg. & Mart.

Introitus. Ps. 112.

Laudate, púeri, Dóminum, laudate nomen Dómini: qui habitare facit stérilem in domo, matrem filiorum lætántem. *Ps. ib.* Sit nomen Dómini benedíctum: ex hoc nunc, & usque in sæculum.

V. Glória Patri.

Orémus.

Oratio.

Præsta, quæsumus, omnipotens Deus: ut qui gloriófos Mártyres, fortes in sua confessione cognóvimus, pios apud te in nostra intercessione sentiámus. Per Dñm.

Lectio libri Sapientiæ. Prov. 31.

Mulierem fortem quis invéniet? procul, & de últimis finibus pretium ejus. Confidit in ea cor viri sui, & spóliis non indigebit. Reddet ei bonum, & non malum, ómnibus diebus vitæ suæ. Quæsiuit lanam & linum, & operata est consilio manuum suarum. Facta est quasi navis institóris, de longè portans panem suum. Et de nocte surréxit, deditque prædam domésticis suis, & cibária ancillis suis. Consideravit agrum, & emit eum: de fructu manuum suarum plantavit vineam. Accinxit for-

titúdine lumbos suos, & roborávit bráchium suum. Gustávit & vidit quia bona est negotiatio ejus: non extinguetur in nocte lucerna ejus. Manum suam misit ad fórtia, & dígití ejus apprehendérunt fufum. Manum suam apéruiť inopi, & palmas suas exténdit ad páuperem. Non timébit dómũ suæ à frigóribus nivis: omnes enim doméstici ejus vestíti sunt duplicibus. Stragulátam vestem fecit sibi: byffus & púrpura induméntum ejus. Nóbilis in portis vir ejus, quando féderit cum senatóribus terræ. Síndonem fecit, & véndidit, & cíngulum trádedit Chananæo. Fortitúdo & decor induméntum ejus, & ridébit in die novíffimo. Os suum apéruiť sapiéntiæ, & lex cleméntiæ in lingua ejus. Considerávit fémitas domũs suæ, & panem otíosa non comédit. Surrexérunt filii ejus, & beatíffimam prædicavérunt; vir ejus, & laudávit eam. Multæ filiæ congregavérunt divítias: tu supergréffa es univérfas. Fallax grátia, & vana est pulchritúdo: múlíer timens Dóminum, ipsa laudábitur. Date ei de fructu mánuum suárum: & laudent eam in portis ópera ejus.

Grad. Ps. 123. Anima nostra, sicut passer, erépta est de láqueo venántium.

V. Láqueus contrítus est, & nos liberáti sumus: adjutórium nostrum in nómine Dómini: qui fecit coelum & terram. Allelúia, allelúia.

V. Hæc est vera fraternitas, quæ vicit mundi crímina: Christum secúta est, ínclýta tenens regna coeléstia. Allelúia.

Sequéntia sancti Evangélii, secúndum Matthæum. 2.

IN illo témpore: Loquente Jesu ad turbas, ecce mater ejus & fratres stabant foris, quæréntes loqui ei. Dixit autem ei quidam: Ecce mater tua & fratres tui foris stant, quæréntes te. At ipse respóndens dicénti sibi, ait: Quæ est mater mea, & qui sunt fratres mei? Et. exténdens manum in discípulos suos, dixit: Ecce mater mea, & fratres mei: Quicúmque enim fécerit voluntátem Patris mei, qui in coelis est: ipse meus frater, & soror, & mater est.

Offert. Ps. 123. Anima nostra sicut passer erépta est, de láqueo venántium: láqueus contrítus est, & nos liberáti sumus.

Secreta.

Sacrificiis præsentibus, quæsumus, Dómine, inténde placátus: & intercedéntibus Sanctis tuis, devotióni nostræ proficiant, & salúti. Per Dñm.

Commun. Matt. 12. Quicúmque fécerit voluntátem Patris mei, qui in coelis est, ipse meus frater, & soror, & mater est, dicit Dóminus.

Postcommunio.

Quæsumus, omnípotens Deus: ut intercedéntibus Sanctis tuis, illius salutáris capíamus efféctum, cujus per hæc mystéria pignus accépi-mus. Per Dóminum nostrum Jesum. Christum Fílium tuum: Qui.

D I E X I. J U L I I.

S. PII Papæ & Martyris,

Dicitur Missa, Státuit ei Dóminus. ut in Comuni unius Martyris Pontificis, fol. ij.

M m m

DIE XII. JULII.
IN FESTO S. JOANNIS Gualberti
Abbatis.

Introitus. Ps. 36.

OS justi meditabitur sapientiam,
& lingua ejus loquetur judicium:
lex Dei ejus in corde ipsius.
Ps. ib. Noli æmulari in malignantibus:
neque zelaveris facientes iniquitatem.
V. Glória Patri.

Orémus.

Oratio.

Intercessio nos, quæsumus, Dómine,
beati Joannis Abbatis commendet:
ut quod nostris méritis non valémus,
ejus patrocínio assequámur. Per
Dñm.

*Pro commemoratione SS. Naboris &
Felicis Martyrum.*

Oratio.

Præsta, quæsumus, Dómine: ut si-
cut nos sanctorum Mártyrum
tuorum Naboris & Felicis natalitia
celebranda non déserunt: ita júgiter
suffrágiiis comitentur. Per Dñm.

Lectio Libri Sapientiae. Eccl. 45.

Dilectus Deo & hominibus, cujus
memória in benedictione est.
Símilem illum fecit in glória sanctorum,
& magnificavit eum in timóre inimicorum,
& in verbis suis monstra placavit.
Glorificavit illum in conspectu regum,
& jussit illi coram populo suo,
& ostendit illi glóriam suam.
In fide & lenitate ipsius sanctum fecit
illum, & elegit eum ex omni carne.
Audivit enim eum, & vocem ipsius,
& induxit illum in nubem.
Et dedit illi coram præcepta, & legem
vitæ & disciplinæ.

Grad. Ps. 20. Dómine, prævenisti
eum in benedictionibus dulcedinis:
posuisti in capite ejus coronam de

lapide pretioso. *V.* Vitam petiit à
te, & tribuisti ei longitudinem dierum
in sæculum sæculi. Allelúia, alle-
lúia. *V. Ps. 91.* Justus ut palma flo-
rebit: sicut cedrus Líbani multipli-
cabitur. Allelúia.

Sequéntia sancti Evangelii secúndum
Matthæum. 5. g.

In illo tempore: Dixit Jesus disci-
pulis suis: Audistis, quia dictum
est: Díliges primum tuum, & odio
habébis inimicum tuum. Ego autem
dico vobis: Dígite inimicos vestros,
benefacite his, qui odérunt vos: &
orate pro persecúntibus, & calumni-
ántibus vos: ut sitis filii Patris vestri,
qui in cœlis est, qui solem suum oriri
facit super bonos, & malos, & pluit
super justos, & injustos. Si enim di-
ligitis eos, qui vos dígunt: quam
mercédem habébitis? nonne & pub-
licáni hoc faciunt? Et si salutaveri-
tis fratres vestros tantum, quid ampli-
us facitis? nonne & ethnici hoc fá-
ciunt? Estóte ergo vos perfecti, sicut
& Pater vester cœlestis perfectus est.

Offert. Ps. 20. Desiderium animæ
ejus tribuisti ei, Dómine, & voluntate
labiorum ejus non fraudasti eum:
posuisti in capite ejus coronam de
lapide pretioso.

Secreta.

Sacris altaribus, Dómine, hóstias
superpófitas, sanctus Joannes Abbas,
quæsumus, in salutem nobis provenire
depóscat. Per Dñm.

Pro SS. Nabore & Felice Mart.

Secreta.

Munera plebis tuæ, quæsumus,
Dómine, sanctorum Mártyrum
tuorum Naboris & Felicis fiant grata
suffrágiiis: & quorum triúmphis tuo

nómini offerúntur, ipsórum digna perficiántur & méritis. Per Dñm.

Commun. Luc. 12. Fidélis servus & prudens, quem constituit Dóminus super familiam suam: ut det illis in témpore trítici mensúram.

Postcommunio.

PRótegat nos, Dómine, cum tui perceptióne sacraménti beátus Joánnes Abbas, pro nobis intercedéndo: ut & conversatiónis ejus experiámur insígnia, & intercessiόνis percipiámus suffrágia. Per Dñm.

Pro SS. Nabore & Felice Mart.

Postcommunio.

NAtalítiis sanctórum tuórum, quæsumus, Dómine, ut sacraménti múnere vegetáti: bonis, quibus per tuam grátiam nunc fovémur, perfruámur ætérnis. Per Dñm.

DIE XIII. JULII.

IN FESTO S. ANACLETI
Pápæ & Mart.

Introitus. Dan. 3.

Sacerdótes Dei benedicite Dóminum: sancti & húmiles corde, laudáte Deum. *Dan. ib.* Benedicite, ómnia ópera Dómini, Dómino: laudáte & superexaltáte eum in sæcula.

V. Glória Patri.

Orémus.

Oratio.

DEus, qui nos beáti Anacleti Mártyris tui atque Pontíficis ánnuâ solemnitáte lætíficas: concéde propítius: ut cujus natalítia cólimus, de ejúsdem étiam protectióne gaudeámus. Per Dóminum nostrum Jesum Christum Fílium tuum: Qui tecum vivit & régnat, in unitáte Spíritus sancti Deus, per ómnia sæcula sæculórum.

Léctio Epístolæ beáti Pauli Apóstoli
ad Corínthios. II. 1.

FRatres, Benedíctus Deus & Pater Dómini nostri Jesu Christi, Pater misericordiárum, & Deus totíus consolatiónis, qui consolátur nos in omni tribulatióne nostra: ut possímus & ipsi consolári eos, qui in omni presúra sunt, per exhortatiónem, quâ exhortámur & ipsi, à Deo. Quóniam sicut abúndant passiónes Christi in nobis: ita & per Christum abúndat consolátio nostra. Sive autem tribulámur pro vestra exhortatióne & salúte, sive consolámur pro vestra consolatióne, sive exhortámur pro vestra exhortatióne & salúte, quæ operátur tolerántiam earúndem passiónum, quas & nos pátimur: ut spes nostra firma sit pro vobis: sciétes, quod sicut sócii passiónum estis, sic éritis & consolatiónis: in Christo Jesu Dómino nostro.

Grad. Ps. 8. Glóriâ & honóre coronásti eum. *V.* Et constituísti eum super ópera mánuum tuárum, Dómine. Allelúia, allel. *V.* Hic est sacerdos, quem coronávit Dóminus. Allel. Sequéntia sancti Evangélíi secúndum Lucam. 14. f

IN illo témpore: Dixit Jesus turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & ánimam suam, non potest meus esse discípulus. Et qui non bájulat crucem suam, & venit post me, non potest meus esse discípulus. Quis enim ex vobis volens turrim ædificáre, non prius sedens cómputat sumptus, qui necessárii sunt, si hábeat ad perficiéndum; ne, posteaquam po-

fuerit fundamentum, & non potuerit perficere, omnes qui vident, incipiant illudere ei, dicentes: Quia hic homo coepit aedificare, & non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se? alioquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renuntiat omnibus quæ possidet, non potest meus esse discipulus.

Offert. Ps. 88. Inveni David fervum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

MUnera tibi, Domine, dicata sanctifica: & intercedente beato Anacleto Martyre tuo atque Pontifice, per eadem nos placatus intende. Per.

Commun. Ps. 20. Posuisti, Domine, in capite ejus coronam de lapide pretioso.

Postcommunio.

Hæc nos communitio, Domine, purget à crimine: & intercedente beato Anacleto Martyre tuo atque Pontifice, coelestis remedii faciat esse consortes. Per Dñm.

DIE XIV. JULII.

IN FESTO S. BONAVENTURÆ
Epis. Conf. & Ecclesiæ Doct.

Introitus. Eccl. 15.

IN medio Ecclesiæ aperuit os ejus: & implevit eum Dominus spiritu sapientiæ & intellectus: stolam gloriæ induit eum. *Ps. 91.* Bonum est confiteri Domino: & psallere nomini tuo, Altissime. *V.* Gloria Patri.

Orémus.

Oratio.

DEus, qui populo tuo æternæ salutis, beatum Bonaventuram ministrum tribuisti: præsta, quaesumus; ut, quem Doctorem vitæ habuimus in terris, intercessorem habere mereamur in cœlis. Per Dominum nostrum.

Lectio Epistolæ beati Pauli Apostoli ad Timotheum. II. 4.

Charissime, Testificor coram Deo & Jesu Christo, qui judicaturus est vivos & mortuos, per adventum ipsius, & regnum ejus: prædica verbum, instā opportune, importune: argue, obsecra, increpa in omni patientia & doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros pruriētes auribus: & à veritate quidem auditum avērtent, ad fabulas autem convertentur. Tu verò vigila, in omnibus labōra, opus fac Evangelistæ, ministerium tuum imple. Sōbrius esto. Ego enim jam delibor, & tempus resolutionis meæ instat. Bonum certavi, cursum consummavi, fidem servavi. In reliquo repōsita est mihi corona justitiæ, quam reddet mihi Dominus in illa die, justus judex: non solum autem mihi, sed & iis, qui diligunt adventum ejus.

Grad. Ps. 36. Os justī meditabitur sapientiam, & lingua ejus loquetur judicium. *V.* Lex Dei ejus in corde ipsius: & non supplantabuntur gressus ejus. Allelūia, allelūia.

V. Ps. 109. Juravit Dominus, & non poenitebit eum: Tu es sacerdos in æternum, secundum ordinem Melchisedech. Allelūia.

Sequētia sancti Evangelii secundum
Matthæum. 5. 6.

IN illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? ad nihilum valet ultra, nisi ut mittatur foras, & conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, & ponunt eam sub mōdio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in cœlis est. Nolite putare quoniam veni sōlvere legem, aut Prophetas: non veni sōlvere, sed adimplere. Amen quippe dico vobis, donec transeat cœlum & terra, iōta unum, aut unus apex non præteribit à lege, donec omnia fiant. Qui ergo sōlverit unum de mandatis istis minimis, & docuerit sic homines, minimus vocabitur in regno cœlorum: qui autem fecerit & docuerit, hic magnus vocabitur in regno cœlorum. Credo.

Offert. Ps. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Sancti Bonaventuræ Confessoris tui atque Pontificis, quæsumus, Domine, annua sollemnitas pietati tuæ nos reddat acceptos: ut per hæc piæ placationis officia, & illum beata retributio comitetur, & nobis gratiæ tuæ dona conciliet. Per Dñm.

Commun. Luc. 12. Fidelis servus & prudens, quem constituit Dominus super familiam suam, ut det illis in tempore tritici mensuram.

Postcommunio.

DEus, fidelium remunerator animarum, præsta: ut beati Bonaventuræ Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dñm.

DIE XV. JULII.

IN FESTO S. HENRICI
Confessoris.

Missa, Os just. ut in Communi Confessoris non Pontificis, fol. xxiii. præter Orationem sequentem.

Oratio.

DEus, qui hodiernâ die beatum Henricum Confessorem tuum, è terrēni cūlmine impērii, ad regnum ætērnū transtulisti, te supplices exoramus; ut sicut illum, gratiæ tuæ ubertate præventum, illécebras sæculi superare fecisti; ita nos facias, ejus imitatione, mundi hujus blandimenta vitare, & ad te puris mentibus pervenire. Per Dñm.

DIE XVI. JULII.

IN FESTO BEATÆ Mariæ
Virginis de Monte Carmelo.

Introitus.

GAudeamus omnes in Domino, diem festum celebrantes, sub honore beatæ Mariæ Virginis: de cujus sollemnitate gaudent Angeli, & collaudant Filium Dei. *Ps. 44.* Eructavit cor meum verbum bonum: dico ego opera mea Regi.

V. Gloria Patri.

Orémus.

Oratio.

DEus, qui beatissimæ semper virginis & genitricis tuæ Mariæ singulari titulo Carmeli Ordinem deco-

rásti: concéde propítius, ut cujus hódie commemorationem solémni celebrámus officio, ejus muníti præsídiis, ad gáudia sempitérna perveníre mereámur. Qui vivis & regnas.

Léctio libri Sapiéntiæ. *Eccl.* 24. c.

EGO quasi vitis fructificávi suavitátem odóris: & flóres mei fructus honóris, & honestátis. Ego mater pulchræ dilectiónis, & timóris, & agnitiónis, & sanctæ spei. In me grátia omnis viæ & veritátis, in me omnis spes vitæ & virtútis. Transíte ad me omnes qui concupíscitis me, & à generatióibus meis implémini. Spíritus enim meus super mel dulcis, & heréditas mea super mel, & favum. Memória mea in generatióes sæculórum. Qui edunt me, adhuc esúrient: & qui bibunt me, adhuc sítient. Qui audit me, non confundétur: & qui operántur in me, non peccábunt. Qui elúcidant me, vitam ætérrnam habebunt.

Grad. Benedícta & venerábilis es Virgo María, quæ sine tactu pudóris, invénta es mater Salvatóris.

V. Virgo Dei génitrix, quem tótuſ non capit orbis, in tua se clausit víscera factus homo. Allelúia, allelúia.

V. Per te Dei génitrix nobis est vita pérdita data: quæ de cœlo suscepísti prolem; & mundo genuísti Salvatórem. Allelúia.

Sequéntia sancti Evangélii secúndum Lucam. 11.

IN illo témpore: Loquéntē Jesu ad turbas, extóllens vocem quædam múlter de turba, dixit illi: Beátus venter, qui te portávit: & úbera, quæ fuxísti. At ille dixit: Quinímò, beáti

qui áudiunt verbum Dei, & custódiunt illud. Credo.

Offert. Recordáre virgo Mater, in conspéctu Dei, ut loquáris pro nobis bona, & ut avértas indignatióem suam à nobis.

Secreta.

SANCTÍfica, Dómine, quæsumus, obláta libámina: & beátæ Dei genitrícis Mariæ salubérrima intercessiône, nobis salutária fore concéde. Per eúndem Dóminum.

Præfatio. Et te in commemoratione beátæ Mariæ. *fol.* 212.

Commun. Regína mundi digníſſima María, virgo perpétua, intercède pro nostra pace & salúte, quæ genuísti Christum Dñm. Salvatórem ómnium.

Postcommunio.

ADjuvet nos, quæsumus Dómine, glorióſæ tuæ genitrícis, sempérque vírginis Mariæ intercessiō veneránda: ut quos perpétuis cumulávit beneficiis, à cunctis perículis absolútos sua fáciat pietáte concórdes. Qui vivis & regnas.

DIE XVII. JULII.

IN FESTO S. ALEXII Confessoris.

Introitus. *Pſ.* 36.

OS justi meditábitur sapiéntiam, & lingua ejus loquétur judícium: lex Dei ejus in corde ipsíus.

Pſ. ib. Noli æmulári in malignántibus: neque zeláveris faciéntes iniquitatem. *V.* Glória Patri.

Orémus.

Oratio.

DEus, qui nos beáti Aléxii Confessoris tui ánnuâ solemnitáte lætíficas: concéde propítius; ut, cujus natalítia cólimus, étiam actiões imitémur. Per Dñm.

Lectio Epistolæ beati Pauli Apostoli
ad Timotheum. I. 6. b.

Charissime, Est quæstus magnus
pietas cum sufficiëntia. Nihil
enim intulimus in hunc mundum:
haud dubium quod nec auferre quid
possumus. Habentes autem alimenta,
& quibus tegamur, his contenti fu-
mus. Nam qui volunt divites fieri,
incidunt in tentationem, & in laque-
um diaboli, & desideria multa inuti-
lia, & nociva, quæ mergunt homines
in interitum & perditionem. Radix
enim omnium malorum est cupiditas:
quam quidam appetentes erraverunt
à fide, & inferuerunt se doloribus
multis. Tu autem, ô homo Dei, hæc
fuge: sectare verò justitiam, pietatem,
fidem, charitatem, patientiam, man-
fuetudinem. Certa bonum certamen
fidei, apprehende vitam æternam.

Grad. Ps. 91. Justus ut palma flo-
rebit: sicut cedrus Libani multipli-
cabitur in domo Domini. *V.* Ad an-
nuntiandum manè misericordiam tu-
am, & veritatem tuam per noctem.
Allelúia, allelúia. *V. Jac. 1.* Beatus
vir, qui suffert tentationem: quoni-
am cum probatus fuerit, accipiet co-
ronam vitæ. Allelúia.

Sequentia sancti Evangelii secundum
Matthæum. 19. d.

In illo tempore: Dixit Petrus ad Je-
sum: Ecce nos reliquimus omnia,
& secuti sumus te: quid ergo erit
nobis? Jesus autem dixit illis: Amen
dico vobis, quod vos, qui secuti estis
me, in regeneratione, cum sederit Fi-
lius hominis in sede majestatis suæ,
sedebitis & vos super sedes duodecim,
judicantes duodecim tribus Israël. Et
omnis qui reliquerit domum, vel fra-

tres, aut sorores: aut patrem, aut ma-
trem, aut uxorem, aut filios, aut agros,
propter nomen meum, centuplum ac-
cipiet, & vitam æternam possidebit.

Offert. Ps. 88. Veritas mea, & mi-
sericordia mea cum ipso: & in nó-
mine meo exaltabitur cornu ejus.

Secreta.

Laudis tibi, Domine, hostias immo-
lamus, in tuorum commemorati-
one sanctorum, quibus nos & præ-
sentibus exui malis confidimus, & fu-
turis. Per Dñm.

Commun. Matt. 24. Beatus servus,
quem, cum venerit dominus, invé-
nerit vigilantem: amen dico vobis,
super omnia bona sua constituet eum.

Postcommunio.

Refecti cibo potuque cœlesti, Deus
noster, te supplices exoramus:
ut in cujus hæc commemoratiōe
percipimus, ejus muniamur & præci-
bus. Per Dñm.

DIE XVIII. JULII.

IN FESTO S. CAMILLI de Lellis
Confessoris.

Introitus. Joan. 15.

Majorem hanc dilectionem nemo
habet, ut animam suam ponat
quis pro amicis suis.

Ps. 40. Beatus, qui intelligit super
egenum, & pauperem: in die mala
liberabit eum Dominus.

V. Gloria Patri.

Orémus.

Oratio.

Deus, qui sanctum Camillum, ad
animarum in extremo agone luc-
tantium subsidium, singulâri charitá-
tis prærogativâ decorasti: ejus, quæ-
sumus, méritis, Spíritum nobis tuæ di-
lectionis infunde: ut in hora exitus

nostri, hostem vincere, & ad cœlestem mereamur coronam pervenire. Per Dñm nostrum. in unitate ejusdem Sp̃itus sancti.

Pro commemoratione SS. Symphorose & septem Filiorum Martyrum.

Oratio.

DEus, qui nos concedis sanctòrum Màrtyrum tuòrum, Symphorose & filiorum ejus, natalitia còlere: da nobis in ætèrna beatitùdine de eòrum societate gaudere. Per Dñm nostrum Jesum Christum Fìlium tuum: Qui tecum.

Lectio Epistolæ beati Joannis Apòstoli. I. 3. b.

Charissimi: Nolite mirari, si odit vos mundus. Nos scimus, quoniam translàti sumus de morte ad vitam, quoniam diligimus fratres. Qui non diligit, manet in morte: omnis, qui odit fratrem suum, homicida est. Et scitis, quoniam omnis homicida, non habet vitam ætèrnā in semet-ipsò manentem. In hoc cognovimus charitatem Dei, quoniam ille animam suam pro nobis posuit, & nos debemus pro fratribus animas pònere. Qui habuerit substantiam hujus mundi, & viderit fratrem suum necessitatem habere, & clàuserit viscera sua ab eo, quomodo charitas Dei manet in eo? Filiioli mei, non diligamus verbo, neque linguā, sed opere, & veritate.

Grad. Ps. 36. Os justī meditabitur sapièntiam, & lingua ejus loquétur judicium. Lex Dei ejus in corde ipsius, & non supplantabuntur gressus ejus. Allelúia, allelúia.

V. Ps. 111. Beátus vir, qui timet Dñm, in mandátis ejus cupit nimis. Allelúia.

Sequèntia sancti Evangelii secúndum Joannem. 15.

IN illo tēpore: Dixit Jesus Discipulis suis: Hoc est præceptum meum, ut diligatis invicem, sicut dilexi vos. Majorem hanc dilectionem nemo habet, ut animam suam ponat quis pro amicis suis. Vos amici mei estis, si feceritis, quæ ego præcipio vobis. Jam non dicam vos servos: quia servus nescit, quid faciat dñus ejus. Vos autem dixi amicos: quia omnia quaecúmque audivi à Patre meo, nota feci vobis. Non vos elegistis: sed ego elegi vos, & posui vos, ut eatis, & fructum afferatis, & fructus vester maneat: ut quodcúmque petieritis Patrem in nómīne meo, det vobis.

Offert. Ps. 20. In virtute tua, Dñe, lætabitur Justus, & super salutare tuum exultabit vehementer: desiderium animæ ejus tribuisti ei.

Secreta.

Hostia immaculata, quā illud Dñi nostri Jesu Christi immensæ charitatis opus renovamus, sancto Camillo intercedente, sit contra omnes corporis, & animæ infirmitates, salutare remedium, & in extremo agone solatium, & tutela. Per eundem Dñm nostrum.

Pro SS. Symphorosa, & septem Filiis Martyribus. Secreta.

Munera tibi, Dñe, nostræ devotiónis offerimus: quæ & pro tuorum tibi grata sint honore justorum, & nobis salutaria, te miserante, reddantur. Per Dñm nostrum Jesum Christum Fìlium tuum.

Commun. Matt. 25. Infirmus fui, & visitastis me: Amen, amen dico vo-

bis: quám diu fecístis uni ex his fratribus meis mínimis, mihi fecístis.

Postcommunio.

PER hæc cœlestia aliménta, quæ, sancti Camílli Confessóris tui solémnia celebrántes, piâ devotiône suscepimus: da, quæsumus, Dómine, ut in hora mortis nostræ Sacraméntis re-fecti, & culpis ómnibus expiati, in finem misericórdiæ tuæ, læti súscipi mereámur. Qui vivis & regnas cum.

Pro SS. Symphorosa, & septem Filiis Martyribus. Postcommunio.

PRæsta nobis, quæsumus, Dómine, intercedéntibus sanctis Martyribus tuis Symphorósa & filiis ejus: ut quæ ore contíngimus, purâ mente capiámus. Per Dñm.

DIE XIX. JULII.

IN FESTO S. VINCENTII
à Paulo Confessoris.

Introitus. Ps. 91.

JUSTUS ut palma florébit, sicut cedrus Líbani multiplicábitur: plantatus in domo Dómini, in átriis domus Dei nostri. *Ps. ib.* Bonum est confitéri Dómino: & psállere nómini tuo, Altíssime. *V. Glória Patri.*

Orémus.

Oratio.

DEUS, qui ad evangelizándum pauperibus, & ecclesiástici órdinis decórem promovéndum, beátum Vincentium Apostólicâ virtúte roborásti: præsta, quæsumus, ut cujus pia mérita venerámur, virtútum quoque instruámur exémplic. Per Dñm.

Lectio Epístolæ beati Pauli Apóstoli ad Corínthios. *I. 4.*

FRATRES, Spectáculum facti sumus mundo, & Angelis, & homínibus. Nos stulti propter Christum, vos au-

tem prudentes in Christo: nos infirmi, vos autem fortes: vos nóbiles, nos autem ignóbiles. Usque in hanc horam & esurimus, & sitimus, & nudi sumus, & cólaphis cædimur, & instábiles sumus, & laborámus operántes manibus nostris: maledícimur, & benedícimus: persecutióne patimur, & sustinémus: blasphemámur, & obsecrámus: tamquam purgaménta hujus mundi facti sumus, ómnium peripséma usque adhuc. Non ut confundam vos, hæc scribo, sed ut filios meos charíssimos móneo, in Christo Jesu Dómino nostro.

Grad. Ps. 36. Os justí meditábitur sapiéntiam, & lingua ejus loquétur judícium. *V.* Lex Dei ejus in corde ipsíus, & non supplantabúntur gressus ejus. Allelúia, allelúia.

V. Ps. 111. Beátus vir, qui timet Dóminum: in mandátis ejus cupit nimis. Allelúia.

Sequéntia sancti Evangélíi secúndum Lucam. *10.*

IN illo témpore: Designávit Dóminus & álios septuagínta duos: & misit illos binos ante faciém suam in omnem civitátem, & locum, quò erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messém suam. Ite: Ecce ego mitto vos sicut agnos inter lupos. Nolíte portáre sácculum, neque peram, neque calceaménta, & néminem per viam salutáveritis. In quamcúmque domum intravéritis, primùm dícite: Pax huic domui: & si ibi fúerit filius pacis, requiescet super illum pax vestra: sin autem, ad vos revertétur. In eadém.

autem domo manéte edéntes, & bibéntes, quæ apud illos sunt: Dignus est enim operárius mercéde suâ. Nolíte transíre de domo in domum. Et in quamcúmque civitátem intravéritis, & fuscéperint vos, manducáte quæ apponúntur vobis: & curáte infirmos, qui in illa sunt, & dícite illis: Appropinquávit in vos regnum Dei.

Offert. Ps. 20. In virtúte tua, Dómine, lætábitur iustus, & super salutare tuum exultábit veheménter: desiderium ánimæ ejus tribuísti ei.

Secreta.

PRæsta nobis, quæsumus, omnípotens Deus: ut nostræ humilitátis oblátio, & pro tuórum tibi grata sit honóre sanctórum, & nos corpore páriter & mente puríficet. Per Dñm.

Commun. Matt. 19. Amen dico vobis, quòd vos, qui reliquistis ómnia, & secúti estis me, céntuplum accipietis, & vitam ætérnam possidébitis.

Postcommunio.

QUæsumus, omnípotens Deus, ut qui cœléstia aliménta percépi-mus, intercedénte beáto Vincéntio Confessóre tuo, per hæc contra ómnia advérsa muniámur. Per Dñm.

DIE XX. JULII.

IN FESTO S. HIERONYMI
Æmiliani Confessoris.

Introitus. Jer. Thr. 2.

Effúsum est in terra jecur meum super contritióne filiae pópuli mei, cùm deficeret párvulus, & lactens in platéis oppidi. *Ps. 112.* Laudáte púeri Dóminum: laudáte nomen Dómini. *V. Glória Patri.*

Orémus.

Oratio.

DEus, misericordiárum Pater, per mérita & intercessiōnem beáti

Hierónymi, quem órphanis adiutórem & patrem esse voluísti: concéde, ut spíritum adoptiōnis, quo filii tui nominámur & sumus, fidéliter custodiámus. Per Dñm.

Lectio Isaíæ Prophætæ. 58.

FRange esuriénti panem tuum, & egénos vagósque induc in domum tuam: cùm videris nudum, óperium, & carnem tuam ne despéxeris. Tunc erúmpet quasi mane lumen tuum, & sánitas tua cítiùs oriétur, & anteíbit faciém tuam iustítia tua, & glória Dómini colliget te. Tunc invocábis, & Dóminus exáudiet: clamábis, & dicet: Ecce adsum: si abstúleris de médio tui caténam, & desíeris exténdere dígitum, & loqui quod non prodest. Cùm effúderis esuriénti ánimam tuam, & ánimam afflíctam repléveris, oriétur in ténebris lux tua, & ténebræ tuæ erunt sicut merídiés. Et réquiem tibi dabit Dóminus semper, & implébit splendóribus ánimam tuam, & ossa tua liberábit, & eris quasi hortus irriguus, & sicut fons aquárum, cujus non deficient aquæ.

Grad. Prov. 5. Derivéntur fontes tui foras, & in platéis aquas tuas dívide. *V. Ps. 111.* Jucúndus homo, qui miserétur & cómmodat: dispónet fermónes suos in iudicio, quia in ætérnum non commovébitur. Allelúia, allel. *V.* Dispérfit, dedit paupéribus: iustítia ejus manet in sæculum sæculi. Allel. Sequéntia sancti Evangélii secúndum Matthæum. 19.

IN illo témpore: Obláti sunt Jesu párvuli, ut manus eis impóneret & oráret. Discípuli autem increpábant eos. Jesus verò ait eis: Sinite párvulos, & nolíte eos prohibére ad me veníre: tálum est enim regnum

coelorum. Et cum imposuisset eis manus, abiit inde. Et ecce unus accedens, ait illi: Magister bone, quid boni faciam, ut habeam vitam æternam? Qui dixit ei: Quid me interrogas de bono? Unus est bonus, Deus. Si autem vis ad vitam ingredi, serva mandata: Dicit illi: Quæ? Jesus autem dixit: Non homicidium facies: Non adulterabis: Non facies furtum: Non falsum testimonium dices: Honora patrem tuum, & matrem tuam, & diliges proximum tuum sicut te ipsum. Dicit illi adolescens: Omnia hæc custodivi à juventute mea, quid adhuc mihi deest? Ait illi Jesus: Si vis perfectus esse, vade, vende quæ habes, & da pauperibus, & habebis thesaurum in coelo: & veni, sequere me.

Offert. Tob. 12. Quando orabas cum lacrymis, & sepeliabas mortuos, & derelinquebas prandium tuum, & mortuos abscondebas per diem in domo tua, & nocte sepeliabas eos, ego obtuli orationem tuam Domino.

Secreta.

Clementissime Deus, qui veteri homine consumpto novum secundum te in beato Hieronymo creare dignatus es: da, per merita ipsius, ut nos pariter renovati hanc placationis hostiam in odorem tibi suavissimum offeramus. Per Dñm.

Communio. Jac. 1. Religio munda & immaculata apud Deum & Patrem, hæc est: Visitare pupillos, & viduas in tribulatione eorum, & immaculatum se custodire ab hoc sæculo.

Postcommunio.

Angelorum pane refecti te, Domine, suppliciter deprecamur: ut qui annuam beati Hieronymi Con-

fessoris tui memoriam celebrare gaudemus, ejusdem etiam & exemplum imitemur, & amplissimum in regno tuo præmium obtinere valeamus. Per Dñm.

DIE XXI. JULII.

SANCTÆ PRAXEDIS Virginis.

Introitus. Ps. 118.

Loquebar de testimoniis tuis in conspectu regum, & non confundebar: & meditabar in mandatis tuis, quæ dilexi nimis. *Ps. ib.* Beati immaculati in via: qui ambulant in lege Domini. *V.* Gloria Patri.

Orémus.

Oratio.

Exaudi nos, Deus, salutaris noster: ut, sicut de beatæ Praxedis Virginis tuæ festivitatem gaudemus, ita piæ devotionis erudiamur affectu. Per. *Lectio Epistolæ beati Pauli Apostoli ad Corinthios. I. 7.*

Fratres, De Virginibus præceptum Domini non habeo: consilium autem do, tamquam misericordiam consecutus à Domino, ut sim fidelis. Existimo ergo hoc bonum esse propter instantem necessitatem, quoniam bonum est homini sic esse. Alligatus es uxori? noli quærere solutionem. Solutus es ab uxore? noli quærere uxorem. Si autem acceperis uxorem, non peccasti. Et si nupserit virgo, non peccavit. Tribulationem tamen carnis habebunt hujusmodi: Ego autem vobis parco. Hoc itaque dico, fratres: Tempus breve est: reliquum est, ut qui habent uxores, tamquam non habentes sint: & qui flent, tamquam non flentes: & qui gaudent, tamquam non gaudentes: & qui emunt tamquam non possidentes: &

qui utuntur hoc mundo, tamquam non utantur: præterit enim figura hujus mundi. Volo autem vos sine sollicitudine esse. Qui sine uxore est, sollicitus est, quæ Domini sunt, quomodo placeat Deo. Qui autem cum uxore est, sollicitus est, quæ sunt mundi, quomodo placeat uxori, & divisus est. Et mulier innupta, & virgo cogitat quæ Domini sunt; ut sit sancta corpore, & spiritu: in Christo Jesu Domino nostro.

Grad. Ps. 44. Dilexisti justitiam, & odisti iniquitatem. *V.* Propterea unxit te Deus, Deus tuus, oleo lætitiæ. Allelúia, allelúia. *V.* Spécie tuâ, & pulchritudine tuâ, intende, prospere procéde, & regna. Allelúia.

Sequéntia sancti Evangelii secúndum Matthæum. 13. f.

IN illo témpore: Dixit Jesus Discipulis suis parabolam hanc: Símile est regnum coelórum thesauro abscondito in agro: quem qui invenit homo, abscondit, & præ gáudio illius vadit, & vendit univérfa quæ habet, & emit agrum illum. Iterum símile est regnum coelórum hómini negotiátóri, quærénti bonas margarítas. Invéntâ autem unâ pretiósâ margarítâ, abiit, & vendidit ómnia quæ hábuit, & emit eam. Iterum símile est regnum coelórum sagénæ missæ in mare, & ex omni génere píscium congregánti. Quam, cum impleta esset, educéntes, & secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, & separábunt malos de médio justórum, & mittent eos in camínium ignis: ibi erit fletus, & stridor déntium. Intellexístis hæc óm-

nia? Dicunt ei: Etiam. Ait illis: Ideò omnis scriba doctus in regno coelórum, símilis est hómini patri-famílias, qui profert de thesauro suo nova & vétera.

Offert. Ps. 44. Diffúsa est grátia in lábiis tuis, propterea benedíxit te Deus in ætérnum, & in sæculum sæculi.

Secreta.

ACcépta tibi sit, Dómine, sacratæ plebis oblátio, pro tuórum honóre Sanctórum: quórum se méritis percépisse de tribulatione cognóscit auxílium. Per Dñm.

Commun. Matt. 13. Símile est regnum coelórum hómini negotiátóri, quærénti bonas margarítas: invéntâ unâ pretiósâ margarítâ, dedit ómnia sua, & comparávit eam.

Postcommunio.

Satiásti, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per.

DIE XXII. JULII.

IN FESTO S. Mariæ MAGDALENÆ.

Introitus. Ps. 118.

ME expectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis. *Ps. ib.* Beáti immaculáti in via: qui ámbulant in lege Domini. *V.* Glória Patri.

Orémus.

Oratio.

BEátæ Mariæ Magdalénæ, quæsumus, Dómine, suffrágiis adjuvémur: ut cujus précibus exorátus, quadiduánum fratrem Lázarum vivum ab ínferis resuscitásti. Qui vivis & regnas cum Deo Patre.

Lectio libri Sapientiae. Cant. 3. & 8.

Surgam, & circuibo civitatem: per vicos & plateas quæram quem diligit anima mea: quæsi vi illum, & non inveni. Invenérunt me vigiles, qui custodiunt civitatem: Num quem diligit anima mea, vidistis? Paululum cum pertransissem eos, inveni quem diligit anima mea: tenui eum, nec dimittam, donec introducam illum in domum matris meæ, & in cubiculum genitricis meæ. Adjuro vos, filiae Jerúsalem, per capreas cervosque camporum, ne fuscitétis, neque evigilare faciatis dilectam, donec ipsa velit. Pone me ut signaculum super cor tuum, ut signaculum super brachium tuum: quia fortis est ut mors dilectio: dura sicut inférnus æmulatio: lampades ejus, lampades ignis atque flammarum. Aquæ multæ non potuerunt extinguerè charitatem, nec flumina obruent illam: si dederit homo omnem substantiam domus suæ pro dilectione, quasi nihil despiciet eam.

Grad. Ps. 44. Dilexisti justitiam, & odisti iniquitatem. *V.* Propterea unxit te Deus, Deus tuus, oleo lætitiæ. Allelúia, allelúia. *V.* Diffusa est grátia in lábiis tuis: propterea benedixit te Deus in ætérnum. Allelúia. *Sequéntia sancti Evangélíi secúndum Lucam. 7. f.*

In illo témpore: Rogábat Jesum quidam de Phariseis, ut manducáret cum illo. Et ingressus domum Pharisei, discubuit. Et ecce mulier, quæ erat in civitate peccatrix, ut cognóvit quòd accubuisset in domo Pharisei, attulit alabastrum unguenti. & stans retrò secus pedes ejus, lácry-

mis coepit rigare pedes ejus, & capillis capitis sui tergébat, & osculabátur pedes ejus, & unguento ungébat. Videns autem Phariseus, qui vocáverat eum, ait intra se, dicens: Hic si esset Prophéta, sciret útique, quæ & qualis est mulier, quæ tangit eum, quia peccatrix est. Et respóndens Jesus dixit ad illum: Simon, hábeo tibi áliquid dicere. At ille ait: Magíster, dic. Duo debitóres erant cuídám sceneratóri: unus debébat denários quingéntos, & álius quinquaginta. Non habéntibus illis unde rédderent, donávit utrísque. Quis ergo eum plus diligit? Respóndens Simon, dixit: Æstimo quia is, cui plus donávit. At ille dixit ei: Rectè judicásti. Et convérsus ad mulierem, dixit Simóni: Vides hanc mulierem? Intrávi in domum tuam, aquam pédibus meis non dedísti: hæc autem lácrymis rigávit pedes meos, & capillis suis terfit. Osculum mihi non dedísti: hæc autem, ex quo intrávit, non cessávit osculári pedes meos. Oleo caput meum non unxísti: hæc autem unguento unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minùs dimittitur, minus diligit. Dixit autem ad illam: Remittúntur tibi peccáta. Et coepérunt, qui simul accumbébant, dicere intra se: quis est hic, qui étiam peccáta dimittit? Dixit autem ad mulierem: Fides tua te salvam fecit: vade in pace. Credo.

Offert. Ps. 44. Fíliæ regum in honóre tuo, ástitit regína à dextris tuis in vestítu deauráto, circúmdata varietáte.

Secreta.

MUnera nostra, quæsumus, Dómine, beátæ Mariæ Magdalénæ gloriósa mérita tibi reddant accépta; cujus oblatiónis obséquium unigénitus Fílius tuus cleménter fuscépit impénsus. Qui tecum vivit.

Commun. Ps. 118. Feci judícium & iustítiam, Dómine, non calumniéntur mihi supérbi: ad ómnia mandáta tua dirigébar, omnem viam iniquitátis ódio hábui.

Postcommunio.

Sumpto, quæsumus, Dómine, único ac salutári remédio, córpore & sáanguine tuo pretióso: ab ómnibus malis, sanctæ Mariæ Magdalénæ patrocíniis, eruámur. Qui vivis.

DIE XXIII. JULII.

IN FESTO S. APOLLINARIS

Episcopi & Martyris.

Introitus. Dan. 3.

Sacerdótes Dei, benedícite Dóminum sancti & húmiles corde, laudáte Deum. *ib.* Benedícite, ómnia ópera Dómini, Dómino: laudáte, & superexaltáte eum in sæcula.

*V. Glória Patri.**Orémus.**Oratio.*

DEus, fidéliu remunerátor animárum, qui hunc diem beáti Apollináris sacerdotis tui martyrio consecrásti: tríbe nobis, quæsumus, sámulis tuis; ut, cujus venerándam celebrámus festivitátem, précibus ejus indulgéntiam consequámur. Per Dñm.

*Deinde fit commemoratio S. Liborii**Episcopi & Confessoris.**Oratio.*

DA, quæsumus, omnípotens Deus, ut beáti Libórii Confessóris tui,

atque Pontíficis veneránda solémnitás, & devotiónem nobis áugeat & salútem. Per Dñm.

Lectio Epístolæ beáti Petri

Apóstoli. I. 5.

Charíssimi, Senióres, qui in vobis sunt, óbsecro, consénior & testis Christi passiónum: qui & ejus, quæ in futúro revelánda est, glóriæ comunicátor: páscite qui in vobis est gregem Dei, providéntes non coácte, sed spontáneè secúndum Deum: neque turpis lucri grátiâ, sed voluntáriè: neque ut dominátes in cleris, sed forma facti gregis ex ánimo. Et cùm apparúerit princeps pastórum, percipiétis immarcescibilem glóriæ coronam. Simíliter adolescéntes súbditi estóte senióribus. Omnes autem invicem humilitátem insinuáte, quia Deus supérbis resístit, humílibus autem dat grátiam. Humiliámini ígitur sub poténti manu Dei, ut vos exáltet in témpore visitatiónis: omnem solícitúdinem vestram projiciéntes in eum, quóniam ipsi cura est de vobis. Sóbrii estóte, & vigiláte: quia adversárius vester diábolus tamquam leo rúgiens círcuit, quærens quem devoret: cui resístite fortes in fide: sciéntes eámdem passiónem ei, quæ in mundo est, vestræ fraternitáti fieri. Deus autem omnis grátiae, qui vocávit nos in ætérnam suam glóriam in Christo Jesu, módicum passos ipse perficiet, confirmábit, solidabítque. Ipsi glória, & impérium in sæcula sæculórum. Amen.

Grad. Ps. 88. Invéni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Y. Nihil proficiet inimicus in eo: & filius iniquitatis non nocébit ei. Allelúia, allelúia. *Y. Ps. 109.* Jurávit Dóminus, & non poenitébit eum: Tu es facérdos in ætérnum, secúndum órduem Melchisedech. Allelúia.

Sequéntia sancti Evangélii secúndum Lucam. 22. c.

IN illo témpore: Facta est conténtio inter discípulos, quis eórum vide-rétur esse major. Dixit autem eis Jesus: Reges Géntium dominántur eórum: & qui potestátem habent su-per eos, benéfici vocántur. Vos au-tem non sic: sed qui major est in vobis, fiat sicut minor; & qui præ-céssor est, sicut ministrátor. Nam quis major est, qui recúmbit, an qui ministrat? nonne qui recúmbit? Ego autem in médio vestrúm sum, sicut qui ministrat: vos autem estis, qui permansístis mecum in tentatiónibus meis. Et ego dispóno vobis, sicut dispósuit mihi Pater meus regnum, ut edátis & bibátis super mensam meam in regno meo: & sedeátis super thro-nos, judicántes duódecim tribus Is-raël.

Offert. Ps. 88. Véritas mea, & mi-sericórdia mea cum ipso: & in nómi-ne meo exaltábitur cornu ejus.

Secreta.

REspice, Dómine, propítius super hæc múnera, quæ pro beáti sa-cerdótis & Mártiris tui Apollináris commemoratióne deférimus, & pro nostris offensióibus immolámus. Per.

Pro S. Liborio. Secreta.

SAncti tui, quæsumus, Dómine, nos ubique lætíficent: ut dum eórum mérita recólinus, patrocínia sentiá-mus. Per Dñm.

Commun. Matt. 25. Dómine quin-que talénta tradidísti mihi, ecce ália quinque superlucrátus sum: euge serve bone & fidélis: quia in pauca fuísti fidélis, supra multa te consti-tuam: intra in gáudium dómini tui.

Postcommunio.

TUa sancta suméntes, quæsumus, Dómine, ut beáti Apollináris nos foveat continuáta præsidia: quia non desinis propítius intuéri, quos talibus auxiliis concésseris adjuvári. Per Dñm.

Pro S. Liborio. Postcommunio.

PRæsta, quæsumus, omnípotens Deus: ut de percéptis munéribus grátias exhibéntes, intercedénte beáto Libório Confessóre tuo atque Pontí-fice, beneficia potióra sumámus. Per.

D I E X X I V . J U L I I .

IN VIGILIA S. JACOBI Apostoli.

Missa, Ego autem sicut olíva. de Comuni in Vigilia unius Apostoli, fol. j. Et fit commemoratio S. Christinæ Vir-ginis & Martyris, & tertia Oratio de S. Maria ut infra.

¶ Si Festum S. Jacobi venerit Feria ij. de Vigilia fit commemoratio in Sab-bato in Missa S. Apollinaris, & tunc pro commemoratione S. Liborii sumatur Oratio, Exáudi, quæsumus, Dómine. fol. xix. de S. Christina verò fit in Dominica.

Pro commemoratione S. Christinæ Virginis & Martyris.

Oratio.

Indulgéntiam nobis, quæsumus, Dó-mine, beáta Christína Virgo & Martyr implóret: quæ tibi grata semper éxitit & mérito castitátis, & tuæ professióne virtútis.

De S. Maria. Oratio.

Concède nos famulos tuos, quæsumus, Dómine Deus, perpétuam mentis & corporis fanitatem gaudere: & gloriósa beatæ Mariæ semper Virginis intercessione, à præsentí liberári tristitiâ, & æternâ perfrui lætitiâ. Per Dñm.

Pro S. Christina. Secreta.

Hostias tibi, Dómine, beatæ Christinæ Virginis & Mátyris tuæ dicatas méritis, benígnus assúme: & ad perpétuum nobis tríbe proveníre subsidium.

De S. Maria. Secreta.

Tua, Dómine, propitiatióne, & beatæ Mariæ semper Virginis intercessione, ad perpétuam atque præsentem hæc oblátio nobis proficiat prosperitatem & pacem. Per Dñm.

Pro S. Christina. Postcommunio.

Divini muneris largitate satiati, quæsumus, Dómine Deus noster: ut intercedente beatâ Christinâ Virgine & Mátyre tuâ, in ejus semper participatione vivamus.

Pro S. Maria. Postcommunio.

Sumptis, Dómine, salutis nostræ subsidiis; da, quæsumus, beatæ Mariæ semper Virginis patrociniis nos ubique prótegi: in cujus veneratione hæc tuæ obtulimus majestati. Per Dñm.

DIE XXV. JULII.

IN FESTO S. JACOBI Apostoli.

Introitus. Ps. 138.

Mihi autem nimis honorati sunt amici tui, Deus: nimis confortatus est principatus eorum.

Ps. ib. Dómine, probasti me, & cognovisti me: tu cognovisti sessionem

meam, & resurrectionem meam.

V. Glória Patri.

Orémus.

Oratio.

Esto, Dómine, plebi tuæ sanctificator & custos: ut Apóstoli tui Jacobi munita præsidiis, & conversatione tibi placeat, & securâ mente deserviat. Per Dóminum nostrum Jesum Christum Fílium tuum: Qui.

¶ In Missis privatis pro commemoratione S. Christophori Martyris.

Oratio.

Præsta, quæsumus, omnipotens Deus: ut qui beati Christophori Mátyris tui natalitia colimus, intercessione ejus in tui nominis amore roborémur. Per Dñm.

In Missa autem solemni nulla fit commemoratio de eo.

Lectio Epistolæ beati Pauli Apóstoli ad Corínthios. I. 4. b.

Fratres, Puto quod Deus nos Apóstolos novíssimos ostendit, tamquam morti destinatos: quia spectáculum facti sumus mundo & Angelis, & homínibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cedimur, & instábiles sumus, & laboramus operantes manibus nostris: maledicimur, & benedicimus: persecutionem patimur, & sustinemus: blasphemámur, & obsecramus: tamquam purgamenta hujus mundi facti sumus, omnium peripséma usque adhuc. Non ut confundam vos hæc scribo, sed ut filios meos charíssimos moneo. Nam si decem millia pædagogorum habeatis in Christo, sed non multos patres

Nam in Christo Jesu per Evangélium ego vos genui.

Grad. Ps. 44. Constitues eos principes super omnem terram: memores erunt nominis tui, Dómine. *V.* Pro pátribus tuis nati sunt tibi filii: propterea pópuli confitebúntur tibi. Allelúia, allelúia. *V. Joan. 15.* Ego vos elegi de mundo, ut eátis, & fructum afferátis, & fructus vester máneat. Allel. Sequéntia sancti Evangélii secúndum Matthæum. 20. c.

IN illo témpore: Accéssit ad Jesum mater filiórum Zebedæi cum filiis suis, adórans & petens áliquid ab eo. Qui dixit ei: Quid vis? Ait illi: Dic ut sédeant hi duo filii mei, unus ad dexteram tuam, & unus ad sinistram in regno tuo. Respóndens autem Jesus, dixit: Nescítis quid petátis. Potéstis bíbere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sedere autem ad dexteram meam vel sinistram, non est meum dare vobis, sed quibus parátum est à Patre meo. Credo.

Offert. Ps. 18. In omnem terram exívit sonus eórum, & in fines orbis terræ verba eórum.

Secreta.

Oblatiónes pópuli tui, quæsumus, Dómine, beáti Jacóbi Apóstoli passio beáta concíliet: & quæ nostris non aptæ sunt méritis, fiant tibi placitæ ejus deprecatione. Per Dñm.

Pro S. Christophoro Martyre.

Secreta.

MUnéribus nostris, quæsumus, Dómine, precibúque fuscéptis: & coeléstibus nös munda mystériis & cleménter exáudi. Per Dñm.

Præfatio de Apostolis, fol. 212.

Commun. Matt. 19. Vos qui secúti estis me, sedébitis super sedes judicantes duódecim tribus Israël.

Postcommunio.

BEáti Apóstoli tui Jacóbi, quæsumus, Dómine, intercessióne nos ádjuva: pro cujus festivitáte percépimus tua sancta lætántes. Per Dñm.

Pro S. Christophoro Martyre.

Postcommunio.

DA, quæsumus, Dómine Deus noster: ut, sicut tuórum commemoratione sanctórum, temporáli gratulámur officio; ita perpétuo lætémur aspéctu. Per Dñm.

DIE XXVI. JULII.

IN FESTO S. ANNÆ
Matris Beatæ Mariæ Virginis.

Introitus.

GAudeámus omnes in Dómino, diem festum celebrántes, sub honóre beátæ Annæ: de cujus solemnitáte gaudent Angeli, & collaudant Fílium Dei. *Ps. 44.* Eructávit cor meum verbum bonum: dico ego ópera mea Regi: *V.* Glória Patri.

Orémus.

Oratio.

DEus, qui beátæ Annæ grátiam conférre dignátus es, ut genitricis unigéniti Fílii tui mater éffici mereretur: concéde propítius; ut, cujus solemnia celebrámus, ejus apud te patrociniiis adjuvémur. Per eúndem Dñm.

Léctio libri Sapiéntiæ. Prov. 31. b.

MUlierem fortem quis invéniet? procul, & de últimis finibus prétium ejus. Confidit in ea cor viri sui, & spóliis non indigébit. Reddet ei bonum, & non malum, ómnibus diébus vitæ suæ. Quæsivit la-

O o o

nam & linum, & operata est consilio manuum suarum. Facta est quasi navis institoris, de longe portans panem suum. Et de nocte surrexit, deditque praedam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit & vidit quia bona est negotiatio ejus: non extinguetur in nocte lucerna ejus. Manum suam misit ad fortia, & digiti ejus apprehenderunt fufum. Manum suam aperuit inopi, & palmas suas extendit ad pauperem. Non timebit domui suae a frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus & purpura indumentum ejus. Nobilis in portis vir ejus, quando sederit cum senatoribus terrae. Sindonem fecit, & vendidit, & cingulum tradidit Chananæo. Fortitudo & decor indumentum ejus, & ridebit in die novissimo. Os suum aperuit sapientiae, & lex clementiae in lingua ejus. Consideravit semitas domus suae, & panem otiosa non comedit. Surrexerunt filii ejus, & beatissimam praedicaverunt: vir ejus, & laudavit eam. Multae filiae congregaverunt divitias: tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum: & laudent eam in portis opera ejus.

Grad. Ps. 44. Dilexisti justitiam, & odisti iniquitatem. *V.* Propterea unxit te Deus, Deus tuus, oleo laetitiae. Alleluia, alleluia. *V.* Diffusa est

gratia in labiis tuis, propterea benedixit te Deus in aeternum. Alleluia. Sequentia sancti Evangelii secundum Matthaeum. 13. f.

IN illo tempore: Dixit Jesus discipulis suis parabolam hanc: Simile est regnum coelorum thesauro abscondito in agro: quem qui invenit homo, abscondit, & praegaudio illius vadit, & vendit universa quae habet, & emit agrum illum. Iterum simile est regnum coelorum homini negotiatori quaerenti bonas margaritas. Inventam autem unam pretiosam margaritam, abiit, & vendidit omnia quae habuit, & emit eam. Iterum simile est regnum coelorum sagenae missae in mare, & ex omni genere piscium congreganti. Quam, cum impleta esset, educentes, & secus littus sedentes, elegerunt bonos in vasa, malos autem foras miserunt. Sic erit in consummatione saeculi: exhibunt Angeli, & separabunt malos de medio justorum, & mittent eos in caminum ignis: ibi erit fletus, & stridor dentium. Intellexistis haec omnia? Dicunt ei: Etiam. Ait illis: Ideo omnis scriba doctus in regno coelorum, similis est homini patrifamilias, qui profert de thesauro suo nova & vetera.

Offert. Ps. 44. Filiae regum in honore tuo, assistit regina a dextris tuis in vestitu deaurato, circumdata varietate. *Secreta.*

Sacrificiis praesentibus, quaesumus, Domine, placatus intende: ut per intercessionem beatae Annae, quae genitricis Filii tui Domini nostri Jesu Christi mater extitit, & devotioni nostrae proficiant & salutem. Per eundem Dñm nostrum Jesum Christum.

Commun. Ps. 44. Diffusa est grátia in lábiis tuis : propterea benedixit te Deus in ætérnum, & in sæculum sæculi.

Postcommunio.

COeléstibus sacraméntis vegetáti, quæsumus, Dómine Deus noster : ut intercessióne beátæ Annæ, quam genitrícis Fílii tui matrem esse voluísti, ad ætérnam salútem pervenire mereámur. Per eúndem Dñm.

DIE XXVII. JULII.
SANCTI PANTALEONIS
Martyris.

Missa, Lætábitur Justus. de Comuni unius Martyris, fol. v.

DIE XXVIII. JULII.
IN FESTO SS. NAZARII, CELSI,
& VICTORIS Mart. & INNO-
CENTII Papæ & Confessoris.

Introitus. Ps. 78.

INtret in conspéctu tuo, Dómine, gémitus compeditórum : redde vicinis nostris séptuplum in sinu eórum, vindica sánguinem sanctórum tuórum, qui effusus est. *Ps. ib.* Deus, venerunt Gentes in hereditátem tuam, polluérunt templum sanctum tuum : posuérunt Jerúsalem in pomórum custódiam. *V. Glória Patri.*

Orémus.

Oratio.

Sanctórum tuórum nos, Dómine, Nazárii, Celsi, Victóris, & Innocéntii conféssio beáta commúniat, & fragilitáti nostræ subsidium dignánte exóret. Per Dñm.

Léctio libri Sapientiae. 10. f.

Reddidiit Deus justis mercédem laborum suórum, & deduxit illos in via mirábili, & fuit illis in vela-

ménto diéi, & in luce stellárum per noctem : transtulit illos per Mare Rubrum, & transvéxit illos per aquam nímiám. Inimícos autem illórum demérfit in mare, & ab altitúdine inférórum eduxit illos. Ideò justi tulérunt spólia impiórum, & decantavérunt, Dómine, nomen sanctum tuum, & victricem manum tuam laudavérunt páriter, Dómine Deus noster.

Grad. Exod. 15. Gloriósus Deus in sanctis suis : mirábilis in majestáte, fáciens prodígia. *V.* Déxtera tua, Dómine, glorificáta est in virtúte : déxtera manus tua confrégit inimícos. Allelúia, allelúia. *V. Eccl. 44.* Córpora sanctórum in pace sepúlta sunt, & nómina eórum vivent in generatióne & generatióne. Allelúia.

Sequéntia sancti Evangélii secúndum
Lucam. 21.

IN illo témpore : Dixit Jesus discipulis suis. Cúm audiéritis prælia, & seditiónes, nolíte terréri : opórtet primúm hæc fieri, sed nondum statim finis. Tunc dicébat illis : Surget gens contra gentem, & regnum advérsus regnum. Et terræmótus magni erunt per loca, & pestiléntiæ, & fames, terróresque de coelo, & signa magna erunt. Sed ante hæc ómnia injicient vobis manus suas, & persequéntur tradéntes in synagógas & custódias, trahéntes ad reges & præfides propter nomen meum : contínget autem vobis in testimónium. Pónite ergo in córdibus vestris, non præmeditári quemádmódum respondeátis. Ego enim dabo vobis os & sapiéntiam, cui non póterunt résistere & contradícere omnes adversárii vestri. Tradémini autem à paréntibus, & frátribus, & cognátis, & amícis, &

morte afficient ex vobis : & éritis ódio ómnibus propter nomen meum : & capillus de cápite vestro non períbit. In paciéntia vestra possidébitis ánimas vestras.

Offert. Ps. 67. Mirábilis Deus in sanctis suis : Deus Israël ipse dabit virtútem & fortitúdinem plebi suæ : benedíctus Deus. Allelúia.

Secreta.

Concède nobis, omnípotens Deus : ut his munéribus, quæ in Sanctórum tuórum Nazárii, Celsi, Victóris, & Innocéntii honóre deférimus, & te placémus exhibitis, & nos vivificémur accéptis. Per Dñm.

Commun. Sap. 3. Et si coram homínibus torménta passi sunt, Deus tentávit eos : tamquam aurum in fornáce probávit eos : & quasi holocáusta accépit eos.

Postcommunio.

Sanctórum Nazárii, Celsi, Victóris, & Innocéntii, Dómine, intercessióne placátus : præsta, quæsumus ; ut quod temporáli celebrámus actióne, perpétuâ salvatióne capiamus. Per.

D I E XXIX. J U L I I.

IN FESTO S. MARTHÆ Virginis.

Introitus. Ps. 44.

Dillexisti justítiam, & odisti iniquitátem : proptéreà unxit te Deus, Deus tuus, óleo lætitiæ præ confortibus tuis. *Ps. ib.* Eructávit cor meum verbum bonum : dico ego ópera mea Regi. *V.* Glória Patri.

Orémus.

Oratio.

EXáudi nos, Deus salutáris noster : ut sicut de beátæ Marthæ Vírginis tuæ festivitáte gaudémus, ita piæ devotiónis erudiámur afféctu. Per.

Pro commemoratione sanctorum Felicis, Simplicii, Faustini, & Beatricis, Martyrum.

Oratio.

Præsta, quæsumus, Dómine : ut sicut pópulus Christiánus Mátyrum tuórum Felícis, Simplicii, Faustini & Beatricis temporáli solemnitáte congáudet, ita perfruátur æternâ : & quod votis célebrat, comprehendat efféctu.

Tertia Oratio. A cunctis. fol. lxxiv. Lécitio Epístolæ beáti Pauli Apóstoli ad Corínthios. *II. 10. & 11.*

Fratres, Qui gloriátur, in Dómino gloriétur. Non enim qui seípsum comméndat, ille probátus est : sed quém Deus comméndat. Utinam sustinerétis módicum quid insipientiæ meæ : sed & supportáte me. Æmulor enim vos Dei æmulatione. Despóndi enim vos uni viro, vírginem castam exhibére Christo.

Grad. Ps. 44. Spécie tuâ, & pulchritúdine tuâ, inténde, próspere procéde, & regna. *V.* Propter veritátem, & mansuetúdinem, & justítiam : & dedúcet te mirábiliter dextera tua. Allelúia, allelúia. *V.* Adducéntur Regi vírgines post eam : próximæ ejus afferéntur tibi in lætítia. Allelúia. Sequéntia sancti Evangélii secúndum Lucam. 10. g.

In illo témpore : Intrávit Jesus in quoddam castéllum : & múlier quædam Martha nómine, excépit illum in domum suam : & huic erat soror nómine María, quæ étiam sedens secus pedes Dómini, audiébat verbum illius. Martha autem fatagébat circa frequens ministérium : quæ stetit, & ait : Dómine, non est

tibi curæ quòd soror mea reliquit me
solam ministrare? dic ergo illi, ut me
adjuvet. Et respondens, dixit illi
Dóminus: Martha, Martha, solícita
es, & turbáris erga plúrima. Porro
unum est necessárium. María ópti-
mam partem elégit, quæ non aufe-
rétur ab ea.

Offert. Ps. 44. Fíliæ regum in ho-
nóre tuo, astitit regína à dextris tuis
in vestítu deauráto, circúmdata va-
rietáte.

Secreta.

A Ccépta tibi sit, Dómine, sacrátæ
plebis oblátio, pro tuórum ho-
nóre Sanctórum: quorum se méritis
de tribulatióne percepisse cognóscit
auxílium. Per Dñm.

*Pro Sanctis Martyribus Felice, Sim-
plicio, Faustino, & Beatrice.*

Secreta.

Hostias tibi, Dómine, pro sanctó-
rum Mártyrum tuórum, Felícis,
Simplicii, Faustíni, & Beatricis com-
memoratióne deférimus, suppliciter
deprecántes: ut indulgéntiam nobis
páriter cónferant & salútem.

Tertia Secreta. Exáudi nos. lxxiv.

Commun. Matt. 25. Quinque pru-
déntes vírgines accepérunt óleum in
vasis suis cum lampádibus: mediâ
autem nocte clamor factus est, Ecce
sponsus venit, exíte óbviám Christo
Dómino.

Postcommunio.

Satiásti, Dómine, famíliam tuam
munéribus sacris: ejus, quæsu-
mus, semper interventióne nos ré-
fove, cujus solémnia celebrámus.
Per Dñm.

*Pro Sanctis Martyribus Felice, Sim-
plicio, Faustino, & Beatrice.*

Postcommunio.

PRæsta, quæsumus, omnipotens Deus:
ut sanctórum Mártyrum tuórum
Felícis, Simplicii, Faustíni, & Beatri-
cis, coeléstibus mystériis celebráta so-
lémnitas, indulgéntiam nobis tuæ
propitiatiónis acquírat.

Tertia. Mundet & múniat. lxxiv.

DIE XXX. JULII.

SS. ABDON & SENNEN Mart.

Introitus. Ps. 78.

INtret in conspéctu tuo, Dómine,
gémítás compeditórum: redde vi-
cínis nostris séptuplum in sinu eórum,
víndica sánguinem sanctórum tuó-
rum, qui effúsus est. *Ps. ib.* Deus,
venérunt Gentes in hereditátem tuam,
polluérunt templum sanctum tuum:
posuérunt Jerúsalem in pomórum
custódiam. *V. Glória Patri.*

Orémus.

Oratio.

DEus, qui sanctis tuis Abdon &
Sennen ad hanc glóriam veni-
éndi copiósum munus grátiae contulí-
sti: da fámulis tuis fuórum véniam
peccatórum; ut Sanctórum tuórum
intercedéntibus méritis, ab ómnibus
mereámur adversitatibus liberári. Per.
*Lectio Epístolæ beati Pauli Apóstoli
ad Corínthios. II. 6.*

FRatres, Exhibeámus nosmetípsos
sicut Dei minístros in multa pati-
éntia, in tribulatióne, in necessitá-
tibus, in angústis, in plagis, in car-
ceribus, in seditióne, in labóribus,
in vigiliis, in jejúniis, in castitate, in
sciéntia, in longanimitate, in suavi-
tate, in Spíritu sancto, in charitate
non ficta, in verbo veritatis, in virtute
Dei, per arma justítiæ à dextris, & à
sinístris, per glóriam, & ignobilitá-

tem; per infamiam, & bonam famam: ut seductores, & veraces: sicut qui ignoti, & cogniti: quasi morientes, & ecce vivimus: ut castigati, & non mortificati: quasi tristes, semper autem gaudentes: sicut egentes, multos autem locupletantes: tamquam nihil habentes, & omnia possidentes.

Grad. Exod. 15. Gloriosus Deus in sanctis suis: mirabilis in maiestate faciens prodigia. *V.* Dextera tua, Domine, glorificata est in virtute: dextera manus tua confrégit inimicos. Allelúia, allelúia. *V. Sap. 3.* Justorum animæ in manu Dei sunt, & non tanget illos tormentum malitiæ. Allelúia.

Sequéntia sancti Evangelii secundum Matthæum. 5.

IN illo tempore: Videns Jesus turbas, ascendit in montem, & cum sedisset, accesserunt ad eum discipuli ejus, & aperiens os suum docebat eos, dicens: Beati pauperes spiritu: quoniam ipsorum est regnum celorum. Beati mites: quoniam ipsi possidebunt terram. Beati, qui lugent: quoniam ipsi consolabuntur. Beati, qui esuriunt, & sitiunt iustitiam: quoniam ipsi saturabuntur. Beati misericordes: quoniam ipsi misericordiam consequentur. Beati mundo corde: quoniam ipsi Deum videbunt. Beati pacifici: quoniam filii Dei vocabuntur. Beati, qui persecutionem patiuntur propter iustitiam: quoniam ipsorum est regnum celorum. Beati estis cum maledixerint vobis, & persecuti vos fuerint, & dixerint omne malum adversum vos, mentientes, propter me: gaudete, & exultate, quoniam merces vestra copiosa est in celis.

Offert. Ps. 67. Mirabilis Deus in sanctis suis: Deus Israël ipse dabit virtutem & fortitudinem plebi suæ: benedictus Deus. Allelúia.

Secreta.

HÆc hostia, quaesumus, Domine, quam sanctorum Martyrum tuorum natalitia recensentes offerimus: & vincula nostræ pravitatis absolvat, & tuæ nobis misericordiae dona conciliet. Per Dñm.

Commun. Ps. 78. Posuerunt mortalia servorum tuorum, Domine, escas volatilibus coeli, carnes sanctorum tuorum bestiis terræ: secundum magnitudinem brachii tui posside filios morte punitorum.

Postcommunio.

PER hujus, Domine, operationem mysterii, & vitia nostra purgentur, & intercedentibus sanctis Martyribus tuis Abdon & Sennen, iusta desideria compleantur. Per Dñm.

DIE XXXI. JULII.

IN FESTO S. IGNATHII Confessoris.

Introitus. Phil. 2.

IN nomine Jesu omne genu flectatur, celestium, terrestrium, & infernorum, & omnis lingua confiteatur, quia Dominus Jesus Christus in gloria est Dei Patris. *Ps. 5.* Gloriabuntur in te omnes, qui diligunt nomen tuum: quoniam tu benedices iusto.

V. Glória Patri.

Orémus.

Oratio.

DEus, qui ad maiorem tui nominis gloriam propagandam novo per beatum Ignatium subsidio militan-tem Ecclesiam roborasti: concede, ut ejus auxilio, & imitatione certantes in terris, coronari cum ipso mereamur in celis. Qui vivis & regnas.

Lectio Epistolæ beati Pauli Apostoli
ad Timotheum. II. 2.

Charissime, Memor esto Dominum
nostrum Jesum Christum resur-
rexisse à mortuis ex semine David,
secundum Evangelium meum, in quo
laboro usque ad vincula, quasi malè
operans: sed verbum Dei non est
alligatum. Ideò omnia sustineo prop-
ter electos, ut & ipsi salutem con-
sequantur, quæ est in Christo Jesu,
cum gloria coelæsti. Tu autem asse-
cutus es meam doctrinam, institutio-
nem, propositum, fidem, longanimita-
tem, dilectionem, patientiam, perse-
cutiones, passionés: quælia mihi facta
sunt Antiochiæ, Iconii, & Lystris:
quales persecutiones sustinui, & ex
omnibus eripuit me Dominus. Et
omnes, qui piè volunt vivere in Chri-
sto Jesu, persecutionem patientur.

Grad. Ps. 91. Justus ut palma flo-
rebit: sicut cedrus Libani multipli-
cabitur in domo Domini. *V.* Ad an-
nuntiandum manè misericordiam tu-
am, & veritatem tuam per noctem.
Allelúia, allelúia. *V. Jac. 1.* Beatus
vir qui suffert tentationem: quoniam
cum probatus fuerit, accipiet coronam
vitæ. Allelúia.

Sequentia sancti Evangelii secundum
Lucam. 10.

In illo tempore: Designavit Domi-
nus & alios septuaginta duos. Et
misit illos binos ante faciem suam in
omnem civitatem, & locum, quò
erat ipse venturus. Et dicebat illis:
Messis quidem multa, operarii autem
pauci. Rogate ergo Dominum mes-
sis, ut mittat operarios in messem
suam. Ite: Ecce ego mitto vos sicut
agnos inter lupos. Nolite portare

sacculum, neque peram, neque cal-
ceamenta, & neminem per viam salu-
taveritis. In quamcunque domum
intraveritis, primum dicit: Pax huic
domui: & si ibi fuerit filius pacis,
requiescet super illum pax vestra: sin
autem, ad vos revertetur. In eadem
autem domo manete, edentes, & bi-
bentes, quæ apud illos sunt: Dignus
est enim operarius mercede suâ. No-
lite transire de domo in domum. Et
in quamcunque civitatem intraveri-
tis, & susceperint vos, manducate
quæ apponuntur vobis: & curate in-
firmos, qui in illa sunt, & dicit illis:
Appropinquavit in vos regnum Dei.

Offert. Ps. 88. Veritas mea, & mi-
sericordia mea cum ipso: & in nó-
mine meo exaltabitur cornu ejus.

Secreta.

Ad sint, Domine Deus, oblationibus
nostris sancti Ignatii benigna suf-
fragia: ut sacrosancta mysteria, in
quibus omnis sanctitatis fontem con-
stituisti, nos quoque in veritate sanc-
tificent. Per Dominum nostrum Je-
sum Christum Filium tuum: Qui
tecum vivit & regnat in unitate Spí-
ritus sancti Deus.

Commun. Luc. 12. Ignem veni mít-
tere in terram, & quid volo, nisi ut
accendatur?

Postcommunio.

Laudis hostia, Domine, quam pro
sancto Ignatio grátias agentes
obtulimus: ad perpétuam nos maje-
statis tuæ laudationem, ejus interces-
sione perducatur. Per Dominum nos-
trum Jesum Christum Filium tuum:
Qui tecum vivit & regnat in unitate
Spíritus sancti Deus, per omnia sæcu-
la sæculórum.

FESTA AUGUSTI.

DIE I. AUGUSTI.

IN FESTO S. PETRI ad Vincula.

Introitus. Act. 12.

Nunc scio verè, quia misit Dominus Angelum suum: & eripuit me de manu Heródis, & de omni expectatióne plebis Judæórum.

Pf. 138. Dómine, probásti me, & cognovísti me: tu cognovísti fessiónem meam, & resurrectionem meam.

*V. Glória Patri.**Orémus.**Oratio.*

Deus, qui beátum Petrum Apóstolum, à vinctulis absolútum, illæsum abire fecísti: nostrórum, quæsumus, absolve vinctula peccatórum; & ómnia mala à nobis propitiátus exclúde. Per Dóminum nostrum Jesum Christum Fílium tuum.

*Et fit commemoratio S. Pauli.**Oratio.*

Deus, qui multitudínem Géntium beáti Pauli Apóstoli prædicatióne docuísti: da nobis, quæsumus; ut cujus commemoratiónem cólimus, ejus apud te patrocínia sentiámus.

*Deinde SS. Machabæorum Mart.**Oratio.*

Fratérna nos, Dómine, mártýrum tuórum coróna lætíficet: quæ & fidei nostræ præbeat incrementa virtútum; & multiplici nos suffrágio consolétur. Per Dñm.

Lectio Actuum Apostolorum. 12.

In diébus illis: Misit Heródes rex manus, ut afflígeret quosdam de Ecclesiá. Occidit autem Jacóbum fratrem Joánnis gládio. Videns autem quia placéret Judæis, appósuit

ut apprehénderet & Petrum. Erant autem dies Azymórum. Quem cum apprehendisset, misit in cárcerem, tradens quátuor quaterniónibus militum custodiéndum, volens post Pascha producere eum pópulo. Et Petrus quidem servabátur in cárcere. Oratio autem fiebat sine intermissi-
 óne ab Ecclesiá ad Deum pro eo. Cum autem productúrus eum esset Heródes, in ipsa nocte erat Petrus dórmíens inter duos mílites, vinctus caténis duábus: & custódes ante óstium custodiébant cárcerem. Et ecce Angelus Dómini ástitit: & lumen refúlfit in habitáculo: percussóque látere Petri excitávit eum dicens: Surge velociter. Et cecidérunt caténæ de mánibus ejus. Dixit autem Angelus ad eum: Præcingere, & calcea te caligas tuas. Et fecit sic. Et dixit illi: Circúmda tibi vestiméntum tuum, & séquere me. Et éxiens sequebátur eum, & nesciébát quia verum est, quod fiebat per Angelum: existimábat autem se visum videre. Transeúntes autem primam & secúndam custódiam, vénérent ad portam férream quæ ducit ad civitátem: quæ ultrò apérta est eis. Et exeúntes processérunt vicum unum: Et continuò discéssit Angelus ab eo. Et Petrus ad se revérsus, dixit: Nunc scio verè, quia misit Dóminus Angelum suum, & eripuit me de manu Heródis, & de omni expectati-
 óne plebis Judæórum.

Grad. Pf. 44. Constitues eos príncipes super omnem terram: mémores erunt nóminis tui, Dómine. *V. Pro* pátribus tuis nati sunt tibi filii: propterea pópuli confitebúntur tibi. *Allelúia, allelúia. V. Solve, jubente*

Deo terrarum: Petre catenas qui facis ut pateant coelestia regna beatis. Alleluia.

Sequentia sancti Evangelii secundum Matthaeum. 16. b.

IN illo tempore: Venit Jesus in partes Caesareae Philippi: & interrogabat discipulos suos, dicens: Quem dicunt homines esse Filium hominis? At illi dixerunt: Alii Joannem Baptistam, alii autem Eliam, alii vero Jeremiam, aut unum ex Prophetis. Dicit illis Jesus: Vos autem quem me esse dicitis? Respondens Simon Petrus, dixit: Tu es Christus Filius Dei vivi. Respondens autem Jesus, dixit ei: Beatus es Simon Bar-Jona: quia caro & sanguis non revelavit tibi, sed Pater meus, qui in caelis est. Et ego dico tibi, quia tu es Petrus, & super hanc petram aedificabo Ecclesiam meam, & portae inferi non praevalerunt adversus eam. Et tibi dabo claves regni caelorum. Et quodcumque ligaveris super terram, erit ligatum & in caelis: & quodcumque solveris super terram, erit solutum & in caelis. Credo.

Offert. Ps. 44. Constitues eos principes super omnem terram: memores erunt nominis tui, Domine, in omni progenie & generatione.

Secreta.

Oblatum tibi, Domine, sacrificium, intercedente beato Petro Apostolo tuo, vivificet nos semper & muniat. Per Dñm.

Pro S. Paulo.

Secreta.

Apostoli tui Pauli precibus, Domine, plebis tuae dona sanctifica, ut quae tibi tuo grata sunt instituta, gratiora fiant patrocinio supplicantis.

P p p

Pro SS. Machabæis. Secreta.

Mysteria tua, Domine, pro sanctorum Martyrum tuorum honore, devota mente tractemus: quibus & praesidium nobis crescat & gaudium. Per Dñm.

Praefatio de Apostolis, fol. 212.

Commun. Matt. 16. Tu es Petrus & super hanc petram aedificabo Ecclesiam meam.

Postcommunio.

Corporis sacri, & pretiosi sanguinis replenti libamine, quaesumus, Domine Deus noster: ut quod pia devotione gerimus, certa redemptione capiamus. Per eundem Dñm.

Pro S. Paulo. Postcommunio.

Perceptis, Domine, sacramentis, beato Paulo Apostolo tuo interveniente deprecamur: ut quae pro illius celebrata sunt gloria, nobis proficiant ad medelam.

Pro SS. Machabæis. Postcommunio.

Praesta, quaesumus, omnipotens Deus: ut quorum memoriam Sacramenti participatione recolimus, fidem quoque proficiendo sectemur. Per.

DIE II. AUGUSTI.

S. STEPHANI Papae & Martyris.

Introitus. Ps. 131.

Sacerdotes ejus induam salutari, & sancti ejus exultatione exultabunt. *Ps. ib.* Meménto, Domine, David: & omnis mansuetudinis ejus. V. Gloria Patri.

Orémus.

Oratio.

Deus, qui nos beati Stephani Martyris tui atque Pontificis annua solemnitate laetificas: concede propitius; ut cujus natalitia colimus, de ejusdem etiam protectione gaudeamus. Per Dñm.

Lectio Actuum Apostolorum. 20. c.

IN diébus illis: A Miléto Paulus mittens Ephesum, vocávit Majóres natu Ecclésiæ: Qui cùm veníssent ad eum, & simul essent, dixit eis: Vos scitis, à prima die, quâ ingrèssus sum in Asiam, quáliter vobíscum per omne tempus fúerim, fèrviens Dómino cum omni humilitáte, & lácrymis, & tentationibus, quæ mihi accidérunt ex insidiis Judæórum: quómodo nihil subtráxerim útilium, quò minùs annuntiárem vobis, & docérem vos públicè, & per domos, testíficans Judæis atque Gentílibus in Deum pœniténtiam, & fidem in Dóminum nostrum Jesum Christum.

Grad. Eccl. 44. Ecce facérdos magnus, qui in diébus suis plácuit Deo.

V. Non est invéntus símilis illi, qui conserváret legem Excélsi. Allelúia, allelúia. *V. Ps. 109.* Tu es facérdos in ætérnum secúndum órđinem Melchísedech. Allelúia.

Sequéntia sancti Evangélíi secúndum Matthæum. 16. d.

IN illo témpore: Dixit Jesus discípu-
lis suis: Si quis vult post me veníre, ábneget semetípsum, & tollat crucem suam, & sequátur me. Qui enim volúerit ánimam suam salvam fácere, perdet eam. Qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ verò suæ detriméntum patiá-
tur? Aut quam dabit homo commutátionem pro ánima sua? Fílius enim hóminis ventúrus est in glória Patris sui cum Angelis suis: & tunc reddet unicuíque secúndum ópera ejus.

Offert. Ps. 88. Invéni David fèrvum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

MUnera tibi, Dómine, dicáta sanctífica: & intercedénte beáto Stéphano Mártire tuo atque Pontífice, per éadem nos placátus inténde. Per Dñm.

Commun. Matt. 25. Dómine, quinque talénta tradidísti mihi, ecce ália quinque superlucrátus sum: euge, ferve bone & fidélis: quia in pauca fuísti fidélis, supra multa te constitutam: intra in gáudium dómini tui.

Postcommunio.

HÆc nos commúnio, Dómine, purget à crimine: & intercedénte beáto Stéphano Mártire tuo atque Pontífice, coeléstis remédii fáciat esse confórtes. Per Dñm.

D I E I I I . A U G U S T I .

IN INVENTIONE S. STEPHANI
Protomartyris.

Introitus. Ps. 118.

SEdérunt príncipes, & advérsùm me loquebántur: & iníqui persecúti sunt me: ádjuva me, Dómine Deus meus, quia servus tuus exercebátur in tuis justificatió nibus.

Ps. ib. Beáti immaculáti in via: qui ámbulant in lege Dómini.

V. Glória Patri.

Orémus.

Oratio.

DA nobis, quæsumus, Dómine, imitári quod cólimus, ut discámus & inimícos dilígere: quia ejus inventiόνem celebrámus, qui nóvit étiam pro persecutóribus exoráre Dóminum nostrum Jesum Christum Fílium tuum: Qui tecum.

Lectio Actuum Apostolorum. 6. & 7.

IN diébus illis: Stéphanus plenus grátia & fortitúdine, faciébat prodígia & signa magna in pópulo. Surrexérunt autem quidam de Synagoga, quæ appellátur Libertinórum & Cyrenénsium, & Alexandrinórum, & eórum qui erant à Cilícia, & Asia, disputántes cum Stéphano: & non póterant resístere sapiéntiæ & Spirítui, qui loquebátur. Audiéntes autem hæc, dissecabántur córdibus suis, & stridébant déntibus in eum. Cùm autem esset Stéphanus plenus Spíritu sancto, inténdens in cœlum, vidit glóriam Dei, & Jesum stantem à dextris Dei. Et ait: Ecce vídeo cœlos apértos, & Fílium hóminis stantem à dextris Dei. Exclamántes autem voce magnâ continuérunt aures suas, & ímpetum fecérunt unánimiter in eum. Et ejiciéntes eum extra civitátem lapidábant: & testes deposuérunt vestiménta sua secus pedes adolescentis qui vocabátur Saulus. Et lapidábant Stéphanum invocántem, & dicéntem: Dómine Jesu, sùscipe spíritum meum. Pófitis autem génibus, clamávit voce magnâ, dicens: Dómine, ne státuas illis hoc peccátum. Et cùm hoc dixíffet, obdormívit in Dómino.

Grad. Ps. 118. Sedérunt príncipes, & advérsùm me loquebántur: & iníqui perfecúti sunt me.

V. Adjuva me, Dómine Deus meus: saluum me fac propter misericórdiam tuam. Allelúia, allelúia.

V. Act. 7. Vídeo cœlos apértos, & Jesum stantem à dextris virtútis Dei. Allelúia.

Sequéntia sancti Evangelii secúndum Matthæum. 23. d.

IN illo témpore: Dicébat Jesus Scribis & Pharisæis: Ecce ego mitto ad vos Prophétas, & Sapiéntes, & Scribas, & ex illis occidétis, & crucifigétis: & ex eis flagellábitis in synagógis vestris, & perseguémini de civitáte in civitátem: ut véniat super vos omnis sanguis justus, qui effúsus est super terram, à ságuine Abel justí usque ad ságuinem Zachariæ, filii Barachíæ, quem occidístis inter templum & altáre. Amen dico vobis, vénient hæc ómnia super generatió-nem istam. Jerúsalem, Jerúsalem, quæ occidis Prophétas, & lápidas eos qui ad te missi sunt, quóties volui congregáre filios tuos, quemádmódum gal-lína cóngregat pullos suos sub alas, & nolúísti? Ecce relinquétur vobis domus vestra desérta. Dico enim vobis, non me vidébitis ámodo, donec dicátis: Benedíctus, qui venit in nómine Dómini.

Non dicitur Credo.

Offert. Act. 6. & 7. Elegérunt Apostoli Stéphanum Levítam, plenum fide & Spíritu sancto: quem lapidavérunt Judæi orántem, & dicéntem: Dómine Jesu, áccipe spíritum meum, allelúia.

Secreta.

SUscipe, Dómine, múnera, pro tuórum commemoratióne Sanctórum; ut sicut illos pássio gloriófos effécit, ita nos devótio reddat innócuos. Per.

Commun. Act. 7. Vídeo cœlos apértos, & Jesum stantem à dextris virtútis Dei: Dómine Jesu, áccipe spíritum meum, & ne státuas illis hoc peccátum.

Postcommunio.

Auxiliéntur nobis, Dómine, sumpta mystéria : & intercedénte beáto Stéphano Mártýre tuo, sempitérnâ protectióne confirment. Per Dñm.

DIE IV. AUGUSTI.

IN FESTO S. DOMINICI
Confessoris.*Introitus. Ps. 36.*

OS justi meditábitur sapiéntiam, & lingua ejus loquétur judícium : lex Dei ejus in corde ipsíus.

Ps. ib. Noli æmulári in malignántibus : neque zeláveris faciéntes iniquitátem. *V.* Glória Patri.

Orémus.

Oratio.

DEus, qui Ecclésiám tuam beáti Domínici Confessóris tui, illumináre dignátus es méritis & doctínis : concéde, ut ejus intercessióne temporálibus non destituátur auxiliis, & spirituálibus semper proficiat incrementis. Per Dñm.

Lectio Epístolæ beáti Pauli Apóstoli ad Timótheum. II. 4.

Charíssime, Testíficor coram Deo, & Jesu Christo, qui judicatúrus est vivos & mórtuos, per advéntum ipsíus, & regnum ejus : prædica verbum, instá opportúnè, importúnè : árgue, óbsecra, increpa in omni paciéntia, & doctína. Erit enim tempus, cùm sanam doctínám non sustinébunt, sed ad sua desidéria coacervábunt sibi magístros pruriéntes áuribus : & à veritate quidem auditum avértent, ad fábulas autem converténtur. Tu verò vígila, in ómnibus labóra, opus fac Evangelístæ, minístérium tuum imple. Sóbrius esto. Ego enim jam delíbor, & tempus resolutionis meæ instat. Bonum cer-

támen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die, justus judex : non solùm autem mihi, sed & iis qui díligunt advéntum ejus.

Grad. Ps. 91. Justus ut palma florébit, sicut cedrus Líbani multiplicábitur in domo Dómini. *V.* Ad annuntiándum manè misericórdiam tuam, & veritátem tuam per noctem. Allelúia, allelúia. *V. Osee 14.* Justus germinábit sicut lílium : & florébit in ætérnum ante Dóminum. Allelúia.

Sequéntia sancti Evangelii secúndum Lucam. 12.

In illo témpore : Dixit Jesus discí-pulis suis : Sint lumbi vestri præcíncti, & lucérnæ ardéntes in mánibus vestris, & vos símiles homínibus expectántibus dóminum suum, quando revertátur à núptiis : ut cùm vénerit & pulsáverit, conféstim apériant ei. Beáti servi illi, quos, cùm vénerit dóminus, invénerit vigilántes : amen dico vobis, quòd præcínget se, & fáciat illos discumbere, & tránfiens ministrábit illis. Et si vénerit in secúnda vigília, & si in tértia vigília vénerit, & ita invénerit, beáti sunt servi illi. Hoc autem scitóte, quóniam si sciret paterfamílias, quâ horâ fur veníret, vigiláret útique, & non síncret pérfodi domum suam. Et vos estóte paráti : quia quâ horâ non putátis, Fílius hóminis véniet.

Offert. Ps. 88. Véritas mea, & misericórdia mea cum ipso : & in nómine meo exaltábitur cornu ejus.

Secreta.

MUnera tibi, Dómine, dicata sanctífica : ut méritis beáti Domínici

Confessoris tui, nobis proficiant ad
medelam. Per Dñm.

Commun. Luc. 12. Fidelis servus &
prudens, quem constituit dominus su-
per familiam suam: ut det illis in
tempore tritici mensuram.

Postcommunio.

Concède, quæsumus, omnipotens
Deus: ut qui peccatorum nostró-
rum pondere premimur, beati Domí-
nici Confessoris tui patrocínio suble-
vémur. Per Dñm.

DIE V. AUGUSTI.
IN DEDICATIONE S. MARIE
ad Nives.

*Missa, Salve, sancta parens. ut in
Missis votivis de beata Maria Virgine
à Pentecoste usque ad Adventum,
fol. liij.*

*Et dicitur Credo, & Præfatio de
beata Maria, Et te in festivitate be-
atæ Mariæ, fol. 212.*

DIE VI. AUGUSTI.
IN FESTO TRANSFIGURATIONIS
DOMINI NOSTRI JESU CHRISTI.

Introitus. Ps. 76.

Illuxerunt coruscationes tuæ orbi
terræ: commota est, & contrémuit
terra. *Ps. 83.* Quam dilecta taberná-
cula tua, Dómine virtutum! concu-
piscit & déficit ánima mea in átria
Dómini. *V. Glória Patri.*

Orémus.

Oratio.

Deus, qui fidei sacramenta, in U-
nigéniti tui gloriósâ transfigura-
tione, patrum testimonio roborasti;
& adoptionem filiorum perfectam,
voce delápsâ in nube lúcidâ, mirabí-
liter præsignasti: concède propítius;
ut ipsíus Regis glóriæ nos coheredes

efficias, & ejúsdem glóriæ tribuas esse
consórtes. Per eúndem Dñm.

*Pro commemoratione SS. Xysti, Fe-
licissimi, & Agapiti, Martyrum.*

Oratio.

Deus, qui nos concédís, sanctorum
Martyrum tuorum Xysti, Feli-
cissimi, & Agapiti natalítia cólere:
da nobis in ætérna beatitúdine de eó-
rum societáte gaudere. Per Dñm.

*Lectio Epístolæ beati Petri Apóst-
toli. II. 1. c.*

Charíssimi, Non doctas fábulas se-
cúti, notam fecimus vobis Dómi-
ni nostri Jesu Christi virtutem & præ-
séntiam: sed speculatóres facti illius
magnitudinis. Accípiens enim à Deo
Patre honórem & glóriam, voce de-
lápsâ ad eum hujuscémodi à magnífica
glória: Hic est Fílius meus diléctus,
in quo mihi complácuí, ipsum audíte.
Et hanc vocem nos audívimus de cœ-
lo allátam, cùm effémus cum ipso in
monte sancto. Et habémus firmiorem
prophéticum fermónem: cui benefá-
citis attendéntes, quasi lucérnæ lu-
cénti in caliginóso loco, donec dies
elucéscat, & lúcifer oriátur in córdi-
bus vestris.

Grad. Ps. 44. Speciósus formâ præ-
filiis hóminum: diffúsa est grátia in
lábiis tuis. *V.* Eructávit cor meum
verbum bonum: dico ego ópera mea
Regi. *Allelúia, allelúia.*

V. Sap. 7. Candor est lucis ætérnæ,
spéculum sine mácula, & imágo boni-
tátis illius. *Allelúia.*

*Sequéntia sancti Evangélíi secúndum
Matthæum. 17.*

In illo tempore: Assúmpsit Jesus
Petrum, & Jacóbum, & Joánnem
fratrem ejus, & duxit illos in montem

excelsum seorsum: & transfiguratus est ante eos. Et resplenduit facies ejus sicut sol: vestimenta autem ejus facta sunt alba sicut nix. Et ecce apparuerunt illis Moyses & Elias cum eo loquentes. Respondens autem Petrus, dixit ad Jesum: Domine, bonum est nos hic esse: si vis, faciamus hic tria tabernacula, tibi unum, Moysi unum, & Eliae unum. Adhuc eo loquente, ecce nubes lucida obumbravit eos. Et ecce vox de nube, dicens: Hic est Filius meus dilectus, in quo mihi benè complacui: ipsum audite. Et audientes discipuli, ceciderunt in faciem suam, & timuerunt valdè. Et accessit Jesus, & tetigit eos: dixitque eis: Surgite, & nolite timere. Levantes autem oculos suos, neminem viderunt, nisi solum Jesum. Et descendentibus illis de monte, praecepit eis Jesus, dicens: Neminini dixeritis visionem, donec Filius hominis à mortuis resurgat. Credo.

Offert. Ps. III. Glória & divitiæ in domo ejus, & justitia ejus manet in sæculum sæculi, allelúia.

Secreta.

Oblata, quæsumus, Domine, mûnera gloriôsâ Unigeniti tui Transfiguratione sanctifica: nosque à peccatorum máculis, splendóribus ipsius illustratiónis emúnda. Per eúndem Dñm.

Pro SS. Mart. Xysto, Felicissimo, & Agapito. *Secreta.*

Mûnera tibi, Domine, nostræ devotiónis offérimus: quæ & pro tuorum tibi grata sint honóre justorum; & nobis salutária, te miserante, reddántur. Per Dñm.

Præfatio de Nativitate Domini, Quia per incarnáti Verbi. fol. 208.

Commun. Matt. 17. Visionem quam vidistis, nemini dixeritis, donec à mortuis resurgat Filius hominis.

Postcommunio.

Præsta, quæsumus, omnipotens Deus: ut sacrosancta Filii tui Transfigurationis mystéria, quæ solémni celebrámus officio, purificatæ mentis intelligentiâ consequámur. Per eúndem Dñm.

Pro Sanctis Martyribus Xysto, Felicissimo, & Agapito.

Postcommunio.

Præsta nobis, quæsumus, Domine, intercedéntibus sanctis Martyribus tuis Xysto, Felicissimo, & Agapito: ut quæ ore contingimus, purâ mente capiámus. Per Dñm.

DIE VII. AUGUSTI.
IN FESTO S. CAJETANI
Confessoris.

Introitus. Ps. 36.

Os justi meditabitur sapiéntiam, & lingua ejus loquétur judicium: lex Dei ejus in corde ipsius.

Ps. ib. Noli æmulári in malignántibus: neque zeláveris facientes iniquitatem. *V.* Glória Patri.

Orémus.

Oratio.

Deus, qui beáto Cajetano Confessóri tuo Apostólicam vivendi formam imitári tribuísti: da nobis ejus intercessiône & exémplo, in te semper confidere, & sola coeléstia desideráre. Per Dñm.

Pro commem. S. Donati Episc. & Mart. *Oratio.*

Deus, tuorum glória sacerdotum: præsta, quæsumus; ut sancti Mártyris tui & Episcopi Donati, cujus festa gérimus, sentiámus auxílium. Per Dñm.

Lectio libri Sapientiae. *Eccl.* 31.

BEatus vir qui inventus est sine macula, & qui post aurum non abiit, nec speravit in pecunia & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria aeterna: qui potuit transgredi, & non est transgressus: facere mala & non fecit: ideo stabilita sunt bona illius in Domino, & eleemosynas illius enarrabit omnis Ecclesia sanctorum.

Grad. Ps. 91. Justus ut palma florebit: sicut cedrus Libani multiplicabitur in domo Domini. *V.* Ad annuntiandum manere misericordiam tuam, & veritatem tuam per noctem. Alleluia, alleluia. *V. Jac.* 1. Beatus vir, qui suffert tentationem: quoniam cum probatus fuerit, accipiet coronam vitae. Alleluia.

Sequentia sancti Evangelii secundum Matthaeum. 6. c.

IN illo tempore: Dixit Jesus discipulis suis: Nemo potest duobus dominis servire: aut enim unum odio habebit, & alterum diligit: aut unum sustinebit, & alterum contemnet. Non potestis Deo servire, & mammonae. Ideo dico vobis, ne solliciti sitis animae vestrae quid manducetis, neque corpori vestro quid induamini. Nonne anima plus est quam esca: & corpus plus quam vestimentum? Respiciite volatilia coeli, quoniam non ferunt, neque metunt, neque congregant in horrea: & Pater vester coelestis pascit illa. Nonne vos magis pluris estis illis? Quis autem vestrum cogitans, potest adjicere ad staturam suam cubitum unum? Et de vesti-

mento quid solliciti estis? Considerate lilia agri quomodo crescunt: non laborant, neque nent. Dico autem vobis: quoniam nec Salomon in omni gloria sua coopertus est sicut unum ex istis. Si autem foenum agri, quod hodie est, & cras in clibanum mittitur, Deus sic vestit: quanto magis vos modicae fidei? Nolite ergo solliciti esse, dicentes: Quid manducabimus, aut quid bibemus, aut quo operiemur? haec enim omnia Gentes inquirunt. Scit enim Pater vester quia his omnibus indigetis. Quærite ergo primum regnum Dei, & justitiam ejus, & haec omnia adjicientur vobis.

Offert. Ps. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

PRæsta nobis, quæsumus, omnipotens Deus: ut nostrae humilitatis oblatio, & pro tuorum tibi grata sit honore Sanctorum, & nos corpore pariter & mente purificet. Per Dñm.

Pro S. Donato. Secreta.

PRæsta, quæsumus, Domine: ut sancti Martyris tui & Episcopi Donati intercessione, quem ad laudem nominis tui dicatis muneribus honoramus, piæ nobis fructus devotionis accrescat. Per Dñm.

Commun. Matt. 24. Beatus servus, quem cum venerit dominus, invenerit vigilantem: amen dico vobis, super omnia bona sua constituet eum.

Postcommunio.

REfecti cibo potuque coelesti, Deus noster, te supplices exoramus: ut in cujus hæc commemoratione percipimus, ejus muniamur & precibus. Per Dñm.

Pro S. Donato. Postcommunio.

OMnípotens & misericors Deus, qui nos sacramentorum tuorum & partícipes effícis & minístros: præsta, quæsumus; ut intercedente beáto Donáto Mártire tuo atque Pontífice, ejúsdem proficiámus & fidei confórtio, & digno servítio. Per Dñm.

DIE VIII. AUGUSTI.

IN FESTO SS. CYRIACI, LARGI, & SMARAGDI, Martyrum.

Introitus. Ps. 33.

Timéte Dóminum omnes sancti ejus, quóniam nihil deest timéntibus eum: dívites eguérunt, & esuriérunt: inquirentes autem Dóminum non deficient omni bono.

Ps. ib. Benedícam Dóminum in omni témpore: semper laus ejus in ore meo.

V. Glória Patri.

Orémus.

Oratio.

DEus, qui nos ánnuâ sanctórum Mártirum tuórum Cyriáci, Largi, & Smarágdi solemnitáte lætíficas: concéde propítius; ut quorum natalítia cólimus, virtútem quoque passíonis imitémur. Per Dñm.

Léctio Epístolæ beáti Pauli Apóstoli ad Theffalonicénses. I. 2. c.

FRatres, Grátias ágimus Deo sine intermissióne: quóniam cùm accepissétis à nobis verbum audítus Dei, accepístis illud, non ut verbum hóminum, sed (sicut est verè) verbum Dei, qui operátur in vobis, qui credidístis. Vos enim imitatóres facti estis, fratres, Ecclesiárum Dei, quæ sunt in Judæa in Christo Jesu: quia éadem passi estis & vos à contribúlibus vestris, sicut & ipsi à Judæis, qui & Dó-

minum occidérunt Jesum, & Prophétas, & nos perfecúti sunt, & Deo non placent & ómnibus homínibus adversántur; prohibéntes nos Géntibus loqui ut salvæ fiant, ut ímpleant peccáta sua semper: pervénit enim ira Dei super illos usque in finem.

Grad. Ps. 33. Timéte Dóminum omnes sancti ejus: quóniam nihil deest timéntibus eum. *V.* Inquirentes autem Dóminum, non deficient omni bono. Allelúia, allelúia.

V. Sap. 3. Fulgébant justi: & tamquam scintíllæ in arundinéto discúrrunt in ætérnum. Allelúia.

Sequentia sancti Evangélii secúndum Marcum. 16.

IN illo témpore: dixit Jesus discipulis suis: Eúntes in mundum univérsum, prædicáte Evangélium omni creatúræ. Qui crediderit, & baptizátus fúerit, salvus erit: qui verò non crediderit, condemnábitur. Signa autem eos, qui crediderint, hæc sequéntur: In nómine meo dæmónia ejicient: linguis loquéntur novis: serpéntes tollent: & si mortíferum quid bíberint, non eis nocébit: super ægros manus impónent, & benè habébunt.

Offert. Ps. 31. Lætámini in Dómino, & exultáte justi: & gloriámini omnes recti corde.

Secreta.

ACcépta sit in conspéctu tuo, Dómine, nostra devótio: & eórum nobis fiat supplicatióne salutáris, pro quorum solemnitáte defértur. Per.

Commun. Marc. 16. Signa autem eos qui in me credunt, hæc sequéntur: dæmónia ejicient: super ægros manus impónent, & benè habébunt.

Postcommunio.

Refecti participatione muneris facti, quæsumus, Dómine Deus noster: ut cujus exequimur cultum, intercedéntibus sanctis Martyribus tuis, Cyriaco, Largo, & Smarágdo sentiámus effectum. Per Dñm.

¶ Si festum S. Laurentii venerit Feria ij. commemoratio Sancti Romani fit in Dominica, & de Vigilia in Sabato in quo celebratur festum Sanctorum Cyriaci, &c. de ea legitur Evangelium in fine. In Ecclesiis autem Collegiatis dicuntur duæ Missæ una de Sanctis, in qua Oratio secunda, A cunctis, fol. lxxiv. tertia ad libitum: & altera de Vigilia, cum secunda Oratione de Sancta Maria, Concède nos, tertia, Ecclesiæ tuæ, vel pro Papa, fol. 236.

DIE IX. AUGUSTI.

IN VIGILIA S. LAURENTII Mart.

Introitus. Ps. III.

Dispersit, dedit pauperibus: justitia ejus manet in sæculum sæculi: cornu ejus exaltabitur in gloria. Ps. ib. Beatus vir, qui timet Dóminum: in mandátis ejus cupit nimis. V. Glória Patri.

Orémus. Oratio.

Adesto, Dómine, supplicationibus nostris: & intercessióne beati Laurentii Mártiris tui, cujus prævenimus festivitatem, perpétuam nobis misericórdiam benígnus impénde. Per. Pro commemor. S. Romani Mart.

Oratio.

Præsta, quæsumus, omnipotens Deus: ut intercedente beato Romano Mártire tuo, & à cunctis adversitá-

tibus liberémur in corpore, & à pravis cogitationibus mundémur in mente.

De sancta Maria. Oratio.

Concède nos famulos tuos, quæsumus, Dómine Deus, perpétuæ mentis & corporis sanitate gaudere: & gloriósâ beátæ Mariæ semper Virginis intercessióne, à præsentí liberári tristítiâ, & æternâ pérfrui lætítiâ. Per.

Lectio libri Sapientiae. Eccl. 51.

Confitebor tibi, Dómine Rex, & collaudábo te Deum salvatórem meum. Confitebor nómini tuo: quóniam adjutor & protector factus es mihi, & liberásti corpus meum à perditione, à láqueo linguæ iniquæ, & à lábiis operántium mendácium, & in conspéctu astántium factus es mihi adjutor. Et liberásti me secúndum multitudinem misericórdiæ nóminis tui à rugiéntibus, præparátis ad escam, de mánibus quæréntium ánimam meam, & de portis tribulationum quæ circumdederunt me: à pressúra flammæ quæ circumdedit me, & in médio ignis non sum æstuátus: de altitúdine ventris inferi, & à lingua coinquináta, & à verbo mendácii, à rege iniquo, & à lingua injústa: laudábit usque ad mortem ánima mea Dóminum, quóniam éruis sustinéntes te, & líberas eos de mánibus Géntium, Dómine Deus noster.

Grad. Ps. III. Dispérfit dedit pauperibus: justitia ejus manet in sæculum sæculi. V. Potens in terra erit semen ejus: generatio rectórum benedicétur.

Sequéntia sancti Evangelii secúndum Matthæum. 16. b.

In illo témpore: Dixit Jesus discipulis suis: Si quis vult post me

venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Offert. Job 16. Oratio mea munda est: & ideo peto, ut detur locus voci meæ in cælo: quia ibi est iudex meus, & conscius meus in excelsis: ascendant ad Dominum deprecatio mea.

Secreta.

Hostias, Domine, quas tibi offerimus, propitius suscipe: & intercedente beato Laurentio Martyre tuo, vincula peccatorum nostrorum absolve. Per Dñm.

Pro S. Romano Mart. Secreta.

Muneribus nostris, quæsumus, Domine, precibusque susceptis, & cælestibus nos munda mysteriis, & clementer exaudi.

De beata Maria. Secreta.

Tuâ, Domine, propitiatione, & beatæ Mariæ semper Virginis intercessionem, ad perpetuam atque præsentem hæc oblatio nobis proficiat prosperitatem & pacem. Per Dñm.

Commun. Matt. 16. Qui vult venire post me, abneget semetipsum: & tollat crucem suam, & sequatur me.

Postcommunio.

DA, quæsumus, Domine Deus noster: ut sicut beati Laurentii Martyris tui commemoratione, tem-

porali gratulamur officio; ita perpetuo lætemur aspectu. Per Dñm.

Pro S. Romano. Postcommunio.

Quæsumus, omnipotens Deus, ut qui cælestia alimenta percépimus, intercedente beato Romano Martyre tuo, per hæc contra omnia adversa muniamur.

De sancta Maria. Postcommunio.

Sumptis, Domine, salutis nostræ subsidiis: da, quæsumus, beatæ Mariæ semper Virginis patrocinis nos ubique protegi, in cujus veneratione hæc tuæ obtulimus majestati. Per.

DIE X. AUGUSTI.

IN FESTO S. LAURENTII Mart.

Introitus. Ps. 95.

Confessio & pulchritudo in conspectu ejus: sanctitas & magnificentia in sanctificatione ejus.

Ps. ib. Cantate Domino canticum novum: cantate Domino omnis terra.

V. Glória Patri.

Orémus.

Oratio.

DA nobis, quæsumus, omnipotens Deus, vitiorum nostrorum flammam extinguere: qui beato Laurentio tribuisti tormentorum suorum incendia superare. Per Dñm.

Lectio Epistolæ beati Pauli Apostoli ad Corinthios. II. 9. b.

FRatres, Qui parcere seminat, parcere & metet: & qui seminat in benedictionibus, de benedictionibus & metet. Unusquisque prout destinavit in corde suo, non ex tristitia, aut ex necessitate: hilarem enim datorem diligit Deus. Potens est autem Deus omnem gratiam abundare facere in vobis: ut in omnibus semper omnem sufficientiam habentes, abundetis in

omne opus bonum, sicut scriptum est : Dispérfit, dedit paupéribus : iustítia ejus manet in sæculum sæculi. Qui autem adminístrat semen seminánti : & panem ad manducándum præstábit, & multiplicábit semen vestrum, & augébit incrementa frugum iustítiae vestrae.

Grad. Ps. 16. Probásti, Dómine, cor meum, & visitásti nocte. *V.* Igne me examinásti : & non est invénta in me iniquitas. Allelúia, allelúia. *V.* Levíta Lauréntius bonum opus operátus est : qui per signum crucis cæcos illuminávit. Allelúia.

Sequéntia sancti Evangélíi secúndum Joánnem. 12. d.

IN illo témpore : Dixit Jesus discí-pulis suis : Amen, amen dico vobis, nisi granum fruménti cadens in terram, mórtuum fúerit, ipsum solum manet. Si autem mórtuum fúerit, multum fructum affert. Qui amat ánimam suam, perdet eam : & qui odit ánimam suam in hoc mundo, in vitam ætérnam custódit eam. Si quis mihi minístrat, me sequátur : & ubi sum ego, illic & miníster meus erit. Si quis mihi ministráverit, honorificábit eum Pater meus.

Non dicitur Credo, nisi in Ecclesia propria, vel nisi venerit in Dominica.

Offert. Ps. 95. Conféssio & pulchritúdo in conspéctu ejus : sánctitas & magnificéntia in sanctificatióne ejus.

Secreta.

ACcipe, quæsumus, Dómine, múnera dignánter oblata : & beáti Lauréntii suffragántibus méritis, ad nostræ salútis auxílium proveníre concéde. Per Dñm.

Commun. Joan. 12. Qui mihi minístrat, me sequátur : & ubi ego sum, illic & miníster meus erit.

Postcommunio.

Sacro, múnere satiáti, súpplíces te, Dómine, deprecámur : ut quod débitæ servitútis celebrámus officio, intercedénte beáto Lauréntio Mártire tuo, salvatiónis tuæ sentiámus augméntum. Per Dñm.

¶ *Infra Octavam sancti Laurentii dicitur eadem Missa sicut in ejus Festo ; & post Orationem diei fit commemora-tio de Festo Simplici occurrente, & tertia Oratio dicitur de beata Maria, Concéde nos. fol. 236. Sed si occurrerit dies Dominica, secunda Oratio erit de Octava, & tertia de Sanctis.*

DIE XI. AUGUSTI.

PRO COMMEMORATIONE SS. TIBURTII & SUSANNÆ Mart.

Oratio.

Sanctórum Mátyrum tuórum Tibúrtii & Susánnæ, nos, Dómine, foveant continuáta præsidia : quia non desinis propítius intuéri, quos talibus auxiliis concésseris adjuvári. Per Dñm.

Secreta.

Adesto, Dómine, précibus pópuli tui, adesto munéribus : ut quæ sacris sunt oblata mystériis, tuórum tibi pláceant intercessióne Sanctórum. Per Dñm.

Postcommunio.

Sumpsimus, Dómine, pignus redemptionis ætérnae : quod sit nobis, quæsumus, interveniéntibus sanctis Mátyribus tuis, vitæ præsentis auxílium páriter & futúrae. Per Dñm.

DIE XII. AUGUSTI.

IN FESTO S. CLARÆ Virginis.

Missa, Dilexisti. de Communi Virginum, fol. xxx. cum commemoratione Octavæ sancti Laurentii.

DIE XIII. AUGUSTI.

PRO COMMEMORATIONE SS. HIPPOLYTI & CASSIANI Mart.

Oratio.

DA, quæsumus, omnipotens Deus: ut beatórum Mártyrum tuórum Hippólyti & Cassiáni veneránda solémnitas, & devotiónem nobis áugeat, & salútem. Per Dñm.

Secreta.

Respice, Dómine, múnera pópuli tui, Sanctórum festivitáte votívâ: & tuæ testificatio veritátis nobis proficiat ad salútem. Per Dñm.

Postcommunio.

Sacramentórum tuórum, Dómine, commúnio sumpta nos salvet, & in tuæ veritátis luce confirmet. Per.

DIE XIV. AUGUSTI.

IN VIGILIA ASSUMPTIONIS BEATÆ Mariæ VIRGINIS.

Introitus. Ps. 44.

Vultum tuum deprecabúntur omnes dívites plebis: adducéntur. Regi vírgines post eam: próximæ ejus adducéntur tibi in lætítia & exultatióne. *Ps. ib.* Eructávit cor meum verbum bonum: dico ego ópera mea Regi. *V.* Glória Patri.

*Non dicitur Glória in excélsis.**Orémus.**Oratio.*

DEus, qui virginálem aulam beátæ Mariæ, in qua habitáres, eligere dignátus es: da, quæsumus; ut suâ nos defensióne munítos, jucúndos fácias suæ interéssé festivitáti. Qui vivis.

Et fit commem. Octavæ S. Laurentii. Oratio.

DA nobis, quæsumus, omnipotens Deus, vitiórum nostrórum flammâs extínguere: qui beáto Lauréntio tribuísti tormentórum suórum incéndia superáre.

*Deinde S. Eusebii Confessoris.**Oratio.*

DEus, qui nos beáti Eusebii Confessoris tui ánnuâ solemnitáte lætíficas: concéde propítius; ut, cujus natalítia cólimus, per ejus ad te exémpla gradiámur. Per Dñm.

Lectio libri Sapiéntiæ. Eccl. 24. c.

EGO quasi vitis fructificávi suavitátem odóris: & flores mei, fructus honóris & honestátis. Ego mater pulchræ dilectiónis, & timóris, & agnitiónis, & sanctæ spei. In me grátia omnis viæ & veritátis, in me omnis spes vitæ & virtútis. Transíte ad me, omnes qui concupíscitis me, & à generatióibus meis implémini. Spíritus enim meus super mel dulcis, & heréditas mea super mel & favum. Memória mea in generatióes sæculórum. Qui edunt me, adhuc esúrient: & qui bibunt me, adhuc sítient. Qui audit me non confundétur: & qui operántur in me non peccábunt. Qui elúcidant me, vitam ætérnam habébunt.

Graduale. Benedícta & venerábilis es, virgo María: quæ sine tactu pudóris invénta es mater Salvatóris.

V. Virgo Dei génitrix, quem totus non capit orbis, in tua se clausit víscera factus homo.

Sequéntia sancti Evangélii secúndum Lucam. *II. d.*

IN illo témpore: Loquente Jesu ad turbas, extóllens vocem quædam múlter de turba, dixit illi: Beátus

venter qui te portávit, & úbera quæ
suxísti. At ille dixit: Quinímò be-
áti qui áudiunt verbum Dei, & cus-
todiunt illud.

Offert. Beáta es, Virgo María,
quæ ómnium portásti Creatórem:
genuísti qui te fecit, & in ætérnum
pérmanes Virgo.

Secreta.

MUnera nostra, Dómine, apud cle-
méntiam tuam Dei genitrícis
comméndet orátio: quam idcírcò de
præsénti sæculo transtulísti, ut pro
peccátis nostris apud te fiduciáliter
intercédat. Per eúmdem Dñm.

Pro S. Laurentio.

Secreta.

ACcipe, quæsumus, Dómine mune-
ra dignánte obláta: & beáti
Lauréntii suffragántibus méritis, ad
nostræ salútis auxílium proveníre
concéde.

Pro S. Eusebio.

Secreta.

LAudis tibi, Dómine, hóstias im-
molámus, in tuórum commemo-
rátióne Sanctórum, quibus nos &
præséntibus éxui malis confidimus,
& futúris. Per Dóminum nostrum

Jesum Christum Fílium tuum. Qui
tecum vivit & regnat.

Præfatio Communis, fol. 212.

Communio. Beáta víscera Mariæ
Vírginis, quæ portavérunt ætérni Pa-
tris Fílium.

Postcommunio.

Concéde, miséricors Deus, fragili-
táti nostræ præsidium: ut qui
sanctæ Dei genitrícis festivitátem præ-
venimus, intercessiónis ejus auxílio,
à nostris iniquitatibus resurgámus.
Per eúmdem Dñm.

Pro S. Laurentio.

Postcommunio.

Sacro múnere satiáti, súpplíces te,
Dómine, deprecámur: ut quod
débitæ servitútis celebrámus officio,
intercedente beáto Lauréntio Márty-
re tuo, salvatiónis tuæ sentiámus aug-
méntum.

Pro Sancto Eusebio.

Postcommunio.

Refécti cibo potúque coelésti Deus
noster, te súpplíces exorámus:
ut in cujus hæc commemoratióne
percépimus, ejus muniámur & pré-
cibus. Per Dñm.

IN ASSUMPTIONE BEATÆ MARIÆ VIRGINIS.

Introitus.

GAudeamus, omnes, in Dómino,
diem festum celebrantes sub
honóre beatæ Mariæ Virgínis: de
cujus Assumptióne gaudent Angeli,
& collaudant Fílium Dei.

Pf. 44. Eructávit cor meum verbum
bonum: dico ego ópera mea Regi.

V. Glória Patri.

Orémus.

Oratio.

FAmulorum tuorum, quæsumus,
Dómine, delictis ignosce: ut qui
tibi placere de áctibus nostris non
valémus, genitrícis Fílii tui Dómini
nostri intercessióne salvémur. Per
eúmdem Dñm.

Lectio libri Sapiéntiæ. *Eccl. 24.*

IN ómnibus réquiem quæsiui, & in
hereditáte Dómini morabor. Tunc
præcépit, & dixit mihi Créator óm-
nium: & qui creávit me, requiévít
in tabernáculo meo, & dixit mihi:
in Jacob inhábita, & in Israél heredi-
täre, & in eléctis meis mitte radíces.
Et sic in Sion firmáta sum, & in civi-
táte sanctificáta simíliter requiévi, &
in Jerúsalem potéstas mea. Et radi-
cávi in pópulo honorificáto, & in
parte Dei mei heréditas illíus, & in
plenitúdine sanctórum deténtio mea.
Quasi cedrus exaltáta sum in Líbano,
& quasi cypréssus in monte Sion:
quasi palma exaltáta sum in Cades,
& quasi plantátio rosæ in Jéricho.
Quasi olíva speciósa in campis, &
quasi plátanus exaltáta sum juxta
aquam in platéis. Sicut cinnamómum

& bálsamum aromatízans odórem
dedi: quasi myrrha elécta dedi sua-
vitátem odóris.

Grad. Pf. 44. Propter veritátem,
& mansuetúdinem, & justítiam: &
dedúcet te mirábíliter dextera tua.

V. Audi, filia, & vide, & inclína
aurem tuam: quia concupívit rex
spéciem tuam. Allelúia, allelúia.

V. Assúpta est María in cœlum,
gaudet exércitus Angelórum. Allel.
Sequéntia sancti Evangélii secúndum
Lucam. 10. g.

IN illo témpore: Intrávit Jêsus in
quoddam castéllum: & múlíer quæ-
dam, Martha nómine, excépit illum
in domum suam: & huic erat soror
nómine María, quæ étiam sedens
secus pedes Dómini, audiébat verbum
illíus. Martha autem fatagébat circa
frequens ministérium: quæ stetit, &
ait: Dómine, non est tibi curæ quòd
soror mea relíquit me solam ministrá-
re? dic ergo illi, ut me ádjuvet. Et
respóndens, dixit illi Dóminus: Mar-
tha, Martha, solícita es, & turbáris
erga plúrima. Porrò unum est neces-
sarium. María óptimam partem elégit,
quæ non auferétur ab ea. Credo.

Offert. Assúpta est María in cœ-
lum: gaudent Angeli, collaudántes
benedícunt Dóminum, allelúia.

Secreta.

Subvéniat, Dómine, plebi tuæ Dei
genitrícis orátio: quam etsi pro
conditióne carnis migráffe cognósci-
mus, in cœlésti glória apud te pro

nobis intercédere sentiámus. Per eúndem Dñm.

Præfatio de beata Maria, Et te in Assumptiône, fol. 212. Et dicitur per totam Octavam, etiam in Festis.

Commun. Luc. 10. Optimam partem elegit sibi Maria: quæ non auferetur ab ea in ætérnum.

Postcommunio.

Mensæ coeléstis partícipes effecti, implorámus cleméntiam tuam, Dómine Deus noster: ut qui Assumptiõem Dei genitrícis cólimus, à cunctis malis imminéntibus, ejus intercessiõe liberémur. Per eúndem Dñm.

¶ *Infra Octavam Assumptionis beatæ Mariæ, & in ejus die Octava fit idem Officium quod in die Festi. Et infra Octavam dicitur secunda Oratio de Spiritu sancto, Deus, qui corda fidélium: tertia, Ecclesiæ, vel pro Papa, fol. liv.*

DOMINICA INFRA OCTAVAM ASSUMP-
TIONIS BEATÆ MARIÆ VIRGINIS.

FESTUM S. JOACHIM Confess.
& Patris beatæ Mariæ Virginis.

Introitus. Ps. 111.

Dispérfit, dedit paupéribus: justítia ejus manet in sæculum sæculi: cornu ejus exaltábitur in glória. *Ps. ib.* Beátus vir, qui timet Dóminum: in mandátis ejus cupit nimis. *V. Glória Patri.*

Orémus.

Oratio.

Deus, qui præ ómnibus sanctis tuis, beátum Jóachim, genitrícis Fílii tui patrem esse voluísti: concéde, quæsumus; ut cujus festa venerámur, ejus quoque perpétuò patrocínia sentiámus. Per eúndem Dñm.

Et fit commemoratio Dominicæ occurrentis & postea de Octavis, nisi hoc Festum transferatur post Octavas.

Léctio libri Sapiéntiæ. Eccl. 31.

Beátus vir, qui invéntus est sine mácula, & qui post aurum non ábiit, nec sperávit in pecúnia & thesáuris. Quis est hic, & laudábimus eum? fecit enim mirabília in vita sua. Qui probátus est in illo, & perféctus est, erit illi glória ætérna: qui pótuit tráfsgredi, & non est tráfsgressus: fácere mala, & non fecit: ídeò stabilita sunt bona illius in Dómino, & eleëmósynas illius enarrábit omnis Ecclesiá Sanctórum.

Grad. Ps. 111. Dispérfit, dedit paupéribus: justítia ejus manet in sæculum sæculi. *V.* Potens in terra erit semen ejus: generátio rectórum benedicétur. Allelúia, allelúia. *V.* O Jóachim, sanctæ conjux Annæ, pater almæ Vírginis, híc fámulis confer salútis opem. Allelúia.

Inítium sancti Evangélii secúndum Matthæum. 1.

Liber generatióis Jesu Christi, filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, & fratres ejus. Judas autem genuit Phares, & Zaram de Thamar. Phares autem genuit Efron. Efron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea, quæ fuit Uriæ.

Sálonon autem genuit Róboam. Róboam autem genuit Abíam. Abías autem genuit Afa. Afa autem genuit Jófaphat. Jófaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manáffen. Manáffes autem genuit Amon. Amon autem genuit Josíam. Josías autem genuit Jechoníam, & fratres ejus in transmigratióne Babylónis. Et post transmigratióne Babylónis: Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliácim. Eliácim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocátur Christus.

Dicitur Credo. ratione Dominicæ, & Octavæ Assumptionis; alias non dicitur nisi in Ecclesia propria.

Offert. Ps. 8. Glóriâ & honóre coronásti eum: & constituísti eum super ópera mánuum tuárum, Dómine.

Secreta.

SUscipe, clementíssime Deus, sacrificium in honórem sancti Patriarchæ Jóachim, patris Mariæ Vírginis, majestáti tuæ oblátum: ut ipso cum cónjuge sua, & beatíssima prole intercedente, perféctam cónsequi mereámur remissionem peccatórum, & glóriam sempitérnam. Per Dñm.

Præfatio de beata Maria, Et te in Assumptione, fol. 212. nisi transfe-

ratur post Octavam Assumptionis, quia tunc dicitur Præfatio communis.

Commun. Luc. 12. Fidélis servus & prudens, quem constituit dóminus super familiam suam: ut det illis in témpore tritici mensúram.

Postcommunio.

QUæsumus, omnipotens Deus, ut per hæc sacraménta quæ sumpsimus; intercedéntibus méritis & précibus beáti Jóachim patris genitrícis dilécti Fílii tui Dómini nostri Jesu Christi, tuæ grátiae in præsénti, & æternæ glóriæ in futúro partícipes esse mereámur. Per eúmdem Dñm.

Evangelium Dominicæ legitur in fine Missæ; nisi transferatur.

Quod si in prædictam Dominicam inciderit dies Octava S. Laurentii, vel Assumptionis beatæ Mariæ Virginis, tunc Festum S. Joachim transferatur in aliam diem.

DIE XVI. AUGUSTI.

IN FESTO S. HYACINTHI
Confessoris.

Missæ, Os just. de Communi Confessoris non Pontificis, fol. xxij.

Et fit cominemoratio Octavarum Assumptionis, & S. Laurentii. Et dicitur Credo. Et Præfatio de beata Maria. Et te in Assumptione, fol. 212.

DIE XVII. AUGUSTI.

IN OCTAVA S. LAURENTII.

Introitus. Ps. 16.

PROBásti, Dómine, cor meum, & visitásti nocte: igne me examinásti, & non est invénta in me iniquitas. *Ps. ib. Exáudi, Dómine, jústitiam meam: inténde deprecationem meam. V. Glória Patri.*

Orémus.

Oratio.

EXcita, Dómine, in Ecclésia tua Spíritum, cui beátus Lauréntius Levíta fervívit: ut eódem nos repléti, studeámus amáre quod amávit, & ópere exercére quod dócuit. Per Dóminum nostrum Jesum Christum Fílium tuum: Qui tecum vivit & regnat in unitáte ejúsdem Spíritús sancti Deus, per ómnia sæcula sæculórum.

Et fit commemoratio de Octava Assumptionis beatæ Mariæ.

Oratio. Famulórum tuórum, ut supra, fol. 462.

Lectio Epístolæ beati Pauli Apóstoli ad Corínthios. II. 9. b.

FRatres, Qui parcè sémínat, parcè & metet: & qui sémínat in benedictiónibus, de benedictiónibus & metet. Unusquísque prout destinávit in corde suo, non ex tristítia, aut ex necessítate: hílarem enim datórem díligit Deus. Potens est autem Deus omnem grátiam abundáre fácere in vobis: ut in ómnibus semper omnem sufficiéntiam habéntes, abundétis in omne opus bonum, sicut scriptum est: Dispérfit, dedit paupéribus: justítia ejus manet in sæculum sæculi. Qui autem adminístrat semen semínanti: & panem ad manducándum præstábit, & multiplicábit semen vestrum, & augébit incrementa frugum justítie vestræ.

Grad. Ps. 8. Glóriâ & honóre coronásti eum, Dómine. V. Et constituísti eum super ópera mánuum tuárum. Allelúia, allelúia. V. Levíta Lauréntius bonum opus operátus est: qui per signum crucis cæcos illuminávit. Allelúia.

Sequéntia sancti Evangélii secúndum Joánnem. 12. d.

IN illo témpore: Dixit Jesus discípulis suis: Amen, amen dico vobis, nisi granum fruménti cadens in terram, mórtuum fúerit, ipsum solum manet. Si autem mórtuum fúerit, multum fructum affert. Qui amat ánimam suam, perdet eam: & qui odit ánimam suam in hoc mundo, in vitam ætérnam custódit eam. Si quis mihi minístrat, me sequátur: & ubi sum ego, illic & miníster meus erit. Si quis mihi ministráverit, honorificábit eum Pater meus. Credo.

Offert. Ps. 20. In virtúte tua, Dómine, lætábitur justus, & super salutare tuum exultábit veheménter: desiderium ánimæ ejus tribuísti ei.

Secreta.

SAcrificium nostrum tibi, Dómine, quæsumus, beáti Lauréntii precátio sancta concíliet: ut, cujus honóre solémniter exhibétur, ejus méritis efficiátur accéptum. Per Dñm.

Pro Octava Assumptionis beatæ Mariæ. Secreta. Subvéniat, Dómine. fol. 462.

Et dicitur Præfatio de beata Maria, Et te in Assumptióne. fol. 212.

Commun. Matt. 16. Qui vult veníre post me, ábneget semetípsum: & tollat crucem suam, & sequátur me.

Postcommunio.

SUpplices te rogámus, omnípotens Deus: ut quos donis coeléstibus satiásti, intercedente beáto Lauréntio Mártire tuo, perpétuâ protectióne custódias. Per Dóminum nostrum Jesum Christum Fílium tuum.

De Octava Assumptionis. Postcommunio. Mensæ coeléstis. fol. 463.

R r r

DIE XVIII. AUGUSTI.

PRO COMMÉM. S. AGAPITI
Martyris.*Oratio.*

Lætetur Ecclēsia tua, Deus, beāti Agapīti Mártyris tui confīsa suffrāgiis: atque ejus prēcibus gloriōsis & devōta permāneat, & secūra consīstat.

De Spiritu sancto. Cratio.

Deus, qui corda fidēlium sancti Spīritūs illustratiōe docuisti: da nobis in eōdem Spīritu recta scāpere, & de ejus semper consolatiōe gaudere. Per Dōminum . . . in unitate ejūsdem Spīritūs sancti Deus.

Nisi venerit in Dominica: quia tunc tertia Oratio erit de Sancto.

De sancto Agapito. Secreta.

Suscipe, Dōmine, mūnera, quæ in ejus tibi solemnitāte defērimus; cujus nos confidimus patrocīnio liberāri.

De Spiritu sancto. Secreta.

Mūnera, quæsumus, Dōmine, oblāta sanctīfica: & corda nostra sancti Spīritūs illustratiōe emūnda, Per Dōminum . . . in unitate ejūsdem Spīritūs sancti Deus.

De sancto Agapito. Postcommunio.

Satiasti, Dōmine, famīliam tuam munēribus sacris: ejus, quæsumus, semper interventīōe nos réfove, cujus solēmnia celebrāmus.

*De Spiritu sancto.**Postcommunio.*

Sancti Spīritūs, Dōmine, corda nostra mundet infusio: & sui roris intima aspersiōe fecūndet. Per Dōminum . . . in unitate ejūsdem Spīritūs sancti Deus.

DIE XX. AUGUSTI.

IN FESTO S. BERNARDI Abbatis.

Introitus. Ps. 36.

Os justī meditābitur sapiētiā, & lingua ejus loquētur judiciū, lex Dei ejus in corde ipsius.

Ps. ib. Noli æmulāri in malignātib: neque zelāveris faciētes iniquitatem. *V.* Glōria Patri.

Orémus. Oratio.

Intercēssio nos, quæsumus, Dōmine, beāti Bernārdi Abbātis commēdet: ut quod nostris mēritis non valēmus, ejus patrocīnio assequāmur. Per Dñm.

Et fit commem. Octavæ Assumptionis. Cratio. Famulorum. fol. 462.

Lectio libri Sapiētiæ. Eccl. 39.

Justus cor suum tradet ad vigilāndum dilūculo ad Dōminum, qui fecit illum, & in conspēctu Altīssimi deprecābitur. Apēriet os suum in oratiōe, & pro delīctis suis deprecābitur. Si enim Dōminus magnus volūerit, spīritu intelligētiæ replēbit illum: & ipse tamquam imbres, mittet elōquia sapiētiæ suæ, & in oratiōe confitēbitur Dōmino: & ipse dīriget consīlium ejus, & disciplīnam, & in absconditis suis consiliābitur. Ipse palām faciēt disciplīnam doctrīnæ suæ, & in lege testamēti Dōmini gloriābitur. Collaudābunt multi sapiētiā ejus, & usque in sæculum non delēbitur. Non recēdet memōria ejus, & nomen ejus requirētur à generatiōe in generatiōem. Sapiētiā ejus enarrābunt gentes, & laudem ejus enuntiābit Ecclēsia.

Grad. Ps. 20. Dōmine, prævenisti eum in benedictiōnibus dulcēdinis:

PAGES 467 – 468

missing

Orémus.

Oratio.

Omnípotens sempitérne Deus, qui hujus diéi venerándam sanctámque lætítiam, in beáti Apóstoli tui Bartholomæi festivitáte tribuísti: da Ecclesiæ tuæ, quæsumus, & amare quod credidit, & prædicare quod dócuit. Per Dñm.

Lectio Epístolæ beáti Pauli Apóstoli ad Corínthios. I. 12. d.

Fratres, Vos estis corpus Christi, & membra de membro. Et quosdam quidem pósuit Deus in Ecclesiá primúm Apóstolos, secúndò Prophétas, tertió Doctóres, deinde virtútes, exinde grátias curatiónum, opitulatiónes, gubernatiónes, génera linguárum, interpretatiónes fermónum. Numquid omnes Apóstoli? numquid omnes Prophétæ? numquid omnes Doctóres? numquid omnes virtútes? numquid omnes grátiam habent curatiónum? numquid omnes linguis loquúntur? numquid omnes interpretántur? Æmulámini autem charísmata melióra.

Grad. Ps. 44. Constitues eos príncipes super omnem terram: mémores erunt nóminis tui, Dómine. *V.* Pro pátribus tuis nati sunt tibi filii: propterea pópuli confitebúntur tibi. Allelúia, allelúia. *V.* Te gloriósus Apostolorum chorus laudat, Dómine. Allelúia.

Sequéntia sancti Evangélíi secúndum Lucam. 6. b.

In illo témpore: Exiit Jesus in montem orare, & erat pernóctans in oratióne Dei. Et cum dies factus esset, vocávit discípulos suos: & elégit duódecim ex ipsis (quos & Apóstolos nominávit) Simónem, quem cognominávit Petrum, & Andréam frátrem

ejus, Jacóbum, & Joánnem, Philípum, & Bartholomæum, Matthæum, & Thomam, Jacóbum Alphæi, & Simónem, qui vocátur Zelótes, & Judam Jacóbi, & Judam Iscariótem, qui fuit próditor. Et descéndens cum illis, stetit in loco campéstri, & turba discipulorum ejus, & multitúdo copiósa plebis ab omni Judæa, & Jerúsalem, & marítima, & Tyri, & Sídonis, qui vénerant ut audírent eum, & sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tángere: quia virtus de illo exíbat, & sanábat omnes.

Credo.

Offert. Ps. 138. Mihi autem nimis honoráti sunt amíci tui, Deus: nimis confortátus est principátus eórum.

Secreta.

Beáti Apóstoli tui Bartholomæi sólemnia recenséntes, quæsumus, Dómine: ut ejus auxílio tua beneficia capiámus, pro quo tibi laudis hóstias immolámus. Per Dóminum nostrum Jesum Christum Fílium tuum.

Præfatio de Apostolis, fol. 212.

Commun. Matt. 19. Vos qui secúti estis me, sedébitis super sedes, judicátes duódecim tribus Israél, dicit Dóminus.

Postcommunio.

Sumptum, Dómine, pignus redemptionis æternæ, sit nobis, quæsumus, interveniénte beáto Bartholomæo Apóstolo tuo, vitæ præsentis auxílium, páriter & futúre. Per Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti Deus, per ómnia sæcula sæculórum.

DIE XXV. *vel* XXVI. AUGUSTI.
IN FESTO S. LUDOVICI Confess.

Introitus. Ps. 36.

OS iusti meditabitur sapientiam,
& lingua ejus loquetur iudici-
um: lex Dei ejus in corde ipsius.

Ps. ib. Noli æmulari in malignan-
tibus: neque zelaveris facientes ini-
quitatem. *V.* Glória Patri.

Orémus.

Oratio.

DEus, qui beatum Ludovicum
Confessorem tuum, de terræno
regno ad cœlestis regni glóriam trans-
tulisti: ejus, quæsumus, méritis &
intercessióne, Regis regum Jesu Christi
Fílii tui fácias nos esse confórtes.
Qui tecum vivit & regnat.

Lectio libri Sapientiae. Sap. 10. b.

Justum deduxit Dóminus per vias
rectas, & ostendit illi regnum Dei,
& dedit illi sciéntiam sanctorum: ho-
nestavit illum in labóribus, & complé-
vit labóres illius. In fraude circum-
venientium illum affuit illi, & ho-
nèstum fecit illum. Custodivit illum
ab inimicis, & à seductóribus tutavit
illum, & certámen forte dedit illi ut
vinceret, & sciret quóniam ómnium
poténtior est sapiéntia. Hæc vëndi-
tum justum non dereliquit, sed à pec-
catoribus liberavit eum: descenditque
cum illo in foveam, & in vínculis
non dereliquit illum, donec afférret
illi sceptrum regni, & poténtiam ad-
vérsus eos, qui eum deprimébant: &
mendaces ostendit, qui maculavérunt
illum, & dedit illi claritatem ætér-
nam, Dóminus Deus noster.

Grad. Ps. 91. Justus ut palma flo-
rébit: sicut cedrus Líbani multipli-
cabitur in domo Dómini. *V.* Ad an-

nuntiándum manè misericórdiam tu-
am, & veritatem tuam per noctem.
Allel. allel. *V. Jac. 1.* Beátus vir, qui
suffert tentationem: quóniam cum
probátus fúerit, accípiet coronam vi-
tæ. Allelúia.

Sequéntia sancti Evangélíi secúndum
Lucam. 19. b.

IN illo témpore: Dixit Jesus disci-
pulis suis parábolam hanc: Homo
quidam nóbilis ábiit in regiónem
longínquam accíperé sibi regnum, &
revérti. Vocátis autem decem servis
suis, dedit eis decem mnas, & ait ad
illos: Negotiámini dum vénio. Cives
autem ejus óderant eum: & misérunt
legationem post illum, dicéntes: Nól-
umus hunc regnare super nos. Et
factum est ut redíret, accépto regno:
& jussit vocári servos, quibus dedit
pecúniam, ut sciret quantum quisque
negotiátus esset. Venit autem pri-
mus, dicens: Dómine, mna tua de-
cem mnas acquisívit. Et ait illi:
Euge bone serve, quia in módico
fuísti fidélis, eris potestátem habens
super decem civitátes. Et alter venit,
dicens: Dómine, mna tua fecit quin-
que mnas. Et huic ait: Et tu esto
super quinque civitátes. Et alter
venit, dicens: Dómine, ecce mna tua,
quam habui repósitam in sudário:
tímui enim te, quia homo austérus es:
tollis quod non posuísti, & metis
quod non seminásti. Dicit ei: De ore
tuo te júdico, serve nequam. Sciébas
quòd ego homo austérus sum, tollens
quod non pòsui, & metens quod non
seminavi: & quare non dedísti pecú-
niam meam ad mensam, ut ego vé-
niens, cum usúris útique exegísem
illam? & astántibus dixit: Auferte

ab illo mnam, & date illi, qui decem mnas habet. Et dixerunt ei: Dómine, habet decem mnas. Dico autem vobis, quia omni habénti dábitur, & abundábit: ab eo autem qui non habet, & quod habet, auferétur ab eo.

Offert. Ps. 88. Véritas mea, & misericórdia mea cum ipso: & in nómine meo exaltábitur cornu ejus.

Secreta.

PRæsta, quæsumus, omnipotens Deus: ut sicut beátus Ludovicus Confessor tuus, spretis mundi oblectaméntis, soli Regi Christo placere stúduit: ita ejus orátio nos tibi reddat accéptos. Per eúndem Dñm.

Commun. Matt. 24. Beátus fervus, quem, cùm vénerit dóminus, invenerit vigilántem: amen dico vobis, super ómnia bona sua constituet eum.

Postcommunio.

DEus, qui beátum Confessórem tuum Ludovicum mirificásti in terris, & gloriósum in cœlis fecísti: eúndem, quæsumus, Ecclésiæ tuæ constitue defensórem. Per Dñm.

DIE XXVI. AUGUSTI.

SANCTI ZEPHYRINI Papæ & Mart.

*Missa, Sacerdotes Dei. de Communi-
unius Martyris Pontificis, fol. iij. præ-
ter Orationes quæ dicuntur ut infra.*

Oratio.

PRæsta, quæsumus, omnipotens Deus: ut beáti Zephyríni Mátyris tui atque Pontíficis, cujus gaudémus méritis, instruámur exémpis. Per.

Secreta.

MUnera tibi, Dómine, dicáta sanctífica: & intercedente beáto Zephyríno Mátyre tuo atque Pontífice, per éadem nos placátus inténde. Per Dñm.

Postcommunio

HÆc nos commúnio, Dómine, purget à crimine: & intercedente beáto Zephyríno Mátyre tuo atque Pontífice, coeléstis remédii fáciat esse confórtes. Per Dñm.

DIE XXVII. AUGUSTI.

IN FESTO S. JOSEPHI Calasancii
Confessoris.

Introitus. Ps. 33.

VENíte filii, audíte me, timórem Dómini docébo vos. *Ps. ib.* Benedícam Dóminum in omni témpore, semper laus ejus in ore meo.

V. Glória Patri.

Orémus.

Oratio.

DEus, qui per sanctum Joséphum Confessórem tuum, ad erudiéndam spíritu intelligéntiæ, ac pietátis juventútem, novum Ecclésiæ tuæ subsidium providére dignátus es: præsta, quæsumus; nos ejus exémplo & intercessióne ita fácere & docére, ut præmia consequámur æténa. Per.

Lectio libri Sapiéntiæ. 10. b.

JUstum dedúxit Dóminus per vias rectas, & osténdit illi regnum Dei, & dedit illi sciéntiam sanctórum, honestávit illum in labóribus, & complévit labóres illius. In fraude circumveniéntium illum áffuit illi, & honestum fecit illum. Custodívit illum ab inimícis, & à seductóribus tutávit illum, & certámen forte dedit illi ut vínceret, & sciret quóniam ómnium poténtior est sapiéntia. Hæc vénditum justum non derelíquit, sed à peccatóribus liberávit eum: descendítque cum illo in fóveam, & in vinctulis non derelíquit illum, donec afferret illi sceptrum regni, & poténtiam advérsus eos, qui eum deprimé-

bant: & mendaces ostendit, qui maculaverunt illum, & dedit illi claritatem æternam, Dóminus Deus noster.

Grad. Ps. 36. Os iusti meditabitur sapientiam, & lingua ejus loquetur iudicium. *V.* Lex Dei ejus in corde ipsius, & non supplantabuntur gressus ejus. Allelúia, allelúia.

V. Jac. 1. Beátus vir, qui suffert tentationem, quóniam cum probátus fúerit, accipiet coronam vitæ. Allelúia.

Sequéntia sancti Evangelii secúndum Matthæum. 18 c.

IN illo témpore: Accessérunt discipuli ad Jesum dicentes: Quis, putas, major est in regno cœlorum? Et advocans Jesus párvulum státuit eum in médio eórum, & dixit: Amen dico vobis, nisi convérsi fuéritis, & efficiámini sicut párvuli, non intrábitis in regnum cœlorum. Quicumque ergo humiliáverit se sicut párvulus iste, hic est major in regno cœlorum: & qui fuscéperit unum párvulum talem in nómine meo, me fúscipit.

Offert. Ps. 10. Desidérium páuperum exaudivit Dóminus: præparatióem cordis eórum audivit auris tua.

Secreta.

ALtáre tuum, Dómine, munéribus cumulámus oblátis: ut ejus nobis fiant supplicatióne propítia, cujus nos donásti patrocínio adjuvári. Per.

Commun. Marc. 10. Sinite párvulos veníre ad me, & ne prohibuéritis eos: talium est enim regnum Dei.

Postcommunio.

Sanctificáti, Dómine, salutári mystério, quæsumus: ut intercedente sancto Josépho Confessore tuo ad majus semper proficiámus pietátis incrementum. Per Dñm.

DIE XXVIII. AUGUSTI.

IN FESTO S. AUGUSTINI
Episc. Confess. & Ecclesiæ Doctoris.

Introitus. Eccl. 15.

IN médio Ecclésiæ aperuit os ejus: & implévit eum Dóminus spíritu sapientiæ & intelléctus: stolam glóriæ induit eum. *Ps. 91.* Bonum est confitéri Dómino: & psállere nómini tuo, Altíssime. *V.* Glória Patri.

Orémus. Oratio.

ADesto supplicatióibus nostris, omnipotens Deus, & quibus fidúciā sperandæ pietátis indúlges: intercedente beáto Augustíno Confessore tuo atque Pontífice, consuétæ misericórdiæ tribue benígnus effectum. Per Dñm.

Pro commemoratione S. Hermetis Martyris.

Oratio.

DEus, qui beátum Hermétem Mártirem tuum, virtúte constántiæ in passióne roborásti: ex ejus nobis imitatione tribue, pro amore tuo própera mundi despícere, & nulla ejus advérsa formidáre. Per Dñm.

Léctio Epístolæ beáti Pauli Apóstoli ad Timótheum. II. 4.

CHaríssime, Testíficor coram Deo, & Jesu Christo, qui judicatúrus est vivos & mórtuos, per adventum ipsius, & regnum ejus: prædica verbum, instā oportúnè, importúnè: argue, óbsecra, increpa in omni patientia, & doctrína. Erit enim tempus, cum sanam doctrínā non sustinebunt, sed ad sua desidéria coacervabunt sibi magístros pruriéntes áuribus, & à veritate quidem auditum avértent, ad fábulas autem converténtur. Tu verò vígila, in ómnibus labóra,

opus fac Evangelistæ, ministerium tuum imple. Sôbrius esto. Ego enim jam delibor, & tempus resolutionis meæ instat. Bonum certamen certavi, cursum consummavi, fidem cervavi. In reliquo repôsitâ est mihi coronâ justitiæ, quam reddet mihi Dôminus in illa die, justus judex: non solum autem mihi, sed & iis, qui diligunt adventum ejus.

Grad. Ps. 36. Os justî meditabitur sapiëntiam, & lingua ejus loquétur judicium. *V.* Lex Dei ejus in corde ipsius: & non supplantabuntur gressus ejus. Allelúia, allelúia.

V. Ps. 88. Inveni David servum meum, oleo sancto meo unxi eum. Allelúia.

Sequëntia sancti Evangelii secúndum Matthæum. 5. b.

IN illo tēpore: Dixit Jesus discipulis suis: vos estis sal terræ. Quod si sal evanúerit, in quo salietur? ad níhilum valet ultra, nisi ut mittatur foras, & conculcetur ab hominibus. Vos estis lux mundi. Non potest civitas abscondi supra montem pòsitâ. Neque accendunt lucernam, & ponunt eam sub módio, sed super candelâbrum, ut luceat omnibus qui in domo sunt. Sic luceat lux vestra coram hominibus, ut videant ópera vestra bona, & glorificent Patrem vestrum qui in cœlis est. Nolite putare quóniam veni sôlvere legem, aut Prophétas: non veni sôlvere, sed adimplere. Amen quippe dico vobis, donec tránseat cœlum & terra, ióta unum, aut unus apex non præteribit à lege, donec ómnia fiant. Qui ergo sôlverit unum de mandátis istis minimis, & docuerit sic homines, minimus vocabitur in regno cœlorum: qui

autem fécerit & docuerit, hic magnus vocabitur in regno cœlorum. Credo.

Offert. Ps. 91. Justus ut palma florebit: sicut cedrus, quæ in Líbano est, multiplicabitur.

Secreta.

SANCTI Confessoris tui Augustini nobis, Dómine, pia non desit oratio: quæ & múnera nostra concíliet & tuam nobis indulgéntiam semper obtíneat. Per Dñm.

Pro S. Hermete. Secreta.

SACRIFICIUM tibi, Dómine, laudis offerimus in tuórum commemoratione sanctórum: da, quæsumus; ut quod illis còntulit glóriam, nobis profit ad salútem. Per Dñm.

Commun. Luc. 12. Fidélis servus & prudens quem constituit Dóminus super familiam suam: ut det illis in tēpore trítici mensúram.

Postcommunio.

UT nobis, Dómine, tua sacrificia dent salútem: beátus Confessor tuus Augustinus & Póntifex, quæsumus, precátor accédât. Per Dñm.

Pro S. Hermete. Postcommunio

REPLÉTI, Dómine, benedictióne cœlesti, quæsumus, cleméntiam tuam: ut intercedente beáto Hermete Mártire tuo, quæ humíliter gérimus, salúriter sentiamus. Per Dñm.

D I E XXIX. A U G U S T I.

IN DECOLLATIONE S. JOANNIS Baptistæ.

Introitus. Ps. 118.

LOQUÉBAR de testimoniis tuis in conspéctu regum, & non confundébar: & meditábar in mandátis tuis, quæ dilexi nimis. *Ps. 91.* Bonum est confitéri Dómino: & psállere nómini tuo, Altíssime. *V.* Glória.

S f f

Orémus.

Oratio.

Sancti Joannis Baptiste præcursoris & Martyris tui, quæsumus, Domine, veneranda festivitas, salutaris auxilii nobis præstet effectum. Qui vivis & regnas.

Pro commemoratione S. Sabine, Martyris.

Oratio.

Deus, qui inter cætera potentie tue miracula, etiam in sexu fragili victoriam martyrii contulisti: concede propitius; ut qui beate Sabine Martyris tue natalitia colimus, per ejus ad te exempla gradiamur. Per.

Lectio Jeremie Prophete. 7. d.

In diebus illis: Factum est verbum Domini ad me, dicens: Accinge lumbos tuos, & surge, & loquere ad Juda omnia quæ ego præcipio tibi. Ne formides à facie eorum: nec enim timere te faciam vultum eorum. Ego quippe dedi te hodie in civitatem munitam, & in columnam ferream, & in murum æreum, super omnem terram, regibus Juda, principibus ejus, & sacerdotibus, & populo terræ. Et bellabunt adversum te, & non prævalébunt: quia ego tecum sum, ait Dominus, ut liberem te.

Grad. Ps. 91. Justus ut palma florebit: sicut cedrus Libani multiplicabitur in domo Domini. *V.* Ad annuntiandum manè misericordiam tuam, & veritatem tuam per noctem. Allelúia, allelúia. *V. Osee 14.* Justus germinabit sicut lilium: & florebit in ætérnum ante Dominum. Allelúia.

Sequéntia sancti Evangelii fecúndum Marcum. 6. c.

In illo tempore: Misit Heródes ac tenuit Joannem, & vinxit eum in cárcere, propter Herodiadem uxorem

Philippi fratris sui, quia dúxerat eam. Dicebat enim Joannes Heródi: Non licet tibi habere uxorem fratris tui. Heródias autem insidiabatur illi: & volébat occidere eum, nec póterat. Heródes enim metuébat Joannem, sciens eum virum justum & sanctum: & custodiébat eum, & audito eo multa faciébat, & libénter eum audiébat. Et cum dies opportunus accidisset, Heródes natalis sui coenam fecit principibus, & tribúnis, & primis Galilææ. Cúmque introisset filia ipsius Herodiadis, & saltasset, & placuisset Heródi, simúlque recumbéntibus: rex ait puellæ: Pete à me quod vis, & dabo tibi: & jurávit illi: Quia quidquid petieris dabo tibi, licet dimidium regni mei. Quæ cum exisset, dixit matri suæ: Quid petam? At illa dixit: Caput Joannis Baptiste. Cúmque introisset statim cum festinatione ad regem, petívit dicens: Volo ut prótinus des mihi in disco caput Joannis Baptiste. Et contristatus est rex propter jusjurandum, & propter simul discumbéntes, noluit eam contristare: sed misso spiculatóre præcépit afférri caput ejus in disco. Et decollávit eum in cárcere: & attulit caput ejus in disco: & dedit illud puellæ, & puella dedit matri suæ. Quo audito, discipuli ejus venerunt, & tulérunt corpus ejus: & posuérunt illud in monumento.

Offert. Ps. 20. In virtute tua, Domine, lætábitur justus, & super salutare tuum exultábit vehementer: desiderium animæ ejus tribuísti ei.

Secreta.

Munera quæ tibi, Domine, pro sancti Martyris tui Joannis Baptiste passione deférimus, quæsu-

mus; ut ejus obtentu, nobis proficiant ad salutem.

Pro sancta Sabina. Secreta.

Hostias tibi, Domine, beatæ Sabinae Martyris tuæ dicatas meritis, benignus assume: & ad perpetuum nobis tribue provenire subsidium. Per.

Commun. Ps. 20. Posuisti, Domine, in capite ejus coronam de lapide pretioso.

Postcommunio.

Conferat nobis, Domine, sancti Joannis Baptistæ sollemnitas: ut & magnifica sacramenta, quæ sumpsimus, significata veneremur; & in nobis potius edita gaudeamus. Per.

Pro sancta Sabina. Postcommunio.

Divini muneris largitate satiati, quæsumus, Domine Deus noster: ut intercedente beatâ Sabina Martyre tuâ, in ejus semper participatione vivamus. Per Dñm.

DIE XXX. AUGUSTI.

IN FESTO S. ROSÆ

à sancta Maria, Virginis Limanæ.

Missa, Dilexisti justitiam. de Comuni Virginum, fol. xxx. præter Orationem sequentem.

Oratio.

Bonorum omnium largitor, omnipotens Deus, qui beatam Rosam, cœlestis gratiæ rore præventam, virginitatis & patientiæ decore Indis florescere voluisti: da nobis famulis tuis, ut in odorem suavitatis ejus currentes, Christi bonus odor effici mereamur. Per eundem Dñm.

Et fit commemoratio SS. Felicis & Adacti Martyrum.

Oratio.

Majestatem tuam, Domine, supplices exoramus, ut sicut nos jugiter sanctorum tuorum commemo-

ratione lætificas: ita semper supplicatione defendas. Per Dñm.

Secreta.

Hostias, Domine, tuæ plebis intende: & quas in honore sanctorum tuorum devotâ mente celebrat, proficere sibi sentiat ad salutem. Per.

Postcommunio.

Replêti, Domine, muneribus sacris, quæsumus, ut intercedentibus sanctis tuis, in gratiarum semper actione maneamus. Per Dñm.

DIE XXXI. AUGUSTI.

IN FESTO S. RAYMUNDI

Nonnati Confessoris.

Missa, Os justi. de Comuni Confessoris non Pontificis, fol. xxij. præter Orationem sequentem.

Oratio.

Deus, qui in liberandis fidelibus tuis ab impiorum captivitate, beatum Raymundum Confessorem tuum mirabilem effecisti: ejus nobis intercessionem concede; ut à peccatorum vinculis absoluti, quæ tibi sunt placita liberis mentibus exequamur. Per.

FESTA SEPTEMBRIS.

DIE I. SEPTEMBRIS.

SANCTI ÆGIDII Abbatis.

Missa, Os justi meditabitur. ut in Comuni Abbatum, fol. xxvi.

Et fit commemoratio sanctorum Martyrum duodecim Fratrum.

Oratio.

Fraterna nos, Domine, Martyrum tuorum corona lætificet: quæ & fidei nostræ præbeat incrementa virtutum, & multiplici nos suffragio consoletur.

S f f 2

Secreta.

Mysteria tua, Domine, pro sanctorum Martyrum tuorum commemoratione, devota mente tractemus: quibus nobis & praesidium crescat, & gaudium.

Postcommunio.

Praesta, quaesumus, omnipotens Deus: ut, quorum memoriam sacramenti participatione recolimus, fidem quoque proficiendo sectemur.

DIE II. SEPTEMBRIS.

IN FESTO S. STEPHANI
Hungariae Regis Confessoris.

Introitus. Ps. 36.

Os justi meditabitur sapientiam, & lingua ejus loquetur judicium: lex Dei ejus in corde ipsius.

Ps. ib. Noli aemulari in malignantibus: neque zelaveris facientes iniquitatem. *V.* Gloria Patri.

*Orémus.**Oratio.*

Concède, quaesumus, Ecclesiae tuae, omnipotens Deus: ut beatum Stephanum Confessorem tuum, quem regnantem in terris propagatorem habuit, propugnatorem habere mereatur gloriosum in coelis. Per Dñm.

Lectio libri Sapientiae. *Eccl. 31.*

Beatus vir qui inventus est sine macula, & qui post aurum non abiit, nec speravit in pecunia & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria aeterna: qui potuit transgredi, & non est transgressus: facere mala & non fecit: ideo stabilita sunt bona illius in Domino, & elemosynas illius enarrabit omnis Ecclesia sanctorum.

Grad. Ps. 91. Justus ut palma florebit: sicut cedrus Libani multipli-

cabitur in domo Domini. *V.* Ad annuntiandum manè misericordiam tuam & veritatem tuam per noctem. Allelúia, allelúia. *V. Jac. 1.* Beatus vir qui suffert tentationem: quoniam cum probatus fuerit, accipiet coronam vitae. Allelúia.

Sequentia sancti Evangelii secundum
Lucam. 19. b.

In illo tempore: Dixit Jesus discipulis suis parabolam hanc: Homo quidam nobilis abiit in regionem longinquam accipere sibi regnum, & reverti. Vocatis autem decem servis suis, dedit eis decem mnas, & ait ad illos: Negotiamini dum venio. Cives autem ejus oderant eum: & miserunt legationem post illum, dicentes: Nolumus hunc regnare super nos. Et factum est ut rediret, accepto regno: & jussit vocari servos, quibus dedit pecuniam, ut sciret quantum quisque negotiatus esset. Venit autem primus, dicens: Domine, mna tua decem mnas acquisivit. Et ait illi: Euge bone serve, quia in modico fuisti fidelis, eris potestatem habens super decem civitates. Et alter venit, dicens: Domine, mna tua fecit quinque mnas. Et huic ait: Et tu esto super quinque civitates. Et alter venit, dicens: Domine, ecce mna tua quam habui repositam in sudario: timui enim te, quia homo austerus es: tollis quod non posuisti, & metis quod non seminasti. Dicit ei: de ore tuo te iudico, serve nequam. Sciebas quod ego homo austerus sum, tollens quod non posui, & metens quod non seminavi: & quare non dedisti pecuniam meam ad mensam, ut ego veniens, cum usuris utique exegissem illam? & astantibus dixit:

Auferte ab illo mnam, & date illi qui decem mnas habet. Et dixerunt ei: Dómine, habet decem mnas. Dico autem vobis, quia omni habenti dabitur, & abundabit: ab eo autem qui non habet, & quod habet, auferetur ab eo.

Offert. Ps. 88. Véritas mea, & misericórdia mea cum ipso: & in nómine meo exaltabitur cornu ejus.

Secreta.

Respice quas offerimus hóstias, omnipotens Deus, & præsta: ut qui passiónis Domínicæ mystéria celebramus, imitémur quod ágimus. Per.

Commun. Matt. 24. Beátus servus, quem cum vénerit dóminus, invenerit vigilántem: amen dico vobis, super omnia bona sua constituet eum.

Postcommunio.

Præsta, quæsumus, omnipotens Deus: ut beáti Stéphaní Confessóris tui fidem cóngruâ devotíone sectémur, qui pro ejúsdem fidei dilatatione, & de terréno regno ad coeléstis regni glóriam méruit pervenire. Per Dñm.

DIE V. SEPTEMBRIS.
IN FESTO S. LAURENTII
Justiniani Episcopi & Confessóris.

Missa, Státuit ei Dóminus. de Comuni Confessoris Pontificis, fol. xvij.

DIE VIII. SEPTEMBRIS.
IN NATIVITATE BEATÆ
MARIAE VIRGINIS.

Introitus. Sedulius.

Salve, sancta parens, eníxa puérpera Regem: qui cœlum terrámque regit in sæcula sæculórum.

Ps. 44. Eructávit cor meum verbum bonum: dico ego ópera mea Regi. *V. Glória Patri.*

Orémus.

Oratio.

Famulis tuis, quæsumus, Dómine, coeléstis grátiae munus impertire: ut quibus beátæ Vírginis partus extitit salutis exórdium, Nativitátis ejus votíva solémnitas, pacis tríbuat incrementum. Per Dóminum nostrum Jesum Christum Fílium tuum: Qui tecum vivit & regnat in unitáte Spíritûs sancti Deus.

In Missis privatis pro commemoratione sancti Adriani Martyris.

Oratio.

Præsta, quæsumus, omnipotens Deus: ut qui beáti Adriáni Mátyris tui natalítia cólimus, intercessióne ejus in tui nóminis amore roborémur. Per Dñm.

Lectio libri Sapiéntiæ. Prov. 8. c.

Dominus possédit me in inítio viarum suárum, ántequam quidquam fáceret à princípíio. Ab ætérno ordináta sum, & ex antíquis ántequam terra fieret. Nondum erant abyssi, & ego jam concépta eram: necdum fontes aquárum erúperant, necdum montes gravi mole confúterant: ante colles ego parturiébar: adhuc terram non fécerat, & flúmina, & cárdines orbis terræ. Quando præparábat cœlos, áderam: quando certâ lege, & gyro vallábat abyssos: quando æthera firmábat fursum, & librábat fontes aquárum: quando circúmdabat mari términum suum, & legem ponébat aquis ne transírent fines suos: quando appendébat fundaménta terræ. Cum eo eram cuncta compónens: & delectábar per singulos dies, ludens coram eo omni tēpore, ludens in orbe terrárum: & delíciæ meæ, esse cum filiis hóminum. Nunc ergo, filii, audíte me: Beáti,

qui custodiunt vias meas. Audite disciplinam, & estote sapientes, & nolite abjicere eam. Beatus homo qui audit me, & qui vigilat ad fores meas quotidie, & observat ad postes ostii mei. Qui me invenerit, inveniet vitam, & hauriet salutem à Domino.

Grad. Benedicta & venerabilis es, Virgo Maria: quæ sine tactu pudoris inventa es mater Salvatoris.

V. Virgo Dei genitrix, quem totus non capit orbis, in tua se clausit viscera factus homo. Allelúia, allelúia.

V. Felix es, sacra Virgo Maria, & omni laude dignissima: quia ex te ortus est sol iustitiæ, Christus Deus noster. Allelúia.

Inítium sancti Evangelii secundum Matthæum. i.

Liber generationis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, & fratres ejus. Judas autem genuit Phares, & Zaram de Thamar. Phares autem genuit Efron. Efron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea, quæ fuit Uríæ. Salomon autem genuit Róboam. Róboam autem genuit Abíam. Abías autem genuit Afa. Afa autem genuit Jófaphat. Jófaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz.

Achaz autem genuit Ezechíam. Ezechías autem genuit Manáffen. Manáffes autem genuit Amon. Amon autem genuit Josíam. Josías autem genuit Jechoníam, & fratres ejus in transmigratione Babylónis. Et post transmigrationem Babylónis: Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocatur Christus. Credo.

Offert. Beata es, Virgo Maria, quæ omnium portasti Creatorem: genuisti, qui te fecit, & in ætérnum permanes virgo.

Secreta.

UNigéniti tui, Dómine, nobis succurrat humanitas: ut qui natus de Vírgine, matris integritatem non minuit, sed sacravit; in Nativitatis ejus solémniis, nostris nos piaculis exuens, oblationem nostram tibi faciat acceptam Jesus Christus Dóminus noster. Qui tecum vivit & regnat.

Pro sancto Adriano. Secreta.

MUnéribus nostris, quæsumus, Dómine, precibusque susceptis: & coeléstibus nos munda mystériis, & cleménter exaudi. Per Dóminum nostrum Jesum Christum.

Præfatio de beata Maria, Et te in Nativitate, fol. 212. quæ dicitur per totam Octavam, etiam in Festis, nisi habuerint propriam.

Commun. Beáta víscera Mariæ Vir-
ginis: quæ portavérunt ætérni Patris
Fílium.

Postcommunio.

Sumpſimus, Dómine, celebritátis
ánnua votíva sacraménta: præſta,
quæſumus; ut & temporális vitæ no-
bis remédia præbeant, & ætérnæ. Per.

Pro ſancto Adriano. Postcommunio.

DA, quæſumus, Dómine Deus noſ-
ter: ut ſicut tuórum commemo-
ratione ſanctorum, temporáli gratu-
lámur officio, ita perpétuo lætémur
aſpéctu. Per Dñm.

¶ *Infra Octavam Nativitatis beatæ
Mariæ, & in die Octava, dicitur Miſſa
ſicut in die Feſti; ſed infra Octavam,
quando non fit commemoratio feſti
ſimplicis, dicitur ſecunda Oratio de
ſpiritu ſancto, Deus, qui corda fidé-
lium; tertia, Eccléſiæ, vel pro Papa,
Deus, ómnium, fol. liv.*

DOMINICA INFRA OCTAVAM NATIVI-
TATIS BEATÆ MARIÆ VIRGINIS.

FESTUM SS. NOMINIS BEATÆ
MARIÆ VIRGINIS.

Introitus. Ps. 44.

Vultum tuum deprecabúntur om-
nes dívites plebis: adducéntur
Regi vírgines poſt eam: próximæ
ejus adducéntur tibi in lætítia & ex-
ultatione. *Ps. ib.* Eructávit cor meum
verbum bonum: dico ego ópera mea
Regi.

V. Glória Patri.

Orémus.

Oratio.

Concède, quæſumus, omnípotens
Deus: ut fidéles tui, qui ſub
ſanctíſſimæ Virgínis Mariæ Nómine,
& protectione lætántur: ejus piâ in-
terceſſione, à cunctis malis liberéntur

in terris, & ad gáudia ætérna perve-
nire mereántur in coelis. Per Dñm.

*Et fit commemoratio Dominicæ oc-
currentis.*

Léctio libri Sapiéntiæ. Eccl. 24.

EGo quaſi vitis fructificávi ſuavi-
tatem odóris: & flores mei, fruc-
tus honóris & honeſtátis. Ego ma-
ter pulchræ dilectiónis, & timóris, &
agnitiónis, & ſanctæ ſpei. In me
grátia omnis viæ & veritátis, in me
omnis ſpes vitæ & virtútis. Tran-
ſíte ad me omnes qui concupíſcitis me,
& à generationibus meis adimplémi-
ni. Spíritus enim meus ſuper mel
dulcis, & heréditas mea ſuper mel,
& favum. Memória mea in genera-
tiones ſæculórum. Qui edunt me,
adhuc eſúrient: & qui bibunt me
adhuc ſítient. Qui audit me non
confundétur: & qui operántur in me
non peccábunt. Qui elúcidant me,
vitam ætérnam habébunt.

Grad. Benedícta & venerábilis es,
Virgo María: quæ ſine tactu pudóris
invénta es mater Salvatóris. *V. Vir-
go Dei génitrix, quem totus non capit
orbis, in tua ſe clauſit víscera factus
homo. Allelúia, allelúia. V. Poſt
partum Virgo invioláta permansíſti,
Dei genitrix, intercède pro nobis.
Allelúia.*

*Sequéntia ſancti Evangélíi ſecúndum
Lucam. I. c.*

IN illo témpore: Miſſus eſt Angelus,
Gábriel à Deo in civitátem Gali-
lææ, cui nomen Názareth, ad Virgi-
nem deſponſátam viro, cui nomen
erat Joſeph, de domo David, & nomen
Virgínis María. Et ingrédus Ange-
lus ad eam, dixit: Ave, gratiâ plena,
Dóminus tecum: Benedícta tu in

mulieribus: Quæ cum audisset, turbata est in sermone ejus, & cogitabat qualis esset ista salutatio. Et ait Angelus ei: ne timeas, Maria, invenisti enim gratiam apud Deum: ecce concipies in utero, & paries filium, & vocabis nomen ejus Jesum. Hic erit magnus & Filius Altissimi vocabitur, & dabit illi Dominus Deus sedem David patris ejus: & regnabit in domo Jacob in æternum, & regni ejus non erit finis. Dixit autem Maria ad Angelum: Quomodo fiet istud quoniam virum non cognosco? Et respondens Angelus dixit ei: Spiritus sanctus superveniet in te, & virtus Altissimi obumbrabit tibi. Ideoque & quod nascetur ex te Sanctum, vocabitur Filius Dei. Et ecce Elisabeth cognata tua, & ipsa concepit filium in senectute sua, & hic mensis sextus est illi, quæ vocatur sterilis: quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum. Credo.

Offert. Luc. 1. Ave, Maria, gratia plena: Dominus tecum: Benedicta tu in mulieribus, & benedictus fructus ventris tui.

Secreta.

TUâ, Domine, propitiatione, & beatæ Mariæ semper Virginis intercessionem, ad perpetuam, atque præsentem hæc oblatio nobis proficiat prosperitatem, & pacem. Per Dñm.

Deinde pro Dominica.

Præfatio. Et te in festivitatem beatæ Mariæ, fol. 212.

Commun. Beata viscera Mariæ Virginis, quæ portaverunt æterni Patris Filium.

Postcommunio.

Sumptis, Domine, salutis nostræ subsidiis: da, quæsumus, beatæ Mariæ semper Virginis patrocinis nos ubique protegi: in cujus veneratione hæc tuæ obtulimus majestati. Per Dñm.

Deinde pro Dominica.

Et in fine Missæ legitur Evangelium Dominicæ.

Si hæc Dominica incurrat in diem Exaltationis S. Crucis, Officium SS. Nominis beatæ Mariæ transfertur post Octavam. Si vero ipsa dies Octava incidat in Dominicam, eo anno nihil fiet de ea, sed totum Officium erit de Nomine beatæ Mariæ, cum commemoratione Dominicæ & sancti Nicodemis.

DIE IX. SEPTEMBRIS.

PRO COMMEM. S. GORGONII
Martyris.

Oratio.

Sanctus tuus, Domine, Gorgonius suam nos intercessionem lætificet: & pia faciat solemnitate gaudere. Per.

De Spiritu sancto. Oratio.

Deus, qui corda fidelium sancti Spiritus illustratione docuisti: da nobis in eodem Spiritu recta sapere, & de ejus semper consolatione gaudere. Per Dñm . . . in unitate ejusdem Spiritus sancti Deus.

Nisi venerit in Dominica: tunc enim tertia Oratio erit de Sancto.

Pro sancto Gorgonio. Secreta.

Grata tibi sit, Domine, nostræ servitutis oblatio: pro qua sanctus Gorgonius Martyr interventor existat. Per Dominum nostrum Jesum Christum Filium tuum: Qui tecum vivit & regnat.

De Spiritu sancto. Secreta.

MUnera, quæsumus, Dómine, oblata sanctífica: & corda nostra sancti Spíritus illustratióne emúnda. Per Dñm . . . in unitate ejúsdem Spíritus sancti Deus.

Pro S. Gorgonio. Postcommunio.

Famíliam tuam, Deus, suávitats æterna contíngat & végetet: quæ in Mártire tuo Gorgónio, Christi Filii tui bono júgiter odóre pascátur. Qui tecum vivit.

De Spiritu sancto. Postcommunio.

Sancti Spíritus, Dómine, corda nostra mundet infúsió: & sui roris íntimá aspersiÓne fœcúndet. Per Dñm . . . in unitate ejúsdem Spíritus sancti Deus.

DIE X. SEPTEMBRIS.

IN FESTO S. NICOLAI
de Tolentino.

Missa, Justus ut palma. de Communi Confessoris non Pontificis, fol. xxiv. cum commemoratione de Octava Nativitatis beatæ Mariæ ut supra in die, fol. 477.

Et dicitur Credo. Et Præfatio de beatæ Mariæ, Et te in Nativitate beatæ Mariæ. fol. 212.

DIE XI. SEPTEMBRIS.

PRO COMMEMORATIONE
SS. PROTI & HYACINTHI Mart.

Oratio.

Beatórum Mártýrum tuórum Proti & Hyacínthi nos, Dómine, foveat pretiÓsa conféssio: & pia júgiter intercésio tueátur. Per.

De Spiritu sancto. Oratio.

Deus, qui corda fidélium sancti Spíritus illustratiÓne docuísti: da

nobis, in eódem Spíritu recta sápere, & de ejus semper consolatiÓne gaudere. Per Dñm . . . in unitate ejúsdem Spíritus sancti Deus.

Pro SS. Proto & Hyacintho. Secreta.

Pro sanctórum Mártýrum tuórum Proti & Hyacínthi commemoratione, múnera tibi, Dómine, quæ debémus, exólvimus: præsta quæsumus; ut remédiu nobis perpétuæ salútis operéntur.

De Spiritu sancto. Secreta.

MUnera, quæsumus, Dómine, oblata sanctífica: & corda nostra sancti Spíritus illustratiÓne emúnda. Per Dóminu . . . in unitate ejúsdem Spíritus sancti Deus.

Pro SS. Proto & Hyacintho.

Postcommunio.

Ut percépta nos, Dómine, tua sancta puríficent, beatórum Mártýrum tuórum Proti & Hyacínthi, quæsumus, implóret orátio. Per.

De Spiritu sancto. Postcommunio.

Sancti Spíritus, Dómine, corda nostra mundet infúsió: & sui roris íntima aspersiÓne fœcúndet. Per Dóminu . . . in unitate ejúsdem Spíritus sancti Deus.

DIE XIV. SEPTEMBRIS.

IN FESTO EXALTATIONIS
SANCTÆ CRUCIS.

Introitus. Galat. 6.

Nos autem gloriári opórtet in cruce Dómini nostri Jesu Christi, in quo est salus, vita & resurrectiÓ nostra, per quem salváti & liberáti sumus. Ps. 66. Deus misereátur nostrí, & benedícat nobis: illúminet vultu suu super nos, & misereátur nostrí. V. Glória Patri.

T. t. t.

Orémus.

Oratio.

DEus, qui nos hodiernâ die Exaltationis sanctæ Crucis annuâ solemnitate lætificas: præsta, quæsumus; ut cujus mysterium in terra cognovimus, ejus redemptionis præmia in cælo mereamur. Per eundem Dñm.

Et fit commemoratio de Octava Nativitatis beatæ Mariæ.

Oratio.

FAmulis tuis, quæsumus, Dómine, cœlestis gratiæ munus impertire: ut quibus beatæ Virginis partus exitit salutis exordium, nativitatis ejus votiva sollemnitas, pacis tribuat incrementum. Per Dñm.

Lectio Epistolæ beati Pauli Apóstoli ad Philippenses. 2.

FRatres, Hoc enim sentite in vobis, quod & in Christo Jesu: qui cum in forma Dei esset, non rapinam arbitratus est, esse se æqualem Deo: sed semetipsum exinanivit, formam servi accipiens, in similitudinem hominum factus, & habitu inventus ut homo. Humiliavit semetipsum, factus obediens usque ad mortem, mortem autem crucis. Propter quod & Deus exaltavit illum, & donavit illi nomen, quod est super omne nomen: [*Hic genuflectitur.*] ut in nomine Jesu omne genu flectatur cœlestium, terrèstrium, & infernorum: & omnis lingua confiteatur, quia Dóminus Jesus Christus in glória est Dei Patris.

Grad. ib. Christus factus est pro nobis obediens usque ad mortem, mortem autem crucis. *V.* Propter quod & Deus exaltavit illum, & dedit illi nomen, quod est super omne nomen. Allelúia, allelúia. *V.* Dulce

lignum, dulces clavos, dulcia ferens pondera: quæ sola fuisti digna sustinere Regem cœlorum, & Dóminum. Allelúia.

Sequéntia sancti Evangelii secundum Joannem. 12. c.

IN illo tempore: Dixit Jesus turbis Judæorum: Nunc judicium est mundi: nunc princeps hujus mundi ejicietur foras. Et ego, si exaltatus fuero à terra, omnia traham ad meipsum: (hoc autem dicebat, significans quâ morte esset moriturus.) Respondit ei turba: Nos audivimus ex lege, quia Christus manet in æternum: & quomodo tu dicis: Oportet exaltari Filium hominis? Quis est iste Filius hominis? Dixit ergo eis Jesus: Adhuc modicum lumen in vobis est. Ambulate dum lucem habetis, ut non vos tenebræ comprehendant: & qui ambulat in tenebris, nescit quò vadat. Dum lucem habetis, credite in lucem, ut filii lucis sitis. Credo.

Offertorium. Prôtege, Dómine, plebem tuam per signum sanctæ Crucis, ab insidiis inimicorum omnium: ut tibi gratam exhibeamus servitutem, & acceptabile fiat sacrificium nostrum, Allelúia.

Secreta.

Jesu Christi Dómini nostri corpore & sanguine saginandi, per quem Crucis est sanctificatum vexillum, quæsumus, Dómine Deus noster: ut sicut illud adorare meruimus, ita perenniter ejus gloriæ salutáris potiamur effectui. Per eundem Dóminum nostrum Jesum Christum Filium tuum: Qui tecum vivit & regnat in unitate Spíritus sancti Deus.

*Pro commemoratione Octavæ.**Secreta.*

UNigéniti tui, Dómine, nobis succurrat humanitas: ut qui natus de Vírgine, matris integritatem non mínuit, sed sacrávit: in Nativitátis ejus solémniis, nostris nos piáculis éxuens, oblationem nostram tibi faci- at accéptam Jesus Christus Dóminus noster. Qui tecum vivit & regnat.

Præfatio de Cruce. Qui salutem humani géneris, fol. 209.

Communio. Per signum Crucis de inimicis nostris libera nos, Deus noster.

Postcommunio.

ADesto nobis, Dómine Deus noster: & quos sanctæ Crucis lætari facis honóre, ejus quoque perpétuis de- fende subsidiis. Per Dñm.

*Pro commemoratione Octavæ.**Postcommunio.*

Sumpsimus, Dómine, celebritátis ánnuæ votíva sacraménta: præsta, quæsumus; ut & temporális vitæ no- bis remédia præbeant, & æternæ. Per Dñm.

DIE XV. SEPTEMBRIS.
IN OCTAVA NATIVITATIS
BEATÆ MARIÆ.

Missa ut in die, cum commemorati- one sancti Nicomedis Martyris, ut infra.

Si hodie occurrat feria Quatuor Temporum, in Ecclesiis Cathedralibus & Collegiatis dicuntur duæ Missæ, una de Octava cum commemoratione sancti Nicomedis tantum; altera de Feria, cum Orationibus assignatis; & in hac Missa, & sequentibus Quatuor Tempo- rum dicitur semper Præfatio com- munis, fol. 212.

*Pro commemoratione sancti Nicome- dis Martyris.**Oratio.*

ADesto, Dómine, pópulo tuo: ut beáti Nicomédís Mártiris tui mérita præclára fuscípiens, ad impe- trándam misericórdiam tuam semper ejus patrocíniis adjuvétur. Per Dñm.

Secreta.

Suscipe, Dómine, múnera propítius obláta: quæ majestáti tuæ, beáti Nicomédís Mártiris comméndet orá- tio. Per Dñm.

Postcommunio.

Puríficent nos, Dómine, sacraménta quæ sumpsimus: & intercedente beáto Nicoméde Mártire tuo, à cunc- tis efficiant vítiis absolútos. Per Dó- minum nostrum.

¶ *Si sequens festum SS. Cornelii & Cypriani venerit in Dominica, trans- fertur in primam diem non impeditam, sed commemoratio SS. Euphemie, &c. fit in Dominica. Si vero occurrat in Feria iv. Quatuor Temporum, fit com- memoratio primùm de Feria, postea de SS. Euphemia, &c. & in Ecclesiis Ca- thedralibus & Collegiatis dicuntur duæ Missæ, una de SS. Cornelio & Cypria- no, in qua fit commemoratio SS. Eu- phemie, &c. altera de dicta Feria, sine commemoratione sanctorum Eu- phemie, &c.*

DIE XVI. SEPTEMBRIS.
IN FESTO SS. CORNELII &
CYPRIANI Pontificum & Mart.

Missa. Intret in conspectu. de Com- muni plurimorum Martyrum, fol. xi.

Et fit commemoratio SS. Euphemie, &c. infra.

*Pro commemoratione SS. Euphemiæ,
Luciæ, & Geminiani, Martyrum.*

Oratio.

PRæsta, Dómine, précibus nostris cum exultatione provéntum: ut sanctorum Mátyrum Euphemiæ, Luciæ, & Geminiani, quorum diem passionis annuâ devotione recólimus, étiam fidei constantiam subsequámur.

Tertia Oratio, A cunctis, fol. lxxiv.

Pro commemor. SS. Euphemiæ, &c.

Secreta.

VOta pópuli tui, quæsumus, Dómine, propítius inténde: & quorum nos tribuis solémnia celebrare, fac gaudere suffrágiis.

Tertia, Exáudi nos, fol. lxxiv.

Pro SS. Euphemia, &c.

Postcommunio.

EXáudi, Dómine, preces nostras, & sanctorum Mátyrum tuorum Euphemiæ, Luciæ, & Geminiani: quorum festa solémniter celebrámus, continuis foveámur auxiliis.

Tertia, Mundet & múniat, f. lxxiv.

DIE XVII. SEPTEMBRIS.

IN FESTO IMPRESSIONIS
SACRORUM STIGMATUM IN CORPORE
S. FRANCISCI.

Introitus. Galat. 6.

Mihi autem absit gloriári, nisi in cruce Dómini nostri Jesu Christi, per quem mihi mundus crucifixus est, & ego mundo.

Pf. 141. Voce meâ ad Dóminum clamávi: voce meâ ad Dóminum deprecátus sum. V. Glória Patri.

Orémus.

Oratio.

Domine Jesu Christe, qui frigescénte mundo, ad inflammándum corda nostra tui amoris igne, in

carne beatíssimi Francísci passionis tuæ sacra Stigmata renovásti: concede propítius; ut ejus méritis & précibus crucem júgiter ferámus, & dignos fructus poeniténtiæ faciámus. Qui vivis & regnas cum Deo Patre.

Lectio Epístolæ beáti Pauli Apóstoli ad Gálatas. 6. b.

FRatres, Mihi autem absit gloriári, nisi in cruce Dómini nostri Jesu Christi: per quem mihi mundus crucifixus est, & ego mundo. In Christo enim Jesu, neque circumcísio áliquid valet, neque præpútium, sed nova creatúra. Et quicumque hanc régulam secúti fúerint, pax super illos, & misericórdia, & super Israél Dei. De cætero nemo mihi moléstus sit: ego enim Stigmata Dómini Jesu in corpore meo porto. Grátia Dómini nostri Jesu Christi, cum spíritu vestro, fratres. Amen.

Grad. Ps. 36. Os justí meditábitur sapiéntiam, & lingua ejus loquétur judícium. V. Lex Dei ejus in corde ipsíus: & non supplantabúntur gressus ejus. Allelúia, allelúia.

V. Francíscus pauper & húmilis, cœlum dives ingreditur, hymnis cœléstibus honorátur. Allelúia.

Sequéntia sancti Evangélíi secúndum Matthæum. 16. b.

IN illo témpore: Dixit Jesus discipulis suis: Si quis vult post me veníre, ábneget semetípsum, & tollat crucem suam, & sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ verò suæ detriméntum

patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Offert. Ps. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

MUnera tibi, Domine, dicata sanctifica: & intercedente beato Francisco, ab omni nos culpārum labe purifica. Per Dñm.

Commun. Luc. 12. Fidelis servus & prudens, quem constituit Dominus super familiam suam, ut det illis in tempore tritici mensuram.

Postcommunio.

DEus, qui mira crucis mysteria in beato Francisco Confessore tuo multiformiter demonstrasti: da nobis, quaesumus, devotionis suae semper exempla sectari & assiduam ejusdem crucis meditatione muniri. Per.

DIE XVIII. SEPTEMBRIS.
IN FESTO S. JOSEPHI à Cupertino Confessoris.

Introitus. Eccl. 1.

Dilectio Dei honorabilis sapientia: quibus autem apparuerit in visu, diligunt eam in visione, & in agnitione magnalium suorum.

Ps. 83. Quam dilecta tabernacula tua, Domine virtutum! concupiscit & deficit anima mea in atriā Domini.
V. Gloria Patri.

Orémus.

Oratio.

DEus, qui ad Unigenitum Filium tuum exaltatum à terra omnia trahere disposuisti: perfice propitius;

ut meritis & exemplo Seraphici Confessoris tui Josephi supra terrenas omnes cupiditates elevati ad eum pervenire mereamur. Qui tecum vivit & regnat.

Lectio Epistolae beati Pauli Apostoli ad Corinthios. I. 13.

FRatres, Si linguis hominum loquar, & Angelorum, charitatem autem non habeam, factus sum velut aes sonans, aut cymbalum tinniens. Et si habuero prophetiam, & noverim mysteria omnia, & omnem scientiam; & si habuero omnem fidem, ita ut montes transferam, charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum, ita ut ardeam, charitatem autem non habuero, nihil mihi prodest. Charitas patiens est, benigna est: Charitas non aemulatur, non agit perperam, non inflatur, non est ambitiosa, non quaerit quae sua sunt, non irritatur, non cogitat malum: non gaudet super iniquitate, congratuletur autem veritati: omnia suffert, omnia credit, omnia sperat, omnia sustinet. Charitas numquam excidit, siue prophetiae evacuabuntur, siue linguae cessabunt, siue scientia destruetur.

Grad. Ps. 20. Domine, praeveneris eum in benedictionibus dulcedinis, posuisti in capite ejus coronam de lapide pretioso. V. Vitam petiit à te, & tribuisti ei longitudinem dierum in saeculum, & in saeculum saeculi. Allelúia, allelúia.

V. *Eccl. 11.* Oculus Dei respexit illum in bono, & erexit eum ab humilitate ipsius, & exaltavit caput ejus. Allelúia.

Sequētia sancti Evangēlii secūndūm
Matthæum. 22. c.

IN illō tēpore : Loquebātūr Jēsus
Princīpibus Sacerdōtum & Phari-
sæis in parābolis dicens : Sīmīle fac-
tum est regnum cōelōrum hōmīni regi,
qui fecit nūptias filio suo. Et misit
servos suos vocāre invitātos ad nūp-
tias, & nolēbant venīre. Iterūm mi-
sit ālios servos suos dicens : Dīcite
invitātis : Ecce prāndium meum pa-
rāvi, tauri mei & altīlia mea occīsa
sunt, & ōmnia parāta : venīte ad
nūptias. Illi autem neglexērunt, &
abiērunt, ālius in villam suam, ālius
verō ad negotiatiōnem suam : reliqui
verō tenuērunt servos ejus, & contu-
mēliis affēctos occidērunt. Rex au-
tem cū audīssēt, irātus est, & missis
exercītibus suis pērdidit homicīdas
illos, & civitātem eōrum succēndit.
Tunc ait servis suis : Nūptiæ quidem
parātæ sunt, sed qui invitāti erant,
non fuērunt digni. Ite ergo ad ēxitus
viārum, & quoscūque invenēritis,
vocāte ad nūptias. Et egrēssi servi
ejus in vias, congregavērunt omnes,
quos invenērunt, malos & bonos :
& implētæ sunt nūptiæ discumbēti-
um. Intrāvit autem rex ut vidē-
ret discumbēntes, & vidit ibi hōmī-
nem non vestītum veste nuptiāli :
Et ait illi : Amīce quōmodo huc in-
trāsti non habens vestem nuptiālem ?
At ille obmūtuit. Tunc dixit rex
minīstris : Ligātis mānibus & pēdi-
bus ejus, mīttite eum in tēnebras ex-
teriōres : ibi erit fletus & stridor dēn-
tium. Multi enim sunt vocāti, pau-
ci verō elēcti.

Offert. Ps. 34. Ego autem cū
mihi molēsti essent, induēbar cilicio.
Humiliābam in jejūnio ānimam

meam : & oratio mea in sinu meo
convertētur.

Secreta.

LAudis tibi, Dōmine, hōstias immo-
lāmus in tuōrum commemorati-
ōne sanctōrum : quibus nos & præ-
sēntibus ēxui malis confīdimus, &
futūris. Per Dñm.

Commun. Ps. 68. Ego sum pauper
& dolens : salus tua, Deus, suscepit
me. Laudābo nomen Dei cum cān-
tico : & magnificābo eum in laude.

Postcommunio.

REfēcti cibo potūque cōelēsti, Deus
noster, te sūpplices exorāmus : ut
in cujus hęc commemoratiōne per-
cēpimus, ejus muniāmur & prēcibus.
Per Dñm.

DIE XIX. SEPTEMBRIS.

IN FESTO SS. MARTYRUM
JANUARIJ Episc. & SOCIORUM.

*Missæ, Salus autem justōrum. de
Communi plurimorum Martyrum, f. xiv.*

*Si sequens festum SS. Eustachii &
sociorum Mart. venerit in Dominica,
fit de eo, & in Sabbato præcedenti, in
quo celebratur festum sanctōrum Janu-
arii & Sociorum, fit commemoratio
Quatuor Temporum & Vigiliæ S. Mat-
thæi In Ecclesiis vero Cathedralibus
& Collegiatis, dicuntur duæ Missæ;
una de Sanctis sine commemoratione
Quatuor Temporum & Vigiliæ : &
altera de Quatuor Temporibus, in qua
non fit commemoratio Sanctōrum, sed
Vigiliæ sancti Matthæi; & tertia Ora-
tio, A cunctis nos, fol. lxxiv.*

*Quocumque vero alio die venerit fes-
tum SS. Eustachii & sociorum, fit de
eo, cum commemoratione Vigiliæ. Sed
in Ecclesiis Cathedralibus & Collegiatis
dicuntur duæ Missæ.*

DIE XX. SEPTEMBRIS.
IN FESTO SS. EUSTACHII
& SOCIORUM Martyrum.
*Missâ, Sapiëntiam sanctôrum. de
Communi plurimorum Mart. fol. xiiij.*

DIE XX. SEPTEMBRIS.
IN VIGILIA S. MATTHÆI
Apostoli & Evangelistæ.

Introitus. Ps. 51.

EGo autem sicut olîva fructîfera
in domo Dómini, sperávi in
misericórdia Dei mei: & expectábo
nomen tuum, quóniam bonum est
ante conspéctum sanctôrum tuórum.

Ps. ib. Quid gloriáris in malítia,
qui potens es in iniquitáte?

V. Glória Patri.

Orémus.

Oratio.

DA, quæsumus, omnipotens Deus:
ut beáti Matthæi Apóstoli tui &
Evangelistæ, quam prævenimus, ve-
neránda solémnitas, & devotióne
nobis áugeat, & salútem. Per Dó-
minum nostrum.

*Secunda Oratio de S. Maria, Con-
cede nos. Tertia, Ecclesiæ, vel pro
Papa, Deus, omnium, fol. 236.*

Lectio libri Sapiëntiæ. Eccl. 44. & 45.

Benedictio Dómini super caput
justi. Ideò dedit illi Dóminus
hereditátem, & divisit illi partem in
tribubus duódecim: & invénit gráti-
am in conspéctu omnis carnis. Et
magnificávit eum in timóre inimicó-
rum, & in verbis suis monstra placá-
vit. Glorificávit illum in conspéctu
regum, & iussit illi coram pópulo suo,
& osténdit illi glóriam suam. In
fide & lenitáte ipsius sanctum fecit
illum, & elégit eum ex omni carne.
Et dedit illi coram præcépta, & legem

vitæ & disciplinæ, & excélsam fecit
illum. Státuit ei testaméntum ætér-
num: & circumcínxit eum zona justí-
tiæ: & induit eum Dóminus corónam
glóriæ.

Grad. Ps. 91. Justus ut palma flo-
rébit: sicut cedrus Líbani multiplicá-
bitur in domo Dómini.

V. Ad annuntiándum manè mise-
ricórdiam tuam, & veritátem tuam
per noctem.

Sequéntia sancti Evangélii secúndum
Lucam. 5. c.

In illo témpore: Vidit Jესus pub-
licánus nómine Levi, sedentem
ad telónium: & ait illi: Séquere me.
Et relíctis ómnibus, surgens secútus
est eum. Et fecit ei convívium
magnum Levi in domo sua: & erat
turba multa publicanórum, & aliórum
qui cum illis erant discumbéntes.
Et murmurábant Pharisei & Scribæ
eórum, dicéntes ad discípulos ejus:
Quare cum publicánis & peccatóribus
manducátis & bíbitis? Et respóndens
Jesús, dixit ad illos: Non egent qui
sani sunt médico, sed qui malè ha-
bent. Non veni vocáre justos, sed
peccatóres ad pœniténtiam.

Offert. Ps. 8. Glóriâ & honóre co-
ronásti eum, & constituísti eum super
ópera mánuum tuárum, Dómine.

Secreta.

APostólici reveréntia cúlminis of-
feréntes tibi sacra mystéria, Dó-
mine, quæsumus: ut beáti Matthæi
Apóstoli tui & Evangelistæ suffrágiis,
cujus natalítia prævenimus, plebs tua
semper & sua vota depróniat, & de-
sideráta percípiat. Per Dñm.

*Secunda Secreta de S. Maria, Tua,
Dómine. Tertia, Protége nos. vel
pro Papa, Oblátis, fol. 236.*

Commun. Ps. 20. Magna est glória ejus in salutári tuo : glóriam & magnum decórem impónes super eum, Dómine.

Postcommunio.

Sancti Apóstoli tui & Evangelistæ Matthæi, quæsumus, Dómine, supplicatióne placátus : & véniam nobis tríbue, & remédia sempitérna concéde. Per Dñm.

Secunda Postcommunio de S. Maria, Sumptis, Dómine. Tertia, Quæsumus, Dómine. vel pro Papa, Hæc nos, quæsumus, fol. 237.

DIE XXI. SEPTEMBRIS.

IN FESTO S. MATTHÆI
Apostoli & Evangelistæ.

Introitus. Ps. 36.

OS justi meditábitur sapiéntiam, & lingua ejus loquétur judícium : lex Dei ejus in corde ipsíus.

Ps. ib. Noli æmulári in malignántibus : neque zeláveris faciéntes iniquitátem. *V.* Glória Patri.

Orémus.

Oratio.

Beati Apóstoli & Evangelistæ Matthæi, Dómine, précibus adjuvémur : ut quod possibílitas nostra non obtinet, ejus nobis intercessióne donétur. Per Dóminum nostrum Jesum Christum Fílium tuum : Qui tecum vivit.

Lectio Ezechiélis Prophætæ. I. c.

Similitúdo vultus quátuor animálium, fácies hóminis, & fácies leónis à dextris ipsórum quátuor : fácies autem bovis, à sinístris ipsórum quátuor, & fácies áquilæ désuper ipsórum quátuor. Fácies eórum, & pennæ eórum exténtæ désuper : duæ pennæ singulórum jungebántur, & duæ te-

gébant córpora eórum : & unumquódque eórum coram fácie sua ambulábat : ubi erat ímpetus spíritûs, illuc gradiebántur : nec revertebántur cùm ambulárent. Et similitúdo animálium, aspéctus eórum quasi carbónum ignis ardéntium, & quasi aspéctus lampadárum. Hæc erat vísió discúrrens in médio animálium, splendor ignis, & de igne fulgur egrédiens. Et animália ibant, & revertebántur in similitúdinem fúlgoris coruscántis.

Grad. Ps. 111. Beátus vir, qui timet Dóminum : in mandátis ejus cupit nimis. *V.* Potens in terra erit semen ejus : generatio rectórum benedicétur. Allelúia, allelúia. *V.* Te gloriósus Apostolórum chorus laudat, Dómine. Allelúia.

Sequéntia sancti Evangélii secúndum Matthæum. 9. b.

In illo témpore : Vidit Jesus hóminem sedéntem in telónio, Matthæum nómine. Et ait illi : Séquere me. Et surgens, secútus est eum. Et factum est discumbénte eo in domo, ecce multi publicáni & peccátóres veniéntes, discumbébant cum Jesu, & discípulis ejus. Et vidéntes Pharisæi, dicébant discípulis ejus : Quare cum publicánis & peccátóribus mandúcat Magíster vester ? At Jesus áudiens, ait : Non est opus valéntibus médicus, sed malè habéntibus. Eúntes autem díscite quid est : Misericórdiam volo, & non sacrificium. Non enim veni vocáre justos, sed peccátóres. Credo.

Offert. Ps. 20. Posuísti, Dómine, in cápite ejus corónam de lápide pretióso : vitam pétijt à te, & tribuísti ei. Allelúia.

Secreta.

Supplicationibus beati Matthæi Apostoli & Evangelistæ, quæsumus, Dómine, Ecclésiæ tuæ commendetur oblatio: cujus magnificis prædicationibus eruditur. Per Dñm.

Præfatio de Apostolis, fol. 212.

Commun. Ps. 20. Magna est glória ejus in salutari tuo: glóriam & magnum decorem impones super eum, Dómine.

Postcommunio.

Percéptis, Dómine, sacraméntis, beato Matthæo Apostolo tuo & Evangelista interveniente deprecámur: ut quæ pro ejus celebrata sunt glória, nobis proficiant ad medélam. Per Dñm.

DIE XXII. SEPTEMBRIS.

IN FESTO S. THOMÆ de Villanova Episcopi & Confessoris.

Missa, Statuit ei. de Comuni Confessoris Pontificis, fol. xvij. cum prima Oratione propria.

Oratio.

DEus, qui beatum Thomam Pontificem insignis in pauperes misericordiæ virtute decorasti: quæsumus, ut ejus intercessione in omnes, qui te deprecantur, divitias misericordiæ tuæ benignus effundas. Per Dñm.

Et fit commemoratio SS. Martyrum Mauriti & sociorum.

Oratio.

Annue, quæsumus, omnipotens Deus: ut sanctorum Martyrum tuorum, Mauriti & sociorum ejus, nos lætificet festiva sollemnitas: ut, quorum suffragiis nitimur, eorum natalitiis gloriémur. Per Dñm nostrum.

Pro commemoratione SS. Mauriti & sociorum. Secreta.

Respice, quæsumus, Dómine, múnera, quæ in sanctorum Martyrum tuorum, Mauriti & sociorum ejus, commemoratione deférimus: & præsta; ut, quorum honore sunt grata, eorum nobis fiant intercessione perpétua. Per Dñm.

Pro SS. Mauriti & sociis.

Postcommunio.

Cœléstibus refecti sacraméntis & gaudiis, supplices te rogámus, Dómine: ut quorum gloriámur triumphis, protegámur auxiliis. Per.

¶ *Si hoc festum inciderit in Feriam vi. Quatuor Temporum Septembris, tunc mutanda erit Postcommunio Ferie, quia est eadem cum Postcommunione Festi: ideo pro commemoratione Ferie sumenda erit Postcommunio Missæ Sabbati sequentis, scilicet, Perficiant, &c. nam mutatio facienda est (ex Rubrica generali) de quo fit commemoratio, non de quo fit Officium.*

DIE XXIII. SEPTEMBRIS.

IN FESTO S. LINI Papæ & Mart.

Introitus. Eccl. 45.

Státuit ei Dóminus testaméntum pacis, & principem fecit eum: ut sit illi sacerdotii dignitas in ætérnum. *Ps. 131.* Meménto, Dómine, David: & omnis mansuetudinis ejus. *V. Glória Patri.*

Orémus.

Oratio.

DEus, qui nos beati Lini Martyris tui atque Pontificis annuâ sollemnitate lætificas: concède propitius; ut cujus natalitia cólimus de ejúsdem étiam protectione gaudeámus. Per Dñm.

U u u

Deinde fit commemoratio S. Theclæ Virginis & Martyris.

Oratio.

DA, quæsumus, omnipotens Deus: ut, qui beatæ Theclæ Virginis & Martyris tuæ natalitia cōlimus, & annuā solemnitāte lætēmur, & tantæ fidei proficiāmus exēmplo.

Tertia Oratio. A cunctis, fol. lxxiv.

Lectio Epistolæ beāti Jacobi

Apóstoli. - 1. b.

Charíssimi, Beátus vir, qui suffert tentatiónem: quóniam cūm probátus fúerit, accípiet corónam vitæ, quam repromísit Deus diligéntibus se. Nemo cūm tentátur, dicat quóniam à Deo tentátur: Deus enim intentátor malórum est: ipse autem nēminem tentat. Unusquísque verò tentátur à concupiscéntia sua abstráctus, & illéctus. Deinde concupiscéntia cūm concéperit, parit peccátum: peccátum verò cūm consummátum fúerit, generat mortem. Nolíte itaque errāre, fratres mei dilectíssimi. Omne datum óptimum, & omne donum perféctum, defúrsus est, descéndens à Patre lúminum: apud quem non est transmutátio, nec vicissitúdinis obumbrátio. Voluntáriè enim genuit nos verbo veritátis, ut simus initium aliquod creatúræ ejus.

Grad. Ps. 88. Invēni David fervum meum, óleo sancto meo unxi eum: manus enim mea auxiliábitur ei, & bráchium meum confortábit eum. *V.* Nihil proficiet inimicus in eo: & filius iniquitátis non nocébit ei. Allelúia, allelúia.

V. Ps. 109. Tu es facérdos in ætérnum secúndum órđinem Melchisedech. Allelúia.

Sequéntia sancti Evangélii secúndum Lucam. 14. f.

In illo témpore: Dixit Jesus turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & ánimam suam, non potest meus esse discípulus. Et qui non bájulat crucem suam, & venit post me, non potest meus esse discípulus. Quis enim ex vobis volens turrim ædificáre, non prius sedens cōputat sumptus, qui necessárii sunt, si hábeat ad perficiéndum; ne, posteaquam posúerit fundaméntum, & non potúerit perficere, omnes qui vident, incipient illúdere ei, dicéntes: Quia hic homo cœpit ædificáre, & non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem míllibus occúrrere ei, qui cum vigínti míllibus venit ad se? alióquin, adhuc illo longè agente, legatiónem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ pōssidet, non potest meus esse discípulus.

Offert. Ps. 88. Véritas mea, & misericórdia mea cum ipso: & in nómine meo exaltábitur cornu ejus.

Secreta.

MUnera tibi, Dómine, dicáta sanctífica: & intercedénte beáto Lino Mártire tuo atque Pontífice, per éadem nos placátus inténde. Per.

Pro sancta Thecla. Secreta.

Suscipe, Dómine, múnera, quæ in beatæ Theclæ Virginis & Martyris tuæ solemnitāte deférimus: cujus nos confidimus patrocínio liberári.

Tertia. Exáudi nos. fol. lxxiv.

Comm. Ps. 88. Semel jurávi in sancto meo: semen ejus in ætérnum manébit: & sedes ejus sicut sol in conspéctu meo, & sicut luna perfectá in ætérnum: & testis in coelo fidélis.

Postcommunio.

HÆc nos commúnio, Dómine, purget à crimine: & intercedente beáto Lino Mártire tuo atque Pontífice, coeléstis remédii fáciat esse confortes. Per Dóminum nostrum Jesum Christum Fílium tuum. Qui tecum vivit & regnat.

Pro S. Thecla. Postcommunio.

Auxiliéntur nobis, Dómine, sumpta mystéria: & intercedente beátá Theclá, Vírgine & Mártire tuá, sempiterná fáciant protectióne gaudere.

Tertia. Mundet & múniat. fol. lxxiv.

DIE XXIV. SEPTEMBRIS.
IN FESTO BEATÆ MARIÆ
VIRGINIS de Mercède.

Missa, Salve sancta parens. ut in Missis votivis de beata Maria Virgine à Pentecoste usque ad Adventum, fol. liij. præter primam Orationem, quæ dicitur ut infra.

Oratio.

DEus, qui per gloriosíssimam Fílii tui Matrem ad liberándos Christi fidéles à potestáte paganórum, nová Ecclesiám tuam prole amplificáre dignátus es: præsta, quæsumus; ut quam piè venerámur tanti óperis institutricem, ejus páriter méritis, & intercessióne à peccátis ómnibus, & captivitáte dæmonis liberémur. Per eúmdem Dóminum nostrum.

Et dicitur Credo.

In Præfatione. Et te in festivitáte beátæ Mariæ. fol. 242.

DIE XXVI. SEPTEMBRIS.

SS. CYPRIANI & JUSTINÆ,
Martyrum.

Missa, Salus autem justórum. ut in Comuni plurimorum Mart. fol. xiv. præter Orationes, quæ dicuntur ut infra.

Oratio.

BEatórum Mártýrum Cypriáni & Justinæ nos, Dómine, foveant continuáta præsidia: quia non desinis propítius intuéri, quos talibus auxiliis concésseris adjuvári. Per.

Secreta.

Munera tibi, Dómine, nostræ devotiónis offérimus: quæ & pro tuórum tibi grata sint honóre justórum, & nobis salutária, te miseránte, reddántur. Per Dñm.

Postcommunio.

Præsta nobis, quæsumus, Dómine, intercedéntibus sanctis Martyribus tuis Cypriáno & Justína: ut quod ore contíngimus, purá mente capiámus. Per Dñm.

DIE XXVII. SEPTEMBRIS.
IN FESTO SS. COSMÆ & DAMIANI Martyrum.

Introitus. Eccl. 44.

Sapiéntiam sanctórum narrent populi: & laudes eórum nuntiet Ecclesia: nómina autem eórum vivent in sæculum sæculi. *Ps. 32.* Exultáte justí in Dómino: rectos decet collaudatio.

V. Glória Patri.

Orémus.

Oratio.

Præsta, quæsumus, omnipotens Deus: ut qui sanctórum Mártýrum tuórum Cosmæ & Damiáni na-

talítia cólimus, à cunctis malis immi-
néntibus, eórum intercessiónibus li-
berémur. Per Dñm.

Léctio libri Sapiéntiæ. 5. c.

Justi autem in perpétuum vivent,
& apud Dóminum est merces eó-
rum, & cogitatio illórum apud Altí-
simum. Ideò accipient regnum de-
córís, & diadéma speciéi de manu
Dómini: quóniam dexterâ suâ teget
eos, & bráchio sancto suo deféndet
illos. Accipiet armatúram zelus il-
lius, & armábit creatúram ad ultió-
nem inimicórum. Induet pro tho-
ráce iustítiam, & accipiet pro gálea
judícium certum. Sumet scutum in-
expugnábile, æquitátem.

Grad. Ps. 33. Clamavérunt iusti,
& Dóminus exaudivit eos: & ex óm-
nibus tribulatióibus eórum liberávit
eos. *V.* Juxta est Dóminus his qui
tribuláto sunt corde: & húmiles spí-
ritu salvábit. Allelúia, allelúia.

V. Hæc est vera fraternitas, quæ
vicit mundi crimina: Christum secú-
ta est, ínclýta tenens regna coeléstia.
Allelúia.

Sequéntia sancti Evangélii secúndum
Lucam. 6. c.

IN illo témpore: Descéndens Jesus
de monte, stetit in loco campéstri,
& turba discipulórum ejus, & multi-
túdo copiósá plebis ab omni Judæa,
& Jerúsalem, & marítima, & Tyri, &
Sidónis, qui vénerant ut audírent
eum, & sanaréntur à languóribus suis.
Et qui vexabántur à spirítibus im-
múndis, curabántur. Et omnis turba
quærébat eum tángere: quia virtus
de illo exíbat, & sanábat omnes. Et
ipse elevátis óculis in discípulos suos
dicébat: Beáti páuperes: quia ves-
trum est regnum Dei. Beáti, qui

nunc esurítis: quia saturabímmini.
Beáti, qui nunc fletis: quia ridébitis.
Beáti éritis cum vos óderint hómines,
& cum separáverint vos, & exprobrá-
verint, & ejécerint nomen vestrum
tamquam malum, propter Fílium hó-
minis. Gaudéte in illa die, & exul-
táte: ecce enim merces vestra multa
est in cœlo.

Offert. Ps. 5. Gloriabúntur in te
omnes qui díligunt nomen tuum:
quóniam tu Dómine, benedíces iusto:
Dómine, ut scuto bonæ voluntátis tuæ,
coronásti nos.

Secreta.

Sanctorum tuorum nobis, Dómine,
pia non desit orátio: quæ & mú-
nera nostra concíliet, & tuam nobis
indulgéntiam semper obtíneat. Per.

Commun. Ps. 78. Posuérunt mor-
tália servórum tuorum, Dómine, escas
volatílibus cœli, carnes sanctorum
tuorum béstiis terræ: secúndum
magnitúdinem bráchii tui pódide fi-
lios morte punitórum.

Postcommunio.

Próteget, quæsumus, Dómine, pó-
pulum tuum, & participátio cœ-
léstis indúlta convívii, & deprecátio
colláta sanctorum. Per Dñm.

D I E XXVIII. S E P T E M B R I S.
I N F E S T O S. W I N C E S L A I
Ducis Bohemiæ Martyris.

Introitus. Ps. 20.

IN virtúte tua, Dómine, lætábitur
justus: & super salutáre tuum
exultábit veheménter: desidérium
ánimæ ejus tribuísti ei. *Ps. ib.* Quó-
niam prævenísti eum in benedictió-
nibus dulcédinis: posuísti in cápite
ejus coronam de lápide pretiósó.

V. Glória Patri.

Orémus.

Oratio.

DEus, qui beátum Wincefláum per mártýrii palmam à terréno principátu ad coeléstem glóriam transfúlisti: ejus précibus nos ab omni adversitate custódi, & ejúsdem tribue gaudére confórtio. Per Dóminum nostrum Jesum Christum Fílium tuum: Qui tecum vivit & regnat.

Léctio libri Sapiéntiæ. 10. b.

Justum dedúxit Dóminus per vias rectas, & osténdit illi regnum Dei, & dedit illi sciéntiam sanctórum: honestávit illum in labóribus, & complévit labóres illius. In fraude circumveniéntium illum áffuit illi, & honestum fécit illum. Custodívit illum ab inimícis, & à seductóribus tutávit illum, & certámen forte dedit illi, ut vínceret, & sciret quóniam ómnium poténtior est sapiéntia. Hæc vénditum justum non derelíquit, sed à peccatóribus liberávit eum: descénditque cum illo in foveam, & in vinctulis non derelíquit illum, donec afferret illi sceptrum regni, & poténtiam advérsus eos, qui eum deprimébant: & mendáces osténdit, qui maculavérunt illum, & dedit illi claritátem ætérnam, Dóminus Deus noster.

Grad. Ps. 111. Beátus vir, qui timet Dóminum: in mandátis ejus cupit nimis. *V.* Potens in terra erit semen ejus: generatio rectórum benedicétur. Allelúia, allelúia.

V. Ps. 20. Posuísti, Dómine, super caput ejus corónam de lápide pretióso. Allelúia.

Sequéntia sancti Evangélii secúndum Matthæum. 16. d.

IN illo témpore: Dixit Jesus discipulis suis: Si quis vult post me

veníre, abneget semetípsum, & tollat crucem suam, & sequátur me. Qui enim volúerit ánimam suam salvam facere, perdet eam. Qui autem perdiderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ verò suæ detriméntum patiátur? Aut quam dabit hómo commutationem pro ánima sua? Fílius enim hóminis ventúrus est in glória Patris sui cum Angelis suis: & tunc reddet unicuique secúndum ópera ejus.

Offert. Ps. 8. Glória & honóre coronásti eum: & constituísti eum super ópera mánuum tuárum, Dómine.

Secreta.

MUnéribus nostris, quæsumus, Dómine, precibúsq; fuscéptis: & coeléstibus nos munda mystériis, & cleménte exáudi. Per Dñm.

Commun. Matt. 16. Qui vult veníre post me, abneget semetípsum: & tollat crucem suam, & sequátur me.

Postcommunio.

DA, quæsumus, Dómine Deus noster: ut sicut tuórum commemoratióne sanctórum, temporáli gratulamur officio, ita perpétuo lætémur aspéctu. Per Dñm.

DIE XXIX. SEPTEMBRIS.

IN DEDICATIONE

S. MICHAELIS ARCHANGELI.

Introitus. Ps. 102.

Benedícite Dóminum, omnes Angeli ejus: poténtes virtúte, qui fácitis verbum ejus, ad audiéndam vocem fermónum ejus. *Ps. 102.* Benedic, ánima mea, Dómino: & ómnia quæ intra me sunt, nómini sancto ejus. *V.* Glória Patri.

Orémus.

Oratio.

DEus, qui miro ordine Angelorum ministéria hominúmque dispén-
sas: concéde propitius; ut à quibus
tibi ministrántibus in cœlo semper
assílitur, ab his in terra vita nostra
muniátur. Per Dñm.

Lectio libri Apocalypsis beáti Joánnis
Apóstoli. 1.

IN diébus illis: Significávit Deus
quæ opórtet fieri citò, mittens per
Angelum suum servo suo Joánni,
qui testimónium perhibuit verbo Dei,
& testimónium Jesu Christi, quæcúm-
que vidit. Beátus, qui legit, & au-
dit verba prophetiæ hujus: & servat
ea, quæ in ea scripta sunt: tempus
enim propè est. Joánnes septem Ec-
clésiis quæ sunt in Asia. Grátia vo-
bis, & pax ab eo, qui est, & qui erat,
& qui ventúrus est: à septem spiríti-
bus, qui in conspéctu throni ejus
sunt: & à Jesu Christo, qui est testis
fidélis, primogénitus mortuórum, &
princeps regum terræ: qui diléxit nos,
& lavit nos à peccátis nostris in sán-
guine suo.

Grad. Ps. 102. Benedícite Dómi-
num, omnes Angeli ejus, poténtes
virtúte, qui fácitis verbum ejus.

V. Benedic, ánima mea, Dómi-
num, & ómnia interióra mea nomen
sanctum ejus. Allelúia, allelúia.

V. Sancte Míchael Archángele, de-
fende nos in prælio: ut non pereá-
mus in treméndo judício. Allelúia.

Sequéntia sancti Evangélii secúndum
Matthæum. 18.

IN illo tēpore: Accesserunt discí-
puli ad Jesum, dicéntes: Quis,
putas, major est in regno cœlórum?
Et advocans Jesus párvulum, statuit

eum in médio eórum, & dixit: Amen
dico vobis, nisi convérsi fuéritis, &
efficiámini sicut párvuli, non intrábi-
tis in regnum cœlórum. Quicúmque
ergo humiliáverit se sicut párvulus
iste, hic est major in regno cœlórum.
Et qui fuscéperit unum párvulum
talem in nómine meo, me fúscipit.
Qui autem scandalizáverit unum de
pusillis istis, qui in me credunt, ex-
pedit ei ut suspendátur mola asinária
in collo ejus, & demergátur in pro-
fúndum maris. Væ mundo à scán-
dalis. Necesse est enim ut véniant
scándala: verúmtamen væ hómini
illi, per quem scándalum venit. Si
autem manus tua, vel pes tuus scan-
dalízat te, abscínde eum, & prójice
abs te: bonum tibi est ad vitam ín-
gredi débilem, vel claudum, quàm
duas manus, vel duos pedes habéntem
mitti in ignem ætérnum. Et si ócu-
lus tuus scandalízat te, érue eum, &
prójice abs te: bonum tibi est cum
uno óculo in vitam intráre, quàm
duos óculos habéntem mitti in ge-
hénnam ignis. Vidéte ne contemná-
tis unum ex his pusillis: dico enim
vobis, quia Angeli eórum in cœlis
semper vident fáciem Patris mei, qui
in cœlis est. Credo.

Offert. Apoc. 8. Stetit Angelus juxta
aram templi, habens thuríbulum áu-
reum in manu sua: & data sunt ei
incénfa multa: & ascéndit fumus
arómatum in conspéctu Dei, alle-
lúia.

Secreta.

Hostias tibi, Dómine, laudis offe-
rimus, suppliciter deprecántes:
ut eásdem, Angélico pro nobis inter-
veniéntē suffrágio, & placátus acci-

pias, & ad salutem nostram provenire concedas. Per Dñm.

Communio. Dan. 3. Benedicite, omnes Angeli Domini, Dominum: hymnum dicite, & superexaltate eum in saecula.

Postcommunio.

BEATI Archangeli tui Michaelis intercessione suffulti, supplices te, Domine, deprecamur: ut quod ore prosequimur, contingamus & mente. Per Dñm.

DIE XXX. SEPTEMBRIS.

IN FESTO S. HIERONYMI

Presbyteri Confess. & Eccl. Doct.

Introitus. Eccl. 15. d.

IN medio Ecclesiae aperuit os ejus: & implevit eum Dominus spiritu sapientiae & intellectus: stolam gloriae induit eum. *Pf. 91.* Bonum est confiteri Domino: & psallere nomini tuo, Altissime. *V.* Gloria Patri.

Orémus.

Oratio.

DEus, qui Ecclesiae tuae in exponendis sacris Scripturis beatum Hieronymum Confessorem tuum, doctorem maximum providere dignatus es: praesta, quaesumus; ut ejus suffragantibus meritis, quod ore simul & opere docuit, te adjuvante exercere valeamus. Per Dñm.

Lectio Epistolae beati Pauli Apostoli ad Timotheum. *II. 4.*

Charissime, Testificor coram Deo & Jesu Christo, qui judicaturus est vivos & mortuos, per adventum ipsius, & regnum ejus: praedica verbum, in sta opportunè, importunè: argue, obsecra, increpa in omni patientia, & doctrina. Erit enim tempus, cum sanam doctrinam non sustine-

bunt, sed ad sua desideria coacervabunt sibi magistros prurièntes auribus: & à veritate quidem auditum avertent, ad fabulas autem convertentur. Tu verò vigila, in omnibus, labora, opus fac Evangelistae, ministerium tuum imple. Sobrius esto. Ego enim jam delibor, & tempus resolutionis meae instat. Bonum certamen certavi, cursum consummavi, fidem servavi. In reliquo repòsita est mihi corona justitiae, quam reddet mihi Dominus in illa die, justus judex: non solum autem mihi, sed & iis, qui diligunt adventum ejus.

Grad. Ps. 36. Os justi meditabitur sapientiam, & lingua ejus loquetur judicium. *V.* Lex Dei ejus in corde ipsius: & non supplantabuntur gressus ejus. Allelúia, allelúia.

V. Eccl. 45. Amavit eum Dominus, & ornavit eum: stolam gloriae induit eum. Allelúia.

Sequentia sancti Evangelii secundum Matthaeum. *5. b.*

IN illo tempore: Dixit Jesus discipulis suis: Vos estis sal terrae. Quod si sal evanuerit, in quo salietur? ad nihilum valet ultra, nisi ut mittatur foras, & conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, & ponunt eam sub módio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in coelis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vo-

bis, donec tránseat cœlum & terra, ióta unum, aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, & docúerit sic hómines, mínimus vocábitur in regno cœlórum: qui autem fécerit & docúerit, hic magnus vocábitur in regno cœlórum.

Credo.

Offert. Ps. 91. Justus ut palma florébit: sicut cedrus, quæ in Líbano est, multiplicábitur.

Secreta.

DOnis cœléstibus, da nobis, quæ sumus, Dómine, liberâ tibi mente servíre: ut múnera quæ deférimus, interveniénte beáto Hierónymo Confessóre tuo, & medélam nobis operéntur, & glóriam. Per Dñm.

Commun. Luc. 12. Fidélis servus & prudens, quem constituit Dóminus super familiam suam: ut det illis in témpore trítici mensúram.

Postcommunio.

REpléti alimóniâ cœlésti, quæsumus, Dómine: ut interveniénte beáto Hierónymo Confessóre tuo, misericórdiæ tuæ grátiam cónsequi mereámur. Per Dñm.

FESTA OCTOBRI.

DOMINICA PRIMA OCTOBRIS.

FESTUM SS. ROSARII BEATÆ
MARIAE VIRGINIS.

Introitus. Sedulus.

SAlve, sancta parens, eníxa puerpera Regem: qui cœlum terrámque regit in sæcula sæculórum.

Ps. 44. Eructávit cor meum verbum bonum: dico ego ópera mea Regi. *V.* Glória Patri.

Orémus.

Oratio.

DEus, cujus Unigénitus, per Vitam, Mortem, & Resurrecciónem suam, nobis salutis æternæ præmia comparávit: concéde, quæsumus; ut hæc mystéria sanctíssimo beátæ Mariæ Virgínis Rosário recoléntes, & imitémur quod cónitent, & quod promíttunt assequámur. Per eúmdem Dóminum nostrum Jesum Christum Fílium tuum: Qui tecum vivit & regnat.

Et fit commemoratio Dominicæ.

Lectio libri Sapientiae. *Eccl. 24. b.*

AB inítio, & ante sæcula creáta sum, & usque ad futúrum sæculum non définam, & in habitatione sancta coram ipso ministrávi. Et sic in Sion firmáta sum, & in civitate sanctificáta simíliter requiévi, & in Jerúsalem potéstas mea. Et radicávi in pópulo honorificáto, & in parte Dei mei heréditas illius, & in plenitudine sanctórum deténtio mea.

Grad. Benedícta & venerábilis es, Virgo María: quæ sine tactu pudóris invénta es mater Salvatóris.

V. Virgo Dei génitrix, quem totus non capit orbis, in tua se clausit víscera factus homo. Allelúia, allelúia.

V. Post partum virgo invioláta permansísti: Dei génitrix intercède pro nobis. Allelúia.

Sequéntia sancti Evangélíi secúndum
Lucam. 11. d.

IN illo témpore: Loquente Jesu ad turbas, extóllens vocem quædam mulier de turba, dixit illi: Beátus venter qui te portávit, & úbera quæ fuxísti. At ille dixit: Quinímò beáti qui áudiunt verbum Dei, & custódiunt illud. *Credo.*

Offert. Luc. i. Ave, María, grátia plena: Dóminus tecum: benedícta tu in muliéribus, & benedíctus fructus ventris tui.

Secreta.

FAc nos, quæsumus, Dómine, his munéribus offeréndis conveniénter aptári, & per sanctíssimi Rosárii mystéria sic Vitam, Passiónem, & Glóriam Unigéniti tui recólere, ut ejus digni promissiónibus efficiámur. Per eúndem Dóminum.

Præfatio. Et te in solemnitáte beátæ Mariæ, fol. 212.

Commun. Beáta víscera Mar'æ Vírginis, quæ portavérunt ætérni Patris Fílium.

Postcommunio.

Sanctíssimæ genitrícis tuæ, cujus Rosárium celebrámus, quæsumus, Dómine, précibus adjuvémur: ut & mysteriórum, quæ recólimus, virtus percipiátur, & Sacramentórum quæ sumpsimus, obtineátur efféctus. Qui vivis & regnas cum Deo Patre.

Legitur Evangelium Dominicæ in fine Missæ.

DIE I. OCTOBRI.

IN FESTO S. REMIGII Episcopi & Confess. Semidupl. ad libitum.

Missæ, Statuit. de Communi Confessoris Pontificis, fol. xvij.

DIE II. OCTOBRI.

IN FESTO SS. ANGELORUM CUSTODUM.

Introitus. Ps. 102.

Benedícite Dóminum, omnes Angeli ejus: poténtes virtúte, qui fácitis verbum ejus, ad audiéndam

vocem -sermónum ejus. *Ps. ib.* Benedic, ánima mea, Dómino: & ómnia quæ intra me sunt, nómini sancto ejus.

V. Glória Patri.

Orémus.

Oratio.

DEus, qui ineffábili providentiâ sanctos Angelos tuos ad nostram custódiam mittere dignáris: largíre supplicibus tuis, & eórum semper proteccióne deféndi, & ætérnâ societate gaudére. Per Dñm.

Lectio libri Exodi. 23. d.

HÆc dicit Dóminus Deus: Ecce ego mittam Angelum meum qui præcedat te, & custódiat in via, & introducat in locum quem parávi. Obsérva eum, & audi vocem ejus, nec contemnéndum putes: quia non dimíttet cūm peccáveris; & est nomen meum in illo. Quòd si audieris vocem ejus, & féceris ómnia quæ loquor, inimícus ero inimícis tuis, & affligam affligéntes te: præcedétque te Angelus meus.

Grad. Ps. 90. Angelis suis, Deus, mandávit de te, ut custódiant te in ómnibus viis tuis. *V.* In mánibus portábunt te, ne umquam offéndas ad lápidem pedem tuum. Allelúia, allelúia. *V. Ps. 102.* Benedícite Dómino, omnes virtútes ejus: minístri ejus, qui fácitis voluntátem ejus. Allelúia.

Sequéntia sancti Evangélii secúndum Matthæum. 18.

IN illo témpore: Accessérunt discipuli ad Jesum, dicéntes: Quis, putas, major est in regno coelórum? Et ádvocans Jesus párvulum, státuit eum in médio eórum, & dixit: Amen dico vobis, nisi convérsi fuéritis, & efficiámini sicut párvuli, non intrá-

bitis in regnum coelorum. Quicumque ergo humiliaverit se sicut parvulus iste, hic est major in regno coelorum. Et qui susceperit unum parvulum talem in nomine meo, me suscipit. Qui autem scandalizaverit unum de pusillis istis, qui in me credunt, expedit ei ut suspendatur mola asinaria in collo ejus, & demergatur in profundum maris. Vae mundo à scandalis. Necessè est enim ut veniant scandala: verumtamen vae homini illi, per quem scandalum venit. Si autem manus tua, vel pes tuus scandalizat te, abscinde eum, & projice abs te: bonum tibi est ad vitam ingredi debilem, vel claudum, quam duas manus, vel duos pedes habentem mitti in ignem æternum. Et si oculus tuus scandalizat te, erue eum, & projice abs te: bonum tibi est cum uno oculo in vitam intrare, quam duos oculos habentem mitti in gehennam ignis. Videte ne contemnatis unum ex his pusillis: dico enim vobis, quia Angeli eorum in coelis semper vident faciem Patris mei, qui in coelis est. Credo.

Offert. Ps. 102. Benedícite Dóminum, omnes Angeli ejus: ministri ejus, qui faciunt verbum ejus, ad audiendam vocem sermonum ejus.

Secreta.

Suscipe, Dómine, múnera, quæ pro sanctorum Angelorum tuorum veneratione deferimus: & concede propitius, ut perpétuis eorum præsidis, à præsentibus periculis liberemur, & ad vitam perveniámus æternam. Per Dóminum nostrum Jesum Christum Filium tuum: Qui tecum vivit & regnat.

Communio. Dan. 3. Benedícite, omnes Angeli Dómini, Dóminum: hymnum dícite, & superexaltáte eum in sæcula.

Postcommunio.

Sumpsimus, Dómine, divína mystéria, sanctorum Angelorum tuorum festivitáte lætantes: quæsumus; ut eorum protectione ab hostium jūgiter liberémur insidiis, & contra omnia adversa muniámur. Per Dñm.

DIE IV. OCTOBRI.

IN FESTO S. FRANCISCI Confess.

Introitus. Galat. 6. b.

Mihi autem absit gloriári, nisi in cruce Dómini nostri Jesu Christi: per quem mihi mundus crucifixus est, & ego mundo. *Ps. 141.* Voce meâ ad Dóminum clamavi: voce meâ ad Dóminum deprecatus sum.

V. Glória Patri.

Orémus.

Oratio.

Deus, qui Ecclesiam tuam beati Francisci méritis, foetu novæ prolis amplificas: tríbue nobis, ex ejus imitatione terréna despícere, & coeléstium donorum semper participatione gaudere. Per Dñm.

Lectio Epístolæ beati Pauli Apóstoli ad Galatas. 6. b.

Fratres, Mihi autem absit gloriári, nisi in cruce Dómini nostri Jesu Christi: per quem mihi mundus crucifixus est, & ego mundo. In Christo enim Jesu, neque circumcisio aliquid valet, neque præputium, sed nova creatúra. Et quicumque hanc regulam secuti fuerint, pax super illos, & misericórdia, & super Israél Dei. De cætero nemo mihi inolestus sit: ego enim Stigmata Dómini Jesu in

córpore meo porto. Grátia Dómini nostri Jesu Christi, cum spíritu vestro, fratres. Amen.

Grad. Ps. 36. Os justí meditábitur sapiéntiam, & lingua ejus loquétur judícium. *V.* Lex Dei ejus in corde ipsíus: & non supplantabúntur gressus ejus. Allelúia, allelúia. *V.* Francíscus pauper & húnilis, coelum dives ingréditur, hymnis coeléstibus honorátur. Allelúia.

Sequéntia sancti Evangélíi secúndum Matthæum. 11. b.

IN illo témpore respóndens Jesus, dixit: Confiteor tibi, Pater, Dómine coeli & terræ; quia abscondísti hæc à sapiéntibus, & prudéntibus, & revelásti ea párvulis. Ita Pater: quóniam sic fuit plácitum ante te. Omnia mihi trádicta sunt à Patre meo. Et nemo novit Fílium, nisi Pater: neque Patrem quis novit, nisi Fílius, & cui volúerit Fílius reveláre. Veníte ad me omnes qui laborátis, & onerátí estis, & ego reficiam vos. Tóllite jugum meum super vos, & discite à me, quia mitis sum, & húnilis corde: & inveniétis réquiem animábus vestris. Jugum enim meum suáve est, & onus meum leve.

Offert. Ps. 88. Véritas mea, & misericórdia mea cum ipso: & in nómine meo exaltábitur cornu ejus.

Secreta.

MUnera tibi, Dómine, dicáta sanctífica: & intercedénte beáto Francíscó, ab omni nos culpárum labe purífica. Per Dñm.

Commun. Luc. 12. Fidélis servus & prudens, quem constituit Dóminus super familiam suam: ut det illis in témpore trítici mensúram.

Postcommunio.

ECclésiám tuam, quæsumus, Dómine, grátia coeléstis amplíficet: quam beáti Francísci Confessóris tui illumináre voluísti gloriéis méritis & exémplic. Per Dñm.

DIE V. OCTOBRI.

SS. PLACIDI & SOCIORUM
Martyrum.

Missa, Salus autem justórum. de Communi plurimorum Martyrum, fol. xiv. præter Orationes, quæ dicuntur ut infra.

Oratio.

DEus, qui nos concédís sanctórum Mátyrum tuórum Plácidi & sociórum ejus, natalítia cólere: da nobis in æténa beatitúdine de eórum societáte gaudére. Per Dñm.

Secreta.

MUnera tibi, Dómine, nostræ devotiónis offérimus: quæ & pro tuórum tibi grata sunt honóre justórum; & nobis salutária, te miseránte, reddántur. Per Dñm.

Postcommunio.

PRæsta, nobis, quæsumus, Dómine, intercedéntibus sanctis Mátyribus tuis Plácido & sóciis ejus: ut quod ore contíngimus, purâ mente capiámus. Per Dñm.

DIE VI. OCTOBRI.

IN FESTO S. BRUNONIS
Confessoris.

Missa, Os justí. de Communi Confessoris non Pontificis, fol. xxij. præter Orationes quæ dicuntur ut infra.

Oratio.

Sancti Brunónis Confessoris tui, quæsumus, Dómine, intercessió-

nibus adjuvémur: ut qui Majestátem tuam grávitèr delinquendo offéndimus, ejus méritis & précibus, nostrórum delictórum véniam consequámur. Per Dñm.

Secreta.

LAudis tibi, Dómine, hóstias immolámus, in tuórum commemoratione sanctórum: quibus nos & præséntibus éxui malis confidimus, & futuris. Per Dñm.

Postcommunio.

QUæsumus, omnípotens Deus, ut qui coeléstia aliménta percépi-mus, intercedente beáto Brunóne Confessóre tuo, per hæc contra ómnia advérsa muniamur. Per Dñm.

DIE VII. OCTOBRI.

S. MARCI Papæ & Confessoris.

Introitus. Ps. 131.

Sacerdótes tui, Dómine, induant justítiam, & sancti tui exúltent: propter David servum tuum non avértas faciém Christi tui.

Ps. ib. Meménto, Dómine, David: & omnis mansuetúdinis ejus.

V. Glória Patri.

Orémus.

Oratio.

EXáudi, Dómine, preces nostras, & interveniéntè beáto Marco Confessóre tuo atque Pontífice, indulgéntiam nobis tríbue placátus & pacem. Per Dóminum nostrum Jesum Christum Fílium tuum. Qui tecum vivit & regnat.

Pro commemoratione sanctórum Martyrum Sergii, Bacchi, Marcelli, & Apuleii.

Oratio.

SANCTÓrum Mártýrum tuórum nos, Dómine, Sérgii, Bacchi, Marcélli,

& Apuléii, beáta mérita profsequántur: & tuo semper fácient amóre fervéntes.

Tertia Oratio. A cunctis nos. fol. lxxiv.

Léctio Epístolæ beáti Pauli Apóstoli ad Hebræos. 7. d.

Ratres, Plures facti sunt sacerdotes, idcirco quod morte prohiberéntur permanére: Jesus autem eo quod máneat in ætérnum, sempitérnum habet sacerdotium. Unde & salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat ut nobis esset Póntifex, sanctus, innocens, impollútus, segregátus à peccatóribus, & excélsior coelis factus: qui non habet necessitátem quotidie, quemádmódum sacerdotes, prius pro suis delictis hóstias offerre, deínde pro pópuli: hoc enim fecit semel, seípsum offeréndo, Jesus Christus Dóminus noster.

Grad. Ps. 131. Sacerdotes ejus induam salutári: & sancti ejus exultatione exultábunt. *V.* Illuc producam cornu David: parávi lucérnam Christo meo. Allelúia, allelúia.

V. Ps. 109. Jurávit Dóminus, & non poenitébit eum: Tu es sacerdos in ætérnum, secúndum órđinem Melchisedech. Allelúia.

Sequéntia sancti Evangélii secúndum Matthæum. 24. d.

IN illo témpore: Dixit Jesus discipulis suis: Vigiláte, quia nescítis quâ horâ dóminus vester ventúrus sit. Illud autem scitóte, quóniam si sciret paterfamílias quâ horâ fur ventúrus esset, vigiláret útique, & non

síneret p̄fodi domum suam. Ideo & vos estote parati: quia quā nescitis horā Fílius hóm̄inis ventúrus est. Quis, putas, est fidélis servus, & prudens, quem constituit dóm̄inus suus super famíliam suam, ut det illis cibum in témpore? Beátus ille servus, quem, cūm vénerit dóm̄inus ejus, invénerit sic faciéntem. Amen dico vobis, quóniam super ómnia bona sua constituet eum.

Offert. Ps. 88. Véritas mea, & misericórdia mea cum ipso: & in nómine meo exaltábitur cornu ejus.

Secreta.

A Ccépta tibi sit, Dómine, sacrátæ plebis oblátio, pro tuórum honóre sanctórum: quórum se méritis percepisse de tribulatióne cognóscit auxílium. Per Dñm.

Pro SS. Martyribus Sergio, Baccho, Marcello, & Apuleio.

Secreta.

MAjestátem tuam nobis, Dómine, quæsumus, hæc hóstia reddat immolánda placátam, tuórum digna postulatióne Sanctórum.

Tertia Secreta. Exaudi nos. fol. lxxiv.

Communio. Matt. 24. Beátus servus, quem cūm vénerit dóm̄inus, invénerit vigilántem: amen dico vobis, super ómnia bona sua constituet eum.

Postcommunio.

DA, quæsumus, Dómine, fidélibus pópulis, sanctórum tuórum semper veneratióne lætári, & eórum perpétuâ supplicatióne muníri. Per.

Pro sanctis Martyribus Sergio, &c.

Postcommunio.

SAcraméntis, Dómine, muniámur accéptis: & sanctórum Mártyrum tuórum Sérgii, Bacchi, Marcélli, &

Apuléii intercessiône, contra omnes nequítias irruéntes, armis coeléstibus protegámur.

Tertia Postcommunio. Mundet & múniat. fol. lxxiv.

DIE VIII. OCTOBRI.

IN FESTO S. BIRGITTE Viduæ.

Introitus. Ps. 118.

COgnóvi, Dómine, quia æquitas judícia tua, & in veritáte tuâ humiliásti me: confige timóre tuo carnes meas: à mandátis enim tuis tímui. *Ps. ib.* Beáti immaculáti in via: qui ámbulant in lege Dómini.

V. Glória Patri.

Orémus.

Oratio.

DÓmine Deus noster, qui bcátæ Birgittæ p̄r Fílium tuum unigénitum secréta coeléstia revelásti: ipsíus piâ intercessiône da nobis famulis tuis, in revelatióne sempiternæ glóriæ tuæ gaudere lætántes. Per eúndem Dóminum nostrum.

Léctio Epístolæ beáti Pauli Apóstoli ad Timótheum. I. 5.

CHaríssime, Víduas honóra quæ verè víduæ sunt. Si qua autem vídua filios, aut nepótes habet, discat primū domum suam régere, & mútuam vicem réddere paréntibus: hoc enim accéptum est coram Deo. Quæ autem verè vídua est, & desoláta, speret in Deum, & instet obsecrationibus & orationibus nocte ac die. Nam quæ in deliciis est, vivens mórtua est. Et hoc præcipe, ut irreprehensibiles sint. Si quis autem suórum, & máximè domesticórum curam non habet, fidem negávit, & est infideli detérior. Vídua eligátur non minús sexaginta annórum, quæ fúerit unius

viri uxor, in opéribus bonis testimónium habens, si filios educávit, si hospitio recépit, si sanctorum pedes lavit, si tribulationem patientibus subministrávit, si omne opus bonum subsecúta est.

Grad. Ps. 44. Diffúsa est grátia in lábiis tuis: propterea benedíxit te Deus in ætérnum. *V.* Propter veritatem, & mansuetúdinem, & justítiam: & dedúcet te mirábiliter dextera tua. Allelúia, allelúia. *V.* Spécie tuá, & pulchritúdine tuá, inténde, prospere procéde, & regna. Allelúia.

Sequéntia sancti Evangélíi secúndum Matthæum. 13. f.

IN illo témpore: Dixit Jesus discipulis suis parabolam hanc: Símile est regnum cœlorum thesauro abscondito in agro: quem qui invenit homo, abscondit, & præ gaudio illius vadit, & vendit univérsa quæ habet, & emit agrum illum. Iterum símile est regnum cœlorum hómini negotiátóri, quærenti bonas margarítas. Invenit autem unâ pretiosâ margarítâ, abiit, & vendidit omnia quæ habuit, & emit eam. Iterum símile est regnum cœlorum sagénæ missæ in mare, & ex omni génere píscium congregánti. Quam, cum impléta esset, educéntes, & secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, & separábunt malos de médio justórum, & mittent eos in caminum ignis: ibi erit fletus, & stridor dentium. Intellexístis hæc omnia? Dicunt ei: Etiam. Ait illis: Ideò omnis scriba doctus in regno cœlorum, símilis est hómini patrifamílias,

qui profert de thesauro suo nova & vétera.

Offert. Ps. 44. Diffúsa est grátia in lábiis tuis, propterea benedíxit te Deus in ætérnum, & in sæculum sæculi.

Secreta.

ACcepta tibi sit, Dómine, sacratæ plebis oblátio, pro tuórum honóre Sanctorum: quorum se méritis de tribulatione percepisse cognóscit auxílium. Per Dñm.

Commun. Ps. 44. Dilexísti justítiam, & odísti iniquitatem: propterea unxit te Deus, Deus tuus, óleo lætitiæ præ consórtibus tuis.

Postcommunio.

Satiásti, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per.

DIE IX. OCTOBRI.

IN FESTO SS. MART. DIONYSII, RUSTICI, & ELEUTHERII.

Introitus. Ecc. 44.

Sapiéntiam sanctorum narrent populi: & laudes eórum nuntiet Ecclésia: nómina autem eórum vivent in sæculum sæculi. *Ps. 32.* Exultáte justí in Dómino: rectos decet collaudátio.

V. Glória Patri.

Orémus.

Oratio.

DEus, qui hodiernâ die, beátum Dionysium Mártirem tuum atque Pontíficem, virtúte constántiæ in passióne roborásti: quique illi ad prædicándum géntibus glóriam tuam, Rústicum & Eleuthérium sociáre dignátus es: tríbe nobis, quæsumus, eórum imitatione pro amore tuo prof-

pera mundi despícere, & nulla ejus
adversa formidare. Per Dñm.

Lectio Actuum Apostolorum. 17. c.

IN diébus illis: Stans Paulus in
medio Areopági, ait: Viri Atheni-
enses, per ómnia quasi superstitió-
res vos vídeo. Præteriens enim, &
videns simulácra vestra, invéni &
aram, in qua scriptum erat, Ignóto
Deo. Quod ergo ignorántes cólitis,
hoc ego annúntio vobis. Deus, qui
fecit mundum, & ómnia quæ in eo
sunt, hic cœli & terræ cùm sit Dómi-
nus, non in manufáctis templis há-
bitat: nec mánibus humánis cólitur
índigens áliquo, cùm ipse det ómni-
bus vitam, & inspiratióem, & óm-
nia: fecítque ex uno omne genus
hóminum inhabitáre super univér-
sam faciém terræ, definiens statúta tém-
pora, & términos habitatiónis eórum,
quærere Deum, si fortè attréctent
eum, aut invéniant, quamvis non
longè sit ab unoquóque nostrúm.
In ipso enim vivimus, & movémur, &
sumus: sicut & quidam vestrórum
poetarum dixerunt: Ipsíus enim &
genus sumus. Genus ergo cùm simus
Dei, non debémus æstimáre, auro,
aut argénto, aut lápidi, sculptúræ
artis & cogitatiónis hóminis, divínus
esse símile. Et témpora quidem hu-
jus ignorántiæ despíciens Deus, nunc
annúntiat homínibus, ut omnes ubí-
que poeniténtiam agant, eò quòd stá-
tuit diem, in quo judicatúrus est or-
bem, in æquitáte, in viro, in quo
státuit, fidem præbens ómnibus, fús-
citans eum à mórtuis. Cùm audís-
sent autém resurrectiόem mortuó-
rum, quidam irridébant, quidam
verò dixerunt: Audiémus te de hoc

íterúm. Sic Paulus exívit de medio
eórum. Quidam verò viri adhæren-
tes ei, credidérunt: in quibus &
Dionysius Areopagíta, & múlter nò-
mine Dámaris, & álii cum eis.

Grad. Ps. 123. Anima nostra, si-
cut passer, erépta est de láqueo venán-
tium. *V.* Láqueus contrítus est, &
nos liberáti sumus: adjutórium nos-
trum in nómine Dómini, qui fecit
cœlum & terram. Allelúia, allelúia.

V. Ps. 67. Justí epuléntur, & ex-
últent in conspéctu Dei, & delectén-
tur in lætítia. Allelúia.

Sequéntia sancti Evangélii secúndum
Lucam. 12.

IN illo témpore: Dixit Jesus discí-
pulis suis: Atténdite à ferménto
Pharisæórum, quod est hypócrisis.
Nihil autem opértum est, quod non
revelétur: neque absconditum, quod
non sciátur. Quóniam quæ in té-
nebris dixístis, in lúmine dicéntur:
& quod in aurem locúti estis in cu-
bículis, prædicábitur in tectis. Dico
autem vobis amícis meis: Ne terre-
ámini ab his qui occídunt corpus, &
post hæc non habent ámplius quid
fáciant. Osténdam autem vobis quem
timeátis: timéte eum, qui postquam
occíderit, habet potestátem mittere
in gehénnam. Ita dico vobis, hunc
timéte. Nonné quinque pásseres vé-
neunt dipóndio, & unus ex illis non
est in oblivióne coram Deo? Sed &
capílli cápitis vestri omnes numeráti
sunt. Nolíte ergo timére: multis pás-
seribus pluris estis vos. Dico autem
vobis: Omnis quicúmque conféssus
fúerit me coram homínibus, & Fílius
hóminis confitébitur illum coram An-
gelis Dei.

Offert. Ps. 149. Exulábunt sancti in glória, lætabúntur in cubilibus suis: exaltatiónes Dei in fáucibus eórum, allelúia.

Secreta.

Obláta tibi, Dómine, múnera pó-
puli tui, pro tuórum honóre
sanctorum, fúscipe propítius, quæsu-
mus: & eórum nos intercessióne sanc-
tífica. Per Dñm.

Commun. Luc. 12. Dico autem vo-
bis amícis méis: ne terreámini ab
his, qui vos persequúntur.

Postcommunio.

Sumptis, Dómine. sacraméntis, quæ-
sumus: ut intercedéntibus beátis
Martyribus tuis, Dionysio, Rústico,
& Eleuthério, ad redemptionis ætér-
næ proficiámus augméntum. Per.

DIE X. OCTOBRI.

IN FESTO S. FRANCISCI
Borgiæ Confessoris.

*Missa, Os iusti. ut in Communi Ab-
batum. fol. xxvi. præter Orationes
quæ dicuntur ut infra.*

Oratio.

Domine Jesu Christe, veræ hu-
militátis & exémp lar & præ-
mium: quæsumus; ut sicut beátum
Franciscum in terréni honóris con-
témptu imitatórem tuí gloriósum ef-
fecísti; ita nos ejusdem imitationis
& glóriæ tríbuas esse confórtes. Qui
vivis & regnas cum Deo Patre.

Secreta.

Sacris altáribus, Dómine, hóstias
superpósit as sanctus Francíscus,
quæsumus, in salutem nobis prove-
nire depóscat. Per Dñm.

Postcommunio.

Próte gat nos, Dómine, cum tui
perceptione Sacraménti, beátus

Francíscus, pro nobis intercedéndo:
ut & conversatiónis ejus experiámur
insígnia, & intercessiόnis percipiámus
suffrágia. Per Dñm.

DIE XIII. OCTOBRI.

IN FESTO S. EDVARDI
Regis Confessoris.

*Missa, Os iusti. de Communi Confes-
soris non Pontificis, fol. xxij. præter
Orationem sequentem.*

Oratio.

Deus, qui beátum regem Edvár-
dum Confessórem tuum æterni-
tátis glóriá coronásti: fac nos, quæ-
sumus, ita eum venerári in terris, ut
cum eo regnáre possimus in cœlis.
Per Dñm.

DIE XIV. OCTOBRI.

IN FESTO S. CALLISTI
Papæ & Martyris.

Introitus. Dan. 3.

Sacerdótes Dei, benedicite Dómi-
num: sancti & húmiles corde,
laudáte Deum. *Dan. ib.* Benedícite,
ómnia ópera Dómini, Dómino: lau-
dáte & superexaltáte eum in sæcula.

V. Glória Patri.

Orémus.

Oratio.

Deus, qui nos cónspicis ex nostra
infirmitáte deficere: ad amórem
tuum nos misericórditer per sanctó-
rum tuórum exémp la restáura. Per
Dóminum.

*Léctio Epístolæ beáti Pauli Apóstoli
ad Hebræos. 5.*

Fratres, Omnis Póntifex ex homi-
nibus assúptus, pro homínibus
constituítur in iis quæ sunt ad Deum,
ut ófferat dona, & sacrificiá pro pec-
cátis: qui condolére possit iis, qui
ignórant, & errant: quóniam & ipse

circúmdatus est infirmitate: & prop-
tereà debet, quemádmódum pro pó-
pulo, ita étiam & pro semetípso offerre
pro peccátis. Nec quísqúam sumit
sibi honórem, sed qui vocátur à Deo,
tamquam Aaron.

Grad. Ps. 88. Inveni David servum
meum, óleo sancto meo unxi eum:
manus enim mea auxiliábitur ei, &
bráchium meum confortábit eum.

V. Nihil proficiet inimicus in eo:
& filius iniquitátis non nocébit ei.
Allelúia, allelúia. *V. Eccl. 45.* Amá-
vit eum Dóminus, & ornávit eum:
stolam glóriæ induit eum. Allel.

Sequéntia sancti Evangélíi secúndum
Matthæum. 10. c.

IN illo témpore: Dixit Jesus discí-
pulis suis: Nihil est opértum, quod
non revelábitur: & occúltum, quod
non sciétur. Quod dico vobis in té-
nebris, dícite in lúmine: & quod in
aure audítis, prædicáte super tecta.
Et nolíte timére eos, qui occídunt
corpus, ánimam autem non possunt
occídere: sed pótiùs timéte eum, qui
potest & ánimam & corpus pérdere
in gehénnam. Nonne duo pásseres
asse væneunt, & unus ex illis non
cadet super terram sine Patre vestro?
Vestri autem capílli cápitis omnes nu-
meráti sunt. Nolíte ergo timére:
multis passéríbus meliôres estis vos.
Omnis ergo qui confitébitur me co-
ram homínibus, confitébor & ego eum
coram Patre meo, qui in cœlis est.

Offert. Ps. 88. Véritas mea, & mi-
sericórdia mea cum ipso: & in nómi-
ne meo exaltábitur cornu ejus.

Secreta.

Mystica nobis, Dómine, profit ob-
latio: quæ nos & à reátibus

nostris expédíat, & perpétuâ salvati-
óne confirmet. Per Dñm.

Commun. Matt. 24. Beátus servus,
quem cùm vénerit dóminus, invénerit.
vigilántem: amen dico vobis, super
omnia bona sua constituet eum.

Postcommunio.

Quæsumus, omnípotens Deus: ut
reátus nostros múnera sacráta
puríficent, & rectè vivéndi nobis
opéréntur efféctum. Per Dñm.

DIE XV. OCTOBRI.

IN FESTO S. TERESIAE Virginis.

*Missa, Dilexisti. de Communi Vir-
ginum, fol. xxx. præter Orationem
sequentem.*

Oratio.

EXáudi nos, Deus salutáris noster:
ut sicut de beátæ Terésia Vir-
ginis tuæ festivitáte gaudémus; ita
cœléstis ejus doctrínæ pábulo nutriá-
mur, & piæ devotiónis erudiámur
afféctu. Per Dóminum nostrum Je-
sum Christum Fílium tuum: Qui
tecum vivit & regnat in unitáte Spí-
ritûs sancti Deus, per ómnia sæcula
sæculórum.

DIE XVII. OCTOBRI.

IN FESTO S. HEDVVIGIS Viduæ.

*Missa, Cognóvi. de Communi nec
Virginis nec Martyris, fol. xxxv.*

Oratio.

DEus, qui beátam Hedvvígem à
sæculi pompa ad húmílem tuæ
crucis sequélam toto corde transíre
docuísti: concéde, ut ejus méritis &
exémpló discámus peritúras mundi
calcáre delicias, & ampléxu tuæ crucis
omnia nobis adversántia superáre.
Qui vivis & regnas cum Deo Patre.

Y y y

DIE XVIII. OCTOBRI.

IN FESTO S. LUCÆ Evangelistæ.

Introitus. Ps. 138.

Mihi autem nimis honorati sunt amici tui, Deus: nimis confortatus est principatus eorum.

Ps. ib. Domine, probasti me, & cognovisti me: tu cognovisti sessionem meam, & resurrectionem meam.

V. Gloria Patri.

Orémus.

Oratio.

Intervéniat pro nobis, quæsumus, Domine, sanctus tuus Lucas Evangelista: qui crucis mortificationem jûgiter in suo corpore, pro tui nominis honore portavit. Per Dñm.

Lectio Epistolæ beati Pauli Apóstoli ad Corínthios. II. 8. c.

Fratres, Grátias ago Deo, qui dedit eamdem sollicitudinem pro vobis in corde Titi, quóniam exhortationem quidem suscepit: sed cum sollicitior esset, suâ voluntate profectus est ad vos. Misimus etiam cum illo fratrem, cujus laus est in Evangelio per omnes Ecclesiis: non solum autem, sed & ordinatus est ab Ecclesiis comes peregrinationis nostræ in hanc grátiam, quæ ministratur à nobis ad Domini glóriam, & destinátam voluntatem nostram: devitantes hoc, ne quis nos vituperet in hac plenitudine, quæ ministratur à nobis. Providemus enim bona non solum coram Deo, sed etiam coram hominibus. Misimus autem cum illis & fratrem nostrum, quem probavimus in multis sæpè sollicitum esse: nunc autem multò sollicitiorem, confidentia multa in vos, sive pro Tito, qui est socius meus, & in vobis adjutor, sive fratres nostri,

Apóstoli Ecclesiarum, glória Christi. Oñsionem ergo quæ est charitatis vestræ, & nostræ glóriæ pro vobis, in illos ostendite in faciẽm Ecclesiarum.

Grad. Ps. 18. In omnem terram exivit sonus eorum: & in fines orbis terræ verba eorum. *V.* Coeli enarrant glóriam Dei: & ópera manuum ejus annúntiat firmamẽtum. Allelúia, allelúia. *V. Joan. 15.* Ego vos elegi de mundo, ut eatis & fructum afferatis: & fructus vester maneat. Allelúia.

Sequẽtia sancti Evangelii secúndum Lucam. 10.

In illo tẽpore: Designavit Dominus & alios septuaginta duos: & misit illos binos ante faciẽm suam, in omnem civitatem, & locum, quò erat ipse venturus. Et dicebat illis: Messis quidem multa, operarii autem pauci. Rogate ergo Dóminum messis, ut mittat operarios in messẽm suam. Ite: Ecce ego mitto vos sicut agnos inter lupos. Nolite portare sacculum, neque peram, neque calceamenta, & nẽminem per viam salutaveritis. In quamcúmque domum intraveritis, primũm dicite: Pax huic domui: & si ibi fũerit filius pacis, requiescet super illum pax vestra: sin autem, ad vos revertetur. In eadem autem domo manete, edentes, & bibentes, quæ apud illos sunt: dignus est enim operarius mercẽde suâ. Nolite transire de domo in domum. Et in quamcúmque civitatem intraveritis, & suscepẽrint vos, manducate quæ apponũntur vobis: & curate infirmos, qui in illa sunt, & dicite illis: Appropinquavit in vos regnum Dei. Credo.

Offert. Ps. 138. Mihi autem nimis honorati sunt amici tui, Deus: nimis confortatus est principatus eorum.

Secreta.

DOnis coelestibus da nobis, quaesumus, Domine, libera tibi mente servire: ut munera quae deferimus, interveniente beato Evangelista tuo Luca, & medelam nobis operentur, & gloriam. Per Dñm.

Præfatio de Apostolis, fol. 212.

Communio. Matt. 19. Vos, qui secuti estis me, sedebitis super sedes, judicantes duodecim tribus Israël.

Postcommunio.

PRæsta, quaesumus, omnipotens Deus: ut quod de sancto altari tuo accepimus, precibus beati Evangelistæ tui Lucae, sanctificet animas nostras: per quod tuti esse possimus. Per Dñm.

DIE XIX. OCTOBIS.

IN FESTO S. PETRI de Alcantara Confessoris.

Introitus. Ps. 91.

Justus ut palma florebit: sicut cedrus Libani multiplicabitur: plantatus in domo Domini, in atriis domus Dei nostri. *Ps. ib.* Bonum est confiteri Domino, & psallere nomini tuo, Altissime.

V. Gloria Patri.

Orémus.

Oratio.

DEus, qui beatum Petrum Confessorem tuum, admirabilis poenitentiae, & altissimae contemplationis munere illustrare dignatus es: da nobis, quaesumus; ut ejus suffragantibus meritis, carne mortificati, facilius coelestia capiamus. Per Dñm.

Lectio Epistolæ beati Pauli Apostoli ad Philippenses. 3.

FRatres, Quæ mihi fuerunt lucra, hæc arbitratus sum propter Christum detrimenta. Veruntamen existimo omnia detrimentum esse, propter eminentem scientiam Jesu Christi Domini mei: propter quem omnia detrimentum feci, & arbitror ut stercora, ut Christum lucrificam: & inveniar in illo, non habens meam justitiam, quæ ex lege est, sed illam quæ ex fide est, Christi Jesu: quæ ex Deo est justitia in fide, ad cognoscendum illum, & virtutem resurrectionis ejus, & societatem passionum illius: configuratus morti ejus: si quo modo occurrerem ad resurrectionem, quæ est ex mortuis: non quod jam acceperim, aut jam perfectus sim: sequor autem, si quo modo comprehendam, in quo & comprehensus sum à Christo Jesu.

Grad. Ps. 36. Os justus meditabitur sapientiam, & lingua ejus loquetur judicium. *V.* Lex Dei ejus in corde ipsius: & non supplantabuntur gressus ejus. Allelûia, allelûia. *V.* Beatus vir, qui timet Dominum: in mandatis ejus cupit nimis. Allel. Sequentia sancti Evangelii secundum Lucam. 12.

IN illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Vendite quæ possidetis, & date eleemosynam. Facite vobis sacculos qui non veterascunt, thesaurum non deficientem in coelis: quod fur non appropriat, neque tinea corrumpit. Ubi enim thesaurus vester est, ibi & cor vestrum erit.

Offert. Ps. 20. In virtute tua, Domine, lætabitur iustus, & super salutare tuum exultabit vehementer: desiderium animæ ejus tribuisti ei.

Secreta.

PRæsta nobis, quæsumus, omnipotens Deus: ut nostræ humilitatis oblatio, & pro tuorum tibi grata sit honore sanctorum, & nos corpore pariter & mente purificet. Per Dñm.

Communio. Matt. 19. Amen dico vobis, quod vos reliquistis omnia, & secuti estis me: centuplum accipietis & vitam æternam possidebitis.

Postcommunio.

Quæsumus, omnipotens Deus: ut qui cœlestia alimenta percipimus, intercedente beato Petro Confessore tuo, per hæc contra omnia adversa muniamur. Per Dñm.

DIE XX. OCTOBRIIS.

IN FESTO S. JOANNIS Cantii Confessoris.

Introitus. Eccl. 18.

Miseratio hominis circa proximum suum: Misericordia autem Dei super omnem carnem. Qui misericordiam habet, docet, & erudit quasi pastor gregem suum.

Ps. 1. Beatus vir, qui non abiit in consilio impiorum, & in via peccatorum non stetit, & in cathedra pestilentiae non sedit.

V. Gloria Patri.

Orémus.

Oratio.

DA, quæsumus, omnipotens Deus: ut sancti Joannis Confessoris exemplo in scientia sanctorum proficientes, atque aliis misericordiam exhibentes, ejus meritis indulgentiam apud te consequamur. Per Dñm.

Lectio Epistolæ beati Jacobi Apóstoli. 2. c.

Sic loquimini, & sic facite, sicut per legem libertatis incipientes judicari: Judicium enim sine misericordia illi, qui non fecit misericordiam: superexaltat autem misericordia judicium. Quid proderit, fratres mei, si fidem quis dicat se habere, opera autem non habeat? Numquid poterit fides salvare eum? Si autem frater & soror nudi sint, & indigeant victu quotidiano, dicat autem aliquis ex vobis illis: Ite in pace, calefacimini, & saturamini: non dedertis autem eis, quæ necessaria sunt corpori, quid proderit? Sic & fides, si non habeat opera, mortua est in semetipsa.

Grad. Ps. 106. Confiteantur Domino misericordiae ejus; & mirabilia ejus filiis hominum.

V. Quia satiavit animam inanem, & animam esurientem satiavit bonis. Allelúia, allelúia.

V. Prov. 31. Manum suam aperuit inopi, & palmas suas extendit ad pauperem. Allelúia.

Sequentia sancti Evangelii secundum Lucam. 12.

In illo tempore: Dixit Jesus discipulis suis: Sint lumbi vestri praecincti, & lucernæ ardentes in manibus vestris, & vos similes hominibus expectantibus dominum suum, quando revertatur à nuptiis: ut, cum venerit, & pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod praecinet se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit,

& ita invenerit, beati sunt servi illi. Hoc autem scitote, quoniam si sciret paterfamilias quâ horâ fur veniret, vigilaret utique, & non sineret perfo-
di domum suam. Et vos estote pa-
rati: quia quâ horâ non putatis, Fi-
lius hominis veniet.

Offert. Job 29. Justitia indutus
sum, & vestivi me, sicut vestimêto &
diadêmate, judicio meo: oculus fui
cæco, & pes claudo: Pater eram
pau-perum.

Secreta.

HAs, quæsumus, Dômine, hóstias
sancti Joánnis Confessôris tui
méritis benignus adsúme, & præsta:
ut te super omnia, & omnes propter
te diligêntes, corde tibi & ópere pla-
ceámus. Per Dñm.

Commun. Luc. 6. Date, & dábitur
vobis: mensúram bonam, & confér-
tam, & coagitátam, & supereffluén-
tem dabunt in sinum vestrum.

Postcommunio.

PRetiósí còrporis & sánguinis tui,
Dômine, pasti delíciis, tuam súp-
plices deprecámur cleméntiam: ut
sancti Joánnis Confessôris tui méritis
& exémpis, ejúsdem charitátis imita-
tôres effécti, consórtes simus & gló-
riæ. Qui vivis & regnas cum Deo
Patre.

DIE XXI. OCTOB. R. I. S.

SANCTI HILARIONIS Abbatis.

*Missa, Os just. de Comuni Abba-
tum, fol. xxvi.*

*Et fit commemoratio SS. Ursulæ &
Sociarum Virginum & Martyrum.*

Oratio.

DA nobis, quæsumus, Dômine
Deus noster, sanctárum Virgi-

num & Mátyrum tuárum Ursulæ
& sociárum ejus, palmas incessabili
devotiône venerári: ut quas dignâ
mente non pössumus celebráre, hu-
mílibus saltem frequentémus obfé-
quiis.

Tertia Oratio, A cunctis. fol. lxxiv.

*Pro commemoratione SS. Ursulæ &
Sociarum.*

Secreta.

INtênde, quæsumus, Dômine, mú-
nera altáribus tuis pro sanctárum
Vírginum & Mátyrum tuárum, Ur-
sulæ & Sociárum ejus, festivitáte pro-
pósita: ut sicut per hæc beáta mysté-
ria illis glóriam contulísti, ita nobis
indulgéntiam largiáris.

Tertia Secreta, Exáudi nos. fol. lxxiv.

Pro Sanctis Ursula & Sociis.

Postcommunio.

PRæsta nobis, quæsumus, Dômine,
intercedéntibus sanctis Virgínibus
& Martyribus tuis: ut quod ore
contíngimus, purâ mente capiámus.

*Tertia Postcommunio, Múndet &
múniat. fol. lxxiv.*

DIE XXV. OCTOB. R. I. S.

SS. CHRYSANTHI & DARIAE
Martyrum.

Introitus. Ps. 78.

INtret in conspéctu tuo, Dômine,
gémitus compeditórum: redde
vicínis nostris séptuplum in sinu eó-
rum: víndica sánguinem sanctórum
tuórum, qui effúsus est. *Ps. ib.* Deus,
venérunt Gêntes in hereditátem tuam,
polluérunt templum sanctum tuum:
posuérunt Jerúsalem in pomórum
custódiam.

V. Glória Patri.

Orémus.

Oratio.

BEatorum Mártyrum tuorum, Dómine, Chrysóthi & Dariæ, quæsumus, adsit nobis oratio: ut quos veneramur obsequio, eorum pium jugiter experiámur auxilium. Per.

Lectio Epistolæ beati Pauli Apóstoli ad Corínthios. *II 6. d.*

FRatres, Exhibeamus nosmetipsos sicut Dei ministros in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in suavitate, in Spiritu sancto, in charitate non ficta, in verbo veritatis, in virtute Dei, per arma justitiæ à dextris, & à sinistris: per gloriam, & ignobilitatem: per infamiam, & bonam famam: ut seductores, & veraces: sicut qui ignoti, & cogniti: quasi morientes, & ecce vivimus: ut castigati, & non mortificati: quasi tristes, semper autem gaudentes: sicut egentes, multos autem locupletantes: tamquam nihil habentes, & omnia possidentes.

Grad. Exod. 15. Gloriosus Deus in sanctis suis: mirabilis in maiestate, faciens prodigia. *V.* Dextera tua, Dómine, glorificata est in virtute: dextera manus tua confrégit inimicos. Allelúia, allelúia. *V. Eccl. 44.* Corpora sanctorum in pace sepulta sunt: & nomina eorum vivent in generatione & generationem. Allelúia.

Sequentia sancti Evangelii secundum Lucam. *II. f.*

IN illo tempore: Dicebat Jesus Scribis & Phariseis: Vae vobis, qui edificatis monumenta Prophetarum:

patres autem vestri occiderunt illos. Profecto testificamini quod consentitis operibus patrum vestrorum: quoniam ipsi quidem eos occiderunt, vos autem edificatis eorum sepulchra. Propterea & sapientia Dei dixit: Mittam ad illos Prophetas, & Apóstolos, & ex illis occident & persequuntur. Ut inquiratur sanguis omnium Prophetarum, qui effusus est à constitutione mundi, à generatione ista, à sanguine Abel, usque ad sanguinem Zachariæ, qui periit inter altare & ædem. Ita dico vobis, requiratur ab hac generatione.

Offert. Ps. 67. Mirabilis Deus in sanctis suis: Deus Israël ipse dabit virtutem & fortitudinem plebi suæ: benedictus Deus. Allelúia.

Secreta.

Populi tui, quæsumus, Dómine, tibi grata sit hostia: quæ in natalitiis sanctorum Mártyrum tuorum Chrysóthi & Dariæ sollemniter immolatur. Per Dñm.

Commun. Sap. 3. Et si coram hominibus tormenta passi sunt, Deus tentavit eos: tamquam aurum in fornace probavit eos: & quasi holocausta accepit eos.

Postcommunio.

Mysticis, Dómine, repléti sumus votis & gaudiis: præsta, quæsumus; ut intercessionibus sanctorum Mártyrum tuorum Chrysóthi & Dariæ, quæ temporaliter ágimus, spiritaliter consequámur. Per Dñm.

DIE XXVI. OCTOBIS.

S. EVARISTI Papæ & Martyris.

Missa, Státuit ei Dóminus. de Comuni unius Martyris Pontificis, fol. ij.

DIE XXVII. OCTOBRI.
IN VIGILIA SS. APOSTOLORUM
SIMONIS & JUDÆ.

Introitus. Ps. 78.

INtret in conspectu tuo, Domine, gemitus compeditorum: redde vicinis nostris septuplum in sinu eorum: vindica sanguinem sanctorum tuorum, qui effusus est. *Ps. ib.* Deus, venerunt Gentes in hereditatem tuam, polluérunt templum sanctum tuum: posuerunt Jerúsalem in pomorum custodiam.

V. Glória Patri.

Orémus.

Oratio.

Concède, quæsumus, omnipotens Deus: ut sicut Apostolorum tuorum Simonis & Judæ gloriósa natalitia prævenimus; sic ad tua beneficia promerenda, Majestatem tuam pro nobis ipsi præveniant. *Per.*

Secunda Oratio de beata Maria, Concède. Tertia, Ecclesiæ tuæ. vel pro Papa, Deus omnium. fol. 236.

Lectio Epistolæ beati Pauli Apostoli ad Corínthios. I. 4. b.

FRatres, Spectaculum facti sumus mundo, & Angelis, & hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cædimur, & instabiles sumus, & laboramus operantes manibus nostris: maledicimur, & benedicimus: persecutionem patimur, & sustinemus: blasphemamur, & obsecramus: tamquam purgamenta hujus mundi facti sumus, omnium peripséma usque adhuc. Non ut

confundam vos, hæc scribo, sed ut filios meos charíssimos moneo: in Christo Jesu Domino nostro.

Grad. Ps. 78. Vindica, Domine, sanguinem sanctorum tuorum, qui effusus est. *V.* Posuerunt mortalia, fervorum tuorum, Domine, escas volatilibus coeli: carnes sanctorum tuorum bestiis terræ.

Sequéntia sancti Evangelii secundum Joannem. 15.

IN illo tempore: Dixit Jesus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me, & ego in vobis. Sicut palmes non potest ferre fructum à semetipso, nisi manserit in vite: sic nec vos nisi in me manseritis. Ego sum vitis, & vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, & arefcet, & colligent eum, & in ignem mittent, & ardet. Si manseritis in me, & verba mea in vobis manserint: quodcúmque volueritis, petetis, & fiet vobis.

Offert. Ps. 149. Exultabunt sancti in glória, lætabúntur in cubilibus suis: exaltationes Dei in faucibus eorum.

Secreta.

MUnéribus nostris, Domine, sanctorum Apostolorum tuorum Simonis & Judæ festa præcedimus, te suppliciter deprecantes: ut quæ con-

scientiæ nostræ præpediuntur obstaculis, illorum meritis grata reddantur. Per Dominum nostrum Jesum Christum Filium tuum.

Secunda Secreta de beata Maria, Tua, Domine. Tertia, Protege nos, Domine. vel Oblatis, quæsumus, Domine. fol. 236.

Communio. Ps. 78. Posuerunt mortalia servorum tuorum, Domine, escas volatilibus cœli, carnes sanctorum tuorum bestiis terræ: secundum magnitudinem brachii tui posside filios morte punitorum.

Postcommunio.

Sumpto, Domine, sacramento suppliciter deprecamur: ut intercedentibus beatis Apostolis tuis Simone & Judâ, quod temporaliter gerimus, ad vitam capiamus æternam. Per.

Secunda Postcommunio de beata Maria. Sumptis, Domine. Tertia, Quæsumus, Domine. vel Hæc nos, f. 237.

DIE XXVIII. OCTOBRI.
IN FESTO SS. APOSTOLORUM
SIMONIS & JUDÆ.

Introitus. Ps. 138.

Mihi autem nimis honorati sunt amici tui, Deus: nimis confortatus est principatus eorum.

Ps. ib. Domine, probasti me, & cognovisti me: tu cognovisti sessionem meam, & resurrectionem meam.

V. Gloria Patri.

Orémus.

Oratio.

Deus, qui nos per beatos Apostolos tuos Simonem & Judam, ad agnitionem tui nominis venire tribuisti: da nobis eorum gloriam sempiternam & proficiendo celebrare, & celebrando proficere. Per Dñm.

Lectio Epistolæ beati Pauli Apostoli
ad Ephēsiōs. 4. d.

Fratres, Unicuique nostrum data est grātia secundum mensuram donationis Christi. Propter quod dicit: Ascendens in altum, captivam duxit captivitatem: dedit dona hominibus. Quod autem ascendit, quid est, nisi quia & descendit primum in inferiores partes terræ? Qui descendit, ipse est & qui ascendit super omnes cœlos, ut impleret omnia. Et ipse dedit quosdam quidem Apostolos, quosdam autem Prophetas, alios verò Evangelistas, alios autem pastores, & doctores, ad consummationem sanctorum in opus ministerii, in ædificationem corporis Christi: donec occurramus omnes in unitatem fidei & agnitionis Filii Dei, in virum perfectum, in mensuram ætatis plenitudinis Christi.

Grad. Ps. 44. Constitues eos principes super omnem terram: memores erunt nominis tui, Domine. *V.* Pro patribus tuis nati sunt tibi filii: propterea populi confitebuntur tibi. Allelúia, allelúia. *V. Ps. 138.* Nimis honorati sunt amici tui, Deus: nimis confortatus est principatus eorum. Allelúia.

Sequētia sancti Evangelii secundum
Joānnem. 15. c.

In illo tempore: Dixit Jesus discipulis suis: Hæc mando vobis, ut diligatis invicem. Si mundus vos odit, scitote quia me priorem vobis odio habuit: Si de mundo fuissetis, mundus quod suum erat, diligeret: quia verò de mundo non estis, sed ego elegi vos de mundo, propterea odit vos mundus. Mementote ser-

mónis mei, quem ego dixi vobis: Non est fervus major dómīno suo. Si me perfecúti sunt, & vos perfequéntur: si fermónem meum fervavérunt, & vestrum fervábunt. Sed hæc ómnia fácient vobis propter nomen meum: quia nés-ciunt eum qui misit me. Si non veníssem, & locútus fuíssem eis, peccátum non habérent: nunc autem excusatió-nem non habent de peccáto suo. Qui me odit, & Patrem meum odit. Si ópera non fecíssem in eis, quæ nemo álius fecit, peccátum non habérent: nunc autem & vidérunt, & óderunt & me, & Patrem meum. Sed ut adimpleátur fermo, qui in lege eórum scriptus est: quia ódio habuérunt me gratis.

Credo.

Offert. Ps. 18. In omnem terram exívit sonus eórum: & in fines orbis terræ verba eórum.

Secreta.

GLóriam, Dómine, sanctórum Apostolórum tuórum Simónis & Judæ perpétuam venerántes, quæsumus: ut eam, sacris mystériis expiáti, digniùs celebrémus. Per Dñm.

Præfatio de Apostolis, fol. 212.

Communio. Matt. 19. Vos, qui secúti estis me, sedébitis super sedes, iudicántes duódecim tribus Israél.

Postcommunio.

Percéptis, Dómine, sacraméntis, suppliciter exorá-mus: ut intercedéntibus beátis Apóstolis tuis Simóne & Judâ, quæ pro illórum veneránda gérimus passióne, nobis proficiant ad medélam. Per Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti Deus.

DIE XXXI. OCTOBRI.
IN VIGILIA OMNIUM SANCTORUM.

Introitus. Sap. 3.

JUdicant sancti Gentes, & domínantur pópulis: & regnabit Dóminus Deus illórum in perpétuum.

Ps. 32. Exultáte iusti in Dómino: rectos decet collaudátió.

V. Glória Patri.

Non dicitur Glória in excélsis.

Orémus.

Oratio.

Domine Deus noster, multiplica super nos grátiam tuam: & quorum prævenímus gloriósa solémnia, trí-bue súbsequi in sancta professióne lætítiam. Per Dñm.

Secunda Oratio de Spiritu sancto, Deus, qui corda fidélium. Tertia, Ecclesiæ tuæ. vel pro Papa, Deus, ómnium fidélium. fol. liv.

Léctio libri Apocalypsis beáti Joánnis Apóstoli. 5. b.

IN diébus illis: Ecce ego Joánnes vidi in médio throni, & quátuor animálium, & in médio seniórum, Agnum stantem tamquam occísus, habéntem cónua septem, & óculos septem: qui sunt septem spíritus Dei, missi in omnem terram. Et venit, & accépit de dextera sedéntis in throno librum. Et cùm aperuísset librum, quátuor animália, & viginti-quátuor senióres cecidérunt coram Agno, habéntes singuli cítharas, & phíalas áureas, plenas odoramentórum, quæ sunt oratiónes sanctórum: & cantábant cánticum novum, dicéntes: Dignus es, Dómine, accípere librum, & aperíre signácula ejus: quóniam occísus es, & redemísti nos.

Deo in fanguine tuo ex omni tribu, & lingua, & populo, & natione: & fecisti nos Deo nostro regnum, & sacerdotes: & regnabimus super terram. Et vidi, & audivi vocem Angelorum multorum in circuitu throni, & animalium, & seniorum: & erat numerus eorum millia millium, dicentium voce magna: Dignus est Agnus, qui occisus est, accipere virtutem, & divinitatem, & sapientiam, & fortitudinem, & honorem, & gloriam, & benedictionem in secula seculorum. Amen.

Grad. Ps. 149. Exultabunt sancti in gloria, lætabuntur in cubilibus suis. *V.* Cantate Domino canticum novum: laus ejus in Ecclesia sanctorum.

Sequentia sancti Evangelii secundum Lucam. 6.

IN illo tempore: Descendens Jesus de monte, stetit in loco campetri, & turba discipulorum ejus, & multitudo copiosa plebis ab omni Judæa, & Jerúsalem, & marítima, & Tyri, & Sidónis, qui venerant ut audirent eum, & sanarentur à languoribus suis. Et qui vexabantur à spiritibus immundis, curabantur. Et omnis turba quærebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini.

Beati qui nunc flētis: quia ridēbitis. Beati eritis cū vos oderint homines, & cū separaverint vos, & exprobraverint, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra multa est in cœlo.

Offert. Ps. 149. Exultabunt sancti in gloria, lætabuntur in cubilibus suis: exaltationes Dei in faucibus eorum.

Secreta.

ALtare tuum, Domine, muneribus cumulamus oblatis: da, quaesumus; ut ad salutem nostram, omnium Sanctorum tuorum precatione proficiant, quorum solēnnia ventura præcurrimus. Per Dñm.

Secunda Secreta, Mūnera, quaesumus, Domine. *Tertia,* Prōtege nos. *vel* Oblatis. *fol. liv.*

Commun. Sap. 3. Justorum animæ in manu Dei sunt, & non tanget illos tormentum malitiæ: visi sunt oculis insipientium mori: illi autem sunt in pace.

Postcommunio.

Sacramentis, Domine, & gaudiis optatæ celebritatis explētis, quaesumus: ut eorum precibus adjuvemur, quorum recordationibus exhibentur. Per Dñm.

Secunda Postcommunio, Sancti Spiritus, Domine. *Tertia,* Quæsumus, Domine. *vel* Hæc nos. *fol. liv.*

DIE I. NOVEMBRIS.

IN FESTO OMNIUM SANCTORUM.

Introitus.

GAudeamus omnes in Dómino, diem festum celebrantes sub honóre Sanctórum ómnium: de quorum solemnitáte gaudent Angeli, & collaudant Fílium Dei. *Pf. 32.* Exultáte iusti in Dómino: rectos decet collaudátio. *V. Glória Patri.*

Orémus.

Oratio.

OMnípotens sempitérne Deus, qui nos ómnium Sanctórum tuórum mérita sub una tribuísti celebritáte venerári: quæsumus, ut desiderátam nobis tuæ propitiatiónis abundántiam, multiplicátis intercessóribus largiáris. *Per Dñm.*

Léctio libri Apocalypsis beáti Joánnis Apóstoli. 7.

IN diébus illis: Ecce ego Joánnes vidi álterum Angelum ascendéntem ab ortu solis, habéntem signum Dei vivi: & clamávit voce magnâ quátuor Angelis, quibus datum est nocére terræ, & mari, dicens: Nolíte nocére terræ, & mari, neque arbóribus, quoadúsque signémus servos Dei nostri in fróntibus eórum. Et audívi númerum signatórum, centum quadragínta quátuor mília signáti, ex omni tribu filiórum Israél. Ex tribu Juda duódecim mília signáti. Ex tribu Ruben duódecim mília signáti. Ex tribu Gad duódecim mília signáti. Ex tribu Aser duódecim mília signáti. Ex tribu Néplithali duódecim mília signáti. Ex tribu Manásse duódecim mília signáti. Ex tribu Símeon duódecim mília signáti.

Ex tribu Levi duódecim mília signáti. Ex tribu Issachar duódecim mília signáti. Ex tribu Zábulon duódecim mília signáti. Ex tribu Joseph duódecim mília signáti. Ex tribu Bénjamin duódecim mília signáti. Post hæc vidi turbam magnam, quam dinumeráre nemo póterat, ex ómnibus géntibus, & tríbubus, & pópulis, & linguis, stantes ante thronum, & in conspéctu Agni, amícti stolis albis, & palmæ in mánibus eórum: & clamábant voce magnâ, dicétes: Salus Deo nostro, qui sedet super thronum, & Agno. Et omnes Angeli stabant in circúitu throni, & seniórum, & quátuor animálium: & cecidérunt in conspéctu throni in fácies suas, & adoravérunt Deum, dicétes: Amen. Benedíctio, & cláritas, & sapiéntia, & gratiárum áctio, honor, & virtus, & fortitúdo Deo nostro, in sæcula sæculórum. Amen.

Grad. Pf. 33. Timéte Dóminum, omnes sancti ejus: quóniam nihil deest timéntibus eum. *V. Inquiréntes autem Dóminum non deficient omni bono. Allelúia, allelúia.*

V. Matt. 11. Veníte ad me, omnes qui laborátis, & oneráti estis: & ego reficiam vos. *Allelúia.*

Sequéntia sancti Evangélii secúndum Matthæum. 5.

IN illo témpore: Videns Jesus turbas, ascendit in montem, & cum sedíffet, accessérunt ad eum discípuli ejus, & apériens os suum, docébat eos, dicens: Beáti páuperes spíritu:

quóniam ipsórum est regnum coelórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti, qui esúriunt & sítiunt iustítiam: quóniam ipsi faturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti, qui persecutiónem patiúntur propter iustítiam: quóniam ipsórum est regnum coelórum. Beáti estis cùm maledíxerint vobis, & persecúti vos fúerint, & díxerint omne malum advérsùm vos, mentiéntes, propter me: gaudéte, & exultáte, quóniam merces vestra copiósa est in coelis. Credo.

Offert. Sap. 3. Iustórum ánimæ in manu Dei sunt, & non tanget illos tormentum malítiæ: visi sunt óculis insipientium mori, illi autem sunt in pace.

Secreta.

MUnera tibi, Dómine, nostræ devotiónis offérimus: quæ & pro cunctórum tibi grata sint honóre iustórum; & nobis salutária, te miseránte, reddántur. Per Dñm.

Communio. Matt. 5. Beáti mundo corde, quóniam ipsi Deum vidébunt: beáti pacífici, quóniam filii Dei vocabúntur: beáti qui persecutiónem patiúntur propter iustítiam, quóniam ipsórum est regnum coelórum.

Postcommunio.

DA, quæsumus, Dómine, fidelibus pópulis, ómnium Sanctórum semper veneratióne lætári: & eórum perpétuá supplicatióne muníri. Per Dóminum nostrum.

¶ *Infra Octavam Missa dicitur sicut in die Festi: Oratio secunda de Spiritu sancto, Deus, qui corda fidélium. Tertia, Ecclesiæ tuæ. vel pro Papa, Deus, ómnium fidélium. fol. liv. Et dicitur Credo.*

DIE II. NOVEMBRIS.

Secunda die fit commemoratio omnium fidelium Defunctorum: & dicitur Missa, Réquiem ætérnam, quæ est prima pro Defunctis, circa finem Missalis, fol. lxxxij.

Sed in Ecclesiis Cathedralibus & Collegiatis dicuntur duæ Missæ, una de Octava post Tertiam, altera principalis pro Defunctis post Nonam.

Si autem secunda dies fuerit Dominica, dicta commemoratio Defunctorum fit sequenti Feria secunda.

DIE IV. NOVEMBRIS.

IN FESTO S. CAROLI
Episcopi & Confessoris.

Introitus. Eccl. 45.

STátuit ei Dóminus testaméntum pacis, & príncipem fecit eum: ut fit illi sacerdotii dignitas in ætérnum.

Pf. 131. Meménto, Dómine, David: & omnis mansuetúdinis ejus.

V. Glória Patri.

Orémus.

Oratio.

ECclésiám tuam, Dómine, sancti Caroli Confessoris tui atque Pontíficis continuâ protectiône custódi: ut sicut illum Pastoralis sollicitúdo gloriósum réddidit, ita nos ejus intercessio in tuo semper fáciat amore fervéntes. Per Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti Deus, per ómnia sæcula sæculórum.

*De Octava omnium Sanctorum.**Oratio.*

OMnípotens sempitérne Deus, qui nos ómnium Sanctorum tuorum mérita sub una tribuísti celebritáte venerári: quæsumus, ut desiderátam nobis tuæ propitiatiónis abundántiam, multiplicátis intercessóribus largiáris.

Pro commemoratione SS. Vitalis & Agricolæ Martyrum.

Oratio.

PRæsta, quæsumus, omnípotens Deus, ut qui sanctorum Mátyrum tuorum Vitalis & Agricolæ solémnia cólimus, eórum apud te intercessiõibus adjuvémur. Per Dñm.

Lectio libri Sapientiae: Eccl. 44.

ECce facérdos magnus, qui in diébus suis plácuit Deo, & invéntus est iustus: & in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideò jurejurándo fecit illum Dóminus créscere in plebem suam. Benediçtiõnem ómnium gén-tium dedit illi, & testaméntum suum confirmávit super caput ejus. Agnó-vit eum in benediçtiõibus suis: con-servávit illi misericórdiam suam: & invénit grátiam coram óculis Dómini. Magnificávit eum in conspéctu regum: & dedit illi corónam glóriæ. Státuit illi testaméntum ætérnum: & dedit illi sacerdotium magnum: & beatificávit illum in glória. Fungi sacerdotio, & habére laudem in nó-mine ipsius: & offerre illi incénsus dignum, in odórem suavitátis.

Grad. Eccl. 44. Ecce facérdos magnus, qui in diébus suis plácuit Deo. *V.* Non est invéntus símilis illi, qui conserváret legem Excélsi. Allelúia,

allelúia. *V. Ps. 109.* Tu es facérdos in ætérnum secúndum órđinem Mel-chisedech. Allelúia.

Sequéntia sancti Evangélii secúndum Matthæum. 25.

IN illo témpore: Dixit Jesus discí-pulis suis parábolam hanc: Homo péregre proficíscens vocávit servos suos, & trádedit illis bona sua. Et uni dedit quinque talénta, álii autem duo, álii verò unum, unicuíque se-cúndum própriam virtútem, & pro-féctus est statim. Abiit autem qui quinque talénta accéperat, & operá-tus est in eis, & lucrátus est ália quinque. Simíliter & qui duo accé-perat, lucrátus est ália duo. Qui autem unum accéperat, ábiens fodit in terram, & abscondit pecúniam dó-mini sui. Post multum verò témpo-ris, venit dóminus servórum illórum, & pófuit ratiónem cum eis. Et accé-dens qui quinque talénta accéperat, obtulit ália quinque talénta, dicens: Dómine, quinque talénta tradidísti mihi, ecce ália quinque superlucrátus sum. Ait illi dóminus ejus: Euge, serve bone & fidélis, quia super pauca fuísti fidélis, super multa te constítuam, intra in gáudium dómini tui. Accéffit autem & qui duo ta-lénta accéperat, & ait: Dómine, duo talénta tradidísti mihi, ecce ália duo lucrátus sum. Ait illi dóminus ejus: Euge, serve bone & fidélis, quia super pauca fuísti fidélis, super multa te constítuam, intra in gáudium dó-mini tui. Credo.

Offert. Ps. 88. Invéni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

Sancti tui, quæsumus, Dómine, nos ubique lætificent, ut dum eorum mérita recólimus, patrocínia sentiámus. Per Dñm.

Pro Oclava omnium Sanctorum.

Secreta.

Munera tibi, Dómine, nostræ devotiónis offérimus: quæ & pro cunctórum tibi grata sint honóre iustórum, & nobis salutária, te miserante, reddántur.

Pro SS. Martyribus Vitale & Agricola.

Secreta.

Oblátis, quæsumus, Dómine, placare munéribus; & intercedéntibus sanctis Martyribus tuis Vitale & Agricolâ, à cunctis nos defénde perículis. Per Dñm.

Communio. Luc. 12. Fidélis servus & prudens quem constituit dóminus super familiam suam: ut det illis in témpore trítici mensúram.

Postcommunio.

Præsta, quæsumus, omnípotens Deus: ut de percéptis munéribus grátias exhibéntes, intercedénte beáto Cárolo Confessóre tuo atque Pontífice, beneficia potióra sumámus. Per.

Pro Oclava omnium Sanctorum.

Postcommunio.

DA, quæsumus, Dómine, fidélibus pópulis, ómnium Sanctorum semper veneratióne lætári: & eorum perpétuâ supplicatióne muníri.

Pro SS. Martyribus Vitale & Agricola

Postcommunio.

Hæc nos commúnio, Dómine, purget à crimine: & intercedéntibus sanctis Martyribus tuis Vitale & Agricolâ, coeléstis remédii fáciat esse confórtes. Per Dñm.

DIE VIII. NOVEMBRIS.

In Oclava omnium Sanctorum dicitur Missa sicut in die, cum commemoratione sanctorum Martyrum Quatuor Coronatorum.

Oratio.

Præsta, quæsumus, omnípotens Deus: ut qui gloriófos Mártyres fortes in sua confessiône cognóvimus, pios apud te in nostra intercessiône sentiámus. Per Dñm.

Secreta.

Benedictio tua, Dómine, larga descendat: quæ & múnera nostra, deprecántibus sanctis Martyribus tuis, tibi reddat accépta, & nobis sacraméntum redemptionis efficiat. Per.

Postcommunio.

Coeléstibus refécti sacraméntis & gáudiis, súpplices te, Dómine, deprecámur: ut quorum gloriámur triúmphis, protegámur auxiliis. Per Dóminum nostrum.

DIE IX. NOVEMBRIS.

IN DEDICATIONE BASILICÆ SALVATORIS.

Missa, Terribilis est locus iste. de Comuni Dedicationis Ecclesiæ, fol. xxxvi. cum commemoratione sancti Theodori Martyris. Et dicitur Credo.

Oratio.

DEus, qui nos beáti Theodóri Mártyris tui confessiône gloriósa circúmdas & prótegis: præsta nobis, ex ejus imitatióne proficere, & oratióne fulcírí. Per Dñm.

Secreta.

Suscipe, Dómine, fidélium preces cum oblatiónibus hostiárum: & intercedénte beáto Theodóro Már-

tyre tuo, per hæc piæ devotiõnis officia, ad coeléstem glóriam transeamus. Per Dñm.

Postcommunio.

PRæsta nobis, quæsumus, Dómine, intercedente beáto Theodóro Mártire tuo: ut quod ore contíngimus, purâ mente capiámus. Per Dñm.

DIE X. NOVEMBRIS.

IN FESTO S. ANDREÆ Avellini Confessoris.

Missa, Os just. de Communi Confessoris non Pontificis, fol. xxij. præter Orationem sequentem.

Oratio.

DEus, qui in corde beáti Andréæ, Confessoris tui, per árduum quotidie in virtútibus proficiendi votum admirábiles ad te ascensiónes disposuísti: concède nobis ipsius méritis, & intercessióne, ita ejúsdem gratiæ participes fieri, ut perfectióra semper exequentes, ad glóriæ tuæ fastígium feliciter perducámur. Per Dñm.

Et fit commem. SS. Martyrum Tryphonis, Respicii, & Nymphæ Virginis.

Oratio.

FAc nos, quæsumus, Dómine, sanctorum Mátyrum tuorum Tryphónis, Respicii, & Nymphæ semper festa sectári: quorum suffrágiis, protectionis tuæ dona sentiámus.

Tertia Oratio, A cunctis nos. fol. lxxiv.

Pro SS. Martyribus Tryphone, &c.

Secreta.

MUnera tibi, Dómine, nostræ devotiõnis offerimus: quæ & pro tuorum tibi grata sint honóre justorum, & nobis salutária, te miserante, reddántur.

Tertia. Exáudi nos. fol. lxxiv.

Pro SS. Martyribus Tryphone, &c.
Postcommunio.

PRæsta nobis, quæsumus, Dómine, intercedéntibus sanctis Martyribus tuis Tryphóne, Respício, & Nymphâ: ut quod ore contíngimus, purâ mente capiámus.

Tertia. Mundet & muniat. fol. lxxiv.

DIE XI. NOVEMBRIS.

IN FESTO S. MARTINI Episcopi & Confessoris.

Introitus. Eccl. 45.

STátuit ei Dóminus testaméntum pacis, & príncipem fecit eum: ut sit illi sacerdotii dignitas in ætérnum. *Pf. 131.* Meménto, Dómine, David: & omnis mansuetúdinis ejus.
V. Glória Patri.

Orémus.

Oratio.

DEus, qui conspicias, quia ex nulla nostra virtúte subsístimus: concède propítius; ut intercessióne beáti Martíni Confessoris tui atque Pontificis, contra ómnia advérfa muniámur. Per Dñm.

Pro commem. S. Mennæ Martyris.

Oratio.

PRæsta, quæsumus, omnípotens Deus: ut qui beáti Mennæ Mátyris tui natalítia cólimus, intercessióne ejus in tui nóminis amore roboremur. Per Dñm.

Léctio libri Sapiéntiæ. Eccl. 44. c.

ECce sacerdos magnus, qui in diebus suis placuit Deo, & invéntus est justus: & in témpore iracúndiæ factus est reconciliatio. Non est invéntus similis illi, qui conservávit legem Excélsi. Ideò jurejurádo fecit illum Dóminus créscere in plebem suam. Benedictiónem ómnium gén-

tium dedit illi, & testaméntum suum confirmávit super caput ejus. Agnóvit eum in benedictiónibus suis: confervávit illi misericórdiam suam: & invénit grátiam coram óculis Dómini. Magnificávit eum in conspéctu regum: & dedit illi corónam glóriæ. Státuit illi testaméntum ætérnum: & dedit illi sacerdotium magnum: & beatificávit illum in glória. Fungi sacerdotio, & habére laudem in nómine ipsíus: & offérre illi incénsus dignum, in odórem suavitátis.

Grad. Eccl. 44. Ecce sacerdos magnus, qui in diébus suis plácuit Deo. *V.* Non est invéntus símilis illi, qui conferváret legem Excélsi. Allelúia, allelúia. *V.* Beátus vir sanctus Martínus, urbis Turónis Epíscopus, requiévit: quem suscepérunt Angeli atque Archángeli, Throni, Dominationes, & virtútes. Allelúia. Sequéntia sancti Evangélii secúndum Lucam. II.

IN illo témpore: Dixit Jesús discí-
pulis suis: Nemo lucérnam accén-
dit, & in abscondito ponit, neque
sub módio: sed supra candelábrum,
ut qui ingrediúntur, lumen vídeant.
Lucérna córporis tui, est óculus tuus.
Si óculus tuus fúerit simplex, totum
corpus tuum lúcidum erit: si autem
nequam fúerit, étiam corpus tuum
tenebrósum erit. Vide ergo ne lu-
men quod in te est, ténebræ sint. Si
ergo corpus tuum totum lúcidum fú-
erit, non habens aliquam partem te-
nebrarum, erit lúcidum totum, &
sicut lucérna fulgóris illuminábit te.

Offert. Ps. 88. Véritas mea, & mi-
sericórdia mea cum ipso: & in nó-
mine meo exaltábitur cornu ejus.

Secreta.

DA, miséricors Deus, ut hæc nos
salutáris oblatio & à propriis re-
átibus indefinénter expédiet, & ab
ómnibus tueatur advérfis. Per Dñm.

¶ *Si Festum S. Martini incide-
rit in Dominicam xxii. post Pentecosten,
debet mutari Secreta Dominicæ, quia est
eadem cum Secreta S. Martini, & sumi
debet Secreta Dominicæ xxiii. sequen-
tis, nempe, Pro nostræ servitútis, &c.*

Pro S. Menna Martyre. Secreta.

MUnéribus nostris, quæsumus, Dó-
mine, precibúsq; fuscéptis; &
coeléstibus nos munda mystériis, &
cleménter exáudi. Per Dñm.

Commun. Matt. 24. Beátus servus,
quem, cum vénerit dóminus, invéne-
rit vigilántem: amen dico vobis, su-
per ómnia bona sua constituet eum.

Postcommunio.

PRæsta, quæsumus, Dómine Deus
noster: ut quorum festivitáte vo-
tíva sunt sacraménta, eórum inter-
cessióne salutária nobis reddántur. Per.

Pro S. Menna Mart. Postcommunio.

DA, quæsumus, Dómine Deus nos-
ter: ut, sicut tuorum commemo-
ratione sanctorum temporáli gratu-
lámur officio; ita perpétuò lætémur
aspéctu. Per Dñm.

D I E XII. N O V E M B R I S.

IN FESTO S. MARTINI Papæ
& Martyris.

Introitus. Dan. 3.

SAcerdótes Dei, benedicite Dómi-
num: sancti & húmiles corde,
laudáte Deum. *Dan. ib.* Benedicite,
ómnia ópera Dómini, Dómino: lau-
dáte & superexaltáte eum in sæcula.

V. Glória Patri.

Orémus.

Oratio.

DEus, qui nos beáti Martíni Mártiris tui atque Pontíficis annuâ solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dñm.

Lectio Epístolæ beáti Petri Apóstoli.
I. 4. c.

Charíssimi, Communicántes Christi passiónibus, gaudéte, ut & in revelatióne glóriæ ejus gaudeátis exultántes. Si exprobrámini in nómine Christi, beáti éritis: quóniam quod est honóris, glóriæ, & virtútis Dei, & qui est ejus Spíritus, super vos requiéscit. Nemo autem vestrúm patiátur ut homicída, aut fur, aut malédicus, aut alienórum appetítor. Si autem ut Christiánus, non erubéscat: gloríficet autem Deum in isto nómine. Quóniam tempus est, ut incípiat júdiciúm à domo Dei. Si autem primúm à nobis: quis finis eórum, qui non credunt Dei Evangélio? Et si justus vix salvábitur, impius & peccátor ubi parébunt? Itaque & hi, qui patiúntur secúndum voluntátem Dei, fidéli Creatóri comméndent ánimas suas in benefáctis.

Grad. Ps. 8. Glóriâ & honóre coronásti eum. *V.* Et constituísti eum super ópera mánuum tuárum, Dómine. Allelúia, allelúia. *V.* Hic est sacerdos, quem coronávit Dóminus. Allelúia.

Sequéntia sancti Evangélii secúndum Lucam. 14. f.

In illo témpore: Dixit Jesus turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc

autem & ánimam suam, non potest meus esse discípulus. Et qui non bájulat crucem suam, & venit post me, non potest meus esse discípulus. Quis enim ex vobis volens turrim ædificáre, non prius sedens computat sumptus, qui neccessárii sunt, si hábeat ad perficiéndum; ne posteaquam posúerit fundaméntum, & non potúerit perficere, omnes qui vident, incípiant illúdere ei, dicéntes: Quia hic homo coepit ædificáre, & non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem míllibus occúrrere ei, qui cum vigínti míllibus venit ad se? alióquin adhuc illo longè agente, legatiónem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ pössidet, non potest meus esse discípulus.

Offert. Ps. 88. Inveni David fervum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

MUnera tibi, Dómine, dicáta sanctífica, & intercedénte beáto Martino Mártire tuo atque Pontífice, per éadem nos placátus inténde. Per Dñm.

Communio. Ps. 20. Posuísti, Dómine, in cápite ejus corónam de lapide pretióso.

Postcommunio.

HÆc nos communio, Dómine, purget à crimine: & intercedénte beáto Martino Mártire tuo atque Pontífice, coeléstis remédii fáciat esse consórtes. Per Dóminum nostrum Jesum Christum Fílium tuum: Qui.

DIE XIII. NOVEMBRIS.
IN FESTO S. DIDACI Confessoris.

Missa, Justus ut palma. de Communi Confessoris non Pontificis, fol. xxiv. præter Orationem sequentem.

Oratio.

OMnipotens sempiternus Deus, qui dispositione mirabili infirma mundi eligis, ut fortia quæque confundas: concede propitius humilitati nostræ; ut piis beati Didaci Confessoris tui precibus, ad perennem in coelis gloriam sublimari mereamur. Per Dñm.

DIE XV. NOVEMBRIS.
IN FESTO S. GERTRUDIS Virginis.

Missa, Dilexisti justitiam. ut in Communi pro Virgine tantum, fol. xxx. excepta Oratione propria sequenti.

Oratio.

DEus, qui in corde beatæ Gertrudis Virginis, jucundam tibi mansionem præparasti: ipsius meritis & intercessione, cordis nostri maculas clementer absterge; & ejusdem tribue gaudere consortio. Per Dñm.

DIE XVII. NOVEMBRIS.
IN FESTO S. GREGORII Thaumaturgi Episcopi & Confessoris.

Introitus. Eccl. 45.

Statuisti ei Dominus testamentum pacis, & principem fecisti eum: ut sit illi sacerdotii dignitas in æternum. *Pf. 131.* Meménto, Domine, David: & omnis mansuetudinis ejus. *V. Gloria Patri.*

Orémus.

Oratio.

DA, quæsumus, omnipotens Deus: ut beati Gregorii Confessoris tui

atque Pontificis veneranda sollemnitas, & devotionem nobis augeat & salutem. Per Dñm.

Lectio libri Sapientiae. Eccl. 44.

ECce sacerdos magnus, qui in diebus suis placuit Deo, & inventus est justus: & in tempore iracundiæ factus est reconciliatio. Non est inventus similis illi, qui conservavit legem Excelsi. Ideò jurejurando fecit illum Dominus crescere in plebem suam. Benedictionem omnium gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam: & invenit gratiam coram oculis Domini. Magnificavit eum in conspectu regum: & dedit illi coronam gloriæ. Statuit illi testamentum æternum: & dedit illi sacerdotium magnum: & beatificavit illum in gloria. Fungi sacerdotio, & habere laudem in nomine ipsius: & offerre illi incensum dignum, in odorem suavitatis.

Grad. Eccl. 44. Ecce sacerdos magnus, qui in diebus suis placuit Deo.

V. Non est inventus similis illi, qui conservaret legem Excelsi. *Allelúia, allelúia. V. Pf. 109.* Tu es sacerdos in æternum secundum ordinem Melchisedech. *Allelúia.*

Sequentia sancti Evangelii secundum Marcum. II. c.

IN illo tempore: Respondens Jesus discipulis suis, ait illis: Habete fidem Dei. Amen dico vobis, quia quicumque dixerit huic monti: Tolle, & mittere in mare: & non hesitaverit in corde suo, sed crediderit, quia quodcumque dixerit, fiat, fiet ei. Propterea dico vobis: omnia

quaecúmque orántes pétitis, créдите quia accipiétis, & evénient vobis.

Offert. Ps. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

Sancti tui, quæsumus, Dómine, nos ubique lætíficent: ut dum eórum mérita recólimus, patrocínia sentiámus. Per Dñm.

Communio. Luc. 12. Fidélis servus & prudens, quem constituit dóminus super familiam suam: ut det illis in tempore trítici mensúram.

Postcommunio.

Præsta, quæsumus, omnipotens Deus: ut de percéptis munéribus grátias exhibéntes, intercedénte beáto Gregório Confessóre tuo atque Pontífice, beneficia potióra sumámus. Per Dñm.

DIE XVIII. NOVEMBRIS.

IN DEDICATIONE BASILICÆ
SS. APOSTOLORUM PETRI
& PAULI.

Missa, Terribilis est locus iste. de Communi Dedicat. Ecclesiæ, fol. xxxvi. Et dicitur Credo.

DIE XIX. NOVEMBRIS.

IN FESTO S. ELISABETH
Reginæ Hungariæ, Viduæ.

Missa, Cognovi. de Communi nec Virginum nec Martyrum, fol. xxxv. præter Orationem primam sequentem.

Oratio.

Tuórum corda fidélium, Deus miserátor, illústra: & beátæ Elísabeth précibus gloriósis, fac nos

próspera mundi despícere, & coelésti semper consolatione gaudere. Per Dóminum nostrum.

Pro commemoratione S. Pontiani Papæ & Martyris.

Oratio.

Infirmitátem nostram réspice, omnipotens Deus: & quia pondus propriæ actiónis gravat, beáti Pontiani Mártiris tui atque Pontíficis intercessio gloriósa nos próteget. Per Dóminum nostrum.

Secreta.

Hostias tibi, Dómine, beáti Pontiani Mártiris tui atque Pontíficis dicátas méritis, benígnus assúme: & ad perpétuum nobis tríbue proveníre subsidium. Per Dñm.

Postcommunio.

Refécti participatióne múnieris sacri, quæsumus, Dómine Deus noster: ut, cujus exéquimur cultum, intercedénte beáto Pontiano Mártire tuo atque Pontífice, sentiámus effectum. Per Dñm.

DIE XX. NOVEMBRIS.

IN FESTO S. FELICIS de Valois
Confessoris.

Missa, Justus ut palma. ut in Communi Confessoris non Pontificis, fol. xxiv. præter Orationem sequentem.

Oratio.

Deus, qui beátum Felícem Confessórem tuum ex erémo ad munus rediméndi captívos coelítus vocáre dignátus es: præsta, quæsumus, ut per grátiam tuam ex peccatórum nostrórum captivitáte, ejus intercessióne liberáti, ad coeléstem pátriam perducámur. Per Dóminum nostrum.

DIE XXI. NOVEMBRIS.
IN FESTO PRÆSENTATIONIS
BEATÆ MARIÆ VIRGINIS.

Introitus. Sedulius.

Salve, sancta parens, enixa puér-
pera Regem: qui cœlum terram-
que regit in sæcula sæculorum.

Pf. 44. Eructavit cor meum ver-
bum bonum: dico ego ópera mea
Regi. *Y.* Glória Patri.

Orémus.

Oratio.

Deus, qui beatam Mariam semper
Virginem, Spíritus sancti habi-
táculum hodierna die in templo præ-
sentári voluisti: præsta, quæsumus;
ut ejus intercessióne in templo glóriæ
tuæ præsentári mereámur. Per Dñm.
... in unitate ejusdem Spíritus.

Lectio libri Sapiéntiæ. Eccl. 24. b.

AB initio, & ante sæcula creata
sum, & usque ad futurum sæ-
culum non desinam, & in habitati-
óne sancta coram ipso ministravi.
Et sic in Sion firmata sum, & in ci-
vitáte sanctificata similiter requievi,
& in Jerúsalem potestas mea. Et ra-
dicavi in pópulo honorificato, & in
parte Dei mei hereditas illius, & in
plenitudine sanctorum detentio mea.

Graduale. Benedicta & venerabilis
es, Virgo María: quæ sine tactu pu-
doris, inventa es mater Salvatoris.

Y. Virgo Dei genitrix, quem totus
non capit orbis, in tua se clausit ví-
cera factus homo. Allelúia, allelúia.

Y. Post partum Virgo inviolata
permansisti: Dei genitrix intercède
pro nobis. Allelúia.

Sequentia sancti Evangelii secundum

Lucam. 11.

In illo tempore: Loquente Jesu ad
turbas, extollens vocem quædam

múlier de turba dixit illi: Beátus
venter, qui te portavit, & úbera, quæ
suxisti. At ille dixit: Quinimò beáti
qui audiunt verbum Dei, & custodi-
unt illud. *Credo.*

Offert. Luc. 1. Ave, María, gratiá
plena: Dóminus tecum: benedicta
tu in mulieribus & benedictus fructus
ventris tui.

Secreta.

TUâ, Dómine, propitiatióne, & be-
atæ Mariæ semper Virginis in-
tercessióne, ad perpétuam atque præ-
sentem hæc oblátio nobis proficiat
prosperitatem & pacem. Per Dñm.

*Præfatio de beata Maria, Et te in
Præsentatione, fol. 212.*

Communio. Beata víscera Mariæ
Virginis, quæ portavérunt æterni Pa-
tris Fílium.

Postcommunio.

Sumptis, Dómine, salutis nostræ sub-
sidiis: da, quæsumus, beatæ Ma-
riæ semper Virginis patrocíniis nos
ubique prótegi, in cujus veneratióne
hæc tuæ obtúlimus majestati. Per
Dóminum nostrum.

DIE XXII. NOVEMBRIS.
IN FESTO S. CÆCILIAE Virginis
& Martyris.

Introitus. Ps. 118.

Loquebar de testimoniis tuis in
conspéctu regum, & non con-
fundébar: & meditábar in mandátis
tuis, quæ diléxi nimis. *Pf. ib.* Beáti
immaculáti in via: qui ámbulant in
lege Dómini. *Y.* Glória Patri.

Orémus.

Oratio.

Deus, qui nos annuâ beatæ Cæciliæ
Virginis & Mátyris tuæ solem-
nitáte lætíficas: da, ut quam vene-

ramur officio, étiam piæ conversati-
onis sequámur exémplo. Per Dñm.

Léctio libri Sapiéntiæ. *Ecccl. 51. b.*

Domine Deus meus, exaltásti super
terram habitatióem meam, &
pro morte defluénte deprecáta sum.
Invocávi Dóminum patrem Dómini
mei, ut non derelinquat me in die
tribulatióis meæ, & in témpore su-
perbórum sine adjutório. Laudábo
nomen tuum assíduè, & collaudábo
illud in confessiône, & exaudíta est
oratio mea. Et liberásti me de per-
ditiône, & eripuísti me de témpore
iníquo. Proptéreà confitébor, & lau-
dem dicam tibi, Dómine Deus nos-
ter.

Grad. Ps. 44. Audi, filia, & vide,
& inclína aurem tuam: quia con-
cupívit Rex spéciem tuam. *V.* Spécie
tuâ, & pulchritúdine tuâ, inténde,
prósperè procéde, & regna. Allelúia,
allelúia. *V. Matt. 25.* Quinque pru-
déntes vírgines accepérunt óleum in
vafis suis cum lampádibus: médiâ
autem nocte clamor factus est: Ecce
sponsus venit, exíte óbviàm Christo
Dómino. Allelúia.

Sequéntia sancti Evangelii secúndum
Matthæum. 25.

In illo témpore: Dixit Jesus discí-
pulis suis parábolam hanc: Símile
erit regnum cœlórum decem virgíni-
bus: quæ accipiéntes lámpades suas,
exiérunt óbviàm sponso & sponsæ.
Quinque autem ex eis erant fátuæ,
& quinque prudéntes: sed quinque
fátuæ, accéptis lampádibus, non sump-
serunt óleum secum: prudéntes verò
accepérunt óleum in vafis suis cum
lampádibus. Moram autem faciente
sponso, dormitavérunt omnes, & dor-

miérunt. Médiâ autem nocte clamor
factus est: Ecce sponsus venit, exíte
óbviàm ei. Tunc surrexérunt om-
nes vírgines illæ, & ornavérunt lám-
pades suas. Fátuæ autem sapiénti-
bus dixerunt: Date nobis de óleo
vestro: quia lámpades nostræ extin-
guúntur. Respondérunt prudéntes,
dicéntes: Ne fortè non sufficiat nobis
& vobis, ite pótiùs ad vendéntes, &
émite vobis. Dum autem irent émere,
venit sponsus: & quæ parátæ erant,
intravérunt cum eo ad núptias, &
clausa est jánuar. Novíssimè verò vé-
niunt & réliquæ vírgines, dicéntes:
Dómine, Dómine, áperi nobis. At
ille respóndens, ait: Amen dico vo-
bis, nescio vos. Vigiláte itaque, quia
nescitis diem, neque horam.

Offert. Ps. 44. Afferéntur Regi vír-
gines post eam: próximæ ejus affe-
réntur tibi in lætítia & exultatiône:
adducéntur in templum Regi Dó-
mino.

Secreta.

Hæc hóstia, Dómine, placatióis &
laudis, quæsumus, ut interce-
dente beátâ Cæciliâ Vírgine & Már-
tyre tuâ, nos propitiatiône tuâ dignos
semper efficiat. Per Dóminum nos-
trum.

Communio. Ps. 118. Confundántur
supérbi: quia injústè iniquitatem fe-
cerunt in me: ego autem in mandá-
tis tuis exercébor, in tuis justificati-
onibus, ut non confundar.

Postcommunio.

Satiásti, Dómine, famíliam tuam
munéribus sacris: ejus, quæsumus,
semper interventióne nos ré-
fove, cujus solémnia celebrámus. Per
Dóminum nostrum.

DIE XXIII. NOVEMBRIS.

IN FESTO S. CLEMENTIS Papæ
& Martyris.*Introitus. Ps. 56. & 57.***D**icit Dóminus: Sermónes mei, quos dedi in os tuum, non deficient de ore tuo: & múnera tua accépta erunt super altáre meum.*Ps. 111.* Beátus vir, qui timet Dóminum: in mandátis ejus cupit nimis. *V.* Glória Patri.*Orémus.**Oratio.***D**Eus, qui nos ánnuâ beáti Clementis Mártyris tui atque Pontíficis solemnitáte lætíficas: concéde propítius; ut cujus natalítia cólimus, virtútem quoque passíonis imitémur. Per Dñm.*Pro commemoratione sanctæ Felicitatis, Martyris. Oratio.***P**Ræsta, quæsumus, omnípotens Deus: ut beátæ Felicitátis Mártyris tuæ solémnia recenséntes, méritis ipsíus protegámur, & précibus.*Tertia Oratio, A cunctis. fol. lxxiv.*

Léctio Epístolæ beáti Pauli Apóstoli ad Philippénfes. 3. & 4.

FRatres, Imitatóres mei estóte, & observáte eos, qui ita ámbulant, sicut habétis formam nostram. Multi enim ámbulant, quos sæpè dicébam vobis (nunc autem & flens dico) inimícos crucis Christi, quorum finis intéritus; quorum Deus venter est: & glória in confusióne ipsórum, qui terréna sapiunt. Nostra autem conversátio in coelis est: unde étiam Salvatórem expectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ, se-

cúndum operatióem, quâ étiam pos-sit subjícere sibi ómnia. Itaque, fratres mei charíssimi, & desideratíssimi, gáudium meum & coróna mea: sic státe in Dómino charíssimi. Evó-diam rogo, & Syntychen déprecor, idípsum sápere in Dómino. Etiam rogo & te, germáne compar, ádjuva illas, quæ mecum laboravérunt in Evangélio cum Clemente, & cæteris adjutóribus meis, quorum nómina sunt in libro vitæ.

Grad. Ps. 109. Jurávit Dóminus, & non poenitébit eum: Tu es sacerdos in ætérnum secúndum órđinem Melchisedech. *V.* Dixit Dóminus Dómino meo: Sede à dextris meis. Allelúia, allelúia.*V.* Hic est sacerdos quem coronávit Dóminus. Allelúia.

Sequéntia sancti Evangélii secúndum Matthæum. 24. d.

IN illo témpore: Dixit Jesus discípulis suis: Vigiláte, quia nescítis quâ horâ dóminus vester ventúrus sit. Illud autem scitóte, quóniam si sciret paterfamílias quâ horâ fur ventúrus esset, vigiláret útique, & non sínereť páfodi domum suam. Ideò & vos estóte paráti, quia quâ nescítis horâ Fílius hóminis ventúrus est. Quis, putas, est fidélis servus, & prudens, quem constituit dóminus suus super famíliam suam, ut det illis cibum in témpore? Beátus ille servus, quem cùm vénerit dóminus ejus, invénerit sic faciéntem. Amen dico vobis, quóniam super ómnia bona sua constituet eum.*Offert. Ps. 88.* Veritas mea, & misericórdia mea cum ipso: & in nómine meo exaltábitur cornu ejus.

Secreta.

MUnera tibi, Dómine, dicata sanctifica: & intercedente beáto Cleménte Mártire tuo atque Pontífice, per hæc nos à peccatorum nostrorum máculis emúnda. Per Dñm.

Pro S. Felicitate. Secreta.

VOta pópuli tui, Dómine, propitiátus inténde: & cujus nos tribuis solémnia celebrare, fac gaudere suffrágiis.

Communio. Matt. 24. Beátus servus, quem, cùm vénerit dóminus, invenerit vigilántem: amen dico vobis, super ómnia bona sua constituet eum.

Postcommunio.

Corporis sacri, & pretiósí fánguinis repléti libámine, quæsumus, Dómine Deus noster: ut, quod piá devotióne gérimus, intercedente beáto Cleménte Mártire tuo atque Pontífice, certá redemptione capiámus. Per Dóminum nostrum.

Pro S. Felicitate. Postcommunio.

Supplices te rogámus, omnipotens Deus: ut intercedéntibus Sanctis tuis, & tua in nobis dona múltiples, & témpora nostra dispónas.

DIE XXIV. NOVEMBRIS.

IN FESTO S. JOANNIS à Cruce Confessoris.

Missa, Os justí. de Communi Confessoris non Pontificis, fol. xxij. præter Orationem sequentem.

Oratio.

DEus, qui sanctum Joánnem Confessórem tuum, perfectæ sui abnegationis & crucis amatórem eximium effecisti: concéde, ut ejus imitationi júgiter inhærentes, glóriam assequámur ætérnam. Per Dñm.

Deinde fit commemoratio sancti Chrysogoni Martyris. Oratio.

ADesto, Dómine, supplicationibus nostris: ut qui ex iniquitate nostra reos nos esse cognóscimus, beáti Chrysógoni Mártiris tui intercessiône liberémur. Per Dñm.

Secreta.

Oblátis, quæsumus, Dómine, placare munéribus: & intercedente beáto Chrysógono Mártire tuo, à cunctis nos defénde perículis. Per.

Postcommunio.

Tui, Dómine, perceptiône sacraménti, & à nostris mundémur occúltis, & ab hóstium liberémur insidiis. Per Dóminum nostrum.

DIE XXV. NOVEMBRIS.

IN FESTO S. CATHARINÆ Virginis & Martyris.

Introitus. Ps. 118.

LOquébar de testimoniis tuis in conspéctu regum, & non confundébar: & meditábar in mandátis tuis, quæ diléxi nimis. *Ps. ib.* Beáti immaculáti in via: qui ámbulant in lege Dómini. *V. Glória Patri.*

*Orémus.**Oratio.*

DEus, qui dedísti legem Móysi in summitáte montis Sinaï, & in eódem loco per sanctos Angelos tuos corpus beátæ Catharínæ Virginis & Mártiris tuæ mirabíliter collocásti: præsta, quæsumus, ut ejus méritis & intercessiône, ad montem, qui Christus est, pervenire valeámus. Qui tecum.

Lectio libri Sapientiae. Eccl. 51.

Confitébor tibi, Dómine rex, & collaudábo te Deum Salvatórem meum, Confitébor nómini tuo: quóniam adjutor & protéctor factus es

mihi, & liberasti corpus meum à perditione, à láqueo linguæ iniquæ, & à lábiis operantium mendacium, & in conspectu astantium factus es mihi adjutor. Et liberasti me secundum multitudinem misericordiæ nominis tui à rugientibus, præparatis ad escam, de manibus quærentium animam meam, & de portis tribulationum quæ circumdederunt me: à pressúra flammæ quæ circumdedit me, & in medio ignis non sum æstuata: de altitudine ventris inferi, & à lingua coinquinata, & à verbo mendacii, à rege iniquo, & à lingua injusta: laudabit usque ad mortem anima mea Dóminum, quoniam eruis sustinentes te, & liberas eos de manibus Géntium, Dómine Deus noster.

Grad. Ps. 44. Dilexisti justitiam, & odisti iniquitatem. *V.* Propterea unxit te Deus, Deus tuus, óleo lætitiæ. Allelúia, allelúia. *V.* Adducéntur Regi vírgines post eam: proximæ ejus afferéntur tibi in lætítia. Allelúia. Sequéntia sancti Evangelii secundum Matthæum. 25.

IN illo témpore: Dixit Jesús discipulis suis parabolam hanc: Símile erit regnum cælorum decem virgíibus: quæ accipientes lámpades suas, exierunt obviam sponso & sponsæ. Quinque autem ex eis erant fatuæ, & quinque prudentes: sed quinque fatuæ, acceptis lampadibus, non sumpserunt óleum secum: prudentes verò acceperunt óleum in vasis suis cum lampadibus. Moram autem faciente sponso, dormitaverunt omnes & dormierunt. Mediâ autem nocte clamor factus est: Ecce sponus venit, exite obviam ei. Tunc surrexerunt omnes

vírgines illæ, & ornavérunt lámpades suas: Fatuæ autem sapientibus dixerunt: Date nobis de óleo vestro: quia lámpades nostræ extinguúntur. Respondérunt prudentes, dicentes: Ne fortè non sufficiat nobis & vobis, ite potiùs ad vendentes, & émite vobis. Dum autem irent émere, venit sponus: & quæ paratæ erant, intravérunt cum eo ad núptias, & clausa est jánuar. Novíssimè verò veniunt & reliquæ vírgines, dicentes: Dómine, Dómine, áperi nobis. At ille respondens, ait: Amen dico vobis, nescio vos. Vigiláte itaque, quia nescitis diem, neque horam.

Offert. Ps. 44. Afferéntur Regi vírgines post eam: proximæ ejus afferéntur tibi in lætítia & exultatione: adducéntur in templum Regi Dómino.

Secreta.

Suscipe, Dómine, múnera, quæ in beátæ Catharínæ Vírginis & Mátyris tuæ solemnitáte deferimus: cujus nos confidimus patrocínio liberári. Per.


Commun. Ps. 118. Confundántur superbi, quia injustè iniquitatem fecerunt in me: ego autem in mandatis tuis exercébor, in tuis justificatióibus, ut non confundar.

Postcommunio.

Auxiliéntur nobis, Dómine, sumpta mystéria: & intercedente beátâ Catharínâ Vírgine & Mátyre tuâ, sempiternâ fácient protectiône gaudere. Per Dñm.

DIE XXVI. NOVEMBRIS.
SANCTI PETRI Alexandrini
Episcopi & Martyris.

Missa, Státuit ei Dóminus. de Comuni unius Martyris Pontificis, fol. ii.



✠

C O M M U N E
S A N C T O R U M.

IN VIGILIA UNIUS APOSTOLI.

Introitus. Ps. 51.

EGO autem, sicut olíva fructífera in domo Dómini, sperávi in misericórdia Dei mei: & expectábo nomen tuum, quóniam bonum est ante conspéctum sanctorum tuorum.

Ps. ib. Quid gloriáris in malítia: qui potens es in iniquitáte?

V. Glória Patri.

Orémus.

Oratio.

DA, quæsumus, omnipotens Deus: ut beáti N. Apóstoli tui, quam prævenimus, veneránda solémnitas, & devotiónem nobis áugeat & salútem. Per Dóminum.

Léctio libri Sapiéntiæ. *Ecccl. 44. & 45.*

Benedíctio Dómini super caput iusti.

Ideò dedit illi Dóminus hereditátem, & divísit illi partem in tribubus duódecim: & invénit grátiam in conspéctu omnis carnis. Et magnificávit eum in timóre inimicórum, & in verbis suis monstra placávit. Glorificávit illum in conspéctu regum, & iussit illi coram pópulo suo, & osténdit illi glóriam suam. In fide & lenitáte ipsius sanctum fecit illum, & elégit eum ex omni carne. Et dedit illi coram præcepta, & legem vitæ & disciplínæ: & exeélsum fecit illum. Státuit ei testaméntum ætérnum, & circumcínxit

eum zonâ justítiæ: & induit eum Dóminus corónam glóriæ.

Grad. Ps. 91. Justus ut palma florébit: sicut cedrus Líbani multiplicábitur in domo Dómini. *V.* Ad annuntiándum manè misericórdiam tuam, & veritátem tuam per noctem.

Sequéntia sancti Evangélii secúndum Joánnem. 15.

IN illo témpore: Dixit Jesus discipulis suis: Hoc est præcéptum meum, ut diligátis invicem, sicut diléxi vos. Majórem hac dilectiónem nemo habet, ut ánimam suam ponat quis pro amicis suis. Vos amici mei estis, si fecéritis quæ ego præcípio vobis. Jam non dicam vos servos: quia servus nescit quid fáciat dóminus ejus. Vos autem dixi amícos; quia omniâ quæcúmque audívi à Patre meo, nota feci vobis. Non vos me elegístis: sed ego elégi vos, & pópui vos, ut eátis, & fructum afferátis, & fructus vester máneat: ut quodcúmque petiéritis Patrem in nómine meo, det vobis.

Offert. Ps. 8. Glóriâ & honóre coronásti eum: & constituísti eum super ópera mánuum tuárum, Dómine.

Secreta.

APostólici reveréntia cúlminis offeréntes tibi sacra mystéria, Dómine, quæsumus: ut beáti N. Apóstoli tui suffrágiis, cujus natalítia prævenimus,

plebs tua semper & sua vota deprómat, & desideráta percípiat. Per Dóminum.

Communio. Ps. 20. Magna est glória ejus in salutári tuo : glóriam & magnum decórem impónes super eum, Dñe.

Postcommunio.

Sancti Apóstoli tui N. quæsumus, Dómine, supplicatióne placátus : & véniam nobis tribue, & remédia sempitérna concéde. Per Dóminum.

¶ *In Festis Apostolorum, & Evangelistarum, omnia ut suis locis in Proprio Sanctorum.*

COMMUNE UNIUS MART. PONTIFICIS.

Introitus. Eccli. 45.

Státuit ei Dóminus testaméntum pacis, & príncipem fecit eum : ut sit illi sacerdotii dígnitas in ætérnum.

Ps. 131. Meménto, Dómine, David : & omnis mansuetúdinis ejus.

V. Glória Patri.

Orémus.

Oratio.

Infirmitátem nostram réspice omnipotens Deus : & quia pondus propriæ actiόνis gravat, beáti N. Mártiris tui atque Pontíficis intercésio gloriósa nos prótegat. Per Dóminum. Lécitio Epístolæ beáti Jacóbi Apóstoli.

I.

Charíssimi, Beátus vir, qui suffert tentatióne : quóniam cùm probátus fúerit, accípiet corónam vitæ, quam repromísit Deus diligentibus se. Nemo cùm tentátur, dicat quóniam à Deo tentátur : Deus enim intentátor malórum est : ipse autem néminem tentat. Unusquisque verò tentátur à concupiscéntia sua abstráctus, & illéctus. Deínde concupiscéntia cùm concé-

perit, parit peccátum : peccátum verò cùm consummátum fúerit, generat mortem. Nolíte itaque erráre, fratres mei dilectíssimi. Omne datum óptimum, & omne donum perféctum, defúrsus est, descéndens à Patre lúminum : apud quem non est transmutátió, nec vicissitúdinis obumbrátió. Voluntáriè enim genuit nos verbo veritátis, ut simus inítium áliquod creatúræ ejus.

Grad. Ps. 88. Inveni David servum meum, óleo sancto meo unxi eum : manus enim mea auxiliábitur ei, & bráchium meum confortábit eum.

V. Nihil proficiet inimícus in eo, & filius iniquitátis non nocébit ei. Allelúia, allelúia. V. Ps. 109. Tu es facérdos in ætérnum, secúndum órđinem Melchisedech. Allelúia.

Post Septuagesimam, omíssis Allelúia, et Versu sequenti, dicitur :

Tract. Ps. 20. Desidérium animæ ejus tribuísti ei : & voluntáte labiórū ejus non fraudásti eum. *V. Quóniam præveniísti eum in benedictiόνibus dulcédinis. V. Posuísti in cápite ejus corónam de lápide pretióso.*

Sequéntia sancti Evangélíi secúndum Lucam. 14.

In illo témpore : Dixit Jesus turbis : Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & animam suam, non potest meus esse discípulus. Et qui non bájulat crucem suam, & venit post me, non potest meus esse discípulus. Quis enim ex vobis volens turrim ædificáre, non prius sedens cóputat sumptus, qui necessarij sunt, si hábeat ad perficiéndum ; ne, posteaquám posúerit

fundamentum, & non potuerit perficere, omnes qui vident, incipiant illudere ei, dicentes: Quia hic homo coepit ædificare, & non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus, occurrere ei, qui cum viginti millibus venit ad se? alioquin, adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renuntiat omnibus quæ possidet, non potest meus esse discipulus.

Offert. Ps. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Hostias tibi, Domine, beati N. Martyris tui atque Pontificis dicatas meritis, benignus assume: & ad perpetuum nobis tribue provenire subsidium. Per Dominum.

Commun. Ps. 88. Semel juravi in sancto meo: semen ejus in æternum manebit: & sedes ejus sicut sol in conspectu meo, & sicut luna perfecta in æternum: & testis in cælo fidelis.

Postcommunio.

Refecti participatione muneris sacri, quæsumus, Domine Deus noster: ut cujus exequimur cultum, intercedente beato N. Martyre tuo atque Pontifice, sentiamus effectum. Per.

ALIA MISSA, DE EODEM COMMUNI.

Introitus. Dan. 3.

Sacerdotes Dei, benedicite Dominum: sancti & humiles corde, laudate Deum. *Ps. ib.* Benedicite omnia

opera Domini Domino: laudate & superexaltate eum in sæcula.

V. Gloria Patri.

Orémus.

Oratio.

Deus, qui nos beati N. Martyris tui atque Pontificis annuâ solennitate lætificas: concede propitius; ut, cujus natalitia colimus, de ejusdem etiam protectione gaudeamus. Per. Lectio Epistolæ beati Pauli Apostoli ad Corinthios. II. 1.

Fratres, Benedictus Deus & Pater Domini nostri Jesu Christi, Pater misericordiarum, & Deus totius consolationis, qui consolatur nos in omni tribulatione nostra: ut possimus & ipsi consolari eos, qui in omni pressura sunt, per exhortationem, quâ exhortamur & ipsi à Deo. Quoniam sicut abundant passionēs Christi in nobis: ita & per Christum abundat consolatio nostra. Sive autem tribulamur pro vestra exhortatione & salute, sive consolamur pro vestra consolatione, sive exhortamur pro vestra exhortatione & salute, quæ operatur tolerantiam eorundem passionum, quas & nos patimur: ut spes nostra firma sit pro vobis: scientes, quod, sicut socii passionum estis, sic eritis & consolationis: in Christo Jesu Domino nostro.

Grad. Ps. 8. Gloriâ & honore coronasti eum. *V.* Et constituisti eum super opera manuum tuarum, Domine. Allelúia, allelúia. *V.* Hic est sacerdos, quem coronavit Dominus. Allelúia.

Post Septuagesimam, omissis Allelúia, et versu sequenti, dicitur:

Tract. Ps. III. Beatus vir, qui timet Dominum: in mandatis ejus cupit nimis.

V. Potens in terra erit semen ejus: generatio rectórum benedicétur.

V. Glória & divítiæ in domo ejus: & justítia ejus manet in sæculum sæculi.

Sequéntia sancti Evangélíi secúndum Matthæum. 16.

IN illo témpore: Dixit Jesus discípu-
lis suis: Si quis vult post me veníre,
ábneget semetípsum, & tollat crucem
suam, & sequátur me. Qui enim vo-
lúerit ánimam suam salvam fácere,
perdet eam. Qui autem perdíderit
ánimam suam propter me, invéniet
eam. Quid enim prodest hómini,
si mundum univérsum lucrétur, áni-
mæ verò suæ detriméntum patiá-
tur? Aut quam dabit homo commu-
tationem pro ánima sua? Fílius enim
hóminis ventúrus est in glória. Patris
sui cum Angélis suis: & tunc reddet
unicuíque secúndum ópera ejus.

Offert. Ps. 88. Invéni David servum
meum, óleo sancto meo unxi eum:
manus enim mea auxiliábitur ei, &
bráchium meum confortábit eum.

Secreta.

MUnera tibi, Dómine, dicáta sanc-
tífica: & intercedénte beáto N.
Mártire tuo atque Pontífice, per
éadem nos placátus inténde. Per Dó-
minum nostrum.

Comm. Ps. 20. Posuísti, Dómine, in
cápite ejus corónam de lápide pretióso.

Postcommunio.

HÆc nos commúnio, Dómine, pur-
get à crimine: & intercedénte
beáto N. Mártire tuo atque Pontífice,
coeléstis remédii fáciat esse consórtes.
Per Dóminum.

¶ *Epistolæ & Evangelia pro Ponti-
fice & Mártire assignata, legi possunt
etiam pro Mártire non Pontifice: & quæ
infra de Mártire non Pontifice habentur,
etiam pro Mártire Pontifice. Et simili-
ter quæ in una Missa de eodem Communi
ponuntur, dici possunt in aliis Missis de
eodem Communi.*

COMM. UNIUS MARTYRIS NON PONTIFICIS.

Introitus. Psal. 20.

IN virtúte tua, Dómine, lætábitur
justus: & super salutáre tuum ex-
ultábit veheménter: desidérium áni-
mæ ejus tribuísti ei. *Ps. ib.* Quóniam
prævenísti eum in benedictionibus
dulcédinis: posuísti in cápite ejus co-
rónam de lápide pretióso.

V. Glória Patri.

Orémus.

Oratio.

PRæsta, quæsumus, omnípotens
Deus: ut qui beáti N. Mártiris
tui natalítia cólimus, intercessióne
ejus in tui nóminis amóre roborémur.
Per Dóminum.

Léctio libri Sapiéntiæ. 10. b.

Justum dedúxit Dóminus per vias
rectas, & osténdit illi regnum Dei,
& dedit illi sciéntiam sanctórum: ho-
nestávit illum in labóribus, & complé-
vit labóres illíus. In fraude circum-
veniéntium illum áffuit illi, & honés-
tum fecit illum. Custodívit illum ab
inimícis, & à seductóribus tutávit
illum, & certámen forte dedit illi ut
vinceret, & sciret quóniam ómnium
poténtior est sapiéntia. Hæc vëndi-
tum justum non derelíquit, sed à pec-
catoribus liberávit eum: descendítque
cum illo in fóveam, & in vínculis non

dereliquit illum, donec afferreret illi sceptrum regni, & potentiam adversus eos, qui eum deprimebant: & mendaces ostendit, qui maculaverunt illum, & dedit illi claritatem æternam, Dominus Deus noster.

Grad. Ps. 111. Beatus vir, qui timet Dominum: in mandatis ejus cupit nimis. *V.* Potens in terra erit semen ejus: generatio rectorum benedicetur. *Allel. allel. V. Ps. 20.* Posuisti, Domine, super caput ejus coronam de lapide pretioso. *Allelúia.*

Post Septuagesimam, omiſſis Allelúia, et Versu ſequenti, dicitur:

Tract. Ps. 20. Desiderium animæ ejus tribuisti ei, & voluntate labiorum ejus non fraudasti eum. *V.* Quoniam prævenisti eum in benedictionibus dulcedinis. *V.* Posuisti in capite ejus coronam de lapide pretioso.

Sequencia sancti Evangelii secundum Matthæum. 10.

IN illo tempore: Dixit Jesus discipulis suis: Nolite arbitrari quia pacem venerim mittere in terram: non veni pacem mittere, sed gladium. Veni enim separare hominem adversus patrem suum, & filiam adversus matrem suam, & nurum adversus socrum suam: & inimici hominis, domestici ejus. Qui amat patrem aut matrem plus quam me, non est me dignus. Et qui amat filium aut filiam super me, non est me dignus. Et qui non accipit crucem suam, & sequitur me, non est me dignus. Qui invenit animam suam, perdet illam: & qui perdiderit animam suam propter me, inveniet eam. Qui recipit vos, me recipit: & qui me recipit, recipit eum qui me misit.

Qui recipit Prophetam in nomine Prophetæ, mercedem Prophetæ accipiet: & qui recipit justum in nomine justī, mercedem justī accipiet. Et quicumque potum dederit uni ex minimis istis calicem aquæ frigidæ tantum in nomine discipuli: amen dico vobis, non perdet mercedem suam.

Offert. Ps. 8. Gloriā & honore coronasti eum: & constituisti eum super opera manuum tuarum, Domine.

Secreta.

MUnéribus nostris, quæsumus, Domine, precibusque susceptis: & cœlestibus nos munda mysteriis, & clementer exaudi. Per Dominum.

Commun. Mat. 16. Qui vult venire post me, abneget semetipsum: & tollat crucem suam, & sequatur me.

Postcommunio.

DA, quæsumus, Domine Deus noster: ut, sicut tuorum commemoratione Sanctorum, temporali gratulamur officio: ita perpetuo lætemur aspectu. Per Dominum.

ALIA MISSA, DE EODEM COMMUNI.

Introitus. Ps. 63.

Lætabitur justus in Domino, & sperabit in eo: & laudabuntur omnes recti corde. *Ps. ib.* Exaudi, Deus, orationem meam cum deprecor: à timore inimici eripe animam meam.

V. Gloria Patri.

Orémus.

Oratio.

PRæsta, quæsumus, omnipotens Deus: ut intercedente beato N. Martyre tuo, & à cunctis adversitatibus liberemur in corpore, & à pravis cogitationibus mundemur in mente. Per Dominum.

Lectio Epistolæ beati Pauli Apostoli
ad Timotheum. II. 2. b. 3. c.

Charissime, Memor esto Dominum
Jesum Christum resurrexisse à
mòrtuis ex semine David, secundum
Evangelium meum, in quo labòro us-
que ad vincula, quasi malè operans:
sed verbum Dei non est alligatum.
Ideò omnia sustinco propter electos,
ut & ipsi salutem consequantur, quæ
est in Christo Jesu, cum glòria coelèsti.
Tu autem affectus es meam doctri-
nam, institutionem, propòsitum, fi-
dem, longanimitatem, dilectionem,
patientiam, persecutiones, passio-
nes: quælia mihi facta sunt Antio-
chiæ, Iconii, & Lystris: quales perse-
cutiones sustinui, & ex omnibus eri-
puit me Dominus. Et omnes, qui
piè volunt vivere in Christo Jesu, per-
secutionem patientur.

Grad. Ps. 36. Justus cum ceciderit,
non collidetur: quia Dominus sup-
ponit manum suam. *V.* Totà die mi-
feretur, & commodat: & semen ejus
in benedictione erit. Allelúia, allelúia.
V. Joan. 8. Qui sequitur me, non am-
bulat in tenebris, sed habebit lumen
vitæ æternæ. Allelúia.

*Post Septuagesimam, omittis Allelúia,
et Versu sequenti, dicitur:*

Tract. Ps. 111. Beatus vir, qui timet
Dominum: in mandatis ejus cupit
nimis. *V.* Potens in terra erit semen
ejus: generatio rectòrum benedicetur.
V. Glòria & divitiæ in domo ejus: &
justitia ejus manet in sæculum sæculi.
Sequentia sancti Evangelii secundum
Matthæum. 10.

In illo tempore: Dixit Jesus discipu-
lis suis: Nihil est opertum, quod

non revelabitur: & occultum, quod
non sciatur. Quod dico vobis in tene-
bris, dicite in lumine: & quod in aure
auditis, prædicatè super tecta. Et
nolite timere cos, qui occidunt corpus,
animam autem non possunt occidere:
sed potiùs timeate eum, qui potest &
animam & corpus perdere in gehén-
nam. Nonne duo passerès asse vane-
unt, & unus ex illis non cadet super
terram sine Patre vestro? Vestri autem
capilli capitis omnes numerati sunt.
Nolite ergo timere: multis passeribus
meliòres estis vos. Omnis ergo, qui con-
fitebitur me coram hominibus, confi-
tebor & ego eum coram Patre meo,
qui in coelis est.

Offert. Ps. 20. Posuisti, Domine, in
capite ejus coronam de lapide pretioso:
vitam petiit à te, & tribuisti ei, allelúia.

Secreta.

Accepta sit in conspectu tuo, Dò-
mine, nostra devotio: & ejus
nobis fiat supplicatione salutáris, pro
cujus solemnitate defertur. Per Dò-
minum nostrum.

Commun. Joan. 12. Qui mihi minis-
trat, me sequatur: & ubi sum ego,
illic & minister meus erit.

Postcommunio.

Refecti participatione muneris sacri,
quæsumus, Domine Deus noster:
ut cujus exequimur cultum, interce-
dente beato N. Mártire tuo, sentiá-
mus effectum. Per Dominum.

*Item aliæ Epistolæ, et Evangelium,
in Communi unius Martyris.*

Lectio Epistolæ beati Jacobi Apostoli.

I.

Charissimi, Omne gáudium existi-
mate cum in tentationes várias

incidéritis : sciéntes quòd probátio fidei
vestræ patiéntiam operátur. Patiéntia
autem opus perféctum habet : ut sitis
perfécti & íntegri, in nullo deficientes.
Si quis autem vestrúm indiget sapiéntiâ,
póstulet à Deo, qui dat ómnibus af-
fluénter, & non impróperat : & dá-
bitur ei. Póstulet autem in fide nihil
hæsitans : qui enim hæsitat, similis
est flúctui maris, qui à vento mové-
tur, & circumfértur. Non ergo æsti-
met homo ille quòd accípiat áliquíd à
Dómino. Vir duplex ánimo, incón-
stans est in ómnibus viis suis. Glori-
étur autem frater húmilis in exaltati-
óne sua : dives autem in humilitáte
sua, quóniam sicut flos foeni transíbit :
exórtus est enim sol cum ardóre, & are-
fécit foenum, & flos ejus décidit, &
decor vultûs ejus depériit : ita & dives
in itinéribus suis marcéscet. Beátus
vir, qui suffert tentatiónem : quóniam
cúm probátus fúerit, accípiet corónam
vitæ, quam repromísit Deus diligénti-
bus se.

Léctio Epístolæ beáti Petri Apóstoli.

I. 4. c.

CHaríssimi, Communicántes Christi
passiónibus gaudéte, ut & in re-
velatióne glóriæ ejus gaudeátis exul-
tantes. Si exprobrámini in nómine
Christi, beáti éritis : quóniam quod
est honóris, glóriæ & virtútis Dei, &
qui est ejus Spíritus, super vos requiés-
cit. Nemo autem vestrúm patiátur ut
homicída, aut fur, aut malédicus, aut
alienórum appetítor. Si autem ut
Christiánus, non erubéscat, gloríficet
autem Deum in isto nómine. Quó-
niam tempus est, ut incípiat judícium
à domo Dei. Si autem primùm à no-

bis : quis finis eórum, qui non cre-
dunt Dei Evangélio ? Et si justus vix
salvábitur, impius, & peccátor ubi pa-
rébunt ? Itaque & hi qui patiúntur se-
cúndum voluntátem Dei, fidéli Crea-
tóri comméndent ánimas suas in be-
nefáctis.

Sequéntia sancti Evangélii secúndum
Joánnem. 12.

IN illo témpore : Dixit Jesus discí-
pulis suis : Amen, amen dico vobis,
nisi granum fruménti cadens in ter-
ram, mórtuum fúerit, ipsum solum
manet. Si autem mórtuum fúerit,
multum fructum affert. Qui amat
ánimam suam, perdet eam : & qui
odit ánimam suam in hoc mundo, in
vitam ætérnam custódit eam. Si quis
mihi minístrat, me sequátur : & ubi
sum ego, illic & miníster meus erit.
Si quis mihi ministráverit, honorificábit
eum Pater meus.

COMMUNE MART. TEMP. PASCH.
DE UNO MARTYRE.

Introitus. Psal. 63.

PRotexisti me, Deus, à convéntu
malignántium, allelúia : à mul-
títudine operántium iniquitátem, alle-
lúia, allelúia. Ps. ib. Exáudi, Deus,
oratióem meam cum deprecor : à
timóre inimíci éripe ánimam meam.

V. Glória Patri.

Pro Martyre et Pontifice.

Orémus.

Oratio.

Infirmitátem nostram réspice, om-
nípotens Deus : & quia pondus
própriæ actiúnis gravat, beáti N.
Mártiris tui atque Pontíficis intercéf-
sio gloriósa nos prótegat. Per Dñm.

Pro Martyre et Pontifice. Alia Oratio.

DEus, qui nos beāti N. Mártyris tui atque Pontíficis annuâ solemnitáte lætíficas: concéde propítius; ut cujus natalítia cólimus, de ejúsdem etiám protectióne gaudeámus. Per.

Pro Martyre tantum. Oratio.

PRæsta, quæsumus, omnipotens Deus: ut qui beāti N. Mártyris tui natalítia cólimus, intercessióne ejus in tui nóminis amore roborémur. Per.

Pro Martyre tantum. Alia Oratio.

PRæsta, quæsumus, omnipotens Deus: ut intercedente beáto N. Mártyre tuo, & à cunctis adversitatibus liberémur in corpore, & à pravis cogitationibus mundémur in mente. Per Dóminum.

Lectio libri Sapiéntiæ. 5.

STabant iusti in magna constantia, adversus eos qui se angustiaverunt, & qui abstulerunt labores eorum: Videntes turbabuntur timore horribili, & mirabuntur in subitacione insperatæ salutis, dicentes intra se, poenitentiam agentes, & præ angustia spiritus gementes: Hi sunt, quos habuimus aliquando in derisum, & in similitudinem improperii. Nos insensati vitam illorum aestimabamus insaniam, & finem illorum sine honore: ecce quomodo computati sunt inter filios Dei, & inter sanctos fors illorum est.

Vel Epistola beati Pauli Apostoli ad Timotheum. Memor esto: ut supra in Communi unius Martyris extra tempus Paschale, fol. vj.

Allelúia, allelúia. V. Ps. 88. Confitebuntur cœli mirabilia tua, Dómine: etenim veritatem tuam in Ecclesia

sanctorum. Allelúia. V. Ps. 20. Posuisti, Dómine, super caput ejus coronam de lapide pretioso. Allelúia. Sequentiâ sancti Evangelii secundum Joannem. 15.

IN illo tempore: Dixit Jesus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me: & ego in vobis. Sicut palmes non potest ferre fructum à semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, & arcescet, & colligent eum, & in ignem mittent, & ardet. Si manseritis in me, & verba mea in vobis manserint: quodcunque volueritis petetis, & fiet vobis.

Offert. Ps. 88. Confitebuntur cœli mirabilia tua, Dómine: & veritatem tuam in Ecclesia sanctorum, allelúia, allelúia.

Pro Martyre et Pontifice. Secreta.

Hostias tibi, Dómine, beāti N. Mártyris tui atque Pontíficis dicatas meritis, benignus assúme: & ad perpetuum nobis tribue provenire subsidium. Per Dóminum.

Pro Martyre et Pontifice. Alia Secreta.

Munera tibi, Dómine, dicata sanctifica: & intercedente beáto N. Mártyre tuo atque Pontífice, per eadem nos placatus inténde. Per.

Pro Martyre tantum. Secreta.

MUnéribus nostris, quæsumus, Dómine, precibúſque fuscéptis: & coeléstibus nos munda myſtériis, & cleméſter exáudi. Per Dóminum noſtrum.

Pro Martyre tantum. Alia Secreta.

ACcépta ſit in conſpéctu tuo, Dómine, noſtra devótio: & ejus nobis fiat ſupplicatióne ſalutáris, pro cujus ſolemnitáte defértur. Per Dñm.

Commun. Ps. 63. Lætábitur juſtus in Dómino, & ſperábit in eo: & laudabúntur omnes recti corde, allelúia, allelúia.

Pro Martyre & Pontifice. Poſtcommunio.

REſécti participatióne múnérís ſacri, quæſumus, Dómine Deus noſter: ut, cujus exéquimur cultum, intercedénte beáto N. Mártire tuo atque Pontífice, ſentiámus efféctum. Per Dóminum.

Pro Martyre & Pontifice.

Alia Poſtcommunio.

HÆc nos commúnio, Dómine, purget à crímīne: & intercedénte beáto N. Mártire tuo atque Pontífice, coeléstis remédii fáciat eſſe conſórtes. Per Dóminum.

Pro Martyre tantum. Poſtcommunio.

DA, quæſumus, Dómine Deus noſter: ut, ſicut tuórum commemoratióne Sanctórum, temporáli gratulámur officio; ita perpétuo lætémur aſpéctu. Per Dóminum.

Pro Martyre tantum. Alia Poſtcommunio.

REſécti participatióne múnérís ſacri, quæſumus, Dómine Deus noſter: ut, cujus exéquimur cultum, intercedénte beáto N. Mártire tuo, ſentiámus efféctum. Per Dóminum.

¶ *Epíſtola & Evangelium ſupradictæ*

Miſſæ dicuntur etiam in ſequenti Miſſa; & quæ in ſequenti habentur, dici poſſunt in ſuperiori.

DE PLURIB. MARTYRIBUS

TEMPORE PASCHALI.

Introitus. Psal. 144.

SAncti tui, Dómine, benedícant te. Glóriam regni tui dicent, allelúia, allelúia. *Ps. ib.* Exaltábo te, Deus meus rex: & benedícam nómini tuo in ſæculum, & in ſæculum ſæculi. *V.* Glória Patri.

Pro pluribus Martyribus Pontificibus.
Orémus. *Oratio.*

BEatórum Mártyrum, paritérque Pontíficum N. & N. nos quæſumus, Dómine, feſta tueántur: & eórum comméndet orátio veneránda. Per Dóminum.

Pro pluribus Martyribus tantum.
Oratio.

DEus, qui nos concédís ſanctórum Mártyrum tuórum N. & N. natalítia cólere: da nobis in ætéſna beatitúdine de eórum ſocietáte gaudére. Per Dóminum.

Pro pluribus Martyribus. Alia Oratio.

DEus, qui nos ánnuâ ſanctórum Mártyrum tuórum N. & N. ſolemnitáte lætíficas: concéde propítius: ut quórum gaudémus méritis accendámur exémplis. Per Dóminum.

Léctio Epíſtolæ beáti Petri Apóſtoli.
I. 1.

BENEDíctus Deus & Pater Dómini noſtri Jeſu Chriſti, qui ſecúndum miſericórdiam ſuam magnam regenéravit nos in ſpem vivam, per réſurrec-

tionem Jesu Christi ex mortuis, in hereditatem incorruptibilem, & incontaminatam, & immarcescibilem: conservatam in caelis in vobis, qui in virtute Dei custodimini per fidem in salutem, paratam revelari in tempore novissimo. In quo exultabitis, modicum nunc si oportet contristari in variis tentationibus: ut probatio vestrae fidei multo pretiosior auro (quod per ignem probatur) inveniatur in laudem, & gloriam, & honorem, in revelatione Jesu Christi Domini nostri.

Allelúia, allelúia. *V.* Sancti tui Domine florébunt sicut lílium, & sicut odor bálсами erunt ante te. Allel. *V. Ps. 115.* Pretiosa in conspectu Domini, mors sanctorum ejus. Allelúia.

Sequentia sancti Evangelii secundum Joannem. 15.

IN illo tempore: Dixit Jesus discipulis suis: Ego sum vitis, vos palmities: qui manet in me, & ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, & aréscet, & colligent eum, & in ignem mittent, & ardet. Si manseritis in me, & verba mea in vobis manserint: quodcúmque volueritis petétis, & fiet vobis. In hoc clarificatus est Pater meus, ut fructum plurimum afferátis, & efficiámini mei discipuli. Sicut diléxit me Pater, & ego diléxi vos. Manéte in dilectione mea. Si praecepta mea servaveritis, manébitis in dilectione mea, sicut & ego Patris mei praecepta servávi, & maneo in ejus dilectione. Hæc locutus sum vobis, ut gáudium meum in

vobis sit, & gáudium vestrum impleatur.

Offert. Ps. 31. Lætámini in Domino, & exultáte justí: & gloriámini omnes recti corde, allelúia, allelúia.

Pro pluribus Martyribus Pontificibus. Secreta.

ADesto, Domine, supplicationibus nostris, quas in Sanctorum tuorum commemoratione deferimus: ut qui nostrae justitiae fiduciam non habemus, eorum qui tibi placuerunt, meritis adjuvémur. Per Dominum.

Pro pluribus Martyribus tantum. Secreta.

MUnera tibi, Domine, nostrae devotionis offerimus: quæ & pro tuorum tibi grata sint honore justorum: & nobis salutaria, te miserante, reddántur. - Per Dominum.

Pro pluribus Martyribus. Alia Secreta.

Oblátis, quæsumus, Domine, placare munéribus: & intercedéntibus sanctis Martyribus tuis N. & N. à cunctis nos defénde periculis. Per Dominum.

Commun. Ps. 32. Gaudéte justí in Domino, allelúia: rectos decet collaudatio, allelúia.

Pro pluribus Martyribus Pontificibus. Postcommunio.

Quæsumus, Domine, salutaribus repléti mystériis: ut quorum solémnia celebrámus, eorum orationibus adjuvémur. Per Dominum.

Pro pluribus Martyribus tantum. Postcommunio.

Praesta nobis, quæsumus, Domine, intercedéntibus sanctis Martyribus tuis N. & N. ut quod ore contíngimus, purâ mente capiámus. Per Dominum.

Pro pluribus Martyribus.

Alia Postcommunio.

HÆc nos commúnio, Dómine, purget à crimine: & intercedéntibus sanctis Martyribus tuis N. & N. coeléstis remédii fáciat esse confórtes. Per Dóminum.

¶ *In Communi Martyrum tempore Paschali, alià Epístola & Evangelium.*

Léctio libri Apocalypsis beáti Joánnis Apóstoli. 19.

IN diébus illis: Post hæc ego Joánnes audivi quasi vocem turbárum multárum in coelo dicéntium: Allelúia: Salus, & glória, & virtus Deo nostro est: quia vera & iusta iudícia sunt ejus, qui iudicávit de meretríce magna, quæ corrúpit terram in prostitutióne sua, & vindicávit sánguinem servórum suórum de mánibus ejus. Et iterùm dixerunt: Allelúia. Et fumus ejus ascéndit in sæcula sæculórum. Et ceciderunt senióres vigintiquátuor, & quátuor animália, & adoravérunt Deum sedéntem super thronum, dicéntes: Amen: Allelúia. Et vox de throno exívit, dicens: Laudem dicite Deo nostro, omnes servi ejus: & qui timétis eum, pusílli & magni. Et audivi quasi vocem turbæ magnæ, & sicut vocem aquárum multárum, & sicut vocem tonitruórum magnórum, dicéntium: Allelúia: quóniam regnávít Dóminus Deus noster omnípotens. Gaudeámus, & exultémus, & demus glóriam ei: quia venérunt núptiæ Agni, & uxor ejus præparávit se. Et datum est illi, ut coopériat se byssino splendénti & cándido. Byssinum enim, justificatiónes sunt sanctórum. Et

dixit mihi: Scribe: Beáti, qui ad coenam nuptiárum Agni vocáti sunt.

Sequéntia sancti Evangelii secúndum Joánnem. 16. c.

IN illo témpore: Dixit Jesus discípulis suis: Amén, amen dico vobis: quia plorábitis, & flébitis vos, mundus autem gaudébit: vos verò contristabímmini, sed tristítia vestra vertétur in gáudium. Múlier cùm parit, tristítiam habet, quia venit hora ejus: cùm autem pepererit púerum, jam non méminit pressúræ propter gáudium, quia natus est homo in mundum. Et vos ígitur nunc quidem tristítiam habétis; íterùm autem vidébo vos, & gaudébit cor vestrum: & gáudium vestrum nemo tollet à vobis.

In Communi Confessorum, & Virginum, & in aliis Missis tempore Paschali, omnia dicuntur ut infra, addito in Introitu ante Psalmum duplici Allelúia, & in fine Offertorii & Communionis uno Allelúia, ubi non habetur: & omisso Graduali, dicuntur duo Versus cum quatuor Allelúia, ut suis locis ponitur.

COMMUNE PLURIM. MART.

EXTRA TEMPUS PASCHALE.

Introitus. Ps. 78.

INtret in conspéctu tuo, Dómine, gémitus compeditórum: redde vicinis nostris séptuplum in sinu eórum: vindica sánguinem sanctórum tuórum, qui effúsus est.

Ps. ib. Deus, venérunt Gentes in hereditátem tuam, polluérunt templum sanctum tuum: posuérunt Jerúsalem in pomórum custódiam.

V. Glória Patri.

Pro pluribus Martyribus Pontificibus.

-Orémus.

Oratio.

BEatorum Mártyrum, paritérque Pontíficum N. & N. nos, quæsumus, Dómine, festa tueántur: & eórum comméndet orátio veneránda. Per Dóminum.

Si non fuerint Pontifices, dicitur Oratio ut in sequenti Missa.

Lectio libri Sapiéntiæ. 3.

Iustórum ánimæ in manu Dei sunt, & non tanget illos torméntum mortis. Visi sunt óculis insipiéntium mori: & æstimáta est afflíctio éxitus illórum: & quod à nobis est iter, exterminium: illi autem sunt in pace. Et si coram homínibus torménta passi sunt, spes illórum immortalitáte plena est. In paucis vexáti, in multis benè disponéntur: quóniam Deus tentávit eos, & invénit illos dignos se. Tamquam aurum in fornáce probávit illos, & quasi holocáusti hóstiam accépit illos, & in témpore erit respéctus illórum. Fulgébunt iusti, & tamquam scintíllæ in arundinétó discúrrunt. Judicábunt nátiónes, & dominabúntur pópulis, & regnabit Dóminus illórum in perpétuum.

Grad. Exod. 15. Gloriósus Deus in sanctis suis: mirábilis in majestáte, fáciens prodígia. *V.* Dextera tua, Dómine, glorificáta est in virtúte: dextera manus tua confrégit inimícos. *Allel. allel.* *V. Eccl. 44.* Córpora sanctórum in pace sepúlta sunt: & nómina eórum vivent in generatióne & generatióne. *Allelúia.*

Post Septuagesimam, omissis Allelúia, & Versu sequenti, dicitur:

Tract. Ps. 125. Qui féminant in lácrymis in gáudio metent. *V.* Eúntes ibant & flebant, mitténtes fémina sua.

V. Veniéntes autem vénient cum exultatióne, portántes manípulos suos.

Sequéntia sancti Evangélii secúndum Lucam. 21. c.

IN illo témpore: Dixit Jesus discípulis suis: Cúm audiéritis prælia, & seditiónes, nolíte terréri: opórtet primùm hæc fieri, sed nondum statim finis. Tunc dicébat illis: Surget gens contra gentem, & regnum advérsus regnum. Et terræmótus magni erunt per loca, & pestiléntiæ, & fames, terrorésque de cœlo, & signa magna erunt. Sed ante hæc ómnia injicient vobis manus suas, & persequéntur, tradéntes in synagógas, & custódias, trahéntes ad reges, & præfides, propter nomen meum: contínget autem vobis in testimónium. Pónite ergo in córdibus vestris, non præmeditári quemádmódum respondeátis. Ego enim dabo vobis os & sapiéntiam, cui non póterunt resístere & contradícere omnes adversárii vestri. Tradémini autem à paréntibus, & frátribus, & cognátis, & amícis, & morte afficient ex vobis: & éritis ódio ómnibus propter nomen meum: & capíllus de cápite vestro non períbit. In paciéntia vestra possidébitis animas vestras.

Offert. Ps. 67. Mirábilis Deus in sanctis suis: Deus Israël, ipse dabit virtútem & fortitúdinem plebi suæ: benedíctus Deus. *Allelúia.*

Secreta.

ADesto, Dómine, supplicatióne nostris, quas in Sanctórum tuórum commemoratióne deférimus: ut

qui nostræ iustitiæ fiduciam non habemus, eorum qui tibi placuerunt, meritis adjuvémur. Per Dóminum nostrum.

Communi. Sap. 3. Et si coram hominibus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos.

Postcommunio.

Quæsumus, Dómine, salutáribus repléti mysteriis: ut quorum solémnia celebrámus, eorum orationibus adjuvémur. Per Dóminum.

ALIA MISSA, DE EODEM COMMUNI.

Introitus. Eccli. 44.

Sapiéntiam sanctorum narrent populi: & laudes eorum nuntiet Ecclesia: nomina autem eorum vivent in sæculum sæculi. *Pf. 32.* Exultate iusti in Dómino: rectos decet collaudatio. *V. Glória Patri.*

Orémus.

Oratio.

Deus, qui nos concedis sanctorum Martyrum tuorum N. & N. natalitia colere: da nobis in æterna beatitudine de eorum societate gaudere. Per Dóminum.

Si fuerint Pontifices, dicatur Oratio præcedentis Missæ: quod & in sequentibus servetur.

Lectio libri Sapiéntiæ. 5. c.

Iusti autem in perpétuum vivent, & apud Dóminum est merces eorum: & cogitatio illorum apud Altíssimum. Ideò accipient regnum decóris, & diadema specièi de manu Dómini: quoniam dextera sua teget eos, & brachio sancto suo defendet illos. Accipiet armaturam zelus illius, & armabit cre-

aturam ad ultionem inimicorum. Induet pro thorace iustitiam, & accipiet pro gálea iudicium certum. Sumet scutum inexpugnabile æquitatem.

Grad. Ps. 123. Anima nostra, sicut passer, erepta est de láqueo venantium. *V.* Láqueus contritus est, & nos liberati sumus: adiutorium nostrum in nómine Dómini, qui fecit cælum & terram. Allelúia, allelúia. *V. Ps. 67.* Iusti epulentur, & exultent in conspectu Dei: & delectentur in lætitia. Allelúia.

Post Septuagesimam, omissis Allelúia, & Versu sequenti, dicitur:

Tract. Ps. 125. Qui seminant in lacrymis, in gaudio metent. *V.* Eúntes ibant & flebant, mittentes semina sua. *V.* Venientes autem venient cum exultatione, portantes manipulos suos. Sequéntia sancti Evangelii secundum Lucam. 6. c.

In illo tempore: Descendens Jesus de monte, stetit in loco campèstri, & turba discipulorum ejus, & multitudo copiosa plebis ab omni Judæa, & Jerúsalem, & marítima; & Tyri, & Sidónis, qui venerant ut audirent eum, & sanarentur à languoribus suis: Et qui vexabantur à spiritibus im-múndis, curabantur. Et omnis turba quærebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis cum vos oderint homines, & cum separaverint vos, & exprobraverint, & egerint nomen vestrum tamquam ma-

lum, propter Fílium hóminis. Gau-
dète in illa die, & exultáte: ecce enim
merces vestra multa est in coelo.

Offert. Ps. 149. Exultábunt sancti
in glória: lætabúntur in cubílibus suis:
exaltatiónes Dei in fáucibus eórum,
allelúia.

Secreta.

MUnera tibi, Dómine, nostræ devo-
tiónis offérimus: quæ & pro tu-
órum tibi grata sint honóre justórum:
& nobis salutária, te miseránte, red-
dántur. Per Dóminum.

Commun. Luc. 12. Dico autem vo-
bis amícis meis: ne terreámini ab his,
qui vos persequúntur.

Postcommunio.

PRæsta nobis, quæsumus, Dómine,
intercedéntibus sanctis Martyribus
tuis N. & N. ut quod ore contíngimus,
purâ mente capiámus. Per Dóminum.

ALIA MISSA, DE EODEM COMMUNI.

Introitus. Ps. 36.

Salus autem justórum à Dómino:
& Protéctor eórum est in témpore
tribulatiónis. *Ps. ib.* Noli æmulári in
malignántibus: neque zeláveris faci-
éntes iniquitátem. *V.* Glória Patri.

Orémus.

Oratio.

DEus, qui nos ánnuâ sanctórum
Martyrum tuórum N. & N. so-
lemnitate lætíficas: concéde propítius;
ut quorum gaudémus méritis, accen-
dámur exémplic. Per Dóminum.

Léctio Epístolæ beáti Pauli Apóstoli
ad Hebræos. 10. f.

FRatres, Rememorámini prístinos
dies, in quibus illumináti, mag-
num certámén sustinuístis passiónum:
& in áltero quidem oppróbriis & tri-

bulatió nibus spectáculum facti: in
áltero autem sócii táliter conversán-
tium effécti. Nam & vinctis com-
pássi estis, & rapínam bonórum vestró-
rum cum gáudio suscepístis, cognos-
céntes vos habére meliorem & ma-
nóntem substántiam. Nolíte itaque
amittere confidéntiam vestram, quæ
magnam habet remuneratió nem. Pa-
tiéntia enim vobis necessária est: ut
voluntátem Dei faciéntes, reportétis
promíSSIONem. Adhuc enim módicum
aliquántulum, qui ventúrus est, vé-
niet, & non tardábit. Justus autem
meus ex fide vivit.

Grad. Ps. 33. Clamavérunt justí,
& Dóminus exaudivit eos: & ex óm-
nibus tribulatió nibus eórum liberávit
eos. *V.* Juxta est Dóminus his, qui
tribuláto sunt corde: & húmiles spí-
ritu salvábit. Allelúia, allelúia.

V. Te Mártyrum candidátus laudat
exércitus, Dómine. Allelúia.

*Post Septuagesimam, omíssis Allelúia,
& Versu sequenti, dicitur:*

Tract. Ps. 125. Qui séminant in lá-
crymis, in gáudio metent. *V.* Eún-
tes ibant & flebant, mitténtes sémína
sua. *V.* Veniéntes autem vénient
cum exultatió ne, portántes manípulos
suos.

Sequéntia sancti Evangélii secúndum
Matthæum. 24.

IN illo témpore: Sedénte Jesu super
montem Olivéti, accessérunt ad eum
discípuli secretò, dicéntes: Dic nobis,
quando hæc erunt? & quod signum
advéntûs tui, & consummatió nis sæ-
culi? Et respóndens Jesus, dixit eis:
Vidéte ne quis vos sedúcat. Multi
enim vénient in nómine meo, dicen-

tes: Ego sum Christus; & multos sedúcent. Auditúri enim estis prælia, & opiniónes præliórum. Videte ne turbémini. Opórtet enim hæc fieri, sed nondum est finis. Confúrget enim gens in gentem, & regnum in regnum, & erunt pestiléntiæ, & fames, & terræmótus per loca. Hæc autem ómnia, inítia sunt dolórum. Tunc tradent vos in tribulatiónem, & occídent vos: & éritis odio ómnibus génibus propter nomen meum. Et tunc scandalizabúntur multi, & invicem tradent, & odio habébunt invicem. Et multi pseudoprophétæ surgent, & sedúcent multos. Et quóniam abundávit iníquitas, refrigéscet cháritas multórum. Qui autem perseveráverit usque in finem, hic salvus erit.

Offert. Sap. 3. Justórum ánimæ in manu Dei sunt, & non tanget illos torméntum malítiæ: visi sunt óculis insipientium mori, illi autem sunt in pace, allelúia,

Secreta.

OBlátis, quæsumus, Dómine, placáre munéribus: & intercedéntibus sanctis Martyribus tuis N. & N. a cunctis nos defénde perículis. Per.

Commun. Matt. 10. Quod dico vobis in ténebris, dícite in lúmine, dicit Dóminus: & quod in aure audítis, prædicáte super tecta.

Postcommunio.

HÆc nos commúnio, Dómine, purget à crimine: & intercedéntibus sanctis Martyribus tuis N. & N. coeléstis remédii fáciat esse consórtes. Per.

¶ *Item aliæ Epistolæ & Evangelia pro pluribus Martyribus.*

Lectio libri Sapiéntiæ. 10.

REddidit Deus justis mercédem laborum suorum, & dedúxit illos in via mirábili: & fuit illis in velamento diéi, & in luce stellárum per noctem: tránstulit illos per Mare Rubrum, & transvéxit illos per aquam nimiam. Inimícos autem illórum demérsit in mare, & ab altitúdine inferórum edúxit illos. Ideò justi tulérunt spólia impiórum; & decantavérunt, Dómine, nomen sanctum tuum, & victóricem manum tuam laudavérunt páriter, Dómine Deus noster.

Lectio Epistolæ beáti Pauli Apóstoli: ad Romános. 5.

FRatres, Justificáti ex fide, pacem habeamus ad Deum per Dóminum nostrum Jesum Christum: per quem & habémus accéssum per fidem in grátiam istam, in qua stamus, & gloriámur in spe glóriæ filiórum Dei. Non solúm autem, sed & gloriámur in tribulatió nibus; scíentes quòd tribulatio patientiam operátur: patientia autem probatió nem, probatio verò spem, spes autem non confúndit: quia cháritas Dei diffúsa est in córdibus nostris per Spíritum sanctum, qui datus est nobis.

Lectio Epistolæ beáti Pauli Apóstoli: ad Romános. 8. d.

FRatres, Non sunt condígnæ passió nes hujus témporis ad futúram glóriam, quæ revelábitur in nobis. Nam expectatio creatú ræ, revelatió nem filiórum Dei expéctat. Vanitati enim creatúra subjécta est, non volens, sed propter eum, qui subjécit eam in spe: quia & ipsa creatúra liberábitur à servitúte corrupti ó nis, in libertátem.

gloriæ filiorum Dei. Scimus enim quòd omnis creatúra ingemíscit, & párturit usque adhuc. Non solùm autem illa, sed & nos ipsi primítias spíritûs habéntes: & ipsi intra nos gémimus, adoptionem filiorum Dei expectántes, redemptionem córporis nostrí.

Léctio Epístolæ beáti Pauli Apóstoli ad Corínthios. II. 6.

FRatres, Exhibeámus nosmetípsos sicut Dei minístros, in multa patientia, in tribulationibus, in necessitatibus, in angústis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in suavitate, in Spíritu sancto, in charitate non ficta, in verbo veritátis, in virtute Dei, per arma justitiæ à dextris, & à sinístris; per glóriam, & ignobilitátem, per infámiam, & bonam famam: ut seductóres, & veráces: sicut qui ignóti, & cógniti: quasi moriéntes, & ecce vivimus: ut castigáti, & non mortificáti: quasi tristes, semper autem gaudentes: sicut egéntes, multos autem locupletántes: tamquam nihil habéntes, & ómnia possidéntes.

Léctio Epístolæ beáti Pauli Apóstoli ad Hebræos. II. f.

FRatres, Sancti per fidem vicérunt regna, operáti sunt justítiam, adépti sunt repromissiónes, obturavérunt ora leónum, extinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: accepérunt mulieres de resurrectione mórtuos suos. Alii autem disténti sunt, non fuscipiéntes redemptionem, ut meliorem invenírent resur-

rectionem. Alii verò ludíbria & vébera expérti, ínsuper & víncula & cárceres: lapidáti sunt, secti sunt, tentáti sunt, in occisióne gládii mórtui sunt: circuiérunt in melótis, in péllibus caprínis, egéntes, angustíati, afflícti: quibus dignus non erat mundus: in solitudínibus errántes, in móntibus, & spelúncis, & in cavérnis terræ. Et hi omnes testimonio fidei probáti inventi sunt: in Christo Jesu Dómino nostro.

Léctio libri Apocalypsis beáti Joánnis Apóstoli. 7. c.

IN diébus illis: Respóndit unus de senióribus, & dixit mihi: Hi, qui amícti sunt stolis albis, qui sunt? & undè venérunt? Et dixi illi: Dómine mi, tu scis. Et dixit mihi: Hi sunt qui venérunt de tribulatione magna, & lavérunt stolas suas, & dealbavérunt eas in ságuine Agni. Ideò sunt ante thronum Dei, & sérvíunt ei die ac nocte in templo ejus: & qui sedet in throno, habitábit super illos. Non esúrient, neque sítient ámplíus, nec cadet super illos sol, neque ullus æstus: quóniam Agnus, qui in médio throni est, reget illos, & dedúcet eos ad vitæ fontes aquárum, & abstérget Deus omnem lácrymam ab óculis eórum.

Sequéntia sancti Evangélíi secúndum Matthæum. 5. b.

IN illo témpore: Videns Jesus turbas, ascéndit in montem, & cùm sedísset, accessérunt ad eum discípuli ejus, & apériens os suum docébat eos, dicens: Beáti páuperes spíritu: quóniam ipsórum est regnum coelórum. Beáti mites: quóniam ipsi possidébunt ter-

ram. Beáti, qui lugent: quóniam ipsi consolabúntur. Beáti, qui esúriunt, & sítiunt iustítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici, quóniam filii Dei vocabúntur. Beáti, qui persecutiónem patiúntur propter iustítiam: quóniam ipsórum est regnum coelórum. Beáti estis cùm maledixerint vobis, & persecúti vos fúerint, & díxerint omne malum advérsùm vos mentiéntes, propter me: gaudéte, & exultáte, quóniam merces vestra copiósa est in coelis.

Sequéntia sancti Evangélíi secúndum Matthæum. 11. d.

IN illo témpore respóndens Jesus, dixit: Confíteor tibi, Pater, Dómine coeli & terræ, quia abscondísti hæc à sapiéntibus, & prudentibus, & revelásti ea párvulis. Ita Pater: quóniam sic fuit plácitum ante te. Omnia mihi trádicta sunt à Patre meo. Et nemo novit Fílium, nisi Pater: neque Patrem quis novit, nisi Fílius, & cui volúerit Fílius reveláre. Veníte ad me, omnes, qui laborátis, & oneráti estis, & ego reficiam vos. Tóllite jugum meum super vos, & discite à me, quia mitis sum, & húmilis corde: & inveniétis réquiem animábus vestris. Jugum enim meum suáve est, & onus meum leve.

Sequéntia sancti Evangélíi secúndum Lucam. 11. f.

IN illo témpore: Dicébat Jesus Scribis & Pharisæis: Væ vobis, qui ædificátis monuménta Prophetárum: patres autem vestri occidérunt illos. Pro-

fécto testificámini quòd consentitis opéribus patrum vestrórum: quóniam ipsi quidem eos occidérunt, vos autem ædificátis eórum sepúlchra. Propterea & sapiéntia Dei dixit: Mittam ad illos Prophétas, & Apóstolos, & ex illis occident, & persecúntur. Ut inquirátur sanguis ómnium Prophetárum, qui effúsus est à constitutióne mundi à generatióne ista, à ságuine Abel, usque ad ságuinem Zachariæ, qui périit inter altáre & ædem. Ita dico vobis, requirétur ab hac generatióne. Sequéntia sancti Evangélíi secúndum Lucam. 10. c.

IN illo témpore: Dixit Jesus discípulis suis: Qui vos audit, me audit: & qui vos spernit, me spernit. Qui autem me spernit, spernit eum, qui misit me. Revérsi sunt autem septuaginta duo cum gáudio, dicéntes: Dómine, etiam dæmónia subjiciúntur nobis in nómine tuo. Et ait illis: Vidébam sátanam sicut fulgur de coelo cadéntem. Ecce dedi vobis potestátem calcáandi supra serpéntes, & scorpiones, & super omnem virtútem inimíci: & nihil vobis nocébit. Verúmtamen in hoc nolíte gaudére, quia spíritus vobis subjiciúntur: gaudéte autem, quòd nómina vestra scripta sunt in coelis.

Sequéntia sancti Evangélíi secúndum Lucam. 12. b.

IN illo témpore: Dixit Jesus discípulis suis: Atténdite à fermento Phariseórum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam quæ in ténebris dixístis, in lúmine dicéntur: & quod in aurem locúti estis in cubículis, præ-

dicabitur in tectis. Dico autem vobis amicis meis: Ne terreamini ab his, qui occidunt corpus, & post hæc non habent amplius quid faciant. Ostendam autem vobis quem timeatis: timeate eum, qui postquam occiderit, habet potestatem mittere in gehennam. Ita dico vobis, hunc timeate. Nonne quinque passeress vaneunt dipendio, & unus ex illis non est in oblivione coram Deo? Sed & capilli capitis vestri omnes numerati sunt. Nolite ergo timere: multis passeribus pluris estis vos. Dico autem vobis: Omnis, quicumque confessus fuerit me coram hominibus, & Filius hominis confitebitur illum coram Angelis Dei.

COMMUNE CONFESS. PONT.

Introitus. Eccli. 45.

Statu it ei Dominus testamentum pacis, & principem fecit eum: ut sit illi, sacerdotii dignitas in æternum.

Pf. 131. Memento, Domine, David: & omnis mansuetudinis ejus.

V. Glória Patri.

Orémus.

Oratio.

DA, quæsumus, omnipotens Deus: ut beati N. Confessoris tui atque Pontificis veneranda sollemnitas, & devotionem nobis augeat, & salutem. Per Dominum.

Lectio libri Sapientiae. Eccli. 44. & 45.

Ecce Sacerdos magnus, qui in diebus suis placuit Deo, & inventus est justus: & in tempore iracundiae factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium gen-

tium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam: & invenit gratiam coram oculis Domini. Magnificavit eum in conspectu regum: & dedit illi coronam gloriæ. Statuit illi testamentum æternum: & dedit illi sacerdotium magnum: & beatificavit illum in glória. Fungi sacerdotio, & habere laudem in nomine ipsius: & offerre illi incensum dignum, in odorem suavitatis.

Grad. Eccli. 44. Ecce sacerdos magnus, qui in diebus suis placuit Deo. *V.* Non est inventus similis illi, qui conservaret legem Excelsi. Allelúia, allelúia. *V. Pf. 109.* Tu es sacerdos in æternum secundum ordinem Melchisedech. Allelúia.

Post Septuagesimam, omittis Allelúia, & Versu sequenti, dicitur:

Tract. Pf. 111. Beatus vir, qui timet Dominum: in mandatis ejus cupit nimis. *V.* Potens in terra erit semen ejus: generatio rectorum benedicetur. *V.* Glória & divitiæ in domo ejus: & justitia ejus manet in sæculum sæculi.

Tempore Paschali omittitur Graduale, & ejus loco dicitur Allelúia, allelúia.

V. Pf. 109. Tu es sacerdos in æternum secundum ordinem Melchisedech. Allelúia. *V.* Hic est sacerdos, quem coronavit Dominus. Allelúia.

Sequentia sancti Evangelii secundum Matthæum. 25.

In illo tempore: Dixit Jesus discipulis suis Parabolam hanc: Homo peregre proficiscens, vocavit servos suos, & tradidit illis bona sua. Et uni dedit quinque talenta, alii au-

tem duo, alii verò unum, unicuique secundum propriam virtutem, & profectus est statim. Abiit autem qui quinque talenta acceperat, & operatus est in eis, & lucratus est alia quinque. Similiter & qui duo acceperat, lucratus est alia duo. Qui autem unum acceperat, abiens fodit in terram, & abscondit pecuniam domini sui. Post multum verò temporis venit dominus servorum illorum, & posuit rationem cum eis. Et accedens qui quinque talenta acceperat, obtulit alia quinque talenta, dicens: Domine, quinque talenta tradidisti mihi, ecce alia quinque superlucratus sum. Ait illi Dominus ejus: Euge serve bone, & fidelis, quia super pauca fuisti fidelis, super multa te constituam, intra in gaudium domini tui. Accessit autem & qui duo talenta acceperat, & ait: Domine, duo talenta tradidisti mihi, ecce alia duo lucratus sum. Ait illi dominus ejus: Euge serve bone, & fidelis, quia super pauca fuisti fidelis, super multa te constituam, intra in gaudium domini tui.

Offert. Ps. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Sancti tui, quaesumus, Domine, nos ubique laetificent: ut dum eorum merita recolimus, patrocinia sentiamus. Per Dominum.

Commun. Luc. 12. Fidelis servus, & prudens, quem constituit dominus super familiam suam: ut det illis in tempore tritici mensuram.

Postcommunio.

Praesta, quaesumus, omnipotens Deus: ut de perceptis muneribus gratias exhibentes, intercedente beato N. Confessore tuo atque Pontifice, beneficia potiora sumamus. Per Dñm.

ALIA MISSA, DE EODEM COMMUNI.
Introitus. Psal. 131.

Sacerdotes tui, Domine, induant justitiam: & sancti tui, exultent: propter David servum tuum, non avertas faciem Christi tui. *Ps. ib.* Meménto, Domine, David: & omnis mansuetudinis ejus. *V. Glória Patri.*

Orémus. Oratio.

Exaudi, quaesumus, Domine, preces nostras, quas in beati N. Confessoris tui atque Pontificis solemnitate deferimus: & qui tibi dignè méruit famulári, ejus intercedéntibus méritis ab ómnibus nos absólve peccátis. Per. *Lectio Epistolæ beati Pauli Apóstoli ad Hebræos. 7. d.*

Fratres, Plures facti sunt sacerdotes, idcirco quòd morte prohiberéntur permanere: Jesus autem eò quòd maneat in ætérnum, sempitérnum habet sacerdotium. Unde & salvare in perpétuum potest accedentes per semetípsum ad Deum: semper vivens ad interpellándum pro nobis. Talis enim decébat, ut nobis esset pöntifex, sanctus, innocens, impollútus, segregátus à peccatóribus, & excélsior coelis factus: qui non habet necessitatem quotidie, quemádmódum sacerdotes, prius pro suis delictis hóstias offerre, deinde pro pópuli: hoc enim fecit semel, seípsum offerendo, Jesus Christus Dominus noster.

Grad. Ps. 131. Sacerdotes ejus in-
duam salutari: & sancti ejus exulta-
tione exultabunt. *V.* Illuc producam
cornu David: paravi lucernam Christo
meo. Allelúia, allelúia.

V. Ps. 109. Juravit Dominus, & non
poenitebit eum: Tu es sacerdos in
aeternum secundum ordinem Melchí-
sedech. Allelúia.

*Post Septuagesimam, omittis Allelúia,
& Versu sequenti, dicitur:*

Tract. Ps. 111. Beatus vir, qui timet
Dñm: in mandatis ejus cupit nimis.
V. Potens in terra erit semen ejus: ge-
neratio rectorum benedicetur. *V.* Gló-
ria & divitiae in domo ejus: & justitia
ejus manet in saeculum saeculi.

*Tempore Paschali omittitur Graduale,
& ejus loco dicitur Allelúia, allelúia.*

V. Ps. 109. Juravit Dominus, & non
poenitebit eum: Tu es sacerdos in
aeternum secundum ordinem Mel-
chisedech. Allelúia. *V. Eccl. 45.* Amá-
vit eum Dominus, & ornávit eum:
stolam glóriæ induit eum. Allelúia.
Sequentia sancti Evangelii secundum
Matthæum. 24.

IN illo tempore: Dixit Jesus discipu-
lis suis: Vigilate, quia nescitis quâ
horâ dominus vester venturus sit.
Illud autem scitote, quoniam si sciret
paterfamilias quâ horâ fur venturus
esset, vigilaret utique, & non sineret
perfodi domum suam. Ideo & vos
estote parati: quia quâ nescitis horâ
Filius hominis venturus est. Quis,
putas, est fidelis servus, & prudens,
quem constituit dominus suus super
familiam suam, ut det illis cibum in
tempore? Beatus ille servus, quem,
cûm venerit dominus ejus, invenerit

sic facientem. Amen dico vobis, quô-
niam super omnia bona sua constituet
eum.

Offert. Ps. 88. Veritas mea, & mise-
ricordia mea cum ipso: & in nomine
meo exaltabitur cornu ejus.

Secreta.

Sancti N. Confessoris tui atque Pon-
tificis, quaesumus, Domine, annua
solemnitas pietati tuæ nos reddat ac-
ceptos: ut per hæc piæ placationis of-
ficia, & illum beata retributio comi-
tetur, & nobis gratiæ tuæ dona con-
ciliet. Per Dñm.

Commun. Matt. 24. Beatus servus,
quem, cûm venerit dominus, invenerit
vigilantem: amen dico vobis, super
omnia bona sua constituet eum.

Postcommunio.

DEus, fidelium remunerator ani-
marum, præsta: ut beati N. Con-
fessoris tui atque Pontificis, cujus ve-
nerandam celebramus festivitatem,
precibus indulgentiam consequamur.
Per Dñm.

*Item aliæ Epistolæ & Evangelia pro
Confessore Pontifice.*

Lectio Epistolæ beati Pauli Apostoli
ad Hebræos. 5.

FRatres, Omnis Pontifex ex homini-
bus assumptus, pro hominibus con-
stituitur in iis, quæ sunt ad Deum, ut
offerat dona, & sacrificia pro peccatis:
qui condolere possit iis, qui ignorant,
& errant: quoniam & ipse circum-
datus est infirmitate: & propterea de-
bet, quemadmodum pro populo, ita
etiam & pro semetipso offerre pro pec-
catis. Nec quisquam sumit sibi ho-
norem, sed qui vocatur à Deo, tam-
quam Aaron.

Lectio Epistolæ beati Pauli Apostoli
ad Hebræos. 13. b.

FRatres, Mementote præpositorum
vestrorum, qui vobis locuti sunt
verbum Dei: quorum intuentes ex-
itum conversationis, imitamini fidem.
Jesus Christus heri, & hodie: ipse &
in sæcula. Doctrinis variis & peregrinis
nolite abduci. Optimum est enim
gratiâ stabilire cor, non escis: quæ non
profuerunt ambulantibus in eis. Ha-
bemus altare, de quo edere non ha-
bent potestatem, qui tabernaculo de-
serviunt. Quorum enim animalium
infertur sanguis pro peccato in Sancta
per Pontificem, horum corpora cre-
mantur extra castra. Propter quod
& Jesus, ut sanctificaret per suum
sanguinem populum, extra portam
passus est. Exeamus igitur ad eum
extra castra, improperium ejus portan-
tes. Non enim habemus hinc manen-
tem civitatem, sed futuram inquiri-
mus. Per ipsum ergo offeramus hos-
tiam laudis semper Deo, id est, fruc-
tum labiorum confitentium nomini
ejus. Beneficiæ autem, & com-
munionis nolite oblivisci: talibus enim
hostiis promeretur Deus. Obedite
præpositis vestris, & subjacete eis. Ipsi
enim pervigilant, quasi rationem pro
animabus vestris reddituri.

Sequentia sancti Evangelii secundum
Lucam. 11. c.

IN illo tempore: Dixit Jesus discipu-
lis suis: Nemo lucernam accendit,
& in abscondito ponit, neque sub mó-
dio: sed supra candelabrum, ut qui
ingrediuntur, lumen videant. Lucerna
corporis tui, est oculus tuus. Si ocu-

lus tuus fuerit simplex, totum corpus
tuum lucidum erit: si autem nequam
fuerit, etiam corpus tuum tenebrorum
erit. Vide ergo ne lumen, quod in
te est, tenebræ sint. Si ergo corpus
tuum totum lucidum fuerit, non ha-
bens aliquam partem tenebrarum, erit
lucidum totum, & sicut lucerna fulgō-
ris illuminabit te.

Sequentia sancti Evangelii secundum
Marcum. 13. d.

IN illo tempore: Dixit Jesus discipu-
lis suis: Videte, vigilate, & orate:
nescitis enim quando tempus sit. Sicut
homo, qui peregre profectus reliquit
domum suam, & dedit servis suis po-
testatem cujusque operis, & janitori
præcepit, ut vigilet. Vigilate ergo,
(nescitis enim quando dominus domus
veniat: sero, an mediâ nocte, an galli
cantu, an manè) ne, cum venerit re-
pentè, inveniat vos dormientes. Quod
autem vobis dico, omnibus dico: Vi-
gilate.

COMMUNE DOCTORUM.

Introitus. Eccli. 15. d.

IN medio Ecclesiæ aperuit os ejus:
& implevit eum Dominus spiritu
sapientiæ, & intellectus: stolam gloriæ
induit eum.

Ps. 91. Bonum est confiteri Dō-
mino: & psallere nomini tuo, Altissi-
me. *V.* Glória Patri.

Orémus.

Oratio.

DEus, qui populo tuo æternæ salu-
tis beatum N. ministrum tribuisti:
præsta, quæsumus; ut, quem docto-
rem vitæ habuimus in terris, inter-
cessorem habere mereamur in coelis.
Per Dñm.

Lectio Epistolæ beati Pauli Apostoli
ad Timotheum. II. 4.

Charissime, Testificor coram Deo, &
Jesu Christo, qui judicaturus est
vivos & mortuos, per adventum ip-
sius, & regnum ejus: prædica ver-
bum, in qua opportunè, importunè:
argue, obsecra, increpa in omni pati-
entia, & doctrina. Erit enim tempus,
cum sanam doctrinam non sustinebunt,
sed ad sua desideria coacervabunt sibi
magistros, prurièntes auribus, & à
veritate quidem auditum avertent, ad
fabulas autem convertentur. Tu ve-
rò vigila, in omnibus labora, opus fac
Evangelistæ, ministerium tuum imple.
Sobrius esto. Ego enim jam delibor,
& tempus resolutionis meæ instat. Bo-
num certamen certavi, cursum con-
summavi, fidem servavi. In reliquo
reposita est mihi corona justitiæ, quam
reddet mihi Dominus in illa die, justus
judex: non solum autem mihi, sed &
iis, qui diligunt adventum ejus.

Grad. Ps. 36. Os justi meditabitur
sapientiam, & lingua ejus loquetur
judicium. *V.* Lex Dei ejus in corde
ipsius: & non supplantabuntur gres-
sus ejus. Allelúia, allelúia.

V. Eccl. 45. Amavit eum Dominus,
& ornavit eum: stolam gloriæ induit
eum. Allelúia.

*Post Septuagesimam, omittis Allelúia,
& Versu sequenti, dicitur:*

Tract. Ps. III. Beatus vir, qui timet
Dominum: in mandatis ejus cupit
nimis. *V.* Potens in terra erit semen
ejus: generatio rectorum benedicetur.
V. Glória & divitiæ in domo ejus: &
justitia ejus manet in sæculum sæculi.

Tempore Paschali omittitur Graduale,

*& ejus loco dicitur: Allelúia, allelúia.
V. Eccl. 45.* Amavit eum Dominus,
& ornavit eum: stolam gloriæ induit
eum. Allelúia. *V. Osee 14.* Justus ger-
minabit sicut lilium: & florebit in
æternum ante Dominum. Allelúia.
Sequentia sancti Evangelii secundum
Matthæum. 5. 6.

In illo tempore: Dixit Jesus discipu-
lis suis: Vos estis sal terræ. Quod
si sal evanuerit, in quo salietur? ad
nihilum valet ultra, nisi ut mittatur
foras, & conculcetur ab hominibus.
Vos estis lux mundi. Non potest ci-
vitas abscondi supra montem posita.
Neque accendunt lucernam, & po-
nunt eam sub módio, sed super can-
delabrum, ut luceat omnibus qui in
domo sunt. Sic luceat lux vestra co-
ram hominibus, ut videant opera ves-
tra bona, & glorificent Patrem ves-
trum, qui in cœlis est. Nolite putare
quoniam veni solvere legem, aut pro-
phetas: non veni solvere, sed adim-
plere. Amen quippe dico vobis, do-
nec transeat cœlum & terra, iota
unum, aut unus apex non præteribit
à lege, donec omnia fiant. Qui ergo
solverit unum de mandatis istis mini-
mis, & docuerit sic homines, minimus
vocabitur in regno cœlorum: qui au-
tem fecerit & docuerit, hic magnus
vocabitur in regno cœlorum.

Offert. Ps. 91. Justus ut palma flo-
rebit: sicut cedrus, quæ in Libano est,
multiplicabitur.

Secreta.

Sancti tui N. nobis, Domine, pia
non desit oratio: quæ & mûnera
nostra conciliet, & tuam nobis indul-
gentiam semper obtineat. Per Dñm.

Commun. Læc. 12. Fidélis fervus, & prudens, quem constituit dominus super familiam suam: ut det illis in tempore tritici mensuram.

Postcommunio.

UT nobis, Domine, tua sacrificia dent salutem: beatus N. Confessor tuus, & Doctor egregius, precator accedat. Per Dñm.

Alia Epistola pro Doctoribus.

Lectio libri Sapientiae. Eccli. 39.

Justus cor suum tradet ad vigilandum diluculo ad Dominum, qui fecit illum, & in conspectu Altissimi deprecabitur. Aperiet os suum in oratione, & pro delictis suis deprecabitur. Si enim Dominus magnus voluerit, spiritu intelligentiae replébit illum: & ipse tamquam imbres mittet eloquia sapientiae suae, & in oratione confitebitur Domino: & ipse diriget consilium ejus, & disciplinam, & in absconditis suis consiliabitur. Ipse palam faciet disciplinam doctrinae suae, & in lege testamenti Domini gloriabitur. Collaudabunt multi sapientiam ejus, & usque in saeculum non delebitur. Non recedet memoria ejus, & nomen ejus requirétur à generatione in generationem. Sapientiam ejus enarrabunt gentes, & laudem ejus enuntiabit Ecclesia.

COMM. CONFESS. NON PONT.

Introitus. Ps. 36.

OS justi meditabitur sapientiam, & lingua ejus loquetur judicium: lex Dei ejus in corde ipsius.

Pf. 16. Noli aemulari in malignantibus: neque zelaveris facientes iniquitatem. *V.* Gloria Patri.

Orémus.

Oratio.

DEus, qui nos beati N. Confessoris tui annuâ solemnitâte lætificas: concede propitius; ut ejus natalitia colimus, etiam actiones imitemur. Per Dñm.

Lectio libri Sapientiae. Eccli. 31.

Beatissimus vir, qui inventus est sine macula, & qui post aurum non abiit, nec speravit in pecunia & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria æterna: qui potuit transgredi, & non est transgressus: facere mala, & non fecit: ideo stabilita sunt bona illius in Domino, & eleemosynas illius enarrabit omnis Ecclesia sanctorum.

Grad. Ps. 91. Justus ut palma florebit, sicut cedrus Libani multiplicabitur in domo Domini. *V.* Ad annuntiandum manere misericordiam tuam, & veritatem tuam per noctem. Allelúia, allelúia. *V.* *Jac. 1.* Beatus vir, qui suffert tentationem: quoniam cum probatus fuerit, accipiet coronam vitæ. Allelúia.

Post Septuagesimam, omittis Allelúia, & Versu sequenti, dicitur:

Tract. Ps. 111. Beatus vir, qui timet Dominum: in mandatis ejus cupit nimis. *V.* Potens in terra erit semen ejus: generatio rectorum benedicetur. *V.* Gloria & divitiæ in domo ejus: & justitia ejus manet in saeculum saeculi.

Tempore Paschali omittitur Graduale, & ejus loco dicitur: Allelúia, allelúia.

V. *Jac. 1.* Beatus vir, qui suffert tentationem: quoniam cum probatus fuerit, accipiet coronam vitæ. Allel.

V. Amávit eum Dóminus, & ornávit eum : stolam glóriæ induit eum. Allel. Sequéntia sancti Evangélii secúndum Lucam. 12.

IN illo témpore : Dixit Jesus discípu-
lis suis : Sint lumbi vestri præcíncti,
& lucernæ ardéntes in mânibus vestris,
& vos símiles homínibus expectántibus
dóminum suum, quando revertátur à
núptiis : ut, cùm vénerit, & pulsáve-
rit, conféstim apériant ei. Beáti servi
illi, quos, cùm vénerit dóminus, in-
vénerit vigilántes : amen dico vobis,
quòd præcínget se, & fáciat illos dis-
cumbere, & tránfiens ministrábit illis.
Et si vénerit in secúnda vigília, & si
in tértia vigília vénerit, & ita invéne-
rit, beáti sunt servi illi. Hoc autem
scitóte, quóniam si sciret paterfamílias,
quâ horâ fur veníret, vigiláret útique,
& non síneret pérfodi domum suam.
Et vos estóte paráti : quia quâ horâ
non putátis, Fílius hóminis véniet.

Offert. Ps. 88. Véritas mea, & mi-
sericórdia mea cum ipso : & in nómine
meo exaltábitur cornu ejus.

Secreta.

LAudis tibi, Dómine, hóstias im-
molámus, in tuórum commemora-
tione Sanctórum : quibus nos & præ-
séntibus éxui malis confidimus, & fu-
túris. Per Dñm.

Commun. Matt. 24. Beátus fervus,
quem, cùm vénerit dóminus, invé-
nerit vigilántem : amen dico vobis, su-
per ómnia bona sua constituet eum.

Postcommunio.

REFÉcti cibo potúque coelésti, Deus
noster, te súpplices exorámus : ut
in cujus hæc commemoratióne percé-
pimus, ejus muniámur & précibus.
Per Dñm.

ALIA MISSA, DE EODEM COMMUNI.
Introitus. Ps. 91.

JUSTUS ut palma florébit, sicut ce-
drus Líbani multiplicábitur : plan-
tátus in domo Dómini, in átriis domús
Dei nostri. *Ps. ib.* Bonum est confitéri
Dómino : & psállere nómini tuo, Al-
tíssime. *V.* Glória Patri.

Orémus.

Oratio.

ADésto, Dómine, supplicatióibus
nostris, quas in beáti N. Confes-
soris tui solemnitáte deférimus : ut qui
nostræ justitiæ fidúciā non habémus,
ejus qui tibi plácuīt, précibus adjuvé-
mur. Per Dñm.

Léctio Epístolæ beáti Pauli Apóstoli
ad Corínthios. I. 4. d.

FRATRES, Spectáculum facti sumus
mundo, & Angelis, & homínibus.
Nos stulti propter Christum, vos autem
prudéntes in Christo : nos infirmi,
vos autem fortes : vos nóbiles, nos
autem ignóbiles. Usque in hanc ho-
ram & esurimus, & sitimus, & nudi
sumus, & cólaphis cædimur, & instá-
biles sumus, & laborámus operántes
mánibus nostris : maledícimur, & be-
nedícimus : persecutióem pátimur,
& sustinémus : blasphemámur, & ob-
secrámus : tamquam purgaménta hujus
mundi facti sumus, ómnium peripséma
usque adhuc. Non ut confúndam vos,
hæc scribo, sed ut filios meos charíssi-
mos móneo : in Christo Jesu Dómino
nostro.

Grad. Ps. 36. Os justī meditábitur
sapientiam, & lingua ejus loquétur
judícium. *V.* Lex Dei ejus in corde
ipsius : & non supplantabúntur gressus
ejus. Allelúia, allel. *V. Ps. 111.* Beá-

tus vir, qui timet Dóminum: in mandátis ejus cupit nimis. Allelúia.

Post Septuagesimam, omíssis Allelúia, & Versu sequenti, dicitur:

Tract. Ps. 111. Beátus vir, qui timet Dóminum: in mandátis ejus cupit nimis. *V.* Potens in terra erit semen ejus: generatio rectórum benedicétur. *V.* Glória & divítiae in domo ejus: & justítia ejus manet in sæculum sæculi.

Tempore Paschali omittitur Graduale, & ejus loco dicitur: Allelúia, allelúia.

V. Ps. 111. Beátus vir, qui timet Dóminum: in mandátis ejus cupit nimis. Allelúia. *V. Osee. 14.* Justus germinábit sicut lílium: & florébit in ætérnum ante Dóminum. Allelúia.

Sequéntia sancti Evangélíi secúndum Lucam. 12. d.

IN illo témpore: Dixit Jesus discipulis suis: Nolíte timére pusillus grex, quia complácuit Patri vestro dare vobis regnum. Véndite quæ possidétis, & date eleëmósynam. Fécite vobis fácculos, qui non veteráscunt, thesáurum non deficientem in coelis: quò fur non apprópiat, neque tinea corrúmpit. Ubi enim thesáurus vester est, ibi & cor vestrum erit.

Offert. Ps. 20. In virtúte tua, Dómine, lætábitur justus, & super salutare tuum exultábit veheménter: desidérium ánimæ ejus tribuísti ei.

Secreta.

PRæsta nobis, quæsumus, omnípotens Deus: ut nostræ humilitátis oblátio, & pro tuórum tibi grata sit honóre Sanctórum, & nos corpore páriter & mente puríficet. Per Dñm.

Commun. Matt. 19. Amen dico vobis, quòd vos qui reliquístis ómnia, & se-

cúti estis me, céntuplum accipiétis, & vitam ætérnam possidébitis.

Postcommunio.

QUæsumus, omnípotens Deus: ut qui coeléstia aliménta percépi-mus, intercedénte beáto N. Confes-sóre tuo, per hæc contra ómnia ad-vérfa muniámur. Per Dñm.

¶ Item alia Epístola, & Evangelium pro Confessore non Pontifice.

Léctio Epístolæ beáti Pauli Apóstoli ad Philippénfes. 3. b.

FRatres, Quæ mihi fuérunt lucra, hæc arbitrátus sum propter Christum detriménta. Verúmtamen exístimo ómnia detriméntum esse, propter eminentem sciéntiam Jesu Christi Dómini mei: propter quem ómnia detriméntum feci, & árbitor ut stercora, ut Christum lucrifáciam: & invéniam in illo, non habens meam justítiam, quæ ex lege est, sed illam, quæ ex fide est, Christi Jesu: quæ ex Deo est justítia in fide, ad cognoscéndam illum, & virtútem resurrectionis ejus, & societátem passiónum illius: configurátus morti ejus: si quo modo occúrram ad resurrectionem, quæ est ex mortuis: non quòd jam accéperim, aut jam perféctus sim: sequor autem, si quo modo comprehéndam in quo & comprehénsus sum à Christo Jesu.

Sequéntia sancti Evangélíi secúndum Lucam. 19.

IN illo témpore: Dixit Jesus discipulis suis parábolam hanc: Homo quidam nóbilis ábiit in regiónem longinquam accípere sibi regnum, & re-vérti. Vocátis autem decem servis suis, dedit eis decem mnas, & ait ad illos: Negotiámini dum vénio. Cives

autem ejus óderant eum : & miserunt legationem post illum, dicentes : Nolumus hunc regnare super nos. Et factum est ut rediret accepto regno : & jussit vocari servos, quibus dedit pecuniam, ut sciret quantum quisque negotiatus esset. Venit autem primus, dicens : Domine, mna tua decem mnas acquisivit. Et ait illi : Euge, bone serve, quia in módico fuisti fidelis, eris potestatem habens super decem civitates. Et alter venit, dicens : Domine, mna tua fecit quinque mnas. Et huic ait : Et tu esto super quinque civitates. Et alter venit, dicens : Domine, ecce mna tua, quam habui repositam in sudario : tímui enim te, quia homo austérus es : tollis quod non posuisti, & metis quod non seminasti. Dicit ei : De ore tuo te júdico, serve nequam. Sciébas quòd ego homo austérus sum, tollens quod non posui, & metens quod non seminavi : & quare non dedisti pecuniam meam ad mensam, ut ego véniens, cum usúris útique exegissem illam ? Et astántibus dixit : Auferte ab illo mnam, & date illi qui decem mnas habet. Et dixerunt ei : Domine, habet decem mnas. Dico autem vobis, quia omni habénti dábitur, & abundábit : ab eo autem qui non habet, & quod habet, auferétur ab eo.

MISSA DE EODEM COMMUNI,
PRO ABBATIBUS.

Introitus. Psal. 36.

OS justí meditábitur sapiéntiam, & lingua ejus loquétur júdicium : lex Dei ejus in corde ipsíus. *Pf. ib.* Noli æmulári in malignántibus : neque zeláveris faciéntes iniquitátem.

V. Glória Patri.

Orémus.

Oratio.

Intercéssio nos, quæsumus, Dómine, beáti N. Abbátis comméndet : ut quod nostris méritis non valémus, ejus patrocínio assequámur. Per Dñm.

Lectio libri Sapiéntiæ. Eccli. 45.

Dilectus Deo & homínibus, cujus memória in benedictióne est. Símilem illum fecit in glória sanctórum, & magnificávit eum in timóre inimicórum, & in verbis suis monstra placávit. Glorificávit illum in conspéctu regum, & jussit illi coram pópulo suo, & osténdit illi glóriam suam. In fide & lenitáte ipsíus sanctum fecit illum, & elégit eum ex omni carne. Audívit enim eum, & vocem ipsíus, & indúxit illum in nubem. Et dedit illi coràm præcépta, & legem vitæ & disciplinæ.

Grad. Ps. 20. Dómine, prævenísti eum in benedictiónibus dulcédinis : posuísti in cápite ejus corónam de lápide pretióso. *V. Vitam pétiiit à te, & tribuísti ei longitudinem diérum in sæculum sæculi. Allelúia, allelúia.* *V. Ps. 91.* Justus ut palma florébit : sicut cedrus Líbani multiplicábitur. *Allelúia.*

Post Septuagesimam, omíssis Allelúia, & Versu sequenti, dicitur :

Tract. Ps. 111. Beátus vir, qui timet Dóminum : in mandátis ejus cupit nimis. *V. Potens in terra erit semen ejus : generatio rectórum benedicétur.* *V. Glória & divítiae in domo ejus : & justítia ejus manet in sæculum sæculi.*

Tempore Paschali omíttitur Graduale, & ejus loco dicitur : *Allelúia, allelúia.*

V. Justus ut palma florébit : sicut cedrus Líbani multiplicábitur. Allel.

V. Justus germinabit sicut lilium:
& florébit in æternum ante Dóminum.
Allelúia.

Sequéntia sancti Evangélíi secúndum
Matthæum. 19.

IN illo témpore : Dixit Petrus ad Je-
sum : Ecce nos relíquimus ómnia,
& secúti sumus te : quid ergo erit no-
bis? Jesus autem dixit illis : Amen
dico vobis, quòd vos qui secúti estis
me, in regeneratióne, cùm séderit Fí-
lius hóminis in sede majestátis suæ,
sedébitis & vos super sedes duódecim,
judicántes duódecim tribus Israël. Et
omnis qui relíquerit dómum, vel fratres,
aut soróres, aut patrem, aut matrem,
aut uxórem, aut filios, aut agros, prop-
ter nomen meum, céntuplum accípiet,
& vitam ætérnam possidébit.

Offert. Ps. 20. Desidérium animæ
ejus tribuísti ei, Dómine, & voluntáte
labiórum ejus non fraudásti eum : po-
suísti in cápite ejus corónam de lápide
pretiósó.

Secreta.

Sacris altáribus, Dómine, hóstias su-
perpósitas sanctus N. Abbas, quæ-
sumus, in salútem nobis proveníre de-
póscat. Per Dñm.

Commun. Luc. 12. Fidélis servus &
prudens, quem constituit dóminus su-
per familiam suam : ut det illis in
témpore trítici mensúram.

Postcommunio.

PRótegat nos, Dómine, cum tui per-
ceptiône sacraménti beátus N. Ab-
bas, pro nobis intercedéndo : ut & con-
versatiónis ejus experiámur insígnia,
& intercessiōis percipiámus suffrágia.
Per Dñm.

COMMUNE VIRGINUM.

PRO VIRGINE ET MARTYRE.

Introitus. Psal. 118.

LOquébar de testimóniis tuis in
conspéctu regum, & non con-
fundébar : & meditábar in mandátis
tuis, quæ diléxi nimis. *Ps. ib.* Beáti
immaculáti in via : qui ámbulant in
lege Dómini. *V. Glória Patri.*

Orémus.

Oratio.

DEus, qui inter cætera poténtiæ
tuæ miracula, étiam in sexu frá-
gili victóriam martyrii contulísti : con-
céde propítius ; ut qui beátæ N. Vir-
ginis & Mátyris tuæ natalítia cóli-
mus, per ejus ad te exémpa gradiá-
mur. Per Dñm.

Léctio libri Sapiéntiæ. Eccli. 51.

Confitébor tibi, Dómine rex, &
collaudábo te Deum Salvatórem
meum. Confitébor nómini tuo : quó-
niam adjutor & protéctor factus es
mihi, & liberásti corpus meum à per-
ditióne, à láqueo linguæ iníquæ, &
à lábiis operántium mendácium, & in
conspéctu astántium factus es mihi ad-
jutor. Et liberásti me secúndum mul-
titudinem misericórdiæ nóminis tui à
rugiéntibus, præparátis ad escam, de
mánibus quæréntium ánimam meam,
& de portis tribulatiónum quæ circum-
dederunt me : à pressúra flammæ quæ
circúmdedit me, & in médio ignis non
sum æstuáta : de altitúdine ventris
inferní, & à lingua coinquináta, & à
verbo mendácii, à rege iníquo, & à
lingua injústa : laudábit usque ad mor-
tem ánima mea Dóminum, quóniam
érus sustinéntes te, & liberas eos
de mánibus géntium, Dómine Deus
noster.

Grad. Ps. 44. Dilexisti iustitiam, & odisti iniquitatem. *V.* Propterea unxit te Deus, Deus tuus, oleo lætitiæ. Allelúia, allelúia. *V.* Adducéntur Regi vírgines post eam : próximæ ejus afferéntur tibi in lætítia. Allelúia.

Post Septuagesimam, omiſſis Allelúia, & Versu ſequenti, dicitur :

Tractus. Veni, sponſa Chriſti, accipe corónam, quam tibi Dóminus præparávit in ætérnum : pro cujus amore ſanguinem tuum fudiſti.

V. Ps. 44. Dilexisti iustitiam, & odisti iniquitatem : propterea unxit te Deus, Deus tuus, oleo lætitiæ præ confortibus tuis. *V.* Spécie tuâ, & pulchritúdine tuâ, inténde, prospère procéde, & regna.

Tempore Paſtiali omittitur Graduale, & ejus loco dicitur : Allelúia, allelúia.

V. Ps. 44. Adducéntur Regi vírgines post eam : próximæ ejus afferéntur tibi in lætítia. Allelúia. *V.* Spécie tuâ, & pulchritúdine tuâ, inténde, prospère procéde, & regna. Allelúia.

Sequéntia ſancti Evangélii ſecúndum Matthæum. 25.

IN illo témpore : Dixit Jeſus diſcípulis ſuis parábolam hanc : Símile erit regnum cœlórum decem virgíni-bus, quæ accipiéntes lámpades ſuas, exiérunt óbviám ſponſo & ſponſæ. Quinque autem ex eis erant fátuæ, & quinque prudéntes : ſed quinque fá-tuæ, accéptis lampádibus, non ſump-ſérunt óleum ſecum : prudéntes verò accepérunt óleum in vafis ſuis cum lampádibus. Moram autem faciente ſponſo, dormitavérunt omnes & dormiérunt. Médiâ autem nocte clamor factus eſt : Ecce ſponſus venit, exíte ób-viam ei. Tunc ſurrexérunt omnes

vírgines illæ, & ornavérunt lámpades ſuas : Fátuæ autem ſapiéntibus dix-érunt : Date nobis de óleo veſtro ; quia lámpades noſtræ extingúuntur. Reſpondérunt prudéntes, dicéntes : Ne fortè non ſufficiat nobis & vobis, ite pótius ad vendéntes, & émite vo-bis. Dum autem irent émere, venit ſponſus : & quæ parátæ erant, intra-vérunt cum eo ad núptias, & clauſa eſt jánuá. Novíſſimè verò véniunt & réliquæ vírgines, dicéntes : Dómine, Dómine, áperi nobis. At ille reſpón-déns, ait : Amen dico vobis, néſcio vos. Vigiláte itaque, quia néſcitis diem, neque horam.

Offert. Ps. 44. Afferéntur Regi vírgines post eam : próximæ ejus afferén-tur tibi in lætítia & exultatióne : ad-ducéntur in templum Regi Dómino.

Secreta.

SUſcipe, Dómine, múnera, quæ in beátæ N. Virgínis & Mártiris tuæ ſolemnitate deférimus : cujus nos con-fidimus patrocínio liberári. Per.

Commun. Ps. 118. Confundántur ſu-pérbi, quia injuſtè iniquitatem fecé-runt in me : ego autem in mandátis tuis exercébor, in tuis juſtificationibus, ut non confúndar.

Postcommunio.

AUxiliéntur nobis, Dómine, ſumpta myſtéria : & intercedente beátâ N. Virgíne & Mártire tuâ, ſempitérnâ fácient protectiône gaudére. Per Dñm.

A L I A M I S S A,
PRO VIRGINE ET MARTYRE.

Introitus. Ps. 118.

ME expectavérunt peccatóres, ut pérderent me : teſtimónia tua, Dómine, intelléxi : omnis conſumma-

tionis vidi finem: latum mandatum tuum nimis. *Pf. ib.* Beati immaculati in via: qui ambulant in lege Domini.

V. Glória Patri.

Orémus.

Oratio.

Indulgentiam nobis, quaesumus, Domine, beata N. Virgo & Martyr imploret: quae tibi grata semper extitit & merito castitatis, & tuae professione virtutis. Per Dñm.

Lectio libri Sapientiae. *Eccli. 51.*

Domine Deus meus, exaltasti super terram habitationem meam, & pro morte defluente deprecata sum. Invocaui Dominum Patrem Domini mei, ut non derelinquat me in die tribulationis meae, & in tempore superborum sine adiutorio. Laudabo nomen tuum assidue, & collaudabo illud in confessione, & exaudita est oratio mea. Et liberaisti me de perditione, & eripuisti me de tempore iniquo. Propterea confitebor, & laudem dicam tibi, Domine Deus noster.

Grad. Ps. 45. Adjuvabit eam Deus vultu suo: Deus in medio ejus, non commovebitur. *V. Fluminis impetus laetificat civitatem Dei: sanctificavit tabernaculum suum Altissimus. Allelúia, allel. V. Ps. 44.* Hæc est virgo sapiens, & una de numero prudentum. Allelúia.

Post Septuagesimam, omissis Allelúia & Versu sequenti, dicitur:

Tractus. Veni sponsa Christi, accipe coronam, quam tibi Dominus præparavit in æternum: pro cuius amore sanguinem tuum fudisti.

V. Ps. 44. Dilexisti iustitiam, & odisti iniquitatem: propterea unxit te Deus, Deus tuus, oleo lætitiæ præ-

confortibus tuis. *V. Specie tuâ, & pulchritudine tuâ, intende, prospere procede, & regna.*

Tempore Paschali amittitur Graduale, & ejus loco dicitur, Allelúia, allelúia.

V. Hæc est virgo sapiens, & una de numero prudentum. Allelúia.

V. Sap. 4. O quàm pulchra est casta generatio cum claritate! Allelúia.

Sequentia sancti Evangelii secundum Matthæum. 13.

In illo tempore: Dixit Jesus discipulis suis parabolam hanc: Simile est regnum coelorum thesauro abscondito in agro: quem, qui invenit homo, abscondit, & præ gaudio illius vadit, & vendit universa quæ habet, & emit agrum illum. Iterum simile est regnum coelorum homini negotiatori, quærenti bonas margaritas. Inventâ autem unâ pretiosâ margaritâ, abiit, & vendidit omnia quæ habuit, & emit eam. Iterum simile est regnum coelorum sagænæ missæ in mare, & ex omni genere piscium congreganti. Quam, cum impléta esset, educêntes, & secus littus sedêntes, elegerunt bonos in vasa, malos autem foras miserunt. Sic erit in consummatione sæculi: exhibunt Angeli, & separabunt malos de medio iustorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scribe doctus in regno coelorum, similis est homini patrifamiliæ, qui profert de thesauro suo nova & vetera.

Offert. Ps. 44. Diffusa est grátia in labiis tuis: propterea benedixit te Deus in æternum, & in sæculum sæ-

Secreta.

Hostias tibi, Dómine, beátæ N. Virginis & Mátyris tuæ dicatas méritis, benígnus affúme: & ad perpétuum nobis tríbue proveníre subsidium. Per Dñm.

Commun. Ps. 118. Feci iudícium, & iustítiam, Dómine: non calumniéntur mihi supérbi: ad ómnia mandáta tua dirigébar, omnem viam iniquitátis ódio hábui.

Postcommunio.

Divini múnneris largitáte satiáti, quæsumus, Dómine Deus noster: ut intercedénte beátâ N. Virgine & Mátyre tuâ, in ejus semper participatione vivámus. Per Dñm.

COMM. PLURIUM VIRGINUM ET MARTYRUM.

Omnia dicuntur ut supra pro una Virgine & Mátyre, exceptis Orationibus, quæ dicuntur ut sequitur: & Epístola, quæ dicitur ut infra in Communi Virginum non Martyrum.

De virgínibus præcéptum Dómini. fol. xxxij.

Oratio.

DA nobis, quæsumus, Dómine Deus noster, sanctárum Virgínium & Mátyrum tuárum N. & N. palmas incessábili devotióne venerári: ut quas dignâ mente non póssumus celebráre, humílibus saltem frequéntemus obféquiis. Per Dñm.

Secreta.

Inténde, quæsumus, Dómine, múnnera, altáribus tuis pro sanctárum Virginum & Mátyrum tuárum N. & N. festivitáte propósita: ut, sicut per hæc beáta mystéria illis glóriam contu-

lísti, ità nobis indulgéntiam largiáris. Per Dñm.

Postcommunio.

Præsta nobis, quæsumus, Dómine, intercedéntibus sanctis Virgínibus & Mátyribus tuis: ut quod ore contíngimus, purâ mente capiámus. Per.

PRO VIRGINE TANTUM.

Introitus. Psal. 44.

Dilexísti iustítiam, & odísti iniquitátem: propterea unxit te Deus, Deus tuus, óleo lætitiæ præ consortibus tuis. *Ps. ib.* Eructávit cor meum verbum bonum: dico ego ópera mea Regi. *V.* Glória Patri.

*Orémus.**Oratio.*

EXáudi nos, Deus salutáris noster: ut sicut de beátæ N. Virginis tuæ festivitáte gaudémus; ita piæ devoti-ónis erudiámur afféctu. Per Dñm.

Léctio Epístolæ beáti Pauli Apóstoli ad Corínthios. II. 10. d.

FRatres, Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat. Utinam sustinerétis módicum quid insipientiæ meæ, sed & supportáte me. Æmulor enim vós Dei æmulatióne. Despóndi enim vos uni viro virginem castam exhibére Christo.

Grad. Ps. 44. Spécie tuâ, & pulchritúdine tuâ, inténde, prospere procéde, & regna. *V.* Propter veritátem, & mansuetúdinem, & iustítiam, & dedúcet te mirabíliter dextera tua. Allelúia, allelúia. *V.* Adducéntur Regi virgines post eam: próximæ ejus afferéntur tibi in lætítia. Allelúia.

*Post Septuagesimam, omiſſis Allelúia,
& Verſu ſequenti, dicitur :*

Tract. Pſ. 44. Audi filia, & vide, & inclína aurem tuam : quia concupívit Rex ſpéciem tuam. *V.* Vultum tuum deprecabúntur omnes dívites plebis : filiae regum in honóre tuo.

V. Adducéntur Regi vírgines poſt eam : próximæ ejus afferéntur tibi. *V.* Afferéntur in lætítia & exultatióne : adducéntur in templum Regis.

*Tempore Paſchali omittitur Graduale,
& ejus loco dicitur : Allelúia, allelúia.*

V. Adducéntur Regi vírgines poſt eam : próximæ ejus afferéntur tibi in lætítia. Allelúia. *V.* Spécie tuâ, & pulchritúdine tuâ, inténde, próſperè procéde, & regna. Allelúia.

Sequéntia ſancti Evangélíi ſecúndum Matthæum. 25.

IN illo témpore : Dixit Jeſus diſcípulis ſuis parábolam hanc : Símile erit regnum cœlórum decem virgínibus, quæ accipiéntes lámpades ſuas, exiérunt óbviám ſponſo & ſponſæ. Quinque autem ex eis erant fátuæ, & quinque prudéntes : ſed quinque fátuæ, accéptis lámpadibus, non ſumpſérunt óleum ſecum : prudéntes verò accepérunt óleum in vafis ſuis cum lámpadibus. Moram autem faciénte ſponſo, dormitavérunt omnes & dormiérunt. Médiâ autem nocte clamor factus eſt : Ecce ſponſus venit, exíte óbviám ei. Tunc ſurrexérunt omnes vírgines illæ, & ornavérunt lámpades ſuas. Fátuæ autem ſapiéntibus dixérunt : Date nobis de óleo veſtro : quia lámpades noſtræ extingúuntur. Reſpondérunt prudéntes, dicéntes :

d 3

Ne fortè non ſufficiat nobis & vobis, ite pótius ad vendéntes, & émite vobis. Dum autem irent émere, venit ſponſus : & quæ parátæ erant, intravérunt cum eo ad núptias, & clauſa eſt jánuá. Novíſſimè verò véniunt & réliquæ vírgines, dicéntes : Dómine, Dómine, áperi nobis. At ille reſpóndens, ait : Amen dico vobis, néſcio vos. Vigiláte itaque, quia néſcítis diem, neque horam.

Offert. Pſ. 44. Fíliæ regum in honóre tuo, áſtitit regína à dextris tuis in veſtítu deauráto, circúmdata varietáte.

Secreta.

ACcépta tibi ſit, Dómine, ſacrátæ plebis oblátio, pro tuórum honóre Sanctórum : quorum ſe méritis de tribulatióne percepíſſe cognóſcit auxílium. Per Dñm.

Commun. Mat. 25. Quinque prudéntes vírgines accepérunt óleum in vafis ſuis cum lámpadibus : médiâ autem nocte clamor factus eſt : Ecce ſponſus venit, exíte óbviám Chriſto Dómino.

Postcommunio.

SAtiáſti, Dómine, famíliam tuam munéribus ſacris : ejus, quæſumus, ſemper interventióne nos réfove, cujus ſolémnia celebrámus. Per Dñm.

**A L I A M I S S A,
PRO VIRGINE TANTUM.**

Introitus. Pſ. 44.

Vultum tuum deprecabúntur omnes dívites plebis : adducéntur Regi vírgines poſt eam : próximæ ejus adducéntur tibi in lætítia & exultatióne. *Pſ. ib.* Eructávit cor meum verbum bonum : dico ego, ópera mea Regi. *V.* Glória Patri.

Orémus.

Oratio.

EXáudi nos, Deus salutáris noster: ut sicut de beátæ N. Vírginis tuæ festivitáte gaudémus; ita piæ devotiónis erudiámur afféctu. Per Dñm. Lécitio Epístolæ beáti Pauli Apóstoli ad Corínthios. I. 7.

FRatres, De virgínibus præcéptum Dómini non hábeo: consílium autem do, tamquam misericórdiam consecútus à Dómino, ut sim fidélis. Existimo ergo hoc bonum esse propter instantem necessitátem, quóniam bonum est hómini sic esse. Alligátus es uxóri? noli quærere solutióem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulatióem tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: réliquum est, ut & qui habent uxóres: tamquam non habéntes sint: & qui flent, tamquam non flentes: & qui gaudent, tamquam non gaudentes: & qui emunt, tamquam non possidéntes: & qui utúntur hoc mundo, tamquam non utántur: præterit enim figúra hujus mundi. Volo autem vos sine sollicitúdine esse. Qui sine uxóre est, solícitus est quæ Dómini sunt, quómodo pláceat Deo. Qui autem cum uxóre est, solícitus est quæ sunt mundi, quómodo pláceat uxóri, & divísus est. Et múlter innúpta, & virgo, cógitat quæ Dómini sunt; ut sit sancta corpore & spírítu: in Christo Jesu Dómino nostro.

Grad. Ps. 44. Concupívit Rex decórem tuum, quóniam ipse est Dómi-

nus Deus tuus. *Y.* Audi filia, & vide, & inclína aurem tuam. Allelúia, allelúia. *Y.* Hæc est virgo sapiens, & una de número prudentum. Allelúia. *Post Septuagesimam, omíssis Allelúia, & Versu sequenti, dicitur:*

Tract. Ps. 44. Audi filia, & vide, & inclína aurem tuam: quia concupívit Rex spéciem tuam. *Y.* Vultum tuum deprecabúntur omnes dívites plebis: filiæ regum in honóre tuo. *Y.* Adducéntur Regi vírgines post eam: próximæ ejus afferéntur tibi. *Y.* Afferéntur in lætítia & exultatióne: adducéntur in templum Regis.

Tempore Paschali omittitur Graduale, & ejus loco dicitur: Allelúia, allelúia.

Y. Ps. 44. Hæc est virgo sapiens, & una de número prudentum. Allelúia. *Y. Sap. 4.* O quàm pulchra est casta generatio cum claritáte! Allelúia.

Sequéntia sancti Evangélii secúndum Matthæum. 13. f.

IN illo témpore: Dixit Jesus discípulis suis parábolam hanc: Símile est regnum coelórum thesauro abscondito in agro: quem, qui ínvenit homo, abscondit, & præ gáudio illíus vadit, & vendit univérfa quæ habet, & emit agrum illum. Iterùm símile est regnum coelórum hómini negotiátóri, quærénti bonas margarítas. Invéntâ autem unâ pretiósâ margarítâ, abiit, & vendidit ómnia quæ hábuit, & emit eam. Iterùm símile est regnum coelórum sagénæ missæ in mare, & ex omni génere píscium congregánti. Quam, cùm impléta esset, educéntes, & secús littus sedéntes, elegérunt bonos in vasa, malos autem foras miserunt. Sic erit in consummatione sæ-

culi : exhibunt Angeli, & separabunt malos de medio iustorum, & mittent eos in caminum ignis : ibi erit fletus, & stridor dentium. Intellexistis hæc omnia? Dicunt ei : Etiam. Ait illis : Ideo omnis scriba doctus in regno cælorum, similis est homini patrifamilias, qui profert de thesauro suo nova & vetera.

Offert. Ps. 44. Afferentur Regi virgines post eam : proximæ ejus afferentur tibi in lætitia & exultatione : adducuntur in templum Regi Domino.

Secreta.

Accēpta tibi sit, Domine, sacratæ plebis oblatio, pro tuorum honore Sanctorum : quorum se meritis de tribulatione percepisse cognoscit auxilium. Per Dñm.

Commun. Mat. 13. Simile est regnum cælorum homini negotiatori, querenti bonas margaritas : inventa autem una pretiosa margarita, dedit omnia sua, & comparavit eam.

Postcommunio.

Satiasti, Domine, familiam tuam muneribus sacris : ejus, quaesumus, semper interventione nos refove, cujus solennia celebramus. Per.

COMMUNE NON VIRGINUM.

PRO UNA MARTYRE NON VIRGINE.

Introitus. Ps. 118.

ME expectaverunt peccatores, ut perderent me : testimonia tua, Domine, intellexi : omnis consummationis vidi finem : latum mandatum tuum nimis. *Ps. ib.* Beati immaculati in via : qui ambulant in lege Domini. *V. Gloria Patri.*

Oremus.

Oratio.

Deus, qui inter cætera potentiae tuæ miracula, etiam in sexu fragili victoriam martyrii contulisti : concede propitius ; ut qui beatæ N. Martyris tuæ natalitia colimus, per ejus ad te exempla gradiamur. Per Dñm.

Si fuerint plures.

Oratio.

DA nobis, quaesumus, Domine Deus noster, sanctarum Martyrum tuarum N. & N. palmas incessabili devotione venerari : ut quas digna mente non possumus celebrare, humilibus saltem frequentemus obsequiis. Per Dñm.

Lectio libri Sapientiae. Eccli. 51.

Confitebor tibi, Domine rex, & collaudabo te Deum Salvatorem meum. Confitebor nomini tuo : quoniam adjutor, & protector factus es mihi, & liberaisti corpus meum a perditione, a laqueis linguae iniquae, & a labiis operantium mendacium, & in conspectu astantium factus es mihi adjutor. Et liberaisti me secundum multitudinem misericordiae nominis tui a rugientibus, preparatis ad escam, de manibus querentium animam meam, & de portis tribulationum quae circumdederunt me : a pressura flammæ quae circumdedit me, & in medio ignis non sum aestuata : de altitudine ventris inferi, & a lingua coinquinata, & a verbo mendacii, a rege iniquo, & a lingua injusta : laudabit usque ad mortem anima mea Dominum, quoniam eruis sustinentes te, & liberas eos de manibus gentium, Domine Deus noster.

Grad. Ps. 44. Dilexisti justitiam, & odisti iniquitatem. *V. Propterea*

unxit te Deus, Deus tuus, óleo lætitiæ. Allelúia, allelúia. *V.* Spécie tuâ, & pulchritudine tuâ, inténde, prospère procéde, & regna. Allelúia.

Post Septuagesimam, omittis Allelúia, & Versu sequenti, dicitur:

Traetus. Veni, sponsa Christi, accipe coronam, quam tibi Dóminus præparávit in ætérnum: pro cujus amore sánguinem tuum fudísti.

V. Dilexísti justítiam, & odísti iniquitatem: propterea unxit te Deus, Deus tuus, óleo lætitiæ præ confortibus tuis. *V.* Spécie tuâ, & pulchritudine tuâ, inténde, prospère procéde, & regna.

Tempore Paschali omittitur Graduale, & ejus loco dicitur: Allelúia, allelúia.

V. Ps. 44. Spécie tuâ, & pulchritudine tuâ, inténde, prospère procéde, & regna. Allelúia. *V.* Propter veritatem, & mansuetudinem, & justítiam: & dedúcet te mirabíliter dextera tua. Allelúia.

Sequéntia sancti Evangélíi secúndum Matthæum. 13.

IN illo témpore: Dixit Jesus discípu-
lis suis parábolam hanc: Símile est regnum coelórum thesauro abscondito in agro: quem, qui invenit homo, abscondit, & præ gáudio illius vadit, & vendit univérfa quæ habet, & emit agrum illum. Iterum símile est regnum coelórum hómini negotiátóri, quærénti bonas margarítas. Inven-ta autem uná pretiósá margarítá, ábiit, & véndidit ómnia quæ hábuit, & emit eam. Iterum símile est regnum coelórum sagénæ missæ in mare, & ex omni génere píscium congregánti. Quam, cùm impléta esset, educéntes,

& secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, & separábunt malos de médio justórum, & mittent eos in camínium ignis: ibi erit fletus, & stridor déntium. Intellexístis hæc ómnia? Dicunt ei: Etiam. Ait illis: Ideò omnis scriba doctus in regno coelórum, símilis est hómini patrifamílias, qui profert de thesauro suo nova & vétera.

Offert. Ps. 44. Diffúsa est grátia in lábiis tuis: propterea benedíxit te Deus in ætérnum, & in sæculum sæculi.

Secreta.

SUscipe, Dómine, múnera, quæ in beátæ N. Mártiris tuæ solemnitáte deférimus: cujus nos confidimus patrocinio liberári. Per Dñm.

Si fuerint plures.

Secreta.

INténde, quæsumus, Dómine, mún-
nera, altáribus tuis pro sanctárum Mártýrum tuárum N. & N. festivitáte propósitá: ut, sicut per hæc beáta mystéria illis glóriam contulísti, ita nobis indulgéntiam largiáris. Per.

Commun. Ps. 118. Príncipes persecúti sunt me gratis: & à verbis tuis formidávit cor meum. Lætabor ego super elóquia tua: quasi qui invénit spólia multa.

Postcommunio.

AUxiliéntur nobis, Dómine, sumpta mystéria: & intercedénte beátâ N. Mártýre tuâ, sempitérna fácient protectione gaudere. Per Dñm.

Si fuerint plures. Postcommunio.

PRæsta nobis, quæsumus, Dómine, intercedéntibus sanctis Martyri-

bus tuis: ut quod ore contingimus, purâ mente capiâmus. Per Dñm.

PRO NEC VIRGINE NEC
MARTYRE.

Introitus. Ps. 118.

COgnóvi, Dómine, quia æquitas judícia tua, & in veritate tua humiliásti me: confige timóre tuo carnes meas: à mandátis tuis tímui.

Ps. ib. Beáti immaculáti in via: qui ámbulant in lege Dómini.

V. Glória Patri.

Orémus.

Oratio.

EXáudi nos, Deus salutáris noster: ut sicut de beátæ N. festivitáte gaudémus; ita piæ devotiónis erudiámur afféctu. Per Dñm.

Lectio libri Sapiéntiæ. Prov. 31. b.

MUlièrem fortem quis invéniet? procul, & de últimis finibus prætium ejus. Confidit in ea cor viri sui, & spóliis non indigébit. Reddet ei bonum, & non malum, omnibus diébus vitæ suæ. Quæsivit lanam & linum, & operáta est consílio mánuum suárum. Facta est quasi navis institóris, de longè portans panem suum. Et de nocte furréxit, dedítque prædam domésticis suis, & cibária ancillis suis. Considerávit agrum, & emit eum: de fructu mánuum suárum plantávit vineam. Accínxit fortitúdine lumbos suos, & roborávit bráchium suum. Gustávit & vidit quia bonâ est negotiatio ejus: non extingúetur in nocte lucérna ejus. Manum suam misit ad fórtia, & dígití ejus apprehendérunt fufum. Manum suam apérui inopi, & palmas suas exténdit ad páuperem. Non

timébit dómui suæ à frigóribus nivis: omnes enim doméstici ejus vestíti sunt duplicibus. Stragulátam vestem fecit sibi: byssus & púrpura induméntum ejus. Nóbilis in portis vir ejus, quando féderit cum senatóribus terræ. Síndonem fecit, & véndidit, & cingulum trádidit Chananæo. Fortitúdo & decor induméntum ejus, & ridébit in die novíssimo. Os suum apérui sapiéntiæ, & lex cleméntiæ in lingua ejus. Considerávit fémitas domús suæ, & panem otíosa non comédit. Surrexérunt filii ejus, & beatíssimam prædicavérunt: vir ejus, & laudávit eam. Multæ filiæ congregavérunt divítias: tu supergréssa es univérsas. Fallax grátia, & vana est pulchritúdo: múlièr timens Dóminum, ipsa laudábitur. Date ei de fructu mánuum suárum: & laudent eam in portis ópera ejus.

Grad. Ps. 44. Diffúsa est grátia in lábiis tuis: proptéreà benedíxit te Deus in ætérnum. *V.* Propter veritátem & mansuetúdinem, & justítiam: & dedúcet te mirabíliter dextera tua. Allelúia, allelúia. *V.* Spécie tuâ, & pulchritúdine tua, inténde, prospère procéde, & regna. Allelúia.

Post Septuagesimam, omissis Allelúia, & Versu sequenti, dicitur:

Tractus. Veni, sponsa Christi, áccipe corónam, quam tibi Dóminus præparávit in ætérnum.

V. Ps. 44. Dilexísti justítiam, & odísti iniquitátem: proptéreà unxit te Deus, Deus tuus, óleo lætitiæ præ consórtibus tuis. *V.* Spécie tuâ, & pulchritúdine tuâ, inténde, prospère procéde, & regna.

Tempore Paschali omittitur Graduale, & ejus loco dicitur: Allelúia, allelúia.

V. Spécie tua, & pulchritúdine tua, inténde, prósperè procéde, & regna. Allelúia. V. Propter veritátem, & mansuetúdinem, & justítiam: & dedúcet te mirábiliter délixtera tua. Allelúia.

Sequéntia sancti Evangélii secúndum Matthæum. 13.

IN illo témpore: Dixit Jesus discípu-
lis suis parábolam hanc: Símile
est regnum coelórum thesáuro abscón-
dito in agro: quem, qui invenit homo,
abscondit, & præ gáudio illíus vadit,
& vendit univérſa quæ habet, & emit
agrum illum. Iterùm símile est reg-
num coelórum hómini negotiátóri
quærénti bonas margarítas. Invéntâ
autem unâ pretióſâ margarítâ, ábiit, &
véndidit ómnia quæ hábuit, & emit
eam. Iterùm símile est regnum coe-
lórum ſagénæ miſſæ in mare, & ex
omni génere píſcium congregánti.
Quam, cùm impléta eſſet, educéntes,
& ſecùs littus ſedéntes, elegérunt bo-
nos in vaſa, malos autem foras miſé-
runt. Sic erit in conſummatione ſæ-
culi: exíbunt Angeli, & ſeparábunt
malos de médio juſtórum, & mittent
eos in camínium ignis: ibi erit fletus,
& ſtridor déntium. Intellexíſtis hæc
ómnia? Dicunt ei: Etiam. Ait illis:
Ideò omnis ſcriba doctus in regno coelo-
rum, ſímilis eſt hómini patrifamílias, qui
profert de theſáuro ſuo nova & vétera.

Offert. Diffúſa eſt grátia in lábiis
tuis: proptéreà benedíxit te Deus in
æténum, & in ſæculum ſæculi.

Secreta.

ACcépta tibi ſit, Dómine, ſacrátæ
plebis oblátio, pro tuórum ho-

nóre Sanctórum: quorum ſe méritis de
tribulatione percepíſſe cognóſcit aux-
ílium. Per Dñm.

Commun. Pſ. 44. Dilexíſti juſtítiam,
& odíſti iniquitátem: proptéreà unxit
te Deus, Deus tuus, óleo lætítiæ præ
conſórtibus tuis.

Postcommunio.

SAtiáſti, Dómine, famíliam tuam
munéribus ſacris: ejus, quæſumus,
ſemper interventióne nos réfove, cujus
ſolémnia celebrámus. Per Dñm.

¶ Item alia Epíſtola pro vidua.

*Léctio Epíſtolæ beáti Pauli Apóſtoli
ad Timótheum. I. 5.*

CHaríſſime, Víduas honóra quæ ve-
rè víduæ ſunt. Si qua autem
vídua filios, aut nepótes habet, diſcat
primùm domum ſuam régere, & mú-
tuam vicem réddere paréntibus: hoc
enim accéptum eſt coram Deo. Quæ
autem verè vídua eſt, & deſoláta, ſpe-
ret in Deum, & inſtet obſecrationibus
& orationibus nocte ac die. Nam
quæ in delíciis eſt, vivens mórtua eſt.
Et hoc præcipe, ut irreprehenſíbiles
ſint. Si quis autem ſuórum, & máxi-
mè domesticórum curam non habet,
fidem negávit, & eſt infidéli detérior.
Vídúa eligátur non minùs ſexagínta
annórum, quæ fúerit uníus viri uxor,
in operíbus bonis teſtimónium habens,
ſi filios educávit, ſi hoſpítio recépit,
ſi ſanctórum pedes lavit, ſi tribulatió-
nem patiéntibus ſubminiſtrávit, ſi om-
ne opus bonum ſubſecúta eſt.

IN ANNIV. DEDICAT. ECCLESIAE.

Introitus. Gen. 28.

TErríbilis eſt locus iſte: híc domus
Dei eſt, & porta coeli: & vocá-
bitur aula Dei. *Pſ. 83.* Quàm dilécta

tabernacula tua, Dómine virtutum !
concupiscit, & déficit ánima mea in
átria Dómini. *V.* Glória Patri.

Orémus.

Oratio.

DEus, qui nobis per singulos an-
nos, hujus sancti templi tui con-
secrationis réparas diem, & sacris sem-
per mystériis repræsentas incólumes :
exáudi preces pópuli tui, & præsta ;
ut quisquis hoc templum beneficia pe-
titurus ingreditur, cuncta se impe-
trasse lætetur. Per Dñm.

Lectio libri Apocalypsis beáti Joánnis
Apóstoli. 21.

IN diébus illis : Vidi sanctam civitá-
tem Jerúsalem novam descendén-
tem de coelo à Deo, parátam, sicut
sponsam ornátam viro suo. Et audivi
vocem magnam de throno dicen-
tem : Ecce tabernáculum Dei cum
homínibus, & habitábit cum eis. Et
ipsi pópulus ejus erunt, & ipse Deus
cum eis erit eórum Deus : & abstérget
Deus omnem lácrymam ab óculis eó-
rum ; & mors ultrà non erit, neque
luctus, neque clamor, neque dolor
erit ultrà, quia prima abierunt. Et
dixit qui sedébat in throno : Ecce nova
fácio ómnia.

Graduale. Locus iste à Deo
factus est, inæstimábile sacraméntum,
irreprehensibilis est. *V.* Deus, cui
adstat Angelórum chorus, exáudi pre-
ces servórum tuórum. Allelúia, allel.
V. Ps. 137. Adorábo ad templum
sanctum tuum : & confitébor nómini
tuo. Allelúia.

*Post Septuagesimam, omittis Allelúia,
& Versu sequenti, dicitur :*

Tract. Ps. 124. Qui confidunt in
Dómino, sicut mons Sion : non com-

movébitur in ætérnum, qui hábitat
in Jerúsalem. *V.* Montes in circú-
tu ejus, & Dóminus in circúitu
pópuli sui, ex hoc nunc, & usque
in sæculum.

*Tempore Paschali, omittitur Graduale,
& ejus loco dicitur : Allelúia, allelúia.*

V. Adorábo ad templum sanctum
tuum : & confitébor nómini tuo. Allel.
V. Benè fundáta est domus Dómini
supra firmam petram. Allelúia.

Sequéntia sancti Evangélii secúndum
Lucam. 19.

IN illo témpore : Ingréssus Jesus per-
ambulábat Jéricho. Et ecce vir
nómine Zachæus : & hic princeps erat
publicanórum, & ipse dives : & quæ-
rébat vidére Jesum, quis esset : & non
póterat præ turba, quia statúra pusíl-
lus erat. Et præcurrens ascéndit in
árborem fycómorum ut vidéret eum :
quia inde erat transiturus. Et cum
venisset ad locum, suspiciens Jesus
vidit illum, & dixit ad eum : Zachæe
festínans descénde, quia hódie in do-
mo tua opórtet me manére. Et festí-
nans descéndit, & excépit illum gau-
dens. Et cum vidérent omnes, mur-
murábant, dicétes quòd ad hóminem
peccatórem divertisset. Stans autem
Zachæus, dixit ad Dóminum : Ecce di-
mídium bonórum meórum, Dómine, do
paupéribus : & si quid áliquem defrau-
davi, reddo quádruplum. Ait Jesus
ad eum : Quia hódie salus domui huic
facta est : eò quòd & ipse filius sit
Abrahæ. Venit enim Fílius hóminis
quærere, & salvum fácere quod pe-
rierat.

Credo.

Offert. 1. Paral. 29. Dómine Deus, in simplicitate cordis mei lætus obtulisti univérſa: & pópulum tuum, qui repértus est, vidi cum ingénti gáudio: Deus Israél, custódi hanc voluntátem, allelúia.

Secreta.

[*Extra Ecclesiam ipsam dedicatam omittitur tota parentthesis.*]

ANnue, quæsumus, Dómine, precibus nostris: (ut quicumque intra templi hujus, cujus anniversarium dedicationis diem celebrámus, ámbitum continémur, plena tibi atque perfectá corpóris & ánimæ devotíone placeámus,) ut dum hæc vota præſentia réddimus, ad æténa præmia, te adjuvante, pervenire mereámur. Per.

Commun. Matt. 22. Domus mea, domus orationis vocábitur, dicit Dóminus: in ea omnis qui petit, áccipit: & qui quærit, invenit: & pulsanti aperiétur.

Postcommunio.

DEus, qui de vivis & eléctis lapídis æténum majestáti tuæ præparas habitáculum: auxiliáre pópulo tuo supplicánti; ut quod Ecclésiæ tuæ corporálibus próficit spátiis, spirituálibus amplificétur augméntis. Per Dñm.

Infra Octavam Dedicationis Ecclesiæ, & in die Octava, dicitur Missa ut supra in die anniversario; sed infra Octavam secunda Oratio dicitur de beata Maria, tertia, Ecclésiæ. vel pro Papa, ut supra in Dominica in albis.

¶ *In ipsa die Dedicationis Ecclesiæ, Missa dicitur ut supra in anniversario Dedicationis, exceptis Orationibus, quæ dicuntur ut sequitur.*

Oratio.

DEus, qui invisibíliter ómnia contémnes, & tamen pro salúte géneris humáni signa tuæ poténtiæ visibíliter osténdis: templum hoc poténtiâ tuæ inhabitatiónis illústra, & concéde; ut omnes, qui huc deprecáturi convéniant, ex quacúmque tribulatíone ad te clamáverint, consolatiónis tuæ beneficia consequántur. Per Dñm.

Secreta.

DEus, qui sacrandórum tibi auctor es múnere, effúnde super hanc oratiónis domum benedictiónem tuam: ut ab ómnibus in ea invocántibus nomen tuum, defensiónis tuæ auxiliúm sentiátur. Per Dñm.

Postcommunio.

QUæsumus, omnípotens Deus: ut in hoc loco, quem nómini tuo indígni dedicávimus, cunctis peténtibus aures tuæ pietátis accómmodes. Per Dñm.

¶ *In ipsa die Dedicationis Altaris dicitur Missa ut supra in anniversario Dedicationis Ecclesiæ, præter Orationes, quarum loco dicuntur sequentes.*

Oratio.

DEus, qui ex omni coaptatíone Sanctórum, æténum tibi condis habitáculum: da ædificatióni tuæ incrementa cœléstia; ut quorum híc reliquias pio amóre compléctimur, eórum semper méritis adjuvémur. Per.

Secreta.

DEscéndat, quæsumus, Dómine Deus noster, Spíritus tuus sanctus super hoc altáre: qui & pópuli tui dona sanctíficet, & fuméntium corda dignánter emúndet. Per Dóminum. . . in unitáte ejúsdem Spíritús sancti.

Postcommunio.

OMnipotens sempiternus Deus, altare hoc nomini tuo dedicatum, celestis virtutis benedictione sanctifica; & omnibus in te sperantibus, auxilii tui munus ostende: ut & hic sacramentorum virtus, & votorum obtineatur effectus. Per Dñm.

¶ *Sequentes Missæ Votivæ, licet pro Sacerdotis devotione quacumque die dici possunt per Hebdomadam, quando Festum Duplex non occurrit: hoc tamen passim, nisi rationabili de causa, fieri non debet; sed quoad fieri potest, Missa cum Officio conveniat. Cuique autem diei propria Missa potest assignari: ut Feria ij. nisi dicatur pro Defunctis, Missa de sancta Trinitate. Feria iij. de Angelis. Feria iv. de Apostolis. Feria v. de Spiritu sancto, vel de sanctissimo Eucharistiæ Sacramento. Feria vj. de Cruce, vel de Passione Domini. Sabbato de sancta Maria. In ipsis non dicitur, Gloria in excelsis. nec Credo. nisi pro publica Ecclesiæ causa, & tunc, etiam si dicantur in paramentis violaceis, dicitur Credo. si sit Dominica, non autem Gloria in excelsis. In Missa autem beatæ Mariæ in Sabbato, & in Missa Angelorum, dicitur tantum Gloria in excelsis. Tempore Paschali, in fine Introitus dicuntur duo Allelúia, & in fine Offertorii & Communionis additur Allelúia, ubi non habetur.*

MISSA VOTIVA DE SS. TRINITATE.

Introitus. Tob. 12.

Benedicta sit sancta Trinitas, atque indivisa unitas: confitemur ei, quia fecit nobiscum misericordiam suam. Ps. 8. Domine Dó-

minus noster, quàm admirabile est nomen tuum in universa terra!

V. Gloria Patri.

Orémus.

Oratio.

OMnipotens sempiternus Deus, qui dedisti famulis tuis in confessione veræ fidei, æternæ Trinitatis glóriam agnoscere, & in potentia maiestatis adorare unitatem: quæsumus, ut ejusdem fidei firmitate ab omnibus semper muniamur adversis. Per Dñm.

Lectio Epistolæ beati Pauli Apostoli ad Corinthios. II. 13. d.

FRatres, Gaudete: perfecti estote, exhortamini, idem sapiate, pacem habete, & Deus pacis & dilectionis erit vobiscum. Grátia Domini nostri Jesu Christi, & charitas Dei, & communicatio sancti Spiritus sit cum omnibus vobis. Amen.

Grad. Dan. 3. Benedictus es, Domine, qui intuéris abyssos, & sedes super Chérubim. V. Benedictus es, Domine, in firmamento cœli, & laudabilis in sæcula. Allelúia, allelúia. V. Benedictus es, Domine Deus patrum nostrorum, & laudabilis in sæcula. Allelúia.

Post Septuagesimam, omissis Allelúia, & Versu sequenti, dicitur:

Tract. Te Deum Patrem ingénitum, te Fílium unigénitum, te Spíritum sanctum Paráclitum, sanctam & indivíduam Trinitatem, toto corde confitemur, laudamus, atque benedicimus. V. Quóniam magnus es tu, & faciens mirabilia, tu es Deus solus. V. Tibi laus, tibi glória, tibi gratiarum actio, in sæcula sempiterna, ô beata Trinitas.

Tempore Paschali omittitur Graduale, & ejus loco dicitur: Allelúia, allelúia.

V. Dan. 3. Benedíctus es, Dómine Deus patrum nostrorum, & laudábilis in sæcula. Allelúia. V. Benedicámus Patrem, & Fílium, cum sancto Spíritu. Allelúia.

Sequéntia sancti Evangélii secúndum Joánnem. 15. et 16.

IN illo témpore: Dixit Jesus discipulis suis: Cúm vénerit Paráclitus, quem ego mittam vobis à Patre, Spíritum veritátis, qui à Patre procédit, ille testimónium perhibébit de me: & vos testimónium perhibébitis, quia ab inítio mecum estis. Hæc locútus sum vobis, ut non scandalizémini. Absque synagógis fácient vos: sed venit hora, ut omnis qui interficit vos, arbitrétur obsequium se præstare Deo. Et hæc fácient vobis, quia non novérunt Patrem, neque me. Sed hæc locútus sum vobis: ut cúm vénerit hora, eórum reminiscámini, quia ego dixi vobis.

Offert. Benedíctus sit Deus Pater, unigenitúsque Dei Fílius, sanctus quoque Spíritus: quia fecit nobíscum misericórdiam suam.

Secreta.

SANCTÍFICA, quæsumus, Dómine Deus noster, per tui sancti nóminis invocatióem, hujus oblatiós hóstiam: & per eam nosmetípsos tibi pérfice munus ætérnum. Per Dñm.

Præfatio de sancta Trinitate. Qui cum unigénito. fol. 202. 211.

Commun. Tob. 12. Benedícimus Deum coeli, & coram ómnibus vivéntibus confitébimur ei: quia fecit nobíscum misericórdiam suam.

Postcommunio.

PROFICIAT nobis ad salútem córporis & ánimæ, Dómine Deus noster, hujus sacraménti fuscéptio: & sempitérnæ sanctæ Trinitátis, ejusdémque individuæ unitátis conféssio. Per.

¶ Pro gratiarum actiōe dicitur Missa de sancta Trinitate, vel de Spiritu sancto, vel de beata Maria, additis sequentibus Orationibus sub una conclusione.

Oratio.

DEUS, cujus misericórdiæ non est númerus, & bonitátis infínitus est thesáurus: piíssimæ majestáti tuæ pro collátis donis grátias ágimus, tuam semper cleméntiam exorátes; ut qui peténtibus postuláta concédís, eósdem non déferens, ad præmia futura dispónas. Per Dñm.

Secreta.

ODÓREM, Dómine, sacrificii hujus cum gratiárum actiōnibus fúscipe, & præsta; ut quos exaudíre, & incólumes serváre dignátus es, ab omni in pósterum adversitáte custódias; & in tuo servítio & amóre concreúcant. Per.

Postcommunio.

DEUS, qui néminem in te sperántem, nímiùm afflígi permíttis, sed piúm précibus præstas audítum: pro postulatiōnibus nostris, votisque fuscéptis grátias ágimus, te piíssime, deprecántes: ut per hæc quæ sumpsimus, à cunctis éripi mereámur advérsis. Per Dñm.

M I S S A D E A N G E L I S.

Introitus. Ps. 102.

BENEDÍCITE Dóminum, omnes Angeli ejus: poténtes virtúte, qui fácitis verbum ejus, ad audiéndam

vocem fermónum ejus. *Pf. ib.* Benédic, ánima mea, Dómino : & ómnia quæ intra me sunt, nómini sancto ejus.

V. Glória Patri.

Orémus.

Oratio.

DEus, qui miro órdine Angelórum ministéria hominúmque dispén-
sas: concéde propítius: ut à quibus tibi ministrántibus in coelo semper asístitur, ab his in terra vita nostra muniátur. Per Dñm.

Léctio libri Apocalypsis beáti Joánnis Apóstoli. 5. c.

IN diébus illis: Audívi vocem Angelórum multórum in circúitu throni, & animálium, & seniórum: & erat númerus eórum míllia míllium, dicéntium voce magnâ: Dignus est Agnus, qui occísus est, accípere virtútem, & divinitátem, & sapiéntiam, & fortitúdinem, & honórem, & glóriam, & benedictiónem. Et omnem creatúram, quæ in coelo est, & super terram, & sub terra, & quæ sunt in mari, & quæ in eo: omnes audívi dicétes: Sedénti in throno, & Agno, benedictio, & honor, & glória, & potéstas in sæcula sæculórum. Et quátuor animália dicébant: Amen. Et viginti quátuor senióres cecidérunt in fácies suas: & adoravérunt vivéntem in sæcula sæculórum.

Grad. Ps. 148. Laudáte Dóminum de coelis: laudáte eum in excélsis.

V. Laudáte eum, omnes Angeli ejus: laudáte eum, omnes virtútes ejus. Allelúia, allelúia.

V. Psal. 138. In conspéctu Angelórum psállam tibi: adorábo ad tem-

plum sanctum tuum, & confitébor nómini tuo. Allelúia.

Post Septuagesimam, omissis Allelúia, & Versu sequenti, dicitur:

Tract. Ps. 102. Benedícite Dóminum, omnes Angeli ejus: poténtes virtúte, qui fácitis verbum ejus.

V. Benedícite Dómino, omnes virtútes ejus: minístri ejus, qui fácitis voluntátem ejus. *V.* Benedícite Dómino, ómnia ópera ejus: in omni loco dominationis ejus: benedic, ánima mea, Dómino.

Tempore Paschali omittitur Graduale, & ejus loco dicitur, Allelúia, allelúia.

V. Ps. 137. In conspéctu Angelórum psállam tibi: adorábo ad templum sanctum tuum: & confitébor nómini tuo. Allelúia. *V. Mat. 28.* Angelus Dómini descéndit de coelo, & accédens revólvit lápidem, & sedébat super eum. Allelúia.

Seqúentia sancti Evangélii secúndum Joánnem. 1. g.

IN illo témpore: Vidit Jesus Nathánael veniéntem ad se, & dicit de eo: Ecce verè Israélita, in quo dolus non est. Dicit ei Nathánael: Unde me nosti? Respóndit Jesus, & dixit ei: Priúsquam te Philíppus vocáret, cum esses sub ficu, vidi te. Respóndit ei Nathánael, & ait: Rabbi, tu es Fílius Dei, tu es Rex Israél. Respóndit Jesus, & dixit ei: Quia dixi tibi: Vidi te sub ficu, credis: majus his vidébis. Et dicit ei: Amen, amen dico vobis, vidébitis coelum apértum, & Angelos Dei ascendéntes, & descendéntes supra Fílium hóminis.

Offert. Apoc. 8. Stetit Angelus juxta aram templi, habens thuribulum aureum in manu sua: & data sunt ei incensa multa: & ascendit fumus aromaticus in conspectu Dei.

Secreta.

Hostias tibi, Domine, laudis offerimus, suppliciter deprecantes: ut easdem, Angelico pro nobis interveniente suffragio, & placatus accipias, & ad salutem nostram provenire concedas. Per Dñm.

Commun. Angeli, Archangeli, Throni & Dominationes, Principatus & Potestates, Virtutes coelorum, Cherubim atque Seraphim, Dominum benedicite in æternum.

Postcommunio.

Replēti, Domine, benedictione coelesti, suppliciter imploramus: ut quod fragili celebramus officio, sanctorum Angelorum atque Archangelorum nobis prodesse sentiamus auxilio. Per Dñm.

¶ *Alia Missa votiva de S. Michael Archangelo dici potest, prout in ejus Dedicatione xxix. Septembris.*

MISSA DE SS. APOSTOLIS PETRO ET PAULO.

Introitus. Ps. 138.

Mihi autem nimis honorati sunt amici tui, Deus: nimis confortatus est principatus eorum.

Ps. ib. Domine, probasti me, & cognovisti me: tu cognovisti sessionem meam, & resurrectionem meam.

V. Gloria Patri.

Orémus.

Oratio.

Deus, cujus dextera beatum Petrum ambulātem in fluctibus,

ne mergeretur, erexit; & coapostolum ejus Paulum tertio naufragantem, de profundo pelagi liberavit: exaudi nos propitius, & concede; ut amborum meritis, æternitatis gloriam consequamur. Qui vivis & regnas cum Deo.

Lectio Actuum Apostolorum. 5 b.

In diebus illis: Per manus Apostolorum fiebant signa & prodigia multa in plebe. Et erant unanimiter omnes in porticu Salomonis. Cæterorum autem nemo audebat se conjungere illis: sed magnificabat eos populus. Magis autem augebatur credentium in Domino multitudo virorum, ac mulierum, ita ut in plateas ejicerent infirmos, & ponerent in lectulis ac grabatis, ut veniente Petro, saltem umbra illius obumbraret quinquam illorum, & liberarentur ab infirmitatibus suis. Concurrēbat autem & multitudo vicinarum civitatum Jerusalem, afferentes ægros, & vexatos à spiritibus immundis: qui curabantur omnes.

Grad. Ps. 44. Constitues eos principes super omnem terram: memores erunt nominis tui, Domine. *V.* Pro patribus tuis nati sunt tibi filii: propterea populi confitebuntur tibi. Allelúia, allelúia. *V. Ps. 138.* Nimis honorati sunt amici tui, Deus: nimis confortatus est principatus eorum. Allelúia.

Post Septuagesimam, omisso Allelúia, & Versu sequenti, dicitur:

Tract. Ps. 125. Qui seminant in lacrymis, in gaudio metent. *V.* Eúntes ibant & flebant, mittentes semina

sua. *V.* Venientes autem venient cum exultatione, portantes manipulos suos.

Sequentia sancti Evangelii secundum Matthæum. 19. d.

IN illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos qui secuti estis me, in regeneratione, cum sederit Filius hominis in sede maiestatis suæ, sedebitis & vos super sedes duodecim, iudicantes duodecim Tribus Israël. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, & vitam æternam possidebit.

Offert. Ps. 18. In omnem terram exiit sonus eorum: & in fines orbis terræ verba eorum.

Secreta.

Offerimus tibi, Domine, preces & munera: quæ, ut tuo sint digna conspectu, Apostolorum tuorum Petri & Pauli precibus adjuvemur. Per.

Præfatio de Apostolis. Te, Domine, suppliciter. *fol.* 205. 212.

Commun. Mat. 19. Vos qui secuti estis me, sedebitis super sedes, iudicantes duodecim Tribus Israël.

Postcommunio.

Protege, Domine, populum tuum: & Apostolorum tuorum Petri & Pauli patrocinio confidentem, perpetuâ defensione conserva. Per Dñm.

Tempore Paschali dicitur Missa, ut in festo S. Marci, xxv. Aprilis, præter Orationes, Epistolam, & Evangelium, quæ dicuntur ut supra.

MISSA DE SPIRITU SANCTO.

Introitus. Sap. 2.

Spiritus Domini replevit orbem terrarum: & hoc, quod continet omnia, scientiam habet vocis.

Pf. 67. Exurgat Deus, & dissipentur inimici ejus: & fugiant, qui oderunt eum, à facie ejus.

V. Glória Patri.

Orémus.

Oratio.

Deus, qui corda fidelium sancti Spiritus illustratione docuisti: da nobis in eodem Spiritu recta sapere, & de ejus semper consolatione gaudere. Per Dominum... in unitate ejusdem Spiritus sancti Deus.

Lectio Actuum. Apostolorum. 8. c.

IN diebus illis: Cum audissent Apostoli, qui erant Jerosolymis, quod recepisset Samaria verbum Dei, miserunt ad eos Petrum & Joannem. Qui cum venissent, oraverunt pro ipsis ut acciperent Spiritum sanctum: nondum enim in quemquam illorum venerat, sed baptizati tantum erant in nomine Domini Jesu. Tunc imponebant manus super illos, & accipiebant Spiritum sanctum.

Grad. Ps. 32. Beata gens, cujus est Dominus Deus eorum: populus, quem elegit Dominus in hereditatem sibi. *V.* Verbo Domini coeli firmati sunt: & spiritu oris ejus omnis virtus eorum. Allelúia, allelúia.

V. [Hic genuflectitur] Veni, sancte Spiritus, reple tuorum corda fidelium: & tui amoris in eis ignem accende. Allelúia.

Post Septuagesimam, omissis Allelúia, & Versu sequenti, dicitur:

Tract. Ps. 103. Emítte Spíritum tuum, & creabúntur: & renovábis faciém terræ. *V.* O quàm bonus & suavis est, Dómine, Spíritus tuus in nobis. *V.* [*Hic genuflectitur.*] Veni, sancte Spíritus, reple tuórum corda fidélium: & tui amóris in eis ignem accénde.

Tempore Paschali omittitur Graduale, & ejus loco dicitur: Allelúia, allelúia.

V. Ps. 103. Emítte Spíritum tuum, & creabúntur: & renovábis faciém terræ. Allelúia. *V.* [*Hic genuflectitur*] Veni, sancte Spíritus, reple tuórum corda fidélium: & tui amóris in eis ignem accénde. Allelúia.

Sequéntia sancti Evangélii secúndum Joánnem. 14. c.

IN illo témpore: Dixit Jesus discípulis suis: Si quis díligit me, sermónem meum servábit, & Pater meus díliget eum, & ad eum veniémus, & mansiónem apud eum faciémus: qui non díligit me, sermónes meos non servat. Et sermónem quem audístis, non est meus: sed ejus, qui misit me, Patris. Hæc locútus sum vobis, apud vos manens. Paráclitus autem Spíritus sanctus, quem mittet Pater in nómine meo, ille vos docébit omnia, & fúgeret vobis ómnia, quaecúmque díxero vobis. Pacem relínquo vobis, pacem meam do vobis: non quómodo mundus dat, ego do vobis. Non turbétur cor vestrum, neque formídet. Audístis quia ego dixi vobis: Vado, & vénio ad vos. Si díligerétis me, gauderétis útique, quia vado ad Patrem: quia Pater major me est. Et nunc dixi vobis priúsqvam fiat: ut cùm factum fúerit, credátis. Jam non multa loquar vobíscum. Venit enim

princeps mundi hujus, & in me non habet quidquam. Sed ut cognóscat mundus, quia díligo Patrem; & sicut mandátum dedit mihi Pater, sic fácio.

Offert. Ps. 67. Confirma hoc, Deus, quod operátus es in nobis: à templo tuo, quod est in Jerúsalem, tibi ófferent reges múnera.

Secreta.

MUnera, quæsumus, Dómine, obláta sanctífica: & corda nostra sancti Spíritus illustratióne emúnda. Per Dóminum. . . in unitáte ejúsdem Spíritus sancti Deus.

Præfatio. Qui ascéndens. super omnes coelos. fol. 201. 210.

Commun. Act. 2. Factus est repéntè de coelo sónus tamquam adveniéntis spíritus veheméntis, ubi erant sedéntes, & repléti sunt omnes Spíritu sancto, loquéntes magnália Dei.

Postcommunio.

Sancti Spíritus, Dómine, corda nostra mundet infúsió: & sui roris íntimâ aspersiône fecúndet. Per Dóminum. . . in unitáte ejúsdem Spíritus.

¶ *Ad postulandam gratiam Spiritus sancti, dicitur Missa ut supra, cum sequentibus Orationibus.*

Oratio.

DEus, cui omne cor patet, & omnis volúntas loquitur, & quem nullum latet secrétum: purífica per infusiónem sancti Spíritus cogitatiónes cordis nostri; ut te perfectè díligere, & dignè laudáre mereámur. Per Dóminum. . . in unitáte ejúsdem.

Secreta.

HÆc oblátio, quæsumus, Dómine, cordis nostri máculas emúndet: ut sancti Spíritus digna efficiátur ha-

Litatio. Per Dóminum... in unitate ejúsdem Spíritus.

Postcommunio.

Concède, quæsumus, omnipotens Deus, sanctum nos Spíritum votis promereri sedulis: quatenus ejus grátia & ab omnibus liberémur tentationibus, & peccatorum nostrorum indulgéntiam percípere mereámur. Per Dóminum... in unitate ejúsdem Spíritus sancti Deus.

MISSA DE SS. EUCHARISTIAE
SACRAMENTO.

Introitus. Psal. 80.

Cibávit eos ex ádipe frumenti: & de petra, melle saturávit eos.

Pf. ib. Exultáte Deo adjutori nostro: jubiláte Deo Jacob. *V.* Glória Patri.

Orémus.

Oratio.

Deus, qui nobis sub Sacraménto mirábili passiónis tuæ memóriam reliquisti: tríbe, quæsumus; ita nos Córporis & Sanguinis tui sacra mystéria venerári, ut redemptionis tuæ fructum in nobis júgiter sentiámus. Qui vivis & regnas cum Deo. *Lectio.* Epístolæ beáti Pauli Apóstoli ad Corínthios. *I. 11.*

Fratres, Ego enim accépi à Dómino, quod & tradidi vobis, quóniam Dóminus Jesús in qua nocte tradebátur, accépit panem, & grátias agens fregit, & dixit: Accípite, & manducáte: hoc est corpus meum, quod pro vobis tradétur: hoc fácite in meam commemoraciónem. Simíliter & cálicem, postquam coenávit, dicens: Hic calix novum testaméntum est in meo sanguine. Hoc fácite, quotiescúmque bibétis, in meam commemoraciónem. Quotiescúmque enim

manducábitis panem hunc, & cálicem bibétis: mortem Dómini annuntiábitis, donec véniat. Itaque quicúmque manducáverit panem hunc, vel biberit cálicem Dómini indignè: reus erit córporis & sanguinis Dómini. Probet autem seípsum homo: & sic de pane illo edat, & de cálice bibat. Qui enim manducat & bibit indignè, júdiciu sibi manducat & bibit: non dijúdicans corpus Dómini.

Grad. Ps. 144. Oculi ómnium in te sperant, Dómine: & tu das illis escam in témpore opportúno. *V.* Aperis tu manum tuam: & imples omne animal benedictióne. Allelúia, allelúia.

V. Joan. 6. Caro mea verè est cibus, & sanguis meus verè est potus: qui manducat meam carnem, & bibit meum sanguinem, in me manet, & ego in eo. Allelúia.

Post Septuagesimam, omissis Allelúia, & Versu sequenti, dicitur:

Tract. Malach. 1. Ab ortu solis usque ad occásum, magnum est nomen meum in Géntibus. *V.* Et in omni loco sacrificátur, & offertur nómini meo oblátio munda: quia magnum est nomen meum in Géntibus.

V. Prov. 9. Veníte, comédite panem meum: & bíbite vinum, quod míscui vobis.

Tempore Paschali omittitur Graduale, & ejus loco dicitur: Allelúia, allelúia.

V. Luc. 24. Cognoverunt discípuli Dóminum Jesum in fractióne panis. Allel. *V. Joan. 6.* Caro mea verè est cibus, & sanguis meus verè est potus: qui manducat meam carnem, & bibit meum sanguinem, in me manet, & ego in eo. Allelúia.

Sequentia sancti Evangelii secundum
Joannem. 6. f.

IN illo tempore: Dixit Jesus tur-
bis Judæorum: Caro mea, verè est
cibus: & sanguis meus, verè est potus.
Qui manducat meam carnem, & bibit
meum sanguinem, in me manet, &
ego in illo. Sicut misit me vivens Pater,
& ego vivo propter Patrem: & qui
manducat me, & ipse vivet propter
me. Hic est panis, qui de cælo de-
scendit. Non sicut manducaverunt
patres vestri manna, & mortui sunt.
Qui manducat hunc panem, vivet in
æternum.

Offert. Levit. 21. Sacerdotes Dómi-
ni incensum & panes offerunt Deo, &
ideò sancti erunt Deo suo: & non pol-
luent nomen ejus.

Secreta.

ECclésiæ tuæ, quæsumus, Dómine,
unitatis & pacis propitius dona
concede: quæ sub oblatis munéribus
mysticè designántur. Per Dñm.

Præfatio de Nativitate Domini. Quia
per incarnati Verbi. fol. 195. 208.

Commun. 1. Cor. 11. Quotiescúmque
manducábitis panem hunc, & cálicem
bibétis: mortem Dómini annuntiábitis,
donec véniat: itaque quicúmque man-
ducáverit panem hunc, vel bíberit cá-
licem Dómini indignè: reus erit cór-
poris & sanguinis Dómini.

Postcommunio.

FAc nos, quæsumus, Dómine, di-
vinitatis tuæ sempiternâ fruitiône
repléri, quam pretiósí Córporis & Sán-
guinis tui temporális percéptio præfi-
gurat. Qui vivis & regnas.

MISSA DE SANCTA CRUCE.

Introitus. Gal. 6.

NOs autem gloriári oportet in
Cruce Dómini nostri Jesu Christi:
in quo est salus, vita, & resurrectio nos-
tra: per quem salváti, & liberáti su-
mus. *Pf. 66.* Deus misereátur nostrí, &
benedícat nobis: illúminet vultum
suum super nos, & misereátur nostrí.
V. Glória Patri.

Orémus.

Oratio.

DEus, qui unigéniti Fílii tui pre-
tíoso sanguine, vivíficæ Crucis
vexillum sanctificáre voluísti: concede,
quæsumus, eos qui ejúsdem sanctæ
Crucis gaudent honóre, tuâ quoque
ubíque protectiône gaudére. Per
eúmdem Dóminum nostrum.

*Lectio Epístolæ beati Pauli Apóstoli
ad Philippénfes. 2. d.*

FRatres, Christus factus est pro nobis
obédiens usque ad mortem, mortem
autem Crucis. Propter quod & Deus
exaltávit illum, & donávit illi nomen,
quod est super omne nomen: [*Hic
genus flectitur.*] ut in nómine Jesu omne
genu flectátur, cœléstium, terréstrium,
& infernórum; & omnis lingua con-
fiteátur, quia Dóminus Jesus Christus
in glória est Dei Patris.

Grad. Phil. 2. Christus factus est pro
nobis obédiens usque ad mortem, mor-
tem autem Crucis. *V.* Propter quod
& Deus exaltávit illum: & dedit illi
nomen, quod est super omne nomen.
Allelúia, allelúia. *V.* Dulce lignum,
dulces clavos, dúlcia ferens póndera:
quæ sola fuísti digna sustinére Regem
cœlórum, & Dóminum. Allelúia.

*Post Septuagesimam, omissis Allelúia,
& Versu sequenti, dicitur :*

Tract. Adoramus te, Christe, & benedicimus tibi : quia per Crucem tuam redemisti mundum. *V.* Tuam Crucem adoramus, Domine, tuam gloriosam recolimus passionem : miserere nostri, qui passus es pro nobis. *V.* O crux benedicta, quæ sola fuisti digna portare Regem cælorum, & Dominum.

*Tempore Paschali amittitur Graduale,
& ejus loco dicitur Allelúia, allelúia.*

V. Ps. 95. Dicite in Géntibus, quia Dominus regnavit à ligno. Allelúia. *V.* Dulce lignum, dulces clavos, dulcia ferens póndera : quæ sola fuisti digna sustinere Regem cælorum, & Dominum. Allelúia.

Sequéntia sancti Evangelii secúndum Matthæum. 20. b.

IN illo tẽpore : Assumpsit Jesus duodecim discipulos secrètò, & ait illis : Ecce ascẽdimus Jerosólymam, & Fílius hóminis tradẽtur princípibus Sacerdótum, & Scribis, & condemnabunt eum morte, & tradent eum Géntibus ad illudẽdum, & flagellandum, & crucifigẽdum, & tertiã die resurget.

Offert. Prótege, Domine, plebem tuam, per signum sanctæ Crucis, ab ómnibus insidiis inimicórum ómnium : ut tibi gratam exhibeamus servitútem, & acceptábile fiet sacrificium nostrum.

Secreta.

HÆc oblátio, Domine, quæsumus, ab ómnibus nos purget offénsis : quæ in ara Crucis etiam totíus mundi tulit offénsam. Per eúndem Dñm.

Præfatio. Qui salutem humáni, generis. fol. 198. 209.

Commun. Per signum Crucis de inimicis nostris, libera nos, Deus noster.

Postcommunio.

ADesto nobis, Domine Deus noster : & quos sanctæ Crucis lætari facis honóre, ejus quoque perpétuis defẽde subsidiis. Per Dñm.

¶ Tempore Paschali, loco primæ Orationis, dicitur sequens

Oratio.

DEus, qui pro nobis Fílium tuum Crucis patíbulum subire voluisti, ut inimici à nobis expelleres potestatem : concède nobis famulis tuis ; ut resurrectionis grátiam consequamur. Per eúndem Dñm.

MISSA DE PASSIONE DOMINI NOSTRI JESU CHRISTI.

Introitus. Phil. 2.

HUmiliávit semetípsum Dominus Jesus Christus usque ad mortem, mortem autem Crucis : propter quod & Deus exaltávit illum, & donávit illi nomen, quod est super omne nomen. *Ps. 88.* Misericórdias Domini in ætérnum cantábo : in generationem & generationem.

V. Glória Patri.

Orémus.

Oratio.

Domine Jesu Christe, qui de cælis ad terram de sinu Patris descendisti, & sánguinem tuum pretiósum in remissionem peccatórum nostrórum fudisti : te humíliter deprecámur ; ut in die judicii, ad dexteram tuam audire mereámur, Veníte benedicti. Qui vivis.

Lectio Zachariæ Prophætæ. 12. & 13.

HÆc dicit Dominus : Effundam super domum David, & super habitatóres Jerúsalem, spíritum grátiae

& precum: & aspicient ad me, quem confixerunt: & plangent eum planctu quasi super unigenitum, & dolébunt super eum, ut doléri solet in morte primogéniti. In die illa magnus erit planctus in Jerúsalem, & dicétur: Quid sunt plagæ istæ in médio mánuum tuárum? Et dicet: His plagátus sum in domo eórum, qui diligébant me. Frámea fuscitáre super pastórem meum, & super virum cohæréntem mihi, dicit Dóminus exercítuum: pécute pastórem, & dispergéntur oves: ait Dóminus omnípotens.

Grad. Ps. 68. Improperium expectávit cor meum, & misériam: & sustinui, qui simul mecum contristarétur, & non fuit: consolántem me quæsívi, & non invéni. *V.* Dedérunt in escam meam fel, & in siti mea potavérunt me acéto. Allelúia, allelúia. *V.* Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisiónem. Allelúia.

Post Septuagesimam, omissis Allelúia, & Versu sequenti, dicitur:

Tract. Isaia 53. Verè languóres nostros ipse tulit, & dolóres nostros ipse portávit. *V.* Et nos putávimus eum quasi leprósum, & percússum à Deo, & humiliátum. *V.* Ipse autem vulnerátus est propter iniquitátes nostras, attrítus est propter scélera nostra. *V.* Disciplina pacis nostræ super eum, & livóre ejus sanáti sumus.

Tempore Paschali, omittitur Graduale, & ejus loco dicitur: Allelúia, allelúia.

V. Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisiónem. Allelúia.

V. Tibi glória, Hosánná: tibi triúmpus & victória: tibi summæ laudis & honóris coróna. Allelúia.

Sequéntia sancti Evangélii secúndum Joánnem. 19. f.

IN illo témpore: Sciens Jesus quia ómnia consummáta sunt, ut consummarétur Scriptúra, dixit: Sitio. Vas ergo pósitum erat acéto plenum. Illi autem spóngiam plenam acéto, hyssópo circumponéntes, obtulérunt ori ejus. Cúm ergo accepisset Jesus acétum, dixit: Consummátum est. Et inclináto cápite tradidit spíritum. Judæi ergo (quóniam Parasceve erat) ut non remanérent in cruce córpora sábbato (erat enim magnus dies ille sábbati) rogavérunt Pilátum ut frangeréntur eórum crura, & tolleréntur. Venérunt ergo mílites: & primi quidem fregérunt crura, & altérius, qui crucifixus est cum eo. Ad Jesum autem cüm veníssent, ut vidérunt eum jam mórtuum, non fregérunt ejus crura: sed unus mílitum lanceâ latus ejus apérui, & continuò exívit sanguis, & aqua. Et qui vidit, testimónium perhibuit: & verum est testimónium ejus.

Offert. Insurrexérunt in me viri iníqui: absque misericórdia quæsíerunt me interficere: & non pepercé runt in faciém meam spúere: lanceis suis vulneravérunt me, & concússa sunt ómnia ossa mea.

Secreta.

Oblátum tibi, Dómine, sacrificium, intercedénte unigeniti Fílii tui passióne, vivíficet nos semper & muniat. Qui tecum vivit.

Præfatio. Qui salútem humáni géneris. fol. 198. 209.

Commun. Ps. 21. Foderunt manus meas, & pedes meos: dinumeraverunt omnia ossa mea.

Postcommunio.

Domine Jesu Christe, Fili Dei vivi, qui horâ sextâ pro redemptione mundi crucis patibulum ascendisti, & sanguinem tuum pretiosum in remissionem peccatorum nostrorum fudisti: te humiliter deprecamur; ut post obitum nostrum, paradisi januas nos gaudenter introire concedas. Qui vivis & regnas cum Deo Patre.

MISSA VOTIVA DE S. MARIA,
AB ADVENTU USQ. AD NAT. DOMINI.

Introitus. Isaïæ 45.

Rorate cœli desuper & nubes pluant justum: aperiatur terra, & germinet Salvatorem. *Ps. 84.* Benedixisti, Domine, terram tuam: avertisti captivitatem Jacob.

V. Gloria Patri.

Orémus.

Oratio.

Deus, qui de beatæ Mariæ Virginis útero, Verbum tuum, Angelo nuntiante, carnem fuscipere voluisti: præsta supplicibus tuis; ut, qui verè eam genitricem Dei credimus, ejus apud te intercessionibus adjuvemur. Per eundem Dñm.

Lectio Isaïæ Prophætæ. 7. b.

In dièbus illis: Locutus est Dominus ad Achaz, dicens: Pete tibi signum à Dómino Deo tuo in profundum inferni, sive in excelsum suprâ. Et dixit Achaz: Non petam, & non tentabo Dóminum. Et dixit: Audite ergo domus David: Numquid parum vobis est molestos esse hominibus, quia molesti estis & Deo meo? Propter hoc

dabit Dóminus ipse vobis signum. Ecce virgo concipiet, & pariet filium, & vocabitur nomen ejus Emmánuel. Butyrum & mel comedet, ut sciat reprobare malum, & eligere bonum.

Grad. Ps. 23. Attollite portas principes vestras, & elevámini portæ æternáles, & introíbit Rex glóriæ. *V. Quis ascendet in montem Dómini, aut quis stabit in loco sancto ejus? Innocens manibus, & mundo corde. Allelúia, allelúia.* *V. Luc. 1.* Ave, María, grátia plena: Dóminus tecum: Benedícta tu in mulieribus. Allelúia.

Sequéntia sancti Evangélii secúndum Lucam. 1.

In illo témpore: Missus est Angelus Gábriël à Deo in civitatem Galilææ, cui nomen Názareth, ad Virginem desponsatam viro, cui nomen erat Joseph, de domo David, & nomen virginis María. Et ingressus Angelus ad eam dixit: Ave, grátia plena: Dóminus tecum: Benedícta tu in mulieribus. Quæ cùm audisset, turbata est in fermóne ejus: & cogitabat qualis esset ista salutatio. Et ait Angelus ei: Ne timeas, María: invenisti enim grátiam apud Deum: Ecce concípies in útero: & paries filium, & vocabis nomen ejus JESUM. Hic erit magnus, & Fílius Altíssimi vocabitur, & dabit illi Dóminus Deus sedem David patris ejus: & regnabit in domo Jacob in ætérnum, & regni ejus non erit finis. Dixit autem María ad Angelum: Quómodo fiet istud, quóniam virum non cognósko? Et respóndens Angelus, dixit ei: Spíritus sanctus superveniet in te, & virtus Altíssimi obumbrabit tibi. Ideoque & quod nascé-

tur ex te Sanctum, vocabitur Filius Dei. Et ecce Elisabeth cognata tua, & ipsa concepit filium in senectute sua: & hic mensis sextus est illi, quæ vocatur sterilis: quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum.

Offert. Luc. 1. Ave, Maria, gratia plena: Dominus tecum: Benedicta tu in mulieribus, & benedictus fructus ventris tui.

Secreta.

IN mentibus nostris, quaesumus, Domine, veræ fidei sacramenta confirma: ut qui conceptum de Virgine Deum verum & hominem confitemur; per ejus salutiferæ resurrectionis potentiam, ad æternam mereamur pervenire lætitiā. Per eundem Dñm.

Præfatio. Et te in veneratione beatæ Mariæ. fol. 203. 212. quæ dicitur & in sequentibus Missis de S. Maria, etiam tempore Paschali, vel infra quascunque Octavas ejus Missa dicatur.

Commun. Isaia 7. Ecce virgo concipiet, & pariet filium: & vocabitur nomen ejus Emmānuel.

Postcommunio.

GRatiam tuam, quaesumus, Domine, mentibus nostris infunde: ut qui, Angelo nuntiante, Christi Filii tui incarnationem cognovimus: per passionem ejus & crucem ad resurrectionis gloriā perducāmur. Per eundem Dñm.

A NATIVITATE DOMINI USQUE AD PURIFICATIONEM.

Introitus. Ps. 44.

Vultum tuum deprecabuntur omnes divites plebis: adducuntur Regi virgines post eam: proximæ ejus adducuntur tibi in lætitiā, & exultatione. *Ps. ib. Eruclavit cor meum verbum bonum: dico ego opera mea Regi.* *V. Gloria Patri.*

Orémus.

Oratio.

DEus, qui salutis æternæ, beatæ Mariæ Virginitate fecundā, humano generi præmia præstitisti: tribue, quaesumus, ut ipsam pro nobis intercedere sentiamus, per quam meruimus auctorem vitæ suscipere Dominum nostrum Jesum Christum Filium tuum: Qui.

Lectio Epistolæ beati Pauli Apostoli ad Titum. 3. b.

Charissime, Apparuit benignitas & humanitas Salvatoris nostri Dei: non ex operibus justitiæ, quæ fecimus nos, sed secundum suam misericordiam salvos nos fecit, per lavacrum regenerationis & renovationis Spiritus sancti, quem effudit in nos abunde per Jesum Christum Salvatorem nostrum; ut justificati gratiā ipsius, heredes simus secundum spem vitæ æternæ: in Christo Jesu Domino nostro.

Grad. Ps. 44. Speciosus formā præ filiis hominum: diffusa est gratia in labiis tuis. V. Eruclavit cor meum verbum bonum, dico ego opera mea Regi: lingua mea calamus scribæ velociter scribentis. Allelúia, allelúia. V. Post partum, Virgo, inviolata

permansisti: Dei genitrix intercede pro nobis. Allelúia, allelúia.

Post Septuagesimam, omissis Allelúia, & Versu sequenti, dicitur:

Tract. Gaude, María Virgo, cunctas hærefes sola interemisti. *V.* Quæ Gabriélis Archángeli dictis credidisti. *V.* Dum Virgo Deum & hóminem genuisti: & post partum, Virgo, inviolata permansisti. *V.* Dei genitrix intercede pro nobis.

Sequéntia sancti Evangélii secúndum Lucam. 2. b.

IN illo témpore: Pastóres loquebantur ad invicem: Transeámus usque Béthlehem, & videámus hoc verbum, quod factum est, quod Dóminus ostendit nobis. Et venerunt festinantes: & invenérunt Mariám, & Joseph, & infántem pósitum in præsépio. Videntes autem cognovérunt de verbo, quod dictum erat illis de púero hoc. Et omnes, qui audierunt, mirati sunt; & de his, quæ dicta erant a pastóribus ad ipsos. María autem conservábat ómnia verba hæc, cónferens in corde suo. Et reversi sunt pastóres glorificátes, & laudántes Deum, in ómnibus, quæ audierant & viderant, sicut dictum est ad illos.

Offert. Felix namque es, sacra Virgo María, & omni laude digníssima: quia ex te ortus est sol justítiæ, Christus Deus noster.

Secreta.

MUnéribus nostris, quæsumus, Dómine, precibúsq; susceptis; & coeléstibus nos munda mystériis, & cleménter exaudi. Per Dñm.

Commun. Beáta víscera Mariæ Virginis, quæ portavérunt æterni Patris Fílium.

Postcommunio.

HÆc nos, commúnio, Dómine, purget à crimine, & intercedente beátâ Virgine Dei genitríce Mariá, coeléstis remédii fáciat esse confórtes. Per eúndem Dñm.

A PURIFICAT. usq. AD PASCHA.

Introitus. Sedulius.

SAlve, sancta parens, eníxa puérpera Regem: qui coelum terrámque regit in sæcula sæculórum.

Pf. 44. Eructávit cor meum verbum bonum: dico ego ópera mea Regi.

V. Glória Patri.

Orémus.

Oratio.

Concède nos fámulos tuos, quæsumus, Dómine Deus, perpétuâ mentis & córporis sanitáte gaudere: & gloriósâ beátæ Mariæ semper Virginis intercessióne, a præsénti liberári tristitiâ, & æternâ pérfrui lætitiâ. Per.

Lectio libri Sapiéntiæ. Eccli. 24.

AB inítio, & ante sæcula creáta sum, & usque ad futúrum sæculum non désinam, & in habitatióne sancta coram ipso ministrávi. Et sic in Sion firmáta sum, & in civitáte sanctificáta similiter requievi, & in Jerúsalem potestas mea. Et radicávi in pópulo honorificáto, & in parte Dei mei hereditas illius; & in plenitúdine sanctórum deténtio mea.

Grad. Benedícta & venerábilis es, virgo María, quæ sine tactu pudóris invénta es mater Salvatóris. *V.* Virgo Dei genitrix, quem totus non capit orbis, in tua se clausit víscera factus homo. Allel. allel. *V.* Virga Jesse flóruit: Virgo Deum & hóminem genuit: pacem Deus reddidit, in se reconciliáns iníma summis. Allelúia.

Post Septuagesimam, omissis Allelúia, & Versu sequenti, dicitur :

Tract. Gaude, María Virgo, cunctas hæreses sola interemisti. *V.* Quæ Gabriélis Archángeli dictis credidisti. *V.* Dum Virgo Deum & hóminem genuisti: & post partum, Virgo, inviolata permansisti. *V.* Dei génitrix intercède pro nobis.

Sequéntia sancti Evangélii secúndum Lucam. 11. d.

IN illo témpore: Loquente Jesu ad turbas, extóllens vocem quædam mûlier de turba, dixit illi: Beátus venter, qui te portávit, & úbera, quæ fuxisti. At ille dixit: Quinímò beáti, qui áudiunt verbum Dei, & custódiunt illud.

Offert. Felix namque es, sacra Virgo María, & omni laude digníssima: quia ex te ortus est sol justítiæ, Christus Deus noster.

Secreta.

TUâ, Dómine, propitiatióne, & beátæ Mariæ semper Vírginis intercessiône, ad perpétuam atque præsentem hæc oblátio nobis proficiat prosperitatem & pacem. Per Dñm.

Commun. Beáta víscera Mariæ Vírginis, quæ portavérunt æterni Patris Fílium.

Postcommunio.

Sumptis, Dómine, salútis nostræ subsidíis: da, quæsumus, beátæ Mariæ semper Vírginis patrocíniis nos ubique prótegi, in cujus veneratióne hæc tuæ obtúlimus majestáti. Per.

A PASCHA USQ. AD PENTECOST.

Introitus. Sedulius.

Salve, sancta parens, eníxa puérpera Regem: qui coelum terrám-

que regit in sæcula sæculórum. Allel. allel. *Pf.* 44. Eruclávit cor meum verbum bonum: dico ego ópera mea Regi. *V.* Glória Patri.

Orémus.

Oratio.

Concède nos fámulos tuos, quæsumus, Dómine Deus, perpétuâ mentis & cóporis sanitate gaudere: & gloriósâ beátæ Mariæ semper Vírginis intercessiône, à præsentí liberári tristitiâ, & æternâ pérfrui lætitiâ. Per.

Lectio libri Sapiéntiæ. Eccli. 24. b.

AB inítio, & ante sæcula creáta sum, & usque ad futúrum sæculum non désinam, & in habitatióne sancta coram ipso ministrávi. Et sic in Sion firmáta sum, & in civitate sanctificáta simíliter requiévi, & in Jerúsalem potéstas mea. Et radicávi in pópulo honorificáto; & in parte Dei mei heréditas illíus, & in plenitudine sanctórum deténtio mea.

Allelúia, allel. *V.* Virga Jesse flóruit: Virgo Deum & hóminem genuit: pacem Deus réddidit, in se reconcilians ima summis. Allelúia. *V.* *Luc. 1.* Ave, María, grátiâ plena: Dóminus tecum: Benedícta tu in muliéribus. Allelúia.

Sequéntia sancti Evangélii secúndum Joánnem. 19.

IN illo témpore: Stabant juxta crucem Jesu mater ejus, & soror matris ejus María Cléophæ, & María Magdaléne. Cùm vidíffet ergo Jesus matrem, & discípulum stantem, quem diligébat, dicit Matri suæ: Múlier, ecce filius tuus. Deínde dicit discipulo: Ecce mater tua. Et ex illa hora accépit eam discípulus in suâ.

Offert. Beáta es, Virgo María, quæ ómnium portásti Creatórem: genuísti

qui te fecit, & in ætérnum pérmanes Virgo, Allelúia.

Secreta.

TUâ, Dómine, propitiatióne, & beátæ Mariæ semper Vírginis intercessiône, ad perpétuam atque præsentem hæc oblátio nobis proficiat prosperitatem & pacem. Per Dñm.

Commun. Beáta víscera Mariæ Vírginis, quæ portavérunt ætérni Patris Fílium. Allelúia.

Postcommunio.

Sumptis, Dómine, salútis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi, in cuius veneratióne, hæc tuæ obtúlimus majestáti. Per.

A PENTECOST. usq. AD ADVENT.

Introitus. Sedulius.

Salve, sancta parens, eníxa puérpera Regem: qui cœlum terrámque regit in sæcula sæculórum.

Pf. 44. Eructávit cor meum verbum bonum: dico ego ópera mea Regi.

V. Glória Patri.

Orémus.

Oratio.

Concède nos fámulos tuos, quæsumus, Dómine Deus, perpétuá mentis & córporis sanitáte gaudere: & gloriósâ beátæ Mariæ semper Vírginis intercessiône, à præsentí liberári tristitiâ, & æternâ pérfrui lætitiâ. Per.

Lectio libri Sapiéntiæ. Eccli. 24. b.

AB inítio, & ante sæcula creáta sum, & usque ad futúrum sæculum non désinam, & in habitatióne sancta coram ipso ministrávi. Et sic in Sion firmáta sum, & in civitáte sanctificáta simíliter requiévi, & in Jerúsalem potéstas mea. Et radicávi in populo honorificáto, & in parte

Dei mei hæreditas illius, & in plenitudine sanctórum deténtio mea.

Grad. Benedícta & venerábilis es, Virgo María, quæ sine tactu pudóris invénta es mater Salvatóris. *V.* Virgo Dei génitrix, quem totus non capit orbis, in tua se clausit víscera, factus homo. Allelúia, allelúia. *V.* Post partum, Virgo, invioláta permansísti: Dei génitrix intercède pro nobis. Allel. Sequéntia sancti Evangélíi secúndum

Lucam. II. d.

IN illo témpore: Loquente Jesu ad turbas, extóllens vocém quædam mulier de turba, dixit illi: Beátus venter, qui te portávit, & úbera, quæ fuxísti. At ille dixit: Quinimò beáti, qui áudiunt verbum Dei, & custódiunt illud.

Offert. Luc. I. Ave, María, grátia plena: Dóminus tecum: Benedícta tu in mulieribus, & benedíctus fructus ventris tui.

Secreta.

TUâ, Dómine, propitiatióne, & beátæ Mariæ semper Vírginis intercessiône, ad perpétuam atque præsentem hæc oblátio nobis proficiat prosperitatem & pacem. Per Dñm.

Commun. Beáta víscera Mariæ Vírginis, quæ portavérunt ætérni Patris Fílium.

Postcommunio.

Sumptis, Dómine, salútis nostræ subsidiis: da, quæsumus, beátæ Mariæ semper Vírginis patrocíniis nos ubique prótegi, in cuius veneratióne hæc tuæ obtúlimus majestáti. Per.

¶ *In Missis votivis beatæ Mariæ secúnda Oratio dicitur de Officio illius diei, & tertia de Spiritu sancto: sed in Sab-*

bato, quando de ea factum est Officium, secunda Oratio erit de Spiritu sancto, tertia, Ecclesiae tuae. vel pro Papa, ut infra.

De Spiritu sancto.

Oratio.

DEus, qui corda fidelium sancti Spiritus illustratione docuisti: da nobis, in eodem Spiritu recta sapere, & de ejus semper consolatione gaudere. Per Dñm. . . . in unitate ejusdem Spiritus sancti Deus.

Contra persecutores Ecclesiae. Oratio.

ECclesiae tuae, quaesumus, Domine, preces placatus admitte: ut, destructis adversitatibus, & erroribus universis, securam tibi serviat libertatem. Per Dñm.

Vel pro Papa.

Oratio.

DEus, omnium fidelium pastor & rector, famulum tuum N. quem pastorem Ecclesiae tuae praeesse voluisti, propitius respice: da ei, quaesumus, verbo & exemplo, quibus praest, proficere; ut ad vitam, unam cum grege sibi credito, perveniat sempiternam. Per Dñm.

De Spiritu sancto.

Secreta.

MUnera, quaesumus, Domine, oblata sanctifica: & corda nostra sancti Spiritus illustratione emunda. Per Dñm. . . . in unitate ejusdem Spiritus sancti Deus.

Contra persecutores Ecclesiae. Secreta.

Protege nos, Domine, tuis mysteriis servientes: ut divinis rebus inhaerentes, & corpore tibi famulemur & mente. Per Dñm.

Vel pro Papa.

Secreta.

Oblatis, quaesumus, Domine, placare muneribus: & famulum tuum N. quem pastorem Ecclesiae tuae praeesse voluisti, assiduam protectione gubernare. Per Dñm.

De Spiritu Sancto.

Postcommunio.

Sancti Spiritus, Domine, corda nostra mundet infusio: & sui roris intimam asperione fecundet. Per Dñm. . . . in unitate ejusdem Spiritus sancti Deus.

Contra persecutores Ecclesiae.

Postcommunio.

Quaesumus, Domine Deus noster, ut, quos divina tribuis participatione gaudere, humanis non finas subjacere periculis. Per Dñm.

Vel pro Papa.

Postcommunio.

Haec nos, quaesumus, Domine, divini sacramenti perceptio protegat: & famulum tuum N. quem pastorem Ecclesiae tuae praeesse voluisti, unam cum commisso sibi grege, salvet semper & muniat. Per Dñm.

¶ *Aliae Missae votivae, pro diversis rebus, quae dici possunt quacumque die, nisi fuerit Dominica, vel Officium Duplex: sed tamen passim non dicantur, nisi urgenti de causa, ut supra dictum est de aliis Missis votivis.*

M I S S A

Pro eligendo Summo Pontifice, Sede vacante, dicitur de Spiritu sancto, vel ut sequitur.

Introitus. I. Reg. 2.

Suscitabo mihi sacerdotem fidelem, qui juxta cor meum & animam meam faciet: & aedificabo ei domum fidelem: & ambulabit coram Christo meo cunctis diebus. Ps. 131. Memento, Domine, David: & omnis mansuetudinis ejus. V. Gloria Patri.

Orémus.

Oratio.

Supplici, Domine, humilitate deposcimus; ut sacrosanctae Romanae Ecclesiae concedat Pontificem il-

lum tua immensa pietas: qui & pio ut repropitiaret delicta populi. Allel. in nos studio semper tibi placitus, & allel. *V. Lev. 21. Sacerdos sit sanctus, sicut & ego sanctus sum Dominus, qui sanctifico vos. Alleluia.*

Lectio Epistolæ beati Pauli Apostoli ad Hebræos. 4. & 5.

FRatres, Adeamus cum fiducia ad thronum gratiæ, ut misericordiam consequamur, & gratiam inveniamus in auxilio opportuno. Omnis namque Pontifex ex hominibus assumptus, pro hominibus constituitur in iis, quæ sunt ad Deum, ut offerat dona, & sacrificia pro peccatis: qui condolere possit iis, qui ignorant, & errant: quoniam & ipse circumdatus est infirmitate: & propterea debet, quemadmodum pro populo, ita etiam & pro semetipso offerre pro peccatis. Nec quisquam sumit sibi honorem, sed qui vocatur à Deo, tamquam Aaron. Sic & Christus non semetipsum clarificavit, ut Pontifex fieret: sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es sacerdos in æternum, secundum ordinem Melchisedech. Qui in diebus carnis suæ, preces supplicationesque ad eum, qui possit illum salvum facere à morte, cum clamore valido, & lacrymis offerens, exauditus est pro sua reverentia.

Grad. Lev. 21. Pontifex sacerdos magnus inter fratres suos, super cuius caput fustum est unctionis oleum, & cuius manus in sacerdotio consecratæ sunt, vestitusque est sanctis vestibus: debuit per omnia fratribus similari. V. Heb. 2. Ut misericors fieret, & fidelis Pontifex ad Deum;

Post Septuagesimam, omissis Alleluia, & Versu sequenti, dicitur:

Tract. Ps. 131. Surge, Domine, in requiem tuam, tu, & arca sanctificationis tuæ. V. Sacerdotes tui induantur iustitiam, & sancti tui exultent.

V. Propter David servum tuum, non avertas faciem Christi tui.

Tempore Paschali omittitur Graduale, & ejus loco dicitur: Alleluia, alleluia.

V. Lev. 21. Sacerdos sit sanctus, sicut & ego sanctus sum Dominus, qui sanctifico vos. Alleluia.

V. Joan. 10. Ego sum pastor bonus: & cognosco oves meas, & cognoscunt me meæ. Alleluia.

Sequentia sancti Evangelii secundum Joannem. 14. b.

IN illo tempore: Dixit Jesus discipulis suis: Si diligitis me, mandata mea servate. Et ego rogabo Patrem, & alium Paracletum dabit vobis, ut maneat vobiscum in æternum, Spiritum veritatis, quem mundus non potest accipere, quia non videt eum, nec scit eum. Vos autem cognoscetis eum: quia apud vos manebit, & in vobis erit. Non relinquam vos orphanos; veniam ad vos. Adhuc modicum, & mundus me jam non videt. Vos autem videtis me: quia ego vivo, & vos vivetis. In illo die vos cognoscetis, quia ego sum in Patre meo, & vos in me, & ego in vobis. Qui habet mandata mea, & servat ea: ille est, qui diligit me. Qui autem diligit me, diligetur à Patre

meo: & ego diligam eum, & manifestabo ei meipsum.

Offert. III. Esdr. 5. Non participantur sancta, donec exurgat Pontifex in ostensionem, & veritatem.

Secreta.

Tuæ nobis, Domine, abundantia pietatis indulgeat: ut per sacra munera, quæ tibi reverenter offerimus, gratum majestati tuæ Pontificem, sanctæ matris Ecclesiæ regimini præesse gaudeamus. Per Dñm.

Commun. Exod. 29. Veste sanctâ utetur Pontifex, qui fuerit constitutus, & ingrediatur tabernaculum testimonii, ut ministret in sanctuario.

Postcommunio.

Pretiōsi corporis & sanguinis tui nos, Domine, sacramento refectos, mirifica tuæ majestatis grātia de illius summi Pontificis concessione lætificet: qui & plebem tuam virtutibus instruat, & fidelium mentes, spirituum aromatum odore perfundat. Qui vivis.

¶ *In die Creationis & Coronationis Papæ, & ejusdem diei Anniversario, dicitur Missa ut in Cathedra beati Petri, xvij. Januarii, cum Oratione sequenti.*

Oratio.

Deus, omnium fidelium pastor & rector, famulum tuum N. quem pastorem Ecclesiæ tuæ præesse voluisti, propitius respice: da ei, quaesumus, verbo & exemplo, quibus præest, proficere: ut ad vitam, unā cum grege sibi credito, perveniat sempiternam. Per Dñm.

Omittuntur Orationes sanctorum Petri & Pauli, & dicitur Credo.

IN ANNIVERSARIO ELECTIONIS SEU CONSECRATIONIS EPISCOPI.

Introitus. Ps. 131.

Sacerdotes tui, Domine, induant justitiam, & sancti tui exultent: propter David servum tuum, non avertas faciem Christi tui.

Ps. ib. Memēto, Domine, David: & omnis mansuetudinis ejus.

V. Gloria Patri.

Orémus.

Oratio.

Deus, omnium fidelium pastor & rector, famulum tuum N. quem pastorem Ecclesiæ N. præesse voluisti, propitius respice: da ei, quaesumus, verbo & exemplo, quibus præest, proficere; ut ad vitam unā cum grege sibi credito, perveniat sempiternam. Per Dñm.

Lectio Epistolæ beati Pauli Apostoli ad Hebræos. 5.

Fratres, Omnis Pontifex ex hominibus assumptus, pro hominibus constituitur in iis, quæ sunt ad Deum, ut offerat dona, & sacrificia pro peccatis: qui condolere possit iis, qui ignorant, & errant: quoniam & ipse circumdatus est infirmitate: & propterea debet, quemadmodum pro populo, ita etiam & pro semetipso offerre pro peccatis. Nec quisquam sumit sibi honorem, sed qui vocatur à Deo, tamquam Aaron.

Grad. Ps. 131. Sacerdotes ejus induam salutari: & sancti ejus exultatione exultabunt. *V.* Illuc producam cornu David: paravi lucernam Christo meo. Allelúia, allelúia.

V. Ps. 109. Juravit Dominus, & non poenitebit eum: Tu es sacerdos

in ætérnum, secúndum órđinem Melchisedech. Allelúia.

Post Septuagesimam, omíssis Allelúia, & Versu sequenti, dicitur :

Tract. Ps. 111. Beátus vir, qui timet Dóminum: in mandátis ejus cupit nimis. *V.* Potens in terra erit semen ejus: generátio rectórum benedicétur.

V. Glória & divítiae in domo ejus: & justítia ejus manet in sæculum sæculi.

Tempore Paschali omittitur Graduale, & ejus loco dicitur : Allelúia, allelúia.

V. Ps. 109. Jurávit Dóminus, & non pœnitébit eum: Tu es Sacerdos in ætérnum, secúndum órđinem Melchisedech. Allelúia. *V. Eccl. 45.* Amávit eum Dóminus, & ornávit eum: stólam glóriæ induit eum. Allelúia. Sequéntia sancti Evangélii secúndum Marcum. 13. d.

IN illo témpore: Dixit Jesus discipulis suis: Vidéte, vigiláte, & oráte: nescítis enim quando tempus sit. Sicut homo, qui péregrè proféctus reliquit domum suam, & dedit servis suis potestátem cujúsque óperis, & janitóri præcépit ut vigilet. Vigiláte ergo, (nescítis enim quando dóminus domûs véniat: ferò, an médiâ nocte, an galli cantu, an manè) ne, cùm vénerit repéntè, invéniat vos dormiéntes. Quod autem vobis dico, ómnibus dico: Vigiláte. Credo.

Offert. Ps. 88. Véritas mea, & misericórdia mea cum ipso: & in nómine meo exaltábitur cornu ejus.

Secreta.

Oblátis, quæsumus, Dómine, placáre munéribus: & fámulum tuum N. quem pastórem Ecclésiæ N.

præesse voluísti, assíduâ protectióne gubérna. Per Dñm.

Commun. Mat. 24. Beátus servus, quem, cùm vénerit dóminus, invénierit vigilántem: amen dico vobis, super ómnia bona sua constituet eum.

Postcommunio.

HÆc nos, quæsumus, Dómine, divíni sacraménti percéptio protégat: & fámulum tuum N. quem pastórem Ecclésiæ N. præesse voluísti, unà cum commísso sibi grege, salvet semper & múniat. Per Dñm.

MISSA AD TOLLENDUM SCHISMA.

Introitus. Psal. 105.

Salvos nos fac, Dómine Deus noster, & cóngrega nos de natióibus: ut confiteámur nómini sancto tuo, & gloriémur in laude tua.

Ps. ib. Confitémini Dómino, quóniam bonus: quóniam in sæculum misericórdia ejus.

V. Glória Patri.

Orémus.

Oratio.

DEus, qui erráta córrigis, & dispérfa cóngregas, & congregáta consérvas: quæsumus, super pópulum Christiánum tuæ uniónis grátiam cleménter infúnde; ut, divisióne re-jéctâ, vero Pastóri Ecclésiæ tuæ se úniens tibi dignè váleat famulári. Per. Lécitio Epístolæ beáti Pauli Apóstoli ad Ephésios. 4.

FRatres, Obsecro vos, ut dignè ambulétis vocatióne, quâ vocáti estis, cum omni humilitáte, & mansuetú-dine, cum paciéntia, supportántes invicem in charitáte, solíciti ferváre unitátem Spíritûs in vínculo pacis. Unum corpus, & unus Spíritus, sicut

vocati estis in una spe vocationis vestrae. Unus Dominus, una fides, unum baptisma. Unus Deus & Pater omnium; qui est super omnes, & per omnia, & in omnibus nobis. Unicuique autem nostrum data est gratia secundum mensuram donationis Christi: donec occurramus omnes in unitatem fidei, & agnitionis Filii Dei, in virum perfectum, in mensuram aetatis plenitudinis Christi: ut jam non simus parvuli fluctuantes, & circumferamur omni vento doctrinae in nequitia hominum, in astutia ad circumventionem erroris. Veritatem autem facientes in charitate, crescimus in illo per omnia, qui est caput, Christus: ex quo totum corpus compactum, & connexum per omnem juncturam subministrationis, secundum operationem in mensuram unicuiusque membri, augmentum corporis facit in aedificationem sui in charitate. Hoc igitur dico, & testificor in Domino, ut jam non ambulatis, sicut & Gentes ambulant in vanitate sensus sui, tenebris obscuratum habentes intellectum, alienati a vita Dei per ignorantiam, quae est in illis, propter caecitatem cordis ipsorum, qui desperantes, semetipsos tradiderunt impudicitiae, in operationem immunditiae omnis, in avaritiam. Vos autem non ita didicistis Christum, si tamen illum audistis, & in ipso edocti estis, sicut est veritas in Christo Jesu Domino nostro.

Grad. Ps. 121. Rogate quae ad pacem sunt Ierusalem: & abundantia diligentibus te.

V. Fiat pax in virtute tua: &

abundantia in turribus tuis. Alleluia, alleluia. *V. Ps. 147.* Lauda, Ierusalem, Dominum: lauda Deum tuum, Sion. Alleluia.

Post Septuagesimam, omissis Alleluia, & Versu sequenti, dicitur:

Tract. Ps. 75. Notus in Iudaea Deus, in Israel magnum nomen ejus. *V.* Et factus est in pace locus ejus, & habitatio ejus in Sion. *V.* Ibi confrégit potentias arcuum, scutum, gladium, & bellum.

Tempore Paschali omittitur Graduale, & ejus loco dicitur: Alleluia, alleluia.

V. Ps. 147. Lauda, Ierusalem, Dominum: lauda Deum tuum, Sion. Alleluia. *V.* Qui posuit fines tuos pacem: & adipe frumenti satiat te. Alleluia.

Sequentia sancti Evangelii secundum Joannem. 17. b.

IN illo tempore: Sublevatis Jesus oculis in coelum, dixit: Pater sancte, serva eos in nomine tuo, quos dedisti mihi: ut sint unum, sicut & nos. Cum essem cum eis, ego servabam eos in nomine tuo. Quos dedisti mihi, custodivi: & nemo ex eis periiit, nisi filius perditionis, ut Scriptura impleatur. Nunc autem ad te venio: & haec loquor in mundo, ut habeant gaudium meum impletum in semetipsis. Ego dedi eis sermonem tuum, & mundus eos odio habuit, quia non sunt de mundo, sicut & ego non sum de mundo. Non rogo ut tollas eos de mundo, sed ut serves eos a malo. De mundo non sunt, sicut & ego non sum de mundo. Sanctifica eos in veritate. Sermo tuus veritas est. Sicut tu me misisti in

mundum, & ego misi eos in mundum. Et pro eis ego sanctifico meipsum: ut sint & ipsi sanctificati in veritate. Non pro eis autem rogo tantum, sed & pro eis qui credituri sunt per verbum eorum in me: ut omnes unum sint, sicut tu Pater in me, & ego in te, ut & ipsi in nobis unum sint: ut credat mundus, quia tu me misisti. Et ego claritatem, quam dedisti mihi, dedi eis: ut sint unum, sicut & nos unum sumus. Ego in eis, & tu in me: ut sint consummati in unum.

Offert. Rom. 15. Det vobis Deus idipsum sapere in alterutrum: ut unanimes uno ore honorificetis Deum nostrum.

Secreta.

MUnera hæc pro uniõne populi Christiãni tibi, Dõmine, oblata sanctifica: per quæ unitatis & pacis in Ecclesiã tua nobis dona concedas. Per Dñm.

Commun. 1. Cor. 10. Unus panis & unum corpus multi sumus: omnes qui de uno pane & de uno cálice participamus.

Postcommunio.

HÆc tua, Dõmine, sumpta sacra communiõ, sicut fidelium in te uniõnem præsignat: sic in tua Ecclesiã unitatis, quæsumus, operetur effectum. Per Dñm.

M I S S A

PRO QUACUMQUE NECESSITATE.

Introitus.

SAlus populi ego sum, dicit Dõminus: de quacumque tribulatione clamaverint ad me, exaudiam eos: & ero illorum Dõminus in perpetuum. *Pf. 77.* Attendite, popule meus,

legem meam: inclinãte aurem vestram in verba oris mei.

V. Glõria Patri.

Orémus.

Oratio.

Ineffabilem misericordiam tuam, Dõmine, nobis clementer ostende: ut simul nos & à peccatis omnibus exuas, & à poenis, quas pro his meremur, eripias. Per Dñm.

Lectio Jeremiæ Prophætæ. 14.

Si iniquitates nostræ responderint nobis: Dõmine, fac propter nomen tuum, quoniam multæ sunt aversiones nostræ, tibi peccavimus. Expectatio Israël, Salvator ejus in tempore tribulationis. Tu autem in nobis es, Dõmine, & nomen tuum invocatum est super nos: ne derelinquas nos, Dõmine Deus noster.

Grad. Ps. 43. Liberasti nos, Dõmine, ex affligentibus nos: & eos qui nos oderunt, confudisti. *V.* In Deo laudabimur totã die, & in nõtine tuo confitebimur in sæcula. *Allel. allel. V. Ps. 78.* Propitius esto, Dõmine, peccatis nostris: nequando dicant Gentes, Ubi est Deus eorum? *Allelúia.*

Post Septuagesimam, omissis Allelúia, & Versu sequenti, dicitur:

Tract. Ps. 24. De necessitatibus meis eripe me, Dõmine: vide humilitatem meam, & laborem meum: & dimitte omnia peccata mea. *V.* Ad te. Dõmine, levavi animam meam: Deus meus, in te confido, non erubescam: neque irideant me inimici mei.

V. Etenim univérsti qui te expectant, non confundentur: confundantur omnes facientes vana.

Tempore Paschali, omittitur Graduale, & ejus loco dicitur: Allelúia, allelúia.

V. Ps. 78. Propitius esto, Dómine, peccátis nostris: nequándo dicant Gentes, Ubi est Deus eórum? Allelúia.

V. Ps. 30. Exultábo & lætabor in misericórdia tua: quóniam respexisti humilitátem meam: salvásti de necessitatibus ánimam meam. Allelúia.
Sequentia sancti Evangelii secundum Marcum. 11.

IN illo témpore: Dixit Jesus discipulis suis: Habéte fidem Dei. Amen dico vobis, quia quicumque dixerit huic monti: Tóllere, & mittere in mare: & non hæsitáverit in corde suo, sed crediderit, quia quodcúmque dixerit, fiat, fiet ei. Propterea dico vobis: ómnia quaecúmque orántes pétitis, créдите quia accipiétis, & evenient vobis. Et cùm stábitis ad orándum, dimittite si quid habétis advérsus áliquem: ut & Pater vester qui in coelis est, dimittat vobis peccáta vestra. Quòd si vos non dimiseritis: nec Pater vester qui in coelis est, dimittet vobis peccáta vestra.

Offert. Ps. 137. Si ambulávero in médio tribulatiónis, vivificábis me, Dómine: & super iram inimicorum meórum exténdes manum tuam, & salvum me faciet dextera tua.

Secreta.

Purificet nos, Dómine, quæsumus, múnieris præsentis oblátio: & dignos sacrâ participatióne perficiat. Per.

Commun. Ps. 118. Meménto verbi tui servo tuo, Dómine, in quo mihi spem dedísti: hæc me consoláta est in humilitáte mea.

Postcommunio.

Præsta, quæsumus, Dómine, ut terrénis affectibus expiáti, ad su-

pérni plenitúdinem sacraménti, cuius libávimus sancta, tendámus. Per.

M I S S A

PRO REMISSIONE PECCATORUM.

Introitus. Sap. 11.

Miseréris ómnium, Dómine, & nihil odísti eórum, quæ fecísti: dissimulans peccáta hóminum propter poeniténtiam, & parcens illis: quia tu es Dóminus Deus noster.

Ps. 56. Miserére meí, Deus, miserére meí: quóniam in te confidit ánimæ mea. *V. Glória Patri.*

Orémus.

Oratio.

EXaúdi, quæsumus, Dómine, supplicum preces, & confiténtium tibi parce peccátis: ut páriter nobis indulgéntiam tríbuas benígnus & pacem. Per Dñm.

Lectio Epístolæ beatæ Pauli Apóstoli ad Romános. 7. d.

FRatres, Condeléctor legi Dei secundum interiorem hóminem: vídeo autem áliam legem in membris meis, repugnántem legi mentis meæ, & captivántem me in lege peccáti, quæ est in membris meis. Infélix ego homo, quis me liberábit de corpore mortis hujus? Grátia Dei per Jesum Christum Dóminum nostrum.

Grad. Ps. 78. Propitius esto, Dómine, peccátis nostris: nequándo dicant Gentes, Ubi est Deus eórum? *V. Adjuva nos, Deus salutáris noster; & propter honórem nóminis tui, Dómine, libera nos. Allelúia, allelúia.*

V. Ps. 7. Deus, iudex justus, fortis & pátiens: numquid iráscitur per singulos dies? Allelúia.

Post Septuagesimam, omissis Allelúia, & Versu sequenti, dicitur:

Tract. Ps. 129. De profundis clamavi ad te Domine: Domine, exaudi vocem meam. *V.* Fiant aures tuæ intendentes in orationem servi tui. *V.* Si iniquitates observaveris, Domine, Domine, quis sustinebit? *V.* Quia apud te propitiatio est: & propter legem tuam sustinui te, Domine.

Tempore Paschali omittitur Graduale, & ejus loco dicitur: Allelúia, allelúia.

V. Ps. 7. Deus, judex justus, fortis & pateriens: numquid irascitur per singulos dies? Allelúia. *V. Ps. 50.* Auditiui meo dabis gaudium & lætítiam: & exultábunt ossa humiliata. Allel.

Sequéntia sancti Evangelii secundum Lucam. 11. b.

IN illo tempore: Dixit Jesus discipulis suis: Pétite, & dabitur vobis: quærite, & inveniétis: pulsáte, & aperiétur vobis. Omnis enim qui petit, accipit: & qui quærit, invenit: & pulsánti aperiétur. Quis autem ex vobis patrem petit panem: numquid lapidem dabit illi? Aut piscem: numquid pro pisce serpéntem dabit illi? Aut si petierit ovum: numquid porriget illi scorpíonem? si ergo vos, cum sitis mali, nostis bona dare filiis vestris: quantò magis Pater vester de cælo dabit spiritum bonum peténtibus se?

Offert. Ps. 101. Domine, exaudi orationem meam: & clamor meus ad te pervéniat.

Secreta.

Hostias tibi, Domine, placationis & laudis offerimus: ut & delicta nostra miseratus absolvas, & nutántia corda tu dirigas. Per Dñm.

Commun. Luc. 11. Pétite, & accipietis: quærite, & inveniétis: pulsáte, & aperiétur vobis: omnis enim qui petit, accipit: & qui quærit, invenit: & pulsánti aperiétur.

Postcommunio.

Præsta nobis, æternæ Salvátor: ut percipientes hoc múnere véniam peccatórum, deinceps peccata vitemus. Per Dñm.

M I S S A A D P O S T U L A N D A M
G R A T I A M B E N E M O R I E N D I.

Introitus. Psal. 12.

Illúmina óculos meos, ne umquàm obdormiam in morte: nequando dicat inimicus meus, Prævalui adversus eum. *Ps. ib.* Usquequò, Domine, obliviscéris me in finem? usquequò avértis faciém tuam à me?

V. Glória Patri.

Orémus.

Oratio.

OMnípotens, & misericors Deus, qui humano géneri, & salutis remédia, & vitæ æternæ múnera contulisti: respice propítius nos famulos tuos, & ánimas réfove, quas creásti: ut in hora éxitus eárum absque peccáti mácula tibi Creatóri suo per manus sanctórum Angelórum repræsentári mereántur. Per Dñm.

Léctio Epístolæ beáti Pauli Apóstoli ad Romános. 14.

Fratres, Nemo nostrum sibi vivit, & nemo sibi móritur. Sive enim vivimus, Dómino vivimus; sive mórimur, Dómino mórimur. Sive ergo vivimus, sive mórimur, Dómini sumus. In hoc enim Christus mórtuus est, & resurrexit: ut & mortuórum, & vivórum dominétur. Tu autem

quid iudicas fratrem tuum? aut tu quare spernis fratrem tuum? Omnes enim stabimus ante tribunal Christi. Scriptum est enim: Vivo ego, dicit Dominus, quoniam mihi flectetur omne genu: & omnis lingua confitebitur Deo. Itaque unusquisque nostrum pro se rationem reddet Deo.

Grad. Ps. 22. Si ambulem in medio umbræ mortis, non timebo mala: quoniam tu mecum es, Domine. *V.* Virga tua, & baculus tuus ipsa me consolata sunt. Allelúia, allelúia.

V. Ps. 30. In te, Domine, speravi, non confundar in ætérnum: in iustitia tua libera me, & eripe me; inclina ad me aurem tuam, accelera, ut eripias me. Allelúia.

Post Septuagesimam, omittis Allelúia, & Versu-sequenti, dicitur:

Tract. Ps. 24. De necessitatibus meis eripe me, Domine: Vide humilitatem meam, & laborem meum: & dimitte omnia peccata mea. *V.* Ad te, Domine, levavi animam meam: Deus meus, in te confido, non erubescam: neque irideant me inimici mei. *V.* Etenim universi, qui te expectant, non confundentur: confundantur omnes facientes vana.

Tempore Paschali omittitur Graduale, & ejus loco dicitur, Allelúia, allelúia.

V. Ps. 113. In exitu Israël de Ægypto, domus Jacob de populo barbaro. Allel. *V. Ps. 107.* Paratum cor meum, Deus, paratum cor meum: cantabo, & psallam tibi, gloria mea. Allelúia.

Sequéntia sancti Evangelii secúndum Lucam. 21.

IN illo tempore: Dixit Jesus discipulis suis: Atténdite vobis ne fortè graventur corda vestra in crapula, & ebrietate, & curis hujus vitæ: & superveniat in vos repentina dies illa: tamquam laqueus enim superveniet in omnes, qui sedent super faciem omnis terræ. Vigiláte itaque, omni tempore orantes, ut digni habeámini fugere ista omnia, quæ futura sunt, & stare ante Filium hominis.

Offert. Ps. 30. In te speravi, Domine: dixi, Tu es Deus meus: in manibus tuis tempora mea.

Secreta.

Suscipe, quæsumus, Domine, hostiam, quam tibi offerimus pro extremo vitæ nostræ: & concede: ut per eam universa nostra purgentur delicta; ut qui tuæ dispositionis flagellis in hac vita atterimur, in futura requiem consequámur ætérnam. Per Dñm.

Commun. Ps. 70. Domine, memorabor justitiæ tuæ solius: Deus, docuisti me à juventute mea, & usque in senectam, & senium, Deus, ne derelinquas me.

Postcommunio.

Quæsumus clementiam tuam, omnipotens Deus, ut per hujus virtutem Sacraménti nos famulos tuos gratiâ tuâ confirmare digneris: ut in hora mortis nostræ non prævaleat contra nos adversarius, sed cum Angelis tuis transitum habere mereámur ad vitam. Per Dñm.

MISSA CONTRA PAGANOS.

Introitus. Psal. 43.

EXúrge, quare obdórmis, Dómine? exúrge, & ne repéllas in finem: quare fáciem tuam avértis, oblivísceris tribulationem nostram? adhæsit in terra venter noster: exúrge, Dómine, ádjuva nos, & libera nos.

Pf. ib. Deus, áuribus nostris audívimus: patres nostri annuntiavérunt nobis. *V.* Glória Patri.

Orémus.

Oratio.

OMnípotens sempitérne Deus, in cujus manu sunt ómnium potestátes, & ómnium jura regnórum: réspice in auxílium Christianórum: ut gentes Paganórum, quæ in sua feritáte confidunt, dexteræ tuæ poténtiâ conterántur. Per Dñm.

Léctio libri Esther. 13

IN diébus illis: Orávit Mardochæus ad Dóminum, dicens: Dómine, Dómine Rex omnípotens, in ditióne enim tua cuncta sunt pósita: & non est qui possit tuæ resístere voluntáti, si decreveris salváre Israël. Tu fecísti cælum & terram, & quidquid cœli ámbitu continétur. Dóminus ómnium es, nec est qui resístat majestáti tuæ. Et nunc Dómine Rex Deus Abraham miserére pópuli tui, quia volunt nos inimíci nostri pérdere, & hereditátem tuam delére. Ne despicias partem tuam, quam redemísti tibi de Ægypto. Exáudi deprecationem meam, & propítius esto forti & funículo tuo, & converté luctum nostrum in gáudium, ut vivéntes laudémus nomen tuum, Dómine, & ne claudas ora te canéntium, Dómine Deus noster.

Grad. Ps. 82. Sciant Gentes, quó-

niam nomen tibi, Deus: tu solus Altíssimus super omnem terram. *V.* Deus meus, pone illos ut rotam, & sicut stípulam ante fáciem venti. Allel. allel.

V. Ps. 79. Excita, Dómine, poténtiam tuam, & veni: ut salvos fácias nos. Allelúia.

Post Septuagesimam, omíssis Allelúia, & Versu sequenti, dicitur:

Tract. Ps. 78. Adjuva nos, Deus salutáris noster, & propter honórem nóminis tui, Dómine, libera nos: & propítius esto peccátis nostris, propter nomen tuum. *V.* Nequando dicant Gentes: Ubi est Deus eórum? & innotéscat in natióibus coram óculis nostris. *V.* Víndica ságuinem servórum tuórum qui effúsus est: intret in conspéctu tuo gémitus compeditórum.

Tempore Paschali omittitur Graduale, & ejus loco dicitur: Allelúia, allelúia.

V. Ps. 79. Excita, Dómine, poténtiam tuam, & veni: ut salvos fácias nos. Allelúia. *V.* Deus virtútum convertere, réspice de cœlo, & vide, & vísitá vineam istam: & pérfice eam, quam plantávit dextera tua. Allelúia. Sequéntia sancti Evangélii secúndum Lucam. 11.

IN illo témpore: Dixit Jesus discíplis suis: Quis vestrúm habébit amicum, & ibit ad illum médiâ nocte, & dicet illi: Amíce, cómmoda mihi tres panes, quóniam amícus meus venit de via ad me, & non hábeo quod ponam ante illum; & ille deíntus respóndens, dicat: Noli mihi mólestus esse; jam óstium clausum est, & púeri mei mecum sunt in cubíli, non possum súrgere, & dare tibi. Et si ille perseveráverit pulsans: dico vobis, & si non da-

bit illi, surgens eò quòd amicus ejus sit, propter improbitatē tamen ejus furget, & dabit illi quotquot habet necessarios. Et ego dico vobis: Pétite, & dábitur vobis: quærite, & inveniétis: pulsáte, & aperiétur vobis. Omnis enim qui petit, áccipit: & qui quærit, invenit: & pulsánti aperiétur. Quis autem ex vobis patrem petit panem: numquid lápidem dabit illi? Aut piscem: numquid pro píce serpéntem dabit illi? Aut si petierit ovum: numquid pórriget illi scorpiónem? Si ergo vos, cū sitis mali, nostis bona data dare filiis vestris: quantò magis Pater vester de coelo dabit spíritum bonum peténtibus se?

Offert. Ps. 17. Pópulum húmilem salvum fácies: & óculos superbórum humiliábis: quóniam quis Deus præter te, Dómine?

Secreta.

Sacrificium, Dómine, quod immolámus, inténde: ut propugnatóres tuos ab omni éruas Paganórum nequítia, & in tuæ protectiónis securitate constituas. Per Dñm.

Commun. Ps. 118. In salutári tuo ánima mea, & in verbum tuum sperávi: quando fácies de persequéntibus me judícium? Iníqui persecúti sunt me, ádjuva me, Dómine Deus meus.

Postcommunio.

Protéctor noster áspice Deus, & propugnatóres tuos à Paganórum défende perículis: ut omni perturbatione submótâ, liberis tibi méntibus deserviant. Per Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti Deus, per ómnia sæcula sæculórum.

MISSA TEMPORE BELLI.

Introitus. Ps. 24.

Reminíscere miserationum tuarum, Dómine, & misericórdiæ tuæ, quæ à sæculo sunt: ne umquam dominéntur nobis inimíci nostri: libera nos, Deus Israél, ex ómnibus angústis nostris. *Ps. ib.* Ad te, Dómine, levávi ánimam meam: Deus meus, in te confido, non erubéscam.

V. Glória Patri.

Orémus.

Oratio.

Deus, qui cónteris bella, & impugnatóres in te sperántium poténtiâ tuæ defensiónis expúgnas: auxiliáre fámulis tuis implorántibus misericórdiam tuam; ut inimicórum suórum feritate depréssâ, incessábili te gratiarum actióne laudémus. Per Dñm.

Léctio Jeremíæ Prophétæ. 42.

In diébus illis: Accessérunt omnes príncipes bellatórum: dixerúntque ad Jeremíam Prophétam: Ora pro nobis ad Dóminum Deum tuum. Et factum est verbum Dómini ad Jeremíam. Vocávitque omnes príncipes bellatórum, & univérsum pópulum à mínimo usque ad magnum. Et dixit ad eos: Hæc dicit Dóminus Deus Israél, ad quem misístis me, ut prostérnerem preces vestras in conspéctu ejus: Si quiescéntes manséritis in terra hac, ædificábo vos, & non déstruam; plantábo, & non evéllam: jam enim placátus sum super malo quod feci vobis. Nolíte timére à fácie regis Babylónis, quem vos pávidi formidátis: nolíte metúere eum, dicit Dóminus: quia vobíscum sum ego, ut salvos vos faciám, & éruam de manu ejus. Et dabo vobis misericórdias, & miserébor vestrî,

& habitare vos faciam in terra vestra : dicit Dominus omnipotens.

Grad. Ps. 76. Tu es Deus, qui facis mirabilia solus : notam fecisti in Gentibus virtutem tuam. *V.* Liberasti in brachio tuo populum tuum, filios Israël & Joseph. Allelúia, allelúia.

V. Ps. 58. Eripe me de inimicis meis, Deus meus, & ab insurgentibus in me libera me. Allelúia.

Post Septuagesimam, omissis Allelúia, & Versu sequenti, dicitur :

Tract. Ps. 102. Domine, non secundum peccata nostra, quæ fecimus nos : neque secundum iniquitates nostras retribuas nobis. *V. Ps. 78.* Domine, ne memineris iniquitatum nostrarum antiquarum : citò anticipent nos misericordiae tuæ, quia pauperes facti sumus nimis. *V.* Adjuva nos, Deus salutaris noster : & propter gloriam nominis tui, Domine, libera nos : & propitius esto peccatis nostris, propter nomen tuum.

Tempore Paschali omittitur Graduale, & ejus loco dicitur : Allelúia, allelúia.

V. Ps. 58. Eripe me de inimicis meis, Deus meus : & ab insurgentibus in me libera me. Allelúia. *V.* Ego autem cantabo fortitudinem tuam : & exaltabo manè misericordiam tuam. Allelúia.

Sequentia sancti Evangelii secundum Matthæum. 24.

IN illo tempore : Accesserunt ad Jesum discipuli secretò, dicentes : Dic nobis, quando hæc erunt ? & quod signum adventus tui, & consummationis sæculi ? Et respondens Jesus dixit eis : Videte ne quis vos seducat. Multi enim venient in nomine meo, dicentes :

Ego sum christus : & multos seducunt. Audituri enim estis praelia, & opiniones praeliorum. Videte ne turbemini. Oportet enim hæc fieri, sed nondum est finis. Consurget enim gens in gentem, & regnum in regnum : & erunt pestilentiae, & fames, & terræmotus per loca. Hæc autem omnia, initia sunt dolorum.

Offert. Ps. 17. Populum humilem salvum facies, Domine, & oculos superborum humiliabis : quoniam quis Deus præter te, Domine ?

Secreta.

Sacrificium, Domine, quod immolamus, intende placatus : ut ab omni nos eruat bellorum nequitia, & in tuæ protectionis securitate constituat. Per.

Commun. Ps. 30. Inclina aurem tuam, accelera, ut eripias nos.

Postcommunio.

Deus regnorum omnium, regumque dominator, qui nos & percutiendo fanas, & ignoscendo conservas : prætende nobis misericordiam tuam ; ut tranquillitate pacis, tuâ potestate servatâ, ad remedia correctionis utamur. Per Dñm.

MISSA PRO PACE.

Introitus. Eccli. 36.

DA pacem, Domine, sustinentibus te, ut Prophætæ tui fideles inveniantur : exaudi preces servi tui, & plebis tuæ Israël. *Ps. 121.* Lætatus sum in his quæ dicta sunt mihi : in domum Domini ibimus. *V. Gloria.*

Orémus.

Oratio.

Deus, à quo sancta desideria, recta consilia, & iusta sunt opera : da servis tuis illam, quam mundus dare

non potest, pacem: ut & corda nostra mandatis tuis dedita, & hostium sublata formidine, tempora sint tua protectione tranquilla. Per Dñm.

Lectio libri Machabæorum. II. 1.

FRatribus, qui sunt per Ægyptum, Judæis, salutem dicunt fratres, qui sunt in Jerosolymis, Judæi, & qui in regione Judææ, & pacem bonam. Beneficiat vobis Deus, & meminerit testamenti sui, quod locutus est ad Abraham, & Isaac, & Jacob, servorum suorum fidelium: & det vobis cor omnibus, ut colatis eum, & faciatis ejus voluntatem, corde magno, & animo volenti. Adapériat cor vestrum in lege sua, & in præceptis suis, & faciat pacem. Exaudiat orationes vestras, & reconciliétur vobis, nec vos deserat in tempore malo, Dominus Deus noster.

Grad. Ps. 121. Rogate quæ ad pacem sunt Jerúsalem: & abundantia diligentibus te. *V. Ps. 147.* Fiat pax in virtute tua: & abundantia in turribus tuis. Allelúia, allelúia. *V.* Lauda, Jerúsalem, Dominum: lauda Deum tuum, Sion. Allelúia.

Post Septuagesimam, omittis Allelúia, & Versu sequenti, dicitur:

Tract. Ps. 75. Notus in Judæa Deus, in Israël magnum nomen ejus. *V.* Et factus est in pace locus ejus, & habitatio ejus in Sion. *V.* Ibi confrégit poténtias arcuum, scutum, gladium, & bellum.

Tempore Paschali omittitur Graduale, & ejus loco dicitur Allelúia, allelúia.

V. Ps. 147. Lauda, Jerúsalem, Dominum: lauda Deum tuum, Sion. Allelúia. *V.* Qui posuit fines tuos pa-

cem: & adipe frumenti sátiat te. Allelúia.

Sequéntia sancti Evangélii secúndum Joánnem. 20. c.

IN illo tempore: Cum serò esset die illo, uná sabbatorum, & fores essent clausæ, ubi erant discipuli congregati propter metum Judæorum: venit Jesus, & stetit in médio & dixit eis: Pax vobis. Et cum hoc dixisset, ostendit eis manus, & latus. Gavisi sunt ergo discipuli, viso Dómino. Dixit ergo eis iterum: Pax vobis. Sicut misit me Pater, & ego mitto vos. Hæc cum dixisset, insufflavít: & dixit eis: Accípite Spíritum sanctum: quorum remiséritis peccáta, remittúntur eis: & quorum retinuéritis, reténta sunt.

Offert. Ps. 134. Laudáte Dóminum quia benígnus est: psállite nómini ejus, quóniam suávis est: ómnia quaecúmque vóluit, fecit in cœlo, & in terra.

Secreta.

DEus, qui credéntes in te pópulos nullis finis concuti terróribus: dignáre preces & hostias dicatæ tibi plebis suscípere; ut pax à tua pietáte concessa, Christianórum fines ab ómni hoste faciat esse secúros. Per Dñm.

Commun. Joan. 14. Pacem relínquo vobis: pacem meam do vobis, dicit Dóminus.

Postcommunio.

DEus actor pacis & amátor, quem nosse, vivere, cui servíre, regnáre est: prótege ab ómnibus impugnatióibus súpplices tuos; ut qui in defensióne tua confidimus, nullius hostilitátis arma timeámus. Per Dñm.

MISSA PRO VITANDA MORTALITATE,
VEL TEMPORE PESTILENTIAE.

Introitus. II. Reg. 24.

Recordare, Domine, testamenti tui, & dic Angelo percutienti: Cesset jam manus tua, & non desoletur terra, & ne perdas omnem animam viventem. *Pf. 79.* Qui regis Israël, intende: qui deducis velut ovem Joseph.

V. Gloria Patri.

Orémus.

Oratio.

Deus, qui non mortem, sed poenitentiam desideras peccatorum: populum tuum ad te revertentem propitius respice; ut, dum tibi devotus existit, iracundiae tuae flagella ab eo clementer amoveas. Per Dñm.

Lectio libri Regum. II. 24. c.

In diebus illis: Immisit Dominus pestilentiam in Israël, de mane usque ad tempus constitutum, & mortui sunt ex populo, à Dan usque ad Bersabée, septuaginta millia virorum. Cumque extendisset manum suam Angelus Domini super Jerúsalem ut disperderet eam, misertus est Dominus super afflictione, & ait Angelo percutienti populum: Sufficit: nunc contine manum tuam. Erat autem Angelus Domini juxta aream Areüna Jebusæi. Dixitque David ad Dominum, cum vidisset Angelum caedentem populum: Ego sum qui peccavi, ego inique egi: isti qui oves sunt, quid fecerunt? vertatur, obsecro, manus tua contra me, & contra domum patris mei. Venit autem Gad Propheta ad David in die illa, & dixit ei: Ascende, & constitue altare Domino in area Areüna Jebusæi.

Et ascendit David juxta sermonem Gad, quem praeceperat ei Dominus: & aedificavit altare Domino, & obtulit holocausta & pacifica: & propitiatus est Dominus terrae & cohibita est plaga ab Israël.

Grad. Ps. 106. Misit Dominus verbum suum, & sanavit eos: & eripuit eos de morte eorum. *V. Confiteantur Domino misericordiae ejus: & mirabilia ejus filiis hominum. Allelúia, allel.*

V. Ps. 68. Salvum me fac, Deus, quoniam intraverunt aquae usque ad animam meam. Allelúia.

Post Septuagesimam omissis Allelúia, & Versu sequenti, dicitur:

Tract. Ps. 102. Domine, non secundum peccata nostra, quae fecimus nos: neque secundum iniquitates nostras retribuas nobis. *V. Ps. 78.* Domine, ne memineris iniquitatum nostrarum antiquarum: citò anticipent nos misericordiae tuae, quia pauperes facti sumus nimis. *V. Adjuva nos, Deus salutaris noster, & propter gloriam nominis tui, Domine, libera nos: & propitius esto peccatis nostris, propter nomen tuum.*

Tempore Paschali omittitur Graduale, & ejus loco dicitur: Allelúia, allelúia.

V. Ps. 68. Salvum me fac, Deus, quoniam intraverunt aquae usque ad animam meam. Allelúia.

V. Zac. 8. Salvabo populum meum Israël in die malo: & ero eis in Deum, in veritate & justitia. Allelúia.

Sequentia sancti Evangelii secundum Lucam. 4. g.

In illo tempore: Surgens Jesus de synagoga, introivit in domum Simónis. Socrus autem Simónis tenebatur

magnis febribus: & rogaverunt illum pro ea. Et stans super illam, imperavit febre: & dimisit illam. Et continuo surgens ministrabat illis. Cum autem sol occidisset, omnes qui habebant infirmos variis languoribus, ducebant illos ad eum. At ille singulis manus imponens, curabat eos. Exibant autem demonia a multis, clamantia, & dicentia: Quia tu es Filius Dei: & increpans non sinebat ea loqui, quia sciebant ipsum esse Christum. Facta autem die egressus ibat in desertum locum, & turbae requirebant eum, & venerunt usque ad ipsum: & detinebant illum ne discederet ab eis. Quibus ille ait: Quia & aliis civitatibus oportet me evangelizare regnum Dei: quia ideo missus sum. Et erat praedicans in synagogis Galilaeae.

Offert. Num. 16. Stetit Pontifex inter mortuos & vivos, habens thuribulum aureum in manu sua: & offerens incensi sacrificium, placavit iram Dei, & cessavit quassatio a Domino.

Secreta.

Subveniat nobis, quaesumus, Domine, sacrificii praesentis oblatio: quae nos & ab erroribus universis potenter absolvat, & a totius eripiat perditionis incursu. Per Dñm.

Commun. Luc. 6. Multitudo languentium, & qui vexabantur a spiritibus immundis, veniebant ad eum: quia virtus de illo exibat, & sanabat omnes.

Postcommunio.

Exaudi nos, Deus salutaris noster: & populum tuum ab iracundiae tuae terroribus liberum, & misericordiae tuae fac largitate secum. Per Dñm.

MISSA PRO INFIRMIS.

Introitus. Psal. 54.

Exaudi, Deus, orationem meam, & ne despexeris deprecationem meam: intende in me, & exaudi me.

Pf. ib. Contristatus sum in exercitatione mea: & conturbatus sum a voce inimici, & a tribulatione peccatoris. *V. Gloria Patri.*

Orémus. Oratio.

OMnipotens sempiterna Deus, salus aeterna credentium: exaudi nos pro famulis tuis infirmis, pro quibus misericordiae tuae imploramus auxilium; ut redditae sibi sanitate, gratiarum tibi in Ecclesia tua referant actiones. Per Dñm.

Si fuerit pro uno tantum, dicatur semper in singulari.

Lectio Epistolae beati Jacobi Apostoli.

5. c.

Charissimi, Tristatur aliquis vestrum? oret. Aequo animo est? psallat. Infirmatur quis in vobis? inducat presbyteros Ecclesiae, & orent super eum, ungentes eum oleo in nomine Domini. Et oratio fidei salvabit infirmum, & alleviabit eum Dominus: & si in peccatis sit, remittentur ei. Confitemini ergo alterutrum peccata vestra, & orate pro invicem, ut salvemini.

Grad. Ps. 6. Misere mihi, Domine, quoniam infirmus sum, sana me, Domine. *V.* Conturbata sunt omnia ossa mea, & anima mea turbata est valde. Alleluia, allel. *V. Ps. 101.* Domine, exaudi orationem meam: & clamor meus ad te perveniat. Alleluia.

Post Septuagesimam, omittis Alleluia, & Versu sequenti, dicitur:

Tract. Ps. 30. Misere mei, Domine, quoniam tribulor: conturbatus est in ira oculus meus, anima mea & venter meus. *V.* Quoniam defecit in dolore vita mea, & anni mei in gemitibus. *V.* Infirmata est in paupertate virtus mea: & ossa mea conturbata sunt.

Tempore Paschali omittitur Graduale, & ejus loco dicitur: Alleluia, alleluia.

V. Ps. 101. Domine, exaudi orationem meam: & clamor meus ad te perveniat. Alleluia. *V. Ps. 27.* In Deo speravit cor meum, & adjutus sum: & refloruit caro mea, & ex voluntate mea confitebor ei. Alleluia.

Sequentia sancti Evangelii secundum Matthaeum. 8.

IN illo tempore: Cum introisset Jesus Capharnaum, accessit ad eum Centurio, rogans eum & dicens: Domine, puer meus jacet in domo paralyticus, & male torquetur. Et ait illi Jesus: Ego veniam, & curabo eum. Et respondens Centurio, ait: Domine, non sum dignus ut intres sub tectum meum, sed tantum dic verbo, & sanabitur puer meus. Nam & ego homo sum sub potestate constitutus, habens sub me milites, & dico huic, Vade, & vadit: & alii, Veni, & venit: & servo meo, Fac hoc, & facit. Audiens autem Jesus miratus est; & sequentibus se dixit: Amen dico vobis, non inveni tantam fidem in Israel. Dico autem vobis, quod multi ab Oriente & Occidente venient, & recumbent cum Abraham, & Isaac, & Jacob in regno coelorum: filii autem regni ejicientur in tenebras exteriores: ibi erit fletus, & stridor dentium. Et dixit Jesus Centurioni: Vade, & sicut credidisti, fiat

tibi. Et sanatus est puer in illa hora.

Offert. Ps. 54. Exaudi, Deus, orationem meam, & ne despexeris deprecationem meam: intende in me, & exaudi me.

Secreta.

DEus, cujus nutibus vitae nostrae momenta decurrunt, suscipe preces & hostias famulorum tuorum, pro quibus aegrotantibus misericordiam tuam imploramus: ut de quorum periculo metuimus, de eorum salute laetemur. Per Dñm.

Commun. Ps. 30. Illumina faciem tuam super servum tuum, & salvum me fac in tua misericordia: Domine, non confundar, quoniam invocavi te.

Postcommunio.

DEus, infirmitatis humanae singulare praesidium, auxilii tui super infirmos famulos tuos ostende virtutem; ut ope misericordiae tuae adjuti, Ecclesiae tuae sanctae incolumes repraesentari mereantur. Per Dñm.

Pro infirmo, qui proximus est morti, dicuntur sequentes Orationes.

Oratio.

OMnipotens & misericors Deus, qui humano generi & salutis remedia, & vitae aeternae munera contulisti: respice propitius famulum tuum infirmitate corporis laborantem, & animam refove, quam creasti; ut in hora exitus illius, absque peccati macula tibi Creatori suo per manus sanctorum Angelorum repraesentari mereatur. Per.

Secreta.

Suscipe, quaesumus, Domine, hostiam, quam tibi offerimus pro famulo tuo in extremo vitae constituto;

& concède, ut per eam univérſa illius purgéntur delicta: ut qui tuæ diſpoſitiónis flagéllis in hac vita attéritur, in futúra réquiem confequátur ætérnam. Per Dñm.

Postcommunio.

QUæſumus cleméntiam tuam, omnípotens Deus, ut per hujus virtutem ſacraménti ſámulum tuum grátia tua confirmáre dignéris; ut in hora mortis ejus non præváleat contra eum adverſárius, ſed cum Angelis tuis tráſitum habére mereátur ad vitam. Per.

MISSA PRO PEREGRINANTIBUS,
VEL ITER AGENTIBUS.

Introitus. Psal. 25.

REdime me, Dómine, & miſerére mei: pes enim meus ſtetit in via recta: in Eccléſiis benedícam Dóminum. *Ps. ib.* Júdica me, Dómine, quóniam ego in innocéntia mea ingréſſus ſum: & in Dómino ſperans non infirmábor.

V. Glória Patri.

Orémus.

Oratio.

ADéſto, Dómine, ſupplicatió nibus noſtris, & viam famulórum tuórum in ſalútis tuæ proſperitaté diſpóne: ut inter omnes viæ & vitæ hujus varietátés, tuo ſemper protegántur auxílio. Per Dñm.

Léctio libri Géneſis. 28. b.

IN diébus illis: Egréſſus Jacob de Berſabée, pergébat Haran. Cùmque veníſſet ad quemdam locum, & vellet in eo requieſcere poſt ſolis occúbitum, tulit de lapídibus qui jacébant, & ſupónens cápiti ſuo, dormívit in eódem loco. Vidítque in ſomnis Dóminum dicéntem ſibi: Ego ſum Dóminus Deus

Abraham patris tui, & Deus Isaac: Terram, in qua dormis, tibi dabo & ſemini tuo. Eritque ſemen tuum quaſi pulvis terræ: dilatáberis ad Occidentem, & Oriéntem, & Septentriónem, & Merídiem: & benedicéntur in te, & in ſemine tuo cunctæ Tribus terræ. Et ero cuſtos tuus quocúmque perrexeris, & redúcam te in terram hanc: nec dimíttam, niſi complévero univérſa, quæ dixi. Surgens ergo Jacob manè, tulit lápidem quem ſuppoſúerat cápiti ſuo: & eréxit in título, fundens óleum deſuper. Vovit étiam votum, dicens: Si fúerit Deus mecum, & cuſtodíerit me in via, per quam ego ámbulo, & déderit mihi panem ad veſcéndum, & veſtiméntum ad induéndum, reverſúſque fúero proſperè ad domum patris mei: erit mihi Dóminus in Deum, & lapis iſte, quem eréxi in título, & vocábitur domus Dei: cunctórumque quæ déderis mihi, decimas ófferam tibi.

Grad. Ps. 22. Si ámbulem in médio umbræ mortis, non timébo mala, quóniam tu mecum es, Dómine. *V. Virga tua, & báculo tuus, ipſa me conſolata ſunt. Allel. allel. V. Ps. 118.* Greſſus meos dirige ſecúndum elóquium tuum, ut non dominétur meí omnis injuſtítia. Allelúia.

Post Septuageſimam, omiſſis Allelúia, & Verſu ſequenti, dicitur:

Tract. Ps. 90. Angelis ſuis Deus mandávit de te, ut cuſtodíant te in ómnibus viis tuis. *V. In má nibus portábunt te, ne unquam offéndas ad lápidem pedem tuum. V. Super áspídem & baſilíſcum ambulábis, & conculcábis leónem & draconem.*

Tempore Paschali omittitur Graduale, & ejus loco dicitur: Allelúia, allelúia.

V. Ps. 118. Gressus meos dirige secundum elóquium tuum: & non dominetur mei omnis injustitia. Allel.

V. Ps. 121. Lætátus sum in his, quæ dicta sunt mihi: in domum Dómini ibimus. Allelúia.

Sequéntia sancti Evangélíi secundum Matthæum. 10.

IN illo témpore: Dixit Jesus discipulis suis: Eúntes, prædicáte, dicétes: quia appropinquávit regnum coelórum. Infirmos curáte, mórtuos suscitáte, leprófos mundáte, dæmones ejícite: gratis accepístis, gratis date. Nolíte possidére aurum neque argéntum, neque pecúniám in zonis vestris: non peram in via, neque duas túnicas, neque calceaménta, neque virgam: dignus enim est operárius cibo suo. In quamcúmque autem civitátem, aut castéllum intravéritis, interrogáte quis in ea dignus sit: & ibi manéte donec exeátis. Intrántes autem in domum, salutáte eam, dicétes: Pax huic dómui. Et si quidem fúerit domus illa digna, véniet pax vestra super eam: si autem non fúerit digna, pax vestra revertétur ad vos. Et quicúmque non recéperit vos, neque audíerit sermónes vestros: exeúntes foras de domo, vel civitáte, excútite púlverem de pédibus vestris.

Offert. Ps. 16. Pénice gressus meos in fémitis tuis, ut non moveántur vestigia mea: inclína aurem tuam mihi, & exáudi verba mea: mirífica misericórdias tuas, qui salvos facis sperántes in te, Dómine.

Secreta.

PROPITIÁRE, Dómine, supplicatióibus nostris, & has oblatiões, quas tibi offerimus pro fámulis tuis, benignus assúme: ut viam illórum & præcedente grátia tuá dirigas, & subsequénte comitári dignéris: ut de actu atque incolumitáte eórum, secundum misericórdiæ tuæ præsidia gaudeámus. Per.

Commun. Ps. 118. Tu mandásti, mandata tua custodiri nimis: útinam dirigántur viæ meæ ad custodiédas justificatiões tuas.

Postcommunio.

TUa, Dómine, sacraménta quæ sumpsimus, fámulos tuos in te sperántes custódiant: & contra omnes advérsos tuéantur incúrsum. Per Dñm.

¶ Si benedictio Nuptiarum facienda sit die Dominica, vel alio die Festo, dicatur Missa de Dominica, vel de Festo, cum Glória in excélsis. & Credo. si illa Missa id requirit, & cum commemoratione sequentis Missæ pro Sponso & Sponsa, & reliquis quæ pro Communionem, & complemento benedictionis in ea habentur.

MISSA PRO SPONSO & SPONSA.

Introitus. Tob. 7. & 8.

DEUS Israël conjúngat vos: & ipse sit vobíscum, qui misértus est duóbus únics: & nunc, Dómine, fac eos plénius benedícere te.

Ps. 127. Beáti omnes qui timent Dóminum: qui ámbulant in viis ejus.

V. Glória Patri.

Orémus.

Oratio.

EXÁUDI nos, omnipotens & misericors Deus: ut quod nostro ministrátur officio, tuá benedictiõe potius impleátur. Per Dñm.

Lectio Epistolæ beati Pauli Apostoli ad
Ephésios. 5. d.

FRatres, Mulieres viris suis subditæ sint, sicut Dómino: quóniam vir caput est mulieris: sicut Christus caput est Ecclesiæ: ipse, salvátor corporis ejus. Sed sicut Ecclesia subiecta est Christo, ita & mulieres viris suis in ómnibus. Viri diligite uxóres vestras, sicut & Christus diléxit Ecclesiam, & seípsum trádedit pro ea, ut illam sanctificáret; mundans lavacro aquæ in verbo vitæ, ut exhibéret ipse sibi gloriósam Ecclesiam, non habéntem máculam, aut rugam, aut áliquíd hujúsmodi, sed ut sit sancta & immaculáta. Ita & viri debent diligere uxóres suas ut cörpera sua. Qui suam uxórem diligit, seípsum diligit. Nemo enim umquam carnem suam ódio hábuit: sed nutrit, & fovet eam, sicut & Christus Ecclesiam: quia membra sumus corporis ejus, de carne ejus, & de óssibus ejus. Propter hoc relínquet homo patrem, & matrem suam, & adhærébit uxóri suæ: & erunt duo in carne una. Sacraméntum hoc magnum est, ego autem dico in Christo, & in Ecclesia. Verúmtamen & vos singuli, unusquísque uxórem suam sicut seípsum dilígat; uxor autem timeat virum suum.

Grad. Ps. 127. Uxor tua sicut vitis abundans in latéribus domus tuæ. *V.* Filij tui sicut novellæ olivárum in circúitu mensæ tuæ. Allelúia, allelúia. *V. Ps. 19.* Mittat vobis Dóminus auxílium de sancto: & de Sion tueátur vos. Allelúia.

Post Septuagesimam, omissis Allelúia, & Versu sequenti, dicitur:

Tract. Ps. 127. Ecce sic benedicétur omnis homo, qui timet Dóminum. *V.* Benedícat tibi Dóminus ex Sion: & vídeas bona Jerúsalem ómnibus diebus vitæ tuæ. *V.* Et vídeas filios filiórum tuórum: pax super Israél.

Tempore Paschali, omittitur Graduale, & ejus loco dicitur: Allelúia, allelúia.

V. Ps. 19. Mittat vobis Dóminus auxílium de sancto: & de Sion tueátur vos. Allelúia. *V. Ps. 133.* Benedícat vobis Dóminus ex Sion: qui fecit cœlum & terram. Allelúia.

Sequentia sancti Evangelii secúndum Matthæum. 19.

IN illo témpore: Accessérunt ad Jesum Pharisæi tentántes eum, & dicéntes: Si licet hómini dimítere uxórem suam, quacúmque ex causa? Qui respóndens, ait eis: Non legístis, quia qui fecit hóminem ab inítio, másculum & foeminam fecit eos? & dixit: Propter hoc dimíttet homo patrem & matrem, & adhærébit uxóri suæ, & erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet.

Offert. Ps. 30. In te sperávi, Dómine: dixi, Tu es Deus meus: in manibus tuis témpora mea.

Secreta.

SUscipe, quæsumus, Dómine, pro sacra connúbii lege munus oblátum: & cujus largítor es óperis, esto dispósitor. Per Dñm.

¶ *Dicto Pater noster. Sacerdos antequam dicat, Libera nos, quæsumus, Dómine. stans in cornu Epistolæ versus Sponsum & Sponsam, ante Altare genuflexos, dicit super eos sequentes Orationes.*

Orémus.

Oratio.

PROPITIARE, Dómine, supplicatió-
bus nostris, & institútis tuis, qui-
bus propagatióem húmáni géneris
ordinásti, benígnus assíste: ut quod
te auctóre júngitur, te auxiliánte ser-
vétur. Per Dñm.

Orémus.

DEUS, qui potestáte virtútis tuæ de
níhilo cuncta fecísti: qui dispósi-
tis universitátis exórdiis, hómini ad
imáginem Dei factó, ídeo inseparáble
mulieris adjutórium condidísti, ut fœ-
míneo córpori de viríli dares carne
príncípium, docens quod ex uno pla-
cuíffet instítui, numquam licére dis-
júngi: Deus, qui tam excellénti mys-
tério conjugálem cópulam consecrásti,
ut Christi & Ecclésiæ sacraméntum
præsignáres in foedere nuptiárum:
Deus, per quem múlter júngitur viro,
& societas principáliter ordináta, ea
benedictióne donáatur, quæ sola nec
per originális peccáti pœnam, nec per
dilúvii est abláta senténtiam: Réspice
propítius super hanc fámulam tuam,
quæ maritali jungénda consórtio, tua
se expetit protectióne muníri: sit in
ea jugum dilectiōis & pacis: fidélis
& casta nubat in Christo, imitatríxque
sanctárum permáneat fœminárum: sit
amábilis viro suo, ut Rachel: sapiens, ut
Rebécca: longæva & fidélis, ut Sara:
nihil in ea ex áctibus suis ille auctor
prævaricatiōis usúrpet: nexa fidei,
mandatísque permáneat: uni thoro
júcta, contáctus illicitos fúgiat: mú-
niat infirmitátem suam róbre disci-
plínæ: sit verecúndia gravis, pudóre
venerábilis, doctrínis cœléstibus erudi-
ta, sit fœcúnda in sóbole, sit probáta
& innocens: & ad beatórum réquiem

atque ad cœléstia regna pervéniat: &
videant ambo filios filiórum suórum,
usque in tértiam & quartam genera-
tióem: & ad optátam pervéniant se-
nectútem. Per eúndem Dñm.

*Tum Sacerdos reversus ad medium Al-
taris dicat, Libera nos. & reliqua more
solito: & postquam sumpserit sanguinem,
communicet Sponsos, & proseq. Missam.*

*Commun. Ps. 127. Ecce sic benedicé-
tur omnis homo, qui timet Dóminum:
& videas filios filiórum tuórum: pax
super Israël.*

Postcommunio.

QUÆSUMUS, omnipotens Deus, insti-
túta providéntiæ tuæ pio favóre
comitáre: ut quos, legítima societáte
connéctis, longæva pace custódias. Per.

*Dicto Benedicámus Dómino. vel si
Missæ illius diei conveniat, Ite Missa est.
Sacerdos antequam populo benedicat, con-
versus ad Sponsum & Sponsam, dicat:*

DEUS Abraham, Deus Isaac, & Deus
Jacob sit vobíscum: & ipse ad-
impleat benedictiōem suam in vobis:
ut videátis filios filiórum vestrórum
usque ad tértiam & quartam genera-
tióem; & póstea vitam ætérnam há-
beátis sine fine, adjuvánte Dómine
nostro Jesu Christo: Qui cum Patre &
Spíritu sancto vivit & regnat Deus, per
omnia sæcula sæculórum. R. Amen.

*¶ Moneat eos Sacerdos sermone gravi,
ut sibi invicem servent fidem: orationis
tempore, & præsertim jejuniorum ac so-
lemnitatum casti maneant: & vir uxorem,
atque uxor virum diligat: & in timore
Dei permaneant. Postea eos aspergat aqua
benedicta, & dicto, Pláceat tibi, sancta
Trinitas. det benedictionem, et legat, ut
solitum est, Evangelium S. Joannis, In
príncipio erat Verbum.*

ORATIONES DIVERSE

Dicendæ in Missa ad libitum Sacerdotis : cum iis quæ in propriis Missis assignantur, quando non est Festum duplex.

Ad poscenda suffragia Sanctorum.
Oratio.

Concède, quæsumus, omnipotens Deus : ut intercessio sanctæ Dei genitricis Mariæ, sanctorumque omnium Apostolorum, Martyrum, Confessorum, atque Virginum, & omnium Electorum tuorum, nos ubique lætificent : ut, dum eorum merita recolimus, patrocinia sentiamus. Per eundem.

Secreta.

Oblatis, Domine, placare munerebus : & intercedente beata Maria semper Virgine cum omnibus Sanctis tuis, à cunctis nos defende periculis. Per Dñm.

Postcommunio.

Sumpimus, Domine, beatæ Mariæ semper Virginis, & omnium Sanctorum tuorum memoriam recolentes, sacramenta coelestia : præsta, quæsumus ; ut quod temporaliter gerimus, æternis gaudiis consequamur. Per.

Alia Oratio ut supra. *Oratio.*

Acunctis nos, quæsumus, Domine, mentis & corporis defende periculis : & intercedente beatâ & gloriôsâ semper Virgine Dei genitrice Mariâ, cum beatis Apostolis tuis Petro & Paulo, atque beato N. & omnibus Sanctis, salutem nobis tribue benignus, & pacem ; ut, destructis adversitatibus & erroribus universis, Ecclesia tua secûra tibi ferviat libertate. Per eundem.

In hac Oratione nomina sanctorum Michaelis, Joannis Baptistæ, & Joseph, præponuntur Apostolis.

Secreta.

Exaudi nos, Deus salutâris noster : ut per hujus sacramenti virtutem, à cunctis nos mentis & corporis hostibus tuearis : grâtiâ tribuens in præsenti, & gloriâ in futuro. Per Dñm.

Postcommunio.

Mundet & mûniat nos, quæsumus, Domine, divini sacramenti munus oblâtum : & intercedente beatâ Virgine Dei genitrice Mariâ, cum beatis Apostolis tuis Petro & Paulo, atque beato N. & omnibus Sanctis ; à cunctis nos reddat & perversitatibus expiâtos, & adversitatibus expeditos. Per eundem Dñm.

Pro omni gradu Ecclesiæ. *Oratio.*

Omnipotens sempiternè Deus, cujus Spiritu totum corpus Ecclesiæ sanctificatur & regitur : exaudi nos pro universis ordinibus supplicantes ; ut grâtiæ tuæ mûnere, ab omnibus tibi gradibus fideliter serviatur. Per Dñm. . . . in unitate ejusdem Spiritus sancti.

Secreta.

DA famulis tuis, Domine, indulgentiam peccatorum, consolationem vitæ, gubernationem perpétuam : ut tibi servièntes, ad tuam jugiter misericórdiam pervenire mereántur. Per.

Postcommunio.

Libera, quæsumus, Domine, à peccatis & hostibus, famulos tuos tibi supplicantes : ut in sancta conversatione vivèntes, nullis afficiántur adversis. Per Dñm.

Pro Papa. *Oratio.*

Deus omnium fidelium pastor & rector, famulum tuum N. quem pastorem Ecclesiæ tuæ præesse voluisti, propitius respice : da ei, quæsumus,

verbo & exémplo, quibus præest, proficere; ut ad vitam, unà cum grege sibi crédito, perveniat sempiternam. Per Dñm.

Secreta.

Oblátis, quæsumus, Dómine, placare munéribus: & famulum tuum N. quem pastórem Ecclesiæ tuæ præesse voluísti, assíduâ protectione gubernare. Per Dñm.

Postcommunio.

Hæc nos, quæsumus, Dómine, divini sacraménti percéptio protégat: & famulum tuum N. quem pastórem Ecclesiæ tuæ præesse voluísti, unà cum commisso sibi grege, salvet semper & múniat. Per Dñm.

Pro Imperatore.

Oratio.

Deus regnórum ómnium, & Christiáni máximè protectór Impérii: da servo tuo [*Si non est coronatus dicatur: elécto*] Imperatóri nostro N. triúmphum virtútis tuæ sciénter excólere: ut qui tua institutione est princeps, tuo sit semper múnere potens. Per Dñm.

Secreta.

Suscipe, Dómine, preces & hóstias Ecclesiæ tuæ pro salúte famuli tui supplicántis: & in protectione fidélium populórum, antíqua bráchii tui operáre miracula: ut superátis pacis inimicis, secúra tibi sérviat Christiána libértas. Per Dñm.

Postcommunio.

Deus, qui ad prædicándum æterni Regis Evangélium, Románum Impérium præparásti: prætende famulo tuo Imperatóri nostro N. arma coeléstia, ut pax Ecclesiárum nulla turbétur tempestáte bellórum. Per Dñm.

Pro Rege.

Oratio.

Quæsumus, omnipotens Deus: ut famulus tuus N. Rex noster, qui tua miseratione suscepit regni gubernacula, virtutum étiam ómnium percipiat incrementa: quibus decéner ornátus, & vitiórum monstra devitare, & ad te, qui via, veritas, & vita es, gratiósus váleat pervenire. Per Dñm.

Secreta.

Munera, Dómine, quæsumus, oblata sanctifica: ut & nobis Unigéniti tui Corpus & Sanguis fiant; & Regi nostro ad obtinéndam animæ corporisque salútem, & peragéndum injúctum officium, te largiente, usquequaque proficiant. Per eúndem.

Postcommunio.

Hæc, Dómine, oblátio salutáris famulum tuum N. Regem nostrum ab ómnibus tueatur advérsis: quatenus & Ecclesiásticæ pacis obtíneat tranquillitatem; & post hujus téporis decúrsum, ad æternam perveniat hæreditatem. Per Dñm.

Pro Prælati et Congregationibus eis commissis.

Oratio.

Omnipotens sempitérne Deus, qui facis mirabilia magna solus: prætende super famulos tuos, & super congregatiónes illis commissas, Spíritum grátiae salutáris: & ut in veritate tibi compláceant, perpétuum eis rorem tuæ benedictiónis infunde. Per Dñm. . . in unitáte ejúsdem Spíritus sancti.

Secreta.

Hostias, Dómine, famulórum tuórum placátus inténde: & quas in honórem nóminis tui devóta mente pro eis celebrámus, proficere sibi sentiant ad medélam. Per Dñm.

Postcommunio.

Quos coelesti recreas munere, perpetuo, Domine, comitare praesidio: & quos fovere non desinis, dignos fieri sempiterna redemptione concede. Per Dñm.

Pro Congregatione & Familia. Oratio.

Defende, quaesumus, Domine, beata Maria semper Virgine intercedente, istam ab omni adversitate familiam: & toto corde tibi prostratam, ab hostium propitius tuere clementer insidiis. Per Dñm.

Secreta.

Suscipe, quaesumus, omnipotens Deus, oblationem nostrae devotionis: & per virtutem hujus sacramenti, famulos tuos à cunctis adversitatibus protege. Per Dñm.

Postcommunio.

Sumptis redemptionis nostrae muneribus, praesta, quaesumus, misericors Deus, eorum nobis celebratione, tuae protectionis contra omnes adversitates subsidium. Per Dñm.

*Pro Concordia in Congregatione servanda.**Oratio.*

Deus largitor pacis, & amator charitatis: da famulis tuis veram cum tua voluntate concordiam; ut ab omnibus, quae nos pulsan, temptationibus liberemur. Per Dñm.

Secreta.

His sacrificiis, Domine, quaesumus, concede placatus: ut qui propriis oramus absolvi delictis, non gravemur externis. Per Dñm.

Postcommunio.

Spiritum nobis, Domine, tuae charitatis infunde: ut, quos uno pane coelesti satiasti, tua facias pietate con-

cordes. Per Dñm. . . . in unitate ejusdem Spiritus sancti Deus.

Contra Persecutores Ecclesiae. Oratio.

Ecclēsiae tuae, quaesumus, Domine, preces placatus admitte: ut destructis adversitatibus & erroribus universis, securam tibi serviat libertate. Per Dñm.

Secreta.

Protege nos, Domine, tuis mysteriis serviētes: ut divinis rebus inhærentes, & corpore tibi famulemur, & mente. Per Dñm.

Postcommunio.

Quaesumus, Domine Deus noster: ut, quos divinam tribuis participatione gaudere, humanis non finas subjacere periculis. Per Dñm.

*Contra Persecutores & male agentes.**Oratio.*

Hostium nostrorum, quaesumus, Domine, elide superbiam: & eorum contumaciam dexteræ tuæ virtute prosterne. Per Dñm.

Secreta.

Hujus, Domine, virtute mysterii, & à propriis mundemur occultis, & ab inimicorum liberemur insidiis. Per Dñm.

Postcommunio.

Protector noster aspice Deus, & ab inimicorum nos defende periculis: ut omni perturbatione submota, liberis tibi mentibus serviāmus. Per Dñm.

Pro quacumque Necessitate. Oratio.

Deus, refugium nostrum & virtus: adesto piis Ecclesiae tuae precibus auctor ipse pietatis, & praesta; ut quod fideliter petimus, efficaciter consequamur. Per Dñm.

Secreta.

DA, miséricors Deus: ut hæc salutaris oblátio & à propriis nos reatibus indefinenter expédiet, & ab omnibus tueatur advérsis. Per Dñm.

Postcommunio.

Sumpsimus, Dómine, sacri dona mystérii, humíliter deprecántes: ut quæ in tui commemoratióem nos facere præcepísti, in nostræ proficiant infirmitátis auxílium. Qui vivis & regnas cum Deo Patre.

Pro quacumque Tribulatione. Oratio.

NE despicias, omnipotens Deus, pópulum tuum in afflictiónē clamántem: sed propter glóriam nóminis tui, tribulátis succúrre placátus. Per.

Secreta.

Suscipe, Dómine, propítius hóstias, quibus & te placári voluísti, & nobis salutem poténti pietáte restítui. Per Dñm.

Postcommunio.

TRibulatióem nostram, quæsumus, Dómine, propítius respice: & iram tuæ indignatióis quam justè merémur, avérte. Per Dñm.

Tempore Famis. Oratio.

DA nobis, quæsumus, Dómine, piæ supplicatióis efféctum, & famem propitiátus avérte: ut mortálium corda cognóscant, & te indignante, tália flagélla prodire, & te miserante cessáre. Per Dñm.

Secreta.

DEus, qui humáni géneris utrámque substantiam, præsentium múnierum & aliménto végetas, & rénovas sacraménto: tribue, quæsumus; ut eórum & córporis nostris subsidium non desit, & méntibus. Per Dñm.

Postcommunio.

GUbérna, quæsumus, Dómine, temporalibus aliméntis: quos dignáris ætérnis informáre mystériis. Per.

Tempore Terræmotus. Oratio.

OMnípotens sempitérne Deus, qui respicis terram, & facis eam tremere: parce metuéntibus, propitiáre supplicibus; ut cujus iram terræ fundaménta concutiéntem expávimus, cleméntiam contritióes ejus sanántem júgiter sentiámus. Per Dñm.

Secreta.

DEus, qui fundásti terram super stabilitátem suam: súscipe oblaciones, & preces pópuli tui; ac treméntis terræ perículis pénitùs amótis, Divínæ tuæ iracúndiæ terróres, in humanæ salutis remédia convérte; ut qui de terra sunt, & in terram reverténtur, gáudeant se fieri sancta conversatióne cœléstes. Per Dñm.

Postcommunio.

TUére nos, Dómine, quæsumus, tua sancta suméntes: & terram, quam vídimus nostris iniquitatibus treméntem, supérno múnere firma; ut mortálium corda cognóscant, & te indignante tália flagélla prodire, & te miserante cessáre. Per Dñm.

Ad petendam Pluviam. Oratio.

DEus, in quo vivimus, movémur, & sumus: plúviam nobis tribue congruéntem; ut præsentibus subsidiis sufficiénter adjúti, sempitérna fiduciáliùs appetámus. Per Dñm.

Secreta.

Oblátis, quæsumus, Dómine, placáre munéribus: & opportúnum nobis tribue plúviæ sufficiéntis auxílium. Per Dñm.

Postcommunio.

DA nobis, quæsumus, Dómine, plúviam salutárem: & áridam terræ faciém fluéntis coeléstibus dignánte infúnde. Per Dñm.

Ad postulandam Serenitatem. Oratio.

AD te nos, Dómine, clamántes exáudi: & áëris serenitátem nobis tríbue supplicántibus; ut qui justè pro peccátis nostris affligimur, misericórdia tua præveniénte, cleméntiam sentiámus. Per Dñm.

Secreta.

PRævéniat nos, quæsumus, Dómine, grátia tua semper, & subsequátur: & has oblatiónes, quas pro peccátis nostris nómini tuo consecrándas deférimus, benígnus assúme: ut per intercessiónem Sanctórum tuórum, cunctis nobis proficiant ad salútem. Per Dñm.

Postcommunio.

QUæsumus, omnipotens Deus, cleméntiam tuam: ut inundántiam coérceas ímbrium, & hilaritátem vultus tui nobis impertíri dignéris. Per.

Ad repellendas Tempestates. Oratio.

ADomo tua, quæsumus, Dómine, spirítales nequítiae repellántur: & aëreárum discédant malignitas tempestátum. Per Dñm.

Secreta.

OFFérimus tibi, Dómine, laudes & múnera, pro concéssis beneficiis grátias referéntes, & pro concedéndis semper suppliciter deprecántes. Per.

Postcommunio.

OMnípotens sempitérne Deus, qui nos & castigándo sanas, & ignoscéndo conférvas: præsta supplicibus tuis; ut & tranquillitátibus hujus optátæ consolatiónis lætémur, & dono

tuæ pietátis semper utámur. Per Dñm.

Pro Peste Animalium. Oratio.

DEus, qui labóribus hóminum, étiam de mutis animálibus solátia subrogásti: súpplices te rogámus; ut sine quibus non álitur humana conditio, nostris faciás úsibus non períre. Per Dñm.

Secreta.

SACRIFICIIS, Dómine, placátus oblátis, opem tuam nostris tempóribus cleménter impénde. Per Dñm.

Postcommunio.

BENEDICTIONEM tuam, Dómine, pópulus fidélis accípiat, qua corpore salvétur & mente: & congruam tibi exhibeat servitútem: & propitiatiónis tuæ beneficia semper invéniat. Per.

Pro seipso Sacerdote. Oratio.

OMnípotens & misericors Deus, humilitátis meæ preces benígnus inténde: & me fámulum tuum, quem nullis suffragántibus méritis, sed imménsa cleméntiae tuæ largitate coeléstibus mystériis servíre tribuísti, dignum sacris altáribus fac minístrum: ut quod mea voce deprómitur, tua sanctificatióne firmétur. Per Dñm.

Secreta.

HUjus, Dómine, virtúte sacraménti, peccatórum meórum máculas abstérge: & præsta; ut ad exequéndum injúnci officii minísterium, me tua grátia dignum efficiat. Per Dñm.

Postcommunio.

OMnípotens sempitérne Deus, qui me peccatórem sacris altáribus adstáre voluísti, & sancti nóminis tui laudáre poténtiam: concéde propítius per hujus sacraménti mystérium, meó-

rum mihi véniam peccatórum; ut tuæ majestáti dignè mérear famulári. Per Dñm.

Pro Petitione Lacrymarum. Oratio.

OMnípotens & mitíssime Deus, qui sitiénti pópulo fontem vivéntis aquæ de petra produxísti: educ de cordis nostri durítia lácrymas compunctiónis; ut peccáta nostra plángere valeámus, remissionémque eórum, te miseránte, mereámur accípere. Per.

Secreta.

HAnc oblatiónem, quæsumus, Dómine Deus, quam tuæ majestáti pro peccátis nostris offérimus, propítius réspice: & produc de óculis nostris lacrymárum flúmina, quibus débita flammárum incéndia valeámus extingueré. Per Dñm.

Postcommunio.

GRátiam Spíritus sancti, Dómine Deus, córdibus nostris cleménter infúnde: quæ nos gemítibus lacrymárum efficiat máculas nostrórum dilúere peccatórum; atque optátæ nobis, te largiénte, indulgéntiæ præstet efféctum. Per Dñm. . . . in unitáte ejúsdem Spíritûs sancti Deus.

Pro Remissione Peccatorum. Oratio.

DEus, qui nullum réspuis, sed quantumvis peccántibus, per pœniténtiam piâ miseratione placáris; réspice propítius ad preces humilitátis nostræ, & illúmina corda nostra; ut tua valeámus implére præcépta. Per Dñm.

Secreta.

PRæsens sacrificium, Dómine, quod tibi pro delíctis nostris offérimus, fit tibi munus accéptum: & tam vivéntibus, quàm defúctis proficiat ad salútem. Per Dñm.

Postcommunio.

EXáudi preces famíliæ tuæ, omnípotens Deus, & præsta: ut sancta hæc, quæ à te sumpsimus, incorrupta in nobis, te donánte, servéntur. Per.

Pro publicè Pœnitentibus. Oratio.

OMnípotens sempitérne Deus, confiténtibus tibi famulis tuis pro tua pietáte reláxa peccáta: ut non ampliùs eis nóceat consciéntiæ reátus ad pœnam, quam indulgéntia tuæ propitiatiónis profit ad véniam. Per Dñm.

Secreta.

PRæsta, quæsumus, omnípotens & miséricors Deus: ut hæc salutáris oblátio famulos tuos & à propriis reátibus indefinénter expédíat, & ab ómnibus tueátur advérsis. Per Dñm.

Postcommunio.

OMnípotens & miséricors Deus, qui omnem ánimam pœniténtem & confiténtem tibi magis vis emendári, quàm pérdere: réspice super hos famulos tuos, & per hæc sancta sacraménta quæ sumpsimus, avérte ab eis iram indignatiónis tuæ, & ómnia eórum peccáta dimítte. Per Dñm.

Pro tentatis & tribulatis. Oratio.

DEus, qui iustificas ímpium, & non vis mortem peccatóris: majestátem tuam suppliciter deprecámur; ut famulos tuos de tua misericórdia confidentes, coelésti prótegas benígnus auxílio, & assídua protectióne consérves: ut tibi júgiter famuléntur, & nullis tentatióibus à te separéntur. Per.

Secreta.

HUjus, quæsumus, Dómine, virtúte mystérii, & à propriis nos munda delíctis, & famulos tuos ab ómnibus absólve peccátis. Per Dñm.

Postcommunio.

Purificent nos, quæsumus, Dómine, sacramenta quæ sumpsimus: & famulos tuos ab omni culpa liberos esse concede: ut qui conscientiae reatu constringuntur, coelestis remédii plenitudine gloriéntur. Per Dñm.

Ad repellendas malas Cogitationes. Oratio.

Omnípotens & altíssime Deus, respice propítius ad preces nostras, & libera corda nostra de malárum tentationibus cogitationum: ut sancti Spíritus dignum fieri habitáculum mereámur. Per Dñm. . . in unitáte ejúsdem.

Secreta.

Has tibi, Dómine, offerimus oblationes pro salute nostra: quatenus animas nostras ab immundis cogitationibus purges, illæsasque custodias; & sancti Spíritus grátia illumináre digneris. Per Dñm. . . in unitáte ejúsdem.

Postcommunio.

Deus, qui illúminas omnem hominem venientem in hunc mundum; illúmina, quæsumus, corda nostra grátiae tuæ splendóre: ut digna ac plácita majestáti tuæ cogitare semper, & te sincérè dilígere valeámus. Per.

Ad postulandam Continentiam. Oratio.

URe igne sancti Spíritus renes nostros, & cor nostrum, Dómine: ut tibi casto corpore ferviámus, & mundo corde placeámus. Per Dñm. . . in unitáte ejúsdem Spíritus sancti Deus.

Secreta.

Dirúmpe, Dómine, víncula peccatorum nostrorum: & ut sacrificáre tibi hóstiám laudis absolúta libertáte ac munda mente possimus, retribue quæ antè tribuísti: & salva nos per indulgéntiam, quos dignátus es salváre per grátiam. Per Dñm.

Postcommunio.

Domine, adjutor & protector noster, adjuva nos: & reflóreat cor & caro nostra vigóre pudicitiae, & castimóniae novitáte: ut per hoc sacrificium, quod tuæ obtúlimus pietáti, ab ómnibus tentationibus emundémur. Per.

Ad postulandam Humilitatem. Oratio.

Deus, qui superbis resistis, & grátiam præstas humilibus: concede nobis veræ humilitátis virtútem, cujus in se formam fídelibus Unigénitus tuus exhibuit; ut numquam indignationem tuam provocemus eláti, sed pótius grátiae tuæ capiámus dona subjeéti. Per eúmdem.

Secreta.

Hæc oblátio, Dómine, quæsumus, veræ nobis humilitátis grátiam obtíneat: simúlque à córdibus nostris concupiscéntiam carnis & oculórum, atque ambitionem sæculi áuferat: quatenus sóbriè, justè pièque vivéntes, præmia consequámur ætérna. Per.

Postcommunio.

Hujus, Dómine, sacraménti percéptio, peccatorum nostrorum máculas abstérget: & nos per humilitátis exhibitionem ad coelestia regna perducát. Per Dñm.

Ad postulandam Patientiam. Oratio.

Deus, qui Unigéniti tui patientia, antiqui hostis contrivísti superbiam: da nobis, quæsumus, quæ idem piè pro nobis pertulit, dignè recólere; sicque exémplo ejus, nobis adversántia æquanímiter toleráre. Per eúmdem.

Secreta.

Munera nostræ oblationis, quæsumus, Dómine, fúscipe placátus: quæ, ut nobis patientiae donum largiri dignéris, majestáti tuæ devóta offerimus accióné. Per Dñm.

Postcommunio.

MYstéria, Dómine, sacrosáncta quæ sumpsimus, amissam nobis, quæsumus, reconcilient grátiam; atque munus paciéntiæ in illátis ómnibus, semper & ubique protegendo, impertiant. Per Dñm.

Ad postulandam Charitatem. Oratio.

DEus, qui diligéntibus te facis cuncta prodéssé: da córdibus nostris inviolábilem tuæ charitátis affectum: ut desidéria de tua inspiratione concépta, nulla possint tentatione mutári. Per Dñm.

Secreta.

DEus, qui nos ad imáginem tuam sacraméntis rénovas & præcéptis, pérfice gressus nostros in sémitis tuis: ut charitátis donum, quod fecísti à nobis sperári; per hæc, quæ offérimus, sacrificia, fácias veráciter apprehénderi. Per Dñm.

Postcommunio.

SANCTI Spíritus grátia, quæsumus, Dómine, corda nostra illúminet: & perfectæ charitátis dulcédine abundanter reficiat. Per Dñm. . . . in unitate ejúsdem Spíritus sancti Deus.

Pro devotis Amicis. Oratio.

DEus, qui charitátis dona per grátiam sancti Spíritus tuórum fidélium córdibus infudísti: dà fámulis & famulábus tuis, pro quibus tuam deprecámur cleméntiam, salútem mentis & córporis; ut te tota virtúte díligant, & quæ tibi plácita sunt, tota dilectione perficiant. Per Dñm. . . . in unitate ejúsdem Spíritus sancti Deus.

Secreta.

Miserére, quæsumus, Dómine, fámulis & famulábus tuis, pro qui-

bus hoc sacrificium laudis tuæ offérimus majestáti: ut per hæc sancta supérnæ benedictionis grátiam obtineant, & glóriam æternæ beatitudinis acquirant. Per Dñm.

Postcommunio.

DIVINA libántes mystéria, quæsumus, Dómine: ut hæc salutária sacraménta illis proficiant ad prosperitátem & pacem, pro quorum, quarúmque dilectione, hæc tuæ obtúlimus majestáti. Per Dñm.

Pro Inimicis. Oratio.

DEus pacis, charitatísque amátor & custos: da ómnibus inimicis nostris pacem charitatémque veram: & cunctórum eis remissionem tríbue peccatórum: nosque ab eórum insidiis poténter éripe. Per Dñm.

Secreta.

OBLÁTIS, quæsumus, Dómine, placáre munéribus: & nos ab inimicis nostris cleménter éripe: eisque indulgéntiam tríbue delictórum. Per Dñm.

Postcommunio.

HÆC nos commúnio, Dómine, éruat à delictis: & ab inimicórum défendat insidiis. Per Dñm.

*Pro constituto in carcere, vel in captivitate.**Oratio.*

DEus, qui beátum Petrum Apóstolum à vínculis absolútum, illæsum abire fecísti: fámuli tui in captivité pósito víncula absólve, eúmque ipsíus méritis illæsum abire concéde. Per Dñm.

Secreta.

SUPER has, quæsumus, Dómine, hóstias benedictio copiósa descéndat: quæ captívi hujus víncula solvat, & de ejus liberatione nos citò lætíficet. Per.

Postcommunio.

PReces nostras, quæsumus, Dómine, cleménter exáudi: & per hæc sacraménta quæ sumpsimus, famulum tuum à vînculis suæ captivitátis absolve. Per Dñm.

*Pro Navigantibus.**Oratio.*

DEus, qui transfulisti patres nostros per mare rubrum, & transvexisti eos per aquam nimiam, laudem tui nominis decantantes: te suppliciter deprecámur, ut in navi famulos tuos, repulsis adversitatibus, portu semper optabili, cursuque tranquillo tuearis. Per.

Secreta.

Suscipe, quæsumus, Dómine, preces famulorum tuorum, cum oblationibus hostiarum: & eos, pro quibus tua mysteria celebramus, ab omnibus defende periculis. Per Dñm.

Postcommunio.

Sanctificati divino mysterio, majestatem tuam, Dómine, suppliciter deprecámur, & pétimus: ut famulos tuos, quos donis facis coelestibus memorari, per lignum sanctæ Crucis & à peccatis abstrahas, & à periculis cunctis miseratus eripias. Per Dñm.

*Pro salute Vivorum.**Oratio.*

PRætende, Dómine, fidelibus tuis dexteram coelestis auxilii: ut te toto corde perquirant, & quæ dignè postulant, consequi mereantur. Per.

Secreta.

Propitiare, Dómine, supplicationibus nostris: & has oblationes fidelium tuorum, quas tibi pro incolumitate eorum offerimus, benignus assûme: & ut nullus sit irritum votum, nullus vacua postulatio, præsta, quæsumus; ut quod fideliter pétimus,

efficaciter consequámur. Per Dñm.

Postcommunio.

DA fidelibus tuis, quæsumus, Dómine, in tua fide & sinceritate constantiam: ut in charitate divina firmati, nullis tentationibus ab ejus integritate vellantur. Per Dñm.

*Pro Vivis & Defunctis.**Oratio.*

OMnipotens sempiternæ Deus, qui vivorum dominaris simul & mortuorum, omniumque misereris, quos tuos fide & opere futuros esse prænoſcis: te supplices exoramus; ut pro quibus effundere preces decrevimus, quosque vel præsens sæculum adhuc in carne retinet, vel futurum jam exutos corpore suscepit; intercedentibus omnibus Sanctis tuis, pietatis tuæ clementia, omnium delictorum suorum veniam consequantur. Per Dñm.

Secreta.

DEus, cui soli cognitus est numerus electorum in supérna felicitate locandus: tribue, quæsumus, ut intercedentibus omnibus Sanctis tuis, universorum, quos in oratione commendatos suscepimus, & omnium fidelium nomina beatæ prædestinationis liber adscripta retineat. Per Dñm.

Postcommunio.

Purificent nos, quæsumus, omnipotens & misericors Deus, sacramenta quæ sumpsimus; & intercedentibus omnibus Sanctis tuis, præsta: ut hoc tuum sacramentum non sit nobis reatus ad poenam, sed intercessio salutaris ad veniam: sit ablutio scelerum, sit fortitudo fragilium, sit contra omnia mundi pericula firmamentum; sit vivorum atque mortuorum fidelium, remissio omnium delictorum. Per Dñm.

MISSÆ PRO DEFUNCTIS.

IN COMMEMORATIONE OMNIUM
FIDELIUM DEFUNCTORUM.

Introitus.

Requiem æternam dona eis, Dómine: & lux perpétua luceat eis.

Pf. 64. Te decet hymnus Deus in Sion, & tibi reddetur votum in Jerúsalem: exáudi orationem meam, ad te omnis caro véniet.

Deinde absolute repetitur Réquiem æternum. usque ad Psalmum.

Orémus.

Oratio.

Fidélium, Deus, ómnium cónditor & redemptor, animábus famulorum famularúmque tuárum, remissionem cunctórum tríbe peccatórum; ut indulgéntiam, quam semper optáverunt, piis supplicatióibus consequántur. Qui vivis & regnas cum Deo Patre.

Léctio Epístolæ beáti Pauli Apóstoli ad Corínthios. I. 15. g.

FRatres, Ecce mystérium vobis dico: Omnes quidem resurgemus, sed non omnes immutábitur. In moménto, in ictu óculi, in novíssima tuba: canet enim tuba, & mórtui resúrgent incorrúpti: & nos immutábitur. Oportet enim corruptíbile hoc indúere incorruptionem: & mortále hoc indúere immortalitatem. Cùm autem mortále hoc indúerit immortalitatem, tunc fiet sermo, qui scriptus est: Absórpta est mors in victória. Ubi est mors victória tua? ubi est mors stímulus tuus? Stímulus autem mortis peccátum est: virtus verò peccáti lex. Deo autem grátias, qui dedit nobis victóriam per Dóminum nostrum Jesum Christum.

Grad. Réquiem æternam dona eis, Dómine: & lux perpétua luceat eis.

V. Ps. 111. In memória æterna erit justus: ab auditióne mala non timébit.

Tractus. Absólve, Dómine, ánimas ómnium fidélium defunctorum ab omni vínculo delictórum. *V.* Et grátia tua illis succurrénte, mereántur evádere judícium ultiónis. *V.* Et lucis æternæ beatitúdine pérfrui.

Sequentia.

Dies iræ, dies illa,
Solvat sæclum in favilla:
Teste David cum Sibylla.

Quantus tremor est futurus,
Quando Judex est venturus,
Cuncta stricte discussurus!
Tuba mirum spargens sonum,
Per sepúlchra regiónum,
Coget omnes ante thronum.

Mors stupébit, & natúra,
Cùm resúrget creatúra,
Judicánti responsúra.

Liber scriptus proferétur,
In quo totum continétur,
Unde mundus judicétur.

Judex ergo cùm sedébit,
Quidquid latet, apparébit:
Nil inúltum remanébit.

Quid sum miser tunc dictúrus?
Quem patrónum rogáturus?
Cùm vix justus sit secúrus.

Rex treméndæ majestátis,
Qui salvándos salvas grátis,
Salva me fons pietátis.

Recordáre Jesu pie,
Quòd sum causa tuæ viæ,
Ne me perdas illa die.

Quærens me, sedisti lassus:
Redemisti, crucem passus:
Tantus labor non sit cassus.
Iuste iudex ultionis,
Donum fac remissionis,
Ante diem rationis.

Ingemisco, tamquam reus:
Culpa rubet vultus meus:
Supplicanti parce Deus.
Qui Mariam absolvisti,
Et latronem exaudisti,
Mihi quoque spem dedisti.
Preces meæ non sunt dignæ:
Sed tu bonus fac benigne,
Ne perenni cremer igne.

Inter oves locum præsta,
Et ab hædis me sequèstra,
Statuens in parte dextra.

Confutatis maledictis,
Flammis æcribus addictis,
Voca me cum benedictis.

Oro supplex & acclinis,
Cor contritum quasi cinis;
Gere curam mei finis.

Lacrymosa dies illa,
Qua resurget ex favilla,
Judicandus homo reus.

Huic ergo parce Deus,
Pie Jesu Domine,
Dona eis requiem. Amen.

Sequèntia sancti Evangelii secundum
Joannem. 5. d.

IN illo tempore: Dixit Jesus turbis
Judæorum: Amen, amen dico vo-
bis, quia venit hora, & nunc est,
quando mortui audient vocem Filii
Dei: & qui audierint, vivent. Sicut
enim Pater habet vitam in semetipso,
sic dedit & Filio habere vitam in se-
metipso: & potestatem dedit ei judi-
cium facere, quia Filius hominis est.
Nolite mirari hoc, quia venit hora, in

qua omnes, qui in monumentis sunt,
audient vocem Filii Dei: & procedent
qui bona fecerunt, in resurrectionem
vitæ: qui verò mala egerunt, in re-
surrectionem judicii.

Offert. Domine Jesu Christe, Rex
gloriæ, libera animas omnium fidelium
defunctorum de poenis inferni, & de
profundo lacu: libera eas de ore le-
onis, ne absorbeat eas tartarus, ne ca-
dant in obscurum: sed signifer sanctus
Michael repræsentet eas in lucem sanc-
tam: * Quam olim Abraham promisisti,
& semini ejus. *V.* Hostias & preces tibi,
Domine, laudis offerimus: tu suscipe
pro animabus illis, quarum hodie me-
moriæ facimus: fac eas, Domine, de
morte transire ad vitam. Quam.

Secreta.

Hostias, quæsumus, Domine, quas
tibi pro animabus famulorum fa-
mularumque tuarum offerimus propi-
tius intende: ut quibus fidei Chris-
tiænæ meritum contulisti, dones &
præmium. Per Dñm.

Communio. Lux æterna luceat eis,
Domine, * Cum sanctis tuis in ætér-
num: quia pius es. *V.* Requiem
æternam dona eis, Domine: & lux per-
pétua luceat eis. Cum sanctis.

Postcommunio.

Animabus, quæsumus, Domine, fa-
mulorum famularumque tuarum
oratio proficiat supplicantium; ut eas
& à peccatis omnibus exuas, & tuæ re-
demptionis facias esse participes. Qui.

Dicto Dominus vobiscum, dicitur Re-
quiescant in pace. R. Amen. *Et non*
datur benedictio, sed dicto secreto Placeat
tibi, sancta Trinitas, Et osculato Altari,
legitur Evangelium S. Joannis, In prin-
cipio erat Verbum, ut moris est.

IN DIE OBITU
SEU DEPOSITIONIS DEFUNCTI.

Introitus.

Requiem æternam dona eis, Dómine: & lux perpétua luceat eis.

Pf. 64. Te decet hymnus, Deus, in Sion, & tibi reddetur votum in Jerúsalem: exáudi orationem meam, ad te omnis caro veniet. Réquiem.

Orémus.

Oratio.

Deus, cui proprium est misereri semper & parcere, te supplices exoramus pro ánima famuli tui N. quam hódie de hoc sæculo migrare iussisti: ut non tradas eam in manus inimici, neque obliviscaris in finem; sed júbeas eam à sanctis Angélis súcipi, & ad pátriam paradísi perdúci: ut, quia in te sperávit & credidit, non poenas inférni sustíneat, sed gáudia æterna possídeat. Per Dñm.

Léctio Epístolæ beáti Pauli Apóstoli ad Thessalonicénfes. I. 4. c.

Fratres, Nólumus vos ignoráre de dormiéntibus, ut non contristémur, sicut & cæteri qui spem non habent. Si enim crédimus, quòd Jesus mórtuus est, & resurrexit: ita & Deus eos, qui dormiérunt per Jesum, addúcet cum eo. Hoc enim vobis dicimus in verbo Dómini, quia nos, qui vívimus, qui resídui sumus in advéntum Dómini, non præveniémus eos, qui dormiérunt. Quóniam ipse Dóminus in jussu, & in voce Archángeli, & in tuba Dei, descéndet de cœlo: & mórtui, qui in Christo sunt, resúrgent primi. Deínde nos, qui vívimus, qui relínquimur, simul rapiémur cum illis in núbibus óbviám Christo in áëra, & sic semper cum Dómino érimus. Itaque consolámini invicem in verbis istis.

Grad. Réquiem æternam dona eis, Dómine: & lux perpétua luceat eis.

V. Pf. 111. In memória æterna erit justus, ab auditióne mala non timébit.

Tractus. Absólve, Dómine, ánimas ómnium fidélium defunctorum ab omni vínculo delictórum. *V.* Et grátia tuâ illis succurrénte, mereántur evádere iudícium ultiónis. *V.* Et lucis æternæ beatitúdine pérfrui.

Sequentia. Dies iræ, dies illa. *ut supra fol. lxxxiii.*

Sequentia sancti Evangelii secúndum Joánnem. II. c.

In illo témpore: Dixit Martha ad Jesum: Dómine, si fuísses híc, frater meus non fuíffet mórtuus: Sed & nunc scio, quia quaecúmque popósce- ris à Deo, dabit tibi Deus. Dicit illi Jesus: Resúrget frater tuus. Dicit ei Martha: scio quia resúrget in resurrectiône in novíssimo die. Dixit ei Jesus: Ego sum resurrectio, & vita: qui credit in me, étiam si mórtuus fúerit, vivet: & ómnis, qui vivit, & credit in me, non moriétur in ætérnum. Credis hoc? Ait illi: Utique, Dómine, ego credidi, quia tu es Christus Fílius Dei vivi, qui in hunc mundum venísti.

Offert. Dómine Jesu Christe, Rex glóriæ, libera ánimas ómnium fidélium defunctorum de poenis inférni, & de profúndo lacu: libera eas de ore leónis, ne absorbéat eas tártarus, ne cadant in obsécúrum: sed signifer sanctus Míchaél repræsentet eas in lucem sanctam: Quam olim Abrahæ promisísti, & sémini ejus. *V.* Hóstias & preces tibi, Dñe, laudis offerimus: tu súscipe pro animábus illis, quarum hódie memóriam facimus: fac eas, Dómine, de morte transíre ad vitam. Quam.

Secreta.

PROPITIARE, quæsumus, Dómine, ánimæ fámuli tui N. pro qua hóstiám laudis tibi immolámus, majestátem tuam suppliciter deprecántes: ut per hæc piæ placatiónis officia, pervenire mereátur ad réquiem sempitérnam. Per.

Communio. Lux ætéRNA lúceat eis, Dómine, * Cum Sanctis tuis in ætérum: quia pius es. *V.* Réquiem ætéRNA dona eis, Dómine: & lux perpétua lúceat eis. Cum Sanctis.

Postcommunio.

PRÆSTA, quæsumus, omnípotens Deus: ut ánima fámuli tui N. quæ hódie de hoc sæculo migrávit, his sacrificiis purgáta, & à peccátis expedita, indulgéntiam páriter & réquiem cápiat sempitérnam. Per Dñm.

In die tertio, septimo, & trigesimo depositionis defuncti, dic. Missa ut supra, exceptis Orat. quæ dicuntur ut infra.

Oratio.

QUÆSUMUS, Dómine, ut animæ fámuli tui N. cujus depositiónis diem tértium, [vel séptimum, vel trigésimum] commemorámus, sanctórum atque electórum tuórum largíri dignéris confortium: & rorem misericórdiæ tuæ perénnem infúndas. Per Dñm.

Secreta.

MUNERA, quæsumus, Dómine, quæ tibi pro ánima fámuli tui N. offerimus, placátus inténde: ut remédiis purgáta coeléstibus, in tua pietáte requiescat. Per Dñm.

Postcommunio.

SUSCIPE, Dómine, preces nostras pro ánima fámuli tui N. ut si quæ ei máculæ de terrénis contágiis adhæserunt, remissiónis tuæ misericórdiâ deleántur. Per Dñm.

IN ANNIVERSARIO DEFUNCTORUM.

Introitus.

REQUIEM ætéRNA dona eis, Dómine: & lux perpétua lúceat eis.

Pf. 64. Te decet hymnus, Deus, in Sion, & tibi reddétur votum in Jerúsalem: exáudi oratiónem meam, ad te omnis caro véniet. Réquiem.

*Orémus.**Oratio.*

DEUS indulgentiárum Dómine: da animábus famulórum famularúmque tuárum, quorum anniversárium depositiónis diem commemorámus, refrigerií sedem, quiétis beatitúdinem, & lúminis claritátem. Per Dñm.

Léctio libri Machabæórum. II. 12. g.

IN diébus illis: Vir fortíssimus Judas, facta collatióne, duódecim mille drachmas argénti misit Jerosólymam offerri pro peccátis mortuórum sacrificium, benè & religiósè de resurrectione cógitans (nisi enim eos, qui ceciderant resurrectúros speráret, supérfluum viderétur & vanum oráre pro mórtuis) & quia considerábat quòd hi, qui cum pietáte dormitiónem accéperant, óptimam habérent repósitam grátiam. Sancta ergo & salúbris est cogitatio pro defúntis exoráre, ut à peccátis solvántur.

Grad. Réquiem ætéRNA dona eis, Dómine: & lux perpétua lúceat eis. *V. Pf. 111.* In memória ætéRNA erit iustus: ab auditióne mala non timébit.

Tract. Absólve, Dómine, ánimas ómnium fidélium defunctorum ab omni vínculo delictórum. *V.* Et grátia tuá illis succurrénte, mereántur evádere iudiciúm ultiónis. *V.* Et lucis æternæ beatitúdine pérfrui.

Sequentia. Dies iræ, dies illa. *ut supra,* fol. lxxxiii.

Sequentia sancti Evangelii secundum
Joannem. 6. f.

IN illo tempore: Dixit Jesus turbis
Judæorum: Omne, quod dat mihi
Pater, ad me veniet: & eum, qui ve-
nit ad me, non ejiciam foras: quia de-
scendi de coelo, non ut faciam volun-
tatem meam, sed voluntatem ejus, qui
misit me. Hæc est autem voluntas
ejus, qui misit me, Patris: ut omne,
quod dedit mihi, non perdam ex eo,
sed resuscitem illud in novissimo die.
Hæc est autem voluntas Patris mei,
qui misit me: ut omnis, qui videt Fi-
lium, & credit in eum, habeat vitam
æternam, & ego resuscitabo eum in
novissimo die.

Offert. Dómine Jesu Christe Rex
glóriæ, libera ánimas ómnium fidélium
defunctorum de pœnis inférni, & de
profundo lacu: libera eas de ore leó-
nis, ne absorbeat eas tártarus, ne ca-
dant in obscurum: sed signifer sanctus
Míchaël repræsentet eas in lucem sanc-
tam: * Quam olim Abrahæ promisisti,
& semini ejus. V. Hóstias & preces tibi,
Dómine, laudis offerimus; tu suscipe
pro animabus illis, quarum hódie me-
móriam facimus: fac eas, Dómine, de
morte transire ad vitam. Quam.

Secreta.

Propitiare, Dómine, supplicationibus
nostris, pro animabus famulorum
famularumque tuarum, quorum hódie
annua dies agitur, pro quibus tibi of-
ferimus sacrificium laudis: ut eas
Sanctorum tuorum consortio sociare
digneris. Per Dñm.

Communio. Lux æterna luceat eis,
Dómine, * Cum Sanctis tuis in æter-
num: quia pius es. V. Réquiem

æternam dona eis, Dómine: & lux
perpétua luceat eis. Cum Sanctis.

Postcommunio.

PRæsta, quæsumus, Dómine, ut ani-
mæ famulorum famularumque tu-
arum, quorum anniversarium deposi-
tionis diem commemoramus; his pur-
gatae sacrificiis indulgentiam pariter &
réquiem capiant sempiternam. Per
Dñm.

¶ Si pro uno fiat anniversarium, præ-
dictæ Orationes dicantur in singulari nu-
mero.

IN MISSIS QUOTIDIANIS Defunctorum.
Introitus.

Requiem æternam dona eis, Dó-
mine: & lux perpétua luceat eis.

Pf. 64. Te decet hymnus, Deus, in
Sion, & tibi reddetur votum in Jerú-
salem: exaudi orationem meam, ad te
omnis caro veniet. Réquiem.

Pro defunctis Episcopis, seu Sacerdotibus
Oratio.

DEus, qui inter Apostólicos sacer-
dotes, famulos tuos Pontificales
seu sacerdotales, fecisti dignitate vigere:
præsta, quæsumus, ut eorum quoque
perpétuo aggregentur consortio. Per
Dñm.

Pro defunctis Fratribus, Propinquis, &
Benefactoribus. Oratio.

DEus, véniæ largitor, & humanæ
salutis amátor: quæsumus cle-
mentiam tuam: ut nostræ congregati-
onis fratres, propinquos, & benefacto-
res, qui ex hoc sæculo transierunt, be-
atâ Mariâ semper Virgine intercedente
cum omnibus Sanctis tuis, ad perpétuæ
beatitudinis consortium pervenire con-
cedas.

Pro Fidelibus defunctis generalis. Oratio.

Fidélum, Deus, ómnium cónditor & redemptor animabus famulorum famularumque tuarum, remissionem cunctorum tribue peccatorum: ut indulgentiam, quam semper optaverunt, piis supplicationibus consequantur. Qui vivis & regnas.

Lectio libri Apocalypsis beati Joannis Apostoli. 14. c.

IN diebus illis: Audivi vocem de celo, dicentem mihi: Scribe: Beati mortui, qui in Domino moriuntur. Amodo jam dicit Spiritus, ut requiescant a laboribus suis: opera enim illorum sequuntur illos.

Grad. Requiem æternam dona eis, Domine: & lux perpétua luceat eis.

V. Ps. 111. In memoria æterna erit justus: ab auditione mala non timebit.

Tract. Absolve, Domine, animas ómnium fidélium defunctorum ab omni vínculo delictorum. *V.* Et grátia tuâ illis succurrénte, mereántur evádere iudicium ultiónis. *V.* Et lucis æternæ beatitudine pérfrui.

Sequentia. Dies iræ, dies illa. *ut supra,* fol. lxxxiii. *ad arbitrium Sacerdotis.*

Sequentia sancti Evangelii secundum Joannem. 6. f.

IN illo tempore: Dixit Jesus turbis Judæorum: Ego sum panis vivus, qui de celo descendi. Si quis manducaverit ex hoc pane, vivet in æternum: & panis, quem ego dabo caro mea est pro mundi vita. Litigabant ergo Judæi ad invicem, dicentes: Quomodo potest hic nobis carnem suam dare ad manducandum? Dixit ergo eis Jesus: Amen, amen dico vobis: Nisi manducaveritis carnem Filii hominis, & bi-

beritis ejus sanguinem, non habebitis vitam in vobis. Qui manducat meam carnem, & bibit meum sanguinem, habet vitam æternam: & ego resuscitabo eum in novissimo die.

Offert. Domine Jesu Christe, Rex gloriæ, libera animas ómnium fidélium defunctorum de poenis inférni, & de profundo lacu: libera eas de ore leónis, ne absorbeat eas tartarus, ne cadant in obscurum: sed signifer sanctus Michaël repræsentet eas in lucem sanctam: * Quam olim Abraham promisisti, & semini ejus. *V.* Hostias & preces tibi, Domine, laudis offerimus; tu suscipe pro animabus illis, quarum hodie memoriam facimus: fac eas, Domine, de morte transire ad vitam. *Quam.*

Pro defunctis Episcopis, seu Sacerdotibus. Secreta.

Suscipe, Domine, quæsumus, pro animabus famulorum tuorum Pontificum, (*seu Sacerdotum*) quas offerimus hostias: ut quibus in hoc sæculo Pontificale, (*seu Sacerdotale*) donasti meritum, in cœlesti regno Sanctorum tuorum jubeasungi consortio. *Per.*

Pro defunctis Fratribus, Propinquis, & Benefactoribus. Secreta.

Deus, cujus misericordiæ non est numerus, suscipe propitius preces humilitatis nostræ: & animabus fratrum, propinquorum & benefactorum nostrorum, quibus tui nominis dedisti confessionem, per hæc sacramenta salutis nostræ cunctorum remissionem tribue peccatorum.

Pro omnibus Fidelibus defunctis. Secreta.

Hostias, quæsumus, Domine, quas tibi pro animabus famulorum famularumque tuarum offerimus, propi-

tiatus inténde: ut quibus fidei Christi-
anæ méritum contulisti, dones & præ-
mium. Per Dñm.

Communio. Lux ætérna lúceat eis,
Dómine, * Cum sanctis tuis in ætér-
num: quia pius es. *V.* Réquiem
ætérnam dona eis, Dómine: & lux per-
pétua lúceat eis. Cum sanctis.

Pro defunctis Episcopis, seu Sacerdotibus.

Postcommunio.

PROfit, quæsumus, Dómine, animá-
bus famulorum tuorum Pontífi-
cum, seu sacerdotum, misericórdiæ tuæ
imploráta cleméntia: ut ejus, in quo
speravérunt & credidérunt, ætérnum
cápiant, te miseránte, consórtium. Per
Dñm.

*Pro defunctis Fratribus, Propinquis, &
Benefactoribus.*

Postcommunio.

PRæsta, quæsumus, omnípotens &
miséricors Deus: ut animæ fra-
trum, propinquorum & benefactorum
nostrorum, pro quibus hoc sacrificium
laudis tuæ obtúlimus majestáti, per
hujus virtutem sacraménti à peccátis
ómnibus expiátæ, lucis perpétuæ, te
miseránte, recípiant beatitudinem. Per
Dñm.

Pro omnibus Fidelibus defunctis.

Postcommunio.

ANimábus, quæsumus, Dómine, fa-
mulorum famularumque tuarum
oratio proficiat supplicántium: ut eas
& à peccátis ómnibus éxuas, & tuæ
redemptionis fácias esse partícipes. Qui
vivis & regnas.

*Epistolæ & Evangelia superius posita
in una Missa pro Defunctis dici possunt
etiam in alia Missa similiter pro De-
functis.*

ORATIONES DIVERSÆ

PRO DEFUNCTIS.

¶ *In die Depositionis, & Anniversario
summi Pontificis, dicitur prima Missa, ut
supra, fol. lxxxiiij. præter Orationes, quæ
dicuntur ut infra.*

Oratio.

DEus, qui inter summos Sacerdó-
tes famulum tuum N. ineffábili
tuâ dispositióne connumerári voluisti:
præsta, quæsumus; ut, qui unigéniti
Fílii tui vices in terris gerébat, sanc-
torum tuorum Pontíficum consórtio
perpétuo aggregétur. Per eúndem.

Secreta.

SUscipe, Dómine, quæsumus, pro
ánima famuli tui N. summi Pontí-
ficis, quas offérimus hóstias: ut cui in
hoc sæculo Pontificále donásti méri-
tum, in coelésti regno Sanctórum tuó-
rum júbeas jungi consórtio. Per Dñm.

Postcommunio.

PROfit, quæsumus, Dómine, animæ
famuli tui N. summi Pontíficis,
misericórdiæ tuæ imploráta cleméntia:
ut ejus, in quo sperávit & credidit,
ætérnum cápiat, te miseránte, consór-
tium. Per Dñm.

¶ *Pro defuncto Episcopo dicitur prima
Missa, ut supra, fol. lxxxiiij. Orationes
verò ut infra.*

Oratio.

DEus, qui inter Apostólicos sacer-
dotes, famulum tuum N. Ponti-
ficáli fecisti dignitáte vigére: præsta,
quæsumus; ut eórum quoque perpé-
tuo aggregétur consórtio. Per Dñm.

Secreta.

SUscipe, Dómine, quæsumus, pro
ánima famuli tui N. Pontíficis,
quas offérimus hóstias: ut cui in hoc

saeculo Pontificale donasti meritum, in coelesti regno Sanctorum tuorum iubeas jungi consortio. Per Dñm.

Postcommunio.

PROfit, quaesumus, Domine, animae famuli tui N. Pontificis, misericordiae tuae implorata clementia: ut ejus, in quo speravit & credidit, aeternum capiat, te miserante, consortium. Per.

Pro Episcopo Cardinali defuncto. Oratio.

DEus, qui inter Apostolicos sacerdotes, famulum tuum N. Episcopum Cardinalem Pontificali fecisti dignitate vigere: praesta, quaesumus, ut eorum quoque perpetuo aggregetur consortio. Per Dñm.

Secreta.

SUScipe, Domine, quaesumus, pro anima famuli tui N. Pontificis Cardinalis, quas offerimus hostias: ut cui in hoc saeculo Pontificale donasti meritum, in coelesti regno Sanctorum tuorum iubeas jungi consortio. Per.

Postcommunio.

PROfit, quaesumus, Domine, animae famuli tui N. Pontificis Cardinalis, misericordiae tuae implorata clementia: ut ejus, in quo speravit & credidit, aeternum capiat, te miserante, consortium. Per Dñm.

Pro Presbytero Cardinali defuncto. Oratio.

DEus, qui inter Apostolicos sacerdotes, famulum tuum N. Presbyterum Cardinalem Sacerdotali fecisti dignitate vigere: praesta, quaesumus, ut eorum quoque perpetuo aggregetur consortio. Per Dñm.

Secreta.

SUScipe, Domine, quaesumus, pro anima famuli tui N. Presbyteri Cardinalis, quas offerimus hostias: ut cui

in hoc saeculo Sacerdotale donasti meritum, in coelesti regno Sanctorum tuorum iubeas jungi consortio. Per.

Postcommunio.

PROfit, quaesumus, Domine, animae famuli tui N. Presbyteri Cardinalis, misericordiae tuae implorata clementia: ut ejus, in quo speravit & credidit, aeternum capiat, te miserante, consortium. Per Dñm.

Pro Diacono Cardinali defuncto. Oratio.

INclina, Domine, aurem tuam ad preces nostras, quibus misericordiam tuam supplices deprecamur: ut animam famuli tui N. Diaconi Cardinalis, quam de hoc saeculo migrare iussisti, in pacis ac lucis regione constituas, & Sanctorum tuorum iubeas esse consortem. Per Dñm.

Secreta.

ANNue nobis, quaesumus, Domine, ut animae famuli tui N. Diaconi Cardinalis, haec profit oblatio: quam immolando, totius mundi tribuisti relaxari delicta. Per Dñm.

Postcommunio.

ABsolve, quaesumus, Domine, animam famuli tui N. Diaconi Cardinalis, ab omni vinculo delictorum: ut in resurrectionis gloria, inter Sanctos, & electos tuos resuscitatus respiret. Per Dñm.

Pro defuncto Sacerdote. Oratio.

DEus, qui inter Apostolicos sacerdotes, famulum tuum N. Sacerdotali fecisti dignitate vigere: praesta, quaesumus, ut eorum quoque perpetuo aggregetur consortio. Per Dñm.

Secreta.

SUScipe, Domine, quaesumus, pro anima famuli tui N. Sacerdotis,

quas offerimus hostias: ut cui in hoc sæculo Sacerdotale donasti meritum, in coelesti regno Sanctorum tuorum jubeas jungi consortio. Per Dñm.

Postcommunio.

Profit, quæsumus, Domine, animæ famuli tui N. Sacerdotis misericordiæ tuæ implorata clementia: ut ejus, in quo speravit & credidit, æternum capiat, te miserante, consortium. Per Dñm.

Si fuerint plures, dicatur ut supra in quarta Missa, fol. lxxxvij.

Pro defuncto Episcopo. Alia Oratio.

DA nobis, Domine, ut animam famuli tui N. Episcopi, quam de hujus sæculi eduxisti laborioso certamine, Sanctorum tuorum tribuas esse consortem. Per Dñm.

Secreta.

ANnue nobis, quæsumus, Domine, ut animæ famuli tui N. Episcopi hæc profit oblatio: quam immolando, totius mundi tribuisti relaxari delicta. Per Dñm.

Postcommunio.

His sacrificiis, quæsumus, omnipotens Deus, purgata anima famuli tui N. Episcopi, ad indulgentiam & refrigerium sempiternum pervenire mereatur. Per Dñm.

Pro defuncto Sacerdote.

Et possunt dici pro pluribus in numero plurali.

Oratio.

PRæsta, quæsumus, Domine, ut anima famuli tui N. Sacerdotis, quem in hoc sæculo commorantem, sacris munéribus decorasti, in coelesti sede gloriósa semper exultet. Per Dñm.

m 2

Secreta.

Suscipe, Domine, quæsumus, pro anima famuli tui N. Sacerdotis, quas offerimus hostias: ut cui Sacerdotale donasti meritum, dones & præmium. Per Dñm.

Postcommunio.

PRæsta, quæsumus, omnipotens Deus, ut animam famuli tui N. Sacerdotis in congregatione justorum, æternæ beatitudinis jubeas esse consortem. Per.

Pro uno Defuncto. Oratio.

INclina, Domine, aurem tuam ad preces nostras, quibus misericordiam tuam supplices deprecamur: ut animam famuli tui, quam de hoc sæculo migrare jussisti, in pacis ac lucis regione constituas, & Sanctorum tuorum jubeas esse consortem. Per Dñm.

Secreta.

ANnue nobis, quæsumus, Domine, ut animæ famuli tui hæc profit oblatio: quam immolando, totius mundi tribuisti relaxari delicta. Per Dñm.

Postcommunio.

ABsolve, quæsumus, Domine, animam famuli tui ab omni vínculo delictorum: ut in resurrectionis glória, inter Sanctos, & electos tuos resuscitatus respiret. Per Dñm.

Pro una Defuncta. Oratio.

Quæsumus, Domine, pro tua pietate miserere animæ famulæ tuæ: & à contagiis mortalitatis exutam, in æternæ salvationis partem restitue. Per.

Secreta.

His sacrificiis, quæsumus, Domine, anima famulæ tuæ à peccatis omnibus exuatur, sine quibus à culpa nemo liber extitit: ut per hæc piæ placationis officia, perpétuam misericordiam consequatur. Per Dñm.

Postcommunio.

INvéniat, quæsumus, Dómine, ánima famulæ tuæ lucis æternæ confortium: cujus perpétuæ misericordiæ consecuta est sacramentum. Per Dñm.

Pro patre & matre Sacerdotis. Oratio.

DEus, qui nos patrem & matrem honorare præcepisti: miserere clementer animabus patris & matris meæ, eorúmque peccata dimitte: meque eos in æternæ claritatis gaudio fac vidére. Per Dñm.

Secreta.

Suscipe sacrificium, Dómine, quod tibi pro animabus patris & matris meæ offero: eisque gaudium sempiternum in regione vivorum concede: meque cum illis felicitati Sanctorum conjunge. Per Dñm.

Postcommunio.

COeléstis participatio sacramenti, quæsumus, Dómine, animabus patris & matris meæ réquiem & lucem obtíneat perpétuam: meque cum illis grátia tua corónet æterna. Per Dñm.

Si pro patre tantum, vel matre tantum, dicitur in singulari.

Oratio.

DEus, qui nos patrem & matrem honorare præcepisti: miserere clementer animæ patris mei [vel matris meæ] ejúsque peccata dimitte: meque eum [vel eam], in æternæ claritatis gaudio fac vidére. Per Dñm.

Secreta.

Suscipe sacrificium, Dómine, quod tibi pro ánima patris mei [vel matris meæ] offero: eisque gaudium sempiternum in regione vivorum concede: meque cum illo [vel illa] felicitati Sanctorum conjunge. Per Dñm.

Postcommunio.

COeléstis participatio sacramenti, quæsumus, Dómine, animæ patris mei [vel matris meæ] réquiem & lucem obtíneat perpétuam: meque cum illo [vel illa] grátia tua corónet æterna. Per Dñm.

Pro defunctis Fratribus, Propinquis, & Benefactoribus. Oratio.

DEus, vénia largitor & humanæ salutis amátor: quæsumus cleméntiam tuam, ut nostræ congregatiónis fratres, propínquos, & benefactóres, qui ex hoc sæculo transierunt, beátâ Mariâ semper Vírgine intercedente, cum ómnibus Sanctis tuis, ad perpétuæ beatitudinis confortium pervenire concedas. Per Dñm.

Secreta.

DEus, cujus misericordiæ non est número, suscipe propítius preces humilitatis nostræ: & animabus fratrum, propinquorum & benefactorum nostrorum, quibus tui nóminis dedisti confessiōnem, per hæc sacramenta salutis nostræ cunctorum remissionem tribue peccatorum. Per Dñm.

Postcommunio.

PRæsta, quæsumus, omnipotens & misericors Deus: ut animæ fratrum, propinquorum & benefactorum nostrorum, pro quibus hoc sacrificium laudis tuæ obtulimus majestati, per hujus virtutem sacramenti à peccatis ómnibus expiatae, lucis perpétuæ, te miserante, recípiant beatitudinem. Per.

Pro his qui in Cæmeterio requiescunt.

Oratio.

DEus, cujus miseratione, animæ fidélium requiescunt: famulis & famulabus tuis, & ómnibus híc & ubi-

que in Christo quiescentibus, da propitius veniam peccatorum: ut à cunctis reatibus absoluti, tecum sine fine lætentur. Per eundem Dñm.

Secreta.

PRO animabus famulorum famularumque tuarum, & omnium catholicorum hinc & ubique in Christo dormientium, hostiam, Domine, suscipe benignus oblata: ut hoc sacrificio singulari, vinculis horrendæ mortis exuti, vitam mereantur æternam. Per eundem Dñm.

Postcommunio.

DEUS, fidelium lumen animarum, adesto supplicationibus nostris: & da famulis & famulabus tuis quorum corpora hinc & ubique in Christo requiescunt, refrigerii sedem, quietis beatitudinem, & luminis claritatem. Per eundem Dñm.

Pro pluribus Defunctis. Oratio.

DEUS, cui proprium est misereri semper & parcere: propitiare animabus famulorum famularumque tuarum, & omnia eorum peccata dimitte: ut mortalitatis vinculis absolutæ, transire mereantur ad vitam. Per.

Secreta.

ANnue nobis, quaesumus, Domine, ut animabus famulorum famularumque tuarum hæc profit oblatio: quam immolando, totius mundi tribuisti relaxari delicta. Per Dñm.

Postcommunio.

DEUS, cui soli competit medicinam præstare post mortem: præsta, quaesumus, ut animæ famulorum famularumque tuarum terrenis exutæ contagiis, in tuæ redemptionis parte numerentur. Qui vivis & regnas.

Alia pro pluribus Defunctis. Oratio.

ANimabus, quaesumus, Domine, famulorum famularumque tuarum misericordiam concede perpetuam: ut eis proficiat in æternum, quod in te speraverunt & crediderunt. Per Dñm.

Secreta.

HIS, Domine, quaesumus, placatus intende muneribus: & quod ad laudem tui nominis supplicantes offerimus, ad indulgentiam proficiat defunctorum. Per Dñm.

Postcommunio.

SUPPLICES, Domine, pro animabus famulorum famularumque tuarum preces effundimus, obsecrantes: ut quidquid conversatione contraxerunt humanæ, & clementer indulgeas, & in tuorum fede lætantium constituas redemptorum. Per Dñm.

O R D O

A D F A C I E N D A M

AQUAM BENEDICTAM.

Die Dominica, in Sacristia præparato sale & aqua benedicenda, Sacerdos celebraturus Missam, vel alius ad id deputatus, alba vel superpelliceo indutus cum stola circa collum, primo dicit:

V. Adjutorium nostrum in nomine Domini.

R. Qui fecit cælum & terram.

Deinde absolute, incipit exorcismum salis.

EXORCIZO te, creatura salis, per Deum ✠ vivum, per Deum ✠ verum, per Deum ✠ sanctum: per Deum, qui te per Eliseum prophetam in aquam mitti iussit, ut sanaretur sterilitas aquæ: ut efficiaris sal exorcizatum in salutem credentium: & sis omnibus fumentibus

te sanitas animæ & corporis: & effugiat atque discedat à loco, in quo aspersum, fueris, omnis phantasia & nequitia vel versutia diabolicæ fraudis, omnisque spiritus immundus adjuratus per eum, qui venturus est judicare vivos & mortuos, & sæculum per ignem. *R.* Amen.

Orémus.

Oratio.

Immensam clementiam tuam, omnipotens æternæ Deus, humiliter imploramus: ut hanc creaturam salis, quam in usum generis humani tribuisti, benedícere & sanctificáre tuâ pietate digneris: ut sit omnibus fumentibus salus mentis & corporis: & quidquid ex eo tactum vel respersum fuerit, careat omni immunditiâ, omni-que impugnatione spiritalis nequitiae. Per Dñm.

Exorcismus Aquæ, & dicitur absolute.

Exorcizo te, creatura aquæ in nomine Dei ✠ Patris omnipotentis, & in nomine Jesu ✠ Christi Filii ejus Domini nostri, & in virtute Spiritus ✠ sancti: ut fias aqua exorcizata ad effugandam omnem potestatem inimici, & ipsum inimicum eradicare & explantare valeas cum angelis suis apostolicis, per virtutem ejusdem Domini nostri Jesu Christi: qui venturus est judicare vivos & mortuos, & sæculum per ignem. *R.* Amen.

Orémus.

Oratio.

Deus, qui ad salutem humani generis, máxima quæque sacramenta in aquarum substantia condidisti: adesto propitius invocationibus nostris, & elemento huic multimodis purificationibus præparato, virtutem tuæ benedictionis infunde: ut creatura tua

mysteriis tuis serviens, ad abigendos daemones, morbosque pellendos, divinæ gratiæ sumat effectum: ut quidquid in domibus vel in locis fidelium hæc unda resperferit, careat omni immunditiâ, liberetur à noxa: non illic resideat spiritus pestilens, non aura corrumpens: discedant omnes insidiæ latentis inimici: & si quid est, quod aut incolumitati habitantium invidet, aut quieti, asperzione hujus aquæ effugiat: ut salubritas per invocationem sancti tui nominis expetita, ab omnibus sit impugnationibus defensa. Per Dñm.

Hic ter mittat sal in aquam in modum crucis, dicendo semel:

Commixtio salis & aquæ pariter fiat, in nomine Pa-tris, & Fi-lii, & Spiritus ✠ sancti. *R.* Amen.

V. Dominus vobiscum.

R. Et cum spiritu tuo.

Orémus.

Oratio.

Deus invictæ virtutis auctor, & insuperabilis imperii rex, ac semper magnificus triumphator: qui adversæ dominationis vires reprimis: qui inimici rugientis sævitiam superas: qui hostiles nequitias potenter expungas: te, Domine, treméntes & supplices deprecámur, ac pétimus; ut hanc creaturam salis & aquæ dignanter aspicias, benignus illústres, pietatis tuæ rore sanctifices: ut ubicúmque fuerit aspersa, per invocationem sancti nominis tui, omnis infestatio immundi spiritus abigatur: terrorque venenosi serpentis procul pellatur: & præsentia sancti Spiritus nobis misericórdiam tuam poscentibus, ubique adesse dignetur. Per Dñm. . . . in unitate ejusdem Spiritus sancti Deus.

¶ *Finita Benedictione, Sacerdos celebraturus indutus pluviali coloris Officio convenientis, accedit ad Altare, & ibi ad gradus cum ministris genuflexus, etiam tempore Paschali, accipit à Diacono aspersorium, & primò ter aspergit, Altare, deinde se & erectus ministros, incipiens Antiphonam, Aspérge me. Et Chorus prosequitur: Dómine, hyssópo. ut infra. Interim Celebrans aspergit Clerum, deinde populum, dicens submissa voce cum ministris Psalmum, Miserére meí, Deus.*

Ant. Aspérge me, Dómine, hyssópo & mundábor: lavábis me, & super nivem dealbábor.

Pf. Miserére meí, Deus, secúndum magnam misericórdiam tuam.

V. Glória Patri.

Et repetitur Antiph. Aspérge me.

Hæc Antiphona prædicto modo dicitur ad asperisionem aquæ benedictæ in Dominicis per totum annum: excepta Dominica de Passione, & Dominica Palmarum, in quibus non dicitur, Glória Patri. sed post Psalmum, Miserére. repetitur immediate Ant. Aspérge me. Excepto etiam tempore Paschali scilicet à Dominica Paschæ usque ad Pentecosten inclusive, quo tempore cantatur sequens Antiphona:

Vidi aquam egredientem de templo à latere dextro, allelúia: & omnes ad quos pervénit aqua ista, salvi facti sunt, & dicent, allelúia, allelúia.

Pf. 117. Confitémini Dómino quóniam bonus: quóniam in sæculum misericórdia ejus.

V. Glória Patri.

Repetitur Antiphona, Vidi aquam.

In Dominica vero Trinitatis resumitur, Aspérge me.

In die sancto Paschæ & Pentecostes ubi est Fons Baptismalis, fit aspersio cum aqua pridie benedicta in Fonte Baptismi, & ante infusionem olei, & Chrismatis accepta. Finita Antiphona supradicto modo, Sacerdos, qui aspergit aquam, reversus ad Altare, stans ante gradus Altaris junctis manibus, dicat:

V. Orénde nobis, Dómine, misericórdiam tuam. Temp. Pasch. addit. Allel.

R. Et salutáre tuum da nobis.

V. Dómine, exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus. Oratio.

EXáudi nos, Dómine sancte, Pater omnipotens, ætérne Deus: & mittere dignéris sanctum Angelum tuum de cœlis, qui custódiat, foveat, protégat, vísitet, atque deféndat omnes habitantes in hoc habitáculo. Per Christum Dóminum nostrum. *R. Amen.*

BENEDICTIO AGNI IN PASCHA.

V. Adjutórium nostrum in nómine Dómini.

R. Qui fecit cœlum & terram.

V. Dóminus vobíscum.

R. Et cum spíritu tuo.

Orémus.

DEus, qui per sámulum tuum Móysen, in liberatione pópuli tui de Ægypto, agnum occídi jussísti in similitúdinem Dómini nostri Jesu Christi, & utrósque postes domórum de sanguine ejúsdem agni perúngi præcepísti: ita benedícere, & sanctificáre dignéris hanc creatúram carnis, quam nos sámul tui ad laudem tuam fúmere cōsiderámus, per resurrectionem ejúsdem

Dómini nostri Jesu Christi: Qui tecum
vivit & regnat in sæcula sæculórum.

R. Amen.

Et mox aspergit aqua benedicta.

BENEDICTIO OVORUM.

V. Adjutórium nostrum in nómine
Dómini.

R. Qui fecit coelum & terram.

V. Dóminus vobíscum.

R. Et cum spíritu tuo.

Orémus.

SUBVÉNIAT, quæsumus, Dómine, tuæ
bene+dictiónis grátia huic ovórum
creatúræ: ut cibus salúbris fiat fidéli-
bus tuis in tuárum gratiárum actióne
suméntibus, ob resurrectiónem Dómini
nostri Jesu Christi: Qui tecum vivit &
regnat in sæcula sæculórum. R. Amen.

Et aspergat aqua benedicta.

BENEDICTIO PANIS.

V. Adjutórium nostrum in nómine
Dómini.

R. Qui fecit coelum & terram.

V. Dóminus vobíscum.

R. Et cum spíritu tuo.

Orémus.

DÓMINE Jesu Christe, panis Ange-
lórum, panis vivus æternæ vitæ,
bene+dicere dignáre panem istum, si-
cut benedixísti quinque panes in de-
sérto: ut omnes ex eo gustántes, inde
córporis & animæ percípiant sanitátem.
Qui vivis & regnas in sæcula sæculó-
rum. R. Amen.

Et aspergát aqua benedicta.

ALIA BENEDICTIO PANIS.

V. Adjutórium nostrum in nómine
Dómini.

R. Qui fecit coelum & terram.

V. Dóminus vobíscum.

R. Et cum spíritu tuo.

Orémus.

DÓMINE sancte, Pater omnípotens,
æternæ Deus, bene+dicere digné-
ris hunc panem tuá sanctá spirituáli
benedictióne: ut sit ómnibus sumén-
tibus salus mentis & córporis; atque
contra omnes morbos, & univérfas ini-
micórum insídias, tutámen. Per Dó-
minum nostrum Jesum Christum Fíli-
um tuum, panem vivum, qui de coelo
descéndit, & dat vitam & salútem
mundo: & tecum vivit & regnat in
unitáte Spíritus sancti Deus, per ómnia
sæcula sæculórum. R. Amen.

Aspergatur aqua benedicta.

BENEDICTIO NOVORUM FRUCTUUM.

V. Adjutórium nostrum in nómine
Dómini.

R. Qui fecit coelum & terram.

V. Dóminus vobíscum.

R. Et cum spíritu tuo.

Orémus.

BENE+dic, Dómine, hos novos fruc-
tus N. & præsta: ut qui ex eis in
tuo sancto nómine vescéntur, córporis
& animæ salúte potiántur. Per Chris-
tum Dóminum nostrum. R. Amen.

Et aspergantur aqua benedicta.

B E N E D I C T I O

AD QUODCUMQUE COMESTIBILE.

V. Adjutórium nostrum in nómine
Dómini.

R. Qui fecit coelum & terram.

V. Dóminus vobíscum.

R. Et cum spíritu tuo.

Orémus.

BENE+dic, Dómine, creatúram istam
N. ut sit remédium salutáre géneri

humano: & praeſta per invocationem ſancti nominis tui; ut quicumque ex ea ſumpſerint, corporis ſanitatē, & animae tutelam percipiant. Per Chriſtum Dñm noſtrum. *R.* Amen.

Aspergat id aqua benediſta.

BENEDICTIO CANDELARUM.

V. Adjutorium noſtrum in nomine Dñi. *R.* Qui fecit coelum & terram.

V. Dominus vobiscum.

R. Et cum ſpiritu tuo.

Orémus.

Domine Jeſu Chriſte, Fili Dei vivi, beneſdic candēlas iſtas ſupplicationibus noſtris: infunde eis, Domine, per virtutem ſanctae Cruſcis, benedictionem coeleſtem, qui eas ad repellendas tenebras humano generi tribuſti, talēque benedictionem ſignaculo ſanctae Cruſcis accipiant, ut quibuscumque locis accenſae ſive poſitae fuerint, diſcedant principes tenebrarum, & contremiſcant, & fugiant pavidi cum omnibus miniſtris ſuis ab habitationibus illis: nec praesumant amplius inquietare aut moleſtare ſervientes tibi omnipotenti Deo. Qui vivis. *R.* Amen.

Postmodum aspergantur aqua benediſta.

BENEDICTIO LOCI.

V. Adjutorium noſtrum in nomine Dñi. *R.* Qui fecit coelum & terram.

V. Dominus vobiscum.

R. Et cum ſpiritu tuo.

Orémus.

Beneſdic, Domine Deus omnipotens, locum iſtum, ut ſit in eo ſanitas, caſtitas, victoria, virtus, humilitas, bonitas, & manſuetudo, plenitudo legis, & gratiarum actio Deo Patri, & Filio, & Spiritui ſancto: & haec benedictio maneat ſuper hunc locum, & ſuper

habitantes in eo, nunc & in omnia ſaecula ſaeculorum. *R.* Amen.

Et aspergatur aqua benediſta.

BENEDICTIO DOMUS NOVAE.

V. Adjutorium noſtrum in nomine Dñi. *R.* Qui fecit coelum & terram.

V. Dominus vobiscum.

R. Et cum ſpiritu tuo.

Orémus.

TE Deum Patrem omnipotentem ſuppliciter exoramus pro hac domo, & pro habitatoribus ejus, ac rebus: ut eam beneſdicere, & ſanctiſicare, ac bonis omnibus ampliare digneris: tribue eis, Domine, de rore coeli abundantiam & de pinguedine terrae vitae ſubſtantiam, & deſideria voti eorum ad effectum tuae miſerationis perducas. Ad introitum ergo noſtrum beneſdicere & ſanctiſicare digneris hanc domum, ſicut benedecere dignatus es domum Abraham, & Isaac, & Jacob: & intra parietes domus iſtius, Angeli tuae lucis inhabitent, eamque & ejus habitatores cuſtodiant. Per Chriſtum Dñm noſtrum. *R.* Amen.

Deinde aspergat aqua benediſta.

BENEDICTIO THALAMI.

V. Adjutorium noſtrum in nomine Dñi. *R.* Qui fecit coelum & terram.

V. Dominus vobiscum.

R. Et cum ſpiritu tuo.

Orémus.

Beneſdic, Domine, thalamum hunc: ut omnes habitantes in eo, in tua pace conſiſtant, & in tua voluntate permanant, & ſeneſcant, & multiplicentur in longitudinem dierum, & ad regna coelorum perveniant. Per Chriſtum Dñm noſtrum. *R.* Amen.

Postea aspergat thalam. aqua benediſta.

BENEDICTIO NOVÆ NAVIS.

V. Adjutórium nostrum in nómine
Dñi. R. Qui fecit cœlum & terram.

V. Dóminus vobíscum.

R. Et cum spíritu tuo.

Orémus.

Propitiâre, Dómine, supplicatióibus nostris, & bene†dic navem istam dexterâ tuâ sanctâ, & omnes qui in ea vehéntur, sicut dignátus es benedicere arcam Noë ambulántem in dilúvio: pórrige eis, Dómine, dexteram tuam, sicut porrexísti beáto Petro ambulánti supra mare: & mitte sanctum Angelum tuum de cœlis, qui líberet & custódiat eam semper à perículis univérſis, cum ómnibus quæ in ea erunt: & fámulos tuos, repúlſis adverſitatibus, portu semper optábili cursúque tranquillo tueáris transactísque, ac rectè perfectis negotiis ómnibus, iteráto témpore ad própria cum omni gáudio revocáre dignéris. Qui vivis & regnas in sæcula sæculórum. R. Amen.

Aspergat navim aqua benedicta.

BENEDICTIONES AB EPISCOPIS,

VEL ALIIS FACULTATEM HABENTIBUS, FACIENDÆ.

BENEDICTIO sacerdotalium Indumentorum in genere.

V. Adjutórium nostrum in nómine

Dñi. R. Qui fecit cœlum & terram.

V. Dóminus vobíscum.

R. Et cum spíritu tuo.

Orémus.

OMnípotens sempitérne Deus, qui per Móysen fámulum tuum Pontificália & sacerdotália seu levítica vestiménta, ad expléndum in conspéctu tuo ministérium eórum, ad honórem & decórem nóminis tui fieri decrevísti:

adéſto propítius invocatióibus nostris: & hæc induménta sacerdotália, désuper irrigánte grátia tuâ, ingénti benedictiône per nostræ humilitátis fervítium purifi†cáre, bene†dicere, & conse†cráre dignéris: ut divínis cúltibus & sacris mystériis apta & benedicta exístant: his quoque sacris véstibus Pontífices, & Sacerdótes, seu Levítæ tui indúti, ab ómnibus impulsiónibus seu tentatióibus malignórum spírituum muniti & defénsi esse mereántur: tuísque mystériis aptè & condigné servíre & inhærere, atque in his tibi plácité & devótè perseveráre tríbue. Per Christum Dñm nostrum. R. Amen.

Orémus.

DEus, invíctæ virtútis triumphátor, & ómnium rerum creátor ac sanctificátor, inténde propítius preces nostras: & hæc induménta leviticæ, sacerdotális & pontificális glóriæ ministris tuis fruenda, tuo ore próprio bene†dicere, sancti†ficáre, & conse†cráre dignéris: omnesque eis uténtes, tuis mystériis aptos, & tibi in eis devótè ac laudabíliter serviéntes; gratos efficere dignéris. Per Dñm nostrum Jesum Christum Fílium tuum: Qui. R. Amen.

Orémus.

Domine Deus omnípotens, qui vestiménta Pontificibus, Sacerdóti-bus, & Levítis, in usum tabernáculi foederis necessária, Móysen fámulum tuum ágere jussísti, eúmque spíritu sapiéntiæ ad id peragéndum replevísti: hæc vestiménta in usum & cultum mystérii tui bene†dicere, sancti†ficáre, & conse†cráre dignéris: atque ministros altáris tui, qui ea indúerint, septifórmis Spíritûs grátia dignánte repleri,

atque castitatis stolâ, beatâ facias cum bonorum fructu operum ministerii congruentis immortalitate vestiri. Per Christum Dñm nostrum. *R.* Amen.

Deinde aspergit ipsa indumenta aqua benedicta.

B E N E D I C T I O

Mapparum et Tobalarum, sive Linteaminum Altaris.

V. Adjutorium nostrum in nomine Dñi. *R.* Qui fecit coelum & terram.

V. Dominus vobiscum.

R. Et cum spiritu tuo.

Orémus.

EXaudi, Domine, preces nostras: & hæc linteamina sacri altaris usus præparata benedicere, & sanctificare digneris. Per Christum Dominum nostrum. *R.* Amen.

Orémus.

Domine, Deus omnipotens, qui Moysen famulum tuum ornamenta & linteamina facere, per quadraginta dies docuisti; quæ etiam Maria texuit, & fecit in usum ministerii tabernaculi foederis: benedicere, sanctificare, & consecrare digneris hæc linteamina ad tegendum, involvendumque altare gloriosissimi Filii tui Domini nostri Jesu Christi: Qui tecum vivit. *R.* Amen.

Deinde aspergit ea aqua benedicta.

B E N E D I C T I O C O R P O R A L I U M.

V. Adjutorium nostrum in nomine Dñi. *R.* Qui fecit coelum & terram.

V. Dominus vobiscum.

R. Et cum spiritu tuo.

Orémus.

Clementissime Domine, cujus inenarrabilis est virtus, cujus myste-

ria arcânis mirabilibus celebrantur: tribue, quæsumus; ut hoc linteamen tuæ propitiationis benedictione sanctificetur ad consecrandum super illud Corpus & Sanguinem Dei & Domini nostri Jesu Christi Filii tui: Qui tecum vivit & regnat. *R.* Amen.

Orémus.

Omnipotens sempiternæ Deus benedicere, sanctificare, & consecrare digneris linteamen istud ad tegendum, involvendumque Corpus & Sanguinem Domini nostri Jesu Christi Filii tui: Qui tecum vivit. *R.* Amen.

Orémus.

Omnipotens Deus, manibus nostris opem tuæ benedictionis infunde: ut per nostram benedictionem hoc linteamen sanctificetur, & Corporis ac Sanguinis Redemptoris nostri novum sudarium, Spiritus sancti gratia efficiatur. Per eundem Dñm... in unitate ejusdem Spiritus sancti. *R.* Amen.

Et aspergit aqua benedicta.

B E N E D I C T I O T A B E R N A C U L I,
seu Vasculi pro sacrosancta Eucharistia conservanda.

V. Adjutorium nostrum in nomine Dñi. *R.* Qui fecit coelum & terram.

V. Dominus vobiscum.

R. Et cum spiritu tuo.

Orémus.

Omnipotens sempiternæ Deus, majestatem tuam supplices deprecamur: ut vasculum hoc pro Corpore Filii tui Domini nostri Jesu Christi in eo condendo fabricatum, benedictionis tuæ gratia dicere digneris. Per eundem Dñm. *R.* Amen.

Et aspergit illud aqua benedicta.

O R A T I O

IN CONSECRATIONE EPISCOPI,

*Quæ dicitur cum Oratione Missæ diei
sub una conclusione: & similiter Se-
creta, & Postcommunio.*

Oratio.

ADēſto ſupplicationibus noſtris,
omnipotens Deus: ut quod
humilitatis noſtræ gerendum eſt mi-
niſterio, tuæ virtutis impleatur effectu.
Per Dñm.

*Secreta.**Consecrator.*

SUſcipe, Dómine, múnera, quæ tibi
offérimus pro hoc fámulo tuo: ut
propítius in eo tua dona cuſtódias. Per
Dñm.

Consecratus dicit:

SUſcipe. Dómine, múnera, quæ tibi
offérimus pro me fámulo tuo: ut
propítius in me tua dona cuſtódias. Per
Dñm.

*Infra actionem.**Consecrator.*

HANC ígitur oblationem ſervitutis
noſtræ, ſed & cunctæ familiæ tuæ,
quam tibi offérimus étiam pro hoc fá-
mulo tuo, quem ad Episcopátus ór-
dinem promovére dignátus es, quæſu-
mus, Dómine, ut placátus accípias, &
propítius in eo tua dona cuſtódias: ut
quod dīvīno múnere conſecútus eſt,
dīvīnis effectibus exequatur: diésque
noſtros in tua pace diſpónas: atque
ab ætérna damnatione nos éripi, & in
electórum tuórum júbeas grege nume-
rári. Per Christum Dóminum noſtrum.
Amen.

Consecratus dicit:

HANC ígitur oblationem ſervitutis
noſtræ, ſed & cunctæ familiæ tuæ,
quam tibi offérimus étiam pro me fá-

mulo tuo, quem ad Episcopátus ór-
dinem promovére dignátus es, quæſu-
mus, Dómine, ut placátus accípias, &
propítius in me tua dona cuſtódias: ut
quod dīvīno múnere conſecútus ſum,
dīvīnis effectibus éxequar: diésque
noſtros in tua pace diſpónas: atque
ab ætérna damnatione nos éripi, & in
electórum tuórum júbeas grege nume-
rári. Per Christum Dóminum noſtrum.
Amen.

Postcommunio.

PLEnum, quæſumus, Dómine, in no-
bis remédium tuæ miſerationis
operáre: ac tales nos eſſe pérſice pro-
pítius, & ſic fovéri: ut tibi in ómni-
bus placére valeámus. Per Dñm.

O R A T I O

IN COLLATIONE SACRORUM ORDINUM,

*Quæ dicitur cum Oratione Missæ diei
sub una conclusione: & similiter Se-
creta, & Postcommunio.*

Oratio.

EXáudi, quæſumus, Dómine, ſúp-
plicum preces, & devóto tibi pec-
tore famulánteſ, perpétuâ deſenſi-
one cuſtódi: ut nullis perturbati-
onibus impediti, líberam ſervitútem tuis ſemper
exhibeámus officiis. Per Dñm.

Secreta.

TUIS, quæſumus, Dómine, operáre
myſtériis: ut hæc tibi múnera
dignis méntibus offerámus. Per Dñm.

Postcommunio.

QUOS tuis, Dómine, réſicis ſacra-
méntis, contínuis attólle benígnus
auxíliis: ut tuæ redemptionis effec-
tum, & myſtériis capiámus, & móri-
bus. Per Dñm.

MISSÆ SANCTORUM

Celebrandæ aliquibus in Locis ex indulto Apostolico.

DIE XVIII. DECEMBERIS.

IN FESTO EXPECTATIONIS
BEATÆ Mariæ Virginis.

Introitus. Isaia 45.

R Orate cœli deſuper & nubes
pluant juſtum: aperiatur terra,
& gérminet Salvatórem. *Pſ. 84.* Be-
nedixiſti, Dómine, terram tuam: a-
vertiſti captivitátem Jacob.

Ŵ. Gloria Patri.

Orémus.

Oratio.

DEus, qui de beátæ Mariæ Vir-
ginis útero, Verbum tuum,
Angelo nuntiánte, carnem ſuſcípere
voluíſti: præſta ſupplicibus tuis; ut,
qui verè eam genitrícem Dei crédi-
mus, ejus apud te interceſſiónibus
adjuvémur. Per eúndem Dñm.

Lectio Isaiaæ Prophætæ. 7. b.

IN diébus illis: Locútus eſt Dómi-
nus ad Achaz, dicens: Pete tibi
ſignum à Dómino Deo tuo in profún-
dum inférni, ſive in excélſum ſuprà.
Et dixit Achaz: Non petam, & non
tentábo Dóminum. Et dixit: Audíte
ergo domus David: Numquid parum
vobis eſt moléſtos eſſe homínibus,
quia moléſti eſtis & Deo meo? Propter
hoc dabit Dóminus ipſe vobis ſignum.
Ecce virgo concípiet, & páriet fílium,
& vocábitur nomen ejus Emmánuel.
Butyrum & mel cómedet, ut ſciat re-
probáre malum, & elígere bonum.

Grad. Pſ. 23. Tóllite portas prín-
cipes veſtras, & elevámini portæ

æternáles, & introíbit Rex glóriæ.
*Ŵ. Quis aſcéndet in montem Dómini,
aut quis ſtabit in loco ſancto ejus?
Innocens mánibus, & mundo corde.
Allelúia, allel. Ŵ. Luc. 1.* Ecce con-
cípiet, & páriet fílium Jeſum Chriſ-
tum. Allelúia.

Sequéntia ſancti Evangélíi ſecúndum
Lucam. 1.

IN illo témpore: Miſſus eſt Ange-
lus Gábriël à Deo in civitátem
Galilææ, cui nomen Názareth, ad
Vírginem deſponſátam viro, cui no-
men erat Joſeph, de domo David, &
nomen vírginis María. Et ingréſſus
Angelus ad eam dixit: Ave, grátia
plena: Dóminus tecum: Benedícta
tu in muliéribus. Quæ cùm audíſſet,
turbáta eſt in ſermóne ejus: & cogi-
tábat qualis eſſet iſta ſalutátio. Et
ait Angelus ei: Ne tímeas, María:
inveníſti enim grátiam apud Deum:
Ecce concípies in útero: & páries fí-
lium, & vocábis nomen ejus Jeſum.
Hic erit magnus, & Fílius Altíſſimi
vocábitur, & dabit illi Dóminus
Deus ſedem David patris ejus: &
regnábit in domo Jacob in ætérnum,
& regni ejus non erit finis. Dixit au-
tem María ad Angelum: Quómodo
fiet iſtud, quóniam virum non cog-
nóſco? Et reſpóndens Angelus, dixit
ei: Spíritus ſanctus ſupervéniet in
te, & virtus Altíſſimi obumbrábit ti-
bi. Ideóque & quod naſcétur ex te

Sanctum, vocabitur Filius Dei. Et ecce Elisabeth cognata tua, & ipsa concépit filium in senectute sua: & hic mensis sextus est illi, quæ vocatur stérilis: quia non erit impossibile apud Deum omne verbum. Dixit autem María: Ecce ancilla Dómini, fiat mihi secundum verbum tuum. Credo.

Offert. Luc. 1. Ave, María, grátia plena: Dóminus tecum: Benedícta tu in mulieribus, & benedíctus fructus ventris tui.

Secreta.

IN méntibus nostris, quæsumus, Dómine, veræ fidei sacramenta confirma: ut qui concéptum de Virgine Deum verum & hóminem confitemur; per ejus salutíferæ resurrectionis poténtiam, ad ætérnam mereamur pervenire lætítiam. Per eúndem Dñm nostrum.

Præfatio. Et te in expectatióne beatæ Mariæ, fol. 212.

Commun. Isaia 7. Ecce virgo concipiet, & páriet filium: & vocabitur nomen ejus Emmánuel.

Postcommunio.

GRátiam tuam, quæsumus, Dómine, méntibus nostris infunde: ut qui, Angelo nuntiánte, Christi Filii tui incarnationem cognóvimus: per passióem ejus & crucem ad resurrectionis glóriam perducámur. Per eúndem Dñm nostrum Jesum Christum Filium tuum: Qui tecum vivit & regnat.

Si hoc festum venerit Feria quarta Quatuor Temp. in fine non dicitur Evangelium Feriæ, quia dictum est; sed S. Joannis.

DIE XXIII. JANUARI.
IN FESTO DESPONSATIONIS BEATÆ
MARIÆ VIRGINIS.

Introitus. Sedulius.

SAlve, sancta parens, eníxa puérpera Regem: qui cœlum terrámque regit in sæcula sæculórum.

Ps. 44. Eructávit cor meum verbum bonum: dico ego ópera mea Regi. *V.* Glória Patri.

Orémus.

Oratio.

FAmulis tuis, quæsumus, Dómine, cœlestis grátiae munus impertire: ut quibus beatæ Virginitas partus éxitit salutis exórdium, Desponsatiónis ejus votiva solémnitas, pacis tríbuat incrementum. Per.

Et fit commem. S. Joseph, ubi concessa est, ante quascumque commemor. etiam Dominicæ.

Oratio.

SANCTÍSSIMÆ Genitrícis tuæ Sponsi, quæsumus, Dómine, méritis adjuvémur: ut quod possibílitas nostra non óbtinet, ejus nobis intercessiône donétur.

Deinde Sanctæ Emerentianæ.

Oratio.

INDulgéntiam nobis, quæsumus, Dómine, beata Emerentiána Virgo & Martyr implóret: quæ tibi grata semper éxitit & mérito castitátis, & tuæ professiône virtútis. Per.

Lectio libri Sapiéntiæ. Prov. 8. c.

Dominus possédit me in inítio viárum suárum, ántequam quidquam fáceret à princípío. Ab ætérno ordináta sum, & ex antiquis, ántequam terra fieret. Nondum erant abyssi, & ego jam concépta eram: necdum fontes aquárum erú-

perant: necdum montes gravi mole
constiterant: ante colles ego parturi-
ebar: adhuc terram non fecerat, &
flumina, & cardines orbis terræ.
Quando præparabat cælos, áderam:
quando certâ lege, & gyro vallabat
abyssos: quando æthera firmabat
furfum, & librabat fontes aquarum:
quando circumdabat mari terminum
suum, & legem ponebat aquis, ne
transirent fines suos: quando appen-
debat fundamenta terræ. Cum eo
eram, cuncta componens: & delectá-
bar per singulos dies, ludens coram
eo omni tempore, ludens in orbe ter-
rarum: & deliciae meæ, esse cum fi-
liis hominum. Nunc ergo filii au-
dite me: Beati qui custodiunt vias
meas. Audite disciplinam & estote
sapientes, & nolite abjicere eam.
Beatus homo qui audit me, & qui
vigilat ad fores meas quotidie, & ob-
servat ad postes ostii mei. Qui me
invenerit, inveniet vitam, & háuriet
salutem à Dómino.

Graduale. Benedicta & venerábi-
lis es, Virgo María, quæ sine tactu
pudoris, inventa es Mater Salvató-
ris. *V.* Virgo Dei genitrix, quem
totus non capit orbis, in tua se clau-
sit viscera, factus homo. *Allel. allel.*
V. Felix es, sacra Virgo María, &
omni laude digníssima, quia ex te
ortus est sol justitiæ, Christus Deus
noster. *Allelúia.*

*Post Septuagesimam, omittis Allelúia,
& Versu sequenti, dicitur:*

Tractus. Gaude, María Virgo,
cunctas hæreses sola interemisti.
V. Quæ Gabriélis Archángeli dictis
credidisti. *V.* Dum virgo Deum &
hominem genuisti: & post partum

Virgo, inviolata permansisti. *V.* Dei
genitrix intercède pro nobis.
*Sequentia sancti Evangelii secundum
Matthæum. I. c.*

CUM esset desponsata mater Jesu
María Joseph, antequam conve-
nirent, inventa est in útero habens
de Spiritu sancto. Joseph autem vir
ejus cum esset justus, & nollet eam
traducere, voluit occultè dimittere
eam. Hæc autem eo cogitante, ecce
Angelus Dómini apparuit in somnis
ei, dicens: Joseph fili David, noli
timere accipere Mariam conjugem
tuam: quod enim in ea natum est, de
Spiritu sancto est. Pariet autem Fi-
lium, & vocabis nomen ejus Jesum.
Ipse enim salvum faciet populum
suum à peccatis eorum. *Credo.*

Offertorium. Beata es, Virgo Ma-
ría, quæ omnium portasti Creató-
rem: genuisti, qui te fecit, & in ætér-
num permanes Virgo.

Secreta.

UNIGENITI tui, Dómine, nobis
succurrat humanitas: ut qui
natus de Virgine, matris integritatem
non minuit, sed sacravit, in Despon-
sationis ejus sollemniis, nostris nos
piaculis exuens, oblationem nostram
tibi faciat acceptam Jesus Christus
Dóminus noster. Qui tecum vivit
& regnat.

Pro S. Joseph. Secreta.

DEBITUM tibi, Dómine, nostræ
reddimus servitutis, supplici-
ter exorantes: ut suffragiis beati Jo-
seph Sponsi Genitricis Filii tui Jesu
Christi Dómini nostri, in nobis tua
múnera tuearis; ob cujus venerán-
dam commemorationem, laudis tibi
hostias immolamus.

Pro S. Emerentiana. Secreta.

Hostias tibi, Dómine, beátæ Emerentiánæ Vírginis & Mártiris tuæ dicátas méritis, benígnus assúme: & ad perpétuum nobis tríbe prove-níre subsidium. Per Dñm.

Præfatio de Beata Maria. Et te in Desponsatione. fol. 212.

Communio. Beáta víscera Mariæ Vírginis, quæ portavérunt æterni Patris Fílium.

Postcommunio.

Sumpsimus, Dómine, celebritátis ánnuæ votíva sacraménta: præsta, quæsumus; ut & temporális vitæ nobis remédia præbeant, & æternæ. Per Dñm.

Pro S. Joseph. Postcommunio.

Adesto nobis, quæsumus, miséricors Deus: & intercedente pro nobis beáto Joseph. Confessóre, tua circa nos propitiátus dona custódi.

Pro S. Emerentiana. Postcommunio.

Divini múnieris largitáte satiáti, quæsumus, Dómine Deus noster: ut intercedente beátâ Emerentiánâ Vírgine & Mártire tuâ, in ejus semper participatióne vivámus. Per Dñm.

DOMINICA III. POST PASCHA.

Missæ PATROCINII S. JOSEPH.

Introitus. Ps. 32.

Adjútor, & Protéctor noster est Dóminus; in eo lætábitur cor nostrum: & in nómine sancto ejus Iperávimus, allel. allel. *Ps. ib.* Qui regis Israëlinténde: qui dedúcis velut ovem Joseph. *V.* Glória Patri.

Orémus.

Oratio.

Deus, qui ineffábili providentiâ beátum Joseph Sanctíssimæ

Genitrícis tuæ sponsum elígere dignátus es: præsta, quæsumus; ut quem protectórem venerámur in terris, intercessórem habére mereámur in cœlis. Qui vivis.

Et fit commemoratio Dominicæ.

Lectio libri Génésis. 49.

Filius accrésceus Joseph, fílius accrésceus & decórus aspéctu: fíliæ discurrérunt super murum. Sed exasperavérunt eum, & jurgáti sunt, inviderúntque illi habéntes jácula. Sedit in forti arcûs ejus, & dissolúta sunt víncula brachiórum, & mánuum illius per manus poténtis Jacob: inde pastor egréssus est, lapis Israëli. Deus patris tui erit adjútor tuus, & Omnípotens benedícet tibi benedictiónibus cœli désuper, benedictiónibus abyssi jacéntis deórsum, benedictiónibus úberum, & vulvæ. Benedictiónes patris tui confortátæ sunt benedictiónibus patrum ejus, donec veníret desidérium cóllium æternórum: fiant in cápite Joseph, & in vértice Nazaræi inter fratres suos.

Allelúia, allelúia.

V. De quacúmque tribulatióne clamáverint ad me, exáudiam eos: & ero protéctor eórum semper, *Allelúia.* *V.* Fac nos innócuam, Joseph, decúrrire vitam, sitque tuo semper tuta patrocínio. *Allelúia.* Sequéntia sancti Evangélíi secúndum Lucam. 3.

In illo témpore: Factus est autem cùm baptizáretur omnis pópulus & Jesu baptizáto, & oránte, apértum est cœlum, & descéndit Spíritus sanctus corporáli spécie sicut colúmba in ipsum, & vox de cœlo facta est: Tu

es Filius meus dilectus, in te complacui mihi. Et ipse Jesus erat incipiens quasi annorum triginta, ut putabatur filius Joseph.

Dicitur Credo, ratione Dominicæ.

Offertorium. Psal. 147. Lauda, Jerúsalem, Dominum: quoniam confortavit feras portarum tuarum: benedixit filiis tuis in te, Allel, allel.

Secreta.

Sanctissimæ Genitricis tuæ Sponsi Patrocínio suffulti, rogamus, Domine, clementiam tuam: ut corda nostra facias terræna cuncta despiciere, ac te verum Deum perfectâ charitate diligere. Qui vivis.

Et fit commemoratio Dominicæ.

Communio. Jacob autem genuit Joseph virum Mariæ: de quâ natus est Jesus, qui vocatur Christus, allel, allel.

Postcommunio.

Divini muneris fonte refecti, quæsumus, Domine Deus noster: ut sicut nos facis beati Joseph protectione gaudere, ita ejus meritis, & intercessione cœlestis gloriæ facias esse participes. Per Dñm.

Et fit commemoratio Dominicæ, & in fine Missæ dicitur Evangelium ejusdem.

DIE XVI. MAII.

IN FESTO S. JOANNIS Nepomuceni Martyris.

Si non fuerit expletum tempus Paschale, tunc dicitur Missa, Protexisti me. de Communi Mart. tempore Paschali, fol. vij. præter Orationes sequentes, & Evangel. Nihil est opertum. fol. vj.

Si vero fuerit post Pentecos. tunc Missa erit, Lætabitur justus. de Communi unius Mart. non Pontif. fol. v. exceptis Orationibus propriis, ut infra.

Oratio.

Deus, qui ob invictum beati Joannis Sacramentale silentium novâ Ecclesiâ tuam Martyrii coronâ decorasti: da nobis ejus intercessione, & exemplo linguam cautè custodire, ac omnia potius mala, quàm animæ detrimentum, in hoc sæculo tolerare. Per Dñm.

Secreta.

Per hæc tua, Domine, sacra mysteria illò nos charitatis igne accendâmur, quo inclytus martyr Joannes eadem peragendo flagrabat. Per.

Postcommunio.

Spíritum, Domine, fortitudinis hæc nobis tribuat, mensa cœlestis, quæ beati martyris tui Joannis pro Sacramenti honore tentatam constantiam, jûgiter aluit ad victoriam. Per Dñm ... in unitate ejusdem.

DIE XVI. JUNII.

IN FESTO S. JOANNIS FRANCISCI Regis Confessoris.

Missæ. Os Justi. de Communi Conf. non Pontificis, fol. xxij. *Oratio.*

Deus, qui ad plúrimos pro salute animarum perferendos labores beatum Joannem Franciscum Confessorem tuum mirabili charitate, & invicta patientia decorasti: concède propítius; ut ejus exemplis instructi, & intercessionibus adjúti, æternæ vitæ præmiæ consequámur. Per.

DIE XXI. JUNII.

IN FESTO S. ALOYSII Gonzagæ Conf.

Introitus. Ps. 8.

Minuisti eum paulò minùs ab Angelis: glóriâ & honore coronasti eum. *Ps. 148.* Laudáte Dominum, omnes Angeli ejus: laudáte eum, omnes virtutes ejus. V. Glória Patri.

Orémus. Oratio.

Cœlestium donorum distributor Deus : qui in Angélico juvene Aloysio miram vitæ innocentiam pari cum pœnitentia sociasti : ejus méritis & précibus concède : ut innocentem non secuti, pœnitentem imitemur. Per Dñm.

Lectio libri Sapiéntiæ. Eccl. 31.

Beatús vir, qui invéntus est sine mácula, & qui post aurum non abiit, nec sperávit in pecúnia & thesauris. Quis est hic, & laudábimus eum? Fecit enim mirabilia in vita sua. Qui probátus est in illo, & perfectus est, erit illi glória æterna : qui pótuit transgredi, & non est transgressus ; fácere mala, & non fecit. Ideo stabilita sunt bona illius in Dómino.

Grad. Ps. 70. Dómine, spes mea à juventúte mea : in te confirmátus sum ex útero ; de ventre matris meæ tu es protéctor meus. *V. Ps. 40.* Me autem propter innocentiam suscepisti, & confirmasti me in conspéctu tuo in ætérnum. Allel. allel. *V. Ps. 64.* Beátus quem elegisti & assumpsisti : inhabitábit in átriis tuis. Allelúia.

Sequentia sancti Evangelii secúndum Matthæum. 22.

In illo témpore respóndens Jesus ait Sadducæis : Errátis nescientes Scriptúras, neque virtútem Dei. In resurrectione enim neque nubent, neque nubéntur ; sed erunt sicut Angeli Dei in cœlo. De resurrectione autem mortuórum non legístis quod dictum est à Deo dicente vobis : Ego sum Deus Abraham, & Deus Isaac, & Deus Jacob? Non est Deus mortuórum, sed vivéntium. Et audientes turbæ mirabántur in doctrína ejus. Pharisei autem audientes quòd

siléntium imposuisset Sadducæis, convenerunt in unum ; & interrogávit eum unus ex eis legis doctor, tentans eum : Magister, quod est mandátum magnum in lege? Ait illi Jesus : Díliges Dóminum Deum tuum ex toto corde tuo, & in tota ánima tua, & in tota mente tua. Hoc est máximum, & primum mandátum. Secúndum autem simile est huic : Díliges próximum tuum sicut teípsum. In his duóbus mandátis, univérsa lex pendet, & Prophætæ.

Offert. Ps. 23. Quis ascéndet in montem Dómini? aut quis stabit in loco sancto ejus? Innocens manibus & mundo corde.

Secreta.

Cœlesti convivio fac nos, Dómine, nuptiáli veste indútos accúmberé ; quam beáti Aloysii pia præparátio, & juges lácrymæ inæstimabílibus ornábant margarítis. Per Dñm.

Communio. Psal. 77. Panem cœli dedit eis : Panem Angelórum manducávit homo.

Postcommunio.

Angelórum esca nutritos, Angélicis étiam, Dómine, da móribus vivere ; & ejus, quem hódie cólimus exémplo in gratiárum semper actióne manére. Per Dñm.

DIE IX. JULII.

IN FESTO BEATORUM LEONARDI ET SOCIORUM MARTYRUM GORCOMIENSIIUM.

Missæ. Intret in conspéctu. *de Comuni Plur. Mart. fol. xj.* Oratio.

Deus, qui nos concédis sanctórum Mátyrum tuórum Leonárdi & Sociórum ejus natalítia cólere : da nobis in ætérna beatitúdine de eórum societáte gaudére. Per Dñm.

M I S S A

SS. SACRAMENTI.

Quæ Feria V. cujusque hebdomadæ (extra tempus Adventus, Quadragesimæ & Vigiliarum) non impedita Officio novem Lectionum, etiam translato, sub ritu Semiduplici fieri potest.

Missæ: Cibavit eos. prout ponitur in Missis Votivis fol. xlv. in qua dicitur Gloria in excelsis. sed non dicitur Credo. Secunda & Tertia Oratio pro diversitate temporis, ut in Semiduplicibus; nisi facienda sit aliqua commemoratio. Præfatio de Nativitate: Quia per incarnati Verbi.

MISSA CONCEPTIONIS
B. Mariæ Virginis
in Sabbato per Annum.

Missæ dicitur ut in die Festi sine Credo. paucis mutatis ut infra ponuntur.

Oratio.

FAmulis tuis, quæsumus Domine, cœlestis gratiæ munus impertire: ut quibus beatæ Virginis partus extitit salutis exordium; Conceptionis ejus votiva commemoratio pacis tribuat incrementum. Per Dominum nostrum.

Secunda Oratio erit de Spiritu sancto: Deus qui corda. nisi occurrat commem. Festi simpl Tertia: Ecclesiæ tuæ. vel pro papa: Deus, omnium fidelium.

Graduale: Benedicta & venerabilis, &c.

Post Septuagesimam, omissis Alleluia, & versu sequenti dicitur:

Traetus: Gaude Maria Virgo, cunctas hæreses sola interemisti. Quæ Gabriëlis Archangeli dictis credidisti: & post partum Virgo inviolata permansisti. Dei genitrix intercede pro nobis.

Tempore Paschali omittitur Graduale, & ejus loco dicitur: Alleluia, alleluia. Felix es sacra Virgo Maria, & omni laude dignissima: quia ex te ortus est sol justitiæ, Christus Deus noster. Alleluia. Virgo Deum & hominem genuit: pacem Deus reddidit, in se reconcilians ima summis. Alleluia.

Secreta.

UNigeniti tui, Domine, nobis succurrat humanitas: ut, qui natus de Virgine, matris integritatem non minuit, sed sacravit; in Conceptionis ejus commemoratione, nostris nos piaculis exuens, oblationem nostram tibi faciat acceptam Jesus Christus Dominus noster. Qui tecum vivit & regnat.

Præfatio de B. Maria: Et te in commemoratione Conceptionis.

Postcommunio.

Sumpsimus, Domine, celebritatis sanctæ votiva Sacramenta: præsta quæsumus; ut & temporalis vitæ nobis remedia præbeant & æternæ. Per Dominum nostrum



M I S S Æ

QUORUMDAM HIBERNIÆ SANCTORUM,

A Sacra Rituum Congregatione approbatæ.

DIE XVI. JANUARI.

IN FESTO S. FURSEI Abbatis.

Missæ. Os justi. ut in Communi Abbatum, fol. xxvj.

DIE I. FEBRUARI.

IN FESTO S. BRIGIDÆ Virginis.

Missæ. Dilexisti. de Communi Virginum, fol. xxx. Oratio.

DEus, qui nos hodierna die beatae Brigidæ Virginis tuæ, annuæ solemnitate lætificas, concede propitius: ut ejus adjuvémur méritis cujus castitatis irradiámur exémpis. Per Dóminum.

DIE XVII. FEBRUARI.

IN FESTO S. FINTANI Abbatis.

Missæ. Os justi. ut in Communi Abbatum, fol. xxvj.

DIE VIII. MARTII.

IN FESTO S. CATALDI Episcopi & Confessoris.

Missæ. Statuit. de Communi Confessoris Pontificis, fol. xvij.

DIE XVII. MARTII.

IN FESTO S. PATRII Episcopi & Confessoris, & totius Regni Patroni.

Missæ, ut in Missali. Cum Credo.

DIE XVIII. MARTII.

IN FESTO S. FRIGIDIANI Ep. & Conf.

Missæ. Sacerdotes tui. de Communi Conf. Pontificis, fol. xix. Oratio.

Sancti Frigidiani Confessoris tui atque Pontificis, quæsumus, Dómine, precibus adjuvémur, ut cujus mérita celebrámus, ejus conínuum salútis sentiámus auxílium. Per Dóminum.

DIE XX. MARTII.

IN FESTO S. CUTHBERTI Ep. & Conf.

Missæ. Statuit. de Communi Conf. Pontificis, fol. xvij.

DIE XXVII. MARTII.

IN FESTO S. RUPERTI Episc. & Conf.

Missæ. Statuit. de Communi Conf. Pontificis, fol. xvij.

DIE VI. APRILIS.

IN FESTO S. COELESTINI Primi Papæ & Confessoris.

Missæ. Statuit. de Communi Conf. Pontificis, fol. xvij.

DIE VII. APRILIS.

IN FESTO S. CELSI Episc. & Conf.

Missæ. Statuit. de Communi Conf. Pontificis, fol. xvij.

DIE X. MAII.

IN FESTO S. CONGALLI Abbatis.

Missæ. Os justi. de Communi Abbatum, fol. xxvj. Cum Commem. SS. Gordiani & Epimachi Martyrum, ut in proprio Sanctorum.

DIE XV. MAII.

IN FESTO S. DYMPNÆ Virg. & Mart.

Missæ. Loquebar. de Communi Virginis & Martyris, fol. xxvj. Oratio.

A Mátor pudicitiae Deus, supplicántibus nobis tribue, ut beatae Dympnæ Virginis & Mátyris tuæ festivitátem recensémus, ejus apud te méritis & précibus adjuvémur. Per Dóminum.

DIE IX. JUNII.

IN FESTO S. COLUMBÆ Abbatis.

Missæ. Os justi. de Communi Abbatum, fol. xxvj. Cum Commemoratione SS. Primi & Feliciani Martyrum, ut in proprio Sanctorum eadem die.

DIE III. JULII. *alias 1. Julii.*

IN FESTO S. RUMOLDI Ep. & Mart.
Missa. Statuit. de Communi unius Martyris Pontificis, fol. ij. & dicitur, Credo. ratione Octavae & Præfatio Apostolorum.

Oratio.

DEus, qui intercedente beato Rumólido Mártire tuo atque Pontífice, labéntis flúminis undas tuâ virtúte sólídasti, & tríduo submérsum à mortis néxibus, & de profúndis aquárum absque humóre mirábiliter eripuísti: concéde propítius, ut ejus méritis & précibus à periculósis hujus sæculi flúctibus aripiámur, & ad portum æternæ beatitúdinis perducámur. Per.

Et fit commem. Octavae Apostolorum.

DIE VIII. JULII.

IN FESTO S. KILIANI Episc. & Mart.
Missa. Statuit. de Communi unius Martyris Pontificis, fol. ij.

DIE XXK. AUGUSTI.

IN FESTO S. FIACRII Confessoris.
Missa. Justus ut palma. de Communi Confessoris non Pontificis, fol. xxiv. Cum Commemoratione SS. Martyrum Fælicis & Adaucti, in proprio Sanctorum eadem die.

DIE XXV. SEPTEMBRIS.

IN FESTO FIRMINI Episcopi & Mart.
Missa. Sacerdotes Dei. de Communi unius Martyris Pontificis, fol. iij.

DIE XI. OCTOBRIS.

IN FESTO S. CANICI Abbatis.
Missa. Os justi. ut in Communi pro Abbatibus, fol. xxvj.

DIE XVI. OCTOBRIS.

IN FESTO S. GALLI Abbatis.
Missa. Os justi. ut in Communi pro Abbatibus, fol. xxvj.

DIE XXII. OCTOBRIS.

IN FESTO S. DONATI, Episc. & Conf.
Missa. Statuit. de Communi Confessoris Pontificis, fol. xvij.

DIE XXIX. OCTOBRIS.

IN FESTO S. COLMANI Episc. & Conf.
Missa. Statuit. de Communi Confessoris Pontificis, fol. xvij.

DIE III. NOVEMBRIS.

IN FESTO S. MALACHIAE Ep. & Conf.
Missa. Statuit. de Communi Confessoris Pontificis, fol. xvij.

Oratio.

MAjéstatem tuam, Dómine, suppliciter exorámus, ut beáti Malachíæ Confessoris tui atque Pontificis adjuvémur méritis; cujus instrúimur exémpis. Per.

Et fit Commemoratio Octavae Omnium Sanctorum, & dicitur Credo. ratione Octavae.

DIE XII. NOVEMBRIS.

IN FESTO S. LIVINI Episcopi & Mart.
Missa. Statuit ei Dominus. de Communi unius Martyris Pontificis, fol. ij.

Oratio.

DEus, qui Sanctorum Mátyrum mérita pretiosíssimo Fílii tui sânguine dedicásti: venerándam natális diem beáti Livíni Mátyris tui atque Pontificis honorántes propítius íntuere; & iisdem incolumitátem, pacem ac tandem vultus tui hilaritátem sine fine concéde. Per Dnm.

DIE XIV. NOVEMBRIS.

IN FESTO S. LAURENTII Ep. & Conf.
Missa. Statuit. de Communi Confessoris Pontificis, fol. xvij.

Oratio.

DEus, qui beátum Lauréntium Confessórem tuum atque Pontíficem, innúmeris decorásti miráculis; tribue nobis, ut ejus méritis & intercessióne, medéllam córporum, & salútem animárum cónsequi mereámur. Per Dóminum.

DIE XXIV. NOVEMBRIS.

IN FESTO S. COLUMBANI Abbatis.
Missa. Os justi. de Communi pro Abbatibus, fol. xxvj. Cum Commemoratione S. Chryfogni Martyris, ut in proprio Sanctorum eadem die.



M I S S A E

QUORUMDAM HIBERNIAE SANCTORUM,

A Sacra Rituum Congregatione approbatæ.

DIE XVI. JANUARI.

IN FESTO S. FURSEI Abbatis.

Missæ. Os justi. ut in Communi Abbatum, fol. xxvj.

DIE I. FEBRUARI.

IN FESTO S. BRIGIDÆ Virginis.

Missæ. Dilexisti. de Communi Virginum, fol. xxx.

Oratio.

DEus, qui nos hodiernâ die beatæ Brigidæ Virginis tuæ, annuâ solemnitâte lætificas: concède propitius, ut ejus adjuvémur méritis cujus castitâtis irradiámur exemplis. Per Dóminum.

DIE XVII. FEBRUARI.

IN FESTO S. FINTANI Abbatis.

Missæ. Os justi. ut in Communi Abbatum, fol. xxvj.

DIE VIII. MARTII.

IN FESTO S. CATALDI Episcopi & Confessoris.

Missæ. Statuit. de Communi Confessoris Pontificis, fol. xvij.

DIE XVII. MARTII.

IN FESTO S. PATRII Episcopi & Confessoris, & totius Regni Patroni.

Missæ, ut in Missali. Cum Credo.

DIE XVIII. MARTII.

IN FESTO S. FRIGIDIANI Episcopi & Confessoris.

Missæ. Sacerdotes tui. de Communi Confessoris Pontificis, fol. xix.

Oratio.

SANCTI Frigidiani Confessoris tui atque Pontificis, quæsumus, Dómine, precibus adjuvémur, ut cujus mérita celebrámus, ejus continuum salutis sentiámus auxilium. Per Dóminum.

DIE XX. MARTII.

IN FESTO S. CUTHBERTI Episcopi & Confessoris.

Missæ. Statuit. de Communi Confessoris Pontificis, fol. xvij.

DIE XXVII. MARTII.

IN FESTO S. RUPERTI Episcopi & Confessoris.

Missæ. Statuit. de Communi Confessoris Pontificis, fol. xvij.

Festa Sanctorum Hiberniae.

DIE VI. APRILIS.

IN FESTO S. COELESTINI Primi,
Papæ & Confessoris.

*Missæ Statuit. de Communi Confessoris
Pontificis, fol. xvij.*

DIE VII. APRILIS.

IN FESTO S. CELSI Episcopi &
Confessoris.

*Missæ Statuit. de Communi Confessoris
Pontificis, fol. xvij.*

DIE X. MAII.

IN FESTO S. CONGALLI Abbatis.

*Missæ Os justi. de Communi Ab-
batum, fol. xxvj. Cum Commem. SS.
Gordiani & Epimachi Martyrum, ut in
proprio Sanctorum, fol. 399.*

DIE XV. MAII.

IN FESTO S. DYMPNÆ Virginis
& Martyris.

*Missæ. Loquebar. de Communi Virginis
& Martyris, fol. xxvij.*

Oratio.

A Mátor pudicitiae Deus, suppli-
cántibus nobis tríbue, ut qui
beátæ Dympnæ Víriginis & Mártiris
tuæ festivitátem recensémus, ejus
apud te méritis & précibus adjuvé-
mur. Per Dóminum.

DIE IX. JUNII.

IN FESTO S. COLUMBÆ Abbatis.

*Missæ. Os justi. de Communi Abba-
tum, fol. xxvj. Cum Commemoratione
SS. Primi & Feliciani Martyrum, ut in
proprio Sanctorum, fol. 400.*

DIE III. JULII. *alias I. Julii.*

IN FESTO S. RUMOLDI Episcopi
& Martyris.

*Missæ Statuit. de Communi unius
Martyris Pontificis, fol. ij. & dicitur
Credo. ratione Octavæ, & Præfatio
Apostolorum.*

Oratio.

DEus, qui intercedente beáto Ru-
mólido Mártire tuo atque Pon-
tífice, labéntis flúminis undas tuâ
virtúte solidásti, & tríduò submér-
sum à mortis néxibus, & de profún-
dis aquárum absque humóre mira-
bíliter eripuísti: concéde propítius,
ut ejus méritis & précibus à pericu-
lósis hujus sæculi flúctibus eripiá-
mur, & ad portum æternæ beatitú-
dinis perducámur. Per Dóminum.

Et fit commem. Octavæ Apostolorum.

DIE VIII. JULII.

IN FESTO S. KILIANI Episcopi &
Martyris.

*Missæ Statuit. de Communi unius Mar-
tyris Pontificis, fol. ij.*

DIE XXX. AUGUSTI.

IN FESTO S. FIACRII Confessoris.

*Missæ. Justus ut palma. de Com-
muni Confessoris non Pontificis, fol. xxiv.
Cum Commemoratione SS. Martyrum. Fæ-
licis & Adaukti, in proprio Sanctorum,
fol. 475.*

DIE XXV. SEPTEMBRIS.

IN FESTO S. FIRMINI Episcopi
& Martyris.

*Missæ. Sacerdotes Dei. de Communi
unius Martyris Pontificis, fol. iij.*

DOMINICA PRIMA OCTOBRI.
ANNIVERSARIUM DEDICAT.
ECCLESIARUM HIBERNIAE.

*Missa. Terribilis est locus iste. de
Communi Dedicationis Ecclesiae, f. xxxvj.
Et dicitur Credo. per Octavam.*

DIE XI. OCTOBRI.
IN FESTO S. CANICI Abbatis.
*Missa. Os justi. ut in Communi pro Ab-
batibus, fol. xxvj.*

DIE XVI. OCTOBRI.
IN FESTO S. GALLI Abbatis.
*Missa. Os justi. ut in Communi pro Ab-
batibus, fol. xxvj.*

DIE XXII. OCTOBRI.
IN FESTO S. DONATI Episcopi
& Confessoris.
*Missa. Statuit. de Communi Confessoris
Pontificis, fol. xvij.*

DIE XXIX. OCTOBRI.
IN FESTO S. COLMANI Episcopi
& Confessoris.
*Missa. Statuit. de Communi Confessoris
Pontificis, fol. xvij.*

DIE III. NOVEMBRIS.
IN FESTO S. MALACHIAE Epif-
copi & Confessoris.
*Missa. Statuit. de Communi Confessoris
Pontificis, fol. xvij.*
Oratio.

MAjestatem tuam, Domine, sup-
pliciter exoramus, ut beati Ma-
lachiae Confessoris tui atque Pontif-
icis adjuvemur meritis; cujus in-
struimur exemplis. Per Dominum.

*Et fit Commem. Octavae Omnium Sanc-
torum, & dicitur Credo. ratione Octavae.*

DIE XII. NOVEMBRIS.
IN FESTO S. LIVINI Episcopi &
Martyris.

*Missa. Statuit ei Dominus. de Com-
muni unius Martyris Pontificis, fol. ij.*

Oratio.

DEus, qui Sanctorum Martyrum
merita pretiosissimo Filii tui
sanguine dedicasti: venerandam na-
talis diem beati Livini Martyris tui
atque Pontificis honorantes propi-
tius intueri; & iisdem incolumita-
tem, pacem ac tandem vultus tui
hilaritatem sine fine concede. Per
eundem Dominum.

DIE XIV. NOVEMBRIS.
IN FESTO S. LAURENTII Epif-
copi & Confessoris.

*Missa. Statuit. de Communi Confessoris
Pontificis, fol. xvij.*

Oratio.

DEus, qui beatum Laurentium
Confessorem tuum atque Pon-
tificem, innumeris decorasti miracu-
lis; tribue nobis, ut ejus meritis &
intercessione, medelam corporum, &
salutem animarum consequi mereamur.
Per Dominum.

DIE XXIV. NOVEMBRIS.
IN FESTO S. COLUMBANI Ab-
batis.

*Missa. Os justi. de Communi pro Ab-
batibus, fol. xxvj. Cum Commemoratione
S. Chrysogoni Martyris, ut in proprio
Sanctorum, fol. 527.*



Commune Sanctorum

a-m⁴n²; 50 leaves, numbered i-c.

leaves 17, 18 cancels marked *e, *e2;

leaf 26th signed g2 in minute type;

leaf 28 a cancel marked *g3.

o⁴; 4 leaves, [ci] to [cviii]. Missae sanctorum celebrandas aliquibus in Locis ex indulto Apostolico.

— One leaf. Missae quorundam Hiberniae sanctorum

— Two leaves... Another edition, with references to pages of Sanctorale inserted.

1920 Jan:31